



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





R 293.415  
I N  
**ANTIDOT.**  
RIVM IOANNIS FI-  
LII MESVAE,  
CENSURA.



*Cum declaratione simplicium Medicinarum,  
& solutione multorum dubiorum ac diffi-  
cium terminorum.*

AD HAE C,  
RECEPTARIUM quàm castigatissimum  
cum suo Repertorio, in calce apposumus.

Opus sanè tam Medicinæ studiosis, quàm  
Aromatarijs necessarium.



LVGDVNI,  
APVD IOANNEM ET FRAN-  
CISCVM FRELLONIOS,  
FRATRES. 1546



Αὐτὸνίς τὸ ἱπάρχε.

Οἶμωρ ἀκισσέρις νέφος ἔχε μίγ' ἀμυρικαλύντορ  
Πρὶν κτακρυπτόμενον. ἑκποδὶρ ἀλλὰ φανέε  
Πᾶσιμ ὅδ' ἀγγελοσ ἀγγέλλει νῶν, οἶμωρ ἱναργῶ  
Ρυόμενον θνητῶν ἐξ αἰθλαο γένθ.

GVILIELMO PELLICERIO EPISCO-  
po Montis Pessulani, Abbati Scalariarū, & Consi-  
liario: atq; Christianissimī regis Requestarum  
Magistro, Frater Angelus Palea Iuuenatien-  
sis, & frater Bartholomæus ab Vrbe-  
ueterum Ordinis minorum  
obseruantia Prouin-  
cia Romanæ

S. P. D.



VM Aeterni Redemptoris nostri IESV CHRIS-  
TI pijsimis institutis maximè, non solum natu-  
ræ nostræ legibus, Reuerende Præsul, teneamur  
omnes inuicem semper adesse. Nos qui iam pri-  
dem Seraphici Sancti Francisci religioni deuoti  
fuimus, dum curandis infirmis fratribus in Monasterio Aræcoeli  
Romæ præficimur, eo animo sumpsimus demadatum nobis hoc  
ipsum munus, vt post obseruatas diuinorum officiorum horas,  
nihil nostro iudicio relinqueremus intactū, quod faceret ad in-  
culpara medicamina administranda: ne dum ea pro salute recu-  
peranda, & proroganda vita, male apparatus administrantur, vi-  
ta plerunq; cum morte imprudenter commutetur. Id verò ne-  
gotij propterea fuit nobis, in legendis diligenter authorum li-  
bris, qui in hanc causam conscripti, in manibus Medicorum &  
Aromatariorum cōtinuè pro approbatis omnium consensu ver-  
santur, inter quos præcipuus ferè est, qui Mesuæ inscribitur. Si-  
quidem, paucis exceptis, omnia nūchoc nostro tempore, ipsi at-  
tribuuntur accepta, quæ continuo in vñ sunt conscripta medica-  
mina. In ipsis verò libris non pauci deprehenduntur errores, qui  
dum sopita mente admittuntur, facile Aromatarijs, Medicisq; &  
quod peius est) ipsis infirmis imponunt. Ergo hæc iusta est iusce-  
pti huius nostri laboris causa. Vt quantum nobis datum est ab  
Optimo Deo, id in hisce corrigendis impenderemus. Quod si mi-  
nus, quàm par sit, huic muneri iuscepto assequimur, in me- &  
optimis (vt dicitur) satis sit voluisse ad animum. Vt ergo dixi-  
mus, in libro filij Mesuæ corrigendo laborauimus magis. Qui &  
si Græcus nō fuerit, quibus omnia nunc ferè omnes medicinae stu-  
diosi accepta referunt, non est tamen ita posthabendus illis, vt  
etiam in illius laudem illud dici possit: Laudamus veteres, sed  
nostris vtimur annis. Cum nullibi locorum nullus non medi-  
cus, hisce coaceruatis ab ipso nō vtatur. Et aliqua reperiantur in

EPIST. NVNCVPATORIA.

ipſo, & Arabum libris poſteritati mandata (quę nunc in plurimo & præcipuo uſu ſunt) quę Græcis ante Arabes ipſos, neq; viribus ipſis, neq; nomine cognita admodum fuere. Sicut Caſia fiſtula communis, Sena, Sebeſten, Sandala, Muſcus, Zedoaria, Rheubarbarum, Myrobalani, aliaq; id genus plurima. Succęſſit autem hoc nobis conferentibus innumera ferè exemplaria antiquiora, & approbata magis, tam impreſſa quàm manu ſcripta, cum antiquo admodum libro hebraico, conſultis doctiſſimis in ea lingua viris, necnon recognitiſ eiſdem apud celebres alios authores medicinę medicaminibus. Quod opus dum cogimur à pleriſq; continuę eſſagitatione, in gratiam ſtudioſorum publicare, non immeritò tibi doctiſſimo, & integerrimo Præſuli, eidemq; humaniſſimo, quibüſcunq; potuimus precibus prius quàm emitteretur, dijudicandum dicare cogitauimus. Non enim eo ſumus animo, vt quę nos probauimus, ea placere doctis quibuſq; poſſint, tam facilè credamus. Poſtquam igitur tibi, Præſul ampliſſime, ita viſum eſt, alijsq; pleriſq; conſummatis viris in hoc genere doctriņę, vt iure merito emitti poſſit. Sic eo animo publicadum dedimus, in gratiam eorum, qui medicinę initiantur (ſiquidem doctiſ hęc non ſcribuntur) vt maior poſthac relinquatur nobis meliora ſimul conſtituendi in vnum aliud opus, quę Græci Arabęq;, & Latini notauere, medicamina. Atq; in eo exarandi, quę non potuimus, plura de ſimplicibus & compoſitis, in hoc compendio reponere. At propterea illis vertendum vitio non putabimus, quòd errauerint, & nobis, quòd illos notauerimus errore aliquo, in multo & vario opere. Homines enim ſumus, qui dum labi poſſumus, in re maxima tam lubrica, laudandi potius dum conamur ad meliora, & eo magis, cum non pauca ſint, quę interea aſſequimur bona. Gratiā autem inuicem habemus tibi, vir humaniſſime, quòd nō ſolū nos dignatus ſis hoc honore ſuſcepti, & dijudicati operis, ſed quòd & largitate tua impenſas dederis pro imprimendo hoc ipſo opere, & pro nobis ipſis fouendū non paucaſ. Pro quibus collatis beneficijs, poſtquam pauperes animo, & rebus fortunę ſumus, & propterea retribuere non valemus, ipſe (vt ſuppliciter precamur) retribuat: qui dator eſt omnium bonorum omnipotens Deus.

Valeat Dominatio tua feliciter, vt optat.

Ex ſacro Arcęceli conuentu. Romę

Quarto Nonas Iulij.

M. D. XLII.

IND

# INDEX RERVM

PRAECIPVARVM IN HAC AN-

TIDOTARII MESVAE CENSURA

CONTENTARVM.

<b>A</b> Bsynthium quid.	362	Agrifolium non est lotos.	468
Abſynthij murorū vrbis		Alariel confideratio.	531
notæ.	eod.	Albatecha quid.	459
Abſynthium Romanū duplex.		Alephangina quid.	419
eod.		Alleluia quid.	519
Abſynthium abſolutè.	363	Allegretum quid.	504
Abſynthij & Eupatorij ſuccus.		Allij confideratio.	593
139.		Allium abſolutè.	564
Acaciam veram ſupplementia.	290	Alliarica quid.	141
Acantha leuce.	377	Aloë quid.	471
Acaptha Arabica.	eod.	Aloë abſolutè.	eod.
Acetoſa abſolutè.	317	Aloës ablutio.	eod.
Aceri ſquillitici doſis.	394	Aloën malam abluēdi modus.	
Acetoſæ herbæ ſpecies plures.	472		
317		Alcannæ confideratio.	603.
Acetum quid.	337	Alchelengi, & eſt medicamen	
Acetibonitas in quo cōſidere-		magnum.	270
tur.	338	Alchechengi quid.	458
Acetum abſolutè.	eod.	Alcheil quid.	158
Acorus conditus.	282	Alchermes ſiue Chermes quid.	
Acorum ſupplet calamus aro-	27.&30		
maticus.	144	Alchilil quid.	385
Acori confideratio.	eod.	Alcohol ſignificatio.	155
Acreſta vnde dicta.	325	Alcohol, ſiue alcoſol quid.	154
Acte quid.	530	Alfeſceræ ſuccus abſolutè.	396
Adeps cuiuslibet animalis abſo-		Alfeleniemiſch & Ozimi confi-	
lutè.	515	deratio.	20
Adipis confideratio.	514	Alharif quid.	422
Agaricum quid.	496	Alhoſor.	9
Agaricum nigrum, malū. eod.		Almahaleb, ſiue Mahaleb.	580
Agarici, Reubarbari & ſimiliū		Alrachine quid.	586
infuſio.	263	Alumen abſolutè.	439
Agnus caſtus quid.	397.&455	Ambra.	74
Agni lingua.	433	Ambraæ confideratio.	32

# INDEX.

Ambra cruda.	eod.	chicum.	68
Ambraarum quæ præstātor.	75	Aromaticum rosatum descri-	
Ambra canina.	eod.	ptione Gabrielis.	eod.
Ambrum nigrum.	eod.	Artemiæ consideratio.	568
Ambra camphoræ species.	425	Artemisia absolutè quid.	eod.
Ambra ubi reperitur.	416	Arthanitæ consideratio.	523
Amni siue ameos cōsideratio.		Arthanita absolutè quid.	524
96		Arbor Mariæ.	525
Amni nostri descriptio.	eod.	Arfenicum quid.	440
Amomi consideratio.	99.	Asari & Carpesij cōsideratio.	
Amomum supplemtia.	100	192	
Ammoniacum siue Armonia-		Asarum.	7
cum quid.	486	Asari varia nomina.	8
Ammoniacum plura signifi-		Asiæ siue asæ consideratio.	164
cat.	eod.	Ascalonia quid.	55
Amygdalarum consideratio.		Asék seu Alisech quid.	606
234		Asphaltum quid.	562
Amygdala absolutè quid.	eod.	Asphodelus quid.	537
Amylum absolutè.	285	Asphodelus absolutè	eod.
Argenti viui consideratio.		Athanasia.	568
546		Athanasia magna.	180
Argenti scoria quid.	539	Attractylis quid.	579
Argentina quid.	142	Ana quid.	3
Argy:itis quid.	544	Anacardis quid.	166
Arnoglossa quid.	433	Anethi consideratio.	589
Arnoglossa absolutè.	434	Anethum absolute quid.	590
Armala quid.	486	Andrachnes quid.	349
Arisari descriptio.	196	Anguria quid.	345
Aristolochiæ cōsideratio.	150	Anguria absolutè.	460
Aristolochia absolutè quid.		Anisum quid.	428
eod.		Anisi loco quid sumendum.	
Aristolochiæ tria genera.	eod.	eod.	
Aromatizandi modus.	279	Anthosilus quid.	71
Aromaticum Nardinum.	72	Antonij Musæ Brasauli error.	
Aromaticum rosatum minus.		42	
70		Apium aquæ.	36
Aromaticum muscatum.	eod.	Apij semen quid.	137
Aromaticum garyofyllatum.		Apij consideratio.	90
eod.		Apium hortense siue satium.	
Aromaticum rosatum stoma-		eod.	

Apium

# I N D E X.

Apium palustre.	eod.	Auripigmentum   rubeum.	
Apij & Endiuix succi quātitas	556		
sufficiens.	380	Auricula muris non est pilosel	
Aqua solatri.	482	la.	571
Aqua camphoræ.	425	Auricula vrsi.	eod.
Aqua cannarū zucchari quid		Aurum & argētum de medie-	
suppleat.	348	rate.	25
Aqua fructuum.	405	B	
Aqua Cytoniorum.	84	<b>B</b> Accarisnō est garyophyl-	
Aqua Rutæ agrestis.	536	lata.	567
Aqua Casei quid.	407	Bacca Syriaca.	467
Aqua simplicium rerum quo-		Barba Iouis quid.	377
modo intelligatur.	85	Barba hircina.	420
Aqua alicuius rei apud anti-		Balach quid.	327
quos, quid.	420	Balaustij & Cytini supplemtia.	
Aqua granatorum.	348	162	
Aqua malorum de schemi.		Balaustiorum consideratio.	
eod.		160	
Aqua decoctionis radicū quæ.		Balaustij & Cytini differentia.	
421		161	
Aqua ardens, scilicet aqua vitæ		Balsamum quid.	583
& aqua saponis.	557	Bambacis semen quale.	308
Aquæ vitis medicina.	eod.	Bambax arte non dealbatur.	
Aquæ vitis ab aqua vitæ diffe-		308	
rentia.	eod.	Batecha quid.	459
Aquæ simplicium sunt succi.		Batecha absolutè.	eod.
421		Batus quid.	292
Aquæ Casei & Agarici infusio.		Baucia, pastinaca sylvestris,	
260		carui agreste idem sunt. eod.	
Arciua quid.	401	& 126	
Auellana quid.	575	Baucia quid.	59. & 125
Auicennæ error de Horuino.		Bauciæ conditæ.	282
130		Baurach consideratio.	97
Auicennæ textus in hiera men-		Bdellij consideratio.	502
dofus.	13	Bedegar quid.	377
Auicennæ error in Hiera Ar-		Been vel ben consideratio	
chigenis.	204	40	
Aureus quid.	3. & 195	Been supplemtia.	42
Auripigmentum citrinū quid		Ben quid.	576
suppleat.	441	Besafa quid.	487

# INDEX.

Bitumen duplex.	562	Calamentum domesticum & sylvestre.	372
Bolum Romanorum.	661	Calamenti sylvestris loco quid fumatur.	373
Bolum Armenum quid.	432	Calamentum fluviatile & montanum.	87
Bolum non Armenum	460	Calamentum fluviatile est menthastrum.	88
Boli non Armeni loco quid fumendum.	eod.	Calamentum montanum est nepeta.	eod.
Borago non est buglossifumantiquorum.	331	Calx quid.	441
Brancha leonina.	537	Camphora quid.	424
Borago & Buglossum domesticum & sylvestre.	331	Camphoræ optimæ notæ.	425
Braulaui malum de Auicenna iudicium.	430	Chamaelea descriptio.	259
Braulaui error.	595. & 577	Chamaeleon albus.	379
Braulaui dubium de Carpesio & Cubebis.	193	Chamaepitys siue Chamaepiteos quid.	357
Braulaui error in chernies & chesmes.	372	Chamaedry siue Chamaedreos quid.	eod.
Braulaui error de storaceli quidda.	186	Chamomillæ consideratio.	588
Brausica canina.	572	Cannabis consideratio.	572
Bromus quid.	579	Cannabis absolutè quid.	eod.
Buglossa quid.	236	Cannellæ facultas.	76
Buglossæ domesticæ vel sylvestris loco quid subministratur.	330	Cannæ zucchari.	348
Burungi quid.	166	Canitiem remorantia.	111
Burungi suppletia.	267	Cappar seu capparidis quid.	455
Butyrum absolutè.	287	Capillamentum thymi.	381
Buzeiden species satyrionis.	50	Capreoli quid.	555
C		Caquenegum quid.	608
Acale quid.	452	Caquenelegi quid.	609
Cacca ferri quid.	127	Cardamomi maioris Arabum loco quid fumendum.	454
Cacca ferri & squamma ferri differunt.	eod.	Cardamomum minus Arabum.	eod.
Cadmia quid.	545	Cardamomum absolutè.	452
Calcadis quid.	439	Cardamenum quid.	452
Calamentum absolutè.	374	Cardi	



# I N D E X

Cardinalis de Rodulphis habet Dioscoridem vetustissimum manu scriptum cum figuris.	130	Caulium consideratio.	571
Cardumeni loco quid sumendum.	454	Cauterium Andromachi.	556
Cardumeni non est peucedanum, nec sefelli.	eod.	Centum capita.	537
Cardui, qui corona fratrum dicitur, consideratio.	379	Cæpe Muris quid.	202
Chalcuanthos quid.	439	Cæpæ consideratio.	55
Carenum quid.	399	Ceraforum consideratio.	579
Charta quid.	441	Ceræ consideratio.	508
Charta antiquorum.	442	Cera absolutè.	eod.
Chartanus quid.	578	Cerotum quid.	508
Charabis quid.	456	Cerotum de sandalis.	535
Charub, seu Carnub de spinis.	468	Cerotum Galeni vltimum in infrigidatione.	eod.
Charmezith consideratio.	550	Cerotum Diapente.	550
133		Cerotum Alexandrinum.	eod.
Carlina quid.	278	Cerotum aliud eiusdem.	eod.
Carlina duplex.	eod.	Cerotum Andromachi factum ex nouem medicinis.	550
Carpesium quid.	170	Cerotum Galeni stomachum confortans.	549
Carui consideratio.	60	Cerusa quid, & quomodo fiat.	eod.
Casia.	7	Cetherach quid.	411
Casia lignea.	80. & 123	Cetus & canis piscis differunt.	416
Casia fistula vulgaris.	82	Chebuli conditi.	275
Casia absolutè.	81. & 225	Cheisum, quod non est Cordumenum.	397
Casia fistula.	eod.	Chelidonium siue chelidonia quid.	494
Castanea aquatilis.	606	Chelidoniū vulgò Celidonia.	137
Castoreum siue Castoriū quid.	175	Chermes à cocco in quo differat.	31
Castoreum suppletia.	175	Chermes quid.	303
Cataputia duplex.	576	Cherua quid.	576
Cartharticum quid.	506	Cheimes, seu kesmes, vel Alkesmes.	302
Caucum.	137	Cheimes quid.	31
Cauda vulpis.	436		
Cauenizich consideratio.	530		
Caulis imperialis.	572		
Caulis absolutè quid.	eod.		

# INDEX.

Chrysocome quid.	377	Crocodilea.	54
Chrysomila & persica.	575	Crocus vel crocum quid.	437
Chrysomela.	389	Coccia quid.	470
Christophori de Honestis error.	101	Colchicon quid.	506
Christophori de Honestis error de Seitaragi.	164	Colchotar quid.	437
Chirat siue kirath quid.	451	Coloquintida non administranda nisi præparata.	444
Cicer imperatoris.	606	Coloquintida seu colocynthis quid.	445
Cicerum proprietas.	54	Cornuum laus & virtus.	183
Cichorij veræ species.	220	Coralli consideratio.	23
Cicum quid.	577. & 162	Corallium quod optimum.	eod.
Cicuta non est harmel.	486	Coriandrum quid.	464
Cicuta non est ore sumenda.	eod.	Coriandrum absolutè.	465
Cymini carmeni consideratio.	94	Cornu capræ vsus.	182
Cinnabaris quid.	429	Corona montis quid.	159
Cinnamomum, Darfeni, Cinnamum, Casia & Casia fistula quid, & in quo differant.	65. & 126	Costi descriptio.	152
Cinnamomi & Darfeni & Cinnami consideratio.	100	Costi plures species.	eod.
Cinnamomi conditiones siue notæ.	78	Costum supplemtia.	153
Cinnamomum supplemtia.	82	Costum nostrum est lasulata Italica	eod.
Cinis plumbi.	539	Cotyledon quid.	705
Cisti fungus in quo differt à leone leguminum.	432	Cottonis grana.	307
Cirsion nō est nostra buglossa.	333	Cotula quid.	589
Citra condita.	277	Coloquintidis, Scamoniij, Turbith & similia vtendi modus.	242
Citrangulum pomum.	325	Columbi agrestes.	559
Citra siue citria quæ.	324	Conchula quid.	154
Citri cortex & caro.	324	Conditum aliud de citro.	387
Citrullus absolutè	460	Conditi seu Radiculæ consideratio.	612
Citri cortices.	33	Conditum de citro & citrum conditum differunt.	386
Climia & eius genera.	545	Compositiones referendæ quæ parari debent.	143
		Compositionum quarumlibet scopus.	194
		Con	

# I N D E X.

Conyza vocatur pulicaris ab effectu.	236	392	Confectio de Zinzibere.	281
Confectio alchermes & confectio Lapidis Lazuli idē sunt.	27		Confectio Philonij, ex in- tione propria.	168
Confectio Almezereon ex in- uēitione nostra, quod est me- dicamen benedictum.	255		Confectio Gallix muscatæ.	415
Confectio Electuarij alharif, & est Electuarium boni sa- poris quod cōposuimus nos.	221		Confectio de Galanga.	60
Confectio Philonij, descri- ptione Hamech, filij Zacha- riæ.	176		Confectio vnguēti sanantis vulnera.	549
Confectio Trochiscorū Dia- rhodon.	420		Confectio electuarij diaconi- ten.	273
Confectio Trochiscorū dero- sistriplex.	421		Confectio alia Hamech.	244
Confectio Miux acetosæ.	393		Confectio hieræ archigenis.	202
Confectio Miux alterius. eod.			Confectio Trochiscorum de terra sigillata.	429
Confectio Miux factæ ex succo fructuum.	394		Confectio alia Gallix Alephā- ginæ.	429
Confectio medicaminis quod scripsit Hamech.	239		Confectio Ramich.	412
Confectio Alferscæ quam scri- puit Democritus.	248		Confectio de Turbith.	232
Confectio Sebellix, vel Sebel- linæ.	417		Confectio de feminibus.	99
Confectio de cytonijs facta cum succo cytoniorum.	102		Confectio Trochiscorū de San- dalis.	445
Confectio Trochiscorum alan- dahal.	444		Confectio Trochiscorum de lacca.	428
Confectio alia testiculorū vul- pis.	52		Confectio Trochiscorum de ligno aloës.	451
Confectio de Xyloaloes.	32		Confectio Trochiscorum de capparibus.	455
Confectio Trochiscorū de eu- paratorio.	427		Confectio in medicinis pluri- mum potest.	200
Confectio Miux simplicis.			Confectio alia electuarij alha- rif boni saporis, quod etiam composuimus nos.	223
			Confectio Trochiscorū de ber- beris, duplex.	426
			Confectio Trochiscorū de ipo- dio.	425
			Confectio Trochiscorū de ipo- dio, cum semine acetosæ. eod.	

# INDEX.

eod.		Confectio de Musco amara.	
Confectio electuarij ex inuen-		47	
tione nostra.	153	Confectio Trochiscorū de cha-	
Confectio de Dactylis, & est		rabe.	455
Diaphanicon, quam scripsit		Confectio Anacardina, & est	
filius Zezar.	232	confectio sapientum.	165
Confectio alia Trochiscorum		Confectio de Asia.	163
de sandalis.	446	Confectio de musco dulcis.	
Confectio Trochiscorum Ha-		39	
mech.	447	Cubebæ quæ, & eorum confi-	
Confectio Pforicon.	548	deratio.	106
Confectio alia Galeni, & est con-		Cucubæ & Carpesium idem.	
fectio de acetosis.	106	193	
Confectio de Cytonijs bona.		Cubitorum consideratio.	450
100		Cucumer absolutè.	460
Confectio Trochiscorum de		Cucumeres.	345
Abfynthio.	426	Cucumeris asinini succus abso-	
Confectio Trochiscorū de cy-		lutè.	528
peris.	448	Cucurbita desertivæ sylvestris.	
Confectio mannæ ex inuentio		195	
ne Galeni.	250	Cucurbita absolutè.	319
Confectio Trochiscorū de cro-		Cucurbitæ communiores.	318
co.	436	Cucumeris asinini considera-	
Confectio Trochiscorū de ani-		tio.	527
so, duplex.	428	Cuperosa quid.	438
Confectio Trochiscorū alche-		Cuperosa duplex.	439
chengi.	458	Curcuma officinarum.	450
Confectio electuarij Indi ma-		Curcuma quid.	137
ioris.	424	Curt quid.	469
Confectio Trochiscorū de cā-		Custoshorti quid.	677
phora.	424	Cuscuta quid.	221
Confectio de prunis.	108	Cuscuta est de genere epithy-	
Confectio de storace.	185	morum.	382
Confectio de rauced seni.	151	Cuscutæ semen.	269
Confectio Trochiscorum de		Cyclamen absolutè quid.	524
Rheubarbaro.	423	Cytonia condita.	276
Confectio de Cinnamomo.		Cytoniorum species.	eod.
78		Cytonia struthæa.	eod.
Confectio Trochiscorū de Ar-		Cytonia absolutè.	eod.
fenico.	439	Cytoniorum genera.	388
		Cyton	

# INDEX.

Cytoniorum vſus.	277	Dialacca magna quid.	148
Cyminum Apuliſe.	95	Dialacca minor.	150
Cyminum carmenum.	eod.	Diambra.	74
Cyminum ſylueſtre.	eod.	Diamorufia quid.	143
Cynogloſſæ conſideratio.	501	Diamuſcum.	39
<i>Kluto Saxos</i> ſive Rubus caninus.	293	Dianiſum.	73
Cyperus ſeu cypinus quid.	449	Diarrhodon deſcriptione communi quid & vnde dicatur.	62. & 63.
Cyperus verus Romæ colligitur.	eod.	Diaſulphur.	183
Cyprus arbuſcula.	603	Diaſiracoſt ſive dia alſiracoſt deſcriptione Irani, quæ eſt medicina benedicta.	208
D			
Dauci conſideratio.	125	Diatrion pipereon deſcriptione communi.	92
Daucus Creticus.	eod.	Diaturbith.	232
Darſeni.	75	Dipſacum non eſt virga paſtoris.	434
Decoſtio Fumi terræ.	408	Diſcoſtum quid.	407
Decoſtio Alhaſce.	409	Doronici Italici deſcriptio.	6
Decoſtio Myrobalanorū.	410	Doronici, ſive doringi conſideratio.	5
Decoſtio deſticados.	eod.	Dofis quid.	11
Decoſtio de Eupatorio.	eod.	Dulcichinum venetorum.	6
Decoſtiones & infuſiones in generali.	404	E	
Decoſtio Epithynii.	411	Eboris conſideratio.	23
Decoſtio ſpecierum Alephanginarum.	474	Ebur foſſile.	eod.
Decoſtiones vſitatores.	413	Ebulus quid.	530
Decoſtio capillorum Veneris.	405	Eiarxamber.	82
Decoſtionum compoſitarum exemplum & regula.	217	Electuarium quid.	3
Dens caballinus quid.	171	Electuarium de aromatibus.	pag.
Diacalamentum deſcriptione Galeni.	87	Electuarium conſortans ſtomachum.	156
Diacyminum bonum.	73	Electuarium eleſcopii.	239
Diacyminum valens.	93	Electuarium de Gemmis.	12
Diaconiten ſolutiuum.	273	Electuarium Indum minus.	230
Diacoſtum quid.	151	Electuarium Indum abſolutè.	224
Diacurcuma maior.	136		
Dicurcuma minor.	142		
Diagridium quid.	254		

Elect

# I N D E X.

Electuarium de granis myrti.	uuni.	552	
83	Emplastrum de granis Lauri.	553	
Electuaria quibus vtuntur re- ges & delicati.	104	Emplastrum relatum ad Ari- starchum.	564
Electuarium de fructibus.eod.		Emplastrum de meliloto.	565
Electuarium de sorbis.	109	Emplastra ab vnguentis quid differant.	507
Electuarium de persicis.	103	Endiuia consideratio.	220
Electuarium de pomis.	102	Endiuia vel Cichorea absolu- tè.	220
Electuarij sarbotheng descri- ptio.	37	Enulae consideratio.	598
Elephantis pediculus quid.	166	Epilibanotum quid.	383
Emblici conditi.	275	Epirosmarinum quid.	383
Emblici qui optimi.	26	Epithymum quid.	381
Emplastrum de allijs Alexandri.	563	Epithymbrum quid.	382
Emplastrum Arabicum.	520	Epiozinum quid.	383
Emplastrum de Gallia.	554	Errorum causa.	38
Emplastrum aliud de Gallia.	555.	Eruca Hispanica quid Plin.	558
Emplastrum filij Zachariae.	562	Eruca quid.	57
Emplastrum Diachylon.	551	Erucae descriptio.	58
Emplastrum Diachylon ma- gnum.	eod.	Eruca aquae.	36
Emplastrum relatum ad Andro- machum.	556	Esula vera.	268
Emplastrum aliud Androma- chi.	eod.	Esulae species.	eod.
Emplastrum Oribasij.	564	Euphorbium quid.	490
Emplastrum Oribasij aliud.	565	Euphrasia quid.	492
Emplastrum sinapisimum.	557	Eupatorium quid.	376
Emplastrum de fermento.	559	Eupatorii interpretatio.	375
Emplastrum stomachum & he- par confortans.	eod.	Eupatorii loco quid sumen- dum.	377
Emplastrorum suffumigatio. eo.			
Emplastrum Diaphinicon de- scriptione Alexandri.	562		
Emplastrum Diaphinicon con- fortarium.	562		
Emplastrum Diachylon par-			
		F	
		Faba absolute.	302
		Farina thuris.	254
		Fauarella quid.	137
		Fausel quid.	108. & 493
		Fellis consideratio.	528
		Fellis conseruandi modus.eod.	
		Fermentum quid.	560
		Feruzegi siue smaragdi confi- deratio.	17
			Fesc

# INDEX.

Fefcera quid.	249	G	
Fefceram fiue fefcerelim fup- plentia.	300	GAfet quid.	376.& 427
Fiber feu Caftor.	175	Gagatis lapidis confide- ratio.	619
Filicis confideratio.	529	Galangæ confideratio.	eod.
Filix abfolutè.	530	Galbanum quid.	180
Fillum Indicum.	568	Gallia abfolute.	417
Fifticorum & Pineorum confi- deratio.	581	Garyophyllorū cōfideratio.	70
Flammula quid.	432	Garyophylatè cōfideratio.	567
Folij confideratio.	24	Garyophyllata abfolutè.	568
Folium fupplentia.	eod.	Garyophyllus barifanus.	72
Foliorum auri & argenti confi- deratio.	eod.	Garyophyllus hortulanus.	71
Foliorum mezereon præpara- tio & infufio.	259	Garyophylli montani.	eod.
Folia Rutæ qualiter ficcāda.	97	Gattaria quid.	373
Foliorum, radicum, ftipitum & fimilium infufio.	267	Geleniabin quid.	26
Fœniculi confideratio.	8	Geleniabin abfolutè fumptum.	26
Fœniculum abfolutè pofitū.	9	Gentianæ confideratio.	111
Fœnugrecum quid.	515	Geum quid.	567
Fragmenta quid.	14	Gith quid.	178
Fragmenta quomodo molen- da.	15	Glandium confideratio.	469
Fraxinella quid.	53	Glandium altera pro altera fu- mi poteft.	eod.
Fraxini confideratio.	619	Glauæ fiue glauca quid.	494
Frixiois vfus, & quomodo fiat.	156	Glaucium quid.	494
Fructus in cōpofitionibus.	105.	Gluten alzanac quid.	552
Fructus acerbi.	eod.	Gluten Alimathi quid.	534
Fructus maturi.	eod.	Grabadin.	2
Frumenti confideratio.	617	Granatorum flores.	162
Fulfulmen quid & eius confide- ratio.	131	Granatorum confideratio.	16
Funus terræ quid.	367	Granata muza.	346
Funis arborum.	271	Grana viridia quæ.	582
Funis pauperum.	eod.	Granum Nil.	272
Furculi qui.	561	Granum gnidium quid.	257
Furfur thuris.	254	Granum abfolutè pofitū quid figñificet.	30
		Gubeira quid.	342
		Guaril.	56
		Gummi abfolutè.	304
		Gummi hederæ quid fuppleat.	552

# I N D E X.

551		ptione Ruffi.	205
Gummi alhafcehundeg.	490	Hiera Hermeti, & est hiera luf.	
Gummi arabicum.	290	194	
Gummi tragacanthum.	291	Hiera inuentione noſtra.	207
Gummi tragacanti infuſio.	265	Hiera picra quare dicatur Ga-	
H		leni.	190
<b>H</b> amech varia & multa no		Hiera picra Galeni.	187
mina.	240	Hiera ſimplex.	194
Harmel quid.	486	Hordeum quid.	443.
Harmel ſupplementia.	488	Horminum quale in vetuſtiſi-	
Harmel abſolutè.	eod.	mo codice.	130
Hafce, ſeu alhafce conſideratio.		Hyacinthi conſideratio.	15
91		Hyofcyamus abſolutè quid.	171
Hafcula regia.	537	Hypociftis quid.	430
Hedyoſimon fatium.	361	Hyſopum quid.	369
Hemazi quid.	426	Hyſopi cerotum deſcriptione	
Heilbaugue quid.	452	Philagrij.	513
Hemina quid.	610	Hyſopi cerotum deſcriptione	
Helenium quid.	598	Galeni.	508
Hepar Adib. id eſt, lupi.	182	Hyſopi cerotum Diateſſaron	
Herba catarra quid.	88	deſcriptione Democriti.	549
Herba venti.	414	Hyſopi Cerotum deſcriptione	
Herba lilialis.	286	Pauli.	156
Herba ſancti Ioannis vulgaris		Hyſopi humida operatio.	513
quæ.	376	I	
Herba ſanctæ Mariæ.	526	<b>I</b> afminum quid.	477
Herba violarum.	570	<b>I</b> beris vulgò vincitoxicum	
Herba venti.	eod.	quid.	117
Hermodytylorum conſidera-		Infuſio de Hiera.	141
tio.	505	Infuſio alia Hieræ.	412
Heuphiſtis ſeu Ephyſtis quid.		Infuſio tertia Hieræ.	eod.
430		Infuſio ex omnibus floribus po-	
Hiera Archigenis deſcriptione		teſt fieri.	312
Arabum.	203	Infuſio roſarum ſiccarum.	314
Hiera Archigenis deſcriptione		Infuſio in quo differt à deco-	
Pauli.	203	ctione.	404
Hieræ Aſclepiadis deſcriptio.		Infundendi modi quot.	263
Hiera coloquintidos ſecundum		Infundèdi duplex ratio, & mo-	
Archigenem.	202	di varij.	265
Hiera diacoloquintidos deſcri-		Inguinalis quid.	536
		Inter	



# INDEX.

Interpretatio coniunctionis Et,	Lanceola quid.	433
30	Lapidis Armeni descriptio.	
Ioannes Damascenus vocatur	499	
Mesuae.	240	Lapis Lazuli Armeni supplet.
Ireos absolutè.	287	500
Iua arthetica & muscata.	357	Lapis Hæmatites.
Iuiubæ quæ.	350	174
Iulep rosatum.	315	Lapidum pretiosorum & mar-
Iulep rosatum absolutè.	cod.	garitarum fragmenta quo-
Iulep Iuiubinum.	317	modo molenda.
Iulep & Syrupus in quo diffi-	316	15
runt.	316	Lapis sulphuris.
Iulep aliud rosatū absolutè.	312	184
Iulep de succo violarū, & Iulep		Lapis tabarzet.
de succo rosarum.	316	274
Iulben quid.	52	Laterum declaratio.
Iuniperi consideratio.	618	621
Iun de Beduſt quid.	166	Lathyrus quid.
Iusquiamum quid.	171	577
K		Lauandula.
KEkengi quid.	458	601
Kerſe quid.	76	Laudanum quid.
L		484
LABrum Veneris.	434	Laureola quid.
Lac dulce.	51	256
Lac ouinum.	51	Laurum & grana eius.
Lac absolutè.	604	553
Lac muliebre.	604	Lazarolum quid.
Lac acidum siue acetosum.	446	341
Laccæ consideratio.	149	Lazaroli loco quid sumatur.
Laccæ lauandi modus.	150	342
Laccam supplet lachryma fan-		Leonharti Fuchſij error.
guinis draconis.	149	434
Lacca absolutè.	428	Leoncistis quid.
Lachryma papaueris quid.	171	431
Lachryma sanguinis draconis.	429	Lepidium quid.
429		117
Lactucæ consideratio.	591	Lepidium ex authoris senten-
Lactuca sexilis.	592	tia.
Lagopus quid.	567	119
		Libanotis quid.
		133
		Libanotus quid.
		cod.
		Librorum copia quomodo pa-
		retur.
		101
		Liguſtici consideratio.
		397
		Lilium cœleſte, siue Iris.
		286
		Lilium cœleſte quid.
		497
		Lilij consideratio.
		590
		Lilium absolutè.
		cod.
		Linctuarium.
		3
		Lini consideratio.
		531
		Lingua auis quid.
		58. & 619
		Lingua Canis.
		501
		Liquiritia siue glycyrrhiza
		quid.
		368

# INDEX.

Lithargyri confideratio.	543	Maioranæ confideratio.	603
Lithargyrium abfolutè.	544	Mala, Ponia & fructus.	212
Lohoc de Alfefcera.	eod.	Mala dulcia abfolutè.	eod.
Lohoc de amygdalis.	310	Mala acetofa abfolutè.	eod.
Lohoc ad afthma.	309	Mala montana quæ.	394
Lohoc ad caliditatem.	eod.	Malum terreftre.	597
Lohoc bonum.	306	Malum canimum.	eod.
Lohoc de pino.	285	Malicorium quid.	163
Lohoc de papauere & eft diapa		Mandragoræ cõfideratio.	594.
pauer.	287	Manardus errauit ponendo a-	
Lohoc de Squilla.	300	fparagos pro folijs Lupulo-	
Lohoc fanum & expertũ ex in-		rum.	210
uentione noſtra.	301	Manardus errauit in conchu-	
Lohocaliud noſtrum de inten-		la.	154
tione hac.	304	Manardi error.	13. & 350
Lonchitis Indica.	492	Manardi error de Hiera.	191
Longina herba.	492	Manna Calabrenſis.	252
Lotio quorundam ſimplicium		Manna thuris quid.	133
virtutem diminuit.	221	Māna, & māna thuris quid.	251
Lotus arbor vel Lotos.	467	Manna arborea.	253
Luminaris Maioris error.	16	Manna groſſa, & de corpore.	
Luminaris Maioris error de ma-		eod.	
lis.	212	Manna fina.	eod.
Luminare Maius in multis er-		Manna coeleſtis.	225
rauit.	117	Manna ex fraxino & orno ar-	
Luffiue Luph quid.	55. & 195	boribus.	eod.
Luph abfolutè quid.	196	Margaritæ confideratio.	13
Lupus ſaliſtarius.	271	Margaritæ abfolutè quæ.	14
Latra quid.	175	Marinacur quid.	146
Lutum Armenum quid.	432	Mafrix quid.	509
Lutum lemnium.	432	Mater violarum.	414
Lycium quid.	492	Matriperna quid.	14. & 154.
Lycium quare ſic dictum.	493	Matricaria quid.	568
	M	Meconium quid.	171
<b>M</b> Acis quid.	4	Medicamina mala reſpectu	
Macis Plinio & Anti-		morborum ſunt bona.	231
quis Græcis non bene cogni-		Medicamétorum compositio-	
ta.	eod.	nis ratio.	28
Machazari vel Mazahari quid.		Medicinarum variæ infuſiones.	

# INDEX.

Medullarum confideratio.	514	Menta humida & familia quo-	
Medulla humana omniū opti-		modo intelligatur.	7
ma.	eod.	Menthastrum quid.	88.&361
Medulla vituli quid suppleat.		Mentucia quid.	362
371		Mercurius quid.	546
Mel violarum.	285	Mespilum æquiuocè de quibus	
Mel buglossatum.	eod.	intelligatur.	341
Mel Alchilil.	eod.	Mespilum absolutè.	342
Mel crudum quare confectio-		Meum siue Meu quid.	138
nibus adhibeatur.	46	Mezereonis semen quod.	200
Mellis confideratio.	11.&45	Mezereon & eius species.	256
Mel canna.	9	Mina quid.	610
Mellis emblicorum confidera-		Myrobalani citrini.	245
tio.	25	Myrobalani nigri dicuntur In-	
Mel emblicorum & similia		di	eod.
quomodo conficiatur.	eod.	Myrobalani chebuli absolutè.	
Mel rosatum.	284	eod	
Mel tabarzet.	274	Myrobalani citrini absolutè	
Mel nō specificatum, de spuma-		qui.	246
tum denotat.	47	Myrobalani tres absolutè qui.	
Mellis passularum cōsideratio.		247	
249		Myrobalani omnes.	eod.
Mellis tabarzet cōsideratio. eo.		Myrobalanorum virtutes sibi	
Mellis passularum conficiendi		contrariæ.	eod.&83
modus.	eod.	Myrobalanorū declaratio.	112
Mel aëreum.	250	Myrobalanorum bullitio vna.	
Melegeta quid.	453	84	
Mellicratum conditum.	385	Myrobalanos infundendi & si-	
Meliloti confideratio.	565	milia regula.	217
Melissa species marrubij.	147	Myrobalanorū confideratio &	
Melongena.	595	declaratio. 83.112.128.&144.	
Melongenæ notæ.	596	Myrobalanorum aflatio.	134
Melones Romani.	345	Myrobalanorum omnium de-	
Melones hyemales.	eod.	coctio.	216
Melo absolutè.	460	Myrobalani absolutè.	244
Memithe quid.	494	Myrrhæ confideratio.	179
Mentæ confideratio.	7	Myrrha liquida quid , & pro	
Menta siue Mentha, & eius spe-		quo sumatur.	583
cies.	361	Myrrhæ flos.	180
Menta absolutè.	eod.	Myrrha liquida.	185

# INDEX.

Myrtusquid.	326	Modus generalis infundendi	
Myrtus gentilis seu nobilis.		Gummi quodlibet.	265
eod.		Modus infundendi myrobala-	
Myrtustopiaria.	eod.	nos, Dactylos & similes fru-	
Misch idem quod muscum.	44	ctus.	265
Mistura ad vulnera sananda.		Modus infusionis de succis her-	
565		barum.	408
Miux consideratio.	10. & 85.	Modi infundendi semina.	266
Miua nulla conficitur absque		Modus infusionis aquæ casei.	
melle vel zucchero.	392		406
Miux omnes sub nomine syrui		Modus iulep violati.	312
computantur.	390	Modus operationis conditi de	
Miua absolute.	86. & 390	cyronijs.	389
Modus conditi de Buglossa.		Modus operationis iulep rosa-	
388		ti.	312
Modus conditi de citro.	386	Modus Oxymellis squillitici de	
Mudus confectiois de iacur, se-		radicibus.	396
cundum intentionem Gale-		Modus Oxymellis squillitici	
ni, & est diacodion puri.	289	virtuosi.	395
Modus confectiois Althebram.		Modus de Secaniabin de chei-	
267		sim.	358
Modus confectiois de moris,		Modus Secaniabin de calamen-	
& est diamoron siue diamo-		to,	358
rum.	291	Modus Secaniabin de radici-	
Modus confectiois testiculi		bus.	355
vulpis.	47	Modus Secaniabin, solutione	
Modus confectiois de succo		educentis phlegma.	356
corricu nuci, & vocatur græ-		Modus Secaniabin, solutione	
cè diacaryon.	296	educentis melancholiani.	357
Modus confectiois alcanzi.		Modus syrui acetosi de succis	
158		fructuum.	eod.
Modus confectiois de Eupa-		Modus syrui acetosi de succis	
torio.	269	& aquis fructuum.	340
Modus conficiendi Electuarium		Modus syrui acetosi de succis	
de Dactylis.	234	herbarum.	339
Modus conficiendi.	67	Modus syrui acetosi cum ra-	
Modus electuarij de Pysilio,		dicibus.	338
235		Modus syrui acetosi de pomis,	
Modus electuarij rosati.	248	descriptione nostra.	344
Modus electuarij de citro.	38	Modus syrui acetosi solutione	
		educ	

# INDEX.

educentis choleram.	346	178	
Modus fyrupi acetosi de po-		Nil quid.	272
mis.	343	Nitrum rubeum suppletia.	38
Modus fyrupi acetosi de pru-		Notanda quædam.	175
nis.	343	Nux Alexandrina,	298
Modus fyrupi acetosi altere-		Nux Græca.	299
niabin.	346	Nux vomica.	eod.
Molybdis quid Græcis, &		Nux methel.	eod.
quid Plinio.	544	Nucis consideratio.	575
Moly quid.	487	Nux grossa.	eod.
Morion quid.	595	Nux absolutè quid. eod. &	297
Mora celsi.	292	Nux pontica.	eod.
Morum genera.	294		
Morus currens secundum semi-		O	
ram.	202	Ocimi Caryophyllati de-	
Mucharus quid.	314	scriptio.	22
Mucharus rosarum vel viola-		Ocimi citrati consideratio.	40
rum.	eod.	Oesypum quid.	370
Musci consideratio.	44. & 123	Oleandrum quid.	547
Muzum quid.	212. & 109	Oleū de Amygdalis dulcibus.	
			574
N		Oleum de Amygdalis à maris.	
Nabath & Nabit.	222	eod.	
Nabach quid.	465	Oleum de Nucibus grossarum	
Naphthæ consideratio.	620	ventositatum est resolutiū.	
Narcoticum quid.	176	eod.	
Narcotica quibus admiscean-		Oleum de Anclanis.	eod.
tur.	170	Oleum de Chrysomilis.	eod.
Nardus quid.	43	Oleum de persicis.	eod.
Nasturtij albi consideratio.	504	Oleum de Ben.	eod.
Nasturtij genera plura.	132	Oleum de Cherua.	eod.
Nasturtium absolutè quid. eo.		Oleum de Carthamo.	eod.
Nasturtij affati semen.	eod.	Oleum de Nuce Indica.	eod.
Nenupharis consideratio.	592	Oleum de Cerasis.	eod.
Nepeta quid.	88. & 373	Oleum de Amahaleb.	eod.
Nerion quid.	547	Oleum de granis Citri.	eod.
Nicolaus Leonic. & Ioan. Ta-		Oleum de Fisticis, & Pineis.	
gautius errauerunt in descri-		eod.	
ptione de Turbith.	227	Oleum Irinum.	590
Nigella quid.	178	Oleum sambacinum.	eod.
Nigellæ & Githonis differētia.		Oleum de Cheiri.	591

# I N D E X.

Oleum de Papauere.	eod.	Oleum violatum.	589
Oleum de lactica.	eod.	Oleum Anethinum.	eod.
Oleum de Meliloto.	eod.	Oleum Mastichinum.	601
Oleum de Nenufare.	eod.	Oleum de balsamo.	583
Oleum de Cucurbita.	eod.	Oleum delilio.	500
Oleum sambacinum.	477	Oleum de Cinnamomo.	598
Oleum de Pulegio.	600	Oleū de pulegio pro quo sub-	
Oleum de Myrto.	597	ministretur.	199
Oleum de Enula.	598	Oleum de Ruta.	600
Oleum lentiscinum.	510	Oleum de sauiua.	599
Oleum de serpentibus.	614	Oleum alhasech.	604
Oleum de Cytonijs.	592	Oleum sericinum.	605
Oleum malinum, seu melinū.		Oleum sinapinum.	617
593		Oleum de iunipero.	eod.
Oleum de malis.	eod.	Oleum fraxinum.	eod.
Oleum de Pomis iabrolæ, &		Oleum alchilil, siue alkikil.	621
sunt poma Mādragoræ.	594	Oleum de frumento.	617
Oleum benedictum.	583	Oleum de Ouis.	616
Oleum de granis sesami.	585	Oleum de Ranis.	615
Oleum de feminelini.	eod.	Oleum de alcanna.	602
Oleum de femine lactucæ.	eod.	Oleum de Gagete, & est oleū	
Oleum de granis papauers.		factatum.	619
eod.		Oleum de Croco.	608
Oleum de semine Cucurbitæ,		Oleum de piperibus.	eod.
Citrulli, Cucumeris & Melo-		Oleum de Cucumere asinino.	
nis.	eod.	607	
Oleum vulpinum.	612	Oleum de Pomis citranguli.	
Oleum Nardinum.	600	eod.	
Oleum Rosatum completum.		Oleum philosophorum.	620
586		Oleum de scorpionibus.	614
Oleum rude.	587	Oleum de Mezereon.	604
Oleum quare lauetur.	588	Oleum de Euphorbio.	611
Oleum camæmilinum, & est		Oleum de sampfuo.	603
oleum benedictum.	eod.	Olibanum quid.	133
Oleum Laurinum.	581	Olibanum absolute quid.	eod.
Oleum de granis viridibus, &		Omphacium absolute.	325
est albotin.	eod.	Onyx Lapis.	15
Oleum de schino.	eod.	Operatio infusionis rosarū &	
Oleum de storace.	602	violarum.	312
Oleum Costinum.	eod.	Opij consideratio.	171

Ophtho

# INDEX.

Ophioscorodon.	563	Perficorum confideratio.	103
Opiatæ fignificatio.	176	Perûca condita.	277
Opiatarum & fimiliũ vfus re-		Petri Paduanenſis error deſcor-	
gula generalis.	177	dio.	141
Opiata omnis eſt ſtupeſacti-		Pesafini quid.	eod.
ua, & narcotica, ſed non con-		Petroſelinî confideratio.	89
trâ.	176	Petrus Aponus errant vocan-	
Opopanacis confideratio.	505	do confectionem Hierâ.	209
Origani perfici confideratio		Petrus Paduanenſis, Lumæapo-	
121		thecariorũ & Theſaurusaro-	
Oriza quid.	462	matariorum errauerunt in	
Ornus.	619	ſiſtra.	139
Osmundiquid.	529	Pharmacorũ aromatizatio.	135
Ouis lingua.	433	Phu, vulgò valeriana, quid.	137
Ouorum confideratio.	616	Pimpinellæ confideratio.	568
Oxymel ſquilliticum, deſcri-		Piloſellæ confideratio	570
ptione Democriti.	396	Philonij perfici deſcriptio.	169
Oxygallaſtinus caſeus.	446	Pilulæ de Agarico.	495
Ozimi plures ſpecies.	21	Pilulæ aggregatiuæ maiores.	
P		476	
Almus compræxus.	451	Pilulæ aggreg. minores.	478
Panax eſt Liguſticum.	397	Pilulæ aggregatiuæ ex inuen-	
Pandectarij error de Lepidio.		tionem noſtra.	476
116		Pilulæ Alandahal.	495
Panis biſcoctus.	463	Pilulæ Alâdahal Hermetis.	483
Panis Romanº biſcoctus.	464	Pilulæ Alephanginæ.	470
Panis porcinus.	524	Pilulæ de Alchechengi.	481
Papaga, vel Papagallus.	578	Pilulæ de Bdellio maiores.	502
Papauer album.	352	Pilulæ de Bdellio minores.	eod.
Papauer rhoëas.	eod.	Pilulæ de Bdellio ex inuentione	
Papaueris corniculati ſpecies.		noſtra.	eod.
353		Pilulæ de Colequintida.	503
Papauer fremij genus.	354	Pilulæ ad omnes morbos ca-	
Papauer abſolutè.	351	tharri.	500
Papauerum multa genera.	eod.	Pilulæ Diarhodon.	498
Papyrus quid.	442	Pilulæ de Euphorbio.	490
Pastillus ſphragis.	429	Pilulæ de Eupatorio maiores.	
Pastilli ex oxyacantha.	426	478	
Pentaneruia quid.	433	Pilulæ de Eupatorio mino-	
Pentaphylli confideratio.	569	res	479

# I N D E X.

Pilulæ ad febres antiquas inuē tione Philagrij. 482	Pix Græca. 538
Pilulæ quæ cōferunt ad febres cholericas. 487	Pix omnis resinæ species. 564
Pilulæ foetidæ maiores. 485	Polen quid. 466
Pilulæ foetidæ minores. eod.	Polenta quid. 465
Pilulæ de Hermodactylis ma iores. 505	Polij descriptio. 205
Pilulæ de Hermodactylis mino res. eod.	Polium absolutè quid. eod.
Pilulæ de Hermodactylis de scriptione nostra. eod.	Polygonium quid. 434
Pilulæ Indæ quas scripsit Hali. 483	Poma condita. 277
Pilulæ de lapide Lazuli. 499	Poma Adam. 324
Pilulæ de lapide armeno. eod.	Pomorum citrangulorū con sideratio. 608
Pilulæ lucis maiores. 491	Pomorum genera. 389
Pilulæ lucis minores. eod.	Pomorum consideratio. 102
Pilulæ de Mezeron. 491	Poma Apia præstantissima. eod.
Pilulæ de opopanace. 505	Pomorum electio. eod.
Pilulæ de Raued. 491	Pompholix quid. 64
Pilulæ de Rheubarbaro. 479	Porrum quid. 489
Pilulæ de Rheubarbaro abso lutè. eod.	Portulaca quid. 348
Pilulæ de Sarcocolla. 484	Prasium, seu Marrubiū quid. 372
Pilulæ febelliæ. 507	Prasium absolutè. eod.
Pilulæ de Serapino. 489. & 501	Proportio sesquialtera quæ. 381
Pilulæ stomachicæ. 475. & 494	Pruna acetosa. 343
Pilulæ stomachicæ aliæ. 495	Prunorum consideratio. 190
Pilulæ stomachicæ nostræ. eod.	Pruna Damascena. 344
Pilulæ de Turbith & dicuntur pilulæ aureæ. 498	Pruna, dactyli, & similia quali ter ponuntur pondere. 366
Pilulæ de Turbith aliæ. eod.	Pruna syluestria. 344
Piperis consideratio. 92. & 207	Psoricon quid. 545
Piper longum. eod.	Psyllij vtendi modus. 237
Piper album. eod. & 93	Psyllium vocatur pulicaris à similitudine, & ab effectu. 236
Piper nigrum. eod.	Psyllij consideratio. eod.
Piper absolutè quid. 207	Pulegij consideratio. 600
Piper eunuchorum. 455	Pulegium satium. eod.
Pix Colophonia. 564	Pulegium syluestre. 373
	Pupilla oculi. 36
	Pusca quid. 399
	Pyr



# INDEX.

Pyra condita.	277.	Rheubarbarum seu Ruta.	121
Pyra cytonia.	276	Rheubarbarum & Rhaponti-	
Pyrethri confideratio.	175	cum idem.	480
<b>Q</b> Vāritas fufficiens in in-		Rheubarbarum quid.	eod.
fufionibus quomodo		Rheuponticum quid.	eod.
intelligatur.	19	Rheupontici loco quid fumen	
Quatuor grana quæ.	216	dum.	481
Quatuor femina quæ.	213	Rhodostoma quid.	501
Quercula minor.	357	Rhus obfoniolum.	403
Quinefolium Plinij.	569	Ribes quid.	400
<b>R</b>		Ricinum animal quod.	576
Adicum infufio.	58	Rimech quid.	423
Rabarbari varia nomi-		Rifagallum quid.	441
na.	151	Rifum quid.	462
Ramich quid.	423.&175	Rob de Acrefta.	402
Ranarum confideratio.	616	Rob de Berberis.	eod.
Rana muta & rubea.	eod.	Rob de Cornis.	eod.
Rapofa Hifpanis quid.	613	Rob & Robub quid.	367
Raued quid.	480	Rob in quo differat à fyrupo.	
Raued & Rheu quid.	423	398	
Recentia plura inodora, quæ		Rob duplex de fructibus.	403
ficca funt odorata.	481	Rob myrtinum.	eod.
Recocta quid.	407	Rob de Sumach.	eod.
Regula conficiēdi electuaria.		Rob de Ribes.	400
103		Rob de Ribes fupplentia.	403
Regula de oblatione Hieræ &		Rob abfolutē.	399
fumilium.	200	Rofæ confideratio.	3
Refinæ & gummi differentie		Rofarum calyces.	419
ad inuicem.	512	Rofarum bortones.	eod.
Refina abfolutē quid.	eod.	Rofa Damafcena.	477
Refinam quæ arbores ferant.		Rofa mufcatella.	eod.
511		Rofæ ficcæ non funt pro recen	
Refina doliorum.	443	tibus compenfandæ.	406
Reticella quid.	518	Rofa quid.	295
Rhafis filius Zachariæ.	37	Rofarum femen & quid.	157
Rhecoma quid.	481	Rofæ abfolutē politæ quales.	
Rheu quid.	480	3.&316	
Rheubarbarum infunditur in		Rofarum recentium loco quid	
fucco.	85	fumendum.	407
		Rofula quid.	607

# INDEX.

Rosatum catharticum.	248	differant.	603
Rosatum laxativum.	eod.	Sanamunda quid.	567
Rubricæ loco quid sumédam.		Sandarax.	518
542		Sandonicum quid,	363
Rubus quid.	292	Sandarachæ consideratio.	
Rubus Moyfi.	294	440	
Rubus idæus.	eod.	Sanguinem draconis supplen-	
Rubus campi siue Chamæba-		tia.	429
tos.	eod.	Sanguisorba.	568
Ruellius erravit in descriptio-		Sanguinem sistentia.	435
ne de Turbith, ité & Manar-		Sanguinaria absolutè.	eod.
dus.	223	Sanguis Draconis.	429
Ruta capraria.	515	Sandalum siue sandalus quid.	
Rubus mosylleticus.	294	446	
Rimamarina quid.	141	Sandalorum tria genera.	eod.
Ruta agrestis.	536	Sapa quid.	399
Ruta absolutè.	eod. & 179	Saphyri consideratio.	15
Rutæ folia.	eod.	Saphranum quid.	437
Rutæ hortensis consideratio.		Sarcocolla quid.	484
600		Sarda siue fardius lapis.	16
Ruta sylvestris absolutè.	487	Sardonichis consideratio.	eod.
Rutæ sylvestris loco quid acci-		Salisarolla quid.	520
piatur.	488	Santalus absolutè quid.	69
S		Santalus citrinus.	eod.
Saccharum tabarzeth.	10	Satyriionis consideratio.	43
Sacchari usus.	eod.	Satyrii nomenclatura.	49
Sagzeneæ experta.	179	Satyrii vires contrariæ.	eod.
Sahiri siue sibari quid.	233	Sauich quid.	465
Salinaris Herba & radix.	175	Sauich absolutè.	466
Saliuncæ consideratio.	43	Sauinæ consideratio.	599
Sal Indum.	9	Scammonea quomodo in me-	
Sal Indum dulce.	200	dicinis commiscéda.	242
Sal montanum in India & Hi-		Scammonium quomodo pro-	
spania.	98	betur.	243
Sal Indum æquinocum.	198	Scammonium absolutè quod.	
Sal panis.	199	<del>212</del> & 243	
Sal Indum falsum & acutum.		Scammonium & similia quâdo	
200		correcta & quâdo non cor-	
Sambac quid.	477	recta fumantur.	231
Sâplucus & Maiorana in quo		Scammonij præparandi modi.	

# INDEX.

254.&232		Semen sanctum.	364
Scanimoniū semper correctū		Sementina quid.	364
accipitur,	243	Sentis quid.	292
Scebram quid.	268.&488	Serapinum quid.	489
Scedenigi consideratio.	171	Sermo in aceto squillitico.	394
Schinus, seu barbarè stinchus		Sermo in aqua mellis.	354
quid.	582	Sermo in Secaniabin puro.	385
Scolopendriæ cōsideratio.	141	Sermo in Syrupo acetoso.	336
Scolopendra vermis.	142	Serpentes nigri.	614
Scordij consideratio.	140	Serpentariæ plures species.	195
Scordium quid.	eod.	Serpentariæ nomina.	196
Scorpionum consideratio.	615	Serum quid.	407
Scorpiones quādo venari oportet.	eod.	Sertula campana quid.	565
Scoria quid.	126.&127	Septineruia quid.	433
Scorodon.	563	Sesami consideratio.	585
Scybalæ quid.	559	Seselis, Seseleos seu sileris mon-	
Sebellia quid.	417	tani consideratio.	89
Secacul consideratio.	52	Sesquipies quid.	451
Secacul conditum.	278	Setæ consideratio.	39
Secacul supplemtia.	53	Seta cruda.	eod.
Secundæ vel secundina mulieris.	399	Seta quid.	540
Sedenagi vel fedenagi quid.	431	Sextarius siue sextarium quid.	
Seitaragi quatuor species.	115	290.&610	
Seitaragi quid & eius consideratio.	112.&116	Sicca à viridibus quomodo differant.	7
Seitaragi supplemtia.	116	Sideritis quid.	429
Selica quid.	82	Sideritis succus quid suppleat.	430
Selinum quid.	90	Sigia quid.	186
Semina communia quare ita dicantur.	305	Simonis Ianuensis error.	466
Semina communia maiora & frigida.	304	Simon Ianuensis, Pādectarius	
Semina communia minora & frigida.	eod.	& Luminare maius notātur.	
Semina communia quæ.	213	107	
Semina Citrii & citrāguli.	581.	Siesmenithe quid.	562
Seminalis herba.	434	Simon Ianuensis, Pādectarius,	
		Luminare Maius errauerunt	
		in scordio.	141
		Siler mōtanum supplet locum	
		seselis & cymini sylvestris.	89
		Sinapi quid.	558
		Sira	

# INDEX.

Siracost quid.	210	Stacte quid.	180. & 185.
Sirici confideratio.	540	Stammum pomum.	324
Sira siue Xira quid.	211	Staphisagria quid.	536
Sisymbrij confideratio.	34	Staphisagria absolutè.	537
Sistar quid.	139	Stercus diaboli.	620
Sistra quid.	138	Sticados citrinum.	364
Sorborum confideratio.	110	Sticados Arabici loco quid. su-	
Sorbum quid suppleat.	342	mendum.	385
Solani siue solatri confideratio.		Sticados citrinum.	377
458		Stincus quid.	56
Solatrum absolutè.	459	Stramoniam quid.	299
Solatrum quid.	220	Storax Calamita.	186
Sori quid.	439	Storax rubea.	cod.
Species Alephanginæ quæ.	390	Storax absolutè quid.	cod.
Species omnes nō omnibus nec		Storax & Myrrha an differant.	
vni conueniant.	391	185	
Species debent bullire in deco-		Storax liquida.	180
ctione syruporum.	391	Styrax liquida.	186
Specierum contritio. 62. & 98.		Stupefactium duplex.	177
& 200		Such quid.	422
Specierum electuariaorum con-		Suchaha quid.	377
tritio.	12	Succi cocti & despumati quo-	
Spicæ confideratio.	112	modo intelligendi.	52
Spicæ confideratio generalis.		Succorum ponderatio.	292
43		Succorum confideratio.	346
Spica absolutè quid. eod. & 123		Succus rosarum.	316
Spicum quid.	601	Succus herbarū absolutè.	426
Spodium Arabum.	65	Succum vel succinum orienta-	
Spodium de canna.	cod.	le.	457
Spodium nostrum.	cod.	Suffus Aromaticum.	462
Spodium quid.	64	Suffus bonum impinguatū.	
Spodij differentia.	cod.	462	
Spodium Græcorum.	cod.	Suffus Diarhodon.	462
Squinanti flos quid.	144	Suffus de ligno aloës duplex.	
Squilla siue scilla quid.	395	462	
Squilla cruda non dat succum.		Suffus de granis myrti.	464
cod.		Suffus ad tussim antiquam.	
Squinantum supplet galanga	470		
vsualis.	145	Suffus quid.	461
Squinantū absolutè quid. eod.		Sulphuris species.	184

# INDEX.

Suricon.	562	Syrupus de granatis acetosis.	
Syrupus de Absynthio.	362		320
Syrupus de Absynthio alius.		Syrupus de granatis dulcibus.	
365			320
Syrupus de Acresta.	325	Syrupus de Hyssopo.	368
Syrupus acetosus diarhodon.		Syrupus de Iuiubis.	349
358		Syrupus de Menta.	359
Syrupus acetosus de succis herbarum, cum aromatibus.	359	Syrupus de Menta, inuentione nostra.	360
Syrupus Albalach, vel Albelach, vel Alchelach.	373	Syrupus de granis myrti.	326
Syrupus acetosus calidus.	354	Syrupus de Papauere.	329. &
Syrupus de succo acetosæ. eod.		351	
Syrupi acetosi & similes vbi decoquendi.	337	Syrupus de Perficis.	eod.
Syrupus de Calamento.	372. &	Syrupus alius acetosus de pomis.	346
373		Syrupus de Pomis.	317
Syrupus Chefines.	327	Syrupus de Portulaca.	348
Syrupus de corticibus citri. eo. & 326		Syrupus de prafsio.	371
Syrupus compositus cum aceto.	338	Syrupus de prunis.	319
Syrupus conferens catarrhis.	347	Syrupus de Pyris.	eod.
Syrupus de cannis zucchari.	347	Syrupus rosatus absolutè.	312
Syrupus de succo Cucurbitæ.	318	Syrupi simplices qui.	336
Syrupus acetositaris citri.	324	Syruporum alij sunt simplices, sicut species iulep.	310
Syrupus de Cytonijs.	eod.	Syrupus de Sticados.	383
Syrupus dinari.	330	Syrupus de Thymo.	374
Syrupus dinari cum aceto loco cuius subministratur.	340	Syrupus de violis.	349
Syrupus de Epithymo.	381		
Syrupus de Eupatorio.	375		
Syrupus de Fumo terræ maior.	365		
Syrupus de Fumo terræ minor.	367		
Syrupus Liquiritiæ.	eod.		

## T

Talisafar.	4
Tamarindorū & Keironis consideratio.	211
Tapfia est turbiti.	227
Tartarum quid.	1443
Tarathit quid.	469
Tasius barbassus.	333
Telephium quid.	349
Terebinthinæ consideratio.	510.
& 534	
Terræ sigillatæ loco quid sumendum.	433
	Ter

# INDEX.

Terra lemnia an differat à rubrica lemnia.	542	Trifago quid.	357
Tilia quid.	580	Trifago palustris quid.	140
Theriaca diateffaron.	110	Triticum quid.	462
Thymbra quid.	382	Trituratio virtuosa.	201
Thynni flores epithymbrū sup- lent.	383	Trochisci alhandal.	195
Thymelææ descriptio.	259	Trochisci de coloquintida	202
Thymelæa quid.	256	Trochisci antiquitus sigillabā- tur.	417
Thymelæa & chamelæa lacte- scunt.	289	Trochisci ingredienti electua- rium de Psyllio.	278
Thymushysopi species.	369	Tuderi albi & rubei considera- tio.	128
Thymus vel thymum quid.	374	Tuderi quid.	130
Thymiloco quid sumendum.	375	Turbit consideratio.	225
Thutia quid.	64	Turbith officinarum nō est ve- rum turbith, sed species Ti- thymali.	228
Thutia parū differt à Cadmia, & pro ea ponitur.	546	Turbith est vera Thapsia. eod.	
Trochisci de rosas absolutè.	421	Turbith optimum quale. eod.	
Trochiscus quid.	415	Turbith contritio.	eod.
Testiculus sacerdotis.	51	Turbith proprietates & confor- tatio.	229
Torpedo piscis.	176	Turmez herbæ descriptio.	55
Tortella quid.	463		V
Tribulus marinus.	606	Verbasum album & ni- grum.	333
Tribulum odoratum.	520	Veneræ vel veneræ quid.	503
Tribulus seu alsek absolutè.	607	Vernix solida, siue scriptorum.	618
Trifolium quid.	519	Vernix liquida.	eod.
Trifolium lunatum quid.	520	Vernix gummi.	440
Trimestre triticum.	286	Virga pastoris quid.	434
Triphera maior ex arte Feno- nis.	132	Vinum austerum vel brusum.	555
Triphera minor descriptione cognita.	134	Vinum secundarium quot mo- dis paratur.	399
Triphera Galeni.	127	Vinum stipticum.	563
Triphera muscata, quam fecit Alcanzi.	123	Viola quid.	447
Triphera persica.	213	Viola absolutè.	448
Triphera saracenica magna.		Viola lutea absolutè.	eod.

# INDEX.

Visci confideratio,	560	rens.	516
Viscum Romanum quid.	504.	Vnguentum gratia Dei.	523
& 509		Vnguentum delino.	531
Vitex quid.	397	Vnguentum mirabile relatum	
Vitis bifera, trifera, & quadri-		ad Nicodemum.	521
ra.	563	Vnguentum Nicodemi aliud.	
Vitrioli confideratio.	437	eod.	
Volubilis confideratio.	261	Vnguentum palmeum.	572
Volubilis absolute.	eod.	Vnguentum aliud palmeum.	
Volubilis quinque species.		eod.	
eod.		Vnguentum expertum adica-	
Vina quid.	451	biem.	573
Vmbilicus veneris.	570	Vnguentum de papauere.	532
Vnguentum Aegyptiacum ma-		Vnguentum Philagrij.	537
gnum.	542	Vnguentum Rosatum.	532
Vnguentum Alariel.	531	Vnguentum firicinum.	540
Vnguentum album.	539	Vnguentum tripharmacum fa-	
Vnguentum Alpforicon.	545	ciens.	543
Vnguenta apostolorum.	523	Vnguētum tripharmacū aliud.	
Vnguentum Arthanitæ ma-		eod.	
gnum.	523	Vnguentum violatum.	532
Vnguentum Arthanitæ paruū.		Vnguen.	508
529		Vngimentum.	eod.
Vnguentum aureum.	538	Vngula caballina.	592
Vnguentum Basilicon maius.		Vrū vua quid.	403
533		Vfine.	272
Vnguentum Basilicon minus.		Vulpis confideratio.	613
eod.			
Vnguentum de Bdellio.	536	X	
Vnguentum valens fimiliter vt		Xyloaloes quid.	33
vnguentum de Bdellio.	eod.	Xylobaliamū quid.	207
Vnguentum de Cerufa.	538	Xyloaloes quomodo cogno-	
Vnguentum Cafareos magnū.		icatur.	34
522		Xylocafia.	82
Vnguentum Cafareos paruū.			
eod.		Z	
Vnguentū diaphinicon descri-		Z Azor æquiuocē.	341
ptione Arabica, & est vnguen-		Zazor absolute.	342
tum Arabicum.	518	Zaynari quid.	575
Vnguentū diaphinicon confe-		Zazur sine zazor quid.	341
		Zambellæ Romanis quid.	464
		Zea duorum generum.	463
		Zedo	

# INDEX.

Zedoaria & Zurumbet confi-		Zuccharum Alchilil.	283
deratio.	17	Zuccharū bugloſſatum.	eod.
Zedoaria ignoratur.	19	Zucchari confideratio.	9
Zedoaria locū quid ſuppleat.		Zuccharum groſſum.	10
eod.		Zuccharum quomodo pona-	
Zirbus quid.	518	tur in compoſitionibus.	61
Zirbum abſolutè.	eod.	& 82	
Zimar ſiue ziniar quid.	539	Zuccharum roſatum.	28.
Zimarium quid.	540	Zucchari roſati modi & pro-	
Zinian confideratio.	383	prietates.	eod
Zinziber conditum.	280	Zuccharum tabarzet..	274
Zinziberis boni notæ.	eod.	Zuccharum violatum.	28.

INDICIS FINIS.



2

I N  
A N T I D O T A R I V M  
IOANNIS FILII MESVAE,  
C E N S V R A.

*Cum declaratione Simplicium medicinarum, & solutione multorum dubiorum, ac difficultum terminorum. Per Venerādos patres, & IESV Christi seruos, fratres Bartholomæum Vrbeutanum, & Angelum Paleam Iuuenatiensem, ordinis Minorum Observantiæ provincie Romanæ, feliciter incipit.*

*Scripsimus in libris explanationum nostrarum &c. I.*



AUTHOR noster in hac sua præfatione, cum dicit: Et ponimus totam latitudinem operis huius, summas duas. In prima, supple summa, famosas & solennes medicinas compositas tradimus. In secūda verò, medicinas singulorum membrorum ægritudinibus appropriatas distinguemus. aperte declarat, quòd hoc Grabadin vniuersalium medicinarum (quod Antidotarium nominamus) & Grabadin particulariū medicinarū (quod à multis Practica nūcupatur) est vnū tantū opus, siue vnus liber, in duas diuisus summas, tāquam principales partes sui. Igitur prima summa, seu prima pars principalis huius libri, est hoc Antidotariū. Secūda autē summa, seu secunda pars principalis præsentis Grabadin filij Metuæ, est practica. Cuius principiū est ibi: Sanat solus læguores DEVS, &c. Cōsimiliter ipse author fecit in altero suo libro, cū diuisit ipsum in duas sectiones, tanquam in duas principales partes. Quarum prima continet canones vniuersales de rectificatione medicinarum, &c. Secunda autem particulares sermones, seu capitula de esse & posse singulorum simplicium, &c. Et sunt 54. capitula. Igitur in duobus libris tantū, & non in tribus vel quatuor (vt ali

*Grabadin.* qui iuniores exponūt) diuiditur totum hoc opus filij Mesuæ Authoris nostri. Grabadin autem idem significat, quod aggregatio antidotorum, seu medicinarum compositarum, &c. Sequitur author dicens: In prima verò, supple principali parte istius Grabadin, qui Antidotarius dicitur, distinctiones ordinamus 12. quas enumerat dicens: Prima de electuarijs. 2. de medicinis opiatjs. 3. de medicinis solutiuis. 4. de conditis. 5. de speciebus Lohoc. 6. de syraps & robur. 7. de decoctionibus & infusionibus. 8. de trochiscis, siue (vt mauis) trochiscis. 9. de suffufet, id est pulueribus. 10. de pilulis. 11. de vnguentis & emplastris. 12. de oleis. De quarū singulis successiue diceretur. Porro primam distinctionem diuisit in duas partes, scilicet separatim scribens compositiones delectabiles, ab amaris & horribilibus. Secunda ibi: Theriaca diatesfarō, &c. Prima autē ab electuario de aromatibus Galeni (quod mox declarabimus) initium sumpsit. Sed antequam ad declarationē procedamus, sciendum q̄ in pharmacorū cōpositione, tria generaliter requirūtur. Primū, vt simplicia sint in sua perfectione, & puritate, cōgruis collecta tēporibus, ac locis cōueniētibus deposita, nec nimia vetustate cōsumpta &c. Secundum, vt in simplicij trituratione, cribrellatione, pōderatione, &c. adhibeatur diligentia nō minima. Tertiū, vt in decoctione coquendorū obseruetur gradatio rerū, quia nō omnia sustinent equalē cocturā: & vt ipsa pharmaca sint cocta, nec plus, nec minus, quā oportet. In quibus tribus cōsistit omnis medicinarum perfectio. Et ex his sequitur corollariū nō minus necessariū: hoc est, vt cōposita pharmaca, & antidota, cōdecētibz vasis, & locis asseruentur: & neq; citra, neq; vltra tempus cōdecens, administrentur infirmis.

## DISTINCTIO I.

*Electuarium de aromatibus quod scripsit Galenus &c. II.*



ODESTIAE causa quidem, vt coniectamus, Author in hoc suo Grabadin, potius præposuit alienas, quā suas cōpositiones: quasi ostendens se potius esse aggregatorē, quā principalē authorē huius operis. Vnde hoc electuarium de aromatibus Galeni, tanquā vnū de nobilioribus, in capite ipsius operis locauit. Non obstante, quod aliqui, tum quia sandalos recipit, de quibus nusquam est metio apud antiquos Græcos) tum etiam

etiam quia in nullo Galeni volumine legitur huiusmodi electuarium, negat ipsum esse Galeni. Nobis autē satis difficile est credere Authorem nostrū voluisse attribuerē Galeno, quod erat alterius. Quoniā fortasse in aliquo Galeni libro ipse legit, quo nos caremus. Nam ut probari potest in pluribus locis per ipsius Galeni verba, non omnia eius opera habētur: imō plura sunt quę desiderantur. Et vix etiā credere possumus Græcos ignorasse sandalos. Forsā quod sub alio vocabulo nobis ignoto ab ipsis descripti sunt. Sed vel sit Galeni, vel nō, parum refert: attamen sub eo titulo, quo ab ipso filio Mesuę positū est, ipsum electuarium stare debet. Est etiā aliquorū opinio, quod hoc electuariū sit primū à Galeno descriptū, sed postea ab Arabibus permutatū, ut in cōsimilibus pluribus fecerūt. Retinuit tamē nomen. Electuarium autem, dicitur omne id pharmacum, quod ex electis rebus conficitur. Et quasi idem dicit, quod compositio electarum rerum. A Matthæo Syluatico autem (qui Pādectarius dicitur) interpretatur electuarium, mollis sorbitio. Sunt nonnulli putantes rectius esse legendum linctuarium, quā electuarium. De aromatis autem dicitur, quoniam ferē omnia quę recipit, aromatica sunt. A nonnullis quidem electuarium diaroma intulatur.

*Electuariū  
quid.*

*Linctuarium.*

*De Rosis.*

**R**osæ quidem cum absolute scribuntur, rubræ semper, & vere rosæ absolute rubedinis intelliguntur. Sed in hoc electuario debet esse rosæ posite incompletæ, quoniam sunt maioris confortationis &c. Lege de quales. Rosis in electuario confortante stomachum.

*De Ana.*

**D**ictio Græca est Ana, & plura habet significata. Sed reuera in medicinalibus libris generaliter pro pariter, seu æqualiter, vel simili est semper intelligendum. Ut exempli gratia: Vbi sunt plures res in vno ana, intelligatur, quod quantum de vna re accipitur in illo ana, tantum de singulis sit accipiendum.

*De Aureo.*

**A**ureus quippe secundum communē vsum, intelligitur pro drachma vna cum dimidia. Et cōsimiliter solidus, & exagium, secundum aliquos. Drachma autē, loquimur de cōmuni vī) est octaua pars vnciæ. Duodecim verō vnciæ libram cōstituunt. Sed hæc & similia plura, notiora sunt, quā ut declarari debeant. Porro hoc animaduertendū, scilicet ut noteis hinc signa & characteres ponderū & mensurarū &c. quæ passim hincinde in toto opere, breuitatis causa, abbreviatē describentur. Videlicet Aureus

fic, aur. Drachma, 3. Vncia, 3. Dimidiū vnciæ, siue drachmæ, siue alterius pōderis vel mēsuræ cui adhærebit, sic signabitur, s. Scrupulus, 3. Granum, gr. Libra, lb. Manipulus, man. Recipe, Rx.

## De Mace.

**V**lgare est hodie, quod Macis est cortex nucis myristicæ, scilicet muscatæ. Et, in veritate est. De Mace vsuali loquimur. Quia non solum credimus Serapioni, Auicennæ &c. hoc testantibus, sed certa scientia habemus, quod ita est, scilicet quod *Macis est* pluries habuimus de ipsis nucibus, cum cortice duro, & supra *cortex nucis muscatæ* ipsum corticem erat Macis. At supra Macim adhuc nō vidimus alium corticem, quē credimus ipsas nuceſ habere: licet aliqui id negent, affirmantes macim esse extimanī corticem huiusmodi nucum. Qui autem dicūt quod Macis est aliud, quā cortex nucis muscatæ, hi non rectē sapiunt. Apud Dioscoridem autem, Galenum, Paulum, & Plinium, macer, seu macir, seu machir vocatur: vt patet concordando capitulum Serapionis & Auicennæ, de mace, cum capitulo ipsorum de macere &c. Porro non tantum Plinius, sed nec aliquis priscorum Græcorum apertē cognouit macim, vt per ipsorum dicta euidentius probari potest. Nam & in Græcia (ut scitur) non sunt arbores myristicarum nucum. Quod etiam Serapio testatur cū dicit: Et est cortex qui exportatur de regione, quæ non est Græcorum &c. Arabicæ autem, vt apud Serapionem, Gisbese, & Talisfar, siue Talisafar, vt est in Auicēna, & in Synonymis Rhafis, legimus Macim vocari. Marthæus Syluaticus autem, cap. 643. quod incipit: Sistoſe, vel bisbese &c. & in litera Talassafir, multa & alia nomina Maci cōtribuit. Sed animaduertendum quod apud Auicennam in 2. cānone, sunt duo capitula de mace. Vnum videlicet sub nomine macis, in quo Andreas Bellunensis multa correxit: & alterum sub titulo Talisfar, siue Talisafar. Vnde probatur quod ipse Auicēna sub vario nomine varia intellexit simplicia. Cū idem sit macis & Talisafar, vt legentibus non est dubium. Quæ duo Auicennæ capitula, Simoni Ianuensi, Pandectario, & alijs ex iunioribus dederunt ansam dubitandi, an esset diuersum à mace talisafar. Neq̃ obstat quod in 20. capit. 7. Breuiarij Ioannis filij Serapionis habeantur Electuarium altalisafar, & electuarium de mace, immediatē vnum post aliud, tanquā duo diuersa. hoc est, tanquā si talisafar non significet macim. Sed qui bene perscrutabitur ipsā, reperiet non esse diuersa: imō idem sine dubio significare talisafar, siue talisfar, &c. quod macis.

Etenim

Etenim ipse filius Serapionis ponit ibi duas diuersas descriptiones, siue duo diuersa de Mace, vel de talisafar electuaria, quæ sunt ferè vnus tantum proprietatis & virtutis, vt in titulo ipsorum legitur: & parum in simplicibus differunt. Et primum posuit electuarium de mace sub nomine Altalisafar, postea subiunxit aliam descriptionem magis visualem, sub macis nomine: unde incepit sic, Electuarium de mace, quo vtuntur (supple medici nostri temporis, scilicet ipsius authoris) quasi dicat: Superior descriptio non est tam visualis, sicut ista, aperte declarans vtriusque electuarium esse de mace, siue (vt mauis) de Talisafar. Quod autem per varia vocabula scripsit, nihil refert. Consumiliter & alij authores in pluribus suis compositionibus fecerunt. Vt exempli gratia, sunt apud authorem nostrum Trochisci diarhodon, & trochisci de Rosis: & pilulæ de Rauesdeni, & pilulæ de rheubarbaro, & similia. Et fortasse non author, sed interpres variavit illa: vel dubitans, vel ignorans, vel ad clariorem ipsarum descriptionum distinctionem: vt si quis petierit electuariū de mace, non confundatur aromatarius accipiendo alterum pro altero. Quamuis parum inter se differant. Et sic ergo cōclude, quod Macis, Talisafar, Macer &c. nomine tantum, nō re differunt. Et idem est quod cortex nucis muscatæ.

*De Doronicis, siue Doronigi, &c.*

**D**escriptio Doronici, siue doronigi, siue durungi, vel dirunigi, & similibus vocabulorum, quæ vnū & idem significat, tantummodo apud Serapionē legitur. Alij autē vt Pādectarius, & nonnulli ex recentioribus, autoritate ipsius Serapionis scribunt. Nec quidem tota eius planta notatur: de radice tantū pertractat Serapio, quam asserit esse paruam, durā, & grauē, ab extra ad citrinitatem tendentē, ab intus verò albā, in grositudine ramorū Sceitaragi, & ad plus in grositudine, seu magnitudine nodi pollicis, & quod defertur ex Sim, siue ex Sin, vt aliqui libri habēt. Pādectarius dicit ex Syria. Sed Simon Ianuēsis, & Luminare maius, scribunt ipsam radicem esse dulcē, & in colore & figura calami aromatici. Ioānes Manardus verò eandē odoratam facit: quæ notæ à Serapione nō scribuntur. Itē capitulū in Serapione incipit Haronigi. in Pādectario verò Varonig, &c. De reliquis autem partibus eius, vt puta de folijs, floribus, & cæteris particularitatibus culmi ipsius, haud est qui loquatur. Recentiores quidem ponunt supradictas notas, quia illam radicem (qua cōmuniter vtuntur omnes aromatarij) quæ ab Oriē tali-

*Doronici  
Italici de-  
scriptio*

bus partibus ad nos defertur, approbant esse veram doronici radicem. Quæ quidem (vt patet) pro maiori parte habet illas notas. Nam est parua, & dulcissima, intus alba, foris subcitrina, aliquem (licet paruum, & non malum) habens odorem. Attamen similitudinem quam dant de Calamo aromatico, non agnoscimus, quia (vt aliàs dicemus) verus Calamus aromaticus non habetur. Et forsân ipsi intelligunt de illa radice, quæ falsò pro calamo aromatico recipitur ab omnibus, in vsum medicine: quam in Diaomorusia probabimus non esse calamum aromaticum. Ad dictam autem radicem (quæ falsò calamus aromaticus vocatur) habet aliqualem similitudinem: tamen radix dicta doronicum, est multo minor ipso falsò calamo. Nos igitur talem radicem doronicum dictam ab Orientali plaga delatam nõ parvipendimus, & pluries ea vsumus. Veruntamē si est verum Serapionis doronicum, non planè nobis constat. Præterea, paucis antè annis, nos proprijs manibus, in nostra Italia, scilicet in montibus Nursiæ, radices similes effodimus. Nullum quippe discrimen notabile videtur esse inter ipsas, & Orietales: præter quòd istæ Italiciæ sunt odoratiores. Et in mādendo ipsas, cum sua dulcedine, sentitur quædam suavis aromaticitas, quæ cerebrum, & caput summopere confortat. Quam aromaticitatē in illis Orientalibus non percipimus. Et fortassè quia Italiciæ radices, quas doronicum Italicum appellamus, sunt recentiores orientalibus, quas, ob vetustatē, putamus amississe suam aromaticitatē. Planta autē Italici doronici talis est, folijs violæ matronalis non absimilibus, eleuatur in cubitū, & amplius: caule vt plurimum vnicò, rotundo, rectoq;, in cuius summitate ramuli plures procreantur, in quibus copiosi flores, & croci sunt, herbæ vocatæ incēsariæ, aut buphthalmo simillini, maiores dūtaxat: semē adhuc non vidimus. Huiusmodi plātæ radicibus vtimur. Quas quāto recentiores, odoratiores, & dulciores gustamus, tantò meliores orientalibus iudicamus: quas ad differentiam Italici præfati, doronicū orientale nominamus. Est præterea in Veronensibus agris quædam radix admodū parua, videlicet iuncturæ pollicaris longitudinē non excedens, & minimi digiti crassitudinē, grauis, ab extra subcitrina, intus alba, dulcis, trahens ad saporem castaneæ, forma calamo aromatico vsuali non absimilis, in odora-

*Dulcichi-* tamen, quam Veneti Dulcichinum, Veronenses autē trasci, siue  
*tum Vene-* trasi appellant. Folia fert triticea, seu cypero similia: verū tamen  
*torum.* molliora &c. Libenter comeditur à pueris. Forsân hæc radix sit

verum

verum Serapionis doronicum. De hac enim putamus loquutos fuisse Simonem Ianuensem, & Luminare Maius. Manardum autem potius de Italico supradicto, vel de Orientali, quia hæc radix (vt diximus) odore caret. At Manardus suam, odoratam scripsit. Nobis autem nescientibus rei veritate, magis placet, vt pro doronico vero substituaturs Italicum præfatum, ob suam aromaticitatem, quam istud dulcichinum. Si medici autem (de peritis loquimur) aliter iudicauerint, quin faciendum sit secundum ipsorum iudicium, non inficiamur.

## De Menta.

**I**N syrupo de Menta inuentione nostra (Deo concedente) declarabimus mentam. Sed hic videndum, quare Author potius posuerit in præsentī electuario mentam siccam, quam virētem? Respondetur, quia istud electuarium est stomachicum, & nō recipit nisi medicinas stomachum confortantes. At quia mēta virens est ventosa, & stomachi conturbatiua, non recipit ipsam. Cum autem siccaturs, admittit ventositatē illam, & restat ei pars confortatiua, quam querit Author in præsentī electuario, ideo *Sicca à viri* recipit siccam. Vnde notandum, quod herba, aut flos, vel simile, *ridibus quo* cum siccaturs, tripliciter operatur. Aut amittit virtutem, vt sunt, *modo disse-* borrago, buglossa, cymbalaria, & similia multa: aut acquirit vir-  
*rant.* tutem, vt menta, hyssopus, & similia: aut transit de virtute in vir-  
*Mēta humi-* tutem, vt viola, & similia. Item nota, quod quādo in aliqua com-  
*da & simi-* positione petiturs menta humida, non intelligitur virens, vt di-  
*lia quomo-* catur humida, ad differentiam sicce. Sed illa quæ in pingui, vel do  
humida, seu aquosa humo nata est. Vt puta, illa est humida, quæ  
in aliquo horto diligentiori cultu stercoreatur, atque sæpius irri-  
gatur &c. vnde cum non specificatur de virenti, vt puta, pro ex-  
cipiendo succo ipsius mentæ &c. vel legatur menta simpliciter,  
vel menta humida, semper sicca intelligitur. Et similiter hyssopus, & alia plura.

## De Casia.

**S**imiliter (vt de Asaro dicemus) & casia quandoque minus recte per duplex si, scribiturs casia. legendum est per vnicum si, casia. Sed nota quod quando simpliciter reperitur casia, semper lignea intelligi debet. Sed illa, quæ vtuturs aromatarij, nō est casia lignea. Propterea lege de ea in confectione de cinnamomo.

## De Asaro

**E**T licet semibarbare à minus peritis dicatur, necnon & ab inscijs librarijs scribatur, siue imprimatur, Asarum, per si,

tamen secundum veritatem per *f*, simplex est scribendum & proferendum. Luminare Maius quidem, nescimus quam fatuitatem hic scribit, distinguens quod per *ff*, duplex, est herba ipsa, quam petit author in presenti, & alijs pluribus compositionibus, de qua & capitulum facit in sua sectione de Simplicibus: & per simplex, *f*, est asarum Dioscoridis, quod & declarat esse aliam herbam, quamq; asserit à multis vulgaribus, Prouinculam nuncupari. Et quam herbam ipse intelligat per Prouinculam, ignoramus. Si enim ipse intelligit, peruincam, scilicet vincamperuincam, maxime errat: quoniam nullam habet vincaperuincam cum Asaro similitudinem. Ergo secundum ipsum aliud est Asarum authoris nostri, ab asaro Dioscoridis. Quod absit. Nam (ut legenti patet) identidem est. Imò (ut videri potest in omnibus impressionibus, & in cunctis ferè exemplaribus) capitulum filij Mesuæ de asaro, per simplex *f*, asarum legitur, & non assarum, ut ipse dicit. Non obstante quod in varijs pharmacorum descriptionibus legatur minus correctè assarum. Sic enim incipit capitulum ipsum, secundum aliqua exemplaria correctà: Asarum est radix herbæ montanæ, cuius folia non sunt angulosa sicut folia hederæ &c. Sed per impressiones mendosè sic legitur: Assarum est radix herbæ montanæ, cuius folia sunt angularia sicut folia hederæ &c. Igitur per simplex *f*, siue per duplex *ff*, (quamuis nō rectè) idem est, scilicet asarum, quod ab aliquibus (ut Dioscorides tradit) Bacchar vocatur. Vnde est, quod à pluribus hodie, Asara, siue Assara bacchara vulgariter dicitur. Aduertendū tamē, quod Baccharis aliud est à bacchar, ut patet per Dioscoridem. Vocatur etiam asarum ab alijs, syluestre nardum, & nardū rusticum: ex eo, quod in virtutibus assimilatur nardo: vnde & pro nardo in necessitatibus compensari licet. Porro asarum nō est ignotū: sed melior pars plantæ eius est radix. Aromatarij tamen hodierni plurimum folijs vtuntur, quod in multis pharmacis non est ita bonum. Potest etiam & loco asari subministrari Cubeba, ut in Hierà picra Galeni dicemus. Item loco asari, ponitur radix acori, ut in quinto Colliget Auerrois testatur, in his verbis: Asara bacchara, quod ex ea valet, est radix: & virtus eius est similis virtuti Acori: sed est fortior hoc.

De Feniculo.

**F**oeniculum sanè notissimum est, & Græcè marathron dicitur. Duplex reperitur, scilicet alterū fatium, siue domesticum: & alterum erraticum, quod Græci hippomarathrū, siue mara

*Asari varia  
nomina.*



marathrum agrion nomināt. Et hoc in duas diuiditur species: quarum vna est amarior altera. Amarius enim hippomarathrū, à nonnullis fœniculastrum vocatur. Satiuum etiam hodierni in duas species diuiserunt: scilicet quòd ex fœniculo satiuo noto, quadam arte factitant: aliud, cuius umbella est maxima, & semē grandius, dulcius, & aroniatius, quiddam saporis inter fœniculum & anisum habens, quod quidem ubiq; vocatur fœniculum dulce. Quodque si sæpius non feratur, aut transplantetur, citò degenerat. Et hæc omnia fœniculi genera notissima sunt: sed in medicina commune notum est ponédum, de quo optimo *Fœniculum* in canis Romæ propinquis maxima est copia. Cùm autem ab- *absoluitè pos-* solutè scribitur, semen intelligitur, quod est vnum de quatuor *situm semē* comunibus, maioribusve seminibus calidis: de quibus infra. *denotat.*

De Zuccharo.

**Z**uccharum, siue saccharum notum, propriè est mel cannæ antiquorū, induratum tamen. Siquidem arte ad ignē per plures coctiones dealbatur atque induratur, & per consequens meliorem fit. Prisci ignorabant hanc artem: exprimebant enim suum saccharum ex radicibus cannarū, & ex ipsis cannis, ex quibus nunc fit zuccharum, & veluti melle liquido utebātur eo. Vnde & ipsum, ad differentiam mellis apuni, &c. mel cannæ nomi- *Mel cannæ.* nabant. Aliud autem reperiēbatur, vi solis cōcretum super ipsas cannas, siue arundines, sicut gummi super arbores: vt Dioscorides in fine capituli de Melle scribit. Aitenim: Est & aliud concretum mellis genus, quod saccharon nominatur. In India verò & Felici Arabia in arundinibus inuenitur, salis modo coactū est, dentibus, vt sal, fragile &c. Et quòd hoc mel arundinum, saccharum dictum, sit zuccharum, probatur per Serapionem, qui in capitulo de zuccharo, adducit hanc eādem Dioscoridis auctoritatem. Vnde putamus zuccharum à saccharo, vel (quod magis credendum) saccharū, à zuccharo dici. Quod quidē saccharū induratum, nonnulli à salis similitudine, Sal Indū vocarunt. Et Auicēna *Sal Indum.* zuccharum alhusar, siue fucchar alhašer appellat: & ab auctore nostro alhosos, secundū impressiones: sed secundū aliqua exemplaria correctā, alhosor, & alhosor, & alteriusmodi scribitur. Vt *Alhosor.* est in j. cap. de electione medicinarū: vbi sic legitur, Cuius materia sit humiditas viscosa, sicut zuccharum, & nabeth, & alhosor. Quod certè erat sicut nostrū zuccharū candum, quod arte paratur. Habebatur siquidē & hoc in vsu, quamuis rarò, quia nec copiose erat ubiq;. Nunc autem zuccharū est in quotidiano vsu, &

ex varijs regionibus in magna deferitur copia. Et præsertim ex insula Lusitanorū, quæ Madera dicitur. Omne enim zuccharum hodie notissimū est. Quod autem est purius, & albius, tabarzed, *Saccharum* siue tabarzeth cognominant Arabes: nostri autē, zuccharum si- *tabaræth.* num appellant. Et Venetijs optime paratur. Aliud autem, quod commune dicimus, plurimū zuccharum grossum nominant. Sed zuccharū, quod rubeū cognominatur, non est genus diuersum, *Zuccharū* sed eiusdem generis, minus tamen purificatū & coctū. Est enim *grossum.* quasi spuma zucchari fini. Præterea in præsentī confectione, pro omnibus cōsimilibus, vnū generale est notandum, de zuccharo recipiendo in cōpositionibus, quæ melle vel simili conficiuntur. Etenim illud zuccharū nec ratione pulueris, nec ratione mellis ponendū est. Et hac de causa: quia si ratione pulueris, vel mellis ponatur, oporteret addere vel minuere, ad quantitatem mellis hīc necessariā, & tunc compositio disproportionaretur. Et disproportionata cōpositio non consequitur suam operationem, nec suum effectum: vt refert Auicēna in quinto cap. de Theriacis. Et meum quidem, inquit, consilium est, vt non amoueat aliquid (supple in cōpositione) quod experimētū iuuatiuū inuenit fortasse ei illa cōplexio, illo pōdere est exigens illud, cuius iuuamentum inuenit experimētū: quod quādo ipsa mouetur à suo pondere, non cōsequitur illā proprietatē. Hæc Auicenna. Igitur cū reperitur zuccharū in aliqua cōpositione, quæ melle conficitur: nec loco mellis, nec loco pulueris pōnatur. Sed prius species conficiatur melle iuxta modū doctrinæ mox assignandæ. Deinde zuccharum per se subtiliter puluerizatum cōmiscetur. Et tunc fiet electuarium melioris effectus, & cura medici nobilior. Lege etiā de hoc infra, in diagalanga, scilicet in confectione de galanga, quia ibi melius declarabitur. Et scias quod zuccharum ponitur tantum in electuarijs & confectionibus resoluentibus ventositatem: hac de causa, quia zuccharum inuiscat & ingrossat medicinas, ne ad longinqua penetrent, sed ventositatem expellant.

*Sacchari  
usus.*

#### De Miua.

**M**Ultimoda est Miua, vt in distinctione de syrupis patebit. Sed quando non specificatur de ipsa, semper de prima descriptione intelligi debet. Porro cū sit, quia hīc declaratur aromatica, debet ipsa Miua recipere species inibi assignatas. Atqui si quis dixerit, quod hæc Miua ingrediens hoc electuariū, cū sit aromatica, habet suam specierum portionem, ex quo non ratione mellis, sed per se poni debet in hac vel simili cōpositione. Respon

spondendum, quod species ingrediētes quācūq; Miua, nō ingrediūtur cum tota corporali substantia in ipsā, vt vnā simul cum ipsa misceatur & incorporētur: sed quasi per modū infusio- nis, suspēse & ligatę in pāno. Etia & si ingredietur cū tota corporali substantia, non sunt sufficientes proportionatę doctrinę authoris nostri, in confectiōe de musco dulci assignatę, scilicet, quod pro qualibet libra mellis poni debēt specierū 3. iij. vt mox dicemus. In miua autē vix pro vnaquaq; libra mellis, vel zucchari, sunt tres specierū drachinę suspēse, & ligatę in pāno. Quamobrem non possunt dare ei aliquam corporeitatē: & per consequens electuarius esset disproportionatus. Ergo concludendum est, quod miua debet poni ratione mellis: & non aliter. Vide etiam de miua infrā, in electuario de granis myrti, & in diffinitione de syrupis, scilicet in proprijs descriptionibus.

## De Melle.

**P**ura nempe de Melle dicenda sunt in cōfectiōe de Musco dulci. Sed quia hīc dicit author indeterminatē, Confice cum melle despumato: propterea (vt in pluribus) hanc notatā habeas regulam, pro omnibus similibus accidentibus. Vt videlicet pro qualibet 3. specierum, ponantur mellis, vel zucchari, vel similis 3. iij. scilicet vt in vnaquaque libra mellis, vel similis, ponantur specierum 3. iij. Sed zucchari diximus, pro illis confectiōibus quę cum solo zuccharo cōficiuntur: nō autem pro illis quę conficiuntur melle, & recipiunt aliquid de zuccharo, vt illud electuarius, & similia. Et hęc regula sumitur à confectiōe de musco dulci, vt ibi clarius dicemus. Quandoq; autem propter lasciuiā hominum, solent huiusmodi electuaria, & confectiōes parari cum solo zuccharo, in forma solida. Et tunc de comuni consuetudine (quia apud authores non reperitur) ponitur pro qualibet libra zucchari syrupizati, & perfectē decocti, specierum yncia vna. Quoniam tūc potius queritur oris delectatio, quā corporis utilitas. Et de hoc videmus melius infrā, in Diarhodon descriptione communi.

## De Dosi.

**D**osis nanque (vt Sipontinus in Cornucopia scribit) datio dicitur. A Pandectario autem sic diffinitur: Dosis, Gręcę, donum, datū: id est datio, vel tributio. Et propriē in medicina denotat illud, quod potest dari infirmo, de illa medicina, cui adheret, sine nocumeto. De ceteris autem simplicibus hīc prętermisis, quare infrā.

*De contritione specierum praesentis electuarij & similium.*

**S**pecies equidem praesentis electuarij, & omnium cõsimilium electuariorũ, & confectionum expellentium ventositatem &c. non sunt multũ subtiliter puluerizandæ, sed mediocriter, & quasi more solutiuorum. Quapropter lege de hoc in confectione de Galanga, & in Diacymino secũdo. Præterea animaduertendũ est, quod omnia simplicia ex quibus electuaria & cæteræ confectiones parantur, non sunt simul terenda: sed quælibet simplex medicina per se puluerizanda & cribrellanda est, si fieri potest. Et ratio est: quia omnia non sunt eiusdem complexionis & substantiæ. Siquidem quædam sustinent multũ de contritione, & quædam parum, & quædam mediocriter: vt ipse author noster, in canone Triturationum refert. Quapropter vt ex contritione virtus eorum non deperdatur, quodlibet simplex conterendum, per se debet conteri & puluerizari. Ac post cribrellationem quodlibet simplex per se est pöderandũ, & non antea, vt multi, non rectè, faciunt. Et hoc totũ notatum habeas.

*Electuarium de gemmis &c.*

III.



**M**VLTA nempe essent in hoc Electuario de gemmis perscrutanda: breuitatis tamen causa aliqua magis necessaria notabimus: reliqua autem curiosis lectoribus perquirenda dimittemus. Vocatur igitur hoc electuarium, de gemmis, à lapidibus pretiosis quos recipit. Quoniam quilibet lapillus pretiosus, etiam & margarita, atq; corallium, necnō quoddam sal, sub hoc generali vocabulo, scilicet gemma, comprehenditur. Veruntamen cūm dicit electuariũ de Gemmis, nō de omnibus gẽmis, id est, nō de omnibus lapidibus pretiosis, qui penè innumeri sunt: quoniam nec omnes competunt huic confectioni: sed de illis duntaxat gemmis intelligit, quas postea speciatim enumerat. Præterea sciendũ, quod paucissimæ descriptiones cõpositionũ sunt per impressos libros, in presenti Antidotario, quæ aut in simplicibus, aut in pöderibus &c. nō sunt à librarijs aliquo modo vitiatæ: pro quibus emendãdis, nos laborẽ non niuũ sumpsimus, percurrẽdo quotquot exẽplaria habere potuimus, ac etiã cõferendo cum alijs, authoribus, vt ipse descriptiones pro viribus nostris essent ad amussim emendatæ, ad communem tam viuendum quàm venturorum vtilitatem. Eas autem descriptiones, in calce nostrarum Annotationũ, prout potuimus inuenire, omni

erro

errore purgatas, in vnum, quasi sub compendio, ad legentium commoditatē, restringemus. Ipsi tamen errores, & menda, vbi-  
cunque fuerint, passim in nostris lucubrationculis connotabun-  
tur. Vnde in præsentī descriptione mendose per omnes excu-  
siones legitur, Albarum margaritarum 3. ij. Lege rectius 3. iij. vt  
cuncta exemplaria manuscripta, ex his quæ vidimus, habet. Nam  
potius credendum est tot exemplaribus vetustis, varijs manibus  
& temporibus descriptis, quàm paucis mendosis impressiōni-  
bus, quæ vel falso exemplari, vel libroriorum incuria, innumeris  
scatent mendis. Et nouæ impressiōnes, antiquis sunt mendosio-  
res: & nouissimæ sunt omnibus peiores. Quoniam imprimun-  
tur sine correctore, scilicet bono. Vnde in imprimendo, non so-  
lū non corriguntur priores, sed sæpius alij noui committun-  
tur errores. Non obstante quòd etiam aliqua exemplaria repe-  
riantur mendosa. Et ideo plura quæsiuimus, quia in paucis non  
confidebamus. Minutiores autem menda, vt sunt aliquæ literæ,  
vel grammaticæ, vel orthographiæ deprauationes, & similia par-  
uimomenti, quæ ad compositiones nullum possunt detrimen-  
tum inferre, absque annotatione aliqua, in proprijs descriptio-  
nibus correctæ erunt: vt legenti, & cum alijs codicibus confe-  
renti, liquidò patebit. Est etiam alius error notandus in præsen-  
ti descriptione per quasdam impressiōnes: videlicet vbi in ipsis  
legitur, Confice cum succo emblicorum &c. Lege rectius, Con-  
fice cum: melle emblicorum &c. Ioannes Manardus autem igno-  
rans errorem, & sciens succum ab emblicis non posse excipi, de-  
clarauit macerandos esse emblicos vino, vel aqua, & exprimē-  
dos. Quod omnino non est faciendum. Quoniam author dicit  
cum melle emblicorum. Cum quo melle etiam confectiōem de  
xyloaloës, & electuarium sarboteng, & alia plura conficit: & ita  
est in libris correctis. Succum autem emblicorū, aut alterius ge-  
neris myrobalanorum, nusquam reperies, nisi hīc, vbi (vt dixi-  
mus) mendosè impressum fuit: & non in omnibus, sed in aliqui-  
bus duntaxat impressiōnibus. De melle emblicorum autem  
mox dicemus.

*De Margaritis.*

**M**argarita, siue margaritum, scilicet Vnio, quæ vulgo perla,  
vel perna dicitur: Arabicè autem, Hager albato, seu alba-  
ro, in genere lapidum pretiosorum, siue gemmarum, connume-  
ratur, quoniam & ipsa lapillus existimatur. Margaritæ autem  
siue Vniones, notissimæ sunt in Ostreis, quas vulgò Matrip-  
nas

*Margarita  
absolutè po-  
sita quid.*

*Matriper-  
na.*

nas nominant, reperiuntur. Quantò lucidiores, rotundiores, grossiores, albiores, recentioresque sunt: tantò efficaciores, & pretiosiores ab omnibus comprobantur. Cùm è conchis extrahuntur, integræ sunt, & non perforatæ: arte enim perforantur: ut filo insertæ, melius ad monilia, & dextrocheria, & cætera huiusmodi componenda aptentur. In usu tamen medico, præstantiores sunt non perforatæ: & de ipsis intelligitur cùm absolutè scribuntur. In aceto positæ (ut ait Albertus Magnus 24. libro de animalibus) resoluuntur, & mollescunt. Et iisdem Albertus testatur orientales esse meliores. Hoc porro, quod sequitur, propter fraudulentos siue fraudulentos malleus tacere quàm dicere, ne avaritia potius, quàm necessitate compulsi permutet medicinas alicuius compositi. Tamen pro timentibus Deum, ut si fortè in aliquo loco, vel casu acciderit, quòd margaritæ integræ non possint haberi, nec etià perforatæ, sciât quòd possint æquivalens subministrare. Quia autè habent vel possunt habere proprium simplex, & ponunt aliud in eius loco, non rectè agunt: & cum hoc graviter peccant: atque puniendi sunt, si conuincantur. Et tantò maius est malum, quantò simplex permutatum declinat à bonitate, & æquivalentia proprii simplicis. Igitur (nam; teste Serapione in fine capituli de margaritis) loco margaritarum, potest poni pondus ipsarum cum dinidio, de suo conchilio, quod Matriperna dicitur. Sic enim ait: Pro eis verò (supple margaritis) ponitur pòdus earũ, & medietas pòderis, ex conchilijs suis magnis splèdidis & fulgidis. Hæc Serapio. Sed cùm dixit splèdidis & fulgidis, specificavit interiorem partem ipsius còchilij, scilicet Matripernæ (quæ est splèdidissima & margaritis proxima) esse ponendam: & non exteriorem, quæ est nigra. Etiam margarita est nomen cuiusdam floris.

*De Fragmentis.*

**F**ragmenta scilicet pretiosa secundum communem opinionem, sunt quinque. Videlicet ista, quæ ab Authore nostro in hoc electuario sunt specificata. Et de istis quinque semper intelligitur, cùm absolutè fragmenta scribuntur. Veruntamen secundum alios (ut in fine 13. cap. sui Antidotarij Anton. Guaynerius refert) sunt 7. quia cum istis quinque, etià connumerant & margaritas & corallia, quæ similiter præselelectuarium ingrediuntur. Igitur, si septem fragmenta petuntur, ista duo scilicet margarita & corallium, cum quinque præfatis intelliguntur. Porro quodlibet istorum fragmentorum, siue quilibet istorum lapidum pretioso

tiosorum & similibus, molendus est per se in mortario porphy- *Fragmenta*  
rino, vel alterius lapidis eiusdem duritiei: & cum pistillo sumi- *lapidū pre-*  
liter lapideo eiusdem generis: superinfundendo aquā rosaceam *tiosorum*  
donec sine tactu fiat: vel si inmittatur de eo in os, nihil detibus *margarita-*  
sentiat areosum &c. At si mortariolum tale non habetur, *rum quomo*  
molantur super laminam porphyrinam, vel similem: sicut solent *do. molēda.*  
pictores colores suos molere. Et omnino cauendum est ab aeneo  
mortario.

*De Sapphyro.*

**A**D bene cognoscendum quippe lapides pretiosos, potius  
proficit habere scientiam practicam, quam theoreticam. Sed  
si quis utranque habuerit, hūc erit vnicus. Quoniam reperiun-  
tur multis modis, atque arte effinguntur falsi lapilli pretiosi, qui  
à veris vix discerni possunt. Etenim multoties periti & practici,  
in ipsa cognoscendi arte iam decepti sunt. Quod etiam testatur  
Plinius in calce 12. capituli. 37. libri. Vnde nemo confidat in se  
ipso de huiusmodi cognitione, sed per plures in ipsa arte cōsum-  
matus & practicos, faciat eos subtilissimè perscrutari, ne deci-  
piatur. Sapphyrus igitur rectius, quam Zapphyrus dicitur: vt  
scribit Plin. cap. 9. lib. 37. dicens: Sapphyrus aureis punctis. Cœ-  
rulex & Sapphyri raroq; cum purpura: optimæ apud Medos:  
nusquam tamen perlucidæ &c. Isidorus autem cap. 9. lib. 16. Ety-  
mologiarum: Est cœruleus cum purpura, habens pulueres au-  
reos sparsos: optimus apud Medos: nusquam tamen perlucidus.  
Albertus Magnus in libro Secretorum (si verè ipsius Alberti est  
is qui circumfertur) dicit quòd ab oriente & India exportantur  
sapphyrini lapides. Scribunt enim Dioscorides & Paulus, porū  
hunc lapidem valere aduersus Scorpionum iugus. Attamen rarò  
ab aromatarijs veri lapides pretiosi admittuntur.

*De Hyacintho.*

**H**Yacinti genera, secūdum Albertum Magnum, duo sunt,  
scilicet aquaticum & sapphyrinum. De sapphyrino autem  
hyacintho scribit lib. 37. cap. 9. Sed secundum Serapionem, tria  
sunt genera: scilicet rubeum, & citrinum, & tertium, quod dicit  
esse coloris chahali & coloris antimonij. Et addit quòd rubeus  
hyacinthus est alijs melior. Albertus verò dicit, quòd multorum  
est colorum: sed viridis, habens venas rubeas, est alijs præstatio-  
rior. Nos aliquando vidimus hyacinthos pulcherrimos, qui propriè  
videbantur similes fasiliorum oculis. Est quoque eiusdem no-  
minis flos, de quo fabulantur multi Poète.

De Sardonyche.

*Luminare  
Maius er-  
rat.*

*Sarda lapis.  
Onyx la-  
pis.*

**S**ardonyx seu fardonychis, gemma est, cuius nomē ex duobus gemmarum nominibus est cōpositum (vt Plinius, Isidorus, & alij plures testantur) scilicet ex sarda, & onyche gemmis: quoniam mistas habet venas, quasi de de vtraque participans, fardonyx dicitur. Luminare Maius quidem, non bene percipit Isidori dicta. Vnde ipse bonus vir, pro vno & eodem intellexit fardam, siue sardium lapidem, onychem & fardonychem: vt ex sua confusa attestatōe deprehenditur. Etenim in hac compositione, non quærit author fragmenta sardij lapidis, siue sardæ gemmæ (vt quidam ex iunioribus tenent) neque fragmenta onychis, sed fragmenta sardonychis. Et legendū est in Recepta Sardonychis, siue fardonycis, & nō sardinis: vt malē omnes impressiones habent. Sarda igitur gemma, seu sardius lapis, rubeus est. Onyx verò vnguis humani candorem imitatur, vnde & nomen accepit. Onyx enim græcè, vnguis latinè dicitur. Sarda autem dicitur: quia in Sardis primū reperta. Legitote apud Plinium & ceteros probos authores. Reperitur etiam & onyx nigra cum albis venis. Est quoq; & Alabastrites lapis, dictus onyx: &c. Sunt nanque eius genera quinq;. Etiam & sardæ quinq; sunt genera. Confimiliter & fardonyx quinq; genera habet. Vnde de fardonyche sic Isidorus scribit: Sardonyx ex duā nominum societate vocata est. Est enim ex onycis, siue onychis candore, & sardo. Constat autem tribus coloribus: subterius, nigro: medio, candido: superius, minio. Hæc sola in signando, nihil ceræ auellit. Reperitur autem apud Indos, & Arabes detecta torrentibus. Genera eius quinque. Hæc Isidorus. Manardus autem pro sardinis interpretatus est sardiū lapidem: & eum putat esse, qui nunc Cornelius dicitur: vulgò autē corneola, vel corniola, quod quidem pluribus non placet.

De Granatis.

**T**Ali nomine apud antiquos, nō inuenimus hos lapides, sed in generibus carbunculorum connumerantur. Hodie quasi vulgares habentur granati lapides, & vili emuntur: non obstante quod sapius maligni homines, simplicioribus & minus peritis aromatarijs, vitri rubei fragmenta, pro granatis vendant. Nobiliores autem iudicamus illos qui granis granatorum simulantur, quàm illos qui cytini (vt iuniores dicunt) imitantur aspectum: sed eos nunquam vidimus.

De



*De Feruzegi, siue Smaragdo.*

**P**osset siquidem dubitari, quid sit Feruzegi (quamuis in præfenti descriptione vel ab interprete vel ab alio, sit declaratum pro smaragdo) quoniam apud Simonem Ianuensem in litera f, legitur: Feruzegi, Arabicè, stannum metallum. & in litera l: Lapis feruzegi, Arabicè, secundum Alhau, est lapis topaceus. Si dicis ferzegi, idem est. Et in interpretationibus Andreæ Bellunensis: Alferuzegi est lapis, apud Latinos Thurchois appellatur. Tamen secundum veritatem in isto electuario, quod est cordiale, non conuenit stannum, neque topaceus siue topation vel topatium, neque thurchois. Vnde pro smaragdo hoc in loco feruzegi interpretari debet. Et sic interpretatus est Pandectarius. De smaragdo autem in Serapione capitulum incipit, Zabarget. Sed in Pandectario pro zabarged, in pluribus locis legitur tabarzet, quod putamus non rectè: quoniam tabarzet (vt infra dicemus) ad aliud refertur. Et smaragdus, non smiraldus nec smaraldus, legi debet. At Luminare Maius dicit quod in quinto cañ. Auicennæ in simplicibus, exponitur Feruzegi quod est Smaragdus. Sed ubi sit hæc simplicium expositio in quinto cañ. Auicennæ, ab ipso querendum est: quia nos nescimus. Porro suspicati sumus esse mendam in codice, & legendum esse in secundo cañ. & non in quinto. Sed neque in secundo inuenimus, neque est, in de agnitionibus cordis, inter medicinas cordiales. Bene quidem legitur alferuzegi in tertio cañ. videlicet in fine primi tractatus. xj. fen. scilicet in capitulo, de medicinis cordialibus: ubi à Bellunensi pro alferuzegi rescriptum est Alfaruzegi. Sed ibi nihil exponitur. Verantamen smaragdus est lapis viridissimus, & cordialis, & multum competit huic electuario: & secundum Plinium, Isidorum, Vincentium Beluacensem, & alios plures, smaragdi xij. genera sunt. Sed genus quod ex Scythia est, præstantius omnibus habetur. Plurimi tamen imperiti, emunt fragmenta iaspidis & vitri viridis, pro smaragdo. Diuites enim & gemmarij potius, quam aromatarij, habent peritiā discernendi gemmas, & lapides pretiosos, veros & bonos, à non veris & malis.

*De Zedoaria & Zurumbet.*

**Z**edoaria & Zurumbet apud Arabes sunt ita confusa, quod impossibile nobis videtur ad plenum ipsa declarare. Attamen quod ex eis colligere potuimus, describemus. Igitur sciendum primum, quod capitulum de Zedoaria, & capitulum de Zeduar

Auicennæ, & capitulum. 172. de Zurumbeth Serapionis, quod incipit: Zurumbeth, id est zedoaria, sunt vnum, & idem. Et capitulum de zarnabo Auicennæ, & capitulum 291. de zurumbet Serapionis, & Arnabo Pauli Aeginete, sunt vnum, & idem: vt legenti & capitula ad inuicem conferenti, expresse pater. Et quod zedoaria & zeduar Auicennæ, sint vnum & idem, intuenti Bellunensis emendationem, nō est occultum. Item Auicenna habet aliud capitulum, quod inscribitur, De zurumbet. Et secundum Bellunensem, de zurumbad: quod quidem, cum nullo præfatorum capitulorum concordat: scilicet quod nec est zedoaria, nec est zurumbet Serapionis: quia zurumbet Serapionis (vt diximus) est zarnabum ipsius Auicennæ. Ergo est diuersum simplex. Et quod sit diuersum à zarnabo, quod est zurumbet Serapionis, non solum est clarum in suis lectionibus, sed etiam probatur per Rhafsim, qui in 34. cap. tertij ad Almansorem, separatim de vtroque descripsit, scilicet de zurumbet, & de zarnabo. Et quod sit diuersum à zedoaria, clarè percipitur cum legitur in ipso capitulo: Cōfert mordicationi venenosorum vermium valde, ita vt propinqua sit zedoariæ. Et similiter probatur per præsentis electuarij descriptionem, in qua vtrunq; recipitur, scilicet zedoaria, & zurumbet. Ex quibus omnibus igitur colligere possumus quod illa radix, quæ pro zedoaria in officinis habetur, non est zedoaria Auicennæ, nec Serapionis: quoniam ipsi dicunt zedoariam habere radices rotundas, similes aristolochiæ rotundæ. Ista autem radix præfata, nullam habet similitudinem cum aristolochia rotunda. Nec est zurumbet Serapionis, scilicet zarnabum Auicennæ: quoniam ipsi dicunt, quod Zurumbet siue Zarnabum, est arbor magna, &c. & quod administrantur folia, quæ sunt sicut folia salicis, subcitrina, habentia odorem citri, &c. Sed illud quod communiter hodie administratur pro zedoaria, est radix herbæ, & non folium arboris: & per consequens non est zurumbet siue zarnabum. Et quamuis Bellunensis in calce suarum interpretationum dicat, quod zurumbad est illa radix quam aromatarij Veneti appellant zedoariam: hoc tamen nō potest esse: quoniam zurumbad, scilicet zurumbet Auicennæ (vt in proprio capitulo legitur) est herba similis cypero: sed est maior, & minus odorifera, &c. Si autem herba siue planta ipsius zurumbad sit similis plantæ cyperi, nescimus: quia ipsam nondum ipsi vidimus, neq; ab aliquo potuimus ediscere qualiter facta sit. Sed cum dicit Auicenna, minus odorifera, dat intelligi, quod ipse non de calino,

culmo, sed de radice pertractat. Nam planta cyperi, scilicet herba, nullum habet odoré præter communé, scilicet herbaceum: & ista radix quæ pro zedoaria venditur, spirat magnum odorem, ita quod odoratior sit radicibus ipsius cyperi: quoniam radices cyperi nisi mastigentur, non multum effundunt suum odorem. Nec zedoaria officinarum, in forma est similis radicibus cyperi, scilicet quod nec rotundo cypero assimilatur, nec longo. Ergo non est ipsa. Sed quare longum & rotundum specificauius, infra in trochiscis de cyperis, Deo concedente dicitur. Præterea fortasse Auicenna intelligit de cypero Indo, cuius Dioscorides in fine cap. de Cypero meminit: quod genus dicit esse zingiberis effigie, quodq; mâducatum, croci vim reddit, &c. Quem quidem cyperum nonnulli putant esse curcumam vsualem: quoniam hæc zedoaria vsualis, habet non paruam similitudinem cum zinzibere. Et forsân cum illo cypero indo maiorem habeat. Vnde & Bellunensis, quasi clarè videtur hoc comprobare, cum in suis interpretationibus dicit: Zedoaria apud Arabes quosdâ appellantur cyperi Indi: quia nascitur in India, & similatur cypero. Hæc ille. Et si sic est, certum est, quod hæc radix quæ pro zedoaria vtuntur omnes, est verum zurumbet siue zurumbad Auicennæ. Et per consequens attestatio prædicta Bellunensis (scilicet quod zurubad est radix illa quam aromatarij Veneti appellant zedoariam) est vera. Sed animaduertendum, quod Serapio sub nomine zurumbeth, habet & zedoariam. Sed in hoc tantum differunt, videlicet, quod zurumbeth zedoaria, scribitur aspiratè in fine: alterum verò zurumbet, sine aspiratione. Aëtius autem cap. xiiij. sermonis vndecimi habet in viuo pharmaco, Zador, id est zedoaria. Quid autem sit propriè zedoaria, nescimus. Manardus quidem hanc vsualem, credidit esse veram zedoariam. Sed *ignoratur.* hallucinatus est. Et quid sit zurumbet Serapionis, scilicet Arnabo Pauli, & zarnabum Auicennæ, ignoramus. Et si zurumbet Auicennæ non erit (vt diximus) hæc radix quæ pro zedoaria in officinis habetur, similiter nobis incognitum erit. Iuniores quippe plurimos, vt Simonem lanuensem, Pandectarium, &c. non citauimus: quoniam in hoc ipsi potius confundunt, quàm illuminant mentem legentis. Igitur pro conclusione, quia zedoaria non habetur (saluo semper meliori iudicio) nobis videtur loco *Quid loci* eius posse administrari zinziberis. Quoniam si est (vt ait Serapio) *Zedoaria* in sapore & colore zinziberis, putamus etiam, & in virtute, ei *supplet.* propinquum esse. In Pandectis nouis autem in litera Buzaram,

sine Buzaharam, quod ibi interpretatur zedoaria, absolutè legitur, posse administrari zinziber pro zedoaria. Item secundum Auicennam potest poni doronicum. Item ipse Auicenna in fine proprii capituli de zedoaria, secundum Bellunenſis emendationem, dicit: Ponitur in theriaca pro ea triplum ponderis zurumbet. Nam in alijs additionibus, non rectè ibi legitur: Permutatio triplum ponderis zurumbet pro vno theriaca. Quoniam talis circumloquutio, nihil pro zedoaria facit. At pro zurumbet Auicennæ, cui non placuerit ponere radicem præfatam falsò zedariam nuncupatam, quæ (vt diximus) est ipsummet zurumbet Auicennæ, poterit ponere doronicum, & cætera quæ notat ipse Auicenna in permutatione, in fine proprii capituli de zurumbet. Porro pro zurumbet Serapionis, siue zarnabo Auicennæ, vt legitur apud ipsos in proprijs capitulis, potest poni casia lignea, vel cubeba, scilicet carpesium: vel cinnamomum, vel nux muscata. Postremo sciendum, quòd vbi Serapio in cap. de zurumbet scripsit: Et dixit Consodonius, si non habes cinnamomum, pone pro eo zurumbet. Apud Paulum autem, non Consodonius, sed Posidonius legitur. Sic nempe in fine de arnabo habetur: Vnde Posidonius, Vbi cinnamomi copia nò datur, hoc vten dam esse censet. Antonius Musa Brasaulus quidem in hac attestatione reprehendit Serapionis interpretem, asserens per oppositum in Paulo legi: scilicet quòd non zurumbet pro cinnamomo, vt in Serapione, sed cinnamomum pro zurumbet sit ponendum. Si Paulus autè apud ipsum sit alteriusmodi nescimus: in nostro tamen nò per contrariū, sed rectè vt posuimus, legitur. Etiā si esset, vt ipse Brasaulus dicit, nihil facit ad rē: quoniā cōuertitur ad inuicē ista: Videlicet quòd si pro cinnamomo licet administrari zurumbet, econtrà & pro zurumbet compēsabitur cinnamomum.

*De Alfeleniemisch & omni Ozimo.*

**A**lfeleniemisch, vel alfelengiemisch, seu felengiemisch, vel alfelengiemisce, &c. est ozimum gariofilatum, vt omnes declarāt: vel ozimum muscatum, vt aliqui opinantur. Nam misch, seu meich, Arabicè, muscus est Latine: & alfelengie, basilicū: id est ozimum significat. Bellunenſis autem in suis interpretationibus dicit: Alfelange, est herba similis ozimo. Et Pandectarius, Alfelengia, id est basilicon: alfelengiemisc, id est ozimum gariofilatum: alfelengiemischich, id est spica Celtica. Et in litera f, felememiki, felemenichid id est ozimum gariofilatum: felengemich, est genus quoddā basiliconis. Et alia plura. Simon Ianuensis autem  
in lit

in litera Felemenſch, & quamplurimi ex iunioribus, multa & alia cōſimilia barbara vocabula ſcribunt: verūtamen omnes ſerē in vnū concordant, ſcilicet quōd ſignificant ozimū, vel ozimum garioſilatum: exceptis aliquibus, vt eſt Alſelingemiſchich, &c. In Auicenna autem eſt capitulū de ozimo garioſilato, quod incipit Falamamiſki: pro quo Beilunenſis reſcripſit Felengiemiſch. In Serapione verō, capitulum de ozimo garioſilato incipit, Berengemiſch, id eſt ozimum garioſilatum. Et quaſi ſimile legitur in primo cap. xj. tractatus primi libri Abumeron, ſiue Abumaruan Auenzoar: hoc eſt, cum ſucco de berengemiſcha: id eſt Baſiliconis garioſilati. Poſtea Serapio facit aliud capitulū de ozimo non garioſilato, quod eſt ozimū commune: quod capitulum incipit Berendarog. Eſt quoq; apud ipſum Serapionē aliud capitulū de ozimo carmeno, & eſt 73. vbi malus interpres conſuſe poſuit titulum huiusmodi: De baſilicon garioſilato, & eſt ozimum carmenum. Hinc ſubſcripſit, Scexabram, id eſt ozimū carmenū, vel baſilicon garioſilātū. Eſt præterea apud Serapionē & aliud capitulum de ozimo, & propriē eſt 175. quod incipit: Hameimi, id eſt amechi, nominatur apud Romanos Selichi. Vbi ſequitur authoritate Iſaac eben Amram: Eſt ozimum domeſticum habens lata folia, & nominatur in ſeni: ozimum nabati, habet ramulos virides, quadrangulatos: & color floris eius eſt albus, &c. Et licet hic nihil tangat de odore, tamen per alias notas coniectamus ipſum eſſe ozimum citratum, de quo infrā. Etiam in quinto colliger Auerrois legitur halhalbat, id eſt baſilicō. Et hinc pertractat de baſilicone garioſilato. Vnde eſt quōd Hiſpani, barbarē vſq; hodie vulgō, baſilicū, halbahacā nomināt. Latine autē & Græcē, reſciuiſ ozimū, quā ozimū dicitur. Ozimū autē, ſiue (vt māius) *Ozimip' u.* ozimū, & baſilicō ſiue baſilicū, ſunt nomina generalia, ad omnes *res ſpec. s.* ſpecies ſui generis. Vnde ex ſpeciebus ozimi, aliud eſt commune, notū, quod habet folia ampla: & hoc vocat P. baſis ozimum maius: vt legitur in nono ad Almāforē, c. de melancholia. ſcilicet in electuario lætificare. Eſt aliud baſilicū, ſiue ozimū leptophyllon, quod vulgō baſilicum minutum appellāt, quodq; multi tenent eſſe baſilicon garioſilatum, ex eo quod Serapio in cap. 156. de ozimo garioſilato dicit: Et folia eius ſunt parua, &c. Sed hi errant, quoniā hoc baſilicū minutū non habet ſtipitē quadrangulātū, vt inibi ipſe Serapio dicit: ſed potius eſt ozimū carmenū ſupradictū: quoniā etiā ibi aſſerit authoritate Iſaac eben Amrā, quōd ozimū carmenum eſt parū. Eſt & aliud quod dicitur ozimum

citratum, siue basilicū citratū, cuius meminimus, quod quidem hodie per paucis est notum: de quo lege infra in confectiōe de musco dulci. Est etiam ozimum fluuiiale, quod scribens Pande-ctarius dicit esse melissā, & similiter Simon Ianuensis tenet idē in litera ozimum: quoniam etiam ibi tenet, quod ozimū citratū sit turūgen, quod est melissā: quod est falsum. Est præterea aliud quod dicitur ozimum siue basilicon gariofilatum, pro quo nūc sermo protēditur, quod certe nostris temporibus extra regnum Apulix quasi omnibus erat incognitum: ex quo omnes aroma- tarij, &c. accipiebant præfatum basilicū minutum, pro gariofi- lato. Et nos quidem primum, hac videlicet tempestate Romā at- tulimus semē gariofilati simul & citrati, sicut & alia plura. Vnde nunc Romē à pluribus, tam medicis & aromatarijs, quā etiam alijs hominibus, vtrunq; cognoscitur, quum paucis antē annis, neutrum ipsorum cognoscebatur. At omnes quotquot vident, haud dubiē cōsententur atq; testantur vtrunq; verum esse, scilicet

*Ocimi Ca-  
riophyllati  
descriptio.*

alterum gariofilatum, & alterū citratū ozimum. Est igitur plan- ta ocimi gariofilati huiusmodi videlicet: folijs melissæ, longiori- bus tamen, per ora lentē serratis: caule sesquipedali & aliquādo ampliori, quadrato sed nō anguloso, piloso non tamen hispido, ramoso, viridiq; propriē foliorū colore: quæ folia etiam pilosa sunt & plana, peciolis longis: & inter folia & folia est spatium trium digitorum, vel circa: flos ei, & spica seminis, vt cæteris ozi- mis: verum tamen quælibet spica habet quosdam alios, quasi ad- natos spicarum ramulos. Semen eius est minutius alijs & rotun- dius, subruffum trahens ad nigrum, &c. Tota enim planta præ- ter radicem habet odorem, nec nō & sapore acutissimū gariofi- lorū, ita quod folia eius vellicant linguam, propriē vt gariofilus facit. Et quāto magis senescit plāta, tātō magis folia eius sunt odoratoria & acutiora. Vnde non est dubium in eo, quin ipsum sit ozimū gariofillatum depictum à Serapione, nō obstāte quod ibi legatur, quod folia eius sint parua: quoniā fortasse est error interpretis, qui tenēs (vt alij plures) basilicū minutū, pro basili- co gariofilato, posuerit folia minuta, vt ipse sciebat. Suspiciamus autē hoc basilicū gariofillatū esse ocimastrū Dioscoridis, quod tertio libro scribit, quodque acinos siue aconos, & syluestre basi- licū ab alijs dicitur. Diximus autē quod est in tertio lib. quoniā in quarto libro ipse Dioscorides aliud ocimastrum scribit, quod est alterius herbæ genus: quod quidem nonnulli (vt ipse refert) vocant ocymoidē, & echion, & scorpiuron, & amarantida, &c.

## De Corallio, uel Corallo.

**C**orallium, siue corallion, rectius, quàm corallum, uel coral-  
lus dicitur. Dioscorides quidē, Plinius & Serapio duo tan-  
tum coralli genera scribunt, scilicet rubrum & nigrum. Auicen-  
na autem ipsius iunior, tria posuit: unde cum illis, & album cōme-  
morauit. Nigrum enim à Dioscoride, Antipathes cognomina-  
tur, quod raro habetur: attamen est notum, sed album est notius:  
& rubrum notissimum, quod omnibus præstātius est. Vnde quā-  
docunque absolutē, coralliū describitur, semper de rubro intel-  
ligitur. Reperitur quandoq; corallium subrubrū, scilicet quod  
non est uerè rubedinis, quasi sit minus maturū: tamen pro rubro  
computatur. A Plinio non corallium, sed curalium dicitur. De  
quo in cap. secundo libri 32. non parum scribit, ubi & testatur  
corallium ferre baccas albas & molles sub aquis, quæ exemptæ  
confestim durantur & rubescunt: quasi corna satina, specie atq;  
magnitudine. Nam certum est, quod est frutex, siue arbutū ma-  
rinum, quod crescēs uitam habet vegetatiuā, ut terrestres plātæ,  
&c. Igitur cum sit plāta, non est mirum si fructū producat. Ete-  
nim cum est sub aquis, tenella plāta est: sed cum aërem persen-  
tit, ita mox durefcit, quod à lapidibus durioribus, mollitie non  
differt. unde à nonnullis inter lapides preciosos connumeratur.  
Et à Plinio 37. libro, inter gemmas describitur: & ex eo quod ci-  
tò in lapide conuertitur, gorgoniam gemmam nominat. Sed  
corallo achates, & corallis minio, ab ipso inibi similiter descri-  
ptæ aliæ gemmæ sunt. Quodlibet autem coralli genus, quanto *Corallium*  
magis in suo colore uiget, tātò melius atque pretiosius. Hoc est, *quod opti-*  
ut rubicundum, quanto rubicundius: nigrum, quanto nigrius: *mum.*  
& album, quanto albius, tanto melius. Etiam quāto durius, syn-  
cerius, purius, atque politius: tanto nobilius. Et enim porosum,  
corticofum, atque lapidibus alijs commistum, in re medica, non  
est bonum.

## De Ebone.

**E**bur, uel Ebor, cōmuniter in libris medicine, pro elephanti  
dente exponitur. Et sic est. Quāuis non de omni dēte fit in-  
telligendum: sed de illis duobus magnis dūtaxat, quos nonnulli,  
cornua elephanti uocauēre: ut Plinius viij. libro refert, & hoc est  
notissimū. Est & ebur fossile lapidis genus, de quo etiā Plin. cap.  
18. 36. libri loquitur. Vnde & in Canticis Canticorū Turris ebur- *Ebur fossi-*  
nea, de tali lapide dicitur, & non de dēte elephanti: ex quo non *le.*  
ædificantur turres, sed in medicina, pro dicto dēte accipitur.

## De Folio.

**F**olium absolute, de folio Indo, seu malabathro (quod idem est) intelligitur. Malabathrum autem, seu malobathrum, siue folium, secundum Plinium duplex est: vnum videlicet, arborum cōuolutum, ex quibusdam Syriæ arboribus: alterum verò quod magis commendatur, dicit ex India afferi, quod tradunt ibi in paludibus lētis aquæ modo gigni, &c. Dioscorides enim de hoc Indico tantum pertractat. De quo quidem amplius non exportatur. De forma autem ipsius, nemo est qui scribat. Nunquam tale vidimus: sed neque Simon Ianuensis (vt ipse testatur.) vidit, nec audiuit aliquem citra mare vidisse. Dicunt tamen omnes, quod emulatur nardum & odore, & virtute. Vnde falso aliqui putauere ipsum nardi Indicæ folium esse. Nec quidē Plinius arborē malobathri Syriaci, scilicet folij Syriæ depinxit. Ex quo nescimus an hoc folium, quo communiter vtuntur aromatarij, sit ipsum folium Syriacum, an aliud. Hoc tamen folium vsuale pluries gustauimus, & quandoque inuenimus ipsum odorem & saporem gariofli, & quandoque saporem, necnon & odorem cinnamomi vsualis, scilicet cannellæ aromaticæ, quam nos veram cassiam ligneam esse nō dubitamus: vt infra, in cōfectiōne de cinnamomo dicitur. In pediculo quidem ipsius folij vsualis, magis probatur sapor quàm in ipso folio, vt quilibet experi potest. Nunquam enim aliquid certi habuimus de hoc folio vsuali, quid sit. Ex quo igitur (quia caremus vero folio Indo, & folium Syriacum ignoramus) minus malum esse iudicamus, vt loco veri folij, vbi necesse fuerit, compensetur spica Indæ: vel, secundum Auicennam, pondus ipsius de mace: vel, secundum Paulum, cassiam, scilicet cannellam vsualem: quàm hoc folium plantæ nobis incognitæ.

*Folium sup-  
plentia.*

## De Folijs auri &amp; argenti.

**F**olia Auri vel Argenti dicuntur, non quòd ipsa metalla tantum vegetabilia crescant in folijs & stipitibus & cæteris, sed quia malleationis arte, huiusmodi metalla, & similia plura, deducuntur & cōformantur in laminas tenuissimas, quæ à similitudine foliorum, folia nuncupantur: vt (exempli gratia) chartæ librorū & similia, quia sunt subtilia, folia dicuntur: sic etiā & ex metallis, laminæ tenuissimæ folia appellantur. Posuit autē author folia auri & argenti, siue aurum & argentū foliatum, ob id, quia nulla meliori arte possunt subtilius conteri & puluerizari huiusmodi metalla, sed neq; per limam) sicut fit per infoliationē, quo quidem



quidem modo subtilius, quàm oleum extenditur. Ita quòd habita est huiusmodi experientia, videlicet quòd sumptis æqualibus portionibus, quouis modo, scilicet mēsuræ vel ponderis ex auro & ex oleo claro, & subtilissimè peructum vitrum, vel aliud simile, quantum fieri potuit, ad solem vel prope ignem, ex ipso oleo: & postea seorsum extensum est aurum foliatum super tabulam: & maius spatium rectum est auro, quàm quod fuit perunctum oleo. Hiuc considerate ingenij humani nobilitatē. Sed animaduertendum est, vt ipsa folia sint purissima, scilicet ex auro puro & probatissimo, & ex argento purissimo, absque alicuius alchimix admittance. Simili quoque arte foliantur vnà aurum & argentum, quod vocant aurum siue argentum de medietate: scilicet quòd ex vno latere est aurum & ex altero argentum. *Aurum & argentum de medietate.* Quod quidem in præsenti electuario & similibus, in quibus ambo requiruntur, licet potest administrari: multiplicato tamen pōdere pro vtroque, scilicet vt tam aurum, quàm argentum habeat sui ponderis portionem.

*De Melle emblicorum.*

**D**E hoc Melle emblicorū, quamplurimi auctores variè describunt. Et cum sit quòd ipsi adducūt auctoritatem Rhafis, ex nono ad Almansorem, cap. de Melancholia, scilicet in electuario laxificante: attamen ipsum non sequuntur, sed quàm maxime deuiant ab eius intentione: & vnusquisq; agit secundū proprium sensum. Verū tamen (salua semper veritate) intentionem auctoris melius declarabimus. Clarū quippe est, quòd ex nono ad Almansorem, cap. & electuario à præallegatis sumitur regula faciendi huiusmodi mel, sed Auctoris intentio (vt diximus) non benè percepta est. Igitur ita in textu legitur: Sumantur chebuli xx. & emblici xxx. & terantur, & in tribus libris aquæ coquantur, donec ad vnā redeāt, & colētur. In colatura verò mittatur mellis libra j. Deinde bulliāt, donec aqua cōsumpta sit. Post, hoc melle conficiātur species, &c. Quod quidem mel nō potest vocari simpliciter mel emblicorū, sed mel emblicorū simul & chebulorum. Vnde si volumus facere verū mel emblicorum, debemus accipere Mel emblicorum re limitatū omnium quantitatē, scilicet quinquaginta emblicos: *corū & similia* videlicet permutādo chebulos in emblicos, hoc modo: R. emblicorum quinquaginta, & terātur grosso modo ac nucleis offeīs, *modo coquantur.* & coquantur in tribus libris aquæ donec ad vnā redeāt, *ficiatur.* &c. sicut suprā. Et huiusmodi est verū mel emblicorū. Simili modo potest de singulis simpliciter fieri mel, scilicet chebulorū, vel

mel citrinorum, &c. Sicut ex épli gratia Author noster in practica. cap. de cura manix & melencholiæ sanguineæ, scilicet in electuario lætificante, quod scribit autoritate filij Zachariæ, petit mel bellericorum, & mel emblicorum. Cõsimiliter etiam potest fieri mel commune ipforum, scilicet emblicorum, bellericorum, chebulorum simul, & cæterorũ: accipiẽdo ex quolibet decẽ, vel plus de vno quàm de alio, & ex duabus seu tribus vel quatuor myrobalanorum speciebus, sicut competes erit medicinæ, dummodo nõ plus, nec minus quàm quinquaginta de myrobalanis pro quibuslibet tribus libris aquæ ad vnam vsq; decoquẽdis, apponantur. Et hoc semper est intelligendum cum sale discretionis, scilicet de mediocribus: hoc est, secundum magnitudinem & paruitatem ipforum: quia si sunt multũ parui vel multũ magni, addendum est, vel minuẽdum ex ipsis. Etiam animaduerten-  
*Emblici qui optimi.* dum quod emblici, vt plurimum exportantur contrafacti in frusta: quia naturaliter cũ maturantur, scinduntur in quatuor, vel plures partes. Et multoties integri plurimi inter contrafactos reperiuntur. Vnde ad ipsoꝝ proportionẽ, frusta emblicorum fumẽda sunt: videlicet quatuor, vel quinq; , vel circa, pro vno emblico. Et illi emblici sunt meliores quorum frusta (vt ait Author noster in proprio cap.) sunt grossiora, & dẽsa, & grauiora, &c. De myrobalanis omnibus autẽ, lege in cõfectione Hamech secũda.

De Geleniabin.

**V**T habetur in v. canone Auicennæ, & in decimo practicæ Hali filij Abbas, cap. de cõditis, & alibi: Geleniabin, quod alio nomine, muraba dicitur, & chalengebinũ (vt in Hali præfatio legitur) nil aliud est, quàm zucarũ, aut mel cum quo aliqua vt rosæ, vel violæ, vel flores boraginis, & similia, sint cõdita: tanquàm si diceret, Geleniabin est nomen æquiucum, seu commune & generale ad omnem huiusmodi cõdituram, siue cum melle, siue cum zuccharo fiat. Vnde geleniabin absolũtẽ intelligitur tam de zuccharo rosato, quàm de melle rosato: tam de zuccharo violato, quàm de melle violato. Et sic de singulis. quamuis de alijs floribus non legatur speciatim, sicut legitur de rosis, & de violis. Veruntamen, sicut dicimus zucarum rosatum, vel mel rosatum, & intelligitur geleniabin de rosis: & sicut dicimus zucarum violatum, vel mel violatum, & intelligitur geleniabin de violis: sic etiam dicendo, mel vel zucarum buglossatum vel boraginatũ vel alchilil, &c. intelligitur geleniabin de buglossa, vel de boragine, vel de alchilil &c. Author autem in præ-  
*Geleniabin absolũtẽ sũptum.* senti

senti descriptione specificauit de rosis, ad differentiam aliorum, scilicet de violis &c. Sed non distinxit, inter mel, & zucarum: quasi dimittens illud ad libitum conficientis, vel potius medici ordinantis. Vnde hic & in similibus, semper est bonum consule-re medicū. Item speciatim dixit Author, vt sit colatura ipsius geleniabini. Vbi intelligitur quod illud tale sit exprimendum, & ex illo quod exierit, siue mel, siue zucarū liquatum tanquam mel, erit accipiendum pro conficiendo hoc, vel simili electuario: sed illud mel rosatum, est faciendum cum ipsis rosis, sicut sit zucarum rosatum. Attamen pro præfata colatura geleniabini de rosis, liberè possumus ponere syrupum de succo rosarum, quod semper est cum zucharo faciendum: vel mel rosatum colatum, quod hodie habetur in vsu: & non erit contra Authoris intentionem. Pandectarius autem, & plures ex iunioribus, super hoc non declarant, sed potius perturbant. Legite apud ipsos, & videbitis.

### Confectio Alchermes, &c.

IIII.



CONFICIENDO quippe cōfectio dicitur. Quod nomen tam electuarijs, quam quibuscūq; alijs pharmacorū, seu antidotorum compositionibus, quę ex varijs rebus cōponuntur, & in vnum conficiuntur, rectē applicari potest. Al autē apud Arabes, modo articulū, modo præpositionem de, vel ex, vel fimi le significat. Vnde alchermes, siue alkermes, id est de, vel ex chermes &c. vt alfelengiemiſch, alhaſce, & similia multa. Chermes autem, vel kermes, sunt grana tinctorum: sed non illa quę multipu- tant, vt mox patebit. Confectio alchermes igitur, id est de granis tinctorum. Quod quidem etiam interpret, in ipsius confectio- nis exordio, similiter declarauit. Et sciendum quod hæc confe- ctio, est de inuentione ipsius Authoris filij Mesuæ: quam sub alio nomine (hoc est, confectio lapidis lazuli) descripsit in capi- tulo de lapide stellato: vbi declarat illud, dicens: Confectio lapi- dis lazuli, ex inuentione nostra, &c. Sed animaduertendum, quod in præsentis antidotarij descriptione, vniuersaliter per omnes impressiones est vnus non paruus error: videlicet quod vbi le- gitur: Lapidis lazuli loti & præparati 3. ij. legendū est 3. xij. Nani errore librorum defuit ibi x. 3. vt pluribus modis euidentius probari potest. Et primò, quia in omnibus exemplaribus manu- scriptis legitur apertè & clarè 3. xij. Secundò, quia non solum cuncta

*Confectio  
Alchermes,  
& cōfectio  
lapidis lazuli  
ibi idē sunt.*

cuncta exemplaria præfata, sed & ipsæ impressiones omnes, nulloq; volumine discrepante, in descriptione prædicti capituli de lapide stellato: & consimiliter Pandectarius in ipsomet cap. vni-formiter habent: Lapidis lazuli loti, & præparati. 3. xij. Sed dicit aliquis, forsan quia doctore placuit sic variare, unde etiam & nomina variauit: & illi quam appellauit de lapide lazuli, tribuit maiorem ipsius lapidis portionem, scilicet 3. xij. Istam autem ob id, quia dedit ei de lapide lazuli minimam portionem, scilicet 3. ij. noluit ex ipso lapide inscribere, sed ex chermes: ex quo igitur rectius stat lapidis lazuli. 3. ij. quàm 3. xij. Ad quod respondendum, quod hoc non potest esse: quia si esset, sequeretur corollarium, quod tot antiqua exemplaria, varijs temporibus & notarijs descripta: quæ (vt diximus) concorditer habent 3. xij. prædicti lapidis in præsentis descriptione, omnia essent mendosa, tanquàm si ab vno exemplari mendoso, cuncta fuissent transumpta, quod absurdum est credere: quum rationabilius sit tenere ipsas impressiones, vel à malo exemplari, vel à malis librarijs (quod sæpe accidit) vitiatas esse. Et ob id, quia variauit nomen, nihil refert. Sunt etenim & aliæ multæ compositiones quæ habent plura, & varia nomina: & tamen ipsæ in nullo sunt differentes. Vt est exempli gratia, electuarium de psyllio, quod dicit author vo-

*Medicamen-  
torum com-  
positionis ra-  
tio.* cari ab Hiamech, electuarium trochiscorum, & similia. Tertio, patet legenti quod iste lapis per se, solus valet ferè ad omnes passiones, pro quibus hæc confectio ordinata est. Et hoc quidem potissimum est, scilicet quod Doctores ponunt vt plurimum simplices medicinas in compositionibus, plus vel minus de vna, quàm de alia, secundum ipsarum virtutes magis vel minus competentes ad illas passiones, pro quibus ordinantur ipsæ compositiones. Et hoc intelligitur proportionabiliter, secundum dosim vniuscuiusque rei. vt exempli gratia: Intranat confectio nem vnâ musci 3. ij. & cinnamomi 3. iij. respectu qualitatis ipsorum plus intrat musco, quàm de cinnamomo, &c. non obstante, quod aliqua quandoque ad alteriusmodi intentionem ponuntur, in ipsis compositionibus: vt puta, quæ ad corrigendum quorundam malicias: &c. Et si sic est, quod ad omnia, ad quæ ordinata est ista confectio, magis valet iste lapis quàm quodlibet cæterorum simplicium: sequitur non credendum, tam parum in ea posuisse authorem, de ipso lapide. Quarto, non est iste lapis tam perniciosus, vt non possit de eo propinari nisi in minima quantitate: quia teste ipso authore in capitulo proprio, dosis eius est. à 3. j. vsq; ad

3.ij.s.& secundum alios codices vsque ad 3.ij.s. Ergo in tota ista confectioe satis parum sunt xij.3. Quinto, ait ipse author in dicto cap. quod quidam ex sapientibus posuerunt ipsum lapidem in confectioibus letitiæ: & propriè 3.viiij. ex eo, ad librā vnā, ex confectioe. Nam, vt in exordio ipsius descriptionis patet, ista confectio est multum lætificans. Ergo si in vna libra possunt poni 3.viiij. in ista autem quæ composita est propè libras ij. ponendo 3.xij. non cadunt nisi sex 3. in libram vnā confectiois: & per consequens, non est multum. Sexto, Consuetudo generalis est multorum, & præcipuè Arabū, quod si in vna quauis compositione, plura simplicia, immediatè vnum post aliud, eiusdem ponderis vel mensuræ recipiuntur, semper vno ana omnia illa concluduntur. Igitur cum sit, quod immediatè post lapidis lazuli lotionem, sequitur margaritarum 3.ij. Si ergo fuisset ipsius lapidis 3.ij. posuisset Author ambo (vt in alijs consuevit facere) in vno ana. sic videlicet: Lapidis lazuli loti & præparati, margaritarum ana 3.ij. & non quodlibet ipsorum per se, cum suo pondere. Ergo secundum veritatem dicti lapidis xij.3. sunt, & non ij. Et ex hoc vltimo, vnum generale notandum sequitur. Hoc est, quod vbiunque in descriptionibus istius Antidotarij inuenitis per libros, duo pondera medicinarum, vel plura similia, vel cum ana vel sine ana, immediatè vnum post aliud, scitote sine dubio errorem esse in aliquo ipsorum: nisi sit diuersimodè positū, vel cum aliqua operatione intermedia. Exemplum de primo est in emplastro de meliloto, vbi legitur: storacis 3.v. bdellij tantundem. Item aliud exemplum in oleo de euphorbio, vbi est: olei de cheiri 3. v. vini odoriferi tantundem. Et similia. Exemplum de secundo est in emplastro sinapismo: vide ibi. Præterea animaduertendum quod in descriptione præsentis confectiois, quæ est in præfato capitulo de lapide stellato, per libros impressos, imprudentia librariorum, duo pondera medicinarum sunt transposita: videlicet vbi in ipsis legitur, Et projice in eo calido, ambræ crudæ frustatim incisæ 3.vj. & accipe ligni aloës crudi, & darfeni, ana 3.iiij. legendum est per contrarium, scilicet: Et projice in eo calido, ambræ crudæ frustatim incisæ 3.iiij. ligni aloës crudi, & darfeni, ana 3.vj. vt in pluribus exemplaribus correctis habetur: & in cunctis libris, est in descriptione antidotarij. De ipso autè lapide, satis clarè loquitur Author noster, in proprio capitulo, quod est de lapide stellato: quoniam vult, quod lapis lazuli sit de generibus lapidis stellati. propterea lege: Et scias quod lapis

*Et conium-  
elio inter-  
pretatur.*

lapis stellatus habet multa alia genera, præter duo, ab autore descripta: vt legitur apud alios. Sed cum dicit ipse Author in præsentī descriptione: Lapidis lazuli loti & præparati, insurgit nobis dubitatio, an præparatio eius sit distincta atque diuersa ab ipsius lapidis lotionē, quam præparationem nusquam apud auctores legimus. Igitur sciendum, quod illa cōiunctio, siue illud, &, multinodē ponitur in oratione: ac plures etiam habet significationes, ex quibus aliquas, quæ magis videntur cōpetere huic declarationi adducemus. Prima est, quod illud, &, aliquando nō ponitur copulatiuē, sed expositiuē, pro, scilicet, vel id est. Et sic potest stare in hac descriptione: quia lauatō ipsius, potest etiam præparatio dici. Et sic, loti, id est præparati. Secunda, potest significare illud, &, sermonis corroborationem: vnde tunc loti & præparati, sic intelligere possumus, videlicet quod ipse lapis taliter sit lotus, quod sit præparatus. Etiam possumus accipere illam circumloquutionem in hunc modum, scilicet quod lauādo, trituretur ipse lapis: cuius trituratō, est ipsius præparatio. Et tunc loti & præparati, id est, loti & trituratī: siue per triturationem & lotionē præparati. Etiam potest intelligi, videlicet quia duplici modo lauatur ipse lapis: primò, cum simplici aqua: & talis ablutio est ad remouendum ab eo nocumenta quæ habet, & ad purificandum eum. Secundò, lauatur decies cum aqua rosacea: & hæc ablutio non est ad remouendum ab eo aliquod impurum seu nocumentum, sed ad meliorandum eum: quæ lotio secunda, potest dici præparatio. Et sic loti, scilicet per primam abluitionem & præparati, per secundam.

*De Chermes siue Alchermes, &c.*

*Granū ab-  
solutè positiū  
significat  
coccū ba-  
phicum.*

**C**hermes, vel Kermes, vel charmes, vel charmas, &c. idem est: & ab omnibus exponitur, granum tinctorum. Verū tamen plura sunt grana quibus infectores & fullones vtuntur: sed duo tantum sunt principaliora grana, quorum alterum absolutè, & quasi antonomastice dicitur granū tinctorum: quod aliter coccū, seu coccū baphicū, siue coccus baphica: & secundū Serapionem, charmen dicitur. Alterum autem granum, nō absolutè granum, sed granum chermes, vel simpliciter chermes (vt propriè vulgus vocat) dicitur. Et hoc granum est, de quo Author intelligit in præsentī descriptione, & alijs pluribus locis. Quo videlicet grano vtuntur tinctorēs solummodo ad tingendum setam, quæ postea à chermes vel charmes, chermesina aut charmesina cognominatur. Et reperitur hoc granum ad radices quarūdam herba

herbarum, sed abundantius ad pimpinellæ radices, & propriè ad illas quæ sunt annosæ & crassæ: quasi in superficie terræ. Rustici quidem in pluribus Italiæ locis colligunt, & præcipuè montanis & asperis. Vtrunque enim tam coccum quàm chermes, apud tinctorios notissimum est. Nonnulli tamen ignorantes chermes, coccum intelligunt, ob id, quia in exordio præsentis descriptionis legitur declaratum, quòd sunt grana tinctorum. Sed hi decipiuntur: quoniam chermes est aliud à cocco: & hoc multis est clarum. Vnde aliqua res tincta in cocco, coccinea dicitur: quæ autem in chermes, chermesina (vt diximus) vocatur. Modus autem tingendi setarum in chermes, apud ipsos infectores, & alios plures, notissimus est. Nec expedit quidem scribere ipsum, quoniam aromatarii non habent exercere tingendi artem: sed quando voluit huiusmodi confectiones parare, in quibus ingreditur ipsa seta tincta in charmes, ab ipsis tinctoribus possunt eam emere. Et aduertendum quòd ipsa seta debet esse recenter tincta: quod clarè Author notauit, cum dixit: Et propriè, super cuius tinctura non præterijt spatium extensum &c. Hoc autem diximus, quia scimus quòd plurimi, cum inueniunt in receptis setam tinctam in chermes: accipiunt scissuras seu quisquillas pannorum sericorum charmesinorum, quas proijciunt sartores, tanquam non amplius aptas ad vestimentorum usus: super quarum tinctura, transferunt plures anni, non aduertentes, quòd dicit author: Fac modicū bullire, donec aqua rubeat. Ex præfatis autem scissuris seu frustulis, siue per modicam siue per multam decoctionem, nunquam aqua rubebit: & per consequens, nullum possunt tribuere medicinæ virtutem. Igitur (vt diximus) necesse est, vt sit recenter tincta. Non tamen recentissimè, sicut extrahitur ab infectionis vase, vt adhuc permadescat: sed post primam vel secundam suæ exiccationis diem: & inde inter spatium, octo vel decem dierum, fiat operatio submersionis eius in succo pomorum dulcium, & aqua rosata &c. Præterea non ignorandum, quòd hoc nomine chermes vel charmes, vocatur etiam tinctura rubri coloris, cuiusdam generis lacchè, siue (vt mauis) lacchè, vt legitur apud Serapionem in capitulo de lacchè. Item animaduertendum quòd in pluribus locis huius Antidoriarij, & alibi per mendosas impressiones, pro chermes est positum chermes: vnde inibilegitur mēdōse: Seta tincta in chermes. Et quādoq; per cōtrariū in aliquibus locis, in quibus legendū est chermes, legitur chermes. De quibus omnibus locis suis dicitur. Chermes autem sunt passulæ, id est vnæ passulæ.

*Chermes.*  
fine

fine arillis. Pro quibus lege infra, in lo hoc ad caliditatem. Et de seta, vide in confectione de musco dulci.

*De Ambra.*

*Ambra crudida.* **A**mbra quidem declarabimus in Diambra. Sed quia author dicit in præfenti confectione, ambra crude, cum ambra non coquatur: quia non sustinet aliquid de decoctione: Dicendum quod Author non tavit hoc, ne aliquis liquefaceret illam in aliquo calido liquore, & postea commisceret in istam confectionem. Quod quid foret, præter suam intentionem. Et ideo ad maiorem expressionem subiunxit: Minutatim incisæ. quasi dicat: non prius liquefiat, sed sicuti est, incidatur minutatim, & ponatur in confectionem calidam: non tamen bullientem, sed habeat tantum caloris, quod ipsa ambra frustula possint liquefieri. Et hac de causa voluit Ambram incidi, ut ad liquefaciendum eam sufficiat parva caliditas: quæ non sufficeret, si integra poneretur. Quia quanto pars maior est, tanto maiori calore, ut bene liquefcat, indigere videtur. Qui quidem multus calor, non esset de authoris intentione.

*Confectio de Xyloaloës etc. V.*



**P**ARAESENS confectio ab ipso xyloaloës, quod est lignum aloës, nomen accepit. Et licet non sit multum in usu, verum tamen est optima compositio. Sed sciendum quod per omnes impressiones, in ipsius lectione, est una circumloquutio, in qua permutata est una dictio: pro qua, licet peritus aromatarius potius percipiat sensum authoris, quam sensum literæ: tamen simplex & novus, ac competenter literatus aromatarius sensum literæ sequens, de facili potest errare. Quoniam cum ibi legatur: Foliorum citri, & corticum eius: secundum literam intelliguntur folia arboris, & cortices etiam arboris: quia illud relatiuum eius, de natura sui semper refertur ad suum antecedens: non obstante, quod quandoque pro antecedenti ponatur sequens. Si autem antecedens accipitur pro arbore, ergo & suum relatiuum. Et non est dicendum, quod antecedens debet intelligi de fructu: quia arbores tantum, & plantæ, producant folia. Ergo secundum literam accipiendæ sunt cortices arboris, & non fructus. Quod quidem est falsum. Porro huiusmodi error (ut sæpe contingit) ab imperitia librariorum ortum habuit. Nam in multis antiquis libris,



libris, sic scriptum est: Foliorum citri, & corticum citri: vel citrij, *Cortices cō*  
 in hoc secundo, vt in vno correctissimo exemplari legitur. Et tri.  
 quidem rectius, quia absq; relatiuo, ad vtrumq; refertur: primum  
 videlicet ad arborem, secundum autem ad fructum: quia vtriusq;  
 genitiuus, simili voce profertur, scilicet citri. Scriptoribus autem  
 modernis & impressoribus, visum est elegantius dici cum rela-  
 tiuo, quàm replicare dictum vocabulum. Et potius suæ ignauie,  
 quàm doctoris peritiæ attendentes, veritatem voluminis corru-  
 perunt. Quapropter rectius legendum est: Foliorum citri, id est  
 arboris, & corticum citri, id est fructus. Auicenna quidem in quin-  
 to canone, tractatu tertio primæ summæ, habet duo electuaria  
 de xyloaloes, sed ipsorum descriptiones multum differunt ab ista.  
 Rhafis etiam in antidotario diuisionum, cap. de medicinis cor-  
 dis, habet confectionem de xyloaloës, similiter differentem.

De Xyloaloes.

**X**ylumaloës, siue maioris xyloaloës, id est lignū aloës. Xylon  
 enim Græcè, lignum Latinè dicitur. Agalochum, vel agal-  
 lochū à Dioscor. & Paulo vocatur. Agalochon enim Græcè scri-  
 bitur, quod in Serapione, agaloyan semibarbarè: & similiter in  
 Auicenna agalugin vel agalugem legitur. De quo ipse Auicen-  
 na in secundo can. cap. facit. vbi probatur eius error, scilicet quod  
 tanquam diuersum, scripsit aliud capitulum de Xyloaloës. Sed  
 maiori errore culpandus est Christophorus de Honeftis, qui in  
 confectione de musco dulci, dicit Auicennam non pertractasse  
 in secundo can. de ligno aloës, cum (vt diximus) duo capitula fe-  
 cerit. Signum est, quod neutrum ipsorum ipse Christophorus le-  
 git. Etiam non sine culpa est Ioannes Michael Sauonarola: qui  
 in quinto suæ practica, vbi de lignis quibus in medicinis vtitur,  
 pertractat deceptus quasi lignumaloës & xyloaloës fuissent di-  
 uersa, vtrumq; scripsit. Ait enim de lignis: Lignum aloes, lignū ta-  
 marici: xyloaloës, &c. A quibuidam alijs agalugi, agalofia, &  
 agalufini, id est lignum aloës scribitur. A Serapione autē, Hoad  
 vocatur. Etiam absolute descriptum, lignum Indum, est lignum  
 aloes: vt probatur per ipsum Serapionem in proprio cap. & per  
 Auicennam in cap. agalugin: & cap. xyloaloës. Porro secundum  
 predictos multa sunt genera & species ligni aloes, & diuersis na-  
 scuntur regionibus: vt in India, & Arabia, &c. Sed omnibus me-  
 lius est Indum (aduerte tamen quod non intelligimus per li-  
 gnum Indum hīc notatum, illud quod vulgò Lignum sanctum,  
 & lignum Guaicum nominant.) & proprie illud quod absolute,

lignum Indum vocatur. Sed qualiter sint ipsius arbor, folia, fructus, &c. nullus depingit. A Dioscoride tantum dicitur quod est lignum, quod ex India atq; Arabia importatur, thyino siue thye vel thuiæ ligno simile, maculatum, odoratum, gustu astringens cum quadam amaritudine, & quod cute verius quam cortice vestitur, &c. Serapio autem & Auicenna dicunt, quod melius est Indum, nigrum, trahens ad varium colorem, habens multam aquositatem, graue, durum, grossum, in quo nulla est albedo, & quod remanet multum super ignem, & quod magis submergitur in aqua: natans verò, est priuatum vita & spiritu: & est malum, &c. Sophisticatur autem lignum aloës multis modis: vt cum lignis consimilibus, & præcipuè cum lignis radicum sylvestris oliuæ, & chamælaæ atq; Thymelææ, &c. Et quandoq; bulliunt ipsum lignum bonum, & accepta decoctione deficcant illud, atq; vendunt. Vnde rarissimè ab aromatarijs purum emitur. Qui autem

*Xyloaloes  
quomodo co  
gnoscat.*

volunt cognoscere atq; discernere bonum à malo, accipiant frustum ipsius, & ponant super carbones viuos, sed non flammantes: & si, cum vritur, spirat bonum odorem, & liquefcit bulliens tanquam incensum aut bitumen, bonum est: quod autem non est huiusmodi, proijcite: quia vel non est ipsum, vel est non bonum, id est mortuum: & prius bullit in aqua, &c. Per saporem autem, & submerfionem in aqua, non sunt bonæ probationes: quoniam plura ligna sunt (vt diximus) ligno aloës similia, amara, & quæ in aquis submerguntur, &c. Quod autem dicitur à Pâdestario, & nonnullis alijs ex iunioribus, de paradiso terrestri, &c. nostris temporibus per Lusitanorum nauigationes, probatū est esse fabulosum: quoniam (vt audiuius) hi ingētes syluas inuenēre plurimum generū ligni aloës. Attamen adhuc à nemine potuimus edificare foliū eius, &c. Dicitur autem lignum aloës (vt Ruellius, de Natura stirpium ex Aetio refert) à quadā coloris similitudine, quam habet cum aloës herbæ succo. Et fortasse etiā ab amaritudine, licet ipsum lignum non sit ita amarum, vt succus herbæ aloës. Aliter autem, multum differt alterum, ab altero.

*De Sisymbrio.*

**S**isymbrium duplex est: alterum videlicet genus mentæ, quam nonnulli balsamitam, & mentam aquaticam appellant: & alij (vt Brasaulus scribit) mentem Florétinam nomināt. Verūtamen multi pro menta Florentina, intelligunt mentam communem, id est hortulanam. Alij autem, teste Dioscoride, hoc sisymbrium vocant serpillum, & herbā Veneriā, vel Venereā. Arabicè

autem

autē dicitur, nemam, seu nemem, vel nemen, quo nomine etiam & serpillum vocant Arabes. Et hoc genus sisymbrij dicitur terrestre, vel campestre: quoniam in terrenis & capis nascitur: quamuis etiam iuxta riuos aquarum plurimum reperiatur. Vnde & menta aquatica nominatur. Et dicitur etiam terrestre, seu campestre ad differentiā alterius sisymbri, quod est aquaticum: quoniam semper in aquis oritur, de quo mox pertractabimus. Sisymbrium autē terrestre, id est balsamita, ab omnibus cognoscitur. De quo facit Auicenna. cap. sub nomine nemem vel nemam, secundum Bellunensem. Vnde valde mirati sumus de Simone Ianuensi, & Ioanne Iacobo Manlio &c. iunioribus, qui culpāt Auicennā interpretem, quod male interpretatus sit, Nemen, id est sisymbrium. In quo ipsi potius culpādi sunt. Nam rectissimē interpretis Auicennę hoc exposuit: quoniam (vt legenti & conferenti ad inuicem patet) nō est principaliter capitulum de serpillo Dioscoridis, vt ipse Simō dicit, sed potius est ipsummet capitulum de sisymbrio, balsamita vulgō dicta. Porro vt videri potest in Dioscoride, multa de sisymbrio dicuntur, quę etiam Serpillo cōueniūt. Vnde putamus hoc sisymbrium (vt ipse Dioscorides scribit) serpillum dici. Et licet Auicenna, aliqua in suo cap. (quod incipit Nemen) de serpillo commisceat: veruntamen habet in eo omnia ferē ad literam, quę Dioscorides de hoc sisymbrio posuit: quamuis nō sic ordinatē. Ait enim Dioscorides lib. 2. cap. cxx. Contra stillicidia vrinę, calculosōsque, semen ex vino bibitur. Auicenna autem, quando bibitur cum vino prohibet distillationem vrinę, & extrahit lapidem. Item Dioscorides: Tormina & singultus sedat. Auicenna: Et confert dolori ventris punitiuo cum vino, etiam confert singultui cum ex eo bibitur cum vino: & semen eius est fortius. Item Dioscorides: Folia in capitis dolore, fronti aut temporibus illinuntur. Auicenna: Et fit emplastrum ex folijs syluestris super caput & frontem, & super tempora, ad sōda, & confert. Dioscorides item, Contra vesparum, apumque, ictus. Auicenna: Et ex eo fit emplastrum puncturę vespę, &c. Quis igitur legens hęc, audebit dicere hoc cap. Auicennę de Nemen, nō esse de sisymbrio? Sed reuera ipse Auicenna accipiens ex Serapione, cōfudit sisymbrium cum serpillo. Nam hoc nomen Nemen, siue nemem, apud Arabes, est æquiuocum ad sisymbrium, & ad serpillum. Vnde Serapio sub vno capit. quod est 299. quod incipit, Nemen, duo capitula Dioscoridis concludit: videlicet capitulum de Serpillo, & capitulum de sisymbrio terrestri, siue agresti,

ut ipse scribit. Et primum descripsit capit. de duobus generibus  
 serpilli, postea subiunxit capit. de sisymbrio: quod barbarè &  
 corrupte, sisnabarion nominat: ut legenti, & Dioscoridi confe-  
 renti, non est dubium. Ex quo titulus dicti capituli Serapionis,  
 nō debet stare absolute de serpillo, sed de serpillo & sisymbrio.  
 Et similiter capitulum Auicēnæ, de Nemem nō est de sisymbrio  
 tantum, sed de sisymbrio & serpillo mistum, atq; cōfuse editum.  
 Et scias, quod per sisymbrium absolute descriptum: hoc sem-  
 per intelligitur, quod licet aliquando (ut in locis ficcioribus)  
 transeat in formam nepitæ, ut vix dignoscatur à nepita illa vi-  
 delicet, quæ vulgò mentucia dicitur: tamen odore semper co-  
 gnoscitur, quoniam mutando formam, non mutat odorem. Al-  
 terum autem sisymbrium à Dioscoride descriptum, quod est a-  
 quaticum: est illud propriè quod vulgò cresionem, vel crescio-  
 nem, & nasturtium aquaticum nominant: ex eo, quod sapore  
 maxime emulatur nasturtium. Vnde aliqui cardaminam, quasi  
 nasturtianam vocant. Nam cardamum Græcè, nasturtium est  
 Latine. Nonnulli etiam hoc sisymbrium aquaticum (ut Diosco-  
 rides tradit) sion appellant. Non quod sit propriè sion, sed quia  
 oritur in riguis, ut sion: atq; ut plurimum, simul cum eo crescit:  
 vnde coniectamus ex eo esse quod vulgò dicitur, cresiō siue cre-  
 scion: tanquam si diceretur, crescens cum sion. Non est dubium  
 in eo, quin sit ipsum: quoniam ad vnguem conuenit Dioscori-  
 dis descriptioni. Auicenna verò vocat istud pupillam oculi, &  
 erucam aquæ, & apium aquæ, & facit de eo cap. quod est de pu-  
 pupilla oculi. Sed existimauit idem esse cum sio: quia fecit aliud  
 Erucæ pillæ oculi. capit. quod barbarè inscribitur, de sumio. Vbi Bellunen-  
 aque. sumio, vertit sium, & pro pupilla oculi, vertit charealhayn. Vn-  
 Apium aquæ, de in capitulo de sumio legitur: Sumium quid est, est curati al-  
 bani: pro quo Bellunen- vertit Charealhayn, ut supra, quod est  
 pupilla oculi. Et sequitur: Existens in aquis stantibus, & in ipso  
 est bonus odor, & dicitur in capitulo de cas & c. In capit. de cas,  
 autem erat scribendum, charealhayn præfatum, quod est pupil-  
 la oculi. Ergo ipsa duo capitula, sunt vnum & idem, ut legenti  
 non est dubium. Sion autem propriè est illa herba, quæ vulgari  
 vocabulo Romæ, Channæa dicitur. Et ipsum est verè lauer. Non  
 obstante quod nonnulli abutantur his vocabulis, vocando la-  
 uer, & cresionem: qui vnam, & qui aliā herbam. Vnde est, quod  
 à quibusdam hoc sisymbrium aquaticum, falso lauer dicitur: ac  
 etiam est quedam herba nascens in aquis. quæ in acetarijs simul  
 cum

cum prædictis comeditur, & non est ingrati saporis: quæ à quibusdam similiter, lauer falsò appellatur: quamq; alij etiam falsò crescionem vocare non desinunt. Cuius quidem herbæ fatemur nos verum ignorare nomen. Porro hi non animaduertunt, quòd sisymbrium aquaticum, & illa herba (cuius proprium nomen ignoramus) non habent odorem: cum verum lauer, scilicet sion, vel sum, dicat Dioscorides habere folia odorata. Igitur channæ præfata, est verum lauer: quia habet (vt Dioscorides scribit) folia olusatro similia, quæ sunt odorata, &c. vt quilibet experiri potest: quoniam cum confricuerit digitis folium eius, persentiet suum bonum odorem. Hæc sanè sunt, secundum Dioscoridis veritatem. Quæ autem ab alijs, tam antiquis, quàm iunioribus, desio dicuntur, tum breuitatis causa (cui semper studebimus) tum etiam quoniam sunt in ipsis plura contradictoria, quæ non parum conturbant legentium mentes, libenter omisimus. Curiosus verò lector, quærat per se ipsum: vbi etiam inter alios plures, inueniet errorem Simonis Iannensis, & Pandectarij, scribentium crescionem esse Dioscoridis senecionem, &c.

*Descriptio electuarij Sarbotheng, & est lætificans, descriptione Hamech filij Zachariæ, &c. VI.*



**D**E CLARA TVR in præsentis electuarij exordio, quid sarbotheng significat, hoc est lætificans. Vnde electuarium sarbotheng, id est electuarium lætificans. Et ponit Author hoc electuarium, auctoritate Hamech filij Zachariæ: & eiusdem auctoritate, ponit alium modum electuarij lætificantis, in practica, scilicet in capit. de cura manie, & melancholie sanguineæ. Filius Zachariæ autem, qui est Rhafis, in pluribus suis libris, vt Rhafis est in nono ad Almanforem, & in Continente, &c. Habet plura, va filius Zachariæ electuaria lætificantia. Etiam in antidotario Nicolai est electuarium lætificans. Iuniorum quoq; plurimi, vt Bartholomæus de Montagnana Consiliator, &c. ponunt electuaria lætificantia: quærite apud ipsos. De gallia muscata, quæ est compositio, quære in distinctione de trochiscis. Simplicia autè alibi declarantur. Sed vbi dicit: Fiat omnium trituratio bona, intelligatur subtilissima.



V M dicit Author: Ex inuentione nostra, declarat ipsum apud alios non esse quærendum. Veruntamen in præsentis descriptione, pro omnibus confimilibus declarandus est vnus pessimus error, qui vitio librariorum passim per impressiones, in pluribus compositionibus legitur. Igitur animaduertendum quod sicut in isto electuario, ita & in multis alijs pharmacorum descriptionibus, pluries per ipsas impressiones reperitur positum vnus quinque, vel 3. vel 3. vel alterius generis ponderum, pro vno semis. Sed huiusmodi erroris causam cōiectauimus, atque inuenimus. Nam, vt legētibz exemplaria manuscripta patet, sæpe scriptores antiqui utebantur abbreviationibus, in transcribendo libros, & præcipue illarum dictionum quarum frequentia nō minima erat in libris: arbitantes illas (ob sui frequentiam) sine difficultate à lectoribus posse intelligi: nolentes in minus necessarijs, cōsumere tēpus & chartas. Hinc fuit, quod in pluribus medicinalibus libris pro vno semis frequentabant scribere primam litteram tantum ipsius dictionis cum puncto, sic f. vel sic β. Vt exempli gratia, In præsentis electuarij descriptione scripserūt, musci 3. β. & dosis eius est 3. β. &c. Vel sic: musci 3. f. dosis eius est 3. f. &c. scriptorum sequentium postea nonnulli illud s, longum, & extensum conuerterunt in s, paruum & retortum, scribentes sic, Musci 3. s. dosis eius est 3. s. Hinc impressores, & artis medicinæ imperitiores, putantes illud s, paruum, atque retortum, esse characterem abachistarum, quē simili figura in suis characterijs numerationibus, pro quinque describunt, aliqui ipsorum cum dicto Abachistarum signo, quinque significante, & scripserunt & impresserunt. Nonnulli autem peius, magnificantes errorē, loco eius signi posuerunt v. quod more antiquorum Latinorum, vsq; in præsentem diem, pro quinque numeratur. Hinc est, quod in præsentis descriptione per plurimas excusiones, legitur mēdose, Musci 3. v. & dosis eius est 3. v. quibus in locis legendū est verius, musci 3. s. dosis eius est 3. s. vt in exemplaribus & libris correctis habetur. Etenim si fuissent quinq; musci 3. potius esset inscribendum de Musco, hoc electuarium, quā cōfectio sequens, in qua duo tantum musci 3. ingrediuntur. Confimiles igitur errores q uocunq; fuerint, locis suis connotabuntur.

*Erroris causa.*

*Conse*



**N**VLLI dubium est, quòd à musco præfens confectio denominatione accepit. Dulcis autem dicitur, ad differentiam amaræ, quæ post ipsam inimediate sequitur. Auicēna quippe in quinto can. scilicet in primæ summæ tractatu primo, habet 6. cōfectiones de musco, & vna tantum ex ipsis cognominatur dulcis: & tractatu tertio, habet etiam vnum electuariū de musco. Filius Serapionis autem in vij. sui Breuiarij, habet tres descriptiones, quarum prima dicitur dulcis: secūda, Diamuscum amarum: tertia, nec dulcis, nec amara titulatur. Haliabbas etiam in x. practicæ habet medicamē de musco dulce, necnon & amarū, ac etiam præter hæc vnum electuarium musci. Rhafis quoque in nono ad Almanforem, cap. de tremore cordis, habet vnum electuarium, quod vocat Diamuscū pretiosum. Et in antidotario diuisionū, cap. de medicinis cordis, habet vnam aliam cōfectionem de musco. Et Bartholomæus de Montagnana in suo antidotario, habet Confectionem diamusci matricialis. Diamuscum autem idē est, *Diamuscū*. quod compositio, seu electuariū, seu confectio de musco. Omnibus autem vſitationes sunt istæ filij Mesuæ. Animaaduertendū autē, quòd in præſenti descriptione de musco dulci, per omnes impressiones, est vnum mendum: videlicet vbi legitur, galliæ, ocimicitrati, omnium añ. 3. ij. s. Legendum est rectius: galliæ, ocimicitrati, añ. 3. j. s. vt est in cunctis exemplaribus correctis.

## De Seta.

**V**lgaris notitiæ hodie Seta est. Sed rectius dicendum sericum, vel ſera, à feris vermiculīs qui aliter bōbices dicūtur. At cū legitur, setæ crude adustæ, videtur esse contradictorium in ſectione: quoniā crudū & adustum sunt contraria. Non enim potest esse crudum, quod est adustum. Bene tamen potest aduri, quod est crudū. Ad quod dicendum quòd Author non sine ratione hoc dicit. Et ratio hæc est: videlicet quòd ſciens ipse ſericū in bullienti aqua, vbiq; extrahi à ſuis folliculis, & quòd ſericum ſic extractū, potest aliquo modo dici coctū: idē Author poſuit crudum, quia non quærit hoc ſic extractū: ſed vult, vt accipiātur folliculi recentes, quos omnino nō tetigit aqua. Qui forficibus diſſecti, & pelliculis intrinſecis, ac vermiculis viuīs vel mortuis, optimē purgati, inciduntur in fruſta, & aſſentur, &c. Modus vero aſſandi ipſam ſetam, pro dianuſci compositione ponitur à

Bulchasi, in libro Seruitoris. Lege ibi.

De Ocimo citrato.

**S**UPRÀ in electuario de gemmis, de omni ocimo mentionē fecimus: hīc autem ocimum citratum tantū est elucidādum. Omnes etenim iuniores, vt Simon Ianuensis, Christophorus de Honeftis, Luminare Maius, Lumen apothecariorum, Thesaurus aromatariorū, &c. in hoc ocimo citrato hallucinati sunt. Et qui melissam, & qui ocimum gariofilatum, & qui vnum, & qui duo simplicia esse putantes plurimas scripsēre fatuitates. Enimvero ocimum citratum non est melissa, sed est species basiliconis, per se distincta ab alijs & similiter à melissa. Planta enim eius Venetijs primum vidimus, & inde semen collectum, paucis antè annis Romam attulimus. Vnde nunc Romæ à multis cognoscitur. Folia enim eius sunt latiora, & longiora omnibus speciebus ocimi. Sunt etenim tāquam folia citri. Et odor ipsius ocimi est, vt perfectissimus odor citri. Quæ folia, si non fuissent molliora folijs citri, multi deciperentur in ipsis, credentes nō ocimi sed citri folia esse. Et his tantum notis distinguitur à communi basilico. Et hoc verè (vt suprà diximus) putamus esse, quod scribit Serapio capitulo 175. quoniam nulla reclamatione nota. Non obstat, quod ibi nihil de suo citrio odore legatur: quoniam forsan vel ab auctore, vel ab interprete imprudenter omissum sit. Semè quidem, vt commune basilicum, habet nigrum, & oblongum: flores albos, &c. Non habemus in eo dubiū. Porro si quidem potest esse, quod eiusdem virtutis sit cum melissa: quoniam si cōmunē habet odorem, non est impossibile, vt easdem habeāt vires. Quod si habet, licitè possumus altero pro altero vti: quod quidem sapientioribus iudicandum relinquimus.

De Been, & Ben.

**D**E hoc Behen, vel Been, vel Beem, poteramus facere declarationem suprà in electuario de gemmis, & in cōfectione de xyloloēs, in quibus etiam recipitur. Sed quia hæc cōfectio de musco dulcis, est in frequentiori vsu, & plurimi ex iunioribus, in cōfectione ista consueuerunt illud declarare: ideo & nos volumus concordare cum illis, faciendo declarationem de ipso, in præsentī cōfectione. Et licet Ben non ingrediatur in istam cōfectionem, hac de causa tamen, vt aliqui non decipiātur in eo propter cōsimilem prolationem, quam quasi habet cum been, aliqua de eo necessaria subscribemus. De been igitur inter Doctores mira varietas in scribendo probatur. Vnde alij sine aspiratione



tione Been, alij autem cum aspiratione Behen scribunt. Verumta-  
 men omnes in vñum cōcordāt, scilicet quòd sint radices albæ, &  
 rubæ quæ ex Armenia deferūtur. Quorū authoritates pro ma-  
 iori parte, ob eius clariorem declarationem, adducemus. Igitur  
 Auicenna in secūdo cañ. scribens sine aspiratione ait: Been quid  
 est: frusta aspera, vel lignea, quæ sunt radices ex siccitate contra-  
 ctæ, carnosæ, seu habentes rugas, vel lineationes: & sunt duarum  
 specierum, quarum vna est alba, & altera rubea &c. Vbi Bellu-  
 nensis pro been, rescripsit bhemmen. Cum Auicenna autem tenet  
 Simon Ianuēsis dicens: Been est radix quæ de Armenia defertur:  
 & est de eo album, & rubeum, &c. Concordat cum istis & The-  
 saurus aromatariorum, affirmans quòd debet scribi per duplex  
 ee, sine h, Serap. autē describit aspiratē, sic: lenden, id est behen.  
 Abémefuai: Species eius sunt duæ, scilicet rubæ & albæ, & sunt  
 ambæ venæ in magnitudine radicis pastinacæ paræ, &c. cum  
 quo conuenit Lumen apothecariorum dicens: Behen scriptum  
 duplici ee, & cum h, idē est, quod radix alba & rubea: quæ ambæ  
 portantur de partibus Armeniæ, &c. Luminare Maius autē, re-  
 prehendit Lumen apothecariorum, sic ait: Hic etiam dicit quòd  
 been cordiale debet scribi per h, quod apud probos Authores  
 non reperitur. Nam Serapio est Author non solum & probus &  
 fide dignus, sed plurima laude dignissimus, qui scribit cum h, be-  
 hen. At ipse bonus vir in electuario de gemmis, in huius declara-  
 tione adducit authoritatem Serapionis, amoto illo h, authorita-  
 te sua. Matthæus Syluaticus autem, id est Pandectarius, e contra  
 scribit: quia cōcordans se cum Serapione, ad authoritatem Aui-  
 cennæ, quam ipse adduxit, addit h, quod quidem Auicenna non  
 habet. Porro Christophorus de Honestis scribit prius sine h, be-  
 en, & dicit quòd est radix alba & rubea: & paulo pòst describit  
 cum h, & dicit, quòd illud idem est: Insuper nos autem dicimus  
 quòd vel cum h, vel sine eo scribatur, nihil refert: & idē est, quòd  
 radix alba, & radix rubea, &c. A tramen ipsæ radices ex Armenia  
 ad nos amplius non aduehuntur, & quæ apud nostrates colligū-  
 tur, non sunt radices been, sed alterius herbæ: quoniam radices  
 been sunt paræ, vt radices pastinacæ erraticæ: & sunt benè odo-  
 ratæ, vt probatur per Doctorum descriptiones: Radices autem  
 huius vñualis adulterini been, sunt grossæ, & sine bono odore: &  
 præcipuè radix rubea. Etiam affirmant Doctores, radices been  
 habere viscositatem quandam, quam istæ vñuales minimè habet:  
 ergo non sunt, &c. Potest autem poni loco eius, teste Auicenna

*Been sup- in dicto capitulo de Been, quantitas ponderis eius tuderī, & me-*  
*plentia.* dietas ipsius linguae auis. Sed secundum Haliabbatem, qui (si non  
 est additio interpretis) asserit absolute been esse pastinacam syl-  
 uestrē, potest poni ipsa pastinaca syluestris. Air enim in secundo  
 practicæ, cap. 43. Been quōq; duæ sunt species, est enim rubēū &  
 albū, & est pastinaca syluestris, &c. Ben verò per simplex e, & sine  
 h, est fructus cuiusdam arboris, similis myricæ, teste Dioscoride,  
 à quo balanus myrepfica, id est glans vnguentaria appellatur: vt  
 patet, conferendo cap. Serapionis de ben, quod incipit Habben,  
 id est granum ben, cum capitulo ipsius Dioscoridis de glande  
 vnguentaria. Ait nanq; Dioscorides lib. 4. cap. 141. Glans vnguē-  
 taria, fructus est arboris myricæ similis, magnitudine auellanae  
 nucis: cuius nucleus græcarū nukum, id est amygdalarū more tri-  
 tus, humorem reddit, quo ad pretiosa vnguēta, pro oleo vtūtur.  
 Nascitur in Aethiopia, Aegypto, Arabia, & Petra oppido Iu-  
 dææ. Præfertur plena, recens, candida, quæ faciliè delibretur &c.  
 Idem dicit Simon Ianuensis, & addit quod hoc granū est album,  
 triangulatum, simile carthamo: sed maius nec ita oblongum, à  
 quo exprimitur oleum muscellinum, quod Dioscorides vocat  
 oleum balaninum, &c. Etnos affirmamus, quod verum dicit:  
 quoniam pluries Romæ habuimus ex illis à quodam mercato-  
 re, Francisco Macza nomine, qui illā vendebat. Et propriè vul-  
 gariter grana illa vocabat, fructo de bene: quasi dicat fructum  
 de ben. Est granum triangulatum, album, magnitudine parue  
 nucis auellanae, trahens aliquantulum ad formam pistaciorum:  
 intus habens substantiam vinctuosissimam, quæ digitis compres-  
 sa reddit oleum abundanter. Et omnes Authores conueniunt  
 in hoc, præter Christophorum de Honeftis, & Quiricum de Au-  
 gustis de Terthona, dictum Lumen Apothecariorum, qui valde  
 hallucinati sunt, tenentes ben esse semen cataputiae, scilicet Ker-  
 uæ. Non enim aduerterunt, quod Author noster in suo de sim-  
 plicib. lib. facit capitulum de Ben: & distinctè capitulum de Al-  
 bemefuch, quod est cherua. Et in hoc Antidotario docet fieri  
 oleum de ben: & per se, oleū de cherua, id est de cataputia. Opi-  
 namur eos in affinitate vocabulorum deceptos esse: intelligēdo  
 pro Almesus, quod est granum ben, Albemefuch, quod est cher-  
 ua. Quia de utroque est magnū, & paruum, &c. Miramur etiam  
 Ant. Musa de peritissimo viro Antonio Musa Brasaulo, qui in suo Sim-  
 Brasauli er- plicium Examine deceptus est, intelligendo sub hoc nomine  
 vor. been & ben fructum. Nam been non est fructus, sed radix Ar-  
 meniaca,

meniaca, &c. Bellunenſis quidem in Auicenna pro ben, reſcripſit ban.

*De Spica in generali.*

**E** Stanimaduertendum de Spica, quòd quodocunq; eſt abſo *Spica abſo-*  
lute deſcriptũ, ſpica, vel ſpica nardi, aut nardus ſimpliciter, *lute ſumpta.*  
vel nardi ſpica: ſemper intelligitur, & idem eſt, quod ſpica inda, *Nardus.*  
& ſpica aromatica. Vocatur ſpica, attamen eſt radix, teſte Ga-  
leno, primo de antidotis, qui ait: Spicam nardi appellamus, licet  
radix exiſtat, à ſimilitudine quam cum ſpicatis obtinet. Hæc Ga-  
lenus. Similiter quodocunq; inuenitur, ſpica nardi aromati-  
ca, ſeu nardus aromatica, idem eſt quòd ſpica Indica, ſeu nardus  
Indica. Item ſi reperitur, ſpica nardi indicæ, ſeu ſpica nardi aro-  
maticæ, idem eſt & clarius intelligitur. Quum autem inuenitur,  
ſpica Celtica, ſeu nardus Celtica: idem eſt quod ſpica Romana,  
nardus Romana: ſpica Gallica, & nardus Gallica. Et econuerſo,  
ſi reperitur nardus Romana, ſeu ſpica Romana, &c. Idem enim  
ſunt ſpica Celtica, ſpica Gallica, & ſpica Romana, &c. Idem enim  
tita, nardus Gallica, & nardus Romana. Si autem inueniatur, ſpi-  
ca nardi Celticæ, ſeu Romana, ſeu Gallicæ, apertius habebitur.  
Sub nardi quidem nomine, intelligitur tam ſpica aromatica, id  
eſt inda, quàm ſpica Celtica: ſed quia ſpica Aromatica eſt nobi-  
lior & præſtantior Celtica, ideò quando abſolute legitur, ſpica,  
ſeu nardus, de nobiliori ſemper eſt intelligendum. De ſpeciebus  
autem nardi Indicæ & nardi Celticæ, non oportet facere declara-  
tionem: quoniam ſatis clarè ſcriptum eſt de eis à Dioſcoride, &  
cæteris fide dignis authoribus. Sed aduertendũ, quòd aliquando  
inuenitur ſcriptũ per libros, nardus mótana, vel nardũ ſylueſtre,  
vel nardũ ruſticũ &c. & ſunt aliæ res, vr patet per Dioſcoridem,  
qui primi libri capitulis, videlicet 8.9. & 10. ſecundum Hermo-  
lai trãſlationem particulariter de iſtis loquitur. Quare ibi. Hoc  
tamen non omittẽdum, quòd plurimi putant idem eſſe nardum  
celticam, & ſaliuncam: ſed reuera ſunt duo ab inuicem diſtincta,  
quamuis odore & virtute non differãt. Vnde ſub nomine ſpecie  
nardi celticæ, & pro ipſa ſpica celtica, hodie plurimi ſaliuncam  
emunt. Poſteſt tamẽ indifferenter alterũ pro altero adminiſtrari.  
Eſt enim ſaliunca tam breuis, quòd rarò pollicarẽ altitudinem *Saliunca.*  
tranſcendit. Vnde à Plinio ſcribitur, quòd neſci non poſteſt. Por-  
tant eam herbarij in ſacculis, & hoc eſt notum. Spica Celtica au-  
tem illa eſt, quæ in manipulos redacta, atque ligata, cum ſolijs  
oblon

oblongis, &c. venditur. Plinius quidem de vtraque loquitur.

De Musco.

**M**Vscus enim duplex est: vel (vt melius dicatur) muscus est nomen commune, ad duo simplicia. Igitur est muscus, res nascens super arbores, & lapides &c. Et hoc bryon dicitur Græcè, Arabicè autem vſnee, vel aſnee, vel axneeh. Facit enim Dioscorides de huiusmodi generibus duo capitula: videlicet vnum de musco arborum, in primo libro: & alterum de musco marino, in quarto libro. Serapio autem facit cap. de vſnee, quod quasi ad literam, est capitulum Dioscoridis de musco arboreo. Auicenna verò de his, confusè in duobus capitulis pertractauit: quorū alterum intitulatur de muscho: vbi Bellunenſis pro muscho rescripsit thaleb. In quo cap. tangit muscum fluuialem, aqueum, & terreum, & marinum atque petrosū &c. Alterum autem inscribitur de vſnee, in quo dicit quòd vſneefunt cortices tenues, subtiles, circunuolutæ super arborem ferentem glandes, & pinum, & nucem &c. Et de huiusmodi musci generibus, non intelligitur, cum absolute muscus describitur. Et præcipue in his, & similibus cordialibus confectionibus. Sed est alter muscus, scilicet illa res valde odorata, quam vulgò muscum, & muscatum vocant: de quo apud Græcorum & Latinorum antiquos, nulla fit mentio. A iunioribus autem Græcis, licet de eo non pertractent, vt est Aëtius, Paulus, Actuarius &c. in suis compositis pharmacis quandoque receptum legimus, & moschum vocant. Arabicè autem mesch, vel misch, & almisch dicitur. Serapio enim facit de eo cap. Sed in ipso Arabum authoritates tantum adducit: quia (vt diximus) à veteribus Græcorum & Latinorum non scribitur. Similiter & Auicenna in secundo cañ. habet capitulū de hoc musco: & in de viribus cordis, etiā illius meminit. Scribunt etiam de musco hoc odorato, & alij Arabes: vt Rhafis, in tertio ad Almanforem: & Auerrois, in quinto Colliget &c. Magis diffusè autē Serap. & Auicenna: quibus asserētibus quòd excipitur ex quodā animali, quod Gazella nuncupatur, cum in partibus nostris non reperitur, oportet nos (velimus, nolimus) credere. Iuniores autē ferè omnes, de hoc musco pertractant. Sed omnibus clarius Brasaulus in suo syruponū examine. Legitote ergo apud ipsos. Hoc tamen non ignorandum quòd muscus in modica quantitate, est magnæ operationis: & ideo sufficit parum de eo in medicinis apponere. Nec debet conteri, sed dissoluendus est in aqua rosarum: vel alio conuenientiori modo aptandus, vt optimè communiscentur

Misch.

misceatur cum alijs medicinis. Præterea animaduertendū quòd muscus facillimè adulteratur : vnde multoties stercus murium, & plura consimilia delusoria, pro musco venduntur. Neq; confidendum, quia folliculi videntur integri : quoniam non desunt impostores qui eos effingunt simillimos, atq; varijs implent rebus, & ponunt inter verum muscum vsque dum recipiant eius odorem : postea extrahunt, & vendunt mulierculis, & non peritis viris &c.

## De Melle.

**P**Lura etenim sunt mellis genera : sed quando absolute scribitur, de melle apum, optimo, dulci, tenacis substantiæ, scilicet non multum aquoso : colore flauo, trahenti ad albedinem, & propriè colore pælearum (vt author noster, in sermone de aqua mellis scribit) odorato, scilicet bene olente, digito adhærente, puro &c. intelligitur. Mel apum diximus ad differentiam mellis alterius rei, alteriusve animalis. Quoniam sunt quædam animalia, apibus multo maiora, atque ferociora, quæ vt plurimum in cauernis arborum mellificant, & vulgò crabrones, siue calabrones appellantur : quorum mel, multi colligunt, & comedunt &c. Dulce autem posuimus ad differentiam amari : quoniã in Sardinia, teste Dioscoride, reperitur mel amarū, ob id, quia inibi absinthio vescantur apes. Cætera non sunt dubia. Præterea cum sit, quòd Author dicat in præsentī descriptione : Conſice cum melle crudo, quod sit quadruplum ponderis omnium. Insurgunt nobis duo quæſita. Primum est, an mel omnino crudum sit administrandum ? Quoniam vt aiunt Dioscorides, & Serapio, capitulo de melle. Dioscorides : Mel crudum inflat aluum, & tuſſim proritat, ob quam causam despumato vti oportet. Serapio autè autoritate ipsius Dioscoridis, illud idem scribit. Inquit enim : Et mel, cuius spuma non est ablata, facit tuſſim, & laxat ventrem : quare neceſſè est, quòd non adminiſtretur, ante quàm auferatur spuma eius. Igitur &c. Secundum est, an debeamus semper sumere quadruplum ponderis omnium specierum, de ipso melle, vt ipse Author dicit, & nunquam triplum, vt Auicenna, Haliabbas &c. præcipiunt ? Ad primum dicendum, quòd Dioscorides & Serapio illo in loco intelligunt mel crudum per se solum, non esse administrandum ægris : mistum autem cum alijs medicinis (vt in præſenti confectione) bene potest administrari. Et hoc non solum probatur per præſentem Authoris nostri cõfectionem, sed & per alios probos authores. Vnde filius Serapionis in septimo  
breuia

breviarij, in sui diamusci dulcis confectione, ait: Confiiciuntur cum melle non decocto. Et Auicenna in quinto canone, in prima & penultima descriptione confectionū de musco, dicit: Confiice cum melle crudo. Sed ad hæc poterit quispiam obijcere, dicens quod licet dicant isti cum melle crudo, vel non decocto: tamen non per hoc declarant illud non esse despumandum, quoniam mel in sua prima bullitione potest despumari: & per illum, non intelligitur coctum, sed despumatum tantum. Ergo despumandum est. Ad hanc quidem obiectionem, plures habemus auctoritates contrariū probantes: videlicet quod omnino ipsum mel, pro huiusmodi confectionibus, non debet igni appropinquari. Vnde Auicenna in sua confectione de musco dulci, clare ait: Confiice cum melle quod est sicut extrahitur de fauis, quod non inuenit ignis, crudum, ad vinum tria &c. Item Haliabbas in decimo practicae similiter in sua confectione de musco dulci, dicit: Et cum faui fluentis melle, quod ignem non attingit, distemperabis &c. Et in hieræ picæ descriptione, ait: Dabis cum melle distemperatis crudo, quod ignis non attigerit. Igitur cum specificatur mel crudum non est despumandum. Vnde mel istius confectionis, & similiū, oportet ut sit optimū, & purissimum, quod non indigeat despumatione: quoniam in quinto cañ. in modo syrupi acetosi Galeni, secundum Bellunenſis translationem, sic ait Auicenna: In bono melle non eleuatur spuma, quapropter non est necessarium, ut decoquatur multum. Et Gentilis super quintum ipsius Auicennæ, scilicet super confectionem de musco dulci præfata, dicit: Mel cum est purum, non indiget despumari: despumari autem ex postulat, ipsius impuritas. Ergo omnino sicut extrahitur de fauis, est administrandum in præſenti confectione. Etenim ratio, qua Authores moti sunt, ut cum melle crudo conficiantur huiusmodi electuaria, hæc est: Videlicet quod considerantes ipsas confectiones capitis ægritudinibus debere conferre, melius visum est eis esse, si conficiantur cum melle crudo, quàm cum melle cocto: quoniam mel crudum (ut dicit Dioscorides) inflat, habet quandam ventositatem, qua mediante facilius vapores huiusmodi confectionum ascendunt ad caput, ad confortandum cerebrum &c. Reliqua autem mellis crudi nocumenta, species, & cætera quæ cum eo miscetur, auferunt, siue comprimunt: ex quo postea, nec tussim commouet, nec aluum lacescit. Et per consequens benè. Ad secundum autem dicimus, quod generaliter in omnibus compositionibus &c. semper obseruandi sunt

*Mel crudū  
quare cōse-  
ctionib. ad-  
hibeat.*

sunt canones & regulæ illius Authoris, de cuius libro ipsarum compositionum descriptiones sumuntur. Verbi gratia: In præsentī Antidotario filij Mesuæ, sua obseruanda sunt præcepta. Et in libris Auicennæ, & Haliabbatis, semper ipsorum obseruanda sunt regulæ. Et sic de singulis alijs Authoribus. Igitur si de mente filij Mesuæ parabis confectiões, & Electuaria &c. ubi alia non assignatur regula, ad istam semper est recurrendum. Et sic cuilibet specierum ponderi, quatuor mellis dabitis pondera. Et eadē regula obseruetur etiam in omnibus compositionibus quæ cum solo rob, aut zuchcharo, aut simili, in forma Electuarij conficiuntur. Illis autē, quæ in tabulis, seu rotulis, in forma solida, ex zuchcharo parantur, alia infra assignabitur regula. Aduerte quoque Mel nō spec quod ubicunque de melle non specificatur crudum, aut coctum, *cificari, de spumati de* semper de despumato est intelligendum. *notæ.*

*Confectio de Musco amara, &c. IX.*



**A**D SUPRASCRIPTAM confectiōē, quæ vocatur de Musco dulcis, si addatur hæc pauca simplicia, amplius non erit dulcis, quoniam amaritudo quorundam istorum superat illius dulcedinē: ex quo postea rationabiliter dicitur Confectio de Musco amara. Sed sciendum, quod per impressiões, in ista descriptione, sunt aliqua, non rectē posita: videlicet ubi in ipsis legitur: Cinnamomi 3. j. s. lege rectius, Cinnamomi. 3. ij. s. confice vt supra &c. Quoniam sic est in omnibus exemplaribus manuscriptis, & in illo de vulgari excusione. Et sic habet Lumen apothecariorum, & Paulus Suardus, qui aliter Thesaurus aromaticorum dicitur, & Nicolaus Praepositus. Luminare Maius autem mendose habet vt impressiões. Item, in fine istius descriptionis, per plurimas impressiões nescimus, ad quid sit additū iterum aloës 3. j. s. aliās 3. ij. s. Cassetur quoniam frustra est ibi, nec legitur in libris correctis &c. De aloë autē, & eius lotionē quære infra in pilulis alephanginis.

*Modus confectiōis testiculi vulpis, & est Satyrion. x.*



**V**OCATUR nempe ista compositio, Confectio testicularum vulpis, ab ipsis testiculis quos recipit. Et non intelliguntur de vulpe animali, sed sunt radices cuiusdam herbar, sic vocatæ, quæ aliter satyrion dicitur. Vnde interpret in eius exordio declarauit, dicēs: est satyrion. Potest & ista nempe, vt sequēs, **vocari**

vocari Diasatyryon. Imò rectius, quia maiorem quantitatem recipit de ipsis testiculis, & est minor compositio quam sequens. Et enim idem significat, confectio testiculorum vulpis, quod Diasatyryon. Veruntamen quia Authori placuit sic vocare eas, ut cognoscatur altera, ab altera, fiat ut ipse statuit. Et ista vocatur, Confectio testiculorum vulpis. sequens autem specialiter, Diasatyryon. Sed sciendum, quod in presenti descriptione sunt per impressos libros quinque simplicia quae in exemplaribus antiquis non leguntur, nec in libro de vulgari impressione: videlicet, Dragaganti, gummi Arabici, alfelengiemisch, cubebae, & macis. In duobus tantum libris de recentioribus manuscriptis inuenimus, & inibi erant cum linea in inferiori parte signata tanquam semicassa: ex quo aperte nobis patuit, illa esse quorundam additiones, quae postea à librarijs textui inserta fuere. Deleantur igitur de textu, nec in confectioe immisceantur, nisi de voluntate alicuius medici (pro suis infirmis dumtaxat) ordinatum fuerit. Quoniam cuilibet medico, pro suis infirmantibus licitum est, & quandoque expediens, secundum necessitates, non solum permutare aliqua in confectioibus &c. sed addere, & minuere. Imò & alia, de sua inuentione, pharmaca ordinare. Veruntamen (ut diximus) pro suis aegris tantum. Est etiam in Antidotario Nicolai, vnum aliud Diasatyryon, diuersum ab istis.

*De Satyrione.*

**C**um sit quod Author in presenti descriptione dicat: Accipe Satyrionum, qui abscinduntur à patre suo. (Et alia litera habet à pari suo, quae falsa est) multi errant in collectione ipsorum, non intelligentes, quid sit abscindi à patre suo. Et hic est sensus: Ille abscissus est à patre suo, qui generatus est à patre suo. Nam haec herba satyrion siue satyrium, & quaelibet eius species similiter, talem habet naturam, quod quolibet anno generat in fusto radicis eius vnam radicem, in forma vnus testiculi vulpis animalis: & sic in primo anno vnam, & in secundo anno generat aliam similem. Et secunda tollit virtutem primae, taliter quod illa prima quae est tanquam pater, amissa sua virtute debilitatur, mollescit, moritur, & exiccatur. Filius autem crescit, impletur, magis viget, &c. Et ita in tertio anno generat aliam, quae noua suscipit virtutem veteris: ita quod non amplius habet semper quam duas radices, rotundas in forma testiculorum: & vna ipsarum est tanquam pater, reliqua verò loco filij. Qui filius, interfecto patre suo, generat sibi filium, qui postea est interfectus ipsius, &c.

Et



Et in hoc dignoscitur pater à filio, quia filius est tactu durus, siue firmus, succosus, plenus, & tener: pater verò est mollis tactu, rugosus, terrosus, nigrior, & semimortuus. Quoniam ipse pater amittendo substantiam suam debilitatur, (vt diximus) exiccatur, & perditur. Quapropter filius, id est nouus testiculus, est accipiendus pro huiusmodi confectionibus. Et ne decipiaris in no- *Satyrii no-*  
mendaturis: quoniam hæc planta plura habet nomina. Vnde di- *mēclatura*  
citur satyrion, ab effectu: testiculus vulpis, à forma, à similitudine, necnon & virtute: quia in re venerea est rāquam testiculus in animali: vocatur etiā interfector patris sui, à proprietate & natura: triphyllon siue trifoliū, à numero foliorū, quia non amplius quàm tria folia producit, &c. Et ne fortè quis diceret, quòd satyrium absolutè, non intelligatur testiculus vulpis, Author noster in istarum duarū confectionū descriptionibus, declarauit aper-  
tissimè cū in prima quam de testiculis vulpis inscripsit, dixit: Accipe satyrionū, qui, &c. In secūda autē econtrā, vocauit ipsam Diasatyriō, & postea dixit: Recipe testiculorū vulpis, &c. Et scias q̃ hoc est singulare satyriū: quoniā satyriū habet plures species in suo genere, veruntamen absolutè (vt dictū est) de hoc semper intelligitur. Etiā si non specificatur de veteri, semper radix noua *Satyrii vici-*  
sumenda est, & precipuè ad venerē excitandam. Et econtrā, scili- *res contra-*  
cet ad libidinē coërcēdam, altera debemus vti: quoniā omnes tra- *vici.*  
dunt alterā alteri aduersari. Et hoc in omni suo genere intelligitur, quamuis in Dioscoride nō legatur nisi in capitulo, de testiculo canis: quoniā de utroq; testiculo vulpis, scilicet nouo & veteri, nostris tēporibus pluries experiētia habita est, scilicet quòd testiculus vulpis nouus comestus maximè excitat libidinē. Et ecōtra si quis comederit veterem radicē per plures dies, velut puellulus, nihil persentiet libidinis. Et sic de singulis. Genera autē, siue species satyrionū, Simon Ianuēsis octo se vidiūse enumerat. Verū tamen palma Christi vulgò dicta, non est Bazeiden, vt ipse credidit, de quo clarius mox dicemus. Dioscorides quidem facit cap. de satyrio triphylo, quod verè est testiculus vulpis nuncupatus. Facit etiam cap. de altero satyrio, cui plura contribuit nomina. Item facit alia duo capitula: vnum videlicet de testiculo canis (sic enim vocatur apud nos, à Græcis autem orchis, aut cynosorchis dicitur) & hīc quoq; vulgaris notitiā est. Alterum cap. est de testiculo, qui serapis nuncupatur, & hī ambo species satyrionum sunt. Facit præterea & duo alia capitula, videlicet de Cratēgono & de phyllo: quæ à quibusdam etiā putantur esse satyrionum

genera, & præcipuè phyllum. Serapio autem cap. 90. de testiculo vulpis, scribit vtrunq; capitulum Dioscoridis de satyrio, per quod etiam probatur testiculus vulpis idem esse quod satyrium. Et capitulo 91. de testiculo canis, ipse Serapio describit capitula Dioscoridis de testiculo canis, & de testiculo serapia, pro quoinibi barbarè Sadachia legitur. Facit & aliud cap. Serapio de buzeiden, quod dicit esse speciem satyrionis, & est 260. in quo capitulo nec Dioscoridem, nec aliquem alium Græcorum citat. De quo Buzeiden & Auicenna similiter in secundo canone capitulum facit, quod buzeiden, vel buzeidan. vel buzidan (vt Bellunenensis traduxit) Simon Ianuensis auctoritate glossatoris librorum Rhasis ad Almanforem, declarat esse illam satyrionum speciem, quæ vulgò dicitur palma Christi. Et hoc etiam dicit Luminare Maius, in triphea maiori Auicennæ, vbi & adducit auctoritates Galeni & Serapionis. Nobis autem non clarè constat hoc esse verum, quoniam contradicit Serapioni & Auicennæ: qui dicunt buzeiden esse radices duras, lignosas, albas, rugosas, & asperas, similes behen albo, &c. Palma Christi autem (vt quasi quotidie videmus) habet radices teneras, lenes, sine rugis, subcitrinas, & absq; vlla lignositate: ergo non potest esse buzeiden. Bellunenensis autem in suis interpretationibus, in litera Alhabe: dicit, quòd hæc radix Damasci est nota, & similatur raphano paruo, oblongo: & quòd quidam dicunt esse speciem hermodactylorum, & apud Arabes appellatur alhabe, & buzeiden. Quapropter quænam sit ista species satyrionis lignosa, dicta alhabe, & buzeiden, adhuc incompertum habemus. Omnes enim species satyrionis, quas cognoscimus, sunt carnosæ, & absq; lignositate aliqua. Hermolaus Barbarus in suis Corollarijs, pro buzeiden scripsit bucheiden: & similiter Ruellius in suo de Stirpibus. Brasaulus autem in suo Simplicium examine, tenet firmiter quòd bucheiden sit palma Christi: & addit quòd Auicenna scribit de ea in secundo can. sub nomine digiti citrini, &c. Ergo secundum ipsum, Auicenna facit duo capitula de palma Christi: scilicet capitulum de buzeiden, & capit. de digitis citrinis. Sed re vera neutrum ipsorum est de palma Christi. Porro quòd palma Christi non sit buzeiden, iam probauimus. Veruntamen si palma Christi sit digiti citrini Auicennæ, lectoribus coniectandum dimittimus. Hoc autem dicimus, quòd si palma Christi (vt omnes credunt) est genus sine species satyrionis, clarè patet, quòd non est digiti citrini: quoniam Auicenna in ipso capitulo de digitis citrinis,

nis, nihil de proprietate venerea comemorauit: quæ proprietas, in omni satyrionum genere specialius & efficacius viget: neque in permutatione ipsius posuit loco eius aliquod genus satyrionis, sed hezeriascen, siue hazarasen, & sod. Vel vt Bellunenſis vertit, hezargiesan, & shad. De hezeriascen autem ipse Auicenna facit cap. in secundo cañ. in quo cum dicit: Loquemur de eo in capitulo de fefire, scilicet fessera, vel fescera. declarat apertè, hezeriascen esse fesceram, id est bryoniã, quæ & vitis alba dicitur. Quod confirmat Bellunenſis in suis interpretationibus. Et in capitulo de fefire ipse Auicenna ait: Fefire quid est: est alhazarasen, & est vitis alba, &c. Sod autem seu shad, vt ipse Bellunenſis etiam interpretatus est, est cyperus. Neutrum quippe istorum valerat excitandam venerem. Igitur ex dictis patet quòd digiti citrini non sunt species satyrionis, & per consequens, non est palma Christi: quoniam palma Christi, tam in radicibus, quàm in folijs, quàm etiam in cæteris notis, probatur esse ex speciebus satyrionis. Præterea scribit Ruellius quòd satyrium triphyllum, galliarum Rura, testiculum sacerdotis nominant. Apud nos autem Rura, pro *Testiculus* testiculo sacerdotis intelligunt chelidonium minus, quod non *sacerdotis*. est satyrj genus. Etiam Pandectarius facit capitulum de testiculo sacerdotis, quod ad vnguem est de chelidonio minori: ex quo pro testiculo sacerdotis semper intelligendum est chelidonium minus, & non satyrium trifolium. Sunt præterea & alia plura genera satyrionum, quæ sine aliquo speciali nomine, visu tantum cognoscimus: quæ quidem indifferenter satyria & testiculos nominamus: & inter ipsos, qualis sit testiculus leporis, à quibusdam descriptus, nescimus secernere. At inter tot genera quæ vidimus, hæc tantum præciè cognoscimus & distinctè, videlicet Satyrium triphyllum, testiculum vulpis, & testiculum canis, & palmã Christi: cuius folia sunt maculata, maculis nigris: & radix eius est tanquam manus pueri, vide & palma Christi dicta est: in reliquis autem aliquàliter dubitamus.

*De Lacte ouino.*

**N**Ota quòd dicit Author in præſenti descriptione, vt conquantur satyriones cum lacte ouino dulci, &c. Non enim inuenitur lac ouile amarum, pro cuius differentia dicatur lac ouile dulce: sed posuit dulce, ad differentiam acetosi, & non recentis. Lac quidem recens est dulcissimum, quapropter pro dulci, intelligitur recentissimè emulsum: ab ouilibus maminis: quia

*Lac dulce.*

lac non diu permanet in sua dulcedine. Tempore enim æstiuo, sæpe ante duodecimam horam, à sua emulsione acefcit. Et ideo cum lacte ouili dulci, id est recenti. Item nota, quòd vbi dicit: Et postea funde super totum, syrupum, cuius modus est: Accipe, & cætera quæ sequuntur. Est intelligendum, quòd debes prius de illis succis, & zuccharo formare syrupum: & post ipsius perfectam decoctionem, fundere talem syrupum super totum, scilicet illud supradictum, id est super satyriones in lacte decoctos: &c. Item nota, quòd vbi Author in pluribus locis, præcipit succi cocti & despumati, intelligitur, quòd succi ipsi tantum coquendi sunt, vsq; dum perfectè possint despumari, & defecari, atq; clarificari, &c. Aliter autem erit intelligendum, si dixerit, despumatos, & coctos: quia tunc post despumationem essent decoquendi vsq; ad medietatem, vel saltem vsq; ad tertiam partem,

*Succi cocti  
& despumati.*

*Confectio alia testiculorum uulpis, & est Diastyrion, &c.* XI.



N prætenti descriptione, per omnes impressiones, est vnus error: videlicet vbi in ipsis legitur, seminis napi: lege sinapis, vel seminis sinapis: quod rectius & clarius. Vtroq; enim modo legitur in exemplaribus antiquis. In nullo quidem penitus inuenimus scriptum: seminis napi. vt est in impressis libris. Igitur emendandus est locus.

*De Secacul.*

**D**E Secacul nempe inter doctores, & præcipuè iuniores, discordes habètur opinioniones. Vnde sunt qui declarant ipsum esse iringum, id est centum capita. Alij verò affirmant esse fraxinulam, siue fraxinellam, id est sigillum sanctæ Mariæ: quæ herba vulgò hodie geniculus vocatur. Et quòd neutrum ipsorū sit, mox ostendemus. Non enim est iringus, quoniam Serapio diuersum, atq; separatum, de utroq; scripsit capitulum: & secacul posuit inter medicinas calidas, & humidas: iringum autem, inter medicinas frigidas, & siccas. Ergo Secacul non est iringus. Et quòd non sit fraxinella, quæ vulgò dicitur sigillum sanctæ Mariæ, & geniculus, patet expresse per eundem Serapionem, in capitulo proprio de secacul, declarantem folium secacul esse similem folio iulben. Iulben autem siue iulbere, vt Simon Iauenenfis, & Pandectarius exponunt, est legumen quod Latine vocatur

*Iulben.*

catur pisum. Porro pisum non habet folium simile fraxinellæ. Et sequitur ipse Serapio, quod secacul habet radices in grossitudine pollicis, & in lōgitudine indicis: fraxinella autem habet radices longas, per palmum & dimidiū, & quandoq; amplius. Et sequitur Author, quod secacul habet flores in colore violarum, sed maiores: fraxinella autem habet flores albos, minores quā violæ. *Fraxinella.* Item in condito de secacul, tam præsentis antidotarij, quā filij Serapionis, quā etiam aliorum, habetur, quod secacul habet radices ex parte exteriori cineritias, quæ intus habent venas duras, quibus amotis, secacul efficitur arundinosum: in quibus vacuitatibus arūdinosis, cū conditur, ponitur frustum zinziberis humectati, & gariofilus. Fraxinella autem habet radices intus & foris albissimas, teneras, absq; venis interioribus, quæ possint amoueri, &c. Ergo secacul non est fraxinella. Etiam Serapio dicit, quod secacul sunt radices cōtexæ, sicut scilicet: fraxinella autem habet vnicā radicem tantū. Item dictus filius Serapionis in ingiba secacul, dicit: Scias, quod secacul sunt radices sicut zinziber, & exportātur ex India, & fit ex eo ingiba, cū est recens. Et quia apud ipsum non inueniebatur recens, docuit nos modum conficiendi de sicco. Etiam Auic. testatur, quod radices secacul exportantur ex India: & nemo scribit ipsas extra Indiam inueniri. Fraxinella autem ubiq; in locis vmbrosis, & humectis inuenitur. Author nouarum additionum in hoc antidotario, etiam dicit hoc idē, & quod in partibus nostris non inuenitur secacul. Et licet in semine non videatur discrepari fraxinella à secacul, atramen in alijs notis valde differunt inter se. Iringus verò, in nullo penitus concordat cum secacul, dummodo cap. Serapionis de secacul, sit vera descriptio ipsius secacul: quoniam aliqui volunt, quod interpres ipsius Serapionis non recte traduxerit illud cap. quod nec ipsi probant. Igitur ex supradictis, expressè patet, qd secacul non est iringus, neq; fraxinella. Porro quia in partibus nostris non inuenitur, & ex India amplius non exportatur, possumus loco eius apponere radices baucis: quoniam dicit Author no- *Secacul super plenaria.* ster, in condito de baucis, quod valet sicut cōditum de secacul, & fit eodem modo. Etiam Auicenna in secundo cān. cap. de secacul, testatur hoc dicens, quod virtus eius est sicut virtus baucis. Item in defectu secacul, potest subministrari buzeiden, ut ipse Auicenna in præfato capit. de secacul declarauit, dicens: Loco eius ponitur buzeidē. Sed quid propriè sit buzeidē ignoramus. Lege de eo suprā. in declaratione de satyrione. Præterea animad-

uertendum, quòd in modernis Serapionis impressiõibus, ad titulum cap. de fecacul, est additum & iringis, sic enim legitur: De fecacul, & iringis. Et illud, & iringis, ab ignorantia correctorum illarum impressiõum est superadditum: sed falsò, & malè: in libris enim de prima impressiõne non legitur. Ad quid ergo in titulo dicitur, & iringis, cum postea in toto capituli processu, omnino non legatur iringus? Ex hac enim causa verè scimus dictum correctorem esse in numero eorum, qui falsò dicunt fecacul esse iringum. Et quia detinebatur in eodem errore, ut erat ipse cæcus, nitebatur obcæcare & mentes legentiũ ipsum capitulum de fecacul, corrumpendo titulum eius cum additione, & iringis. Cassetur igitur, & legatur simpliciter: De fecacul. De iringis autem quærè infrà. Denum scièdum, quòd Author præcipit, ut prima aqua cicerum abijciatur, & in secunda elixentur radices fecacul. Pro illa prima aqua autem, intelligitur prima ipsorum ebullitio, scilicet quòd post quàm bullierint prima vice, cõtinuo abijciatur illa decoctio primæ ebullitionis, & cum alia aqua bulliant usque ad perfectam ipsorum decoctionem. Et sit quantitas cicerum ad aquam proportionaliter, sicut fieri solet cum coquuntur, ut comedatur, &c. Sed quare vult Author, ut abijciatur prima bullitio? Quia in ciceribus existunt duæ proprietates, quarum vna est in superficie corticum expansa, scilicet humiditas baurachia cum quadam subtili caliditate, quæ quidem est præter huius confectiõis intentionem, & hæc tollitur sola bullitione. Est autem & altera proprietas, quæ sedet in toto corpore eorum, scilicet humiditas subtilis, dulcis, & nutritibilis: veruntamen inflatiua, & portatiua aliarum medicinarum ad alia membra, quam non dimittit in aquam, nisi optimè decoquantur. Et hæc valde competit huic confectiõni. Et idèd præcepit Author, ut in secunda aqua elixentur radices fecacul.

*De Raphano.*

**R**aphanus est illa herba domestica, quæ per antonomasiam radix appellatur, qua communiter vescimur. Et quia clarum scriptum est de eo à Dioscoride & cæteris fide dignis autoribus, idèd nolimus adducere tot ipsorum autoritates, quia inter eos non videtur esse aliqua discrepantia: causa breuitatis studiosis relinquimus, ut & ipsi legant. Veruntamen hodie plurimi imperiti Aromatarij potius ad ea, quæ ad lucrum faciunt, attendentes, errant accipientes pro raphano, qui vnam, & qui aliam rem: non legentes aliter, quid sit raphanus. Vnde multi sumunt

*Cicerũ pro-  
prietates.*

munt pro raphano, ac raphanum vocant quandam herbā, quam Hungari, qui eam in embāmatibus libenter comedunt, turman *Turman her* appellant: quæ quidem herba habet folia magno lapathio simi- *be descri* lia, quæ in primo eorum ortu sunt valde laciniata, & scissa. Et si- *pio.* militer, quæ in autumnino nascuntur. Reliqua autem sunt integra, longa, & ampla, vt runicis. Radices habet albas, longas, digitali crassitudine, acuto sapore, vellicantes linguam, vt Piper. Caulem emittit cubitalē, super quem sunt flores albi, parui, &c. Sed quid propriè sit hæc herba, incompertum habemus. Et alij pro raphano, alijs diuersis vtuntur herbis. Insuper autem dicimus, quòd inuenitur etiam in pluribus locis, sed abundantius in regno Apulix, quædam raphanorum species, quæ ab incolis illarum partium, proprio & vulgari vocabulo, vocantur raphani. Qui quidem ab his (quas radices vocamus) non differunt in aliquo, præterquàm in forma radices suæ: quia ista, quam radicem dicimus (vt scribitur) habet suam radicem longam: & illi raphani habent radicem rotundam, simillimam rapis hortensibus. In reliquis autem notis nulla est differentia inter eos, pariterque feruntur, & multoties olitores semen vtriusque seminant commistè, quibus natis nō dignoscitur alter ab altero, nisi è terra prius euellatur. Et de vtroque reperitur radix alba, & nigra exterius, interius verò uterq; est albus. Quamobrem iudicio nostro possumus hoc rotundo vti liberè sicut & longo, non obstante, quòd de rotundo Authores nullam faciant mentionem. Vel fortasse non habuerūt de eo notitiam, vel proprietates loci, & aeris (quod magis credendum est) suam permutauit formam: & sic nō est diuersum, sed idem genus. Vnde (vt dictum est) possumus eo vti. Est præterea & raphanus syluestris, quem Dioscorides asserit à Romanis armoraciam vocari: vnde vsque hodie, vulgò Romæ quasi per idem vocabulum, primis tantum literis inuersis, armoraciam dicunt. Sed de ista non intelligitur, cum absolute raphanus scribitur.

De Luf.

**L**vf etenim est genus serpentariæ, & Author addit planū, ad differentiam crispī. Lege de ipsis infra, in hiera Hermetis.

De Cepa.

**D**icitur hoc Cepe, & hæc Cepa: res quidem notissima, & plurimum generum est: sed quando absolute describitur, de comuni intelligitur. Et quamuis Ascalonia habeatur ab omnibus *Ascalonia* pro laudatori: verum tamen absolute (vt diximus) & pro com-

muni, intelligimus vſitariorem cepam, quæ habet magnũ caput: vnde & cepa dicitur, quafi ſepha. Porro & inter bulbos connumerantur omnia ceparum genera: ſed cum ſimpliciter ſcribitur bulbus, intelligitur conſtorius, ſcilicet aſcalonia. Specificauit autem Author de humida: hoc eſt de receti. Et ex capite tantum exprimendus eſt ſuccus, non autem ex folijs, vel barbīs eius. Nīcōlaus quidem in ſuo antidotario non ſuccum cepe, ſed ſemen bulbi habet in huiusmodi confectione.

De ſtinco.

*Scincus.*

**S**cincus ſanè rectius, quàm ſtincus dicitur. A Marcello Virgilio Florentino autē, ſcingus dictus eſt. Nam hoc vocabulum ſtincus, in libris plurimis, ab interpretibus & authoribus æquiuocatur. Et tam ſchinum, id eſt lentifcum, quàm ſcincum, vocant ſtincum. Et vtrunque corruptè, & barbarè. Vnde eſt oleũ de ſtinco, in præſenti antidotario, de quo infrà. De ſcinco igitur, Dioſcorides ſecundo libro, Plinius 2. & 28. libris, Aetius ſecundo libro, & Paulus Aegineta 7. libro, pertractant. Eſt nanque (vt iſti aiunt) terreſtris crocodili proprium genus. Eſt enim animal in aquis degens, lacertæ ſimile, ſed ventroſius: & caudam latam, vt anguilla habens ad natandum aptam. Serapio quidem cap. 459. renes vocat, & dicit, quòd ſunt ſtinci. Et hæc de cauſa putamus vocaſſe renes, quoniã quotquot de hoc pertractant, ſcribunt de proprietate partium eius, quæ renes amplectuntur: quarum ſola drachma, ad excitandam venerem potenter operatur. Auicenna autem in tribus cap. loquutus eſt de hoc animali, & fortaſſe in quinque, quod barbarè Guaril nominauit. In primo autem capitulo quod de guaril intitulatur, nihil de venerea ipſius poteſtate pertractauit, præterquàm quòd caro eius ſit multum calida. Solummodo proprietates ſtercoris eius enumerauit, tangens primum illud quod Dioſcorides ſecundo libro in calce capituli ſimo ſcripſit: de quo Hermolaus particulare capitulũ fecit. Quod quidem ſtercus à Græcis crocodilea vocatur. Reliqua duo capitula Auicennæ, intulantur de ſtinco, in quibus error ipſius comprobatur, qui vnum, & idem, pluries capitulauit. Præterea ipſe Auicenna facit & quartum capitulum quod eſt de tinſa, vel tenpſa animali: quod animal, ſecundum Simoneſem Ianuēſem, eſt crocodilus: ſed an terreſtris vel fluuiatilis, ab eo non declaratur. Quoniã ſi eſt terreſtris, eſt idem quod guaril, ſcilicet ſcincus. Ad quod credendum inclinatur animus, ab eo quod in ipſo capitulo de tinſa legitur: hoc eſt, quòd ſtercus eius valet a-

bugi

*Guaril.*

*Crocodilea.*



albugini oculi: quod similiter in cap. de Guaril. legitur. Item facit & quintum cap. quod est de lacerto, ubi illud idem dicit, scilicet quod stercus eius valet albugini oculi. Pādectarius autem capitulo Rhule, declarat quod hoc animal est simile lacertæ: sed quod non habet caudā rotundam, vt lacerta, sed lateraliter pressam, &c. Et quod est ventrosū animal. Et ita nos pluries circa Romā in aquis stātibz vidimus. Vnde scinci siue (vt mauis) stinci, qui venduntur sicci cum duabus caudis, probantur non esse veri. Platearius enim dicit, quod inueniūtur stinci in Apulia, sed vltamarinī sunt efficaciores. Vocatur nempe scincus Terrestris crocodilus, vt Plinius refert, quia simillimus est crocodilo. Præcipua tamē differētia cognoscitur à crocodilo, squammarum sēra à cauda ad caput verā. Ex quo ridiculum nobis visum est, quod scribit Bellunenſis in suis interpretationibus, in litera Cocodrillus. Ait enim: Cocodrillus secundum Arabes, si parit oua in aquis, tunc generatur alius Cocodrillus: si verò in campis, iuxta aquas, tūc nascitur stincus. Et propterea dicitur, quod stincus sit de semine cocodrilli. Hæc ille. Nam circa Romam & in Apulia nunquam vidimus crocodilos siue (vt mauis barbarè) cocodrillos: scincos autem sæpius. In defectu autem scinci, teste Paulo, in fine 7. satyrion ponitur. Et intellige pro satyrione absolute descripto, testiculus nouus: quoniam alter in huiusmodi confectionibus, & similibus, esset expressè contrarius.

De Eruca.

**E**RUCA est nomen commune ad vermiculos qui in oleribus oriūtur, qui per aliud nomen, campæ vocantur: & ad quædam herbarum genera. Sed cum Author specificauit de semine, clarè ostendit, quod ipse non querit cāpas. Erucæ herbæ autem plura sunt genera: absolute autem intelligitur de communi & satīua siue vīuali, quam Romani rucheetam vocant: in partibus Apuliæ autem, erucam, siue rucam sārācenicā appellant. Sed neque à Diosc. neque à quouis aliorum, eruca depingitur. Probatur tamē, quod sit hæc satīua qua vrīmur, per similitudinē: quam ipse Diosc. notauit in cap. de altero sisymbrio, scilicet, quod illius sisymbrij aquatici folia cum sunt adulta, erucæ folijs simillima scissa sunt. Et (vt ipse Diosc. Author est) tam herba, quam semen erucæ, maximè valet ad concitandā libidinem. Ex quo Author noster posuit ipsum semē, in præſenti confectione. Præterea Diosc. in fine cap. de Eruca, describit Erucā syluestre, quam asserit in Iberia. id est Hispania quæ occidentem spectat, copiose

*Erucæ descriptio.*

nasci: unde nonnulli hodie Erucam Hispanicam nominant. Plinius autem istā pro tertio sinapis genere intellexit. Et hæc propriè est illa, quæ nascitur in campis incultis, & in vineis, & iuxta oppida, quam aliqui Erucam nobilem, & alij Erucam longam nominant: quoniam folia longa habet, & interdum fibrata, raris tamen fibris, flore luteo, semine in corniculis minuto, radice alba & lignosa, &c. quæ multis non est incognita. Hanc Ruellius erysimum esse credidit, Veruntamen hallucinatus est: quoniam erysimum alia planta est huic simillima, quæ minori folio & altiori crescit caule, tractuq; asperior est. Quæ quidem semper iuxta vrbes & domicilia, secusque vias nascitur, & rarissimè in campis. Unde intus Romam, hubertim habetur. Dioscorides cap. de erysimo dicit, qd erysimum habet folia vt Eruca sylvestris: quinimò & flores, & semen, &c. quasi omnia similia habet, atque maiori munitur acrimonia (vtrancq; enim distinctè cognoscimus) Sed (vt diximus) Ruellius non cognouit erysimum, nec Hermolaüs vidit: quoniam suo in Corollario 391. dicit: Erysimon nostri herbarij significant, quæ vulgò nobilis Eruca dicitur, quam & Erucæ veræ præferunt, &c. Nam verum est, quòd hodie multi libentius comedunt erucam nobilem, id est longam præfatam, quàm erucam communem & veram: at tamen erysimum à nemine comeditur, nisi in medicis necesse fuerit. Et hoc verum erysimum, nostra tempestate, pluribus tam medicis quàm herbarijs, Romæ præsertim, notum est: quodq; esse genus erucæ, nullus negare potest. Unde similiter vt Pandeet. nonnulli plures erucam geratinam vocāt. Porro si eruca nobilis præfata, id est longa, secundum ipsos erit erysimon, quænam igitur erit sylvestris eruca, à Dioscoride descripta? Quam ideo ipsi non declarauerunt, quia nescierunt eam. Est etiam & eruca aquæ, quam cardaminā, & crescionē vocamus: de qua Auicenna facit cap. sub titulo Pupilla oculi. Lege supra

*De Lingua auis.*

**S**Vnt quorundam opiniones neotericorum asserētium, quòd Lingua auis non sit semen fraxini, sed sit quædam herba, quæ vulgò dicitur lingua passerina, & corrigiola: Græcè autem polygonia, quæ Latine centumnodia dicta est. Et hanc adducunt rationē: Passer est auis, ideo lingua passerina, est lingua auis, &c. Alij volunt quòd sit aliud, sed re vera errant: quia lingua auis, verum est semen fraxini, vt probari potest per Auicem. & Serap. & Simon. Ianuensē, & alios plures probos Authores. Idque eò  
maxi

maximè quia dictus Serapio, plurimum auctoritate probat, quòd semen fraxini augmentat sperma, quæ res multum conuenit intentioni huius confectionis: & econtrà, polygonia carens tali proprietate, nihil confert ei, sed potius nocet: quia habet aliquas proprietates, huiusmodi confectionis intentioni omnino contrarias. Igitur concludendum est, quòd est semen fraxini, & non centumnodia. De fraxino autem, in oleo de fraxino dicemus.

De *Baucia*.

**B**aucia licet à nonnullis variè exponatur, secundum, tamen Diofcor. Serap. & quamplurimos Authores imò secundum veritatem, est pastinaca syluestris. Est etiam carui agreste, siue syl- *Baucia, pastinaca syluestris, & simaca syluestris, carui agreste* uestre: quoniam tria hæc, scilicet baucia, pastinaca syluestris, & carui agreste, sunt vnum & idem, vt melius probabimus infra, in descriptione trochiscorum deligno aloës. Et hic ingreditur semen, & non radix. Et similiter in alijs compositionibus, nisi speciatim scribatur radix, semper intelligitur semen. In condito verò de baucij radices ingrediuntur. Vide etiam de Baucia infra in triphera muscata.

De *Radicum infusione*.

**D**icit Author in præsentí descriptione: Terantur (scilicet radices præfatæ) & infundatur super eas, lactis vaccini, aut ouini quantitas quæ supereminet radicibus duobus digitis: olei sisamini, &c. Vbi sciendum, quòd hinc sumitur regula generaliter obseruanda in omnibus compositionibus, in quibus omnes, vel pro parte sunt infundendæ medicinæ in aliquo liquore, seu aqua carente quantitatis determinatione: vt in confectione Hamech, in qua Author dicit: Hæc omnia infundantur in aqua casei quantitate sufficienti. Et sic de singulis. Sed nota quòd hæc supradicta regula, non intelligitur pro minimis rebus: vt puta, pro rheubarbaro infundendo, cautia propinandi medicinam infirmo, &c. Quia cum infunditur rheubarbarum, vel agaricum, vel simile, debet aromatarius animaduertere, vt cum aliqua discretionē fiat talis infusio: videlicet, vt non sit tam modica quantitas liquoris, quòd res infusa remaneat sine conuenienti imbibitione: nec sit ita superabundans, quòd stomachetur infirmus in sorbendo medicinam, cum tanta liquoris quantitate. Et si non omnia possunt scribi, tenetur tamen aromatarius omnia bene, & diligenti discretionē ponderare. At pro meliori declaratione huius regulæ, lege infra, in confectione de Mezereon.

Confe

*Confectio de Galanga, &c. XII.*

**A**B IPSA Galanga quam recipit, sumpsisse nomen præsentem confectionem, nullus inficiabitur. Sed quare non potius à ligno aloës, quod in eadem quantitate intrat, & est dignius illa? Respondetur, quia ad effectus, ad quos ordinata est ista confectio, magis valet Galanga, quàm lignum aloës. Et ideo ab effectu ipsius Galangæ, quæ & basis eius est, rationabiliter denominatur Confectio de galanga, &c. Auic. in quinto cañ. scilicet in summa secunda, tractatu sexto, habet Electuarium de galanga, quod in multis conuenit cum præsentis descriptione. Arnaldus de Villanova etiam in suo Antidotario, habet vnum electuarium quod intitulatur Diagalanga, sed multum differt ab ista confectione.

*De Galanga.*

*Galāge sup  
plentia.*

**S** Erapio scribens de Galanga nullam Græcorum adduxit Auctoritatem, quasi aperte declarans ipsam Græcis fuisse incognitam. Apud nos etiā (vt volunt aliqui, & præcipue Antonius Musa Brasaulus) non reperitur. Hæc autem radix, quæ pro galanga habetur in vsu, (teste ipso Antonio) acorus est: & illud quo pro acoro communiter vtuntur aromatarij, aliud est, vt infra patebit. Imò verius secundum alios, radix qua vimur pro galāga, est radix squināti, & non acori: quapropter lege in Diaomorfia. Pro galanga autem, quia non habetur, teste Auic. in capitulo de galanga, ponitur cherse cariofillatum, si haberi potest, quod est cortex arboris gariofillorum: vt interpretatus est Andreas Bellunensis, & infra commemorabitur in confectione de cinnamomo. Vel pro galanga potest poni pondus ipsius de gariofillis: vt dictus Andreas, in capitulo de galanga rescipit. Et scias, quod Auic. facit duo capitula de Galanga: vnum videlicet sub proprio titulo de galanga, aliud verò sub titulo de casurudar, siue chaferudar. Lege apud ipsum.

*De Carui.*

**S**I de Carui vellemus controuersias iuniorum & seniorū Aucthorum concordare, erit nobis tanquam cum parua cyniba, magnum atq; procellosum intrare pelagū, in quo expositi postea potius de submersione, quàm de salute esset sperandum. Vnde intelligenti pauca minus malum est tacere, quàm malè loqui. Verūtamen quod de eo sentinius, succincte notabimus. Clarum

rum est, quod Serap. in suo cap. de Carui, quod incipit: Caruia. describit per sententias totū cap. Diosc. de caro. Ex quo expresse patet idem esse apud Diosc. carui, siue caros: quod apud Serap. carui, siue caruia. Caros à Diosc. non depingitur, sed tantum dicit, quod est semen notum. Vbi à Marcello Virgilio additur exiguum, quod nec in Hiermolao, nec in Ruellio, nec in antiqua translatione, neque in Serap. in authoritate quam adducit, legitur. At reuera, vt omnes firmiter tenent, nil aliud est caros, quam carata; seu cariota: quasi caruiota, vulgò dicta. Porro si bene considerabimus capitulum Serap. de carui, inueniemus ipsum Serap. non de vno solo genere, seu de vna sola ipsius specie loqui: quia cum dicit authoritate Aben mesuai: Est grossius quam cyminum, declarat illud carui genus, quod hodie ab Hispanis habetur in vsu, & ab ipsis vulgo, quasi caruia, caroueia, siue caroeia, siue alcaraua vocatur. Et nostris temporibus ipsum semē à mercatoribus Romā delatū est, quod quidē est ita cymino simillimū, quod pro cymino vendebatur. Nos verò rem bene perscrutantes inuenimus non esse cyminum, sed Hispanorū alcaraua. Et hoc putamus esse in Diosc. tertium genus dauci, quod dicitur habere semen cymino simile: non obitante quod ab ipso Serapione, bis scribatur: quia in cap. de dauco, ipse Serapio similiter authoritate Diosc. scribit tertium daucigenus, quod habet semen cymino simile: quoniam potest esse, quod sit genus dauci, & genus carui: quoniam horum plantarū, scilicet dauci, bauciae, carui, & simillū, habent multam inter se affinitatem. Vnde saluo semper meliori iudicio, putamus quod indifferenter potest vnum pro alio administrari: & specialiter pro carui, possumus tam Dioscoridis caro, quam alcaraua præfata liberè vti. Etiam pro cari siue carui semine, rectè ponitur anisi semen: quoniā Diosc. Serap. Auic. & cæteri omnes, quasi vno ore dicūt hoc semē valere in omnibus, vt anisi semen. Et aduerte, quod præfata duo carui genera, intel liguntur satiuā siue domestica. Carui agreste autem siue syluestre, sine dubio est baucia: scilicet pastinaca syluestris, & non est cordumeni, &c. De quo lege suprā, & infrā in trochiscis de ligno aloës.

*De Zuccharo ponendo in compositionibus.*

**L**icer suprā in Electuario de aromatibus, annotauerimus de hoc zucharo, quomodo debeat poni in confectionibus: vt puta, in illa & ista, & similibus: tamē quia in hanc confectionē maior quantitas ingreditur: ideo cum aliqua ratione, magis quicque

quiescimus legentium mentes. Nam (ut ibi diximus) zucarum ponitur tantum in compositionibus ad inuiscandum medicinas, & ad ingrossandum confectionem in qua ponitur. Porro huiusmodi confectiones omnes cum melle conficiuntur. Et hac de causa, quia melle est magis carminativum, quam zucarum: ut patet in Electuario de aromatibus, & in Diacymino, & in Dianiso, & in Benedicta Nicolai, & in quamplurimis alijs similibus compositionibus: quæ quidē cum sint inuenta ut expellant ventositatem, omnes cum melle conficiuntur, & non cum zucharo. Et ideo si zucarum ratione mellis poneretur, satis modicum de melle dicta compositio reciperet: ex quo non posset consequi effectum expellendæ ventositatis, ad quem ipsa ordinata fuit. Necessesse est ergo ut non ponatur zucarum ratione mellis. Et temeritas magna est dicere quod sit ponendum ratione specierum. Quamobrem, ut dictum est, per se in puluerem redactum ponatur ultimo loco in compositione ubi ingreditur: ut exemplum habemus in Triphera saracenica Nicolai. Et idem testatur Platearius, in Benedicta Nicolai.

*De contritione specierum.*

**Q**uamuis sit generalis regula, quod species omnium electuorum solutiuorum, debent communiter grosso modo puluerizari, & non solutiuorum subtiliter: tamen non est regula quæ non habeat aliquam exceptionem. Quamobrem sciendum, quod species huius confectionis galangæ (licet non sit confectio solutiua) debent teri grosso modo: non tamen grossissimè, sed secundum usum solutiuorum. Et ratio est, quia hæc confectio habet principaliter expellere ventositatem grossam: quoniam si species essent subtilissimè contritæ, non permanent diu in stomacho: & non permanendo, non habent tantum vigorem in operando. Quapropter oportet ut species huius confectionis & similium, non triturentur subtiliter, sed more solutiuorum, ut dictum est. Lege de hoc etiā in Diacymino secundo.

*Diarrhodon descriptione communi, &c. XIII.*



**R**OSIS Diarrhodon dicitur: descriptione communi autem addit Author, quia communiter ab omnibus habebatur in usu, & ad differetiam aliorum quæ sequuntur, quæ sunt aromatica rosata, quæ fortasse non erant in communi usu: quoniam omne aromaticum rosatum, potest nuncupari Diarrhodon. Imò  
omnis

omnis compositio, quæ ex rosis denominatur, Diarhodon dicitur. Vnde trochisci Diarhodon, id est trochisci de rosis, &c. A Nicolao quidẽ in suo Antidotario, ponitur vna alia descriptio, quæ ab ipso intitulatur: Diarhodon abbatıs. Porro in Antidotario magno vniuersali vnde ipse Nicolaus excerpfit suum Antidotarium, in tali descriptione neque abbas, neque abbatissa legitur. Sunt etenim in præfato antidotario vniuersali siue magno, tres sub hoc titulo, Diarhodon descriptiones: quarum prima dicitur, Diarhodon Iulij: secunda, Diarhodon magnum: & hæc ea est descriptio quam accepit ipse Nicolaus. Tertia autẽ intitulatur, Diarhodon Galeni: & hæc est descriptio præsentis Antidotarij filij Mesuæ. Arnaldus quidem de Villanoua, habet in suo Antidotario duas descriptiones sub hoc titulo: sed prima, quam Diarhodon abbatıs intitulauit, à Nicolao accepit. Sed sciendum, quod per impressiones sunt in præfata descriptione plura menda. Et primum videlicet vbi legitur: Accipe foliorum rosarum rubearum 3. xxx. Lege 3. xx. Item antegariofillorum notationem, deest cinnamomum. Lege igitur sic: Cinamomi, gariofillorum, galliæ muscatæ, &c. Item in quibusdam ex ipsis impressionibus, bis posita sunt duo simplicia, scilicet dragagatum, & gummi arabicum. Cassentur priora, quæ sunt anteligni aloës descriptionem. Item in eo loco vbi sunt illa duo præfata simplicia cassanda in aliquibus, & præsertim nouis excusionibus, deest Berberi. Lege rectius sic, mastice, berberi, ligni aloës, &c. Item vbi legitur, camphoræ 3. j. s. lege verius 3. s. Item vbi legitur: Confice cum syrupo de rosis, & aqua rosarum: Lege correctius, confice cum syrupo de rosis, ex aqua rosata vel rosarum: quoniã ita se habent hæc omnia in cunctis antiquis exemplaribus, & correctis libris. Et scias, quod Author dixit, cum syrupo de rosis ex aqua rosata (id est ex infusione rosarum quam vocat aquam) ad differentiam syrupi rosati, ex succo rosarum. Consimile medium est in Diambra, quo in loco antiquorum exemplarium aliqua habent cum syrupo rosato ex aqua rosarum: & aliqua cum syrupo rosato simpliciter: per quem semper intelligitur syrupus rosatus, ex infusione rosarum: cum quo syrupo multa aromatica & plura electuaria sequentia conficit. Per quod declaratur præfatum mendum. Probatum etiam, quod debet esse syrupus ex infusione rosarum, per Luminare Maius in operatione infusionis rosarum: vbi declarans, quod cum syrupo facto ex illa infusione conficiuntur multa, assignauit per exemplum, præfens Diarhodon

rhodon descriptione communi. Et similiter Thesaurus aromatariorum in Dianibra, dicit: Confice cum syrupo rosato, facto ex aqua infusionis rosarum, &c. Unde emendentur loca. Præterea animaduertendum, quod sunt nonnulli aromatarij qui dispensantes præsentem compositionem Filij Mesuæ, ponunt in ea trochiscos Diarrhodō Nicolai, & nō trochiscos Diarrhodon ipsius filij Mesuæ, non rectè, quia licet vtrique inter se parum differant, attamen quando hæc compositio paratur secundum Authorem nostrum, ponendi sunt in ea trochisci ab eo ordinati. Et quādo fit secundum Nicolaum, in omnibus obseruanda est regula ab ipso tradita. Et sic de singulis, videlicet quando aliqua compositio dispensatur, illius Authoris accipienda sunt simplicia, & cetera si habet, cuius dispensandæ compositionis descriptio est. Quæ autem apud ipsum non sunt, ab alijs fide dignis sumenda censemus. Quoniam multoties per idem nomen, (vt mox de spodio dicemus) apud diuersos Authores, diuersa notantur & simplicia & composita.

De Spodio.

**Q**uid de Spodio dicemus? Quomodo tot differentes Authorum opiniones concordabimus? Enimuero supra vires nostras onus assumimus, tamen confidimus in Deo nostro IESV Christo, quod ipse qui est summa veritas, ostendet nobis pauper culis, lumine gratiæ suæ, quam quærimus veritatē. Sciendum igitur, quod Græcorum spodium, non est idem cum spodio Arabum. Nam spodium Græcorum (vt videri potest in quinto Diosc. libro, & apud alios Græcos, ac etiam Latinos Græcos imitantes, species thutiæ, id est pompholygis est: quia idem est thutia, quod pōpholyx. Ait enim Diosc. Pompholyx specie sola, non genere à spodio distat. Imò thutia est melior pars illius materiæ, quia spodium cadens in pauimentum fornacis, immiscet se carbonibus, & pilis, & alijs immundicijs. Quod spodium Græcorum, à Serap. in capitulo de Thutia describitur, pro deteriori thutiæ specie. Et hoc quidem Græcorum spodium per os non fumitur, nec vsquam adhuc, tam apud Galenū, quam apud alios Græcos, legimus ipsum intrinsecus propinatum: præterquam apud Actuarium nouissimum ferè Græcorum, in medicinis, quas ab Arabibus sumpsit. Sed neque thutiani. Extrinsicus autem in vnguentis &c. passim lectitamus ad morum: quod etiam testatur Manardus super trochiscis de spodio. Spodium autem Arabum, vt plurimum administratur per os, in confectionibus & ele

*Spodij differentie.*

*Thutia.*

*Pōpholyx.*

*Spodij Græcorum.*



& electuarijs cordialibus, &c. Vnde necesse est, vt sit diuersum à *Spodium* spodio Græcorum. Igitur secundum Auicennam, spodium sunt *Arabum*. radices cannarum adustarum &c. Idem dicit Auerrhoys, in quinto Colliget, & quidem clarius. Spodium (inquit) carbo est nodorum arundinum Indix adustarum &c. Vnde multi hodie, spodium de canna vocant, quamuis nullus illud habeat. Bellunenſis *Spodium de* autem in capitulo Auicennæ de spodio, pro cannarum reſcripſit *canna*. alcanna. Et in ſuis interpretationibus, declarat alcanna, dicens: Alcanna ſeualcona, ſunt arbores ſubtiles, longæ, habentes nodos ſicut canna: ſed differunt, eo q̃ huiusmodi alcanna nō habet concauitatem; & Arabes vtuntur eis loco lancearum: & ex eis reperiuntur arbores groſſæ, ex quibus conficiuntur vaſa magna, vtilia ſiue vtensilia. Et spodium ſit maximè ex radicibus arborum prædictarum ſubtilium, combuſtis. Hæc ille. Vnde ſecundum ipſum, hoc nomen alcanna, ad plura refertur. Quoniam Auicenna, & Serapio, &c. habent aliud capitulum de alcanna quæ eſt cyprus arbuſcula, de qua infra, in oleo de alcanna. De spodio autem Serapio facit capitulum, ſed non declarat ipſum: tamen conferendo cum capitulo Auicennæ in pluribus probatur, quòd idem eſt. Ex quo coniectamus Auicennam, ex ipſo Serapione ſumpſiſſe. Ergo ex prædictis concluditur, quòd in compositionibus Arabum quibus vt plurimum vtimur, & præcipuè in ijs quæ per os ſumuntur, per spodium, non eſt intelligendum spodium Græcorum, vt nonnulli ex iunioribus declarauerunt. Etiam ſi Græci conceſſiſſent, ſuum spodium per os poſſe ſumi, nihilominus in Arabum compositionibus, Arabum spodium neceſſariò adminiſtrare debemus, & non Græcorum. Manardus quidem tenet, quòd hoc spodium factum ex radicibus cannarum aduſtis, ſit quaſi vnum ex antiſpodijs Dioſcoridis. Ergo ſi eſt antiſpodium, quare præcipit, vt non admittatur in compositionibus? Præterea nēſcimus qua authoritate muniatur Placentarius, vt dicat, quòd optimum spodium ſit ex oſſibus elephantis combuſtis. Et addit, quòd elephas habet oſſa ſolida, vt ſunt dentes, & illa non comburuntur: quæ medallam habent, illa comburuntur & illa dicuntur spodium, &c. tanquam ſi dentes elephantorum careant medulla, quod eſt falſum. Vnde hodie aromatarij ipſum ſequuntur, vbiq; vtentes pro spodio tam Græcorum quam Arabum, oſſibus combuſtis. Et ſi ſunt elephantis, Deus ſcit. Nos enim ſuſpicamur illa eſſe oſſa alterius animalis potius quam oſſa elephantis: vt puta bouis, vel arietis, vel ca-

*Spodium  
noſtrum.*

nis, &c. quoniam cum sint combusta, & in frustula & pulverem redacta, quibus notis possumus amplius cognoscere illa esse elephantis potius, quàm alterius animalis? Nam velle hodie negotiatoribus credere, periculosum est: quoniam generaliter perijt ab eis fides. Etiam si sint (vt aiunt) vera elephantis ossa, hæc quæ pro spodio combusta venduntur, & si possunt admitti in medicinis cordialibus, in spodij Arabum vice, nec approbamus nec reprobamus. Potius enim est medicorum, quàm nostrorum hoc perscrutari. Tamen saluo semper meliori iudicio, quia spodium cannarum Indiæ non habetur, minus malum nobis videtur esse, si pro dicto cannarum Indiæ spodio, vtamur radicibus cannarum nostrarum artificiosè adustis. Et omnino nullus præsumat ponere in medicinis, ore sumendis, spodium Græcorum: nec ipsorum antispodia, neq; pompholygem, id est thuriam dictam: quamvis præstantior sit, non solum antispodijs omnibus, sed & ipso spodio Græcorum, teste Galeno qui ait, nunquam se usum fuisse spodio: quoniam nunquam defuit illi pompholyx: quoniam huiusmodi (vt diximus) antispodijs, spodio, pompholyge, & similibus, non intrinsecus propinando, sed extrinsecus admouendo duntaxat, Græci utebantur. Quapropter mirati sumus de quibusdam iunioribus viris admodum peritis, vt sunt Manardus, Brasavolus, &c. qui præcipiunt indifferenter administrari pompholygem, vel antispodia Græcorum, vbicunq; spodium desideratur, non excipientes compositiones illas Arabum, quæ ore sumuntur. Eo maxime quod ipsi testantur Galenum non usum fuisse huiusmodi, nisi per exteriora admouendo: quomodo ergo audent dicere, vt in trochiscis, & electuarijs, ore asumendis ponantur? Imò iudicio nostro melius est, vel (vt rectius loquamur) minus malum est, demere ab huiusmodi Arabum descriptionibus ipsum spodium, quàm loco eius thuriam, vel simile subministrare. In compositionibus autem tam Græcorum quàm Arabum, quæ ore non recipiuntur, non negamus posse administrari, & Græcorum spodium, & antispodium quodcunq; & pompholygem, & alia plura. Hæc equidem sunt, quæ de spodio collegimus, in quibus non citauimus alios iuniores, vt Simonem lanuensem, & ceteros, ne ipsorum controuersie essent in nostro libello causa confusionis. Qui vult igitur, apud ipsos (si placet) legat. Et de modo faciendi Græcorum spodium, antispodia, & pompholygem, legitote apud Dioscoridem, &c.

*De modo conficiendi.*

**I**Nsuper sciendum, quòd hodierni medici volunt, quòd species præsentis confectionis, & similium plurium, conficiantur cum zucchero in forma solida: quod quidem apud nullum antiquorum legitur eiusmodi factum esse, sed omnes (vt patet) in forma electuarij fieri debere scriptitarunt: quorum factionem magis commendamus, & ita debet fieri: quia ipsi auctores omnia cum debita proportionem, & experientiorum probatione descriperunt. Nunc autem secundum modernos, non potest talis compositio in forma solida habere suam debitam proportionem: quia ponitur minus quantitas specierum quàm poneretur, si in forma electuarij fieret. Quia non amplius quàm vnā specierum vnciam, pro qualibet libra zucchari subministrant. Etiam quia dictæ species non possunt habere suam fermentationem, in tali forma: vt haberent in forma electuarij. Etiam quia virtus electuarij, facilius transit ad loca siue membra remota, quàm cōfectionis solidæ. Quapropter infirmus non consequitur effectum operationis, secundum intentionem Auctoris ipsius. Item non possunt præfatæ species omnes simul conseruari, quia semina ibi posita breui temporis spatio rancerent, & corrumpere reliquas species. Vnde oportet, vt absq; seminibus, ipsæ species cribellatæ assuerentur, vt commodius & expeditius ad iussu medici continuò conficiantur. Et si bene, Deus scit. Attamen aromatarius parans hoc electuarium & similia, secundum voluntatem medici præcipientis, non peccat. Quia medici est ordinare & præcipere, aromatarij autem dispensare & conficere. Et magis debet aliquando aromatarius obedire intentioni, quàm descriptioni: quoniam quandoq; medicus, in scribendo receptas, errat: non dicimus absolute ignorantia vel mala intentione, sed calamo imprudenter scribendo 3. pro vncia, vel econtra 3. pro drachma. Vt quidam medicus ordinans medicinam pro vno fratre nostro valetudinario, scripsit aperte & clarè. Diaphiniconis 3. iiii. Cum intètio ipsius esset scribere 3. iiii. Nos autem intentionem potius, quàm lectionem obseruantes iiii. 3. posuimus, ex quo medicus postea laudauit nos benefic fecisse. Qua in re consulimus aromatarijs, si fortè inueniant in aliqua recepta aliquid, quod credatur esse errore descriptum, tutius esse (si fieri potest) accersire medicum, quàm intentionem ipsius interpretari.

*Aromaticum rosatum stomachicum, &c. XIIII.*

VB hoc titulo Aromaticum rosatum, ponit Author in præfenti antidotario tres descriptiones: sed in hac prima, per impressos libros, sunt aliqua emendanda: & primo vbi legitur: Accipe foliorum rosarum rubearum 3.j. s. lege rectius, 3.j. s. Secundo Vbi legitur: Trociscorum Diarhodon, galliæ muscatæ ana. 3.j. s. lege ana. 3.j. Item vbi legitur: Zinziberis, nucismuscatæ ana 3.j. s. lege verius, ana 3.j. s. vt est in omnibus correctis exemplaribus, &c. Pro syrupo rosato, intellige syrupum factum ex aqua infusionis rosarum. Simplicia alibi declarantur.

*Aromaticum rosatum descriptione Gabrielis, &c. XV.*



RAESENS aromaticum rosatum Gabrielis, ab omnibus ferè habetur in frequēti vsu. Et licet quidam dicat (cuius opinio nō est imitāda) quod plurimarum descriptionum eiusdem tituli, quando absolute scribitur, semper de prima debet intelligi. Vt exempli gratia, in præfenti antidotario sunt plura aromatica rosata: secundum ipsum autem quando simpliciter petitur aromaticum rosatum, de prima descriptione est intelligendum: quod est falsum. Et probatur contrariū in multis pharmacorum descriptionibus, vt in istis, & in confectionibus de saryrione, & in trochiscis de spodio, & similibus pluribus, ex quibus primæ descriptiones communiter non habentur in vsu. Nos autem dicimus, quod omnes descriptiones posite à quocunq; Authore, apud ipsum Authorem erant vsuales. Medici autē subsequētes frequentantes aliquas, & aliquas dimittētes, ob frequētiorem quarundam vsu venit, quod à quibusdam temporibus in successu temporū, illæ notatæ fuerunt signo alicuius additionis: videlicet habetur in vsu, vel vitur, &c. Quapropter sciendū, quod illæ clausulæ, si fortè reperiātur, non sunt Authoris, sed scriptoris, seu impressoris. Et licet omnes descriptiones huiusmodi aromaticorū hīc posite sint bonæ, attamen ista, quæ dicitur descriptione Gabrielis, tanquam omnīū optima, maximè ab omnibus laudatur, & vbiq; paratur in forma solida dūtaxat, & nō secundū Authoris nostri doctrinā. Sed aduertendū, quod per impressio-

nes,

nes, præfens descriptio nõ est finemendis. Vnde vbi in ipfis legi-  
tur, Spicæ 3 ij. antiqua exēplaria pro maiori parte habēt 3. ij. &  
aliqua sic, Spicæ 3. vnius partes duas, quod idem est. Irē nonnulla  
habent sic, Spicæ, ambre ana. 3. ij. postea, musci 3. j. & sic fortasse  
rectius: tamen dimisimus, vt in pluribus inuenimus.

De Machazari, vel MaZahari, &c.

**N**on possumus nō admirari, in præsenti descriptione & sequenti, & in aromatico garionfolato, & in such alharif, & in confectioe ramich, & in cap. de tamarindis, & in cap. de soda, & similibus, super vno barbaro vocabulo, illo videlicet quod post sandalum immediatè sequitur: hoc est Machazari, vel mazahari, vel macozir, &c. De sandalo autem non dubitamus deberi intelligi de sandalo citrino, quia semper (vt plurimi testantur) quando reperitur sandalus absolutè, citrinus intelligitur: qui est magis aromaticus & laudabilior ceteris, vt probatur per Serapionem dicentem. Et melius ex sandalo est citrinum, &c. Sed illud vocabulum quod sequitur, si referatur ad sandalum vt sit cognomen ipsius, vel si sit aliud ab eo, adhuc non clarè habemus. Multi nempe ex iunioribus volunt, quòd referatur ad sandalum: vnde & pro citrino, siue luteo exponunt. Quod confirmavit Simon Ianuensis, cum loquens de citrino, dixit: Hoc vocat Aben Mesuæ mazahari. Ad quod credendum inclinatur animus ab eo, quia nusquam solum legitur, sed semper post sandalum: non obstante, quòd in quibusdam libris, inter sandalum & ipsum vocabulum, medietur punctus: quoniam ab imperitis librarijs maiora his committuntur menda. Porro non valemus inuenire veritatem significati ipsius dictionis, quia puritatem veri vocabuli ignoramus. Etenim vltra 70. barbaras variationes, huius barbari vocabuli, per varios codices, in varijs descriptionibus reperimus, quas omnes describere ridiculum fore non dubitamus. Vnde exempli gratia tantum, sunt qui sic, & sunt qui sic, & sunt qui aliter habent machazari, mazahari, macoziri, matasari, mazazir, &c. Et nonnulli nihil horum habent, sed in eis simpliciter legitur sandali. Et aliqui de recentioribus habent scriptum, sandali citrini. Quapropter ex tot & tantis barbaris & variatis dictionibus (vt diximus) nō valemus syncerè comprehendere, quænam sit illa quæ significat illud, de quo Author intendit. Præterea sciendum, quòd in quibusdam antiquis exemplaribus, & in priori excussione librorum nostri Authoris, & propriè inter simplicia sunt quædam synonyma, in quibus legi-

*Sandalus odoriferus.*

tur: Machazir, id est odoriferi. Quæ quidem expositio bene convenit sandalo citrino. Sandalus enim citrinus (ut supra notavimus) odoratior est alijs. Quare, si ita est, non male agunt, qui citrinum exponunt: quoniam idem est sandalus citrinus, & sandalus odoriferus. Et sic, illud vocabulum ad sandalū referri debet. Nos autem tanquam nihil reputamus illud vocabulum ibi descriptum, quoniam sandalus simpliciter & absolute (ut diximus, & omnes communiter tenent) intelligitur sandalus citrinus: & ipsum ponimus in hoc, & in cæteris locis ubi expetitur. Veruntamen tam hoc quam cætera dubia, iudicio prudentiorum committimus perscrutanda, simul & diffinienda. De sandalis autem quære infra in trochiscis de scandalis.

*Aromaticum rosatum minus, &c.*

XVI.



OC præfens aromaticum rosatum quod est tertium in ordine, vocatur minus ad differentiam supradictorum quæ sunt maiora: non quia habent maius specierum pondus, sed quia recipiunt maiorem simplicium medicinarum numerum & varietatem. Quamvis & ea causa etiã possunt supradicta dici maiora, quia stando unaquæque descriptio in suo esse, quodlibet ipsorum duorum præfatorum aromaticorum habet maiorem quantitatem specierum, quam istud quod vocatur minus. Etiam vocatur minus, quia minores habet virtutes: ut in sui exordio clare probatur.

*Aromaticum muscatum, &c.*

XVII.



ICITVR muscatum ob id quia recipit maiorem musci quantitatem, quam quodlibet præscriptorum. De simplicibus ipsius quære alibi.

*Aromaticum gariofilatum, &c.*

XVIII.



VLLI dubium est à gariofillis, quos recipit, sumpsisse nomē præfens aromaticum. Quod quidem à pluribus habetur in frequenti viū, in forma solida, ut cætera.

*De Gariofillis.*

GARIOFILUS aromaticus, ut per descriptionē Serap. videri potest, sine dubio est ipse quo in officinis utimur. Et hîc, secundum Auic. est gariofilus fœmina: quia secundum ipsum, triplex est gariofilus, scilicet masculus, fœmina, & hortulanus. Unde secundū ipsum Auic. optimus est, qui fœmina cognominatur. Et masculu

masculus est ille, qui veditur inter gariofilorum ramulos, qui est grossius, oblongus vt olea, nigerq;: vt testatur ipse Auic. in proprio capitulo, dicens: Et qui masculus est, est sicut nucleus oliuæ, sed longior, & vehementius niger &c. Qui quidem à nonnullis *Antofilus*. Antofilus dicitur. Nam masculus non ponitur, nisi ad fœminæ differentiam. Vnde quamuis expressè cùm loquitur de altero gariofilo dicens: ille qui est melior, est similis nucleo sicco, &c. non specificet quòd sit fœmina, tamè tacitè subintelligitur. Etenim quòd in 2. cañ. subtrahit, in quinto cañ. postea declarauit, cùm in vno electuario, quòd vocat Alchalcharahā magnū, vtrunq; masculinū & fœmininū distinctè & specificatè posuit. Sed quando absolutè scribitur gariofilus, semper fœmina intelligitur. Ga *Gariofilus* rariofilus autem hortulanus etiam, quamuis ab ipso Auic. in 2. cañ. *absolutè*. nō scribatur, nihilominus in quinto cañ. in pluribus descriptionibus descriptus inuenitur: vt est in electuario de camphora secundo, & in oleo de ierbuet, &c. Et hic gariofilus hortulanus est *Gariofilus* (vt putamus) hic flos pulcherrimus, qui in vasis fœtilibus, super *hortulano*. domorum fenestras vbique ad decorem tenetur. Qui quidē odore maxime amulatur gariofilum aromaticū, & forma etiam nō multū elongatur ab eo, licet sit maior. Et quòd sit hortulanus, est ita omnibus notū quòd non indiget alia probatione. Et hūc florem Luminare Maius scribit vocari Tunici, secundum Manfredam de monte imperiali. Tamen tunici, vel tuneci, in additionibus Pandectarū, legitur esse herba turca, quæ est cardo sanctus vulgò dictus: quamuis ibi malè legatur, cardo benedictus, pro cardo sancto: quoniam cardo benedictus alia herba est. Hūc etiam gariofilum hortulanum, Leonardus Fuchsius betonice speciem, in suo de Stirpibus, & multas ibi ponit betonicas. Sed qua ratione hic gariofilus possit betonica dici, non cognoscimus. Porro huiusmodi gariofili hortulani, sunt plures: species, sed differentia in ipsis est color floris: quia alius est coccineus, id est rubicūdus, & alius est coloris subrubri, qui vulgò dicitur gariofilus incarnatus, & alius est albissimus, & alius est varius, hoc est, diuersi coloris: videlicet albi & rubri: & ex quolibet istorum reperitur alius, cuius calix, cūm floret, scinditur ex vno latere, & alius qui non scinditur. Item reperitur alia species, cuius flos est maximus omniū: in cuius medio nascitur alius flos, ita quòd est flos in flore: & post apertionem primi, septimo vel octauo die, aperitur secundus. Vnde quidam ingeniosi, vt efficiatur maior, non permittūt crescerenisi singulos in singulis furculis. Et cū

aperitur primus flos, dextrè forficibus circuncidunt pelliculam calicis vsque post medium, vt folia ipsius florishincinde expandantur & dilatentur: & post apertionem secundi, dextrè etiā pelliculam sui calicis è medio extrahūt. Et sic, ita efficitur magnus, quòd aliquando vtraque manu còcludi non potest. Vt proprijs oculis sæpius vidimus. Et huiusmodi gariofiligenus, frequentius habetur in partibus Apuliæ, quem incolæ loci gariofilum bari-sanam vocāt, à Baro ciuitate Apulię, vbi copiosius habetur. Sunt præterea & alię species syluestris huiusmodi gariofil. Vnde quedā ex ciseft in montibus, qui gariofilii sunt rubri, minini, & quasi inodori: quinque tantum folia habentes, &c. quos gariofilos montanos nominamus. Et quedam species, quam pluries vidimus, nascitur supra parietes turrium & domorum, cuius planta in omnibus est similis hortulano gariofilo, nisi quia folia ipsius plantę sunt strictiora, & stipites subtiliores, & flores minores, subrubri: qui non amplius quàm quinque folia habent, vt præfati montani, sed sunt valdè odorati, vt hortulani, &c. Omnes hæ species, tam hortulanorum quàm syluestrium gariofilorum, notę sunt in Italia. Et tam plāta, quàm flos, gariofilus dicitur. Non feritur senine gariofilas, sed germinis trāplantatione, Octobri mense, ac Februario. Romę autem nescimus an superstitione an deuotionis causa in festo sancti Francisci semper ab omnibus fit ipforum transplantatio. Omnes enim species porraceis constant folijs, multo tamen breuioribus & strictioribus, &c. Sed mirum quippe est, quòd apud antiquos tam pulcherrimi floris nulla habeatur mentio. Et si (vt diximus) non est gariofilus hortulanus Auicennę, fatemur nos ignorare ipsum apud Authores priscos, quid sit. Ex iunioribus nonnulli, quasi diuinando vel potius somnando, de eo pertractant. Credimus tamen quòd tam pulcher flos plures habeat pulcherrimas virtutes atque proprietates, sed quia hodierni medici potius ad lucrum (vt plurimum) quàm ad inuestigandum rerum naturas attendunt, multa sunt apud nos tanquam si non fuissent: quia præter decorem aspectus & similia vana, nullus amplius est ipsoꝝ vsus. Pro syrupo citrino autem, intellige syrupum de corticibus citri.

*Gariofilus  
barisanus.*

*Gariofilus  
montani.*



*Aromaticum nardinum, &c. XIX.*

ARDINVM dicitur à nardo Indica quam recipit in bona quantitate, quę sub nomine spicę Indicę hęc describitur. In quibusdā enim locis habetur



tur in usu hoc aromaticum, sed in forma solida, vt cetera. Notandum tamen, quod in presentem confectionem & alias plures, non intrat cinnamomum, sed cinnamum: vt probatur per cuncta correctae exemplaria, in quibus clarè legitur Cinnami. Cinnamum autem (vt infra declarabimus) est vna ex speciebus cinnamomi, non tamen nobilior illa quæ per cinnamomum absolute & antonomastice intelligitur: quoniam plures sunt cinnamomi species, seu genera, sed bene potest poni cinnamomum (si habetur) pro cinnamo. Pro quibus, lege in confectione de cinnamomo. Item in hoc aromatico recipitur gallia febellia, & non gallia muscata, vt aliquæ impressiones mendose habent. De gallijs autem, quære in distinctione de trochiscis.

*Diacyminum bonum, &c.*      xx.



**H**OC Diacyminum est magis vsuale, quàm illud quod infra describitur, licet aliqui magis vtatur Diacymino Nicolai: & quodlibet ipsorum paratur à modernis in forma solida. Sciendum verò quod per impressos libros, legitur mendose in presenti descriptione, musci. H. j. legendum enim est. H. s. vt est in omnibus antiquis exemplaribus (quæ vidimus semper subintelligendo) ac etiam in vulgari excusione. Auic. in v. can. tractatu tertio, prime summe, habet quatuor, quasi confimiles Diacymini descriptiones. Filius Serapion. in septimo sui Breuiarij capitul. xx. habet duas descriptiones, similes duabus Auc. Rhasis quidem in nono ad Almanforum, cap. de his quæ confortant stomachum, habet vnum electuarium diacyminum. Et in antidotario diuisionum, cap. de medicinis stomachi, habet etiam confectionem diacymini. Arnaldus de Villa noua autem in suo antidotario, habet diacyminum, & vt intuenti patet, à Nicolao ad literam accepit. Quapropter miramur de tanto viro, qui pro Karya myristica, id est nuce muscata, quæ est in descriptione Nicolai, intellexit mastichem, & sic posuit in sua descriptione. De cymino autem quære infra in alia Diacymini descriptione: & similiter de contritione specierum huius confectionis, lege ibi, & in confectione de galanga.

*Dianisum, &c.*      xxi.



**L**ARVM est quod ab aniso, dicitur Dianisum præsens confectio: quia maior quantitas de eo recipitur. Intrat in præsens quippe Dianisum pyrethrum: pro quo animaduertendum quod hoc

quod colligitur in Italia, quo pro pyrethro vuntur aromatarij, non est pyrethrum. Lege de eo in philonio persico. Et de Aniso, vide in trochiscis de aniso. Paratur & hoc à modernis, in forma solida. Arnaldus verò de Villa noua in suo antidotario, habet hanc descriptionem in paucis variatam. Species autem huius cōfectionis non sunt subtiliter puluerizandæ, sed sicut species Dia cymini, & similibus ventositatem expellentium, &c.

*Diambra, &c.*

XXII.



**A** ipsa Ambra tanquam ab excellentiori medicina, præfens confectio Diambra dicitur. Rectius tamen, Dia Ambra: & similiter Dia Anisum, esset scribendum & pronuntiandum, sed euphonia, id est bonæ sonoritatis gratia, expungitur vnum a, à medio, vt in multis alijs consimiliter factum passim legitur. Communiter paratur hæc confectio, sed in forma solida, &c. Aduerte quòd vbi legitur, in præsentī descriptione, per impressos libros: Confice cum syrupo rosato, & aqua rosata. legendum est rectius: Confice cum syrupo ex aqua rosata. Quamobrem lege suprà, in Diarhedon descriptione cōmuni. Item in fine præsentis descriptionis per ipsos impressos libros legitur: Dosis eius est 3. iij. vel iiii. Cassetur illud vel iiii. & legatur simpliciter: Dosis eius est 3. iij. vt est in cūctis exēplaribus, & in vulgari ædificatione. Filius quidem Serapionis in septimo habet duo electuaria de ambra, diuersa tamen ab ista compositione. Sed Auicenna in quinto cas. tractatu tertio, primæ summx, habet Electuarium Alkesin, dictum electuarium ambre.

*De Ambra.*

**A**mbra quidem ab antiquioribus, & præcipuè Græcis, non describitur. Apud Arabes autem & apud recētiōres quosdam tantum, ipsam legimus: sed non possumus de ea certam habere notitiam: tum, quia in partibus nostris non colligitur: tum etiam, quia Authores non satis clarè de ipsa pertractāt: sed putant omnes, sic esse, vel sic fuisse, & audita narrant. Omnibus autem ipsorum dictis bene discussis, potius Serapioni quàm cæteris credimus, scilicet quòd (vt ipse refert) nascatur in fundo maris tanquam fungus in terra: & non quòd sit sperma cœti, vel alia res, vt plurimi fabulantur. Ipsam etenim sæpissime præmanibus habemus, quid autem propriè sit, nescimus. Virtutes  
tamen

tamen eius, pro maiori parte, expertissimus: & meliorem, quam putabamus, inuenimus. Sed sciendū, quod melior ambra est illa, *Ambrarum* quæ est griisia: & post ipsam est illa, quæ trahit ad quandā citrini-*que præstā* tate. Nigra verò, & alba, sunt malæ: quapropter, in medicinis nō *tior.* sunt administrandæ. Quare autem ab ignauis dicatur Ambraca *Ambræ can-* ni, lege infrā in gallia muscata. Est etiam & alia res, quæ ambra, *nina* vel ambrum, vel ambar, siue ampar caninum dicitur, quod tene-  
tur esse genus electri, quodq; Herirolaus, corollario 119. succinū orientale nominat, & pro charabe quidem, à nonnullis accipi-  
tur. Lege de hoc in trochiscis de charabe. Est quoque aliud ge-  
nus lapidis nigerrimi, quem ambrum nigrum vulgò vocant. Su-  
pradictum autem ambrum giallum, id est citrinum nominant.  
Et de his generibus indices, quæ coronæ dicuntur, ad persoluen-  
dum Deo Christo seruatori nostro & virgini Mariæ matri eius  
laudes, & grates, parantur. Et huiusmodi indicum genera, mulie-  
ribus maxime placent.

*Confectio de cinnamomo, &c. XXIII.*



**Q**UARE dicatur de cinnamomo præsens cōfectio, haud est qui ignoret. Sed sciendum, quod in ipsius descriptiōe, per omnes excusiones sunt duo erro-  
res. Primus vbi legitur: Darsemi, cymini. legēdum est rectius: Darsemi cinnami: & est vna res tantum, vt mox declarabimus. Alius error est vbi legitur: Garioflorum, piperis longi &c. añ. 3. iij. legendū est verius añ 3. ij. quia sic est, se-  
cundum veritatem, in cūctis exemplaribus antiquis, & correctis libris. Auicenna quidem in quinto cāñ. habet vnum electuarium de cinnamomo, quod differt ab ista cōfectione.

*De Cinnamomo, Darsemi, Cinnamo, Casia,  
& Casia fistula.*

**C**LARUM est apud Serapionem, quod cinnamomum est dar-  
semi & darsemi est cinnamomū. Inquit enim Serapio: Dar-  
semi, id est cinnamomū. Et sequitur, cum autoritate Dioscori-  
dis quod variè nominatur à varietate linguarū & locorum, vbi  
reperitur: & non curat nūc illud vno, nūc alio nomine vocare,  
scilicet nunc darsemi & nunc cinnamomum. Et loquens de vna  
& eadem specie, primum vocat eam darsemi, dicens: Et darse-  
ni quidem multe sunt species, & denominatur, &c. Hinc sequens  
dicit: Et melius cinnamomum ex ista specie, est illud &c. Quam-  
obrem patet, quod darsemi est cinnamomum, & cinnamomum  
est dar

*Cannelle fa-  
cultas.*

*Kerfe.*

& est darfeni. Et non est dicendum, quod pro cinnamomo intelligitur optimum & electum, & pro darfeni est accipienda vna ex deterioribus speciebus eius, vt nonnulli ex iunioribus dixerunt: quia de quo intelligitur vnum, intelligitur & aliud, cum absolute quodlibet ipforum reperitur scriptum. Et cinnamomum saepius, darfeni autem raro: vt est in confectione alchermes &c. vbi intelligitur cinnamomum electum. Et quod intelligitur electum, specificatur ab Authore nostro in Aromatico muscato, & alijs pluribus pharmacis, in quibus legitur darfeni electi: ergo non est cinnamomum grossum. Item Auerrois in quinto Colligat ait: Darfeni, id est cannella subtilis, dulcis, aromatica: calida est & sicca in tertio gradu, & est supremum in omnibus medicinis aromaticis, &c. Et in Antidotario Abumeronis Auenzoar, in electuario quod confert stomacho, legitur: Darfeni, & est cinnamomum nigrum, & odoriferum valde. Vnde etiam legitur passim Casia nigra, quae est casia mausolites, similis cinnamomo mausolitidi, &c. Item Andreas Bellunensis in suis interpretationibus Arabicorum nominum dicit: Cherse, vel Kerse apud Arabes, est nomen commune ad omnem corticem, sed absolute dictum, accipitur pro cortice cinnamomi, maxime grosso. Darfini vero apud Arabes est cinnamomum magis aromaticum. Kerse igitur differt a darfini, sicut cortex magis aromatica, & cortex minus aromatica: & per cinnamum apud Latinos, intelligendum est cinnamomum grossum, non multum aromaticum: & per cinnamomum, intelligere debemus corticem subtilem cinnamomi magis aromaticam. Cherse vero garioflatum, est cortex aromatica, habens odorem garioflorum, quae extrahitur ab arbore ipforum. Haec Bellunensis. Ergo darfeni, siue darfini, siue darfenum, quae idem sunt, non differt a cinnamomo. Quando autem alterum ipforum scribitur cum cognomine alicuius speciei, tunc clarius habetur. Vt exempli gratia, per cinnamomum, siue per darfenum, vel darfeni absolute scriptum intelligitur electum: per cinnamomum masoliticum seu mausoliticum, siue per darfeni masoliticum, idem, scilicet electum: quia cognomen sibi adhærens intelligitur de electiori specie. Per cinnamomum cinnamum, vel per darfenum cinnamum, de alia inferiori specie intelligitur. Quoniam nolens Author electum, declarat speciem minus electam quam vult. Et quandoque etiam nolens electum, scribit inferiores species simpliciter per cognomina tantum, videlicet cinnamum, vel cherse, &c. Et quod per cinnamum vel cherse vel simile absolute

hucè descriptum, non intelligatur electū, probatur & per supradictam Bellunenſis authoritatem, necnon & per Rhafim, qui in tertio ad Almanſorem cap. de ſpeciebus coquinae, ait: Cinnamū, cinnamomo vicinum exiſtit: licet eo ſit debilius. Et cap. de litera caph (vt eſt in noſtro antiquiſſimo exēplari) kerſe, id eſt cinnamomum groſſum, calidum eſt &c. Et ſic de ſingulis reliquis ſpeciebus. Vnde nunquam ſine errore eſt cūm reperitur vtrunque cinnamomum & darſeni ſimpliciter & abſolutè deſcriptum in vna & eadem compoſitione: vt infrā in confectione de cytonijs bona, vbi mendose vtrunq; impreſſum. Vide nunc quæ res pluribus det anſam errādi. Vnde Luminare Maius nō rectè, in ſucahalertiſ, reprehendit Lumen apothecariorum, de darſeni. Et Manardus in Aromatico muſcato, per darſeni intellexit darſiſahan, quod eſt aſpalathum. Et in præſenti deſcriptione, hac ratione quia vtrunq; ſcribitur, approbavit non eſſe cinnamomum, ſed darſiſahan. Enimuero ipſe peritiſſimus vir, in hoc hallucinatus eſt, & codicis menda roboravit ſuam falſam opinionem. Vnde ſciendum, quòd Author noſter bene poſuit: quia non abſolutè ſcripſit darſeni, vt videri poteſt in omnibus antiquis & correctis exemplaribus, in quibus omnibus aperte & clare in præſenti deſcriptione eſt ſcriptum: Darſeni cinnami. Sed moderni librarij ſeu librorum excuſores, qui rectius debent dici conſuſores, vel ignorantia, vel quomodocunq; ſit, non intelligentes quid ſit cinnamum, non ſolū ſeparauerunt à darſeni, ſed pro cinnami impreſſerūt cymini: & fecerunt duo mala. Vnū videlicet, quòd cōfuderant Authoris deſcriptionem. Alterum, quòd addiderunt ad ipſam confectionem, vnum ſimplex, ſcilicet cyminum, quod non eſt de mente Authoris. Cinnamum autem, ſiue cinamum (vt dictum eſt) eſt vna ex ſpeciebus darſeni, id eſt cinnamoni. Darſeni autem & cinnamomum, ſunt nomina communia, ſiue generalia omnibus ſpeciebus ipſius. Græcè quidem & Latine dicitur cinnamomum, ſiue maius cinamomum: Arabicè autem darſen ſiue darſeni, &c. & nunquam (vt diximus) ſimul in vna compoſitione ambo ſcribuntur ſimpliciter, quia vnū & idem ſignificāt. Cinnamum autem (vt ſcripſimus) cūm abſolutè legitur, vt eſt ſuprà in Aromatico nardino, & infrā in Cōfectione de cytonijs bona, & in Electuario de perſicis, &c. non intelligitur cinnamomum electum, vt aliqui putauerunt, ſed ſpecies illa ſic cognominata, quæ eſt inferior cinamomo maſolitico. Quod quidem, nō ſolū per ſupraſcriptas authoritates probatur, verum etiam

pater

patet clarissimè per plurimas Authorum descriptiones electu-  
riorum & similium, in quibusambo habentur, vel immediatè  
vnum post aliud cum copula, vel mediatè hinc inde inter alia  
simplicia: vt est in quinto cañ. Auicennæ in electuario quod in-  
scribitur, Fangius aliud, & in electuario Indo, & in electuario de  
Camphora descriptione alia. & in electuario de Camphora for-  
tiori, & similibus in quibus immediatè est cinnamoni & cinna-  
mi. Mediatè autem in dicto quinto cañ. legitur in pluribus de-  
scriptionibus: vt est confectio cognominata imperialis, & ele-  
ctuarium alkeifum, & electuarium Alsehereben, & Ars scorie de-  
cocte, & descriptio alia de Aniuden, & electuarium de Campho-  
ra primum, & electuarium de Cinnamomo, & Suffus Aristotelis  
&c. Item in septimo Breniarij filij Serap. cap. xx. in pluribus ele-  
ctuarijs inueniuntur ambo cinnamomum & cinnamum, ingre-  
dientia vnam & eadem compositionem. Et in quinto dicti Bre-  
niarij cap. iij. de baras, autoritate Gabrielis, immediatè in vno  
medicamine legitur cinnamomi & cinnami. Similiter & in deci-  
mo practicæ Hali filij Abbas, in descriptione pilularum Aroma-  
ticarum, & in Diacymino, & in Diachenzi, &c. mediatè ambo le-  
guntur: ergo nõ sunt idé. Quãdo autè immediatè & sine copula  
reperitur sic, cinnamoni cinnami: vt est in præfato decimo pra-  
cticæ Hali, in luerefenum Diacamphoreum, & similibus: vel dar-  
seni cinnami, vt est in præfenti confectioe de cinnamomo, spe-  
cificatius habetur, & idem significat quod cinnamum simplici-  
ter. Et sic de singulis est intelligendû. Vt si fortè reperiatur, Cin-  
namomi kerse, vel Darseni kerse, &c. Illa autem dictio, cymini,  
quæ post darseni immediatè legitur per omnes impressiones, in  
præfenti descriptione deleatur, & eo in loco absque puncto in-  
termedio scribatur cinnami: vt postea legatur rectè, & de men-  
te Authoris, Accipe Cinnamomi subtilis, & electi 3. xv. darseni  
cinnami, enulæ ana 3. iij. &c. Restat nunc videre, quid sit cinna-  
momum. Verum itaq; cinnamomum, in rei veritate, nostris tem-  
poribus, vt sciamus, non est visum in Italia. Quo enim pro cin-  
namomo vtimur, casie species est, quæ vulgò cannella dicitur:  
quam quidem in duas differentiâs diuidût omnes, scilicet in gros-  
sam, & subtilem, vel finalè. de quibus postea dicemus. Nam vt ex  
lectionibus Diosc. Gal. Plin. Serap. Auic. & aliorum plurius pro-  
batur, qui omnes in vnum concordant, dicentes, quod cinna-  
momum debet habere inter alia, has condiciones siue notas, vi-  
delicet vt sit nodosum, habens multos ramulos frequentibus no-  
dis

dis cinētos, & suo bono odore trahens ad odorem rutæ & cordu-  
meni, id est cardamomi, & sua acuitate habens parum falsedinis,  
& si quando franguntur rami eius, eleuetur puluis omnia vin-  
cens odoris suauitate, &c. (quarum nulla in cānella hac videtur  
esse) cōstat ipsam cannellam non esse cinnamomum. Et ad co-  
gnoscendum cinnamomum, qualiter sit ramosum, similitudinē  
dedit nobis Diosc. in capitulo de corallio, dicēs, quōd coralliū  
est ramosissimum, vt cinnamomum. Apud Serap. autem legitur  
corallium simile casia lignæ in figura sua habēs multos ramos,  
sed hīc fuit error interpretis qui vertit casiam lignē, vbi debuit  
vertere cinnamomum. Præterea non est verisimile, quōd si anti-  
qui habebant maximam penuriā de cinnamomo, nos habeamus  
ex eo maximā abundantiam. Et quōd antiqui tam Græci, quā  
Arabes habuerunt penuriam de cinnamomo, & per Gal. & per  
Serap. necnon & alios plures, facillimē probatur: qui videntes,  
quōd obeius carentiam vbique non posset haberi cinnamoniū,  
pluribus in locis declarant in ipsius defectu, quid sit pro eo sub-  
stituendum. Vnde Gal. passim de hoc pertrahit: sed ne lector in  
perquirendo vagetur, aliqua assignabimus loca. Igitur primo de  
Antidotis, vbi multa in præparatione theriaces de cinnamomo  
scripsit, ait loco cinnamomi, ponendam esse optimam casiam du-  
plicatam. & exempla in contrarium, de pane optimo & fursura-  
ceo, & de vino salerno, & cæteris, conclusit, contra hoc non va-  
lere, vbi & subiunxit, quōd ipsi Galeno, nunquam defuit cinna-  
momum, &c. Ibi que etiam dicit, quōd Quintus famosissimus  
medicus, pro cinnamomo sumebat carpesium. Item secundo de  
Antidotis, in præparatione Mithridatij, ait metricē: Quidam ca-  
rentes cinnamomo, tantum in vicem pōdus locant ex cardamo-  
ni semine. Item hoc idem ferē dicit tertio de medicamentorum  
compositione secundum locos. Quōd si etiam (inquit) cinnamo-  
mum habeas, id quoque indes: huius penuria, casiam, tum que  
gizerros & motodes, item carpesium quod copiosissimum in Sy-  
da Pamphilix, atque idcirco vilissimo constat. Quintus autem  
cum cinnamomum desideraret, hoc illius loco, duplicatum in-  
debat, sicut nonnulli casiam. Item 6. de sanitate tuenda, post tri-  
plicem picræ descriptionem, ait: Minimē verō latet, & quōd in  
penuria cinnamomi ponendum pro eo sit, optimæ casie duplū:  
quam aliā ea esse virtute nonnulli putant, vt nihil ab inualido  
cinnamomo absit: nam à generoso etiam talis casia longē supe-  
ratur. Verum sicut in boni panis inopia, vel vilissimo vescimur:

sic

fic in cinnamomi penuria, exquisita utemur casia. Item quinto de sanitate tuenda loquens de dia aloës dicit: Diuites eam quæ cum cinnamomo conficitur, accipiunt. Quasi dicat, quod pauperes non valebant emere cinnamomum, tam carè vendebatur. Et alibi pluries ab eo scribitur, quod ipse semper parauit optima medicamenta ob id, quia illi nunquam defuit cinnamomum: aperte inueniens, quod alijs aliquando deerat. Similiter Serapio illud idem dicit, vnde cap. de casia lignea, sic scribit: Et casia lignea ponitur loco cinnamoni in confectiõibus, duplicato pondere ex ea, & est vilis & iuuatiua. Et cap. de zurumbet, ait. Si non habes cinnamomum, pone pro eo zurumbet. Et capitulo de saui-na quod incipit, Abel: dicit sauinam poni pro cinnamomo, duplicato pondere, &c. Item Paulus de Arnabo loquens, dicit: Vnde Posidonius, Vbi cinnamomi copia non datur, hoc vtendum esse censet. Item Ioannes filius Serapionis, in septimo videlicet, in tractatu de hieris, in hiera aloës, ex Galeno accipiens dixit: Et si non inuenimus cinnamomum proijciamus in ipsam ex casia lignea bona, in duplum quod est: quia in casia lignea est, quæ est melior, adeò donec in virtute cinnamomi est debilis: quod est, quia cinnamomum bonum quando comparatur ad casiam ligneam bonam, tunc virtus eius est diminuta valde ab eo. Verum nos facinus sicut est actio eius qui non inuenit panem mūdum, & comedit illum qui est infra ipsum: similiter nos administramus casiam ligneam electam quando non inuenimus cinnamomum. Etiam Auicenna in cap. de cinnamomo, scribit: Loco eius ponitur cortex casie lignee stipticus, aut duplum ipsius de cube bis, aut duplum eius de abel. Et in cap. de abel, quod est de saui-na, idem posuit. Multa & alia causa breuitatis dimisimus. Satis enim hæc sunt. Quapropter si apud ipsos fuisset abundantia ex cinnamomo, non esset opus insinuare, quid in defectu ipsius poni debet. Quia de illa re cuius copia habetur, frustra est dicere: si non inuenis aliam rem, pone in eius loco aliam. Vt exempli gratiam, tanquam si diceret: Si defuerit tibi aqua pura, appone pro ea aquam rosaceam, vel vinum, &c. Et ex his dictis potest quispiam considerare, quanta virtute donatum sit cinnamomum, si locum eius vix impleat optimæ casie lignee duplum. Moderni autem aromatarij, vt plurimū tenētes istam casiam ligneam, id est cannellam vsualem, esse verum cinnamomum, ponunt pro cinnamomo in medicinis, simplici pondere duplicato pondere: vnde non recte faciunt. Sed pessimè agunt illi, qui dimittentes veram casiam,

*Casia li-  
gnea.*



casiam accipiunt cortices radicum cuiusdam generis scoparum, vel genistarum, sine odore, sine sapore, & sine virtute, quæ possint in medicinis loco veræ casiae administrari: quæ & Romæ in ruinis ædificiorum vetustorum plurimū habentur. Talis enim planta à Simone Ianuensi, in litera Myrica depingitur: & falsissimè omnes vocant eam casiam ligneam, nō legentes aliter condiciones & proprietates veræ casiae lignæ, & ubi nascatur: quoniam (vt aiūt Dioscorides, Serapio, &c.) Casia lignea nascitur in partibus Arabum, ubi nascuntur aliæ species aromaticæ &c. Casia *Casia absolutè* autem simpliciter, semper intelligitur casia lignea. Etiam quandoq; reperitur scriptum, siue impressum casia fistula, & deberin- *Casia fistula* telligi casia lignea. Vt exempli gratia, est in antidotario Nicolai in electuario quod intulatur Antidotum hæmagogum, &c. quoniam plures sunt species casiae lignæ. Vnde Galenus primo de Antidotis multas enumerat, & præcisè illam, quæ fistula cognominatur, clarius tetigit, meliorem tamen approbans illam, cui barbarum cognomen gizi est. Simon quoq; Ianuensis testatur quòd casia fistula antiquorum, est casia lignea. Vnde in antiqua Dioscoridis translatione, cap. de casia, incipit: casia fistula &c. Dicit quoq; Serapio, quòd ex speciebus casiae lignæ duæ tantum sunt viles in medicina, aliæ verò non sunt administrandæ. Et hæ duæ species, sunt istæ quas habemus, quasq; (licet falsò) cinnamomum subtile, siue cinnamomum finum, & cinnamomum grossum: vel cannellam subtilem siue finam, & cannellam grossam vulgò nominamus: tamen fina, ipsa est casia mafolites, quæ est proxima cinnamomo. Nam omnes notæ à Dioscoride, Serapione, & cæteris Authoribus descriptæ de casia lignea, de quibus possumus habere aliquantulum certam experientiam & cognitionem, videmus quòd conueniunt his speciebus, quibus pro cinnamomo vtinur. Etenim non scribitur de casia quòd habeat nodos, sicut cinnamomum: & istæ species sunt lenes, & planæ. Et cum scribunt casiam esse rubram, corallio proximam, de recenti intelligendum est: quoniam (vt audiuius) cum casia est recens, est valde rubra. Vnde nunc pluribus annis siccata (vt videmus) est subrubra: quòd ferè omnes plattæ cum siccantur, perdunt maximam sui viui & veri coloris partem. Etiam scribitur, quòd casia trahit ad odorem rosæ, cum participatione aliqua odoris vini. Qui odores, à diligenti perscrutatore facillimè percipiuntur in isto vsuali cinnamomo. At de sua acuitate, aromaticitate, linguæ mordicatione, &c. non est

dubium, quin sint in ista cannella, & maxime bona. Vnde verissima est casia, & non cinnamomum. Etiam sciendum, quod hæc casia grossa, quæ vulgò dicitur cannella grossa, quandoq; *Xylocasia* dicitur xylocasia, id est casia lignosa, quasi lignum casie: quamvis verum lignum casie, sit medullarium ipsius. Et rectius scribitur casia, per simplex siquàm per duplex: tamen (vt in superioribus diximus) per duplex si, casia idem intelligitur: nihil refert

*Selicha*. quomodoq; scribatur. Vocatur autem Arabicè Selicha, vel *Cassia fistula* seliche, vel seliacha. Cassia autem fistula vulgaris seu nota, quæ *la vulgaris* communiter vitimur ad aluum lubricandum, non est eiusdem generis cum casia lignea: nec antiquis Græcis (vt sciamus) cognita fuit. Ab Arabibus autem, Serap. Auicenna & cæteris bene describitur. Vnde Serapio cap. de casia fistula, solummodo Ara-

*Eiarxamber*. bes citat. Et vocatur Arabicè, Eiarxamber, vel chaiarsandar. Vnde casia, & casia fistula, sunt nomina æquiuoca &c. His deniq; visis, concludendum est quod caremus vero cinnamomo,

*Cinnamomum superplentia*. sed loco eius (vt ex supradictis colligi potest) ponitur duplum ponderis eius, ex optima casia lignea, vel ex sauiua, vel de carpesio, id est de cubebis, vel æquale pondus de optimo cardamomo, vel de Zurumbet, &c. Et pro cinnamomo etiam potest compensari optima casia, sed simplici duntaxat pondere: quia cinnamomum non est de electioribus speciebus ipsius cinnamomi, vt supra iam probauimus. Alia plura de cinnamomo & casia, &c. breuitatis causa dimisimus.

*De Zuccharo ponendo in compositionibus.*

**S**Vprà in electuario de aromatibus, & in confectione de galanga, iam declarauimus qualiter zuccharum in huiusmodi confectionibus sit ponendum: quare nunc, quia hîc Author subscrit, quod quandoq; ponitur in eo duplum ponderis medicinarum de zuccharo puluerizato, sine melle, & accipitur sicut suffus, sciendum quod illud zuccharum quod prius ponebatur in confectione, quæ melle conficiebatur, non est intelligendum in ipsa descriptione, sed reliquis medicinarum pulueribus ponderatis, addatur duplum de optimo zuccharo etiam puluerizato. Et postquam totum peroptime cum speciebus commistum fuerit, quouis vti poterit eo ad libitum in dapibus, &c. Suffus autem idem significat, quod puluis. Quare de eo infra in distinctione propria de suffuset.

*Elect.*

*Electuarium de granis myrti, &c. XXIII.*

ELIUS Serapionis in septimo sui Breuiarii, cap. xx. habet vnum electuariū, de granis myrti, quod differt ab isto. Sed dicit Author in præsentī descriptione, quod modus compositionis eius est, vt in electuario de aromatibus adiungatur, granorum myrti, &c. Vbi sciendum, quod Authoris intentio est, vt tu accipias tantūmodo species electuarij de aromatibus, quibus addas pulueres rerum hīc descriptarum: & omnia simul conmixta, confice cum sola miua aromatizata, absq; melle descripto in ipso electuario de aromatibus. Siquidem & alias quasi cōsimiles compositiones, eiusdem fere intentionis, habet Author in præsentī antidotario, quæ omnes cum miua tantū conficiuntur: vt est confectio electuarij ex inuentione nostra, & electuarium confortans stomachum, & confectio Alcanzi, & similia. Etiam in antidotario filij Serapionis est electuarium quod stat loco Alcanzi, quod similiter est eiusdem intentionis, & conficitur cum sola miua: ergo ista non est aliter conficienda. Sed sciendum quod fere in omnibus impressionibus deest huic descriptioni vnum simplex, quod est castoreum: quodque locari debet (vt est in cunctis exemplaribus antiquis, & in quibusdam impressionibus minus malis) in ana, ante Confice cum miua, &c. Sic enim recte legendum est: Carui, anisi, cymini, seminis apij, infusorum in aceto vini & exiccatorum, & castorei ana 3. v. Confice &c.

*De Myrobalanis.*

PRæcipit Author in præsentī descriptione, quod bulliant myrobalani in aqua cytoniorum & vino odorifero, bullitione vna. vbi videndum, quare vult Author quod bulliant ipsi myrobalani, & qualiter fieri debeat ipsa bullitio, vt sit virtuosa. Ad primum, teste ipso Authore, in cap. secundo primæ intentionis, de electione medicinarum, dicente: Aut educunt comprimendo sua proprietate, & exprimēdo sicut myrobalani, &c. virtus myrobalanorū duplex est, scilicet q̃ educūt, id est soluūt. & educēdo comprimūt, id est restringūt. Et hoc ideo, quia ipsos duabus proprietatibus contrarijs, natura magistra decorauit. Vnde prima ipsorū proprietates sibi cōtraria est, quod ipsi habēt partē aereā calidā & humida, qua mediante soluunt. Secūda est, quod habent partē terrea, frigida & sicca: & ideo restringunt. Sed quia Author intēdit

aufferre ab eis partem qua mediante solvunt, quæ quidem simplici feruore tollitur: hac de causa præcipit, vt bulliant bullitione vna. Etiam ipse Author intendit augere partem ob quam restringunt, & vt sint magis confortatiui: ideo vult vt fiat ipsorum bullitio in aqua cytoniorum, & vino odorifero: quia aqua cytoniorum adiuuat eos in stipticando: & vinum dat eis vigorem, in confortando. Vnde bene est vt fiat talis bullitio. Ad secundum auctorum bullitio vna, scilicet qualiter debeat fieri ipsorum bullitio, ex mente Authoris, & substantia aliqua ipsorum bona huic confectioni sit competens, non diffundantur in aquam & vinum, propter illam bullitionem in qua sola pars eorum solutiuâ penitus destrui debet & amoueri ab ipsis. Nam clarum est, quod si merfi myrobalani in illa aqua & in illo vino, existentibus actu frigidis apponantur ad ignem, donec bulliant bullitione vna: in tali non parua mora, non solum dimittunt partem solutiuam, sed etiam multum de substantia eorum stiptica & confortatiua de facto ipso diffunditur: quia vnaquæq; res in primo instanti quando infunditur, incipit attrahere sibi de liquore in quo infunditur, non dimittendo aliquid de sua substantia seu virtute: sed postquam est satis imbibita de ipso liquore, incipit diffundere virtutem substantiæ suæ in ipsum, & quanto plus trahit moram in illo, tanto magis effundendo minuitur de suis virtutibus. Quapropter vt ipsi myrobalani non derelinquant de sua substantia confortatiua aliquid, est valde curandum: quia aliter esset præter Authoris intentionem, Ad quod igitur faciendum dicimus, quod prius ponendum est vas cum aqua cytoniorum & vino odorifero ad ignem, & cum incipit feruere, supermittendi sunt myrobalani grosso modo contriti & enucleati. Hinc peracta bullitione vna continuo extrahantur ab ipsa aqua & vino, & exsiccentur, &c. Et sic faciendo, nihil penitus præter partem solutiuam in ipsa aqua & vino relinquunt. Et hæc est verissima Authoris intentio. Et talis modus teneatur in ipsorum bullitionibus, infra in confectione Alcanzi: quia si aliter fiat in illis duabus bullitionibus, nihil aut parum remanebit ipsis myrobalanis de substantia ipsorum bona ad talem vel simile compositionem pertinentem. Et absq; virtute medicina non est antidotis admiscenda.

*De Aqua Cytoniorum.*

**N**Otandum, quod in pluribus receptis & descriptionibus, vt in ista & similibus, est scriptum siue impressum, aqua cytoniorum, & semper in rei veritate, intelligitur succus cytoniorum

rū. Quod pluribus modis probari potest, & primo per Io. Serap. filium, in suo antidotario, in descriptione electuarij Gal. cū aqua de cytonijs, vbi docet modū faciēdi ipsam aquā. Accipe (inquit) cytonia magna muza, & mūda ea à granis suis & corticibus, & cōtere ea, & extrahe ex succo eorū duo Kist, & c. Etiam in cōfectione Alcāzi, quē est cōsimilis in tētionis, & in alijs quā plurimis, ipse Author noster speciatim scribit: Bulliāt in succo cytoniorū, ergo est succus, & nō aqua. Vbi notādū, q̄ generaliter quādo reperitur in libris antiquorū aqua alicuius rei, temper intelligitur, aut succus, aut decoctio, vel saltē infusio. Solūmodo aquā rosācē, & aquā ab sinthij legimus, aliquādo per sublimationē factā, & hoc apud Authorē nostrū: at nō mirū si apud ipsum, quia iā suo tēpore cōcep-  
*Aqua sim-  
plicium re-  
rum quomo-  
do intelligat-  
tur.*  
 rat corruptela aquarū sublimatarū. Exempla certē de aquis, per quas intelligēdi sunt succi, aut decoctiōes, passim habētur: ex quibus aliquā annotabimus pro illis, qui nō possunt vacare multorū librorum lēctionibus. Author noster in sermone de aqua cicerū, habet syrupū conferentem pleuresi, in quo primū dicit: Recipe aquā Cucurbitæ & c. postea declarat eā in fine cōpositionis esse succū, dicēs: Infundātur omnia per diem & noctē in succo prædicto calido, & c. Itē in cap. de Rheubarbaro, dicit: Et similiter magnificatur infusio eius in aqua endiuix, & apij, prius bullitis & colatis, & c. cū autē dixit bullitis & colatis, nō intellexit aquas sublimatas, sed succos: nā aquæ distillatæ nō sunt bulliendæ neq; colandæ. Et hīc probatur iuniorū medicorū error, qui præcipiūt, vt infundatur rheubarbarū in aqua endiuix distillata, & c. cū potius Rhabarba-  
*deberet infundi in succo. Itē infra in septima distinctione de decoctionibus & infusionibus, habet decoctionē fructuū, quā vocat aquā. Et alia exempla multa dimittimus apud Authorem nostrū, ne sumus prolixi. Item ex alijs Authoribus possunt sumi exēpla, vt est apud filiū Serapionis in septimo sui Breuiarij, loquens de aqua foeniculi: vbi in fine apertē declarat ipsam aquam, esse succum foeniculi. Itē apud Hali filiū Abbas in secundo practicæ cap. 34. numero 79. legitur: Aut bibatur cum aqua rosata quæ exprimitur de recētibus rosis, & c. Lege etiā in cōfectione de mezereō.*

## De Miua.

**N**Vnc videndum est si præsens Miua debet parari cum melle vel cū zucchero. Etenim saluo semper meliori iudicio, nos tenemus cum zucchero construendam esse: quia licet Author in propria descriptione scripserit cum melle: tamen in fine addit quod sunt qui loco mellis ponunt zuchcharum, & propriē quan-

do oportet. In ista compositione granorum Myrti, satis oportere nobis videtur, quia (vt testatur Christophorus de Honestis in cōdito de cytonijs, quod est miua) mel est magis abstersiuum quàm zuccharum. Et in hoc electuario granorum myrti, non querit Author abstersionem, sed potius sedationem & confortationem: & ideo præparanda est ista miua cum zuccharo, & non cum melle. Et si Author in hoc electuario granorum myrti non specificauit cum quo sit præparanda, tamē in descriptione ipsius miuæ, cum scripsit eam fieri cum zuccharo quando oportet, dimisit nobis considerandum in omnibus compositionibus, ubi ingreditur miua, si ipsa miua, sit conficienda cum melle vel cum zuccharo. Et cum illo quod est magis competēs illi compositioni debemus cōficere miuam. In isto autem electuario granorum myrti magis competit zuccharū quàm mel: igitur cōficienda est cum zuccharo & non cum melle. Similiter & de speciebus debemus habere cōsiderationem: quia in pluribus compositionibus legitur: Confice cum miua. & non specificatur si debet esse aromatica, id est cum speciebus, vel sine ipsis: nec si cum miua simplici, vel acetosa, &c. Quando autem scribitur, confice cum miua aromatica siue aromatizata, sicut in isto electuario & similibus, tunc non est dubium, quod debet habere species: tamē quia omnes possunt recipere species, ideo de qualibet potest intelligi. In illis autem in quibus non præcisè scribitur miua aromatica, vt in confectioe Alcanzi, & similibus, est cōsiderandum, vtrum species competant illi compositioni, an non. Et sicut melius videbitur peritis viris, ita fieri debet. Et non est dicendum, quod si simpliciter est scriptum, confice cum miua, debet intelligi cum simplici miua: quia sicut scripsit Author de melle & zuccharo, ita & de speciebus quando oportet. Et illic dedit nobis regulam pro omnibus miuis sequētibus: quia omnes, & singulæ possunt confici cum zuccharo absque melle: & cum melle sine zuccharo: & quandoque expedit cum utroque, & cum speciebus, & sine speciebus &c. Vnde notandum, quod quandocunque reperitur absolute, cōficere cum miua, semper intelligitur de prima miua. Sed (vt dictum est) debemus, vel cōsilio medici, vel aliquo bono modo scire, an illi confectioi conueniant species: & tunc cum prima miua aromatizata, est ipsa confectio conficienda. Si autem dicit: Confice cum miua aromatica, tunc est magis clarum, & intelligitur de prima cum speciebus. Si autem dicit: Confice cum simplici miua, tunc intelligitur cum secunda miua, quæ ab Authore

intita

*Miua absol-  
uta.*

intitulatur simplex, non obstante quòd, vt alia, potest recipere species, &c. Si autè dicit: Cum miua acetosa, vt est in electuario confortate stomachum, tunc intelligitur cum tertia, vel quarta miua. Si verò cum miua facta ex succo fructuum, tunc de vltima descriptione intelligitur. Et in qualibet ipsarum est considerandum, si cum speciebus, vel sine: & si cum melle, vel zucarò sit primum paranda ipsa miua. Quoniam sicut oportet, ita est faciendum. Nam pro varijs infirmitatibus varia sunt administranda pharmaca: quoniam vnum pharmacum, non cõuenit omnibus infirmitatibus: nec omnia pharmaca, vni competunt infirmitati.

*Dia Calamentũ descriptione Galeni, &c. x x v.*



**A**VICENNA quidem in quinto cañ. in primo tractatu primæ summæ, habet confectiõnem de calamento, in ponderibus, & quibusdam paucis differente ab ista. Sed falsò in ipsa Auicennæ legitur reusini, eo in loco, in quo præsens habet cheisim: quod Bellunensis correxit & scripsit cheisum, quod idem est, quod cheisum. Item ipse Auicenna in tertio tractatu eiusdem primæ summæ, authoritate Galeni, habet electuarium de calamento, quod est eadem confectio: quamuis in quibusdã paucis differat. Filius Serapionis etiã in septimo, cap. 20. habet electuarium felsemeki, quod felsemeki ibi exponitur esse calamentum fluuiiale, & habet electuarium diacalamentum: quæ duo electuaria, habent multam similitudinem cum ista confectiõne.

*De Calamento fluuiali, & montano.*

**D**E hoc calamento fluuiali siue aquatico, magna est disputatio inter Doctores antiquos & iuniores, ita quòd mens legentis, & perferutantis eorũ scripta, potius cõfunditur quàm quiescit. Iuniores enim affirmant ipsum esse mentastrum, id est syluestris menta. Dioscorides secundum omnium translationes, facit capitula diuersa de menta, métastro, & calamento, & in capitulo de calamento, notat tres species calamenti: & dũ loquitur de tertia specie, dicit quòd assimilatur métastro, & nascitur in aquosis & alijs locis. Reliquæ species non scribuntur in aquosis nasci. Ex quo igitur quia tertia species est quæ provenit in aquosis, ideo illa accipienda est pro calamento fluuiali siue aquatico. Et cùm dicit quòd assimilatur mentastro, declarat non esse mentastrum: sed speciem calamenti mentastro similem, longioribus tantum folijs, per quæ dignoscitur à métastro. Serapio etiã

authoritate Dioscoridis, illud idem dicit, & diuersa cap. facit.  
*Calamentū fluiuale est mēthastrū.* Simon Ianuensis autem absolutissimè scribit, quòd calamentū fluiuale est menthastrum. Luminare Maius cōcordat cum Simone, & citat Nicolaum, & Petrum de Crescentijs illudmet affirmātes. Etiam concordant cum istis, Author nouarum additionum in antidotarium filij Mesuæ, & Ortho Brunfelsius. Item ipse Simon in litera feudenegi, dicit quòd verum feudenegi, est mēthastrum fluiuale. Et à Serapione scribitur præcisè capitulū de feudenegi, quod est de origano, pulegio, & diptamo. Menthastrum autem licet quandoque reperiatur in aquis, veruntamen à nullo antiquorum scribitur in aquis nasci. Enimuero nos pluribus in locis, & præsertim iuxta aquarum semitas, varias vidimus mēthastri species: quarum vna longioribus folijs provenit, alterius verò folia ad rotunditatem maximè declinant. Forſan quòd illa quæ longioribus folijs crescit, non sit menthastrum, sed calamentum fluiuale. Et illam, quæ habet folia rotundiora, putamus esse verum mēthastrum. Quoniam constat per Dioscoridem & alios Authores, calamentū fluiuale habere folia longiora quàm menthastrum. Insuper autem dicimus, quòd siue sit calamentum fluiuale, siue sit mēthastrum, nō est magna difficultas inter ipsa, & siue aliquo respectu, potest poni alterum pro altero in medicinis: Quoniam antiqui (vt plures testantur, & præcipuè Matthæus Syluaticus, in capitulo de calamento) non faciebant differentiam inter virtutes istorum generum, scilicet mēthæ, calamenti, pulegij, & similiū. Calamentum autem fluiuale (vt suprà diximus) à filio Serapionis, felemeki vocatur. Vnde in præfato electuario felemeki, dixit: Et est calamentum fluiuale. & infrà: Recipe calamenti fluiualis, & calamenti campestris, &c. Et infrà inibi dicit, quòd duæ species calamenti, scilicet fluiualis, & montani (quod vocat cāpestre) debēt esse ex Creta insula. air enim: Et duæ species calamēti oportet quòd sint ex Creta: quòd si non inuenis vtranque, elige ex eis quæ nascuntur in locis altis, siccis: & similiter alhasce, &c. Calamentū autem montanū est nepita, vel nepeta (vtrōq; enim modo scribitur apud Authores) & propter illa, quæ vulgò dicitur mentucia, & nepirella. quoniam est alia nepita, quæ alio nomine vocatur cataria, siue herba cataria: vulgò autem gattaria: nō obstante quòd & aliæ herbæ plures simili vocentur nomine, vt est valeriana, &c. Hæc autem nepita cataria habet folia similia vrticæ, vel potius melissæ, hirsutiora tamen, albiora, & maiora. Et habet hastas plurimas, quadrangulatas,



latas, rubentes, bicubitali altitudine aliquando se extollentes. In sapore autem similima est mētuciae præfatæ, sed in odore porius æmulatur pulegium quàm mentuciam: unde non desunt, qui vocant istam sylvestre pulegium. Cati eam valde comedunt, & delectantur in ipsa: quamobrem catariæ nomen sibi usurpauit. Tamen hæc herba ab Authore nostro calamētum sylvestre vocatur: vnde lege infra, in syrupo de calamēto primæ descriptionis.

*De Sefeli, siue maioris Sefeleos, seu Silere montano.*

**S**Efeli siue (vt aiunt) Sefeleos vel sifeleos, vulgò filer mōtanum dicitur. Et licet filer montanū quo vtimur, non bene in omnibus videatur conuenire cum descriptionibus Dioscoridis de sefeli: tamen non est cuminum sylvestre, vt aliqui putant. Quia si legis vtraque capitula, videlicet de sefeli & de cymino sylvestri, magis videtur conuenire cum sefeli, quàm cum descriptione de cymino sylvestri. Clarum quippe est, quòd vtrunq; esse non potest, cum omnes Authores diuersa de ipsis capitula faciant. Insuper sunt nonnulli, qui exponunt cuminum carmenum esse sefeleos, quod quidem nobis non placet: pro quo vide infra in Dycymino. Verum si hoc filer mōtanum differat à sefeli, nescimus. Scimus autem pro certo, quòd nō est cuminum sylvestre, sed (vt in dicto Diacymino ostendimus) aliud: quoniam pluries nos habuimus de ipso vero sylvestri cymino. Attamen non haberemus pro magno inconuenienti, si filer montanum pro vtroque con- *Siler monta*  
 pentetur, scilicet pro sefeli, si fortè non sit ipsum sefeli, & pro cy- *num suppleat*  
 mino sylvestri. Saluo tamen meliori iudicio, potius iudicamus *locum sefe-*  
 apponendum esse pro sefeli, quàm pro sylvestri cymino. Et do- *lis & cymi*  
 nec habuerimus meliorem de eo cognitionem semper pro sefeli *ni sylvestris*  
 administrabimus. Pro cymino autem sylvestri, cui non placuerit fati-uo. Vti, hoc ponendo non putamus malum esse. Præterea Antonius Musa Brasäulus in suo simpliciū examine, dicit, quòd hoc filer montanum conuenit cum duabus Dioscoridis descriptionibus de sefeli: Videlicet planta conuenit sefeli Mafsiliensi, & semen sefeli Aethiopico, propter amaritudinem. Vnde illa acredo feminis, quam Dioscorides sefeli Mafsiliensi tribuit, potest accipi pro amaritudine sefelis Aethiopici. Et sic potest stare, quòd hoc filer montanum viuale, sit sefeli mafsiliense à Dioscoride descriptum.

*De Petrofelino.*

**S**ECUNDUM Dioscoridem & ferè omnes Doctores, Petrofelinum non est istud quod præ manibus habemus, & in hortis

vbique feritur: quodque vulgi corruptela petroselinum falso appellat. Cum separatim omnes faciant capitula de petroselino, & selino, & ceteris generibus, siue speciebus apij: quod quidem selinum est verè nostrum vocatum petroselinum. Et nota quod in hac descriptione etiam habetur apium, quod est propriè ipsum selinum, de quo mox dicemus. Verissimum autem petroselinum, licet dicatur à Dioscoride in Macedonia nasci: tamen nos credimus in collibus Italiae & alijs regionibus asperis, quamuis non sit cognitum, procreari. Quia nos proprijs manibus, in Rheatinis montibus, & supra Palumbariam, pluries collegimus quandam apij speciem inter petrosas crepidines exorti, quam putamus esse verum petroselinum, siue apium de petra: quam quidè herbam ostendimus iam pluribus peritissimis viris & medicis, & herbarijs, qui omnes in vnum ad votum nostrum conueniunt. Et enim in omnibus correspondet descriptioni Dioscoridi de petroselino. Sed quia non sumus benè certi de eo, magis vsi sumus hoc nostro petroselino domestico. Imò verius selino vsuali, & horrensi, quam ipso: quia (vt multi testantur) parum aut nihil differt in virtute alterum, ab altero, id est selinum, à petroselino

De Apio.

**A**pium simpliciter scriptum, vt in presenti descriptione, semper (testantibus pluribus fide dignis authoribus, vt Plinio cap. 11. 20. libri, &c.) de selino est intelligendum, scilicet de nostro vulgò nuncupato petroselino. Quæ quidem species, selinum vocata, à Dioscoride anteponitur omnibus alijs descriptionibus specierum sui generis. Etiam si scribatur apium hortense, siue sativum, illud idem intelligitur Selinum, seu Græcè selinon. Quando autem scribitur petroselinum, sicut supra, est alia species, & intelligitur apiu de petra: quamuis in defectu ipsius (vt dictum est) possit poni selinum. Quando autè inuenitur scriptu apiu palustre, siue apiu aquaticum, accipièda est ista species, quæ simpliciter apud vulgares vocatur apium: quæ species, vt plurimum, in aquis provenit: vnde hydroselinon Græcè dicitur. Quando autem apium Macedonicu, quod Græcè hipposelinon, id est apium Caballinum vocatur: est alia species. Et apium risus, siue apium raninum, aliud genus est, &c. Et sic est videndum, de quo apio Author intelligit, cum apiu scribit. Vnde in presenti descriptione duas apij species posuit, apium petreu videlicet & apium sativum: quod sativum propriè est nostrum vulgò petroselinum falso nuncupatum, quod libenter ab omnibus in ciborum condimen-

dimentis assumitur. Verum petroselinū autē est (vt suprà iam diximus) apium de petra; quod non feritur in hortis, sed sponte in in crepidinibus mōtium oritur. Et abundantius in Macedonia.

*De Hæscæ, seu Halæscæ, vel Haæscæ &c.*

**H**æscæ, quamuis ab Authore nostro, etiā sub capitulo de hyfopo seu hyssopo describatur, tamen secundum veritatem non est hyfopus: quoniā si esset hyfopus, fuissent tres hyfopi species secundum ipsum, qui postea immediatē facit aliud capitulum de duabus speciebus hyfopi. Omnes doctores, excepto ipso Authore nostro, concordant in vnum, scribentes quod sunt tantum duæ, & non tres hyfopi species. Vnde magis credendum est tot viris, quā ipsi soli. Et licet etiam qui interpretatus est vocabula filij Serapionis dicat in Synonymis, hæscæ, id est hyfopus hortensis, non est tamen tantæ autoritatis, vt ei plus fidei adhibeatur, quā Dioscoridi, &c. Credimus autem (si non est error interpretis) Authorem nostrum à similitudine quam habet cum hyfopo, deceptū putasse hæscæ esse hyfopi speciem, & nominasse eam speciem duplici nomine, videlicet hæscæ, & hyfopum: quoniam scribendo particulariter eius differentias & proprietates, dicit quod est mater epithymi: & infra absolute scribit hæscæ. Etiam in suis canonibus ponit in pluribus locis hæscæ, & hyfopum, tantum aliud ab hyfopo. Ex quibus quidem credendum est, eum dubitasse, si verē esset species hyfopi: quod vel ex ipsius verbis cognoscitur cum scripsit: Dicunt quidam quod est hyfopus hortensis: rursum alij, quod est vna ex speciebus origani, &c. Hæscæ autem siue haæscæ (vt omnes exponunt) est thymus, quod etiam patet concordando capitula Authoris nostris de hæscæ, & Serap. de thymo, & Auicennæ, de Haæscæ, cum capitulis Dioscoridis & aliorū de thymo. Etiam Simon Ianuensis in litera thymus, dicit, quod thymus vocatur Arabicè hæscæ. Vnde Serapio cap. de thymo, quod incipit Hæscæ, id est thymus, &c. ergo haud dubiè hæscæ est thymus. At quia Author in præsentī descriptione posuit alhæscæ, non est querendū an sit aliud, ab hæscæ: quia illa syllaba al, vt dictum est suprà, in confectione Alchermes, aliquando additur dictionibus pro articulo, seu præpositione: vnde alhæscæ, id est de hæscæ. Cum autē dicit, extremitates alhæscæ, dat intelligi quod accipiendæ sunt cinæ thymi, non epithymum, vt præsumūt nonnulli insipientes aromatarij. Quid autem sit thymus, quære infra in syrupo de epithymo.

*Diatri*

*Diatrion pipereon descriptione communi, &c. XXVI.*

**N**O MEN accepit hæc cōpositio à tribus speciebus piperū quæ in ipsam ingrediuntur. Auic. in quinto canone habet diapipeo, cuius descriptio in multis cum ista cōcordat. Filius Serap. in septimo habet duas descriptiones quasi similes, & vocantur Electuaria diapipeon: sed prima quam ponit auctoritate Galeni, magis conuenit cum ista. Sed animaduertendum, quòd per multas impressiones, in præsentī descriptione, est error in dosi. Secundum veritatem legendum est: Dosis eius est, ab 3. j. vsque ad ij. & non à 3. j. & c. etiam in quibusdam impressiōibus, deest ameos, quod debet esse post spicā. Omnia hæc sic se habēt, in antiquis exēplaribus. Nā si legis filiū Serapionis auctoritate Galeni, nō ad 3. sed ad coclearia exhibet hoc electuariū, &c.

*De omni Pipere.*

**P**iper triplex in medicina quaritur, longum, album, & nigrū. Non quòd sint tres differētes plantæ, ex quibus procreentur tres variæ species Piperum, sed quia de eadem planta fructus tribus varijs colliguntur temporibus, ex quibus prima ipsius collectio potius debet dici germen aut flos, quàm fructus: quoniam in principio suæ germinationis, germinat quæadmodum auellana & similia faciunt in partibus nostris: & de illo germine antequàm floreat colligitur, & vocatur Piper longum. Postea illud, quod non est collectum, crescendo floret, & facit fructum in racemulis, de quo ante maturitatē sumitur: & quia à natura sui immaturū est albicans, ideò sic collectū & exiccatū, Piper album appellatur. Quod verò residuū est in plāta, maturescēdo nigrū efficitur, & Piper nigrū nūcupatur. Et sic ex vna & eadē arbore, omnes tres Piperū species ab Authoribus descriptæ colliguntur. Si quis verò his verbis nō vult prestare aures, legat cap. Diosc. de Pipere, legat Plin. legat Serap. legat & omnes probos Authores tã Græcos quàm Arabes: necnō & Latinos, tam antiquos quàm recentiores, quos breuitatis causā dimittimus, qui omnes quasi vno ore huius rei veritatem testantur. Præterea, quia Piper albū aut non colligitur diuissim, aut si colligitur, nō tamē deferitur ad nos sicut Piper nigrum & longum, ex ipsis granis nigri Piperis, lecta grana albiora seu subalbida sunt pro Pipere albo administrāda: quoniam in collectione ipsorum granorū, nō omnia sunt æqualiter matura, vt videre licet in nostris arboribus, nō omnes vnius arboris

arboris fructus, vno die maturefcere, sed successiue de die in diē, & quum maior pars illorum ad perfectionē suā maturitatis peruenit, licet aliqui sint immaturi, simul colliguntur omnes: vnde creditur quòd Piperis grana quanto sunt nigriora, tanto maturiora: & econtrā quantò albiora, tantò acerbiora. Et saluo meliori iudicio, in defectu Piperis albi, pro eo potius apponendum esse censemus Piper longum quàm nigrum, quia in stipticitate & confortatione magis conueniunt inter se. Potest etiam poni nigrum, quia cū album sit in medio, de vtroque ipsorum participat. Siquidem, secundum Philosophum, medium participat de extremis. Similiter si caremus longo, potius debemus accipere album quàm nigrū, quia album magis appropinquat lōgo, quàm nigrum. Et ē diuerso, in defectu nigri ponendum est albū, quia propinquius est. Item quādo cūque duæ ipsorum species desunt, per reliquam supplendum est. Sed quando simpliciter legitur Piper, semper albū intelligitur, secundum aliquorū opinio- *Piper albū absolute.* nem, & probat Nicolaus Præpositus in suis analogijs, & etiam quia (vt aiunt Auic. & filius Serap. in diacymino, quod ipsi ponunt authoritate Galeni) Piper album cōfortat stomachū plus quàm aliæ duæ species. Sed dictus filius Serap. habet in sua descriptione, quòd loco Piperis albi quando deest, debemus vt helleboro nigro. Quod quidem esse ipsius filij Serapionis, haud facile credi potest. Nam in descriptione Galeni, quæ intitulatur Dio spoliticum, quod est in quarto de sanitate tuenda, nō legitur, nec in descriptione Auic. Quare sic lege: Quòd si non inuenitur Piper album, vt re loco eius nigro. & illud ex helleboro tollatur: quoniam non conuenit in tali descriptione helleborum. Quin ubiq; malū est pro Pipere albo, vt helleboro nigro. Igitur emendandus est locus. Item quando legitur macropiper, intelligitur longum: quando autē leucopiper, illud est album: cū autē melanopiper, intellige nigrum. Et sic est secundum veritatem. Lege etiā de Pipere infra in Hiera diacoloquintidos inuentione Ruffi.

*Diacyminum ualens, &c.* XXVII.



DIACYMINVM à cymino quod recipit, nomen sibi vendicauit. Mirati sumus de Christophoro de Honestis, qui in sua commetatione asserit, vocari Diacinnamomum. Et quamuis cinnamomum in ipsam compositionē ingrediatur, tamen non est tantæ quantitatis seu qualitatis, quòd prædominari cymino,

mino &c. possit, atque exinde sibi nomen compositionis usurpare. Diacyninum igitur legendum est, & non diacynnamomū.

*De Cymino carmeno, & Cymino in generali.*

**C**Ymini tātū tres species, siue tria genera à Dioscoride describuntur. Et primo de satiuo loquēs, cōmendat suum saporem in generali de quacunque regione: & in particulari, maximiē laudat Aethiopicum, quod ab Hippocrate, regium nuncupatum est. Postea facit descriptionem de syluestri, quod diuidit in duas species, &c. In hac autem compositione, Author posuit cyminum carmenum. Est igitur nunc videndum, an hoc cyminum carmenum, sit vna ex speciebus à Dioscoride descriptis, an alia distincta ab ipsis. Et quid est cyminum carmenom? Certum est quod Pandectarius confunditur in suis descriptionibus, cum confundit cymini species, dicens: Cyminum carmenū, id est feseleos, cyminum album idem, cyminum dulce idem, cyminū rusticorum idem. Si autem est feseleos, quomodo est dulce? Non enim legitur apud quenquam, feseleos dulcedinem habere, &c. Item citat Serapionem scribentem autoritate Dioscoridis, & dicentem: Et est quoddam boni saporis, & propriē est carmenum, & eius expositio est regale, &c. quae causa tēdij non scribimus. Diligens lector facillime omnia percurrer. Simon Ianuensis credit non bene expositum esse Galenū in medicina, quam composuit Herodi ad stomachum, quod cyminum carmenum sit feseleos. Inferre volens, quod ipse sit alterius opinionis. Et subscribens autoritatem Serapionis dicit, quod exponitur regale, & est boni saporis: quasi dicat, hanc descriptionem magis approbo. Serapionis autem haec sunt verba: Carum siue camin, id est cyminum. Rhafis: Cyminum carmenum est agreste. Quam Rhafis autoritatem putamus additam esse libro Serapionis, quia postea sequitur autoritate Dioscoridis dicens: Est quoddam boni saporis, & est propriē carmenum, & eius expositio est regale, &c. Quae quidem Serapionis descriptio à Simone citata, est ipsa met descriptio Diosc. de Satiuo cymino, & non de syluestri. Et vbi Diosc. dicit ab Hippocrate regium appellari, Serapio scribit regale exponi. Etiam quandoq; cyminum Carmenum vocatur cyminū Indum, vt patet per filium ipsius Serap. in septimo Breuiarij, in Confectione Inda: vbi habet cymini Indi, & est Carmen, &c. Carmenum autem dictum est à regione. Vnde Auic sic scribit: Eius, aliud est Carmenium (quod idem est quod carmenū) & aliud est Persicum, & aliud Enium, & aliud Nabathium. Car-

menium

menium verò nigri coloris est, &c. Cùm autem Diosc. laudat Aethiopicū, potest esse quòd illa regio dicta Carmania (vel rectius Carmania, quæ est in Asia) à qua nomen accepisse creditur, sit in Aethiopia: quia secundum Ptolemæum, Plinium, & alios cosmographos duæ sunt Aethiopiæ, quarum altera situatur in partibus Asiæ: altera verò in Africæ. Et sic carmenū, idem est quod Aethiopicum. Siquidem & Galenus in tali descriptione, speciatim habet Aethiopicum: per quod clarius probatur Carmenū significare idem quod Aethiopicum. Item Hali filius Abbas, in decimo practicæ, in diacymino & alijs in locis, nō Carmeni, sed Carmanici habet, quod credimus rectius, ex quo probatur à regione dictum. Etiam posset dici, quòd à similitudine dicatur Aethiopicum, ut subintelligatur nigrum, tanquam pellis Aethiopum. Ad quod consentit descriptio Auic. qui dicit, cyminum Carmenum esse nigri coloris, &c. His igitur bene discussis, colligitur, quòd cyminum Carmenum non est feseleos, ut volunt Matthæus Syluaticus, & ceteri ipsum sequentes. Nec est cyminum sylvestre, ut aliqui credunt: neque enim est alia species cymini à Dioscoride non descripta. Sed est cyminum Carmenum idem quod Aethio- *Cyminum*  
picum: domesticum, seu satium, optimum, & electum, boni sa- *Carmeni.*  
poris, necnon & optimi odoris, à Dioscoride in primo loco, & pro satiuo descriptum, &c. Quapropter pro cymino Carmeno, accipiendum est quod melius inueniri potest, scilicet satiuū, recens, optimum, &c. Et sic erit secundum veritatem, & de mente Authoris. Cyminum siue cuminum, quod idem est, satium licet in Diosc. non legatur in Italia nasci, attamen in illa ora Italiæ, *Cyminum*  
quæ olim Magna Græcia, nunc verò Apulia dicitur, laudatissi- *Apulienſe.*  
mum habetur, de quo abundantius & recentius, per totam Italiani & extrà, exportatur. Et ideo laudabilius ceteris: quia cùm sit quòd cyminum nō potest diu asseruari, antequam ex Aethiopia & alijs regionibus veniat ad nos, erit corruptum, seu propinquum corruptioni. Quare non erit currendum in Carmaniam, neq; in Aethiopiam, neque in alias mundi prouincias, cùm possumus habere hoc Apulienſe, quod est optimum & vulgaris notitiæ: quam obrem de eo non est dubium declarandum. Sylvestre *Cyminum*  
autem cyminum apud nos (quod sciamus) nō sponte prouenit, *sylvestre.*  
sed satum (ut experti sumus) nascitur, & crescit sesquipedali altitudine, folijs, qualia Diosc. pingit capitulis quatuor aut quinq;, melanthio haud dissimilibus: seminibus albis, plenis, satui cymini odorem & saporem imitantibus, &c. & propriè est illud se-  
men,

*Cymini syl-  
vestre sup-  
plentia.  
Cuminum  
dulce.*

men, quo ut plurimum nostri tēporis aromatarij abutuntur pro  
minori cardamomo, quodque nonnulli (quamvis malè) vocant  
nigellā citrinā. Possunt tamen, saluo semper meliori iudicio,  
vel carui vel (ut melius dicamus) domestico & vsuali cymino, ut  
dictū est suprà in Diacalamenti descriptione. Cuminum dulce  
autem, secundum Plateariū, est anisum, & non feteleos, &c. Præ-  
terea sciendum, quod Author vult, ut pridie infundatur cyminū  
in aceto, hac de causa: videlicet ut acetum temperet caliditatem  
eius, & faciat operationem suam meliorem. Modum autem infu-  
sionis eius, ac omnium medicinarum, quare infra in Confectione  
de mezereon, in generali rēgula. Insuper quæritur, quare Au-  
thor in prima Diacymini descriptione, posuit simpliciter cymi-  
num: & in ista specificauit Carmenum? Dicendū, quod ipse Au-  
thor postquam fecit experientiam de prima compositione, inue-  
nit quod vigor potentie eius non protendebatur ad sedandum  
dolorem stomachi generatum à grossa ventositate, & flegmate  
grosso, &c. Et ideo fortificauit illam, permutando, addendo, mi-  
nuendo ve suam descriptionem, & operationem componendo  
istam. Tamen placuit ei etiam seruare primam descriptionem,  
ut si cui placuerit, possit ea uti in paruis necessitatibus. Et pro-  
pterea hīc posuit cuminum Carmenum, quia teste Auic. in capi-  
tulo de cymino. Cuminum Carmenum est fortius omnibus alijs  
speciebus. Quamobrem fortiores habet virtutes, & operationes  
in dissoluendo grossas ventositates, &c. pro quibus hæc compo-  
sitio ordinata est.

*De Ammio vel Ammi, siue manis per genitium minus rectè, ameos.*

**N**ON est hodie quod sciamus in Italia, qui ameos certi ve-  
ram agnoscat plantam. Vnde varij pharmacopolæ varijs  
pro eo vtuntur plantarum seminibus. Certè verum ammiū, non  
est cognitū in Italia, neque est, quod multò peius est, qui quærat  
agnoscere. Omnes enim accipiunt quod primum ad manum ve-  
nit. Emunt & vendunt, sed quid emant, quid ve vendant, igno-  
rant. Et quoniam de simplicibus medicinæ necessarijs, vix deci-  
mæ partis veritatem sciunt, contrarius effectus pluries sequitur  
ex operationibus suis quàm morbi curatio. Pro ammi autē con-  
fitemur nos ambigere, an verū sit quo vtimur. Attamen valde ap-  
proximatur Dioic. & aliorum Authorum descriptionibus. Vn-  
de mallo (vsquedū habeatur cognitio veri ammos) uti eo, quàm  
tot diuersis herbarum seminibus, non solum nobis sed etiam me-  
dicis

*Ammi no-  
stri descri-  
ptio.*



dicis peritioribus incognitis. Planta autem feminis quo utimur, est exilibus folijs, tenerimo ac minimo sceniculo similibus. Hæsta recta, duobus palmis ferè extollitur, gracilibus ramulis plena, in quorum summitatibus umbellulæ sunt breues, dauco similes, multò tamè minutiores, in quibus flosculi albi, & semina minutissima insunt. Quorum odor cumino satiuo non absimilis est. Sapor autem non (vt ait Dioscorides) origani (si tamen hoc quo utimur verum origanum est) sed dicti fatiui cumini, acutior tamen, & quasi ad Piperis gustum trahens. Sed plus de cumino, quàm de Piperis sapit. Dictam autè plantam cum semine, folijs, & parua radice (quæ alba est & lignosa) ostendimus pluribus probatis medicis, ac eruditionibus viris, à quibus omnibus valde laudatum est tale semen, pro animi in confectiõibus admittendū. Quod quidem semen plurimi credunt esse verum annui, quodq; quibuscunque quotidie possumus ostendere: quoniam circa Romanam, & pluribus in alijs locis prouenit in inculto solo, & iuxta viarum semitas.

*De folijs Rutæ.*

**I**N hoc Diacymino, & similibus, in quibus scriptum est, Foliorum Rutæ siccorum. hoc notatum habeas, quod dicit Galenus libro quarto de regimine sanitatis, circa medium (videlicet in confectiõne diacymini, quam ipse vocat Diospoliticum) quòd folia Rutæ sint commensurate præsiccata: quia si sint vehementer desiccata, acria fiunt, & amara, & magis calida. Et si sint sicca minus, quàm oportet, remanet in eis quedam humiditas superflua indigesta, qua mediante fiunt ventosa, & impediunt vltimatiõem digestiõis, &c. De quo quidem, est valde curandum. Idem hoc etiam referunt, filius Serapionis & Auic. in suis de antidotis, scilicet in diacymino autoritate Galeni descripto. Galenus quidem vult vt sint desiccata ad ignem, in vase fictili: perfecte tamen prius in fornace decocta. Peritus autè aromatarius, omnia agat diligenter prudenti discretiõis mensura: quoniã hîc, & in similibus, non potest assignari determinatus punctus cognoscendi quãdo folia Rutæ, & similia, sint mediocriter siccata. Hoc tamen dicimus, vt ita siccentur, quòd possint optimè puluerizari. De Ruta quære infrà.

*De Baurach.*

**B**AURACH, id est nitrum, cuius quidem sunt multe species, & ex varijs prouincijs, & ex varijs coloribus, vt Author noster in proprio cap. scribit. Ab omnibus autem laudatur habens ru-

bedinem, & maximiè illud quod fit in Armenia. Et fortasse generatur in terris, in quibus est illud laudatissimum lutum, quod vocatur lutum armenum, hoc est, bolus armenus. Nam Author hic posuit Baurach rubei, quod est optimum, ad differentiam albi, & cæterorum quæ non sunt tantæ bonitatis. Nonnulli siquidem hallucinatur, putantes Baurach rubeum esse sal Ammoniacum, quod non est. Sed cum nos caremus Baurach rubeo, atque ar-

*Nitrum rubeum* cuni, quod non est. Sed cum nos caremus Baurach rubeo, atque ar-  
*beum supplemen-* tamen (saluo semper prudentiorum iudicio) possumus loco eius  
*tia.* ponere de optimo nitro albo. Et sunt qui ponunt pro eo in com-  
*Sal montana* positionibus sal rubeum, quod excauatur è montibus, in Italia, &  
*in Italia* Hispania, & alijs locis: quos credimus non male agere, quia il-  
*Hispania* lud sal acutius est marino: sed nobis videtur esse melius, ut appo-  
*nia* natur pro eo (sicut diximus) sal nitrum album, minerale, si haberi potest: sin autem, artificiale. Et nota quod hæc compositio diacymini præfens, est ordinata pro magnis necessitatibus, scilicet ad expellendum grossas ventositates, ut supra dictum est: & ideo Author posuit in ea Baurach: quia (ut testatur Auicenna in cap. de Baurach) Baurach non comeditur, nisi propter magnam causam. In parvis verò necessitatibus, Diacymino superscripto debemus uti: nisi alicui magis placuerit uti Diacymino, in antidotario Nicolai annotato.

*De Contritione specierum.*

**I**Nsuper notandum, quod licet hoc Diacyminum non sit solutum, contritio tamen specierum eius debet esse grossa, quia habet expellere ventositatem grossam &c. Atque huius ratione reddunt Galenus, & filius Serapionis, & Auicenna autoritate ipsius Galeni, loquendo de diacymino locis suis, quasi vno ore, in his verbis: Et oportet (aiunt) ut scias iterum, quod quando vis ut sit eius euacuatio, plus sit contritio medicinarum grossa. Et illud ideo, quoniam scio hominem qui contriuit hanc medicinam contritione vltima: quoniam non sciuit illud, quod ego dixi: quare non resoluit naturam omnino. Imò prouocauit fortiter. Et venit ad nos mirans, & querens de causa in hoc. Et illud ideo, quoniam ipse existimabat, quod in corpore illius viri esset proprietas, quæ esset causa in hoc quod accidit. Postquam ergo feci scire eum, quod cautè in illo, esset dispositio compositionis eius: tunc composuit eam secundò, sicut præcepi ei, & còpleta est eius operatio. Oportet ergo ut serues hanc determinationem in compositione reliquarum medicinarum. Hæc illi. Hoc etiam autoritate ipsius Galeni, breuiter tangit ipse Author noster in capitulo

tulo de rectificatione medicinarum, cum modis triturationum, in exemplo secundi, quod est vt medicinis aliqua proprietas acquiratur, dicens: Inquit Galenus, Institi vltimè triturando, & puluerizando cuminum, & cum esset naturæ solutiuum, factum est vrinæ prouocatiuum, &c. Quapropter est aduertendum in contritione aliquarum compositionum, quæ licet non habeant soluere, habent tamen expellere ventositatem, &c. Vt est Diagalanga, & hoc diacuminum, & similia. Species enim huiusmodi grossiori modo sunt coterendæ.

*Confectio de seminibus, &c.*      X X V I I I.



N pluribus antiquis exemplaribus non habetur hæc præfens confectio de feminibus. Tamen quia in aliquibus est, non iudicauimus ipsam amouendam esse de loco suo. Confectio enim de feminibus, & diaspermaton, idè significat. Sperma enim Græcè, Latine semen dicitur. Sed sciendū, quod in impressis libris magis mendosis, vbi legitur: Cardamomi, spicæ, caryofylorum añ. 3. iij. legendum est, añ. 3. iij. vt est in exèplaribus illis, & in libris correctis. Species nāq; istius confectiois terendæ sunt sicut species Diacymini, & similiū &c. Auic. in quinto cañ. habet vnā confectioem de feminibus, quæ differt ab ista.

*De Amomo.*

**F**Rustrà est in Amomo prolōgare sermonem, scilicet in describendo antiquorum & iuniorum controuersias, de huiusmodi simplici. Quod enim nūquam habuimus, nec vidimus, neque per quamuis tertiam personam cognoscere valuimus, de clarare non possumus. Hoc tamen est silentio prætereundum, videlicet quod hodierni aromatarij pessimè agunt, substituentes pro amomo quoddam semen inodorum cuiusdam vilissimæ herbæ, non legentes apud Dioscoridē, quod amomum est valde odoratum, &c. Quod autē legitur in Serapione de pede colūbino, cōiectamus potius esse interpretis, quàm authoris, quoniam pes colūbini non est amomū. Iuniores quidem conati sunt hoc elucidare, sed magis obtenebrarūt. Legitote apud ipsos. Vnū denum insuper est dicendū, quod caremus amonio vero: quia nec ab Armenia, neq; à Medorum regionibus, neq; è Ponto, verum amplius ad nos exportatur amomū. Sed pseudo amomū multiplex, & abūdè vbiq; colligūt nostri Herbarij: super quo, & alijs pluribus, non magis herbarij & aromatarij, quàm medici (quorū

est proprium officium inuestigare medicinas, & facere vt habeantur veræ vituperandi sunt. Nam quomodo possunt habere honorem suæ artis medicæ, si composita medicamenta non comitantur ex veris medicinis? At si quædam non possunt habere vera simplicia, vel saltem vt ex æquipollentibus compensentur. Et non vt vnusquisq; ad libitum ponat quicquid ad manum venit. Enimuerò medici fugientes laborem, committunt suum honorem, & vitam hominum, etiam & suam manibus ignorantium aromatariorum. Quoniam vtp plurimum aromatarij, hodierni sunt idiotæ, & nō curant studere nisi his è quibus magis lucrum accipiunt. In quorum officinis, libri (præter diurnale computorum dati & accepti) non habet locum. Et quod peius est, sapius cum ignorantia cohabitata mala conscientia, &c. Sufficit intelligenti pauca. Vnde quia non habetur amomum, loco eius, secundum Galenum, Aërium, Paulum Serapionem, & alios plures, acoro vti debemus. Sed quia etiam caremus vero acoro, possumus vti asaro: quoniam (saluo meliori iudicio) inuenimus in nostro Rhasi antiquissimo manuscripto, quod amomum, acorus, & asaroni, ad inuicem mutantur vnum pro alio.

*Amomum  
supplementia.*

*Confectio de Cytonijs bona &c. x x i x.*

**P**RÆSENS confectio, & sequens, & alia, quæ habetur in fine tertie distinctionis, ab ipsis cytonijs denominationem sumpserunt. Etia & omnes mixtæ, si fiunt cum speciebus, possunt largo modo dici confectioes de cytonijs. Sed sciendū, qd additiones, siue aliquæ siue omnes, quæ scribuntur in fine istius confectiois & similiū, nō sunt in ipsas confectioes apponendæ ab aromatarijs, nisi de mādato medici cognoscētis infirmi necessitatē, &c.

*De Cinnamomo, & Darzeni, & Cinnamo.*

**S**UPRÀ in confectioe de Cinnamomo disputauimus de Cinnamomo, & darzeni, & cinnamo, &c. Sed quia in præsentī descriptione est per impressos libros cinnamomum, & postea infra in eadē descriptione legitur darzeni, & utrūq; simpliciter, oritur dubium nostræ superscriptæ declarationi aduersans: quia si per cinnamomum, & per darzeni intelligeretur vnum & idem, author non posuisset bis idem simplex in ipsa descriptione, non obstatē quod sit per varia vocabula. Ad quæ respondemus, quod si ita esset, vt in libris impressis habetur, verè contradiceretur nostræ declarationi de cinnamomo, &c. Sed quia nos possumus probare

bare per viginti & plura exemplaria antiqua, quæ vidimus, omnes impressiones in hoc & in multis alijs locis esse mendosas, apparet puto non contradici nostræ descriptioni. Annotauimus quidem supra in cōfectione de cinnamomo, quòd quancūq; ambo, scilicet cinnamomum, & darfeni, inueniuntur simpliciter posita in vna & eadem compositione, semper est error in ipsa descriptione: & ita reuera est. Nam libri antiqui & correcti non habent hīc scriptum cinnamomi, sed cinnami. Et qui nolūt credere, accedant, videant, legant & ipsi, veritatemq; perscrutentur, &c. & intelligent quemadmodum in dicta cōfectione de cinnamomo declarauimus, quòd aliud est cinnamomum, à cinnamo. Lege ibi. Sed bene scimus huiusmodi erroris originē, quam ad maiorem veritatis certitudinem succinctē describemus. Si quidem (vt aliā diximus) conati sumus habere apud nos tot libros antiquos manuscriptos, quot inuenire potuimus. Et nullo labore aut pretio perterriti, nō solū intra urbē, sed & extra, habitato aliquorū indicio, omni diligētia quæsiuimus: vnde quosdā emi do paretur, quosdā qui habebāt cōmodauerūt nobis, quosdā verò gratis, amore Dei, & eleemosynę causā, à nōnullis accepimus. In illis igitur multa perspicimus, quæ in impressionibus sunt vitata. Vnde ex dictis libris aliqui hīc, & alijs in locis habent scriptū in longū & sine abbreviatione sic: Cinnami, vel Cinami. Aliqui autem cū abbreviatione habent quatuor vel quinque primas literas, scilicet cina, vel cinna, & super vltimā ipsarū, quod est a, est positum i, sic, cina<sup>i</sup>, vel cinna<sup>i</sup>, taliter quòd quilibet potest dictam dictionē abbreviatā, duplici sensu intelligere, scilicet pro cinnami, & pro cinnamomi. Quapropter nōnulli intelligentes pro cinnamomi, ignorātes quid sit cinnamū, scripserunt atq; impresserunt cinnamomi. Quo errore plurimi hallucinati, inuenientes in aliquibus descriptionibus (vt hīc, & similibus) cinnamomi, & darfeni, exposuerūt darfenū esse cinnamomū grossum. Quorū vnus Christophorus de Honeftis, in postillatione huius cōfectionis, in duplicem errorē delapsus est, & cōtrariū expressē exposuit. Prius error est, quia illa dictio cinnamomi, quæ debet dici cinnami, per quod quidē significatur cinnamomum grossum, accepit pro cinnamomo electo: & darfeni, quod verē est cinnamomū electum, exposuit pro cinnamomo grosso. Secundus verò est, quòd vbi Author petijt vnā drachmā de cinnamomo nō electo, quod est cinnamū, & tres de electo, ipse declarauit apponendā esse vnā de electo, & tres de grosso. Igitur secundū veritatē, legēdum est,

cinnami in ista descriptione, & non cinnamomi. Quid autem sit cinnamum, quidue darsenum, in confectioe de cinnamomo prænotata, latè traditum est.

*Confectio de Cytonijs facta cum succo cytoniorum, &c. XXX.*



AE C quidem confectio, quæ fit cum succo cytoniorum, potest cõnumerari inter miuas acetosas. Quæ similiter, vt omnes miue conficiuntur, potest & ipsa confici cum speciebus, & sine speciebus, &c. vt textus declarat. Sed aduerte lector, quòd in ali- quibus impressiõibus, in præsentì descriptione, reperies duos errores. Primus est, quòd vbi legitur, piperis lōgi, zinziberis, cinnamomi, añ. ʒ. j. legendum est ʒ. j. posita est enim ibi mendosè ʒ. pro 3. Secundus error est, quòd positum est vnum quinque sic v. pro vno semis: videlicet vbi legitur: caryofyllorum. ligni aloës, añ. ʒ. v. lege rectius añ. ʒ. s. Causam autem huiusmodi erroris lege suprà in descriptione modi electuarij de citro, ex inuentione nostra. Ibi enim videbis quanta cæcitate librarij, imò correctores librorum ducuntur.

*Electuarium de pomis, &c. XXXI.*



NICA regala in præsentì descriptione, plura electuaria perstrinxit Author: vt in fine ipsius descriptionis clarè patet, cùm legitur: Hoc etiam modo fit electuarium de pomis acetosis, & electuariũ de pomis paruis, & aromaticis, & dulcibus: scilicet & electuariũ de pomis aromaticis, & electuariũ de pomis dulcibus.

*De Pomis, seu Malis.*

Poma, & Mala, idem sunt. Pomorum autem, seu malorum, tam dulcium, quàm acetosorũ: tam redolentium, quàm odore carentium: tam domesticorum, quàm syluestrium, plura sunt genera, siue species, & differetia. Super omnia autem laudabilio *Apia poma* ra sunt illa, quæ cõmuniter ab Italis vocantur apia, quia sunt domestica, dulcia, & optimè olentia. Quoniã quædam alia sunt domestica, & dulcia, sed non olentia: & quædam etiam sunt domestica, & bene olentia, sed non dulcia: & quædam sunt domestica, sed neque dulcia, neque olentia. Et quædam sunt dulcia, siue redolentia, sed minimè domestica. Et nota quòd quodocunque est nobis necesse vti pomis, siue dulcibus, siue acetosis, siue domesticis, siue syluestribus, semper de magis redolentibus debemus acci-  
cipe

*præstantis-  
sima.*

*Pomorum  
electio.*

cipere, quia meliora sunt. Exēpli gratia, quidam indiget Pomis dulcibus: si non potest inuenire apia, ex alijs speciebus dulcibus, quæ videtur magis olere, fumere debet. Et ita etiā intelligēdū, est de acetosis, &c. Et si duæ species pomorū æqualiter secūdū suum proprium odorē olent, illa sunt eligenda quorū sapor magis viget. Verbi gratia, si ex dulcibus sint duæ species simili bono odore fragrantes, quæ ipsorum sunt dulciora, illa sunt meliora. Et de acetosis, quæ sunt acetosiora. Et sic de singulis. Similiter potest dici de pyris, & persicis, & cæteris fructibus, ex quibus multæ & variez reperiuntur species. Lege etiam de malis infra, in Diasiracost.

*Electuarium de Persicis, &c.*

XXXII.



**N**IMADVERTENDVM quidem, quòd in hoc electuario non intrat cinnamomum, sed cinnamum. Quid autem sit cinnamum, quære in confectiōe de cinnamomo.

*De Persicis.*

**P**ersicorum ( vt in electuario de pomis iam diximus) plura sunt genera, & species, & differentiæ. In quibus, licet Author non determinauerit de qua specie sint sumenda persica pro huiusmodi electuario cōficiendo, quasi affirmans ad libitū de quocunq; posse sumi: tamē semper eligenda sunt meliora & laudabiliora. Præterea, dicit Author in hac descriptione: Exerceas in eis decoctionem cum syrupo: sicut diximus in confectiōe de cytonijs. Vbi notandū, quòd persica, cytonia, poma, & similia, quando cōficiuntur, semper sunt cōficienda cum melle, aut zucchero syrupizato. Et ideo cū dicit, cum syrupo, intellige cum zucchero, aut melle syrupizato, sicut diximus in confectiōe de cytonijs. Vbi intelligendū est, quòd illud mel est prius desumpandum, & ad formam syrupi reducendū: & postea carnes cytoniorum in vino decoctæ, sunt in ipso cōmiscendæ. Et similiter agendum est cum zucchero, in ista compositione, & similibus. Et hæc fit regula pro omnibus cōsimilibus electuarijs & confectiōibus, in quibus non est notatus modus cōficiendi: vt est electuarium de pomis, & similia. Etiam istud non est prætermittēdum, quòd ubi dicit Author in hac descriptione: Terantur persica sicut medulla. intelligitur quòd Persica sint cōterenda cōtritōe vltima: quia ob suam aliqualem immaturationem, quam ipsa persica debent ex Authoris præcepto habere, sunt tenacia & dura. Et hac de causa ( vt coniectamus ) vult vt bene terantur, ne ali-

quæ ipsorum particule integræ granulorum modo remaneant, quæ possent sensui viuis, vel gustus recipientis aliquod præbere fastidium. Vel etiam potest esse, quod multa ipsorū cōtritio acquirat eis aliquam proprietatē bonā, & huic electuario cōpetentē & necessaria. Forſan vt facilius digeratur, &c. Et ideo poſuit, ſicut medulla, quia medulla eſt æqualiter in ſua pulpa pertractabilis. Quæ licet ſit palpabilis, poteſt tamē dici ſine tactu: quoniā cōprimēdo ipſam, nihil remanet inter digitos. Et qualis eſt iſta, talis quidē debet eſſe perſicorū pulpa poſt ſuā contritionē, &c.

*Electuariū quo utuntur reges, & delicati, &c. XXXIII.*

*Electuariū ſecundū quo utuntur reges, &c. XXXIII.*



**L**N prima iſtarū duarū deſcriptionum, cōmuniter per modernos, & excuſos libros, ſunt duo errores. Vnus videlicet vbi legitur, Olei roſati amygdalæ recentis, & dulcis, &c. Nuſquam legimus apud Authores fieri oleū roſaceū admixcēdum electuarijs & cōfectionibus, ex oleo amygdalino. Licet quis poſſet illud parare ad aliquorum laſciuiā, ſicut pigmentarij hodierni (vulgō dicti profumerij) faciūt ex varijs florū generibus: tamen prædicta olea non recipiuntur ad medicinæ vſus. Enimuero in nullo antiquorū voluminū eſt ita deſcriptum, ſed omnia habēt ſimpliciter: olei amygdalæ recētis, & dulcis. & ita verius: deleatur igitur illud roſati. Alius error eſt in titulo ipſius, videlicet vbi legitur: Reges, & prælati. In antiquis autem exemplaribus, non Reges & prælati, ſed Reges & delicati habetur ſcriptū. Et ſic melius nobis videtur. Quid facit prælatio ad corporis diſpoſitionem? Multi quidē ſunt ad tēpus repleti, & dum fungūtur prælationis officio, cōceditur eis talis electuarij vſus: ſed poſtquam amoti fuerint, interdicitur eis: quia ſi non ſunt prælati, nō poſſunt eo vti. Res etenim riſu digna. Igitur, reges & delicati rectius legēdum eſt. In ſecundo autē electuario, quod eſt eiſdem tituli, licet dicat Author, quod valet ſicut primum: tamē eſt minoris efficaciz, & virtutis. Neutrum quippe noſtris temporibus parari vidimus.



*Electuarium de fructibus, &c. XXXV.*

**A**UTHOR in præſenti deſcriptione, vt patet in exordio ipſius, principaliter intēdit reſtringere & ſedare fluxum vētris: & ideo cōpoſuit hoc electuarium ex rebus ſtipticis, & cōfortatiuis. Cū autē legitur hīc: **Pi-**  
**rorum**



rorum ponticorum: non intelligitur de Ponto, sed immaturo-  
 rum, & astringentis saporis: & malorum acidorū, id est acetofo-  
 rum. Et nota, quod omnes fructus huiusmodi compositionū de- *Fructus in*  
 bent esse immaturi, non tamen multū, sed medium habent inter *compositio-*  
 acerbitem & maturitatē: quia non solū habēt stipticare, sed *nubus.*  
 etiam & cōfortare. Quod quidem probari potest per plures de-  
 scriptiones ipsius Authoris, & præcipuē per electuariū de persi-  
 cis, vbi dicit: Accipe carniū persicorū mediocrium inter ma-  
 turitatem & acerbitem &c. Et per electuarium de sorbis, vbi  
 ait: Accipe carniū sorborum immaturorum, vicinorum matu-  
 ritati, &c. quamuis barbarē legatur sorbarum. Quoniam si fru- *Fructus*  
 ctus sunt valde acerbī, non multū cōfortant. Et si sunt valde *acerbi.*  
 maturi, habent paruam, aut nullam stipticitatē, de quo est maxi- *Fructus*  
 mē curandū. Præterea est notandū, quod nonnulli errant in con- *maturi.*  
 ficiendo hoc electuarium: quia accipiunt acetum infusionis su-  
 mach, & succū acrestæ, æquali pōdere vel mensura, & insimul in  
 ipsis elixant ipsos fructus. Tamen de intentione Authoris aliter  
 se habet litera. Non enim legitur: Accipe carniū cytoniorū &c.  
 quorum singulū elixatum fuerit in aceto vini forti, in quo infu-  
 sum fuerit sumach die ac nocte, & succo acrestæ, &c. sed dicit, &  
 succi acrestæ, qui genitiuus succi, copulatur genitiuis præfatorū  
 fructuum, & cum illis in primo ana includitur. Modus autē con-  
 ficiendi præsens electuariū talis est: Accipe acerū vini forte, & in-  
 funde in ipsum sumach, per diē & noctē: postea in tali aceto eli-  
 xa vnumquēq; prædictorū fructuū per se, & etiam in dicto ace-  
 to elixa sorba per se. Post omniū autem & singulorū elixationē,  
 accipe succi acrestæ, & carniū seu pulparum singulorū fructuū  
 (demptis sorbis) ana librā vnam. Sorborū autem carniū 3. v. zue-  
 chari lb. iiii. Liquefac: zuccharum in dicta succi acrestæ libra, &  
 duc ad ignē: & post primā bullitionem appone carnes sorborū  
 & aliorū fructuū, & cum mellis spissitudinem habuerit, adde suc-  
 ci berberis 3. ij. & dimitte ad ignē vsq; ad eius cōsumptionē, quo  
 consumpto remoue ab igne, & superadde puluerum spodij, &  
 acetosæ añ. 3. j. & reconde in vase vitreo, & vtere. Item potest fie-  
 ri hoc modo: Vniatur succus berberis succo acrestæ, & in vtroq;  
 simul misto liquefac zuccharum. Et iuxta nostrum iudiciū erit  
 præstantius, quia in maiori quātitate succorum, citius & melius  
 liquefacit zuccharum. Et non erit necesse post primam ad mellis  
 spissitudinem coctionem, amplius in igne permanere. Cætera  
 sicut ut dictum est. Etiam nota, quod vbi dicit: Succi acrestæ, su-

per cuius trituratione elaborandum est usque ad consumptionem ultimam granorum. intelligitur, quod debemus tam diu contundere ac restā, donec granula ipsius interiora sint ultimā cōtusa: quia Author etiam intendit tribuere huic electuario virtutem sūpticā, quam ipsa granula habent. Cæterum, de infusione sumach, & quæ quantitas sit ponenda, quære in confectioe de Mezereō, ubi ponitur generalis regula infundēdi medicinas.

*Confectio alia Galeni, & est confectio de acetosis, &c. XXXVI.*



**C**ONTENDUNT aliqui, & volunt non esse Galeni præsentem confectioem, ob id quia sandalos, & camphoram recipit. Sed de hoc satis diximus in electuario de aromatibus. Unde siue sit, siue non sit ipsius Galeni, parum refert, dūmodo sit optima confectio. Dicit Author, quod est confectio de acetosis confectioibus. Quasi dicat. Hæc est vna ex confectioibus acetosis, quia cōficitur cum rob acetositatis citri, vel rob acrestæ, &c. Notandum autem, quod per multas impressiones in præsentī descriptione, defunt quatuor simplicita: videlicet, semen melonis, & semē acetosæ, cum suo pondere scilicet 3. iij. & semē portulacæ, & buglossæ semē, cū suis pōderibus, scilicet añ. iij. s. In Antidotario à nobis emendato, omnia locis suis locata, & suis veris ponderibus restituta reperies: quia multoties aliqua, quæ in paucis libris, puta in vna impressioe vel duabus, aut in vno vel duobus, vel tribus libris manu scriptis sunt errata quæ præterimus, & illa tantū notamus, quæ in libris pro maiori parte habētur minus correctā. In ipso autem Antidotario, omnia erunt ad amūssim castigata, & diligēti studio perscrutata, ac à peritissimis viris examinata, & approbata: propterea quære ibi.

*De Cubebis.*

**P**Lurimos Authores, pro cubebis declarandis, percurrimus. Etenim legēdo tot varias opiniones, mēs quæ quiescere desiderat, in maioribus perplexitatibus, & dubijs, irretiri videtur. Antonius Musa Brasaulus non parum laboravit super hoc, nec ipse nobis ad plenum satisfecit. Nos verò sine dubio dicimus, quod veris caremus cubebis, si volumus Plateario credere, qui ait: Eligenda est, quæ acutum habet saporem, cum multa aromaticitate. Istæ autem cubebæ, quibus communiter pharmacopœlæ vtuntur, non solum non habent acutum saporem, sed cum

qua

quadam pauca amaritudine insipida sunt, & nullam præbent aromaticitatem. Præterea Pandectarius capitulo de Cubebis, scribit authoritate Plinij, tres cubebæ species: videlicet duas priores syluestres, quarum prima concordat descriptioni Platearij, quasi ad litteram. In ipsa autem attestatione Pandectarij non signatur locus, ubi Plinius hoc dicat. Nos autem nusquam in Plinio valui-  
 mus talem clausulam inuenire. Vnde aliquando dubitauimus vo-  
 lumen Pandectarij, vitio librariorum (vt sæpe fit) in hoc esse de-  
 prauatum, & Platearius, non Plinius esse legendum. Sed reuera  
 hoc esse non potest, quia in Pandectario notantur tres species, &  
 Platearius de vna tantum loquitur. Si autem hæc Pandectarij de-  
 scriptio fuisset vera, verè apud nos duæ cubebæ species inue-  
 nirentur, videlicet prima & vltima: quia vltima quæ pro domesti-  
 ca scribitur, haud dubiè esset species cubebæ, qua communiter  
 vtuntur aromatarij. Et prima, cuius grana sunt minora, & si-  
 cut piper acuta, adhuc in nostra officina habetur, & possumus  
 omnibus ostendere. Quas cubebas, & pro cubebis à quodam mer-  
 catore Veneto habuimus. Veruntamen si sunt Platearij cubebæ,  
 nescimus. Nobis autem videntur esse meliores his, quæ in offici-  
 nis cõmuniter habentur. Libenter enim huius rei veritatem edi-  
 fceremus. Cæterum, multi decipiunt credentes myrtum agrestem, esse  
 cubebas, inter quos Simon Ianuensis, Pandectarius, & Luminare *Simō Ianu-  
 Maius*, quibus bonus vir in cõfectione Anacardina, multa confun-  
 dit, volens quod myrtus alba, myrtus agrestis (quæ aliter bruscus, *sis, Pædecta  
 rius & Lu-*  
 & ruscus, siue ruscus dicitur) cubebe, brusgi, abrugi, & alia plu-  
 ra sint vnum & idem. Etenim myrtus alba, non est myrtus agre-  
 stis: quoniã Dioscorides facit cap. de myrto satua alba, & nigra:  
 & cap. separatim de rusco, id est de myrto agresti. Et quod myr-  
 tus agrestis nõ sit abrugi, probatur per Serapionem, qui facit cap.  
 de myrto agresti sub titulo de cubebis: & separatim cap. de abru-  
 gi &c. Cubeba autem apud Græcos, carpesium vocatur. Et hoc  
 clarius in hiera picra Galeni ostendimus. Vnde miramur de fa-  
 ruitate quorundam istorum iuniorum, qui conantur probare myr-  
 tum syluestrem esse carpesium, id est cubebas. Nam carpesium est  
 semen valde odoratum, sine nucleo osseo: & ita virtuosum, quod  
 (vt in cõfectione de cinnamomo iam diximus) pro cinnamo-  
 mo ponitur in medicinis. Semen autem rusci, id est myrti sylue-  
 stris, cum recens frangis, fortiter non parum perferentis. Et alia plu-  
 ra sunt, ex quibus probatur, myrtum agrestem non esse carpe-  
 sium: pro quo lege Hermolaum in corollario de myrto syluestri.

Lege

Lege & Ruellium in primo & tertio de natura stirpiū, vbi & asserit, ab Actuuario doctore Græco, & barbaro vteute vocabulo, cubebas vel combebas scribi. Quod autem capitulū Serapionis de myrto agresti, intitulatur de cubebis, à malo interprete esse factum, haud, qui rectū iudicium habuerit, negabit. Siquidem non de cubebis, sed de myrto agresti, vel de rusco, siue (vt mauis) de brusco intitulandum erat. Etiam quæ in calce ipsius capituli leguntur: Ego postquam aggregaui, &c. non Serapionis, sed ipsius interpretis iudicantur esse verba illi capitulo addita. Qui interpretes, scilicet Simon Ianuensis, etiam in sua clauī, in litera Kubebe, eadem verba ad literam (falsò tamen cum authoritate Serapionis) posuit. Errant etiā magnopere qui pro cubebis, semē viticis, id est agni casti accipiunt. Differt enim vitex à carpesio, &c.

*De Fausfel.*

**F**ausfel, siue fusel secundū Serap. & Auic. est fructus similis nuci muscatæ, & est propriè auellana Indica, quæ habet virtutes & proprietates sandali rubei: vnde Rhasis in 3. ad Almansorem etiā dicit: fausfel, id est auellana Indica. Sed quia amplius nō exportatur de ipso fausfel, authoritate præfatorum authorum loco eius possumus vti sandalo rubro.

*Confectio de prunis, &c.*

XXXVII.



**R**EPERITVR per omnes impressiones, & in presenti descriptione error, videlicet vbi legitur: Zucchari albi lb. j. aquæ violarum lb. ij. &c. Et enim antiqua exemplaria super hoc non vniformiter se habent. In nullo tamen est, aquæ violarum lb. ij. sicut impressiones habent. Vnde sciendum, quod dictorum exemplariorum quædam habent sic: zucchini albi lb. j. vel ij. Hincq; sine aqua violarum sequitur: Conface, &c. Quædam autem absolute sic: zucchini albi lb. ij. Decoque, &c. Et quædam: zucchini albi lb. ij. aquæ violarum lb. j. Et quædam: zucchini albi lb. j. aliàs ij. aquæ violarum lb. j. Et quædam: zucchini albi lb. ij. aquæ mellis lb. j. Et quædam: zucchini albi lb. j. aquæ violarum lb. j. Et quædam: zucchini albi lb. j. aquæ mellis lb. j. Et quædam: zucchini albi lb. ij. s. aquæ violarum lb. j. Ita quod in quolibet istarum varietatum sunt tres, vel quatuor, vel quinq;, aut sex libri, qui conueniunt, concordantes se ad inuicem. Nam certum est, quod lb. j. zucchini est parua quantitas ad duas libras carniū prunorum. Vnde coniectauimus rectius stare se-  
cund

cundum illa exemplaria quæ habent: Zucchari lb. ij. s. sed quia in exordio ipsius descriptionis legitur, quod hæc confectio soluit naturam: ideo hoc potentiùs faciet, si addatur ipsi confectiõni lb. j. aquæ violarũ, quàm si sine ipsa conficiatur. Sed nota quod pro aqua violarum, intelligitur infusio violarum. Aqua mellis autem non ita conuenit. vnde saluo meliori iudicio, decreuimus legi: Zucchari albi lb. ij. s. aquæ infusionis violarum lb. j.

*De Prunis.*

**P**Runorum secũdum Dioscoridem, Damascena sunt laudabilia, & præstantiora. Et omnes ferè Authores cõcordant cum eo, præter Auicennam qui magis laudat Armena. Author noster capitulo proprio, vtraq; commédât, sed antepõnit Damascena. Et quia ipse erat Damascenus, in præsentí descriptione noluit scribere: Accipe pruna damascena. Quoniã existens Damasci, ipsa pruna valde satis erant nota omnibus hominibus diæ ciuitatis. Sed quia in partibus Damasci, sicut & in partibus nostris, varix sunt prunorum species, ideo posuit nigrorum, ad differentiam alborum: scripsit oblongorum, ad differentiam rotundorum: & muzorum, ad differentiam acerborum, & maturorum. Quia muzum dicitur omne illud quod est *Muzum.* medium inter acerbum & maturum, & inter dulce & acre. Lege etiam de hoc, in Diasiracost, vbi de pomis agitur. Pruna autem, quæ apud nos vocantur Damascena, habent omnes conditiones, & notas ab Authore descriptas. Illa ergo sunt accipiẽda pro tali, vel simili compositione. Præterea ad maiorem declarationem, quod debent esse pruna Damascena, Nicolaus in suo Diaprunis specificauit de Damascenis. Ergo illa sunt accipiẽda, in quorũ defectu, ex alijs melioribus aliorũ generũ, supplẽdũ est.

*Electuarium de Sorbis, &c.* xxxviii.



**S**UNT etenim & in præsentí descriptione aliqua menda. Prinium, vbi legitur: In aqua, in qua rosæ prius decoctæ fuerint, & corticum granatorum, rectius nempe legendum est, & cortices granatorum. Hoc enim mendum confundit sententiam, quoniam aliquis nouus & imperitus potest intelligere secundum talem literam, quod debemus accipere carniũ sorborum (non sorbarum) simul & corticum granatorum tres libras (non quatuor) quod quidem falsum est, & malè intellectum. Et ex hoc error patet, quia non potest quis scire quantum

quantum de vno, & quantum de altero est sumendum: videlicet si æquali pondere, vel plus de vno, quàm de altero, &c. Nam si post illam dictionem granatorum esset ana, fuisset tantummodo error contra Authoris intentionem, & lectio esset clara. Et quilibet de singulo acciperet tres libras, quamuis malè. Sed verus textus (vt in exemplaribus antiquis habetur) talis est: Accipe carniū sorborum immaturorū, vicinorū maturitati, & elixatorum in aqua in qua rosæ prius decoctæ fuerint, & cortices granatorum &c. Et est intelligendū quod in aqua decoctionis corticum granatorū, & rosarū, sunt elixāda sorba. Quantitas autē corticiū granatorum, & rosarum (quia hīc non specificatur) debet esse cum omni discretionē, vt non sit nimis superflua, neq; tam parua quod virtus electuarij debilitetur. De qua re hīc, & in similibus semper est curandum. Aliud mendum est, vbi post cortices granatorum sequitur lb. iiii. rectius autem lb. iij. vt est in cunctis exemplaribus correctis. Et sic est secundum veritatem.

*De Sorbis.*

**S**orba vulgaris notitiæ sunt plus, quàm vt declarari debeant. Sed miramur vnū tanta librorū deturpatio seu deprauatio quod scribatur barbarè Sorba, bæ: & sorbæ, sorbarum: pro sorbum, bi: & sorba sorborum. Nam apud omnes Grammaticos, & linguæ Latinæ peritos, nou nisi neutro genere legimus. Vnde Plinius lib. 23. Siftunt aluum sorba sicca, nam recentia stomacho, & aluo citæ profunt. Martialis: Sorba sumus molles niniūm durantia ventres. Palladius: Sorba suos partus meritō maioris honestant. Columella: Sorba manu lecta in vrceolos picatos adijcitur, &c. Arbor ipsius autem hæc sorbus, bi, dicitur.

SECUNDA PARS DISTINCTIONIS

*primæ, quæ est de Antidotis amaris, magnis.*

*Theriaca Diatessaron, &c. XXXIX.*



**Q**UID propriè significet Theriaca, & quare hæc compositio vocetur Theriaca, aliàs Deo concedente declarabimus. Cognominatur autem præsens compositio diatessaron: id est, de quatuor rebus. Tessara enim Græcè, Latinè quatuor significat. Nam mel non cōnumeratur inter res conficiendas: quoniam mel, zucarum, rob, & similia non conficiuntur, sed sunt res per quas, & in quibus cætera confici

confici possunt. & sic de quatuor rebus, absque melle intelligitur. Parua etenim est hæc compositio, sed magnas habet virtutes, ut in sui exordio patet.

*De Gentiana.*

**C**um absolute legitur Gentiana, de radice semper intelligitur. Gétianæ radix auté, aromatarijs notior est, quam ipsius planta: quoniam ipsi non colligunt herbas. Folia nuci iugládi, siue (ut nautis) plantagini proxima habet, &c. omnia ut Dioscorides scribit. Sed sciendum, quod ipse Dioscorides nihil de eius odore tetigit: unde plures hallucinati sunt, scribentes Gentianam nullum habere odorem, quod est falsum: quoniam Gentianæ radix est valde odorata, sed cum est recens, ita parum sentitur eius odor, quod non bene exercitatis, inodora videtur. Sicca autem optimum, & non paruum spirat odorem, ut quilibet experiri potest. Forſan isti qui negant Gentianam esse odoratam, recentem & non siccam odorarunt. Nam in rei veritate plura sunt quæ recentia minimum aut nullum spirant odorem: sed cum siccatur, deoccultant odorem suum: quapropter vide in pilulis de rheubarbaro.

*Triphera Saracenica magna, &c. XL.*



**T**RIPHERA, vel trisera, ab aliquibus interpretatur delicata, id est plena delicijs, seu delicijs assueta: quia reddit hominem lætum, tenerum, achilarem tanquam adolescentem. A nonnullis vero interpretatur iuuenilis, siue iuuenescere faciēs, ut testatur Nicolaus in sua Triphera Saracenica. Vtraque interpretatio cōuenit. Quamobrem Auicēna quarto can. fen. 7. tract. primo, capitulo 16. de eis quæ caniciem tardant, dicit specialiter esse tripheras factas ex myrobalanis, &c. Et ideo ad ea quæ faciunt ad prologationem vitæ, ingrediuntur triphera. Dicitur autem Saracenica, quia Saracenis primum excogitata fuit. In omnibus quidem tripheris tam Authoris nostri, quam aliorum, recipiuntur myrobalani, tanquam basis & fundamentum totius compositi: quia ad effectum huiusmodi tripherae consequendum, sunt magis convenientes myrobalani, quam aliæ res. Quod patet per dictum Auicennam, ubi supra, qui ait: Mastiatio quoti- *Canicie res*  
diana myrobalanorum kebulorum &c. tardat caniciem, fortasse *morantia.*  
conseruabit adolescentiam, usque ad finem vitæ. Hæc ille. Et nota, quod tripherae sunt sumendæ ieiuno stomacho: quod etiam,  
ubi

vbi suprà, probat ipse Auicenna dicens: Amator adolescentiæ sumat ex huiusmodi confectiõibus adolescentiani facientibus anno integro, super quas expectet vsque ad meridiem, deinde comedat cibum. Et hoc totum notatum habeas pro omnibus tripheris, & similibus cõfectionibus. Sed aduerte, quòd hanc cõpositionem nõ intrat cinnamomum, sed cinnamum. Falsò etenim per impressiões legitur in hac descriptione, cinnamomum, vt per exemplaria cuncta probatur, quæ cinnamum habent. Quid autem sit cinnamum, iam dictum est suprà.

*De Myrobalanis.*

**M**VLtũ fuerat conueniens facere declarationem de Myrobalanis, in aliqua istarum tripherarum: sed melius vitum est nobis fieri in confectiõne Hamech secunda propter aliquam causam inibi necessariò declarandam, propterea quare ibi.

*De Spica.*

**A**Nimaduertendum quòd in multis libris, & præcipuè impressis, in præsentì descriptione, bis est positum Spica. Luminare Maius quidem animaduertit errorẽ, & scripsit, quòd aliqui intelligunt vnã pro Spica nardi Indicæ: alteram verò, pro spica nardi Celticæ: & quòd ambæ debent ingredi compositionem istam. Si autem vtraq; est simpliciter, & absolutè descripta, quare potius prima accipiẽda est, pro nardo Indica, quàm secunda? Et si spica Indica est nobilior & melior Celtica, quare minus est sumendum de spica Indica, quàm de Celtica? Non enim sunt ponderatæ vnomet pondere. Etenim volunt, quòd prima intelligatur pro Indica, & secunda pro Celtica. Sed reuera est error in textu, quia in libris antiquis non est nisi semel: videlicet in primo ana, immediatè post foliũ. Certè Author malè & confusè scripsisset ambo sine cognomine. Cassetur igitur secunda descriptio spicæ, & pro prima, intelligatur spica nardi Indicæ. De spica autem, lege in Diamusco dulci.

*De Seitaragi.*

**N**ON possumus tot varias Doctorum opiniones, hĩc de Seitaragi necessariò declarãdas, breuibus restringere verbis. Ideò parcendum est nostræ prolixitati. Non sit vobis tædiosum vel semel legere, quod nobis non fuit molestum colligere, & magno labore describere. Igitur pro declaratione eius, quia non est vocabulum Græcum, neque Latinum, sed Arabicum, necesse est ab Arabibus incipere. Quid ergo dicit Serapio de Seitaragi? Inquit enim: Seitaragi, id est Hausab. Et sequitur autoritate Galeni:



leni: Virtus eius, & sapor, & odor, sunt similia virtuti, sapor, & odori nasturtij, nisi quia est minus desiccariuum. ipso, & calefacit in quarto gradu. Galenus autem septimo de Simplicium medicamentorum facultatibus. sub nomine lepidij, eisdem fere verbis: Lepidium (inquit) ex quarro est ordine excalfacientium, simile nasturtio, tum odore, tum gustu, tum viribus, sed minus eo desiccatur. Deinde ipse Serapio, autoritate Dioscoridis, quasi ad litteram dicit omnia, quæ Dioscorides de lepidio: excepto, quod Dioscorides tradit in principio, lepidium à nonnullis gingidium vocari. Ergo clarè constat seitaragi esse lepidium. Paulus Aegineta autem libro tertio, cap. 77. quod est de Ischiade, id est de coxarum morbis, dum loquitur de Iberide, ait: Quam nonnulli lepidium, alij verò agriocardium, id est, sylvestre cardium appellant. Quæ verò apud nos nascitur, fruticosa est, folia lauri comparia, & longe maiora possidens &c. Et idem Paulus, libro septimo scribit: Lepidium, quam & iberidam nuncupant, & reliqua omnia sicut Galenus posuit. Ex quibus colligitur idè esse seitaragi, haussab, lepidium, gingidium, iberis, siue iberida, & agriocardium. Quod quidem esse falsum mox ostendemus. Præterea Auicenna secundo canon. cap. de seitaragi dicit: Ille qui est Indus, est frusta ligni, parua, subtilia: & cortices, sicut cortices caryophylli. Et inde sequitur: Et ille, qui est fructus, declinat ad rubedinem & nigredinem, &c. Quæ quidem Auicennæ descriptio, usque ad hunc locum, non cõuenit cum villo Authorum, tam Græcorum, quàm Latinorum, quàm etiã Arabum. Et subsequitur: Et al seitaragi quidem oritur in parietibus antiquis, & ubi non ningit: (quod verius debet dici, ut correxit Andreas Bellunenſis, ubi nõ foditur, neque aratur) & habet folia sicut sunt folia nasturtij, &c. Et infra dicit: Et est sicut nasturtium, cuius sapor, & odor, simulantur cordumeni (ubi rectius putamus esse legendum cardaminæ, per quam herbam nasturtium aquaticum significatur) & folia eius sunt ipsi similia (vel secundum Bellunenſem, virtus eius est ipsi similis) & est calidus, & siccus, in fine secundi. Hæc Auicenna. Qui autem bene cõsiderabit capitulum ipsius Auicennæ de seitaragi, licet confusè loquatur, inueniet quod ipse nõ loquitur tantum de vna sola specie, sed plures differentes, imò plura genera sub hoc nomine tangit. Primum igitur seitaragi, siue primus (ut ipse scribit) quem ipse cognominat Indum, nõ est herba, ut patet in littera, sed est quædam species casii lignæ. Quod quidem testatur dictus Andreas Bellunenſis in sua interpretatione Arabico-

rum nominum, ac etiam in quinto cañ. ipsius Auicennæ, in pluribus cōfectionibus & electuarijs, vbi legebatur casia, vel casia Indæ, ipse Andreas rescripsit sytragi, vel sytragi Indi: quia sic fateatur esse in Arabicis exemplaribus. Etiam patet, quia in pluribus cōfectionibus & electuarijs filij Serapionis, in quibus legitur seitaragi, seu seitaragi Indi, in eisdem Auicenna loco eius habet casia, seu casia Indæ: vt in electuario Alfangius, & alijs pluribus. In nonnullis etiā cōfectionibus ipsius Auicennæ legitur casia, quæ loca dictus Andreas non permutauit. Vnde in illis locis non intelligitur seitaragi Indus, sed est alia casia species. Et confirmatur etiā per Rham in tertio ad Almanforem, qui ait: Setaragi, seu setarach, id est, casia. Etiā aduerte, quod in quibusdā cōpositionibus Auicennæ & aliorum, legitur cassia Persica, & idem est quod seitaragi Persicum: quoniam reperitur & seitaragi Persicum, vt in quinto Breuiarij filij Serapionis capitulo tertio de Baras, & alijs in locis habetur. Sed nota quod seitaragi, siue sytragi, siue fetragi, siue sitarag, siue sitaregi, & similia, idem significat: nec refert quomodocunque scribatur. Errore quidem librariorum, & imperitia peregrinarum linguarum, multoties vera vocabula vitiantur, vt patuit suprā in declaratione sandali machazari. Etiam de hoc seitaragi Indico loquutus est Hali Abbas secundo practicæ capitulo 42. quod est de medicaminibus quæ sunt ligna, numero 370. vbi dixit: Sitaregum melius Indicum, &c. secundum seitaragi autem quod scribit ipse Auicenna, est species cuiusdā fructus. vnde dicit: Et ille qui est fructus, &c. Et de hoc secundo præter ipsum ex tot Authorib. nō inuenimus adhuc aliquem loquentem. Deinde sequitur de tertio, dicens: Et alseitaragi quidem oritur in parietibus antiquis, & vbi non foditur, neque aratur &c. Quasi dicat, & ex seitaragi quidem est, qui oritur in parietibus &c. Cuius descriptio conuenit descriptioni Dioscoridis de iberide, quæ est in primo libro, penultimo capitulo. Et descriptioni Plinij de iberida, libro 25. capitulo 8. Et descriptioni Pauli, de iberida, libro & capitulo supradictis. Et descriptioni Aetij Amidem de iberide, siue cardamina, cap. 194. tertij libri: & cap. 2. libri, siue fermionis duodecimi. Etiam & descriptioni Vincentij Beluacensis, cap. 88. libri decimi speculi naturalis, necnon & descriptionibus Simonis lanuensis, & Pandectarij, de iberida, &c. Et eadem descriptio tertij seitaragi Auicennæ conuenit etiam descriptionibus Galeni, & Pauli de lepidio. & descriptioni Serapionis de seitaragi autoritate Gale-

ni, & descriptioni Pandectarij de lepidio, autoritate eiusdē Galeni. Dioscorides autē cap. de iberida, asserit eam vocari etiā cardamanticā. Ergo replicādo quæ suprà memorauimus, clare idē videntur esse seitaragi, hausa, lepidiū, gingidiū, iberida, agriocardamū, cardamantica, & cardamina. Quod si nō essent idem, eadē descriptio nō conueniret omnibus. Vt exēpli gratia, si seitaragi cōuenit descriptionibus præfatorū Authorū de lepidio, & iberida: ergo illud idē quod est seitaragi est lepidiū & iberida. Et quod est lepidiū, idem est iberida, & seitaragi. Et sic de singulis. Vbi sciendū, quod valde decipiuntur, qui simpliciter credunt idē esse iberidam, lepidium, gingidium, seitaragi, &c. Cū sit quod potest probari cōtrariū per Dioscoridē, Pliniū, & reliquos Authores, qui diuerſa de ipsīs capitula faciunt, scilicet de lepidio, de iberida, de gingidio, &c. Præterea descriptio Serapionis de seitaragi autoritate Dioscoridis conuenit (vt suprà dictum est) descriptioni ipsius Dioscoridis de lepidio: & in aliquibus cōuenit descriptioni Plinij de eodem, scilicet lepidio. lib. 19. cap. 8. Et descriptioni Pandectarij similiter de eodem, autoritate Stephani, sed nō conuenit cum dictis Auic. descriptionibus, excepto quod quedam operationes descriptæ in Serapione, & eadem in Dioscoride, conueniant cum quibusdam operationibus ipsius Auicennæ circa finem præfati cap. de seitaragi: licet ipsæ virtutes & proprietates in Auicenna descriptæ possint etiā inueniri in illis speciebus seitaragi, ab ipso positis. Vel etiam quia ipse Auicenna (vt patet in litera) aliqua audita narrat. Et quod audiuit de ista specie seitaragi, posita à Serapione, ipse contribuit suis speciebus. Vnde illud quod habet Serapio in fine (quod quidem est Dioscoridis) scilicet quod radix seitaragi suspēsa collo, sedat dolorem dentium. In Auicē. autem (fortā à malo interprete) legitur: si seitaragi radix suspendatur super aurem, sedat dolorem velicæ: absurdum nobis videtur hoc dictum. Si autē quomodo-  
cunque, parum facit ad nostram descriptionem. Præterea, si aliquis dicat, quod hæc descriptio Serapionis non sit distincta species ab illis Auicennæ, probatur quod est: quia Serapio ponit ipsam in tractatu de calidis & siccis in quarto: Auicenna autem dicit, quod in caliditate, & siccitate, nō transcendit secundū gradum: ergo nō est eadem species. Et sic cōcludendum est ex supradictis, quod sunt quatuor species seitaragi ad minus: quia etiam *Seitaragi* ultra hæc, est alia species seitaragi, seu casicæ, quæ vocatur *Perfica*. *quatuor species*  
Quia ipse Auicenna in quinto cañ. videlicet tractatu primo, in *cies*.

medicina quæ vocatur Donū dei, habet casiam Indam, quod est seitaragi Indū: & casia Persicā, quod est seitaragi Persicū. Quod quidē, in eodē loco, probatur per dictū Andream Bellunensem. Non obstante quod ipse Auicenna in suo capitulo de seitaragi, nihil loquatur de seitaragi Persico, forsan est illud, quod sub nomine fructus, secūdo loco describitur. Vel cōcludendū est, quod seitaragi est nomē cōmune, ad quatuor & plura & varia simplicia. Vnde, quādocunq; in aliqua cōpositione petitur seitaragi, est diligēter perscrutādū! de quo seitaragi Author intelligat. In ista autē triphera, Author noster speciatim posuit, Seitaragi Indi. Et dixit Indi, ad differētiā seitaragi Persici, & aliorū. Et intelligitur seitaragi positu ab Auicenna in principio suæ descriptionis de seitaragi. Et secūdū veritatē, est quædā species casie, propinqua casie lignæ, quæ ab aliquibus (vt diximus) vocatur casia Inda, ab alijs autē seitaragi Indū, siue (vt mauis) Indus, vt in multis descriptionibus antidotariorū Auicennæ & filij Serapionis clarissimē patet. Est enim res aromatica, quæ huic cōpositioni magis quā lepidiū, seu iberida cōpetit: loco cuius in hac triphera & ubiq; potest poni casia lignea. Illis in locis autē, in quibus seitaragi est intelligendū pro lepidio, si nō habetur ipsum lepidiū: rectē loco eius potest administrari rubea (vt ex calce cap. Auicennæ, & ex Galeni medicamētis inuicē alternāibus habetur) ac etiā nasturtiū, quia vt dictū est suprā, lepidiū æquipollet nasturtio tā viribus, quā odore, quā gustu. Etiā loco seitaragi lepidij potest poni iberida, quoniā easdē ferē virtutes habet. Nā teste Dioscoride, ambo coxēdicis prosunt &c. Attamē quia (vt diximus) non sunt idē lepidiū, & iberida, probatur per capitula diuersa, quæ de ipsis describuntur à Dioscoride & cæteris Authoribus. Sed quia cōmunes habebāt operationes, cōmunia fecerunt ipsorū nomina. Vnde iberida ab aliquibus vocatur lepidiū, & ab alijs lepidiū nominatur iberida &c. vt suprā in authoritatibus Dioscoridis & Pauli patuit. Et nō est mirū, cū res sint diuersæ, si nomina sint cōmunia, & æquiuoca: quoniā in pluribus rebus, etiā & herbis, cōsimilia videmus esse facta, ut apud Dioscoridē est Sideritis, & Heraclea &c. Etiā plurimi ex Iunioribus errant, vt Pādect. & ceteri qui declarant seitaragi lepidiū, esse nasturtiū agreste: quia licet Paulus & cæteri, iberidā, siue lepidiū, dicāt à nōnullis vocari agrio cardamū, hoc tamē per similitudinē, nō per essentiā dicūt. Quoniā (vt patet) omnes loquūtur per similitudinē, cū dicūt: Et est simile nasturtio, vel habet odorē & saporē nasturtij, &c. Et enim

*Seitaragi.*

*Seitaragi  
supplemia.*

*Pādectarij  
error de le-  
pidio.*

enim huiusmodi descriptiones ipsorū potius confundūt quā  
 aliquid declarāt. Vnde Simon Ianuēsis etiā in plurib. literis plura  
 cōfundit. Luminare Maius quoq; hallucinatus in Dianasturtio, *Luminare*  
 tanquā alter Aesculapius, aut Apollo, qui dubia solueret, iactan- *Maius in*  
 ter ait: Et hoc apud me fuit secretū. Certe ipse bonus vir in mul- *multis erra*  
 tis valenter se praeiuit, sed in aliquibus, & praecipue his, pessimē *uit.*  
 descripsit. Vnde declarationes quidē ipsius de seitaragi, lepidio,  
 iberide, nasturtio, casia, tapsia, senecione, & similibus ita cōfusa  
 sunt, quod cuilibet legēti, & bene perscrutāti sunt Chaos magnū  
 & impertrāsibile. Etenim ipse volens vnū declarare, circa duode-  
 cim simplicia cōfudit. Nec per hoc clarū factū est illud. Certum  
 quippe est, quod non omnia possumus omnes, fecit nanq; ipse  
 quod potuit: & si melius cognouisset quis dubitat quin rectius  
 fecisset? De seitaragi ergo satis diximus, sed quia pluries tactum  
 est, de lepidio, iberida &c. licet istam triphera nō ingrediantur,  
 tamē visum est nobis hīc percomodē esse ipsorū declarationem  
 breuiter annectere. Et primū de iberida. Iberis igitur, siue iberi- *Iberis.*  
 da ab Ibero Hispaniæ fluuiio (vt volunt aliqui) nomē accepit, iux-  
 ta quem maxima ipsius copia inuenitur. Sed prout potuimus  
 in Dioscoride, Plinio, ac alijs coniectare, vera iberida est illa her-  
 ba, quæ vulgō vocatur vincitoxicū. Herba quidē ipsa, prae mani- *Vincitoxi-*  
 bus habetur. Etenim intus, & extra vrbe, ac etiā praesertim in pla- *cum.*  
 tea Capitolij, & in ruinis murorū plurimū nascitur. Accipite er-  
 go ipsam plantā, & cōsiderate doctorū scripta, & apertē cogno-  
 scetis ipsam esse. Galenus autem & Paulus sub nomine lepidij  
 ipsam describūt ratione qua suprà, scilicet quod æquiuocāt ista  
 nomina. Ipse Paul. etiā memorato lib. iij. cap. de coxēdicis, quan-  
 do loquitur de iberide, tacitē tangit eam: illud tamen rememo-  
 rando, quod à nonnullis lepidium, & agriocardamum appella-  
 tur. Hinc subsequens declarat apud ipsos aliā speciē iberidis esse,  
 dicens: Quæ verò apud nos nascitur fruticosa est, folia lauri  
 comparia habens. Quæ planta à Plinio, praecitato libri 19. cap.  
 8. de lepidio loquente, videtur tangi cum dicit: folijs laurinix,  
 &c. Auicenna quidem & Serapio sub nomine seitaragi, ipsam  
 Dioscoridis iberidam depingunt. Sed Auicenna sub illis ver-  
 bis, videlicet: Et Alseitaragi quidem oritur in parietibus anti-  
 quis, &c. Serapio autem in principio capituli, autoritate Ga-  
 leni, verba iam suprà allegata refert. Et hæc satis de iberida.  
 Nunc igitur ad lepidium redeamus. Iam diximus, quod sunt *Lepidium.*  
 multorum opiniones, qui volunt lepidium & iberida. vnum

& idem esse: & inter alias ipsorum probationes, asserunt textum Dioscoridis in multis esse deprauatum, & quod primo libro sunt addita duo capitula: scilicet vltimum, quod est de halicacabo: & penultimum, quod est de iberide. Quia non bene videtur stare descriptio istarum duarum herbarum inter arborum descriptiones. Et quod ad maiorem certitudinem (vt testatur Marcellus Virgilius Florentinus) in aliquibus Græcis exemplaribus correctis non reperiuntur. Nos ipsis certè dedissemus fidem, si apud alios Authores non inuenissemus quod cōtrariari possit. Si igitur textus Dioscoridis est deprauatus, quid dicendū de Plinio, qui iberidā 25. libro, lepidium antè 19. scribit? Et quid de Vincentio & ceteris, qui diuersa de ipsis capitula faciunt? Et nec Dioscorides, nec Plinius, neq; ceterorum aliquis dicit idem de lepidio, quod de iberida, sed vt res diuersæ sunt, ita in diuersis cap. diuersa loquūtur. Dioscorides enim dum loquitur de iberide, testatur ab aliquibus vocari cardamāticam, & non lepidium. & in cap. de lepidio, ait: Lepidiū aliqui gingidium vocāt. Et nec in cap. de iberida, facit mētionē aliquam de lepidio: nec in cap. de lepidio aliquid de iberida: loquitur. In cap. autem de gingidio, scribit ab aliquibus vocitari lepidiū. Et quamuis lepidium dicatur gingidium, & gingidium vocetur lepidium: non tamen probatur idem esse lepidium, & gingidium: sed bene diuersum. Igitur sicut lepidium & gingidium apud Dioscoridem vocatur alterum pro altero, ita apud Paulum & alios, iberis & lepidium erunt. Salua tamen semper veritate, ac prudentiori iudicio, nos certè tenemus, quod iberida sit aliud diuersum à lepidio. Et in hoc magis adheremus Dioscoridi & Plinio, quàm Paulo & ceteris contrarium asserentibus. Quid sit igitur intelligēdum pro lepidio, iuxta nostrum & quamplurimorum expertorum ad hoc consultorum iudicium, Deo fauente, succinctè vt erit possibile, declarabimus. Dioscorides enim secundū Ruellij translationem 193. cap. secūdi libri, breuiter loquens de lepidio, dicit: Lepidium aliqui gingidium vocant, herbula vulgò nota, muria cum lacte seruat &c. Ex quibus habetur, quod ipsius tēporibus erat ita omnibus notissima plantula, quod subtrixit formam eius. Sed hodiernis temporibus, apud nostros, etiam exercitatissimos later. Vltra mare autem, scilicet apud Aegyptios, & Syros, vt testatur Marcellus Virgilius: & in Pannonia, vt scribit Hermolaus Barbarus, adhuc est in frequenti vsu. Neuter tamen ipsorum aperte depinxit formam ipsius plātulæ. Plinius autem asserit lepidium  
seri,

feri, & quòd in cubitalem altitudinem extollitur, folia lauri habens, scilicet figura: tactu autem non dura, vt lauri folia arboris, sed mollia, multarum aliarum herbarum similitudine. In fine autem, vt Dioscorides & ipse ait: Vfus eius nò sine lacte. Ex quibus Plinij verbis colligitur forma foliorum lepidij, & altitudo plantæ, & quòd reperitur satiuua. Columella cap. 8. vltimi libri de re rustica, ostendit duas esse lepidij species, scilicet syluestrem, & satiuuam: & vtriusque speciei folia, muria, & lacte condiri. Quod etiam posuit dictus Marcellus, in sua adnotatione. Hermolaus etiam in suis corollarijs scripsit, à Columella duplici specie lepidium scribi, scilicet syluestre, & satiuum. Hinc addit, quòd quidam accipiunt syluestre, pro iberide: & satiuum, pro lepidio. Hoc etenim Hermolai iudicium, multum nobis videtur veritati proximum: cui scripta Pauli, & aliorum, omni contradictione seposita bene conuenire valeant. Quia ipse Paulus lib. 7. cum loquitur de lepidio, de syluestri quidè intelligit, id est de iberide: quod clarè patet memorato libro 3. cap. de coxendicis. vbi de vtroque lepidio loquitur, sub nomine iberidis: quonià, vt diximus, vtroque nomine vtrunque appellat. Et primum de syluestri loquens, dicit, quòd ischiadicis prodest vsus herbæ iberidis, quam & lepidium, nonnulli verò agriocardamum appellant. Vnde quia syluestre lepidium est, rectè putamus à nonnullis agriocardamum, id est syluestre, & non satiuum cardamum appellari. Hinc sequitur de altera lepidij specie, id est satiuua, quam iberidà nominat, dicens: Quæ verò apud nos nascitur &c. Nam semper ista circuloquutio, apud nos, potius refertur ad res domesticas, quàm ad syluestres: & ideò dictū Pauli sic interpretari potest: Quæ verò apud nos nascitur, id est, illa verò quam ferimus. Et sequitur: fruticosa est, folia lauri comparia, &c. Et sic non discordat à Plinij descriptione, qui dicit lepidium feri, & habere lauri folia, &c. Et concordat cum descriptione de seitaragi, autoritate Dioscoridis, &c. His visis, restat adhuc concludendum, & declarandum, quid apud nos propriè sit hoc lepidium, & quo nomine apud vulgares habeatur. Enimvero iudicio plurimorum fidedignorum, ac nostro, vt omnes simul perscrutati sumus, aut est illa herba, quæ vulgò vocatur piperella, quia (vt Hermolaus scribit) herbarij hodierni eam non lepidium, sed raphanum appellant. Hæc herba quidem piperella, habet odorem acutissimum, nec non & saporem medium inter nasturtium & raphanum. Igitur non est multum à veritate alienū, tenere hanc piperellam, esse lepidium.

Aut esse illa, quæ vulgari vocabulo apud nos dicitur Crapinella, vel caprinella. Quia dicit Simon Ianuensis in litera Sceitaragi, quòd quidam sceitaragi vocauerunt nucem viduarum, seu nucem captiuam. Et nos quidem paucis antè annis, proprijs auribus, à quodā aurifice de regno Neapolitano oriūdo (dum ostendebamus ei dictam crapinellam, interrogādo de nomine & proprietate ipsius, quia sciebamus ipsum curiosum in cognoscēdis herbis, & quòd habebat multarum herbarum cognitionem) audiuius in patria sua, nucem captiuam nūcupari. Etiam à quodam sacerdote Siculo, nomine Iordanus de Caruba Messanēsis, habuimus, quòd in Sicilia, pluribus in locis, tali nomine, scilicet nux captiua, appellatur dicta crapinella. A quampluribus quoq; alijs dictum est nobis, quòd in multis locis Italiæ, tali vocatur nomine, scilicet nux captiua. Scimus etiā & in partibus Apuliæ, viduas mulieres, nūcupari captiuas: vnde nux captiua, quasi idem significat, quod nux viduarū. Et licet ipsa crapinella habeat paruum odorem, in cōparatione nasturtij: tamen in sapore est acutissima, & cum mordicatione multa vlcerat, quamobrem potest & ista etiā intelligi pro lepidio. Et tã ista quàm supradicta piperella in folijs, & ferè omnibus alijs particularitatibus, cōueniūt descriptionibus Dioscoridis, Plinij & aliorum, de dicto lepidio. Enimuero in hoc ipsi Authores valde confusè loquuntur, & videtur in ipsorum descriptionibus modo vna, modo altera tangi. Pro certo autem tenemus, quòd altera ipsarum est lepidium. Vtraque enim est vlceratiua: quoniam vtriusq; acrimonia maxime viget: folia lauri similia, & maiora sunt: & præsertim piperellæ folia. Quæ piperella quidem, à nonnullis feritur, quoniā vtuntur ea in embammatibus. Caprinella autem sponte nascitur, & intus, & extra urbem, incultu gaudet solo &c. Neutram tamen cum lacte vnquam comedimus. In iò nullus est qui audeat comedere crapinellam. Quæ autem ipsarum sit intelligenda, pro lepidio: arbitrio prudentiorum dimittimus. Nobis autem potius placet, si pro dicto lepidio intelligatur crapinella, quàm piperella: quamuis hodiè non feratur crapinella, nec comedatur: attamen qui vult, potest illam ferere, atque comedere, sed cum lacte duntaxat: quoniam non sine lacte vescebantur ea antiqui. Multa nempe antiqui comedebant, quæ hodierni respuunt, ac vilipendunt. Insuper si quis obijciat, dicens, quòd crapinella non potest esse lepidium, quia Dioscorides diminutiue herbulam, siue plantulam scripsit, scilicet parua herbam esse lepidium, crapine



crapinella autem non est parua planta: ergo non est lepidium. Ad hoc respondemus, quòd si Dioscorides dicit herbulam, Plinius autem asserit in cubitalem altitudinē extolli. Testatur etiā & Paulus, fruticosam plantam esse. Crapinella quidem rarissimē transcendit mensuram vnius cubiti extēsi: ergo bene potest esse lepidium. Præterea videmus per experientiam infinitas plantas, tam arborum quàm herbarum, in vno loco magis quàm in alio fruticare, & abundare in stipitibus, folijs, &c. Quapropter quid mirum, si apud Dioscoridē erat parua planta illa, quæ apud Plinium eleuabatur, in cubiti altitudinem? Cùm ex varietate locorum, & cælo, sæpe hoc accadat. Postremò sciēdum, quòd piperella apud Serapionem, capitulo de ligno aloës, non est herba, sed fructus cuiusdam generis ligni aloës, de quo nihil est dicendum in hoc loco. Multa, & alia (quæ si scripsissemus, fuissent lectu digna) causa breuitatis, tanquam minus necessaria dimisimus. Hęc quidem satis.

*De Rheubarbaro, seu Ruta.*

**E**st animaduertendū, quòd descriptiones huius triphæræ per libros varios, variæ habentur: & tam libri antiqui, quàm impressi, non conueniunt inter sese, super vno simplici: videlicet, quòd quidā libri impressi post lignum aloës, habent rheubarbarum, & quidā rutā, & consimiliter antiqua exēplaria: sed maior pars impressorum habent rheubarbari impressum, econtrā autē maior pars exēplariū habent rutæ descriptum. Veruntamē (saluo semper meliori iudicio) in tam optimā cōpositionem iudicamus potius esse admittendū rheubarbarū, quàm rutam, quia, vt probatur per capitulum Dioscoridis, ruta habet multas operationes cōtrarias huic cōfectioni. Vt exēpli gratia, extinguit geniturā, &c. Ethic error ex abbreviationib. scriptorū processit, &c.

*De Origano Persico.*

**O**rganum Persicum, quod habet Autor in præsentī descriptione, & in triphera minori ex arte Fenonis, & alibi, nil aliud est, quàm organū de illa regione Persia. Sæpe enim apud Serapionis filiū, & apud Auic. in suis antidotarijs, habetur organum Persicū. Etiam apud dictū Auic. in quinto casū. tractatu primo, videlicet in Scelite, legitur & organum Persicum, & organū Alincū. Sed hæc organi genera, neq; à Diosc. neq; à quocquam aliorū notātur, in suis de Simplicibus. Quapropter cuius virtutis & proprietatis sit organum Persicum, scire non valeamus. Apud omnes ferè Authores, organū Heracleoticū lauda-

bilius habetur. Si autem origanū Perficū est idem cum heracleotico, vel si est alia species inferior seu laudabilior eo, nescimus. Siquidem certum est, quòd si hæc species origani Perfici fuisset nobilior alijs sui generis speciebus, Diosc. Flinius, & cæteri, silentio non præterissent. Et si hoc origanum Perficū est vna de inferioribus speciebus, miramur quare Author in tam nobiliori cōpositione voluerit tale origanum perficum potius, quàm heracleoticum ab omnibus approbatū. Præterea de origano quidem dicit Antonius Musa in suo examine, quòd hoc origanū quo cōmuniter vtimur, est illud quod Dioscorides cognominat heracleoticū: verūtamen hoc nobis nō clarē cōstat. Nam Dioscorides ait, quòd origanū Heracleoticum habet folium non dissimile hyso. Folium autē origani vsualis multū differt ab hyso. Vnde vel hoc non est origanum, vel illud non est hyso. Dioscorides enim folium hyso non describit. Præfatus autem Antonius dum pertractat de hyso, probat hoc quo vtimur, non esse hyso: & sic secundum ipsum habemus origanum, & caremus hyso. Sed si descriptionem simplicium nostri Authoris obseruabimus, certē hyso erit apud nos, & nō origanum: quia (vt diximus) Dioscorides vult origanum habere folia similia folijs hyso. Secundū Authorem nostrum autem, nos habemus hyso. Sed si est idē cum Dioscoridis hyso, certum non habemus: quoniam hoc hyso Authoris nostri, non habet flores & semina in corymbis, vt vult Dioscorides, qui capitulo de chryfocome ait: Comatibus corymbis figura hyso &c. Si hyso Dioscoridis non cognoscitur, minimē potest cognosci origanum. Secundum Authorem nostrum autem, hyso est simile thymo. Et quidem patet quod hoc hyso quo vtimur, habet folia similia thymo, licet maiora. Sed secundum Serapionem, hyso est simile maioranæ: multū enim differt maioranā à thymo. Præterea dicit ipse Serapio, capitulo de origano, autoritate Dioscoridis: est origanum trium specierum. vna dicitur heracleotica, habens folia similia folijs hyso, & capita non rotunda, sed velut diuisa &c. Si ergo secundum ipsum Serapionē, hyso ahsimilatur maioranæ, potest esse quòd hoc origanū (vt vult dictus Ant. Musa) sit illud heracleoticum Dioscoridis. Cōstat enim maioranā habere folia obrotunda: quibus per cōmodē possunt ahsimilari folia huius origani vsualis. Et sic secundū Serapionē habemus origanum, & non hyso: & secundum Authorem nostrum habemus hyso, & non origanū.

Sed

Sed reuera, si hæc in Dioscoride repetamus, vtrunq; ignoramus. Dum ergo non habemus meliorem notitiam de ipsis, & hoc pro origano siue Persico, siue Heracleotico, & illud pro hyssopo, vbi-  
cunq; opus erit ponendū in compositionibus, non prohibemus. Etiam loco origani potest administrari hæc, id est thymus, teste  
Auicenna, qui in cap. de origano dicit, quod origanum est in po-  
tentia sicut hæc, & syrupus eius est sicut syrupus alhæc.

De Musco.

**Q** Vasi semper in hoc simplici codices sunt varij, vnde q plus  
& qui minus habet de ipso simplici, scilicet in vno & eodē  
loco. Vera etenim litera de Musco, in præsentī tri-  
phera talis est: Et sunt qui aromatizāt, cū Musci drachmæ vnus  
quarta. Quomā multa exemplaria sunt, quæ in hoc concordant.

*Triphera muscata, quam fecit Alcāzi, &c. XLI.*



**P** RÆSENS triphera cognominatur muscata,  
à musco ipsam ingrediēte, tanquam à re nobilio-  
ri. Errores huius descriptionis cum simplicibus  
declarabuntur.

De Casia, quæ est Inda.

**M** Vltimū profectō vitio recētorum scriptorum, & impres-  
sorū mendosi facti sunt libri, & præcipuē medicinales: vt  
sunt antidotaria, & volumina de simplicibus, seu compositis me-  
dicinis pertransantia: partim ex ignorantia vocabulorū, partim  
verō ex parua simplicium cognitione, vnaquisq; inconsultē vt sibi  
visum est, nō simpliciter ab exemplaribus transcribendo, sed per-  
mutando, vitiando, peruersē declarādo, addendo, minuendō ve  
scripsit, siue impressit. Vnde legitur equidē in præsentī descriptio-  
ne per omnes impressos & incorrectos libros, casia: & post casia  
immediatē, spica Indæ &c. Et vtraque dictio, scilicet casia & spi-  
ca, à puritate, & rectitudinis sensu est amota. Et licet ad spicā ni-  
hil aut parū faciat si scribatur cū cognomine illo, aut sine: quia  
semper spica simpliciter scripta, intelligitur spica Indica nardi, id  
est spica aromatica. Attamē aliter est dicēdū de casia, quia casia, te-  
siue (vt maui) casia absolute descripta, nō intelligitur Inda, sed  
lignea. Et quamuis casia lignea nascatur in India, nō tamē si scri-  
bitur casia Inda intelligitur lignea. Aliud est enim casia Inda, &  
aliud casia lignea: quia per casia lignea absolute, intelligitur ca-  
sia masolites, propinqua cinnamomo, virtute & bonitate, &c. *Casia lignea.*  
Casia Inda autem est species casia lignee, sed inferior supradicta, *Casia Inda.*

quæ

quæ alio nomine vocatur *seitaragi Indum* : de quo multa supra in triphera Saracenica. Sed dicet forsan aliquis: Si casia lignea est masolites, & est nobilior, quare non potius administratur ipsa semper, vbicunque petitur casia, vel *Inda*, vel lignea? Ad hæc respondemus, quia fortasse Author cognouit in casia *Inda* aliquam virtutem, seu proprietatem, pro qua magis competit huic confectioni casia *Inda*, quam casia lignea. Et si ei sic placuit, non est nostrum permutare, neque addere, vel minuere, nisi necessitate compulsi, in defectu proprii simplicis supplere velimus per æquiualens. Et nunquam si habetur proprium simplex est permutandum in aliud, siue melius, siue peius: quia hoc facere est potius boni medici, quam aromatarij. Vnde Auicenna in quinto can. tractatu de Theriacis, circa principium, ex Galeno accipiens, dicit: Et meum quidē consiliū est, vt nō remoueant aliquid, quod experimētum iuuatiuū inuenit: fortasse enim illa complexio cum illo pondere &c. Author igitur noster (vt per antiqua exēplaria clarē constat) in præsentī descriptione non vult casiam ligneam, sed casiam *Indam*, quæ (vt dictum est) est *seitaragi Indum*. Sic enim legitur in omnibus præfatis antiquis, & correctis exēplaribus: *Casie Indæ, spice, &c.* Recentiores autem librarij (vt coniectamus) auferentes à casia illa dictionem *Indæ*, contribuerūt spice, & dictionibus inuersis impresserūt sic: *Casie, spice Indæ, &c.* Et vbi prius intelligebatur *seitaragi Indum*, modo intelligitur casia lignea. Igitur scribatur rectē sic: *Casie Indæ, spice, &c.* Potest insuper quis obijcere dicens: Quod si idem est *seitaragi Indum*, & casia *Inda*, quare Author non scripsit in præsentī triphera, *seitaragi Indi*, sicut fecit in supradicta triphera saracenica: sed scripsit *casie Indæ*? Respondendum, quod Author noster non scripsit Latine: sed interpret considerans quod in dicta triphera saracenica, immediate ante *seitaragi Indum*, est posita casia, quæ est casia lignea, noluit iterum scribere casiam, ne esset aliqua dubitatio in legendo: sed posuit per vocabulum Arabicum *seitaragi*, & addidit *Indi*, ad differentiam aliarum specierum *seitaragi*. In præsentī autem triphera, quia non erat iterum casia, placuit ei (sicut & in multis alijs confectionibus fecit) scribere casiam *Indam*. Et non solum in hoc, verum etiam & in multis alijs simplicibus, interpret transferendo vnum & idem simplex, modo Latinis, modo Græcis, modo Arabicis, siue Chaldaicis vsus est verbis. Vt patet per varias huius operis descriptiones.

De *Baucia*, & *Dauco*.

**N**on defunt, & præcipuè recentiorum, qui *Bauciam*, & *Daucum* vnum & idem esse affirmant. Etenim *Serapio* de eis separatim capitula facit, & *Bauciam* inter plantas calidas in secundo, *Daucum* verò inter calidas & siccas in tertio, scribit: ergo non sunt idem. *Dioscorides* quidem sub nomine *Bauciæ* cap. non habet, sed sub nomine *staphyllini*, siue *Pastinacæ* erraticæ, quod idem est. Vt patet concordando cap. *Serapionis* de *baucia*, cum capitulo præfato *Dioscoridis* de *staphyllino*. Et infra ipse *Dioscorides* habet cap. de *Dauco*, quod concordat cum capitulo de *dauco* *Serapionis*. *Marcellus Florentinus* autem super capitulo *Dioscoridis* de *pastinaca* erratica multa dixit: vltimatè concludit idem esse *daucum* & *pastinacam* erraticam: & quòd *Dioscorides* non à diuersitate rerum, sed à varietate locorum & virium, varia de eis scripsit capitula. Nos autem salua semper veritate, sicut de eis *Dioscorides*, *Plinius*, *Serapio*, & alij fide digni auctores diuersa faciunt capitula: ita credimus, & absque dubio tenemus res esse differentes. Præterea, nonnulli dicunt quòd *daucus* est semen *bauciæ*, quod ita non esse, facile probatur per *Auicennam*, in quinto can. videlicet, in descriptione quæ intitulatur *Ars scorix decoctæ*: & est prima descriptio, in qua habet semen *bauciæ*, & semen *dauci*, immediatè vnum post alterum. Si autem *daucus* est semen *bauciæ*, ad quid iterum posuit semen *dauci*? Nunquid reperitur semen de semine? Vt possit stare *daucus* pro semine *bauciæ*: & semen *dauci*, pro semine seminis *bauciæ*? Non obstante, quòd ipse *Auicenna* in descriptionibus suis de *dauco*, & *baucia*, seipsum confundat. Sed nota, quòd *Auicenna* scribit cap. *bauciæ*, in litera g, sub nomine *gezar*, quod quidem *Luminare Maius* minime animaduertit: quia in *Diacurcuma* magna, declarans *daucum*, asserit capitulum *bauciæ* *Auicennæ* non reperiri. Insuper autem multa fuissent tanquam necessaria interferenda, pro tot diuersitatibus opinionum Doctorum de *dauco*, & *baucia* declarandis: sed vt ne lectionis prolixitate legentis animus fastidietur, curiosis lectoribus omnia perscrutanda relinquimus. Hoc tamen non prætereundum existimamus. Quia cum sint plures *dauci* & *bauciæ* species, & inter se *daucus* & *baucia*, siue *pastinaca*, parum differant: nõ pro multo inconuenienti tenemus, administrari alterum pro altero. Sed quia *daucus* *Creticus* *Daucus Creticus* est cæteris laudabilior, si potest haberi, apponatur tam pro *dauco*, quàm pro *baucia*. Apud nos quidem tres tantum species *bauciæ*,

*Pastinaca  
sylvestris.*

cia, seu pastinacæ, id est staphyllini reperiuntur: duæ sylvestres, & una domestica carota, seu cariota vulgò nuncupata: quæ quidem (vt supra diximus) est genus carui. Sylvestrium autem vna eleuatur in cubitalem altitudinē, & aliquando plus vel minus, secundum loca, quæ in medio umbellæ floridæ & albæ habet aliquid parū cœrulei, seu violacei coloris. Quam equidē speciē, pro baucia, siue erratica pastinaca, siue carui agreste, recipimus: quia Dioscor. descriptio, & aliorū de pastinaca erratica, & descriptio Serapionis, & ceterorū de baucia, magis cōueniunt hanc, quàm alteri. Specie autem altera (cuius planta vltra palmum rarò asurgit, & locis asperrius, & montanis ad meridiem expositis, vt plurimum gignitur) loco veri dauci vtimur: quia Dioscorides cap. de dauco, tria genera scribit, quorum primum ad vnguē conuenit huic plantæ, vt ve. itasin re ipsa apertissimè videri potest. Et radix huius plantæ est optima, vt in fine cap. ipse Dioscorides notat, quod genus, Creticum nominat: quia in Creta melius, & semē eius odoratus, & laudabilius videtur omnibus. Sed communiter aromatarij semine maioris plantæ, scilicet bauciæ, pro dauco vtuntur. Secundum autem daucigenus à Dioscoride descriptum, adhuc incompertum habemus. Tertium autem genus, suspicamus esse speciem carui, quam Serapio in cap. de carui, auctoritate Aben mesuai, describit: quæ species in Hispanijs est in frequētis, & ab ipsis caroueia, siue carauicia vulgò, & alcarauicia dicitur. De qua satis in superioribus dictum est.

*De Cinnamomo, quod est Cinnamonum.*

**I**N præsentem tripheram non intrat Cinnamonum, sed Cinnamonum. Mendosè enim legitur per omnes impressiões, cinnamomi. Lege igitur rectius cinnami, vt est in cunctis antiquis exemplaribus correctis.

*De Scoria.*

**I**N fine descriptionis huius tripherae, ferè per omnes impressiões legitur mendosè: Et quandoque ponuntur in ea scorice ferri nutritæ 3. ij. Verius legendum est 3. ij. Errore enim librariorū posita est ibi 3. pro 3. Nam cuncta exemplaria antiqua & libri correcti cōcorditer habent 3. ij. & ita debet esse. Et si aliquis obijciat, quòd tanta quantitas scorice sit superflua, respondebimus ei, quòd si in sequenti triphera, quæ ponitur auctoritate Galeni, & in descriptionibus quinti canonis Auicēne, & septimi Breuiarj filij Serapionis, quæ vocantur de scoria, potest poni de ipsa scoria ad pondus omnium aliarum medicinarum: quare hic non possunt

possunt admitti 3.ij. quarum pondus non ascendit ad quartam partem ponderis aliarum medicinarum? Igitur ponendæ sunt 3.ij. Et sic est melius, & de mente Authoris. Item si quis adhuc obijciat, dicens: Quoniam illa additio est ad libitum, ideo potest quilibet ponere multum, aut parum, sicut sibi melius videtur. Respondemus, quod nullus debet facere contra Authoris determinationem. Quia si Author determinauerit alicuius simplicis summam ponderis in addendo, debemus addere illam summam tantum determinatam, nec plus, nec minus. Vbi autem Author non determinat, est cum omni discretionem faciendum. Quia si indiscere pareretur aliqua compositio, potius potest officere, quam proficere. Modum autem nutriendi & præparandi scoriam, quære in libro Seruitoris, Sed nota quod scoria, secundum Dioscoridem, Plinium, & alios probos Authores, est multiplex, scilicet scoria æris, scoria ferri, scoria plumbi, scoria argenti, &c. Vnde Author posuit speciatim ferri, ad differentiam aliarum. Scoria autem, secundum dictum Plinium, & antiquiores alios, nil aliud est quam fex, seu spurcitia, seu recrementum cuiuscunque metalli. Hoc etiam testantur aliqui ex iunioribus, ut Simon Ianuensis, Brasaulus, &c. Pandectarius autem maxime confunditur in suis descriptionibus de scoria, squama, ærugine, & similibus: & vult, quod squama & scoria sit idem: quod est falsum. Nam & ipse etiam confitetur, quod scoria est illud, quod fabri ferrarii de suis fornacibus globatim projiciunt, & quod vulgò dicitur Cacca ferri. Ergo si Cacca ferri est cacca ferri, non est squama: quia squamæ ex malleorum percussione ab ipso ferro separantur. Et ideo squamæ dicuntur, quia assimulantur squammis piscium, quas Græci lepidas vocant. Squamma etiam à nonnullis battitura nuncupatur. Vnde de synonymantur hæc, scilicet squamma ferri, & battitura ferri: & squamma æris, & battitura æris, & similia.

*Triphera Galeni, &c.* XLII.



**A**FFIRMANT nonnulli & hanc tripherā non esse Galeni, quāuis ab Authore nostro scribatur autoritate ipsius Galeni: tum quia in operibus Galeni nō reperiuntur triphera, tum etiam quia in ipsa sunt aliqua simplicia, quæ tamen Galeno quàm ceteris antiquis Græcis (ut aiunt) fuerunt incognita. Sed miramur de hoc, quod cum triphera sit vocabulum Græcū, quod Latine interpretatur delicata, apud Galenum non reperiuntur triphera;

phæ: idq; eo magis quum ferè omnes Authores sub ipso Græco vocabulo suas describant triphas. Sed rectius per ph, quàm per f. Præterea si hæc triphera nõ esset Galeni, nescimus quam ob causam Author voluerit tribuere ipsi Galeno quod suum non erat. Etenim & in fine ipsius descriptionis etiam Author citat Galenum, dicens: Et Galenus quidem quandoque addit scoriam ferri, &c. Super quo nos tenemus, quòd proculdubio credendum est, non omnia Græca, neq; Arabica, vsque in præsens, Latinitati esse donata. Quapropter (vt aliàs diximus) si aliquoties apud quosdam Authores reperitur aliquid autoritate Galeni notatum, quod in operibus ipsius Galeni minimè legitur, est considerandum quòd sint alia ipsius Galeni opera (quibus nos caremus) vbi ab Authoribus attestata legebantur. Et non est absolute dicendum, hoc Galenus non dixit: vel hoc falsò attribuitur Galeno, & huiusmodi similia. Et quod de Galeno dictum est, de pluribus alijs Doctoribus etiam dici potest. De myrobalanis, & cæteris simplicibus autem, priscis Græcis (vt aiunt) incognitis, dicendum quòd (sicut suprà notauimus) vel ipsa simplicia apud ipsos Græcos alijs vocabantur nominibus, vel fortasse ea addita sunt ab Arabibus huiusmodi, & similibus compositionibus, propter aliquam causam nobis ignotam. Quia & alia consimilia facta videmus, videlicet quòd ad aliquas antiquorù compositiones, successores eorum addiderunt plura simplicia, vt de theriacis legitur, &c. Sunt & per impressiones in præsentī descriptione aliqui errores, videlicet vbi legitur: Cinnamomi, caryofyllorù ana 3. vii. legendum est rectius: Cinnami, cariofyllorù ana 3. vii. Item vbi legitur: Been albi, & rubei: lege Tuderi albi, & rubei. Et quare sic, mox dicemus. Item vbi legitur: Musci 3. vnus partes ij. lege verius: musci 3. vnus partes iij. quoniam sic habetur in cunctis exemplaribus correctis.

*De Myrobalanis.*

**Q**uia dicit Author in præsentī descriptione: Recipe omniū Myrobalanorum. propterea ad sciendum quorū sunt species ipsorum, & quæ sunt, quere infrà, scilicet in confectione Hamech secunda. Ibi enim satis de eis dicitur.

*De Tuderi (& non Been) albi & rubei.*

**C**uncta etenim antiqua exēplaria (exceptis quibusdam paucis) habent scriptum in præsentī triphera: Tuderi albi, & rubei, &c. In impressionibus autem non Tuderi, sed Been albi, & rubei, legitur: quod iudicauimus non rectè. Illorum verò paucorum



rum(quæ mendosa excepimus)quædam,quæ nouissimè iudican-  
tur scripta,habent vt impressiones absolute,been albi, & rubei.  
Quædam verò habent sic:Tuderi albi & rubei,id est been albi &  
rubei.Et ex hac peruersa lectione (vt putamus) enianauit quòd  
aliqui falsissimè declararunt tuderi esse been,& librarij postea  
ignorâtes quid sit tuderi,quidve been, putâtesq; pro sua glos-  
satione falsa,idè esse,expungendo tuderi,scripserûnt atq; impresse-  
runt been,tanquam inagis clarum. Sed reuera aliud est tuderi,&  
aliud est been: vt clarè per Auic.probari potest,qui in secûdo ca-  
none,separatim de vtroq; capitulum facit.Et in fine cap.de been  
dicit,quod loco eius ponitur quâtum est ipsûm de tuderi,& me-  
dieras ponderiseius linguæ auis. Item ipse Auic.in quinto cañ.  
in Zehemirem magno primæ & secundæ descriptionis,& in Ze-  
hemirem paruo,& in confectiõne cognominata Imperialis.& in  
cõfectiõne quæ inscribitur Ars scorix decoctæ,& in triphera ma-  
iori,& in similibus,in quibus omnibus & singulis habet vtrunq;,  
scilicet been album & rubeum,& tuderi albû & rubeum: ex qui-  
bus patet quòd been & Tuderi non sunt idem. Igitur legendum  
est:Tuderi albi & rubei.vt correctæ exemplaria, necnon & vul-  
gares excusiones habent,& est secundum veritatem. Been autem  
quid sit,suprà in confectiõne de musco dulci iam dictum est.Tu-  
deri verò quid sit,haud faciliè,ob scriptorum variationes,possu-  
mus declarare: veruntamen quod de eo sentimus succinctè scri-  
bemus. Facit uanq; de tuderi Auic.capitulum in secundo cañ.  
quod vt legentem non latet,quasi ad literam,est capitulum Dio-  
scoridis de hormino.Latine autem(vt in Dioscoride legitur)ge-  
minalis dicitur.Hac enim nostra tēpestare,licet sint plurimi dan-  
tes operam simplicium cognitioni,tamen adhuc nō inuenimus  
aliquem qui talem plantam nobis valeat ostendere.Haliabbas  
enim in secûdo practicæ,scribit tuderi inter semina, cap.35.quod  
est de virtutibus seminum: vbi laudans croceum, nihil de rubeo  
& albo meminit. Nec ab Auicenna in dicto capitulo dicitur re-  
periri album & rubeum, licet in suis descriptionibus quinti ca-  
nonis,legatur (vt dictum est) tuderi albi,& rubei. Neq; à Dio-  
scoride scribitur horminû inueniri album & rubrum. Et quanti-  
uis planta ipsius reperiatû satia & syluestris,non tamen in co-  
lore,nec in forma asserunt alteram ab altera discrepari.Semen  
tantummodo scribitur à Dioscoride duorum generum esse,sci-  
licet alterum fuscum,alterum verò nigrum.Ab Auicenna autem  
absolute notatur semen esse nigrum. Finaliter à nullo tam anti-

*Tuderi est* quorum, quàm iuniorum scribitur tuderi, siue hornminum, quod *hornminum.* idem est, inueniri album & rubeū. Quamuis recentiores omnes confusè loquuntur: quoniā (vt legenti pater) nesciunt quid est tuderi. Igitur si tuderi nō distinguitur in albū & rubeū, miramur quare Author noster, & Auicēna & ceteri in suis confectionū descriptionibus posuerunt tuderi albi & rubei, & non potius nigri & fusci, vel longi & rotundi, vel aliter secundum ipsorū differēcias. Vnde coniectamus, quòd potest esse, sicut testatur Nicolaus Prepositus, quòd flos vnus sit albus, & alterius rubeus) quòd ab ipsa florum varietate doctores vocauerint alterum album, & alterum rubeum &c. Præterea sciendū, quòd Reuerēdissimus do-

*Dioscoride* minus Cardinalis de Rhodolphis habet vnum vetustissimum *vetustissim-* brum Dioscoridis totū Græcum, maiusculis literis, & manu *vetustissim-* scriptum, in membranis pergamenis: in quo libro omnes herba- *vetustissim-* rum, arbuistorum, atq; arborum plantæ cum folijs, floribus, fru- *vetustissim-* gibus habet stibus, ac radicibus suis, miro opere depicte, proprijsq; coloribus *vetustissim-* facatæ, atq; summa diligētia excultæ sunt. Qui liber licet ob ma- *vetustissim-* de Rhodul- ximam vetustatē, magnam literarum atq; colorum amiserit par- *vetustissim-* tē, attamen ad huc visu digna retinet. In eo autem libro *vetustissim-* *vetustissim-* tem, attamen ad huc visu digna retinet. In eo autem libro

*Horminum* vidimus horninum depictū tali aspectu, videlicet ramulis pluri- *vetustissim-* mis, folijs inter melissam & prassium nigricantibus superius, in- *vetustissim-* terius verò albicantibus: corniculis longis, in quibus semen, vt cor- *vetustissim-* niculis fascolorum, singulis per singula folia dependentibus, & *vetustissim-* spectantibus versus radicem, quæ erat nigricans, longa & ramo- *vetustissim-* sa &c. Cuiusmodi plātam viū nusquā vidimus. Insuper etiam *vetustissim-* animaduertendum quòd illud quod legitur apud Diosc. de hor- *vetustissim-* mini caule, scilicet quòd horninum habet caule quadrangulum,

*Auic. error* semicubitalē: apud Auic. legitur de radice, & malè: quem Aui- *vetustissim-* cennæ errorē, à malo interprete processisse non dubitamus. Præ- *vetustissim-* terea Ruellius dicit, quòd horninum satium est illa herba, quæ *vetustissim-* apud Gallos vulgò Totabona & Oruala (quasi auro valet) dici- *vetustissim-* tur: & Romæ matrisaluia, & herba del matrone vulgariter nun- *vetustissim-* cupatur. Si autē hæc herba sit verè horninum satium, nobis agrè *vetustissim-* constar. Nam plura sunt quæ reclamant. Vt est altitudo plantæ, *vetustissim-* quæ à Dioscoride semicubitalis describitur: in matrisaluia autē, *vetustissim-* bicubitalis, & quandoq; altior. Item folium eius est maximum, *vetustissim-* & non rectè marrubio comparādum. Item folliculi feminis non *vetustissim-* videntur ad radicem spectare &c. Et cū his reclamationibus su- *vetustissim-* pradicta, quamuis illam non tanti facimus, quia potest esse non *vetustissim-* vera, sicut & vera. Item dicit ipse Ruellius, quòd hæc planta to- *vetustissim-* tabona

tabona non reperitur nisi in hortis fata, Nos autem plures per montes, & loca syluestria, & inculta inuenimus. Etiam & in Gallijs, & particulariter in Prouincia, non longè à sancto Maximo hubertim vidimus supra colles, & iuxta vias &c. Igitur quid propriè sit hominum satium hucusq; nescimus. Item ipse Ruellius vult, hominum syluestre esse centrum galli. Si igitur hominum syluestre est centrū galli, peristereon quid erit, de quo Dioscorides separatim ab homino facit capitulum? Nam secundum ipsum Ruellium, vt per sua scripta probatur, hominum syluestre, centrum galli, siue gallitricum, & peristereon, siue verbenaca, sunt vnum & idem: quod non facile creditur. Fatemur enim nos vtrumq; (supple verum) Dioscoridis hominum ignorare. Et hominum Plinij, quod est genus tritici, adhuc non bene cognoscimus. Pro homino autem, scilicet tuder, potest poni been: quia si tuder (teste Auicenna) ponitur pro been, econtra autem loco tuder potest administrari been.

*De Fulfulmine.*

**E**st etiam in præsentī descriptione vnum simplex, barbarico vocabulo descriptum, quod quidem per varios libros diuersosq; Authores variatis notatur literis: veruntamen omnes declarant esse radicem piperis. Et si reuera codices variantur in ordine descriptionis, & quantitate literarum, tamen in prolatione vocabuli taliter approximantur, quod bene percipitur idem esse: & quod errore librariorum ignorantium peregrinas linguas, & simplicitatem veri vocabuli, vt in multis alijs, ita & in hoc volumina deprauata sunt. Nihil enim facit ad rem, si reperiatur fulfulmen, siue fulfemen, siue fufulmen, siue alufulfumen, siue (vt in Auicenna) falfuminie, & consimilia plura: quæ omnia idem sunt quod radix piperis, vel ligatū eius, vt omnes (sicut dictū est) exponūt. Vnde & Rhafis in tertio ad Almanforem etiā ait: Fulfelemie, id est radix piperis. Sed quia non exportatur, & de facili haberi nō potest, multi volunt vt loco eius ponatur piper nigrum. Manardus autem dicit, quod loco eius potes sumere ozymum. Sed si rectè, nescimus. Fortasse ipse legit in quinto can. Auicennæ in tractatu de hieris: videlicet in hiera Eufaracatis, vbilegitur: Fulfulimon, & est ozymum montanum. & ex hoc putamus dixisse, potes sumere ozymum. Sed in rei veritate textus Auicennæ in dicta hiera est mendosus, vt probatur per Bel-lunenſis translationem: quod illud, est, in illa circumloquutione vacat: & sunt duo simplicia, & non vnum cum declaratione.

*Auic. textus in hiera mendosus.*

Sic enim est vera litera, secundū Bellunensem, fulfulmum, & ozymum montanum. Et sic patet, quòd fulfulmen nō est ozymum.

*Triphera maior ex arte Fenonis, &c. XLIII.*



Nomnibus ferè exemplaribus antiquis, præfens triphera non minor, sed maior intitulatur. Et iudicio aliquorum rectius, quia respectu sequentis triphera; hæc bene potest dici maior: unde & sequens minor inscribitur. Sed si vtraq; sit vnus Author, nescimus. Veruntamen parum refert quomodocunq; dicatur, siue maior, siue minor. Rhafis autem in antidotario diuisionum, in capitulo de medicinis stonachi, habet confectionem Fenonis, in multis huic tripherae cōformem. Attamen animaduertendum, quòd in præsentī descriptione per omnes impressiones est vnus pessimas error, videlicet vbi legitur nasturtij, assari &c. Non enim præsentem tripheram ingreditur asarum: itaq; rectius legendum est, nasturtij assati. In nullo penitus antiquorum & emendatorum librorum est scriptum assari, sed in omnibus concorditer distincte & clare legitur, Nasturtij assati. Cōsimilemq; errorem in sequenti reperies triphera. Lege ibi.

*De Nasturtio.*

**N**asturtij plura sunt genera: vt satium, syluestre, & aquaticum &c. satium autem in albū & nigrū diuiditur: vt Plinio placet. Sed quando absolute scribitur, sicut in ista triphera, semper intelligitur satium & visuale, siue albū, siue nigrū: quoniam virtute nō differunt. Et hīc ingreditur semen quod magis competit medicina, quàm herba. Domesticū siue satium notius est, quàm syluestre. Cardamū à Græcis dicitur, & vulgò Romæ allegrectū, vel agrectū vocatur. Apuli autem dictionibus inuersis, turtionasum appellant. Præterea hoc in loco notandū nobis visum est, de

*Semen nasturtij assati.* semine nasturtij assati, quòd quādo datur ad cōstringendū, non debet cōteri: quia in cōtritione ipsius destruitur pars eius cōstringitiua. Et hoc refert Author noster in 2. cañ. tertij capituli, tertie intentionis, dicēs: Et ex eis etiā quæ experta sunt ad restringendū est, vt granorū nasturtij à 3. ij. vsq; in aureos ij. torrefiāt, & impinguentur decoquēdo cum succo cytoniorū, aut myrtorū, & propinetur, est enim vltimū ad illud, & propriè si non conteruntur: destruitur enim viscositas eorum in cōtritione. Hæc ille. Quamobrem in præsentī triphera ipsum semen debet assari, & nō conterī: quia ipsa cōfectio habet abscindere fluxū ventris, vt textus declarat.

declarat. Hac etiam de causa probatur asarum nō cōuenire huic confectioni, quia est solutiū: & semen nasturtij est assandum vt sit magis constrictiū. Et aduerte quòd asarū scribitur per simplex s, & non per geminū, ss, vt in multis libris legitur, quæ causa fuit origo supradicti erroris: quia ob abusionem describēdi assari, pro asari: librarij inueniētes in ista triphera & alijs locis assati: facillimē imprudēter hallucinati rescripserunt atque impresserunt assari, pro asari. Et cōuertētes t, in r, fecerūt duo mala: vnū videlicet, quòd abstulerūt à nasturtio assationē necessariā: & alterum, quòd addiderunt simplex incōueniens: imò directē contrarium. Lege etiā de nasturtio infrā in pilulis de colocynthida.

De Olibano.

**R**ectius libanū, quā olibanū Græcè dicitur, Latine thus & incensum: Arabicè autē, Ronder vocatur. Distinguit illud Authores, in masculinū & foemininū. Thus masculinū dicitur illud quod est rotundum, lucidū, trahēs ad albedinē, tāquam gutta, seu lachryma coagulata. Et hoc per olibanum absolute intelligunt. *Olibanum.* Quodq; non est huiusmodi, foemininū esse volunt. Purgamentū *absolute.* autem, siue surfur incensū, māna thuris vocatur. Copiose enim habetur thus, & vulgare est apud omnes, sed arbor ipsius quæ libanus, & libanotis dicitur, nostratib. incognita est plus quā dici *Libanotis.* potest. Libanotis verò, rosmarinū, herba est cuius radix thus re- *Libanotis.* dolet. Et libanotis etiam potest vocari illa herba, quæ vulgò incensaria dicitur. Cuius folia odore perquā maximē emulantur incensum. Herba quidem pluribus cognita. Semper autē cū reperitur libanum, siue olibanum, siue thus, siue incensum absolute, masculinum intelligitur. Libanus quoq; mons est, in quo sunt ingentissimæ cedri arbores. Sed sciendum, quòd libanus pro thuris arbore, tam masculino, quā foeminino genere legitur. Vnde Hieronymus: Quasi libanus non incisus &c.

De Charmezith.

**C**harmezith, vel karmezik, vel charmazech &c. secundū Aui cennam est fructus tamarisci. Quod confirmat Bellunenſis in suis interpretationibus dicens: Charmazech, seu cheimazech, est fructus arboris Athel, quæ est species tamarisci, & est arbor magna, nota in Aegypto: & fructus supradictus apud Aegyptios & Syrios appellatur hadebe &c. Idem dicit in litera Alathel, vbi etiam addit, quòd folia Athel sunt similia folijs tamarisci notæ. Et quòd tam fructus istius arboris. quā fructus tamarisci notæ, vocatur chermazech &c. Hadebe autē vocatur fructus

dictæ arboris Athel tātūm, & non fructus tamarisci notæ. Vnde quilibet istorū fructuum potest intelligi, & est bonus. Verūm secundū Serap. charmezit, est tota ipsa tamarisci arbor domestica, & propriè est illa quam Bellunēsis vocat Athel. Sylvestris autē, vt probatur per Dioscoridē, & ipsum Serapionem, est ista nota. Nos autem potius laudamus in tali triphera poni fructū, & præcipuè domesticæ arboris, quia fructus est stupior planta, teste Auic. qui in cap. de tamarisco ait, sed est fructus eius vehemētoris stupicitatis. Et maximè quia ipsa cōfectio habet sedare vētris fluxum, vt textus declarat. Vnde in omnibus locis, in quibus legitur charmezit, &c. debet intelligi fructus tamarisci domesticæ, quia particulariter de ipsa Serapio loquutus est, cū charmezit scripsit. Non obstāte quod Bellunenſis dicat fructum sylvestris similiter nuncupari. Quando autē legitur fructus tamarisci, potest intelligi de sylvestri potius, tūquam de notiori, quā de domestica minus nota. Lege etiam in confectione Alcanzi.

*De Myrob. al. uorum assatione.*

**S**Cias quod assatio myrobalanorū ab Authore præcepta, iudicio quorūdam eruditorum, vt sit virtuosa & bona, taliter fieri debet. Accipe myrobalanos enucleatos, & cultello incide in paruas particulas, videlicet ad granorū piperis, aut parui ciceris modum, nec puluerizentur omnino: statim butyro bouino recenti, manibus fricando line eos: & in patella lento igne assa, & confrige eos, spatula agitando semper donec primus eorum color deperdatur, & quasi insipientes cremari deponere eos ab igne. Quos bene cōtritos, cum alijs rebus, secundū regulā ab Authore traditā, aromatiza cum masco, & confice cum melle despumato.

*Triphera minor descriptione cognita, &c. x l iiii.*



**E**GITVR per omnes impressiones in præſenti descriptione: Inuoluatur myrobalani butyro vaccino & fricentur, &c. Melius est autem in exemplaribus manuscriptis, sic: Inuoluantur myrobalani butyro vaccino, & frignantur &c. Et ita relictus, quoniam intērio Authoris est, vt, sicut in suprascripta triphera, ita & in ista myrobalani aut frigatur, aut assentur in sartagine cum butyro vaccino, & postea cōficiantur. Modū autē fritionis eorum, in supranotata triphera (si placet) lege. Sunt & alij errores in ista descriptione. Vnde vbi in præfatis mēdosis impressionibus legitur, & in descriptione alia: Cyperi, olibani, seminis

ap ij,

apij, nasturtij, assari, ana sextam partem 3. vnius &c. sunt ad minus tria mēda. Primum est, quod semen apij penitus non legitur in exemplaribus antiquis, quapropter (saluo semper meliori iudicio) opinamur non esse admittendum. Secundum mēdum est (sicut suprà de nasturtio, & asaro) quod ubi legitur nasturtij, assari, legendum est nasturtij assari: vt correctæ exēplaria, vnà cum Nicolao Præposito hīc & in superscripta triphera habent. Nam asarum omnino non competit huiusmodi confectionibus, nec nasturtium non assatum. Tertium mēdum est, ubi legitur: ana sextam partem 3. vnius. legendum est emendatius: ana sextā partem vnius, scilicet partis, & non 3. Huiusmodi enim error in isto loco, & simplicibus, per se manifestissimus. Nam si reliquæ medicinæ accipiendæ sunt per partes, plus, minusve, ad libitum conficientis, quomodo possunt istæ per pondus determinatum semper bene conuenire omnibus partibus tam magnis quàm paruis prius acceptis, vt aliquādo non sit disproportionata cōpositio? Vt exempli gratia, Si de quolibet myrobalano accipiat pars in quantitate vnius 3. aut minus, ista simplicia cyperus, olibanum &c. necessario accipienda sunt, secūdum ipsorum taxarum pōdus, nec plus, nec minus quàm legitur. Et si recipiatur de quolibet dictorum myrobalanorum pars, in quantitate quinque librarum aut plus, ista quidem eodem pondere, quo suprà, sunt recipienda &c. Quod absurdum est credere. Quis enim Author tam amens scripssisset talia? Enimvero non Authores, sed deprauatores librarij, in hoc culpandi sunt: qui in consulti, & indiscreti, & sine bona castigatione libros nō pauce autoritatis, & maximi momenti scribunt atque imprimunt. Igitur sic rectè scribendum est: Cyperi, olibani, nasturtij assari, ana sextam partē vnius partis.

*De aromatizatione Pharmacorum.*

**S**Ciendum quod licet ad libitum cōficientis sit posita quantitas musci, pro præsentis tripherae aromatizatione: tamē non est ponendum parum de ipso musco, quod non sentiat ab olfactu. Auaritia nempe ducti multoties aromatarij fraudant compositiones pharmacorum, in musco, ambra, & similibus simplicibus pretiosis, non ponētes necessariam ipsorum quantitatem, ab Authoribus determinatam. In præsentia autem triphera, & similibus, quia non specificatur pondus ipsius musci: credimus quod in prodigalitate non peccabunt. Igitur de bono consilio regulamus & dicimus, quod in hoc & similibus accidentibus, est

semper Deus præ oculis habendus, & discretio moderata, & conscientia bona sint (in quibus deest) mensura agendarum rerum. Attamen quia præsentis tripheræ simplicia per partes recipiuntur, similiter & muscus per partem est commensurandus. Igitur, saluo semper prudēti iudicio, non minus debet esse quam semis sextadecima vnus partis. Vt exēpli gratia, si ex quolibet myrobalano accipiuntur 3. ij. de musco autem debemus accipere 3. s. Et sic erit ipsa cōpositio virtuosa, atq; optimè aromatizata. De melle emblicorum, quare in electuario de geminis. Præterea insuper, vbi legitur: Et in descriptione alia &c. Sciēdum, quod hæc circumloquutio non est à scriptore, tanquam si scriptor inuenerit codices istius Authoris varios, ita quod vnus codex esset dissimilis alteri, sed est ab ipso Authore apposita. Et idem significat quod & apud alios. Quia Author describit varias medicorū intentiones & opiniones, & non diuersas eiusdē operis descriptiones. Et confirmat hoc quod sequitur: Et apud alios scorix ferri &c. Etiā in superscriptis tripheris, & in multis alijs pharmacorum descriptionibus, vt patet, huiusmodi consimilia annotauit.

*Diacurcuma maior. &c.*

XLV.



ON possumus non admirari de præsentis & sequentis cōfectionum titulo, quod vtraque carens curcuma, tituletur Diacurcuma. Recentiorū declarationibus mens nostra non acquiescit, scilicet quod dicatur à colore &c. Attamen verbis quæ Luminare Marius ponit, scilicet quod credit errore libroriorū esse positū Diacurcuma, pro Diacrocoma, à croco ipsam cōpositionem intrāte (licet crocoma apud Auic. sit aliud) crederemus, si in aliquo antiquorū voluminū fuisset variatus aliquo modo titulus ipse. Enimvero omnes tam antiqui, quàm recēiores codices nostri Authoris, cōcorditer habēt scriptū, Diacurcuma. Et Crocoma quidem apud Auicē. est sex olei de croco. Quapropter non recte diceretur Diacrocoma, sed melius vocaretur Diacrocon. Præterea in maiore admirationē inducimur, quia similiter & apud filiū Serapionis & Auicennā, sunt cōfectiones Diacurcumæ vocatæ, & nulla ipsarū recipit curcumā. Si ergo dixerimus, quod libri Authoris nostri talibus in locis sint deprauati, quid dicemus de Auic. & de filio Serapionis, qui (vt diximus) pari modo in suis antidotarijs, sine curcuma, Diacurcumas habent? Nos autem tenemus pro certo, esse errorem in huiusmodi inscriptione. Veruntamen quemomodocunq; dicatur siue Diacurcuma, siue



siue Diacrocoma, siue diacrocon, siue aliter, nihil facit ad effectum ipsius confectionis consequendum, ad quem ordinata est.

*De Curcuma.*

**E**T quamuis Curcuma non ingrediatur in presentem confectionem, tamen quia de curcuma intituitur, ab ipsa inchoandum est. Curcuma igitur non est ista, quæ in officinis falso pro curcuma venditur: quæ potius est radix cyperi Indi, ut recte nonnulli coniectauerunt: de qua supra, cum zedoaria diximus, & in trochiscis de cyperis dicitur. Sed Curcuma in rei veritate plurima est apud nos. Nec oportet ipsam in nudinis emere. Passim enim ac hubertim, in locis incultis, & circa sepes, intus & extra urbem nascitur. Quoniam ut probatur per Serap. Curcuma nil aliud est, quam chelidonia. Quod quidem legentem, & Dioscoridi conferentem, non latet. Auicenna enim non facit in 2. can. cap. de Curcuma. Et chelidonium, siue chelidonia, sub titulo Cauchun describit: pro quo Bellunenensis Chalidunium rescripsit. Vulgo autem Celidonia appellatur. Reperitur enim maior, & minor. Sed maior est notissima, quia tota croceo succo madet &c. Minor autem est illa, quæ vulgo testiculus sacerdotis dicitur: & ab alijs fauarella, siue fauaroia nuncupatur. Et nec ista ignoratur. Veruntamen quando absolute chelidonia, siue curcuma petitur, semper de maiori intelligitur: quia magis ea vimur, quam minori. Minor enim à nonnullis in acetarijs comeditur &c.

*Chelidonium  
Cauchun.*

*Fauarella.*

*De Semine Apij.*

**S**emen veri Apij, est semine illius herbarum, quæ communiter utitur. Omnes ad comedenda carniū & piscium iura. Quæ quidem vulgo, falso vocatur petroselinum, ut dictum est supra in Diacalameto. Propterea lege ibi. Etiam illic, quid sit petroselinum reperies.

*De Phu, siue Fu.*

**A**nimaduertendum equidem, quod per omnes ferè impressiones deest in presenti descriptione vnum simplex, quod est phu, quod quidem per cuncta exemplaria legitur inter raved seni, & meu, locatum. Etiam & Auicenna in sua Diacurcuma maiori (quæ in simplicibus multum conuenit cum ista filij Mesue) habet phu, & meu, in vno ana. Quapropter iudicamus illud esse ponendum in confectione. Fu enim idem est quod phu, rectius tamen phu, quia Græcè per φ scribitur. Est autem phu (ut omnes testatur) herba illa, quæ vulgo, valeriana dicitur. Nam omnes notæ descriptæ de phu à Valeriana. Dioscorido Plinio & cæteris Authoribus, competunt dictæ valerianæ vulgari, ut legentem non latet, præter florē. Quoniam Dioscorido & cæteri

volunt phu habere florem simile narcisco, & maiorem: dicta autem valeriana habet minimū florē. Reperitur quoq; & altera valeriana, quæ in initio ortus sui habet folia parua betæ non dissimilia, sed cūm adolefcit, variantur, & plurimis scissuris fibrata proueniūt, vt proprijs oculis pluries intuiti sumus, & ista cōsimiliter habet florē paruissimū, & minime narcisco comparandum. Vtraq; enim notissima est in Italia. Est & tertia valerianæ species, in partibus Ferrariæ, vt Brasaulas scribit. Nec ipsa in omnibus cōuenit Diosc. descriptioni. Sed quid mirū, si in aliquo differant: quoniam vt in superioribus iam diximus) sæpe à varietate locorum plantæ diuersificātur qualitate, necnō & virtute. Quapropter donec videamus aliam conuenientiore plantam, semper tenebimus, quod altera istarum sit verum phu. A nonnullis syluestre nardum dicitur. Dioscorides Author est.

*De Meo, siue vt manis, meu.*

**M**Eum, siue vt aliqui scribunt, meu inflexibiliter, à Dioscoride ponitur in Macedonia & in Hispania plurimum nasci. Veruntamen paucis antè annis inuenimus ipsum in nostra Italia, videlicet in montibus Nursiæ. Et ab incolis illius loci, non meum, sed spicula vulgò dicitur. Et sine dubio est ipsum meum à Dioscoride descriptum. Nam ad vnguem omnes notæ de meo, ab Authoribus posite, conueniunt isti plantæ: quæ (vt diximus) vulgari vocabulo apud montanos illos, spicula nūcupatur. Reperitur etiam & in Calabria, & alibi: quam nonnulli imperatricem, & imperatoriam, siue herbam imperatoris nomināt. Etiam in Hispanijs, circa montes Asturiæ degentes, à quodam fratre nostri ordinis habuimus de radicibus plantæ veri mei Hispanici: tamen ipse frater non vocabat ipsam plantam meum, sed siftram. Dixitque nobis, quod ab omnibus illius regionis habitatoribus, siftra vocabatur. Siftra autem, secundum Pādectarium, Sinionem Ianuensem, & alios plures, est ipsum meum. Dictas autem radices, Hispania, Romam nobiscum detulimus, & comparauimus ipsas radicibus dictæ spiculæ, & ambæ eiusdem speciei esse, ab omnibus qui viderunt, indicatæ sunt. Quapropter non est necesse amplius ab Hispanis & Macedonibus ipsas perquirere. Et quamuis Dioscorides, Plinius & ceteri laudent Athamanticum, forsā quia (vt putamus) non viderunt meum Italicum: quoniam si vidissent, indicassent ipsum optimū, quoniam certissimum est, terram regionis Italiæ non esse inferiorem alijs Europæ partibus, in procreandis herbis, & ceteris rebus

*Siftra.*

bus à summo omnium bonorum datore vñbus hominum concessis. Et specialiter Plinius non vidit meum in Italia sponte natum, quoniam ipse testatur quòd tempore suo non nisi à Medicis ferebatur in Italia. Nec Dioscorides cùm dicit, quòd in Macedonia & in Hispania plurimum gignitur, negat in alijs mundi partibus posse gigni. Dicit autem, plurimum in Hispania & Macedonia: quasi dicat, quia in alijs regionibus non ita copiose habetur. Ista autem radix, qua communiter à multis annis vsq; in hodiernũ diem omnes pharmacopõlæ pro meo vsi sunt atq; vtuntur, minimè est meu. Non enim meu habet radicẽ grossã, vt est ista, quam ipsi vendunt. Non obstante quòd in Serapione legatur: Et habet radicem non subtilem. Est enim ibi menda in codice, quia librariorum incuria, vel quomodocunque fit, illud, non, ad textum Authoris additum est. Debet enim dici: Et habet radicem subtilem. Probat, quoniam Serapio non à se: sed authoritate Dioscoridis illud dicit. In Dioscoride autem patet contrarium, cùm dicit meon habere radices longas, tenues &c. Præterea nonnulli hallucinati sunt in fistra: vt sunt Petrus Paduanensis postillator antiquæ Dioscoridis translationis, & Lumen apothecariorum, & Thesaurus aromatariorum, & ceteri qui volunt ipsam fistram esse phu, valerianam. Quod falsum est. Etenim in propinquitate vocabuli errauerunt. Siquidem pro fistra, intellexerunt fistram: quoniam fistra est phu, id est valeriana: fistra autem est meu. Lege Pandectarium, qui vtrunq; ponit, scilicet fistra, & fistram. Etiam præfatus Petrus Paduanensis, Lumen Maius, & alij plures volũt quòd Mu Auicennæ, sit meu. Nobis autem non bene videntur conuenire descriptiones ipsorum adinuicem, quapropter putamus aliud esse, adhuc tamen nobis incompertum. Meon autem siue meum, meu, fistra, & ipicula, idem est, quod etiam nonnullis anetum syluestre nuncupari non displicer.

De Absinthij & Eupatorii succo.

**N**Ota quòd succus tantum Absinthij quàm Eupatorii debet esse prius cõdensatus, vt succus liquiritiæ, nõ tamen ita dure, antequam veniat in pharmaci administratione: quoniã sic ab Authoribus huiusmodi, & cõsimiles succi administrantur. Etenim dux drachmæ ipsorum succorum recentium & liquidorum, essent tantumquam nihil in præsentí descriptione. Succus nepeli quidam nõ cõueniunt cõfectionibus quæ nõ sunt aliquo modo bulliendæ, siue decoquendæ: & tunc ponuntur in maiori portione &c. Qualiter autem

autem ipsi succi sint condensandi, quare apud Bulchasim. De absinthio autem, & eupatorio, quare in distinctione de syrups.

De Scordio, siue Scordeon.

**S**cordij rectius, quam Scordeon imperite in genitiuo dicitur. Non solum vulgares omnes, verum etiam & ex doctioribus plurimi ita confirmati sunt in sua obstinata & falsa opinione de Scordio, tenentes illud esse allium, & (quod peius est) syluestre allium, ut supra modum difficile nobis videatur auferre posse ab eis pertinaciam tam peruersæ credulitatis, & veritate edocta eis persuadere ut à calumnia cedant, atq; cōsentiant verbis aliquorum fidedignorum Authorum, qui non allium, sed herbam alterius formæ (ut mox patebit) esse declarant. Nam clarū est, quòd Arabū libri habēt Scordeon, in quibus capitula de allijs pertractāt. Sed si sit error Authorū, scilicet Serap. Auic. & ceterorū, vel si ipsorum volumina incuria interpretū, aut librariorum vitio sint deprauata, adhuc ignoramus. Propinquitas enim vocabuli eos (à quibus emanauit error) fefellit. Quia cum deberent scribere Scorodon, scripserunt scordeon. Sed reuera, aliud est scorodon, & aliud scordium, siue manis, scordeon. Legitote igitur antiquiores tam Græcos quam Latinos, & præcipue Dioisc. & Plinium, qui de ipsis diuersa faciunt capitula. Dioisc. enim secundum Hermolai translationem, libri secundi cap. 144. habet scorodon, quod est allium: cui subsequitur cap. de scorodopraso, quod est quædam species inter allium & porrum, cuius planta pro allio syluestri, nō incōgruè sumi potest. Hinc libri tertij cap. 106. scribit scordium, quod non est allium, sed est quædam herba trifagini, id est chamædry simillima, in paludosis & altis nascēs: quam obrē, à Latinis Trifago palustris nuncupatur. Habet & quadrangulum caulem &c. ibi notata. In vno tantum, hoc est, in suo odore, imitatur allium. Quam herbam pluribus in locis, & non longius ab Vrbe maltoties collegimus. Et quia à nonnullis niagis commendatur Cretense scordium, adhibita diligenti cura & solitudine, ab insula Cretenſi nobis delatum est: & vtrunque impræsentiarum apud nos reperitur: nec differt alterum ab altero, præterquam quòd Italicū, iudicio plurimorū, videtur odoratus esse Cretēſi, fortasse quia Cretēſe nō sit ita recens ut Italicū, & ob vetustatem anuſerit ſui odoris partē. At verò Plinius lib. 25. cap. 6. scordium herbam depingit. De allio autem, quod & scorodon appellat libro 19. scripsit. Præterea, nec in Auic. nec in Serap. reperitur caput de vero scordio. Capitulum autem ipsorum de scor-

deon

*Scordium.*

*Trifago palustris.*

deon (quod rectius legendum est de scorodo) est de allio, quia scorodon idem est Græce, quod allium Latine. Et de allio tantum pertractat, & non de palustri trifagine, quod est scordium. Sed animaduertendum est, quod in translatione antiqua Dioscoridis, in capitulo de scordeon, multa primum de alijs enumerat, postea sequitur de scordio herba. Et in vno eodem capitulo, ac sub vno & eodem vocabulo, duo diuersa simplicia confundit. Sed hoc credimus errore Petri Paduanensis, vel ipsius Dioscoridis interpretis factum fuisse. Et potius est mali interpretis error, quia infra ponitur aliud cap. de ipsa herba scordio, quam non scordium, sed barbarè, scorium vocat. In cuius lectione multa diminuta sunt, & nonnulla male translata: quia ubi debet dici ipsam herbam habere odorem allij, legitur, cum odore Oleastri. Diligens lector facillimè cōprehendit errorem. Igitur quammaximò detineatur errore, Simon Ianuensis, Pandect. Luminare Maius, & ceteri vnà cum caterua medicorū, & aromatariorū minus peritorū & vulgariū: bonarū literarū amatores, nō agrè percipiūt. Nostri temporis autē Ruellius, Manardus, Antonius Musa, & ceteri bonæ memoriæ ac disertissimi viri, cōtra vulgi crassam ignorantiam magno opere conati sunt ostentare veritatem, nam de scordio, quàm etiam de nonnullis alijs simplicibus in re medica pernecessarijs. Legito apud ipsos. Ergo vbicunque reperitur in cōpositionum descriptionibus (supple Doctorum approbatorum & antiquorum) scordium siue scordeon, quod idem est, non allium agreste, sed hanc herbam apponito. Denum, ne quis decipiatur in odore huius herbæ scordij, & accipiat illam herbam alliarum vulgò dictam, quæ apud Pandectariū Rimamarina, alliarica, & pes asini nuncupatur: cuius folia sunt vt malua rotunda, quæ habent odorem allij: quæ quidem herba in arundinetis, & vmbrosis locis vbique reperitur. Etiam sunt & aliæ herbæ, quæ allium imitantur odore, sed non sunt scordium, nec scordij species. Scordium enim (vt dictum est) habet folia non maluæ sed trifagini, id est chamædrys familia. Et habet florem rubeū, alliarum verò album. Hæc est scordio quadra, alliarum rotunda: ex quibus patet, scordium esse aliud ab alliarum.

*De Scolopendria.*

**S**colopèdria herba, nō est lingua ceruina, qua hodie cōmuniter omnes aromatarij pro Scolopèdria vtuntur: sed est illa herba, quæ vulgò cetrach siue Cetherach dicitur, quamq; Dioscor. Cetherach. nō & scolopèdriū vocat. Asplenium quidē, quia ad splenem dedicandum

*Petri Pæ  
dianensis er-  
ror de scor-  
dio.*

*Simō Ianuē-  
sis, Pandect.  
Luminare  
Maius erra-  
uerunt in  
scordio.*

*Rimamari-  
na.  
Alliarica.  
Pes asini.*

*Scolopēdra  
vermis.*

candum & curandum nil melius. Scolopendrium autem, à similitudine quam habet cum scolopendra verme animali, quod habet pedes 14. scilicet ex quolibet latere septem. Ad cuius formā, folia huius herbe plurimis incisuris munita, quasi vermes multos pedes habentes similitudinem scolopendræ sibi vendicarunt. Et hoc plurimi testantur. Et præcipue Serap. cap. Scolofendriō, quod est de scolopendria: dicens auctoritate Diosc. nominatur hoc nomine propter similitudinem cuiusdam vermis dicti scolopendra: & eius compositio est 14. pedum &c. Nam Arabes, teste Simone Ianuensi, loco p. (quo carent) per f. scribunt atque pronuntiant. Quamobrem scolofendriō, pro scolopendriō scribunt. Andreas Bellunenſis autem, schulafendrium vertit. A

*Argentina.*

nonnullis vulgaribus hæc herba, Argētina vocatur: quia rugositas, quam folia eius inferius habet, ob splendore suū albicantem, ad colorē argēti assimilari potest. Præterea, hi qui duræ ceruicis sunt, sibi ipsīs tantū credētes, legāt Diosc. qui facit cap. de phyllitide, quod est de ista lingua ceruina: & infra facit cap. de Asplenio, quod est de scolopēdia: ergo scolopēdia nō est lingua ceruina. Item Petrus de Tusignana super nono ad Almanſorem, cap. de Icteria, scribit syrupū, cuius cōpositionem intrāt scolopēdia, & lingua ceruina: ergo nō sunt idē. Sed obijciat forsan aliquis, dicens, q̄ Diosc. & Serap. asserūt scolopendriā habere folia similia folijs Polypodij: ita autē argētina, id est cetherach nō est huiusmodi: ergo nō est scolopēdia. Ad hoc respondebimus, q̄ minus habet similitudinē, cū polypodio, folia lingue ceruine, id est phyllitidis, q̄ folia cetherach. Et si secundū ipsum cetherach nō est scolopendriū, propter foliorū dissimilitudinē, à fortiori, minus potest esse lingua ceruina, cuius folia dissimiliora sunt polypodij folijs, q̄ folia cetherach. Etenim cetherach folia habet quandā (licet paruā) similitudinē cū polypodio: ut est scissura foliorū &c. Nā & polypodiū dicitur à multitudine pedū: quam ob causam, scilicet ob multitudine pedū, quam scolopendriū habet, dicitur polypodio assimilari. Ergo concludendum est, cetherach esse verum scolopendrium, siue mauis veram scolopendriam.

### *Diacurcuma minor &c. XLVI.*



INOR præfens confectio dicitur ad differētiā supradictæ, quæ maior est: quoniam plurā simplicia recipit. Et licet textus dicat, quod valet ista nū nor ad ea quæ magna, rationabiliter potest addi, sed

sed non tantum. Quia sicut est minor in simplicibus, ita putamus esse ipsam minoris operationis & virtutis. Quapropter nonendi sunt aromatarij, ne vendant minorem pro maiori: nec ista minor debet parari, nisi iussu medici ipsam ordinantis. Unde hæc generalis regula notanda est pro omnibus compositionibus ex quibus maiores & minores eiusdem effectus reperiuntur: videlicet, quod semper compositiones maiores sunt parandæ. Minores autem non parentur, nisi ex præcepto medici. Hoc autem diximus, quia scimus aliquos, qui avaritia ducti & spe maioris lucri, minores & simplices compositiones pro maioribus & compositis sæpe parabant & vendebant. Quod quidem est malum apud Deum & homines. Ex quo nos arguentes illos, obijciebant Aristotelis auctoritatem, dicentes: Frustra sunt per plura, quæ possunt fieri per pauciora. Si igitur minor siue simplex confectio valer sicut maior, ad quid frustra cum nostro damno tenemur parare maiorem? Ad quæ nos præfata cum respondissemus, scilicet quod minor valer ad ea quæ maior, quia est eiusdem intentionis, sed non tantum, quia est debilioris operationis & virtutis, obmutuerunt. Quapropter validior & maior semper paranda est.

*Diamorusia &c.* XLVII.



**H**ÆC præfens confectio in multis exemplaribus antiquis, non Diamorusia, sed homorusia intitulatur. Et in aliquibus sine aspiratione, Omorusia legitur. In Auic. autem & in Breuiario filij Serap. in decimo practicæ Hali abbatis sunt huiusmodi confectiones, in paucis tamen differentes ab ista. Sed in Auic. legitur homorusia: in filio Serapionis verò, Modus confectionis omorusiæ: & in Hali, Animorusiæ confectio inscribitur. Et Pandectarius dicit: Homorusia est quædam confectio &c. Quapropter vel aspiratè vel non, nihil refert. Unde rectius (ut putamus) titulari debet præfens confectio Diahomorusia, vel Diaomorusia. Veruntamen bonæ sonoritatis causa expunctum est illud o, consimiliter factum fuit in Diambra, & similibus. Sed aduertendum, ubi mendosè per impressiones legitur in præfenti descriptione, costi, trium piperum añ. 3. j. legendum est rectius, añ. 3. s. ut est in cunctis exemplaribus antiquis, & similiter in Auic. & filio Serap. & Hali. Item pro cinnamomo, lege cinnami: ut est in præfatis exemplaribus. Quod cinnamum est inferius cinnamomo. Unde loco eius in huiusmodi confectione, filius Serap. Auic. & Ha

& Hali abbas præfati, cassiam habent quæ similiter est cinnamomo optimo inferior.

De Acoro.

**A**Corus, vel acorum, siue acori radix (cuius vsus, teste Diosc. frequentissime in antidotis habetur) si ipsius Diosc. verba pensabimus, hæc qua vulgares aromatarij vtuntur, verissimè nõ erit. Quoniam præter formam, nil aliud habet cum acoro simile. Nonnulli autem asserunt (quorum vnus Brasaulus) radicem, quam galangam vulgò nominant, acorum esse. Quãquam alij, & forsan melius, velint non galangam, sed radicem illam, quæ

*Calamus* apud vulgares calamus aromaticus falsò nuncupatur, veram esse *aromaticus* acori radicem. Ex quibus Manardus non solùm hoc testatur, sed *supplet Acorum.* etiam dicit, quòd pro acoro semper vocato calamo aromatico vsus est. Nos autem potius adhæremus Manardo &c. qui tenet

vocatam calamum aromaticum esse acorum, quàm illis qui galangam præfatam. Quæ galanga (vt mox infra dicetur) tenetur aliud esse. Descriptio nempe Dioscoridis de acoro (vt videri potest) magis cõuenit huic calamo aromatico vsuali, quàm supra dictæ galangæ. Radix autem, qua cõmuniter pro acoro vtuntur, aliud est: quia cùm sit rubra, absque odore, & insipida, acorus nõ potest esse: quia acori radix (teste Dioscoride) habet esse alba, iucundè odorata, gustuq; acris &c. quæ omnia in præfato falsò vocato calamo aromatico vsuali, perquàm maximè reperiuntur. Quamobrem verissimè credendum est esse acorum, ac pro acoro, quocunque opus fuerit, apponi placet multis. Hæc autè planta acori officinarum, inter Iridis species annumerari debet. Vocatur à Latinis (vt Dioscorides & Apuleius scribunt) herba veneria. Etiam scribit ipse Apuleius, quòd hæc herba rarò inuenitur, & quòd non potest cognosci, nisi cùm flosculum emiserit. Vnde etiam probatur, quòd non potest esse acorus hæc planta vsualis, quæ passim in aquosis reperitur &c.

De flore Squinanti.

**S**quinantum barbarè, idem significat quod Græcè schœnoanthos. Schœnum autem Græci dicunt, quod Latini iuncum rotundum odoratum. Et anthos Græcè idem est quod Latine flos. Vnde Squinatum (licet barbarè scribatur) flos schœni, id est iunci rotundi odorati, est. Sed cùm in libris Arabū legimus florem squinanti, non possumus per squinantum intelligere florem schœni, sed plantam eius, id est culmū, siue ipsum iuncum. Sed hoc mali interpretes (vt putamus) fecerunt: qui per schœnum, squinantum



nantum verterunt. Vnde in dictis Arabū libris per florem squi-  
nanti intelligimus simpliciter florē schœni: & per radicē squinā-  
ti, radicem schœni: quia per squinantū absolūtē, plantam ipsius *Squinātum*  
schœni intelligunt. Schœnum autē, siue mauis, squinantum, non *absolutē*.  
sunt illæ paleæ (vt peritis placet) quibus vbiq; in officinis vtrūtur:  
quia descriptio Diosc. de schœno odorato non conuenit illis, vt  
quilibet videre potest: nō enim habent radices notabiles ad me-  
dicinæ vsum, sed quasi capillaceas paruas, & nullius roboris vel  
momenti, nec mordicant linguā ipsæ paleæ: & quamuis sint ali-  
qualiter odoratæ, nō tamen ispirāt rosæ odorē: & quod maius est,  
videmus quod nō producant iuncū, sed calamū nodosum, sicut  
est calamus hordei aut frumētī: quoniā vt plurimū, exportantur  
cum parte ipsius calami. Vnde nōnulli rectē existimāt ipsum squi-  
nantū vsualē esse plantā calami aromatici: quia calamus aroma-  
ticus officinarū manifestē probatur quod nō est calamus, cū sit  
radix: quā radicē plurimi (vt suprà diximus) volūt esse verā aco-  
ri radicē. Cū enim dicimus calamū, nō intelligimus radicem.  
Sed si quis dixerit quod hæc radix quæ recipitur in officinis pro  
calamo aromatico, est radix ipsius calami: hoc fortasse poterit  
esse. Verū tamen cū peritur calamus, nō est accipiēda radix, nisi  
vrgēte necessitate in ipsius calami penuria. Reuera igitur squi-  
nantū nō habemus. Sed multorū quidem nō spernendorū est opi-  
nio quod hæc radix, qua cōmuniter pro galāga vtimur, sit radix  
ipsius veri squinanti. Etiā à nōnullis, qui fatētur se vidisse viuam  
plantam istius galāgæ vsualis, habuimus, quod ad vnguem cor-  
respōdet Diosc. descriptioni de iunco rotūdo odorato. Galanga *Squinātum*  
autem, quæ (vt suprà diximus, Græcis incognita fuit, & à nobis *supplet galā*  
quoq; minimē cognoscitur) alia planta est, & apud Arabes so- *ga vsualis*.  
lummodo perquirenda. Vnde tam pro floribus quàm pro ipso  
schœno (quibus caremus) quàm etiā pro ipsa radice possumus  
vti vbi oportet hac vsuali galāga. Possumus quoq; vti (saluo sem-  
per prudentiorū iudicio) hoc vulgari squināto, quam esse (vt di-  
ximus) plantā calami aromatici, opinantur plures. Quoniā vt in  
Dioscoride & cæteris fide dignis Authoribus videri potest, virtu-  
tes & proprietates calami aromatici & iunci odorati nihil aut sa-  
tis parū, inter se differunt: ex quo bene potest alterum pro altero  
compensari. Et aduertāt simplices, quod schœnū & schinus non  
sunt idem: quoniā schinus est lētiscus, de quo aliās. Præterea scien-  
dum quod Auicenna scribit auctoritate Dioscoridis, quod sunt  
duæ species squinanti, scilicet vna quæ est infructifera, & altera

fructifera, quæ facit fructum nigrum &c. Si ita est, poterit fortitan esse, quod hoc squinatum vulgare sit altera ipsarum. Veruntamen in nulla Dioscoridis traductione hoc legitur, unde coniectamus esse errorem ipsius Auicennæ vel saltem sui interpretis.

*De Marmacur.*

**T**emporibus Nemroth non credimus fuisse tot vocabulorum confusiones, quot hodie in rei medicæ libris reperiuntur. Quapropter de hoc simplici, sub huiusmodi tenebrosa voce occultato quid asseramus, nescimus. Percurrendo etenim varios Authores & libros, varias inuenimus opiniones atq; descriptiones. Nam ex his exemplaribus quæ legimus: pauca, utpote tria tantum, habet marmacur, & duo marmacor, & quinque quorum quælibet hæc singula videlicet habent vocabula, marmariar, marmacum, marmatum, marmatri, marmatar: reliqua autem vniiformiter omnia habet marmacar. Marmacar autem, in quibusdam synonymis antiquissimis Arabicis, inuenimus expositum esse melissam. Quamobrem coniectamus talem dictionem esse corruptam, & rectius marmacar quam marmacur esse legendum. Enimvero quisquis nesciens veritatem alicuius vocabuli, præsumit interpretari aut declarare, potius est reprehensione quam laude dignus: quia diuinat tantum. Et si non hoc, minimum malum maximum facit, quæ admodum sæpius plurimis, & præcipue iunioribus accidisse comprobatur. Marmacur igitur quid sit, à nullo antiquorum describitur. A recentioribus autem, videlicet à Luminari Maiori, & à Paulo Suardo exponitur esse marrubiū, scilicet præsium: & à Ioanne Manardo melissa, & sic putamus optime. Item Luminare Maius vult marmacur esse marum Auicennæ. Auicenna autem cap. de maru, primam ipsius speciem non marmacur, sed marmacor vocat. Quod quidem marmacor ab ipso Luminari declaratur esse melissa, his verbis: Sapientes dixerunt, quod per marmacur volumus intelligere præsium siue marrubium, & per marmacor volumus intelligere citrariam, id est, melissam. Et idem confirmat in suffuf deligno aloes. Si igitur marmacor est melissa, & maru Auicennæ est marmacor: ergo melissa est maru. Ergo marmacor, & marmacur sunt idem. Et quidem Auicenna facit capitulum de maru, & capitulum de marmacora, & capitulum de præsio. Si autem capitulum de marmacur, non est illud quod inscribitur de marmacora, non reperitur aliter apud ipsum Auicennam. Et minime apud alios. Et quamuis filius Serapionis habeat marmacur in sua omorussia, tamen ab ipso

ipso quid sit non declaratur. Nos autem credimus idem esse marmacar, marmacor, marmacur & cetera consimilia. Auic. enim in dicto capitulo de maru, dicit quod prima eius species est marmacor: postea non declarat ibi, nec per aliud capitulum quid sit marmacor, sed immediate post dictum capitulum subscribit capitulum de marmacora, ubi dicit quod nota est. Quod quidem capitulum firmissime credimus esse capitulum de marmacor: quia primum, scilicet in capitulo de maru, posuit omnes eius species in generali: demum in particulari, in sequenti capitulo tangit tantum ipsam maru speciem, marmacor vocatam. Non obstante quod vocat ibi eam marmacora, & non marmacor, quia idem est. Quae species plurimorum autoritate probatur esse melissa & non prassium. Vnde Serapio cap. de melissa, ait, Bederangie, vel bederungij, id est turungen, & dicitur marmacor, id est melissa. Simon Ianuensis autem dicit: Marmacor Arabice, vel marmacora, inquit Serapio, benderangie, id est turungen, & dicitur marmacor, & est melissa & c. Paderarius autem facit distinctionem, dicens: Marmacur, marmacor, id est marrubium vel marrubiastrum & c. Hinc sequitur, marnieus idem. Hinc addit, marmacon, marmacora, id est melissa & c. Veruntamen ipse confunditur, quia marmacor, & marmieus (quod rectius dicendum, marmahaus) & marmacora, idem sunt. Est enim species marrubij, sed non est marrubiastrum: quia est ipsa melissa. Et quod melissa sit species marrubij, siue prassij, probatur per Serapionem in dicto capitulo de melissa, & etiam per Dioscoridem, & ceteros qui dicunt melissam siue melissophyllon habere similitudinem marrubij sylvestris & prassij, unde Diosc. inter marrubium nigrum (quod est ballote) & marrubium prassium, ipsam locauit. Etiam Serapio auctoritate Galeni, dicit, quod virtus eius est sicut virtus prassij. Igitur si habet similitudinem, & virtutem marrubij, ergo est species eius. Andreas autem Bellunenensis loco marmacor, vertit marmausi, vel marmahaus: & pro marmacora, marmahaus. Ex quibus supradictis patet, quod omnia dicta vocabula idem significant. Manardus quoque (ut supra diximus) confirmat marmacur esse melissam. Sunt praeterea, & quorundam aliorum opiniones variae a supradictis, sed quia sunt parui momenti, & quasi nullius auctoritatis & estimationis, causa breuitatis dimittimus. His ergo bene consideratis, concludendum est, marmacur, marmacor & c. idem esse, & proprie esse veram melissam: & non est marrubiastrum, neque prassium, neque lingua: bouis species, neque sclarea, neque herba sancti

*Melissa est  
species mar-  
rubij.*

Ioannis, neq; aristolochia longa & alia plura, quæ multi imperiti & phantasticiafferunt & testantur.

*Dialacca magna &c.*

XLVIII.



AE C presens confectio, & quæ immediate sequitur, à lacca quam recipiunt nomen sibi vendicarunt. Et respectu sequentis, quæ minor inscribitur, præfens magna intitulatur. Ambæ tamen sunt optimæ, & non aspernandæ compositiones. Filius Serap. in septimo, Auic. in quinto, & Hali abbas in decimo practicæ habent maiorem & minorem Dialacæ confectioem differentem in quibusdam ab istis filij Mesuæ. Animaduertendū autem, quod per impressiones in præsentī maiori descriptione sunt aliqua menda, videlicet ubi legitur in ipsis: Lacca abluta, ravedseni ana 3. ij. lege tu rectius: ana 3. ij. Item in omnibus fere libris tam manuscryptis quàm impressis inuenimus squinantū in præsentī descriptione, & postea iterum infra legitur: cimarum squinanti. In duobus tantum exemplaribus reperimus absolute, cimarū squinanti: & in vno simpliciter squinanti: quapropter putamus esse errorem in textu. Nihil enim differunt cinæ squinanti ab ipso squinanto, nisi forte velis per cimam squinanti, ut intelligatur flos ipsius squinanti, & sic vtrunq; esset ponendum: quia pari modo vtrunq; legitur simul & immediate positum, in primo Breuiarij filij Serapionis capitulo de Soda accidente ex malitia complexionis frigida, cum materia. scilicet in modo infusionis de aloë, sic videlicet: squinanti & cimarum squinanti &c. Si autem pro cima squinanti non intelligitur flos, quare bis sit apponendum squinantum non inuenimus rationem: præfati enim Auctores in suis descriptionibus semel tantum habent. Sed in Hali sub nomine adechari legitur, quod idem est quod squinantum. Vnde si semel aut bis, vel si flos aut cima, & quomodocunque, & qualitercunque sit ponendum squinantum in ista confectioe, prudentiorum iudicio medicorum definiendum committimus. Nos autem pro cima squinanti, si daretur copia, semper acciperemus florem. Item nota, quod aristolochia debet esse rotunda & non longa (ut in aliquibus mendosis libris legitur) Rotunda enim ab omnibus communiter magis commendatur in medicina &c. Vnde & Auicenna rotundam specificatè posuit. Filius Serapionis autem vtrunq; habet, rotundam scilicet & longam. Hali verò eo in loco, in quo cæteri habent aristolochiam  
rotun

rotundam, ipse lelembachi habet. Vbi probatur lelembachi esse aristolochiam. Michael de Capella autem nesciuit pro quo staret in ista confectione lelembachi, vnde in suis synonymis sic scripsit: Lelembachum scripsit Stephanus 2. practicæ pro cappare, sed in confectione dialaccæ maioris nescio pro quo posuit. Hæc ille. In secundo practicæ autem non lelembachum, sed lilembacum legitur, capitulo videlicet 38. forsan quod lilembacum (vt ipse dicit) sit capparitis: sed hic clarè probatur, quod lelembachum stat pro aristolochia. Nam sæpe vna sola litera, imò accentus diuersus alicuius dictionis constituunt res diuersas significare. Vnde & ab ipso etiam Michaële scribitur, quod lilembace significat amygdalas amaras. Præterea sciendum quod in aliquibus impressionibus addita sunt huic descriptioni tria simplicia, scilicet phu, meu, & daucus, quæ in impressionibus minus medosis & in antiquis exemplaribus, ac etiã in vulgari æditione non leguntur, quapropter non esse admittenda iudicauimus.

## De Lacca.

**V**eram laccam haud est qui viderit hodie in partibus nostris. Nec credimus in hoc simplici defecisse naturã. Apud Arabes enim est perquirenda lacca, quia tali voce non reperitur apud Græcos: licet aliqui putet (& fortasse bene) canchamũ Græcorũ esse verã Arabum laccam: quoniã multũ conueniunt descriptiones Græcorũ de canchamo cum descriptionibus Serap. &c. de lacca, tamen ipse Serapio adducat plurimorum Authorũ opinioniones, & quodammodo in principio cap. manifestè videatur sub nomine laccæ, canchamũ Græcorũ describere. Veruntamen nec canchamũ ipsum hac nostra tempestate visum est in Italia: quãuis nonnulli opinentur illud, quod vulgari nomine bẽzuin dicitur, esse verũ cãchamũ: quorũ opinio à pluribus non probatur.

Quamobrẽ in defectu ipsius laccæ iudicio atq; consilio plurius peritissimorũ medicorũ, minus malũ est ponere vocatã hodie sanguinis draconis lachrymã (quãuis non sit verus sanguis draconis) quàm aliud peius. Lachrymã diximus, quia multi pro sanguine draconis abutuntur quadã mistura, quam & falsò sanguine draconis nominant. Præterea de sanguine draconis lege in trochiscis de terrã sigillata. Illud autem quo vtuntur aromatarij pro lacca, quodq; gummi de lacca nuncupant, minimè est lacca: quoniam nullam habet notã ab Authoribus laccæ, siue canchamo attributam. Et non putet quis illam rem qua hodierni pictores sub nomine laccæ vtũtur esse laccam: quia non est lacca, nec species eius.

*Lachryma  
sanguinis  
draconis sup  
plet Laccã.*



sed est res factitia, quæ Venetijs & alijs in locis componitur ex fece tincturæ grani, id est cocci, & alijs rebus. Quæ quidē videtur tangi à præfato Serapione, autoritate Iſaac. Quamq; ſaluo me-  
*Lacca lauā* *di modus.* *liori iudicio,* ad nil aliud, quàm ad picturæ vſum adminiſtran-  
 dam eſſe cenſemus. Modus autem ablutionis laccæ, ſecundum  
 ipſum Serapionem in proprio capitulo, eſt quòd teratur lacca,  
 & proijciatur ſuper eam aqua decoctionis ariſtolochiæ, & ſqui-  
 nanti, & moueatur baculo, & dimittatur reſidere, poſtea abijcia-  
 tur aqua. Et ſi prima vice non lauatur bene, fiat ſimiliter pluri-  
 bus vicibus, donec aqua exierit clara & tunc erit lota.



### Dialacca minor &c. XLIX.

VOCATUR minor ad differentiam ſuperioris,  
 quæ magna intitulatur. Etiam dicitur minor,  
 quia minores habet virtutes, & operationes &c.

De Ariſtolochia.

*Ariſtolo-*  
*chia abſo-*  
*lutè.*

*Ariſtolo-*  
*chia tria*  
*genera.*

**N**Ota quòd hîc etiam ingreditur ariſtolochia rotunda, &  
 non longa, vt mendoſæ impreſſiones habent. Et ſciendū,  
 quòd ſemper rotunda intelligitur, cum abſolutè ariſtolochia pe-  
 titur. Et ſi non ſpecificatur de cæteris partibus, ſemper de radice  
 ſubaudi, quæ eſt melior pars ipſius: quoniam folia & cæteræ eius  
 partes rariſſimè ad medicinæ vſum veniunt. Ariſtolochia autem  
 (vt Dioſcorides ſcribit) tria habet genera. Vnum habet radicem  
 rotundam, vnde ariſtolochia rotunda nominatur, & ariſtolo-  
 chia ſcæmina quæ notior eſt quàm vt declarari debeat. Reliqua  
 duo genera habent radices longas, vnde vtraq; ariſtolochia lon-  
 ga dicitur. Sed altera ipſarum, quæ clematidis appellatur, habet  
 radices tenues, longas ſerè vt ſunt graminis radices, qua commu-  
 niter aromatarij hodierni vtuntur, vbicunq; ariſtolochia lon-  
 ga expoſtulat, non rectè, quoniā Dioſcorides facit ipſam vi-  
 ribus inferiorem cæteris. Vocatur autè à quibuſdam hæc multis  
 nominibus, inter quæ ſunt aliqua quæ alijs conueniunt plantis:  
 vt ſunt Chamæmelon, Malum terræ, Abſinthium ruſticum, &c.  
 vt tradit Dioſc. Altera verò longa quæ maſcula cognominatur,  
 à pauciſſimis hodie ſcitur, nos verò bene cognoscimus ipſam,  
 quam pluries in montibus ſupra Sermonetum, non longè à Baſ-  
 ſianis effodimus, atque effodere fecimus. Hæc equidem propriè,  
 vt Dioſcorides ſcribit, habet radices longas, palmares, & quan-  
 doque longiores, digitali craſſitudine, buxæ intus colore, gultu  
 amaro &c. Cui rationabiliter, capitulo de gætiana, radice ipſius  
 gentia

gentianæ similem fecit. Cum autem aristolochia longa absolutè, & non speciatim de clematite legitur, semper hæc mascula intelligenda est, quæ præstantior est, ut Dioscorides scribit. Postremo sciendum, quod ubi Author noster in præsentī descriptione dicit: Cōfice sicut primum, subintellige quod myrrha, & bdellium sunt infundenda in vino, & reliqua puluerizanda &c. sicut dixit in Dia lacca magna.

*Confectio de raueo seni &c.* L.



NTITVLATVR præfens cōfectio de raueo, quod idem est quod de rheu, vel reu, vel rha. Seni autem, siue Sini, id est de illa prouincia sic dicta. *Rhabarba.* Vnde raueo seni, siue reu fini, rhabarbarum, siue *ri variatio-* rheubarbarum: rha turchicum, siue rheu turchi- *mina.* cum, vel turchium: rha pōticum, siue rheu ponticum, idem sunt, & tanquam species vnius generis à varietate prouinciarum & locorum, varia nomina seu cognomina sortiuntur. Species dicimus illius rei, quæ vñtatori vocabulo, rheubarbarum ab omnibus vocatur. Quid autem sit rheubarbarū, raueo seni &c. Deo concedente, in pilulis de rheubarbaro declarabimus. Non ignorandum, quod in pluribus libris impressis, & in quibusdam paucis de recentioribus manuscriptis, mendosè legitur in præsentī descriptione: Recipe raueo seni &c. ana 3. i. lege rectius, ana 3. v. Item est aliud mēdum, & hoc in quibusdam impressiōibus tantum, scilicet ubi legitur: Fumiterræ, spicæ &c. ana 3. v. lege verius, ana 3. s. Et hic error vnde sumpsit originem, videtur suprà in cōfectione quæ intitulatur: Modus electuarij de citro ex inuentione nostra. Item in aliquibus libris magis mendosis, præsentī descriptioni additum est vnum simplex, scilicet scoria, & est inter simplicia secūdi añ. Cassetur, quia non est admittēda scoria huic cōfectioni, nec in exemplaribus atq; impressiōibus correctis legitur.

*Diacostum &c.* L I.



COSTO veluti totius basi, hanc cōpositionem ingrediēte, vocatur præfens cōfectio Diacostū. Nec in præsentī descriptione est legēdum, cinna-  
momi: sed cinnami. Item ubi mēdosè per impressiōes legitur alari 3. iij. lege rectius 3. iij. quia sic est in cunctis exemplaribus. Item sciendum, quod in duobus exemplaribus de vetustioribus, in vltimo añ. huius descriptionis, cum

alijs simplicibus, legitur etiam spica, quam quia in tanta multitudine librorum non habetur, non posuimus, sed reliquimus iudicio peritiorum medicorum examinandum, vtrum conueniat huic confectioni, vel non.

De Costo.

*Costi plures species.*

**C**ostus amarus, siue costus amara, siue costum amarum (omnis enim generis legitur) in presenti confectione, & in multis alijs locis dicitur ad differentiam dulcis. Nec conuiendum cum assentientibus dulcem costum in rerum natura non reperiri, cum costi sunt plures species, & quod aliqua ipsarum dicatur dulcis, probetur per plures non spernendos Auctores. Vnde filius Serapionis in v. sui Breuiarij cap. 3. de baras. in vnius linimenti compositione vtrumq; amarum, & dulcem, immediate scripsit sic: Costi amari & dulcis &c. Et in 7. dicti sui Breuiarij capitul. 27. in Diadadi ad gibbositatem sic legitur: Costi dulcis, costi amari, omnium añ. &c. Item Cōstantinus Aphricanus monachus Cassinensis, in libro de affectionibus stomachi, cap. xij. circa medium, videlicet in electuario, quod ponit contra frigiditatem stomachi, ex auctoritate Galeni, habet costum dulcem. Et in xxj. cap. in electuario quod intitulatur, Electuarium diacosi maius, conueniēs habentibus frigidum stomachum (quod rectius putamus dici Electuariū diacosti, quā diacosi) habet costū amarū & dulcem: quæ quidem electuaria etiā in vltimo cap. dicti libri rememorantur similiter cum costo dulci. Itē præfatus Cōstantinus in lib. de Simplicibus, in de tercio gradu, decocto sic ait: Costus duobus modis est, vnus de India, qui rubeus est, & grauis, atq; amari saporis. Est & alius albus, qui inuenitur in Arabia, cuius pōdus est leue, nullam habēs amaritudinē &c. Macer quoq; de costo sic scribit: Costi sunt geminæ species, grauis vna rubensq; Est, & amara nimis: hæc Indica dicitur esse. Altera verò leuis, nec amara, colore subalba, Hæc Arabes mittūt: prior vtilior medicinæ &c. Item Bartholomæus Mōtagnana cap. 19. sui antidotarij in 34. cōpositione, quod est electuarium valens calculosis, habet costū dulcem. Et apud alios etiā legitur. Ergo reperitur costus dulcis. Præterea sunt & alij qui negāt inueniri costū in totum dulcem, sed dicunt quod est vna ipsius species, quæ parū habet de amaritudine, quæ respectu alterius amarioris recte potest vocari dulcis. Quorum opinioni adhereremus, si Macer & Cōstantinus præfati non dixissent reperiri costū absq; amaritudine. Nos autē nō possumus determinare de costo, quoniā adhuc nec costum amarā, nec costum



stum dulcem (supple veram) vidimus: quia hæc radix, qua cōmuniter hodierni aromatarij pro costo vtuntur, non est costus nec costi species. Etenim quilibet legens scripta Doctorū de costo, clarè percipit hanc officinarum radicem non esse veram costū. Dioscorides quidē, Serapio, & Auicenna tres describunt costos, Arabicā scilicet, Indā, & Syriacā. Sed cū loquūtur de costo Arabica, dicunt quòd est alba, leuis & aromatica, & nihil de amaritudine tangunt. Vnde quod isti subricuerunt, Macer & Constantinus aperte dixerunt, quòd nō est amara. Vnde costus Arabica, quia non est amara, rectè potest dulcis appellari. Sed quia nec amara nec dulcis vera habetur costus, loco eius secundum Auic. *Costum sup-  
plentia.* ponitur medietas ponderis eius de optimo pyrethro. Et secundum alios, loco eius ponitur helenium, id est inula, vel enula vulgò dicta. Præterea sciendum, quòd in partibus Galliarū & præfertim in Monte Pessulano, pro costo vtuntur aromatarij mentha Romana, quæ vulgò dicitur lasulata, quam & costū falsū ap- *Costum na-  
strum est la-  
sulata. Li-  
ali-* pellant. Et hi forsā autoritate Platearij hoc faciunt, qui in capitulo de mentha dicit: Est & méthā quæ longiora, acutiora, & lasulata. Li-  
tiora habet folia, & hæc méthā Romana, vel Saracenica dicitur, ca.  
id est costum vulgare. Hæc ille. Sed vt coniectauimus, Platearius non dixit illud quasi affirmans ipsam mentham esse costum, sed volens declarare menthā Romanam, illam dixit esse, quam vulgares costū falsū appellant, quia in capitulo de costo, nullam fecit de mentha Romana mentionem. Demum cœpiriam circumferri & alia radix alba, amaraque, quam nonnulli medici Romæ costum iudicauerunt, atque pro costo vera medicinis admittunt. Sed an vera costus sit, ignoramus.

*Confectio electuarij ex inuentione nostra &c.* LII.



ITVLVS, siue exordium declarat, cuius Authoris sit præfens cōfectio: quia est de inuentione sui ipsius filij Mesuę Authoris nostri. Est namq; valde laudabilis cōpositio, ad sedandum fluxū ventris &c. si quis autem voluerit ipsam parare, animaduertat quòd in eius descriptione, per aliquas mēdosas impressiones, legitur assari, pro assati, vtribi: Cymini Carmeni infusi in aceto die ac nocte & assari &c. lege, & assari. Non enim est cōueniens assarum, quod est solutiū, huic cōfectioni, quæ est ad restringendū fluxum vētris, & cyminū est assandū, vt sit magis cōstrictiū. Item in aliquibus mendosioribus libris peius habetur,

& ex vnico simplici facta sunt tria, legiturq; pro Carmeni, carui, sic: Cymini, carui infusi in aceto die ac nocte, & asari, añ. &c. Et licet carui non esset multum disconueniens, tamen quia non est de Authoris intentione, sicut nec asarum, non est admittendum. Lege igitur emendarius: Cymini Carmeni infusi in aceto die ac nocte & assati 3. iij. vt est in cunctis exemplaribus & correctis libris.

*De Conchulis.*

**C**onchula quidē secundū suā deriuationē diminutiue à concha dicitur Cōchæ autē siue cochleæ talibus in locis possūt largo modo appellari omnia genera & species ostraciorū. Et sic pro cōchulis intelligerētur tellinæ, & eis similia, quia sunt de minimis cochlearū, siue cōchularū generibus. Huiusmodi intētio-  
*Manard. et* nis fuisse Manardū, apertē ipsius scripta manifestāt. Tamē secū-  
*rauit in con-* dum rei veritatē, non est ita, quia cōchula secundū Papiā & alios  
*chula.* plures probos Authores, est mater margaritarū, quæ vulgō dicitur Matriperna: que non est de paruis, sed de magnis ostraciorū seu cōcharū generibus. Vel pro cōchula potest intelligi cōchiliū  
*Matriper-* purpuræ, quod est etiam de nobilissimis ostraciorū generibus.  
*na.* Quod autē dicit Luminare Maius per Auic. authoritatem, q; cōchulæ sunt illæ, quæ à peregrinis in pileis deferuntur à S. Iacōbo, falsum est, quia Auic. nusquam talia scripsit, sed interpres Gerardus Cremonensis errandi ei ansam tribuit. Quia in 3. canone, fen 21. tractatu 3. cap. 4. de cura fluxus sanguinis, & cura patiētis fluxum mēstruorū, inueniēs alhuda, quod idē significat quod cochlearū siue cōchularū, vel huiusmodi similiū: pro alhuda quidē interpretatus est cōchularū. Hinc subiūxit declarationē addēdo, marinarū quæ asportātur à S. Iacōbo. Quæ verba non Auic. sed ipsius interpretis sunt, vt probatur per nouā & magis fidelē Bellunenſis traductionē. Nos autē non faceremus multā difficultatem inter cochlearū species interrogādo, quænam ipsarū sint apponēdæ, cum generaliter omnes habeāt virtutem stupticādi, nisi hæc vulgō dicta matriperna videretur esse vna ex nobilioribus speciebus, nulloq; modo vt omnium nobilissima & virtuosissima, vt testatur Serap. in fin. cap. de margaritis, poneretur in medicinis margaritarum loco. Vnde hīc omnibusq; in locis, vbi cōchula simpliciter petitur, ipsa matriperna (si haberi potest) ponēda est, vel saltem cōchiliū purpuræ præfatū, si defuerit matriperna.

*De Alcohol, siue alcosol.*

**V**tonnes declarāt Alcohol, siue alcosol, Arabicē idem est quod puluis subtilissimus & leuissimus, qui minimo flatu, seu

lenissima aura ob alicuius rei corporalis commotionē euolat deuolatq;. Qui rarissimè, nisi quantitate copiosa vel radijs solari-  
bus mediantribus, videri potest ab humano oculo. Quiq; Gracè  
atomus dicitur, Latine autem indiuisibilis, aut sine incisione in-  
terpretatur. Veruntamen nobis visum est illud melius declara-  
re, atq; dicere quòd alcohol, siue alcosol, siue alcohol, siue alte-  
riusmodi barbarè vocabulum est æquiuocū, pluribus deferuiens:  
& quòd non semper per huiusmodi vocabulum, intelligēdus est  
puluis ille indiuisibilis: quia aliquādo ponitur alcohol, seu alco- *Alcohol sic*  
sol &c. pro collyrio aliquo, de rebus liquidis ac pinguibus, quæ *significatio.*  
nullo pacto possunt puluerizari. Et hoc passim apud Authores  
legitur (vt exempli gratia, aliqua assignabimus loca) & apud fi-  
lium Serapionis in 7. cap. 33. sunt plura sief, id est collyria, in qui-  
bus legitur, Fiat alcohol. quod ibi non potest interpretari nisi  
collyrium, vt clarius percipitur circa finem capituli, vbi legitur:  
Ad tenebrositatem & dilatationē pupillæ, fel adib & mel faui,  
æquali mensura sumantur, & misceantur, & referuetur, & fiat al-  
cohol ex eo. Aliud ibi, Aut hoc: Ex medulla cruris græis fiat al-  
cohol. Aliud ibidem. Aut hoc: Permisce aquam & vrinam pue-  
ri, & fac cum eo alcohol. Et alia plura. Item aliud exemplū apud  
Auic. in 2. cañ. cap. de hepate. Aqua hepatis caprini confert pani-  
no bibita, & in alcosol posita. Item in v. cañ. videlicet in summa  
secunda tract. 2. cap. de collyrijs & medicinis oculorum, sunt plu-  
rima collyria sub titulo cohool &c. Quapropter si legitur aliquid  
conterendum esse sicut alcohol, siue alcosol &c. tunc intelligitur  
de ipso puluere, scilicet quòd sit illa res subtilissimè puluerizāda.  
Si autem legitur, ex hoc vel illo fiat alcohol, non est interpretan-  
dum, fiat puluis subtilissimus, sed fiat collyrium vel aliud compe-  
tentius ad illud. In hac autem confectione & similibus, accipitur  
pro puluere minutissimo. Et in sequenti electuario clarius habe-  
tur, quia non simpliciter est alcohol: sed sicut puluis alcohol, vt  
in omnibus antiquis exemplaribus legitur. Mendose impresio-  
nes autem, ibi habent simpliciter, sicut alcohol, vt in ista. Et scias  
quòd simplex vocabulum est cohool, siue cofool. Illud al, autem  
quid significet apud Arabes, dictum est in confectione alcher-  
mes. Vide ibi.

Postremò notandū, quòd in præsentī & sequenti descriptione,  
& nonnullis alijs sæpe per varios libros, vna dictio reperitur va-  
rio modo & significatione descripta, scilicet quòd aliqui libri ha-  
bent frigatur, alij autem fricetur, nonnulli verò peius frigerur,  
quod

quod non competit. Sed utrum sit legēdum frigrantur vel fricentur non vtiq̃ue diffinire audemus. Etenim utroque modo fieri potest. Moderni nanque & impressi codices generaliter omnes habent fricentur, vetustiores autem pro maiori parte frigrantur, Nos verò potius adhæremus antiquis, quàm impressis libris: nec tamen per modum fricationis fieri non reprehendimus. Conuenientius autem fit per frixionem. Frixio autē ipsa talis debet esse. Humectentur res cum succo, aut vino, aut liquore aliquo conuenienti vel assignato diligenter, taliter quod non fiant ad modum massæ: & postea in vase terreo vitreato, ad lentum ignem tanquàm ad candelam, spatula semper agitando frigrantur, donec exiccantur: & iterum atque iterum (si præcipitur) rehumectentur, & frigrantur. Frixio enim non solum in rebus pinguibus, puta in oleo, butyro, & similibus fieri potest, verum etiā & in quocunque liquore nō superabundanti, si aliqua res decoquitur, potius frigitur seu assatur, quàm elixatur. Et hæc est (ut coniectamus) Authoris intentio, ut humectati pulueres ad ignem (ut diximus) quasi per modum frixionis exiccantur cum aliquā indifcreta assatione, quæ vigorat compositionem in stipticando, & confortando. Patet enim huiusmodi confectiones ad stipticandum & confortandum fuisse repertas. Et ne dubitet quis esse malum ad ignem exicare has medicinas, quia legimus in Antidotario filij Serapionis Electuarium quod fiat loco alcanzi, quod est eiusdem intentionis cum ista confectione: vbi Author medicinas bis prius bullitas super sartagine ignitā præcipit esse ficandas. A fortiori ergo bene possumus ad lentum ignem, huius confectionis & similiū medicinas exicare &c. Igitur rectius putamus legi frigrantur, quàm fricentur.

*Electuarium confortans stomachum &c.* LIII.



**P**ARAESENS Electuarium non multum elongatur ab intentione supradictæ confectionis, imò eiusdem intentionis esse ab omnibus affirmatur. Vtraque enim cōpositio laudabilis est, & magnæ virtutis, in comprimendo fluxum ventris &c. Sed sciendum, quod in præsentī descriptione, per omnes excusiones, est vnus non parvus error, vbi legitur: Trium piperum, sandali &c. quoniam nulla piperum species hanc compositionem intrat: nec in antiquis exemplaribus reperimus: quæ omnia concorditer habent scriptum, trium sandalorum, balaustij &c. Etenim qui bene

bene considerat descriptionem, inuenit in ea duplicem esse errorem: quoniam non solum tria pipera adduntur contra Authoris intentionem, verum etiam auferuntur ab ipsa duæ sandalorum species, valde illi cõpetentes, rubei scilicet & albi: quod est malum. Quia per sandalum absolute, semper intelligimus citrinũ, vt dictum est iuprà. Et ideo huiusmodi errores non sunt transiendi, sed corrigendi sunt libri, atque emendandi.

*De semine Rosarum.*

**I**N semine Rosarum non paucia: ornata: hallucinãtur, ob id quia non vacant libris, sed lucris. Etenim scimus plures aromatarios qui pro semine rosarum intelligant illa capillamenta cum minutulis croceis, quæ sunt in medio floride recentis rosæ. Et quàm turpe sit audire & videre hoc pro semine accipi, deterio ré scilicet parté floris, vos ipsi õlectores diiudicate. Minus quippe malũ esset sumere illos pediculos, seu illa capita integra, quæ ablati florum folijs restant in manibus desolantium rosas: quæ quamuis non habeant intus matura seminũ grana, attamen continent in se principium, seu partem primam ipsorũ granorum immaturorum. Quia ipsi quidem pomulum, quod est sustentamentum rosæ floride, manens in planta sua, defluxis iam florum folijs, crescit in dies ad formam pyri paruuli, atque maturatur. In qua sua maturatione vt corallius rubeum perpolitum rubescit. A quo optimè maturo semen pilosum quod est intus colligitur, & asseruatur. Et hoc est semen rosarũ, quod ad medicinæ vsum transire debet. Sed nota, quod ab omnibus rosarum plãtis, tam rubearum quàm albarum, quàmque alterius speciei & coloris, & tam syluestrium quàm satiuarum semen potest accipi, & est bonum. Sed quia ex satius generaliter in rosarum collectione colliguntur & ipsa capitula, ex syluestribus non minus bonum, imò iudicio plurimorum laudabilius semen, autumnali tempore atque hyemali secundum loca, potest colligi, & seruari. Syluestrem quidem rosam intelligimus illam plantam, quam vulgò rubum caninum appellant: Græci autem cynosbaton. Quamuis & illæ plantæ inter syluestres annumerari possint, quas vulgariter vocamus rosam incarnatam, seu rosam trentaphyllam, quasi triginta foliorum, & rosam damascenam siue muscatellam, quam Aucenna cãñ. secundo 114. cap. secundum Bellunensem, Nefrin, siue nefrin, vel neferin nominat. Vnde dictus Bellunensis in suis interpretationibus declarans Nefrin, ait: Nefrin est rosa habens odorem acutum, & vulgares apud Hispaniam & Barbariam appellant

pellant rosam muscatam, & Damasci dicitur rosa neseirin, vel neseirin, & est species rosæ sylvestris. Hæc ille. Simon quoque Ianuensis, & Pandectarius in litera Neferin, vel neseim, autoritate Alhauī dicunt esse rosam sylvestrem & albam, quæ habet arborem spinosam, ut domesticam. Item Serapio facit similiter cap. de hac rosa, & vocat eam Nerfin, quasi Neseirin, inuersis, s, & r, literis. Vbi dicit quod ab aliquibus, rosa agrestis & rosa feni dicitur. Alba quoque, quæ & centifolia dicitur, ob sui spinarum, seu aculeorum densitatem & asperitatem, inter sylvestres potius quam inter sativas connumeranda putatur. Omnes enim istæ, sentes acutæ, largo modo vocitari possunt. Etenim cum rubi generibus, maximam habent affinitatem.

*Modus confectiōis Alcanzi &c. LIIII.*



**E**TENIM præsentis confectiōis descriptio, ut in impressis libris habetur, valde mēdosa est. Vnde ubi legitur: Nucis muscatæ &c. ana 3. iij. s. lege absque illo semis, ana 3. iij. Item post prædictū ana desunt ista, videlicet cyperi 3. xij. trium pipærum ana 3. iij. s. Item dosis est 3. ij. & non iij. Sic enim in omnibus exemplaribus antiquis & impressis libris, de prima impressione duntaxat: & etiam in illo de vulgari lingua Italica impresso, hæc omnia sic habent. Quapropter ita recte tenendum esse non dubitamus.

*De Alcheil, alkelil &c.*

**S**imili modo, ut dictum est suprà de machazari, siue mazachari &c. & hoc vocabulū per varios libros variè legitur. Etenim ultra 30. variationes legimus, videlicet alcheil, alchelil, alkikil, alkilil, altilil &c. aliter, & aliter: & sunt qui per k, & sunt qui per c, habent. Quibusquidē cōsimilia penè innumera vocabula apud alios Auctores varias res significantia (ut apud ipsos videri potest) reperimus. Vnde apud filium Serapionis, in secundo Breuiarij, 16. cap. quod est de algumur calido legitur: Cum granatis sylvestribus, & sunt grana alkikilati. Et parū infrā: Et granatorum sylvestrium, & sunt alkikil. Et inferius in eodem capitulo: Cum aceto granatorum sylvestrium, & sunt grana alkikil. Et capitul. 25. quod est de sputo sanguinis ex corrosione, in trochiscis Andromachi: Fructus granati sylvestris, & est alkikilatum. Et in tertio Breuiarij, capitulo xv. in vno emplastro, legitur: Alsemur, & est alkeil. Et in quarto Breuiarij, capitulo 21.

prope

prope finem : Semen granati syluestris, & est granum alkakil. Et in quinto Breuiarij, cap. 31. circa finē : Granata syluestria, & sunt grana alkakil. Et in septimo Breuiarij, cap. 20. in triphera maiori, legitur : Bedenac, & est semen granatorum syluestrium, & sunt grana kilkil. Et in synonymis in fine dicti Breuiarij legitur : Alcheheil, id est tamarisci masculæ. Alcheil, id est locus inter duas spatulas sub collo. Alchelchel, id est medium colli kilkil, id est grana valen, id est tremulæ arboris. Item apud Auic. in secundo cañ. cap. de grano alkakil, legitur : Granum alkakil est sicut piper album. quidam autem dixerunt, est semen granati syluestris &c. Et apud Simonem Ianuensem : Alkilil Arabicè est granatū syluestre. Kilkil Arabicè, est fructus granati syluestris. Corona *Coronamō-* montis, vel montana, vocant Arabicè, rosmarinum, id est alke-*tis.* lilgebel &c. Item Pandectarius multa plura ponit. Sed nos quæ vniū & eūdem habēt significatū in vnum redigimus, reliqua volentibus apud ipsum videre relinquentes. Vnde Alcheil, alchoël, alcheil, id est locus inter duas spatulas, vbi coniūgitur collū dorso. Alchel, id est cōchilium marinū. Alkililita, alkakil, alkil, dar siahan, vel kilkil, kikil, Alkilil, kinbil, est arbor siue granū granati syluestris. Alkeligetel, kinkil, id est corona mōtis, id est rosmarinum. alkakil, kilil, myrobalani citrini, vel corona regia. Kekil, id est mellilotum. Alkelel, id est semen alaagep, id est herba violaria. Alkilat est pondus trium granorum hordei, & nonnulla alia quæ diuimus. Ex quibus patet, quod quilibet potest intelligere per illud barbarum variatū vocabulum, præter ea quæ non competant, vel granum siue arborem granati syluestris, vel tamariscum masculam, vel granū valen, id est tremulæ arboris, vel rosmarinum, vel myrobalanum citrinum, vel coronam regiam, id est mellilotum, vel herbam violariam, vel aliud simile à quo flos potest accipi : quia in descriptione legitur, Florum alcheil &c. Luminare Maius autē super hac confectio dicit, florū alchelil, id est florū roris marini, siue coronæ montis, siue alcheliges : vt apud Græcos. Si verò reperiēs scriptū in cōfectionibus granorū alchilil, intelligitur granata syluestria. Et in Dianthos air : Anthos verò est flos roris marini, qui alio nomine flos alchilil dicitur. Vnde zuccharū alchilil, id est de floribus roris marini. Et in præfato zuccharo scribit : Zuccharum alchilil, id est zuccharum quod fit ex floribus roris marini, qui alio nomine corona montis vocatur &c. Vbi in fine subiungit : Alchilil, vel alchilchil, flos est roris marini : sed grana alchilchil sunt granata syluestria.

Hæc

**Hæc ille.** Sed reuera ipse bonus vir in præallegatis locis confundit sese, quia primum dicit, alchilil esse florem roris marini, & alchilil granata syluestria: postea testatur alchilil esse florem roris marini. Vnde facit hoc vocabulum æquiuiocum, affirmansq; idem esse alcheil, alchilil, & alchilchil. Sed si præponatur ei hic terminus, flos, vult quod intelligatur ros marinus: si autem præponitur hic terminus, granum, vult nos intelligere granatum syluestre, tanquam si arbor granati syluestris careat flore. Quare ergo secundum ipsum granum alchilil, est granum granati syluestris: & flos alchilil, non est flos granati syluestris: Manardus autem in præsentis descriptione declarans alcheil flores, dicit se credere legendum esse alchilil, quod vocant Arabes granatum syluestre. Sed difficile nobis videtur, quod flores ab Authore descripti possint esse absolute flores granati syluestris, vt dictus Manardus putauit, cum infra in hac ipsamet descriptione posuerit Author Balaustia, quæ in veritate, nil aliud sunt (vt mox patebit) quam flores granati syluestris. Non enim bis Author posuisset dictos flores, necesse est ergo vt sint flores alterius plantæ. Christophorus de Honeftis verò in zuccharo alchilil dicit esse flores boraginis, quod multis non placet, vt loco suo de eo dicemus. Quid sit ponendum in præsentis confectioe egrè à nobis percipitur: omnia enim prædicta vocabula habent quandam inter se affinitatem, & variationes librorum ferè cum omnibus & singulis conueniunt. Saluo tamen semper meliori iudicio, ponere flores berberorù, siue darisahan, siue huiusmodi similis, putamus non esse contra Authoris intentionem. Patet enim quod Author in hac descriptione intendit stipiticare, & huiusmodi flores non parum stipiticatis habent: quorù arbores, & specialiter darisahan, inter species granatorum syluestrium possunt connumerari. Sed principalis species granati syluestris est illa, quæ facit balaustium. Vnde non obstat, quod Author habeat in præsentis descriptione duas species granati syluestris: & sic potest esse, quod intelligantur flores granati syluestris, vt Manardus credidit, sed non de prima & principali specie.

*De Balaustijs.*

**P**aucissimi sunt tam aromatariorum quam medicorum, qui vera hodie agnoscant Balaustia. Nam generaliter ferè omnes pro Balaustijs intelligunt flores caducos arborum granatorum, quos Græci cytinus nominant. Caducos dicimus illos, qui non sunt apti nati ad producendum pomum. Arbores enim  
granato



granatorū, cucurbitarū more florescunt, duplici florū genere: qui quidē flores à principio sui ortus possunt distingui caduci & infructiferi à permāsuris & fructiferis. Siquidē fructi feri antequā in sui calycis coronula flosculi appareāt (qui calyces ipsi propriē cytini sunt) ostēdūt formā futuri pomi. Nō obstatē, quōd ex ipsis etiā decidāt plures ante pomi maturatio nem, qui vnā simul cū caducis colligūtur, & aliteruātur ab aromatariis. Veri autē caduci nunqua ostendūt malī futuri normā, nec diu in planta manēt, sed defiuūt omnes &c. Veruntamen hic flos caducus nō est balaustiū: quia balaustiū propriē sunt flosculi illi, siue illa tenuia folia, quæ super calycē ipsius cytini generantur. Et secūdū Pliniū, tam in domesticis quā in syluestribus granatorū arboribus, cytini & balaustia nascūtur. Sed quia in genere granatorū sunt quædā syluestres, quæ habēt exiguū cytiniū siue calycem, & innumera foliola in vnū cōglobata pulcherrimæ rosæ effigiē representātia: & econtra satiua siue domesticæ habēt magnū calycem, id est cytiniū: & pauca, puta quinque; aut sex foliola tantū: Græci quidē, vt per Diosc. probatur, parū illud in vtroq; genere, satiua scilicet & syluestri pro nihilo reputantes, abolute satiua orū flores cytinus, syluestriū autē balaustia vocauēre. Et nō est dicēdū quōd idē est cytinus quod balaustiū, excepto quōd per satiua & syluestre tantū differunt: quia differūt per calycē & flosculos, scilicet quōd calyx est cytinus, & flosculi sunt balaustia. Et si qui dem Plinius de balaustio 13. & 23. libris scribēs, nihil particulatim de syluestri granato meminīt, declarās illud in omni genere posse intelligi. Vnde apertē capite sexto præfati 23. libri, generaliter demonstrās quid sit cytinus, quidve balaustiū, dicit: Primus pomi huius partus florere incipiētis, cytinus vocatur &c. vsque adeo nihil intētātū reliquēre. Hinc subiūgit: In hoc ipso cytino flosculi sunt, ante quā malū ipsum prodeat, erupētēs, quos balaustiū vocari diximus. Hæc ille. En videtis, quōd differt balaustiū à florū granatorum calyce cytino dicto, & per aliud, quā per syluestre & satiua: tamen eiusdē virtutis sunt. Sed pro cōtētiōis, quōd cytinus & balaustiū nō sit idē tanquā per diuersa nomina vocatū (quia nō desunt qui hoc suspiciāt) probatur etiā per Galenū in 7. de medicamentorū cōpositione secūdū locos: vbi in vno medicamine Apollonii ad sanguinem spuentes, & in vno alio Cledonii ad eodē, vtrunq; habet, cytinū scilicet, & balaustiū: ergo nō sunt

*Balaustiū**Cytinus*

idē. Arabes autē, vt Serapio, Auic. & ceteri, Dioscor. imitātur, vocātes balaustium florē granati syluestris tātū. Enimuero aliquādo habuimus vera balaustia ex Syria, nunc autē copiosius ex Sicilia habemus, quā cuilibet possumus ostēdere: sunt nāq; flores cuiusdā speciei granati syluestris, qui flores habet exiguū calycē, id est cytinū ita planū & apertū, atq; dissectū in quatuor aut quinq; partes, quod potius à nō exercitatis viris iudicatur folia q̄ calyx, super quem sunt flosculi innumeri in vnū (vt diximus) globatim cōuoluti, pulcherrimo aspectu. Huiusmodi balaustii arbor nunquā pomū ad maturitatē alit, sed semper delectatur in floribus. Et hæc est vna ex veris speciebus granati syluestris: quia sicut sūt plura genera & species satiuorū, sic etiā & syluestriū. Vnde Plinius nouē satiuorū genera notauit. Etenim aspalathū quē darsisahā, siue darsia nā vocāt (si nō est interpretum error) volūt Arabes esse speciē granati syluestris, vt in Serap. c. 26. habetur, & etiā apud Auerroin in v. Colliget sic legitur: Aldarsiana, id est cortex mali granati syluestris. Itē Serap. cap. 227. sub nomine mihad, scribit vnā aliā speciē granati syluestris &c. Ergo præter arborem balaustii, sūt & aliæ species granatorū syluestriū &c. Et sic secūdū veritatē ac Plinii autoritatē, ex omni granatorū specie, tā satiuā q̄ syluestri, flosculi florum, id est foliola illa tenuia sūt balaustia, & calyces ipsorū sunt cytini. Qui cytini à Latinis, vt dignoscantur à balaustis, absolute flores granatorū nuncupantur. Vnde cum reperitur flos mali punici (quod idem est quod malū granatū) intelligitur ipse cytinus: si autē legitur balaustii, intelligitur flosculi dicti &c. Et si additur eis syluestre, de syluestribus: si autē satiuū de satiuis siue domesticis intelligatur. Nō specificate verò, flos intelligitur de satiuis, & balaustii de syluestribus. Sed aduerte, quod aliquando per libros minus rectē legitur, quasi fœminino genere, Balaustia balaustie, & balaustie balaustiarū, pro balaustio & balaustijs. Nihil refert, satis clarē percipitur quid est. Præterea scribunt doctores, vt Diosc. Plin. & ceteri quod balaustii reperitur cadi dū, rubrū, & purpureū. Nos autē nō nisi rubrū sepe vidimus.

*Balaustij* Cōpescatur quidē in medicinis alterū pro altero, scilicet cytini pro balaustio, & balaustii pro cytino. Vtriq; enim est vna *supplementa*. vis, vt Diosc. & ceteri testantur. Possunt poni etiā istorū loco (vt ex probis Authoribus collegimus) capita siue putamina granatorū. Putamina enim dicuntur, cortices arboris & oēs extremi-  
tates

tates ipsius. Itē cicū, id est pāniculus seu mēbranula illa, quæ se parat grana à granis ipsorū pomorū granatorū. Itē granula illa expressa tamē prius ipsorū succositate. Itē cortices diætorū pomorū, id est malicoriū. Itē hypocystis. Itē cortices glādiū, itē cūdū Auicennā, & alia plura. Et tā à cytino quā à balauustio recēti excipitur succus, hypocistidis more: ac pro eo, vbi oportet, licitē administrandus. Dioscorides Authore est.

*De fructu Tamarisci, id est Tamaricis.*

**T**amarix, id est Myrica: siue vt inuis, tamariscus, id est syluestris myrica, vt propriē Dioscorides scribit, cognita arbor est, quæ, vt in re ipsa probatur, fructum fert muscosum floribus iūmilē &c. Est & alterum tamaricis genus, quod tradit Diosc. oriri in Aegypto & Syria, mitius syluestri. Vnde à Serapione hoc genus respectu superioris agrestis, domestica tamariscus appellatur. Huiusmodi arbor fert fructū Galæ proximū, dentatum, seu inæqualiter aspersum &c. Et hæc arbor est illa, quam Andreas Bellunensis vocat Athel, de qua suprà in triphera maiori ex arte Fenonis diximus. Quia asserit fructum vtriusq; tamarisci vocari charmazech seu charme zith. Tamen per charme zith absolutē, potius est intelligendus fructus Athel, id est tamarisci domestica, quā syluestris, quia domestica tamariscus à Serapiōe cognominatur carmezit, & non syluestris. Syluestris enim tamariscus est illa, quā cognoscimus. Domestica autem, non ita est nota apud nos, quoniam in Aegypto tantum & Syria reperiri scribitur. Veruntamen vnius qualitatē & virtutis sunt ambæ: ex quo recte potest altera pro altera administrari.

*Confectio de Assa &c.*

*LV.*



**L**N præsentī descriptiōe equidē per antiqua exemplaria nō ponitur pondus rerū determinatum, sed simpliciter ana. Et tūc rectius, quia cū omnia simplicia diætæ cōfēctiōis vnico simplici ana cōcluduntur, nō est necesse ponere determinatū pōdus. Vt in impressiōibus legitur ana 3. iij. & in aliis ana 3. iij. Sed vnusquisq; potest accipere plus minúsve, vt sibi videtur expediens, & necesse: nō obstante quòd per 3. iij. vel iij. nihil impedit fieri. Filius Serapionis in septimo, & Auicēna in quinto habent similiter hāc eandē cōfēctiōnē, sine determinato pondere. Sic videlicet: Recipe assæ &c. partes æquales.

De Assa. *sive Asa.*

**A**sa secundū aliquos, & secundū alios (quod putamus restius) assa, dicitur illud quod à Græcis iaser appellatur, ut patet cōcordādo capitula Serap. & Auic. de assa, cū capitulis Diosc. & exteriorū de lasere. Sūt aliqui, qui in duas species diuidūt assam, scilicet in foetida & odorata: & sunt qui addunt & tertiā, scilicet dulcē, quā alij asseuerāt nō reperiri, & ideo illā fatētur dulcē, quā parū habet de amaritudine. Quorū opinio nobis nō displicet. & quoniam scripta doctorū de assa & lasere, clara sūt, breuitatis causa ea studiois perlegēda relinquimus. Hoc tamē dicimus, quod iudiciū plurimorū hac, quā hodie cōmuniter vtimur, tenetur esse vera species assa foetida. Quod nos non audemus affirmare, nec possumus reprobare, quia adhuc nō vidimus plantā eius, neq; ab aliquo qui viderit eius formā discere valuimus. Dū ergo non habemus certiorē notitiā de ipsius assa speciebus, liceat nobis hanc cōmunē & vsualē, tā pro foetida, quā pro odorifera, quā etia pro dulci in medicinis ponere. Dulcem quippe assam adhuc nō legimus in proborū Authorū cōpositionibus. Odorifera autē, simul & foetida, Auic. in v. can. in oleo ieiunet descripsit. Nec mireretur quis, quod dixi pro odorifera apponēdā esse foetentē tanquā suū cōtrariū: quia similiter Auic. in fine sui cap. de assa posse fieri notauit, cū dixit: Loq; foetida, æquale pondus ipsius de odorifera ponitur &c. Si ergo foetida & odoriferum contrariatur ad inuicē, hoc in loco Auic. malē scripsit. Quod ablit. Itē dicit forsā aliquis, quod ponere olētem pro foetida (sicut Auic. dicit) est bonū, sed nō ecōtra. Ad hoc respōdemus quod de cōsimilibus idē est iudiciū. Nā & Serapio autoritate Mesarugiae dicit: Assa foetēs est subtilior & calidior & fortior, quā odorifera. Et etiā ipse Serapio in eodem cap. scribit: Et melior ex assa est illa quā vergit ad rubedinē, & est clara, si milis myrrhae, habēs fortē odorem, nō dissimilē odori porri &c. quā dicat, quod foetet ut porrū. In aliquibus autē cōdicibus nouiter impressis, in hoc cap. Serap. mendosē legitur: Habēs fortē odorem, nō similē odori porri &c. Huiusmodi enim cōfusa loquutio manifestat errorē, quia hic modus loquendi, nullā nobis assignat similitudinē cōgnosendi odorem assa. Nec erat necesse scribere rem dissimilē, sed cōsimilē, quam ob rem, debet legi: Habens odorem nō dissimilem. hoc est, similem odori porri. Et sic inuenimus in vno antiquo exemplari,

plari. Ergo assa foetida est melior odorifera, & in permutatio-  
ne ponere speciē meliorem sui generis, nō est nisi bonū. Præter  
ea, nos hucusq; nō vidimus propria & verā odoriferā assa. Et  
quāuis aliqui, vt Manardus & Brasaulus, velint bēzuin vulgō  
vocatū, esse assa odoriferā, tamē hoc nobis nō clarē cōstat. Vn-  
de putamus pari modo, vt dictū est de dulci, dicēdū esse de o-  
dorifera, scilicet quod illa quæ minimū habet foetore, respec-  
tu foetioris vocetur odorifera. In quo videtur conuenire  
verba Auic. qui ait: Alia est odorifera, nō fortē habēs odorem  
&c. Odor enim in bonā & in malā partem capi potest, id est  
multoties ponitur odor pro foetore. Ex quo etiā verba Serap.  
cōueniūt cū dicit illā assā, quæ nascitur in Syria, habere peio-  
rē odorē. Peius quidē, nō nisi ā malo cōparatur. Quibus vniū,  
cōcludēdū est, bene posse poni assā foetidā pro odorata. In su-  
per est aduertēdū, quod nōnulli ob ignorantiā & affinitatē vo-  
cabulorū multoties decipiūtur, & pro assā, intelligunt assarū:  
& aliqui hæc, quod est thymus, dū legūt assā, intelligūt. A-  
lii etiā quādoq; pro assā, rem cōbustā intelligūt. Vt exempli  
gratia, quado legūt, Galbani, myrrhæ, assæ &c. intelligūt myr-  
rhā crematā. Quapropter quādoq; reperitur huiusmodi  
vocabulum, bene perscrutandum est & intelligendū quid eo  
in loco significet, ne incuria error cōmittatur in cōpositiōe.

*Confectio anacardina, & est confectio sapien-  
tum &c. LVI.*



B anacardis quos recipit, præfens cōfectio anā-  
cardina vocatur. Sed quare potius ab anacardis,  
quām ā burūgis, aut ab alio aliquo exterorum  
simplicium? Quia anacardi sunt cōuenientio-  
res intentioni ipsius cōfectiōis, & præsertim  
ad memoriæ reparationem, quod basis est illius cōpositiōis.  
Aliam differentē ab hac descriptionē auctoritate filii Zacha-  
riæ Arasī, habet Author noster in sūma de agnitudinibus ner-  
uorū: quā descriptionem ponit ipse filius Zachariæ, scilicet  
Rhasis in antidotario diuisionū: vbi etiā habet aliā, quæ int-  
itulatur cōfectio anacardi minor &c. Præterea eadē hæc cōte-  
ctio præfatis antidotariis ponitur ab Auicē. in v. can. tractatu  
3. primæ sūmæ, sub titulo Electuarii anacardini: vbi legitur,  
quod est electuariū Salomonis. Et idē electuariū sub eodem  
titulo habet Ioann. Serapionis in 7. sui Breuiarii. c. 20. Vbi

confimiliter testatur esse à Salomone. Ab omnibus nanq; dicitur esse cōfectio sapientū. Est enim mirabilis ad memoriā augendam & cōseruandam. Sed aduerte quod præfati, scilicet Auicenna & Ioannes Serapionis, quilibet ipsorum habet tres alias cōfectiones anacardi, differentes ab ista filii Mesuæ. Auicenna quidem in dicta prima summa v. can. tractatu primo: filius Serapionis autem in eodem 7. cap. octauo.

*De Ium de Bedust.*

**A** Nimaduertendum quod ferè per omnes impressiones, amēdōse legitur in præfeti descriptione: vini de Bedust. Rectius enim legendum est (vt antiqua exemplaria habent) ium de bedust. Huiusmodi enim error à minus peritis librariis processit, qui nō intelligētes ium, rescripserūt vini, transponentes i, & v, & cōuertentes m, in nī. Et sic peruertētes literas, & vocem significati, cōfuderunt sententiā & veritatem descriptionis, quia vinum de bedust cām nō reperiatur in rerum natura, nihil potest hic significare. Ium de bedust autē, siue ium de beduster, & similia, significāt nobis testiculū castoris: vt probatur per Simonē Genuēsē in litera beduster. Et per Pandectarium in litera, luna da Baduster, cum quibus cōcordat Manardus, Luminare Maius, & Nicolaus Præpositus & ceteri: quos omnes curiosis dimittimus legēdos. Et sic semper cām legis ium de bedust, siue de beduster, vel simile, castoreū intellige. Vnde ad maiore declarationē & rei certitudinem, lege apud Serapionis filiū & Auicennā qui eo in loco, vbi Author noster habet ium de bedust, ipsi castoreum habent. Quid autem sit castoreum, lege in sequēti distinctione.

*De Anacardis.*

*Pediculus  
elephantis.*

**A** Nacardorum fructus secundum veritatem, vt per Serapionem videri potest, sunt ipsi quibus vtimur. Ipse Serapio autem capitulo de anacardo, non citat Dioscoridem: vnde coniectamus ipsum Dioscoridem non scripsisse de eo. Ex Sicilia quippe optimos habemus anacardos. Vocant etenim nonnulli anacardum, pediculū elephātis. Sunt autem anacardi mali fucci, & habent in se aliquam venenositatē seu malitiam: ob quam causam præcipit Author, ante sex menses, ipsam cōfectionem non propinari.

*De Burungu.*

**H** Vius simplicis verū vocabulum, vt etiam multorū aliorum, reperire non valuimus, propter librorū variationes,

nes. Nā in aliquibus legitur burūgi, in aliis burōgi, in aliis be-  
 rungi, in aliis abrungi, in aliis bedarungi, & in aliis aliter &  
 aliter. Quapropter quid propriè sit hoc simplex, nō presump-  
 mus nostra auctoritate absq; probatione diffinire. Relinqui-  
 mus autē ipsum peritioribus nobis declarādū. Authores nāt  
 que & praxipue iuniores, vsque nunc, oēs quasi diuinando in  
 huiusmodi re loquuti sunt: inter quos sunt qui cubebas, &  
 qui nigellā, & qui melissā, & qui ocimū, & qui erysimō, & qui  
 lactuca syluestre, & qui semē rufci, quod est fructus myrti a-  
 grestis: & alii alia plura esse affirmauerūt. Nos autē tanquam  
 maius malū fugientes, dum nō habuerimus meliorē notitiam  
 de ipso occultato simplici, loco eius veras cubebas si nobis fue-  
 rint, apponemus: sin autē nō, melissam substituemus. Quia vt  
 pater in exordio ipsius confectiois, Author memoriæ valde  
 prodesse intēdit. Etenim cubebæ, & melissā (vt aliqui volūt)  
 magnopere memoriæ cōferunt. Et foriā propriè ipsa melissa  
 est, quia in cap. de melissā apud Serapionē, legitur bederangie  
 bederūgi, & bedarūgi: quæ vocabula affinitatē quādā habent  
 cū supradictis. Et cū (vt diximus) aliqui libri bedarungi ha-  
 beāt scriptū, & inē Serap. faciat aliud cap. quod intitularur de  
 abrugi, vbi dicit: abrog, vel abrugi est granū parū punctatum  
 nigredine & albedine, rotundū ncut granū mēf. id est robiliæ  
 nullius odoris: affertur de senī: in sapore eius est amaritudo  
 &c. In summa quid propriè sit, ignoramus. Aduerte quod di-  
 ximus veras cubebas, quia (vt in cōfectione alia Galeni decla-  
 ratū est) hæ quibus hodie cōmuniter aromatarii vtuntur, non  
 sunt veræ cubebæ. Aduerte etiā quod author nouarum cōmē-  
 tationum super hac cōfectione, arguēs Luminare Maius, ipse  
 peius dicit & falsissimè scribit Auicēnā & filium Serapionis  
 loco burungi, in præsentī descriptione, habere nigellā. Cū  
 in rei veritate uterq; ipsorū, vt Author noster burūgi habeat.  
 Et licet in vna aliarum triū descriptionum, quæ maximè dif-  
 ferunt ab ista, ipsi habeant nigellā, non tamen per hoc proba-  
 tur, nigellā esse burungi. Sunt etenim & ibi præter nigellam,  
 & alia plura simplicia, quæ nō sunt in præsentī descriptione.  
 Ergo eadem ratione qua ipse interpretatur nigellam, potest  
 quispiam interpretari quodlibet eorum esse burungi: quo-  
 niam vbi Hali Abbas describat cōfectionem anacardinam,  
 nescimus. Nam in decimo practicæ non inuenimus, vbi ipse  
 etiam Hali citat.

*Burūgi  
plenia.*

## DISTINCTIO SECVNDA EST

*De medicinis opiatīs.**Cōfectio Philonij, ex inuētiōe propria &c. LVII.*

**P**RAESENTIS quidē cōfectiōnis titulus ve-  
 rior est, Cōfectio Philonis, ab ipsius inuentore:  
 vel simpliciter Philonium, quod idem significat  
 quod medicamē Philonis, seu cōfectio, vel aliud  
 simile. Cū autē nūc legitur, Cōfectio Philonii  
 idē est acū diceret, Cōfectio medicaminis, seu antidoti Phi-  
 lonis. Sequitur: Ex inuētiōe propria, scilicet ipsius Philonis  
 & nō filii Mesuæ. Cū autē reperiat̃ diuersa descriptiones  
 sub nomine Philonii, variisq; cognominibus munita, vt est  
 Philoniū Persicū, quod mox subscribemus: & Philonium Ro-  
 manū &c. nō intelligitur quōd Philo fuerit Persa: & Roma-  
 nus, sicut intelligitur Philonium Tarsense, ex eo quōd Philo  
 ipse fuit Tarsenis. Sed cū legitur Philoniū Romanum, &  
 Philoniū Persicū, est intelligedū, quōd medici Romani atq;  
 Persici accipiētes descriptionē istiusmodi antidoti Philonis  
 vt eis expediens & bonū videbatur, varia addidere, atq; cōmu-  
 tauere simplicia, alii plura addēdo, alii pauciora: necnon & in  
 simplicium pōderatione aliquo modo diuersificādo: atq; ita  
 vocatū est Philoniū Romanum, hoc est Cōfectio Philonis se-  
 cundū vsum Romanorū: & Persicum, id est secundū vsum Per-  
 sarum. Sic etiā Philonium descriptione Hamech filii Zacha-  
 riæ, id est quōd ipse Hamech accipiēs cōfectiōnem Philonis,  
 suo modo variāuit. Et quonia omnes descriptiones Philonii  
 præfatae, ab ista prima quæ hīc describitur, depēdent, rectē ab  
 Authore nostro inscribitur, Ex inuētiōe propria. quia hæc  
 est verior, purior, & simplicior descriptio ipsius Philonis me-  
 dici. Quasi dicat alias descriptiones ab aliis esse variatas, &  
 idē nō meras esse Philonis descriptiones, sed descriptiones  
 Philonis cū additionibus aliorū. Vt in Philoniū Romanū, id  
 est Cōfectio Philonis cū additione Romanorū: & Persicam,  
 scilicet cū additione Persarū &c. Nōnulli autem libri ex an-  
 tiquis sic habent hūc titulum: Cōfectio Philonii descriptione  
 prima &c. quæ etiam potest itare, & ferē idē significat, vide-  
 licet quōd hæc descriptio simplex & vera ipsius Philonis sit,  
 & fuerit prior omnibus aliis, quæ ab ipsa dependent. Præ-  
 terea



terea à nōnullis ad titulū Philonii Romani additur Tarsense, vnde legitur: Philoniū Romanū Tarsense, quod idē significat, q̃ Cōfectio Philonis, Tarsēnsis secūdvū, teu cū additiōe Romanorū. Etenim testatur à Galeno, & Paulo, & aliis fide dignis Authoribus, quòd Philo medicus fuit Tarsensis, & nō Romanus, vt aliqui putāt. Nonnulli verò, vt Nicol. Salernitanus, & Pādectarius, & ceteri per etymologią vocabuli exponūt Philoniū significare nouū amicū, siue amās hominē, vt in litera Philimō ipse Pādectarius dicit. Etenim titulus Philonii Perfici, quod ponitur ab Authore nostro in cura de aggritudinibus pectoris & pulmonis, scilicet in fine capituli de fluxu sanguinis ab ore: per aliquos libros incipit Philimō, vel filimō, vel filomiō, vel filomō, & similia plura. Et licet aliqui scribāt filoniū, & filimō &c. per f, nihī refert, & idē est. Veruntamen per f, tāquā Latine: per ph, autē tāquā ē Græco. Rectius vero per ph. Cōfectio autē Philonii Perfici præfata, id est cū additione Perfiarū, quāvis nō sit in hoc antidotario, tamē quia in se includit totā præsentē descriptionē, & quia à multis habetur in frequēti vīu, cū sit ab ipsomet Authore nostro posita: visum est nobis nō incōgruē hīc ipsam describere, & vnā simul cū ita declarare. Vnde sequitur: Philonii Perfici descriptio *Philonij*  
&c. Accipe piperis albi, hirsquiami albi, ana 3. xx. opii, terræ sigillatæ, ana 3. x. scedenegi, croci, ana 3. v. castorei, spicæ, euforbii, pyrethri, margaritarū nō perforatarū, charabæ, zedoariæ, dironici, ramich, ana 3. j. cāphoræ 3. vnius tertiā. Cōfice cū melle rosato collato. Dos, à 3. s. vsque ad 3. j. cū succo arnoglossæ aut cū aqua rosata, & modico vini puri. Sed est animaduertendū, quòd per omnes impressiones in præfati descriptione Philonii Perfici modōssimē legitur, papaueris albi, vbi necessariò legēdū est piperis albi. In nulla nēpe penitus Philonii descriptione, tā Authoris nostri, quā Nicolai, & Auic. & filii Serap. quā etia Galeni, & Pauli &c. habetur papauer, nec in exemplaribus manuscriptis legitur. Errorē equidē huiusmodi, à minus peritis librariis cōmissū esse: nō dubitamus, qui forsā aliquo modo illud piperis albi, abbreviatē legētes, de facili errauerūt, putātes esse papaueris albi: quod fortē scirēt hāc cōfectionē soporiferā habere virtutē: & quòd papauer sit eiusdē virtutis & proprietatis, haud est, qui ignoret. Ex quo, nō cōsiderātes vtilitatē, & (vt melius dicamus) necessitatē piperis in huiusmodi confectionibus, sine alia diligēti examinatione, pro pi-

*Narcotica  
quibus ad-  
misceantur*

peris, papaueris scripti tarūt, siue impresserūt. Enimvero si bene perlegisset canones ipsius Authoris, didicisset utriq; quid faciat piper in huiusmodi cōfectione. Nō enim sine ratione, & negligenter Doct. pharmaca cōposuere. Quid igitur dicit Author noster in sexto canone tertii cap. intētōis tertie, quę est de nocumētis redūdātibus ī corpore in hora purgationis? Cuius tertiu cap. est: Si medicina soluit vltra, quā oportet. Principiū verō canonis est: Cōpingere autē & stupefacere &c. vbi inquit: Timetur autē ex narcoticis nocumēta plura. Sunt enim omnino cōtraria rei vitę, cōgelātia, & stupefaciētia, & mortificātia, & nuda quidē magis, adhuc magis recētia. Ars vero & societas regūt eorū nocumēta & remouēt. Verū triū intētionū res admittit eis, ipsarū operationes bonificant. Primō verō societur eis quę resoluūt, & auferunt ( quę ex narcoticis prouenit) cōgelationē. Sicut verbi gratia, Rectē miscetur eis castoreū, & piper, & crocus. Sūt enī hęc theriaca narcoticorū. Sed piper & castoreū faciūt ad resoluēdū & carinādū magis. Crocus verō maturat, & sedat virtutē narcotici. Secūdo verō cū eis quę virtutes cōfortāt, & spīs reparāt, miscemus: sicut rectē miscemus eis ex cordialibus & stomachicis rebus, quę cōferūt rei vitę: sicut spica proprię, & daronici, & zedoaria, & similia. Tertiō oportet vt societur eis quę sistūt, & sedāt, & strīgūt agitas & reumatizatas materias, fluētes de parte ī partes: sicut est myrrha proprię, & olibanū, & sādara, & similia. Sic enī narcoticorū iniquitas reprimitur. Hęc ille. Vbi notādū, qđ ī oībus cōfectionibus Philonii, cuiuscūq; Authoris, sepe habetur ista tria, scilicet piper, castoreū, & crocus, tanq̃ principalia narcoticorū correctiua: vel saltē duo, piper scilicet, & crocus: quia Gale. & Paul. & Nicol. nō habent castoreū. Quāobrem in philonio Hamech filii Zacharię crocus debet inesse, vt suo loco dicetur. Et quāuis aliqui nō habeāt castoreū, tamē non est qui careat pipere in præsenti, vel simili descriptione. Quapropter legēdū est, piperis albi, & nō papaueris albi: ex descriptionibus filii Serap. & Aui. qui in hac & eadē Philonii Persici cōpositione, habent piperis & nō papaueris scriptū. Et similiter Galenus ī nono de medicamētōrū cōpositione secūdū locos, in Philonii descriptione habet piper albū, & non papauer. Papauer enim nō est multū necesse in huiusmodi descriptione cū recipiatur in ipsa opiū. Itē sciēdū, quod quęlibet alia quęuis medicina opiata, siue narcotica ( vt sagzeneā, & Athana-

sia &c. ad minus debet habere duos istorū triū: & quod sine aliquo istorū propinare huiusmodi cōfectiōes est periculōsū.

De Iusquiamo.

**I**Vsquiamus & Græcè hyoscyamus, latinè Apollinaris herba *Dens cabal-*  
*linus.* dicitur. Ab aliis autem altercus, & à nōnullis dens caballi-  
 nus vocatur. Vulgaris herba est, & trium specierū reperitur.  
 Discrimen autē ipsarum efficacius in semine probatur, à quo  
 plantę nomina sibi vendicarunt. Et inde cuius plantę semen  
 est album, dicitur hyoscyamus albus, melior species & frequē  
 tior in medicinis: de qua author, tanquam de optima præci- *Hyoscyamus absol-*  
 pit, cum dicit, Iusquiami albi &c. Atque inde quotiescunque *mus absol-*  
 reperitur hyoscyamus absolute, semper de albo tanquam de *re.*  
 meliori intelligitur, siue de foliis, siue de semine petatur. In  
 præsentī verò, & similibus cōfectionibus, semē est ponēdum.  
 Secunda species iusquiami habet semen substarum, quā si pri  
 ma haberi non potest, loco præcedētis, teste Dioscoride, sub  
 stituitur in medicinis. Tertia autē, (cuius semen est nigrum,  
 ex quo iusquiamus niger appellatur) tanquam perniciosissima  
 abiicienda est, nec omnino recipienda in cōfectionibus, nisi  
 magnis causis, & cum cautela magna.

De Opiō.

**Q**Vāplurimi re vera credūt idē esse Opiū & meconium, *Meconium.*  
 sed longe aberrant: quia meconiū est expressus e papau-  
 ris cōtutis foliis, & capitibus succus, & congelatus.  
 Opiū verò, ex scarificatis capitibus tantū colligitur: quod nil *Opium.*  
 aliud est, q̃ lac capitis ipsius papaveris scarificatione seu inci-  
 sione eductū & condensatū: quod etiā lacryma papaveris di- *Lacryma*  
 citur, ut in Paulo, & Gale. & ceteris pluries legitur, & particu- *papaveris.*  
 lariter in ista Philonis cōfectiōe loco opii, papaveris lacry-  
 mam habēt. Et ad meliorē probationē, quod nō sit idem me-  
 conium & opiū, lege in Reque Nicolai, ubi habetur utrunq̃,  
 scilicet opium & meconium. Et seorsum modus faciendi o-  
 pium, à modo faciēdi meconium scribitur à Doctōribus, ut à  
 Dioscoride & Serapione. Lege igitur apud Serapionem ca-  
 pitulo 374. ubi Opiū Thebaicū, ex bonitate loci præfertur cæ-  
 teris: & maximē quod exceptū est ex capite papaveris nigri.

De Scedenigi.

**H**æc barbara dictio, ut mazahari, alcheil, & alix plures  
 per varios libros, varias habet descriptiones, verior ta-  
 men ipsarum (ut inuestigare potuimus) est scedenigi: quæ  
 idem

idē hic sonat, quod lapis hæmatites. Sed hæ sunt variationes, quas per antiqua & manuscripta exēplaria collegimus, videlicet scedenegi, sedenegi, sedenigi, scedenigi, scedenagi, sedenagi, scegdenegi, scegdenigi, scedenegi scedengi, sedēgi, schedenegi, sehidenegi, sehdenegi, scehedenigi, sehedenegi, shedēgi, sedegi. Per libros impressos et legitur, scehdenegi, vel sedenegi, vel sedenagi. Lumē apothecariorū habet scedenigi, & Thesaurus aromatariorū, scehedēgi, & vterq; dicit eī se semē cānabis. Nicolaus Prapōsi. quidē descripsit presentis Philonii Persici cōpositionē, & si non est error impressoris, huiusmodi dictiōnē demit. Similiter & dictus Nicolaus, & Auicēna, & filius Serapionis, in suis Philonii Persici descriptionibus nō habēt talē dictiōnē. Luminare Maius præterea ponit Philoniū Persicū, secundū Auic. sine huiusmodi dictiōne, & aliā Philonii Persici, secundū Authore nostrū descriptiōnē, in qua declarās sedenegi, dicit quod est lapis hematites: & differentiā in describēdo addit, videlicet quod si hæc dictiō scribatur cū aspiratione, schedenegi, vel schadenegi, significet semē cānabis: sine aspiratione autē est lapis hæmatites. Et probat suā opinionem per Serapionē, qui capitulo de cānabe scribit huiusmodi dictiōnē aspiratē: & c. de lapide hæmatite sine aspiratione. Sed hæc eius declaratio nobis nō satisfaciť: vnde nos coacti suprascripsimus tot variationes quot inuenimus: vt vnusquisq; videat, quod plures sunt ex eis quæ habēt aspirationē. Et ecōtrā in trochiscis de terra sigillatā Authoris nostrī; in quibus habetur hæc dictiō, per omnes libros tā impressos, quā manuscriptos, nulloq; volumine discrepāte, si ne aspiratiōe, vt quilibet videre potest. Etenim ibi nō potest significare lapidē hæmatitē: quia per se ipse lapis ingreditur in ipsam cōpositionē. Nec Author bis inibi posuisset dictum lapidē. Et licet sit ridiculū legere, tamen pro meliori declaratione nō pudet nos subscribere variatiōes, siue synonyma vocū, quæ per dictos libros in descriptione præfatorū trochiscorū leguntur. Etenim omnes impressiones, quas vidimus, vni-formiter habent, sedenagi. Exemplariorū autem quæ adhuc extāt apud nos, sex habēt sedenigi, quatuor sedenegi, quatuor sedēgi, duo sedegi: reliquorum verō singula singulas subscriptas voces habēt: videlicet sendenigi, sedenigigi, sedeningi, sedemergi, & denegi. Quas variationes ne forte quis nos mendacia scribere credat, et in aliis multis codicib. similiter legimus,

mus, qui nūc apud nos nō sūt. Ergo huiusmodi vocabulū sine aspiratione, nō sēper significat lapidē hēmatitē. Item pādectarius quali nīl curas nī aspiratē vel nō scribatur, plures cōsimiles voces modō cū h, & modō sine h, tā pro lapide dicto quā pro cānabe, annotauit. Vt quilibet per se videre potest in his literis, scilicet cānabs, lapis hēmatites, sadenegum, sadenegi, icehedenigi, icedenigi, icedenegū, sechedenicni, sedanegi, tednach, sedenegi, sedenigi, seheg-nigi, senades, tēdenigi &c. Itē ipse Padectarius habet alia cōsimilia vocabula, quæ nec lapidē, nec cānabē significat. Vt est sehedengi, quod dicit significare lac hordei. Et sadage, sadeg, sadegi, id est foliū Indū, id est malobatrū. Itē sadenig, id est pullegiū &c. Item in synonymis antiquis Auicennæ legūtur cōsimilia plura diuerſæ significationis, modō cū aspiratione, modō sine ea, sic: Sechedenegi, vel sedenegi, est semē cānabis: icedenegi, vel sedine, est hēmatites. Et inferius: Sedenegi, id est semē granati syluestris. Et in fine litius literæ: Seienegi, id est amylū. Habet ad hæc Auicēna in quinto cānone duo cap. vnū quod incipit sehedenegi, quod dicit esse semē arboris cānabis: & aliud quod incipit sehemenegi, quod est interpretatum, iurafabrā cāpestre. Quid autē sit iurafabrā cāpestre, ignoramus, nisi fortē sit cānabis syluester: quia simile Bellunenſis suis interpretationibus notauit, in litera Alſeme vt sehemenegi. Inquit enim: Alſeme est herba ex genere lacticianorū, & granatius nominatur shedanegiberi, id est cānabis syluester. Cautabreuitatis omittimus dicta aliorū, vt Simonis Genuēſis, Auerrois, & ceterorū quonia cū supradictis in pluribus conueniūt. His igitur viis, est cōcludēdū, quod fere oīa prædicta barbara vocabula, tā aspirata, quā nō aspirata, possūt æquiuoca dici, & quod quodlibet ipſorū ad plurā aptari potest. Et quonia (vt credimus) omnia sunt corrupta & vitata, difficile admodū est nesciētī peregrinas linguas, rectē interpretari ipsa vocabula: quonia (vt habuimus a quodā Arabicæ linguæ ſatis peritoviro) huiusmodi vocabula, & cōsimilia, atque diſsimilia plura, Arabicē vt pluri- mū, nō deſcriptione, ſed loquutione diſtinguūtur, & accētuatione ex qua pluries eadē dictio, duo, & quādoq; tria diuerſa potest ſignificare: quemadmodum & in noſtra lingua cōsimilia plura sunt, quæ non litera, ſed accentū diuerſa hūnt. Quapropter quandocunque reperiuntur huiusmodi vel cōsimilia vocabula, non ſine alicuius periti Doctoris conſilio, quicquam

quā de ipsis est praesumendū. In praesentis verō Philonis confectione (vt dictū est) lapis haematites est ponendus quia conuenientior est canabis semine ad sanguinē restringendū &c ad quā valet ista confectio. Christophorus de Honestis autē scri-

*Christoph.* bes Philoniū Perficū, nō sedenegi, vel simile, sed setaragi po-  
*de Honestis* fuit, & exposuit esse tapiā. Quod q̄ male vtrūq; posuerit, ex  
*error de se-* superioribus nostris declarationibus clare patet. Etiam ipse  
*taragi.*

Christophorus in trochiscis de terra sigillata, pro sedenagi, q̄ ibi legitur, habet sedenegi, q̄ exponēs dicit: id est, fumus terrae. Hinc subiūxit, dicēs: Sed setaragi est quādā herba, quā vocatur prassiū, vel prassia. Vbi ēt duos errores nō paruos cōmittit, quoniam sedenegi nō est fumus terrae, nec setaragi, siue setaragi est prassiū &c. vt in superioribus apertē probauimus. Lapis haematites autē idē est, q̄ lapis sanguineus: ab hama, q̄ sanguis interpretatur. Vulgaris notitiā est, sed species eius sunt plures: vnde à Dioscoride laudatur subniger, durus in se, sed friabilis &c. Durū dixit, ad differētiā illius qui est tā tener & mollis: quē nō potes ita leuiter tangere, quin inficiat tibi manū. Et friabile dixit respectu illius qui est durissimus, & difficillimē frāgitur: quoquidē ob suā duritiē vntur aurifices & argētarii ad perpoliendū auri vel argēti vasa, vt lucidiora fiant.

*De Castoreo, seu Castoreo.*

**P**ER castoriū, siue castoreū, intelligitur testiculus cuiusdā animalis, quod secūdū Dioscoridē, Pliniū & ceteros probos Authores, fiber dicitur & castor. Estq; ipsum animal, teste Plinio & ceteris Authorib. vt lutra, caudā tantū habēs lutra dissimilem. Lutra autē murilego nō multū abtilis est. Quotidie in pluribus fluminibus, stagnis, lacubus, & aliis paludaceis, atq; aquaticis locis, in nostra Italia, sicut & in aliis prouinciis videtur. Vulgō sunt qui litrā, & sunt qui lontrā, quāsi lutrā vocāt. Quapropter cū sit fiber animal parū, lutrā videlicet magnitudinē nō excedens, miramur quomodo habeat tā magnos testes, & dubitamus de iis qui vbiq; in officinis hodie pro castoris, siue fibri testiculis, venales habentur. Idq; vel eo maximē, q̄ Dioscorides, & plurimi Authores testātur ipsum animal habere testiculos minimos, & spinā dorsū adhaerētes, vt porcus. Nos autē, adhuc nō vidimus ipsum animal integrū, nec viuū, nec mortuū, ex quo nō possumus rectē de ipsis testiculis verā donare notitiā. Hoc tamē scitote, q̄ te  
*Castoreum* de Hermolao Barbaro, atq; Brasaulo, testiculi lutrā valet ad  
*supplena.* omnia

omnia quæ fibri testes. Et ideo loco castorei potest poni testiculus lutæ: vel secundum Auic. capitulo de castoreo, loco eius ponitur quantum est ipsum de acorō, & medietas ipsius de pipere.

*De Pyrethro.*

**P**yrethri radix quæ passim hodie in officinis habetur, quæ quæfere in oibus motibus Italiae herbarii colligunt, minime est vera: sed potius est radix apii montani, quæ pyrethri. Nam folia ipsius plantæ non staphylini, seu maratri (ut dicit Dioscorides) sed apii habent similitudinem. Quamvis etiam nonnulli peiori errore delapsi (ut testatur Hermolaus, & Erasaulus) non ista, sed quadam radice cuiusdam plantæ quæ vulgo draco vocatur, pro pyrethro utuntur. Etenim illi male, sed isti peius agunt. Pyrethrum verò, quod ab orientalibus plagis deferitur, licet plantam eius non viderimus, tamen in multis proprietatibus, & præcipue in educendo saluam verius & efficacius probatur. Radices autem huius plantæ, quæ (ut diximus) apium montanum esse opinamur, accendunt quidem os & fauces vehementer ad instar ignis vrætis (quæ ob causam deceptos fuisse recentiores credimus) sed non eo modo educunt saluam, ut radices veri pyrethri: à qua proprietate, teste Dioscoride, radicem pyrethri saluarem appellauerunt. Igitur qui Orientale pyrethrum habere non potest, non debet hoc Italicum admittere pharmacis, sine meliori expertorum Physicorum consilio.

*Saluaria  
herba &  
radix.*

*De Ramich.*

**R**amich est quædam compositio valde notabilis, & de ipsa dicetur in distinctione de trochiscis. Quare ibi.

*Notanda quedam.*

**I**nsuper visum est nobis, in huiusmodi descriptionibus, aliqua notabilia subscribere, non minus necessaria, quam lectu digna. Igitur ubi dicit author: Confice cum melle despumato, quod sit quadruplum poderis omnium. hoc similiter dixit in confectioe de melleo dulci &c. Item nota, quod ubi dicit Author, Dosis eius est sicut cicer, aut faba parua, cum eo quod conuenit ex potibus. intelligitur quod debet sumi hæc confectio ab infirmo cum illa re potabili quæ sibi magis conuenit: ut puta cum aqua lactucæ vel papaueris, vel cum vino aut aqua simplici, vel cum aliquo alio liquore conuenienti suæ iurmitati. Sed hoc scire potius est medici, quam ro matri. Præterea notandum, quod medicina opiata eadem potest dici, quæ narcotica siue stupefacientia dicitur. Et opiata, ab ipso opio denotatur. Vnde sciendum, quod omnis medicina opiata, id est quæ recipit

*Opiata om* recipit opium in bona quantitate, potest dici stupefactiva & narcotica, sed non e contra: quia plures sunt medicinae narcoticae, si-  
*factiva* & ne stupefactiva quae non recipiunt opium, id est lacrynam papave-  
*narcotica*, ris. Item medicina opiata potest capi dupliciter: primo largè, vi-  
 sed non e contra delictet quod omnis medicina quae recipit de opio, vel parum  
*Opiata si* vel multum, dicitur opiata, propter ipsum opium quod recipit.

*gnificatio*. Verumtamen sunt nonnullae medicinae, quae recipiunt in tam modica  
 quantitate opium, quod non stupefaciunt, quae quidem simpliciter &  
 stricte loquendo, non possunt dici stupefactivae, licet sint opiatae.  
 Ponitur autem in eis opium, ut temperet caliditatem aliquarum medi-  
 cinarum, vel ut inueniet infermentando &c. ut in quibusdam collyriis  
 recipitur tam parum de opio, quod nullo modo stupefaciunt illa  
 collyria. Secundò vero stricte loquendo, illa est vera medicina  
 opiata, stupefactiva, quae habet sufficientem ad stupefaciendum  
 opii quantitatem. Cum igitur ponitur opium in medicinis causa  
 stupefactionis, oportet quod ponatur ex ipso quantitas suffi-  
 ciens. Verbi gratia, quod ad minus cadat in quamlibet dosim  
 ipsius medicinae, opii grana duo. Narcotica autem medicina di-

*Torpedo, pi* citur secundum aliquos, à quodam pisce, qui Graece *Narkus* voca-  
*scu.* tur, Latine autem torpedo. Qui piscis, ut Plinius narrat libri  
 noni cap. 42. est ita stupefactivus ob suam maximam frigiditatem  
 quod occultas se in limo, pisces supernatantes torpore afficit  
 adeo ut ipsos torpentes & tanquam mortuos possit deuoret. Item  
 capite primo 32. libri, idem Plinius testatur, quod ipsa torpedo  
 attingens hamum pedentem è silo, quod est ligatum in summitate  
 calami, seu virgae cuiuscunque robustissimi piscatoris manu  
 ipsam virgā tenetis, non solum manus ipsa, sed totum corpus  
 ipsius piscantis torpet, stupefit, atque impotens redditur.  
 Igitur a dicto pisce, ipsa medicina dicitur narcotica, tanquam  
 per similitudinem: quia sicut illa torpedo, ita & ipsa medicina

*Narcoticū*. facit hominem torpere, ac stupefieri. Vel narcotica dicitur a  
*Vapnō* verbo Graeco, quod significat obstupefacio, vel (ut di-  
 cunt) facio intormetire. De stupefactiva autem medicina, seu alie-  
 nativa, dicit Avicenna in secundo canone tractatu primo cap. 4.  
 post medium: Et stupefactiva est medicina frigida, ex infrigida-  
 tione cuius, quam in membro facit, provenit ut ponat substantiam  
 spiritus deferentis ad ipsum virtutis motus, & sensus: frigida in  
 complexione sua, & grossa in substantia sui, quare non vtun-  
 tur eo virtutes animales, & resolvitur siue permutatur com-  
 plexio membri propter illud, & non recipit impressionem  
 virtutum



virtutum animalium, sicut opium & iusquiamus & lactuca & papauer nigrum, & mandragora, & similia eis. Hæc Auicenna. Nota etiam, quod duplex est stupefactiuū. Vnum videlicet, quod *Stupefactiuū duplex.* exhibitum inducit somnum, sicut quādoq; Philonium, & similia sæpe ob plurimam opij quantitatem. Alterum est, quod solam partem, cui obuiat, stupefacit sicut theriaca recens, & similia. Potest etiam insuper quæri, qualiter stupefaciāt medicinæ: Dicendum, quod omne membrum sentiēs, habet quandam mensuram frigoris terminari, cum suo calido: cui frigori si fiat additio frigoris incerta mēsurā seu superflua, membrum stupefacit. Et hoc modo omnes valde opiatæ medicinæ stupefaciunt. Item notandum, quod licet Author nō dicat has Philonij confectiones non propinari debere ante sex menses: sicut dicit de cōfectione Anacardina & Athanasia &c. attamen semper subintelligitur. Vnde nota, quod omnes medicinæ opiatæ, narcoticæ, stupefactiuæ, & *Opiatarum & similia* eis cōsimiles: nec non & illæ in quibus commiscetur aliquod sim- *vsus regula generalis.* plex venenosum seu perniciosum, de quo timetur aut suspicatur (vt est confectio Anacardina præfata, quæ pro anacardis tantum asseruatur) non sunt propinandæ, nisi transactis sex mensibus à sui confectione, excepta aliqua vrgente necessitate: & tunc de consilio physici periti. Quia Author monet nos in supracitato canone, qui incipit, Cōpingere & stupefacere, de propinatione narcoticorum, dicens: Verum si excusari potest, non propinari est melius: sed si excusari non potest, melius est vt non potui dentur, sed administrare in emplastris tantum est melior cura, vel saltem in suppositorijs & enematibus, si parum in emplastris contulerint. Et si cogeris propinare potui, fac cum timore & cautela. Et dare ea antiquiora, est minoris nocimenti. Maturatur enim & digeritur cum rebus permissionis virtus narcotici. Hæc ille. Igitur ex narcoticis, seu stupefactiuis, antiquiora sunt meliora ad propinandum: ergo non ante sex menses huiusmodi sunt administranda. Et licet dicat antiquiora, non tamen intendit antiquissima, quæ ob nimiam vetustatem iam amiserunt virtutes suas. Quia teste filio Serapionis in vij. sui Breuiarij: capitulo 34. autoritate Galeni: Philonium Persicum vel simile ei, post secundum aut tertium aut quartum annum est magis iuuatium, & conseruatur sic vsq; ad decennium, quo transacto minuitur odor eius, & fit insipidum, & debilitatur virtus eius &c. quapropter ultra tertiumdecimum annum iudicamus non esse administrandum.

Confectio Philonij, descriptione Hamech filij  
Zacharie &c. LVIII.



**P**RAESENS descriptio licet principaliter habeat originē ab ipso Philone, vt dictū est suprà, tamē quia Hamech filius Zacharie suo modo variavit, eam ideo intricatur, Cōfectio Philonis, aliter ab Hamech descripta &c. Et quāvis discordet ab illa in simplicibus, tamen, vt patet in exordio, omnino concordat cum ipsa in proprietatibus & virtutibus. Vnde cū dicit hīc Author: Er est multae experientiae in sedatione dolorum & aggritudinum, quas diximas. supple suprà in propria & simplici Philonij descriptione.

De Nigella.

**T**Aediosa valde effethuius Nigellae descriptio, si omnes Authorū opiniones hīc inferere vellemus. Quoniam nō desunt, qui nō decipiuntur in Nigella, Melathio, Gith, Githone, papauere nigro, & illa re, quā falsō nigellā citrinā appellāt, & qua pessimē pro nigella, & pro minori cardamomo fere omnes vtuntur (de qua mox dicemus.) Quia aliqui putant tot esse varia simplicia, quot sunt praedicta vocabula. Et econtrā sunt alij qui credunt omnia praefata vocabula vnū & idem significare. Sed reuera nigella & melanthium sunt vnū & idem. Nigella quidē Latine, melanthion Graece. Gith verō est nomen æquiucum ad nigellam, & ad illam plantā quam vulgares grossiori vocabulo Githonē nō minant & ad aliud. Et à similitudine putamus dictā esse illā herbam, Gith, siue githonē, quia cum gith vero, quod est melanthiū, id est nigella, aliquam habet similitudinē in qualitate capitū & nigredine seminis. Nā in alijs particularitatibus, puta in folijs, floribus &c. multū differt Githon à nigella. Sicut etiā à similitudine quam habet capita nigellae, id est melanthij, cū capitibus papaueris, putamus à Romanis dictū melanthium (vt Diosc. scribit) papauer nigrū nūcupari. Nā scitur quod virtutes & ceterae proprietates vtriusq; papaueris, scilicet & nigellae omnino cōtrariantur ad inuicē. Est enim papauer frigidū in 4. & nigella calida in tertio. Quapropter (vt dictū est) non nisi à similitudine Romani vocauerunt nigellā papauer nigrū. Igitur monēdi sunt aromatarij, vt cū inueniunt in aliqua medicinali cōpositione papauer nigrū, ne sumant nigellā: quia licet nomine sit nigella in numero papauerū, re tamen longinqua est ab ipsis. Nigella autem, id est melan

melanthiū, & illa plāta Githon dicta vulgaris notitiæ sunt apud omnes. Veruntamē quid sit githon apud antiquos nescimus. Cæterum illa herba, quam falso & abusiue nigellā citrinam vocant (vt coniectamus) cyminum syluestre est, quod tertio libro à Dioscoride scribitur. Vbi ait illud habere semen in capitibus figura gith &c. ad literam omnia correspondent adinuicem, vt ipsam plantam contemplantes non laet.

De Folijs Rutæ.

**F**olia rutæ, id est domesticæ (de qua semper intelligitur, tan-  
quā de notiori cū absolute describitur, debet esse sicca, sed *Ruta abj*  
nō excessiue, vt tradidimus de ipsis suprà in Diacymino secūdo. *lutè.*

Sagzeneæ experta &c. LIX.



**V**ARIE per varios libros inscribitur præsens confectio, quoniam sunt qui Zazeneæ, & qui Egeteæ, & qui Sazeneæ, & qui aliter & aliter habent. Rectius tamen inscribi debet Sagzeneæ, vt est in multis exemplaribus, & in filio Serapionis, & in Auienna, & alijs pluribus.

De Myrrha.

**E**T de myrrha quid dicemus, quam veram nunquam valuimus videre: Nam illud quo pro myrrha communiter vtuntur aromatarij, nō esse myrrham nec myrrhæ speciem, facillimè ab inquirentibusprehenditur. Nam vbi amaritudo insupportabilis: Vbi odor suauissimus: Et quòd myrrha amara, imò amarissima sit, non solum per Dioscoridem, & alios rei medicæ Authores, verumetiam & per sacrum euangelij Marci textum probatur, cū legitur quòd Seruatori nostro Christo dederunt myrrhatum vinum, quòd cū gustasset propter amaritudinem insupportabilem (vt nonnulli sancti viri contemplantur) non accepit. Et quòd myrrha sit odoratissima, bonum videlicet odorem spirās, & per eosdem Authores, & per sacros codices passim probari potest. Vnde illud Ecclesiastici 24. Quasi myrrha electa, dedi suauitatem odoris: & quasi storax &c. Hæc autem falso vocata myrrha male olet, & amaritudo eius est valde debilis. Et in cæteris notis ad quid amitemus tempus? Quoniā est vulgatum prouerbiū: Quod pater expressè, non est probare necesse. Igitur aliquorum iudicium non est spernendum, cui dicunt istam officinarum myrrham esse bdellij speciem. Et licet myrrhæ (vt testatur omnes fide digni Authores) sint plura genera & species,

hæc tamen quam falsò diximus vocari myrrhā (siquidem myrrha est) ea certe est quæ à Dioscor. ergasima cognominatur, quæ omniū est deterrima: vel ea ab eodem autore dānata, aminæa dicta: quoniā aliarum specierū esse posse nobis nō videtur. Et si est yna de duabus prædictis, quæ ambæ sunt malæ, nō videmus quomodo bene in medicinis recipi possit. Igitur cum careamus vera myrrha, quid loco eius rectè ponendū sit declarabimus: & dicemus quòd ex myrrha vera, stacte exprimitur, quæ à nōnullis flos myrrhæ dicitur: quæ quidē nil aliud est, quàm pinguitudo ipsius myrrhæ: & loco myrrhæ, necnō & quorundam vnguentorū potest poni: quia vim calefaciēdi, vt myrrha habet &c. vt auctor est Diosc. Et illa est optima, quæ est pura & odoratissima: cuiq; nil olei, aut alterius rei sit admistū. Stacte igitur loco myrrhæ admitenda est, quæ (vt dictū est) pars myrrhæ est, & nō inferior, sed nobilior ipsa myrrha. Qua de re pinguēdo, siue pinguitudo, & flos myrrhæ meritò dicitur. Stacte autē, vt probari potest per Serap. & alios plures illa est, quæ ab ipso Serap. styrax, siue nauis storax liquida appellatur. Nam ipse Serap. cap. de storace, quod incipit Miha, id est storax &c. primum loquitur autoritate Isaac eben Amran, de pluribus speciebus storacis. Hinc cum loquitur deliquida autoritate Dioscoridis, capitulum ipsius Dioscoridis de stacte ad litteram ponit. Vnde quod Græci stacten, Arabes storacem liquidam vocant. Item ipse Serap. cap. de myrrha, cuius principium est, Ler &c. ait: Et est de ipsa res quæ dicitur bathnasas, & est grossa, à qua egreditur miha, id est storax liquida, quoniā exprimitur, & dicitur mirnastacten &c. Mirnastacten dixit, quasi diceret myrrhæ, siue myrrheam stacten. Ex quibus patet Græcorum stacten, storacem liquidam Arabū esse. Etenim storax apud Arabes est species myrrhæ liquidæ, quam miha vocāt. Vnde Hali Abbas etiā in 2. practicæ, cap. 41. ait: Storaca, & est species mihæ. Et de hoc melius diceretur in cōfectione de storace. Quamobrem nil dubites apponere pro myrrha, optimam (si habes) styracem liquidam, id est stacten myrrhæ: vel storacem liquidam veram, ab optima storace expressam. Vel si nō habes liquidā veram, præsentē apponito, & erit melius quàm hoc quod pro myrrha veditur, quodq; ignoramus quid sit. Lege cætera in cōfectione de storace.

De Galbano.

**G**albanum equidem, vel galbanus est gummi, siue lachryma, siue lac condensatum (quod Metopiū Aegyptij & Syrii nuncupant) exceptū ē radice cuiusdam ferulacæ plantæ: sicut etiam

opopanacium, sagapenum, euphorbium, & alia plura. Cuiusmodi ferularum genera, pauci sunt (vt credimus) in Italia qui distinctè cognoscant. Hoc galbanum, quo vtimur dubitamus an sit verum: quoniam licet in Dioscoride legatur, quòd habeat grauem odorem, tamen Ecclesiastici 24. inter optimè odorata connumeratur. Sic enim ibi legitur: Sicut cinnamomū & balsamū aromatizans odorem dedi, quasi myrrha electa dedi suauitatem odoris, & quasi storax, siue styrax, & galbanus & vngula, & gutta &c. Veruntamen vt concedamus ipsum, quo vtimur esse verum galbanum, nō tam fatebimur purū, sed varijs adulterijs variatū: quandoquidem & Diosc. tēpore adulterabatur (vt ipse scribit) faba, fresa, & ammoniaco &c. Spurcitijs autem, quæ sunt in eo, docet Diosc. in fine capituli amouere, his verbis: In seruētē aquā coniuncto galbanū. Id cū calore aquæ liquefactū fuerit, supra se, quod est in eo inutile omne ager: fluitabuntque in summo sordes omnes, quæ scillimè hac ratione separabūtur. Est & alius purgandi modus. In raro puroque linteo colligatum galbanū, in ænea pyxide, picatōve fictili suspendito, sic tamē ne fictilis fundū glomer & inuolucrū illud tangat, operculatūque in seruētē aquā demittito: sic enim, quod vtile in eo est, in vas, quasi per colū liquabitur. Quod verò lignosum in eo fuerit, in linteo lozaretur.

*Athanasia magna &c.* LX.



ATHANASIA secundum Galeni interpretes, & Nicolaum Salernitanum & alios plures, interpretatur immortalitas. Athanatos enim Græcè, immortalis dicitur Latinè. Vnde Athanasia. Magna autē dicitur, ad differentiā minorū. Quoniam in v. cap. Auicennæ, & in 7. Breuiarij filij Serap. & in x. practicæ Hali filij Abbas habentur maiores & minores huius nominis cōfectiones. Author noster maiorem tantum (quam vocat magnā) posuit in hoc suo antidotario. Quamque maiorem in præfatis authoribus dictam legis, non obstante quòd descriptio Hali in aliquibus paucis variet. Galenus autem in octauo de medicamentorū compositione secundū locos, sub hoc titulo habet vnā descriptionem parua, & diuersam ab istis omnibus. Et in secūdo de antidotis, habet quandam trifariæ Athanasie descriptionem, quam asserit esse antidotum Mithridatis, cuius cum supradictis nulla est conuenientia. Paulus Aegineta etiam in 7. authoritate Oribasij, ponit athanasie cōfectionē differentem similiter ab omnibus præ-

dictis, sed in quibusdam paucis duntaxat concordat cum minori Auicennæ, & filij Serapionis. Præfatus autem Nicolaus habet suam Athanasie descriptionem longè diuersam ab reliquis, quæ apud aliquos habetur in frequenti visu. Romæ autem præfens filij Mesuæ frequentatur magis.

*De hepate Adib, id est lupi.*

**A**dib siue adip Arabicè, Latine dicitur lupus. Et ut Auhor noster, filius Serapionis, & Auicenna, ex Galeni præcepto, hepar adib, id est lupi, additum est huic compositioni, ad hoc, quia hepar siue ficatum, id est iecur lupi (quod idem est) valet multum contra iocineris vitia: quamobrem hæc cōfectio est optima pro his qui hepatico morbo laborant. Ex quo etiam patet, quod tam Author noster, quam Auic. quam etiā filius Serap. (vt putamus) ex Galeno sumplerunt præsentē descriptionē. Et Galenus vel à Mithridate, à quo etiam aliam eiusdem nominis supradictā, vel ab alio ex antiquioribus medicis ipsam accepit, absq; tamē lupi hepate: quod (vt præfati testantur) ipse Galenus huiusmodi cōfectioni cōmisceri præcepit. Veruntamen Athanasie descriptionē cum hepate lupi adhuc non legimus apud Galen. In nulla quippe prædictarū descriptionū, quas ipsius esse commemorauimus, hepar lupi habetur. Hali autem in sua descriptione, habet Latine hepar lupi. Sed non dicit, vt cæteri, ex præcepto Galeni esse additum huiusmodi cōfectioni. Lupus autem notum animal est & præcipuè pastoribus. Quod quidem animal licet sit rapacissimū, tamē plures habet virtutes, & operationes. Multæ enim corporis ipsius partes medicinæ vsui perquam maxime expetuntur.

*De cornu Capræ.*

**E**st animaduertendum, quod in præsentī cōfectione tantummodo debet esse cornu dextrum capræ. Illa verò clausula: Et in alio de cornibus cerui, est addita à librarijs, forte ab aliquo exemplari mendoso, transcripta. Sed secundū veritatem, in multis exemplaribus non legitur. Minimè etiā in descriptionibus filij Serapionis, & Hali, in quibus est simpliciter scriptum: Cornu dextri ex cornibus capræ. Item sciendam, quod Auic. in v. cap. bis ponit eandē descriptionem. Primò, ponit ipsam in tractatu primo primæ summæ, sub nomine Athanasie. Secundò, in tractatu sexto secundæ summæ, ad duritiē hepatis, habet ipsammet cōfectionem. In vtroq; autem loco legitur simpliciter: Cornu dextri de cornibus capræ. Ergo non est ponendū ceruinum, non obstare, quod ceruinū non minus cōpetit quam caprinum.

Nec

Nec caprinum cornu secundum virtutes & proprietates inferius est ceruino. Vnde Serapio cap. 468. de cornibus, auctoritate Galeni, ait: Plurimum quod administratur ex cornu, est ceruinum, & caprinum. Et postea de ceruino tantum loquens subicit caprinum, innuens habere conformes virtutes & proprietates. Si ergo *Coruini laus & eorum virtus.* vtrunq; sit vnius & eiusdem virtutis, designamus querere quare Author potius posuerit caprinum in hanc compositionem, quam ceruinum: & dicamus sic ei placuisse, cui causa, quae nobis est occulta, erat manifesta. Certe non est nostrum ab Authoris intentione deuiare, nisi aliquis medicus (de perito loquor) praecipiat aromatario, ut loco cornu caprae, substituat ceruinum cornu. Quoniam non solum in hoc, sed & in omnibus compositionibus medicus habet potestatem, ut sibi pro suis infirmis magis videatur expediens, addendi, minuendi, commutandiue simplicia &c. Praeterea, dicit aliquis: Quare Author potius dextrum, quam sinistrum sumendum praecipit? Respondendum, quod membrorum animalium aliud est excellentius alio. Et non est concedendum, quod cornua in animali sint vnum membrum: quia sicut de ossibus, de carnibus, & ceteris partibus, probatur vnum praestantius alio in suis operationibus, sic etiam de cornibus est tenendum. Et fortasse quia dextrum cornu ob frequentiore exercitationem efficitur melius. Nam caprae cum ad pugnam mutua prouocantur, ut plurimum cornu dextro petant propugnantes, & oppugnantes. Quod autem dicit Marardus, superstitiose sumi potius dextrum quam sinistrum, nobis non placet: quia (ut fertur) iste Ioannes filius Mesuae non fuit idololatra, nec superstitiosus, sed timens Deum, & sanctissimus vir Christianus, ut initia operum suorum demonstrant. Si igitur ab Auicenna & Serapionis filio, & ab Hali filio Abbas & ceteris esset superstitiose positum, certe ab isto sancto viro fuit reprobaturum. Fatemur enim ipsum, cum supportatione, Marardo doctiorem: nec non & in arte medica peritiorem. O utinam hac nostra tempestate fuisset nobis concessa tanti viri praesentia, quia aperiret nobis qualiter sapienter & non superstitiose, cornu caprae dextrum sit positum in praesenti compositione.

## Diasulphur &amp;c.

LXI.



Ab ipso sulphure, quod recipit, praesens confectio denominatur. In Ioanne Serapionis, & Auicenna, & Hali Abbas habentur diasulphuris descriptiones, in multis ab ista diuersas. Nonnulli scribunt

per f, Diasulfur, & sulfur, quod nihil refert. Idē enim est, rectius tamen per ph, scribitur.

*De Sulphure.*

*Sulphuris  
plures spe-  
cies.*

**L**icet Sulphur sit ab omnibus cognitum, non tamen omnes eius species pluribus sunt notæ (si species dici possunt, vel differentie.) Igitur aliquas quæ haberi possunt, edocebimus. Est vna sulphuris differentia, quæ passim in officinis habetur forma cylindracea, quod nobis videtur post sui purgationem, & liquationem in igne, fufum esse in fistulas cannarum, & exinde coagulum ad albedinē. Est & aliud sulphur declinans ad rubedinē, & hoc est pluries decoctū. Est & aliud valde citrinū, quod licet sit in igne purgatum, tamen non est multum decoctum, ut duo supradicta. Et hoc semper in magnas partes concretum venditur. Aliud inuenitur valde citrinum, cuiusmodi proprijs manibus apud Puteolanam ciuitatē collegimus, per ora quorundā foraminum fumigantiū in collibus circūcirca vallē, & in ipsa vallē,

*Sulphur  
quod non vi-  
dit ignis.  
Sulphur vi-  
uum.  
Sulphur vir-  
go.*

quæ ab incolis loci Sulphatara dicitur, in qua magna sulphuris copia à natura procreatur. Quod quidem sulphur & purius est omni alio, & propriē illud quod non vidit ignis, quodq; sapius ab Authoribus in cōpositionibus expetitur, quemadmodum & Author noster in presenticōfectione. Vocatur autē hoc à multis sulphur viuum, & sulphur virgo, (ut more ipsorum loquar) & ab alijs (ut diximus) sulphur quod non vidit ignis, dicitur. Verumtamen si hoc nō potest haberi, supradictū citrinū substituitur. Inuenitur etiam aliud sulphur, quod ignis non tetigit, quodq; similiter sulphur viuum, & lapis sulphuris vocatur à nonnullis vulgaribus. Quod quidē est cinericiū totum, nihil habens citrinitatis, quodq; à pluribus imperitis potius iudicatur esse lutum figuli, crudū supple, quàm sulphur, ob maximā similitudinem quam habet cum cretacea terra. Sed cum probatur in igne, inflāmur libētius, & totū crematur citius & melius, quàm quodlibet prædictorū. Est præterea aliud sulphur petrosū & terrosū, quod est sicut extrahitur è minera antequàm sit in igne purgatū, quod certe propter suas spurcicias in re medica non approbatur. Aliæ plures insuper sulphuris varietates secundum loca reperiuntur, de quibus multa loqui superuacaneum, cum apud nos non sint, tum etiā, quia omnes sulphuris species ferē eandē habent virtutē, & proprietatē. Omnes enim in quarto calfaciūt gradu. Sed ad faciendū oleū de sulphure, melius est quod purius, & quod non est

cogni

*Lapis sul-  
phuris.*



cognitū igni: quale sit Romæ pluribus modis, & per sublimationem, & per descensionē &c. Quod quidem oleū ad multa valet, & præcipuē ad fistulas, & ad curanda oris vlcera, quas canchrenas appellāt. Quibus nil melius, quā dictū oleū: in quo madefacta pennæ aut alicuius festucæ extremitate, ipsa vlcera semel aut bis, leui contactu perunguntur, & continuo mortificata sanantur.

*Confectio de storace &c.*

LXII.



ESCRIBITVR hæc cōfectio à filio Serapionis in 7. Breuiarij, cap. 8. Cuius inscriptio est, Confectio ad resolutionē naturæ &c. ponitur etiam à Rhafi, in nono ad Alniāforē, cap. de fluxu vētris. Sed differūt inter se ipsi Authores, videlicet quod filius Serapionis non habet olibanū, & Rhafis non habet crocū. Author noster autem vtrunque habet.

*De Storace, & Myrrha.*

**S**Torax siue styra (quod rectius vt diximus) non est aliud quā species myrrhæ. Nam Diosc. post descriptionē specierum myrrhæ, immediatē subiunxit capitulū de styra. Serapio autē capitulo de storace, ad authoritatē Diosc. descripto, sub nomine storacis liquidæ cōprehendit caput Dioscoridis de stacte, quæ est pinguitudo myrrhæ: cui continuo subiunxit capitulum dicti Dioscorid. de styra, vbi dicit: Et storax est species meha, siue miha. Miha autem siue meha secundū ipsum, est storax liquida. Et quæ ex myrrha exprimitur, debet hic intelligi scilicet stacte, quæ etiā myrrha liquida potest dici. nam aliter non erit consonum. Myrrha verò non liquida ab ipso Serap. vocatur Ler, & quida. bathnasas. Vnde idē Serapio capitulo de myrrha, secundū authoritatem Diosc. dicit: Et est de ipsa res quæ dicitur bathnasas, & est grossa, à qua egreditur miha, id est storax liquida quādo exprimitur, & dicitur mirnaistāten. Et est de ea, quæ dicitur aizen, & est pinguis multū: & arbor eius est in terra, quæ dicitur Parremia, & est pinguis: & quando exprimitur succus, egreditur velut storax multū. Hæc Serapio. Ex quibus patet, quod styra, id est storax nō multū elongatur à myrrha, & per cōsequēs, potest dici species myrrhæ. Etiā Diosc. cap. de styra dicit, quod inuenitur styra siue styraçis lachryma perlucida, & myrrhæ æmula. Etiā per ipsos Authores probatur, quod tam de speciebus myrrhæ, quā de styra liquor exprimitur velut mel. Sed liquor myrrhæ, à Græcis stacte dicitur. Liqueoris autē styraçis, à Diosc. stacte. non scribitur particulare nomē, bene autem potest subintelligi

- Stryrax li-*  
*quida* mel styracis. Arabes verò, teste ipso Serapione, utrūq; liquorem storacem liquidam appellant. Stryrax autem liquida ē myrrha, id est stacte, parū aut nihil differt à myrrha, in odore, sapore, & virtute. Et sicut myrrha est odorator, amarior, & præstātor styrace, ita stacte quod est mel myrrhæ, est odorator, & amarior, nec non & nobilior styracis melle. Quamobrem hæc storax liquida, quam aliqui sigiam vocant, qua & pro vera storacē liquida vturntur omnes, non potest esse mel myrrhæ, id est stacte, vt volūt Brasauus de styracē faulus, & recentiorum nonnulli. Non enim habet cōditiones stactes. Nos enim opinati sumus potius esse mel styracis, adulteratū tamen, quā stactē myrrhæ. Stryrax autē, siue storax non liquida, vt communis opinio medicorum tenet, est ipsa qua vtimur, quæ vulgò dicitur storax calamita, & per varios Authores legitur styrax, storax sicca, & ambra, seu lubne, aut lubue, seu storax heremitarum, & thus siue incensum, siue thymiam Iudæorū, & cozumbrum, & storax rubea, & alijs pluribus nominibus appellatur.
- Storax ru-*  
*bea* Quamuis sit & alia storacis species, quæ peculiari nomine storax rubea nūcupatur, vt in confectione aliptę muscatę Nicolai legitur, vbi ingreditur & storax calamita, & storax rubea. Et propriē est illa, quæ assimilatur maci, quæ scribitur à Serap. quod est exterior cortex fructus ipsius storacis. Doctor autem noster in præsentī descriptione petit storacē liquidā, vt Rhafis. Filius Serap. autē habet simpliciter storacem. Sed quia (vt dictū est suprā) Arabes tam stactē, quā mel storacis, storacem liquidam vocāt, stactē tanquam meliorem speciem storacis liquidæ nos hīc apponendam esse consulinus. Vbi autem quæritur mel storacis, manifestē intelligitur stactē non esse apponendā. Sed quia stacte vera minime hac nostra tempestate haberi potest, vel si habetur (quod haud credimus) non caret plurimis adulterationum vitijs, eius loco vtendum mel styracis purum censemus. Si autem purum mel styracis non inuenitur, storax sicca pro eo erit cōmōdissima: quoniā ita (vt diximus) habet filius Serapionis, per storacem absolutē descriptam, semper intelligitur sicca. Præterea Author in hac descriptione etiam myrrham petit, qua vera nos carere suprā diximus in Sagzeneā, & quod pro ea debemus sumere stactē. hīc autem (quia stacte non habetur) dicimus, quod loco myrrhæ, post stactē, melius est substituere bonā storacē calamitam, quā illā falsō vocatā myrrhā. Et secūdū aliquos, gūmi hederæ optimum, in myrrhæ vicem apponere non vituperamus, tamen si myrrhā perfectē supplere nequeat, neq; cum ea cōparari.
- Storax abso-*  
*lutē*

## DISTINCTIO TERTIA.

*Tertia distinctio est de medicinis solutiuīs, quarū quedam sunt aloëtica &c. LXIII.*



INCIPIENS Author suam tertiam distinctionē, præmisit præfatiunculā, per quam declarat, quod ex diuersis simplicibus solutiuīs, diuersa conficiuntur pharmaca &c. & tāquam alijs nobiliore, picram Galeni in capite ipsius distinctionis collocauit. Vnde sequitur.

*Hiera picra Galeni, nomen habet ab amaritudine &c. LXIIII.*



IERA Græcè, Latine dicitur sacra: vnde hierarchia, id est facer principatus, & alia plura componuntur. Picra autē per c, seu per k, & non per g, (vt mendose legitur in multis libris) amara interpretatur. Per g, verò pigra, tarda diceretur, quod non cōuenit. Nam Græcè *πικρά* scribitur, & *πικρός* Græcè, Latine amarum significat. Vnde hiera picra, vel pikra, id est sacra amara, & subintelligitur confectio seu medicinalis compositio. Et hiera ab effectu ipsius confectiois, picra autem ab amaritudine quam ipsa confectio habet, ob magnam quantitatem aloës quam recipit, denominatur. Et quamuis etiam sine aloë reperiantur hieræ, & recipiant alterius simplicis, puta colocynthis, & similia, amaritudinem: non tamen præcisè cognominantur picræ. Solummodo illa quæ recipit aloen, cognominatur picra antonomastice, ad differentiam aliarum quæ non recipiunt aloen. Hiera autem Latine cum h, & per i, & non absque aspiratione & per y, vt mendosi libri habent. Præterea sciendum, quod filius Serapionis, & Auicenna habent hieræ picræ Galeni descriptiones, in nullo penitus ab ista discrepantes. Illud autem quod dicit Luminare Maius, scilicet quod ipsi habent xylobalsamum, vt Galenus, filius Mesuæ verò habet xyloaloen, nō est Authori nostro imputandum, quia ex errore librariorū provenit, vt probari potest per plures quā 27. antiquos libros quos scimus habere xylobalsamum scriptum, & non xyloaloen. Hali filius Abbas autem, in decimo practicæ, suam habet hieræ picræ descriptionem, sine Gal. nomine, in omnibus cōcordantem cum præfatis,

fatis, præterquam quòd loco xylobalsami, habet cardamomuni. Et quod infra dicit: Medicorum quidam xylobalsami addunt partem &c. Et loco casia, habet felichæ, quod idem est quod casia lignea. Et loco cinnamomi, habet darasini: quod rectius darfini vel darfeni, quod est cinnamomum electum &c. Item sciendum duximus, quòd licet hæc præfens hieræ picræ confectio à præfatis Doctoribus adscribatur Galeno, attamen Galenus non fuit ipsius principalis Author, vt mox patebit per ipsius Galeni scripta: necnò & probari potest per filiū Serapionis, in principio descriptionis hieræ aloës, vbi sic ait: Quidam componunt eam, secundum quod composuit eam Andromachus &c. & prosequitur per aureos omnia quæ Galenus per drachmas narrat. Andromachus autem fuit ante Galeni tempora, qui & ab ipso Galeno magnopere cõmendatur: vt qui quâplurima alia ipsius Andromachi medicamina in suis operibus commiscet: & in 2. de Medicamentorum compositione secundum locos, vbi loquitur de ijs qui ex stomachi vitio capite dolent, scribit huiusmodi hieræ picræ confectionem non à se, sed ab alio inuentam: & per anticipationem, subicit illic Authoris personam, dicens: Caterum deterima sit dispositio ob prauos humores, qui in tunicas ventris se receperunt ita vt vix elui possint. Quorum præstantissimū præsidium est medicamen ex aloë præparatum, quod nonnulli quidem vocant picram, hoc est amaram: nonnulli ipsum hieram ex aloë: ac iniiciunt quidem centum aloës drachmas, sex autè aliorum singulorum, quæ & ipsa sex sunt numero: cinnamomi, spicæ nardi, xylobalsami, mastiches Chizæ, asari, croci. Præstantius autem sit medicamentum, si minus aloës indideris. Mihi enim videtur magna ipsius copia esse centum drachmas, si cum aliorum proportionem conferatur. Atqui nonnunquam ex nonaginta drachmis ipsam composui, necnò ex octoginta. Quæ etiam ex pauciore nonnunquam croco, quòd nonnulla ex his, quæ ei adiunguntur, caput feriunt: quod & ex solo croci odore frequenter nobis accidit. Quare optimam ipsius compositionem iudico, quæ drachmis nonaginta aloës, croci quinque constat. Hac vtor: & cetera quæ sequuntur vsq; Exhibeo, hinc sequitur: Præterea quibus venter prohibetur, & mulieribus quæ non probè purgantur, in quibus efficacius est, quum quadraginta aloës drachmas, sex autem croci acceperit. Ac melius est carpesium, in vicem asari capere. Composui autem ipsum aliquando, ambobus quoq; iniectis. Hæc Galenus. Et in præfati operis octauo, scribens stomachicas

Andro

Andromachi facultates: declarat ipsum authorem huiusmodi hieræ compositionis, & ait. Cum Andromachus inscripisset stomachicæ, deinde sic incipit: Ad stomachicos, Hieræ quæ vtor. Deinde totâ ipsius compositionem ordine tradit, quæ in hunc modum habet: Iunci odori floris, xylobalsami, mastiches, croci, nardi Indicæ, asari, cinnamomi, singulorum drachmæ sex: aloës elotæ drachmæ centum. Simul læuigata reponito, datoq; ieiunio cochlearia duo: alij vnū cum aquæ frigide aut calidæ cyathis quatuor exhibent. Hec igitur Andromachus tradidit, & cætera quæ admodum in proposita hiera videmus. Hinc ipse Galenus addit: Quam huius temporis medici Romæ ferè omnes picram, hoc est amarani nominant: quoniam hieræ nomen, de ea quæ ex colocynthide, hoc est cucurbita syluestri constat, pronuntiandū censuerunt. Qui verò antenos Romæ medicinam exercuerūt, duas nominantes hieras, apposuerunt ipsis distinctionis gratia, alteri sanè Dia colocynthidos, alteri Dia aloës, in hunc modū scribentes: Hieræ dia colocynthidos, Hieræ dia aloës. Itaque hiera dia aloës, bifariam paratur à nonnullis, sicut & Andromachi hiera, ad centum aloës drachmas, aliorum singulorum drachmæ sex: à nonnullis non sex, sed octo miscentur: quidā verò in aloës octoginta drachmas, sex aliorum miscunt: pleriq; igitur medicamentis quæ aloë miscentur, numero sex, etiam iunci odori florem apponunt. Præterea aloën ipsam Andromachus lotā, aliorū nonnulli sic, nonnulli illotam iniiciunt. Nos autem scire nunc cōuenit, aluo subducendæ magis esse idoneam aloën illotam: deponere autem multum virtutis medicamentosæ lotam. Et cætera, vsque quo nauseant minus aut magis. Hinc prosequitur, de huiusmodi hiera, dicēs: Hæc igitur noxiij humoris euacuatio, ex sola aloë præstatur. **V**nde vium habeat purgatoriam non valentem, sed vt ventris regionem ijs quæ attingit possit purgare. Et si copiosior quandoque fuerit exhibitā, vsque ad iecoris loca peruenit, non tamen totū corpus aloë purgat. At ex his quæ ipsi miscetur, mastiche sanè ceu apta stomacho, gratiq; odoris, & confringendæ vt aloës medicamentosæ efficax additur. Cinnamomū etiam præter hæc quod tenuissimarum sit partium, vt ventris meatus simul adaperiat, abstergat, extenuetq; si quid viscosum crassūmve humoribus inhaereat &c. vsque vsus dispositionem corrigit. Hinc etiam subiungit: Verūn picra (de hac enim nobis sermo est) quemadmodum cinnamomum, ita & alia partim stomacho apta, partim vt tenuia & absterforia assumit: robore quidē lōge  
cinna

cinnamomo inferiora : genus autem idem facultatis habentia. Hæc ille. Item infra cum scribit Asclepiadis stomachica medicamenta, ponit antidotum vocatum hiera Themisonis, quod quidem ab dicti Asclepiadis operibus accepit: & est ipsamet huiusce

*Hiera Asclepiadis descriptio.* præfate hieræ descriptio, quæ talis est: Aloës drachmæ centum, mastiches vncia vna, croci tantūdem, nardi Indicæ, cinnamomi, carpobalsami, assari, singulorum vncia vna. Contundito, incernitoque cribro tenuissimo, seruatoque &c. vsque inspergi possit.

Hinc subscripsit dicens: Hæc sanè Asclepiades de proposito medicamento disseruit. Inspiciamus autem primum, in medicamentorum (quibus illud constat) quantitate, quatenus cōsentit, dissentitque: deinde ordine de ipsius titulo, & vsu. In mistura sanè medicamentorum inter se concordarunt & Andromachus & Asclepiades, quod aloës drachmas centum iniiciunt: discordarunt autem, quod Asclepiades simpliciter aloës scripserit, Andromachus verò elotæ addiderit. Item quod Asclepiades aliorum vnciam miscuerit, hoc est pondo drachmas argenteas octo, aut septem semissem: sex autem Andromachus. Præterea, quod Asclepiades balsami fructum, Andromachus xylobalsamum iniicit. Ad hæc quod neutriquam Asclepiades florē iunci odori miscet &c. Etiam ipse Galenus libro septimo de morbis curandis, hanc picræ descriptionem sub his verbis narrat: Expedit ergo paratam habere, quam omnes medici picram, id est amaram vocant: atque hanc dupliciter confectam, vtique ex aloë elota, & non elota. Admiscentur autem huic, cinnamomum, & xylobalsamum, & asarū, & spica nardi, & crocum, & Chia mastiche. Sumpto autem horum cuiusque drachmæ sex, vnius aloës drachmæ centum &c. Item libro sexto de sanitate tuenda, scribit ipsam picram tripliciter à se confectam. Necnon & alijs in locis ipsam tangit: & in quinto dicti libri de sanitate tuenda, & in primo libro de locis affectis, & primo capitulo quarti libri de locis affectis &c. Ex quo certè, quia ab eo tam celebriter tot libris describitur, meritò, potius quam

*Hiera picra quare dicatur Galeni.* Andromachi aut alterius hiera picra Galeni nuncupari debet. Etiam ex supradictis plura possunt colligi, videlicet, quod Arates præsentis hieræ descriptionem ex Galeni libris acceperint, Galenus autè ab Andromacho Asclepiadeque: Asclepiades verò, Themisone excerptis. Et quamuis quilibet in aliquibus paucis discordet ab cæteris, tamen intentio omnibus vna eademque fuit. Et sicut dictum est supra de descriptionibus Philonis, ita dicendum de huius hieræ picræ descriptionibus: quoniam & in aloë,

& cæ

& cæteris simplicibus, omnes (vt patet) aliquo modo variât. Habet Andromachus iuncû odorû, id est schœnû, quod & squinantum dicitur: quod quidem Galenus in priori suprâ notata, quasi in sua, non habet. Minimû etenim Asclepiades, Andromachus & Galenus de quolibet aliorû simpliciu ponunt drachmas sex: Asclepiades verò octo, & loco xylobalsami habet carpobalsamum. Arabes autem, vt Author noster filias Serapionis, & Aui cenna, vtrunque suscepit, scilicet carpobalsamum, & xylobalsamum, necnon & cassiam nigram, id est ligneam addit &c. Hali filius Abbas, & Nicolaus Salernitanus, & quàm plurimi alij, aliter & aliter habet. Et inde prouenit quod eadê descriptio, ex diuersis Authoribus, varijs habetur modis. Descriptio autem Authoris nostri præsens intitulari debet, Hiera picra Galeni, siue Hiera dia aloës, siue Confectio ex aloë, & similia: secundum cõmunem traditionem Arabicam. Et descriptio Nicolai debet nominari Hiera secundum descriptionem Nicolai, & sic de singulis eodem modo quo diximus de Philonij descriptionibus. Nam etsi Arabes ponant aloën duplicato pondere ad alias medicinas, non tamen elongantur ab Græcorum intentione. Siquidem facta diligenti calculatione ponderum omnium medicinarum, de consimili per drachmas, vt Galenus & Andromachus fecerû, de vnoquoque simplici sex drachmas accipiendo. Cû præter aloën, ista sint octo simplicia: duplicatum pondus aloës ad nonaginta & sex drachmas ascendit. Manardus autem non rectè sentit, ponendam esse aloën triplicato pondere, in ista Arabû descriptio-  
*Manardi error de Hiera*  
*ne. Quia si Galeno videntur esse magna quantitas centum drachmarum, quanto magis si triplicato pondere poneretur, ex quo facta calculatione de consimili, ad summam centum quadraginta quatuor drachmarum ascendit? Et si aliquis dicat, quod in Galeno sunt sex simplicia præter aloën, in Authore nostro autem octo, ita quod proportionaliter computando, in illa Galeni sunt dictorû simplicium triginta & sex drachmarum, & in ista filij Meisæ 48. Et si centû aloës drachmarum sunt satis ad 36. nõ tamen sufficiunt ad 48. Igitur si pondus aliorû simpliciu multiplicatur, & summâ aloës etiam necesse est multiplicari. Ad hoc respondendû, quod ab Authore nostro, & cæteris Arabibus, omnia summa cum diligentia sunt pöderata, necnõ & digna proportionem taxata. Nam etsi ad illam Galeni, vel (vt melius dicamus) Andromachi descriptionem non correspondet: benè autem, imò optime correspondet ad illam Asclepiadis. Vtraq; enim descriptio ab ipso Galeno posita*

posita est. Etenim Asclepiadis descriptio, etsi præter aloë, habet tantum sex simplicia, de quolibet autem simplici recipit vnciam vnam, scilicet drachmas octo, ita quod omnium summa, quadraginta & octo drachmas habet, quam summam octo simplicia istius descriptionis authoris nostri similiter complent, accipiendo (vt supra fecimus) de quolibet simplici sex drachmas. Et sic Author noster pro 48. drachmis illorum simplicium, 96. drachmas aloës inijcit. Asclepiades verò centum. In quatuor ergo drachmis præfate aloës, differunt inter se. Minimum quippe discernimen, nec de eo curandum. Ab ipso nempe Galeno, in minori quantitate sumpta magis commendatur. Qui & asserit se ex nonaginta, & quandoque ex quadraginta drachmis aloës, dictum antidotum confecisse. Igitur hanc hieræ picræ Galeni compositionem ab Authore nostro traditam, esse laudabilem, & virtuosam, & bene ordinatam censemus: nec ponenda est aloë triplicato pondere, vt Manardus dixit. Cæterum non est credendum ali quibus iunioribus asserentibus illa duo simplicia addita in hanc descriptionem, esse mendose posita: quia qui bene perscrutatur, omnia in Galeno per varias hieras reperiet. Etenim squinatium ex hiera Andromachi suscepisse Arabes, nullus dubitat. Cassiam autem forsitan acceperunt ex hiera Lamponis Pelusiotæ quam ipse Galenus immediate post superscriptam Andromachi descriptionem, autoritate ipsius Andromachi scribit. Quæ quidem (vt inibi legitur) ad eadem valet, ad quæ & Dia aloës præfata, cuius descriptio sic incipit: Cinnamomi, calami aromatici, cassiæ nigre, xylobalsami, iunci odori floris &c. Fortasse etiam ab aliquo Galeni opere quo nos caremus, integram descriptionem acceperunt ipsi Arabes. In confesso enim est, nonnulla Galeni opuscula impræsentiarum non reperiri, quæ apud antiquiores maximo habebantur in pretio. His visis sciendum etiam, quod Author noster in suo opere de ægritudinibus cerebri, capitulo de cura soldæ à permissione coleræ nigre & flegmatis, habet aliam Hieræ Andromachi descriptionem maxime differentem ab ista. Quare considerandum Andromachum plures, & varias composuisse hieras.

*De Asaro & carpesio.*

**N**Otandum, quod quando Galenus iubet ponere carpesium pro asaro, debet intelligi pro illis infirmitatibus duntaxat, pro quibus ille ponebat, scilicet pro illis quibus venter prohibetur, & pro mulieribus quæ non probè purgantur. Veruntamen sciendum



sciendum etiā, quòd carpesiū (vt legentē Galenum & ceteros de carpesio, & Dioscor. & ceteros de asaro non later) habet easdē ferē virtutes & proprietates, quas asarū habet, & quòd magis confortat quā asarū. Quare in defectu asari, licitē potest vbiq; pro eo subministrari carpesium. In Carpesio autē nonnulli dubitāt, si est cubeba, an non: quorum vnus Brasaulus. Nos verò pro certo tenemus carpesium esse cubebam, & probamus per Auicennā, & per filiū Serapionis, in huiusmodi hieræ picæ Galeni descriptio-  
*Brasauli d  
 biū de Car  
 pesio & Ca  
 bebis.*  
 nibus: qui eo in loco, in quo Galenus carpesium posuit, ipsi cubebas habent. Auicenna quidem sic ait: Et asarū, quoniam inest ei adiutorium ad solutionē faciendam & præcipitationē humiditatum: & quandoq; ponuntur loco eius cubebæ, & sunt subtilēs. Hæc Auicenna. Filius Serapionis autem sic habet: Et fit bona hæc medicina, si proiecerimus loco asari kerkefebe, & est cubebe. Et ego quidem iam cōposui in quibusdā horis, & proieci ex vtrifq; simul. Hæc filius Serapionis. Item Serapio cap. 271. quod incipit, Zurumbet: in authoritate Galeni (quam etiā asserit esse & Pauli ad litteram, sicut & Galeni) dicit: Et est in virtute sua simile casia lignæ & cubebis. Et Paulus lib. 7. in Arnabo, quod est ipsum zurumbet Serapionis, eo in loco habet carpesium. Sic enim ait: Casia & carpesio simile &c. Item Simon Ianuensis, & Pandeſtarius in litera kubebe, testantur Græcē vocari carpesium, nō obstante quòd apud ipsos semibarbarē legatur carpisſion. Hoc etiam confirmat Hermolaus in corollario 719. quod est de myrto syluestri, scilicet quòd cubeba apud Galenum carpesium vocatur. Ex quibus & alijs pluribus authoritatibus, clarē constat carpesiū Græcorum, veras Arabum cubebas esse, de quibus sufficienter à nobis dictum est in confectione alia Galeni. Insuper monendi sunt aromatarij ne inconsulto medico apponant in confectionem aliquid illarum additionum, quæ sunt in fine ipsius descriptionis: quoniam illa sunt ad libitum medici & non aromatarij. Quod intelligi volo, in omnibus alijs compositionibus, in quibus aliquorum simplicium subscribuntur additiones. Aloë autem hīc licet positum sit in fine descriptionis post additiones, non tamen ob id additio est, sed basis siue fundamentum & principale totius istius confectionis, sine quo compositio ipsa nihil penitus valet ad illas infirmitates, pro quibus ordinata est. Nam (vt Galenus refert) virtus huius medicaminis, in sola aloë consistit: & alia simplicia adduntur ad maiorem vim, & meliorem eius operationem &c. Vnde notādum, quòd quælibet compositio habet

*Compositio* semper ad minus vnum simplex tanquam principale fundamentum & sustentamentum totius compositionis, in quo certè consistit principaliter effectus ipsius compositionis, ad quem ordinata est: quò deficiente, totum compositionis ædificium destruitur. Igitur si in aliqua compositione deest illud simplex, quod est basis & fundamentum totius, proculdubio talis vt inutilis reijcienda est. Si autem deerit aliquod ceterorum simplicium, apponendo in eius vice aliquod æquiuales vtiles euadet. Præterea sciendum quòd hæc hieræ confectio est illa, quæ aliquando cognominatur simplex, quia respectu aliarum, pauciora simplicia recipit: quapropter & rectè hiera simplex dicitur. Et quamuis descriptio propria ipsius Galeni de huiusmodi hiera sit simplicior ista, tamen non intelligitur de ipsa, cum de hiera simplici aliquid quæritur: nisi præcisè de ipsa specialis habeatur mentio. Nonnulli ex hodiernis aromatarijs præsentem confectioem, hieram de octo rebus malè nuncupant. Quia si absq; aloë intelligunt, non est hiera, id est sacra: quoniam illa sacra operatio, ex sola aloë habetur, teste Galeno suprà citato, vbi dixit: Hæc igitur noxijs humoris euacuatio, ex sola aloë præstat &c. Et quòd reliquæ medicinx, sicut mastix, cinnamomum &c. ad alios effectus commiscantur, testantur etiam filius Serapionis & Auicēna. Nec est picra, id est amara: quoniā amaritudo ipsius ex sola aloë consistit. Si autē cum aloë intelligunt, iam non ex octo rebus consistit, sed ex nouē: quamobrē illius vocabuli abusus, siue illa mala circuloquatio abolēda est. Itē sciēdū quòd species huius hieræ & similitū, nō more solutiorū, sed subtilissimè sunt terēde, atq; crebrellādæ: vt per eundē ipsum Galenū probatur, qui in suprascripta hiera Themisonis, dicit: Cōtūdito, incernitoq; cribro tenuissimo. Etia hac ratione, quia aloë nunquā trāsīt ad lōginquas corporis partes, teste ipso Galeno in Andromachi hiera dicēte: Et si copiosior quandoq; fuerit exhibita, vsq; ad iecoris loca peruenit, nō tamē totū corpus aloë purgat &c. Hoc etiā dicit filius Serap. & Auic. in descriptionibus huiuscemodi præfatæ hieræ. Lege ibi.

*Hiera simplex.* minatur simplex, quia respectu aliarum, pauciora simplicia recipit: quapropter & rectè hiera simplex dicitur. Et quamuis descriptio propria ipsius Galeni de huiusmodi hiera sit simplicior ista, tamen non intelligitur de ipsa, cum de hiera simplici aliquid quæritur: nisi præcisè de ipsa specialis habeatur mentio.

*Hiera Hermetis, & est hiera Luf &c. LXV.*



**P**RAESENTIS hieræ descriptio ponitur etiam ab ipso Authore nostro, in capitulo de Luf, Vocabiturq; ibi: Cōfectio hieræ Luf, descriptione Hermetis. Veruntamen inter ipsas descriptiones sunt aliqua discrimina. Prīmū, videlicet quòd hīc legitur,

per

per omnes codices concorditer tam antiquos, quam impressos: Trochiscorū alhandaal, aur. viij. illic autem, in capitulo de Luf, in eisdem libris: Interioris coloquintidæ 3. viij. Vbi putamus Authorem ipsum hac de causa variasse descriptionē, quod scripserit in capitulo præfato eam vt puram, & simplicissimam Hermetis, hīc verò, quia pluribus in locis prohibuerat coloquintidam propinare incorrectam, voluerit tāquam in sua descriptione correctam, & in trochiscos redactā apponere cōpositæ: & quia sciebat coloquintidam correctam renuissiorē habere virtutem, auxerit eius portionē. Vnde pro 3. viij. posuit aur. viij. Aureus qui-  
dem (vt communiter tenetur) sesquidrachma est, id est, pondus vnus drachmæ & semis. Trochisci autem de coloquintida Arabicē, Trochisci alhandaal siue alhandal dicūtur. Handal vel han-  
daal Arabicē, Græcē colocynthis est. Barbarē autē potius, quā Cucurbitæ Latine coloquintida scribitur. Etiam cucurbita deserti, necnon deserti, vel  
& ab alijs cucurbita sylvestris dicitur. Luge de ea in descriptione sylvestris trochiscorum alhandaal. Aliud discrimen est, quod per cunctos eosdem libros in præfata descriptione habetur bdellium, quod in illa capituli Luf descriptione, & in iisdem libris minimē legitur. Quod credimus huic ab ipso filio Mesuræ fuisse additum, ad maiorem præfate coloquintidæ correctionem. Quia (vt ipse Author testatur in capitulo de coloquintida) bdellium vnum est ex optimè rectificandis ipsam coloquintidam. Quamobrem iudicamus ipsum non esse amouendum ab ista confectio-  
ne.

De Luf, siue Lufh.

**D**icit Author quod hæc confectio vocatur Hiera luf, quæ aliter etiam dici potest Dia luf, siue confectio serpentaria: quas denominationes accepit à duplici luf ipsam ingrediēte: & non à quantitate, sed à proprietate & virtute. Quia ægritudinibus, pro quibus ipsa confectio ordinata est, cōuenientius est luf omnibus alijs medicinis ipsius confectiois, vt patet per ipsum Authorem, in capitulo de luf. Quamobrē ipsa luf sunt basis & fundamentū totius istius confectiois, nec absq; eis est conficienda. Luf autem, siue lufh (vtrōq; enim modo legimus) est serpentaria, cuius plures reperiuntur species. Et licet Author noster habeat scriptum Serpentaria, in ista descriptione, luf vtriusq;, quasi non sint nisi duæ species, id est lupla  
Dioscorides tamen in quatuor diuersis capitulis, quatuor depin-  
git differentes species. Duas videlicet sub nomine Dracūculi maioris & minoris, & duas sub nonnibus Aron & Arisaron: quas omnes nos cognoscimus. Filius Mesuræ autē de duabus vſitatio-

ribus speciebus atq; notioribus tantum intelligit, de quibus etiam solis loquitur in suo capitulo de luf. Distinguit autem eas in crispam & planam, scilicet quod altera ipsarum plantarum species habeat folia crispa, altera verò plana. Quarum mediusfidius quæ habet folia crispa, à Dioscoride dicitur Dracunculus maior: quæ autem plana, Aron: quod idem Author tertio loco descripsit, asserendo hæc eandem plantam à Syris Lupha vocitari. Harum autem plantarum radices quarit Author noster, & in præsentì hiera, & vbi cunq; quælibet species harum plantarum absolute quaritur, de radice semper, tanquam de meliori ipsius parte, intelligi vult. Est quoq; apud Dioscoridem dracunculus minor, qui hederaeo constat folio, maiore duntaxat, maculis quibusdam candidis, aliquando etiam nigris resperso &c. Atque hæ tres dictæ species notiores sunt, quàm vt declarari debeant. Reliqua autem species

*Luph absolu-  
tæ.*

*Arisari de-  
scriptio.*

ab ipso Dioscoride Arisarum nuncupatur: quam quia à paucis hominibus cognoscitur, declarabimus. Hæc (vt propriè Dioscorides asserit) exigua plantula respectu aliarum, folia lanceolæ simillima habet, strictiora tamen & longiora: scapum vt dracunculus maior fert, semipedali altitudine & interdum maior. Radix est illi alba, mordax, auellanae seu maui oleæ magnitudine. Nascitur locis montanis & asperis, vt ipsi proprijs manibus in montibus supra Plumbariae castrum, & alibi sæpe collegimus. Nomina autem, seu cognomina, siue synonyma omnium prædictarum quatuor specierum, penè innumera sunt. Et quædam ex ipsis sunt communia omnibus quatuor, aut tribus, aut duabus speciebus: quædam verò singula singulis conueniunt. E quibus aliqua magis necessaria, nobis subscribere visum est. Hæc igitur cum additione maioritatis, seu minoritatis, siue paruitatis aut minimeitatis,

*Serpentaria  
nomina.*

& similibus, omnibus quatuor competunt. Videlicet, Serpentina, Dracontæa, Dracuntium, siue Dracunculus, Luf, Viperina, Bissaria, Colubrina, & his similia. Tribus autem speciebus primis, hæc sunt communia: Aron, siue Aaron, siue Barbaaron, Iarus, & alia multa. Quæ autem duabus prioribus habentur communia hæc sunt: Isaron, Biaron, cyperida, & plura alia quæ à Dioscoride notantur. Duabus verò medijs: Siricantia, Belda, Asclepias, & quædam alia conueniunt. Duabus autem ultimis: Alimō, Thymō, & similia. Duabus etiā, primæ scilicet & tertiæ, magis propria sunt: Megaluph Megaarō, & consimilia. Duabus verò, secundæ scilicet & ultimæ, hæc: Chamæaron, Microdracunculus, & his similia competunt. Singula autem singulis hæc conueniunt: primæ videlicet Collum

Collum draconis, Luf crispum, & plura quædam. Secūde autem, pes vituli, seu pes vaccæ, Bissara &c. Tertiæ verò, Collocassion, Luf planū, Lupha &c. Quartæ speciei quidem sunt propria, Arifaron, Dracontilla &c. Quæ omnia per varios auctores innemus, & multa alia, quæ breuitatis causa omisimus: quòd quilibet ea per se videre potest, tam apud Dioscoridem, quàm apud alios quoscunq; auctores.

*De Sale Indo.*

**N**on videtur esse inferior cæteris disceptatio, quæ est inter doctores de Sale Indo. Nam secundū Paulum Aegin. lib. 2. cap. 53. & Auicennam in 4. cañ. sen prima, tractatu 2. cap. 22. & Pandeet. & Brasaulum, & alios ex recentioribus plures, sal Indum est mel induratum super cānas, in partibus Indiæ: quod quidem secūdum ipsos, est propriè zuccharum candum naturale. Sed secundum Authorem nostrum, & Nicolaum Leonicensem, & alios non spernendos, sal Indum nō est dulce, sed est salissimū, & acutissimum omniū specierū salis: cum quibus & nos concordamus. Etenim nō est dicendū, & si dicatur minime credendū, in Indiā, nō esse sal falsum, pro cibariorū condimētis, sicut est in alijs num di regionibus. Et quod Paulus, & cæteri asserunt in India esse sal dulce, non per hoc negant esse etiam falsum, quoniā ipsi loquuntur per similitudinē, & non per essentiā, aut proprietatem. Et ex verbis ipsorū quidem percipitur, quòd à similitudine coloris & formæ, illud mel super cannas concretū & induratum, sal Indum dulce appellant, cū dicunt. Sal Indicum colore quidem & substantia, communi simile, gustu autem mellitum. Hæc enim sunt verba Pauli, autoritate Archigenis, supra cap. de scabritiæ linguæ. Quem Auicenna & cæteri postea sunt sequuti. Sic, inquam, Paulus & Auicenna loquuti sunt per similitudinem, quemadmodum & nos hodie communiter aliqua vasa ex vitro purissimo, & clarissimo, vocamus crystallina, ob similitudinem coloris quam habent cum crystallo: cū sint aliena à materia, virtute, & proprietate veræ crystalli. Filius Mesuæ autem Author noster, secus intelligit in capitulo de speciebus salis: & testatur sal Indū, non dulce, sed acutius & fortius esse omnibus salibus, dicēs: Minerale fortius est marino, & sal gēma eis, & sal Napticū illis, Indum autē omnibus &c. Et quasi in fine capituli ait: Napticum verò, & sal Indū fortiora sunt illis, in omni re. Iā enim loquutus fuerat de alijs. Item ipse Author noster in capitulo de sena, dicit: Verum confortatur eius operatio, imperniscendo cū eo aliquid

*Sal Indum  
equivocū.*

ex rebus acutis, sicut zinziber propriè, & sal gēma, & sal Indum. Ex quibus patet, quòd sal Indum non est dulce. Sed animaduer-  
tendum quòd hoc nomē siue hic terminus sal, apud Indos potest  
capì equivoce, scilicet quòd per tale vocabulum potest intelligi  
sal salissimum commune, & præfatum mel cannarum, quod (vt  
diximus) à similitudine sic vocatur, de quo non meminimus Au-  
thorem nostrum quoquam loquutum fuisse. De sale autem Indo  
falso, siue acuto, præter illa suprà notata, in multis alijs pertra-  
ctat locis, & præcipuè in canonibus in 2. cap. de Electione medi-  
cinarum, vbi loquitur de faciētibz vomitum, sic ait: Mediocri-  
ter autem vomitum facientia sunt, Nux vomica, & carthamus, &  
baurach, & sal gemma, & sal Indum &c. Constat enim, quòd zuc-  
charum candum, non est faciens vomitū. Igitur eadem ratione,  
qua baurach, & sal gemma, posuit & sal Indum. Similiter infrà  
in eodem capitulo, cum pertractat de medicinis educētibz col-  
eram nigrā, dicit: Et medicinæ propriè & principaliter educen-  
tes choleram nigram sunt he: epithymum, stœchas, & myrobala-  
ni nigri, & polypodiū, & scebra, & lapis lazuli, & lapis armenus,  
& calamentum montanum, & sene, & helleborus niger, & sal In-  
dus, & sal Naptricus, & sal niger, & similia. Cōstat nanq; zuccharū  
candum, siue mauis mel cāx induratū, non soluere cholera ni-  
gram. Ergo reperitur aliud sal Indus, vltra illum Pauli, & Auic.  
Item magis infrà, in eodem cap. legitur: Quædam de propieta-  
te magis membra capitis respiciūt, & sunt hæ propriè coloquin-  
tida, & agaricum, & stœchas, & aloë, & lapis lazuli, & lapis arme-  
nus, & squilla, & epithymū, & sal Indus &c. Et inferius de his que  
materias à splene educūt scribens, inter alia ponit salem nigrū, &  
salem Indū. Item ibidē, de his quæ materias educūt à partibus re-  
motis, & ab instrumentis iuncturarum, inter alia enumerat sal  
gemma, & sal Indū. Idem & alijs in locis ab eo notatur. In quibus  
omnibus clarè patet, quòd non potest esse sal dulcis, sed sal acu-  
tissimus. Igitur cum huius hieræ cōfectio describatur ab ipso Au-  
thore nostro, in ea cōficienda non sunt accipiēda simplicia Aui-  
cēnæ, nec alterius alicuius Authoris, sed quæ ab ipso describūtur  
& notantur. Siue autē apud ipsum non inueniūtur descripta, ab  
alijs fide dignis Authoribus, puta à Diosc. & ceteris petēda erūt.  
Igitur si sal Indus ab ipso descriptus, probatur esse salissimus, &  
acutissimus, ponēdo loco eius zuccharū candum (vt multi aro-  
matarij minus periti faciunt) expressè agitur cōtra Authoris in-  
tentionem, qui sal acutissimum, non rem dulcissimā, vt est zuc-  
cha

charum candum, addere iubet. Ponédus est ergo nobis, ob dicti  
 salis Indi carentiā, quia amplius non exportatur, aut sal gemina,  
 aut sal Napticus, aut sal alterius speciei acutissimæ: in quorum  
 omnium defectu, & sal marinus (qui aliter sal panis, & sal massæ *Sal Panis.*  
 dicitur) erit substituendus. Ad hæc, licet ab Auicenn. sal Indus di. *Sal Masse.*  
 catur esse in dulcedine mellis, tamen in pluribus eius descriptio-  
 nibus quinti canonis probatur intellexisse, & voluisse salem In-  
 dum falsum, & non dulcem: ut in cōfectione nigra Selini, ubi ha-  
 bet sal Indum rubeum, & sal Napticū nigrū. Dum ergo dicit ru-  
 beum, dat intelligi quod salis Indi nō sit vna sola species, sed plu-  
 res, cuiusmodi est sal Indus niger descriptus ab Authore nostro,  
 in præfato cap. de speciebus salis, & à nonnullis alijs. Et cum Aui-  
 cenna associauerit ei salē Napticum nigrum qui est acutissimus,  
 satis declarauit salem Indū esse eiusdem acuitatis &c. Item, ipse  
 Auicenn. in Alkelkeiengi magno, habet scriptum, salis Indi, & sa-  
 lis rubei, & salis Naptici, & salis massæ. Quam descriptionē etiā  
 ponit filius Serapionis in septimo, in qua vltra dictas quatuor sa-  
 lis species, habet & quintam, quod est sal gemma. Non est igitur  
 dubitandū sal Indum non habere acuitatem & falsedinem, sicut  
 reliqui sales inibi descripti habent. Etiā Hali Abbas in eiusdem  
 compositionis descriptione, in decimo practicæ, quam suo bar-  
 basis vocabulo nominat Caquelenegū magnū, habet quinq; sa-  
 lis species: sic videlicet, salis Andranī, & Indici, & salis communis  
 & rubei, & nigri. Item ipse Auicenn. in dicto v. can. in descriptio-  
 nibus pilularū de casia, in prima videlicet & secunda descriptio-  
 ne, habet sal Indum: in tertia autē, loco salis Indi posuit sal Na-  
 pticum. Item in summa secunda eiusdē quinti can. tractatu 2. in  
 medicinae videlicet, quod inscribitur Basilicon aliud, ipse Aui-  
 cenna habet tres acutissimi salis species, scilicet ammoniaci, salis  
 gemmæ, & salis Indi. Et in multis alijs descriptionibus habet sa-  
 lem Indū, in quibus nō potest intelligi nisi à sal falsissimus, & nō  
 dulcis. Hali Abbas quoq; in secundo practicæ, cap. de speciebus  
 salis, primū loquitur de Indo, dicens: sal Indicū desiccantius est  
 & subtiliāius &c. Igitur inuenitur sal Indus acutus & falsus, qui  
 quæritur in præsentis hieræ Hermetis descriptione. Et nos quidē  
 semel habuimus fragmentū ex eo, quod erat falsissimum, trahēs  
 ad rubedinē &c. Multas insuper & alias non spernandas proba-  
 tiones ex antidotarijs filij Serap. & Hali Abbas & ceterorū addu-  
 cecere poteramus, ad maiore dicti salis Indi declarationē: sed ne  
 multa lectionis prolixitate lectori ingeramus fastidium, omisi-

*Sal Indu dul*  
*ce.* mus. Ultra satis enim, supradicta pro capitis erūt. Sed animad-  
uertendum, quod nos non negamus reperiri salē Induā dul-  
cem, à similitudine dictū, siue zuccharū, siue vt magis placet mel  
cannæ coagulatum in forma & colore salis & dulcedine mellis,  
quod in medicinis asperitatis linguae habetur præcipuum: vt su-  
pradictis locis Paulus & Auicēna testantur. Loco cuius, in illis &  
similibus medicinis, zuccharū candū cōmune notū potest poni.

*Sal Indu sal*  
*sum & acu*  
*tum.* Sed ex supradictis probauimus inueniri etiā in India species salis  
acutissimi, & falsissimi, quæ cōpetunt, inuē necessariæ sunt simili-  
bus cōfectionibus, in quibus ob dicti salis caritatē siue penuriā,  
nō est ponendū zuccharum candū, vt nōnulli iuniores declarāt,  
sed sal gēma, seu alia optimi & acutissimi salis species. Præterea

*Regula de*  
*oblative hic*  
*re & simi-*  
*lum.* non ignorādū, quod nulla hiera aut similis cōfectio, est infirmis  
propinanda, absq; sale falso & acuto: & taliter, quod in qualibet  
dosī ipsius, ad minus in simul propinetur salis drachma vna: con-  
tra opinionē illorū qui in huiusmodi hiera, sal Indum declarant  
esse zuccharū candū, vel simile &c. Et hoc sumitur à Paulo Aegi-  
neta, libro 7. cap. 8. quod est de hieris, videlicet in Hierā Archige-  
nis, de cuius descriptione mox infrā dicemus: vbi ipse Paulus dās  
rationem & modū cōficiendi ac propinandi hieras, sic ait: Sum-  
mus ipsarum modus est denarij duo, assumatur & salis denarius  
&c. Et à filio Serapionis in 7. in fine capituli de hieris, vbi sic lo-  
quitur: Dico qualiter in potu oportet vt demus hieras magnas:  
oportet vt misceatur cum potionē suā ex hieris magnis, pondus  
drachmæ vnius salis massæ, & detur in potu &c. Etiam in descri-  
ptionibus hierarū Auicēn. Hali Abbas, & cæterorum, ex maiori  
parte in fine legitur: Da cum aqua & sale. Vel, Da cum drachma  
salis Naptræ, & huiusmodi. Quod hodierni medici non curant:  
at quā bene, Deus scit. Nec enim nostrum hoc discutere.

*De Semine Mezereon.*

**S**emen Mezereon est granum cniidiū, quod & coccognidium  
à nonnullis dicitur. Quod quidē granum, teste Dioscoride,  
Thymelæa producit, & non Chamælæa, vt aliqui putant. Et ve-  
rum mezereō approbatum ab ipso Authore nostro filio Mesuæ,  
est ipsa thymelæa, vt in cōfectione almezereon apparebit. Sed  
aduerte, quod ipsum granū cniidiū, scilicet semē mezereon, de-  
bet preparari in aceto, sicut preparātur folia ipsius mezereō &c.

*De Contritione specierum.*

**P**ostremū notandū, quod dicit Author in præsentī descri-  
ptione: Fiat omnium contritio bona. Vbi intelligitur, quod  
sicut



sicut suprà in fine hieræ picræ Galeni annotauimus, nō more solutiuorum sunt conterendæ & puluerizandæ species huiusmodi confectionū, sed subtilissimæ. Ad contritionē autem bonam plura requirūtur. Vnde bona cōtritio in medicinis, potest capi dupliciter. Primò, quādo res trituratæ sunt in puncto determinati gradus suæ puluerizationis, siue mediocriter, siue subtilissimè &c. Secundò autē quando cum diligenti studio, & arte, res ipsæ sunt in puluere redactæ. Quæ quidē ars siue lex tritrandi, vt ipse Author in Canonibus docet, & Galen. & alij plures (vt suprà in diacymino habetur) testātur, est pernecessaria in medicinis, quæ mediante, res ipsa quæ cōteritur, potest augeri in bonitate, & virtute atq; operatione &c. Et ecōtra res sine ratione & arte contrita minuitur de suā bonitate, virtute, & operatione &c. de quo est valde curandum. Sed nota, quòd generaliter non est regula, quæ nō patiatur aliquam exceptionē. Quapropter & ex generali regula, quæ docet quòd res quæ habent soluere, non sunt subtiliter conterendæ & puluerizandæ, excipiuntur cuiuslibet hieræ pulueres, & alia plura simplicia, quæ licet sint solutiuā (vt est coloquintida, & similia) tamē vbicunq; ingrediūtur, semper sunt subtilissimè puluerizanda. Et dicit Author, quòd nullus debet esse contentus in cōtritioe huiuscemodi rerū, vt particulariter legitur in Canone triturationū, de dicta coloquintida. Quod Author accepit ex 12. cap. 7. Beuiarij filij Serap. Nec obstat, quòd quidā, vt filius Zesar & ceteri volunt cōtrariū, scilicet qd coloquintida non multū teratur: quod quidē redarguit Author noster, in cap. de coloquintida. Itē nota, quòd vnūquodq; simplex indigens trituratione, per se semper est cōterendū & puluerizandum, & hoc quia non omnia simplicia, iustinet æqualiter cōtritioe. Ferunt autē similitudine contritionē quæ sunt eiusdē cōplexionis, & texturæ &c. vt semina cōmunia, & similia quæ quidē sine vilo incōmodo possunt simul cōteri. Et quod dictū est de trituratione, intelligēdum quoq; est, de infusione, lauatione &c. Itē, tritratio virtuosā tripliciter fit, scilicet grossa, mediocris, & subtilis. Quod quidē Aromatarij est scire ad cōplexionē & texturam omnium medicinarū tritrabiliū, & habere scientiā theoreticā & practicā terendi, lauandi, infundendi, ac decoquendi medicinas. Semper enim cum facilitate est conterendum, & sæpe cribandum, quia cribatio est mensura triturationis, scilicet quòd quanto foramina cribri, seu setacei erunt tenuissima, tanto pulueres cribrati erunt subtilissimi. Item notandum, quòd semper post triturationē

*Contritio**in medicinis**plurimū po-**test.**Trituratio**virtuosa*

nem & cribrationem, sunt pōderanda simplicia ingrediētia alt. quam compositionem. Ars autem, siue modus, lex, vel regula triturandi, infundendi &c. in Canonibus Authoris nostri, & in libro Seruitoris, satis clarè habentur. Propterea vide ibi.

*Confectio hieræ Archigenis. &c.*

LXVI.



**R**AESSENTIS hieræ descriptio, quā Author noster ponit autoritate Archigenis, ponitur similiter & à filio Serap. in 7. sui Breuiarii, & ab Auienna in v. cañ. qui omnes tres quasi vno ore loquētes, inter se in omnibus concordāt. Hali Abbas in 10 practica, habet & eandē hieræ Archigenis descriptionē, sed in multis discordat à supradictis: & vel ex vitio interpretis, vel librariorū incuria, vel ex alio aliquo casu nobis mēdosa relicta est.

*Hiera diacoloquintidos secundum Archigenē.*

Et sciendū, qđ præsens cōfectio potest etiā vocari Hiera diacoloquintidos, siue simpliciter Diacoloquintidos, id est cōfectio de coloquintida, addēdo tamē, secundū Archigenē, quia infrā habetur alia hiera diacoloquintidos, quæ est secundū Ruffum. Nota insuper qđ præsens descriptio Authoris nostri, per libros impressos, est in pluribus deprauata, vt ibi legitur: Recipe pulpæ coloquintidæ 3. ij. lege rectius: Recipe pulpæ coloquintidæ 3. xxij. Sic enim est in omnibus antiquis exemplaribus quæ vidimus. Sic etiam in filio Serap. & Auicenna. Non obstante, quòd in aliquibus impressiōibus dicti filius Serapionis legatur, Pulpæ coloquintidæ 3. xxxij. quoniam etiam ibi est error, & ex librariorum vitio redundant decem drachmæ. vbi legitur in præsenti descriptione Authoris nostri: Prasij, stercados &c. omniū añ. 3. ij. posita est 3. pro vncia, itaque lege verius: Omnium añ. 3. ij. quia ita habetur in præsatis exemplaribus, necnon & in filio Serapionis, & Auicenna. Præterea animaduerte, quòd ex doctrina Authoris nostri, in huiusmodi cōfectionibus, & similibus, & generaliter in omnibus pharmacis, in quibus recipitur coloquintida, siue pulpæ coloquintidæ, in substantia, semper pro ipsa ponēdi sunt trochisci de coloquintida, qui nil aliud sunt, quàm ipsa coloquintida correctæ. Et de hoc diffusius infrā dicemus.

*Trochisci de coloquintida.*

*De Cape Muris.*

**C**Aepe muris secundum Simonem Ianuensem, & Pandectarium, est Scilla, siue maui squilla, quod idē est. Et vocatur cepa, vel cape muris, ex eo quod ipsa squilla est idonea ad interficiendum mures. Et ad maiorem declarationem, quòd cepa muris

muris sit squilla, sciendū quod vbi Author noster & Auicēna in præsenti hieræ descriptione, habent capē muris afflati, filius Serapionis, & Hali filius Abbas habent, alter capē squillæ, & alter squillæ afflatæ: ergo &c. Squilla autem est notissima, & qualitate, proprietate &c. & de modis afflationis eius, clarissime ponitur & à Diosc. & ab ipso Authore nostro, in cap. de squilla. Hoc tamen addimus, quod non sunt eligendæ neque maxime neque minime squillæ: mediocres enim sunt meliores, & quanto albiore tanto excellentiores &c.

*Hiera Archigenis descriptione Pauli &c. LXVII.*



ON sanè conueniunt in vnum Arabes cum Græcis, super præsenti descriptione. Nam Author noster, & Ioannes filius Serapionis, & Auicēna, quasi vno ore loquentes, ponunt ipsam authoritate Pauli Aeginetæ: sed non omnia vt Paulus habent.

Etenim descriptio Pauli talis est: Marrubij, agarici, chamædry- *Hiera Ar-*  
os, colocynthidis carnis, stæchados, singulorū drachmæ decem. *chigenis des-*  
Opopanacis, sagapeni, petroselini, aristolochiæ rotundæ, piperis *criptione*  
albi, singulorū drachmæ quinq;. Cinnamomi, spicæ nardi, myr- *Pauli Aegia-*  
rhæ, polij, croci, singulorū denarij quatuor. Arida tunduntur, si- *nete.*  
mul & incernuntur. Opopanax autem, sagapenum, & myrrha,  
contusa, mulsæ per noctem vnam, in pila macerantur: deinde le-  
uigantur, & siccis admiscuntur: melle optimo excepta, reponun-  
tur in vitreo vase, aut plūbeo. Hæc ratio omniū hierarū commu-  
nis est. Summus ipsarū modus est denarij duo: assumatur & sa-  
lis denarius, mellis heminæ dæ, aquæ quantum satis est. Quod si  
vehementiores ad purgandum voles efficere, quibus scammonia  
non inest, iniicietur & his singulis obolus. Hæc Paulus. In quibus  
Pauli verbis, notatam habes regulam & rationem cōficiendi, ac  
propinandi omnes hieras &c. Præfatorum autem Arabū, scilicet  
Authoris nostri, filij Serapionis, & Auicennæ descriptio, ita legi-  
tur: Recipe præsij, agarici, chamædryos, pulpæ coloquintidæ, *Hiera Ar-*  
stæchados, omniū ana aur. xx. opopanacis, serapini, petroselini, *chig. descriptio*  
aristolochiæ rotundæ, piperis albi, omniū ana aur. v. cinnamomi, *prione Arab.*  
spice, polij, croci: ana aur. iij. Tere ex medicinis quæ siccæ sunt, &  
gūmi conquassa, & infunde in melle, & permiscet: & sit dosis aur.  
iij. cum salis triti pondere 3. vnius, cum aqua mellis. Hæc illi. Ex  
quibus patet non minimā differentiā esse inter ipsas descriptio-  
nes, quo ad pōdus medicinarū, cum illi drachmā habeat decem,  
hivē

hi verò aureos viginti &c. Et quo ad simplicia, Græci quidem, vt ipse Paulus, & Galenus, & Aëtius, habet & myrrham, quæ in huiusmodi Arabum descriptionibus non reperitur. Etiam non ignorandum, quòd inter Græcorum descriptiones præsentis cōfectionis sunt aliqua discrimina. Quia licet Aëtius concordet cum Paulo in simplicibus, in ponderatione tamen ipsorum valde discordat. Quapropter nobis visum est non incongruum si Aëtij descriptio subscribatur quantumvis non necessaria: quia Arabes non Aëtium, sed Paulum citant, & dissidij causas ex Græcorum dissonantia ortas, & suam concordiam ostendunt. Aëtij autem Hiera Archigenis ex epistola ad Marsum, & lib. de melancholia, sic legitur: Pulpæ colocynthidis 3. viij. chamædryos, agarici, marrubij, stœchados, añ. 3. x. opopanacis, sagapeni: añ. 3. viij. petroselini, aristolochiæ rotundæ, piperis albi, añ. 3. v. ciunnamomi, spicæ nardi, myrrhæ troglodyticæ, polij, croci. añ. 3. iij. (& in alio 3. iij.) cum melicrato, sale adiecto, quantum est cochleare paruum &c. Ex quibus variationibus, quænam ipsarum sit verior Archigenis hieræ descriptio, tenerarium foret pronuntiare: quia sicut volumina Latina in multis sæpe deprauata probantur, ita & de Græcis & Arabicis & ceteris est considerandū: videlicet, quòd nō omnia fidei castigatione sint ad anuissim emēdata. Quotidie enim aut librariorum incuria, aut malorum interpretum socordia libri mendis scatere videntur. Quamobrē an Arabes ab aliquo Pauli mendoso exemplari eiusmodi (vt ipsi habet) descriptionem sumpsierint, vel an ipsi Arabes rectè rescripserint, & postea processu temporum deprauatum sit opus Pauli, vel vitata Arabum volumina: vel etiam an ab ipsis Arabibus ordinata fuerit ipsa cōfectio cum tali medicinarū pondere & absque myrrhæ, nescimus: quandoquidem vno solo descriptiones Arabum & Græcorum à se mutuo differūt. Christophorus Oroscius autem super annotationibus septimi libri ipsius Pauli, videlicet

*Auic. error* in hac Hiera Archigenis, testatur Auicennam errasse, omittēdo in hiera Ar- myrrhā, & ponēdo 20. aureos, pro decē drachmis præsij, agarici, &c. Sed quomodo errasse potius Auicennam, quàm filiū Serapionis, & Authorem nostrum, non intelligimus, cūm filius Serapionis (qui similiter habet) fuerit ante Auicennā per plures annos, & ex Breuiario eius, ipse Auicenna plura excerpterit, & in suis canonibus immiscuerit: vt probatur in pluribus locis, & præsertim in calce quinti canonis, vbi de ponderibus & mensuris pertractat &c. Igitur non est absolute in hoc Auicenna culpandus, sed

sed vt suprà de descriptionibus Philonis dictũ est, ita dicendũ de huius hieræ descriptionibus, & similibus, scilicet q̃ eadem hieræ descriptio aliter habetur secundũ Paulũ, aliter secundũ Aetiũ, & aliter secundum Arabes &c. Sed animaduertendũ, quod in libris impressis, descriptio Authoris nostri est mendosa in vno: videlicet vbi legitur, prassij, agarici &c. añ. aur. v. legendum est rectius, añ. aur. 20. quia sic est in cunctis exemplaribus manuscriptis, & similiter (vt dictum est) habent alij Arabes: videlicet, filius Serapionis, & Auicenna. Igitur si secundum filiũ Mesuæ, præsens Archigenis hiera paratur, in omnibus obseruanda est Arabum doctrina: quoniam (vt diximus) Arabes in descriptione in omnibus concordant. Si autem aliquis peritus medicus præcipiat confici ipsam secundum Paulum, aut secundum Aetiũ, aut alterius modi, pro suis infirmis duntaxat debet fieri. Quia (vt aliàs diximus) licet medico ex arbitrio suo permutare, addere, vel minuire, ac de nouo componere, & ordinare confectiones, & electuaria, pro ægris suis necessaria. Et hoc consimiliter est intelligendum in omnibus alijs compositis, & simplicibus &c.

## De Polio.

**P**olium vbicunque reperitur absolute descriptũ, semper montanum polium intelligitur. Et illud est, quod à Dioscoride *Polium absolutè.* magis laudatur. Herba quidem notissima, quæ pluribus collibus, & montibus & vallibus, & alijs locis nascitur. Sed omnino cauendum est ab illo polio, quod oritur in locis thermarum, & paludibus, & similibus. Montanum eligito.

## Hiera diacoloquintidos inuentione Ruffi &amp;c. L X V I I I.



**A**UTHOR noster ponit præsentem confectionem authoritate Ruffi, & vocat eam Hieram diacoloquintidos, id est Hieram de coloquintida secundum Ruffum. Hæc eadem describitur & à Paulo Aegineta in 8. cap. septimi libri, & ab Aetio libri tertij. cap. 119. & à Ioanne Serap. in 7. & ab Auicenna in v. cañ. & ab Hali Abbas in x. suæ practicæ: nisi quod tam Author noster, quam quilibet dictorum, in quibusdam paucis discordat ab cæteris. Nicolaus etiam in suo antidotario habet vnā Hieræ Ruffi descriptionem longe diuersam ab istis. Etiam ipse Author nostrer in cap. de epilepsia habet vnā aliam confectionem Hieræ diacoloquintidos similiter discordem ab ista. Et insuper miror quomodo Luminare Maius dicat filium Mesuæ præsentem confectionem

nem inuentione Rhafis scribere, cum apud Rhafim nusquam reperiat: nisi forte ipse mendose in suo libro, pro Ruffi, legerit Rhafis. Nos certe ex tot exemplaribus antiquis, necnon & impressis libris quos valuimus videre, in nullo penitus vquam legimus hanc hieram autoritate Rhafis, sed omnes concorditer habent, inuentione Ruffi. Et consimiliter omnes praefati Authores describunt ipsam sub nomine Ruffi. Praeterea, praesens descriptio filij Mesuae, per libros impressos, non est à mendis aliena. Nam in quibusdam minus correctis est impressum: Coloquintidae bonae & electae 3.x. quo in loco, errore defunt decem drachmae. Lege ergo rectius: Coloquintidae bonae & electae 3.xx. quia sic est in omnibus antiquis exemplaribus, ac etiam in aliquibus impressis libris, & similiter habent filius Serapionis, & Auic. & Hali filius Abbas. Item post hoc immediate sequitur aliud medium peius priore, quod est generaliter in omnibus impressionibus, videlicet ubi legitur: Coloquintidae, trochiscorum alhandahal. añ. 3.xv. Siquidem si talis lectio esset vera, magna quantitas ingrederetur coloquintidae praesentis confectionis, puta 50. drachmae: videlicet 25. ex incorrecta, & totidem ex correcta: & sequeretur corollarium inconueniens, contra Authoris intentionem: videlicet quod non semper essent sumendi trochisci alhandahal pro coloquintida in substantia recipienda, ut ipse praecipit: quia ex huiusmodi lectione hic utraque suscipitur, correcta scilicet & incorrecta, quod est falsissimum. Paulus verò habet, coloquintidae denarios octo, & Aetius drachmas octo: quod hic est legendum. Et in alio libro est loco coloquintidae, trochiscorum alhandahal 3.xv. Et sic est scriptum in nonnullis exemplaribus. Sed nota, quod haec circumloquutio siue clausula, non est ab ipso Authore, sed est additio quorundam scriptorum, qui in transcribendo inueniebant exemplaria varia, & ne descriptio esset manca ut ephexegesim alterius utrunque ponebant, scientes utique: quod antiqui medici, & aromatarij sequentes doctrinam ipsius Authoris praecipientis non propinari coloquintidam, nisi preparatam, pro ipsa coloquintida ponebant trochiscos praedictos. Et quia sciebant ipsos trochiscos remissiore habere virtute, quam ipsa coloquintida incorrecta, credimus illos ad summam addidisse quinque drachmas: quemadmodum ipsa exemplaria tripliciter descripta probant, quorum quaedam simpliciter & absolute habent, coloquintidae bonae & electae 3.xx. quaedam similiter absolute trochiscorum alhandahal 3.xv. & quaedam utrunque: sic: Coloquintidae

tidæ bonæ & electæ 3.xx. & in alio loco coloquintidæ, trochisco-  
rū alhandahal 3.xxv. Quod impressores peruerentes (de ultimo  
loquor) dictiones, & addentes illud añ. vt videris nobis tradide-  
runt. Nos autem sequentes communiorē descriptionem, vtranq;  
particulam ponimus: rectius tamen atque clarius, vt decet veri-  
tatem, scribentes secundam particulam signatam, in hunc modū:  
Recipe stœchados, agarici, chanædryos añ. 3.x. coloquintidæ  
bonæ & electæ 3.xx. (Et in alio loco, coloquintidæ, trochisco-  
rum alhandahal 3.xxv.) &c. De coloquintida autē, lege in tro-  
chiscis alhandahal.

## De Piper.

**P**iper in hac hiera, album intelligitur. Diximus enim suprā in *Piper abso-*  
Diatrion pipereon, quod quandoque simpliciter (vt in *lute.*  
præfenti descriptione) est scriptum piper, semper album fit intel-  
legendum. Et ad maiorem certitudinem, quod hic, quia simpli-  
citer scriptum, piper intelligatur album, legitote Paulum, Aetiū,  
filium Serapionis, & Hali filium Abbas, qui nō simpliciter in hac  
hiera, vt Author noster, sed specificatē & clarē, piperis albi habēt  
scriptum. Auicenna verō habet album, & nigrum: quod nigrū,  
putamus redundare in Auicennæ descriptione. Igitur in rei ve-  
ritate album est ponendum hic & vbiq;e, quando non specifica-  
tur de eo.

## Hiera inuentione nostra &amp;c. LXIX.



**H**VIVS hieræ confectio, curā ipso Authore no-  
stro primū inuenta & ordinata fuit, est, vt in eius  
exordio legitur (nō minimi iuuantem). Cuius vsus  
tācti apud recētiōres aboleuit, nō tantē eius virtu-  
tes & bonitates sic sunt in aliquo imminutæ, vt nō  
liceat ea vti. Sed animaduertat vtēs, quod per impressiones eius  
descriptio in aliquibus est vitata. Vnde vbi legitur: Calami aro-  
matici, mastici, casie añ. 3.vij. legatur, añ. 3.vij. Itē vbi legitur: Xy-  
lobalsami, & in alio xylo aloes 3.iiij. legatur simpliciter: Xylobal-  
sami 3.iiij. Et cassetur illa clausula copulata, & in alio xylo aloes,  
quia non legitur pro maiori parte in exēplaribus antiquis. Item  
vbi legitur: Piperis albi, & nigri &c. añ. 3.1. lege emēdatus. añ. 3.  
iiij. quia sic est secundū veritatē, vt probatur per præfata exēplaria.

## De Xylobalsamo.

**B**alsami lignum (quod Græcē xylobalsamum dicitur) pluri-  
mum in re medica expetitur. Verū tamen ipsum verum, no-  
stris

stris temporibus non exportatur. Illud autem quod pro xylobalsamo abundantius circumfertur, potius & rectius potest vocari siue balsamo, quàm xylobalsamum. Quod facillimè deprehenditur, si odor & ceteræ ipsius notæ, à Dioscoride, & reliquis Authoribus descriptæ, considerantur. Etenim si balsami arbusculæ non nascuntur (ut fertur) nisi in vna vel duabus regionibus mundi, mirum sanè videbitur vnde adeò larga eius habeatur copia. Nam ut ceteras mundi vrbes omittā, solæ Veneriæ ex eius quantitate & multitudine immensa vel fornaces pistorum calefacerent. Probat idem & ex eorūdem putaminum superfluitate nata pretij vilitas, quoniam nihili veditur, si eius qualitatis ratio habeatur: & opobalsami, quod est xylobalsamili liquor & lachryma raritas & caritas. Et quod dictum est de xylobalsamo, similiter de calpobalsamo dici potest, quo non rectè vtuntur aromatarij loco veri xylobalsami. Quid autem ponere liceat in eius vice, quia ipsum facillè haberi non potest, monendum duximus, secundum Paulum Aeginetam qui ex autoritate Galeni, si traductio est fidelis, ponit loco eius radicem violæ candidæ. Et secundū alios, ponitur pro eo lignum hederæ.

*Diasiracost, siue Diaalsiracost descriptione Irani, quæ est medicina benedicta &c. LXX.*



**P**RAESENS descriptio tum propter errores, tum etiam propter aliqua obscura vocabula, quæ in ipsa sunt, abique diligenti declaratione non est prætereunda. Et primò de titulo ipsius agatur, qui multiplex & varius ferè in omnibus libris inuenitur. Nam quædam volumina Alseracostum habet: quædam per y, yeracost, vel yerachost, vel yeracostum, vel yera Constantini: quædam per i, ieracost &c, quædam cum h, in principio, hieracost &c, quædā per x, vel s, in principio & simpliciter xiracost, siracost &c, quædā cum dia in principio sic: Dia costū, Diasaracostū, Diasiracost & Diaalsiracost &c. Quæ nam autē istarū vocū sit vera inscriptio præsentis cōfectionis difficulter sine dubio assignari potest. Nos igitur consideratis omnibus, ad quas, scilicet vltimam & penultimam inclinamus, quæ rationabiliter ipsi descriptioni magis videntur cōpetere, suo significatu, cum quibus etiam plurima librorum copia conuenit. Et purius vocabulum est siracost, siue xiracost, quàm alsiracost. Ideò dia alsiracost, idem significat, quod cōfectio de siracost, siue electuarium ex siracost.



firacost. Xiracost autē, siue firacost quid significet mox declara-  
 bimus. Inscriptio autē hierę non cōpetit huic confectiōni. Potius  
 enim esset tribuendum ei nomen tripherę, quā nomen hierę:  
 quia cum sequenti Triphera persica maximā habet affinitatem,  
 vt lectio vtriusq; manifestat. Vbi autem habetur scriptū siue im-  
 pressum, Hiera Constantini, manifestissimum mendum est, quo-  
 niam filius Mesuę per plures annos ante Constantini Aphricani  
 medici & monachi Calsinēsis tempora fuit, vt testatur ipse Con-  
 stantinus, qui multa electuaria, & alias varias pharmacorū com-  
 positiones autoritate ipsius filij Mesuę rrāscripsit, & eas sub no-  
 mine Ioānis Damasceni in suis operibus cōmiscuit, vt in libro de  
 stomachi affectionibus. Adhęc Constantinus Cęsar non scripsit  
 hieras in suo opere de agricultura. Si autem aliquis dixerit, quōd  
 fuerit alius Constantinus medicus antiquior ipso filio Mesuę, ex  
 cuius operibus ipse accepit pręsentem confectiōnē: eundem ro-  
 gabimus vt producat ipsa opera, atq; subiiciat ea oculis nostris  
 & credemur ei. In eundem etiā errorem & Petrus Ap-  
 lapsus est, qui in de Aegritudinibus mēbrorū nutritionis, prope  
 finē de aegritudinibus & oppilationibus hepatis, scripsit ipsam  
 met confectiōnem, falso cum hoc titulo: Hiera descriptione Con-  
 stantini &c. Cuius quidem descriptio, vel ab ipso Petro, vel à li-  
 brarijs ita vitata est, vt ferē nihil habeat verę & integrę compo-  
 sitionis: vt statim in ipso principio apparet. vbi hic Author no-  
 ster habet, Recipe alfiracost: in ipso legitur, Recipe rasurę costi  
 &c. quę causa breuitatis studiosis perscrutāda relinquimus. Prę-  
 terea si hęc est compositio Constantini, quomodo concordabit  
 quod immediatē sequitur, per multas impressiōnes, in titulo hu-  
 ius descriptionis: Hoc est: Descriptione nostra. Quāvis & hoc sit  
 falsum. Quia filius Mesuę nō fuit principalis Author huius cōfe-  
 ctiōnis, sed Iranus medicus: vt probāt ferē cūcta antiqua exēpla-  
 ria, necnō & quędā impressiōnes, quę habēt Diasiracost, vel Alfi-  
 racost descriptione Irani. Neque bene consonū est quod legitur  
 in quibusdā impressis libris, videlicet Hiera Constantini descri-  
 ptiōne Irani: quia sequeretur Constantinū fuisse ante Iranum, &  
 Iranū posuisse talē Hierā autoritate Cōstantini, & eandē postea  
 Author noster autoritate Irani, sicut posuit Hierā Archigenis  
 descriptione Pauli, & cōfectiōnē Philonij descriptione Hamech  
 &c. quod fieri nequit cū fuisse Iranum ante Constantinū nulli  
 dubium est. Igitur cū ipsa confectio recipiat firacost, quod est  
 primum simplex in ordine ingrediens, quodq; hęc habetur pro

pro basi ab eodem quoque, tanquam à principaliori denominationem sumpsisse credendum est. Et confirmant hoc libri antiqui, qui (ut diximus) pro maiori parte habet Diasiracost descriptione Irani: vel Dia alxiracost &c. Etiam ipse author circa finem curae sode calida, habet vnum medicamen, in quo precipit apponere 3. vi. diasiracost, quod nil aliud est quam ista confectio. Igitur verior titulus istius confectiois est Diasiracost, siue Dia alxiracost descriptione Irani &c. Præterea, sunt & in ista descriptione per excusos libros duæ alix notabiles mēdæ, quarum prima est, ubi legitur: Recipe alxiracost boni & recentis 3. iiii. legendum est 3. iiii. quoniam à tam parua quantitate non recte ipsa confectio denominaretur, neque siracost diceretur basis istius confectiois: quia non est (ut putamus & mox patebit) tale, quod in parua quantitate producat magnū effectū, ut muscus & ambra, & similia faciunt. Altera autem menda est ubi legitur: Foliorū lupuli, capillorū veneris, ana 3. ij. legendum est rectius: ana 3. ij. in vtraque enim parte mendosè posita est drachma pro vncia. Antiqui libri profectò ferè omnes concorditer habent vnciam in dictis locis, & ita debet esse secundum

*Manardus* dum veritatem. Et sciendum, quod debet recipi folia, non asparagi  
*errauit po-* lupulorū: ut Ioannes Manardus putauit. In nullo quippelibrorū  
*nendo aspa-* penitus (isto excepto) inuenimus hoc in loco asparagos lupulo-  
*ragos pro fo-* rum: sed in omnibus & singulis legitur: Foliorum lupuli &c. In  
*lyis lupulo-* Petro Appono autem mendosè legitur: Foliorum lupini. Sed ad-  
*rum.* uerte quod dicta lupulorum folia, necnō & veneris capilli, ac ra-  
 dices endiuizæ, & apij & similia, quæ hîc & in similibus confectio-  
 nibus petuntur, omnia debet esse recetia, si haberi possunt. Aro-  
 maticari enim in hoc & in cæteris agēdis, debet adhibere omnem  
 diligentiam.

De Siracost, siue Xiracost.

**S**iracost, siue Xiracost, siue Alxiracost &c. idem est, & secundum Simonem Ianuensem, & nonnullos aliquos ex iunioribus, est quædam species mannæ. Et in testimonium citant Auicennam in capitulo de manna. Bellunenſis etiam in suis interpretationibus, dicit: Siracost est manna, quæ apud Italos vsitatur. Pandectarius autem in litera A, scribit: Alxiracost, id est manna, & in litera x. Xiracost Arabicè, id est manna. Verum in litera S, cum autoritate Dini, ait: Siracost, id est manna, vel succus fructuum. Auicenna autem licet in dicto cap. de manna adducat exemplum similitudinis dicens, quod manna coagulatur, & exiceatur sicut gūmi, & sicut tereniabin, & alxiracost, & mel de

terra

terra cufuram &c. nō tamen per hoc declarat nobis firacost esse speciem mannae. Quia ad faciendam aliquā similitudinē, non est semper necesse adducere species eiusdem generis illius rei de qua quæritur similitudo ipsa. Et ad certio rem rei notitiā probatur quod nō omnia illic posita sunt species mannae: quia sicut gummi & mel nō sunt species mannae, sic potest esse quod non sit etiā firacost. Sira enim, siue xira Arabicè, succū significat. Et quia (ut siue *Sira siue Xira* præ diximus) Pandectarius testatur firacost nō solum significare manna, sed etiā & succū fructuum: Forſan est succus alicius fructus coagulatus ad mannae similitudinē, & nō species mannae. Et quāvis Auic. de vnoquoq; præfatoriū loquutus sit in proprio capitulo, tamen propriū capitulū de firacost, neq; sub hoc, neq; sub quouis alio vocabulo reperitur in suo secūdo canone, qui est de simplicibus. Capitulum autem de tereniabin &c. habetur apud ipsum. Etiā potest esse (ut cōmunis opinio tenet) quod firacost vere sit species mannae: quia in sequentem tripherā Persicā, quæ (ut diximus) in multis cum ista cōfectione cōcordat, intrāt manna, & tamarindi, & casie pulpa, & zuccharū violarū, & alia multa, sicut in istā. Christophorus de Honestis autē in suo notādo, post hierē infusiones ponit absolute firacost esse mannae speciem, & dicit quod talis manna amplius non portatur ad partes nostras. Igitur si firacost est species mannae, potest vocari hæc compositio, Confectio mannae. Sed quia infra habetur alia descriptio quæ intitulatur, Confectio de manna: ad differentiam illius forſan vocauerunt præsentem Diasiracost, quasi declarantes particularem ipsius mannae speciem: ut etiam est infra tyrapus altereniabin, quod similiter significat quandam mannae speciem. Igitur quando de ipso firacost non potest melior haberi certitudo, loco eius si ponitur manna aerea, siue arborea, credimus quod bene agitur. Idq; vel eò maxime, quia in exordio ipsius descriptionis dicit Author, quod hæc confectio est medicina benedicta in febribus acutis &c. Et manna similiter ab ipso met. autore, inter medicinas benedictas connumeratur. Ergo si (ut diximus) ponitur manna in ipsa compositione, non agitur contra authoris intentionem. Ipsa autem manna debet esse recens, & perfecta: quia legitur ibi: Recipe alfiracost boni, & recentis &c. De manna autem, dicitur in confectione de manna.

De Tamarindis & Cheiron.

**T**amarindi (ut multi affirmant) sunt dictyli acetosi, qui ad nos hodie non exportantur integri. Vnde, de re nō bene co

gnita, vix quis perfectam rationē reddet nostro tēpore, quo rarissimē absq; adulteratione ad nos deferuntur. Et quāquam horū vñs nō admodū erat frequēs apud antiquos Græcos, vt nōnulli volūt, tamen apud Arabes, & alias plures nationes frequētissima erat, vt & hodie apud nos est, de quibus abunde Serapio, Aui cēna, & Author noster scripserūt: & ex recētoribus nostris plurimi. Quorū vnus Simō Ianuēsis dicit: Tamar Arabice Daçtylū significat: Indi, id est ex India regione: Græcē autē oxyphenichia, id est daçtyli acetosi. Idē dicit Padeſtarius, & addit, quōd sunt daçtyli syluestres qui nascūtur in India. Quæ omnia in capitulo Authoris nostri de Tamarindis clarē leguntur. Cheyron autem, siue chairū (vtrōq; enim modo legitur) aliqui recētorū volūt, quōd sit nomen prouinciæ, in qua copiosē nascūtur ipsi daçtyli acetosi: videlicet illa, quæ alio nomine vocatur Charia, quam ciuitatem propriē nōnulli asserūt vulgō dici El chairō. Alij putant esse cognomen nobilioris speciei ipſorum. Nos verō cōcedentes illis & nomen patriæ, & cognomen speciei quod nihil, aut parum facit ad ipſorū cognitionē & bonitatē, id vnicū studemus vt tamarin di sint. quammaximē veri, recētes, & mundi ab omni falsitate.

*De Malis, & pomis, seu fructibus.*

**M**alum, pomum, fructus, & huiusmodi similia, nomina sunt æquiuoca, siue communia pluribus. Fructus autem & pomum, sunt magis vniuersalia, quā malum. Antonomastice autem poma & mala, eadem sunt: & referuntur ad illa quæ vulgō Mila, siue Mela, quasi mellea vocantur. Et licet pyra, & his similia multa, dicantur poma, non tamen mala. Illa quidem præcipue dicuntur mala, quæ rotundiora proueniunt: perficis duntaxat exceptis, quæ licet sint generaliter maxima rotunditate formata, attamen rarissimē mala nuncupantur. Author enim noster in præſenti descriptione ait: Succī malorum dulcium, & acetosorum, & muzorum &c. Vbi animaduertendum, quōd hoc in

*Mala dulcia* loco non intelliguntur pro malis, mala granata, vt vult Lumina. *absolutē.* re Maius, sed pro dulcibus absolutē intelliguntur mala, siue po-

*Luminaris* ma Apia nuncupata: quæ si non habentur, niaciana mala, seu ma *Maioris er-* la Decij, seu alia similiter dulcia erunt subministranda. Pro acer- *ror de ma-* toſis autem absolutē, intelliguntur mala acetosa, siue acria, do- *lis.* meſtica, ex quibus plures reperiuntur species, & in quorum vi-

*Mala aceto-* cem etiam syluestria recipi possunt. Muzum autem (vt suprà in *sa absolute.* confectio de prunis diximus) capitur dupliciter, scilicet quod *Muzum.* est inter acerbum & maturum, & quod est inter acre & dulce. Et

hoc

hoc secundo modo in ista confectiōe accipitur muzum, scilicet quod sint illa mala quæ sunt media inter acria & dulcia. In supradicta confectiōe, de prunis autē, capitur muzum pro medio inter acerbum & maturū. Hic verò ipsa mala, media inter dulcia & acria, muza cognominata, debent esse sicut cætera mala optimè matura. Vnde notandum, quod quando mazu est per se, vt in præsentī descriptione, tūc cōstituit speciē, & significat quod maturū est inter acre & dulce: quando autē est adiectum alterius terminī, puta mali, pyri, &c. tunc nō cōstituit speciē, sed denotat suum antecedens esse inter acerbū & maturum: vt est in præfata confectiōe de prunis. Vnde cūm dicit Author in hac descriptione: Succī malorū dulciū & acetosorū, & muzorum, declarat tria malorum genera esse recipienda &c. Multa & alia huic declarationi competentia descripta sunt suprā. Videlicet in dicta confectiōe de prunis, & in electuario de pomis, & in electuario de persicis, & in electuario de fructibus &c.

*De quatuor seminibus.*

**N**otandum, quod vbi Author in præsentī descriptione scripsit: Seminū cōmuniū: immēdiatē subiūxit declarationem ipsorū, dicēs, Melonis, citrulli, cucumeris, cucurbitæ. Et hæc quatuor sunt semina communia maiora frigida, ordinatē posita. Et hinc sumitur regula, scilicet, quod quādocūq; absolutē reperitur scriptū, Seminū cōmuniū: siue quatuor granorū, vt in sequenti triphera: siue Quatuor seminū, vt in trochiscis despodio: siue Triū seminū, vel Trium granorum, vel duorū &c. semper de dictis intelligitur, accipiendo ipsa ordinē suo, vel omnia, vel pro parte. Quando autem speciatim ponitur de calidis maioribus vel minoribus frigidis, vel calidis, alia intelliguntur: quemadmodum clarius de ipsis in Lohoc alio nostro de intentione hac dicetur.

*Semina cōmuniū &c.*

*Triphera persica &c.* . . . L X X I.



V P I M V S. quidē præsentis triphera: descriptionem resarcire: at totē eius scissuras, & lacerationes inspicientes, vbi primum incipiamus, haud viemus. Vnde illud propheticū cōueniētissimè hac descriptioni applicari potest, videlicet: A planta pedis usq; ad verticem non est in ea sanitas. Nobilis quicquid & laudabilis compositio est, sed ita referta mendis, & scrupulosis, atque dubijs & peruersis clausulis, necnon & falsis circumloquutionibus (per libros impressos supple) vt nobis videatur

impossibile, posse eam suæ descriptioni absq; errore restituere. Adiuri tamen ope manuscriptorum exemplariū ( quoniam ex impressis libris impossibile est) conabimur eam suo nitori reddere. Igitur cum in principio suæ receptionis legitur. Recipe succi solatri, endiuiz, apij, depuratorum ana ℥.j. quod primum est mendū, lege, ana ℥.ij. Hinc post violarum descriptionem sequitur: Succi lupuli ℥.j. Si autē (vt impressum habetur) de vnoquoque prædictorū succorum recipitur similiter ℥.j. quare non omnes succi in vno ana? Ad quid seorsim extra prædictū ana separatur lupuli succus? An quod non egeat depuratione vt prædicti absint. Aliqui enim ex iunioribus, vt Ioānes Iacobus de Manlij &c. cognoscentes partem erroris, scilicet quod malè locatz erant violæ inter ipsos succos, & ignorantes quod pōdus priorū esset dimidiatum, scripserunt omnes in simul, ana ℥.j. non recte: quoniam id non factū est quasi non debeatur depurari, sed quia non omnes succi æqual lance appendūtur, idē non omnes debēt vno ana concludi. quemadmodū apparet ex libris antiquis, qui sic habent: Succorum solatri, endiuiz, apij, depuratorum ana ℥.ij. succi lupuli ℥.j. Vbi subintelligitur depurati. Postea sequuntur violæ, quæ malè inter succos in impressionibus sunt locatz. Vnde & alius error. Quia cum legitur: Et proijciatur super eos violarum siccarū, aut viridium, ana 3. iij. Et in aliquibus: Violarum siccarū & viridiū ana 3. iij. vtraq; clausula est mala. Prima, quia in vno simplici, seu in duobus, vel pluribus cum disjunctiōe positus non conuenit ana. Secunda autem, deprauatius pro disjunctiua habet copulam. Nec error est in ana, sed in simplicibus, scilicet quia illic desunt rosæ. Sic enim secundū veritatē in antiquis exemplaribus legitur: Violarū siccarū, aut viridium, & rosarum, ana 3. iij. Vt & liber in vulgari Italico impressus testatur. Fatemur enim, trāsitorē vt inuenit in Latino, ita trāsulisse in vulgari sermone. Etia est considerandū, quod præfata cōfectio Diastiracost (vt suprà diximus) & hæc præfens Triphera conueniūt adinuicē pro maiori parte, in simplicibus, & modo cōficiēti. Quapropter si dicta cōfectio post violas habet rosas, similiter & in ista Triphera esse rosas approbamus. Præterea, vbi in sequētiōe habetur: Myrobalanorum citrinorū, chebulatorū, & indorum, ana 3. ij. Et infra: inuoluantur myrobalani in oleo amygdalarum dulcium, & bulliat &c. O magna confusio. Quomam ex aromatarijs huiusmodi circumlocutiones intelligēt? & res non eo modo quo fuerāt à suo Authore ordinatz & descriptæ explicabunt?

eabunt? Quamobrem sciendum primo, quod de quolibet myro-  
 balano illic notato, non 3. ij. sed vnciæ duæ accipiendæ sunt. Post-  
 ea cum legatur myrobalanorū citrinorum. &c. bulliāt super pru-  
 nas &c. existit dubiū, quare post talem bullitionē, iterū illos vn-  
 ctos oleo anygdalino, velit vt bulliant cum epithymo bullitio-  
 ne vna. Cūm cōmunis Doctorum opinio sit, quod myrobalani  
 non sustineant multā decoctionem. Vnde Cōstantinus Aphri-  
 canus, auctoritate Costæ filij Lucæ, in libro de gradibus medici-  
 narum, sic ait: Myrobalani sunt gummosi, ideoq; videntur esse la-  
 xatiui. Idcirco quibus fuerit gūma non visa, sunt debilioris virtu-  
 tis. Quod testatur hæc ratio. Quod si in calida aqua infundatur,  
 & aqua potabitur, erit fortiter laxatiua. Si autē ad ignem coquā-  
 tur, erit aqua in qua coquantur debilius laxatiua. Ignis enim tol-  
 lit gummositatem &c. Hæc ille. Igitur si post primam bullitionem,  
 denuo ipsa decoctio cum ipsis myrobalanis causa bullitionis ad  
 ignem reducitur, nihil, vel saltem tātis parū ipsa decoctio (quam  
 querit Author) retinet in se de virtute dictorū myrobalanorum  
 laxatiua, huic confectiōni pernecessaria. Idcirco non vtile vt di-  
 cti myrobalani plusquam semel, & valde parū bulliāt in ipsa suc-  
 corum decoctione: nec decoctio ipsa, myrobalanis amoris, est  
 amplius bulliēda. Sed si aliquis dicat quod pro secūda bullitio-  
 ne, non sint accipiendi illi myrobalani prius iam decocti, sed alij  
 ex crudis, qui vincti oleo dicto, vnā simul cum epithymo bulliant  
 bullitione vna tantū. Respondendū, quod hoc non potest esse,  
 quia in ipsa secunda annotatione (vt per impressiones legitur)  
 ipsorum myrobalanorū bulliendorū, non scribitur, quæ quanti-  
 tas sit recipienda. Ergo de prius iam decoctis intelligitur, cūm le-  
 gitur quasi per recapitulationē: Inuoluantur myrobalani, scili-  
 cet supradicti &c. Etiam quis potest obijcere, quod suprà, scilicet  
 in Confectione Alcāzi, ex præcepto ipsius Authoris, bis myroba-  
 lani sunt bulliendi, ergo non sustinent paruam decoctionem:  
 & per consequēs, possunt in præsentī triphera binas recipere de-  
 coctiones. Ad hoc respondendū, quod contrario modo se habet  
 adinuicem Cōfectio Alcanzi, & ista Triphera persica, & diuer-  
 sas habent intentiones, & operationes. Quia in dicta cōfectione  
 Alcanzi, ipse Author intendit sedare & restringere solutionē na-  
 turæ, & cōfortare, & querit in substitūta ipsos myrobalanos tan-  
 tū, abiectis ipsorum decoctionibus. Per præsentem autem tri-  
 pheram, econtrā intēdit Author lenire & educere: & querit de-  
 coctiones eorum, & non ipsos myrobalanos. In quorum deco-

ctionibus primis feruoribus statim ipsi myrobalani (vt supra iam diximus) relinquunt partem suam laxatiuam. Quæquidem pars laxatiua postea, ob nimiam bullitionem, ab ipsa decoctione (vt dictus Constantinus testatus est) euanescit, ac deperditur. Ergo non bene est vt in hac Triphera multum bulliant ipsi myrobalani, nec etiam amotis ipsis eorum decoctio. Præterea adhuc quidam possunt obiectare dicentes: Quod si myrobalani non possunt sustinere magnam decoctionem, frustra & male ipse Author noster in capitulo de myrobalanis, & in distinctione de cõditis, ordinat modum condiendi eos cum duabus decoctionibus: vt in dictis locis clarè legitur. Responsio supradicta ad hoc etiam similiter valet, scilicet quia Author talibus in locis non querit solutionem ipsorum, sed sedationem & confortationem &c. Quapropter, ipse tunc abijcit ipsorum decoctiones, retinens tantum ipsos decoctos. Et ex hoc sequitur corollarium hoc, quod quanto magis queritur ex myrobalanis solutio per viam decoctionis, tanto minus sunt bulliendi, ita vt videatur potius fieri per modum infusionis, quam per viam decoctionis, econtrà scilicet quod quanto magis habet restringere & confortare, tanto magis sunt bulliendi & decoquendi, quod est falsum. Quia post condecens decoctionem, in diutina bullitione, non solum pars ipsorum solutiua, sed etiam & cõstrictiua, & cõfortatiua, & vniuersaliter omnis virtus & bona proprietas, ægris & medicinæ cõpetens deperditur & annihilatur. Et tunc tales myrobalani sic discocti, nec non & eorū decoctio, sunt tanquā homo mortuus sine anima, & sine virtute, nec amplius boni ad medicinæ vsum: quia tam decoctio ipsorum, quam ipsi amiserunt omnem substantiam &c. Igitur &c. Etenim in huiusmodi & consimilibus decoctionibus, semper est facienda gradatio rerū coquendarum secundū artem: quia quamuis violæ in ista descriptione sint præpositæ prunis, non tamen sustinent maiorem decoctionem, quam ipsa pruna. Oportet enim (vt aliàs diximus) aromatariū scire naturā & complexionem, seu texturam omnium simplicium cõmiscibilium: vt sciat quæ magis, & quæ minus sustinent decoctionem, contritionem &c. Vt in suis canonibus ipse Author noster optime docet, præsertim vbi de decoctionibus ait: Verum tibi superest scire medicinas, quæ debilem coctionem suscipiunt, aut fortem &c. Vbi multa notabilia tangit. Ex his igitur visis sequitur descriptio vera istius clausulæ quæ talis est: Myrobalanorum citrinorum, chebulorum, & indorum, in oleo amygdalarū dulcium inuolu

*Myrobalanorum omnium decoctio.*



uolutorum, ana ʒ.ij. & bulliant bullitione vna &c. Et locus proprius ipsius clausulæ est post epithymū, videlicet vbi legebatur, Inuoluātur myrobalani &c. Vbi animaduertēdū quod Author sapienter posuit eos vltimo loco cum epithymo, quia similiter & epithymum non patitur decoctionem. Imò & post epithymum descripsit eos, ad denotandum quod intentio sua est, vt bulliant, quasi non bulliant, bullitione vna. Quod autem suprā, inter cuscutam & spicam de ipsis myrobalanis legitur, vacat. Cassetur ergo in ista descriptione per omnes libros, ne successores denuo consimilibus implicentur laqueis. In ipsa autem decoctione faciēda, ita est procedendum. Post ipsorum depurationem vniantur insimul omnes succi, & in ipsos primum immittantur pruna Damascena sicca, incisaque vsque ad osseum, in tribus aut quatuor locis, & bulliant cum agilitate vsque ad cōsumptionem medietatis succorum, vel circa, secūdum discretionem. Deinde superponantur senæ folliculi grossiori modo cōtriti. Deinde cūm tempus fuerit, cuscuta & agaricum similiter contrita. Deinde spica, rosæ, & violæ. Postea immediatē epithymum mundum, & contractum. Vltimoverò loco, scilicet cōtinuò post epithymum, absque mora aliqua immergantur myrobalani enucleati grosse contriti, ac oleo prædicto inuoluti. Post quorum immisionē, simplici feruore transacto deponatur ab igne totum, & post aliquod spatium temporis coletur &c. De consimili ratione fiant omnes aliæ decoctiones, quibus competit fieri gradatio medicinarum, scilicet quod semper præponantur res quæ magis sustinent de decoctione, licet eadem in descriptione postponantur. Sed aduerte, quod succi consumendi sunt in ista decoctione, donec remaneāt ex ipsis lb. ij. quia sic habent libri antiqui. Impressi autem habent vsque ad lb. j. & malè, non enim est sufficiens vna lb. dictæ decoctionis, ad perficienda omnia, quæ infrā præcipiuntur. Videlicet, quod in vna parte & in medietate ipsius, dissoluantur tamarindorū ʒ. iij. mannæ ʒ. j. pulpæ casie ʒ. iij. & zuchari violati ʒ. xij. Vix enim ad hæc liquanda sufficit lb. j. ergo duæ libræ, & non vna ex ipsa succorum decoctione seruandæ sunt. Præterea, antequam ad alia transeamus, aromatarijs minus peritis consulimus (peritiores enim non multo indigent consilio) quod myrobalani hîc, & in similibus accidentibus, videlicet, vbi pars ipsorum solutiuæ est necessaria, securius infunduntur quàm bulliant. Et hic erit faciendi modus, videlicet fiat decoctio secundum artem omnium prædictarum rerū, exceptis ipsis my-

*Decoctionū  
cūpositiū  
exemplum  
& regula*

*Infundendi  
myrobala-  
nos & simi-  
lia, regula*

robalanis, & post ultimam, quæ est epithymi, bullitionem continuo feruenti, quasi adhuc bulliat, inmittantur in ipsam myrobalani, oleo amygdalino prius (vt dictum est) bene peruncti, & dimittatur frigeſcere, deinde coletur &c. Et ne quis putet hoc esse præter Authoris intentionem, ipsum Authorem citamus in testimonium, qui in suo Canone de rectificatione medicinarum cum modis infusionum ait: Relinquitur autem dispositio rei per infusionem, in re in quam infunditur, & cætera quæ sequuntur. Hinc prosequitur: Sicut in infusione rheubarbari, & myrobalanorum videmus. Separatur enim ab eis virtus solutionem faciens, & cadit in infusionem, remanente re contractionem faciente in residuo &c. Item ipse Author in septima distinctione præsentis antidotarij, in modo infusionis de succis herbarum, sic dicit: Recipe succorum endiuæ, lupuli, buglossæ, depuratorum, ana ʒ. viij. projice super eos corticum myrobalanorum citrinorum ʒ. j. raueſ boni ʒ. iij. tamarindorum ʒ. j. s. carnis casie fistulæ ʒ. iij. fiat vt supra. Iam enim dixerat in modo infusionis aquæ casei proprietatem eius, & quod est dimittenda à sero vsque mane, deinde est colanda, & propinanda. Quæquidē infusio, est multum similis decoctioni præsentis triphera. Et in octaua distinctione, quæ est de trochiscis, videlicet in confectione Gallie alefanginæ ait: Accipe emblicorum bonorum, abieſtis ossibus ʒ. iij. Contrantur contritione grossa, & ponantur in vase vitreo, & fundatur super eos aquæ rosatæ &c. Quibus in locis, maioris laxationis causa, non decoctiones sed infusiones myrobalanorum tantum quaerit. Item capitulo de myrobalanis, dicit: Et infusio quidem eorum competit, quando solum quaeritur solutio. Et patet per simplicia quæ recipit, quod hæc triphera soluit leniendo fortiter. Igitur non est hic coarctanda, neque minuenda eius virtus, atque soluendi proprietas, sed augmentanda atque dilatanda eò maximè, quod omnes medicinæ ingredientibus ipsam tripheram, possunt inter benedictas connumerari: nec est timendum in eius solutione de aliquo nocumento. Et (vt supra diximus) autoritate Constantini, præstantior est ad laxandum myrobalanorum infusio, quam decoctio. Quapropter non malè agitur, si dicti myrobalani infundantur modo dicto, in ipsa decoctione perfecta, absque aliqua bullitione. Cæterum vbi legitur: Ultimo verò, pulverizentur super illud, raueſ boni &c. Cassetur super illud. Non enim competit huic loco, nec est in exemplaribus antiquis. Rectius autem  
sic

sic legito: Vltimo verò puluerizentur, raved boni 3.ij. &c. Non  
 autè, raved 3.iiij. vt in pluribus impressiõibus legitur. Omnes  
 enim antiqui libri (quos vidimus) & nonnulli etiam ex impres-  
 sis, concorditer habent: Raved boni 3.ij. Et quauis hunc er-  
 rorem fraudulentis aromatarijs non sit multum necesse propa-  
 lare, quia libentius ipsi minus quàm plus ponunt in confectio-  
 nibus de huiusmodi simplicibus pretiosis, vt sunt Rheubarba-  
 rum, muscus, ambra, & similia. Tamen vt veritas habeat locum  
 suum, & Deum timentes non grauètur in non necessaria expen-  
 sa, omnia rectè (vt decet) vt melius videtur, à nobis fideliter de-  
 scribuntur. Item, vbi in eisdem impressis legitur: Chebulorum,  
 Indorù, ana 3. viij. est error nò paruus. Posita est enim ibi errore  
 librariorum, vncìa pro drachma, Omnes enim antiqui codices  
 habent, chebulorum, indorum, ana 3. viij. s. 3. j. & non octo. Item  
 vbi habetur impressum: Granorù fumi terre (idest seminù fumi  
 terræ) trochiscorù Diarhodon &c. ana 3. ij. s. legèdum est, abiq;  
 illo semis, ana 3. ij. Sequès verò ana, quod est quatuor granorum,  
 est 3. ij. s. vt antiqua volumina quidem huius rei veritatè osten-  
 dunt. Quatuor autem grana sunt quatuor semina cõmunia, ma- *Quatuor*  
 iora frigida, scilicet melonis, citrulli, cucumeris, & cucurbitæ, de *ot. ma.*  
 quibus diximus in Diasiracost. Aliqua autè volumina ex impres-  
 sis quidè, habent hoc in loco quatuor granorù, sed non rectè.  
 Lege autè de huiusmodi, & cæteris communibus seminibus tam  
 frigidis quàm calidis, tam maioribus quàm minoribus, in Lohoc  
 alio nostro de intèrione hac, & etiã in fine descriptionis Diasira-  
 cost. Postremò autè, vbi legitur: Inuoluantur in oleo violato, &  
 repone &c. sciendum quod multi ignorantes veritatè huius clau-  
 sulæ, credunt totam ipsam cõfectionem esse inuoluendã in oleo  
 violato. Sed re vera tecus est. Quia tantummodo istæ vltimæ spe-  
 cies, scilicet raved &c. Quæ species puluerizatz, & oleo violato  
 bene perunctæ, cõmiscende iunt cum supradictis rebus, & confi-  
 ciendæ &c. Descriptio autè vera & recta huius clausulæ talis est,  
 (vt in quibuidam exemplaribus vetustis simis legitur) Inuoluan-  
 tur (scilicet prædicti pulueres) in oleo violato, & proiciantur su-  
 per illud torù: quod confectum repone in vase vitreo &c. En vi-  
 detis quot confusiones, quot ve errores notauerimus in presenti  
 Triphera persica. Igitur indulgèdum est nostræ prolixitati. Non  
 enim potuimus breuioribus tanta constingere. Nec vos tædeat,  
 vel saltem semel legere, quod nos non pigrit in scribendo per  
 tot volumina, non tunc magno labore perquirere.

## De Solatro.

**D**E communi, & magis nota Solatri, siue solani specie Author intelligit. Et illa quidem est, quæ alio nomine vulgò Cacabalum dicitur. Est enim vulgaris notitiæ. De omnibus autem speciebus solatri, quare in Trochiscis de Alchechengi.

## De Endinia.

**Q**Vàm maximo detineantur errore, qui per Endiniam sumunt lactucam agrestem, bonarum literarum amatores non agrè percipiunt. Etenim Endinia, Cichorium siue cichoria vel cichorea, Intybus siue intubus vel intuba, Seris, Picris vel picrida, Scariola, Ambubeia, Dundebe siue Hundebe Taraxacon vel taraxicò, & alia plura, vnũ & idẽ significãt. Differunt tamen aliqua ipsorũ, per syluestre siue erraticũ, & domesticũ, id est satium. Vt exempli gratia: per scariolam semper intelligitur domesticum cichoriũ, & per taraxacon semper syluestre &c. Sũt præterea & alia nomina istis attributa, quæ etiã alijs diuersis conueniũt: vt Heliotropia siue folsequia, Spõsa solis, amica solis, pancratiũ, chreston &c. Sed longũ esset atque superfluum de his omnibus & singulis pertractare, cum clarè de ipsis tam apud antiquos, quàm apud iuniores bonos Authores habeatur. Iuniores autem magis imitãdos dicimus, Hermolaum Barbarũ, Ioannem Manardum, Antonium Musam Brasaulum, Ioannem Ruellium, & ceteros eis similes. Legitote ergo apud ipsos. Luminare Maius autem in syrups de cichorea, & nonnulli quamplures, genera cichorij siue endiniæ volentes declarare, plura confundunt. Vnde aromatarij hodierni parãtes dictos syropos, ferè tot committũt errores, quot ibi sunt simplicium nomina. Minus ergo malum iudicamus esse, si omittantur illi syrups, quàm si talibus descriptionibus parentur. Veræ autem quæ possunt probari endiniæ, siue

*Cichorij re  
va species.*

cichorij species hæ principaliter sunt. Videlicet Condrilla, quæ apud Dioscoridem etiam ob maximã similitudinem quam cum cichorio habet, legitur à nonnullis seris, & cichorium dici. Et cicerbita aspera, id est fonchus asper, id est crispinus vulgò norus: quem similiter, teste ipso Dioscoride, aliqui cichorium nuncupant. Est quoq; & quædam herba quæ vulgò Dens leonis, & Rostrium porcinum & ab alijs Amarum olus vocatur: quam herbã ob amaritudinem, & foliorum similitudinem, intubi syluestris

*Endinia vel  
cichorea ab  
soluẽ.* speciem nonnulli, vt Hermolaus & Ruellius esse autumant. Verum tamen cum absolute legitur endinia, vel cichorea &c. nõ intelligitur de istis speciebus iam dictis, sed de vero intubo, scilicet cicho

cichorio sylvestri, quod est melius, vel saltem de fatiue, quod est post illud. Author enim noster per endiuia, quasi semper intelligit fatiuu cichoriu: quoniam sylvestre sub nomine Taraxacon describit, vt probatur in pluribus locis, vbi vtrunq; habet, scilicet endiuia, & taraxacon. Vt in septima distinctione huius antidotarij, videlicet in decoctione funi terræ, vbi legitur: Accipe fucci al taraxacō, & endiuia &c. Et similiter in tertio canone primi capituli de rectificatione medicinarum bis, & in capitulo de modis lauacionis medicinaru, & in capitulo de mezereon, & alibi vtrunq; legitur, & vt plurimu immediate. Sed notandu, quod secundum ipsum Authorē nostru, tam endiuia quam taraxacon cum ponitur in medicinis, nō debet lauari: quia habent virtutem in superficie, quæ per lotionē tollitur: vnde in dicto capitulo de modis lauacionis, ait: Et sunt medicinae quæ virtutē positam habent in superficie, quæ si lauentur, tollitur: sicut taraxacon, & endiuia, & rosa, & similia. Hæc ille. Quare colligenda sunt huiusmodi, vt possibile est, munda ab omni torde & luto &c. vt postea commiscenda medicinis, non alia indigeant lotionē. Et aduerte, q̃ in nulla descriptione huius antidotarij legitur cichorea, nec (vt sciamus) in canonib. nec forsā in toto opere ipsius filij Mesux. Declaras per hoc ipse Author, q̃ sub nomine endiuia, intelligitur & cichorea &c. q̃a in veritate idē est endiuia, quod cichorea &c.

## De Cuscuta.

Quamuis nonnulli velint cuscutam oriri in pluribus plantis, necnon & in nudo solo, tamen illa est accipienda, pro medicinae usu, cum absolute legitur, quæ per lini plantas circūuoluitur: quæ quidē ab alijs podagra lini, & linicida vocatur. In patrimonio Romano, & particulariter circa Viterbiu copiose prouenit. Est enim proprie quoddam capillamentu epithymo simile, albius tamen. Vulgaris cognitionis est. Nam damnum quod sapius ipsa lino infert, ferē omnibus notioem reddit. Lege de ea etiam in modo confectionis de eupatorio.

Confectio electuarij alharif, & est electuariu boni saporis, quod composuimus nos &c. LXXII.



RAESENTIS, & sequentis electuarij confectiones, quo ad titulu per varios libros, plurimas habent inscriptionum variationes: videlicet Alharif, Alkarif, Alaberaluf, Alakaluf, & huiusmodi consimilia multa, quæ si scripsissemus, foret ridicula non

la non dubitauimus. Eo maximè quia nihil facit ad rem, quomus cognomine describantur ipsæ cōfectiones. Nos autē quasi annotata illa voce barbara, intelligimus ipsa Electuaria boni saporis, siue Electuaria magna, siue regalia: vt infra in suchalharit dicitur. Et fortasse illa vox est significans illud. Sunt autem & in præsentī cōfectione aliqui errores. Vnde primo sciendum, quod descriptio dalcationis, seu rectificationis myrobalanorū, est multūm viciata, & maximè vbi post dissolutionem zucchari in aqua, legitur: Semper in ea parum de oleo infundendo. Quoniam inibi rectius legendum est: Semper in ea parum de ipsa aqua infundendo. Quid igitur est faciendum de ipsa aqua, si oleum est superinfundendum semper? Antiqui codices eo in loco, aquam habent, non oleum. Quibus si nolunt adhibere fidem, legant capitulum ipsius Authoris de myrobalanis, vbi fere ad litteram ponit ipsum & eundem modū rectificationis eorum. Hæc nempe sunt verba ipsius in præfato capitulo: Modus rectificationis eorum satis utilis, acquirens eis saporem bonum, & emendans quæcūq; timentur de eis, est, vt sumatur de myrobalanis cōtritis quāritas quam volueris, & sit hoc in estate: & runde super eos olei amygdalarum dulcium quantitatem, qua confricando leniantur in vmbis, & exiccantur in sole: & semper modicè confricando supererorentur oleo, & fiat illud per tridui. Deinde denuò per triduum cum aqua zucchari, aut aqua casei cum pauco zuccharo conterantur in sole, semper eos ante modicè cum aqua prædicta irrorando. Deinde fac trochiscos &c. Hæc filius Mesuæ. Videte ergo quod intentio Authoris est, vt ipsi myrobalani per triduum in eorum contritione supererorentur oleo, & per aliud triduum cum dicta aqua zucchari. Sunt præterea in ista descriptione & alia quædam non tanti momenti, quæ à nobis emendata facillime comprehendī possunt à lectoribus, si ab eis nostra descriptio alijs conferatur. Alius autē error notabilis est in ista descriptione per impressos libros, videlicet vbi legitur: Seminis apij 3.j.s. legendum est 3.i.j.s. quia sic est in omnibus vetustissimis exemplaribus.

De Nabet, & Nabit.

**V**ariationes librorum super hoc simplici in magnā nos duxere dubitationem, ita quod non audemus determinare si in præsentī & sequenti cōfectionibus legendum sit Nabet, vel Nabit. Nam maior pars antiquorum librorū, quos legimus, habent in his descriptionibus nabit, vnus nebet, vnus nabee, & vnus neber,

neber, & plurimi ex impressis etiam habet nabit. Reliqui autem una cum quibusdam impressis habet nabet, ex quibus aliqui cum aspiratione in fine sic: Nabeth. Quamobrem hoc cum nonnullis alijs prudentiorum iudicio referuamus. Quoniam nabet, & nabit non sunt idem, ut mox declarabimus. Nabet igitur licet apud antiquos non reperiatur quid sit, recentiores tamen fere omnes declarant esse zuccharum candum. Quorum opinio nobis non displicet. Quia in distinctione de conditis, scilicet in condito de citris, sic legitur per omnes libros, tam manu scriptos, quam impressos: Et sit iuleb ex zuccharo albo in aqua, quæ sit triplum ipsius: deinde coquatur cum facilitate, usque ad modum penidiarum. & infra sequitur: Et condiantur cum iuleb rosato, cuius decoctio sit sicut nabet. Vbi secundum veriorum sententiam non potest intelligi pro nabet, nisi zuccharum candum, scilicet quod illud iuleb rosatum sit ita forte coquendum, sicut coquitur zuccharum ut candicer: quia quemadmodum supra dixit debere coqui illud iuleb ut coquitur zuccharum penidiarum: ita de consimili exemplo (ut puto) posuit illic, ut coquatur ad modum zucchari candi, sub nomine nabet. Quasi pari coctione quidem coquitur zuccharum pro penidijs, ut pro zuccharo cando. Etiam potest coniectari, quod nabet sit species zucchari, ex verbis ipsius Authoris, in primo capitulo de electione medicinarum dicentis: Cuius materia sit humiditas viscosa, sicut zuccharum, & nabeth, & alhosos. Si quidem sicut & alhosos, siue alhusar, quod idem est (ut supra diximus) est species zucchari: ita credendum de nabet &c. Nabit autem, ut in synonymis filij Serap. & Auic. legitur, & secundum Padectarium, est potio quedam, quæ fit ex dactylis, & ficibus, & alijs fructibus dulcibus in aqua decoctis: quæ quidem potio est sicut syrupus dulcissimus. Etiam ipse Padectarius in litera Termenabit, dicit quod est potus ex dactylis & ficibus ficcis, ad ipsiusmodum mellis reductus, non vi ignis, sed solis colore &c. Si autem Author hæc querat hæc fructuum decoctionem, vel zuccharum candum, nescimus. Verum tamen ponendo zuccharum candum pro eo, non credimus malum esse.

*confectio alia electuarij alharif boni saporis, quod etiam composuimus nos &c. LXXIII.*



LECTVARIJ præsentis confectio, eiusdem intentionis est cum supradicta: immo maioris efficacæ & virtutis, ut in suo exordio legenti patet. Principalis utriusque Author, fuit ipse filius Mesue, ut in ti

in titulo ipsarum probatur, cum legitur: Quod composuimus nos. In quibusdam impressiōibus autem est: Quod exposuimus nos. Sed nō rectē. Cuncta etenim exemplaria, quæ vidimus, habent composuimus. Et sic est verum. Nam probatur veritas, quia apud nullum Authorem ipso filio Mesuæ antiquiorem, usq; adhuc valuimus eas inuenire. Quapropter credendum est ipsum filiū Mesuæ fuisse earū principalē inuentorē. Idcirco rectius cōposuimus, quā exposuimus legēdum est. Præterea, sunt in præsentī descriptione duo menda. Primū videlicet vbi legitur: Accipe myrobalanorum chebulorum, & nigrorum, añ. partes duas. Legendum est, ana, partes tres. Aliud mendū est vbi legitur: Deinde accipe ex hoc toto 3. xiiij. legendum est rectius 3. xvij. Sic enim habetur per omnia exemplaria antiqua quæ vidimus.

*Confectio electuarij Indi maioris &c. LXXIIII.*



STA duo electuaria, scilicet maius & minus, vocātur ab Authore Inda, vel quia ab Indis inuenta fuerunt, vel quia apud Indos tunc habebantur in frequentiori vsu. Ambo quidem vnam habent intentionem. Sed ad euacuandum humores flegmaticos, minus dictum efficacius habetur, propter maiorem turbith portionem, quam recipit. Variæ nanq; sunt aliquorū iuniorum opinionones de his electuarijs: videlicet q; nōnulli, vt Christophorus de Honestis, & Quiricus de Thertona & cæteri volunt, quòd

*Electuariū Indum abso-* quando absolutē petitur electuariū Indum, intelligatur minus.  
*lutē.* E contra alij, vt Ioānes Iacobus de Manlijs & cæteri tenent: cum quibus & nos cōcordamus, scilicet quòd maius sit intelligendū, cum absolutē electuarium Indum petatur. Veruntamen in hoc & similibus, non debent calamo parcere domini medici, sed speciatim omnia scribere, vt minus peritis non detur ansa errandi &c. Præterea sciendum, quòd in hæc duo electuaria intrat cinnamum, & non cinnamomum. Etiam sciendum quòd casia, quæ est in præsentī maiori descriptione, est casia lignea, contra opinionem aliquorum iuniorum asserentium esse casiam fistulam lenitiuam: quorum sententia, & assignata regula omnino explodenda est à libris. Nā cum Quiricus de Angustis, & Paulus Suardus, & ipsos imitantes in Diatrion pipereō dicant, quòd casia absolutē posita in electuarijs solutiuis, vel lenitiuis, semper sit intelligenda casia fistula (quod est falsissimum.) ergo secundum eorum regulam, in hiera picra, & alijs pluribus hieris, & similibus electuarijs so



rijs solutiuis, in quibus est casia absolutè, intelligitur casia fistula. Ergo ipsi contradixerunt sibi, & suæ generali regulæ exponentes in ipsa hiera casiam, esse casiam ligneam. Ergo regula irregularis ipsorum est falsa. Et si (vix ipsi dicunt) in præsentî descriptione est casia fistula, quomodo fricanda est manibus, & inungenda oleo amygdalino cum alijs speciebus, vt Author præcipit: Quid facient quatuor drachmæ casia fistulæ in tanta compositione? Igitur recta sapite, & per casiam absolutè descriptam, ligneam *Casia absol-* intelligite. Item animaduertendum, quòd vbilegitur in impres- *lute.* sis libris in præsentî descriptione: zucchari & penidiarum, ana 3. xx. est ibi mendum non paruum, errore nanq; posita est ibi 3. pro 3. rectius quippe legendum est: ana 3. xx. quia sic est concorditer in cunctis antiquis exemplaribus. Præterea non ignorandum, quòd turbith est basis in istis duobus electuarijs, & nõ scamonea. Non obstat, quòd facta calculatione, in quâlibet dosim secundû determinatâ vtriusq; portionē, cadat plus de scamonea, quàm de turbith. Quia intèrio istorû electuariorû principaliter versatur circa materias phlegmaticas, pro quibus euacuâdis, vigorosiushabetur ipsum turbith, quàm scamonea: vt tam per ipsum Authorem, quàm per alios plures fide dignos probari potest. Quapropter non à quantitate, sed ab effectu & virtute propria, turbith est basis dictorum electuariorum: sicut muscus in Diamusco, & ambra in Diambra, & similia multa.

*De Turbith.*

**A**Vthor noster in suo de simplicibus, facit capitulum de turbith: quod quidē suū turbith, nemo (cum legerit capitulum Dioscoridis & aliorum de thapsia) negabit esse thapsiā. Sed quia Tapsia vt sæpe experti sumus diuertitur secundû loca & tempora, tanquam si genus suū plures habeat species (nõ quòd propriè sint species) ideo particulariter de radice eius loquēs ipse Author narrat, quòd debet habere septē, nõ species, sed proprietates bonas, quas enumerat dicēs: Vt sit album (supple interius) &c. Et sicut recēs & antiquū, subtile & grossum, cripi corticis & plani &c. sunt differentiæ indiuiduales & nõ species, sic & de reliquis cōsiderandû: ne quis dicat, quòd Dioscor. faciēs vnū genus thapsiæ, quod nec diuidit per species, filius Mesuæ faciat cōtrarium. Ergo nõ sunt idem, thapsia, & turbith filij Mesuæ. Et similiter turbith Auic. est idē quod turbith filij Mesuæ, vt per operationes &c. quæ cōueniūt in inuicē probari potest. Non obstat, quòd ipse Auic. sub nomine tessie, & thesise, vel thasasia, scribat duo alia capitu-

la de thapsia (sepe enim hîc Author de vno & eodem plura capitula facit) quia per verba ipsorum capitulorum probatur apud ipsum (præter duo præfata) esse aliud capitulū de thapsia. Nā in capitulo Theſſie, quod est infra capitulū de turbith, nihil declarat. Ait enim: Theſſie quid est, iam dictū est in the, & iā diximus eam, nec quicquā addit vltra. In altero capitulo autē, quod est immediate ante capitulū de turbith, similiter dicit: Theſſie qd est: & iā dictū fuit in the. Et infra in ipsomet capitulo dicit: Etiam diximus administrationem eius in capitulo ipsius. Vnde necesse est, vt sit aliud capitulum in the, in quo pertractet de administratione eius. Quod quidem nō potest esse, nisi capitulū de turbith. Nam & si aliquis dicat, quod legitur in ipso cap. Theſſie: Est gūma rute agreſtis. Et ideo cūm dicit postea, & iam dictū est in the, & iā diximus administrationē eius in capitulo ipsius, remittit lectorē ad capitulū rute agreſtis, & non ad capitulū de turbith. Ad hæc dicimus, quod duplici de causa hoc nō potest esse. Prima, quia capitulū de ruta non scribitur in litera the, sed turbith. Nec obijciat, quod Auicenna in suis remissionibus, intelligat secundum literaturam Arabicā, & Alphabetū Arabicum (quod non negamus.) Nunc autē quia opus eius est Latinati donatū, & simplicia sunt disposita secundum alphabetū Latinum: ideo eius dicta non cōueniant, quia & hoc quoq; per Bellunensem probatur esse falsum: quoniam in capitulo de ruta non per th, sed per f, Arabicè scribit Sedab. Sed bene cōuenit cum capitulo de turbith, in quo Bellunenſis reſcripſit Arabicè Terbed. Terbed enim est in litera T, & non sedab. Secūda, si (vt ipsi volunt) capitulū Theſſie sit verē capitulū de ruta agreſti, vel apud ipsum Auicennā non erit penitus capitulum de thapsia, vel necessariō erit hoc capitulum, quod de turbith inscribitur. Et si hoc capitulum de turbith erit illud, erit pro nobis. Et licet in capitulo de ruta, cūm de agreſti scribitur, multa videantur cōuenire cum hoc capitulo de Theſſie (ex quibus putamus vel interpretem, vel aliū addidiſſe ad hoc capitulum de theſſie: Est gummi rute agreſtis) tamen quod nō sit gummi rute agreſtis, in processu ipsius capituli pater apertē. Et prætermiſſis omnibus alijs, quæ sunt in ipſo capitulo Theſſie, quæ cōueniunt cum capitulo Dioſcoridis de thapsia: hæc verba tantūm specialiter adducimus, quæ expreſſe non comperūt gummi præfato, & sunt quasi ad literam in dicto capitulo de thapsia Dioſcoridis, per quæ probatur ipſum capitulum de Theſſie esse de thapsia, & nō de ruta agreſti, siue gummi eius. Ait igitur Auicenna:

*cenna*: In radice eius, & corticibus ipsius, & lachryma eius, est solutio. Sumantur de corticibus eius tres aurei, & de succis tres anulſar, & de lachryma eius aurei ij. & cum multiplicatur eius vſus nocet. Hæc Auic. Nam gūmi nō cōperit dici, radix eius, & lachryma, & succus &c. Ergo de aliqua plāta loquitur Auicē. & nō de gūmi. Et quōd in capitulo de thapſia Dioſcor. legatur idem, auſculta. Inquit enim: Tam cortex radicis, quā succus, purgandi vim habet. Lacteus succus in aqua muſa potus, vtrinq; bilem extrahit. Radicis modus quaterni oboli cum tribus ſeminis anethi drachmis, ſucci terni oboli, lactis obolus vnus, quod eo amplius aſſumitur, periculofum eſt. Hæc Dioſcor. Ergo eſt thapſia, & nō *Thapſia eſt gummi rutæ agreſtis*. Suſpicamur nēpe Arabicè eſſe aliquod vocabulum æquiuo-cū, ſcilicet cōmune ad thapſiam, & ad rutā agreſtem, ſiue ad gunmi eius. Quoniā ſæpius interpretes in æqui-uocis peccant, vt & apud alios plures inuenire licet, & in ſecūdo præctice Hali filij Abbas, & cæteris legimus thapſiā interpretatā rutam agreſtem &c. Igitur turbith Auicennæ, & turbith filij Meſuæ ſunt vnū & idem, & propriè eſt thapſia. Eriā coniectandū, quōd filius Meſuæ (quamuis alia plura omiſerit) non omiſiſſet thapſiā, in ſuo de ſimplicibus ſolutiuis, quæ celebratiſſima ferè ab omnibus authoribus habetur. Serapio autem in principio ſui capituli de turbith, nō thapſiam, ſed tripoliū Dioſcoridis, quaſi de verbo ad verbū deſcribit: Poſtea verò cum adducit Arabum authoritates, non tripolium, ſed turbith Auicennæ, & filij Meſuæ ſine dubio depingit. Scribit etiā ſeorſim capitulum de thapſia, ſolummodo per authoritates Dioſcoridis, & Galeni. Vbi non citauit Arabes, quia ſub nomine turbith (vt diximus) Arabes ſcripſerūt thapſiam. Quorum Arabum de thapſia authoritates, ipſe Serapio in capitulo de turbith, tripolij deſcriptioni annexuit, quaſi approbans turbith eſſe tripolium, & thapſiam. Non enim eſt credendum, Arabes ante Serapionem non ſcripſiſſe de thapſia. Sed nos in compoſitionibus filij Meſuæ, non tripolio, ſed turbith ab eo notato debemus vti. Et certe miramur de aliquibus iunioribus, viris vtiq; in literis conſummatis (vt eſt Nicolaus Leonice-  
nus, & Ioannes Tagautius & ceteri) aſſerētibus filiū Meſuæ falſa  
ſcripſiſſe, cum dixerit ſuum turbith habere folia ſimilia ferulæ, & lacte abundare: & negantibus inueniri plantam huiuſmodi, ſcilicet quæ habeat folia ſimilia folijs ferulæ, & lacteſcat. Forſan  
ipſi non legerunt thapſiam, cuius planta (teſte ipſo Dioſcoride) maximè æmulatur ferulam. Cuiusq; radix targeſ lacte. Et alie  
turbith.

plantæ plures similiter sunt, quas breuitati studentes omitimus. Et quod turbith habeat plantam ferulæ similem, non solum per Authorem nostrum, sed etiam per Vincentium authoritate Constantini probatur, cum dicit: Arbor eius est quasi ferula &c. Et enim Author noster cum dixit suum turbith habere lac, non de folijs, sed de radice intellexit. Ad quam quidem radicem (excepta illa foliorum similitudine) omnia quæ sunt in illo capitulo spectant, ut legenti non est dubium. Etiam non sine admiratione legimus

*Ruellius er-* Ruellium & ceteros, qui dicunt turbith filij Mesuæ esse radicem  
*rauit in de-* alypiæ, vel pityusæ: cum neutra istarum habeat folia ferulacea.  
*scriptione.* Multa nepe & alia diuersa à præfatis & alijs iunioribus, ut à Ma-  
*de turbith.* nardo, Brasaulo &c. descripta sunt de turbith consideratione: sed  
*item & Ma-* in rei veritate, ipsorum omnium controuersia, & variaz opiniones  
*nardus &* in vnum collectæ, potius conturbant quam clarificant legentis  
*Brasaulus.* mentem. Qui vult legat apud ipsos. Nobis autem ipsorum scripta  
*Turbith of-* de turbith, placuit legere, sed non imitari. Turbith autem officina-  
*ficinæ rum.* rum, verè non est turbith filij Mesuæ: quia (ut ab ipsis, qui proprijs  
*non est ve-* manibus collegerunt habuimus) folia ferulæ non habet, sed po-  
*rum Tur-* tius portulacæ familia, longiora tamen, quæ & lateſcunt. Vnde  
*bith, sed ſpe-* coniectamus ipsum turbith vsuale, aliquam speciem rithymali-  
*cies tythy-* esse: cum nullam conditionem turbith filij Mesuæ habeat. Non  
*mali.* est enim planum, nec arundinosum, nec gummosum, nec frangi-  
bile, sed neruosum &c. Nec est tripolium, ut ex eisdem notis folio-  
rum &c. probatur. Ex quo igitur, non est loco turbith medici-

*Turbith est* nis admiscendum. Turbith autem quod exportatur à monte Gar-  
*vera tha-* gano Apuliæ, & alijs locis Italiæ colligitur, est verissima thapsia:  
*psia.* & si est thapsia, per consequens est turbith filij Mesuæ. Et quod  
sit thapsia, nos ipsi nostro damno experti sumus. Quoniam ex-  
cauando ipsum turbith, circa Cornetum, superuenit nobis in  
facie, & in manibus tumor non minimus. Quod quidem (teste  
Dioscoride) est proprium thapsiæ &c. Veruntamen istud Apu-  
liense (ut in re ipsa clarè patet) ex magnis radicibus thapsiæ est  
collectum, quod certe filius Mesuæ in suo capitulo non laudat.

*Turbith o-* Mediocre igitur est eligendum, album interius, gummosum, fran-  
*ptimū qua-* gibile &c. Nec ante sex menses à sua collectione ad minus debe-  
*le.* mus eo vti. Nec multum vetus, seu à vernibus corrosum est su-

*Turbith co-* sciendum in medicinæ vsum. Præterea sciendum quod turbith  
*trino.* in istis duobus confectionibus, & similibus, quæ faciunt ad eua-  
cuandum humores phlegmaticos, viscosos, grossos &c. & in qui-  
busdam electuarijs magnis: ut quidam ponunt in Triphera sa-  
racen

racenica, & similibus, subtiliter est tritandum & cribrandum, teste Serapione: qui in capitulo de Turbith, autoritate Abix, ait: Et si debes illud ponere in magnis antidotis, cribra ipsum per tenue cribrum. Et infra: Et si vis dare ipsum habentibus phlegma viscosum, tenax, tere illud subtiliter, & cribra ipsum, ut adhæreat phlegmati, & expellat ipsum. Hæc Serapio. In pilulis autem & alijs compositionibus solutiuis, quæ non habent principaliter expellere phlegma, more communi solutiuiorum, id est, non subtiliter est terendum, atque cribrandum, teste ipsomet Authore in eodem capitulo dicente: Et si ponis ipsum in medicinis laxatiuis, sicut in pilulis & decoctionibus, cribra ipsum cum cribro raro, ut sit in eo aliqua grossities, ne adhæreat villis stomachi. Hæc ille. His demum visis, unum adhuc, quod non præsumptuosè, sed de bono alicuius periti medici consilio faciendum, subscribere non ab re iudicauimus. Videlicet quod præsentis electuarij Indi maioris confectio, commiscendo aliquam zinziberis portionem (ob maiorem turbith confortationem) non erit contra Authoris intentionem, cum ipse filius Mesuæ in dicto suo capitulo de turbith dicat: Et ex magis ipsum confortantibus, est zinziber. Ipsum enim figillat ei proprietatem mirabilem. Et est, ut educat humorem grossum, & viscosum, etiam a remotis cum facilitate: ita quod a iuncturis, & anchis, & locis profundis, & distantibus. Per se autem non facit illud, imò educit de phlegmate quod est subtile, & derelinquit quod grossum, & operatur hoc tardè. Et corrigunt quod secundo dictum est, admiscendo ei de medicinis stomachicis, & redolentibus, & sedantibus agitationem in eo per ipsum: sicut est mastix, & gallia, & aromatica, & propriè zinziber, & piper longum, & similia. Hæc ille. Et infra in posse ipsius, ait: Turbith confortatum, solutione educit humores phlegmaticos, grossos, & viscosos &c. Consimiliter & Auicenna, secundi canonis, tractatus primi, capitulo quinto, ait: Quædam medicinae sunt, in quibus est virtus solutiua, sed tamen indigent virtute adiuuatiua: quum in ipsarum natura non sit adiutorium forte. Quum ergo eis adiutorium associatur, operantur fortiter, sicut turbith: inest enim ei virtus solutiua, sed ipsa est debilis acuitatis, quare resolvere vehementer non potest: euacuat ergo quod præsens est, ex subtili phlegmate. Quum ergo ei associatur zinziber, soluit cum adiutorio suæ acuitatis humorem viscosum, plurimum, vitreum, & fit velocior eius solutio. Item, ipse Auicenna in secundo tractatu

*Turbith  
proprietates  
& confortatio.*

eiusdem canonis, cap. de turbith, autoritate Mesaugue dicit: Solutione educit phlegma subtile, & si confortetur cum zinzibere, & eo quod habet acuitatē virtutis, educit grossum & crudū humorem. Solum verò non soluit grossum &c. Hæc Auicēna. Item Bartholomæus Montagnana tract. de modo cōponendi medicinas, & de dosi earum inuenienda, in tertia rubrica quinti capituli, sic scribit: De turbith nota, quòd medicus nullo modo debet dare turbith, nisi det ipsam correctum cum zinzibere: ita quòd quantitas zinziberis sit subdupla ad turbith. Recipe (exēpli gratia) turbith ʒ. ij. zinziberis ʒ. j. Hæc ille. Item Petrus de Tusignano in receptario, super nono Rhafis ad Almāforē, tractatu quinto, qui est de præparatione medicinarū simplicium, dicit: Turbith præparatur cum tertia parte zinziberis &c. Igitur quia hæc confectio principaliter & intentionaliter est ordinata ad educendū humores phlegmaticos, grossos, putridos &c. rationabiliter debet recipere zinziber, vt effectus turbith fiat nobilior. Et forsandeest in ipsius descriptione. Non obstante quòd in ipsam confectiōē ingrediantur mastix, & quædam alia simplicia ipsum turbith confortantia: quia zinziber specialius & efficacius habetur in hoc, vt per præfatorū Authorum verba, & multa alia quæ breuitatis causa omisimus, probatur. In sequenti autem minori eiusdem intentionis electuario habetur zinziber, quapropter & in hoc maiori non erit contrariū, imò erit maximi iuuamēti &c.

*Electuarium Indum minus &c.*

L X X V.



OC præsens electuarium Indum minus eiusdem intentionis & virtutis est cum superiori. Et cum hoc recipiat duplicatam turbith portionem, conuenientius fuerat hīc facere de ipso turbith declarationem. At quia illud magis habetur in vſu, placuit illic multa describere & ea inferere quæ dignè, & huic minori congruunt, vt legenti patet.

*De Scammonea.*

*Scammoneū  
absolutè.*

Notandum, quòd quotiescunq; in compositionibus scammonea simpliciter reperitur, vt in præſenti electuario, semper correcta intelligitur. Et nullo pacto, absque correctione est propinanda, teste ipso filio Mesuæ, dicente in primo cap. primæ intentionis de electione medicinarum, secundam esse propriam: & plurimi stolidorum quidem, & præcipuè syluestres & noui, præsumunt super illis nondum consolatis, non vtentes prouisione,

ne,

ne, & ignorantes quod est super venenum perniciosum: & ignorantes lesionem, quam faciunt possidere membra, quæ sunt minere virtutem, cum ipsis virtutibus. Et sequitur autoritate Heben Mesuai: Non tantum has fugere oportet, verum & omnes, etiam si elegantiores sunt, nisi observentur conditiones &c. Hæc ille. Quapropter, etiã cum scribit absolute scammoneã, semper de correctâ intelligit Author, quia præsupponit te scire omnes suos Canones, & intentiones. Et eo maxime hîc non notavit eius correctionem, quasi remittendo te ad considerationem superioris descriptionis, scilicet electuarij Indi maioris: ubi iam descripsit ipsam scammoneam, non solum in pomo decoctam, verum etiam & bonam specifiçauerat, quod quidẽ minus necesse erat, quoniam nulli dubium est, quod semper absolute, de bona intelligitur. Mala enim nusquam est admittenda, nisi in aliquibus magnis causis iudicatum fuerit convenire. Et tunc non quia mala, sed quia competens illi causæ, cuius malignitas tunc respectu boni effectus consequendi, pro bonitate suscipitur, sicut caro viperæ in theriaca, & similia. Vt optime Author ipse in præfato capitulo docet aromatarium, cum dicit: Et tua interest malignarum, atque incolumium medicinarum, apud te habere differentias, & cætera quæ sequuntur. Sed animaduertendum, quod quicquid hîc notatum est de scammonea, idem intelligendum est de coloquintida, turbit, mezereon, esula, euphorbio, & similibus. Verantamen hoc intelligendum est, quando aliquod huiusmodi datur alicui, siue ponitur in confectionibus cum tota sua substantia corporea: non autem sic intelligitur, quando alicuius ipsorum petitur decoctio, vel infusio. Nam quando ponitur quoddam eorum, vel similiũ in aliqua decoctione, ut est coloquintida in decoctione confectionis Hamech, & similia: & postea abiectis simplicibus recipitur ipsa decoctio tantum, tunc coloquintida incorrecta ponitur, quemadmodum in ipsa confectione Hamech dicitur. Lege ibi. De scammonio vel scammoneia autem, siue naus scammonia vel scammonea, quod idem est, satis clarè ac diligentissimè tam à Dioscoride, Plinio, Serapione, Auicenna, & alijs hîc dignis authoribus, quàm etiã ab ipso Authore nostro filio Mesuæ describitur. A quibus quoque & modi ipsam corrigendi, siue præparandi, per quàm optime cõnorantur. Quapropter non oportet prolixiorẽ de ipsa declaranda habere sermonem. Monendi tamen sunt aromatarij, ut benè inuigilèt, ne in emptione ipsas defraudentur: quia multoties adulteratur, plurimis adulteratio-

*Medicami-  
na mala re-  
spectu mor-  
borũ sunt  
bona.*

*Scammoneũ  
& similia,  
quando corre-  
cta & quã-  
do nõ corre-  
cta suman-  
tur.*

*Scammonij  
preparandi  
modi.*

num modis. Etiam sciant, quod ex tot modis præparandi ipsam, laudabilior habetur modus decoquendi in cytonio. Qui modus ab ipso Authore nostro sæpius notatur. Præterea ( quoniã apud Authores, & sæpe apud nostrum filium Mesuæ, scammonia decocta in pomo, aut cytonio legitur) sciendum, quod non est idem, ut aliqui pelsimè glossantes illud aut, pro, id est, seu pro scilicet, putant & dicunt: Scammonia cocta in pomo, id est cytonio. Sed quando Author dicit: Coquatur scammonia in pomo, tunc non intelligit de cytonio, sed de alia pomorum specie, ut per ipsius verba, in capitulo de scammonia clare patet: & particulariter ubi autoritate Pauli dicit esse conveniens, aliquando facere decoctione eius in pomo acetoso, aut pōtico, causa remouendi ipsius scammonie nocumenta. Item in libro Seruitoris, quem Bulchafim appellant, scilicet in modo coquendi scammonieam, ubi primum cum pomis dulcibus datur præparandi modus, postea cum cæteris rebus inibi assignatis. Item, in septimo Breuiarij filij Serapionis capitulo de pilulis, in illis videlicet quarum titulus est: Pilule quæ conferunt ad ægri tudines cholerae citrinæ, & sanguinis, legitur: Scammonia assata in concavitate cytonij, aut mali. Ergo cum legitur scammonia cocta in pomo, non intelligitur de cytonio, sed de alio pomo, non obstare quod cytonium etiam dicatur pomum.

*Confectio de dactylis, & est Diaphœnicon, quam scripsit filius Zazar. LXVI.*



**D**IAPHŒNICON idem dicit, quod confectio de dactylis. Quæ tamen à dactylis habeat denominationem, veruntamen dactyli non sunt basis ipsius confectiois, sed turbith, & scammonia: & quia principaliter turbith eius basis est, vocatur etiam Confectio de turbith, siue Diaturbith: ut probari potest per ipsum Authorē nostrū in cap. de turbith, ubi ponit confectio- nem de turbith, autoritate Ioānitij, quæ quidem est istamet confectio de dactylis. Et hac etiam de causa principaliter turbith est basis istius confectiois, quia ipsa confectio potius facit ad phlegma, quàm ad cholera. Vocatur autem confectio de dactylis, a quantitate ipsorum, quam recipit. Author enim noster in hoc suo gradadin ponit ipsam confectioem autoritate filij Zazar: in capitulo præfato autem (ut dictum est) ponit eandem, in ali- quibus tamen paucis differentem, autoritate Ioānitij. Si autem

Ioan



Ioannitius fuerit ante filium Zesar, vel filius Zesar ante Ioannitium, adhuc compertum non habemus. Quamobrem quibus eorum alter ab altero acceperit huiusmodi confectiois descriptionem, percipere non valemus. Hoc tamen credimus, scilicet quod eadem descriptio diuersificata sit ab ipsorum altero, & ob hoc Author vtrunque ponens, posuit & Authores earum. vnde descriptio capituli vocanda est, Confectio de turbith filij Mesuz, siue Diaphenicon &c. secundum Ioannitium. Et ista descriptio antidotarij presentis debet vocari Confectio, seu electuarium de dactylis filij Mesuz, siue Diaturbith &c. secundum filium Zesar. Qui filius Zesar alio nomine dicitur Hamech, siue Mahometh &c. vt melius in confectioe Hamech patebit. Diuersitates autem, quas inuenimus inter vtrunque descriptionem, hæ sunt, videlicet quod in ista antidotarij descriptione, sunt septem simplicia vltima, quæ in descriptione capituli præfati non sunt. Quæquidem simplicia sunt cinnamum, macis, lignum aloës, & cætera sequentia. Tria autem priora, quæ tantummodo habentur illic, scribuntur sub ana partes quatuor. Hic verò tria præfata cum reliquis, quæ omnia insimul sunt decem simplicia, concluduntur hoc ana, scilicet partes ij. s. Item scammonex in præfata capituli descriptione per omnes libros tam antiquos quam impressos cõcorditer, nulloq; volumine discrepante, ponuntur partes duodecim: in antidotario autem descriptiones librorum super hoc sunt varix, scilicet quod aliqui libri habent scammonex partes 12. aliqui verò partes 22. Qui autem habent 22. partes, sunt hi, videlicet ex antiquis (quos vidimus) octo libri, & liber impressus in vulgari Italico, quem aliquando citamus: quia præsupponimus Latinum vnde translatus est. Et similiter Luminare Maius, Thesaurus aromaticorum, & Author additionum in fine pandectæ. Reliquorum autem, tam antiquorum ex manu, quam impressorum, plurima librorum multitudo, habet scammonex partes 12. Sed animaduerte quod Luminare Maius scribens drachmam pro parte, habet scammonex 3. xj. quia ponit tantum medietatem confectiois. Super hoc autem, scilicet si debet esse xj. vel xxij. partes, Doctorum peritissimorum determinationem querimus. Res enim non parui momenti est.

*De Sahiri, siue Sihari &c.*

**H**abetur in hac confectioe scriptum, similiter & impressum, Penidiarum Sahiri, siue Sihari, siue saphiri, & huiusmodi consimilia multa, quæ per diuersos libros leguntur. Quæ

quidem barbara vox (vt nōnulli declarāt) significat zuccharū ex quo faciēda sunt penidiæ huic cōfectioni necessariæ, dissoluen dū esse, ac decoquendū in aqua decoctionis hordei. Sed q̃a nobis hoc nō ciarē cōstat, nō approbamus, neq; reprobamus. Parū autem facit ad rē, si dictæ penidiæ cōficiātur cū aqua hordei, vel nō.

*De Amygdalis.*

*Amygdala  
absolutē.*

**N**onnulli quidē, vt Luminare Maius, & ceteri declarāt esse intelligēdū de amaris amygdalis in præsentī descriptione, cum Author nō specificet de eis. Sed ex hoc sequeretur corollariū, hoc est, quod vbiq; amygdalæ in cōpositionibus reperirētur simpliciter scriptæ, semper de amaris esset intelligēdum: quod re vera secus est. Quia quando absolute sunt scriptæ amygdalæ, semper dulces debēt intelligi. Non enim suprà in prima descriptione electuarij quo vtūtur reges, vbi simpliciter sunt descriptæ amygdalæ, possūt intelligi amaræ, cum ipsum electuariū sit delicatū. Et quod in illa prima descriptione nō exprimitur, in secūda declaratur, vbi specificatur de amygdalis dulcibus. Nec si militer infrà, in lo hoc sano, & similibus, vbi sunt absolute amygdalæ, possunt intelligi amaræ. Item in cōfectione prima electuarij alharif, quod dicitur electuariū boni saporis, in quo legitur absolute oleū amygdalarū, absurdū est dicere quod nō debet esse oleū de amygdalis dulcibus. Et similiter in electuario Indo maiori, & consimilibus plurimis. Quādo autē Author vult amaras amygdalas, specificat semper de eis: vt fecit in Dialacca magna, & in cōfectione de raued seni, & in lo hoc de pino, & similib. multis. Præterea ad maiore certitudinē sciendū, quod filius Serap. in Septimo, cap. sextodecimo, habet suā de dactylis cōfectionem, in qua specificat de amygdalis dulcibus, & nō de amaris. Similiter & Auicē. in v. cañ. Diaphœniconis descriptiones, sed in duabus primis ponēs amygdalas nō specificat de eis: in tertia autem speciatim posuit amygdalas dulces. Ergo concludendū est, quod non debēt esse amaræ, vt iuniores volunt. Amygdalæ autem ipsæ notæ sunt quarū genera sunt duo, scilicet dulce, & amarum. Sed de dulcibus amygdalis meliores sunt Apulienſes, quæ ambrosinæ cognominantur, à quodam Ambrosio, in cuius possessione primū naturæ magister eas procreare dignatus est.

*De Modo conficiendū hoc electuarium.*

**S**ciendū nanq; quod pro meliori & clariori modo cōficiēdi istud electuarium, siue cōfectionē de dactylis, fugiēda sunt omnino nugæ aliquorū neotericorū, de calculatione solutio-  
rum

rum istius & aliarum plurimarum compositionū. Tum propter plurimos ab ipsis errores in calculatione commissos, tum etiā, quia non omnes sciunt huiusmodi calculationum summas recte colligere. Vnde ne detur iuuenibus & minus peritis aromatarijs errandi occasio, operæpretium duximus, scribere in his nostris lucubratiunculis limitatā mellis quātitatem huic confectioni pernecessariam. Quamobrē sciēdum primo, quod dactyli, penidiæ, amygdalæ, & similia, tam in præsentī descriptione, quā in quibuscunq; alijs, nō sunt ponenda ratione mellis, neq; ratione specierum, sed per se semper intelligantur. Postea scias, quod non solum recta calculatione, sed certa experientia comprobauimus sufficere, & in debita proportionē esse, mellis boni & despumati partes 300. Et hinc potest sumi regula, pro omnibus consimilibus. Aduerte etiam, quod penidiæ male possunt puluerizari, & peius cum melle liquantur, & incorporantur. Vnde melius nobis videtur, si facilius cōtrite prius, cum modico aquæ hordei, puta cum quatuor aut quinque partibus dissoluantur (nam de facili hoc modo, lēto igne liquecūt) & postea cum melle despumato incorporētur &c. Et hoc vtrique modo nos vtimur, vbiq; in similibus confectionibus penidiæ recipiūtur, scilicet q̄ liquefacimus ipsas cum aliquo parco liquore, ipsi confectioni, (in qua penidiæ sunt cōmūcandæ) cōpetenti &c. Postremo notandū, q̄ præsens confectio nō recipit cinnamomū, sed cinnamū, Et domus ipsius cōfectio nis est, ab aur. iij. vsq; ad vij. nō autē vsq; ad octo, vt in quibuidam impressiōibus legitur. Itē dactyli purgati à nucleis, & tunicis, siue pelliculis interioribus, pōderādi sunt ante ipsorū infusionē, licet textus dicat: Recipe dactylorū infusorū &c. Quia si post infusionem pōderabis, plus habebis de aceto, q̄ de ipsis dactylis, in tali pōderatione: quod quidē non est secūdū Authoris intentionem. Et hoc melius probatur, per præfatas Auicennæ & filij Serapionis descriptiones. Vbi post ipsorū pōderationē legitur, infundatur &c. De modo autem infundēdi eos, quare in cōfectione de mezereō, vbi ponitur regula infundēdi omnes medicinas,

*Modus electuarij de Psyllio &c.*

LXXVII.



VTHOREM nostrū ab operibus Hamech præsentis electuarij cōfectionē sumpsisse, nulli dubiū est, cum in fine ipsius descrip. dicat huiusmodi cōfectionē à præfato Hamech vocari electuariū trochiscorū, siue electuariū trochiscatū, à pluralitate

trochiscorum quos recipit. Sed ipse filius Mesuae postea denominavit confectionem ipsam, electuarium de psyllio, ob mucilaginem ipsius, quam recipi iubet. Est autem in praesenti descriptione vnus notabilis error per omnes impressiones. Videlicet vbi legitur: Asfari 3.iiij. verius legendum est: Asari 3.iiij. errore quippelibrariorum posita est ibi 3. pro 3. omnes ferme antiqui codices, quos vidimus, concorditer habet Asari 3.iiij. & sic est verum.

De Buglossa.

**A** Nimia duertendum, quod multi decipiuntur in Buglossa, siue maui Buglossa, & boragine, & in earundem speciebus. Deo fauente, in syrupo de dinaris ostendemus quid sit borago, quid buglossa domestica, quidve sylvestris. Vbi clare constabit, quod borago neque buglossa sylvestris (vt vult Luminare Maius) neque domestica &c. Lege ibi.

De Psyllio.

**P**syllium quidem a pulicibus nomen sibi assumpsit. Quam ob causam, a Latinis herba pulicaris dicitur. Psyllium nomen Graecum est, & idem significat, quod Latine herba pulicini. Sed aduerte, quod est alia herba pulicaria dicta, quam Graeci conyzan nominant, quae quidem forma longe distat a psyllio: sed ab effectu seu proprietate, vocatur pulicaria, siue pulicaris: quia teste Dioscoride, pulices necat. Haec autem herba pulicaris, quod est psyllium, & ab effectu, & a similitudine sic vocatur: Ab effectu quidem, quia teste ipso Dioscoride, si domum vires importatur, non sinit in ea pulices gigni. A similitudine autem, quia semen ipsius pulicibus simillimum est. Monendi etiam sunt aromatarii, ne decipiantur in semine cuiusdam plantae, quae est simillima plantae psyllij in omnibus: ita quod multi minus periti, & ipsam falso psyllium nominant, & semen eius (quod est etiam vt psyllij semen) pro vero psyllij semine recipiunt, & eo vtuntur, non aduerrentes, quod tale semen mucilagine caret. Plantae ipsae (vt dictum est) simillimae sunt adinuicem. In hoc tamen cognoscitur altera ab altera, scilicet quod planta psyllij est pilosior, & paucis stolonibus crescit, quandoque etiam reperitur vnicaulis, & semen ipsius est valde mucilaginosum: e contra autem illa planta (cuius semen non facit mucilaginem) habet pilos paucos, & stolones multos. Sed utraque planta dodrantalis est. Folia nanque veri psyllij, similia sunt folijs chamæpityos: alterius autem plantae, potius herbae vocatae linariae assimilantur. Locis incultis verum psyllium gaudet. Vnde Rome, in ruinis Amphitheatri Colisei nuncupatis, alijsq;

in lo

Conyzan  
vocat pulica  
ris ab effe-  
ctu.  
Psyllium puli-  
caris voca-  
tur & a si-  
militudine,  
& ab effe-  
ctu.

in locis sæpe proprijs manibus collegimus. Præterea animaduertendum, quod teste Authore nostro, in suo capitulo de psyllio, *Psyllij vtenu-  
di modus.* nunquam psyllium contritum est agris propinandum. Sed hoc intelligendum est, de incorrecto. Alioqui ipse Author contradiceret sibi ipsi. Quia in Grabadiu medicinarum particularum, scilicet in fine de ægritudinibus pectoris & pulmonis, in capitulo videlicet de tussi & constipatione ventris, post syrupum de psyllio, ipse ait: Et quandoque datur cum puluere huiusmodi. Recipe psyllij, gummi Arabici, dragagati, boli Armeni, ana. Da cum syrupo prædicto, & succo linguæ arietis. Igitur cum Author dixerit, datur cum puluere, non potest intelligi psyllium hoc in loco non esse conterendum. Sine enim fractione seu contritione sui, aliquid nunquam in puluerem redigi potest. Ergo de incorrecto loquutus est in præfato capitulo de psyllio, cum dixit: Contritum autem potui nullo modo propinandum est. Et quod debeat assari prius quam conteratur, exemplum habemus in tercio Breuiarij filij Serapionis, capitulo decimooctauo, quod est de lubricitate stomachi: vbi propinat ipsum, prius torrefactum. Sic enim ait: Et detur in hora somni, aquæ acrestæ ʒ. iij. cum ʒ. j. de rob cytoniorum, cum psyllio & semine acetosæ torrefactis, & gummi Arabico, & bolo Armeno, & spodio. Hæc ille. Et licet hic ipse filius Serapionis non dixerit ipsum semen assatum esse coterendum, verum tamen cum posuit torrefactum, nulli dubium est, quin debeat contereri. Nam non torrefit, nisi vt corrigatur substantia eius medullaris intrinseca, post cuius correctionem, quid obstat vt non possit propinari contritum? Sed si crudum, sicut est, integrum causa soluendi ventrem sit propinandum, prius est in aqua, vel aceto, vel alio liquore competenti infundendum, & agitandum, vt fiat mucilaginosum: & sic est administrandum, quia mucilago illa non facit ipsum stomacho & intestinis adherere, & citius soluit. Et nota, quod psyllium sustinet multum de assatione, vt testatur Bulchasis, in modo assandi semina. Et ideo oportet ipsum multum assari, vt calore ignis bene corrigatur pars eius centralis vlcera tiua, & maligna. Assatur autem ad aluum constringendam, teste ipso filio Mesuæ in primo capitulo secundæ summæ, secundæ intentionis, quod est de modis rectificationis medicinarum per modum decoctionis. Vbi ait: Assationis autem in frixorijs & in patella officium, est quandoque addere in virtute medicinæ, sicut quando assatur squilla, & fit magis solutiu: & quandoque minuere in virtute, sicut verbi gratia, assatur

tur psyllium, sit humiditas eius minus lubrica minus soluens &c. Semen quidem psyllij optimè maturum, per decennium seruatur. Multa & alia de psyllio lege apud ipsū Authorem nostrū, in capitulo proprio, & apud Dioscoridem, & ceteros Authores, quæ sane causa breuitatis studiosis dimissimus.

*De Trochiscis ingredientibus hoc electuarium.*

**N**Otandum quòd descriptiones librorum variantur in clausula trochiscorum huius electuarij, scilicet quòd aliqui libri habent pulueris diarhodon, seu absolute diarhodon: & trochiscorum despodio, & raued seni &c. Et aliqui habet trochiscorum diarhodon, & despodio, & raued seni &c. Ita quòd multi dubitant super hoc, scilicet an ponendi sunt trochisci diarhodon, an pulueres supranotata confectionis diarhodon. Nos autem, saluo semper meliori iudicio, tum quia ab Hamech (ut supra dictum est) vocata est hæc confectio electuarium trochiscorum, tum etiam quia plures libri sunt qui habent scriptum, trochiscorum diarhodon, quàm qui pulueris diarhodon, siue simpliciter diarhodon, tenemus quòd habent esse trochisci diarhodon, & non species confectionis diarhodon. Etiam considerandum est, quòd cum in supradictam confectionem specierum diarhodon intrent trochisci despodio, non iterum Author posuisset dictos trochiscos despodio in præsentī confectione. Sufficerent enim ipsi pulueres pro utroq; Igitur trochisci debent esse, & non species illæ. Præterea sunt nonnulli, ut Nicolaus Præpositus, & ceteri qui volunt quòd in præsentī electuario, pro raued seni intelligantur trochisci de rheubarbaro: sed nobis contrariū videtur intelligendū esse, scilicet simpliciter & absolute, (vti est) Raued seni, id est rhabarbarum bonum, & electum. Nam ipse Author, ne quis deciperetur, intelligendo pro rheubarbaro trochiscos de rheubarbaro, ex eo maximè quòd cum alijs trochiscis describitur in præsentī electuario, posuit illud sub nomine Raued seni, & non rheubarbari: quia trochiscos de raued seni, in hoc suo antidotario ipse non scripsit. Nec dicat aliquis, quia inter raued seni, & rheubarbarum, præter natale solum nulla est differentia: ergo trochisci de raued seni, & trochisci de rheubarbaro, sunt vnum & idem. Quoniam ad hoc respondebimus (concedendo prius raued & rheu esse vnum & idem, & quòd seni & barbarum sint patriæ & locorum in quibus oriūtur, nomina: sicut etiam & Ponticū, & Turchium &c.) quòd sicut infra pilulæ de raued seni sunt differentes à pilulis de rheubarbaro, non propter raued & rheu

& rheu, sed propter aliorum simplicium variationem: vnde aliquis deciperetur in ipsis descriptionibus pilularum, non vno cognomine titulauit eas, sed alteram de rheubarbaro, alteram vero de raued seni vocauit. Sic etiam idem Author (vt diximus) ne committeretur error in trochiscis de rheubarbaro, posuit raued seni, sub cuius vocabulo in isto antidotario non habetur aliqua trochiscorum descriptio. Præterea omnes libri tam antiqui, quam moderni & impressi, excepto ipso Nicolao præfato, habent concorditer & absolute in præsentis descriptione, raued seni, sine trochiscorum præscriptione. Quapropter concludendum est quod debet esse raued seni, scilicet rheubarbarum bonum, & non trochisci de rheubarbaro.

*Electuarium elefscoph &c. LXXVIII.*



NSCRIBITVR hoc præsens electuarium elefscoph. Ab Auic. autem vocatur electuarium episcopi. Et licet descriptio Auic. discordet in quibusdam ab ista, attamen clarissime patet esse idem electuarium. Elefscoph autem, vel est vocabulum corruptum, vel forsitan Arabicè significat, quod Latine episcopus. Aduertendū tamen, quod per antiquos libros in ista descriptione legitur cinnamū, & non cinnamomū. Et dosi ipsius electuarij est ab aur. ij. vsq; ad iiij. nō autē vsq; ad iiij. vt libri impressi habent. Etia Auic. in sua descriptione dicit: Dosis integra sit aur. iiij.

*Confectio medicaminis quod scripsit Hamech &c. LXXIX.*



OMMVNIS opinio est, quod Hamech fuerit principalis Author præsentis & sequentis confessionum. Necnon & plura alia diuersaque pharmaca cōposuit. Vnde Author noster præter istas cōfectiones, habet in hoc antidotario multas alias medicaminum compositiones auctoritate ipsius Hamech. Vt verbi gratia, electuarium de psyllio supra notatum, & confectio de dactylis, & confectio trochiscorum Hamech, & vnguentum de lino quod scripsit Heben Zesar, & emplastrū diachylon primæ secundæ & tertiæ descriptionis, & emplastrū filij Zachariæ, & cætera plura quæ sunt in suo Simplicium libro, & in practica. Sed animaduertendum, quod ab Authore nostro dictus Hamech, qui est Rhafis, multis citatur modis. Aliquando enim simpliciter Hamech, siue Mahomet, vel Mahemet, quod idem est. Aliquando etiam

*Hamech* etiam *Hamech Arafī*, siue *Mahemet Arafī*. Aliquando *Hamech* filius *Zachariæ*, siue *Mahemet filius Zachariæ*. Aliquando *Hamech* filius *Zachariæ Arafī*, siue *Mahemet filius Zachariæ Arafī*. Aliquando *Hamech* filius *Zezar*, siue *Hamech heben zezar*. Aliquando filius *Zachariæ*, siue filius *Zezar*, siue *heben Zachariæ*, siue *heben Zezar*, vt in præfato vnguento de lino. Quæ omnia, & alia plura, vt *Hamech*, siue *Rhais*, vel *Arafī*, vel *Razi* simpliciter, vnum tantum & eundem Authorem significant. Et propriè *Rhafū*, quia aliàs *Hamech* dicitur. Quiquidem *Hamech* nō est ille, de quo legitur in exordio canonum nostri Authoris, qui fuit pater *Mesvæ*, scilicet auus ipsius *Ioannis filij Mesvæ* nostri Authoris, qui *Hamech* auus, vt ibi legitur, fuit filius *Heli*, qui *Heli* fuit filius *Abdelæ* Regis *Damasci*: vnde Author noster à nonnullis *Ioānes Damascenus* vocatur. *Hamech* autem dictus *Rhafis*, sæpe citatus ab Authore nostro, fuit filius *Zachariæ*. Ex quo probatur, quod non est idem, vt aliqui putant. Errant etiā plurimi asserentes hoc opus esse *Mesvæ*, cum sit clarū, quod Author eius fuerit *Ioannes* filius ipsius *Mesvæ*. Et indifferenter scribunt, ac pro vno & eodem, & patrem, & filium accipiunt. Et siue dicitur filius *Mesvæ*, siue simpliciter *Mesvæ*, semper pro *Ioanne Damasceno* filio ipsius *Mesvæ* intelligunt. In consimilem quoque corruptelam & abusionem, nonnulli delapsi sunt, qui sub vno & eodem nomine, scilicet *Serapione*, & patrem & filium indifferenter citant, non aduertentes, quod practica *Breuiarij* nuncupata, non est *Serapionis*, sed *Ioannis filij ipsius Serapionis*. *Hamech* autem, & *Zacharias*, sunt magis *Hebraica*, quàm *Arabica*. *Mahomet* verò, siue *Mahemet*, & *Zezar* sunt magis *Arabica*: omnia tamen sunt *barbara*: & *Mahemet* idē dicit quod *Hamech*, & *Zezar* idem significat quod *Zacharias*. Scribitur etiam ipse *Rhafis* & alijs præscriptionibus nominum, vt est *Alubetrus* &c. Præterea sunt aliqua in ista descriptione annotanda. Et primò vbilegitur: *Abfinthij, hafce, fene, ana 3.j. & in alio 3.vj. legatur simpliciter sic: Abfinthij, hafce, fene, ana 3.vj.* Quia illa particula, scilicet *3.j. & in alio*, est additio librariorū, qui à pluribus exemplaribus & varijs transfuentes, scilicet quod vnum exemplar habebat *3.j. & aliud 3.vj. & sic ignorantes literæ veritatē*, vtrunque impresserunt. Et de hoc certiores nos fecerunt antiqui codices, ex quibus aliqui (quamuis pauci sint) habent añ. *3.j. reliqui verò omnes, ana 3.vj.* In nullo nempe antiquorum inuenimus vtrunque simul cum illa particula, & in alio, vt in impressis legitur,



tur. Item, quinq; simplicia quæ per impressiones sequuntur, videlicet violarū 3. xv. epithymi 3. ij. anisi, rosarū, sceniculi, ana 3. vj. nō sunt ab ipso filio Mesuæ posita, sed in processu temporū fuerunt ipsius descriptioni addita, forsan ex consilio quorundā peritissimorū virorū. Maior enim pars dictorum antiquorū librorū caret ipsis quinq; simplicibus: nec Luminare Maius habet ipsa, neq; Thesaurus aromatariorū, nec; vulgaris impressio ipsius filij Mesuæ. Veruntamen quia nobis nō videntur incongrua proprietati ipsius confectionis, etiam quia hæc confectio Hamech habet aliquā affinitatem cum Thriphera persica & Diasiracofi supradictis cōfectionibus, in quibus aliqua ex dictis simplicibus habentur, visum est in ipsa descriptione dimittere ea. Sed monendi sunt aromatarij, vt nō cōmisceant illa in cōfectionē, sine cōsilio & determinatione alicuius medici. De perito semper loquimur. Et hac de causa in descriptione, ipsa simplicia cōclusa & signata posuimus. Insuper etiā sciendū, quod impressiones habēt dictarū violarū 3. xv. antiqua autē exemplaria, in quibus sunt illa quinq; simplicia, cōcorditer habent, violarū 3. j. s. & sic iudicamus rectius. Et huius erroris quamuis nō sit multi momēti, quia in tribus tantū drachmis ipsarū violarū cōsistit differentia, tamē quia cōsimiles errores pluries cōmiserunt scriptores & impressores, visum est nobis declarare causam. Notauimus quidē suprà, scilicet in electuario, cuius titulus est: Modus electuarij de citro, ex inuentione nostra, qualiter librarij imprudenter pluries decepti sunt, vertentes vnū semis in vnū quinq; , lege ibi. Igitur antiqui libri qui habent ipsa simplicia, habent (vt diximus) violarū 3. j. s. hoc modo, aliqui verò 3. j. & β. & aliqui sine copula sic, 3. j. β. Scriptores postea (vt putamus) verterunt illud, s. longum in parū & retortū, cōsimile characteri abachistarū quinq; significanti: vnde impressores arbitantes illū numerū non, j. s. sed, is, hoc est quindecim significare, impresserunt xv. Hinc correctores librorū cōsiderantes esse magnā quantitātē violarū 3. xv. falsò credentes stare ibi viciā, pro drachma, permutantes, posuerunt violarum 3. xv. Sed reuera (vt dictū est) rectius est 3. j. s. Cōtrariū autē huic mendū, & ex eadē erroris radice generatū, est in capitulo de Rheubarbaro nostri Authoris. Videlicet vbi legitur, quod rheubarbari 3. j. confert casui, & percussioni, cū duobus granis munix, & cum grano vno & dimidio rubex tinctorū: quo in loco, verius ipsius rubex debent esse grana quindecim, & nō vnum & dimidiū. Habebant enim libri antiqui in dicto loco grana quindecim, vt adhuc extāt

aliqua exemplaria quæ habent sic, gr. xv. vel sic r, & ex hoc secundo modo librarij decepti sunt, putantes esse granū & dimidium: quia iam in vsum venerat corruptela scribendi illud s, pro semis. Etenim nō est rubea tantæ malignitatis, operationis, vel potentie, quod non possit de ea propinari in maiori quantitate. Nam Auicenna capitulo de rubea ad consimiles passiones, propinat drachmā integrā cū duabus rheubarbari drachmis: ergo hīc nō est magna quantitas quindecim grana. Itē ad maiore probationem rei, Pandectarius capitulo de rheubarbaro, in autoritate ipsius Ioannis filij Mesuæ, in eodē loco, habet grana quindecim. Et ita est secundū veritatē. Et licet Manardus in annotationibus capituli rheubarbari ipsius filij Mesuæ, dicat, quod mumix, sicut & rubex, eo in loco sit parua dosis, verum tamen parcat nobis sua excellentia, quod in hoc nō recte se habuit: quia portio siue dosis mumix est satis & sufficiens. Nam vt probari potest per Serapionem & Auicennā, & quāplures alios, in proprio capitulo de mumia, nunquā propinatur mumia in magna quātitate. Ad summū ultra unū Kirat, quod cōtinet pondus quatuor granorū hordei, nō legimus ipsam à quoquā propinatā esse. Ergo illic quantitas duorū granorū, nō est tam parua, vt ipse Manardus asserit, imo est sufficiens & rationabiliter posita. Sed quia hoc nō est presentis disputatiōis, dimittimus. Quia si maior cōmoditas affuerit, loco suo (deo cōcedēte) melius declarabitur. Hoc tamē nō ignorādū, qd mumia veranō est ista, qua cōmuniter vūtur aromatarij.

*De Coloquintida.*

*Coloquintidis, Scāmoneij, Turbith & similibus utendi modus.*

**L**icet ab Authore dicatur, quod Coloquintida, scammonia, Turbith, & similia non sint agris propinanda, nisi correcta: tamē hoc (vt suprà diximus) intelligitur, quādo ipsa simplicia cū tota sua substantia dantur. Quādo autē ex eis recipitur decoctio tantū, vt in presenti descriptione, non oportet vt sint correcta prius: quod quidem magis probatur in coloquintida, quā in alijs. Quoniā si aliquis posuerit in presentis cōfectionis decoctione coloquintidā correctā, scilicet trochiscos alhādahal, propter magnā quātitatē diuersorū gūmi, quam ipsi trochisci recipiunt, decoctio ipsa erit nimis mucilaginosā, & inde ad colandū minus habilis, &c. Quapropter coloquintida, & cætera decoquenda in presenti descriptione, & similibus, debent esse incorrecta.

*De Scammonia in medicinis commiscenda.*

**A**uthor noster in presenti & sequenti cōfectionibus, & in electuario rosato, alijsq; in locis, præcipit Scāmoneam esse decoq

decoquendā: quod quidē fieri debet iuxta suā doctrinā. Et ipsa scāmonea debet esse prius præparata. Nec audiendi sunt illi qui dicunt, quod hīc & in consimilibus, vbi Author ordinat ipsam scāmoneā cū alijs rebus esse decoquendā, nō debet esse prius cocta in cytonio, seu alio modo præparata: asserentes ipsam in tali decoctione satis præparari. Author enim noster loquens cū peritis, & non cū pueris & inscijs, nouit semel dictū non esse necesse multoties ac sæpius replicare. Dixerat nāq; in canonibus, quod medicinæ nō sunt administrandæ, nisi prius præparentur. Quod quidē declarauimus esse intelligendū de illis, quæ recipiuntur cū tota sua substantia: Scāmonea autē semper recipitur cū tota sua *Scāmonium* substantia, ergo semper debet prius præparari. Scāmonea etenim *semper cor-* bona fit ex lacte plantæ eius, & non est vt turbit, colocuintida, *rectum acci* mezerē, & similia. Quapropter cū ponitur in aliqua decoctione *puur.* ne liquefit, & nihil de ea restat proijciendū, sicut de turbit, &c. ergo nō debet administrari, nisi præparata. Nec de decoctione præsentis cōfectionis, postquā recepit zuccharū, & scāmoneā, est aliquid abiiciendū. Ergo (vt diximus) præparata apponēda est. Lege etiā de hoc in cōfectione de māna. Et aduerte, quod diximus de scāmonea bona, lactea nihil restare: quia de mala (vt mox di- *Scāmonium* cemus) restat. Præterea sciendū quod Scāmonea nō est tantæ de *bonum quo-* bilis texturæ, quod in sua præparatione semel cocta, non possit *modo probe* adhuc aliquid de decoctione sustinere. Tūa enim interest semper *tur.* in decoctione pluriū rerū, facere ipsarū gradationē. Quapropter ipsa scāmonea in omnibus decoctionibus, in quibus recipitur, potest vltimū locū tenere. Et sic Author in præsentī descriptione posuit ipsam in fine, post zuccharū. Et quod scāmonea cocta in pomo & similib. potest iterū aliquā sustinere decoctionē, exēplū habemus suprà in electuario de psyllio: vbi Author præcipiens recipere scāmoneā coctā in pomo, subiunxit: Et coquatur cum facilitate, &c. Postremò notandū, quod semper Author intelligit cū petit scāmoneā, vt sumatur de optima, scilicet de illa, quæ fit *Scāmonium* ex solo lacte ipsius plantæ: de qua quidē pluries mediantibus fratri *absolutē.* bus nostris, habuimus in proprijs cōchulis, in quibus colligitur, & adhuc apud nos habemus aliquas. Quæquidem scāmonea lactea, si in aliquo liquore dimittitur, liquatur tota, & apud ignem citius. Et ideo Author præcipit ipsam apponi in decoctione, vt ob eius liquefactionē melius incorporetur cū alijs simplicibus. Sed nostris temporibus, non amplius communiter expertatur de illa optima. Hæc autem qua vtimur, vel quia (vt creditur) ex

succo & lacte, vel ex alterius rei admixtione facitatur, nō lique-  
scit tota. Imō apponitur puluerizata, & denuō magna pars ipsius  
in vñū congeritur, & restat. Nec omnino potest bene cum alijs  
simplicibus incorporari. Quam ob causam, saluo semp alio me-  
liori modo, optimū nobis videtur, puluerizatā cum alijs pulue-  
ribus apponere ipsam, post perfectā aliarum rerum decoctionē,  
hic & vbiq; vbi intrat. Qui modus à nonnullis peritis aromata-  
rijs hodie obseruatur.

### Confectio alia Hamech, &c. LXXX.

De Myrobalanis.



**H**IC de causa hucusq; distulimus de Myrobalanis  
facere declarationē, quia in descriptione presentis  
secundae cōfectionis Hamech, est locus nō absq; bo-  
na declaratione transeundus: propterea quod in  
magnā cōfusionē inducit mentē legentis, cū pro-  
pter malā punctorū distinctionē, tū etiā propter paruā aliquo-  
rū hominū peritiā. Vnde cū per impressiones legitur in prae-  
senti descriptione: Recipe myrobalanorū nigrorū, chebulorum,  
&c. & cū nō sint hic nisi duae species ipsorū myrobalanorū, ab  
Myrobalani imperitis equidē tres falsō existimātur. Nam verū est, quod nigri  
nigri absolute descripti, siue nigri Indi, sunt iidem qui & Indi: vt om-  
nes cōmuniter tenēt, & clarissimē habetur per descriptiones tam  
Authoris nostri filij Mesuae, quā etiam aliorum qui de ipsis per-  
tractant. Loca autē aliqua tangemus, in quibus ipsi Authores de  
vna sola specie loquendo vtrunq; vocabulum ponunt: & per se  
vnusquisq; intelliget, quod nigri Myrobalani sunt illi, qui co-  
gnominātur Indi: & quod intelligitur vna sola res tantū, & non  
duae. Vnde in capitulo primo de Myrobalanis Authoris nostri,  
quod est de tribus generibus, siue speciebus myrobalanorū (cu-  
ius tituli librarij, vt istius descriptionis & similiū fecerūt, & cor-  
ruperunt literā primo) cū legitur: De Myrobalanis citrinis, &  
nigris, & Indis. rectius legendū est: De Myrobalanis citrinis, &  
chebulis, & indis. Vt est in omnibus exēplaribus antiquis quos vi-  
dimus, ac etiam in libro de vulgari impressione. Igitur cū dicit  
ipse Author in praefato cap. Et nigri Indi sunt, in quibus iam  
peruenit cōpletio, & maturatio, &c. nō intelligit de duabus, sed  
de vna tantū specie: quia in ipso capitulo (vt diximus) de tribus  
generibus, siue speciebus tantū loquitur, scilicet de citrinis, de  
chebulis, & de nigris cognominatis Indis. Si enim Indi fuissent  
alij ab

alij ab nigris, contra omniū doctorū opinionē, esset alia species Myrobalanorū, ab ipsis doctoribus nō declarata. Similiter vbi dicit Author in ipso cap. Nigros quoq; Indos, in quinq; laudauerunt proprietatibus &c. Et in cap. de epithymo, vbi dicit: Cōfortatur autē operatio eius, in multiplicatione quantitatis ipsius, & affociatione rei cū eo multiplicātis effectū eius. Sicut sunt Myrobalani nigri Indi propriē. Et alijs in locis. Serapio etiā in cap. de Myrobalanis ait: Species Myrobalanorū sunt quatuor: citrini, & nigri, & sunt illi qui nominātur Indi: & chebuli, & sēni citrini. Et infra: Nā nigri secundū veritatē sunt Indi, sicut nominant omnes. Et cap. de ligno aloēs, ipse Serapio declarās lignū aloēs Indū bonū cognosci per hoc nomē Indū solūmodo, dat exēplū de Myrobalanis nigris, qui cognominantur Indi, auctoritate Abohanis: Melius verō (inquit) est Indum. Et quāuis plures eius species sint in India, vna tamen ex speciebus eius habet cōmunitatē cum eis in hoc nomine, adeo quod non dignoscitur nisi per hoc: vnde ficut si nomines Myrobalanos nigros Indos. Hæc ille. Tanquam si diceret, sicut Myrobalani nigri sunt illi, qui absolute dicuntur Myrobalani Indi: sic lignum aloes bonum, Indum, est illud quod absolute dicitur lignum Indum, siue lignum aloes Indum. Item, Auicenna secundo cañ. capitulo de Myrobalanis loquitur, dicens: Eorum alij sunt citrini immaturi, & alij sunt nigri Indi, &c. Similiter & Pandectarius, & alij plures. Sed dicet aliquis. Si hæc duo nomina significant vnum & idem, ad quid Authores posuerunt ambo in suis descriptionibus? sufficiebat enim vno tantum vocabulo describere ipsos. Ad hoc respondendum quod *Myrobalani* - Authores ipsi non frustra posuerunt nigros Indos, sed vt ne *ni nigri* di- quis deciperetur in nigris, addiderunt Indos: quia ex chebulis *cūtur Indi*. etiam (vt ait Serapio) reperiuntur & citrini, & nigri. Verba quidem Serapionis, capitulo suo de Myrobalanis, hæc sunt: Et ex chebulis quidam reperiuntur citrini coloris, & quidam nigri, &c. Ad differentiam ergo nigrorum chebulatorum, posuerunt nigros Indos. Sed animaduertendū pro declaratione præsentis cōfectionis, quod chebuli, & citrini, verissimē sunt ex vna & eadē *Myrobalani* - arbore. Et citrini quidem sunt immaturi, chebuli verō maturi: *in ni citrini*. qua quidē maturatione, ex citrinis, nigri efficiuntur. Et ideo (vt *Myrobalani* - sunt) nigri chebuli dicuntur. Et vt patet per Serapionē, vtrioq; *ni chebuli*. scilicet maturi & immaturi, vocantur chebuli. Sed immaturi, di- *Myrobalani* - cuntur chebuli citrini: maturi verō (vt iam diximus) chebuli *ni ni chebuli* gri appellātur. Absolute autē per chebulos, intelligūtur chebuli *absolute*.

*Myrobalani citrini absolute.*

nigri: & per citrinos, intelliguntur chebuli citrini. At per nigros absolute, non intelliguntur chebuli nigri, sed myrobalani Indi nigri. Qui Indi ideo antonomastice dicuntur nigri, quia sunt ceteris nigriores. Et hoc totum aperte & colligitur ex verbis dicti Serapionis dicentis: Et errant aliquando quidam ex apothecarijs, qui vendunt nigros in colore ex chebulis, loco myrobalanorum nigrorum. Nam nigri secundum veritatem, sunt Indi, sicut nominant omnes. Et ex chebulis quidam reperiuntur citrini coloris, & quidam nigri. Et nigredo quæ est in eis, non est, nisi propter ampliorem moram, quam ipsi protraxerunt in arbore sua. Et sunt pinguiore & carnosiores citrinis in colore, propterea quod ipsi fecerunt moram in arbore, qua re ipsi receperunt amaritudinem ampliorem. Et illi qui colliguntur acerbi, sunt citrini. Hæc Serapio. In præsentii igitur descriptione, cum Author dicat: Recipe myrobalanorum nigrorum, chebulorum & Indorum, non est error in litera, licet sit male punctata, & illud nigrorum refertur ad chebulorum. Et sic sunt duo ipsorum genera tantum, quæ Doctor querit in ista cõfectione, scilicet querit nigros chebulos, & indos etiam nigros. Et posuit nigros chebulos, ad differentiam citrinorum chebulorum. Quapropter, inter nigrorum & chebulorum dictiones in præsentii descriptione non debet esse diuisibilis punctus, siue cõma, nec copula, ut in impressiõibus legitur. Et sic sunt duo myrobalani. & non tres. Et per consequens, summa medicinarum istius cõfectionis sunt res 23. & non 24. ut Author nouarum additiõnum declarationum, in hoc antidotario scripsit. Præterea, si illud nigrorum fuisset error, siue additio librariorum (ut quidam ex iunioribus autumant) non esset ita cõcorditer scriptum in cunctis antiquis codicibus, quos vidimus. Igitur textus verus huius lectionis, ut ex antiquis præfatis libris accepimus, talis est: Recipe myrobalanorum nigrorum chebulorum, & indorum, & epithymi, ana &c. Myrobalanorum autem species principales sunt tres, scilicet citrini chebuli, qui absolute dicuntur citrini: & nigri chebuli, qui absolute dicuntur chebuli: & nigri Indi, qui absolute dicuntur Indi. Et hæc tres vno & eodem capitulo, ab Authoribus describuntur. Quamvis à præfatis Serapione & Auic. in ipso cap. quatuor ipsorum species assignentur, scilicet citrini, chebuli, Indi, & feni, siue sinij. Et hæc vltima species myrobalanorum, quæ ab ipsis describitur, quia non queritur, non deferitur. Et propterea non habetur, nec cognoscitur. Et per consequens abolutus est eius usus, & communiter

inter

inter myrobalanorum species amplius non cōputatur. Tres autem priores antedictæ species præferuntur omnibus alijs: quam- *Tres myro-*  
obrem quandocunque leguntur in aliqua descriptione absolute *balani abso-*  
tres myrobalani, semper intelliguntur ipsi, scilicet citrini, chebuli *lute-*  
li, & Indi. Et exemplum habetur in pilulis stomachicis. Lege ibi.  
Connumerantur etiã inter myrobalanos, & bellericorũ, & emblicorum fructus. Et quamvis nonnulli negent ipsos esse myrobalanos, ob id, quia de ipsiſ Authores separatim capitula faciũt: tamen cōmuniter pro myrobalanis tenentur, & inter ipsos ubiq; connumerantur. Et sic ipsorum omniũ sunt sex genera, siue species. Sed quia (vt diximus) myrobalani seni non sunt in usu, nec exportantur amplius: cum simpliciter autem reperiuntur scripti myrobalani omnes, intelliguntur illi quinque vſitatores & no- *Myroba-*  
riores tantũ, scilicet citrini, chebuli, Indi, bellerici, & emblici. *ni omnes.*  
Ob quorum frequentiore vſum, consueverunt plurimi dicere, quod nō sunt nisi quinque myrobalani. Sed subintelligũtur vſuales, & notiores. Alioqui si non esset ita, Serapio cōtradiceret sibi ipsi: quia in cap. de emblicis & bellericis, ait: Et quando adunantur omnes tres species myrobalanorum, cum emblicis, & bellericis &c. Nam in cap. de myrobalanis (vt patet) non tres, sed quatuor scripsit myrobalanos. Igitur in præfato capitu. de emblicis, cũ dixit tres, vſuales & notiores intellexit. De myrobalanis quidem Græcorum antiquitas (quod sciamus) non scribit capitul. neq; seniores Latini, tamen quandoq; meminerunt ipsorum in suis cōpositionibus. Vt exempli gratia, Galenus in 8. de medicamentorum cōpositione secũdum locos, scripsit myrobalanos citrinos, quos chryſobalanos vocat. Inquit enim capitulo, ad illosas stomachi subuersiones: Compositũ ex huiusmodi est medicamentum. Opium etenim, & rose, & pſyllij succus, ex refrigerantium genere existunt. Nardi autẽ spica, chryſobalanus, ex digredientium roborantiumq; &c. Arabibus autem credendum est, quicquid de huiusmodi simplicibus scribitur. Igitur cōcedendũ est, quod sunt sex ipsorum genera, seu species, sed quinque magis vſuales, & notiores. Author enim noster, & ceteri, qui quinque tantũ scripserũt, de vſitatoribus quinque, præfatis intellexerũt. Tenenturq; communiter hi, qui in officinis habentur vſuales, vere esse illi, de quibus loquuti sunt Doctores. Veruntamen nullus est qui possit hoc probare, cũ non sit qui describat de ipsorum forma, neq; plantæ ipsos producentes à quoquam notatur, quas (vt ex ipsorũ scriptis cognosci potest) sicut & nos, ita & ipsi mi-

nimè proprijs confpexerunt oculis. Igitur mercatoribus siue negotiatoribus de hisce rebus, & similibus, multos ante annos data est fides, impræsentiarum autem, & ipsis, & communi vsui tribuitur veritas rei, quia de ipsorum experientia, circa infirmos, non ita mirabiles subsequuntur effectus.

*Modus electuarij rosati &c.*

LXXXI.



**D**ESCRPTIO præsentis electuarij rosati est clara. Et hoc electuariū est necessariū in cōficiendis pilulis aggregatiuis ex inuēctione nostra, & pilulis de hermodactylis, secundæ ac tertiæ descriptionum præsentis antidotarij. Quod quidē electuariū rosatū, aliter dicitur catharticū rosatū, & laxatiū rosarū. Et licet à Nicolao ponatur electuariū solutiū rosarū, quod *Rosatū laxa* sub nomine electuarij, de succo rosarū intelligitur: attamē in pilulis præfatis ponēdū est electuariū rosatū præsens. Nota, quod ubi dicit Author in præsentī descriptione: Coquātur omnia cum facilitate super ignē, qui sit sicut candela, intelligitur quod ignis debet esse paruus, & vniformis à principio vsque ad finem.

*Catharticū  
rosatum.  
Rosatū laxa  
nium.*

*Confectio Alfersæ quam scripsit Democritus &c.*

LXXXII.



**E**X Democriti quidem operibus Author (vt ipse scribit) accepit præsentē cōfectionē, quam etiam ipse author capitulo de fescera annotauit. In quo cap. descriptio ipsius habetur sincerissima. In hoc antidotario autem, per varias impressiones, quotidie pluribus scatet erroribus. Nam in quibusdā impressio nibus falsò legitur in præsentī descriptione: Squillæ assatæ, pinearū mundatarū ana 3. j. s. rectius legendū est, ana 3. j. s. Item, in plerisque paruis impressiōibus, ubi legitur nucis muscatæ &c. ana 3. ij. verius ibi debet legi, ana 3. ij. Itē in magnis impressiōibus, cum additionibus nouis, ubi legitur, sticados 3. & β. deest ibi numerus dragmarum: & licet à peritis, cū sit vnica drachma, possit intelligi: tamē pro simplicioribus clarius legitur sic sticados 3. j. s. Item generaliter per omnes impressiōes, dos magna ipsius cōfectionis est imminuta in vna drachma: videlicet ubi impressum est à 3. ij. vsq; ad iij. rectius à 3. ij. vsque ad v. Hæc breuiter notauimus, & ita fatemur esse scripta in omnibus fere antiquis exēplaribus quæ vidimus, tam in dicto capitulo de fescera, quàm in antidotario: & similiter est per omnes impressiōes, in præfa



præfato capitulo duntaxat. Et aduerte quod præcipitur hæc confectio non citra sex menses propinari, ob quantitatem fesceræ & squillæ quam recipit. Ab ipsa fescera denominationem accepit ipsa confectio, tanquam à basi sua &c.

*De Fescera & Fescerefim.*

**F**escera, siue fescera, vel fescira, siue alfescera, & cōsimilia plura, Bryoniam (quæ & vitis alba Latine, & vulgò cucurbita syluatica, & Græcè Ampelos Leuce dicitur) significât. Planta notissima est. Facit de ea Author noster capitulum in quo cap. etiam & fescerefim describit, quæ est bryonia minor, cuius nomēclaruræ similiter multæ sunt. Vnde à quibusdā dicitur Bryonia minor, ab alijs Tannum seu tannia, à nonnullis vitis nigra, siue (vt Græci vocant) Ampelos melana vocatur. Ab Authore nostro autem fescerefim, siue fescerefim &c. appellatur. Et hæc etiā cognoscitur. Satis nempe de eis dictum est ab Authoribus tam Græcis, quàm Latinis, quàm etiam Barbaris. Quapropter non vitium est nobis, de ipsis aliud esse necessariò declarandum.

*De melle Passularum.*

**V**ariæ sunt Doctorum opiniones, in conficiendo seu præparando hoc passularum melle. Nōnulli quidem cum vispasis & apum melle illud conficiunt, vt Luminare Maius & cæteri. Pleriq; verò ex passulis in aqua decoctis & prelo expressis, quod exprimitur ad ignem comportant, donec ad mellis spissitudinem decoquatur: idq; mel passularum vocant. Vt est dominus Ioannes Matthæus, in suo consilio de lepra: quem etiam citant Nicolaus Præpositus, & alij plures. Alij etiam aliter parant. Verūtamen nobis magis placet illud quod est ex solis passulis, & aqua cōfectū. Quia intētio Authoris etiā (vt opinamur) est vt fiat ipsum mel passularū, absq; cōmuni, siue apū melle. Quoniā si voluisset in præsentī cōfectione, præter mel passularum, mel cōmune, posuisset vtrunq; vt fecit in lohoc de pino: vbi primū posuit mel passularū, & postea cōfecit cum melle tabarzet, quod est mel *Mel Tabar-* album commune. Vel posuisset passulas, & cōfecisset cum melle: *larū confici* vt fecit suprā, scilicet in cōfectione Hamech secunda, & in multis electuarijs & cōfectionibus. Quapropter iudicamus hoc mel passulatum siue passularū, faciendū esse ex solis passulis & *Mellis passu-* aqua, absq; apum melle. Et hic est bonus modus faciendi ipsum, *larū confici* Sumatur quantitas sufficiens optimarum passularum, & submer *endi modus.* gatur in aqua pura competenter calida, & dimittatur per spatium duodecim horarum, vel circa, deinde reducatur ad ignem,

& dimittatur feruere donec discoquantur passulæ: postea coletur, & colatura illa ad lētum ignē iterum decoquatur, donec ad mellis spissitudinē deueniat, & in vase vireato vsui referuetur. Cui autem magis placebit passularū mel, quod Luminare Maius describit, apud ipsū requirat, in lohoc de pino.

*Confectio manne ex inuentione Galeni. LXXXIII.*



**Q**VAMPLVRIMI nēpe sunt, qui negant (contra textū Authoris) Galenū fuisse præsentis cōfectionis mānæ inuentorem, ob id, quia de manna vsuali Græci (vt ipsi dicūt) non pertractāt. Verūtamen nos nō possumus credere filium Mesuæ scripsisse mēdacīa. Cū non solū in principio huius descriptionis, & in fine ipsum Galenū citer, verū etiam & in cap. de manna, videatur de hac eadem cōfectione intellexisse, dum Galenū citās, dixit: Galenus autē ipsum cū scāmonea perniſcuit, & operabatur cum eis. Et similiter in cap. de scammonēa, autoritate ipsius Galeni scribit: Inquit Galen. Miscui scammonēam cum sextuplo ipsius mānæ, & triplo eius succi rosati, post bonitatem cōctionis eius in pomo &c. Vbi etiā tacitē præsentem cōfectionē tetigit. Credimus autē, quod vel apud Arabes, aliqua alterius Authoris opera, falsō ipsi Galeno attributa, tūc forſan erāt: ex quibus hæc, & alia plura ab ipsis attestata (quæ in nullo Galeni volumine reperiūtur) ipsi Arabes excipiebāt, vel ipsi Arabicę lingue Doctores habebant aliqua Galeni opuscula, quæ in præsentiarum (vt suprà in Triphera Galeni diximus) desiderātur. Nam pro certo scimus ipsum Galen. de hoc simplici, scilicet de māna loquatū fuisse (quāuis sub alio nomine) in tertio de alimētis, cap. 38. secū-  
*Mel aëreū.* dum antiquam translationem, vbi loquitur de melle aëreo, siue de melle roris. Quapropter potest esse, quod sub nomine mellis aërei, aut roris, in aliquo suo opusculo (quo nos caremus) ipse Galenus scripserit præsentem cōfectionem, quam Author noster transcribēs, mel aëreum in mānam verterit. Et vt lector bene cōsideret an Galenus de hoc manna intellexerit vel non, quod ipse de aëreo melle præcitato libro & capitulo scripsit, subnectimus. Ait enim: Alimētōrū materia omnis vsque huc duplicibus generibus cōprehensa, alterum quidē ipsorum ex plantis habuit, alterū ex animalibus, ab utroq; autē ipsōrū separatū est mel. Fit quidē enim super folia plantarū: est autē neq; succus ipsarū, neq; fructus, neque pars, sed eiusdem generis quidem cum rore: attā-

men nec continuè, nec cõsumiliter illi sit copiosum. Noui autem quandoque æstatis tempore, plurimum super folia arborum & ruborum, & quarundã herbarum inuentum: vt ab agricolis ludentibus diceretur, Iupiter pluit mel. Præcesserat autẽ nox quidem quieta, in æstate media: tẽpus enim erat æstatis tunc. Calida autem & sicca cõplexio aëris in præcedeti: & quidem videbatur peritis circa naturam, ex terra & aquis vaporem bene subilianũ & digestum à Solari caliditate: à superueniente in nocte frigiditate commassatum, congregatum esse. Apud nos quidem igitur rarò videtur hoc factum. In monte autẽ Libano, secundũ vnum-  
*Mel roris,*  
*vel roscidũ.*  
 quenq; annum non paucum: quare extendentes super terrã cor-  
 rã, & detergẽtes arbores inscipiũt defluẽs super ipsã, & ollas & lagenas replent melle: nominantes ipsum roris mel, & aëris mel. Hactenus ille. Et nõ solũ Galenus cognouit hoc mel aëreũ, verũ etiã & Theophrastus libro tertio de historia platarũ, cap. nono, ipsum tãgit, cũ de robore scribit, dicẽs: Ergo nascitur vel hic melleus humor celo cadens, nec alijs magis infidens frondibus. Igitur ex his colligitur quòd mel roscidũ, aut aëreum antiquorum, manna nostrum est: de quo aliqua subsequuntur.

*De Manna, & Manna thuris*

**M**anna quidẽ aliud est apud Græcos, & aliud apud alias nationes. Apud Græcos nèpe mãna est quidã puluis thuris. De quo mox inferius. Qui quidẽ puluis, ne Latini medici & aromatarij cõfunderẽtur, intelligẽdo alterũ pro altero, à peritis interpretibus, cũ additione thuris, id est manna thuris scribitur. Et  
*Manna thuris.*  
 ita in operibus Græcorũ, latinitati donatis, plerũq; legitur. Quãdoq; etiã in aliquo prædictorũ opere, manna simpliciter legitur: & illud idẽ est, scilicet mãna thuris. Ab inconsideratis interpretibus autẽ, in hoc & similibus, sæpius librorũ sensus cõfunduntur. Manna autem, siue man, siue manhu vltima acuta & indeclinabiliter, Hæbraicẽ idem est: & Latine interpretatur, quid est hoc? Et propriẽ est quod paulò superius diximus, scilicet mel roris, siue pinguitudo aëris, siue mel aëreũ: quod nos cõmuniter ab illo vocabulo Hæbraico, inflexo per primam declinationem Latinam, mannã simpliciter vocamus. Similiter & Arabes, & nationes aliæ Barbaræ, vt plurimum, fermẽ vt Hæbræi, aut Latini nominant. Mannam quidem Hæbræi primũ in deserto cognouerunt, quo per quadraginta annos miraculosè pasti sunt. Nec antea viderunt, propterea mirabantur dicentes: Quid est hoc? quasi dicerent: Res incognita nobis. quid est hoc? Et quasi

in prouerbium ducentes, admirationem ipsorum, in rei no-  
men conuerterunt. Hodiernis temporibus manna notissima est,  
& in Italia pluribus colligitur locis, sed copiosior in Calabria.

*Manna Calabrensis.* quæ & Calabrensis manna ubique vocatur. Nulli etiam dubium  
est, quòd quantò recetior est manna, tãtò melior. Et ob id, man-  
na orientalis paruipenditur in Italia: quia non potest haberi ita  
recens vt Calabrensis. Sed sciendum quòd duplex est manna, sci-  
licet vna aërea, quæ cadit tanquam ros, super vniuersas arbores,

*Manna celestis.* & plantas, & lapides &c. quam quidem vocamus mannam cele-  
stem, siue mannam aëream. Et proprie est mel roris supradicti.

*Manna ex fraxino & orno arboribus &c.* Alia manna est, quæ particulariter ex f. axino, & orno colligitur.  
Quam certè specialiter ipsæ arbores ex se producant, sicut gum-  
mi ceteræ arbores: & huiusmodi vt plurimum est Calabrensis.

Quæ res nempe apud ipsos Calabros notissima est, & rationabi-  
liter probatur ob hoc, quia in caudicibus & truncis, siue ramis  
ipsarum arborum copiosior, quàm in folijs reperitur. Quæ autè  
de aëre, sicut ros descendit, abundantius recipitur in folijs, quàm  
in trunco. Et ratio hoc manifestat, & experientia docuit pluri-  
mos. Nam quis audebit dicere, quòd dum pluit aqua prius de-  
scendat in truncum, quàm in adfaciat folia? Etiam quemadmo-  
dum pluit aqua æqualiter super arbores & plantas, ita & manna  
descendit rorando vniuersaliter & arbores & plantas & petras,  
& aceriam & purum solum. Quare autem postea potius in vna ar-  
borè quàm in alia non multum distante reperitur? Nonne quia  
superior ex se producit, & illa non? Item, si sicut ros descendit  
semper, quare in extremitatibus & folijs superioribus quæ coe-  
lum spectant, ipsarum arborum non inuenitur, sed in ramis & fo-  
lijs inferioribus? Sed re vera, nos curiose, ac studiosè hoc obser-  
uare fecimus: & ita inuenerunt, sciicet quòd ex se illæ arbores  
producant illam rem mannâ vocatam, quæ liquida fuit ex trun-  
co & ramis superioribus, in folia inferiora, postea cõgelatur &c.  
Et ad maiorem certitudinem pluries obseruatores ipsi proprijs  
oculis viderunt fluentem mannam scaturire ex quibusdã tuber-  
culis ipsius arboris, quia non vndique per totam arborem fuit,  
sed in quibusdam specialibus locis generatur, ex quibus locis si  
sponte exit, est dulcissima: si autem quis locum illum (vnde videt  
exire mannâ) incidit, exit abundantius, sed efficitur amara  
propter percussionem, & corticis incisionem: vt ipsi obseruato-  
res experti sunt. Etiam præcisus ramus & domum virens porta-  
tus, produxit mannâ. Quare concludendum est, quòd arbores

ut fraxinus & ornus, & eis similes ex se generant mannam, siue  
maius gummi dulcissimum, quod manna dicitur. Nam & Gale-  
nus etiam quandoque utitur succo fraxini, forsan pro eo intelli-  
genda sit ista manna, quæ scaturit ex fraxino, & similibus arbo-  
ribus. Etiam suscipiunt illæ arbores mannam cœlestem (cum ca-  
dit) sicut & aliæ plantæ. Et quid mirum si arbores producant il-  
lud gummi dulcissimum, quam mānā arboream nominamus? *Manna ar-*  
*borea.* Nonne & arbores, & plantæ generant stactem, myrrham, stora-  
cem, balsamum, mastichen, picem, resinam, & similia plura? Non-  
ne & apes similiter ex floribus quarundam arborum & herba-  
rum, mel & ceram colligunt? Ergo &c. Colligunt etiam & ipsi  
Calabri quandoque mel æereum, id est mannam cœlestem super  
varias plantas, & super lapides &c. sicut & aliæ gentes: sed hoc fit  
rarò, & non ita densatur. Arboream mannam autem singulis an-  
nis, circa caniculares dies ante sextiles pluuias colligunt. Cum au-  
tem pluit, cessat fluere. Sed & genus hoc mannæ arboreæ dupli-  
citer colligitur, scilicet vna in caudicibus & ramis, quam vocant  
mannam grossam, & mannā de corpore: aliam verò colligunt *Manna gros-*  
*sa, & de cor-*  
& mannā foliorum nomināt. Medici autem nostri temporis, *pore.*  
laudant potius mannā istā quæ colligitur per folia. Sed in *Manna fina.*  
rei veritate virtute non differunt, & vnum & eundem ortum si-  
ue principium habent: quia quæ colligitur in folijs, non ibi ge-  
neratur, sed è truncis & ramis fluens, cadit super folia illa quæ ex  
directo habentur subter. Non enim in cunctis (ut diximus) folijs  
ipsius arboris reperitur, sed in illis duntaxat, quæ ex trunco, vel  
ramis susceperunt. Et hæc satis de mānā arborea. Manna autem  
aërea, secundū Arabes, habet plures species seu differentias. Vn-  
de Author noster in suo capitulo de manna aërea loquens, dicit:  
Diuerificatur autem secundum diuersitates rerum, super quas  
cadit. Cadens enim super lapides, est sicut guttæ parvæ, quæ con-  
gelantur, & fiunt sicut semen. Et cadens super plantas, suscipit  
de virtute plantarum &c. Etiam ut communiter tenent Docto-  
res, apud Arabes tereniabin & siracost sunt species mannæ, de  
quibus iam in superioribus dictum est. Quod autem apud Græ-  
cos dicitur manna thuris, non est thus contritum, & arte in pul-  
uerem redactum, (ut aliqui opinantur) sed est purgamentū ipsius  
thuris, quod videlicet, ex thure incōtrito incernitur: vbi est pars  
thuris, & pars corticis eius, teste Galeno, qui libro quarto de Me-  
dicamentorum compositione secundum locos, scilicet vbi de vi-  
ceribus

ceribus oculorum pertractat, ait: Quia verò & mannae aliqui meminerunt, videturque nonnullis nian a thure leuigato differre, sciendum venit, quòd propriè mannain vocant, micas thuris ex magnis fasciculis concussa elias. Nam fragmenta quædam exigua corticis thuris ei inhaerecunt, vt eiusmodi medicamentum à thure differat, eo quòd exiguum quiddam attritionis assumpserit. Hæc Galenus ibi. Et in libro de Simplicibus ad Paternianum, capitulo de thure, ait: Est & tertium minutum valde, & rufum, de quo maxime manna conficitur &c. Dioscorides etiam libro primo ait: Manna thuris probatur candore, micarum frequentia &c. Hoc igitur purgamentum, quod apud Græcos vocatur manna thuris, apud filium Serapionis in primo sui Breuiarij, capitulo 12. vocatur farina thuris, & furfur thuris. Ait enim: Et quidam putant quòd non est differentia inter farinam thuris, & inter thus contritum: tunc oportet vticias, quòd nos nominamus farinam thuris, furfurem thuris, qui cribatur cum cribellis amplis: quibus permiscuntur partes subtiles valde corticis thuris, qui præparat plus, id est inducit corium &c. Hæc ille. Ex quibus etiam patet quòd cribellatio prima fit cum cribro raro, & incenso non contrito, & illud quod descendit ex eo furfureum (sicuti est) dicitur manna thuris. Multa & alia essent dicenda de manna: quæ quidem tanquam minus necessaria dimisimus.

## De Scammonea.

Quamuis suprà, scilicet in electuario Indo minori, & in prima confectioe Hamech declarauimus, quòd quandoque reperitur in aliqua descriptione huius antidotarij, scammonia absolute, semper de præparata intelligitur: tamen pro capitosis quidem, & calumniatoribus, afferentibus hæc scammoniam minime præparatam esse apponendam, ob id quia (vt ipsi dicunt) succus rosarum, & mastix ingrediètes præsentem confectioem, satis præparant ipsam. Nos autem dicimus, quòd licet succus rosarum, & mastix sint ex scammoniam corrigentibus: tamen non per hoc Author vult hæc ipsam incorrectam. Quod quidem facillimè probari potest. Nam cum ipse Author scribat præsentem confectioem autoritate Galeni, in qua & posuit scammoniam Anthiochenam absolute, nec ipse specificauit correctam. In capitulo autem de scammonia autoritate ipsius Galeni, vbi non nisi de consimili confectioe intellexit, ait: Inquit Galenus: Miscui scammoniam cum sextuplo ipsius mannae, & triplo eius succi rosati, post bonitatem coctionis eius in ponio &c. Quod

Quod hic agitur subicitur, illic clare expressit. Etiam Christophorus de Honeltis super hac confectioe dicit: Scammoneam esse corrigendam, quæ correctæ vocatur *Diagridum*. Et sic semper intelligi debet. Non obstantibus quorundam imperitorum calumnijs. Scammoneam Antiochenam speciatim posuit Author, quia est melior alijs.

*Confectio Almezereon ex inuentione nostra, quod est medicamen benedictum &c. LXXXIIII.*



NON EST dubitandum de inuentore istius confectiois, cum dicit Author ex inuentione nostra. Nominauit autem eam a mezereon ipsam intrante, quod quidem & basis eius est. Sed sciendū quod Author ponit hanc eandem confectioem in capitulo de mezereon: tametsi ipsæ descriptiones inter se differunt in vno. Hoc est, quod descriptio præsentis antidotarij habet per omnes libros, tam antiquos, quam impressos (quos vidimus) vni-formiter: Carnium cytoniorum elixorum in aceto vini, & zuchari tabazet, ana partes lxxx. Descriptio præfati capituli autē, per omnes eosdem libros similiter concorditer, nulloq; volumine discrepante, habet carniū cytoniorum &c. ana. partes lxx. Et hunc putamus esse errorem antiquorum scriptorum. Vnde vel in descriptione capituli præfati eo in loco defunt partes x. vel hic, scilicet in descriptione antidotarij sunt auctæ. Et porius credendum est, hic superabundare, quam illic deesse: quoniam magna quantitas ipsorum est lxxx. partes. Nos autem veritatis infelix, non audemus innouare aliquid in ipsis, & cæteris descriptionibus, quod postea probare non possemus. Præterea animaduertendum, quod aliqui libri impressi, (vt particulariter sunt illi de parua impressione) in descriptione capitali mendose habent: Tereniabin, partes lx. Et huiusmodi erat liber quo utebatur Manardus, vt in annotationibus præsentis confectiois ipse declarauit. Igitur rectius ibi legendum est: Tereniabin, partes xl. vt in reliqua librorum multitudine tam antiquorum quam impressorum, tam in descriptione capituli quam antidotarij legitur. Errore quidem inter imprimendum transposita fuisse ibi x. & l. Aduerte etiam, quod Luminare Maius in præsentis confectioe, recipit olei almezereon, partes xxxij. Cum ceteri libri tam antiqui, quam impressi cōcorditer habeant in vtraque descriptione præfati olei partes duodecim, & sic est verum. Se hūc error, an sit impresso

impressorum, an ipsius Authoris, nescitur à nobis. Per se autem quærat qui hoc scire peroptat.

*De Mezereon, vel Mezerrion.*

**M**agna confusio est per Arabum libros, nec est qui absolute valeat percipere, de qua re intelligant, cum ipsi de Mezerion pertractant. Et modo videntur tangere Chamelæam, modo thymelæam, modo laureolam vulgò dictam, id est daphnoideam: & modo illud, & aliud diuersum ab istis. Taliter quòd neque ipsumet videntur perfecte scire quæ loquuntur. Veruntamen hallucinantur ex recentioribus quidam, credentes ipsos de laureola pertractare in capitulo de Mezerion. Cum Serapio scribat separatim capitulū de Mezerion, à capitulo de Daphnoide, quæ est laureola vulgò dicta, quæ quidem scribitur ab ipso Serapione capitulo de lauro, in quarto loco. Nec laureola lactescit, vt Arabum mezerion. Quapropter clarum est, quòd Arabes pro mezerion, non intelligunt laureolam. Et quamuis ipsi Arabes dicant, quòd est ex mezerion habes folia magna, nō tamen per hoc declarant esse laureolam. Imò dum ipsi testantur ipsa folia esse subtiliora, aperte demonstrant non esse laureolam dictam. Nam (vt scitur) laureolæ folia sunt pingua, & aliquid carnosa, quæ minime possunt subtilia dici. Et licet Author noster in suo cap. de mezerion describat (vt sibi videtur) plures eius species, nulla tamen ipsarum potest esse laureola: vt Pandectarius, & quidā alij volunt. Quia secundum ipsos, omnes illæ species lactescunt: laureola autem (vt dictum est) lacte caret. His demum visis, sciendū quòd Arabes, vt Serapio & Auicenna, ponunt duas tantum species mezerion, & hæc absque dubio sunt chamelæa, & thymelæa

*Mezereon species dua.* Dioscoridis: vt patet conferendo capitula ipsorum cum Dioscoridis capitulis. Author autem noster, ex multis speciebus ab ipso notatis, magis laudat vnā: quam (respectu aliarum supple) dicit habere magna folia, nō tamen propriè ipsa folia multum excedunt magnitudinem foliorum oliuarum. Et hæc planta si non non est thymelæa Dioscoridis (vt nonnulli opinantur) cum alijs ipsius speciebus, omnibus incognita erit. Etiam & nos eiusdem opinionis sumus, scilicet quòd illa planta mezerion siue mezerion dicta, & ab Authore nostro magis commendata, sit thymelæa. Et his indicij, seu notis probari potest. Ait enim ipse Ioannes filius Mesuæ, in proprio capitulo de mezerio: Et plāta, cuius stipes eleuatur super terram circiter cubitos duos. De thymelæa autem Dioscorides secundum Hermolaum & Marcellum, ait:

Rami



Rami tenues, speciosi cubitorū binū assurgunt. Itē filius Mesuæ: Et folia eius sunt similia folijs oliuæ. Dioscorides: Folia chamelæ: quam iam dixerat habere folia similia oleæ. Itē filius Mesuæ: Et producit grana nigra, in magnitudine fructus myrti. Dioscorides: Semen quale myrti, exiguum, rotundum: initio virescens, postmodum rubens: foris durum, nigrūq; &c. Dioscorides quidem hīc notauit principium, medium, & finem ipsius seminis: filius Mesuæ autem, tanquam rem magis necessariam ad eius cognitionem, finem tantum descripsit. Item ipse filius Mesuæ, ex autoritate Ruffi: Expellit sine nocumento aquam citrinam. Item: Solutione educit aquam citrinam, cum fortitudine vehementi. Item autoritate Alexandri: Aquam enim educit aggregatam in ventre. Dioscorides autem de dicta thymelæ: Detrahuntur eo per aluum bilēs, aquæ, & pituitæ. Et infra: Purgantur eo aquæ, &c. Item filius Mesuæ: Nocet tamen hepati, imò omnibus membris nutritiuis. Dioscorides autem: Ipsa herba inimica stomacho. Præterea ad meliorem notitiam, quod Author noster pro mezereon intelligat thymelæam, & non chamelæam, aduertendum quòd in supradiçta hiera Hermetis petit semen mezereon. Non enim admittitur vsus seminis chamelææ, thymelææ autem semen, quod est granum cniidium, siue mauiſgnidium, id est, coccognidium, testimonio Dioscoridis, Galeni, & aliorum plurium probatissimorum virorum, in plures vsus laudatur. Vnde & in dicta hiera, gnidium granum quærit. Et per consequens, suum commendatum mezereon est thymelæa. Non obſtante quòd ipse filius Mesuæ sub nomine mezereon, intelligat etiam & chamelæam, & alias diuerſas plantas. Quapropter non est mirum, si in dicto suo capitulo sunt aliquæ particulæ chamelææ conuenientes. Quia sicut ipse scripsit (licet confusè) plures species mezereon: sic & illarum proprietates, & operationes, inordinate commiscuit. Illud autem folijs annexum, quod videtur contradicere Dioscoridis descriptioni de thymelæa (hoc est: Folia eius sunt similia folijs oliuæ, sed maiora. Dioscorides autem: Folijs chamelææ angustioribus &c. In chamelæa autem, folia oleæ similitudinem habent, tenuiora tamen &c.) facile soluitur, scilicet quòd diuersimodè loquuntur ipsi Authores. Nam Dioscorides de amplitudine foliorum loquens, dicit chamelæā, & thymelæam habere folia vt oliua, angustiora tamen, siue strictiora, &c. Filius Mesuæ autem, non de amplitudine, sed de longitudine intelligit. Vnde cum dicit: Est mezereon, cuius folia

*Granum  
cniidium.*

sunt similia folijs oliuæ, sed maiora, id est longiora subintelligendum. Et in veritate sunt longiora, & strictiora. Et sic non est in hoc contradictio aliqua. Alia adhuc est dubitatio (quam Leonardus Fuchsius errorem putauit, cum non sit, nec ipse bene soluit) quæ etiam facillimè soluitur. Hæc est. Testantur namq; ipsi Arabes, vt Author noster, & Auicēna, & Serapio, & ceteri mezereon in numero lacticiniorū esse: quod quidem à Dioscoride de chamelæa, & thymelæa minimè scribitur. Non obstante quòd dictus Leonardus Leoniceum sequutus dixerit, & malè, Serapionem non scripsisse mezereon lacte fluere. Nam ipse Serapio auctoritate Bedigoras, ait: Proprietas eius est, quòd laxat melancholiam, & aquam citrinam: quæ admodum faciunt species aliæ lacticiniorum. Cum ergo dixit: Quæ admodum faciunt species aliæ lacticiniorum, declarauit mezereon esse vnum ex lacticinijis. Et clarius in capitulo de rithymalo, prope finem, ipse Serapio auctoritate Abugerig, notat mezereon esse in genere lacticiniorū, dicens: Lacticinia sunt mezerion, & Xebram, & Hoscin, & c. Igitur quia à Dioscoride hoc non scribitur, ergo non est: non valet consequentia. Quia reuera non omnia Dioscorides dixit. Imò multa necessaria pluribus in locis dimisit. Etenim si quis bene cōsiderauerit Dioscoridis descriptiones, videbit quòd tacite innuit ipsas plantas non carere lacte, dum immediatè post alia lacticinia eas videlicet collocauit. Igitur quod in hoc Dioscorides de lacte subticuit, Arabes propalàm dixerunt. Et quòd mezereon apud Arabes non solum non carebat lacte, sed abundantius habebat, probatur clarè per filium dicti Serapionis, in secundo sui Breuiarij, cap. 16. in de curatione dentium qui moti sunt, & doleant ex frigiditate, cum dicit: Lac almezereon & piper, & c. & infra in de congelatione dentium, ait: Et conferunt autem ex medicinis, aristolochia longa, & baccæ lauri, & fex olei decocti, & lac almezereon, & c. Et clarius infra, scilicet in 24. capitulo dicti secundi, quod est de asthma & anhelitus præparatione, in vno medicamine, inquit: Recipe pulmonis vulpis ficci 3. v. calamenti, & c. Vsq; in finem compositionis. Vbi dicit: Confice cum lacte almezereon, & c. Et alijs in locis ab ipso notatur, in quibus omnibus planè patet, quòd mezereon abundanter lacte fluit, alioqui minimè posset ex ipsius lacte talia & eiusmodi confimilia pharmaca conficere. Quapropter non perperam filius Mesuæ, & Auicenna scripserunt mezereon esse ex magnis lacticinijis. Ipsas deniq; plantas, scilicet chamelæa, & thymelæa non dubiè  
cogno

cognoscimus, imò pluries collegimus, & experti sumus, quòd *Thymelea* non carent lacte, quamuis non copiosè lactescant. Et præsertim & *chamethymela* magis, quàm *chamela* abundat lacte. Et siquidem ali *lea* lacte- quando in folijs lac non videtur, in virgis autem siue ramulis *sa-scent*. tis abundè habetur, nec non visus, tactusq; sensibus clarè percipi- tur. Et non mirum si apud nos ipsæ plantæ non ita lacte abun- dant, fortasse quòd apud ipsos fuitabant, & cum hoc etiam ma- iora poterant producere folia. Sæpius enim (vt aliàs diximus) à diuersitate locorum plantæ diuersificantur bonitate, qualitate, fructificatione, &c. Igitur concludendum est, *mezereon* à filio *Mesue* magis commendatum, *thymelæam* esse. Ipsa autem *thy- melæa* dicta *mezereō*, talis est: Virgas habet propriè (vt *Diosco- Thymelæa* rides scribit) bicubitales, rectas, pulchras, ab vna radice multas: *descriptio*. folijs vt oliuæ, longioribus, & strictioribus, ac mollioribus, nec tam aridis plenas: quæ virgæ granū ferunt coccognidium voca- tum. Virgæq; ipsæ vt linum rectè crescunt, sed multo altiores, digi- talem crassitudinem rarò excedentes. Quam plantam non longè ab Vrbe (vbi maxima ipsarum habetur copia) incolæ Tri- biscum vulgò nominant. *Chamælæa* autem, quæ etiam & *meze- Chamælæa* reon est, & vulgò oliuella, & oleastellum dicitur (non obstante *descriptio*. quòd aliqui & cyprium etiam oliuellam vocent) non remotius ab Vrbe, versùs mare, & ipsa etiam plurimum gignitur. Folia oliu- is simillima, minora tamen, & quasi decurtata habet. Rami eius multi, tenues, duri, non recti, sed per terram circunquaq; vt plu- rimum deiecti, folijs pleni sunt omni tempore: videntur procul equidem vt monticulus foliorum speciosus, quasi arte paratus. Et huiusmodi planta hodie quàm plurimis cognita est. Hæc au- tem satis de *mezereon*. Nunc autem de præparatione foliorum *Foliorū me* eius, aliqua non minus necessaria subscribemus. Inquit igitur *zereon præ-* ipse Author in præsentì descriptione: Recipe foliorum *almeze- paratio &* reon præparatorum, &c. In capitulo autem eius de *mezereon, infusio*. multi ponuntur modi præparandi ipsum: qualis autem eorum, pro huiusmodi confectione sit obseruandus, ab ipso particulari- ter non assignatur. Attamen conuenientior modus est, & lauda- bilior, atq; vltatior, præparandi in aceto: qui modus ab ipso Au- thore notatur etiam in canonibus, scilicet in capitulo de rectifi- catione medicinarum cum modis infusionum. Inquit enim: Ab- scinditur superficies acuminis, & ferrositatis ab *almeze* reon, & *alfe* cebra, ex earum infusione in aceto, &c. Quicquidem modus etià obseruatus est ab ipso Authore infra, scilicet in *Alchelengi*

medicamine, & in pilulis de mezereon. Et clarius ponitur à Serapione in proprio capitulo de mezereon. Si igitur (inquit) vis exhibere mezereon, elige illud quod dixi esse melius, scilicet illud quod habet folia longiora, & latiora, & subtiliora: & infunde ipsum in forti aceto duobus diebus ac noctibus: & hoc fiat ante contritionem eius, & sicut est integrum renouabis acetum bis, aut ter: & proijce acetum, in quo fuit infusum mezereon, & laua illud cum aqua dulci bis aut ter: & deficca ipsum ad umbram, aut ad solem (si non potest citò ficcari in umbra) donec recedat humiditas eius. Et post tere ipsum, &c. Hactenus ipse Serapio. Et talis quidem modus obseruandus est etiam in præparatione alicebræ: quia de consimilibus idem est iudicium.

*De aquæ Casei & Agarici infusione.*

**H**abetur equidem aperte & clare in præsentī descriptione, quòd Author præcipit recipi xxx. partes aquæ casei infusionis agarici, id est aquæ casei in qua sit prius infusum agaricum, & forti compressione expressum. Sed quidam phantastici neoterici, qui sibi ipsis videtur esse sapientes, conantur temerè & nefariè quibusdam suis falsis declarationibus, inò veris depravationibus, non solum corrumpere textum, verum etiam peruertere sensum literæ & intentionem Authoris. Asserentes non debere intelligi simpliciter, vt scriptum est: sed quòd illæ 30. partes referendæ sint ad agaricum, & non ad aquam casei: scilicet quòd sint infundendæ triginta agarici partes in sufficienti aquæ casei quantitate. Quarum triginta partium agarici infusio erit postea tota in medicamen commiscenda. Vnde circumfertur quidam libellus super canones & antidotarium filij Mesuæ impressus absq; Authoris nomine, titulus: Opus quibuslibet aromatarijs necessarium. Quod opus pro maiori parte in vulgari lingua Italiæ, est (vt aiunt) à quodam Petro Paulo Villano aromatario Neapolitano æditum. In illo nempe hæc & alia plura leguntur ridicula. Quod quidem opus iuniorum aromatariorum nonnulli, tam charè amplectuntur, quòd nihil suprà. O cæcitas magna ipsorum: non considerant enim, quòd in septulum, & fortasse amplius, talimodo multiplicant agarici pondus in ipsa infusione: quod quidem est erroneum, & damnosum, expresseq; contra Authoris intentionem. Muniunt & ipsi opinionem suam friuolis rationibus, obijcientes primum, quòd illic non assignatur, quæ quantitas agarici sit infundenda in illis triginta partibus aquæ casei: ideo illæ triginta partes ad agaricum referuntur. Secundo obijciunt, quòd

quòd dictæ aquæ casei triginta partes non sufficiunt ad dissoluendum 80. zucchini, & quadraginta mannae, siue maui tereniabin partes. Quapropter illæ triginta partes intelligendæ sunt de agarico, pro quibus infundendis necesse est, ut maior quantitas dictæ aquæ casei subministretur, quæ postea sit satis & sufficiens ad dissoluendum dictas zucchini & tereniabin partes. Ad primum igitur, eadem ratione qua ipsi opinionem suam defendunt, & nos confutamus eam: scilicet quòd ipsi dicunt, si essent aquæ illæ triginta partes, non fuisset assignatum pondus agarici infundendi. E contra nos dicimus: Si (ut ipsi volunt) sunt agarici illæ partes, ubi est ergo mensura aquæ casei assignata? Respondebunt forsitan, quòd intelligitur aquæ casei quantum sufficit. Similiter & nos dicimus, quòd ad illam infusionem triginta partium aquæ casei, intelligitur Agarici quantum sufficit. Quia sicut potest haberi scientia & cognitio de vno oppositorum, sic & de reliquo. Ut exempli gratia: Sicut possumus scire, quòd ad vnam vnciam agarici, vel alterius rei infundendam, potest sufficere tanta aquæ quantitas, puta libram vnam. Sic e contra, ad libram vnam aquæ, possumus non ignorare, quòd satis est vncia vna agarici, vel huiusmodi similis. Et sciendum, quòd quicquid dicitur super hac materia in præsentis confectione, potest etiam in multis alijs confectionibus, & electuarijs huius antidotarij, quæ consimiles habent infusiones & decoctiones, ut supra, Electuarium de fructibus: & infra, Confectio de zinzibere, & Modus syrapi acetosi de succis & aquis fructuum, & Modus syrapi acetosi de pomis descriptione nostra, & confectiones Gallie sebellie, & Gallie alefanginæ, & Hysopi cerotum descriptione Philagrij, & Emplastrum de meliloto, & similia. In quibus omnibus faciendo, ut ipsi in præsentis confectione docent, expressè agitur contra Authoris intentionem, & malè. Ad secundum dicimus, quòd triginta partes dictæ aquæ casei, optimè sufficiunt ad dissoluendum 80. zucchini, & quadraginta tereniabin partes. Et experti sumus in minori quantitate aquæ, & maiori quantitate zucchini, & mannae, & similibus optimè posse fieri. Exempli gratia: Ponamus casum, quòd dictæ partes sint drachmæ 80. igitur partes quæ sunt 80. drachmæ zucchini, faciunt summam decem vnciarum, & quadraginta drachmæ tereniabin, summam quinque vnciarum complent. Triginta autè aquæ casei 3. sunt 3. iij. & 3. vj. pulueriza prius zucchini perquam

optimè, & cum ʒ. j. s. dictæ aquæ, non tantum decem vncias, sed & libram integram, & an plus dicti fucchari puluerizati dissolues, si voles. Mânæ autem summa ʒ. v. sit in vno cyatho vitreo, vel stanneo, & est melius propter vitri fragilitatē. Hinc superinfunde dictæ aquæ casei ʒ. ij. & cooperi, & pone cyathū ipsum in vas aquæ cōpetenter calidæ: dextrē tamen ne submergatur cyathus in ipsa aqua calida, sed supernatet, vel sedeat in fundo vasis in quo quantitas aquæ calidæ non transcendat altitudinem cyathi tenentis mannā, scilicet tereniabin, & aquam casei. Et dimitte per aliquod tēporis spatium, talitē quod si aqua ipsa vasis ante mannæ liquefactionē infrigidata fuerit, amoveatur, & alia calida summitatur. Etiam & in minori quantitate dictæ aquæ, talimodo potest optimè liquefieri mânā. Igitur si sic 28. partes sufficiunt, triginta magis sufficient: & per consequēs triginta partes dictæ infusionis aquæ casei non sunt (vt ipsi dicunt) parua quantitas ad dissoluendū prædicta, scilicet tereniabin, & zucarū. Item ipsi falsissimè dicunt agaricum in præsentī cōfectione esse basim, cum sit mezereon, vt in exordio ipsius cōfectionis patet, scilicet quod ad hydropisim, & ad aquam citrinā educendam, potentius operatur mezereon quàm agaricū. Igitur aromatarius considerata quantitate dictæ aquæ casei sibi necessaria, debet sumere ipsam excedentem in tribus aut quatuor partibus (quæ possent deperdi in ipso opere faciundo propter madefactionem agarici &c.). & infundere in ipsam competentē optimi agarici contriti quantitatē, & dimittere per horas 12. ad minus. Deinde facta diligenti expressione, sumat ex ea quod est necessariū ad præsentem vel consimilem cōfectionem: reliquum verò, si non est multum, de bono cōsilio etiam poterit supermittere, multum autem, non est de intentione Authoris, vt admittatur. Modus autē ipsam cōficiendi talis debet esse: Sint prius præparata folia almezereon in aceto, & exiccata & bene puluerizata, & habeas oleū mezereon præparatum apud te, & fiat infusio aquæ casei & agarici. Interim verò elixa cytonia in aceto vini, vt præcipitur. Deinde exprime agaricum, & proijce. Infusionis autē, sume quod sufficit. In vna parte cuius (vt paulò superius diximus) dissolue tereniabin: quo liquefacto, & colato, cum reliqua autem dictæ infusionis parte, zucarum contritū dissolue, & ad ignē ducito, coquitoque ad mellis spissitudinem: deinde carnes cytoniorum per cribrū spissum, seu per setatiumeductas, commisce, spatula (sed melius baculo ligneo) sepe agitando, coque facilliter. Et antequam ad perfectam

fectam deueniat coctionē, superinfunde tereniabin liquefactum & colatum. Quibus omnibus cum omni facilitate ad debitā coctionem perductis: puluis foliorum almezei con, oleo iam dicto bene perunctus, immisceatur, & ab igne deponatur, & vīq; dum semifrigeat, baculo ligneo dicto continue agitetur, vt omnia in simul bene sigillantur, & incorporētur. Sed nota, quod aqua casei, siue aqua lactis, siue serum (quæ idem sunt) vbi agaricum est infundendum, debet esse ex lacte caprino. Teste ipso Iohanne Mesue, capitulo de agarico dicente: Et ex rebus sibi additis vigorantibus ipsum, est spica, & aqua casei, & propriè sumpta ex capris. Non obstante, quod Galenus aliter dicat.

*De varijs Medicinarum Infusionibus.*

**Q**uia sæpe ab imperitis aromataris, in infundendis medicinis, in quibus vel liquoris vel rei infundende non assignatur mensura, committantur errores, visum est nobis hīc breuiter, clariori modo, quo fieri potest, de huiusmodi infusionibus aliquas subscribere regulas. Non enim vnico canone possunt regulari tot infusionum modi. Habeat ergo necesse est, suam distinctē quilibet modus regulam. Quia aliquæ medicinae *Infundendi modi quot.* infunduntur per modū nutritionis, aliquæ per modum effusionis, & aliquæ per modum liquefactionis &c. Et aliquæ in aquis, & aliquæ in succis, & aliquæ in aceto & ceteris vt mox de omnibus dicemus. Animaduertendū tamen, quod non scribimus singulatim omnes medicinas infundendas, sed de pluribus, quæ in vno modo conueniunt, quædam tantum notantur, quæ magis videntur necessariae, & conuenientiores: quoniam (vt ait Philosophus) de consimilibus idem est iudicium.

*De modo infundendi Agaricum, Rheubarbarum, & similia.*

**A**B Agarico quidem initium sumpsimus describēdi regulas infusionum medicinarum, ob id, quia de ipso infundendo quæstio modo suprā habita est. Agaricum igitur infundendum *Agarici infusio.* est, siue in aqua casei, siue in alio liquore sibi competenti, medio-criter contritum. Et ita commensurandum est cum liquore, vt sit inter rarum & spissum, scilicet quod nec multum fluat, nec ab aquositate sit alienum. Peritus enim aromataris, potius discretionē, quàm lance vtitur. Eadem nanque ratione & Rheubarbarum, & consimilia plura infundenda sunt. Sed sciendum, quod *Rheubarbari infusio.* communiter hodie, non solum aromataris, sed & medici errant in infusione rheubarbari. Non enim in rei veritate infundendum est rheubarbarū in aqua endiuie distillata, & sublimata, vt ipsi

*Aque sim-  
plicium sunt  
succu.*

faciant. Quia Ioānes Mesuæ Author noster in capitulo de rheubarbaro, dū scribit infundendum ipsum in aqua endiuiz, aut apij, aut plantaginis, non intelligit aquam alembiccatam, sed succum ipsarum herbarum. Imō rarissim antiquiores utebantur aliquibus istarum aquarum sublimatarum. Vnde cū ipsi describunt alicuius rei aquam, vt plurimum intelligunt succū, aut decoctionem, vel saltem infusionem illius rei: vt in pluribus locis probari potest. Et particulariter in dicto capitulo de rheubarbaro, cū de infusione ipsius loquitur, dicit: Et similiter magnificatur infusio eius in aqua endiuiz, & apij, prius bullitis & colatis, aut in aqua plantaginis &c. Cū autem dixit, Prius bullitis & colatis, declarauit ipsas aquas esse succos. Non enim aquæ distillatæ indigent bullitione, & colatione. Igitur infusio rheubarbari faciendā est in succis herbarum, & non in aquis ipsarū sublimatis. Multa etenim exēpla habemus, quōd aquæ antiquorum erāt succi, vel decoctiones &c. & non sublimationes. Vt est aqua cytoniorum, declarata suprà in electuario granorum myrti, & aqua granatorū, quæ legitur in capitulo de tamarindis: & aquæ prunorum, & tamarindorum, quæ habētur infrà in descriptionibus modorum syrupi acetosi: & aqua porri, & aqua caulis, quæ in pluribus pilularum confectionibus petuntur, & aqua malorum deseni, & aqua cannarum zucchari, quæ scribuntur in syrupo de cannis: & aqua masticis in cap. de casia. Et aqua cicēti &c. Et in 7. Breuiarij filij Serapionis, cap. 16. in fine, scilicet in mediçina solutiua quæ fit cum scelebram, habetur aqua fœniculi, quæ est succus: vt clarè patet. Sic enim legitur. Et proijciatur super illos aquæ fœniculi recentis, præter quod ferueat &c. Cū dixit, præter quod ferueat, declarauit esse succum, & non aquam sublimatam. Quod etiam clarius probatur per Authorem nostrum, in sequenti confectione alsecebram, quæ est eadem quæ præfata filij Serapionis: in qua vbi ille habet aquam fœniculi, iste habet succum. Et similiter in eodē cap. dictus filius Serapionis, scilicet in confectione de eupatorio, cuius titulus est: Alia ad icteritiam & inceptionem hydropisis. quæ quidem cum confectione de eupatorio sequenti filij Mesuæ, quæ est post cōfectionem de scelebram, est eadem, habet aquam solatri, endiuiz, & volubilis. Author noster autem in eodem loco habet succū solatri &c. Et alia pene innumera quæ passim in antiquorum liberis leguntur, quæ quidem breuitatis causa studiosis perquirenda reliquimus. Lege etiam de hoc plura, in Diarhodon descriptione cōmuni, & in electuario



rio de granis myrti.

*De omni Gummi infundendo.*

**V**aria Gummi genera, siue species, vel differentia, in variis infunduntur liquoribus. Vnde quoddā in vino, quoddam in aceto, & quoddam in succis, siue aquis herbarum: vt in aqua rosarū, in succo arnoglossæ, in aqua rutæ agrestis, in aqua porri &c. Omnibus autem gummi speciebus non conuenit vna liquoris mensura, quia aliquod gummi plus, & aliquod minus de liquore (in quo infunditur) recipit, vt experientia ipsa nos docet: quia gummi tragacanthi in comparatione aliorum multorum, *Gummi tra-* vult quadrupulam de liquore in quo infunditur, & quandoque *gacanthi ne-* non sufficit. Quamobrem in huiusmodi talis datur regula, scilicet *fusio.* quod quælibet gummi species tantum liquoris recipiat quam *Modus ge-* rum necesse habet. Et taliter est liquefaciendum gummi quodli- *neris n-* bet, quod per modum emulsionis possit transire per setarium, si- *fundendi g-* ue per stamineā. Et est melius in principio infundere minus de *mi quodli-* liquore quàm multū, quia semper si fuerit necesse, potest super- *bet.* infundi liquor. Sed aduerte, quod hæc regula posita est pro gummi, pharmacis cōmiscendis, non autem pro gummi liquefaciendis causa pingendi, vel atramentum faciendi &c. quia tunc maior pars aquæ, vel liquoris administratur.

*De modo infundendi Myrobalmos, Dactylos, & similes fructus.*

**F**ructuum infusio ad varios effectus in medicinis habetur. Quapropter de ipsis duplex cōsideratio habenda est. Vide- *Infundendi* licet aut ipsis abiectis, queritur ipsorū infusio tantū. Vt exem- *duplex r-* pli gratia, de myrobalanis, qui infunduntur in aqua calida, vt *tio, & mo-* ipsorum infusio sit magis solutiua, quia tunc querunt infusionē *di varij.* ipsorum tantū, ipsos autē infusos paruipendendo, & abijciendo: vel sicut infunduntur ipsi myrobalani contriti in aqua casei per octo dies, hinc vna bullitione peracta, colantur, & proijciuntur: colatura autem siccatur, vt fiat ex ea inde trochisci, & pilulæ, vt habetur in capitulo de myrobalanis ipsius filius Mesuæ, & similia. Aut infusione abiecta queritur substantia ipsorū fructuum infusorum: vt exempli gratia, infundūtur etiam ipsi myrobalani in aqua plarima per octo dies, vt humectentur, & fiant idonei ad conficiendum &c. sicut habetur in dicto capitulo de myrobalanis. Igitur si fructus infundendi sunt causa recipiendi ipsorum infusionem, debent infundi in tanta liquoris quantitate, quanta

toto temporis ipsorum infusionis spatio satis est ad sufficientem ipsorum fructuum submersionem. Si autem accipiendi sunt ipsi fructus, aliquando projicienda est ipsorum infusio, aliquando non. Projicienda enim est infusio myrobalanorum, & similium fructuum, quando ipsi fructus infunduntur, non ut corrigantur ab aliqua ipsorum malitia, sed ut humectentur, & ingrossentur &c. ut in præfato capitulo de myrobalanis, & in distinctione de conditis habetur. Quia tunc si potuissent habere ipsos fructus recentes & humidos, non humectassent siccos. Quando autem infunduntur fructus ipsi in aceto, aut alio quouis liquore, causa alicuius ipsorum malitiæ reprimendæ, aut bonitatis acquirendæ, ut dactyli in diaphœnicon, & similia: tunc non projicitur ipsorum infusio, quia debet fieri per modum imbibitionis, seu enutritionis ipsorum. Vbi tantum debent recipere de liquore, quantum sufficit ad bene imbibendum ipsos, ut post ipsorum enutritionem nihil restet de ipso liquore projiciendum: quia si projicitur aliqua pars huiusmodi infusionis, projicitur simul cum ipsa magna pars substantiæ & bonitatis eorum. Per modum autem enutritionis, reprimatur aliqua fructuum malitia, & nihil amittunt de bonitate sua.

*De modis infundendi Semina.*

**N**ON vno equidem modo, & semina omnia infundenda regulari possunt, quia (ut paulo superius diximus de fructibus) & semina quoque ad varios infunduntur effectus. Vnde quedam semina, ut cuminum, anisum, coriandrum, & similia, cum infunduntur in aceto, siue in alio liquore, ad aliquam malignitatem corrigendam, seu ad aliquam bonitatem acquirendam, tunc per modum imbibitionis seu enutritionis infundenda sunt ipsa semina & exiccanda &c. Quedam autem infunduntur, ut accepta postea eorum infusione, projiciantur ipsa semina, ut sumach in electuario de fructibus, & fenugrecum in hyssopi ceroto descriptione Philagrii, & emplastro de meliloto, & similia. Et tunc in qualibet liquoris libra ponitur seminum 3. j. vel circa plus minusve pro qualitate seminum, quia semine quod magis recipit de liquore, in minori quantitate ponendum est, & e contra. Peritus enim aromatarius trutina discretionis omnia deliberat. Nonnulla quoque semina infunduntur in aqua, vel in alio liquore conuenienti, causa recipiendi ipsorum mucilaginem: ut semen psyllii, & similia. Et ad hoc faciendum sufficit ad libram aquæ, seu alterius liquoris, dictorum seminum 3. semis, plus vel minus, secundum quod semina ipsa sunt magis vel minus mucilaginosa &c.

*De Foliorum, radicum, spiritum, & similia infusione.*

**F**olia quoq; & radices (præter rheubarbarū) & ceteræ plantarum partes, infunduntur in aqua, seu alio liquore, taliter quòd aqua seu liquor duobus digitis superemineat, idque tam si proiciatur, quàm si seruetur ipsa infusio. Et sic turbith in lacte, sic folia mezereon in aceto & c. Sed nota quòd omnia debet intelligi cum sale discretionis: quia ex epli gratia si quis voluerit drachmam vnā tantum huiusmodi rerū infundere, nō debet apponere tantam liquoris quantitatem, quòd superemineat duobus digitis. Secundum autē quantitatem rei infundende, cōmensurandus est & liquor. Quod autem dictū est suprā, in omnibus modis intelligitur de vna honesta & discreta quantitate. De florū autem rosarū, & violarū, & similia infusionibus, require in sexta distinctione, post violati modum iuleb. Insuper sciendum, quòd regulæ prædictæ posite sunt, pro illis infusionibus duntaxat, pro quibus non assignatur modus, nec mensura, seu ratio infundendi. Multæ & aliæ diuersæ rerū infusiones sunt quæ clarè possunt intelligi, vel saltem reduci ad aliquam supradictarū. Sericum autem qualiter sit infundendum post tincturam in chermes, habetur suprā in confectioe Alchermies. Et hæc quidem satis de modis infundendi medicinas. Olei mezereon, quod petitur in ista cōfectione, habetur descriptio infrā in distinctione vltima, quæ est de oleis: propterea quæ reibi.

*Modus confectiois Alſcebram, & c. LXXXV.*



**I**CET pauca simplicia ingrediantur præsentem confectioem, non tamen ob hoc ipsius descriptio, per libros impressos, à mendis habetur aliena. Nā vbi legitur in aliquibus ipsorum: Recipe Alſcebram boni & electi ʒ. ij. myrobalanorum citrinorum ʒ. ij. & in aliquibus sic: Recipe Alſcebram boni & electi, myrobalanorum citrinorum, ana ʒ. ij. & c. in vtrisque malè legitur. Rectius ergo legendum est: Recipe Alſcebram boni & electi ʒ. j. myrobalanorum citrinorum ʒ. ij. & c. Quoniam sic legitur in cunctis exemplaribus manuscriptis, & similiter apud filium Serapionis, qui istammet confectioem habet sub titulo: Medicina solutiua quæ fit cum ſcebram, & c. quæ est in calce 16. cap. 7. sui Breuiarij. Denominationem accepit autem ista confectio ab ipso ſcebram, sine quo minime est cōficienda: quia basis eius est. Sed priusquam administretur est præparandum, sicut

sicut præparatur mezecon, nec impræparatum propinetur omnino.

*De Scebram.*

*Esula species.*

*Esula vera.*

**E**T certè secundum veritatem Scebram, sebram, scebrem, xeb-  
bram, scefscebram, & scobram, & familia plura (vt per varios  
libros legitur) idem sunt: nec refert siue per m, aut n, in fine scri-  
batur. Per vtranque enim literam reperimus. Sunt nanque bar-  
bara vocabula, & significant idem quod Latine esula, quæ Græcè  
pityusa dicitur. Et licet ab hodiernis herbarijs plures esulæ spe-  
cies ostendantur, tamen duæ tantum sunt veriores, quas Author  
noster in suo de simplicibus, capitulo de scebram, describit: scili-  
cet magnum, & paruum. Quod etiam Dioscorides in capitulo  
de pityusa notauit. Non obstante quòd ipse Dioscorides non di-  
cat ipsum magnum esse malum, vt ait Author noster de suo sce-  
bram, forsàn quòd ipse Dioscorides non fuit expertus illud. Ve-  
ra autem esula, siue verum scebram est habens folia familiae folijs  
pini, & tota ipsius planta lacte copiose fluit. Illud autem quod in  
capitulo filij Mesuæ videtur contradicere descriptioni Dioscori-  
dis de pityusa, scilicet vbi de radice loquitur, dicens: Et est habes  
de rubedine aliquid sicut casia. Et Dioscorides dicat radicem ha-  
bere albā, non est magnæ astinationis: quòd forsitan ipse Dio-  
scorides viderit ipsam radicem trahentem ad albedinem, & ideo  
scripserit albam. Et certè filius Mesuæ non absolute dicit ipsam  
esse rubram, sed habes aliquid de rubedine. Vnde vel oculata fi-  
de percipimus ipsam radicem non esse in totum albam, nec tan-  
ta munitam rubedine, vt possit ipsa simpliciter vocari rubra, sed  
aliquid tantum rubedinis, vt ipse Author noster dicit. Et quamuis  
Dioscorides dicat ipsam pityusam habere radicem albam, attamen  
nos in hoc potius debemus sequi doctrinam ipsius filij Me-  
sue, quàm Dioscoridis: quia in suis cōfectionibus, scilicet filij Me-  
sue, simplicia ab ipso descripta vbi petuntur, administranda sunt.  
Non obstante quòd alij de ipsis simplicibus aliter sentiant: Sic  
etenim & de turbith superius declarato, sic etiam & de eupato-  
rio, de quo infra dicemus, & similibus intelligendū. Igitur quan-  
do hæc planta vocata esula (qua & pro esula cōmuniter vtimur)  
apte conuenit descriptioni dicti filij Mesuæ de scebram, non de-  
bemus querere aliud. Cū sit ipsa vera esula, siue verum scebrā,  
quod ipse petit in præsentī & similibus compositionibus. Lege  
etiam de hoc in pilulis foetidis maioribus.

Modus

## Modus Confectionis de Eupatorio &amp;c. LXXXVI.



**A**B EUPATORIO cuius succum recipit præsens confectio denominatur. Et hæc eadem confectio scribitur à filio Serapionis in 7. sui Breuiarii prope finem 16. capituli, cuius principiū est: Alia ad ictēritiam, & inceptiōem hydropifis. Quæquidem in omnibus conuenit cum præfenti descriptione, præter quòd non habet succum absinthij, & variat aliqualiter in simplicium ponderibus. Sed aduerte, quòd per impressiōes legitur mendosè in præfenti descriptione: Cinarum squinanti, feminis citrulli &c. ana 3. iij. Lege verius, ana 3. ij. quia sic est in omnibus antiquis exemplaribus. Item in fine ipsius descriptionis habetur vnū vocabulū multipliciter barbarizatū: videlicet Alcherigi, vel Alkeregi, vel Alcheligi, vel aliter & aliter, & consimilia plura veluti ridicula neq; ad significatiōem neq; ad sensum quidpiam facientia. In maiori parte antiquorum voluminum, in veritate non legitur, nec in primis impressiōibus. Nec etiam est in filij Serapionis descriptione. Quapropter delendum censuimus. Putamus enim quòd aliquo modo errore librariorum, titulus confectiōis immediatè sequentis annexus sit huic descriptioni, quæ est Alchelengi: quem titulum postea, tanquam medicinam huic necessariam nonnulli intellexerunt. Item in eo quod sequitur in ipsa descriptione, scilicet: Et si est illic caliditas, reprime cum succo solatri &c. Illud autem reprime, in bonis exemplaribus non legitur, neque in descriptione, filij Serapionis: sic enim ferè omnia exemplaria habent: Et sit dosis eius aur. j. cum lacte canielarum, aut aqua casei: & si illic est caliditas, cum succo solatri, endiuix, & volubilis. De eupatorio sanè, quia hæc confectio communiter non habetur in vsu, non visum est nobis hîc facere declarationem. In Syrupō de eupatorio autē, qui vbique paratur, Deo fauete satis de eo dicitur. Succī verò, scilicet ipsius eupatorii, & absinthij qui hîc recipiuntur, debet prius condensari &c.

## De Cuscuta semina.

**S**emen Cuscutæ (si semen dici libet) sunt illi nodi, qui inter *Cuscuta semen.* illius capillamenta concrescunt. Sed abusiue, nempe dicitur *men.* semen, illud quod nusquam feritur, nec etiam si feratur nascitur, vt experti sumus. Neque radices Cuscutam habere conspiciamus, sed epithymi modo, super plantas, & frequentius super linum concreatur. Dicuntur autem semina nodi illi, quasi per similitu

militudinem, non quòd in veritate sint femina. Quod enim patet expresse, non est probare necesse.

*Alchelengi, & est medicamen magnū &c. LXXXVII.*



**S**IGNIFICATIVM suum verum huius barbari vocabuli, quod est pro inscriptione præsentis confectionis, scilicet Alchelengi vel alkelengi, adhibita etiam multa diligentia, inuenire non potuimus. Filius quidem Serapionis habet in septimo duas descriptiones ferè sub consimili titulo, quæ etiã in pluribus conueniunt cum ista filij Mesuæ: quarum principia sunt hæc: Primæ videlicet, Confectio Inda, quæ nominatur Kelkelenici. Secundæ autè: Descriptio alia likelkelengi. Putamus autem & textum filij Serapionis etiam esse deprauatum, in præfata dictione kelkelenici, & rectius legendum kelkelengi. Easdem confectiones habet & Auicenna in v. cañ. Quarum initia sunt: Alkelkelengi magnum, & Alkelkelengi minus. Hali filius Abbas quoque, capitulo 7. decimi libri practicæ habet duas confectiones, quæ videntur eadem esse: quarum tituli sunt: Caquelenegum magnū, & est electuariū Indicum. Caquelenegū minus, vtile quibus & magnum. Omnes autem præfatorum Authorum, in multis ab ista filij Mesuæ discordant. Veruntamen plurimam habent inter se affinitatem. Quid autem significet kelkelengi, siue alchelengi (vt diximus) nescitur. Coniectamus autem denotare quod sequitur, scilicet quòd est medicamen magnum, multorum iuuentorum expertorum &c. quod quidem putamus hic additum ab Authore, seu ab interprete, tanquam glossena dicti vocabuli alchelengi. Aduerte etiam, quòd in aliquibus impressionibus, non alchelengi, sed alkekengi, magis deprauatè legitur. Oporteret nanque illum prius linguas Arabicam, Chaldaicam, Aegyptiacam, Hebraicam, Indicam, Græcā simul & Latinam, & alia s. plures, atque idiomata multa perfectè callere, qui vult post illos rectè huiusmodi vocabula interpretari. Et licet ipsa confectio non habeatur in vsu, attamen est nobilis compositio. Et si quis vult ea vt animaduertat quòd in libris de parua impressione, & in Nicolao Præposito, mendosè habetur: Agarici 3. xx. Lege rectius 3. x. quia sic est non solum in cunctis exemplaribus manuscriptis quæ vidimus, sed etiã & in multis impressionibus. Item quòd in cunctis impressionibus falsò legitur, trochiscorum de rheubarbaro, in antiquis libris absolute legitur, rheubarbari.

Quapro

Quapropter non trochisci de rheubarbaro, sed ipsum rheubarbarum purum & electum, est intelligendum in presenti descriptione. Item sciat, quod in Nicolai Prepositi descriptione, desunt trochisci diarhodon, & trochisci de eupatorio, qui vniuersaliter in cæteris libris habentur. Sunt præterea per impressiones in presenti descriptione aliquæ clausulæ transpositæ, quas simpliciter, & rectè in ipsa receptarij descriptione posuimus.

De Volubili.

**A**uthor noster in suo de Simplicibus, capitulo de volubili, quinque ipsius species enumerat. Quæ autem ipsarum in presenti cõfectione sit ponenda, ab ipso nõ declaratur. Nonnulli etenim iuniorũ, vt Manardus & cæteri in presenti descriptione, & in cõfectione de eupatorio supradicta, dicunt esse intelligendũ Lupum salictariũ, quem lupulũ vocamus, quemq; Author noster pro quarta specie descripsit, cuius planta notissima est. Alij autem, vt Christophorus de Honestis & cæteri, & forsan melius, declarant esse volubilem magnam quæ à nostro Authore, funis arborum nominatur, & ab Auicenna funis pauperum dicitur. Quia cum ipse Author non specificatè his in locis scripserit, & volubilem plures (vt diximus) ab ipso notentur species, illa nimirum ex omnibus accipienda est, quæ ab ipso Authore magis laudatur. Nam vt patet per ipsum in præfato capitulo, funis arborum, siue pauperum, id est volubilis magna est cæteris melior. Et ex hoc etiam cunctis præposuit illam potius quàm lupulum, quasi declarans quod per volubilem absolute intelligit illam magnam, & non lupulam. Lupulum autem, vel scamonea, cum ipse querit, semper specificatè scribit. Ergo per volubilem absolute, non lupulus, sed illa quæ antonomastice appellatur volubilis, scilicet magna intelligitur. Veruntamen tam hoc quàm cuncta quæ scribimus, iudicio prudentiorum summittimus. Et nota quod hinc & in cõfectione de eupatorio, & similibus, succus foliorum intelligitur, & non radice. Quinque autem ipsæ volubiliũ species, non omnibus notæ sunt. Apud nos quidè nec illa planta, ex qua colligitur scamonea, nec illa quæ habet folia subalbida & lanuginosa cognoscitur. Reliquæ tres notissimæ sunt, scilicet volubilis maior, & volubilis minor, & lupulus. Multas enim ab his diuersas plantas videmus, quæ volubiliũ modo cõcreuerunt. Et licet nõ scribatur ab eo, tamè in genere volubiliũ possumus connumerari. Et præsertim illa, quibus ad decorè vtuntur homines,

mines, operetopiariorum in viridarijs, & domorum fenestris: ut est Balsamina, siue Momordica vulgò dicta: & illa planta, quæ habet folia similia folijs simlacis hortensis, id est faseoli varij: & habet florem simillimum flori volubilis magnæ, sed est celestis coloris, & non ita magnus: facitque semen nigrum triangulum &c. Quamquidem plantam Bellunenſis in suis interpretationibus volubilem vocat, cuiusque semen dicit esse granum nil. Inquit enim: Granum nil est semen nigrum repertum in planta volubili, cuius flos habet colorem azurum, & figuram campanellæ similem, tendentem ad longitudinem aliquam. Et huiusmodi planta non est herba ex qua nil, seu Indicum conficitur, sed est species volubilis nota: & semen huius plantæ in Oriente administratur ad euacuandum humores grossos, phlegmaticos, & melancholicos, sicut dicit Auicenna secundo canonē. Vt sine verò, quod est folium nil de quo dictum est supra, est folium herbæ, ex qua exprimitur succus, qui exiccatus dicitur nil, seu Indicum. Et granum nil, quod administratur ab Auicenna in cura vermium, non est Indicum (sicut quidam putant) sed est semen repertum in planta volubili supradicta. Hæc Bellunenſis. In quibus patet, quod differt granum nil, à nil, quod est Indicum. Et similiter plantæ plures, quæ passim conspiciuntur. Inter quas etiam possumus annumerare quandam plantam, quæ nouiter nobis ex Indijs nuper inuentis allata est. Cui equidem à similitudine foliorum, quam habet cum blito: Blitum topiarium nomen imposuimus. Quoniam absque nomine, habuimus ipsam. Folia (ut diximus) ut beta, siue blitum (quod idem est) habet. Sed sunt valde rubra, propriè ut beta rubra. Caules enim plures emittit pollicari crassitudine, teretes, coccineos, siue rubros, quindecim cubitorum longitudine, & amplius altos: ut in nostro Aræceli conuentu vidimus. Semen producit in racemulis coriandro noto simile, obnigrum &c. Sapore & odore etiam æmuletur blitum: quid autem propriè sit, nescimus. Insuper nota, quod succi omnes qui indigent purgatione, post ipsam purgationem ponderandi sunt. Et generaliter quidem omnia, quæ deputari siue purgari habent, prius (si fieri potest) depuranda siue purganda sunt, & postea ponderanda siue commensuranda: quia pars projicienda, non debet ponderari cum conficienda.

Conse



*Confectio electuarij Diacytoniten, &c. LXXXVIII.*

**H**ABET Author noster in hac prima sui grabadin parte, tres varias de cytonijs cōpositiones, sub confectionis nomine, præter cytonia condita, & miuas. Ex quibus ista præsens tātummodo est solutiua, vt quæ & huic tertix distinctioni finem imponit. Habet & Auicenna in quinto cañ. electuaria Diacytoniten solutiua plura. Similiter & Hali abbas in decimo practica, habet vnum electuariū diacytoniten laxatiuum. Sed nullum ipsorū conuenit cum præsentī descriptione. Filius Serapionis autem in septimo sui Breuiarij, capitulo 16. habet tres descriptiones electuarij diacytoniten solutiui, quarum prima incipit: Medicina alia solutiua bona: Recipe aquæ cytoniorum &c. est ista met confectio. Non obstante quòd in quibusdam discordet ab ista, propterea quòd (vt arbitramur) ipse Author noster accipiens à filio Serapionis, addiderit aliqua & aliqua permutauerit, vt melius sibi visum fuit. Sed animaduertendum, quòd præsens filij Mesuæ descriptio, vitio librariorum in aliquibus locis maxime deprauata est. Et primo in ana vbi legitur: Gallix bonæ, gariofilorum &c. aliqui libri habent piperis nigri & longi, aliqui loco cinnamomi habent cardamoni, aliqui habent vtrunq; aliqui loco mastificis habent macis, aliqui neutrum habent, nonnulli etiam habent agaricū, & alij alia. Verior autē descriptio ex omnibus, hæc est: Gallix bonæ, caryosyllorū, zinziberis, mastificis, piperis longi, cinnamomi, nucis muscatæ, ana 3. iij. Item, vbi legitur: Si autē volueris vt solutione educat cholera, & phlegma, ponantur in medicanune scamoneæ 3. v. turbith 3. xij. lege xij. s. quia sic est in cunctis exēplaribus quæ vidimus. Item sciendū, quòd vbi legitur: Carthami excorticati pondus scamoneæ, refertur illud ad prius & principalius pondus ipsius scamoneæ, scilicet ad 3. j. s. & nō ad quinq; drachmas, vt nonnulli volunt. Quia stante priori descriptione, si quis velit vt ipsum electuarium educat solum phlegma, non oportet considerare alias clausulas, additas, sed abiecta scamonea, cuius pondus est 3. j. s. loco ipsius debet substituere 3. j. s. carthami excorticati, & addere ipsi confectioni turbith boni 3. xxv. Probatur etiam per filium Serapionis, in cuius descriptione non habetur illa particula: si volueris vt solutione educat cholera & phlegma. sed immediatē habet, quòd si vis vt euacuet phlegma, tunc permisce cum ea loco scamoneæ car-

*Diacytonitē  
solutiuum.*

thami ex corticatis excorticibus suis, contriti, pondus scammonæ &c. Ergo refertur ad prius pondus scammonæ. Ergo in ista particula, scilicet solius phlegmatis euacuandi, intelligitur carthami excorticati pondus 3. j. s. & non 3. v. Item in fine descriptionis habetur per omnes impressos libros: Et aliquando cum carnibus tantum. Quæ clausula in nullo penitus antiquorum voluminum (quæ vidimus) legitur. Est enim additio superflua alicuius imperiti, nec debet seruari. Cassetur igitur, ut veritas habeat locum suum. Nam cum carnibus tantum sunt cytonia condita: quorum descriptio habetur infra.

De Melle tabarzet.

Tabarzet.

Zuccharū  
et barzet.  
Mel tabar-  
zet.

Lapis tabar-  
zet.

**M**el tabarzed siue tabarzet, utroque enim modo legitur, ut omnes testantur, est mel album. Sic etiam zuccharum tabarzet, significat zuccharū album: & penidiæ tabarzet, sunt penidiæ albæ, quæ recipiuntur in suffus albarmak Auicennæ. Attamen secundum veritorem sensum, Tabarzet potius significat bonum, seu electum, quàm album. Quod probatur per supradictum filium Serapionis, videlicet quod eo in loco, ubi Author noster habet mel tabarzet, ipse habet mel bonum. Sed quia generaliter mel album, seu zuccharum album, est ex melioribus: idcirco pro tabarzet, quod significat bonū, intelligitur album. Nō obstante quod Bellunenensis in suis interpretationibus dicat, mel tabarzet secundum Arabes esse zuccharum dissolutum quod remansit liquidum in vase in quo factum fuit zuccharum tabarzet. Quia hoc in loco, ut patet per supradictum filij Serapionis textum, significat bonum: & penidiæ tabarzet, non sunt zuccharum dissolutum, sed penidiæ bonæ &c. Quamobrem non contradicit, si mel non sit album, dummodo sit bonum, & optimum mel. Optima enim conditio mellis non consistit in albedine, imò quod tendit ad citrinitatem, & propriè ad colorem pælearum maxime laudatur, teste ipso Authore nostro in sermone de aqua mellis. Et Dioscorides laudat illud mel, quod habet colorem subflavum, siue subrutilum. Et Plinius, quod est coloris aurei, &c. Unde putamus de albedine non multum esse curandum. Igitur pro melle tabarzet accipiat bonum, & electum, siue sit album siue non. Sed lapis tabarzet, siue tabarzet, siue tabarged (ut in Simone Ianuensi & Pandeſtario legitur) est smaragdus. De quo quære in electuario de gemmis.

De

De Galia, siue Gallia.

Gallix quidem sunt confectiones, de quibus infrà. Sed quan- *Gallia absol-*  
do absolute scribitur (vt in presenti confectione, & simili- *lute.*  
bus) semper de muscata intelligitur. Quamobrem lege in gallia  
muscata.

## DISTINCTIO QVARTA,

quæ est de conditis &amp;c. XC.



N hac quarta distinctione, quæ de conditis  
est, sunt aliqua pauca, sed vtilia corrigenda &  
declaranda. Et primo,

Chebuli conditi &amp;c. XC.

Emblici conditi &amp;c. XCI.



NOTANDVM quòd his modis, quibus hume-  
dantur & condiuntur chebuli & emblici, possunt  
& citrini, & reliquæ Myrobalanorum species hu-  
mectari & condiri, si quis eis opus habuerit. Sed  
sciendum quòd emblici condiendi debent esse in-  
tegrì, teste filio Serapionis, qui capitulo de conditis dicit: Eligan-  
tur ex emblicis sublimibus qui non sunt fracti, &c. Item, ubi legi-  
tur in fine huius descriptionis de emblicis conditis: Quidam ve-  
rò etiam supercondiunt cum speciebus aromaticis, sicut est cin-  
namomum, & gallia, & cardamomum, & crocus, & muscus, &  
similia. est animaduertendum quòd Author non dicit, quòd qui-  
libet supercondiunt cum omnibus his speciebus aromaticis præ-  
dictis, & similibus: sed quòd quidam supercondiunt cum cinna-  
momo, quidam cum gallia, quidam cum croco, quidam cum  
musco, & quidam cum duobus vel tribus ex prædictis, vel simili-  
bus: & quidam sic, & quidam aliter, secundum necessitatis exi-  
gentiam, seu gustus lasciuiam. Et hic est verus sensus. Quia si quis  
condierit cum gallia, quæ absolute intelligitur muscata, non erit  
illi opus apponere & muscum. Et sic de alijs, quæ conueniunt in-  
ter se. Non obstante quòd si quis voluerit condire cum gallia, &  
placuerit eidem addere nō solum muscum, sed & species diamu-  
sci, & alia diuersa pro sui gustus appetitu, & pro suis ægris dun-  
taxat, possit facere & hoc, & aliud. Tamen pro cæteris indifferen-  
ter, nec cum omnibus, nec cum aliquibus ex prædictis speciebus  
nullus parare præsumat. Quoniam gustus hominum non sunt  
æquales, & multoties quod vni placet, alteri displicet &c.

*Cytonia condita &c. XCII.*

**A**DVERTANT simplices & minus periti aromatarij, quòd ubi legitur in præfenti descriptione: Et sepeliantur cum iuleb. intelligitur, quòd iuleb debet esse tantæ quantitatis, quòd cooperiat ipsa cytonia. Et nota, quòd hîc, & in citris conditis (scilicet in ipsorum citrorum decoctione: quia postea debent condiri ipsa citria cum iuleb rosato) & in similibus, iuleb debet fieri cum aqua simplici, nisi medicus, seu alius quispiam præceperit esse faciendum pro suo, suorumq; vsu duntaxat, cum aqua rosacea, vel violacea, vel cum infusione alicuius rei, &c.

*De Cytonijs.*

*Cytoniorum  
species.*

**Q**Vamuis Author in distinctione de syrupis, scilicet in modo conditi de buglossa ponat tria cytoniorum genera, attamen Romæ duo tantum habentur. Quid autem sit tertium genus cytoniorum, in dicto condito de buglossa declarabimus. Duorum autem generum cytoniorum, quæ apud nos nota sunt, unum quidem facit poma depressa, ita quòd à pediculo ad partem supremam quondam floris, tanquam à polo ad polum per locum centri, raro supra pollicis grossitiem habet spatium, in quo semina concreantur. Et huiusmodi cytonia sunt minus odorifera, quàm illa alterius generis, sed sunt multum stiptica: & per antonomasiam vocantur cytonia, siue cydonia simpliciter. Et ista etiam sunt, quæ particulari nomine dicuntur struthæa. Arbor alterius generis, in omnibus est similis antolictæ, sed differt in hoc quòd fructus eius non sunt ita depressi, sed sunt longiores, & odoratiores, & maiores, & minus stiptici. Qui fructus communiter vulgò vocantur pyra cytonia. Sed quando Author petit absolute cytonia, semper de supradictis intelligit. Et maxime quando conficit aliquod electuarium ad stipticandum: quia ad id faciendum ipsa sunt meliora, efficacioraq; In defectu tamen unius, alterum est substituendum. Pro illis autem qui non stipticandi causa, sed pro gustus delectatione suscipiunt, possunt ista dicta pyra cytonia administrari: quia sunt gustui suaviora supradictis. Præterea advertendum, quòd quando præparantur cytonia ad stipticandum, teste Serapione, non debent esse matura, sed in principio maturationis tantum; quia (ut ipse refert) matura non sunt stiptica. Sed non est intelligendum, quòd omnino matura non sunt stiptica, sed quòd non sunt tantum stiptica,

*Cydonia  
struthæa.*

*Pyra cyto-  
nia.*

*Cydonia ab  
solute.*

ptica, quātum immatura. Ita quod matura respectu acerborum possunt largo modo dici non stiptica. Et ut dictus Serapio ait, visus plurimus cytoniorum est malus: quia faciunt accelerare *Cytoniorū* descensionem cibi ante digestionem eius. Sed hoc intelligitur de *visu* illis hominibus qui non sumunt cytonia ante cibum ad stipticandum, sed sumunt post cibum & potum, ad prohibendam ebrietatem, & ad lubricam aluum faciendam. Quia Cytonia, Sorba, & nonnulla alia mēla, de natura sui ante cibum sumpta stipticant: post cibum verō accelerant digestionem, & expellunt feces. Ita quod multoties si nimis ex eis sumatur, cibum indigestum faciūt per secessum emittere. Et hoc similiter Auicenna testatur. Ajunt etiam Serapio, & Auicenna, quod cytonia sumpta post potum vini, prohibent fumositates vini ascendere ad caput. Vnde per consequens prohibent ebrietatem. Sed sumenda sunt in parua, ac discreta quantitate. Lege etiam de cytonio in condito buglossie.

*Pyra condita &c.* XCIII.

*Poma condita &c.* XCIII.

*Persica condita &c.* XCV.



In his equidem non est dubiū. Condiuntur sicut cytonia, quo etiam modo similia multa possunt cōdiri: ut chrysomella, siue præcoqua, &c. Et tam cum zuccharo, quā cum melle, quā etiam cum musto cocto, & similibus. Et possunt aromatizari cum musco, seu alijs speciebus aromaticis, ad libitū instituentis,

*Citra condita &c.* XCVI.



V P R A, scilicet in confectioe electuarij Alharif declarauimus Nabeth significare zuccharum candum. Vult autem Author, ut multum coquatur iuleb, pro huiusmodi & similibus, ut postea semifrigidum quando componitur inter laminas citri, non fluat totaliter: sed permaneat, & indurefcat, seu candicet: alioqui vana esset eius descriptio, cum dicitur: ita quod vna superficies sit laminarum citri, & alia iuleb. Quia si illud zuccharum iulebatum non erit perfecte decoctum, quemadmodum coquitur zuccharum ut candicet, non stabit inter citri laminas, sed fluet vndique, & pondus laminarum faceret vnā alteri adhaerere in fundo vasis. Etiam si dictum iuleb erit aquosum, seu lente decoctum, non erit necesse in vas vicis-

sim componere citri laminas, & ipsum iuleb. Sed prius componere laminas citri, & postea super infundere ipsum iuleb, sicut fit in multis alijs conditis. Quod quidem secus erit, si dictum iuleb perfecte decoctum fuerit. Præterea sciendum quod communiter hodierni aromatarij non præparant ipsas citriorum laminas in lixiuio, sicut Author præcipit, sed in aqua pura, & clara, & optime præparantur. Enimvero nostri æui aromatarios, in modis diuersa condiendi antiquioribus peritiores ac industriores, politioresq; esse fatemur. Nam multa tam ex zuccharo quàm ex melle ad gulæ petulantiam condita suauiora, & visui delectabiliora sunt hodie, quæ iudicantur non meliora posse fieri. Curiales nempe, & magnates Romæ degentes, melius quàm nos huiusce rei sciunt reddere rationem, quia libenter & non raro, talibus delicatis vescuntur bolis. Demum non ignorandum, quod ponit Author in distinctione de syrupsis, duo alia citrinorū condita, quæ Deo fauente, in ipsa distinctione locis suis declarabimus. Quia non sunt simpliciter condita, sed syrupsis sub tali nomenclatura.

*Secacul conditum etc.*

XCVII



**D**E Secacul quidē satis suprà in Diasatyrione pertractauimus. Nunc autem restat declarare, qualiter sit intelligendū illud quod legitur in fine præsentis descriptionis, videlicet: Projiciantur super illud specierum alefanginæ partes conuenientes. Notandum igitur quod in pluribus descriptionibus compositorum ipsius filij Mesuæ, reperitur aliquo modo partium conuenientia, vt est in præsentis descriptione, & in confectione de māna, & in lohoc de squilla, & similibus. Quibus in locis, non semper vno & eodem modo est intelligenda. Quia aliter debet intelligi in præsentis descriptione, & aliter in lohoc de squilla, & similibus, vt mox patebit. Nam clarum est, quod in citato lohoc de squilla vbi Author dicit: Recipe succi squillæ & mellis despumati partes conuenientes, intelligitur illa partiū conuenientia, quod debet esse ipsæ partes, scilicet succi squillæ & mellis æquali pōdere seu mēsurā. Quod probatur non solum per ipsum Authorem capitulo de tussi humida, vbi describens idem lohoc, ait: Recipe succi squillæ, & mellis ana. Sed etiam probatur per filium Serapionis, capitulo 21. septimi sui Breuiarij, in quo etiā describens idē lohoc, quod vocat lohoc de capra squillæ, dicit: Sumatur suc-

cus

eusquillæ & mel æquali mēfura. Similiter in præfata confectio-  
ne de māna, vbi Author dixit: Dissoluatur manna cum succo ro-  
sarum rubrarum, & sit succi quantitas conueniens. addit postea  
declarationem dicens: Circiter librā vnā. quā quidem de-  
clarationem, pro simplicioribus & minus peritis posuit; pro pe-  
ritioribus autem (quibus satis erat dicere, & sit succi quantitas  
conueniēs) non oportebat. Peritus enim aromatarius potius di-  
scretione quā lance mensurat res atq; librat. Et sicut necessitas  
docet, plus vel minus, subministrat de rebus competentibus sine  
aliqua discōuenientia. Et idē Author non absolute dixit librā  
vnā, sed circiter librā vnā. Sed illud quod ex autoritate Ga-  
leni subiunxit Author in fine ipsius mannæ confectiois, scilicet:  
Est enim composita ex partibus conuenientibus complexione  
& proprietate. non oportet aromatarium scire. Est enim medi-  
ci intelligere atque cognoscere conuenientiam cōplexionum di-  
& proprietatum, tam medicinarum quā corporum infirmo-  
rum. Et vt sibi videtur magis expediens, debet instituire atque  
ordinare pharmaca. Aromatarius autem communiter in omni-  
bus habet mediocritatem seruare, videlicet vt ipse medicinæ non  
sint ita fortes, vt fuscipientes eas in aliquod periculum inducant,  
nec ita debiles vt nihil operentur. Et hoc dicitur pro illis rebus,  
in quibus non specificatē est assignatum pondus vel mensura. Vt  
exēpli gratia, pluries legitur: Mel quod sufficit. Aromatiza cum  
musco. Olei quantitate conuenienti, & consimilia multa. Et ma-  
ximè sicut habetur in præsentis secacul conditi descriptione, ob  
cuius bonam declarationē hæc dicta præmisimus. Igitur in ista  
descriptione, vbi Author dicit: Proijciātur super illud specierū  
alephanginarum, siue alefanginæ partes conuenientes. non in-  
telligit ipse Author quod cōuenientia istarum partium specie-  
rum, ratione quantitatis ponderis, seu mensuræ, referatur ad se-  
cacul, aut ad mel, & zuccharū, vt est in præcitato lohoc desquil-  
la. Exempli gratia, quod si secacul sint libræ ij. proijciendæ erūt  
super illud dictarum specierum etiam libræ ij. vt ipsæ partes sint  
conuenientes. Quod quidem absurdum est, atque erroneum &  
credere & cogitare. A fortiori autem, discōuenientius erit si quis  
forsan velit, vt eadem conuenientia, scilicet ratione quantitatis,  
referatur ad mel & zuccharū. Cōuenientia igitur, quā querit  
Author in hac descriptione, in virtute & acuitate specierū præ-  
dictarum consistit, videlicet in aromatizando ipsum secacul, sci-  
licet quod quantitas conueniens ipsarum specierum debet esse

*Aromati-  
zandi modus.*

tanta, quāta discretè competit aromatizationi ipsius secacul, ita quòd ipsum secacul sit bene aromatizatū. Sicut, exempli gratia, cibaria condiuntur sale. Et ponitur salis in vnoquoque edulio, quantum est conueniens, ratione falsedinis & saporis, & non ratione quantitatis, vel mensuræ. Vnde quando Author in præsentī descriptione, & similibus, dicit: Projiciantur super illud specierum, vel similium, partes conuenientes seu cōpetentes. intelligit, quòd tu debes aromatizare illud cum tanta quantitate ipsarum specierum, quāta (vt dictum est) competit ipsius aromatizationi, ita quòd non sit multū neq; parum. verbi gratia: Si tu aromatizas aliquod compositum cum speciebus acutis & fortibus minus debes de ipsis ponere, quāni ponerēs de dulcioribus & mitibus &c. Et sic est secundum veram Authoris intentionem, & meram literæ declarationem. Et ideò quādo cūque reperitur aliqua huiusmodi, vel consimilis clausula, est bene perscrutandum & intelligendum, de qua conuenientia Author eo in loco loquatur, vt postea compositio ipsa sit rectè ordinata, & dispensata, ac de Authoris proprij mente parata.

*Zinziber conditum &c.*

XCVIII.



VO etenim in præsentī descriptione notanda sunt. Primum est vnum mendum, quòd generaliter habetur per omnes impressiones, videlicet vbi legitur: Et quidam accipiunt secacul, & zinziberis humectati, ana partem j. & fit, &c. Lege rectius (vt est in exemplaribus antiquis) ana partem s. Et sic est verum. Huiusmodi quidem error studiosis lectoribus non est occultus. Quia si Author in vna parte ipsius zinziberis, puta in vna libra, posuit mellis libras iij. & zucchini libram vnā in duabus autem partibus, id est in duabus libris, quæ sunt vna secacul, & altera zinziberis, posuisset vj. lb. mellis, & zucchini ij. quia aliter esset disproportionata compositio ponere tantum mellis & zucchini in duabus partibus ipsarum radicum, quantum in vna. Igitur rectè legendum est: Secacul & zinziberis humectati, ana partem s. Et sic ex vtraq; media parte, scilicet zinziberis & secacul, resultat vna pars integra, quæ (vt Author præcipit) cum tribus mellis & vna zucchini partibus confici debet. Secundum notandum est quòd Author in fine ipsius descriptionis docet nos cognoscere qualitates & notas boni zinziberis, dicens: Et sit zinziber album & mundum, & recens. Dicit autem album, ad differentiam illius quod

*Zinziberis  
boni nota*



quod videtur esse rubei coloris: quod quidem nō est purum, sed tinctum cum quodam bolo, non Armeno (vt dicūt) atq; vtiā esset, quoniā inde minus malum proueniret: sed cum bolo Apulia, seu alterius loci nostrae regionis. Tinguunt autem ipsum, non vt bonificetur, sed vt sit magis ponderosum, & vt impleantur foramina vermiculorum, ne videatur perforatum, & non recens. Excusantes enim malitiam dicūt, quod ad meliorem ipsius conseruationem hoc faciunt. Attamen nos experti sumus, quod ita corroditur à tineis tinctum, sicut & non tinctum. Primum nempe zinziber est album, & quod quaerit Author in praesenti & sequenti descriptionibus, & alijs locis. Vnde sequitur, quod tinctū siue rubrum & non album zinziber, non est admittendū ad medicinae usum. Mundum autem posuit Author, vt radatur cortex eius, eo modo quo in Secacul condito, dixit fieri in radicibus ipsius secacul. Recens autem cum scripsit, dupliciter intellexit, scilicet strictē & largē: strictē quidem intellexit virēs, quod aliās iam dixerat accipiendum si haberi potest. Largē autem intellexit recens, omne illud quod non est corrosum à vermibus, quā quidem vermium corrosio, in qualibet re est patēs & manifestū signum alicuius vetustatis. Igitur recens, id est non putre, seu à vermibus corrosum.

*Confectio de Zinzibere &c.* XCIX.



ST nempe in descriptione praesentis confectio-  
nis de zinzibere, vniuersaliter per omnes impres-  
siones, vnus error valde notabilis. Videlicet vbi le-  
gitur: Aquae infusionis zucchari quātum sufficit.  
O magnum dedecus! O ignorantia crassa aroma-  
tiorum (nolumus dicere & medicorum) legere & audire tales  
& cōsimiles patentes errores in libris medicinae, & non corrige-  
re neque intelligere! Quae temeritas est ista, quaerere zucchari in-  
fusionem? Quo autore scribitur zuccharum aut mel, aut rob,  
aut simile infusum? Et posito casu quod posset fieri, ad quid pro-  
sequens Author dicit: Distemperetur zuccharum cum aqua &  
melle dictis, & coquatur vsque dum sufficit? Verecundamur cer-  
te in his nugis prolōgare sermonem, & tamē est necessariū. Non  
enim quaerit Author aquam infusionis zucchari, quam nūquam  
in mente habuit, sed quaerit infusionem zinziberis. Talis nanq;  
error, cum alijs pluribus, à minus peritis librarijs (vt credimus)  
originem traxit. Qui in exemplaribus, è quibus transsumebant,

inuenientes dictionem illā abbreviatam, sic 33. (vt in quibusdam nos legimus) falso arbitrati sunt significare zuccharū. Quæ quidam abbreviatura, non solum in antiquis exemplaribus, verum etiam & in excusis libris passim legitur, & semper pro zinzibere posita. Etenim in dictione zucchari, non sunt duo zz, vt exinde possit illa abbreviatura significare zuccharū. Veruntamen in rei veritate, adhuc plura extant exēplaria, quæ nō abbreviate, sed per literas planè habent scriptū: Aquæ infusionis zinziberis, &c. Et similiter legimus impressum in Nicolao Præposito, & est in litera D, post Diazinziberis domini Nicolai. Vnde &c.

*Bauciæ condita &c.* C.

*Acorus conditus &c.* C I.



IN Diafatyrione, & in triphera muscata de Baucia satis dictum est, propterea quære ibi. Acorus tam masculini, quàm fœmini, & Acorum neutri generis legitur apud diuersos Authores. Lege de eo in Dia omorafia.

*Zuccharum rosatum &c.* C II.



NOTANDA nobis videtur in huius zucchari rosati descriptione quædam communis aromatariorum abusus in parâdo ipsum. Videlicet, quod accipiunt rosarum flores in principio apertionū suarum, & vixdum partē aliquam suæ rubedinis præferentes. Non attendētes, quod dicit author: Et sint rosæ habētes medietatem inter completionem & acerbitatem. Quapropter

*Rosati faci-* non bene agunt, quia debent esse ipsi flores proprie mediocri-  
*chari modi* tatem habētes sic, quod non sint ita clausi & acerbi, quod careāt  
*& proprie* odore: nec ita aperti & maturi, quod videantur illi pili crocei  
*tates.* qui sunt in medio rosæ. Non obstaute, quod potest etiam particulariter fieri zuccharum rosatum ex ipsis rosarū floribus clausis, scilicet quando incipiunt erumpere & aperire calices suos, & videtur aliquid de rubedine foliorum ad magis stipticandum, vt ipse Author scribit, dicens: Et quidam faciunt illud cum rosis non habentibus aliquid de cōpletione, & inuenitur magis stipticum. Sed tale zuccharum nō est dandum omnibus indifferēter, sed illis duntaxat, quibus conuenit stipticatio, & cōstipatio ventris. Et quantò magis ipsi flores sunt clausi siue immaturi, tantò magis zuccharum factum ex ipsis fit stipticum, & ecōtrā. Igitur hoc in loco & similibus, flores rosarum debent esse semiaperti,

& me

& medium statum ipsorum tenentes. In confectiōe galliæ sebeliæ autem (vt infrà dicemus) & consimilibus locis, debent habere principium tantum. In oleo rosato verò & similibus locis in quibus rosæ completæ petuntur, debent habere finem apertionis ipsorum florum. Sunt præterea & alij modi faciendi zuccharum rosatum, vt est cum zuccharo syrupizato, &c. vel (vt Neapolitani vtuntur) cum succo rosarum sine folijs, quod licet sit delicatius ad comedendum, nescimus tamen, an sit melius pro infirmis.

*Zuccharum violatum &c.* CIII.

*Zuccharum buglossatum &c.* CIIII.

**D**ESCRPTIONES istæ sunt claræ, hoc tamē notandū in zuccharo violato, quod cum dicit Author: Indigent tamen violæ expansione longiori. monet nos debere expandere violas ipsas super tabulas, & permittere eas desiccari longiori temporis spatio, quàm rosas: ob id, quia violæ sunt rosis humidiores. Oportet ergo vt ipse violæ sint semisiccæ, antequam zuccharo immisceantur. Flores etiam buglossæ, vt violæ desiccandi sunt, quia Author in eius descriptione, dicit: Et modus eius est sicut zuccharum violatum. Non enim dixit rosatū, vt fecit in zuccharo violato & zuccharo alchilil, sed dixit violatū, pro illa clausula, quæ particulariter est pro violis posita, scilicet quod ipsæ violæ indigent expansione longiori.

*Zuccharum Alchilil &c.* CV.

**N**ON enim zuccharum Alchilil est zuccharū boraginatum, vt dicit Christophorus de Honestis. Et licet Alchilil, Alchilil, & consimilia multa à diuersis diuersimodè exponantur, vt in cōfessione Alcanzi diximus, veruntamen hoc in loco alchilil, & similiter in melle alchilil infrà, pro floribus roris marini intelligendum est. Et in hoc concordant Manardus, & Luminare Maius, & etiam Pandectarius in litera kinkil, & alij plures. Nusquam enim legimus boraginem fugare ventositates, vt in ista descriptione habetur. Quamobrem alchilil non potest hīc significare boraginem. Præterea sunt nonnulli obijcientes, quod apud filium Mesuæ nō reperitur aliàs zuccharum boraginatum, ergo zuccharū alchilil est illud. Ad hāc obiectionē, prius negādo consequentiam, respondemus, quod filius Mesuæ non omnia, sed tantummodo aliqua magis necessaria descripsit.

Quod

Quodquidem probatur per ipsum Authorem in præfatione sequentis distinctionis, ubi testatur se non omnia, sed tantum famosiora scripsisse. Quod indubie de singulis distinctionibus potest intelligi. Quapropter cum scripserit zuccharum buglossatum, tanquam non multum necessarium, dimisit boraginato, quia zuccharum buglossatum habet easdem virtutes, & est efficacius boraginato in omnibus. Et ideo consequentia supradicta nihil valet, quia cum plura dimiserit, idem de vnoquoque dimisso potest ei, quod ipsi dicunt de zuccharo boraginato. Vt exempli gratia: Author ipse non scripsit zuccharum maluatum, ergo zuccharum alchilil est zuccharum maluatum. Et sic de singulis, quæ omnia sunt dubia &c. De achilil autem, & consimilibus, lege in dicta confectione Alcanzi.

*Mel rosatum &c.* CVI.



**T**RIPlicem modum parandi mel rosatum docet nos Author in præfatione. Primus igitur modus est, ex folijs rosarum & melle. Secundus verò, sine folijs, ex succo ipsorum foliorum tantum, & melle. Et hic secundus modus potest connumerari inter syrupos simplices. Tertius autem ex folijs, & succo insimul, & melle. Veruntamen sciendum quod in huius tertij modi descriptione, per omnes impressiones, sunt duo mēda. Primum videlicet ubi legitur: Et sunt qui ponunt foliorum partem j. s. Legendum est rectius: Foliorum partem j. quia illa media pars à librarijs addita est descriptioni. Aliud mēdum est ubi legitur: Mellis partes ij. Est enim hæc lectio diminuta in vna parte. Verius ergo legendum est: Mellis partes iij. quia sic est secundum veritatem. Sic enim legitur in exemplaribus antiquis. Et sunt qui ponunt foliorum partem j. succi partem j. s. mellis partes iij. Errores nanque dicti, peritis viris manifesti sunt. Quia si Author in primo modo, pro qualibet foliorum parte, posuit mellis partes iij. hic ergo pro vna parte & semis ipsorum foliorum, male posuisset mellis partes ij. Vbi secundum primam regulam, quatuor partes cum diuidia conueniunt. Et non putet quis quia recipit succū, ideo minus debet de melle recipere: quia & hoc esset falsum. Imò econtrā, propter succi vigorem debet siue potest plus de melle suscipere &c. Etenim succus consumendus est totus in melle prius, post cuius consumptionem mel ipsum miscendum est cum folijs rosarum dictis.

*Mel uiolatum &c. CVII.*

*Mel buglossatum &c. CVIII.*

*Mel Alchilil &c. CIX.*



IN ISTIS nempe descriptionibus non est dubium. Mel alchilil autem est mel de floribus roris marini. Sed notandum quod præter præfata cōdita, de consimili multa alia, atque diuersa possunt condiri: videlicet & flores, & folia, & fructus, & radices, & similia.

## DISTINCTIO QUINTA.

*Quinta distinctio est de speciebus lohoc, de quibus &c. CX.*



VIVSMODI confectiones viscosæ seu mucilaginosæ, Græcè secundum Syontinum, & Plinium, Ecligmata, siue eligmata, secundum alios autem ecligmata vocantur. Ait enim Plinius cap. 22. libro 20. cum de femine lini pertractat: Ad phthisin vtilissimè è femine fiunt ecligmata. Et ideo sic dicuntur, quoniam non comeduntur, neque deuorantur vt cataportia, sed ipsas confectiones in ore tenentes, quod paulatim eliquatur, continuo lingendo sorbemus.

*Lohoc de pino &c. CXI.*



VNT in præsentī descriptione duæ mende. Prima, videlicet ubi legitur (per impressos libros supple) Granorum pini 3. xxx. lege rectius 3. xx. Altera menda est, ubi legitur: Mellis passularū &c. ana. 3. iij. Lege verius, ana 3. iij. Sunt etenim librariorum errores. In omnibus autem antiquis exemplaribus, est vt diximus. Auicenna quidē in quinto tractatu secundæ summæ quinti cān. habet vnā descriptionem Lohoc de pino. Filius Serapionis etiā in septimo sui Breuiarij habet vnā descriptionē Lohoc de granis pini. Hali Abbas quoq; in decimo practice habet suā descriptionem. Omnes tamen differunt ab ista.

*De Amylo.*

**A** Mylum res nota. Fit autē ex tritico, hordeo, filigine, Zea, & Amylū ab-  
similinus pluribus. Sed absolute scriptū, semper triticeū solū.  
intelligi

*Trimestre  
triticum.*

telligitur: & maximè quod fit ex trimestri tritico, à Dioscoride commendatur. Trimestre autem triticum, siue trimense (vt Isidorus 17. etymologiarum libro scribit) dicitur, quia satù post tres menses colligitur. Et propriè est illud quod vulgò martiolinum siue martiollum vocamus, ex eo quòd Martio mense feritur. Modus autem faciendi amylum, & à Dioscoride & ab alijs pluribus clarè notatur.

*De Lilio cœlesti, siue de Iride.*

*Herbalilia  
ls.*

**I**reos à multis vocitatur, est herba pluribus nascentis regionibus: sed à Dioscoride, & alijs pluribus, Illyrica magis commendatur. A nonnullis herba lilialis, & lilium dicitur. Apuli autem vulgò spatulam appellant, sed non fortidam. Sunt etenim illius plures species, sed à nostro Authore capitulo de ireos, duæ tantum notantur. Qui Author ponit ipsarum specierum differentias, in florum diuersitate, scilicet quòd vna species producit florem album, quæ & vocatur ab eo lilium album, siue ireos album. Altera autem facit florem purpureum, siue cœlestem, quod ab eo appellatur lilium purpureum, siue lilium cœlestem, siue ireos purpureum: vt hic, & in pilulis de agarico &c. Et hæc species (vt ipse testatur) est fortior altera, in omni re. Et hæc quidem quæ, vt diximus, gerit florem cœlestem, lineatum ex croceo & albo, arcum cœlestem cum aliqua similitudine imitantem (vnde & ipsa iris dicitur) est illa species, ex qua Author quærit radices in præfenti descriptione, dicens: Radicum lilij cœlestis &c. Et hæc præfatæ species passim reperiuntur, quarum radices in nostra Italia cum siccantur, ita rugosæ & parvæ deueniunt, quòd vix præter corticem (si cum ipso cortice siccantur) habent intus quid parum de sua interiori parte, seu pulpa, quæ est alba & odorifera. Sine cortice verò, quasi ad nihilum rediguntur, cum siccantur. Quæ autem radices huiusmodi è plagis Orientalibus deferuntur decorticatæ, & siccæ: sunt carnosæ, & lenes, tanquàm si tunc recentissimè fuissent collectæ, quapropter nostratibus meliores iudicantur. Huiusmodi enim plantæ, ferè omnibus notæ sunt. Quæ autem Illyrica dicitur, est species in Illyria, id est in Sclauonia nascentis, & est illa quam Dioscorides meliorè esse testatur. Ipsa autem quam in nostro horto habemus, florem gerit magis quam ireos, diuersi colorem, lineatum, viridem, siue ad croceum inclinantem & purpureum, siue cœlestem & rubeum, vt est cœlestis arcus, id est iris. Folia enim exiliora, nec non & minores radices,

sed

fed virtutes (vt putamus) maiores, quàm dictum ireos habet. Est etiamnum (præter præfatam) in Illyria & altera iris, nostrati similis. Quapropter quodcumq; ireos reperitur scriptum abso-<sup>Ireos absolue</sup>lutè, scilicet quòd non specificatur de albo, semper purpureū est lutè. ponendum. Et si haberi poterit de Illyrico, administretur: sin autem Orientale, vel nostratū substituendum erit. Similiter quodcumque reperitur scriptum ireos, & non specificatur de flore, semper radix intelligi debet. Folia enim (quòd sciamus) non habentur in vsu. Item, si quærat aqua ireos, & non præcisè scribitur sublimata, semper succus radicum, vel saltem decoctio ipsarum (vbi deficiunt virentes radices) debet intelligi. Hoc etiam notandum in radicibus ireos, scilicet quòd recentes quasi in odore iudicantur: siccæ autem maximum & suauem spirant odorem. Imò quantò magis senescunt, & à vermiculis corroduuntur, tantò magis odoratiores sunt.

## De Butyro.

**Q**uid sit Butyrum, quasi à nemine ignoratur. Sed quia duplex est, scilicet vaccinum, & bubalinum: ideo quando reperitur butyrū absolute (vt in præsentī descriptione <sup>Butyrum absolute</sup> ne semper de bouino, & vaccino intelligendū est. Nec auscultādi sunt illi qui dicunt, quòd bubalinum est medicinale: vaccinū autem pro cibariis vsu tantum. Quia probatur contrarium, cum sæpius reperiatur butyrum vaccinum speciatim in compositionibus pharmacorum, quàm bubalinum. Vt exempli gratia, in præsentī antidotario: videlicet in Diasatyrione, & in triphera saracenicā, & in triphera maiori ex arte Fenonis, & in triphera minori descriptione cognita, & in confectiōe anacardina, & alijs pluribus locis. Igitur vaccinum est intelligendum, in nō specificato butyro, & semper recens.

## Lohoc de paupere, &amp; est Diapapauer &amp;c. CXII.



**E**ST ETIAM in præsentī descriptione vnuslibrariorum error per omnes impressiōes, qui licet sit paruus, tamen volumus, vt ipse non remaneat intactus. Igitur vbi legitur: Amyli 3.iiij. Lege rectius 3.iiij. vt in antiquis exemplaribus est scriptum. Et sic est verū. Nam si fuissent dicti amyli 3.iiij. nō essent per Authorem separatim posite ab immediatē sequenti ana: quod similiter est 3.iiij. Etenim nonnulli ex iunioribus rei veritatem ignorantes, legentes amyli 3.iiij. seminis portulacæ &c. ana 3.iiij. conclu

concluserunt omnia vnico ana. Verū tamen nō est ita, sed anyli 3.iii. Præterea legitur in fine descriptionis: Syrupi de papauere quantum sufficit, scilicet ad conficiendum ipsum lohoc. Sed vt ne quis dubitet in ipso syrupo, de quo fit intelligendum: quia ipsa Author in distinctione de syrupis habet duas syrupi de papauere descriptiones, & in practica alias plures, subiunxit descriptionem ipsius syrupi, dicens: Et sit propriè syrupus ex capitibus papaueris albi, & nigri, & semine lactuæ, & violis. Et licet ex his rebus dicat conficiendum esse ipsum syrupum, tamen ab ipso nō notatur quantitas rerum, nec si in aqua, vel in alio liquore debet fieri ipsarum rerum decoctio, neque si cum zuccharo, aut melle, aut alia re simili ipse syrupus sit conficiendus. Quia in re considerandum est, quòd Author scripserit, tanquam peritis, qui possent & scirent absque alia declaratione, habitis tantum primis principijs necessarijs, ad aliorum syruporum exempla, conficere ipsum syrupum. Igitur (vt aliàs diximus) debet quilibet aromatarius in omnibus rebus dubijs semper seruare mediocrem modum, vt non nimis multum deuiet à recto tramite intentionis ipsius Authoris. Quamobrem ad considerationem aliorum infra scriptorum syruporum de papauere, conficiendus est iste syrupus: quia & ipse etiam de papauere inscribitur. Igitur de bono peritorum medicorum consilio ipsius compositio taliter limitatur: Recipe capitum papauerū alborum, & nigrorū, vnā cum semine ipsorū, ana lb.s. Seminis lactuæ, & florum violarum, ana 3.j.s. bulliant in sufficienti aquæ quantitate, donec percocta sint ipsa papauerum capita, deinde exprimantur, & cum zucchari & penidiarū, ana lb.j. fiat syrupus. Et hæc quantitas est satis pro conficiendo isto lohoc. Vidimus nempe huiusmodi syrupi compositiones positas à Lumine apothecariorum, & Thesauro aromatariorū, quæ nobis non placuerunt. Nimis parum certè posuerunt de ipsis rebus, ad zucchari quantitatem. Nec capita papauerum bene commensurātur per manipulos, quia si accipis manipulum medium ex ipsis capitibus papaueris albi absq; ipsorum pediculis seu stipitibus (vt putamus ipsos intellexisse) non amplius quàm vnum de magnis, vel duo de minimis, pro manipulo illo semipleno accipies. Quam quantitatem, non est qui non cognoscat esse minimam, & insufficientem, respectu proportionis aquæ & zucchari. Si autem per pedicillos, & maxime longiores manipulare velis, magnam ipsorum capitū copiam sumes, & quatuor libræ aquæ non sufficient, & per consequens malè: ergo &c. De papauere autem,



autem, require in syrupo de papauere secundo.

*Modus confectiois de iacur, secundum intentionem Galeni, & est Diacodion purum &c. CXIII.*



**D**IACODION, quod est præsens cōfectio, & cōfectio de iacur, idem significant quod cōfectio, seu cōpositio ex papauere. Author enim noster in hac sua descriptione succinctè habet, quicquid longioribus sermonibus filius Serapionis & Auicenna, siue vter ipsorum in duabus descriptionibus habet. Non obstante, quòd Auicenna in numero papauerum, in ipsis descriptionibus, longè differat ab alijs. Ponit autè Author ipsam confectio-nem, in hoc distinctione. Filius Serapionis autem, & Auicenna, inter syrupos suas huiusmodi confectioes collocarunt. Initia autem in Auicenna, in v. cañ. sunt hæc: Syrupus de papauere. & Descriptio syrupi de papauere alia. Filius Serapionis verò in vij. sui Breuiarij, cap. de syrups, post mediū, facit longum sermonem de hoc diacodio puro. Principium descriptionis eius est: Permissio facta cū papauere puro, quam nominant Græci Diacodion: & Syrii, Diacode. Et est ex sermone descriptionis Galeni. Recipe aquæ lb. j. s. & proijciatur in eam papauera decem &c. Post cuius descriptionem, immediatè sequitur alia descriptio, quam nominat Diacode compositum, &c. Vtraq; enim descriptio substantialiter & succinctè (vt diximus) est in ista filij Mesuæ. Vnde primò ponitur Diacodium purum, & sequitur vsque: Si autem velis vt sit retetium naturæ &c. Quod est principiū Diacodij compositi. In quo Diacodio composito habetur ( vt in libris impressis legitur ) heufistidos, siue heufistidos, vel hephistidos. In exemplaribus antiquis autem pro maiori parte, legitur henfistides: cæterorum verò quædam heufistides, quædam heufistides, & quædam henfistides habent. Rectius autem henfistides. Quod quidem vocabulum non significat hypocystis vt aliqui ex iunioribus volūt. In trochiscis autem de terra sigillata, Dec concedente, vbi vtrunq; ingreditur, vtrunq; declarabimus, propterea lege ibi. Est etiam in hoc diacode cōposito, per omnes dictos libros impressos: Rami 3. iij. quod quidem in paucis exemplaribus inuenimus. Nec est apud filium Serapionis, neq; apud Auicennam. Quapropter consulendi sunt medici, vtrum sit admittendum, an non. Nos autem signauimus ipsum in descriptione, vt aromatarius in consiciendo animaduertat, & faciat quod re-

etum fuerit iudicatum. De ramic quare in distinctione de trochiscis, Ponit etiam Author, autoritate filij Serapionis, in fine de Aegritudinibus pectoris & pulmonis, vnam aliam descriptionem confectionis iacur, quæ multum differt ab ista.

De Sextario.

**S**extarius quidem, siue sextarium, apud varios Autores, variè & multipliciter exponitur: hoc tamen in loco pro lb. j. s. capitur. Tantundè enim habet filius Serapionis in sua descriptione. Sextarius enim & metreta non differunt.

De Acacia, Gummi arabico, & Gummi tragacanthi.

**V**era namq; acacia in partibus nostris ignoratur. Vrinur autem acacia fictitia scilicet ex condensato succo pruneolorum syluestrium, quæ in quibusdam locis Italie (vt in Apulia) *Acacia vera* Trigne, siue Atrineæ ( vt Pandectarius etiam scribit) vocantur. *nam supplē-* Qui fructus sunt valde stiptici, & præcipuè cum non peruenerint ad maturitatem. Veruntamen hos fructus non credidimus *tia.* habere tantam virtutis bonitatem, quantam vera acacia habet. In defectu tamen veræ acaciæ possumus dicta ex pruneolis vti, vel succo seminis aut foliorum sumach, quod est Rhus, vt per Dioscoridem capitulo de Rhoë, & per plures alios Autores affirmatur. Et secundu alios potest poni loco acaciæ succus lentisici, vel hypocistis: vt etiam per Dioscoridem probatur, capitulo de lentisco, & capitulo de hypocistide. Præterea incidenter, & non incogruè, nobis visum est hoc in loco de gummi arabico, & gummi tragacanthi, siue (vt dicunt) dragati, vel dragaganti barbarè, aliquid enarrare. Et primo de gummi arabico. Habetur nempe per Serapionem cap. xciiij. & per alios plures, quod arbor acaciæ (quam ipse Serapio vocat spinam Babylonicam) producit gummi Arabicum: quod capitulum ad litteram est idem capitulum Dioscoridis de acacia, excepto quod Dioscorides pro Babylonica, scribit Aegyptia, & dicit quod producit gummi: sed non specificat de Arabico, siue de alio. Andreas Bellunenensis autem in suis interpretationibus, in litera Alcarad, dicit sic: Alcarad, vel Alchard, est fructus arboris spinosæ in Aegypto, & in regione dicta Bassiera, & talis arbor ab Aegyptijs appellatur Setan: & licet ex hac arbore colligatur gummi simile Arabico, tamen gummi Arabicum est illud, quod colligitur ex arbore dicta Amgailam, & acacia fit ex fructu arboris Setan: qui fructus, Alchard appellatur, & est fructus stipticus in vaginis. Hæc ille. Ex dictis igitur contigit dubitari, an sit verum gummi Arabicum, quo

*Gummi arabicum.*

quo utimur, & an arbor acaciæ ferat illud, ut Serapio scribit: siue sit altera arbor, ut Bellunenſis tradit. Et si est verum gūmi Arabicum (quo utimur) productum ex arbore acaciæ, unde ergo est, quod de ipſo gūmi exportatur in tanta copia, & de acacia, siue ex fructibus unde ipsa conficitur, nihil? Præterea dictus Serapio 239. cap. de gummi Arabico dicit idem, quod dicit Dioscorides in præfato cap. de acacia, præter quod (ut diximus) Dioscorides non specificat Arabicū. Aiunt enim ipsum esse simile vermiculis in figura sua, & quod aliquid ex eo est, ut vitrum translucens, & aliud candidū. Quas notas omnes, in eo quo pro gummi tragacanthi utimur, clare inesse videmus. Et quod gūmi tragacanthi quo utimur, non sit ipsum verū, potest suspicari, & ex eo maxime, quia dicit Dioscorides cap. de tragacantha, quod eius gummi posuitum sub lingua liqueſcit: & nos quidē experti sumus, quod hoc gummi vsuale dragagantum dictum nō liqueſcit. Nam quasi per totā diē illud in ore retenuimus, & nō est liquefactū: mollificatū autē & ingrossatū, seu dilatatū tanquā pastam, radio ducti ex ore illud expuimus. De gummi Arabico vulgari etiā experientiā sumpſimus, quod quidē in ore posuitum, breui temporis spatio penitus liquefactū linctu deglutiuius. si quis autē his dictis nō acquiescet animus, facillimē, quod diximus, experiri potest. Sed non per hoc absolute dicimus hoc vel illud, verū vel falsum esse. Sed q̄ proculdubio vtrūq; suspectū habemus, & putamus quod alterū pro altero recipiatur ad medicinæ vsum: veruntamē prouidentioribus nobis relinquimus hoc, cū alijs pluribus discutiendū.

*Modus confectionis de moris, & est Diamoron,  
siue Diamorum &c. CXIIII.*

*De Moris, & Rubis, & Sycomoro.*



ABENTVR nempe in præſenti descriptione diamorum species, ut in ipsa legitur. Prima autem, quam dicit currere secundum semitā ficus, à quibusdam iunioribus (quorum vnus Brasaulus, in suo syruporum examine, cum declarat capitulū mororum Auicennæ) dicitur esse sycomorus, scilicet ficus Aegyptia: quæ quidem hodie vulgò Hierosolymis ficus Pharaonis vocatur. Veruntamen talis declaratio nō potest stare cum præſenti descriptione: quia fructus sycomori non conueniunt huic confectioni. Nam plures sunt Authores (præter filium Mesuræ) qui ponunt Diamori compositiones, ut Galenus, Paulus, Alexander,

Ioānes Serap. Hali Abbas, Nicolaus, & cæteri. Nullus autem ipso-  
rum est, qui habeat fructus sycomori in huiusmodi cōpositioni-  
bus: & per consequēs nō est credibile, filiū Mesuæ posuisse in hoc  
suo Diamoro. Nos autē certē tenemus, quod morus quæ currit  
secundū semitā ficus, sit morus celsus. Et similiter morus de sce-  
mi, est morus celsus. Non obstante quod in multis locis, minus  
rectē pro scemi, legatur seni, vel sceni. vnde Bellunenſis in capitu.  
Auicennæ emendans scripsit scemi. Sed dicit aliquis: Si morus,  
quæ currit secundū semitā ficus, & morus de scemi, sunt vnum &  
idem: ergo filius Mesuæ in præſenti descriptione, bis posuit idem,  
quod nō est credendū. Ad hoc respondendū, quod Author bene  
posuit, sed librarij malē scripserunt, & impresserunt. Et librario-  
rum errores nō sunt imputandi Authori operis. Vnde sciendum  
quod ibi est menda in codice, & nec de scemi, nec de seni, nec de  
sceni legendum est: sed de sente, vt in pluribus de antiquioribus  
exēplariis inuenimus clarē descriptū: in quibus etiā nō legitur  
illud dulciū, quod est per omnes impressiōnes, & per aliqua mi-  
nus correctā exēplaria, post expressiōnis mororū, in præſenti de-  
scriptione. Vnde vera lectio talis est: Recipe expressiōnis mororū,  
quæ currūt secundū semitā ficus: & mororū de sente, ana &c. Sē-  
tes enim siue sentis, & rubus, Latine idē est: Græcē autē batos dici-  
tur. Et q̄ mora de scemi sunt mora celsi, probatur per dictū Bellu-  
nēsem, qui in suis interpretationibus, dicit: Mora scemi, sunt mo-  
ra nigra saporis muzi. Et per cap. Auicennæ, vbi clarē per morū  
de scemi scribitur morū celsi nigrū, saporis muzi. Et iā per Autho-  
rē nostrū, in cap. de synāchia gutturis, vbi habet plures Diamori  
cōpositiones: & in prima, quæ est similis huic, quā ponit authori-  
tate Alexandri, dicit: Accipe succi mororū de scemi, mediocrium  
in maturatione & acerbitate, & mororū rubi &c. Vnde vbi hīc  
habet succū mororū, quæ currunt secundū semitā ficus, ibi habet  
succū mororū de scemi, quod est idē. Et vbi hīc habet succū mo-  
rorum de sente, ibi habet succum mororū rubi, quod similiter est  
idē. ergo &c. Sed aduertendū quod Auicenna ponit in suo capit.  
de moris, duas mori species, quæ sunt duo celsi genera: videlicet  
albū, & nigrū, Vnde vnū, quod dicit esse alfrsedu, siue alferſad,  
vel alfarſad, vt Bellunēſis scripsit: est celsum albū, quod est dulce  
&c. Et quod sit celsum albū, declaratur per dictū Bellunenſem in  
suis interpretationibus, cū in literā A, dicit: Alfarſad est arbor  
mororū dulcium alborū. Et in literā M, Mora Alfarſad sunt mo-  
ra alba dulcia. Alterū genus, quod vocat morū de scemi, est cel-  
sum

Sentis.  
Rubus.  
Batos.

Mora celsi.

sum nigrū, quod cūm est maturum, est saporis muzi, scilicet inter acre & dulce. Vnde in textu ipsius Auicennæ, mēdosē pro muzo, legebatur amarū, quod dictus Bellunēsis emendauit. Et hæc species est illa quam quærunť Authores in Diamori compositione. Supradictam autē dulcē minimē, quia (vt probatur per Auicennam) ipsa dulcis, est mali nutrimenti: & nō nominauit ipsam inter medicinas gutturis, & oris. Ex quo etiā probatur esse mēdosum in præsentī descriptione filij Mesuæ illud dulcium, de quo suprà diximus, & malē legebatur: Recipe expressionis mororum dulcium: quia mora dulcia (vt diximus) sunt alba: quæ non conueniunt, &c. Et ambæ istę species currunt secundū semitam ficus, scilicet in processu arborū, non autē in maturatione, vt in Auicenna legitur. Vbi putamus textum esse mēdosum, eo maximē, quod ibi videtur tantūmodo de alba loqui, quod currit secundū semitam ficus in maturatione. Attamen scitur, quod neutra maturatur cum ficu &c. Et quod celsus alba, siue Alfrsedu Auicennæ nō sit sycomorus, scilicet ficus Aegyptia, probatur per ipsum Auicennam in cap. de ficubus, in quo describit ficum Aegyptiani, id est sycomorum, sub barbaro vocabulo, Iumeiz, siue Aliumeiz, siue vt Bellunenſis scripsit, Giumeizi. Et quod giumeizi, siue giemizi sit Pharaonis ficus, id est sycomorus, probatur per Bellunenſem præſatum, in ſuis interpretationibus dicentem: Ficus algiumeizi, vel algiemizi, est ficus Pharaonis. Et tales non oriuntur in ramis subtilibus, iuxta folia vt alij fici, sed in trunco, & in ramis grossis. Hæc ille. Et certē rationabiliter sycomorus potius connumerari debet inter ficorū genera (cūm ſit & ipsa ficus) quā inter mororū species. Non obſtāt, quod Theophrastus 2. capite quartilibri de historia plantarū morū vocet, & dicat ipsam esse ſimilē noſtrati moro. Quod autē dixit Author, qđ currit secundū semitā ficus, hoc expreſſe patet in celfo moro, scilicet qđ in folijs, & caudice perquā maxime aſſimilatur fico. Vnde etiā & ſycaminū Græcē dicitur. Ergo morus quē currit secundū semitā ficus, est morus celsus, & nō sycomorus. Alia autē species, siue aliud genus mororū, quod intrat præſentē cōfectionē, est morū de ſente, id est de rubo. Pro quo ſciendū qđ aliqua rubi siue bati genera, cōnumerantur inter mororū species, siue genera. Et animaduerte, qđ non diximus omnia rubi, siue ſentis genera, quia rubus canis, siue ſentes canis, id est cynosbatos, licet ſit genus rubi, attamē non debet cōnumerari in generibus mori. Nō obſtante qđ à nonnullis abufuē fructus cynosbati, id est canini rubi, moro vocētur: vt in dicto

nūcio ba-

Rubus ca-

ninus.

*Mororum**genera.**Rubus mo-**sylleticus.**Rubus moy-**si.**Rubus**idens.*

Brasauli syruporum examine, vbi 101. numero sene loquēte legi-  
tur: Nos moris idēi rubi, & rubi canis indiscriminatim vtinur.  
Et num. 105. ipse Brasaulus loquens dicit: Rubi canini morū ma-  
gis adstringit, quā humilis rubi. Illa autē rubi genera, quē mora  
producūt, tria sunt. Primū genus absolutē rubus, siue sentes, vel  
sentis, vel sentix, siue batos, siue rubus mosylleticus, id est Rubus  
Mosy dicitur. Et vocatur rubus Mosy ex eo (vt sacra testatur pa-  
gina) quod in ipso flānante & non vrente, Moses Israelita supra  
Sinai mōtem, Domini gloriā viderit & alloquutus fuerit. Et hoc  
genus vbiq; prouenit. Virgas emittit longissimas, quadras spinis  
aduncis plenas, quodq; genus notissimū est. Est & aliud rubi ge-  
nus, qui rubus idēus appellatur, ob id quia in Ida Cretēsi monte  
copiosissimē habetur. Et licet alijs pluribus locis nascatur, nō ta-  
men sic copiosē, vt in mōte Ida. Hic nēpe paruis atq; raris cōstat  
spinis, & sepius absq; vlla penitus spina, vt Dioscorides tradit, &  
nos testamur vidisse illū, & proprijs manibus pluries cōtrectasse  
in nostro conuētū Neapolitano, & in conuentu Barchinonense  
& ceteris vbi adhuc opere topiario circū circa claustramagna  
ipsius habetur copia. Pluries nanq; curiosē, per ipsius folia, & per  
ramos perquirēdo, nunquam valuimus in ipso vel saltē vnā mi-  
nimam spinam inuenire, nec etiā quidem signū alicuius spinei-  
tatis habet. Hic autem rubus, exceptis spinarū aculeis, in omni-  
bus alijs notis supradictis est simillimus, tenerior tamē atque pul-  
chrior. Horum duorum ruborū genera tantū à Diosc. scribun-  
tur, de illis supple qui mora producunt. Quia describit etiā & ru-  
bum canis, qui (vt diximus) licet computetur inter rubi species,  
veruntamē in ora non gignit, quia fructus eius cū maturus est,  
coralli rubedinem videtur habere: formā verō pyro paruo non  
ab similem, intus autem semē fert pilosum, austerūq; &c. Qui fru-  
ctus minimē potest morū vocari. Est etiam nū & tertium rubi ge-  
nus ferens mora, quē Theophrastus vltimo cap. libri tertij de hi-  
storia plantarū, humi rubū scribit appellari. A nostris autē par-  
uus siue humilis rubus, siue rubus cāpi, & Græcē chamæbatos di-  
citur. Huius nanq; rubi fructus, siue morū, acinis cōstat paucis,  
quinis, senisve, rarō septenis, grossioribus tamē alijs. Et huiusce-  
modi plātē fructus in omnibus. & per omnia, quæ medicīnæ vsui  
conueniūt, supradictis est potērior. Quapropter in cōpōsitione  
Diamori; ipse semper, si valeat reperiri, pro batino moro admini-  
strādus erit. Eius quidē planta nō altē assurgit, sed quasi rep tādō  
per terrā vbiq; diffundit ramos, qui rami siue surculi sunt valde  
tenuēs,

*Rubus cam-**pi.**Chamæba-**tos.*

tenues, & vt in plurimis rotūdi & longissimi: ob quæ, scilicet longitudinem & tenuitatē, nō valent stare, sed in terrā se sternētes, quocunq; ipsā tangūt, radices emittūt. Ipsi quoq; furculi quādoq; aduncis, quandoq; rectis fulciūtur aculeis. Et hoc genus rubi sub nomine rhamni scribitur ab Authore nostro in dicto cap. de synāchia gutturis, vbi authoritate Alexādri, dicit: Diamorō, ex succis mororū rhamni, & propriē nō maturorum: & est stipticus ceteris, & eius operatio fortis in principio est. Et hæc dicta quidem sunt ferentia mora. Sunt præterea (vt quibusdā placet) & aliæ plantæ mora producētes, sed per similitudinē credimus sic vocari, non per proprietatē. Vt Comarus arbor, & fragaria herba &c. Nam in Virgiliana Bucolicorū textura, in tertia Ecloga, Dameta & Menalca altercātib; versum videre licet: Qui legitis flores, & humi nascentia fraga. vbi Seruius & Ascēsius cōmentantes, dicunt fraga, id est mora in herbis nascentia: quod nō nisi per similitudinē debet intelligi, alioqui falsò dixissent fraga esse mora. His deniq; visis, concludendū est Authore nostrum in hoc suo Diamoro, per mora quæ currūt secundum semitā ficus, intellexisse mora celsi, supple nigra: & per mora de sente, mora rubi. Sed per mora rubi, intelliguntur tam fructus chamæbati, quā rubi Mosy, quā rubi idæi, quorum trium sempervnū pro alio potest poni. Verūtāme (vt diximus) efficiora sunt mora chamæbati. Præterea sciendum, quod sunt aliquæ quorundā generum species, quæ in duobus, tribusve generibus conueniūt inter se. Vt exempli gratia: Aliquæ generis rubi species conueniūt in mororum & rhānorum generibus. Et ecōtrā, morus & rhānus conueniunt in genere ruborū &c. Etenim morus ex supradictis patet. De rhāno autē Plinius 14. cap. 24. libri naturalis hystorie testatur, dicens: Inter genera ruborū rhānus. Et est ille rubus parvus, scilicet humi rubus, ex cuius moris (vsuprà diximus) filius Mesuz docet fieri Dianioron stipticus. Hæc rubus canis per cōmodē, imò melius cōuenit in generibus rosarū, si rosarum genera reperiuntur: quia omnes rosarū differētiæ (vt putamus) possunt dici ruborum species. Vt nomē clatura percipitur, & res ipsa demonstrat. Vnde rosa, quasi rubosa per syncopā dicitur. Non obstat quod velint aliqui è Græco vocabulo, hoc est rhodos, sit dicta rosa. Sed hoc quibusdā non placet, quia rhodos scribitur cum aspiratione, & per d, rosa autē per s, & absq; aspiratione. Etenim si à rhodo deriuasset, rectius rhoda quā rosa nuncupanda esset. Enimvero planta rubi canis non videtur habere dissimilitudi-

Rosa.

nem aliquam, imò maximam habet similitudinē cum plantis rosæ albæ, & rosæ incarnatæ, & præcipuè cū planta rosæ damaschiniæ, siue muscatellæ vulgò dictæ. Igitur omnes ruborū & rosarū species, ad vnum tantū genus possunt deduci. Sic etiam & sycomorū in generibus mororū, & ficorū. Et similia multa. His tandem examinatis sciendū etiam quod vbi in fine præsentis descriptionis, dicit Author: Et sunt qui addūt, & propriè quādo maior vocat necessitas: aluminis, myrrhæ, croci, succi acrestæ, ana partes æquales. Intelligit de æqualitate partium ad inuicē ipsorum quatuor simplicium, videlicet aluminis &c. scilicet vt ipsa quatuor simplicia sint æqua lance appensa: nō autē illa partū æqualitas est referenda ad mororū succos, scilicet quod illa quatuor simplicia sint eodem pondere trutinanda quo & succi, quod est falsum. Quia medici est scire æqualitatem, & debitā proportionem ipsorum simplicium ad succos, scilicet quod medicus debet ordinare quantū de ipsis simplicibus æqualiter ponderatis, erit commiscendum in ipsis mororum succis, plus vel minus, secundum infirmorum necessitates. Quapropter non debet aromataris, additiones has & consimiles, antidotis & medicaminibus, nisi de medici ordinantis præcepto apponere.

*Modus confectiois de succo corticum nucum, &c.  
uocatur Grece Diacaryon &c. C X V.*



ERITIS viris præsentis confectiois descriptio est clarissima. Pro simplicioribus autē notādum, quod vbi legitur in titulo ipsius: Modus confectiois de succis nucū. Rectius legēdum est, & clarius: Modus confectiois de succo corticum nucū, vt in quibusdā vetustissimis exemplaribus inuenimus. Et certè rectius. Quia vt patet in ipsa descriptione, nō recipitur succus nucū, sed succus corticū ipsarū: exteriorū supple. Et non sunt plures succi, scilicet tanquā ex varijs generibus, aut differētijs nucū, vt de succis scribatur. Sed ex multis corticibus vnius communioris duntaxat, scilicet nucis inglandis vsualis, vnus exprimitur succus. vnde postea dicit: Accipe succi. & non succorum: ex quo rectius de succo legendū. Non obstante quod Galenus in 6. de medicamentorum cōpositione secundū locos, vocet hoc medicamentum, ex succo nucum: & non de corticibus nucū, ex quibus paratur succus. Verūtamen dicit ex succo: & non ex succis. Item vbi legitur: Decoque ipsum bullitione vna: deinde adde ei &c. Non est intelligendum



dum, cum sit quod Author taceat eius purificationē, quod non debeat aliter depurari: sed immediate post vnicū eius fauorē sit immittendū mel &c. Quod quidē est præter Authoris intētionē. Quia ipse præsupponit se loqui cum peritis, & non inscijs viris. Quapropter nō omnia, sed tantū magis necessaria ipsi cōfectioni notat, putans aromatarīū scire ipsum authorem aliās dixisse, quod vniuersaliter succi semper depurādi sunt, antequam in medicamina intromittātur. Igitur posuit tantūmodo illā vnicā bullitionē necessariā pro succi depuratione: alioqui non oportebat scribere ipsam: quia si nolauisset succum depuratum, à principio posuisset mel in ipsum &c. Et hoc notatum habeas pro omnibus consimilibus accidentibus: vt infra in lo hoc sano & experto: vbi post primā rerum decoctionē in quatuor aquæ libris, subricuit ipsarum rerum colationē & expressionē, dicens: Coquatur in lb. iij. aquæ, vsq; dum remaneāt lb. ij. & projiciātur super ea, penidiarum lb. ij. &c. Nam necessariō debet fieri expressio ipsarum rerū ante penidiarum immiſsionē. Penidix enim non sunt ponendæ cū ipsis rebus: sed in duabus libris decoctionis ipsarū sunt liquefaciendæ ac decoquendæ &c. Et sic de singulis, quæ breuitatis causa dimittimus. Hoc exemplum satis est pro omnibus similibus in quibus oporteret facere declarationem: cum expressē reperitur aliquid necessariū, ab Authore omisſum, seu nō planē declaratū.

*De Nucibus.*

**N**Vx enim à nucleo dicitur. Plura naūq; sunt nucum genera siue species, & differētiæ. Sed notandum. Licet sit generalis regula, in pluribus speciebus vnius generis, quod quando ab Authore non specificatur de ipsis, semper nobilior & melior species est accipienda. Veruntamē quælibet regula patitur aliquam exceptionem. Nam nux muscata, & nux inda, sunt nobiliores nucis iuglandis: non tamen de ipsis intelligit Author in presenti descriptione, cum de eis non specificauerit: quia quærit succum ex exterioribus corticibus nucis iuglādis, quæ est communior & vſatior omnibus alijs, cuius cortices facilius possunt haberi ob frequentem copiam arborum ipsius ferē cunctis regionibus nascentium. De hac etenim cōfectione, siue de hoc medicamento diffusè loquitur Galenus, vbi suprā diximus, & clarē & specificatē de iuglandibus nucibus intellexit. Vnde per antonomasiam quando absolute scribitur nux, intelligitur nux iuglandis vſualis. Creditur nempe Authore nostrum à Galeno accepisse præsentem cōfectionem, & quasi occultē nomē Authoris expressit, cum dixit:

Et vocatur Græcè Diacaryō: licet barbarè legatur, diacaridion. Filius autem Serapionis in 7. sui Breuiarij, videlicet in fine de syrups, sub nomine Rob, scilicet Rob de nuce. Et Hali Abbas in decimo practice etiam sub titulo Robi nucum: habent istammet confectionem, in quibusdam tamen paucis differentē. Cū descriptione autem Galeni magis concordat descriptio Autoris nostri, quā ipsorum, & ex consequenti est melior. Nux iuglandis autē notissima est. De reliquis autem generibus, siue differentijs nucū, quamvis in presentem non ingrediantur confectionem, visum est tamen nobis bonū esse de aliquibus ipsarum hoc in loco facere mentionē. Et primò de Nuce muscata, siue myristica, quæ eadem est. Hæc nempe cognoscitur, licet in partibus nostris non oriatur. Huiusmodi enim fructus cortex extimus est macis: inter macim autē & ipsam nucem est alius cortex durior, ut cortex nucis auellanae. Et quamvis ut plurimū ipsæ nuces muscate deferantur decorticate: multoties tamē exportantur cum cortice duro, necnon & cum mace supra reticulatē naturaliter concreata. Nos enim adhuc non vidimus ipsam nucē virentem, neque arborem ipsam ferentem: ex quo non possumus absolute testificari, si extra macim habeat alium corticem, an non. Est & nux quæ vocatur inda, cuius arborem similiter hucusq; nequimus noscere: fructus autem ipsius tantum, licet non in magna copia, attamen exportatur. Est enim maxima omnium nucum, & in cortice suo duro (ex quo multi formant vas ad potandum) habet à natura tanquam oculos, & os, ita quod videtur esse non fructus (ut est) sed caputalicuius animalis. Quiquidem cortex est durissimus, nigricans, triplici diuisionis signo. Intus verò habet substantiam albā, & vinctuosam, atq; boni saporis. In cuius medio, tanquam vitellus in ovo, est locus aqua clara & dulci, saporisq; non ingrati plenus, dum ipsa nux est recēs. Cum tēpore autem euanescit ipsa aqua, & locus repletur aëre, & inde fructus rācescit. Hoc enim signo (scilicet si intus est aqua, vel nō) dignoscitur recens à non recenti. Extra dictū corticem etiam habet & aliū maximum corticem, crassum, lignosum, atq; neruosum. Est nepe tantæ magnitudinis huiusmodi nux, quod vnica tantum vnā cum omnibus suis corticibus, vltra pōdus 27. librarum, testibus fide dignis presentibus, libra est. Nux Alexandrina autem, est nux iuglans supradicta. Nux Auellana cognominata etiam à nemine ferè ignoratur. Sunt namque & alieres largo modo nuces appellatæ, ut nux amygdala, quæ propriè est ipsum amygdalum: quæ & à

*Nux alexandra.*  
*drina.*

non

nonnullis nux Græca dicitur. Est & nux pinea, nux perfica, nux *Nux Græca*  
cupreisi &c. Non oportet hîc facere declarationem de eis, quia *ca*  
notiores sunt quàm vt declarari debeant. Non obstante quòd  
Pădestarius vult vt nux perfica sit nux vidualis: quoniam alij tenet,  
& rectius, quòd nux perfica sit propriè fructus persicorum. Præ-  
terea sunt & quædam aliæ res diuersæ, quæ (vt arbitramur) po-  
tius à nocendo, quàm à nucleis, nuces dicuntur. Vt est nux vomica,  
& nux methel &c. Sed sciendum quòd nux vomica, quæ & *Nux Vomica*  
stanea vomica, vel indica dicitur, tenetur esse illa quæ deferitur ex *ca*  
orientalibus plagis, quæ est velut placentula, denarij magnitudi-  
ne, albicans, depressa, & incurua. Non contrariante quòd lega-  
tur in Serapione, esse maiorem auellana, & quòd in ea sint nodi.  
Nec etiam obstante quòd in ipso Serapione & Auicenna, capi-  
tulo de nuce methel dicatur, quòd nux methel est similis nuci vo-  
micæ. Cùm expresse videatur contrarium. Forfan quòd vel vter-  
que textus sit malè trāslatus, vel ipsi intelligūt de virtutū seu pro-  
prietatū operationū similitudine: quia in alijs qualitatibus verifi-  
cantur de ipsis omnia. Nux autē methel, teste Bellunense in suis *Nux me-*  
interpretationibus, est fructus spinosus cuiusdam plantæ, quam *thel*  
vulgò vocāt Solatrū spinosum, cuius flos est albus & longus, simil-  
linus flori volubilis magnæ. Fructus autē est tanquàm nux, sed  
cortex ipsius est spinosus similis plātæ balsamina, siue momordi-  
cæ, vel characiæ vulgò dictæ. Sed est semper viridis, & nō rubescit  
vt fructus momordicæ, semperq; spectat versus terrā, & circa pe-  
dicillū habet coronulā pulcherrimā. Semen intus vt mandrago-  
ra habet, magis tamen depressum & siccū, & in maiori numero  
quàm mandragora, quod est multum stupefactium. Folia verò  
ipsius plantæ sunt simillima folijs melongenæ: ex quo & melon-  
gena sylvestris à nonnullis vocatur. Etiam ipsa folia sunt similia  
folijs solatri communis, sed sunt maiora eis. Ipsa autem planta  
ad duorum cubitorum altitudinem, & amplius erigitur: nec  
vltra annum durat, sed siccatur tota &c. Hanc plantam Leonar-  
dus Fuchsius stramoniam vocat. Sed animaduertendum, quòd *Sit. stramoniam*  
Serapio facit capitulum de nuce vomica, quod est 163. & facit  
capitulum de nuce methel, quod est 375. & facit aliud capitulum  
de nuce mechil, siue mochil, quod est 164. Quod quidem con-  
uenit multum cum descriptione de nuce methel: tamen in rei ve-  
ritate est aliud à nuce methel: & propriè est quædam planta ma-  
gna, de qua in Syria copiosè nascitur, & particulariter in deser-  
to IESV CHRISTI, scilicet vbi Dominus noster IESVS

CHRISTVS ieiunauit quadraginta diebus & quadraginta noctibus. Quæ quasi in omnibus similitur nuci methel prædictæ: sed fructus eius non est spinosus, & à pastoribus comeditur, vt plures fratres nostri Ordinis retulerunt nobis: quæ planta videbatur eis esse species solatri: quam plantam adhuc nonnulli ex Mauritanis mochil vocât, & alij aliter vulgò nominât. Sûnt & aliæ nuces descriptæ in Pâdectario & cæteris de quibus non est opus hîc facere declarationem. Postremò notandum quòd illæ variationes intentionû, quæ leguntur in fine descriptionis, sunt in arbitrio medici, & non aromatarij. Qui medicus habet apponere in ipsam confectionem illa quæ sunt magis competentia infirmitati illius patientis qui debet præfatam confectionem pro sanitate recuperanda suscipere.

*Lohoc de Squilla &c. CXVI.*



ONVENIENTIA partium quæ legitur in præfenti descriptione, intelligitur pondere, seu mensura. Et de hoc satis dictû fuit in secacul condito. Vide ibi. Scribitur nempe hoc lohoc (vt etiâ ibi diximus) in cap. de rufsi humida: & etiam tangitur ab ipso Authore, sub nomine electuarij, in cap. de squilla. vbi dicit: Electuarium ex succo eius & melle sumptum lambendo &c. Ponitur quoque & à filio Serapionis in 7. & ab Auicenna in v. cañ. cap. de allohocat. Squilla autem declarabitur, Deo duce, in aceto squillitico: vbi etiam qualiter succus eius fit excipiendus, reperies.

*Lohoc de Alfescera &c. CXVII.*



ER OMNIA ferè antiqua exëplaria præfens descriptio locatur post descriptionem lohoc sani sequentem: paucis tamen duntaxat exceptis, quæ concordant cum impressiõibus. Sed hoc nihil mali infert ipsi descriptioni, si antea vel postea describatur. Veruntamen conuenientius nobis videtur esse antea, vt est in impressiõibus, & illis paucis exemplaribus: ea propter, quia præfens lohoc concomitatur lohoc de squilla præfatum. Quoniam non solum eius virtutes: verumetiam & modum faciendi imitatur, vt textus declarat. Et scias quòd vbicunque fescera, siue fescere-

*fescera, siue fescere-* scera, siue fescere sem quæritur, si non specificatur de folijs, aut de *sem supplen* semine &c. semper de radicibus suis intelligitur, vt hîc: & in confectione alfesceræ suprà notata &c. Et hoc manifestè probatur in

in capitulo alfeiceræ ipsius filij Mesuæ: vbi de radicibus & ipsarum virtutibus tantum pertractat. In quo quidem capitulo, Authoritate filij Zesar, habetur consimile lohoc, quod in hoc tantum differt ab isto, scilicet quod pro simplici melle, recipit mel passularum. De fescera iam dictum est in confectione alfeiceræ.

*Lohoc sanum & expertum ex inuentione  
nostra &c. CXVIII.*



**L**N PRAESENTI nanque descriptione, pro cinnamomi, lege cinnami: vt est in maiori parte antiquorum exemplarium. Et scias quod ante penidiarum immisionem, quamuis ab Authore non sit notata, facienda est expressio rerum decoctarum, vt supra in modo confectionis de succo corticum nucû declarauimus. Sed sciendum etiam quod tam ista decoctio, quam omnes aliae decoctiones vbi varia ac diuersa recipiuntur simplicia, sunt gradatim faciendæ, sicut ipse Author in canonibus docet. Et particulariter in primo capitulo summæ secundæ, quod est de modis coctionum per totum. Et specialiter vbi dicit: Verum tibi superest scire medicinasque debilem coctionem suscipiunt, aut fortem &c. Quos omnes canones quilibet aromatarius deberet perfecte intelligere, ac integrè memoriter retinere: & præsertim illa quatuor capitula quæ sunt de modis coctionû, lauationum, infusionû, & triturationum. Quia ibi ponitur modus, & assignatur ratio quare non omnia simplicia indigènt æquali coctione &c. Lege etiam supra in triphera Persica, vbi planè descripsimus gradationes decoctionum medicinarum.

*Lohoc ad caliditatem &c. CXIX.*



**N**V S nempe notabilis error per omnes impressiones est in præsentī descriptione: videlicet, vbi in aliquibus legitur: Sebesten, iuiubæ, ana 3. xxv. & in alijs ana 3. xv. rectius legendum est: Sebesten, iuiubarum, ana xxv. scilicet numero. Quapropter illam dictionem, scilicet numero, ad euitandum errorem, descriptioni addidimus. Et ob hanc causam fecimus, quia in duobus ex antiquioribus exemplaribus inuenimus scriptam: in ceteris autem simpliciter & concorditer habetur: Sebesten, iuiubæ, vel iuiubarum, ana xxv. vbi subintelligitur numero. Præterea vbi habetur in præsentī descriptione, quod casta fistula sit supermittenda in ipsam decoctionē, postea cum ceteris rebus à scosis, scilicet  
ab

ab immanditijs, colanda : melius, iudicio nostro esset, si res ipsæ absque casia per se colentur, & casia prius transacta per setatium, cum rob & penidijs postea supermittatur. Etiam adhuc melius: si post decoctionem rob & penidiarum, ante commistionem farinæ fabarum commisceatur ipsa casia pulpa munda à sosis &c. Et hoc ideo: quia casia ipsa non sustinet ultra mediocrē decoctionē, & res ipsæ meliori modo possunt colari sine casia, quam cum casia, quia casia dilatando sui corpulentiam, maxime ingrossat decoctionem illam, & per consequens difficilior est ad colandum.

*De Chesmes, seu Kesmes, vel Alkesmes.*

*Chesmes.*

**C**hesmes enim &c. nil aliud sunt secundū veritatē, quam passulæ, id est vuae passæ & particulariter illæ quæ nascuntur sine arillis, quarū una vulgò dicitur vua passerina, & vua mulierū, & à nonnullis vua marina vocatur. Vnde Serapio cap. 36. de passulis, autoritate Philosophi, ait: Alkesmes: ita nominantur in lingua Feris. Et sunt passulæ sine granis: ponuntur in sole virides, & passescunt ibi sine grano, & sunt dulces. Hæc ille. Quāvis etiam & omnes vuae passæ sine arillis, vel studiosè enucleatæ, vel sine ipsis arillis natæ, generaliter possunt chesmes dici. Non obstantibus impressionibus mendosis, per quas hîc, & in pluribus alijs descriptionibus, pro chesmes legitur chermes: & econtrā in

*Brasauli error in chesmes.* aliquibus locis pro chermes est impressum chesmes. Vnde Brasaulus peritus vir, à propinquitate vocabuli, & ab ipsis incorrectis impressionibus deceptus: in suo syruporum examine, scilicet in examine primi syrupi, asserit chesmes, & chermes, vnum & idem esse, scilicet granum ex quo sericum chermesinum dictum inficitur. Adducens etiam ipse autoritatem Serapionis, ait: Inquit enim Serapio: Chesmen &c. Si autem textus Serap. apud ipsum erat mendosus, nescimus. In vno nempe exemplari & in quinque diuersis impressionibus, quas vidimus, cap. 321. legitur: Charmen, id est grana &c. Et econtrā in synonymis dicti libri legitur. Kesmes, id est passulæ parvæ, quæ non habent interiora. Et in præfatio cap. de passulis: Alkesmes legitur. Item filius ipsius Serapionis in 7. sui Breuiarii, tractatu de syrupis: in syrupo videlicet, qui incipit: Syrupus conferens pectori & mundificat pectus &c. habet sic: Passularum kesmeni dulcium carnosarū &c. Ergo chesmes non sunt grana tinctorū: & per consequens, non sunt idem chesmes & chermes. Sed re vera chesmes, siue per k, kesmes (vt plurimi testatur, & ex antiquis, vt Serap. & ceteri, & ex iunioribus vt Luminare Maius, Io. Manardus & ceteri) sunt vuae passæ absque arillis.

arillis. Chermes autem, siue charmes, siue per k, karmes. & kermes *Chermes.*  
 &c. sunt grana tinctorum: de quibus satis dictum est suprâ in  
 confectiōe alchermes. Præterea posset nobis quis ob mendosâs  
 impressiōes obijcere, quod cheimes non sint passulæ: quia Au-  
 thor noster in de ægritudinibus pectoris & pulmonis: videlicet,  
 in sermone de aqua cicerum, autoritate Haboali, habet iuleb  
 alcheimes, in quod ingrediuntur chesines & passulæ. Sic enim le-  
 gitur: Recipe alcheimes & passulas &c. Ergo &c. Ad hoc re-  
 spondemus, quod certissimè impressiōes illæ innumeris scatent  
 mendis. Et particulariter eo in loco textus est mendosus: quia in  
 nullo penitus antiquorum librorum quos vidimus est ita: nec in  
 libro de vulgari impressiōe, quem (vt aliàs diximus) aliquando  
 citamus præsupponendo exemplar ex quo translatus est ipse li-  
 ber. Nec est in Luminare Maiori, in quo etiam habetur ipsa de-  
 scriptio: sed omnes simpliciter habent, Recipe alcheimes, & bul-  
 liant &c. Illud ergo, & passulas: mendosissimè & inepte ab impe-  
 ritis librarijs & inscijs ipsorum librorum correctoribus additum  
 est, atq; stare permissum. Poterat enim esse quod in aliquo exem-  
 plari esset pro glossemate positum, sic: Recipe alcheimes, id est  
 passulas &c. At ipsi malè legentes: pro, id est passulas: impressie-  
 runt & passulas. Cassetur igitur, nec permittatur talis error esse  
 in libris tantæ autoritatis.

## De Fabis.

**F**aba quidem legumen notissimum. Sed sciendum, quod sub  
 termino, scilicet faba, plura & varia simplicia connotantur.  
 Absolutè autem ipse terminus pro illis, quæ sunt ex leguminum *Faba abso-*  
 genere, capitur, quarum (vt manifestè videmus) dux sunt species, *luè.*  
 seu differentiæ communiōes, & notiores, de quibus vel saltem de  
 altera ipsarum in præsentī descriptione Author intelligit. Quæ  
 dux species forma & virtute non differunt. Discrimen autem  
 ipsarum est, magnitudo vnius, & paruitas alterius, scilicet quod  
 vna plâta est maior altera, quæ & producit in suis siliquis seu sca-  
 pis maiores fabas: videlicet ad quantitatem vngularis iuncturæ  
 pollicis manus. Minor autem planta minores gignit fabas:  
 videlicet, pisorum vel phaseolorum magnitudinem non exce-  
 dentes. Et ex his qualibet sumi potest. Et intelligitur semper de  
 maturis & ficcis, cum fabæ petuntur, nisi aliquo modo specificetur  
 de virentibus. Alia autem fabarum genera, vt est faba lupina, quæ  
 est aconiti species, & faba Aegyptia, quæ & colocasia dicitur, non  
 oportet hîc declarare.

## Lohoc aliud nostrum de intentione hac. cxx.



VATVOR nanq; sunt in presenti descriptione annotanda. Primum, videlicet vbi per impressiones in titulo ipsius legitur: Lohoc aliud nostrum inuentione hac. rectius legendum, vt est in antiquis exemplaribus: Lohoc aliud nostrum de intentione hac, scilicet supradicta. Et ea de causa Authornō scripsit operationes istius lohoc, quia valet ad omnia ad quæ supradictum.

Secundum, vbi in ipsis impressionibus mendosis legitur: Psyllij, granatorum cytoniorum. lege correctius: Psyllij, granorum cytoniorum &c. Quia sic est in dictis exemplaribus. Et verius quidem. Non enim intrant præsentem confectionem granata, scilicet mala punica. Tertium autem, vbi legitur, dragaganti, & gummi. Pro gummi, intellige gummi Arabicum. Et semper cum absolute scribitur gummi, Arabicum est subintelligendum. Lege etiam de hoc in principio sequentis descriptionis lohoc boni. Quartum verò notandum est: vbi legitur in fine descriptionis, Papaueris albi, & triū granorū &c. Pro tribus nempe granis intelliguntur tria semina, ex quatuor seminibus maioribus frigidis. Et sic etiam supra, scilicet in Triphera Persica, pro quatuor granis, intelliguntur ipsa quatuor semina. Et infra, in trochiscis de spodio per quatuor semina, eadem intelliguntur. Sed hic aduertendū, scilicet quòd quando nō scribuntur omnia quatuor semina: tam maiora, quàm minora: tam calida, quàm frigida: sed duo, vel tria ex ipsis, nō specificata, vt in presenti descriptione, & similibus: semper de prioribus descriptis in ordine ipsorum intelligi debet. Vt exempli gratia: Semina communia maiora & frigida secundum communem vsum, hæc sunt, taliq;

*Gummi ab-*  
*solutè.*

*Semina co-*  
*munia ma-*  
*iora & fri-*  
*gida.*

*Semina co-*  
*munia mino-*  
*ra & frigi-*  
*da.*

ordine: videlicet, Melonis semen primum, Citrulli secundū, tertium Cucumeris, & quartum Cucurbitæ. Et sic in presenti lohoc, quarto semine omisso, quod est semen cucurbitæ, reliqua priora sunt accipienda. Et sic de singulis. Semina autem communia minora, & frigida, secundum magis communem æstimationem, sunt hæc: Semen lactucæ, portulacæ, plantaginis, & endimuriæ, siue scariolæ, vel cichoreæ, quæ vnum & idem significant. Semina autem communia maiora, & calida, de communi consuetudine, sunt hæc, videlicet: Semen fœniculi, cymini, fiselei, id est fileris montani, & semen carui. Minora autem semina communia, & calida: communiter tenentur hæc, scilicet selini, id est apij; vel semen petroselini, id est apij de petra. Et horum duorum quodlibet

libet



libet indiscriminatim pro primo sumi potest. Secundum semen anisi, tertium ammeos, quartum nasturtij. Et notandum quod diximus hæc omnia semina esse tali ordine posita, secundum communio-rem multorum æstimationem &c. Quoniam sunt nonnulli, qui variant & in simplicibus, & in ordine ipsorum. Vnde Pandectarius ponit absolute quinq; semina calida: nec dicit maiora, nec minora, tali quidẽ ordine. Hæc sunt, videlicet semen ammeos, anisi, carui, cymini, & sceniculi. Paulus Suardus verò ponit quatuor semina communia frigida minora, sic: semẽ endiuia, lactuca, scariola, & portulaca. Quæquidẽ in rei veritate sunt tria, & non quatuor: quia endiuia & scariola (vt aliàs diximus) nõ sunt duò diuersa: sed vnũ & idẽ. Etiã Brasauus in suo Simpliciu examine numero 223. vt Paulus Suardus scripsit ipsa quatuor semina minora frigida. Fortasse ipsi intelligunt pro endiuia, cũ vulgari plebe, lactucam syluestrem, quod similiter est malũ. Et nonnulli alij aliter variant. Insuper notandum etiam quod dicta semina respectiue dicuntur *Semina cõ-* communia, quia communẽ habent operationẽ. Quamobrem in *munia qua-* quolibet gradu nihil refert, si nõ seruetur ordo: quia indifferen- *re ita dicũ-* ter potest poni alterũ pro altero ipsorum quæ sunt in vno gradu. *tur.*

**Quia** etiam & ipse filius Mesuæ non semper seruauit vnũ & eundem ordinem: vt probatur, & præsertim de maioribus frigidis, quæ in practica sæpe specificatẽ recipiuntur omnia quatuor, & quandoq; tria, & sæpissime duo. Vnde ad faciliore lectoris cõmoditatem, exemplorũ gratia, aliqua particulariter signabimus loca, ex his in quibus Author omnia quatuor maiora frigida successiue & immediatẽ, non tamen vno & eodem ordine descripsit. Igitur in prima summa secundæ particulæ sectionis primæ, capitulo de raucedine vocis: post summarum descriptiones, in vno lo hoc filij Zesar, sic legitur: Seminum cucurbitæ, cucumeris, melonis, & citrulli. Item capitulo de asthma in cura ipsius: vide licet, in vno medicamine Zeid: sic ordinatẽ scripsit, Seminis melonis, citrulli, cucumeris, & cucurbitæ. Et inferius in quodam lo hoc, similiter ordinatẽ posuit. Item capitulo de tussi catharrhali: in Diapapauere Hamech, sic habet: Seminis cucumeris, citrulli, melonis, & cucurbitæ. Et infra in vno lo hoc Ioannis Serapionis sic: Seminis cucurbitæ, melonis, cucumeris, & citrulli. Item inferius in vno medicamine Regis Sabor, sic: Seminum cucumerum, melonum, citrullorum, cucurbitarum &c. Item in præfenti antidotario: videlicet, in Diarhodon descriptione communis, sic: Citrulli, melonis, cucumeris, cucurbitæ. Et in confectione alia

Galenī, sic: Cucumeris, cucurbitæ, citrulli, melonis. In Diasiracōst autē primum scripsit absolutē, sic: Seminum communium: hinc immediatē subiunxit ordinatē ipsorum declarationē. Et in trochiscis de camphora, & in oleo de semine cucurbitæ, & alijs in locis similiter fecit. De tribus quoq; vel duobus, infinita exempla passim reperiuntur. Sed quia de consimilibus idem est iudicium, breuitatis causā dimissimus. Veruntamen si de quolibet gradu habentur omnia quatuor, & ex eis oportet dimittere unū, vel duo, dimittantur secundū ordinem ipsorum. Et hoc intelligitur super non specificatis. Sed insuper aduerte de semine apij, quod nō intelligitur de apio palustri. Lege de eo in Diacalamēto. His igitur vitis sciendū etiam quod in nonnullis impressiōibus in præfenti descriptione, pro trium granorū, legitur trium granatorū. Emendetur locus, ne quis decipiatur, accipiendo tria genera granatorum pro tribus granis, scilicet seminibus iam dictis.

*Lohoc bonum &c. CXXI.*



VNT etiam & in præfenti descriptione per impressos libros tres errores corrigendi. Primus videlicet, ubi legitur: Dragaganti gummi &c. Ex hac enim lectione putant aliqui unū, & non duo simplicia esse. Quia cum legunt: dragaganti gummi, intelligunt tanquam si legerent, gummi dragaganti. Et certē aliquis nesciens rei veritatem, de facili in his & similibus errare potest. Sed reuera non est ita: quia è medio illarū dictionum, libriorum vitio (vt putamus) sublata est copula. Volumina nempe antiqua, vt in suprascripto lohoc, ita & in præfenti descriptione sic rectius habent: Dragagāti, & gummi. Imō nōnulla magis clarē & specificatē, sic: Dragaganti, & gummi Arabici: tamen pro maiori parte non specificatē, sed cum copula tantū. Secundus autem error est, ubi legitur: penidiarū 3. lx. lege verius 3. lxx. Eadem de causā defunt hic 3. x. quā suprà, & dicta copula. Tertius error prædictis maior est, ubi legitur: Granorū nasturtij coctōrū &c. Nam hic est duplicatus error: quia secundum istam literam, coquunt semen nasturtij quod debet esse crudū, & demūt vnum simplex ab ipsa confectiōe, vt mox patebit. Non enim est ita in exemplaribus antiquis: quia in aliquibus ipsorum sic legitur: Granorum nasturtij, cotti. Et cū puncto intermedio. In nōnullis autem sic, & cum puncto similiter, vt notamus: Nasturtij, granorū cotti. In alijs clarius sic: Granorū nasturtij, granorum cotti. In alijs quibus

quibus etiam sic: Nasturtij, granorū cottonum. Et in quibusdam aliter & aliter. In nullo autem ipsorum penitus inuenimus, sicut est in dictis impressis libris. Et putamus, quòd ex allegato ultimo exemplo error talis euenerit, scilicet quòd pro cottonū, impresserunt coctorū. Sed reuera Author non quærit hic nasturtiū coctum vllò quouis modo: sed præcipit recipi nasturtij semen crudum, vt sit magis aperitiuum, & post ipsum, & cum ipso iubet sumi grana cottonis, id est semen bambacis vulgò dictæ, quæ à *Cottonis* multis cottum, cotti: vel cotum, coti: vel cotton, cottonis dicitur: *grana.* vt apud varios Authores legitur. Et non putet quis granum cottonis non cōuenire intenuoni huius confectionis: quia vt patet apud Authores ipsum scribentes perquam maximè conuenit. Quia multum cōfert tussi, & est bonū pectori: vt Serapio in proprio cap. quod est lxvj. dicit. Et Pandectarius etiā adducit pluriū authoritates de hoc. Præterea probatur etiam valere ad id quòd diximus, non solum per ipsum Authorem filiū Mesuæ, capitulo de tussi humida: vbi in pilulis Pauli (quas retentas in ore scribit conferre ad tussim siccam) habet ipsum semen: sed etiam per Hali filium Abbas in x. practica, cap. de lahucis: in quo habet vnum labucum, id est lohoc, de semine bambacis, quod facit ad asperitatem pectoris. Et in vj. practica, cap. v. de medela tussis, habet vnū electuarium, in quo recipitur dictum bambacis, siue bombacis semen. Item in antidotario Nicolai, est syrupus cōtra pleuresim, & peripleumoniam, pro phthisicis & ethicis, in quo recipitur semen bambacis. Ergo bene recteq; est positum ab Authore in hoc lohoc ipsum semen, seu granum, quod idem est. Doctores enim nō faciunt differentiā inter granū & semen, nunc vnū, nūc aliud scribentes pro eodem. Luminare Maius autē nesciens errorem litteræ declarauit, quòd semina nasturtij per coctionem meliorantur. In qua autē virtute, seu proprietate, & quo coctionis modo, non explicauit. Si igitur secundum ipsum, per omnem coctionis modum augentur seu meliorantur cunctæ virtutes & proprietates nasturtij seminis, hoc est falsum, & contra Authore nostrum, qui in canonibus dicit, quòd vnaquæq; res si per aliquem coctionis modum augetur, seu vigoratur, in vna virtute seu proprietate minuitur, & debilitatur in altera. Et exemplū tradidit de myrobalanis &c. Lege ibi. Igitur nō assignando virtutē huic necessario vigorandam, neq; modū coctionis faciendum (videlicet si per afflationem, vel elixationem &c. quoniam plures sunt coquendi modi) verba ipsius magis obtenebrāt, quàm declarant. Thesau-

rus aromatariorum autem rectè posuit sic: seminis coti. vt in suo originali reperit. Et sic est secundum veritatem. Nam vera litera hæc est: Nasturtij, granorum cotti, seu cottonis &c.

*De Bambace seu Cottonē.*

**B** Ambax, vel bombax, acis: seu bambacium, vel bombacium, cij: seu cotton, vel cotto, nis: seu cottum, cotti: vel cotum, ti: seu cottonum, ni: & alia plura, pro vno & eodem, scilicet bambace, à iunioribus accipiuntur. Priores autem Latini, pariter Græci, xylinum, & xylum, & gosopium, siue gosipion nuncupabant. Xylon enim Græcis est nomen commune ad quodcunque lignum, & ad hoc bambacium. Inter lini genera à nonnullis ponitur. Lanugo autem ipsa (si ita dici libet) ab omnibus cognoscitur, quia in multos habetur vsus. Est enim multum similitudina bombycis serico albisimo. Planta autem ipsius non ita cognoscitur, quia non vbique prouenit: ex quo plurimi sunt & Romæ & alibi, qui eam videre peroptant. In Regno Apuliæ quidem copiosissime seritur. Gaudet calidioribus locis. Eicubitalis herba est, & ramosa, effigiem parui arbusci ferens. Radix dracantalibus, alba, atque lignosa. Folia vt vitis habet, minora valde. Flores fert mellinos, è quibus scapi ad instar nucis vsualis trifecti

*Bambacis semen quale,*

prodeunt: & in eis semen vt semen citrij, minus tamen, & ordinatè positum, lanugine dicta vndique obductum atque vestitum. Qui scapi maturationis tempore lanugine dicta intumescunt, tripartitè diuiduntur, & tanquam flos niueus, lanugo ipsa bambax, seu bombax, quasi bombix dicta, vnà cum suis granis siue seminibus scatet, ac inter defluendum colligitur. Et licet ipsa bambax sit albisima, vt nix: semen autem exterius potius trahit ad nigredinem, quàm ad albedinem: interius verò est album vinctuosum, gustusque non ingrati. Allucinantur nempe nonnulli putantes bambacem arte dealbari. Sed scitote, quòd ipsa naturaliter in supremo gradu candidissima, contrarium habet aliorum generum lini. Cum enim lauatur, non accipit (quia nec potest accipere) aliquid albedinis: sed econtrà amittit magnam partem sui niuei candoris, vt experientiam fecimus. Arte tantum separatur à granis, ex quibus multa in ipsa bambace relinquuntur. Quapropter si aliquis indigens ipsis, & aliter non potest habere, querat diligenter inter ipsam, & habebit ea. Seritur autem bambacium Februario, vel Martio mense: colligitur verò Septembri & Octobri.

*Bambax arte non dealbatur.*

Lohoc

*Lohoc ad asthma &c. CXXII.*

STVD MET lohoc etiamnum ponit Author capitulo de asthma, circa finem: & scribit ipsum ibi duplicatis ponderibus, ad proportionē istius quod est in antidotario. Quapropter monendi sunt aromatarij, vt aduertant quòd per impresiones, in præsenti descriptione, est vnum mendum: videlicet vbi legitur, Accipe succi squillæ aslætæ 3.iiij. Legendum est rectius 3.iiij. vt probatur per dictum capitulum de asthma, quod habet 3.vj. & per antiqua exemplaria quæ habent 3.iiij. Item in decimo practicæ Hali Abbas, capitulo de lahucis, habetur lahucum vtile solutioni asthmatis antiquæ, tussi &c. quod est simile huic in omnibus, præter quòd non habet myrrham & crocum. Et fortasse defuerunt illa, errore interpretis, vel librariorum. Habet autem squillæ 3.iiij. Igitur tres drachmæ ponendæ sunt, & non quatuor.

*Lohoc de amygdalis &c. CXXIII.*

IC ET non in omnibus, tamen in quibusdam impressionibus præsenti lohoc descriptio in vno mendosa probatur. videlicet, vbi in ipsis pro granorum pini, legitur granorum vini. Non enim competunt huic confectioni vinacea: id est vuarum grana, quæ per grana vini possent intelligi. Quamobrem rectius lege (vt est in cæteris libris) granorum pini. Præterea, vbi legitur in fine: Conface cum mellis & succi fœniculi bullitorum quantitate sufficienti: non intelligitur illa quantitas sufficiens, respectu proportionis mellis ad succum fœniculi, sed respectu totius confectionis. Et hoc modo intelligitur: videlicet quòd tu debes accipere succum fœniculi depuratum, & mel despumatū, & proportionabiliter sicut competit secundum artem, parare ex eis tanquam syrupum siue iuleb: scilicet quòd bulliendum est mel cum succo fœniculi vsque ad succi consumptionem. Deinde accipe ex illo melle, quantum sufficit ad conficiendum ipsum lohoc, & cætera: & sic intelligitur illa quantitas sufficiens. Regula autem proportionis succi ad mel, sumi potest à pluribus descriptionibus syruporum, & iuleb ipsius filij Mesuæ. Sed hoc non te lateat: videlicet quòd ad minus succus cuiuscunque rei, vel succi plures pro vno sumpti, siue infusiones, vel decoctiones, ad mel siue ad zuccharum, siue ad simile, debent esse in proportionē sesquialtera. Exempli gratia: quòd si mellis aut

zucchari sunt duæ libræ: succi autem, vel succorum tres libræ ponendæ sunt. Et hoc passim probari potest: quia rarissimè minus, quàm in dicta proportionè sesquialtera reperies factum ab ipso filio Mesuæ. Inò vt viderelicet, multoties in duplum, & aliquândo amplius deliquoribus ad mel, vel simile, subministrat. Præterea sciendum quòd Luminare Maius addidit ad præsentem descriptionem succum apij: quo autem iure, nescimus. Testamur Deum, quòd in nullo exemplari, neque in quavis impressione, neq; apud aliquem Authorem (præter ipsum) inuenimus. Quapropter iudicamus non esse admittendum. Et sic imponitur finis huic quintæ distinctioni, ad laudem Domini nostri Iesu Christi. Indulgendum quippe est nostræ prolixitati: quia, vt omnia clariora fiant, cogimur aliquando præter intentionem prolongare sermonem.

## DISTINCTIO SEXTA.

*Syruporum alij sunt simplices, sicut species iuleb &c.* CXXIII.



VT HOR noster hanc suam distinctionem sextam in duas principales diuisit partes: quarum prima est de syrupis, secunda autem de robub. Secunda ibi: Restat sermo noster &c. Prima autem adhuc in duas: quarum prima est de simplicibus, secunda verò de cõpositis. Ibi: Hucusque scripsimus &c. & hanc primæ secundam adhuc in duas: quarum altera, scilicet prima, est de cõpositis infrigidantibus: secunda autem de cõpositis calefacientibus. Ibi: Iam quidè loquuti sumus &c. Quæ omnes in processu patebunt. In prima igitur parte, quæ est de iuleb, seu iulep (quod putamus rectius, quia à quibusdam iunioribus Græcis Zulapon inscribitur) siue de syrupis simplicibus, sciendum primò, Iulep Arabicè nil aliud significare, quàm syrupum simplicem. Vnde non est alia differetia inter iulep, & syrupum, præter quàm quòd iulep semper intelligitur syrupus simplex: syrupus autem & pro simplici, & pro cõposito accipitur. Nec audiendi sunt nonnulli phantastici neoterici, qui directè vel indirectè semper nituntur peruertere sensum & intentionem Authoris, falsò diffiniendo iulep significare syrupum simplicem, ex pura aqua sublimata & zuccharo. Cùm apud præ

*Iulep &  
Syrupus in  
quo differunt.*

presentem Authorem expressè patet cōtrarium, cū scribit: Iulep ex aqua infusionis rosarum, & similiter violarum: ex Iulep ex succo violarum, & similiter ex succo rosarum: & Iulep & iuiubarum decoctione &c. Igitur non ex sola aqua sublimata, & per cōsequēs falsa ipsorum diffinitio. Item probatur etiamnum, quòd Author nullam facit differentiam inter syrupum simplicem, & iulep, vocando vnum & idem, nunc vno, nunc alio nomine, scilicet non iulep, & nunc syrupum: vt in principio istius distinctionis, cū dicit: syruporum alij sunt simplices, sicut, sunt species iuleb &c. Et clarius infrà, videlicet in iuleb iuiubino, vbi in principio vocat ipsum iuleb, & in fine vocat ipsum syrupum, dicens: Et cum lb. j. zuchari fiat syrupus. Itē in fine syrupi de succo acetosæ, vbi dicit: Et modus eius est, sicut syrupus de succo violarū. Et in syrupo de prunis, cū dicit: valet sicut syrupus de violis, & fit sicut ipse. Nam suprà nominauerat iuleb de succo violarum, & de aqua infusionis violarum, & non syrupum. Et si quis velit contentiosè obijcere, dicēs quòd filius Mesur in dictis syrupo de succo acetosæ, & syrupo de prunis, non intelligat de iuleb violatis præfatis, sed de syrupo de violis, qui est infrà post syrupum de portulaca. Ad hanc quidem obiectionem duas habemus responseones potissimas, manifestè contrarium probantes. Prima videlicet, vbi ipse Author in dicto syrupo de succo acetosæ dicit: Et modus eius est sicut syrupus de succo violarum, non potest intelligere de syrupo de violis infrà posito: quia ipse syrupus non fit cum succo violarum, vt patet in textu. Nec aliàs habetur in hoc antidotario syrupus de succo violarū, præter dictū iuleb de succo violarum. Ergo necessariò intelligitur de iuleb dicto. Secūda responsio est, scilicet quòd isti syrupi de succo acetosæ, & de prunis, sunt simplices: & exemplum conficiendi ipsos malè daretur de illo qui est cōpositus: & sequeretur corollarium, quòd isti confecti per modum illius compositi non essent simplices, & per cōsequens male locati ab Authore inter simplices. Eiusdē etiā rationis & probationis est syrupus chesmes, vt dicit Author: Decoquātur chesmes, sicut diximus, in syrupo de iuiubis: hoc est, in iuleb iuiubino, qui est syrupus simplex: & non intelligit de syrupo de iuiubis composito, qui est infrà &c. Etiam in decimo practicae Hali legitur: Iuleb assignario: & est rosarū syrupus. Et quidē communis vsus seruatur hodie ab omnibus in nuncupādo: quia vocant syrupum rosatum, & syrupum de succo rosarum prædicta iulep. Igitur necesse est confiteri Authorem intellexisse, illis

in locis de Iulep suprà positis. Vnde ergo sequitur, quòd iuleb siue iulep, & syrupus simplex sunt idem. Syrupus autem Græcè, Latine dicitur potio: & iuleb Arabicè, Latine dicitur potio simplex. Sed intelligendum est de medecinali simplici portione: quia potus, seu potio aquæ vel vini simplicis, non debet vocari iuleb, aut syrupus. Quapropter omnis syrupus, siue iulep, dicitur portio: sed non e contra. Syruporum autem portiones, aliæ (vt textus declarat) sunt simplices, & alię composiæ, de quibus postea. Nunc autem de simplicibus incipiamus.

*Modus operationis iuleb rosati &c.* CXXV.

*Syrupus rosatus absolute.*

*Iulep rosatum absolute.*



ULEP, siue iuleb rosatum, in ista distinctione primum occupat locum. Sed hoc hodie communiter sub nomine syrupi rosati intelligitur. Vnde quandoque syrupus rosatus absolute petitur, vt semper de hoc iuleb intelligatur communis vsus fecit. Pro iuleb autè rosato simpliciter scripto, volunt moderni vt intelligatur illud quod conficitur cum aqua sublimationis rosarum, de quo mox infra dicitur.

*Modus iuleb uiolati &c.* CXXVI.



VT HOR docet aromatarium: conficere hoc iuleb violatum vt rosatum supradictum, scilicet ex infusione violarum: quod etiamnum sub nomine syrupi violati, scilicet simplicis, communiter habetur hodie in aromatarij officinis.

*Operatio infusionis rosarum & violarum: Accipe foliorum rosarum, aut violarum &c.* CXXVII.



ONIT namq; Author in præsentī descriptione modum faciendi rosarum & violarum infusiones. Et intelligitur distinctim altera ab altera. Quia licet vtriq; sit isdem modus faciendi: tamen per se est facienda infusio rosarum, & per se infusio violarum. Quoniam ob literæ confusionem, nonnulli minus periti aromatarij dubitauere: vtrum si simul rosæ & violæ essent ponendæ in vna & eadem infusione, quia litera in impressis libris sic se habet: Accipe foliorum rosarum, & violarum ff. vj. &c. Sed cum legitur sine ana, error literæ deprehenditur. Et in sequentibus clare probatur, scilicet: Tunc denuò &c. vbi rosæ & violæ, non cum copulatiua, sed cum disiunctiua scribuntur. Et similiter in fine  
Hoc



Hoc est: Et dicitur istud incharus rosarum, vel violarum. Igitur re vera errore librariorum posita est ibi copula, pro disunctione. Etiam considerandum quod rosæ & violæ non vno tempore florent. Quapropter oporteret alteram partem ipsarum ad minus esse siccam: quod esset malum. Vel necesse foret in duobus temporibus facere huiusmodi infusionem, scilicet primum bis infundere violas, quæ primum florent, & postea tempore suo in ipsammet infusionem bis etiam infundere rosas. Et sic esset peius: quia fuisset quadruplicata infusio contra Authoris præceptum. Vel si temporibus suis semel fiat infusio violarum, & semel rosarum, minime etiam potest esse bonum: & per consequens postea non esset infusio rosarum, nec violarum simpliciter, sed vtriusque simul, quæ non valeret ad conficiendum iuleb, siue syrupum rosatum, neque violatum simplicem. Ergo rectius (ut est in exemplaribus antiquis) sic lege: Accipe foliorum rosarum, aut violarum &c. ut in pluribus. Vel sic, ut in nonnullis: Accipe foliorum rosarum, vel violarum &c. Præterea sciendum quod licet ab Authore pro simplicioribus ponatur specificatè quantitas rosarum, vel violarum, & quantitas aquæ sumenda pro huiusmodi infusione faciendâ: veruntamen nos in hoc non seruamus ipsius regulam. Nec facimus secundum regulam Nicolai, permutando rosas vsque dum aqua rubeat: quæ regula est minus bona quam illa filij Mesuæ. Quia qui plus, & qui minus potest facere rosarum permutationes. Etenim in plurificatione permutationum ipsa infusio efficitur laxatiua. Ut experimento probatur: & Hali Abbas testatur in decimo practicæ, cap. 20. videlicet in descriptione quæ incipit: Iulep assignatio: & est rosarum syrupus &c. Et præter hoc plura alia inconuenientia sequi possent. Sed hic est modus optimus quo utimur. Apposito cacabo ad ignem cum aqua pura communi & clara, ut ferueat, interim accipimus vas idoneum, puta ollam mundam, ad libitum magnam vel paruam, in quam plenam vsque ad summum folijs recentibus rosarum, vel violarum, vel alterius cuiuscunque generis florum, (quia ex omnibus & singulis florum generibus, si ipsorum infusionibus indigenus (ut dictus Nicolaus in syrupo violato refert) potest fieri infusio. Et ita plenam dicimus, quod videatur ex ipsis rosis, vel violis &c. amplius non posse immitti) superinfundimus bullientem aquam, baculo agitando flores, ut ipsa aqua ubique transeat. ac etiamnum in ipso aquæ feruentis immisionis actu (quia flores valde remittuntur) superaddimus ex ipsis, vsque dum vas sit

*Infusio ex  
omnibus flo-  
ribus potest  
fieri.*

floribus & aqua competenter plenū. Quod diligenter cooper-  
tum dimittimus infrigidari in sequētem diem. Deinde exprimi-  
mus ipsos flores, ac proijcimus, & ipsam infusionem in caldario  
iterum super ignē constituimus, vt ferueat. Interim vt prius vas  
illud, seu ollam illam in qua facta fuit infusio prima, aut alteram  
sufficientem iterum eiusdem generis alijs recentibus floribus ple-  
nam paramus, ac demum ipsam primam infusionem bullientem  
immediatē post primū feruorē in dictā ollam floribus plenam  
superinfundimus, baculo, vt prius agitando. Postea bene oper-  
tam permittimus frigescere &c. Nec est necesse in ista secūda in-  
fusione superaddere flores, vt in prima: satis enim est vasis capa-  
citas, pro secūda vice: quia si superaddes ex floribus, infusio ipsa  
non erit sufficiens. Neq; enim est supermittēdum ex alia aqua pu-  
ra aliquid omnino. Præterea si quis voluerit facere tertiā & quar-  
tam, & plures alias infusiones, vt in syrupo rosato solutiuo ho-  
die habetur vsus, omnia prout in secunda facta fuerunt, perage-  
re debet, præterquam quod in qualibet vice quantitas florum est  
minuenda, quia etiam & quantitas aquæ minuitur. Quapropter  
hoc breuiter notatum habeas, scilicet quod in prima infusione  
semper aqua debet esse ad sufficientiam florum: in sequētib; au-  
tem econtrā, scilicet quod flores debent esse ad sufficientiā aquæ.

*Infusio rosa-  
rum sicca-  
rum.* Postremo sciendū quod nonnulli de consimili faciūt infusiones  
ex rosis siccis, quæ quidem infusio apud Authores rarissimē legi-  
tur. De qua autē nō intelligitur, nisi specificatē legatur vel qua-  
ratur ab aliquo. Sicut à nostro Authore infra in Gallia alefangi-  
næ &c. Nec præparata diu est asseruāda. Quoniā ex quo, quia sit  
de rosis siccis, omni tempore recenter potest fieri ipsa infusio.

De Mucharo.

*Mucharus  
rosarū, vel  
violarum.* Est nanque per omnes impressiones in fine præsentis descri-  
ptionis vna barbara dictio, scilicet Mucharus, quæ stat-  
tam pro rosis, quā pro violis, videlicet cū legitur: Et dicitur  
istud mucharus rosarum, vel violarum. Quid autem propriè si-  
gnificet, haud valuimus inuenire. Brasaulus autem in suo Syru-  
porum examine numero videlicet quintodecimo, quasi ex se di-  
cit quod mucharus apud Arabes idem est quod infusio apud  
Latinos. Etenim ex rei consideratione, putamus ipsum bene  
interpretatum fuisse. Veruntamen si illa dictio sit verē & pro-  
priè significans illud, non nobis constat. Nam in vno tantū  
exemplari inuenimus scriptum mucharus, & duo nihil habent:  
quia scriptores ignorantes veritatem vocabuli, dimiserunt lo-  
cum

cum vacuum. Reliquorum exemplariorum autem aliquod sic, & aliquod sic, has & consimiles plures variationes habet: videlicet, Amiccatur, Amicratus, Amicrater, Anucrarus, Anucarus, Imitari, Mitranis, Mitrarus, Mutarius, Mutarium &c. Sed in hoc ultimo vocabulo plura cōueniunt exemplaria, forsā rectius, quāmucharus. Res parui momenti est, & parum facit vel sciatur vel ignoretur ab aromatiarijs.

*Iuleb aliud rosarum &c. CXXVIII.*



VBINTELLIGE eiusdem operationis cum supradicto de infusione rosarum. Et, vt superius diximus, tantummodo aquā rosatā & aquam absynthij per sublimationem factas legimus apud Authores venisse in vsum medicinæ. De qua aqua sublimata (supple rosarum) intellexit Author in præsentī descriptione, cū dixit: Accipe aquæ rosarū &c. Nec potest aliter intelligi. Quia iam scripserat suprà iuleb rosatū ex infusione rosarū: & infrā, in iuleb de succo violarū, describit præcisē iuleb de succo rosarum: addensq; quod est laxatiuū. Ergo pro aqua istius iuleb nō potest intelligi infusio, neq; succus, sed aqua distillata ex ipsis rosis. Nec potest intelligi decoctio: quoniā infusiones tam rosarū, quā ceterorū florū, sunt decoctiones eorū: quoniā generali ter flores nō sustinēt decoctionē. Et quod ipse Author fuerit expertus operationē huiusmodi aquæ sublimatæ, in suo de simplicibus, scilicet cap. de rosis, apertē demonstrat, cū dicit: Et aqua earū, quæ fit per infusionē, est mundificatiua, absterfuiua, & solutiua. Et ea, quæ fit per sublimationē, est multæ cōfortationis: neq; est solutiua &c. Et inferius in eodem cap. dicit: Rosa verò, & oleum eius, & aqua ipsius per sublimitationem facta, confortāt cor &c. Igitur vt communis est vñs, quando absolutē hodie petitur iuleb rosatum, semper de hoc facto cum aqua ipsarum sublimata *absolutē*. intelligitur: quoniam alia iuleb rosata, sub nomine syrupi (vt diximus) petuntur. Item cū quæritur iuleb, & non specificatur de rosato, vel violato &c. tunc semper intelligitur iuleb paratum ex zucchero & aqua communi, & simplici. Vt exempli gratia est suprà: videlicet in cytonijs cōditis, & in citris cōditis: & infrā, scilicet in syrupo de corticibus citri, & in syrupo acetositis citri &c. Hodie quoque communiter de consimili fit iuleb violatum, ex aqua violarum sublimata: & consimiliter potest fieri ex omni alia aqua sublimata, si fuerit expediens.

*Iuleb de succo uiolarum, & Iulep de succo  
rosarum &c. CXXIX.*



**H**IC NOTANDVM quòd sicut fit Iulep cum succo violarum, vel rosarum : ita de consimili potest fieri cum cuiuscunque alterius rei succo. Et profecto fiunt multa : sed habentur sub nominibus syruporum, vt infra, syrupus de succo pomorum, & ceteri sequentes simplices : quia omnis syrupus simplex (vt superius diximus) vocatur etiam Iuleb. Præterea sciendum, quòd etiamnum ista iulep de succis violarum, & rosarum, hodie sub nomine syrupi de succo rosarum vel violarum nuncupantur. Et quamuis illud de succo violarum amplius non conficiatur, attamen potest confici. Et licet Author dicat, quòd illud de succo rosarum sit solutiuum : tamè pro syrupo rosato solutiuo hodie Romæ ab omnibus intelligitur alius, qui fit ex tribus, vel quatuor, vel quinque, vel pluribus infusionibus rosarum incarnatarum. Iuleb autè rosatum præfens, non intelligitur sub nomine syrupi rosati solutiuum : sed cum additione, de succo rosarum. Sic videlicet, Syrupus de succo rosarum. Ille autè præfatus, qui fit ex pluribus infusionibus rosarum incarnatarum, qui & syrupus rosatus solutiuus dicitur, est nouiter adinuentus : quauis posset dici sumptus ex decimo practice Hali filij Abbas, vbi habetur syrupus rosatus solutiuus, ex pluribus rosarum infusionibus. Sed tamen in hoc solum differunt : quia Hali Abbas de rubris rosis intelligitur, & non de incarnatis. Quia rosa absolute descripta, semper rubra intelligitur. Titulus autem descriptionis in Hali, talis est : Iuleb assignatio, & est rosarum syrupus &c. Similiter quoque nonnulli hodie faciunt syrupum rosatum solutiuum ex pluribus infusionibus rosarum Damascenarum nuncupatarum : quem iam experti sumus non solum esse solutiuum, verum etiam & maxime viscerum conturbatiuum, & valde ventosum : quamobrem usum eius non commendamus.

*Rosa absolute  
lute.*

<i>Iuleb Iuiubinum &amp;c.</i>	CXXX.
<i>Syrupus de Pomis &amp;c.</i>	CXXXI.
<i>Syrupus de Pyris &amp;c.</i>	CXXXII.
<i>Syrupus de Cytonijs &amp;c.</i>	CXXXIII.
<i>Syrupus de Persicis &amp;c.</i>	CXXXIIII.

Descri



DESCRIPTIONES istæ sunt claræ, præterquam quòd in syrupo de pomis, vbi legitur per impressos libros: Et sunt qui submergunt in succo setam tinctam ex chesmes ante succi depurationem. Lege rectius, ex chermes: vel in chermes: vt est in exemplaribus antiquis. Nam chesmes (vt superius dictum est) sunt vix passæ, & nō tingitur seta cum ipsis. Chermes autem sunt grana tinctorum: illa supple in quibus inficitur seta vulgò chermesina dicta. Confiniles errores sunt in syrupo de granatis dulcibus, & in syrupo de corticibus citri, de quibus locis suis lectores monebimus. Item lege correctius quod sequitur: non ante succi depurationem, vt est in ipsis impressis libris: sed post succi depurationem: vel ad succi depurationem, vt est in multis exemplaribus. Nam plura exemplaria habet, ad succi depurationem. & id est quod post succi depurationem. Quasi dicat: Quidam ad succum depuratum ponunt setam tinctam ex chermes &c. Etenim si ante depurationem poneretur seta, postea in depuratione tota virtus & color perderetur &c. Item quod sequitur: Vsq̃uedū rubeat &c. Subintelligitur quòd postea sit extrahenda ipsa seta à succo.

*Syrupus de succo acetosæ &c.* C X X X V.



BI AVTHOR in præsentī descriptione dicit: Et modus eius est sicut syrupus de succo violarum: intelligit de iuleb de succo violarum supradicto, quem nunc vocat syrupum: quia nullam differentiam facit inter syrupum simplicem, & iuleb, vt in superioribus iam probauimus.

*De Acetosa.*

Plures sunt species seu differentie herbe acetosæ. Sed quando absolutè (vt hīc) reperitur, semper intelligitur de illa quæ *Acetosa ab-* vulgò dicitur acetosella. Quæ quidem duplex est, videlicet vna *soluta.* quæ habet folia magna super terram expansa, lapathum simillima: vnde à nonnullis lapathium, siue lapathum acetosum dicitur, & ab alijs poscula vocatur. Altera folia habet parua, ad sagittæ alarum effigiem &c. Et hæc duæ acetosæ species notæ sunt. Est & alia *Acetosa her-* acetosæ species, quæ non lapathi, sed trifolij species videtur esse: *ba species* vulgò nempe Alleluia, & panis cuculi dicitur, & hæc similiter *plures.* cognoscitur, Est etiam num & Ribes herba de genere acetosarum. Et de his vltimis quære infra. Sed aduerte quòd diximus ribes herbam: quia fructus cuiusdam arbuti, quo vtuntur hodierni *aroma*

aromatarij pro ribes, non est verum ribes.

*Syrupus de succo cucurbitæ &c. CXXXVI.*

*De Cucurbita, & eius differentijs.*



**T** LICET Cucurbitarū plura sint genera, siue species, Author tamen absolute intelligit de communioribus & vſitationibus. Et cū dicit in præſenti deſcriptione: Accipe cucurbitam magnam: non dicit hoc ad differentiam alterius ſpeciei minoris, ſcilicet quāſi quod ſit vna ſpecies, quæ vocetur cucurbita magna, vel ob magnitudinem plantæ, vel foliorum, vel fructus &c. & alia ſpecies, quæ econtrā ob paruitatem ſuarum partiū, dicitur cucurbita minor, ſeu parua &c. quia per talem differentiam non diſtinguitur ſpecies ab huiusmodi generis ſpecie. Sed dixit magnā: quia in vna ſer planta ſunt magnæ & parvæ, propter ortus ipſarum variationes, ſcilicet quod tu non accipias illam quæ vix heri aut nudiuſtertius florē dimiſerit. Quæ ſic tenella potius participat de flore, quā de fructu: quia eſt abſque bona ſubſtantia, tanquā fructus immaturus. Author igitur dixit magnam, propter duo. Primum, ad differentiam tenellæ præſatæ: ſecundū, vt ſit ſufficiens pro quinque libris expreſſionis eius recipiendis. Quamvis hoc ſecundum non ſit multū neceſſarium: quia ſi vna non erit tam magna ex qua valeas accipere quinque libras dicte expreſſionis, licebit ex duabus, vel tribus, ac plaribus &c. Quapropter rectius putandum authorem intellexiſſe de magnitudine ætatis, quā de magnitudine molis. Veruntamen non eſt accipienda illa quæ iam amiſit omnem teneritudinem, & ſemen eius effectum eſt durum: quia huiusmodi non eſt bona. Illa autem eſt ſumenda, quæ habet mediocritatem inter teneritudinem & duritiem. Illa propriè quæ eſt eſui aptior. Nec ſit amara: quia quandoque cucurbitæ, citrulli, & huiusmodi ſimilia degenerant & producant fructus ſuos amariſſimos, de quo eſt valde curandum. Communiores autem cucurbitarum ſpecies, & de quibus Author intelligit, ſunt illæ quæ habent folia mollia magna, petioli conſimilia, rotunda, ſubalbida, piloſa que: flores albiſſimos, ex quibus nonnullos caducos, nonnullos verò fructiferos &c. Et quædam planta producit fructus ſuos longos, id eſt cucurbitas longas, albas, magnas que: quædam verò rotundas, variaque rotunditate formatas. Et creſcunt in ſimilitudinē vitis: habentque vt vitis in quolibet folio, ex alio latere duos capreolos quibus ſuſtentan

*Cucurbitæ  
communio-  
res.*

stentantur scandendo arbores & plantas quibus adhærent &c. Quæ quidem species omnibus notissimæ sunt in nostra Italia. Et per antonomasiam vocantur cucurbitæ absolutè. Vulgò autem *Cucurbita* à quibusdam Zucchæ: ab alijs verò cucozzæ: & à nonnullis *colocynthidæ* locitæ, quasi colocynthidæ, minus correctè nuncupantur. Sunt etiamnum & aliæ species siue genera cucurbitarum, quæ nō simpliciter dicuntur cucurbitæ, sed cum aliqua additione: vt cucurbita saracenica, cucurbita marina &c. quæ genera, siue species, scandunt arbores &c. vt supradictæ, sed habent quatuor capreolos in vno pediculo per singula folia, quæ folia sunt magna, viridia, & aspera, flores producunt vt præfate, caducos, & fructiferos, non tamen albos vt illæ, sed croceos. Fructus verò istarum plantarum peponibus simillimi, forma & magnitudine: ab extrâ autem aliqui albicantes, aliqui virides, ad nigrum tendentes: ab intus verò, aliqui albi, alij crocei sunt. Semina autem vt peponum semina sunt, sed maiora valde &c. Et hæ species quidem non ita omnibus notæ sunt. Romæ autem notissimæ. Omnes generaliter humidis gaudent locis: Cucurbitæ Indicæ equidem &c. integræ seruatur ultra annum. Et tam istæ, quàm supradictæ, saccharo aut melle perquàm optime cōdiuntur &c. Præterea sunt & alia genera cucurbitarum: vt cucurbita deserti, quæ & colocynthis, siue (vt maius) coloquintida dicitur: & cucurbita reptilium, seu cucurbita sylvestris, quæ & fescera, & bryonia, siue bryenia secundum Plinium, & Græcè ampelos leuce nuncupatur &c. de quibus alibi.

*Syrupus de prunis &c.* CXXXVII.



VM DICIT Author in præsentī descriptione: Valet sicut Syrupus de violis, & fit sicut ipse: intelligit de iuleb de infusione violarum supradicto. Sed de prunis non est faciendā infusio, vt fit de violis, sed decoctio. Peritus enim aromatarius omnia debet intelligere cū sale discretionis. & sic de similibus. Et aduerte, quòd pruna oportet sint recentia, & non sicca. Attamen in defectu ipsorum, & de ficcis potest fieri decoctio: sed necesse est in eis vti longiori bullitione.

*Syrupus de granatis acetosis &c.* CXXXVIII

*Syrupus de granatis dulcibus &c.* CXXXIX.



**L**N DESCRIPTIONE præsentis syrupi de granatis dulcibus, per libros impressos: mendosè pro chermes legitur chesmes. Scribe, ex chermes. Lege de hoc in syrupo de pomis suprâ.

*Syrupus de cortibus citri &c. CXL.*



**L**ONGA nempe examinatione præsentem utiq; parvam descriptionem transegit Brasaulus. Attamen nec sic nobis in omnibus satisfecit. Sunt etenim & in ipsa aliqua non sine bona declaratione prætereunda. Ipsa igitur descriptio usque ibi, videlicet: Et sunt qui &c. est intelligibilis & clara. Ab illo autem loco plures insurgunt dubitationes. Nam ubi dicit: Et sunt qui in iuleb proijciunt ex corticibus citri, vel citrorum (utroque enim modo in antiquis exemplaribus legitur) partes convenientes: & propriè quando vicinatur completioni cocturæ eius &c. Completioni: non autem complexioni, ut in mēdosīs impressionibus habetur. Est enim non parua differentia inter completionem, & complexionem. Alias etiamnum similes mendæ leguntur: de quibus omnibus & consimilibus multis parvis, brevitati studentes, multoties non facimus mentionem: emendamus tantum literam in receptario: ut legenti & cum alijs conferenti passim patebit. Ad supradicta autem redeunt, possumus largo modo dicere, quod tot sunt ibi dubitationes, quot sunt dictiones. Et primò. An illud iulep intelligatur syrupus suprascriptus in illa descriptione, vel sit de nouo faciendum cum aqua pura & zucharo. Secundò, si cortices citrorum sunt intelligendi illi qui iam remanserunt ex decoctione supradicti syrupi, vel alij. Quia si alij, insurgit tertium dubium, videlicet si ipsi cortices sunt ponendi crudi in ipsum iulep, vel aliquo modo decocti. Quartò, si citrorum, vel citri sit rectius legendum. Quia si citri, insurgit quintum dubium in sequentibus, scilicet ubi legitur: quando vicinatur completioni cocturæ eius: videlicet, si eius referatur ad citrum, vel ad iulep. Sextò, qualiter sit intelligenda illa partium convenientia, scilicet ubi dicit partes convenientes &c. Septimò, si seta tincta in chermes (non autem chesmes, ut mendosi libri habent) intelligitur submergenda, in primo modo, vel in secundo, vel in utroque. Octauò, si in secundo modo sit apponendus muscus, vel non. Ad primum ergo dicimus, quod pro illo iulep non potest intelligi syrupus ex decoctione citrorum suprapositus: quia si intelligeretur ipse, & super



superaddendo ei cortices citri, reciperet plus de amaritudine, & per consequens non esset (vt Author dicit) delectabilis, sed magis horribilis, ob plurimam corticum citrorum amaritudinem. Ergo iuleb est per se faciendum ex aqua pura & zucchero. Quod postquam receperit cortices citri &c. vocabitur syrupus de corticibus citri. Ad secundū dicimus, quod si ipsi cortices ponendi in iuleb (si pro quia) sunt necessario decoquendi, possunt intelligi illi qui supra ex decoctione remanserunt. Ad tertium dicimus, quod dicti cortices in ipsum iuleb non sunt ponendi crudi omnino, eo maxime (vt aliqui putant) si ipsum iuleb sit prope finem decoctionis: quia parum possunt bullire in ipsum iuleb. Et si extrahantur semicrudi ipsi cortices à iuleb percocto, tanquam nihil relinquent de sua substantia in ipsum syrupum dictum iuleb. Et si permittantur stare, est periculosum, ne ad tempus corrumpatur ipsum iuleb. Et si ponantur ipsi cortices crudi in iuleb crudum, est expresse contra literam dicentem: Et proprie quando vicinatur completioni cocturæ eius. Vnde oportet vt alterū ipsorum prius decoquatur: vtrumque enim crudum non patitur illa litera. Ergo decoquendi sunt ipsi cortices. Ad quartū considerandum, quod si litera dicat citrorum, & non citri: completio cocturæ necessario erit referenda ad iuleb. Et (vt dictum est) non erit bonū, nec rectū ponere ipsos cortices crudos in fine decoctionis illius iuleb. Et si ponantur decocti in vltima bullitione dicti iuleb in tam parua mora non possunt relinquere aliquid virtutis eorū in ipso iuleb: quia primum habent attrahere ad se iuleb, & postea diffundere virtutem &c. Igitur rectius putamus legendum esse citri, quàm citrorum. Eo maxime, quod in maiori parte exemplarium, citri legitur. Et sic quintum dubium resoluitur ad citrum, scilicet quod completio cocturæ recte debet referri ad citrum, & non ad iuleb. Et accipitur ibi citrū pro corticibus ipsius, tanquam totum pro parte. Vt exempli gratia, tanquam si diceret: Accipe cortices citri, & in aqua sufficienti decoque eos: non tamen ad perfectionem, sed prope, & extrahe eos, & in zucarum competentem aqua liquefactum & clarificatum submerge illos: & sic lento igne cum facilitate decoque, vsq; ad modum iulep &c. Postea potes extrahere cortices, vel ad libitū dimittere: quia & ipsis corticibus poteris in necessitatibus vti pro citro condito. Et sic syrupus huiusmodi factus erit delectabilis: quia amaritudo ipsorum corticum pro maiori parte iam remansit in prima bullitione. Et sic est secundū veram Authoris intentionē. Ad sextū,

scilicet de partium conuenientia. Est namq; hoc in loco intentio Authoris vt sumantur ex corticibus citri non perfectè decoctis, & ex iuleb clarificato partes cōuenientes, scilicet ad inuicē, id est quòd ad vnā libram corticū sit tanta quantitas ipsius iuleb accipienda, quæ post perfectā decoctionē valeat in se cōtinere dictos cortices. Vel ad vnā librā zucchini iulepati, siue iuleb clarificati, ponatur tanta quantitas ipsorum corticū, quòd valeat perfectè coqui in ipso, vt ipse syrupus accipiat ex cōpetenti corticū portione debitā virtutis substantiā &c. Et propriè (vt experti sumus) libra pro libra est satis & sufficiens, scilicet libra corticū elixatorū, pro libra zucchini nō dissoluti. Postea dissoluatur & clarificetur &c. Vnde & isto modo etiā potest rectè stare dicta ipsarū partiū conuenientia. Ad septimū dicimus, quòd licet sit ad libitum, tamen secundū verum literæ sensum ipsa seta tincta in chermes, in primo modo conficiendi, scilicet in decoctione perfecta corticum est immergenda, & non in secundo modo. Et ratio est: quia per primum modū abiectis corticibus, post ipsorum decoctionem suscipitur tantum ipsa aqua decoctionis eorum, & cum zucchero &c. conficitur in syrupum. In quaquidem aquam ante zucchini immisionē (si placebit) potest quilibet immergere dictam setam, & permittere stare, vsq; dum aqua rubeat: postea extrahat ipsam, & proiciat, aqua verò conficiatur cum zucchero &c. In secundo autē modo, frustra immergeretur ipsa seta in decoctionem citrorum, quæ postea erit abijcienda. Quia in secundo modo nō recipitur ipsa decoctio, sed cortices plusquam semicocti tantū, qui recoquendi sunt in zucchero iulepato &c. Sed si quis dixerit illam setam tinctam posse immergi in dictū zucchini iulepatū, vnde etiānum & de secundo modo potest intelligi sicut de primo. Ad hæc respondemus, quòd nō solum setam, sed & alia plura potest addere & facere pro liberi arbitrij volūtate. Sed erunt ipsa præter textum, & Authoris intentionē. Textus nempe sic se habet: Et quādo submergitur in aqua decoctionis citri &c. Non enim dicit in iuleb, seu in syrupo &c. Sed in aqua decoctionis &c. Ergo de primo modo intelligitur. Et aduerte quòd seta non est conficienda in his & similibus locis: sed postquam aqua, seu alius liquor receperit tincturam eius, ipsa seta est abstrahenda & abijcienda: aliter enim se habet, quādo quærit Author setā combustam &c. Ad octauum dicimus, quòd muscus in vtroque modo est apponendus. Nec obstat quòd Author non specificet de eo in ipso secundo modo: quia neque etiānum dicit, vt non appo-

apponatur. Loquitur enim ipse peritis viris. Dixerat nāq; in primo modo, ipsum apponendū esse in secūda parte ipsius compositionis. Si autē postea, scilicet in secūdo modo variavit primā partem dictæ cōpositionis, secunda quidem remansit in suo robore. Et de hoc multa habemus exempla in testimonium. Sed ne simus prolixi, vnū tantū subscribemus. Vt exempli gratia: Confectio de cytonijs bona superius declarata, post primā descriptionis positionē habet quidem multas variationes, tam primæ quā secūdæ partis ipsius confectionis. Et sciendū quod qualibet compositio habet duas partes principales, ad minus. Ipse igitur confectionis de cytonijs, primā pars principalis hæc est: Accipe carniū cytoniorum coctorum in vino lb. iij. mellis boni despumati tantundem: decoque cum facilitate. Hucusq; prima. Hinc sequitur secūda: Et postquam coctū fuerit, projice super ipsum, cinnamī, caryophyllorū &c. vsq; macis, ana 3. iij. Et ibi est finis secundæ. Ergo postea cū dicit Author variādo primā partem: Et quandoq; inuitat necessitas, & coquūtur cytonia in aceto ad causas calidas. Intelligit forsan, quod post bullitionē in aceto sint propinanda absq; melle, & sine speciebus? Absit. Et sic de singulis quæ subscribūtur ibi: Igitur muscus est apponendus in secundo modo istius syrupi &c. Præterea animaduertendū quod nonnulli ex iunioribus (vt Quiricus de Augustis, & Paulus Suardus, & ceteri) pro illo quod legitur in ista descriptione, videlicet: Et sunt qui in iulep projiciūt ex corticibus citri: habent ipsi, ex corticibus cytoniorum. Si autē ab aliquo mēdoso libro sic accipere, vel quam ob causam permutauēre, nescimus. Et forsan male legentes, pro citrorū (vt libri impressi habent) intellexerūt cytoniorū. Nos autem fatemur veritatē, quod in nullo tam antiquorum, quā impressorū libro inuenimus vt ipsi habent. Brasaulus quidem dicit posse fieri cum corticibus cytoniorū: addensq; nō disconuenire. Sed re vera si fuisset ita, scilicet quod loco citri, legatur cytoniorū: tota ipsa descriptio erit aliter intelligenda. Quia clausula illa tunc nō erit variatio compositionis, sed additio ad primū ipsius syrupi modum, scilicet quod prope finem coctionis dicti syrupi aliqui possent addere corticum cytoniorum partes conuenientes. Sed nō sequeretur, quod ipse syrupus esset postea (vt Author dicit) delectabilis: quia cortices cytoniorum non valent occultare amaritudinem corticum citri. Ergo non est ipse syrupus tali modo conficiendus, scilicet cum corticibus cytoniorū. Postremò notandum quod cortex citri intelligitur pars exterior lutea,

*Citri cor=* absq; albedine illa quæ est inter ipsum corticem & citri acredine-  
*tex & c.* nem, quæ caro citri potest nuncupari. Et hoc notauimus: quia  
*re.* nonnulli existimant totam ipsum citrum, præter acredinem dictam & semen, intelligi debere sub nomine corticis citri. Sed magno opere errant: quoniam sic non esset differentia inter citrum conditum, & ipsum syrupum de corticibus citri.

*Syrupus acetositate citri &c.*

CXLI.



Bi dicit Author in præsentī descriptione: Et funde super ipsum ex iuleb claro & depurato: intelligit, quod tu debes accipere quantitatem zucchari & dissoluere in cōpetēti aqua pura, & clarificare, ac etiā coquere ad modum iulep; quod quidem verè est iulep purum. Quia si non coquitur, non est iulep, sed aqua zucchari, quam non quærit Author: ex quo necessariò est decoquendū. Et ex dicto iulep claro & cocto, accipias v. lb. & c. Etiam quia si non fuisset coctum iulep, esset indeterminatum pondus quantitatis zucchari conficiendi ipsam syrupum: quia quis poterit clarificare zuccharū cum aqua plurima, & facere iulep lentum, scilicet aquosum & crudum, & accipiendo postea v. lb. ipsius iuleb crudi & lenti, siue aquosi, non accipit debitam zucchari quantitatem ad ipsum syrupum conficiendum. Et econtrā, aliquis potest suscipere plus, quàm fuerit necesse: quia ad clarificandum zuccharum, non indiget apponere multam aquam. Et ideo necessariò iulep est decoquendum prius, quàm vniatur citri acedini. Neceſt dicendum quod Author pro v. lb. dicti iulep, intelligat quinq; libras zucchari non dissoluti, & postea dissoluen- di & clarificandi & c. quia litera pater. Etenim non scripſisset iuleb, si voluisset zuccharum: sufficiebat tantum dicere: Et cum quinq; lb. zucchari fiat syrupus: vt in multis alijs descriptionibus fecit. Nam hoc est notissimum & commune, quod omnes syrupi siue cum zuccharo, siue cum melle, vel simili conficiantur, sunt semper clarificandi & c.

*De Citris,*

*Stammum*  
*potum.* **C**itra equidem, siue citria, id est mala medica, apud omnes ferè nationes notissima sunt. Hoc autē sciendū, quod in defectu cuiuscūq; partis citri, necnō & arboris eius respectu iuē, possu-  
*Poma Adā.* mus vtī illis quæ sunt de genere limonum. Etiam & pro acredine citri necessitate cogente, si non adsunt limones, acredine stum-  
 morum, quæ & poma Adam dicuntur, siue succo malorum au-  
 reor

reorum, id est arantiorum acetosorum dūtaxat, vti licebit. Quoniam dulcia arantia sunt alterius proprietatis. Et hæc omnia & similia, sub vno genere, hoc est citrangulum vulgò dictum) largi- *Citrangulū pomum.* modo possunt intelligi. Acredo autem à quolibet ipsorum accipienda est cum omni diligentia. Illa videlicet, quæ libenter & quasi sponte fluit, scilicet quæ non est mucilaginosæ. Ideo non vi preli exprimenda est, sed manibus tantum diligenter & cum facilitate premenda, sicut oleo; non raro percolanda, postea decoquenda & purificanda &c.

*Syrupus de Acresta &c.* CXLII.

*De Acresta.*



**L**STE syrupus non indiget declaratione. Verum tamen de acresta aliqua paucula dicenda sunt. Ab ipsa nempe acredine quam habet, acresta nuncupatur. Per e, autem & non per g, rectius (vt putamus) scribenda est. Omnis enim vua immatura, acresta dicitur. Res ipsa ubiq; nota. Sed accipiendus est succus acrestæ, antequam in vua transeat, nec nimis citò post florū defluxionem, quia tūc plus habet de austeritate acerbatis, quam de acidinis poticitate. Succus autem ipse absolute, Græcè Omphacium dicitur, teste Galeno pluribus in locis, sed particulariter in 6. *Omphaciū absolute.* Mia myr. cap. de mediocorum medicaminum compositione. Videlicet in Diamoro Hieræ Cappadocis, dicit: Vux immaturæ succum indit, quod omphacium nominatur. & alibi. Teste etiam Plinio, cum alijs pluribus. Et aduerte, quòd differt omphacium à vino omphacite. Nam vinum omphacites fit ex vua acerba in primo gradu maturationis existente: omphacium autem simpliciter succus vux omnino immaturæ est. Et vel sit coagulatus in sole, vel liquidus ipse succus, quo ad denominationem nihil facit: tamen hic liquidum omphacium expetitur. Sed mirati sumus de vulgari interprete libri filij Mesuæ, qui capitulo de Synanchia gutturis: in Diamoron Alexandri, autoritate Galeni, inueniens omphacium, vertit, seu vulgariter dixit, oleum omphacinum. Non enim continet illi Diamori medicamini oleum omphacinum, id est oleum de oleis immaturis. Et licet omphacium dicatur etiam de oleo olearum immaturarum: non tamen pro ipso oleo absolute scribitur: quia simpliciter & absolute scriptum, quasi per antonomasiam, semper intelligitur de succo vux immaturæ, id est acrestæ. Pro pinguedine autem olea-

immaturæ præponitur ei semper oleum, sic: Oleum omphaticū seu omphacinum, quod idem est. Ponitur etiānum hic syrupus à filio Serapionis, & ab Auicenna in proprijs antidotarijs.

*Syrupus de granis myrti &c.*

CXLIII.

De Myrto.



MYRTVS quidem nota est. Sed sciendum quòd secundum Dioscoridem, myrtus mōtana est melior fatiua, & nigra est vtilior medicinæ, quàm candida. A differentia autē granorum, altera dicitur nigra, & altera alba, siue cādidā, scilicet quia vna fert grana nigra in maturacione ipsorū, & altera alba. Quāuis illa quæ dicitur nigra, & folia quoq; producit nigriora, quàm alba. Et nō est myrtus alba myrtus agrestis, vt vult Luminare Maius, & plures ex iunioribus, de qua postea. In initio suæ maturacionis, myrti nigræ grana accipiēda sunt pro huiusmodi syrupo conficiendo. Præterea sciendum quòd præter has, duas alias cognoscimus myrti species, quæ sunt tanquam duo extrema prædictarum, scilicet quòd vna ipsarum habet folia amplissima respectu aliarum specierum, lauro proxima, cuspidiora tamen, & arborescit magis quàm aliæ species. In partibus Taraconensibus hanc arborem pluribus in locis vidimus. Est etiamnum ibi & ex præfatis mediocribus, & communioribus myrti speciebus copia non parua: ex quo non potest suspicari terram illam naturaliter producere myrtum magnis folijs. Econtrā, est altera myrti species quæ in regno Neapolitano frequētius habetur. Cœpitq; Romam apportari. In viridarijs suis Cardinales & nobiles, opere topiario ipsam libenter colunt. Et vulgò myrtus minuta, &

*Myrtus gentilis seu nobilis.*

*Myrtus topiaria.*

myrtus gentilis, siue nobilis dicitur. Folia fert minima, & rotundiora, nigrioraque, buxæ aspectus, sed ipsa folia sunt minora folijs buxi, ramulis multis exilibus, longis, flexilibus, ad topia faciēda perquam maxime idoneis. Ex quo Myrtus topiaria dici potest. Quæ species si taliter cultura transformantur, nescimus. Enimuero quòd quælibet planta possit cultura ampliari, & nobilitari, & mitior fieri, ac luxuriari in folijs &c. negabit nemo. Sed quod econtrā aliqua planta, & præsertim eadem possit cultivatione reprimi, & humiliari &c. si non est ratione carens, nemo concedet. Quapropter & si non supradicta, saltem ista (quæ paruis constat folijs) necessariò est dicenda alia myrti species. Præterea est & myrtus agrestis, de qua Dioscorides cap. facit, à fimi

similitudine foliorum tantum dicta: aliter autem res est longe diuersa à myrto. Quæ myrtus agrestis aliter rufus, & vulgò bruscus dicitur.

*Syrupus Chesmes &c.* CXLIII.



ICIT Author in præsentī descriptione: Dequantur Chesmes sicut diximus in syrupo de iuibis, id est in iuleb iaiubino supradicto. Sed ibi sunt iuibæ centum, hæc autem chesmes non numero, sed competenti descriptione sunt ponenda. Chesmes autem suprà iam declarauimus. Habet namque filius Serapionis in 7. istammet descriptionē, sed loco zucaripōnit penidias.

*Syrupus Albalach, uel Albelach, uel Alchelach &c.* CXLV.



ER varios libros varias legimus huius syrupi intitationes. Vnde sunt qui habet albalach, & sunt qui albelach, & sunt qui alchelach, & sunt qui aliter & aliter. Veriora tamen vocabula (ut opinamur) sunt albalach, & albelach. Plures ex iunioribus declarant esse dactylos, cum quibus & nos concordamus, & addimus quòd intelliguntur immaturi dactyli. Quia balach, siue *Balach*, belach, sunt dactyli immaturi, ut probatur per Serapionē cap. de palma, dicentem: Et recens ex eo est immaturum, quod est sicut acresta uuæ in comparatione, & est balach. Et infrà cum præcise loquitur de fructu, ait: Et quando est viridis, est in odore similis odori cytoniorum: & tunc nominatur bethonia: & est balach, & est plus restrictiuum &c. Item inferius: Quando dimittitur balach, donec fit bassa, nominatur panchiotoma &c. Al autem dictum est suprà quid significet in his Arabicis dictionibus. In interpretationibus Bellunēsiseriam legitur: Belha, sunt dactyli recetes crudi, magis immaturi quàm besser. Et infrà: Besser est dactylus immaturus recens. Et ex hoc probatur quòd belach, siue balach est dactylus valde immaturus, quia est immaturior besser. Igitur acerbior dactylus vocatur belha, siue belach, vel balach &c. & est valde restrictiuus. In principio autē maturationis, siue parum ante maturationem, nominatur bassa, siue besser. Et sic melius conuenit cum ista descriptione, scilicet quòd habent esse valde immaturi: quia iste syrupus habet restringere vèrem, ut in textu apparet. In synonymis antiquis Auicennæ etiam legi-

tur: Albela, id est flores palmarum: sed ibi putamus vel textum esse mendosum, & rectius legendum fructus palmarum: vel quia ob nimiam acerbitatem potius tribuisse eis nomen floris, quam fructus, esse credendum. Præterea filius Serapionis in 7. habet vnum syrupum, qui in omnibus proprietatibus conuenit cum isto filij Mesuæ. Et intitulatur, Syrupus de albella &c. Quem putamus esse malè translatum: quia in eius descriptione legitur cōfusi, sic: Suman tur bellahafuen, aut mellahafuce, & extrahatur nuclei eorum &c. Multa equidem à malis interpretibus corruptur & vitiantur. Sed absq; dubio aliquo iste est syrupus de dactylis immaturis. Postremo notandum, quòd vbi Author dicit in præsentī descriptione: coquantur vsque ad cōsumptionem duarum partiū, & fiat syrupus, sicut diximus. Intelligit, quòd tu omnia agas, sicut in syrupo chesmes immediatè supradictō. Qui syrupus chesmes sequitur regulam iuleb iuiubini: hoc excepto, scilicet quòd tu debes coquere ipsos dactylos vsq; ad cōsumptionem duarum partium. Iuiubæ autem & chesmes coquantur vsq; ad cōsumptionē medietatis. Vt exempli gratia: Ex iuiubis quidem pro iuleb iuiubino, sumuntur centum, & coquantur in quatuor libris aquæ vsque dum remaneant lb. ij. quæ dualibræ, cum vna zucchari libra conficiuntur &c. Ex dactylis autem secundum ipsorum magnitudinem: quia si sunt maiores iuiubis, non centum, sed octuaginta plus, vel minus, secundum discretionem summe, & enucleatos decoque in quatuor libris aquæ vsque dum remaneant vnciæ sexdecim, quæ sunt tertia pars quatuor librarum, & cum libra vna zucchari cōfice &c. Sed insuper notandū etiam quòd hæc exempla, regulæ, canones, siue modi &c. scribuntur ab authoribus pro minus peritis & nonitijs aromatarijs. Discreti autem & experti, in huiusmodi & similibus vtuntur ratione prolance, & plus & minus secundum rei exigentiam faciunt. Vt exempli gratia: Si in centum iuiubis decoquendis vident non sufficere quatuor aquæ libras vt optimè decoquantur, ponunt quinq;, vel plus. Sic etiam & inter decoquendum esset potius diuinum, quam humanum agnoscere determinatum punctum: vt nō plus, nec minus exprimaturs decoctis iuiubis, quam duarū librarum quantitas, quæ quantitas ab authore limitata posita est. Sed neque per viam ponderationis possumus scire: quia ignoratur pōdus superfluitatum iuiubarum abijciendarum post ipsarum decoctionem & expressionem. Et sic de singulis. Quamobrem bonus aromatarius debet semper librum discretionis habere præ-



manibus, & in illo omnibus peragendis studere. Et timor Dei non recedat à corde suo: vt faciat omnia diligenti studio atque conscientia recta, vt Christianum decet. Et hæc notata, omnibus consimilibus erunt accommodanda, memoriæque tradenda.

*Syrupus de papauere &c.*

CLXVI.



ST præfens descriptio, Syrupus de papauere simplex, & non compositus. Et est vltima descriptio syruporum simplicium præsentis particulæ, & non prima sequentis, vt in impressis libris mēdosè habetur. Rubrica etenim, scilicet, Hucusque scripsimus &c. Locāda est post præsentem descriptionem, & non antè: quia sic rectius, & sic est in omnibus exemplaribus. Nam descriptio ipsa patet q̃ est simplicissima. Quid aliud habetur in ipsa, præter papauer, zucarum, & aquam? Et si sunt duæ papaueris species, non tamen sunt duo diuersa simplicia, sed duæ species, vnius simplicis tantum. Et quid sunt penidia, nisi zucarum? Et certè si benè consideratur, compositior est syrupus de corticibus citri: quia recipit & muscum, & setam tinctam in chermes, vltra citrum & zucarum & aquam. Et tamen connumeratur inter simplices. Quam ob causam ergo & iste non debet connumerari inter eos? Re uera si Author intellexisset hunc syrupum esse compositum, locasset ipsum infra cum alio syrupo de papauere, qui est compositus. Sed quia iudicauit ipsum simplicem, vt est, locauit illum cum simplicibus vltimo loco. Alium autè, qui est compositus, quia est ex infrigidantibus, posuit etiam vltimo loco cum illis qui habent intrigidare. Et hoc non casualiter, sed hac ratione fecisse putamus. Quia ipse Author in canonibus, scilicet in cap. Compingere & stupefacere &c. de vsu & propinatione narcoticorum, sic ait: At verò quando necessitas inuitat, & propriè quando omnia non contulerint, præsumimus super narcoticis &c. Et infra: Verum si excusari potest, non propinari, est melius: sed si excusari non potest, melius est vt non potui dentur: sed administrare in emplastris tantum, est melior cura, vel saltem in suppositorijs & enematibus, si parum in emplastris contulerint. Et si cogeris propinare potui, fac cum timore & cautela. Et dare ea antiquiora, est minoris nocuenti &c. Et idè posuit istos syropos in fine aliorum respectiue. Vt si necessitas urgeat, tanquam ad vltimum remedium, recurratur ad ipsos. E

sic est concludendum quòd descriptio istius syrupi est inter simplices connumeranda &c. Præterea animaduertendum quòd ista descriptio per omnes ferè impressiones habetur mēdosa ibi: videlicet vbi legitur: Zucchari albi, & penidiarum, ana 3.iiij. Rectius ergo lege: ana 3.iiij. sic enim est in omnibus exemplaribus antiquis. De papauere autem dicitur in syrupo de papauere composito.



*Hucusque scripsimus &c.* CXLVII.

IC est locus huiusce rubricæ: post cuius descriptionem à syrupo dinari incepit Author describere particulam de syrups compositis infrigidantibus. Vnde sequitur.

*Syrupus dinari: & eius interpretatio est de*

*Bisantijs &c.* CXLVIII.



ERITATEM nempe inscriptionis huius syrupi (ob multorum librorum variationes) nō inuenimus. Nihil tamen facit ad rem, quomodo cūque tituletur. Hæc est enim prima descriptio syruporum compositorum infrigidantium præsentis antidotarij, in qua quidem descriptione aliqua sunt videnda. Et primo pro succo endiuia, intellige succum cichoreæ quæ est vera endiuia. Secundò pro apio, intellige selinum: & propriè illud quod vulgò dicitur petroselinum. Et de his alibi. Tertiò de buglossa domestica & syluestri. Omnes enim libri impressi sic habent: Succu boraginis, aut buglossæ domesticæ, aut syluestris. Et

*Buglossæ do licet posset stare, quia (vt mox dicemus) reperitur & domestica, mesticæ vel & syluestris buglossæ: & in carentia vnius, altera potest submini-*  
*sylyestris lo strari. Sed tamen hîc per omnes antiquas descriptiones habetur*  
*co quid sub= simpliciter: succi boraginis, aut buglossæ. Item, vbi legitur: Et*  
*mini stre= quandoque ad omnem partem succi depurati ponitur aceti bo-*  
*tur.* ni, albi & clari pars media. Intelligit Author sub nomine succi, vniuersam succorum quantitatem quæ recipitur in ipsa descriptione. tanquam si diceret: si succorum sunt libræ quatuor, appone medietatem aceti, scilicet libras duas. Præterea aduertè (sicut aliàs diximus) quòd additiones non sunt ponendæ in compositionibus, nisi medicus præcipiat, pro vñ suorum infirmorum duntaxat. Et hoc notauimus hîc: quia nonnulli volunt quòd quando simpliciter petitur hic syrupus, semper debeat intelligi cum aceto. Quod est falsum: quia acetum est additio.

Igitur

Igitur absolute, sine aceto est intelligendus: & ita est simpliciter præparandus. Sed melius esset, si apud quemlibet aromatarium fuissent huius descriptionis quatuor distincti syri parati: videlicet, Vnus simplex, absq; aceto, & absq; speciebus: alius cum aceto, absq; speciebus: tertius cum speciebus, sed absq; aceto: quartus cum aceto, & cum speciebus. Ad minus autem quilibet aromatarius duos primos semper debet apud se habere paratos, quia sunt magis vsuales. Et hoc similiter potest intelligi de omnibus illis descriptionibus quæ habent additiones, dummodo à Medicis habeantur in vsu.

*De Boragine, & Buglosso domestico, & sylvestri.*

**Q**uid certè sit borago vulgò dicta, à nemine priscorum describitur. Juniorum autem plurimi firmissimè tenent esse buglossum antiquorū. Et buglossum, siue (vt vulgus loquitur) buglossa, qua cōmuniter vtuntur aromatarij, ingenuè fateantur quòd sit cirsion ipsorum antiquorum. Ad quod probandum citant in testimonium & Dioscoridem, & Plinium, & alios plures. De quorum iuniorum numero etiam his diebus vidimus esse Leonardum Fuchsiū in suo de Stirpibus. Nos autem diligenter examinatis omnium descriptionibus, & eorum opinionibus, quas (ne finis prolixi) studiosis relinquentes, nec buglossum antiquorum esse boraginem nostram, nec cirsion siue *Borago non cirsion* eorundem esse communem atq; vulgarem buglossam, *est buglossum antiquorum* breuib; (vt possibile erit) aperte ostēdemus. Verba namq; Dioscoridis tanquam fide digniora producamus in medium, vt veritas magis elucescat. Quid igitur Dioscorides libro 4. cap. 129. secundum Ruellij translationem, de buglosso dicat, audiamus: Buglossum, inquit, Magi &c. Romani linguam bubulam, alij libanium &c. Nascitur in campestribus & vaporosis. Iulio mense colligitur. Aiunt eam quæ tres thyrsos emittit, cum semine & radice tritam, potamq; , contra tertianos rigores prodesse: quæ quatuor, ad quaternos. Ea in vino decoquitur. Herbam abcessibus vtilem esse volunt. Verbasco simile est: folium in terra sparsum, nigrius, asperum, bubulas imitans linguas. Quod in vinum deiectum, animi voluntates auget. Hæc Dioscorides. Videamus ergo nunc an omnia dicta adamussim conueniant nostrati boragini. Primò, Romani linguam bubulam? Non: sed boraginem vocant. Attamen de nomenclatura transeat, quia & alia plura hodierni non, vt antiqui, nominant. Nascitur in campestribus, & vaporosis: vel vt Hermolaus & Marcellius habent,

habent, in fabulosis & planis locis: Borago non: sed in hortis, & cultis, & pinguibus locis frequentissime. Et licet raro oriatur in locis non cultis: tamen semper in solo pingui, & non fabuloso. Etenim Dioscorides cum dicit: nascitur talibus in locis. intelligit ut in pluribus, vel copiosius. Item, Iulio mense colligitur: Borago autem generaliter in Italia mense Aprili, & rarissime usque ad dimidium mensis Maii perdurat quin siccet tota, etiam & radix eius. Item, Verbasco simile est: Quam similitudinem habet nostra borago cum verbasco: Quia nec in caule, nec floribus, nec in semine, nec in radice est similis verbasco. Obijcias forsitan, quod in folijs, & de his Dioscorides intellexerit, quia sequitur: Folium in terra sparsum. O si accipias folia boraginis, & folia verbasci, quam parvam & penè nullam similitudinè inter ea inuenies. Quia pro maiori parte folia verbasci sunt crispa, ita quod à longe videntur tanquam incisa &c. Item folium in terra sparsum. Ut plurimum borago non expandit per terram folia, ut quilibet oculata fide videre potest in hortis &c. Plures namque herbas cognoscimus, quibus melius rectiusque ipse Dioscorides poterat assimilare folia nostratis boraginis, quam verbasco. Itè quod legimus, scilicet aiunt eam quae tres thyrsos &c. Videmus enim boraginem nostram non semper tres vel quatuor tantum caules emittere, sed plures paucioresve. Ergo illa quae duos seu quinque, & plures producit thyrsos, ob id quia non habet tres siue quatuor thyrsos, caret etiam & virtute sanandi tertianarios & quartanarios. Ergo virtus confutit in numero thyrsorum, & non in ipsa planta. Quod est ridiculum. Quamvis Dioscorides non dicat alicuius auctoritate, neque se ipsum hoc esse expertum, sed tanquam fabulosum scripsit: Aiunt &c. Et si sit fide dignum, patet in Plinio, qui non buglossò, sed cynoglossò adscripsit illud. Necessariò igitur dicendum, vel Plinium, vel ipsum Dioscoridem errasse. Sed hæc nihil ad rem faciunt ut verum buglossum cognoscatur. Nisi quis velit experiri distam proprietatè trium & quatuor thyrsorum. Et nos quidem experientiam egimus de boragine nostra: sed non inuenimus ipsam talem habere proprietatem, neque per tres, neque per quatuor thyrsos. Vnde certiores sumus, nostram boraginem non esse antiquorum buglossum. Præterea ipse Dioscorides capitulo de verbasco, scilicet de phlomo (quod idem est) plures verbasci species & differentias scribit. Quae autem ipsarum sit habens folia buglossò similia, scilicet nostrati boragini, secundum ipsos, nec in capitulo de buglossò, nec

in capitulo de verbasco speciatim legitur. Neque etiam per notas in ipso capitulo de verbasco descriptas talis similitudo percipitur. Sed potius contrarium expresse probatur. Quid igitur in præfato capitulo de verbasco, de folijs tradit Dioscorides, audiamus: Phlomon Græci, Latini verbascum vocant. Scilicet ille est, qui & rasilus barbassus hodie vulgò vocitatur. Differentiam duplicem habet, nigrum & album, in quo (scilicet albo) masculus & *bassus*. *Tassus bar-*  
*bassus.* fœmina reperitur. Fœminæ igitur folia sunt brassicæ similia, *Verbascum*  
 lœfiora multò, latiora, & candida &c. Borago autem minimè con- *albu & ni-*  
 uenit cum brassica in folijs. Ergo de ista non potest intelligi. *grum.*  
 Item verbascum, qui mas appellatur, oblongis, albis folijs, & angustioribus constat. Igitur si de fœmina non intelligitur, à fortiori nō potest intelligi de masculo, qui longioribus & angustioribus constat folijs. Folia etenim boraginis sunt ampla &c. Nigrum quoque verbasculū dicit esse simile albo, præter nigredinem & foliorum latitudinē &c. Et si de hoc volunt intelligi, folia boraginis præter similitudinem brassicæ, quam haberent, necessario fuissent nigerrima: quia nigrum verbascum dicitur, quia nigriora altero habet folia. Et capitulo de buglossō dicitur, Buglossum habere folia nigriora folijs verbasci &c. Borago autem non est tantæ nigredinis, ut dicatur nigra, quasi in superlatiuo gradu. Et per consequens, nec de ista specie est intelligendum. Item subiungit ipse Dioscorides: Et sylvestre verbascum; quod folia fert saluæ &c. Et istud etiamnum est alienam à similitudine boraginis. Item subscribit tres alias verbasci species, duas videlicet quæ phlomidis dicuntur, quæ sunt thirsute, & humiles, cum rotundis folijs: & tertiā, quæ Lychnitis, & Thrialis dicitur. Quam & asserit habere folia terna, quaterna, plurave, crassa, pingua, plumosa, apta ad lucernarum licinia construenda &c. Quarum nulli competit cōparari folia boraginis. Item Dioscorides cap. de symphyto altero dicit, Symphytum alterum habere folia lingue bubulæ, scilicet buglossō proxima. Borago autem non habet folia symphyti. Quod symphytum vulgò consolida dicitur. Et hæc planta notissima est. Ex his igitur necessario concludendum est, buglossum antiquorum non esse nostram vocatam boraginem. Insuper & cirsiion non esse nostram vocatā buglossam, *Cirsiion non*  
 facillimè probatur. Primum: Cum dicit Dioscorides, *est nostra*  
 vocant spinam mollem &c. neque vocatur, neque in veritate est *buglossa.*  
 spina mollis nostra buglossa: quæ tactu & in caule, & in folijs est asperrima. Item, caulis cirsiij est triangulus: buglossa nempe ha-  
 bet

bet caules rotundissimos. Item, extrema foliorum cirsij aculeata, buglossæ minimè. Item, summitas caulis cirsij orbiculata, in qua capitula sunt purpurea, quæ postea soluuntur in lanugines, siue pappos &c. Buglossa quidem nostra à medio caule incipit erumpere flores, & semen, ordinatè, tanquam hyoscyamus, usque ad summum : & neque habet capitula orbiculata, neque ipsa capitula soluuntur in pappos, ut clarè omnia videntur. Quapropter sequitur, quòd aliud est cirsium à nostra buglossa. Et certissimè est aliud, quia nos cognoscimus verum cirsium Dioscoridis. Et est ipsa planta, perquam similis cuidam plantæ, quam vulgares stoppionem vocant. Habet nanque ipsa planta, scilicet cirsium, folia similia herbæ linguae hircinæ vulgò dictæ, vel potius veri buglossi, ut ipse Dioscorides scripsit : sed leniora, & circumcirca ora aculeata aculeis rectis. Rarò plus quam vnũ caulem fert triangulosum, qui anguli, ut extrema foliorum, sunt & ipsi aculeati. Erigiturque ad quinque palmorum altitudinem, vel circa. In cuius summitate est tanquam mappa, seu corymbus capitulorum similium capitulis stoppionis dicti, oblongiorum tamen, quæ similiter ut dicta stoppionis capitula soluuntur in pappos. Pluribus locis, & præcipuè montanis, nascitur. Non longè ab Vrbe sæpius inuenimus &c. Restat nunc declarandum quid sit nostra borago, & quid buglossum Dioscoridis, quidve nostra buglossa. Et quæ sit buglossa domestica, & quæ sylvestris. De boragine igitur nostra quid certum scribendum, hæud in præsentiarum habemus. Coniectamus tamen inter buglossi species rectè connumerari posse. Non est enim ipsa reiicienda herba. Oulus nempe gratissimum crudum coctumque, estur. Ioannes Iacobus de Manlijs in syrupo Sabor Regis tenet, quòd borago sit buglossa sylvestris. Et certè non bene. Si autem dixisset boraginem esse buglossam domesticam, fuisset minus dissonum & magis credibile, quamvis neutra ipsarum sit. Buglossum autem Dioscoridis, non esse buglossam nostram firmissimè astruimus. Sed illam buglossam esse indubiè tenemus, quam paucis antè annis in Hispanijs inuenimus, scilicet in Regno Galitiæ, & propriè in ciuitate Compostellæ, vbi largius prouenit : qua quidem incolæ illius regionis quasi frequenter pascunt boues suos, quia boues libentissimè eam comedunt, ob quam causam potius quam à similitudine putamus eam vocari bouis linguam : quasi, quia tanquam lingua frequenter sit in ore bouino. Semen ex ipsis collegimus, quod postea Romæ in nostro Aræcoeli horticello seuiimus, & ad-

huc habemus plures plantas, & ex eis etiam nonnullis viris & Medicis dedimus: quia in partibus nostris alias non vidimus. Iam perscrutati sumus eam, & in omnibus convenit descriptioni Dioscoridis de buglossis: præterquam quod non sumus usque; nunc experti illud quod legitur de tribus & quatuor thyrsis eius. Quod quidem (ut diximus) fabulosum esse putamus. Ipsa etenim planta non feritur in illis partibus Galitiæ: sed sponte in fabulosis, ac etiam in parietibus vetustis provenit. Folia habet notiori verbasco simillima, longiora quam borago, asperitate simili, imò ita ipsa folia proxima sunt symphyti folijs, quod aliquando decepti sumus in ipsis plantis, in nostro horto, scilicet quod natum symphytum prope ipsam buglossam non agnouimus, credentes ipsum esse buglossam dictam: postquam autem adolevit planta, caulis ostendit nobis rei veritatem, quia caules utriusque non sunt similes: quoniam ipsa buglossa, siue ipsum buglossum, caules emittit plures, rotundos, cubitali & quandoque ampliori longitudine: flores producit lazulinos, paruos, floribus nostræ buglossæ pene similes. Semen nigrum, radicesque ab extrâ nigras, longas, teretes, ab intus albas, mucilaginosas, carnosas, & teneras, pollicari atque maiorigrositudine, quæ non siccantur æstivo calore, neque in totum amittunt folia: sed quolibet anno efficiuntur maiores, ac regerminant &c. Odor enim foliorum, & plantæ, necnon & sapor sunt gratissimi, simillimique nostræ boragini. Hanc denique plantam, esse verum Dioscoridis buglossum, non contingit suspicari. Hancque etiamnum pro domestica buglossa accipiendam esse non dubitamus. Et pro sylvestri illam quam communiter vocamus buglossam. Et has sine dubio filium Mesuræ credimus intellexisse supra in modo electuarij de psyllio, & infra in modo secaniabin solutione educentis melancholiam: & in practica, scilicet cap. de soda frigida ab humore melancholico, videlicet in syrupo Iesui Iuhæ. Et in cap. de cura manix, & melancholix sanguineæ, scilicet in syrupo Sabor Regis Medorum. & alibi: quibus in locis utranque recipi iubet. De ipsa autem buglossa vulgo nota, quam buglossam sylvestrem appellamus, similiter ut de boragine, nec potuimus inuenire apud antiquos quid in præsentī scribere debeamus. Hoc autem dicere non verebimur, scilicet quod si borago & buglossa domestica, scilicet buglossum Dioscoridis, & buglossa sylvestris, scilicet communis & visualis, non sunt eiusdem generis: sunt tamen in tanta propinquitate, quod possunt dici eiusdem generis & virtutis. Quapropter recte in defectu vnius, per reli-

quas

quas supplendum est. Et quid mirum si de omnibus speciebus istius generis non scripserunt antiqui, cum & de alijs plurimis ab eis omisis manifesta hodie habeatur notitia? Sufficit nobis, quod tempore filij Mesuæ; & ante per plures annos de istis habebatur cognitio. Et scripserunt de ipsis plurimi (quamvis sine aliqua rei diffinitione, quid essent supple) attamen hodie & borage, & buglossa sylvestris notissima sunt: & buglossa domestica iam cœpit agnoscī, ex quo non est necesse de eis aliter declarare.

*Sermo in syrupo acetoso &c. CXLIX.*



**A**UTHOR noster antequam scriberet compositiones syruporum acetosorum, voluit præsentis sermonis præfatiuncula mirifice cōmendare virtutes, & multiplices operationes ipsorum. In quo quidē sermone, tanquam à minori ad maius procedens, introscipit primam & omnium vtiq̃ simplicissimam descriptionem. Sed si quaesieris, quam ob causam posuerit inter compositos syropos præsentem simplicem syrupum? Respondēbimus, quod duplici de causa hoc rectē fecisse coniectandum est. Prima, quia si scripssisset inter simplices, hīc oportebat iterum rememorare eum, propter sermonem omnium syruporum acetosorum, supple aceti vini. Et ex hoc animaduertendum quod nullus suprascriptorum syruporum simplicium est qui acetum vini recipiat: licet sint aliqui aliter acetosissimi, vt sunt syrupus de granatis acetosis, & syrupus de acetositate citri &c. Secunda causa est: quia Author non tantum intelligit simplices syropos eos, quia pauca recipiunt simplicia: sed etiamnum illos qui paucas habent operationes & virtutes. Et hoc est quod in argumento istius distinctionis innuere voluit, cum dixit: Syroporū alij sunt simplices, sicut species iulep: aliqui extensæ compositionis propter arduitatem & multitudinem beneficiorū ipsorum &c. Unde & hunc syrupum acetosum, quamvis sit simplex: tamen propter multiplicem virtutem & operationem beneficiorum eius, rectē Author inter compositos collocavit. Est namq; eius descriptio clara: sed nonnulli minus periti intelligunt illam aceti partitionem à contrario sensu, attribuentes illud in leui, & in forti, & in mediocri, nō syrupo (vt decet) sed aceto, vel qualitatī morbi infirmorum recipientiū ipsum syrupum. Authoris igitur intentio vera hæc est, scilicet vt sit vnum & idem perfectum vini acetum, album & clarum: ex quo tu debes tripliciter conficere syrupum

*Syrupi simplices qui-*



rupū acetosum simplicē. Et de facto, sicut & de iure, apud quemlibet aromatarium debet esse ipse tyropus sic tripliciter præparatus. Et hoc clare ostendit Auicenna in quinto canone, scilicet in modo syrupi acetosi Galeni, dicēs: Et oportet vt fiat secundum omnem dispositionem &c. Et sic sunt tres distincti syrupi acetosi simplices, videlicet: Primus, qui vocatur syrupus acetosus leuis, scilicet debilis, qui debet recipere duas aceti libras. Secundus tyropus acetosus mediocris, qui tres eiusdem aceti recipiat libras. Tertius autem syrupus acetosus fortis, qui quatuor præiati aceti libras contineat. Docet etenim in hoc sermone Author conficere syrupum, & non cognoscere infirmitatū qualitates: quod quidem est medici, & non aromatarij. Scit nempe ipse medicus (vel saltem scire debet) vnicuique infirmitati quid competat. Et secundum quod melius fuerit, vni leuem, alteri fortem propinare medicinam. Quapropter aromatarius & leues, & fortes, atque mediocres tenetur medicinas apud se semper habere paratas: eas præcipue quæ citius parari non possunt. Vt cum necessitas urgeat, non patiatur infirmus detrimentum aliquod, expectando pharmacum conficiendum. Sed vbi bono modo nō possunt teneri omnia phar-maca, saltem mediocria nō dimittant. Sed de huiusmodi syrupis melius est habere duos extremos paratos, quàm mediocrem: quia ex ipsis sumendo partes, & in simul commiscendo, potest quis ad libitum semper mediocrem formare syrupum. Hæc autem pro ignaristantū volumus nos dixisse. Præterea insuper sciendum quod vbi Author dicit: Et funde super illud in vase lapideo &c. Monet aromatarium non conficere ipsum syrupum: *Syrupi acet-* nec vllum consimilium recipientium acetum, vel aliud acre in *rosi & simi* vase æneo, aut ferreo, vel simili. Ob id, quia omnia acria habent *les vbi deco-* proprietatem abstergerendi, & astrahendi ad se ærugines metal- *quendi.* lorum &c. Et licet scribatur in vase lapideo: veruntamen similiter potest fieri in vase testeo vitreato: quia vasa lapidea non semper de facili possunt ubique haberi. Postremo notandum, quod dosis vera huius syru-pi (vt in omnibus exemplaribus antiquis legitur) est ab ʒ. j. vsq; ad iij. & non vsq; ad iij. vt impressiones habent.

## De Aceto.

**N**on ignoratur quid sit acetum. Et licet sit pars vini, siue ex vino, attamen contrarias vino habet operationes: quia est frigidum & astringitium &c. Vinumque corruptum est: nec loco vini vtendum omnino. Et ex hoc sumitur argumentum potissi-

num, quod res corruptæ non sunt administrandæ loco incolumium: quia iam nō habent amplius illas operationes & proprietates quas antea (cū nō essent corruptæ) habebāt. Imō in ipsarum corruptione vt plurimum amittentes suas primas virtutes, expresse (vt pater in aceto) cōtrarios fortiuntur effectus. Summa

*Aceti bonitas in quo consideretur.* autem aceti bonitas in sui acetositate cognoscitur. Et ideo quanto acetosius, tanto melius. Scripsit enim Author: Aceti vini albi. Vini dixit ad differentiam multorum acetorum, quæ sunt ex varijs vini generibus fructuum & pomorum, vt est acetum granatorum, & acetum cytoniorum, & similia. Sed qualiter antonomastice per vinum absolute, intelligitur vinum vuarū: sic & acetum simpliciter prolatum, intelligitur acetum vini vuarum. Albi autem posuit ad differentiam rubri, vel nigri &c. Vt autem album, citrinum, rubrum, vel nigrum, seu alteriusmodi reperiatur: hoc non ex se, sed ex vini qualitatibus fit. Hoc autem scire te volumus,

*Acetū absolute.*

quod ex optimo vino fit optimum acetum, & dulce vinum citius, quā non dulce acefcit. Fit etiamnum à nonnullis arte acetum ex varijs rebus, sed quod est ex vino vuarū, non est spernendum: fictitium verò ex aliena materia loco aceti vini, vsui medicinæ non est bonum.

### Modus syrupi acetosi cum radicibus &c. C L.



VM dicit Author in præsentī descriptione: Deinde funde super ipsum aceti boni quantitatem sufficientem iuxta modum superioris doctrine, dat intelligi, quod tu etiā debes tripliciter conficere istum syrupum, sicut te docuit in superiori descriptione syrupi acetoni simplicis, scilicet quod tu facias debilem & medicreni, & fortem, syrupos, tribuendo debili duas, mediocri tres, & forti quatuor aceti libras &c. Præterea nō vno nomine vniuersaliter in Italia vocatur hodie iste syrupus, nec vniiformiter faciunt ipsum aromatarij. Vnde sunt qui nomināt ipsum syrupum de duabus radicibus: & sunt qui syrupū de duabus radicibus, cōpositū: & sunt qui syrupū de duabus radicibus cum aceto, ad differentiam alterius qui sine aceto cōmuniter paratur. Et sunt qui vo-

*Syrupus cōpositus cum aceto.* cant ipsum syrupū acetosum cōpositū: & syrupū cōpositum cum aceto &c. Conficitur autē huiusmodi syrupus, nō tripliciter (vt Author ordinauit) sed dupliciter: videlicet, cum aceto & sine aceto.

Nec sic concordant inter se. Quia sunt qui plus, & sunt qui minus: & sunt qui nihil de aceto administrant. Quasi ad libitum quilibet

quilibet facit. Sed scitote quòd iste syrupus quando cõficitur sine aceto, non fit secundum descriptionē filij Mesuæ: quia nunquam filius Mesuæ dixit talem syrupū cõficiendū esse absq; aceto, nec intentio eius est vt cõficiatur absq; eo omninò. Sed cum aceto, & tripliciter, vt diximus &c. Confusio etenim non parua est hodie in aromatarijs officinis: & non solū de hoc, sed & de multis alijs compositionibus. Et domini medici permittunt, non querentes si compositiones pharmacorum sint rectè, & debitis modis ab ipsis paratæ. Multoties certè propinatur ægrotis quod est eis expresse contrarium. Et hoc nempe ex vitrorumque incuria. Demum sciendum, quòd Brasaulus nostra ætate inter medicos celebratissimus, de radice endiuæ, quæ legitur in præsentī descriptione: tum quia in Auicenna (nec in suo exemplari, vt ipse dicit) non habetur: tum, quia ipsa endiuæ radix est frigida, & alia duæ calidæ: tum etiam, quia vulgaris ipsius nomenclatura, scilicet de duabus radicibus, quasi ubiq; profertur, dubitat an debeat esse in hac descriptione. Nos autē vel conueniat, vel non, alijs inquirendum dimittimus: hoc autē dicimus, quòd in viginquinq; exemplaribus ex pergamento inuenimus. Quapropter putamus ipsam non esse amouendam. Et si radix endiuæ est frigida, tanto magis competit huic syrupo, qui est ex infrigidantibus &c. Vocant ergo ipsum syrupum de duabus radicibus, ex quinq; calidis, quas alibi, Deo concedente, declarabimus.

*Modus syrupi acetosi de succis herbarū &c. C. LI.*



SCIENDVM quòd hic syrupus est idem cum syrupo dinari cum aceto, qui suprā: sed tamē sine additione specierū. Vnde Author subtrahit operationes eius, quasi remittens lectorem ad descriptionem præfati syrupi dinari. In hoc autem sunt differētes, scilicet quòd iste syrupus recipit minorē acetī quantitātē, quā in syrupo dinari: videlicet quòd ad tres partes, puta tres libras, syrupi dinari perfectè decocti, sine additionibus acetī & specierum, apponitur acetī boni pars vna, scilicet libra vna. Non autem est intelligendū quòd pro tribus partibus succorum, qui sunt in syrupo dinari, sit accipienda pars vna acetī &c. vt Nicolaus Præpositus, & Author nouarum additionū in præsentem antidotariū filij Mesuæ, declarauerunt: & cõsequenter permutauerunt textum & intentionem authoris præcipientis sumere tres partes syrupi, & non tres partes succorum. Etenim ipsis exceptis,

omnes libri tam antiqui, quàm impressi habent sic: Recipe syrupi dinari partes tres, & funde super ipsum aceti boni partē vnā. Et sic debet stare. Et hæc est vera Authoris intentio, scilicet vt sumantur syrupi dinari ex succis & zuccharo tantum cōfecti partes tres: quibus addatur aceti boni pars vna, & decoquatur cū facilitate, & fiat syrupus acetosus &c. Et loco istius, syrupus dinari cū aceto est accipiendus: quia rectè potest poni alter pro altero. Sed nota, quòd iste syrupus vocatur acetosus de succis herbarum: verū subintelligendū sine aromatibus: quia infra Author habet aliam descriptionem syrupi acetosi de succis herbarum cum aromatibus, de quo loco suo dicitur.

*Modus syrupi acetosi de succis fructuum &c. CLII.*



NVM quippe generale notandum est in præsentī descriptione pro omnibus similibus accidētibus, tam pondere, quàm mēsurā: videlicet, vbi Author dicit: Et iuleb partes tres, vel plus, vel minus &c. Qua in re est sciendum quòd licet authores post ipsorum determinationem dimittant illud per plus, & per minus, ad libitum nostrum: veruntamen vltra partem vnā, scilicet mediam per plus, & mediam per minus non est præsumendum. Quia tunc ageretur expressè contra ipsorum intentionem. Nam ipsi primum declarant intentionem suā: postea ostendunt quòd per plus, vel per minus, potest illud fieri. Verbi gratia: Intentio Authoris in præsentī descriptione est, vt non sint iuleb quatuor libræ, neq; duæ: sed sint tres, plus vel minus. Plus, scilicet non vltra tres partes, & dimidiam. Minus autem, id est non citra duas partes & dimidiam. Quia si quis acceperit vltra tres & semis, tunc accipit quatuor libras parum minus, & non tres parum plus. Et econtrā, si quis minus quàm duas & dimidiam acceperit &c.

*Modus syrupi acetosi de succis, & aquis fructuum &c. CLIII.*



ONITVR istamet descriptio: in aliquo tamen parum differens a filio Serapionis in 7. Breuiarij, & ab Auicenna in v. cañ. sub titulo syrupi defructibus. Etiam dictus Auicēna habet ibi aliam descriptionem sub eodem titulo: sed est differentior quàm prima. In vtraq; tamen habetur zarur, sicut in ista descriptione filij Mesuæ. Item ipse Auicenna in dicto v. cañ. scilicet in summa

summa secunda, tractatu sexto, habet etiamnum alium syrupum de fructibus, qui similiter recipit zarur. In descriptione autē filij Serapionis, legitur Zaharur. Et præter hoc non est aliud declarandum in præsentis syrupi descriptione.

*De Zarur, siue Zaror &c.*

**Z**Aror autem, siue Zarur, vel Zaharur : siue alzaror, vel alzarur &c. vnum & idem significant : quod à nonnullis dicitur esse sorbum, ab alijs mespilum, scilicet illud quod vulgò vocatur corrupto vocabulo nespilum, vel nespulum. Cum secundum veritatem neutrum ipsorum sit absolute. Sed verè est mespilum tricoccum Dioscoridis: illud videlicet mespilum, quod semicorrupto barbaro vocabulo, vulgò hodie nūcupatur Lazarolum, siue *Lazarolū.* alzarolum, seruans adhuc aliquod vestigium Arabicæ nomenclaturæ. In regno Neapolitano, & in Sicilia copiosius habetur. Cœpit iam & Romam apportari: vnde pluribus Cardinalium & nobilium pomarijs, hodie non deest alzarolum. Res ipsa notiorē veritatem ostendit, quā vt declarari debeat. Nam ita ad litteram correspondet capitulo Dioscoridis de mespilo tricocco, quod nec minimum iota dissentire videtur. Et præter Dioscoridem, sunt & alij non paucae autoritatis, quorum scripta illud idem probant: vt sunt Theophrastus, Plinius, Serapio, & ceteri. Et ex iunioribus, vt Manardus, Brasaulus, necnon & Pandectarius in pluribus locis, & ceteri. Non obstante quod capitulum Serapionis sit inscriptum de sorba, quia fuit error interpretis. Incipit enim zaror, & sequitur capitulum Dioscoridis de mespilo tricocco quasi ad litteram. Etiam ipse interpres in synonymis errauit, dicēs: Zarur, id est sorbæ. Et infra: zarore, id est sorbæ. Auicenna autem confundit duo capitala Dioscoridis de mespilis, in vno suo quod incipit, Zarur: quod est alzarur &c. Andreas Bellunenſis etiam in suis interpretationibus, nesciens quid esset, scripsit: Zarur est species sorbæ, vel mespili &c. Sed animaduertendum quod sicut mespilum æquiuocè dicitur de mespilo tricocco, & de mespillo setanio, quod mespilum setanium, siue epimelida dictum, est vulgare nespulum, scilicet mespilum Italicum : de quo etiam Dioscorides scribit capitulū inmediate post supradictum de mespilo tricocco. Sic etiam Zaror, vel zarur &c. æquiuocè dicitur de lazarolo, & de nespulo Italico vulgari noto. Quod probatur per Serapionem, qui in dicto capitulo sub nomine zaror, scribit vtrumque. Vnde sequens dicit: In regionibus verò Italix est alia species zaror, quam multi vocant epimelidam &c.

*Mespilum æquiuocè de quibus in el ligatur. Zaror æquiuocè.*

Et similiter probatur per Hali filium Abbas, qui secundo, practica, capitulo de fructibus, vtrunque tangit, cum dicit: Zanrū, vel zaruram, citrinum frigidum & siccū, & in eo ponticitas, prodest abominacioni colericæ: rubeū autem maioris est in his actionis. Pro citrino autem, intellexit vulgare nespulum Italicū. Nam clarum est, quod quando maturatur, ad citriniratem tendit. Pro rubeo autem, intellexit mespilum tricoccū, scilicet lazarolum, qui fructus cum est maturus est tantæ rubedinis, quod cum corallio Zaror absol- rubro perpolito maximam habet similitudinē. Vnde zaror, vel lue. zarur Arabicè, idem significat quod mespilum. Sed absolute per Mespilum zaror intelligitur lazarolum dictū: per mespilum autem, & absolute. precipuè in Italia, absolute, intelligitur nespulum vulgare. Michael de Capella redarguit Stephanum, zaurur, vel zaror vertisse mespilum, siue (vt ibi legitur) mespilam, asserēs mespilam Arabicè, nō zarur, sed gubeira vocari. Atqui vel ipse Michael errauit, vel est alia species mespilorum, quæ (vt ipse dicit) vocatur Arabicè gubeira. Quia (vt Theophrastus libri tertij de historia plantarum, cap. 12. & Plinius lib. xv. historia naturalis cap. 2. tradunt) constat quod sunt tria mespilorum genera, videlicet duo præfata, & tertium quod cognominatur gallicū, hoc est, mespilum gallicum. Vnde potest esse quod hoc tertium mespilum gallicum dictum, vocetur Arabicè gubeira. Veruntamen Stephanus non errauit. Sed an de hoc tertio Dioscorides loquatur, adhuc incertum est nobis. His denique visis sciendum quod pro zaror, sci Lazarolo licet lazarolo (saluo semper meliori iudicio) potest sumi mespico quid sumetanium, id est nespulum vulgò notum. Et in vtriusque horum carentia si sumatur sorbum, putamus non esse malum. Sed Sorbis quid nec mespila setania, neque sorba oportet vsint optimè matura: supplent. quia post ipsorum maturitatem, succus nō benè potest ex eis excipi, ob id, quia caro ipsorum efficitur sorbilis: vnde & à sorbendo (quia matura sorbentur) putamus sorba dicta. Præterea, qualiter mespila conseruentur, ac melle condiantur: & de arborum ipsorum satione &c. Palladius lib. 4. optimè scribit.

Modus syrupi acetosi de cytonijs &c. .CLIIII.



ABET filius Serapionis in 7. vnam quasi huic similem descriptionem, sed nō recipit zuccharum, cuius titulus est, Syrupus de rob cytoniorum &c. Nihil enim aut parum differt hic syrupus à miua acetosa simplici, quæ infra habetur. Quamobrem

potest alterum pro altero administrari. Aduertendū verò, quòd per aliquas impressiones præfens descriptio habetur mendosa, videlicet quòd vbi in illis legitur: Accipe succi cytoniorum acetosorum &c. partes xx. legèdum est rectius: partes x. vte est in exemplaribus & pluribus impressis libris. Quid autem sit cytonium acetosum: quære in condito de buglossa.

*Modus syruipi acetosi de pomis &c.* C L V.



VTHOR hac de causa (vt putamus) non locauit præsentem descriptionem syruipi acetosi de pomis cum duabus alijs quæ sunt infra: quia hic syrupus in omnibus sequitur modū syruipi acetosi de cytonijs. Igitur rectè post illam debuit locari. Et ex hoc scièdum, quòd poma huius syruipi, oportet vt sint acetosa: quia cytonia syruipi præfati de cytonijs (ad cuius imitationem iste syrupus conficitur) specificantur acetosa. Et consimiliter hic syrupus recipit acetum &c.

*Modus syruipi acetosi de prunis &c.* C L V I.



N præsentem descriptionem quidè dicit Author: Accipe aquæ prunorum acetosorum, & aquæ tamarindorū &c. Sed qualiter faciendæ sint ipsæ aquæ, in capitulo de tamarindis clarè ostendit, scilicet per viā decoctionis: lege ibi. Habet enim & filius Serapionis in 7. eadem descriptionem, cuius est titulus: Syrupus sanans coleram citrinam &c. Auicenna quoque in v. casu. habet ipsammet descriptionem: sed vitio librariorum, vel interpretis, pro prunorum, legitur pyrorum. Bellunenensis autem emendauit, rescribens prunorum &c. Titulus descriptionis Auicennæ est: Syrupus extingvens, & conferens ad sitim &c. Sed tam filius Serapionis, quàm Auicenna, habet ipsam descriptionem sine zucarò, tanquam rob. Quod quidem ipse filius Mesuæ in fine descriptionis notauit, dicens: Et quandoq; non ponitur in eo zucarum, & fit sicut rob bonum & expertum. Habet etiam Auicenna aliam descriptionem, quæ intulatur, Syrupus de prunis. Sed longè differt ab ista.

*De Prunis acetosis.*

DE Damascenis prunis, satis iam dictum fuit in confectione de prunis. In præsentem autem descriptionem, & nonnullis alijs locis, querit Author pruna acetosa. Quapropter sciendū quòd prunorum cum plura sint genera, seu species, & differentie, ali-

quando propter aliquam causam magis convenit vnum genus, seu vna species de minus electis, quàm electissima: quod quidem etiam in omni genere, sub quo diuersæ continentur species, intelligendam est. Igitur in præsentī descriptione, & similibus, pro prunis acetosis, non sunt intelligenda pruna Damascena, licet  
*Pruna D. Damascena.* sint meliora in genere suo. Quia pruna Damascena nuncupata, non sunt acetosa, imò inter dulciora & suauiora obtineat principatum. Sed sumenda sunt ex alijs prunorum speciebus, illa videlicet, quæ matura gustui acetosiora probantur. Vt sunt aliqua  
*Pruna syluestria.* syluestria &c. Sed aduerte etiam quòd non debent intelligi illa prunecola syluestria Atrinex dicta ex quibus (vt in modo confessionis iacur diximus) apud multos conficitur acacia: quia ipsa habent plus de austeritate, quàm de acetositate &c. Ex alijs autè prunis eligenda sunt: nec debet esse optimè matura, sed in initio marurationis eorum &c.

*Modus syrupi acetosi de pomis descriptione nostra &c.* CLVII.



SYRVPVS iste (vt textus declarat) est ex descriptione propria ipsius filij Mesuæ. Sed vbi in ipso legitur, Aquæ rosarū: intelligitur aqua infusionis rosarum rubearum, & nō aqua ipsarum sublimata. Quoniam vt patet in descriptione Iuleb rosati ex infusione rosarum, omnes operationes ipsius conueniūt huic syrupo. Veruntamen in defectu dictæ infusionis, in quibusdam compositionibus, vt in ista, potest subministrari aqua rosarum sublimata. Et hac ratione: quia filius Mesuæ (vt etiam diximus in descriptione iulep alij rosarū) cum scripsit ipsum iulep ex aqua sublimata, subiecit virtutes & operationes ipsius, tacite innuens nobis ipsum habere easdē operationes & virtutes quas habet iuleb ex infusione &c. Et ideo cūm legis ibi, Iuleb aliud rosarum: subiintellige eiusdem operationis &c. Præterea vbi Author dicit in præsentī descriptione: Succū endiuie cocti & despumati: intellige, cocti vsque ad perfectam ipsius despumationem. Si autè dixisset, despumati & cocti: aliter esset intelligendum, scilicet quòd post ipsius depurationem esset decoquendus ille succus vsque ad consumptionem medietatis, seu tertie aut quartæ partis ad minus. Nunc autem, cocti, id est bulliti: & despumati, id est depurati &c. Item animaduertendum quòd errore librariorum, per  
 omnes



omnes impressiones non rectè legitur in ista descriptione: Et sunt qui condiunt cum 3.ij. camphoræ. In antiquis exemplaribus autem non ita: sed sic legitur, Et supercondies cum 3.ij. camphoræ. Et quod sic debet stare, ratio tenet: quia Author (vt præfati sumus) testatur in exordio, se fuisse inuentorem istius syrupi, cum dicit: descriptione nostra. Et ideo non comperit huic descriptioni illud, scilicet quod alij faciunt sic, & alij sic &c. quia nulus ante ipsum filium Mesuæ, composuit talem syrupum. Ergo rectius est, secundum quod legitur in dictis exemplaribus. Possset tamen stare hoc modo (si Author scripsisset) videlicet: Et aliqui possunt condire cum 3.ij. camphoræ. Si placebit supple. Et tunc esset ad libitum conficientis: nunc autem si volumus sequi doctrinam eius, cum conficitur iste syrupus, necessarium est cōdiendus cum dictis 3.ij. camphoræ: quia Author præcipit, dicens: Et supercondies &c.

*De Melonibus hyemalibus.*

**M**elonum, siue peponum, plura genera & species reperiuntur. Vnde ex illis aliqui dicuntur hyemales: non quod hyeme nascantur, sed quia sunt tardioris corruptionis: & possunt domi incolumes seruari per totam hyemem sequentem, & de facto seruantur, idcirco hyemales vocantur. Ex eo huiusmodi duas agnoscimus species. Quarum vna, sunt illi melones magni virides, de quibus separatim Serapio facit capitulum, qui quidem vulgò cucumeres, & anguriæ nuncupantur. Et à quibusdam citruria aquæ, siue melones aquæ appellantur. Quamuis dicta nomina, scilicet cucumeres, & anguriæ, magis conueniant illis cucumeribus, qui sunt longi & varijs modis retorti, anguium representantes formam. Vnde putamus angurias dici. E quibus sanè reperiuntur albi & nigri. Et vulgariter in regno Apuliæ, absolute cucumeri vocantur. Quos etiam Serapio in capitulo de melonibus & citrullis describit. Alij autem melones hyemales, sunt cytrini coloris ab extrâ: ab intus verò vtrique albi. Sed isti sunt oblongi, maiores citreis pomis: sapore autem inter dictos melones magnos virides hyemales, & pepones æstiuales. Quos scilicet citrinos, melones Romanos Hispani vocant. Vtrique enim sunt frigidæ complexionis & tardioris corruptionis, ferèq; concoctionis &c. Vnde & de quolibet ipsorum potest fieri aqua pro huiusmodi syrupi propinatione. Quia etiam & cum aqua frigida pura, vt Author dicit, propinari potest.

*Syrupus alius acetosus de pomis &c.* CLVIII.

VL E B huius syrupi, ex pura aqua & zuccharo debet fieri. Item aduertendum quòd in præfenti descriptione per impressos libros, est similis error qui in multis alijs, videlicet vbi legitur: Seta tin-  
cta ex chesmes. Lege ex chermes.

*Modus syrupi acetosi altereniabin &c.* CLIX.

LIQVI libri habent, de tereniabin. Et idem est quod altereniabin. Sed tam per impressos, quàm per manuscriptos codices, multas variationes huiusmodi vocabuli inuenimus. Ignorantia quidem peregrinarum linguarum est causa multorum er-

rorum, vt in multis alijs vocabulis probauimus. Quamobrè in præfenti descriptione, siue legatur tereniabin, siue terniabin (vt frequentius in impressis) siue taraniabin, siue alterniabin & similia, quæ idem significant, pro mannæ specie (vt supra declaratum est) intelligatur. Præterea qualiter sit intelligendus succus endiuie coctus & depuratus, mox supra in modo syrupi acetosi de pomis descriptione nostra, declaratum est. Et similiter aqua rosata, pro qua intelligitur infusio rosarum. Granata muza dicuntur illa quæ sunt media inter acris & dulcia. Vbi autem dicitur: Da vt supra: subintellige cum aqua niuis, siue cum aqua frigida &c.

*Granata  
muza*

*Modus syrupi acetosi, solutione educetis co-  
leram &c.* CLX.

N præfenti nempe descriptione per omnes impressiones sunt duæ menda, & quamuis parua, tamen corrigenda. Primum videlicet vbi legitur, Succi rosarum recentium. Rectius lege: Succi rosarum recentis, & non recentium. Alioqui frustra poneretur dictio illa recentium. Non enim ex ficcis rosis potest extrahi succus. In antiquis exemplaribus certè recentis legitur. Vnde intentio Authoris est, vt sit succus recenter extractus e rosis: quia est magis solutiuus, & aptior pro huiusmodi syrupi operatione, scilicet vt soluat &c. Nam succus rosarum, & generaliter omnes succi qui non condensantur, quanto magis tenentur (& maximè post annum) tanto magis debilitantur in operationibus suis, & corrumpuntur &c. Ex quo sequitur, quòd iste syrupus conficiendus est tempore collectionis rosarum. Et similiter omnes succi non condensati recentissimè administrandi sunt,

*Succorum  
considera-  
tio.*

præ

præmissa tamen ipsorum depuratione si indiget. Necesse est autem cogente inter annum si defecerint compositiones, in defectu succorum recentium licet nobis ut illis, super quos iam præterierunt menses. Nec tamen ultra annum seruandi sunt huiusmodi succi, sed quolibet anno, temporibus suis, excipiendi sunt &c. Item aduertendum quod hic est facienda decoctio prunorum, & cæterorum simplicium, secundum artem, in sufficienti aquæ puræ quantitate, & exprimenda antequam succus rosarum, manna, casia fistula, & zucarum immittantur. Et fiat syrupus. In fine autem decoctionis eius, superaddantur acetum & succus granatorum acetosorum, & coquatur aliquantulum cum facilitate: interim ponatur scammonia, supple correctæ, ligata in panno subtili &c. & perficiatur eius decoctio, semper auferendo spumam &c. Aliud inendum est ubi legitur: casia, absolute, lege specificatè: casia fistula, ut est in præfatis exemplaribus.

*Syrupus conferens catarrhis &c.* CLXI.



**Q**VAMVIS ab Authore, seu ab interprete, omiffa sit decoctio faciēda in præsentis syrupi confectioe, & in supradicta, & infra, scilicet in syrupo de hyfopo & syrupo de praisio, & syrupo de calamento primæ descriptionis, & syrupo de thymo, & similibus. Peritus tamen aromatarius, nullum necessarium debet omittere. Loquitur enim Author cum peritis &c. Quamobrem necessariò hic, & in similibus, est faciēda decoctio rerū aliquarum in competenti aqua, secundū artem &c. Item nota quod ubi legitur per impressos codices: Seminis maluæ, seminis cytoniorum ana 3. vj. putamus verius legendum: ana 3. v. quia sic est pro maiori parte in antiquis exemplaribus.

*Syrupus de cannis zuchari &c.* CLXII.



**S**CIENDVM quod in præsentī descriptione est per omnes impressiones vnum notabile mēdum: videlicet ubi legitur, Recipe succi granatorum dulcium lb. ij. lege rectius lb. iij. in veritate dicimus, quod in nullo penitus antiquorū librorum inuenimus scriptū lb. ij. Sed paucis duntaxat exceptis qui habent lb. iij. reliqui omnes habent cōcorditer lb. iij. Præterea, scribitur præsens syrupus à filio Serapionis in 7. Cuius principiū est: Syrupus qui confert ad tussim, & pleuresim &c. & ab Auicenna in v. can. cuius initium est: Descriptio syrupi, qui confert ad tussim & pleur

pleuresim &c. Et vterq; habet, aquæ granatorû dulcium lb. iij. &c. Vide Nicolaum Præpositum: quia & ipse etiam habet succi granatorum dulcium lb. iij. Et aduerte quòd filius Serapionis &

*Aqua granatorum.* Auicenna posuerunt aquam granatorum intelligentes sub nomine aquæ, succum quem postea Author noster specificatè scripsit. Quia (vt aliàs diximus) aquæ antiquorum sunt succi, & de-

*Aqua maloru de scemi.* coctiones &c. & non aquæ distillatæ. Sic etiam aqua malorû de scemi, & aqua cannarum zucchari in præsentî descriptione intelligitur succi. Mala de scemi, nò de feni, suprâ iam declarata sunt.

*De Cannis Zucchari.*

**C**annæ igitur, ex quarum succo per coctionem ignis fit zuccharum, arundinibus communibus similes sunt, minores tamen, & intus plenæ &c. Pluribus nascuntur locis, vt in Creta, & Sicilia &c. Lusitani autem non multis antè annis, in insula Madæ ab ipsis nouiter reperta, plantauerunt ex dictis cannis nò modicam quantitatem: vnde nunc singulis annis ferè per totum orbem magnam distribunt boni zucchari copiam. Aqua autem ex ipsis cannis, pro istius syrupi & finilium confectiōe, accipiēda est, eo tempore quo aptiores sunt ad zuccharum faciendum. Et est prius bulliēda, atque despumanda &c. Vbi autem commodius non potest haberi succus ipsarum cannarû recens, loco eius (vt Author docet) penidiæ ponendæ sunt. Ad differentiam autem aliarum cannarum, Author addidit zucchari: ex quo rectius titulus istius syrupi est cum additione zucchari: vt in quibusdam exemplaribus inuenimus, sic videlicet: Syrupus de cannis zucchari &c.

*Aqua canna-  
rû Zuccha-  
ri quid sup-  
pleat.*

### *Syrupus de Portulaca &c.* CLXIII.



**V**nde IN plurimis, per antiqua exemplaria præsentis syrupi descriptio locatur post syrupum de Iuiubis. Sed quia hoc nihil facit ad rem: & quia in aliquibus, quamuis paucis exemplaribus, hūc (quem in impressis libris) obtinet locū, nolimus ipsam aliter amouere.

*De Portulaca.*

**P**ortulaca tanquam res notissima, à Dioscoride non depingitur. Quæ igitur apud nos sponte nascitur, folia habet longiora & strictiora: quæ autem feritur, folijs constat latioribus & curtioribus ad corculi effigiē accedentibus. Vnde primam (tanquam non fatiuam, quamuis locis cultis & hortis vtplurimum oriatu)

oriatur) syluestrem vocamus. Secundam autem, quia seritur, sativam, siue domesticā dicimus. Et qualibet ipsarum indiscriminatim possumus uti. Tamen syluestris præfertur. Sed ne quis decipiat in syluestri portulaca, sciendum quod apud Dioscoridē, portulaca syluestris, neutra istarum intelligitur: sed est herba, quæ vulgò Telephion dicitur. Quod nomen etiam & ipse Dioscorides posuit. Quod quidem telephium, licet vocetur portulaca, à foliorum similitudine, virtutes tamen habet portulacæ contrarias: ut in ipsius Dioscoridis volumine legi potest. Est etiam nū præter ipsam, & portulaca marina, quæ similiter ab ipso Dioscoride portulaca syluestris, & peplis vocatur. Et ista est de speciebus lacticiniorum perniciosiorum. Portulaca autem à Græcis Andrachnes dicitur. Tamen hoc vocabulū apud ipsos est æquiuocum, siue commune ad omnes supradictas, nec non & ad alias plures herbas. Vnde (ut iam diximus) fit quilibet cautus in his & similibus vocabulis æquiuocis: quoniam pluries sub vno & eodem nomine, duæ, & quandoque plures res contrariæ ad inuicem reperiuntur.

### Syrupus de Violis &c. CLXIII.



EST in præsentī descriptione (licet paruus) vnus error: videlicet, vbi legitur per impressos codices: Seminum cytoniorum, seminum maluarū, ana 3. viij. lege 3. vij. quia sic inuenimus in omnibus fere exemplaribus antiquis quæ legimus. Modum autē accipiendi aquam, siue succū à cucurbita, ponit Author supra, scilicet in syrupo de succo cucurbitæ. Et ille modus est obseruandus. Non obstante quod etiā è cucurbita cruda possit exprimi succus, siue aqua. Nec etiam hîc (ut nonnulli putant) pro aqua cucurbitæ, est intelligēda aqua sublimata, de qua minimè intellexit Author. Istam inet descriptionē, authoritate Hamech, habet etiam Author in practica, videlicet in sermone de aqua cicerū, in aliquibus tamen differentem. Et in eodem sermone, authoritate Ioannitij, habet alium syrupum violatum, sed non est in vsu.

### Syrupus de Iuiubis &c. CLXV.



ER omnes nanq; impressiones, in præsentī descriptione, est vnus error valde notabilis: videlicet, vbi legitur: Accipe iuiubarum lb. x. Verissimè legendum est: Accipe iuiubarum lx. id est 60. scilicet numero. Nonnulli ex iunioribus animad-

uerterunt errorem: quia x. libræ iuiubarum in quatuor libris aquæ non possunt decoqui, sed causam erroris ignorantes. Sunt qui vnũ, & sunt qui aliud, variaq; exponentes somnia. Vnde *Mandi er* nardus vir eruditissimus etiam in hoc valde hallucinatus est. Et *ror in syru* enim volens ipse emendare, maiorem commisit mendam, falsq; *po de iui-* suspicatus errorem esse in libris aquæ, & non in iuiubis, declara- *bis.* uit non quatuor, sed centum aquæ libras sumendas esse. Et posito casu quod pro decem iuiubarum libris, esset bene sumere centum libras aquæ: sed tanta quantitas aquæ, quam substantiam posset accipere ex quinque drachmis violarum &c. paucis simplicibus, quæ in ista descriptione scribuntur? Et quomodo bene ad tantam aquæ quantitatem, nõ amplius quàm duæ libræ zuchari? Error igitur est in iuiubis: quia (vt diximus) non habent esse amplius, quàm sexaginta numero. Et sic vniformiter habent ferè cuncta exemplaria manuscripta. Causa tamen huiusmodi erroris hæc fuit. Legebatur nempe in dictis exemplaribus, illa dictio sexaginta, absolute, absque numero, vt in pluribus nos legimus: sic videlicet, Accipe iuiubarum lx. vel sic: Accipe ex iuiubis lx. Minus periti librarij quidem imprudenter separantes l. ab x, inter vtrunque statuerunt punctum, siue comma: sic, l.x. vel sic, l:x. vt in prioribus excusionibus legitur. Hinc de facili successores errauerunt, intelligentes l. pro libris: & x. pro decem. Hinc iuniores impressores fortificantes mendam, tanquam ad clariorem intelligentiam, ad l. addiderunt lb. sic imprimentes, lb. x. Sed re vera (vt aliàs diximus) errores, non impressoribus librorum, sed ipsorum correctoribus imputandi sunt.

De Iuiubis.

**I**uiubarum secundum aliquos, duo reperiuntur genera, videlicet album & rubrum. Apud nos verò genus rubrũ tantum habetur. Et licet antiquioribus (vt nonnulli astruunt) iuiubæ fuerint incognitæ, hodie tamen omnibus ferè nationibus notissimæ sunt. Et vt Plin. 14. cap. libri 15. naturalis historię refert, ante Augusti tempora iuiubæ non fuerunt in Italia. Græcè quidem, & etiam Latine Zizipha, & forica dicuntur. Arabicè autem (vt in Serapione legitur) Hunen, & Zufazef (quasi zizipha) barbarè & corruptè vocantur. Arbor enim ziziphorum, id est iuiubarũ, spinosa est valde, & non multum differt à quodam rhamni genere. Aprilimense feritur. Plinius Author est.

Syrupus

*Syrupus de Papauere &c. CLXVI.*

**D**ESCRIPITIO præsentis syripi compositi de Papauere, posita est ab Authore ultimo loco huius primæ partis syruporum compositorum, ratione quam supra in syrupo simplici de papauere assignauimus. Estq; in præsentis descriptione per omnes impressiones vnus maximus & peissimus error. Videlicet, vbi legitur: Recipe papaueris albi & rubei. Non enim papauer rubeum intrat præsentem compositionem. Quapropter lege rectius: Recipe papaueris albi, & nigri. Quia sic est in exemplaribus antiquis. Apud nullum Authorum reperitur in huiusmodi compositionibus, vel similibus, papauer rubeum, de quo mox dicemus. Multæ nempe compositiones sunt posite in isto volumine filij Mesuæ, quæ recipiunt papaueris, seu papauerum portiones: vt in practica cap. de tuisi &c. In nulla tamen reperies papauer rubeum, præter hîc, vbi pro nigro, non ab Authore, sed ab imperitis librarijs mendose positum est. O vtinam non malè. Item in fine præsentis descriptionis, vbi legitur in quibusdã impressionibus: zucchari, & penidiarum ana 3. viij. Errore quidem posita est ibi 3. pro 3. Et in nonnullis de recentioribus excusionibus peius est, ana 3. iij. Lege igitur rectius, ana 3. viij. Quia sic est secundum veritatem literæ: vt per antiqua exemplaria apertè probatur. Præterea sciendum quod quando reperitur papauer, & non specificatur de aliquo, semper de albo est intelligendum. Etiam absolute, de aliquo specificato, semper intelligitur semen. *Papauer absolute.* Item sciendum, quod partes illius plantæ, e cuius capitibus est abstractum opium, sunt tanquàm semimortuæ: & per consequens, non sunt ita bonæ ad medicinæ vsum vt aliæ, à quibus non fuit opium ablatum: quæquidè semper præferendæ sunt. In necessitatibus tamen & illis vti licebit. Sed neq; feritur semen dictæ plantæ quæ amittit opium: quia est (vt diximus) tanquàm sine anima, & vt plurimum non oritur.

*De omni Papauere.*

**P**apauerum genera multa, species plures, & differentiarum plurimæ reperiuntur. Antonomastice autem, cum papauera scribuntur, album & nigrum intelliguntur. Singulariter verò, semper album subauditur. Estq; inter Doctores non parua disceptatio, super pauerum generibus, & ex ipsorum dictis magna oritur confusio. Et certè esset prolixitas magna describere tot hominū opinio

*Papauer album.*

opiniones. Igitur curiosi lectoribus dimittentes eas, sub breuitate papauerum genera, quæ scimus, declarabimus. Nam papauer album, quod Dioscorides satium vocat, est notissimum. Nigrum quoque, quod similiter Dioscorides in genere satiuorum enumerat, non est incognitum. E cuius succo volunt plurimi in Thebaica regione optimum fieri opium. Vnde opium Thebaicum præfertur cæteris, secundum ipsos. Veruntamen scimus quod in partibus Apulizæ & alijs locis, non ex nigris, sed ex albis faciunt: non tamen per contusionem capitum, sed per ipsorum scarificationem lac assument &c. Album semper feritur apud nos: nigrum vero rarum, quia copiosè sponte nascitur. Album autem papauer dicitur: quia non solum flos, sed & semen est eialbum. Et præter istud & aliud, quod dicitur papauer spumeum, omnia alia papauerum genera, semen nigrum, vel saltem ad nigrum tendens producant. Et nigrum (cuius meminimus) dicitur peculiariter nigrum, ob id, quia in folijs, floribus, & cæteris partibus est reliquis nigrius &c. Quod quidem Dioscorides, licet ipsum in capitulo de papauere satiuo scribat: tamen syluestre papauer nominat. Cuius capita sunt in partibus nostris depressa, grossitudinem nucis inglandis nunquam aut rarissimè excedentia. Capita autem albi papaueris, sunt eis maiora valde &c. Aliud autem papauer, quod ipse Dioscorides eodem satiuorum capitulo, tertio loco scribens, dicit syluestrius esse, hodierno tempore communiter ignoratur. Est etiamnum & papauer rubeum, quod pro nigro falso positum erat in præsentis syrapi descriptione. Et hoc, secundum aliquorum iudicium, est illud quod Dioscorides papauer rhoëas appellat. De quo quidem ante præfata, capitulum facit. Sed secundum alios papauer rubeum est species anemonis. Et in hoc est magna controuersia. Quia si papauer rubeum est de genere anemonum, non poterit esse papauer rhoëas, quod scribitur à Dioscoride inter papauerum genera, & non inter anemonas: nec obstat quod legitur in illo cap. scilicet ipsum habere florem similem syluestri frenio, id est anemoni, quia similitudo non dicit proprietatem. Non parum interest inter proprietates anemonum & papauerum: vnum quippe ipsorum est valde calidum, & alterum maximè frigidum &c. Et licet anemonis, siue frenij genus, teste Dioscoride, multas habeat species: non tamen per hoc est dicendum, species papauerum esse species frenij &c. Multas & alias super hoc disputationes breuitatis causa dimittimus. Hoc vnum autem dicimus, quod illud papauer rubeum vulgò notum (quod

*Papauer rhoëas.*



(quod à mulierculis hodiernis rosa canina vulgariter nuncupatur, & à nonnullis rosella, & ab alijs paparina, quasi papauerina, per syncopam dicitur) vel sit species papaueris, vel species fremij, non intrat præsentis syrupi compositionem. Præterea de corniculato papauere: tum quia est notum, tum etiam quia non intrat præsentem compositionem, non erat hæc de eo multum dicendum. Sed quia authores non scribunt nisi vnam tantum speciem papaueris ceratitidis, scilicet corniculati, & nos proprijs manibus non tantum vnam, sed tres differentes species huiusmodi *Papaueris* papaueris pluries collegimus; visum est nobis non silentio prætereundum esse. Papauer igitur corniculatum, quod Dioscorides & ceteri depingunt (vt icitur) nascitur in maritimis, floremque fert croceum, languidum, siue (vt mauis) mellinum &c. Nos autem paucis ante annis cum essemus in Hispanijs, & proprie in regnis Aragoniæ & Castellæ, non in maritimis, sed longe à Thalasissicis litoribus per multa miliaria duas alias papaueris corniculati species inuenimus. Quarum vna simillima est præfata maritimæ in omnibus, & per omnia, præter in flore: quia flos est ei non croceus, sed valde rubeus, figura tamen & magnitudine non dissimili. Cornicula ad vnguem, vt Thalassicum dictum, profert. In sapore etiam differunt: quia hoc non habet illam salcedinem, quam illud propter maris vicinitatem habet. Alterius autem speciei planta tota respectiue est minor: folia habet maximè incisa, & non ita albicantia. Flos est ei, quatuor foliorum, vt alteri, non croceus, neque rufus, sed violaceus, simili forma vt supra, minor tamen. Cornicula etiam fert simillima, sed valde exigua. Semina omnibus his nigra &c. Hæ quidem species non in litoribus maris: sed iuxta viarum semitas & circa triticeos campos, in præfatis Regnis copiosissimè proueniunt. In maiori tamen quantitate illud cum flore rubro, quàm illud cum flore violaceo. Hæc nempe scripsimus, vt lectores perscrutentur an aliquod ipsorum per authorum libros reperiri valeat: vt habita ipsorum cognitione, sciant posteri & ipsis plantis in necessitatibus vri. De papauere autem spumoso, siue spumoso, haud habemus in præsentiarum quid certius scribamus. Varie enim sunt opiniones doctorum super hoc: nam sunt qui vnum, & sunt qui aliud esse suspicantur. Sunt & alia diuersa quidem, tamen papaueri attributa, vt Nigella, scilicet melanthium, quod Romani, teste Dioscoride, papauer nigrum appellant. Et Nenuphar, quod Pandætarius papauer palustre nominat. Et Esula, quam idem Pan-

*Papauer* dectarius in litera P, papauer spinosum vocat. Sed nos nusquam vidimus Esulam spinosam. Etiam & quoddam fremij genus, *fremij* quod Dioscorides à quadam similitudine, papauer cognominat. Et alia plura minus necessaria, quæ breuitati studentes dimisimus.

*Iam quidem loquuti sumus &c.* CLXVII.



*Syrupus acetosus calidus.*

INC Author incipit particulam syruporum compositorum excalescentium. Et primò pertractat de syrupis, quos vocat secaniabin. Secaniabin autem, siue schingibin, siue squingibin, siue magis barbarè secangibin, & similia, quæ per varios libros legimus, Arabicè vnum & idem significant: quod est Latine syrupus acetosus, supple calidus, siue ex melle, siue ex zucharo fiat. Græcè autem syrupus huiusmodi ex melle, vocatur oxymel: ex zucharo autem, oxyzaccharon. Oxos enim Græcè, acetum significat Latine. Et licet acerum sit frigidum: tamen ab autore in syrupis calefacientibus (vt patet in præsentī particula) sæpe per quàm optime accommodatur, ob multos effectus operationum eius, contemperando caliditatem alicuius simplicis, & cætera quæ non sunt præsentis speculationis.

*Sermo in aqua mellis &c.* CLXVIII.



IRO quidem sermone commendat Author syrupum, scilicet portionem aquæ mellis. Sed quare ipse Author syrupum hunc omnium simplicissimum, & sequentem, scilicet secaniabin purum, & quosdam alios, non numerauerit inter simplices, suprà, scilicet in sermone de syrupo acetoso iam dictū est. Obijciat forsā aliquis dicens, quòd hic syrupus non intelligitur simplex: quia (vt Author testatur) potest recipere species alephanginæ &c. Ad hoc respōdendum quòd species illæ &c. sunt additiones ad libitum, & huiusmodi additiones non sunt de essentia compositionis. Igitur (vt diximus) syrupus ipse simplicissimus est. Species autem alephanginæ, in pilulis alephanginis declarabuntur. De melle dictum est suprà, & satis clarè etiamnum describitur ab autore, in istomet sermone de aqua mellis. Ponit nempe Author duos modos faciendi aquam mellis: sed neutro ipsorum cōmuniter vtuntur Medici hac tempestate, in infirmorum curis.

*Sermo in Secaniabin puro &c. CLXIX.*

**L**N hoc secundo sermone commendat Author syrupum acetosum simplicem, ex melle, quem vocat Secaniabin purum : qui quidem syrupus hodie in aromatarijs officinis communiter paratur sub nomine oxymellis simplicis. Et declarat Author eius simplicitatem, dicens: Illud (supplesecaniabin) quod nos intelligimus, est illud cuius materia sunt tres res, scilicet mel, acetum, & aqua. In processu autem sermonis, ubi dicit : Et quandoq; exigit dispositio ut addatur ad quantitatem aceti, sicut te scire fecimus in capitulo de syrupo acetoso. Declarat aperte, & hunc syrupum esse tripliciter parandū, sicut & illū, scilicet debilem, mediocre, & fortē. Sicut te scire fecimus, in capitulo, scilicet in sermone de syrupo acetoso. Propterea lege ibi. Et certē res foret optima, habere præsente syrupum, & consimiles omnes tripliciter paratos. Et si aromatarij de hoc non curant, saltem ipsi Medici deberent curare & præcipere ut fiant. Quia ad varias infirmitates non unū & idem semper, sed varia sunt administranda pharmaca.

*Modus Secaniabin de radicibus &c. CLXX.*

**H**IC præsens syrupus intitulatur Secaniabin de radicibus. Sed quare Authori placuerit dare ei talē inscriptionē, cum non amplius quā duæ radices ingrediātur ipsum, nullus declarat. Nam in sequētes syropos, scilicet Secaniabin de cheifim, & secaniabin de calamento, scilicet in quemlibet ipsorum intrans tres radices, & tamen ab ipso authore non intulantur de radicibus. Et si non est, quia in præsenti syrupo maior quantitas ex duabus recipitur, quā in quolibet sequētiū ex tribus: fatemur etiamnum & nos ignorare causam. Etenim in hoc secaniabin, ex dictis duabus radicibus quatuor vnciæ sumuntur, scilicet de qualibet ipsarum vnciæ duæ, ut patet in litera: in sequentibus autem, ex singulis radicibus, singulæ sumuntur vnciæ : & sic ex tribus radicibus ipsorum, tres tantū vnciæ recipiuntur. Sunt equidem & in præsenti descriptione duæ mendæ. Prima videlicet ubi legitur feminis anisi, apij, sceniculi &c. Illa dictio anisi, in antiquis exemplaribus pro maiori parte non habetur, nec in vulgari impressione: quapropter putamus non esse admittendum anisum. Sicut enim Author posuit primum duas radices, sic etiam & earundem

radicum duo plantarum semina associavit, ita scribens: Accipe corticum radicem apij, & foeniculi, ana 3. ij. seminis apij, & foeniculi, ana 3. j. &c. Alia menda est, ubi legitur: Aquæ lb. xx. lege rectius: Aquæ lb. xij. quia sic est in cunctis ferè præfatis exemplaribus, & in vulgari impressione. Præterea ubi Author dicit: Coquatur cum facilitate, sicut superius dixi. Declarat quòd tu debes illud dum coquitur, diligenter despumare &c. Vt in sermone de secaniabin puro immediatè præscripto, clarè notavit.

*Modus Secaniabin solutione educentis phle-*

*gma &c. CLXXI.*



**R**ATIONABILITER nempe hoc Secaniabin potest dici additio præcedētis: quia causa phlegmatis euacuandi, additur ad illud medulla carthami &c. Sed aduertendū quòd Author specificauit quantitatem secaniabin de radicibus facti fumendam, scilicet circiter lb. ij. Et si non est error, subicitur quantitatē aliorum simplicium ad ipsas duas libras præfati secaniabin adiungendam, dimittēs illud arbitrio medicorum, plus & minus &c. Sicut in multis alijs cōsimilibus additionibus fecit. Et ex hoc sequitur, quòd aromatarij non possunt inescitu medici huiusmodi secaniabin conficere: quia ignorant quātum ex carthamo, seu ex turbith, vel zinzibere subministrare debent &c. Sed suspicamur esse errorem in præfenti descriptione: quia in quatuor ex antiquioribus exemplaribus inuenimus turbith, & zinzibere, cum assignato pondere, sic: videlicet, turbith, & zinziberis ana 3. j. De carthamo autē, in nullo legimus speciatim pondus. Manardus verò in huius secaniabin declaratione, testatur posse poni vsq; ad integram libram, ex carthami medulla, & 3. iij. turbith. Sed quomodo hoc bene posset fieri, nescimus. Quia in duabus libris secaniabin de radicibus ab authore assignatis, tanta quantitas medullæ carthami ligata in panno &c. nequaquam potest decoqui. Vix enim præfate duæ libræ valent madefacere libram medullæ carthami, vt quilibet experiri potest. Insuper notandum quòd duæ libræ prædictæ accipiendæ sunt ex secaniabin de radicibus præparato crudo, & non cocto, & postea decoquendæ cum medulla carthami, vel cum turbith &c. Quia si de percocto acciperetur, frustra diceretur quod sequitur in litera, videlicet: Et suspende in ipso quando coquitur &c. Nisi quis veller in ipsum decoctum superinfundere de nouo acetum & aquā, vt iterum cum carthami

mi medulla decoquatur &c. Quod quidē licet possit fieri, tamen non credimus esse de mente authoris. Et animaduerte quod Author associauit zinziber turbith: quia vt in superioribus iam dictum fuit, & probatum, nunquam turbith absq; zinzibere est ad ministrandum. Igitur si cuius iam placuerit apponere turbith, apponat etiam & zinziberis portionem. Lege de hoc in confessione electuarij indi maioris.

*Modus secari ab in solutione educentis melancholiam &c.* CLXII.



VNT & in præsentī descriptione per omnes impressiones duo menda. Primum, videlicet vbi legitur chamædryos, chamæpityos &c. deest ibi vnū simplex, scilicet anisum. Lege verius sic: Anisi, chamædryos &c. Aliud mendum est: vbi legitur, hellebori nigri, aur. iij. rectius lege, aur. ij. Quia sic vtrunq; est fere in cunctis antiquis exemplaribus. De buglossa autem domestica, & syluestri, satis diximus in syrupo dinari. Et de Bedegar, lege in syrupo de eupatorio.

*De Chamædry, siue Chamædreos.*

CHamædryos herba, quæ minus rectè per genitium semper Chamædreos dicitur, à Romanis, teste Dioscoride, trifago *Trifago*. appellatur. Sed hodie vulgò, alij querculam minorem, alij cha- *Quercula* lamandrynam quasi chamædrynam vocant. Hispani autem her- *minor*. barij & aromatarij betonicam falsò nominant, ipsaq; pro betonica falsifimè vtuntur. Herba satis nota. Folia vnà cum semine colligenda sunt. Dioscorides Author est. Chamædryos enim Græcè idem significat, quod Latine parua quercus.

*De Chamæpity, siue Chamæpyteos.*

ET Chamæpityos etiam vt chamædryos, quasi semper per genitium, per authorū volumina chamæpityeos legitur. Dioscorides enim de chamæpity scribēs, tres eius species notat. Apud nos autè duæ tantū (quæ & notiores sunt) habentur in vsu. Quæ duæ vulgò iua artetica, & iua muscata nuncupatur. In vtraq; enim fo- *lia artetica* lia sunt vt in parua pina, vnde & nomē accepit. Nam chamæ- *ca & muscata* pityos Græce, parua pinus interpretatur Latine. Habet etiā odorē *scata*. resinofum, sicut est odor pini. Flores vtriusq; mellini &c. Quæ autem cognominatur muscata, vt plurimū locis petrosiss oritur. Reliqua verò, scilicet artetica, inter stipulas triticeas derelictas post annū, nasci gaudet. Vtraq; indifferenter vtuntur omnes. Musca-

ta tamen (quia muscū olet, & sic cognominata) tanquam magis aromatica, nos potius utimur.

*Modus de secaniabin de cheisim &c.* CLXXIII.



VARE, præfens secaniabin intituletur de cheisim, quare in syrupo de eupatorio. Habent namq; mendose libri impressi in præsentī descriptione semen foeniculi, quod quidē in antiquis exemplaribus minimē legitur. Sic ergo rectius lege: Seminis anisi, cheisim &c. De cheisim autē siue keisim, require in oxymellesquillitico. Præterea, insuper suspicamur, quod vel incuria interpretis, vel errore priscorū scriptorum &c. defuit aqua in huius secaniabin descriptione. Quia si Author in omnibus alijs secaniabin, unā cum aceto posuit aquam, etiam & in hoc credi potest non omisisse. Eo maxime, quod ipse testatur in sermone de secaniabin puro, principalem materiam secaniabin esse tres res, scilicet mel, acerum, & aqua. Tāquam si diceret, quod si vnum ex his tribus deerit, non poterit vocari secaniabin. Et quod aqua non ponitur frustra in huiusmodi compositionibus, in dicto sermone ipse Author tres assignavit rationes, ut legēti patet. Quāobrem (saluo semper meliori iudicio) putamus aliquid aquæ esse ponendum in compositione istius secaniabin &c.

*Modus Secaniabin de calamento &c.* CLXXIII.



ANTIQUA exemplaria tripliciter variāt præsentē descriptionem in pondere squinanti, videlicet quod aliqua habent squināti 3. ij. sicut & omnes impressiones habēt. Aliqua autē habēt 3. vij. & nonnulla 3. viij. Et de quolibet sunt plura, quæ in vnum conueniunt. Dimissimus autem stare 3. ij. propter duo. Primum, quia numerus ipsorum exemplarium, quæ sic habebant, in tribus excedebat. Secundum, quia omnia impressa volumina cum ipsis in hoc concordabant. Si autem alicui melius videbitur aliter, fiat quod erit melius. De calamento domestico autem, & sylvestri, dicetur in syrupo de calamento primæ descriptionis.

*Syrupus acetosus diarhodon &c.* CLXXV.



SCRIPTIO præsentis syrapi per nonnullas excusiones in vno est vitata: videlicet ubi legitur: Recipe succi endiuiz, apij, anisi, ana &c. Illud anisi quidem, à librarijs additum est descriptioni: forsan ana conuerterunt in anisi, male le-

gentes, & superaddiderunt aliud ana. Etenim in antiquis exemplaribus non est, nec etiam in aliquibus impressionibus, neque meminimus nos vquam legisse succum anisi esse positum ab Autoribus in pharmacorum compositionibus. Quapropter sine eo, rectius lege: Recipe succi endiuivæ, apij, ana &c.

*Syrupus acetosus de succis herbarum, cum aromatibus &c.* CLXXVI.



Differetiam alterius syrupi de succis herbarum suprascripti, addidit Author huic descriptioni, cum aromatibus. Vnde ille syrupus suprapositus titulatur acetosus de succis herbarum: sed subintelligitur sine aromatibus. Præterea sciendum quod præfens descriptio per cunctas impressiones reperitur cum vno mendo: sed per aliquas magis mendosas, cum tribus. Mendum igitur quod habetur vniuersaliter per omnes impressiones, nec non & per aliqua pauca minus correctæ exemplaria est, quod ubi legitur succi buglossæ ℥.ij.s. verius est legendum: ℥.j.s. Reliqua verò duo menda, quæ particulariter sunt in quibusdam minus correctis impressionibus, hæc videlicet sunt. Primum ubi habetur, spicæ ʒ.iiij. rectius lege ʒ.iiij. errore quidē posita est ibi ʒ. pro 3. Reliquum autem mendum est in fine descriptionis, ubi sine determinata quantitate legitur: Cōdias cum galliæ aromaticæ. Lege igitur emendatius sic: Condias cum galliæ aromaticæ ʒ.ij. Omnia nempe (vt possumus) summa diligentia, atque digna examinatione in nostro opusculo ponimus. Causa enim evitandæ prolixitatis multas rationes ac rerum & veritatis probationes dimittimus. Buglossa autem hîc, & in similibus locis in quibus absolute legitur, semper communis & visualis est intelligenda. Item per raved simpliciter scriptum (vt hîc &c.) semper intelligitur raved senii. Et est vna ex optimis rheubarbari speciebus, pro qua pone rheubarbarum electum.

*Syrupus de Menta &c.* CLXXVII.



ONITVR hic syrupus ab Auicenna in quinto canone. Item, Hali Abbas quoque in decimo præticæ habet vnum syrupum cuius titulus est: Syrupi Romanorum assignatio &c. Quiquidem non multum differt ab isto. De menta autem, mox in sequenti syrupo dicitur.

*Syrupus de Mentis inuentione nostra &c. CLXXVIII.*

Y R V P I præsentis descriptio, est de inuentione propria ipsius filij Mesuæ, vt textus declarat. Et quoniam, vt ipse Author etiam testatur, iste syrupus est excellentior priore, ideo vsus eius frequenter magis. Tamen descriptio impressionum in vno non concordat cum exemplarium descriptione. Videlicet vbi legitur: Accipe succi cytoniorum muzorum &c. ana lb. j. s. Exemplaria antiqua vniuersaliter habent, ana lb. j. Verum nobis videtur, quod talis quantitas succorum, scilicet ana lb. j. non bene sufficiat ad mentis quantitatem. Quamobrem putamus ab aliquibus peritis viris ipsam succorum summam non sine ratione fuisse auctam. Vnde nolimus in hoc exemplari sequi: indicantes rectius esse, secundum impressiones, quia forsan est mēda in ipsis exemplaribus, scilicet quod potest esse quod sit in ipsis imminutum pondus succorum, vel aliquo modo aucta quantitas mentis: quia in vno exemplari antiquissimo legitur: mentis sicca lb. j. & nō lb. j. s. vt reliqua librorum multitudo habet. Atta men hoc, cum nonnullis alijs dubijs, peritorum nobis iudicio referuamus. Præterea notandum in præsentis descriptione & similibus, vbi Author dicit: Et cum mellis, vel zucchari: siue cū zucchari vel mellis &c. quod licet dimittat illud ad conficiētis arbitrium, tamen quod prius ab eo describitur, est principalius de sua intentione, & sic debet fieri. Si autē alicui magis placuerit, vt fiat sibi non cum prima re, sed cum secunda, aromatarius delictentia Authoris illud quicquid sit liberè potest eiusmodi conficere. Sic etiam & in alijs rebus est intelligendum: quādo duo, vel tria, vel plura simplicia describuntur, vt vno eorum (quod magis placuerit) accipiatur, semper priora descripta potius, quā posteriora sunt de ipsius Authoris intētionē. Itē vbi in fine dicit: Aromatizetur cum gallia, & non specificat quantitatem, nec modū, est notandū. Et primo de quātitate. Intellige cum duabus drachmis ad minus ipsius galliæ: quia eadē quantitas posita est ab ipso suprā, scilicet in syrupo acetoso de succis herbarū: & infrā, scilicet in syrupo de calamento secūda descriptionis: & in syrupo de thymio, & in modo conditi de buglossa, & in modo operationis conditi de cytonijs, & similibus. Modus autē aromatizandi, siue condiendi huiusmodi & similes cōpositiones cum gallia, musco, ambra, & similibus, vbi specialiter non assignatur, hic est: Accipiatu gallia, vel muscus,



scus, vel simile, & ponatur super bombacem, & bombax ponatur intus caczolam stannatam perforatam. Deinde pone syrupum, vel simile coctum in colatorio satis raro, ut valeat dictus syrupus coctus paulatim, quasi guttatim transire per ipsum colatorium, & pone colatoriū cum syrupo super caczolam ex directo, & subter caczolam constitue vas ad recipiendum syrupum. Et sit inter cuspidem colatorii & caczolam spatium trium vel quatuor digitorum, ita quod fluens ex colatorio syrupus, cadat in galliam contritam, seu muscum stantem super bombacem in caczola, ita quod totus syrupus seu simile transeat per ipsam galliam seu muscum &c. Et sic ipse syrupus erit optimè aromatizatus, & clarus. Et hic modus est obseruandus in miuis & similibus, scilicet in secunda aromatizatione: quia primæ species ligatæ in panno sunt bulliendæ &c. Muscus autem, gallia, & similia minimè, sed, ut diximus, fieri debet. Cui autem non placuerit hic modus, poterit ipse in fine decoctionis cum pauco ipsius decocti distemperare galliam, vel simile, & proijcere in ipsum totum &c.

*De Menta, vel Menta, & eius speciebus.*

**R**Ectius putamus cum aspiratione scribi Mentā, quàm sine. Tamen communis opinio est, scribere ipsam sine aspiratione. Nihil facit ad rem, omni modo intelligitur. Plures nempe sunt eius species. Sed quando non speciatim scribitur, semper *Menta absq̃* mēta cōmunis & v̄sitiōr, scilicet mēta hortulana (quam Græci *lurē* hedyosmon sariūū nominant) intelligitur. Et hæc notissima est. *Hedyosmū* Sed scias quod hæc duplex reperitur: vna videlicet longioribus *sariūū* folijs, quæ à nonnullis menta masculina vocatur: Altera verò rotundioribus folijs constat, quam fœmininam mentam nomināt. Est præterea & menta aquatica, quæ balsamita, & sisymbriū cognominatur, & hæc etiam nū non ignoratur. Pro qua lege suprà, scilicet in cōfectione de xylo aloës. Est etiam nū & menta Romana, quæ à multis menta saracenica appellatur, & ab alijs lasulata dicitur, qua & in partibus Galliarum nonnulli pro costo vtuntur, & ipsam falsò costū vocant. Et de hac iam diximus in Diacosto. Folia nempe huius mētæ, foliorū lauri figuram habent, sed sunt molliora, obscura viriditate subalbicantia, & per ora incisa sicut ferra, valde amara &c. Inter species quoque mētæ connumeratur & mentastrū. Et illud est verius mentastrum, quod rotundioribus folijs constat. Quod autem folia longiora habet, potius est calamentum fluuiiale, quàm mentastrū. Lege de hoc in Diacalamento. Est præterea & Melissa, quæ à nonnullis menta apum vo

*Mentucia.*

catur, ex eo quòd apibus ipsa maximè placet. Insuper & illa species nepetæ, quæ vulgò dicitur mentucia, ob eius vulgarem nomenclaturam, potest connumerari inter species mētæ: non obstante quòd ipsa etiā habeatur in numero specierū nepetæ, & calamēti. Et de hac vide in syrupo de calamēto. Lege etiā de menta in electuario de aromatibus. Arabicè autē menta, Nahanaha, vel Nahanna &c. vocatur: vt est in Pandectario, & Simone Ianuensi, & primo cap. xj. tractatus primi libri Abameron Auenzoar.

*Syrupus de Absynthio &c.*

CLXXIX.

*De Absynthio.*

Q UOD absolute dicitur absynthiū, notissimū est. Sed quia dicit Author in præsentī descriptione: Recipe absynthij Romani &c. sciēdum quòd serē omnes pharmacopœe Romæ decipiūtur, fumentes pro absynthio Romano, illud quod in parietib, vetustis derelictis ruinarū antiquæ Romæ copiosissimè oritur: de quo minimè Authores intellexerūt, quodq; à peritis viris

*Absynthij  
murorū Vr  
bis notæ.*

iudicatur diuersa absynthij species. Et in veritate est. Quia cōstat ipsum esse folijs minutioribus, nec hyemali tēpore timet frigus sicut aliud, imò in ipsis alioribus magis viret, & crescit: econtrā aliud in æstate magnificatur &c. Et verè præsci Authores non poterāt loqui de dicto murorū Vrbis: quia prioribus tēporibus, scilicet in Roma triūphante & edificijs pulcherrimis florente, non erāt tot murorū ruinæ, nec Mœnia vrbis ita diruta, vt nostra ætate ipsa nimia vetustate penè cōsumpta videmus. Et per cōsequēs non erat absynthiū in ipsis: nec (vt putamus) vllum herbæ genus permisissent illi heroēs præsci Romanorū patres, super ipsorū ædificia multiplicari. Quapropter absynthiū Romanū à filio Mesuæ, Auicē. & cæteris Authorib, descriptū, nō intelligitur supra dictum murorū vrbis. Non obstāt quòd præfatū murorū Vrbis non negetur esse Romanū, quia omne quod nascitur Romæ, Romanum dici negabit nemo. Vnde absynthium Romanū duplex consideratur, scilicet præfatū murorum Vrbis: & aliud (de de quo intellexerunt Authores) quod oritur in partibus Romæ propinquis. Et largo modo per absynthiū Romanū intelligitur omne illud absynthiū, quod ipote intra Italicū nascitur solum. Quia vtplurimū & Dioscor. & Galen. & cæteri Authores, cum dicunt aliquid Romanū, intelligunt illud esse Italicū. Vt exēpli gratia: Apud Dioscoridem cum citātur Romani, intelliguntur

*Absynthiū  
Romanū du  
plex.*

Lati

Latini, scilicet Itali, qui sunt veri Latini. Aliud efficacius exemplū: Scribitur à pluribus Authoribus, & præsertim ab Auicenna, Gentiana Romana, Pæonia Romana, spica Romana, & alia plura quæ nō tantum Romæ non sunt, sed nec prope Romam ad multa miliaria nascuntur. Quæ dēre, talibus in locis, necessariò pro Roma, Italia: & pro Romano, Italicum intelligendū est. Quod clarius ostendit ipse Author noster filius Mesuæ, in suo de Simplicibus, cap. de absynthio. vbi de Romano tantum pertractans, ait: Absynthium multiplex est. Sed illud quod intendimus nunc, est absynthium Romanū. Electio. Melius est, quod est remotum ab odore maris, & quod oritur in terris liberis &c. Si igitur intellexisset pro absynthio Romano, illud præfatum quod nascitur in ruinis vrbis, non dixisset: Melius est, quod est remotū ab odore maris, sciens Romam non esse in maritimis positā. Vnde necessarium est dicere, onne absynthiū Italicum, etiā & quod oritur circa mare (nō obstante quòd sit non bonū) esse absynthiū Romanum. Et ex hoc sciendū quòd istud murale, iudicio plurimorum, est malum: quod pro certo compertū est esse aliud absynthij genus: quia neq; trāsplantatione de loco ad locū pinguiorem, neq; cultura aliqua transmutatur à primo suo esse. Vnde pro absynthio Romano accipiendū est illud quod (vt dicit Author noster) nascitur in terris liberis, habens folia latiora, lenia, alba, & plana. Quodq; non est ita aridum, & pluribus Italix locis copiose habetur. Et hoc etiamnum à Romanis (teste Dioscoride) vocatur absynthiū rusticū. Et absynthium absolute, vbiq; à Latinis appellatur, siue absynthiū Italicum, vt in Plinio legitur. Quod enim Plinius dixit Italicū, Author noster & Auicēna, & ceteri: i Romanum dixerūt. Illud autem murorū Vrbis supradictum, ad differentia alterius, absynthiū murale nuncupare quibuslibet non displicebit. Et sciendū quòd præter absynthiū Romanū nascitur etiam in maritimis, & montibus aliud absynthiū, quod à Dioscoride & alijs pluribus principaliter vocatur absynthiū marinū, & ab alijs seriphium, siue seriphū, & absynthium pōticū. Est quoque & tertium apud Dioscoridē absynthiū, quod antonomastice vocatur sanctonicū, seu sandonicum: quia hoc vocabulū est etiam *Sandonic* commune ad omnes absynthij species, secundum ipsum Dioscoridem, & Plinium, & ceteros. Sicut Sceha apud Serapionē. Qui Serapio omnibus absynthij speciebus, sceha nomen tribuit. Et hæc duæ vltimæ species ab antiquioribus & recetioribus ita confunduntur, quòd nemo in præsentiarum audet dicere absolute, hoc

*Absynth.  
absolute.*

hoc est istud, & hoc est illud. Dioscorides nempe, & Serapio, & alij plures, tres tantum absynthij species scribunt. Auicenna autem sex, dicēs: Species eius quinque sunt: Tarfense, & Susi, & Nabati, & Corasceni, & Romani. Et infra ait: Et est etiam ex speciebus sceha. Et propter hoc vocauerunt ipsum quidam sapientes, sceha Romanorum &c. Vel saltē ponit quinque species. Quia hoc vitinum forsan non intendit absolute esse diuersam absynthij speciem: sed quod dicitur absynthium Romanum, à sapientibus vocatum esse sceha. Verba etenim ipsius ad vtrunq; sentum possunt deduci. Platearius quidem duas tantum scribit absynthium habere species. Sed Simon Ianuensis auctoritate Galeni, & ex libro antiquo de simplici medicina enumerat quatuor. Pædectarius autem, præter supradicta, habet etiamnum absynthiū dulce, quod declarat esse anetum. Et sticados citrinum, dicit esse absynthium marinum. Item apud Halifilium Abbas legitur absynthium Græcum, quod si dixerat à Romano, nescimus. Et alij alia de absynthio tradunt genera. Nos autem dimissis omnibus alijs, tanquam dubijs & incoguitis, solummodo primo genere, quod est verum, notissimum & præstātius cæteris, & pro Romano, & pro Pōtico, & pro Sanctonico vtimur. Aduertendū tamen illud quod oritur in terris non mari propinquis, esse melius marino, & montanum est melius non montano &c. Scitote etiam, quod absynthium nō est amarum per totum, sed amaritudo eius solummodo in superficie consistit. Nam pars eius intrinseca non est amara, imo est optimi saporis cum aliqua dulcedine, vt quilibet experiri potest sumendo cauliculos eius, & præcepue tenellos, & dextre mandans eos à suo cortice. Folia nanq; & cæteræ partes, non ita de facili possunt excorticari. Hinc enim est quod aqua ipsius sublimata est dulcis. Postremò sciendum, quod nonnulli (quamuis falsò) opinantur absynthium Sanctonicum esse plantam ferentem semen, quod vulgò semen sanctum, & sementina vocatur. Sed hoc nobis videtur impossibile: quia absynthiū Sanctonicum nascitur (vt Authores tradunt) non vbiq; sed in vna ciuitate Gallie, nō longè ab Alpium montibus, eiusdem nominis, vnde & nomen absynthium Sanctonicum sibi vindicauit. Sementina autem: siue hoc semen sanctum vulgò dictum, quod aliqui etiam falsò putant sanctum à Sanctonico dici, quodq; Venerijs non vili venditur pretio, vt scitur, Alexandria Venetias fertur. Quapropter non potest esse absynthij Sanctonici semen. Quid autem sit, incompertum habemus. Pluries illud seuimus, sed

*Sticados citrinum.*

*Semen sanctum.*

*Sementina.*

sed nunquam potuimus natum videre. Præterea Venetijs etiam venundatur aliud semen grossius eo, pro vermibus puerorum, quod nonnulli asseuerat esse semen Sanctonici absynthij: sed neq; de hoc adhuc potuimus habere certitudinem quid proprie sit. Vtrumq; enim non potest esse. Vnde necesse habet, alterum ipsorum esse falsum. Et forrasse (vt coniectamus) quod neutrum eorum est verum absynthij Sanctonici semen. Item nonnulli pharmacopœe Romæ pro semine sancto vulgò dicto, vendūt semen cuiusdam plantæ similis Alexandrinæ herbæ, quam plantam sciimus in partibus Apuliæ, vocari vulgariter morulam. Cuius cuiusdem semen nunquam fuit sanctum, neque beatum. Pro infusione vnius syrupi autem, lege in syrupo liquiritiæ.

*Syrupus de Absynthio alius &c. CLXXX.*



**L** T A M secundam descriptionem Author noster ex quinto canone Auicennæ accepit: quia Auicenna testatur esse suam, dicens: Syrupus de absynthio ex compositione nostra &c. Verūtamen ipsæ descriptiones, in quibusdam paucis, non conueniunt ad inuicem. Habet etiam nūm ipse Auicenna, præter dictam, tres alias syruporum absynthij descriptiones, quarum vltima similiter est de sua inuentione: sed differunt inter sese omnes. Item filius Serapionis in 7. habet syrupum de absynthio diuersum ab istis dictis. Aduerte tamen, quod iste syrupus, respectu superioris, rectè potest dici simplex. Et quamuis sit optimus, à paucis tamen habetur in vfu.

*Syrupus de Fumo terræ maior &c. CLXXXI.*



**S** I C V T præsens descriptio est vltatior, ita & mēdior habetur per omnes impressiones. O dedecus magnum! Certe multoties stomachamur in libris tantæ authoritatis atque necessitatis (quoniā in illis de vita hominis agitur) legere, & inuenire cōpositiones vltatiores esse mēdiores illis quæ nō habēt in vfu. Sex nēpe mēdæ sunt in præsentī descriptione, secundū duas impressiones ex quibus legimus. Secundū alias autē, vbi quinq; vbi quatuor, & ad minus tres in vnaquaq; impressione leguntur. Nos autem, breuitatis causā, dimissis quatuor minoribus, quas tantūmodo in Receptario simpliciter correximus, reliquas duas communiōres & maioris momenti annotabimus. Prima igitur mēda quæ est per omnes impressiones Latina, necnon & per quedam

quædam pauca exemplaria minus correctæ (quæ in duobus duntaxat ex tot quæ vidimus legebatur) est: ubi legitur, Forum boraginis, vel buglossæ, violarum, absynthij &c. Et per quædam incorrectiores, peius: sic videlicet, Florum boraginis, vel buglossæ, violarum, vel absynthij &c. Neutra quippe ipsarum disjunctivarum legitur in antiquis exemplaribus, scilicet pro maiori parte: quia (ut diximus) in paucis minus correctis, reperitur prima disjunctiva, scilicet primum vel. Etiam in tribus ex ipsis exemplaribus non sunt flores boraginis: & simpliciter abique disjunctiva in illis legitur sic: Florum buglossæ, violarum, absynthij, &c. Quod quidem etiam (ut putamus) non est sine errore. In reliqua autem exemplarium multitudine, ac etiam in libro de vulgari impressione, loco prioris disjunctivæ habetur copulativa. Unde sequitur, quod utrique flores admittendi sunt. Sic enim in ipsis legitur: Florum boraginis, & buglossæ, violarum, absynthij &c. Huiusmodi etenim est secundum veritatem. Alia autem menda, siue alius error notabilis est, ubi in dictis Latinis impressionibus legitur: Prunorum numero centum, passularum enucleatarum lib. s. In cunctis autem præfatis exemplaribus, ac etiam & in vulgaribus libris, sic rectius habetur: Prunorum, passularum enucleatarum, ana lib. s. Etenim centum pruna superflua quantitas nobis videtur. Item in quatuor ex antiquioribus præfatorum exemplarum adhuc melius sic legitur: Prunorum enucleatorum, passularum

*Prima, dicitur enucleatarum, ana lib. s. Unde sciendum, quod pruna, dactyli, myrtilli, & si robalani, & similia quando ab Authoribus scribuntur taxato milia qualiter pondere, vthic, semper enucleata ponderanda sunt. Ut exemplar ponitur gratia: Legimus in practica nostri Authoris, capitulo de Asthma*

*te, videlicet in syrupo de prafatio Hamech: Recipe passularum enucleatarum, iuiubarum pinguium sine ossibus, & sebesten, ana 3. c. Et in syrupo iuiubino eiusdem Hamech, ibidem, ubi dicit:*

*Accipe pulpæ iuiubarum pinguium, & pulpæ sebesten, ana 3. c. &c. Quando autem numero ponuntur, non oportet ea prius enucleari, & postea numerari: quia enucleatio ipsorum nihil facit ad computationem. Quamobrem rectius est legere: prunorum enucleatorum &c. Et quod dictum est de prunis, dactylis, & similibus, consimiliter idem est intelligendum de tamarindis, de cassia fistula, & similibus, scilicet quod prius eo modo quo fieri potest, purganda sunt ab immunditijs & superfluitatibus suis, & postea ponderanda, quamvis talia non possunt numero poni. Præterea animadvertendum quod decoctio præsentis syrupi est gradatim facien*

facienda, & similiter omnes alie decoctiones quæ varia recipiunt simplicia, vt superius iam declaratum est.

*De Fumo terre.*

**E**Xuberantia nempe maxima fumi terræ, quæ vbique prouenit, facit ipsum hominibus non esse ignotum. Duplex enim reperitur. Vnus videlicet producit flores albicantes, & vt plurimum in sepibus oritur. Alter verò habet flores purpureos, qui est melior. Et ipse est accipiendus pro præsentī syrupo & cæteris compositionibus, vbi expetitur. Et semper recens est intelligendus, nisi semen ipsius quærat, quod quidē oportet vt sit siccum.

*Syrupus de Fumo terre minor &c. CLXXXII.*



**V**I AVTEM per impressiones legitur: Succī funi terræ cocti, & despumati lb. ij. Zucchari lb. ij. In multis exemplaribus est cum ana, quod nobis magis placuit. Sic videlicet legitur: Succī funi terræ cocti & despumati, & zuchari, ana lb. ij. Item sciendum quod ferè omnes aromatarij parant syrupum simplicem de fumo terræ, scilicet ex solo succo ipsius & zucharo, quem nusquam legimus apud Authores. Vnde quando Medicus ordinat pro aliquo infirmo syrupum de fumo terræ, ipsum simplicem tribuunt: & malè faciunt: quia in non specificato semper syrupus de fumo terræ maior est intelligendus.

*Syrupus Liquiritiæ &c. CLXXXIII.*



**A**VTHOR in præfato syrupo de absynthio & in præsentī syrupo liquiritiæ, & similibus, infundit varia simplicia quæ non sunt eiusdem texture: deinde præcipit vt coquantur vsq; ad medietatē &c. Ibi enim non potest fieri gradatio rerum: ergo malè: quia spica, capillus Veneris, & huiusmodi similia, teste ipso Authore, non patiuntur multam decoctionem. Ad hæc dicendū quod Author in huiusmodi compositionū decoctionibus, non querit virtutes illorum simplicium, scilicet spicæ, capillorū Veneris, & simplicium explicite, sed implicite: & ponit ea ad cōfortandū & meliorandū virtutes, & operationes aliorum simplicium, quæ sunt basis & fundamentum ipsarum compositionum. Circa quæ versatur tota Authoris intentio. Vt exempli gratia: In præsentī syrupo, toto conatu querit Author magnificare & meliorem facere virtutem liquiritiæ: & in syrupo de absynthio, virtutem seu operationem absynthij &c. Cum huiusmodi simplicibus,

cibus, vtrputa cum spica & similibus, & per viam decoctionis sciēs illud non posse fieri, facit illud per viam infusionis. Vnde in ipsa infusione meliorescunt melioranda, & recipiunt in se pro maiori parte virtutem reliquorum simplicium. Et quæ virtus prius in subiecto debili ob multā decoctionē destruebatur, postea in subiecto forti conseruatur &c. Quapropter nō malē fit infundēdo & decoquendo, vtr scriptū est &c. Imō optimē agitur, & de mera Authoris intētionē. Suprà autē, scilicet in cōfectione Hamech, & similibus, quia Author quærit totam virtutē omniū simplicium ibi existentium post ipsorum infusionem, præcipit vt vna bullitione tantū bulliant &c. Et hoc totum notatum habetas pro omnibus similibus accidentibus. Præterea sciendum quod nonnulli iuniores ē præsentī descriptione expungunt aquam rosaceam, quasdam friuolas rationes expresse contra Authoris intentionem adducunt. Nos autem inijcimus, & consulimus vt omnes pharmacopole inijciant. Non enim præsumendum est nos doctiores & peritiores esse ipso Authore. Etia & filius Serapionis, in huiusmodi syrupo habet aquam rosaceam. Cuius syrupi titulus hīc est: Syrupus alius, qui confert pectori, & mundificat canalem pulmonis &c. Ergo ponenda est. Sed aduerte, quod nō debet esse aqua rosarum sublimata, sed aqua infusionis rosarum.

De Liquiritia.

*Glycyrrhiza.*  
*Radix dulcis.*  
**G**LYCYRRHIZA, quæ corrupto vocabulo liquiritia dicitur, quam & multi hodie (vt etiam Dioscorides tradit) radicem dulcem appellant, notissima est. Aliqui etenim ipsam magis barbarè vulgariter regulitiam vocant. Nascitur in pluribus Italiae locis. Radix tantum in vsum medicinæ recipitur. Et succus liquiritiæ ex ipsa radice extrahitur, & exiccatur, vsuique referuatur. De ipsa quidem satis clarè scripserunt Authores. Hoc tamen nō ignorandum, quod cum petitur radix liquiritiæ, semper rasa debet intelligi, licet non specificetur.

Syrupus de Hysopo &c. CLXXXIIII.



**D**EST per omnes impressiones vnum simplex in præsentī descriptione. Hoc est, Radix petroselinī, quæ debet locari in primo ana cum alijs radicibus, & propriè inter sceniculi & liquiritiæ. Et rectius legendū sic, vt est in omnibus exemplaribus: Recipe hysopi siccæ, radicū apij, sceniculi, petroselinī, liquiritiæ &c. Præterea sciendū quod habet Author in practica alias varias  
de hy



de hyfopo cōfectionum & fyruporum descriptiones, ex propria aliorumq; inuentione: optima autem omniū iudicatur præfens, quapropter non immerito eius frequentatur vsus.

De Hyfopo & Ifopo.

**V**Era antiquorum hyfopus, siue verū hyfopum (vtrōq; enim modo dicitur) hodie ignoratur. Hæc autem herba, qua vrimur pro hyfopo (vt probatur per Dioscoridem, & præcise in capitulo de chryfocome) nō est vera ipsorum hyfopus. Quid autem sit, apud Dioscoridem & antiquiores hoc vulgare hyfopū, haud scimus. Secundum authorem nostrum autem est verè sua hyfopus. Nam ipse Author in suo de Simplicibus, ponit duo capitula de hyfopo: & in primo capitulo, hyfopum hortense, quod cognominat hæscē, dicit quòd est mater epithymi, scilicet thymus. Vnde & thymus apud ipsum est species hyfopi. In secundo autem capitulo ponit duas hyfopi species: vnā etiam hortensem, quam hæscē species. hæscē assimilauit, id est thymo. Dempis quòd non ita copiosè fructificat vt thymus, & quòd habet maiora folia, & flos est ei cœruleus. Hinc depingit alteram, quam dicit esse montanam, cuius folia sunt copiosiora, sed minora, & stipites breues &c. Et in hoc cōuenit cum Dioscoride, scilicet quòd est duarum specierum: hortensis videlicet, & montana. Et hæc dux species filij Mesuæ verissimè (vt diximus) sunt istæ vulgares, quibus communiter vrimur, scilicet vna hortensis, & altera montana. Et licet non sit aliorum quorundam hyfopus: veruntamen non per hoc est reprobanda. Imò in præfenti syrupo, & ceteris compositionibus nostri authoris, in quibus hyfopus petitur, sua semper respectiue, siue hortēsi, siue montana debemus vti. Et similiter (vt aliàs diximus) intellige de omnibus simplicibus, quorū inter doctores est differentia, scilicet quòd cuius descriptio est dispensanda, semper ipsius simplicia alijs sunt preponenda. Et aduerte quòd montana hortēsi est melior. Lege etiam de hyfopo suprā, scilicet in Triphera sarakēnica, in origani annotatione. Præterea incidenter visum est nobis non ab re esse de Ifopo humida vulgò dicta, paucula hæc lectu digna subscribere. Clarū quippe est, quòd vocabulum ifopi humidæ est deprauatum, & ob id sæpe cōfunduntur hyfopus herba, cum sordelanarum. Hyfopus enim herba scribenda est cum aspirationis nota in principio, sequente y, & proferri debet penultima producta: quia Græcè per *ω*, scribitur. Hodie autē à pluribus, communi abusione, scribitur & imprimitur inaspiratè, & cum i Latino, & profertur penultima correpta cōtra omnem ra-

tionem. Nonnulli tamē (quod est minus malum) cum y, sine aspiratione scriptitant. Si autē cum duplici ff, hyssopus, vel cum simplici scribatur, nihil refert: vtrunq; enim reperitur apud probos autores. De confusuli abusione, isopus humida scribitur, atque profertur. Et sunt qui cum h, & sunt qui sine, & sunt qui cum y, & sunt qui sine eo &c. Cum verum ipsius vocabulum sit ætypus, siue cespypum. Vtroq; enim genere, sicut hyssopus & hyssopum habetur. Vnde per æ diphthongum scribendum, & penultima correpta pronuntiandum est. Vt probatur per Ouidij versum, videlicet: Oesypa quid redolent, quāuis mittantur Athenis. Oesypum quidem Græcum est, & Latine sordem lanarum significat. Et vt Hermolaus tradit, à Græcis primum corruptum est hoc vocabulum. Hinc ab Arabibus, & Latinis, magis corruptum habetur. Vnde si nolunt immunditiem seu sordiditatem lanæ cespypum recto vocabulo nominare, minus malū est conuertere æ diphthongum in i Latinū productum, & y, in o, Latinum supple correptū, & scribere sine h, ad differentiam hyssopi herbar, quā e contra vtrunq; cōfundere. Nos igitur erroris euitandi causa, herbam (vt decet) aspirate, & cum y, syllaba media semper producta scribi & pronuntiari curauimus. Sordem lanarum autem, vt diximus, per i Latinum productū, absq; aspiratione, & per o correptū scribere, & pronuntiare decet: o lectores monemus. Humida quidē seu humidum additum est ei (vt suspicamur) à iunioribus, digno sciendæ rei gratia, quamuis male: quia & in herbis etiā humiditas reperitur. Et scribendo (vt ipsi faciant) hyssopū humidam, ita potest intelligi herba, sicut & lanarū sordes. Melius nempe esset (vt in Paulo Aegineta 17. cap. septimi libri legimus) vocare ipsam isopum liquidam, quā humidam. Itē aliqui inscij fortan, tanquam si hyssopus herba nō inueniretur virēs, addiderūt ad textum aliquorum authorū siccam: dantes intelligere, quod ad differentiam, su prædictæ, quæ est immunditia lanarū, ipsa herba semper debet nūcupari hyssopus sicca. Et quod huiusce rei gratia ab autore in præsentī syrupo, & alibi petatur hyssopus sicca. Quod est falsum. Quia Author aliquoties petit hyssopū siccā, menta siccam, & similia, ad differentiam mēte virētis, & hyssopi virētis &c. Et quia huiusmodi herbarū species virētes sunt cum aliqua ventositate contraria infirmis, pro quibus talia pharmaca cōponuntur: ideo authores herbas ipsas siccas administrari præcipiūt. Igitur sicca hyssopus, ad differentia virētis posita est hīc, & in similibus locis ab autore, & nō respectu lanarū immunditię. Testamur pro certo, quod

quòd in vno Auicēna antiquissimo ex pergamento & manuscripto, quē vidimus, in canone de simplicibus, qui canon nō procedat per literas secundum ordinem alphabeti Latini, vt impressi libri habent, neq; in capitulo de sorde lanarum, isopus humida, neq; in capitulo de hysope herba, hysope sicca legebatur: sed vtrunq; absolute. Vnde magis suspicamur esse aliquorū additiones. Imò (vt melius dicamus) deprauationes. Quid autem sit sordes lanarum, scilicet isopus, siue isopum, id est cēsypū, & modus colligendi ipsum, satis clarē describitur, non solum à Dioscoride, Serapione & ceteris, sed etiā ab ipsomet nostro Authore infra, scilicet in distinctione de vnguentis, & emplastris. Pro cēsypo, scilicet isopo ponitur medulla vituli, secundū Paulum ex Medulla vi. Galeno. Hęc equidem volumus dixisse pro iunioribus & minus tūli quid peritis, non autem pro doctioribus & consummatis viris. *suppleat.*

## Syrupus de Præfio &amp;c.

CLXXXV.



LV RIMI sunt errores in præfenti descriptione: sed per impressos libros subintellige semper. Et primo vbi legitur: Hysope, capillorū Veneris, ana ʒ. vj. & in nōnullis, ana 3. vj. Et sequitur: Liquiritiæ ʒ. j. Hic nempe sunt duo errores. Primus, videlicet, quia liquiritia non intrat in præsentem syrupum. Secundus autem, quoniam hysope, & capillorū Veneris, nō est ana 3. vj. nec ʒ. vj. sed est ana ʒ. j. vt probari potest per antiqua exēplaria, ac etiā per libros de vulgari impressione, & per Nicolaū Præpositū, qui similiter vt dicta exemplaria habet. Non obstante quòd iudicio aliquorū in tali syrupo liquiritia potius poterit prodesse, quàm obesse. Attamen quia profitemur dicere veritatē, nolumus quid non verū describatur in nostro libello. Item nō in cunctis, sed in aliquibus impressionibus, deest hīc, semēlini, quod debet esse in vno ana, cum semine cytoniorum. Item omnes ferē impressiones habent mendosē: passularum enucleatarum ʒ. v. antiqua etenim exēplaria, & vulgares impressiones, Luminare Maius, Lumē apo thecariorū, & Thesaurus aromatariorū concorditer habent ʒ. ij. & sic est verum. Nicolaus Præpositus enim in hoc concordauit cum impressionibus. Item aliud mendum, vbi legitur: Penidiarum lb. ij. lege rectius, lb. j. vt præfata exemplaria habent. & similiter Nicolaus Præpositus. Certe si fuissent lb. ij. concludisset Author vnico ana, & mel, & penidias. Quoniā & mellis quoq; lb. ij. ingrediuntur. Hęc sanē erant in præfenti descriptione corrigenda.

da. Præterea habet ipse Author tres alias syruporum de prafsio, descriptiones in practica, scilicet in summa de ægritudinibus pectoris & pulmonis, quæ tamen differunt ab ista.

*De Prafsio, seu Marrubio.*

**P**rafsium, scilicet marrubiū vsuale, est notissimū. Græci prafsion vocant. Sed animaduertendum, quod nonnulli in scij iuniores æquiocant hæc nomina, scilicet prafsū, vel prafsion, siue per simplex s, prafsū vel prafsō (vtroq; modo legitur) quod significat marrubium: & prafum, seu prafon, quod significat porrum: & prafinū, quod absolutè denotat viride. Quodq; ab aliquibus falsò interpretatur, flos æris. Et ob affinitatē ipsorum multoties errant, intelligendo alterum pro altero. Et quanta differentia sit inter ipsa, vos ipsi ò lectores iudicate: quoniam nos in re tam clara, certè veremur prolongare sermonem. Præterea licet prafsium reperiatur plurium specierum: hoc tamen notum (quod vulgò marrubium dicitur) est probatissimum, atq; optimū prafsium. Et hoc, quotiescūq; absolutè reperitur scriptum in compositionibus, sumi debet. Quādoq; scribitur marrubium album, & hoc ad differentiam marrubij nigri, quod est Ballote.

*Prafsium absolutè.*

### *Syrupus de Calamento &c.*

CLXXXVI.

*De Calamento domestico, & syluestri.*



**Q**VÆLIBET calamēti species nepeta vocatur. Græcè autē calamintha dicitur: vnde calamētum Latine. Dioscorides enim tres calaminthæ species scribit. Author noster autem videtur quatuor species calamēti tangere. Videlicet, duas in Diacalamēto, scilicet calamētū fluuiiale, & mōtanū: & in præsentī syrupo, & in secaniabin de calamēto alias duas, scilicet calamētū domesticū & syluestre, siue agreste. Sed si rectè verba ipsius perpēderimus, nō erit Author noster Diosc. cōtrarius, & tres tantū species erūt apud ipsū, sicut & apud Diosc. Quia calamētū montanū est idē quod domesticū. Et hæc est prima calaminthæ species posita à Dioscor. Et propriè illa est, quæ vulgò dicitur mētucia, & nepetella, vel nepitella, vt iam diximus in Diacalamēto. Vocatur autem mōtanū calamētū: quia (vt Diosc. author est) montibus familiarē habetur. Etenim nō solū mōtibus nascitur: verū etiā & in cāpestribus & cultis locis copiosè prouenit. Ita quod in quibusdā regionibus, vt in Apulia, ob sui frequētiā, versum est in prouerbiū, scilicet quod quādo alicuius rei volūt denotare abundantia, dicunt:

dicūt: De hoc reperitur plus, quàm de nepeta. Vnde propter eius exuberantiam, ab Authore nō incongruē quandoq; vocatur domesticū, hoc est familiare, & commune, atq; notius calamētum. Quodq; multoties & in hortis reperitur. Manardus autem & Brafsauls super hoc syrupo declarauerunt, calamētum domesticum esse mentam nostratē hortulanam: quod nobis non placet. Nam Author scripserat suprā syropos de menta: ad quid igitur iterum separatim scriberet syrupum de menta, sub nomine calamenti? Quoniam si calamētū domesticū, secundum ipsos, est menta: ita potest dici iste syrupus de menta, sicut & de calamento. Nō enim intrat in ipsum plus de vno, quàm de altero. Sed secundum veritatem, calamētum domesticum non est menta, sed mentucia, scilicet nepetella. Et hoc calamētum est notissimum. Syluestre autem calamētum est illa nepeta, quæ vulgō dicitur gattaria. Et hoc calamētum secundo loco scribitur à Dioscoride. Et quia videtur æmulari pulegium odore, ideo (vt ipse Dioscorides refert) à nonnullis syluestre pulegium vocitatur. Vnde & recte à nostro Authore vocatur syluestre calamētum: quia vt plurimum syluestribus & asperis nascitur locis. Et de hoc atq; de fluuiali calamento (quod tenemus esse illud quod Dioscorides scribens tertio loco dicit esse simile mentastro) abundē suprā, scilicet in Diacalamento disseruimus. Lege ibi. Loco calamenti sylvestris autem, secundum Paulū, ex Galeno, menta potest sumi. Præterea sciēdum quod cum Dioscorides dicat cap. de calamintha: Nepeta nascitur in campestribus, asperis, & aquosis. Hęc circumloquutio referri debet ad omnes tres calaminthæ species, singula singulis, videlicet campestre ad primam, asperum ad secundam, aquosum ad tertiā. Et intelligitur vt plurimum: quia etiā largo modo ipsa circumloquutio tora vniciq; speciei potest applicari. Et quamuis primam calaminthæ speciem dicat ipse Dioscorides esse montibus familiarē: tamen non est contradictio, quod etiam campestribus nascatur &c. Et hæc quidem de calamento satis.

*Syrupus de calamento ualens &c.* CLXXXVII.



ST equidem in præfenti descriptione per excusos libros vna menda. Videlicet vbi legitur: vini odoriferi lb. iiii. in antiquis autem exemplaribus pro maiori parte legitur lb. iij. Quod putamus verius. Nam si Author voluisset dicti vini lb. iiii. fecisset ex ipso, & ex calamenti succo vnum ana. Præterea vbi

*Calamentū  
absolutū.*

in fine huius descriptionis habetur: Et dimittatur in sole per dies 40. In quinque ex dictis exemplaribus inuenimus per dies xv. Quod enim melius indicatum fuerit, facito. Non enim est casus multa æstimationis, si plus vel minus, quàm 40. diebus exponatur soli. Item non ignorandum quòd quodcumque absolute reperitur scriptum calamentum, ut in præsentī descriptione, & in syrupo de præsio, & syrupo de epithymo, & syrupo desticados, & similibus, semper de calamento mōtano, vulgari, noto, sci licet de mentucia est intelligendum.

*Syrupus de Thymo &c.*

CLXXXVIII.



NVS parvus error reperitur in præsentī descriptione per impressiones. Videlicet, ubi legitur: passularum enucleatarū 3. iij. s. rectius lege 3. iij. in nullo quippe penitus antiquorum exemplariū, nec in vulgari additione, neq; in aliquo iuniorū, videlicet Nicolao Præposito, Lumine apothecariorum, Luminary Maiori, & Thesauro aromatariorum, illud dimidium legitur. Sed omnes concorditer habent absolute 3. iij. Et sic est verum.

*De Thymo.*

**T**Hymus, vel thymū dicitur, res valde nota. A nostro Authore vocatur Hæscæ, de quo facit capitulum in suo de Simplicibus. Et ex istius planta verum epithymum colligitur. Sed sciendum quòd aliqui ut Author noster, Dioscorides, Serapio & cæteri vnum tantum thymi genus describunt, scilicet thymum album. Aliqui verò, ut Theophrastus, Plinius, & cæteri, duo ponunt genera, siue species, scilicet album & nigrum. Brasavolus autē tria genera, seu species notat. Nos autem vnum duntaxat genus, quod est commune & omnibus notissimū, scimus. Reliqua duo ignoramus: quoniam nec ipsi qui ea describunt declarant quæ sint, aut ubi reperiantur. Sed quia (ut Aëtius tradit) niger thymus in usu medico reprobatur: idcirco fortasse ipsum tanquam reprobum Dioscorides subtrahit. Quia clarum est, quòd album ponitur ad differētiam nigri vel alterius coloris. Et nos etiam non curemus multum ipsum agnoscere. Satis enim est, quòd nobis est necessarium scire, & perquirere. Colligitur autē thymus cum floribus, & siccat in umbra. Tradunt enim Authores semen thymi esse inuisibile, & quòd si feruntur flores thymus nascitur. Auicenna autē in secundo cān. capitulo de thymo, de eius semine tantum pertractat. Vnde vel thymum apud ipsum est alia res (quoniam scri

scribit etiamnum ipse capitulum de hacce) vel pro semine, intelligit flores: vel ipse somniabat scribens ea de semine thymi. Eiusdem naturæ quidem, & effectus sunt thymus, & thymbra, & po-  
 test poni alterum pro altero, ut Dioscorides, Paulus, & ferè om-  
 nes Authores testantur. Vnde & Macer etià capitulo de Satureia *men-  
 dum*.  
 (quæ eadem est, quæ thymbra) ait:

Si desit thymus, pro thymo ponere thymbram

Præcipiunt medici: quia vis est æqua duobus.

De hacce etiam lege suprà, scilicet in Diacalamento.

*Syrupus de Eupatorio &c.* CLXXIX.



ET quamvis nō omnes, plurimæ tamē impressio-  
 nes habēt mendosæ in præsentī descriptione: Li-  
 quiritiæ &c. ana 3. vj. Reliquæ autē impressiones,  
 & cūcta exemplaria &c. habent, ana 3. xvj. Et ita  
 est verum. Et licet 3. xvj. & 3. ij. sint vnum & idem,  
 ita quod suprascripta inibi simplicia, scilicet radices apij, &c. &  
 ista possent vnico ana cōcludi: tamē placuit Authori sic variare.  
 Et ne essent duo ana similia, immediatē vnū post alterū, ex quo  
 possetalicui dubitatio erroris oriri primū posuit per 3. secundū  
 per 3. Post hæc sciēdum, q̄ hic syrupus denominatur ab eupato-  
 rio, non tamē à quantitate, quia parū ex eo recipit: nec à pretio-  
 sitate, quia eupatoriū vilius venditur, sed ab effectu, & proprie-  
 tate. Quoniā visum est ipiū Authori, ad hepatis affectus (circa cuius  
 ius curationē versatur principaliter intētio istius syrupi) maxi-  
 mē valere eupatoriū: & ita est. Vnde à nonnullis rectē eupatoriū  
 interpretatur bonū hepati. De consimili habetur suprà, Modus  
 secaniabin de cheisim, vbi etiam ingreditur & eupatoriū. Quod  
 secaniabin vocauit de cheisim, & non de eupatorio, seu ex zinz-  
 bere, vel ex alio ipforum quæ sunt in eodem ana. Neq; ex aliquo  
 superioris ana, cuius simplicia in maiori recipiuntur portione.  
 Vocauit autē ex cheisim: quoniā probauit illud efficacissimū  
 esse operationibus curationū ipsius syrupi, siue (vt mauis) seca-  
 niabin. Et ob id quia secaniabin de cheisim valet oppilationi-  
 bus hepatis, præcepit Author in eius cōpositione & eupatoriū su-  
 mi. Et si aliquis cui præfata declaratio nō placebit) dixerit, quo-  
 niā Serapio autoritate Rhafis, capitulo de eupatorio dicit: Ma-  
 nifestum est per experientiā quod absynthium est magis conue-  
 niens in iuuamento hepatis, quàm eupatorium: ergo ab absyn-  
 thio conuenientius denominaretur præfens syrupus, quàm ab

*Eupatorii  
interpretatio.*

eupatorio. Eo maxime, quod in maiori quãtitate ingreditur absynthium in syrupũ, quã eupatoriũ. Dicendũ, quod hac de causa denominatur ab eupatorio, & non & ab absynthio, videlicet ob differentiam aliorum syruporũ de absynthio, quos iam scripserat suprà. Vel denominatur ab eupatorio, quia sic placuit Authori, & cæteris. Et similiter dicendum de præfato secaniabin de cheifim, & cæteris confimilibus, de quibus certa & expressa non habetur denominationis ipsorum assignandi ratio. Et animaduerte, ne omittas in decoctione istius syrupi, & similibus, facere gradationem simpliciũ, vt primò quæ maiorem coctionem fustinere possunt iniiciantur &c. vt in superioribus iam declaratũ est.

*De Eupatorio.*

*Gafet quid.* **G**Afet Arabicè, Gracè & Latinè eupatorium dicitur. Omne tamen quod prodest hepati, eupatoriũ, siue hepatorium (vt aliqui volunt) potest dici. Principaliter autè, & antonomastice, quædã genera herbarum eupatoria vocantur, quoniam virtutes ipsorum ad hepatis vitia curanda (experiẽtia teste) ab Authoribus probate sunt: & particulariter duas herbas habemus, quas verè per Authorũ scripta esse eupatoria probamus. Vna videlicet est, quam vulgò falsissimè agrimoniam nũcupant. Et hoc est verissimũ eupatoriũ Dioscoridis, & antiquorũ, vt patet considerãti ipsam herbã, & doctorum conferenti scriptis. Altera verò est eupatoriũ, quod scribit Author noster filius Mesuæ. Quam herbam in patrimonio Romano, nonnulli herbã S. Iohannis appellant. Non obstante quod aliæ & diuersæ herbæ à vulgaribus sub dicto herbæ sancti Iohannis nomine intelligantur. Et hoc eupatorium non est ignotũ. Imò à pluribus eupatoriũ absolute intelligitur. Sed sciendum quod non loquimur de quadã herba, quam vulgares vtrplurimum, pro eupatorio sumunt quod pseudo, seu adulterinũ eupatoriũ nos vocamus. Quam quidem herbã, ob id quia semper reperitur in aquosis, eupatoriũ aquaticũ nominant. Quoniam talis herba nũquam fuit eupatorium, nec species eius. Ignoratur enim & à peritis viris quid sit ipsa herba. Præterea quãuis nonnulli entri sint aliquibus notis & signis, quibus cõueniunt inter se capitulũ filij Mesuæ, & capitulũ Dioscoridis de eupatorio, probare non esse diuersa, sed idẽ eupatoriũ esse apud filium Mesuæ, quod est apud Diosc. tamen quibusdã alijs clausulis, quibus non conueniunt, probatur contrariũ, scilicet quod est diuersum alterũ ab altero. Et maxime de amaritudine, quam scribens filius Mesuæ tribuit suo eupatorio. Quæ quidẽ à Dioscoride notatur,



tatur, nec in ipsa herba agrimonia falsò dicta (quod est verum Dioscoridis eupatoriū) persentitur, vt quilibet experiri potest. Et similiter de forma foliorū &c. quæ breuitatis causâ studiosis dimittimus: ex quibus clarè percipitur eupatoriū filij Mesuæ esse alienū ab eupatorio Dioscoridis. Et vt suprà in syrupo de hyssopo, & alibi diximus, semper simplicia cuiuscunq; Authoris in suis cōpositionibus duntaxat, omnibus alijs sunt præferenda. Vt etiam exēpli gratia: pro cōpositionibus filij Mesuæ, in quibus recipitur eupatoriū, contra aliquorū iuniorū opiniones, non est accipiendū eupatorium Dioscoridis, sed eupatoriū quod scribit ipse filius Mesuæ. Et similiter pro cōpositionibus Dioscoridis, Galeni, & ceterorū antiquorum, non est sumendū eupatorium filij Mesuæ, seu Auicennæ, sed suū eupatoriū, scilicet eupatorium ab ipsis descriptū. Et sic de singulis. Eupatoriū autē filij Mesuæ, licet sit notissimum, pro illis tamē minus peritis adolescentioribus aromatijs, qui forsā assueti recipere superscriptū pseudo eupatorium, aquaticum nuncupatū, non bene cognoscūt illud, breuiter declarabimus. Pluribus in locis nascitur. Folia fert similia cetauree minori, sicut dicit Author, sed sunt incisa vt terra. Ex vna radice plures eleuātur furculi, in quorū summitate sunt flores subcitrini, oblongi, in umbella perpulchra compositi. Et umbella ipsius est vt umbella illius plantæ quæ vocatur barba leuis, siue louis barba, quæ apud Diosc. Chrysecome dicitur, & vulgò etiā sticadoscitrinū appellatur. Et flores istius eupatorii nō citò marcescūt, seu diu perdurāt, nec cūm siccātur amittunt colorem suum. Vnus & idē odor grauis est in herba, & in floribus. Tota planta amarissima est, & flos est melior pars ipsius plantæ &c. Succus ab ipsa planta excipitur, cūm est tenera, & exsiccat in sole, & vsui referuatur &c. In defectu autem eupatorii, rectius ponitur absynthiū, quàm aliud.

*Barba leuis.*

*Chrysecome.*

*Sticadoscitrinum.*

*Eupatorii loco quid sumendum.*

*De Bedegar & Suchaha.*

**V**ariæ atque diuersæ sunt iuniorū opiniones de Bedegar, & suchaha, quas curiosi lectoribus relinquentes, breuiter vt poterimus, quid de huiusmodi simplicibus sentimus, subscribere non pigebit. Clarū quippe est, & patet cuiuscunq; legenti & consideranti capitula de Bedegar & de suchaha apud Serapionē, quòd eadem sunt quæ apud Dioscoridē Acātha leuce, & Acantha Arabica, id est spina alba, & spina Arabica. Et aduerte ne decipiaris in Dioscoride (vt nonnulli decepti sunt) intelligendo leucacantham, id est albam spinam, pro acantha leuce, id est spina alba:

*Acantha leuce.*

*Acantha Arabica.*

*Carlina**Carlina duplex.*

quoniā differt altera ab altera, & separatim de vtraq; ipse Dioscorides capitula facit. Pro faciliiori autē dictorum, scilicet bedegar, & fuchaha declaratione, à posteriori incipiētes, scitote quòd fuchaha, siue fucaha verissimè est planta illa quæ vulgò Carlina dicitur: quod etiā in synonymis filij Serapionis clarius percipitur, vbi legitur: Suchaha, id est herba parua, dulcis & spinosa, quæ extenditur super terrā, & facit capita grossa prope radicem, & exeunt ex ipsis capitibus flores sanguinei. Carlina huiusmodi autem notissima est. Et dicitur carlina (nescimus an fabulosè) à Carolo, siue Carlo Magno imperatore, cui tēpore maximæ epidimiæ Pestis, pro salutari remedio, ab Angelo sancto (vt fertur) ostensa fuit. Vnde quamplurimi in Pestilentiali morbo vtuntur ea. Sed sciēdū, quòd duplex reperitur carlina. Vna videlicet, quæ non eleuatur à terra, sed producit caput magnū, spinosum, terræ annexū, & folia quæ similiter sunt valde spinosa, circunquaq; super terrā expansa, & flos ipsius sanguinei coloris est &c. Et hoc est fuchaha præfatum. Altera verò carlina, simillima est prædictæ, præterquàm quòd eleuatur à terra in stipitibus cubitalibus, plus & minus, secundū locorum dispositiones, & facit plura capita, quæ sunt oblonga, & non ita magna. Prima autem rarissimè producit duo capita ex vna radice. Sed generaliter vnū magnū spinosum (vt diximus) echino marino, seu echino castaneæ perquàm simile. Radices vtriusc; etiā sunt simillimæ in omnibus, supple odore, sapore, longitudine, pollicari crassitudine &c. Excepto quòd radices illius quæ non eleuatur à terra, sunt albiores, scilicet ab extra, integræ & sanæ. Alterius autē radices, scilicet illius quæ producit stipites, & capita plura, sunt nigriores, acutioris saporis, & scissæ ab illa parte qua folijs & stipitibus coniunguntur, in duas, aut tres, pluresve partes, scissuris magnis, ferè dimidij palmi, tãquā si studio aliquis eas gladio scidisset. Et hæc planta in nonnullis Italiæ locis, magis quam altera, intelligitur pro carlina. Et hoc haud dubiè est bedegar, siue bedegar, siue bedoar, & similia, vt in Auicenna & cæteris legitur. Quæquidē barbaræ voces vnum & idem significant. Et quòd bedegar & fuchaha sint eiusdē naturæ & proprietatis, non solum per capitula Serapionis & Dioscoridis, & cæterorū probatur, verū etiā & resipsæ veritatem ostētāt. Nascuntur ambo mōtibus altis, & locis frigidis ac asperis. Copiosius tamē fuchaha, quàm bedegard, sed asperioribus locis bedegard magis quàm fuchaha, gaudet. Sæpius enim in vno met colle vtrūq; reperitur, vt proprijs manib; pluries in mō-

tibus

tibus Rheatinis & alijs locis carpsimus. Radices tantū in medico recipiuntur vſu. Et rationabiliter alterū pro altero poteſt ſubſtitui: cum ſint eiufdē naturæ &c. Præterea ſciēdum, quōd non ſolūm carlina (quod ſuchaha Arabice dicitur, quod eſt acantha Arabica) in carduorū generibus caret caule: verum etiam & cha-  
*Chamaeleon*  
 mæleon albus, quem nonnulli ob id quia caule priuatur, falſo  
*albus.*  
 ſuſpicauere ſuchaha eſſe. Sed in veritate in partibus Aragoniæ comperimus chamaeleontem album non eſſe ſuchaha. Contingit enim iter agentibus nobis per Aragoniā, caſu videre ſecus viam rem ſimillimam pinæ arborum, mediocri magnitudine, in terram iacentē, ſcilicet in medio vnus plantæ cardui. Eramus enim tres fratres pedefſtres, qui omnes à viſione nouitatis rei ita decepti, quōd verē putantes eſſe fructum pini, vnus ex nobis extendit manū vt ipſum acciperet. Tū illuſionē viſus, ſenſus tactus nobis detexit: cum nō ſenſit duritiā quam in re ipſa putabamus. Quāuis aſperitas eius non fuit abſcondita à tactu manus. Continuo autē curioſi volumus inueſtigare quidnā eſſet illud, & inuenimus eſſe florē cuiusdam cardui in modū pinæ formatum. Folia ipſius floris, ſiue calicis, aſpera, & non ſine aculeis, quamuis paruis, erant. Abſq; ſtipite radici inſidebat. Folia plantæ ſuper terrā expāſa circumcirca, quinque aut ſex, albieātia, non multa aculeorum aſperitate obducta, pluribus ſciſſuris fibrata. Radicē verō ipſius, licet ob ſarculi carentiam, non integram, pro parte tamen effodimus. Quæ erat digitali craſſitudine, non ſine bono odore, dulcis, & optimi ſaporis, cum aliqua aſtriictione, intus alba, extra verō partim ſubuiridis, ſcilicet pars coniuncta folijs, & partim terrea, trahens ad albedinem &c. Proſequentes nos iter plures eiufdē generis vidimus plantas. Colorē floris, ab intus ſupple, nō vidimus, quoniā iam adhuc ipſe flos nō cœperat florere. Hinc in Dioſcoride Carduorum genera cōſiderantes, reperimus deſcriptionem chamaeleontis albi, quæ in omnibus optime quadrabat. Eo etiā maxime, cum in ibi ſecundum traditionē Hermolai legatur, quōd aliqui carduū pineā vocāt &c. Hanc igitur plantā potius quā carlinā, credimus eſſe chamaeleontem album. Item in confinibus dicti Regni Aragoniæ, verſus Regnū Caſtellæ reperimus aliud cardui genus, quod copioſe ibi iuxta viarū ſemitas, *Cardui, qui*  
 & in triticeis campis naſcitur. Quod quidē habet folia ſuper ter- *Corona fr.*  
 ram expāſa, ſimilia folijs carlinæ. Caret caule omnino, & produ- *trū dicitur,*  
 cit capita plura: taliter ordinate cōpoſita. Videlicet vnū magnū *cōſideratio.*  
 caput, echino marino ſimile eſt in medio, ac immediate radici

annexum, & circumcirca ipsum octo, nouem, vel decem, & aliquando plura, pauciorave capitula, nucis iuglandis & ampliori magnitudine sic cōtigua, quod vnum tangit aliud, omniaq; terræ adhærentia &c. Et dum baculo effodiebamus ex ipsis plantā vnā, transeuntem quendam rusticum interrogauimus, an sciret nomen illius plantæ. Qui vulgari suo idiomate nomen indicans, idem est quod Latine Corona fratrum. Quod nomen nobis visum est non disconueniens esse rei. Quia caput magnum stat tanquam pater, capitula verò tanquam filij eius, & fratres in modum coronæ stant circundantes ipsum patrem &c. Demum effossa ex parte radix, baculi grossiorem habens, tenera, alba, & cum quadam astrictione iucundi saporis erat. Quid autem sit apud Dioscoridem, & ceteros, tam antiquiores quàm iuniores Authores, adhuc incompertum habemus. Alias etiamnum plantas ex aculeatis, carentes caule scimus, non tamen sunt carlinæ species, de quibus quidem non est necesse impræsentiarum habere sermonem. Hæc quidem satis pro bedegar, & suchaha declaratione. Caueant igitur aromatarij, à vaniloquijs plurimorum iuniorum de hisce simplicibus.

*De succi Apij, & Endiuæ quantitate sufficienti.*

**A**lias quippe suprà diffusè & clarè, de partium conueniētia & sufficiētia, & similibus pertractauimus. Hic autem tum, quia clausula istius circumloquutionis non manet in sua rectitudine, tum etiam quia nonnulli iuniores varias scripsere declarationes & interpretationes, super huiusmodi clausula visum est nobis silentio ipsam non præterire. Certè ipsa circumloquutio per impressiones non est in suo esse recto, vt aliqua exemplaria veritissima de hoc nobis testimonium perhibent, quæ sic rectius habent: Et cum zucchari lb. iiii. & succi pij, & endiuæ quantitate sufficienti, fiat syrupus. Quantitas autem sufficiēs hoc in loco dupliciter est intelligēda. Primò, vt sit inter ipsos succos equalitas, scilicet quod succi apij, & endiuæ sint partes æquales, scilicet quod non plus de vno, quàm de altero ponatur &c. Secundò, vt sit sufficiens & competens pars succorum, ex proportionē ad zuccharū: & tali modo, licet potest sumi tegula ex syrupo de fumo terræ, scilicet quod succi ambo pro vno sumpti, & zuccharum, sint æquali librata pondere: tamen nō in omnibus alijs hic modus est obseruandus. Quia illarum compositionum, quæ nō recipiunt decoctionem seu infusionem rerum ex aqua, vel altero liquore, sed solos succos, succi non sunt accipiendi æquali pondere

dere seu mensura cum zucchero aut melle: sed debent esse in duplo, vel saltē in proportionē sesquialtera, scilicet quod pro qualibet parte zucchini, vel mellis, vel similis succi, vel succorum in *sesquialtera* vnum & pro vno (vt dictum est) copulatorum, pars vna cum dimidia ad minus sumi debet. Quoniam vt plurimum talibus modis vtitur Author in suis compositionibus. Hic autem & in syrupo de fumo terræ, & similibus, quia decoctio rerum excusat partem succorum, idcirco ponendi sunt succi æquali pondere ad zuchcharum.

*Syrupus de Epithymo &c.* CXC.



IN PRÆSENTI descriptione plurimæ impressiones mendose habent, passularum enucleatarum 3.iiij. Imprudentia enim librariorū posita est ibi drachma, pro vncia. Lege igitur rectius 3. iiij. Item cunctæ impressiones, necnō & quædam pauca exemplaria minus correctæ mendosissimè habent hic: Recipe epithymi boni hortensis &c. Nam (exceptis duobus) cuncta exemplaria, quæ vidimus, sic rectius habent: Recipe epithymi boni Cretensis. De quo mox in declaratione epithymi dicemus. Præterea animaduertendum quod licet in præsentī & sequenti, & alijs pluribus syrups (vt etiam suprā retulimus) non sit specificatē descripta decoctio rerum: veruntamen rationabiliter & necessariò debet fieri, gradatim, & secundū artem. Quia quamuis epithymum, & aliqui myrobalanorum sint primitus descripti: tamen in decoctione vltimum locum tenere debet, quoniam non patiuntur multam decoctionem. Et econtrā, aliqua quæ in fine describuntur, vt pruna &c. Item nonnullæ ex impressionibus mendosis, minus correctè habent in præsentī descriptione: zuchchari lb.iiij. rectius legito lb.iiij.

*De Epithymo.*

Quanto magis legimus de epithymo apud Authores, tanto magis mens nostra vexatur, & confusione maximam inuenimus. Sed omisis pro parte ipsorū lectionibus, ne prolixitas minus nobis necessaria carpat, unde quilibet per se querat, si illis habet opus, necessarias tantummodo auctoritates pro rei veritate cognoscenda (vt potuimus) in nostro libello constringimus. Phantasticentur igitur iuniores, machinētur, fabricentq; suo modo vaniloquia: quod secundum veritatē epithymum non est aliud, quàm illud capillamentum inuolucrum *Capillamentum thymi.* (fi)

(si ita diciliber) quod supra thymum nascitur. Sicut etiam nascitur super plures alias herbas & plantas, ut super genistas, super ozimum, super linum, & similia. Quamuis illud capillamentum quod oritur circa vel supra linum, particulari nomine vocetur

*Cuscuta est de genere epithymorum.*

cuscuta: est tamen huiusmodi generum, de quo alibi. Tantummodo capillamentum quod supra thymum procreatur, præcisè & antonomastice, recteq; epithymum vocari censemus: ab epi, quod dicitur supra: & thymum, id est supra thymum. Et quod supra ozimum, epiozinum, & similia. Et licet à quibusdam vocetur flos thymi, & ab alijs inuolucrum, & palliolum &c. non tamen per hoc, quia sunt diuersa nomina, diuersas putemus Authorum intentiones, atque diuersa simplicia &c. Quoniam si rectè perceperimus ipsorum scripta, vnum & idem erit epithymum apud Dioscoridem, quod apud filium Mesuæ, & apud Plinium & ceteros Authores. Certissimè (ut coniectamus) à paucis verus sensus verborum Dioscoridis de epithymo percipitur. Nam cum ipse Dioscorides dicat, capitulo de epithymo: Flos est è thymo, satureiæ similis. Non per hoc intelligit epithymum, scilicet capillamentum thymi, esse simile herbarum satureiæ: sed asserit illud dictum capillamentum thymi, esse simile capillamento satureiæ, scilicet thymbræ. Quia etiam & supra thymbram generatur huiusmodi capillamentum, sicuti supra thymum. Quod capillamentum thymbræ, à Paulo Aegineta epithymbrum vocatur. Tanquam si Dioscorides diceret: Epithymum est simile epithymbro &c. Et quod epithymbrum sit simile epithymo, & in qualitate, & virtute, licet debilius operetur. Ait Paulus 4. cap. libri septimi, Epithymbrum (quod thymbræ supernascitur) epithymo similiter euacuat, sed imbecillius est. Cum igitur dixit, Quod thymbræ supernascitur: intellexit capillamentum, & non flores. Flores enim naturaliter verius dicuntur in planta nasci, capillamentum autem supra plantam. Præterea verbi gratia: Dato quod epithymum Dioscoridis, & ceterorum, sit aliud ab epithymo filij Mesuæ (quod non credimus) non obstante etiam quod Plinius ponat duo epithymi genera, quoniam ipse Plinius à diuersis Authoribus accipiens, diuersa putauit simplicia, vel forsitan epithymbrum pro epithymo intellexit. Filius autem Mesuæ clarè, aperteq; de nostro vsuali epithymo loquitur, in suo capitulo de epithymo. Ad quid ergo in eius cōpositionibus volumus recurrere ad aliorum simplicia, cum habemus sua? Vnde nullus dubiter in hoc nostro epithymo, quod verissimè est illud quod scribitur à nostro

*Thymbræ.*

*Epithymbrum.*

stro Authore. Et in presenti syrupo, alijsq; cōpositionibus suis, suo epithymo debemus uti. Sed nota, quod non solum secundum ipsum Authorem nostrum præfertur Cretense epithymum, epithymo aliarum regionum: verum etiam & Serapio, & Auicenna, & alij plures, illud idem testantur. Quamobrem ipse Author non solum specificauit in presenti descriptione epithymum Cretense esse sumendum, & non hortense, ut mendose per omnes excusationes legitur. Quod mendum nonnullis tribuit errandi ansam: quoniam non defuere qui declarauerunt pro epithymo hortensi, intelligendum esse capillamentum basiliconis, id est ozimi: quod quidem reprobatur ab authoribus, & peritis viris: & rectius, non epithymum, sed epiozimum (ut diximus) quod supra ozimū nascitur, nuncupandum est: sicut epithymbrum, quod supra thymbra &c. Etiam nonnulli dixerunt, & peius, hortense id eo positum esse ab Authore, quia minus vigorosum. Ergo Author imbecillius & minus bonum epithymū elegit pro isto syrupo? Absit. Etenim ignorantes errorem hallucinati sunt. Doctor igitur noster querit hic epithymum Cretense, tanquam melius, & electius &c. Sed si quis carebit illo, loco eius nostrū epithymū subministret. Si autem neutrum habuerit, epithymbrū ponat: quod si nec epithymbrū affuerit, substituat flores thymi, vel flores thymbræ, vel saltem folia alterius. Pandectarius autem, & Platearius dicunt, quod loco epithymi ponitur cuscuta: attamen si bene, nescimus. Collegimus præterea aliquando & super rosamarinū coronarium, capillamentum simile epithymo: quod epirosmarinū, seu epilibanotum potest appellari, quodq; in defectu epithymi compensare, melius quàm cuscutam esse putamus.

Epiozimum.

Thymi flores  
res epithym  
brum super  
plent.Epirosma-  
rinum.

Epilibanotum.

## Syrupus de Sticados &amp;c. CXCII.



**H**ABET Author noster in cura de ægri tudinibus neruorum, Authoritate Iadai, alium syrupum de sticados in multis speciebus huic conformem. Sed eo in loco ubi in presenti descriptione habet calamentum, & origanum, ibi habet Zinian. Quod Zinian con- sideratio. in multis operationibus cōmendauerat. At verò quid sit zinian, fatemur nos ignorare. Nonnulli ex iunioribus autem, interpretati sunt esse chamæpityn, id est iuan, quæ & aiuga dicitur: tamē hoc nobis non constat. Nihil enim habet Dioscorides in cap. de chamæpity, ipsorum quæ authoritate ipsius Dioscoridis, de zinian

inian ab Authore nostro scribuntur. Ex quo patet, quòd zinian non est chamæpytis Dioscoridis. Præterea percurremus in Dioscoride omnia capitula in quibus neruorum remedia, & curationes notantur: in nullo penitus legimus quæ de zinian ab Authore nostro dicuntur. Vnde necessario sequitur, quòd vel interpres, vel ipse Author, attribuit Dioscoridi quod erat alterius authoris: vel (vt aliàs diximus) plura alia opera extabant apud antiquiores, & Dioscoridis, & Galeni, & aliorum, quibus nos caremus. Et de facto erant. Quia legitur in Collectaneis Sude, quòd Dioscorides scripsit medicinales 24. valde celebres libros, ex quibus tantummodo hæc paucula de simplici medicina fragmenta adhuc extant. Igitur non admiremur in allegationibus Doctorum, si fortè non reperiantur quæ alicuius authoris non specificato libro ab ipsis attestata sunt. Item sciendum quòd nonnulli Apothecarij parant præsentem syrupum dupliciter. Vno modo, videlicet cum speciebus in pāno, vt præcipit Author, quæ vocant syrupum de sticados completum. Altero verò modo sine ipsis speciebus, quem syrupum de sticados incompletum nominant. Sed qua auctoritate, sine dictis speciebus paratur hic syrupus, ignoramus. Nam filius Mesuæ præcipit vt fiat cum speciebus, nec sine ipsis scribit posse fieri. Qui autem aliter velit facere, faciat. Hoc tamen sciat, quòd de mente istius Authoris non est, vt fiat sine speciebus.

*De Sticados.*

**S**Tæchas, dos: vel stichas, dis, Græcè & Latinè dicitur. Arabicè autem, vt in Serapione, Astochodos, siue secundum Pandectarium, Astochodes, vel Ascukodos. Indeclinabiliter verò stichados, siue absque aspiratione (vt vulgus tenet), sticados nuncupatur. Secundum Dioscoridè, ab insula Gallie Massiliensis, eiusdem nominis, vbi maximè exuberat denominari ccepit. At tamè in Gallijs & in Hispanijs, atq; in Italia copiosissimè nascitur. Herba ipsa notissima est. Sed Author noster, vel quia forsitan medici sui temporis experti fuerunt illud Arabiæ sticados: vel quia ob maximam itineris distantiam carebant sticados præfate insulæ, & recentius & commodius quasi præ manibus habebant illud, sticados Arabicum commendat. Veruntamen sciendum quòd cum essemus annis elapsis in Lusitania, & propriè in Olyssipone, vel Vlyssipone, quæ ciuitas hodie corrupto vocabulo Vlisbona dicitur, in nostro cōuentu Franciscano, nos vidimus sticados Arabicum virens in horticello Infirmarie. Quod vocabant fratres  
eiusdem



eiusdem conuentus, patria eorum lingua: Romiero de los moro, quod Latine sonat, Rosmarinū Mauritanorum. Nam (vt habuimus ab eis) ex Arabiæ partibus cum mercimonijs aromatum ibi transuectū fuerat. Fructuosior planta est, quàm nostrū sticados. Etenim in spica, siue flore, in stipitibus, in colore foliorum & florū, in amaritudine & forma plātæ, ad vnguē conuenit cum nostrate sticados: erat enim tūc cum flore. Odoratiū enim nostro nobis visum est illud. Et spicæ siue flores ipsius sunt aliquātulum minores. Necnō & folia ipsius, quāuis nō excedant magnitudinē foliorum nostratis sticados: tamen ex vtroq; latere sunt incisa vt ferra, sed leuibus quidem, & non cuspiditatis incisuris. Pro certo enim tenemus illud esse sticados Arabicū. Sed quia caremus eo, *Sticados Arabici loco* cert nobis, loco eius, vti nostrate. Si autē quispiam habuerit illud, *rabici loco* optimā rem habebit, pro præsētis syrupi cōfectione. Quoniam *quid sumen dum.* certē iudicio plurimorū est melius quàm nostrū sticados. Et ne putet quis nos cōposuissē mēdacia, exportauimus aliquid parum siccum de planta eius, cum folijs & floribus, ad ostendendū alijs, quod quidem adhuc est apud nos in testimoniū. Melior pars sticados, est spica florida: in defectu tamē spicæ, folijs possumus vti. Præterea sciendum, quod præter hæc duo præfata sticados genera, est & aliud, quod iuniores & vulgares vocant sticados citrinum, & barbam Iouis, siue Iouis barbam. Quod propriē est Dioscoridis chrysoconie. Sed hæc planta (vt putamus) non est numerāda in generibus sticados, neq; pro sticados quis vtatur ea, quia in veritate non est sticados, nec species eius.

*De Alchilib.*

**P**ro Alchilib hoc in loco non potest intelligi nisi flos rosmarini, & de hoc iam dictum est suprā.

*Sermo in Mellicrato condito &c. CXCII.*



**M**ELLICRATVM simpliciter (vt Author ipse in litera apertē declarat) nil aliud est, quàm syrupus cōfectus ex melle & vino tantū. Si autem ipsi syrupo addātur aliquę species, vocatur Mellicratum *Mellicratū conditum.* cōditū. Quāuis (vt ipse Author etiā scribit)

sint nōnulli, qui vtrūq; scilicet cōditū & nō cōditū, vocēt vtroq; nomine. Et modi eorū sunt diuersi, vt in sequentibus clarē pater. Hinc iuamētā primū modi, & immediatē ipsum primū modum subscribit, dicens: Recipe vini antiqui boni &c. In cuius calce est vnus error per impressiones nō paruas: videlicet, vbilegitur: Mu

sci 3 iij. Cuncta etenim exēplaria, sic rectius habēt: Musci 3. vnus  
 tertia. Paucis tamen dūtaxat exceptis, quæ habēt: musci 3. j. quod  
 idē est quod tertia pars drachmæ. Huiusmodi etenim errores (vt  
 aliàs diximus) non est multū necesse annotare: quia sumus certi  
 quòd aromatariorū nullus poneret in præsentī syrupo tres musci  
 drachmas. Imò cōiectando de errore, potius inclinaret animum  
 ad interpretandum tria grana, quàm tertiam partē vnus drach-  
 mæ. Vt veritas autem sit in loco suo, nunquam sanè pigebit nos  
 adamusim omnia fidelissimè describere.

*De speciebus in huiusmodi syrupis ponendis.*

**E**X præsentī nāq; primo modo sumitur regula ponendi spe-  
 cies aromaticas in huiusmodi & similibus syrupis: sed cla-  
 rius habetur apud filiū Serapionis, & Auicennam in cōsimilibus  
 compositionibus: quia ipsæ species sunt triturdæ trituratione  
 grossa, præter crocum, quod non est tritandum. Et muscus  
 non est ponendus in decoctione cum reliquis speciebus: quia (vt  
 suprā diximus) muscus, ambræ, & similia, aromatizandi gratia  
 in fine ponenda sunt: vnde & Author nouissimè descripsit ipsum  
 post colationem syrupi. Veruntamen potest poni cum bambæ-  
 ce, sub cuspidē colatorij, eo modo vt suprā notatum est: vel post  
 colationem ponatur &c. Huiusmodi enim compositio apud fi-  
 lium Serap. intitulatur: Operatio candicon, ad illum cuius sto-  
 machus est frigidus &c. Apud Auicennam autem vocatur Con-  
 dītum: siue, secundum Bellunensem, Chandicum conueniens ad  
 frigus stomachi &c.

*Modus conditi de citro &c. CXCIH.*



V M dixit Author, Modus cōditi de citro: subin-  
 tellexit mellicrati. tāquam si diceret: Modus mel-  
 licrati cōditi de citro. Et licet ipse Author in ista-  
 met distinctionē habeat duos alios syrupos ex ci-  
 tri cognominatione: præsentē tamē & sequentē,  
 ob id quia vinū recipiūt, sub nomine mellicrati descripsit eos. Et

*Cōditum de citro.* & ci-  
*trum conditū* animaduerte ne decipiaris, intelligēdo conditū de citro, & citrū  
 conditū vnū & idem esse, quia multū differūt inter se. Nam citrū  
 conditū intelligitur in eo quod accipitur ipsum propriè, & pro-  
 priè differt. h. citrū decoctio eius. In isto autem & sequenti conditis de citro,  
 econtrā accipitur: decoctio citri & aliarū rerum, rebus ipsis post  
 coctionem, & colationem, vnā cum citro abiectis. Quia isti sunt  
 syrupi potabiles, & non confectiōes comestibiles; vt etiam in li-  
 tera

tera probatur, cum in fine legitur: Et bibatur impermixtum. Præterea quod dicit Author in præsentī descriptione, scilicet: si autem recens illud propinabitur, sufficit parua in eo decoctio. Hoc consimiliter est intelligendum in omnibus syrups. Hoc est. Si recentes propinantur, non multum sunt decoquendi &c. Item ubi dicit: Et accipe adhuc de speciebus quas diximus superius: subintellige in sermone mellicrati conditi &c. Demum sciendum quod per impressos libros sunt in præsentī descriptione duo menda. Primum, videlicet, ubi legitur: Cytoniorum 3.ij. Et in alijs: Cytoniorum 3.ij. Vtrunq; enim est falsum. Antiqui nempe codices vniformiter ferè habent apertè, & clarè: Cytoniorum numero iij. & nonnulli clarius sic: Cytoniorum numero tria. Et sic est verum. Aliud mendum est, ubi legitur: Aquæ rosatæ lb.ij. lege rectius lb. j. vt præfata exemplaria habent. Nam si essent lb.ij. concludisset eas Author in immediatè superiori ana, sic: Mellis despumati, zuchari tabarzet, & aquæ rosatæ, ana lb.ij. Ad maiorem quoque probationem, vide apud filium Serapionis in 7. quod in simili compositione (quæ videlicet inscribitur: Syrupus alius qui confortat stomachum &c.) habet aquæ rosatæ lb. j. & cytonia numero descripta. Ergo &c. Ponia odorifera absolute descripta, apia intelliguntur.

*Conditum aliud de Citro &c.* CXCIIII.



N hoc secundo mellicrato condito de citro sunt quatuor emendanda per impressiones. Primum ubi legitur: Recipe corticum citri 3.vij. lege 3.vj. Secundum, ubi legitur: Buglossæ 3.j.s. In alio mentæ siccæ, marimacur 3.s. Cassetur illud, videlicet In alio, mentæ siccæ. Et lege simpliciter: Buglossæ 3.j.s. marmacur 3.s. Tertium, ubi legitur: Garyophyllorum aur.ij. lege verius: aur. j. Quia sic probauimus omnia hæc per antiqua exemplaria esse secundum veritatem. Quartum emendandum, est vna confusa lectio, quæ licet non sit in omnibus, tamen in nonnullis impressionibus habetur. Videlicet, ubi legitur: Croci 3.j.iiij. lege planius: Croci 3. vnus quarta. Hoc vltimum annotauimus quia scimus aliquos qui intelligebant illo modo, drachmam & quartam. Habent etiam nunc præsentem descriptionem, in paucis tamen differentem, filius Serapionis in 7. & Auicenna in v. Titled descriptionis filij Serapionis est: Syrupus almuiniati. Auicennæ autem: Syrupus Salmuini.



**H**OC est mellicratum conditum de buglossa. Et licet non habeatur in usu, tamen est optima cōpositio pro stomachi debilitate &c. Sed aduerte, quòd per impressiones, in hac descriptione mendose legitur: Setæ crudæ incisæ, nucis muscatæ &c. ana ʒ. j. s. lege melius, ana 3. j. s. quoniam sic est ferè in omnibus antiquis exēplaribus. Et certè magna quantitas est, ex quolibet ipsorum simplicium ʒ. j. s. Et si non aliorum, saltem croci est maxima quantitas. Præterea probatur etiam hoc mendum ex superiori ana, quod est similiter ʒ. j. s. Etenim Author non fecisset duo ana similia vnum post aliud, sed vnico ana conclusisset & cytonia, & poma, & illa simplicia sequentia. Igitur rectius illorum simplicium, ana 3. j. s. Aduerte etiā quòd Luminare Maius, secundum omnes ipsius impressiones habet, alfelégemisch 3. j. Sed hic error, vel si ipsi authori, vel si librarijs sit imputandus, nescimus, Rectius lege, ʒ. j. vt est in cæteris libris, tam impressis, quàm manuscriptis.

*De Cytoniorum generibus.*

**H**abet nanq; Author in præsentī descriptione tria cytoniorum genera. In Romano autem solo, non nisi duo nascuntur. Et hæc quidem nota sunt, quæ iam declarauimus suprà. Vnde sciendum, quòd teste Plinio cap. xj. libri xv. cytoniorum plura sunt genera: ex quo sequitur, quòd reperitur & tertium genus. Et verè reperitur. Quoniam scimus huiusmodi tertij generis arbuscularum magnam copiam, intra Italiam sponte nasci in sepibus, & præsertim in montibus Alpium Mutinæ, & Bononiæ. Et hoc quidem tertium genus est minus, & syluestrius alijs, tam in planta quàm in pomis. Quæ poma, scilicet cytonia huius tertij generis, quamuis sint minora, tàmè odore gratissima sunt, & sunt valde acetosa. Et hæc quidem denotantur à præfato Plinio, cum dicit: Sunt præterea parua syluestria à struthis, odoratissima, in sepibus nascentia &c. Ex his etenim præcipit Author in sequentibus conditis de cytonijs, scilicet in miuis, parari succum, dicens: Recipe succi cytoniorum acetosorum &c. Aliqui autem, qui duo genera tantum cytoniorum faciunt: hi nempe denotioribus & domesticis intelligunt. Et de ipsis intelligendum est semper, quando non specificatè scribuntur. Animaduertendum autem quòd cytoniorum genera varijs appellantur nominibus: vt sunt cytonia, siue more Græcorum cydonia, cotonea,

nea, fruthea, chrysomela (quasi mala aurea, non obstante quòd *Chrysomela* mala aurea etiam in citriorum generibus intelligantur) mala la. cotonea, mala cytonia, seu poma cotonea, & pyra cotonea &c. Quæ quidem omnia, omnibus generibus, largo modo possunt dici æquiuoca, siue communia: quamuis aliqua ipsorum sint aliquibus particularia, & vniuoca.

*De generibus Pomorum.*

**P**omorum genera secundum omnes auctores, penè innumera sunt. Quoniam hoc nomen, scilicet pomum, in fructibus, est tanquam genus generalissimum, quod continet in se plura alia genera non generalissima. Quia vniuersaliter, siue largo modo, omnes fructus qui non habent corticem durum ab extrà (sed illud quod estur videtur, vt in plurimis) ad hoc nomen, scilicet pomum possunt reduci. Vt sunt ficus, daçyli, sorba, mespila, pyra, & similia. Sed stricte, illi fructus præsertim nuncupantur poma, in quibus orbitas quædam, scilicet rotunditas aliquatiter reperitur. Vt verbi gratia: dicuntur poma, omnia mala, vt sunt apia, maciana, & similia. Item malo granata, siue mala granata, id est mala punica, mala aurea, arantia dicta, & similia. Item mala cotonea, & præcoqua, & persica omnia, & alia multa. Magis stricte autem, poma intelliguntur ista quæ vulgari voce generaliter vocantur mella, siue mela, vel mila, quasi mala. Et de his intelligit Author in præsentî descriptione, sumi tria genera, scilicet dulcia, vt sunt apia, vel in defectu ipsorum, mala Decij, vel alia ex dulcibus. Acria, vt sunt syluestria, & similia. Et dulcacida, siue muza, id est illa quæ medium inter acrem & dulcem habent saporem, de quibus plures sunt species & differetia, & varijs nominibus, secundum diuersitates gentium & locorum appellantur. Et aduerte quòd in præsentî condito, sicut & in condito de citro, tam per cytonia quàm per poma, intelligitur caro, scilicet pulpa ipsorum, & non succus.

*Modus operationis conditi de cytonis, & est*

*Miua &c. CXCVI.*



**I**NCIPIT nunc Author scribere compositiones mellicrati conditi de cytonijs, quas etiam sub alio cognomine, miuas vocat. Miua autem secundum veram interpretationem, significat syrupum confectum ex succo cytoniorum, & vino,

vel aceto, & melle, vel zuccharo. Sed quia recipit vinum & mel, rectè etiam dicitur mellicratum cōditū de cytonijs. Miua autem acetosa, quæ infra describitur, non potest dici mellicratum, quia non recipit vinū. Et quamuis acetum fiat ex materia vini, tamen expresse est vino contrariū. Neq; illa quæ conficitur cum zuccharo, debet nūcupari mellicratum. Habet etiam nū Author in principio istius distinctionis syrupū simplicem de succo cytoniorū, quiquidem neq; miua, neq; mellicratū dici potest, quia nec vinū, nec mel recipit. Item habet syrupum acetosum de cytonijs, qui licet non possit vocari mellicratū, ob id quia non recipit vinū, nec mel, potest tamē appellari miua, quia recipit acetum. Vnde rectè potest nūcupari miua acetosa ex zuccharo sine speciebus, non obstante quòd Author posuerit ipsum sub nomine syrupi: quia

*Miua omnes sub nomine syrupi computantur.* (vt in rob dicemus) omnes miuæ sub nomine syrupi cōputantur. Est præterea in præsentī descriptione per quasdam impressiōes vnū mēdum, videlicet vbi in ipsis legitur: Ligni aloes, macis, ana ʒ. j. s. lege rectè ʒ. j. s. Postremò sciēdū quòd Author in præsentī descriptione notauit regulā quātitatis mellis, aut zucchari ponendi in miuis sequentibus, vt melius declarabimus in sequenti simplici miua. Et similiter de speciebus est intelligendū, vt statim de ipsis dicemus. Sed nō ignorandū quòd quilibet aromatarius tenetur apud se habere miuā multipliciter præparatā, scilicet cum speciebus, & sine eis, & cum zuccharo, & cum melle &c. Similiter notandū (vt in electuario granorū myrti iam diximus) quòd quan-

*Miua absolute.* docunq; aliquo modo in aliqua compositione recipitur miua, si nō specificatur de ipsa, puta de acetosa &c. semper de ista prima, & sine speciebus est intelligendū. Si autem peritur miua aromatica, vel aromatizata, vt est in electuario granorū myrti &c. tunc etiam ipsa prima miua est intelligēda: sed cum speciebus, scilicet cum ipsis quæ in eius descriptione notantur. Quādo autē sit cōficiēda cum melle, & quādo cum zuccharo &c. Lege in supradicto electuario granorū myrti. Cytonia acetosa iam declarata sunt: in ipsorum defectu autem, domestica sunt administranda.

*De speciebus Alephanginis seu Alefgingine.*

**L**argo modo omnes species aromaticæ possunt dici alephanginae, siue sint ex radicibus, siue ex corticibus, siue ex cæteris partibus aromaticis plantarum, siue etiam ex aliena materia, vt muscus ex animali, & ambra &c. Sed specialiter illæ quæ ab Authoribus speciatim notantur, vt in præsentī miua, & in mellicrat-

to, &

to, & in capitulo de aloë nostri Authoris, cum loquitur de eius rectificatione, & in emblicis conditis, & in pilulis alephanginis, & in gallijs, & cæteris pluribus compositionibus huius antidotarij, & quæ sunt apud Bulchasim in ablutione aloës &c. Vnde animaduertendum quod quando reperitur scriptum aliquo modo de ipsis non specificatè, sed verbi gratia, legitur: Condiās cum speciebus alephanginæ, siue cum speciebus aromaticis &c. (frequenter enim reperiuntur huiusmodi circumloquutiones) tunc consideratis omnibus speciebus alephanginis, siue aromaticis, quæ autem conuenientiores iudicabuntur, illæ quidem tantummodo pro illa compositione administrandæ erūt, quia non omnes omnibus competunt. Pro qualibet autem miua, de istis quæ *Species omnes non omnes, nec in maiori miuæ quantitate multiplicanda est etiam & quantitas ipsarum specierum, & in minori minuenda cum desideramus ipsas, seu quamlibet ipsarum cum speciebus conficere, nisi de voluntate alicuius præcipiētis medici, alia addantur, siue ex illis minuantur, siue permutentur &c. Quia huiusmodi species raro præcipiunt Authores administrari in compositis, sed frequenter dimittunt eas ad libitum medici & suscipientis &c. Præterea sunt nonnulli neoterici sibi ipsis sapientes, ut quidam Petrus Paulus Villanus Neapolitanus, qui composuit quēdam (qui *Species decircumfertur*) libellum intitulatum, Opus quibuslibet aromatarijs necessarium. & ipsum imitantes, qui expressè contra textum *beni bullire in decoctione* Authoris, declarant species in syrupo de ficados, & in ista miua, *ne syrupo* quando fit cum melle, & similibus, non esse bulliendas, assignan-  
tes quasdam friuolas rationes, scilicet quod mel est attractiuum, & cum tempore absq; bullitione attrahit sibi virtutes specierum ligatarum in panno, & suspensarum in ipso, in asseruatorio vase post decoctionem, scilicet quod stanco ipsæ species ligatæ in panno multo tempore in syrupo seu miua &c. mel recipit virtutes specierum &c. Ergo secundum ipsos (etiam contra Authoris intentionem) huiusmodi syrupi non possunt propinari, nisi transacto multo tempore: quoniam si recentes propinabuntur, non habebunt virtutes specierum: quia licet mel sit attractiuum, non tamen citò & in instanti attrahit &c. O cæcitas magna. Caue te igitur ab his falsis declarationibus, inò verius deprauationibus: quoniam litera Authoris est clara, quod ipsæ species debent bullire in decoctione &c.*



*Miua nula  
la conficitur  
absque melle,  
vel zuc-  
charo.*

T apparet in titulo ipsius hæc est descriptio simplicis miuæ. Porro non solum simplex, sed simplicissima intelligitur, si cõficiatur cum succo cytoniorum, vino, & melle, aut zuccharo tantum absque speciebus. Cum speciebus autem non potest vocari simpliciter simplex, sed vocatur Miua simplex cum speciebus, siue miua simplex aromatica, non ratione simplicitatis, quam tunc non habet, sed ratione suæ inscriptionis, scilicet quia placuit Authori sic eam inscribere. Vnde largo modo omnes miuæ si nõ recipiunt species, possunt vocari simplices: si autem admittunt species, vocantur aromaticæ, seu compositæ. Non obstante quod aliqua ipsarum sit magis vel minus simplex. Sed animaduertendũ, quod est intentio Authoris, vt nulla miua cõficiatur sine melle, aut zuccharo, contra illos qui dicunt præsentem miuam & sequentes esse simpliciter cõficiendas, scilicet absque melle, vel zuccharo, ob id quia Author nõ specificauerit de ipso. Nam Author (vt alias diximus) loquitur cum peritis. Posuerat enim in primæ miuæ descriptione ordinem & regulam cõficiendi miuas, & tanquam principales ipsarum partes, notauit in ipsa succum cytoniorum, vinum, & mel. Vt illo modo, siue illa regula, & reliqua cõficiatur. Non igitur habuit necesse hic & in sequentibus eadem repetere. Sed notatis succo, & vino, aut aceto, tanquam primis principijs, subtrixit mellis pondus: tanquam si diceret, mel quod sufficit &c. Præterea qui bene ponderabit Authoris verba, reperiet præsentem miuam non absque melle esse ab eo descriptam. Et cum dixit: Et sunt qui loco mellis ponunt zuccharum: declarauit se prius cum melle intellexisse ipsam esse cõficiendam. Et sic de alijs: quarum vnaquæque potest confici cum zuccharo, si forte mel non placuerit, vel ubi oportet. Et omnes cum speciebus, & sine speciebus &c. Cõfirmat hoc etiam Author nouarum additionum in librum ipsius filij Mesuæ scribens specificatam in ipsa additione, & ponens summam medicinarum ex crescentem in vno: intelligendo ipsum pro melle, tanquam si esset in ipsa descriptione speciatim positum. Igitur ex proportionem calculando, si in superiori miua sunt sex lb. mellis, in xx. libris vini & succi cytoniorum, quia iam euauit tertia ipsorum pars inter decoquendum. In præsentem autem pro quinquaginta lb. succi cytoniorum, quæ ex centum post coctionem restant, & quadraginta lb. vini, ponendæ sunt mellis lb. xxvij. scilicet pro quibuscumque;



xx. lb. succi & vini prædictorum, ponuntur mellis despumati, vel zucchari lb. sex, sicut in superiori miua, ex qua sumitur regula pro omnibus alijs. Sed nota, quod vinum præsentis miuæ nõ coquitur prius cum succo cytoniorum, vt in prima miua, sed per se decocto succo cytoniorum vsq; ad medietatem, atque clarificato, superponitur vinum, & mel, vel zuccharũ: & sic totum despumatur, & coquitur vsque ad spissitudinẽ, vt in litera habetur &c. Aduerte etiamnum, quod diximus xl. vini lb. & nõ lx. quoniam ita est secundum veritatem, ferè per cuncta exemplaria. Errore nempe librariorum per omnes impressiones transposita sunt, l, & x. Lege etiam de miua in electuario granorum myrti.

*Confectio Miue acetose &c.* CXCVIII.



VNT etenim in præsentia parua descriptioe dux non paruæ mende per omnes impressiones. Prima (vt in suprascripra miua) vbi legitur: Accipe succi cytoniorum acetosorũ lb. lx. lege rectius lb. xl. Secunda autem, vbi legitur: Aceti boni & albi lb. xx. lege verius, lb. lxx. Omnes enim vetustiores codices planè habent lb. lxx. & sic est verum. Prima igitur menda ex transpositione literarum processit. Secunda autem ex omissione, l. Præterea, vbi dicit Author: Et fiat sicut diximus: subaudi cum melle, aut zuccharo, & cum speciebus, & sine eis &c.

*Confectio Miue alterius &c.* CXCIX.



ST quoque & in ista descriptione per omnes impressiones vnus error. Videlicet, quod vbi legitur: Accipe succi cytoniorũ acetosorum lb. lx. legendum est rectius lb. lxx. vt cuncta exẽplaria habent. Sunt præterea nonnulli declarantes præsentem miuã posse fieri tribus modis, scilicet quod potest tripliciter variari. Nos autem non solum tribus, sed plusquam tredecim modis asseueramus posse confici secundũ textum, vt breuiter legi potest in sequentibus. Primò, cum melle, aceto, & speciebus. Secundò, cum melle, & aceto, sine speciebus. Tertiò, cum zuccharo, aceto, & speciebus. Quartò, cum zuccharo, & aceto, sine speciebus. Consimiliter quatuor alijs modis potest fieri, loco aceti subministrando vinũ. Itẽ præter dictos, pluribus alijs modis: videlicet, cum zuccharo, & melle simul: vel cum vino, & aceto simul: vtroque pro medietate sumpto, & cum speciebus, & sine speciebus. Itẽ cum omnibus quatuor præfatis, scilicet cũ vino, aceto,

& zucararo simul, & cum speciebus, & absque eis. Item diuersis alijs modis, ponendo plus de vno, quàm de altero, & variando species &c. potest confici ipsa miua. Et de consimili omnes alia miuæ & ceteræ compositiones, in quibus Authores nō præcipiūt absolutè modum, sed dimittunt eas ad libitum cuiuscunque variari. Quapropter nō ineptè in calce istius descriptionis subscripsimus: Aut utroque. Eo maximè, quòd in duobus exemplaribus vetustissimis legitur: Et hæc dicta, sint notata, pro omnibus consimilibus accidentibus.

*Confectio Miua factæ ex succo fructuum &c. c.c.*

*Mala montana.*



RECIPIUNT in præsentī descriptione, siue per poma montana, quæ leguntur in Rob primo de fructibus, intellige mala syluestria. Et pyra agrestia, sunt etiam syluestria. Et fit ista miua, vt alia, scilicet cum melle, vel zucararo, & cum speciebus, & sine eis &c.

*Sermo in Aceto squillitico &c. c.c.i.*

*Aceti squillitici dosis.*



CUM & aperte scripsit Author præsentē sermonem præparationis aceti squillitici, vsque in finem. In fine autem vbi dicit: Et sumatur in potu ex eo, omni die, ieiuno parumper, donec denuntiatur ad 3. j. s. nonnulli declarant esse intelligendum, quòd quilibet potest sumere ex eo omni die parum, puta 3. j. pro qualibet die, & sic cōtinuando vsque ad duodecim dies, accipiet in duodecim vicibus duodecim drachmas, quæ complent summam 3. j. s. ab Authore notatam. Sed in rei veritate, intentio Authoris non est eiusmodi, quoniam ipse declarat, qualiter quis potest sumere omni die, ex eo parū (exempli gratia) hoc modo, scilicet prima die sumat minimam dosim, puta 3. s. Secunda die, fit dosis drachma integra. Tertia die 3. j. s. Quarta die, recipiat 3. ij. Et sic quotidie sumat ipsum augendo dosim, donec perueniatur ad 3. j. s. scilicet quòd vltima (quæ erit maxima dosis) sit 3. j. s. quæquidem dosis non est amplius augēda, sed sic (si opus fuerit) continuanda &c. Sunt etiam nū & alij modi faciēdi acētū squilliticū, vt apud Paulum Aeginetam in 7. & apud Dioscoridem, & Auicennam, & filium Serapionis, & Constantinum Cæsarem, & Bulchafim, & alios plures Authores. Solummodo istum modum filij Mesuæ, communiter vbique operatur.

## De Squilla.

**S**quilla siue (vt mauiſ) ſquilla, nota eſt. Author enim noſter in ſuo de Simplicibus, facit de ipſa capitulū, in quo ponit notas cognoscēdi bonam à mala, & modos aſſādi inſinuat. In præſenti autem ſermone deſcripſit modū ſiccādi laminas eius pro acetī ſquillitici præparatione &c. Succus autē à ſquilla, cum quo fit lo hoc de ſquilla, qualiter excipiat, ab antiquioribus ( vt ſcīamus) non deſcribitur. Iuniores autem ex aſſatis in paſta ſquillis docēt nos extrahere ſuccū. Et hac de cauſa oportet ex aſſata ſquilla exprimere ſuccum: quia ex cruda, propter nimiam ſui viſcoſi- *Squilla cruda* tatem, minimè poteſt exprimi ſuccus. Igitur accipiat ſquilla, & *da non dat* non diuidatur per laminas ( vt fit quando aſſatur ad alios vſus) *succum.* ſed integra, expoliata tamen tunicis ſiccis exterioribus dūtaxat, inuoluatur paſta triticea, ſiue hordeacea. vel ſimili, & ponatur in clibano, vel furno, & poſt perfectam aſſationem, actu calida extrahatur è paſta, & piſtetur, & exprimatur, & manabit ſuccus abundāter. Sed nota quòd aſſatio ſquillæ non intelligitur vt cremetur, ſiue candicet vt carbo, ſed ita debet aſſari ſicut aſſatur cepe vt comedatur. Et ideo aſſatio eius fit in paſta, vt melius ſua cōferuetur humiditas &c. Reperitur quandoq; ſcriptū cepa ſquillæ, ſiue cepe muris, & idem eſt quod ſquilla.

## Modus Oxymellis ſquillitici uirtuoſi &amp;c. CCII.



**L**Dem ſignificat oxymel quod mel, & acetum ſyrupizatum. Et oxyzaccharon idem quod zuccharum, & acetum. Dicitur autem Oxymel ſquilliticum, ex aceto ſquillitico quod recipit. Et quamuis Author habeat in præſenti antidotario duas alia: ſequentes deſcriptiones: tamen præſens prima deſcriptio, ſicut alijs eſt ſimplicior, ita & vſitatior habetur. Ipſa nanq; deſcriptio peritis viris eſt clara. Pro minus ſciolis autē, ſciendum quòd ubi dicit Author: Coquatur, & deſpumetur, & perficiatur eius operatio, ſicut diximus, in ſpeciebus ſecaniabin. Intelligitur quòd dum coquitur, debet ſæpe deſpumari. Nec multiplicetur ſpuma in ipſo. Et quòd poteſt fieri ipſum oxymel forte, & leue, & mediocre, ſicut declarauit in ſermone de ſecaniabin, & in ſermone de ſyrupo acetoso. Hoc excepto, ſcilicet quòd loco acetī ſimplicis, ponatur acetum ſquilliticum, id eſt ſquilliticum.

Modus

*Modus oximellis squillitici de radicibus &c. CCIII.*

**R**OTEST hoc Oxymel præfens vocari secania-  
bin squilliticum de radicibus. Ex eo quòd in om-  
nibus sequitur modum ipsius secaniabin de ra-  
dicibus. Hoc solum dempto, scilicet quòd loco  
aceti puri subministratur acetum scilliticum.

*Oxymel squilliticum descriptione Democriti &c. CCIIII.*

**A**VTHOR etiam ponit præsentem descriptio-  
nem, autoritate Democriti, capitulo de Fescera:  
variato tamen ordine, & in quibusdam paucis  
duntaxat differentem: sed impressi codices cum  
exemplaribus manuscriptis in quibusdā non con-  
cordant quo ad descriptionem in dicto capitulo positam. Habēt  
enim ipsi impressi codices leuisticum, & seseleos, quæ penitus in  
nullo exemplari inuenimus. In præfenti autem antidotarij de-  
scriptione, impressiones & exemplaria in omnibus & singulis  
conueniunt ad inuicem: sed loco leuistici, quod est per impres-  
siones, in descriptione capituli, habent cheisim, quod idem est.  
Vnde potest dubitari, an deficiat per exemplaria in præfati capi-  
tuli descriptione leuisticum. Item & pro seseleos, quod diximus  
esse per omnes impressos libros, in dicta capituli descriptione,  
tam impressiones, quàm exemplaria cōcorditer habent alhasce,  
quod non est idem quod seseleos. Sed vnde hæc variatio, nesci-  
mus. Forsan placuit ipsi Authori permutare seseleos in alhasce.  
Descriptionis autem capituli hoc est principium: Inquit idem  
(scilicet Democritus, de quo suprā dixerat) Accipe succi eius (sci-  
licet alfesceræ, nam de ipsa habebatur sermo) ʒ. v. &c. Et in fine  
dicit: fiat syrupus. Vnde descriptio capituli vocatur syrupus al-  
fesceræ, & descriptio antidotarij præfens, nuncupatur Oxymel  
squilliticū. Ab acero squillitico, quod hic Author posuit in ma-  
iori quantitate, quàm erat in descriptione capituli. Et hoc qua-  
re: Quia sic placuit Authori. Vnde nec putamus errorem libra-  
riorum esse, quia nullum in hoc inuenimus discrepantem codi-  
cem. Insuper animaduertendum, quòd in præfenti descriptione,  
ipse Author specificauit modum faciendi decoctionem origani,  
& cæterorum simplicium, quod quidem non fecit in capituli de-  
scriptione. Item notandū de succo alfesceræ, quòd semper vbi ab-  
solutè legitur, de radice ipsius tantum intelligitur, & nō de folijs.

*Alfescera  
succus ab-  
soluē.*

*De Cheifim, quod non est Cordumenum.*

**A** Pertè probatur per præsentem descriptionem, cheifim non esse cordumenum, cum sit quod vtrunque hic ingrediatur. Contra quosdam asserentes esse vnum & idem. Nam secundum veritatem cheifim, siue keifim est leuisticum, siue dicas libysticū, vel ligysticum, vt Manardus scribit, & Græci dicunt: siue Ligustici *Ligustici* cum, à Liguria dictum, vt Dioscorides testatur. Qui etiamnum *cōsideratio.* dicit, quod Ligures vocant ipsum panaciā, siue panacem. Et hoc est verum, quod incolæ Ianuenses siue Genuenses dicti, qui sunt veri Ligures, vsque hodie verum ligusticum, panacem nomināt, *Panax est Ligusticū.* à similitudine sic vocatum: quoniam (vt Dioscorides Author est) viribus & figura panaci heracleotico non sit absimile. Veruntamen ipsi Ligures sub nomine leuistici, aliud diuersum simplex accipiunt, quod nunquam fuit ligusticum, nec species eius. Vnde qui desiderat habere verum ligusticum, apud ipsos panacem quærat. Diu etenim latuit: nunc autem cœpit apportari. Et (ni fallimur) in nostro viret horticello. Omnes enim notæ à Dioscoride descriptæ ei conueniunt, & semen est vt semen fœniculi, nigrius tamen, quod vt plurimum in medicinis recipitur, quamuis & radix ipsius sit valde utilis ad plura. Venit etiam sub nomine ligustici, & vitex, scilicet agnus castus, vt in Dioscoride *Vitex.* legitur. De cordumeno autem, lege in trochiscis de ligno aloës. *Agnus castus.*

*Restat sermo noster &c. c c v.*



INC Author incipit secundam partem principalem huiusce distinctionis, pertractantem de speciebus robub. Sed prius declarabimus Rob significatum.

*De Rob, & Robub.*

**E**X omni enim succo (vt Author noster ait) & præcipuè pomorum & fructuum, per coctionē ignis, aut solis calefactionem, ad mellis spissitudinem redactō, rob efficitur. Et nil aliud secundam Arabes rob significat, quàm (vt dictum est) succum cuiuscunque rei coctum, vel inspissatum vi ignis, vel solis calore, vsque ad duarum seu trium partium cōsumptionem. Teste ipso Authore nostro in Rob myrtino, dicente: Et omnis quidem syrpus factus ex succis, si inspissetur, præter mel & zuccharum, vocatur rob. Dixit autem præter mel, & zuccharum: quia nec zuccharum vocatur rob: non obstante quod zuccharum fiat ex succo quarundam cannarum, quia non est regula quæ non patiatur aliquam

aliquā exceptionē. Excipitur ergo zuccharū & mel omne, à gene-  
rib. rob. Et Auic. in quinto cañ. in principio de syrupis, & robub  
dicit. Et differētia quidē inter syrupos, & robub est, q̃ robub sunt  
succī inspissati per se ipsos, & syrupi sunt decoctiones & succī in-  
spissati cum dulcedine. Et in rob de cytonijs &c. dicit: Ista omnia  
sunt sicut syrupi eorū, nisi quia ipsi succi eorū inspissantur cū fa-  
cilitate, absq; dulcedine. Pro dulcedine autē his in locis, intellexit  
mel & zuccharū: quia aliter esset falsum quod dicit, scilicet q̃ suc-  
ci inspissantur absq; dulcedine: quoniā nullus suc<sup>9</sup> edulcis per se  
potest inspissari absq; sua dulcedine. Imò dulciores in ipsa deco-  
ctione seu inspissatione efficiuntur ipsi succi, vt probatur per rob  
vini musti, & similia. Vnde pro dicta dulcedine, mel & zuccharū  
intelligi debet. Quasi diceret q̃ ipsi succi inspissantur absq; alie-  
na dulcedine, scilicet mellis, aut zucchari, quæ nō vocātur absolu-  
tē rob. Mistū autem mel, aut zuccharū, cum alijs succis syruporū,  
& vnā cum ipsis inspissatū, nō prohibet ipsos syrupos, siue succos  
nuncupari rob: vt probatur per filij Serapionis, Hali filij Abbas,  
& aliorū descriptiones de rob, quæ recipiūt & mel, & zuccharū,  
& alia. Et sciendū q̃ omne rob potest vocari syrupus, sed nō ecō-  
trā. Quod probatur per Serapionis filiū, capitulo de syrupis: vbi  
sub nomine syrupi descripsit rob citri. Et immediatē sub nomi-  
ne rob, posuit aliā descriptionē, quæ incipit: Operatio alia rob ci-  
tri bona &c. Quasi dicat, q̃ de prima operatione ipsius rob, iam  
loquuti sumus, supple sub nomine syrupi. Vnde non ignorandū,  
q̃ sub nomine syrupi, cōputatur omne iuleb, secaniabin, melli-  
cratū, miua, oxymel, oxyzaccharū, rob, decoctiones, & alia plura:  
sed non econtrā. De iuleb, secaniabin, & mellicratū est clarū: de  
oxymelle autē, iam dictū est in oxymelle squillitico, quod sub no-  
mine syrupi ponit Author ipsum oxymel in capitulo de alfeſce-  
ra. Et quod decoctiones etiā veniāt sub nomine syrupi, probatur  
in septima distinctione, scilicet in decoctione funi terræ: vbi in  
fine dicit Author: fiat syrupus sicut diximus. Et quod miua voce-  
tur etiā syrupus, potest probari per Rhafim in nono ad Alman-  
forē, capitulo de debilitate stomachi: in quo describens miuam,  
dicit: Miua autem hoc modo fit &c. in fine autem dicit: Deinde  
syrupus recondatur &c. Coquitur autem succus, seu inspissatur,  
vt per talem operationem diu cōseruetur in illo esse, in quo post  
dictam decoctionis seu inspissationis operationem reperitur.  
Qui quidē succus aliter non bene diu seruetur. Pluralitatem  
enim succorum inspissatorū Arabes robub appellant. Sed quan-  
do sim

*Rob in quo  
differat a  
syrupo.*

do simpliciter & absolute reperitur rob, per antonomasiam: in-*Rob absolu*  
telligitur rob ex musto vix. Quod aliter sapa, mustum coctum, *te.*  
vinum coctum, carenum, passum, defrutum, & simpliciter coctum  
dicitur. Et apud Paulum Aeginetam, & Aëtium, hepsema, & fi-  
rxon appellatur. Et licet aliqui faciant differentiam inter care-  
num, & mustum coctum, attamen parum, quasi nihil differunt  
inter se, & alterum pro altero potest sumi. Carenum quidem est *Carenum.*  
mustum coctum, sed habet minorem coctionem, scilicet quod ex  
eo sit consumpta in igne medietas, seu pars tertia: unde dicitur  
carenum, quasi carens tertia parte. Sapa verò est ipsum mustum *Sapa.*  
magis decoctum, scilicet quod post decoctionem superest tertia  
aut quarta pars ipsius crudi. Pusca autem licet coquatur, tamen *Pusca.*  
aliud est à sapa. Fit autem pusca pluribus modis, scilicet ex dua-  
bus aquæ partibus, & tribus vini, & coquitur secundum aliquos.  
Alij autem loco vini, acetum substituunt. Nonnulli verò ex secun-  
dario, scilicet deuterio vino (si vinum dici potest, de quo etiam  
Plinius dubitat) puscam parant. Quod vinum secundarium, tri-  
bus paratur modis, ut ipse Plinius decimo cap. quattodecimi li-  
bri testatur, his verbis: Decima parte aquæ addita, quæ musti ex-  
pressa sit, & ita nocte & die madefactis vinaceis, rursusque prelo  
iubectis. Alteri quomodo Græci factitauere: Tertia parte eius,  
quod expressum sit, addita aquæ, expressoque decocto ad tertia  
partes. Tertium est fecibus vini expressum, quod fecatum Cato  
appellat. Hæc ille. Ex secundo autem secundario dicto, scilicet ex  
eo quod fit ex tertia parte aquæ, credimus fieri veram puscam.  
Dictum quidem secundarium vinum, à Græcis deuterion, siue  
deuteria appellatur. Et deuterion etiam apud ipsos (quod &  
chorion dicitur) teste Paulo, est, quod latine secundæ dicuntur, *Secundæ, vel*  
scilicet quæ vulgò secundina mulieris vocatur. Et propriè secun-  
dæ, seu secunda, est ille folliculus, siue illa pellicula, qua inuolui-  
tur infans in vtero matris. Quæ nisi infans ea vestitus (ut ita dica-  
mus) exierit, statim secundo loco infantem sequitur. Unde secun-  
dæ dictæ sunt. Præterea, nuncupatur etiam dictum secundarium  
vinum Lora, siue Lorea. Et Romæ apud vulgares aquatum, &  
aquatellum dicitur. Item, plui ini vocant puscam quædam com-  
missionem aquæ & vini, ubi plus aquæ immiscetur. Sed non est  
vera pusca. Neque pusca (sit quomodocunque parata) potest vo-  
cari rob simpliciter, nec loco rob ea debemus uti, nisi per coctio-  
nem ita inspilletur quod sit consumpta tota aqua, & pars vini sit  
ad ipsiusitudinem mellis redacta. Et tunc necessitate cogente pu-  
tamus

ramus loco rob posse poni.

*Rob deribes &c.*

CCVI.



Obub sequentium equidem omnes descriptiones sunt per te clarissimæ, paucis duntaxat exceptis, de quibus pro minus peritis aliqua subscribimus. Igitur in fine istius descriptionis, ubi dicit author: Et scito quod rob herbe acetosæ est in virtute eius: subintelligitur etiam, quod modus faciendi ipsum rob herbe acetosæ, est sicut modus ipsius rob deribes. Et secundum Rhafim, rob deribes valet ut rob de acresta, sed parum plus operatur.

*De Ribes.*

**R**ibes, siue (secundum Stephanum) Ribesum, non est hoc arbutum, cuius fructu in Italia falsò pro vero ribes, omnes vtuntur pharmacopôlæ. Nam si Serapioni creditur, ribes est herba habens capreolos rubeos, & magna folia, betæ similia, quorû sapor est acetosus, cum aliqua dulcedine. Ex his ergo folijs, atque capreolis, necnon & ex seminibus recentibus ipsius plantæ excipitur succus, ex quo rob deribes, & similiter syrupus deribes conficitur. Non obstante quod à nostro Authore non scribatur talis syrupus, quia forsân utebatur rob deribes loco syrupi: vel sub nomine rob, syrupum ipsum intelligebat: quoniam (ut diximus) omne rob est syrupus. Et quod syrupus ex ribes reperitur apud aucthores, lege Serapionem in capitulo deribes, dicentem: Et modus syrupi eius est sicut modus syrupi de citro. Et quod eo in loco nò putes ipsum intellexisse de rob, in eodem capitulo superius & inferius particulariter de rob eius pertractat. Superius enim sic ait: Et rob eius confert cardiacis, & vomitui &c. Item: Et in rob eius est dulcedo, & acetositas, sine stipticitate &c. Inferius autem auctoritate Abemmesuai dicit: Et rob eius est sicut rob acetositatis citri, & acrestæ &c. Pluries nempe fratribus nostris mediantibus, è partibus Hierosolymitanis, & Syriæ, delatum est nobis rob veri ribes, & quandoque succum purificatum, aut syrupum factum ex zucharo & succo ipsius habuimus. Et licet ex fructu plantæ veri ribes exprimatur succus, unde & Rhafis (teste Serapione) memorauit ribes inter fructus: tamen non per hoc debemus intelligere fructum ribes, esse fructum illius arbuti, quo (ut diximus) falsò pro ribes vtuntur aromatarij hodierni. Quod quidem arbutum (ut plures conieciunt à Galeno in septimo Miamyr, nuncupatur



cupatur Arciua. Sic enim legitur: Quæ dicitur arciaua, in Põto *Arciua* nascitur, planta est humilis, & fruticosa, folia habet similia menæcylo, fructum rubrum producit, & rotundum, gustu austerrum, hanc vocant arciauan. Hæc Galenus, secundum vnam traditionem. Veruntamen secundum alias interpretationes, ad veritatem Græcorum codicum, non arciaua, sed vrsi vua legitur. *apud* enim Græcè, vrsus Latine est. Vrsi vuam autem nonnulli potius opinantur esse Rhus Ponticum, quàm plantam ribes, vocatam. Et non mirum est, si Galenus dicat in Ponto nasci: quia quasi antonomastice, semper rhus Ponticum ab eo scribitur magis laudatum &c. Rhus ponticum enim (vt Paduæ nobis ostentum fuit) habet folia menæcylo simillima, & fructum rotundum, rubrum, austerrum, ac in racemulis &c. propriè vt ipse Galenus scripsit, producit. Sed aduerte quòd rhus Ponticum differt à sumach, quod est rhus obsoniorum, de quo infra. Attamen quia difficilior habetur rob veri ribes, melius nobis *Rob de ri-* videtur esse, si loco ipsius compensetur, aut rob de succo acetosæ, aut rob de cornis, aut rob acetosifatis citri, aut rob de acretia *bes supple-* sta, aut rob de berberis, aut rob de granatis acetosis (quæ omnia & singula, secundum probos authores, valent sicut rob de ribes) quàm rob de fructu supradictò. Etiam in defectu omnium præfatorum, si quis vti voluerit rob de vrsi vua prædicta (si tamen ipsa est) non malè aget. Quoniam & ipse Galenus præcitato libro, ad eundem effectum, ad quem ordinauit rob, id est succum vrsi vuæ, ordinauit & succum cornorum. Nam ita descripsit: Vrsi vuæ lb. sexdecim, aquæ pluuiæ sextarij sexdecim. Conquito ad tertias, succoq; expresso reponito. Aliud: Cornorum fructus lb. sexdecim, aquæ pluuiæ tantundem, facit similiter. Hæc ille. Ex quo, si rob cornorum valet sicut rob de ribes, & rob vrsi vuæ valet sicut rob de cornis: ergo rob vrsi vuæ valet sicut rob de ribes. Etiam loco veri ribes, in carentia omnium prædictorum, potest compensari succus sine rob fructus istius vulgaris arbuti dicti ribes, tam pro rob, quàm pro syrupo. Quoniam (saluo semper meliori iudicio) nos putamus istum fructum non elongari à virtute cornorum, & berberorum, & cæterorum supradictorum fructuum. Quid autem propriè sit ipse fructus, adhuc nos latet. Sciendum quoq; quòd in quibusdam Italiæ locis, vt in Aprutio, arborem berberorum, vuam vrsi nominant. Tamen ipsi (vt credimus) decipiuntur: quoniam arbor berberorum Græcis est oxyacantha, de qua separatim capitulum faciunt,

cuius fructus est acetosus, & non austerus, ut est fructus vrsi vuæ. Et similiter fructus arbuti præfati vocati ribes, est acetosus: ex quo probatur neutrum ipsorum esse vrsi vuam.

*Rob de Acresta &c. CCVII.*



ECVNDVM Serapionem capitulo de Ribes, præfens Rob valet sicut rob de ribes, unde potest poni alterum pro altero.

*Rob de Cornis &c. CCVIII.*

*Rob de Berberis &c. CCIX.*

*Rob de Sumach &c. CCX.*

*Rob de Moris de scemi &c. CCXI.*

*Rob de Cytonijs &c. CCXII.*

*Rob de Pomis &c. CCXIII.*

*Rob de Pyris &c. CCXIII.*

*Rob de Prunis &c. CCXV.*

*Rob de Granatis acetosis &c. CCXVI.*

*Rob de Persicis &c. CCXVII.*

*Rob de Acetositate citri &c. CCXVIII.*



N istis nempe descriptionibus pauca sunt declaranda.

*De Cornis.*

Cornus arbor notissima. Theophrastus duodecimo capitulo, tertij libri de historia plantarum, ponit masculum & feminam cornum. Tam secundam, quam quartam declinationis reperitur, pro arbore. Rectius igitur hic legendum est: Rob de cornis: siue rob cornorum, tanquam ex fructu, quod vocatur cornum. Non autem de cornibus, tanquam ex arboribus, seu ex membris animalium, quod absurdum est dicere. Hoc cornu quidem, & hic cornus quartæ declinationis, etiam & hoc cornum secundæ, in animalibus sunt, nec est de ipsis hoc in loco agendum.

*De Berberis.*

Berberi sunt notissimi, à Græcis quidem ipsorum arbor, oxyacantha, scilicet acuta spina, siue acetosa spina vocatur: ut patet in capitulorum Dioscor. & Serapicōcordatione. Nonnunquam reperitur scriptum magis barbarè, Amberberis, siue Amiberberis, siue

siue Amyrberberis, siue Emiberberis, & similia, & idem est.

De Sumach.

**S**vmach, siue sumachiū, à Dioscoride & Græcisi alijs, Rhus ob- *Rhus obsou-  
nium.*  
soniorum dicitur. Ex eo, quòd antiqui ad obsonia utebantur  
ipso, salis vice. Inter arbuta connumeratur, quoniam non mul-  
tūm arborefcit. Folia fert folijs sorbi simillima. Semen autem ra-  
cematim producit, quod plurimūm medicinis expetitur. Et hu-  
iusmodi planta non est ignota: quoniam coriarij ex frequēti vsu  
ipsam vulgarem facit. Est & aliud rhus ponticum cognomina-  
tum, à Galeno 7. de medicamentorum compositione secundum  
locos, plurimis pharmacis maximè commendatum: ad cuius dif-  
ferentiam, supradictum rhus obsoniorum inscribitur. Aliquan-  
do ipse Galenus hoc rhus ponticum (vt nonnulli coniectauerūt)  
vrsi vnam appellat: de quo suprā, scilicet in rob de ribes, satis di- *Vrsi vna.*  
ximus. Propterea vide ibi.

*Rob de fructibus &c.* CCCXIX.

*Rob de fructibus aliud &c.* CCCXX.



**P**ER poma montana, intellige mala agrestia. Et  
per Zarur, mespilum tricoccum, scilicet lazaro-  
lum. Lege de ipsis in superioribus Aquæ pruno-  
rum & tamarindorum faciendæ sunt per viam de-  
coctionis. Et generaliter omnes fructus &c. ex  
quibus aliquo modo rob suorum succorum per expressionem  
simplicem non potest haberi, decoquenda sunt, & post compe-  
tentem decoctionem exprimenda. Et expressio ipsa iterum est de-  
coquenda, vel solis calore inspissanda vsq; ad rob crassitudinem,  
vel quantum oportet, & vsui reservanda.

*Rob myrtinum &c.* CCCXXI.



**D**ESCRPTIO præfens claudit istam distin-  
ctionem, in qua notandum quòd vbi in fine dicit  
Author: Et omnis quidem syrupus factus &c. In-  
telligitur (vt suprā iā diximus) quòd mel, aut zuc-  
charum tantūm per se solūm, non, vocatur rob.  
Alij autem syrups ex succis, siue decoctionibus quomodocunq;  
inspissatis, etiam si receperint mellis aut zuchari partē, possunt  
vocari, & de facto vocantur rob. Et omne rob largo modo vo-  
catur syrupus. Propterea lege suprā.

# IN ANTIDOT. MESVÆ DISTINCTIO SEPTIMA.

Septima distinctio est &c.

CCXXII.

De decoctionibus & infusionibus in generali.



**N**ULLA quippe compositionum istius distinctionis communiter vtuntur hodie medici in infirmorū curis: vnde nec ab aromatiarijs parantur. Vnusquisq; autem medicorum (vt sibi melius videtur) ordinat & decoctiones, & infusiones &c. & propinat ægriscum electuarijs &c. secundum necessitates ipsorū. Nec quidem arguēdi sunt ipsi medici, cum nō vtātur huiusmodi portionibus, & alijs atq; alijs compositionibus, quæ videntur esse excellētes & nobiles, quia forsā quæ ab ipsis ordinantur, sunt meliores & magis necessariae reipe-ctiue secundum infirmantiū diuersitates. Et hac de causā huiusmodi potiones non tenentur præparatæ, quia non diu possunt conseruari, ni corrūpantur: sicut conseruantur syrups cōiecti ex zucharo, vel melle, & similia. Vnde oportet eas propinare recentes. Nos autē ab omnibus mendis, & dubijs purgabimus ipsas: vt si forte alicui placuerit eis vtī, habeat ipsas claras & emēdatas. Et

*Infusio in quo differt a decoctione.* nota, quod est differētia inter decoctionē & infusionē. Decoctionem enim fit in igne, mediante aliquo ebullitionis spatio, Infusio autem nō indiget ebullitione, supple secundaria. Bene autem quandoq; recipit in aliqua sui parte primariam ebullitionē, siue decoctionē. Vt exempli gratia: Infusiones de hieris recipiūt decoctiones, vt patet infrā &c. Si autē res ipse postquā sunt infusæ decoquātur, ab infusione in decoctionem transeunt. Vnde infusio vel fiat in liquore frigido, vel calido, etiā & in feruētī, deinceps non est amplius bulliēda. Et econtrā, nisi decoctio aliquantulum ferueat, nō potest rectē decoctio nominari. Sciēdū etiā quod omnes huiusmodi potiones, & similes, possunt aliquo modo dici syrups, vt probatur in fine decoctionis summi terræ. Vbi ipse Author cum dicit: fiat syrupus sicut diximus, declarat huiusmodi potiones etiā nūcupari syrupsos. Sed ratio qua Author fecerit de ipsis separatim distinctionē a syruporū distinctione, hæc fuit, scilicet qd istæ cōpositiones parātur sine zucharo, vel melle: vnde (vt dictū est) nō possunt multo tēpore absq; aliqua corruptione asseruari, nisi decoctiones ipsæ ita coquātur quod transeāt in esse Rob &c. Infusiones autē huiusmodi, ob id, quia sunt ex varijs simplicibus, & non coquuntur, non perdurant. Sed infusio alicuius rei simpliciter,

pliciter, puta rosarum, vel violarum &c. bono studio pro aliquo tempore conseruatur. Vnde rectè istæ decoctionum & infusionum poriones vocantur syrapi, supple recenter propinandi &c. De quibus quidem syrapi recenter propinandis, placuit Authori facere præcisè præsentem distinctionem. Et ne omittas, quòd in omnibus decoctionibus est facienda gradatio rerum.

*Decoctio capillorum Veneris &c. CCXXIII.*



VNT etenim in præsentì descriptione duæ librorum menda. Prima, per quasdam impressiones est, vbi legitur: Tamarindorū 3.ij. lege 3.ij. Altera vero mēda, quæ est generaliter in cunctis excusionibus, est vbi in fine descriptionis legitur: Et quandoq; ponitur loco aquæ feri caprini, lb. iij. Lege verius, lb. iij. vt vetusti codices habēt. Etenim Author ipse in permutatione aquæ nihil necesse habuit permutare quātitatē ipsius aquæ. Quia ficut ipsa decoctio fieri poterat in tribus libris aquæ: ita & in tribus libris dicti feri caprini posse fieri, nulli dubium est. De ipso autem sero, dicitur in modo infusionis aquæ casei. quære ibi. Habet præterea Author noster in cap. de tussi humida, autoritate filij Humain, vnam aliam descriptionem decoctionis capillorum Veneris, quæ differt ab ista.

*Aqua Fructuum &c. CCXXIII.*



O CAT Author præsentē decoctionē, aquā. Ex quo clarè probatur quod suprā diximus, scilicet quòd antiquorū aquæ nō intelligūtur istæ sublimatæ. Lege de hoc in electuario granorū myrti. Habet ipse Author in cap. de soda calida, vnā aliā diuersā ab ista aquæ fructuū descriptionē. Est nāq; per impressiones in præsentì descriptione vna mēda. Videlicet, vbi legitur: Prunorū numero xl. Lege rectius, numero l. Sic enim omnia antiqua exēplaria (quæ vidimus) habēt. Itē vbi in impressis libris legitur: Tamarindorū 3.ij. Casiæ fistulæ 3.ij. In præfatis exēplariis pro maiori parte legitur: Tamarindorū, casiæ fistulæ, ana 3.ij. Et ita putamus esse secūdū veritatē, & melius ac clarius. Quia sine ana, poterit quispiā dubitare in ipsis clausulis esse errorē &c. Demū vbi in fine descriptionis dicit Author: fiat vt diximus. Pro hac igitur & ceteris sequētib; in quibus erit opus, sciēdum q̄ in prædicta prima decoctione ipse Author docuit aromatariū modum & regulā cōponendi, siue parādi omnes cōsimiles. Videlicet

quod tamarindi, casia fistula, manna, myrobalani, rheubarbari, & similia, non sunt coquenda: sed perfecta aliarum rerum decoctione immittantur &c. Et quando particulariter, & specificate non assignatur liquor in quo fit facienda ipsa decoctio, seu infusio: tunc in aqua pura debet fieri, sumendo semper pro rata ex superioris descriptionis proportionem. Vnde pro ista decoctione satis sunt libræ tres, aquæ, vel feri caprini, quia non multum differt à superiori decoctione, cuius regula moderatur &c.

*Modus infusionis aquæ casei &c.*

CCXXV.



N præsentis descriptionis per omnes impressos codices mendose legitur: Raved boni aur. j. s. Libri antiqui autem concorditer habent: Raved boni aur. ij. s. Et ita rectius legendum putamus. Præterea in fine descriptionis ubi legitur: quandoq; in defectu rosarum viridiam, Et sine eis. Notandum sanè quod

*Rosæ sicca  
non sunt pro  
recentibus  
compensan-  
de.*

eo in loco Author prudenter egit. Quoniam sciens ipse omni tempore non posse reperiri rosas, scilicet flores rosarum recentes, seu virentes, ne quis deciperetur putando posse fieri, aut esse bonum in defectu recentium parare præsentem infusionem cum siccis rosis, declaravit esse minus malum, si omittantur ipsæ rosæ, quàm si admittantur sicca. Vnde animaduertendum quod ubicunq; petuntur rosæ recentes, si non habentur, faciendum est potius sine eis, quàm cum siccis. Et econtrà, scilicet quod in defectu siccarum non sunt apponendæ recentes. Quamvis hoc rarissimè in aliqua urgente necessitate possit accidere. Quia facilius possumus ficcare rosas tempore suo, quàm extra tempus congruum inuenire recentes. Sed non est ita dicendum de omnibus alijs floribus, fructibus, herbis, & similibus: quoniam multa simplicia sunt quæ in defectu virentium possunt compensari sicca, & econtrà. Vt exempli gratia: In triphera persica, & in electuario de psyllio legitur: Violarum siccarum aut viridiam, scilicet virentium &c. Frequenter enim reperitur viride pro virenti positum ab Authoribus. Et scias, quod ubicunq; petantur rosæ, si non legitur specificate de recentibus, semper sicca intelliguntur. Et hac de causa vult Author, ut potius fiat sine eis, quàm cum rosis siccis: quia præsens infusio habet educere cholera, & rosæ sicca cum sint stiptica, non conueniunt. Et quod rosæ sicca valde stipticent, non solum probatur per Dioscoridem & ceteros Autores: verum etiam & per ipsummet Authorem nostrum in capitulo de rosa.

Item

Item in modo efectionis de succo cornicum nucum ait: Et quādo morbus est in principio, aliquid de stupicitatem habentibus misceri oportet, sicut sunt rosae (supple sicca) & balaustia. Vnde &c. Et quamuis rosae recentes habeant suam stupicitatem, attamen pars solutiua in eis magis viget quā cum siccantur, deperditur. Vnde in siccis nulla est solutio. Violae autē eōtrā, cūm siccantur magis soluunt. Quod probatur per Authorem nostrum, in capitulo de violis, vbi sic ait: Quae recens est, solutione educit per ventrem lambificando, quae verō est sicca, educit dissoluēdo. Nos autem (saluo semper meliori iudicio) in defectu rosarū recentium, ponere succum ipsarum, putamus non malum esse. Et centium lo-  
*Rosarium re-  
centium lo-*  
 propriē drachniam pro vncia, scilicet quod pro qualibet vncia  
*co quid sua  
rosarum recentium, ponatur 3. vna vel circa ex ipsarum succo. mendam.*

*De aqua Casei.*

**E**X materia lactis animalium equidem quatuor principalia habemus, scilicet butyrū, quod primitus extrahitur, si desiccatur, quoniam multi non eximūt. Secundō caseū, qui ab omnibus accipitur, mediante coagulo, seu alia re coagulante. Tertiō, scilicet post caseū, aliam habemus rem quam Auicēna cap. de caseo, caseum ex sero vocat, & vulgares Itali recoctū, siue ricoctam, *Recocta* & mascherpam nomināt. Quaequidē extracto caseo, per fortem decoctionem tanquā spuma coagulatur, & supernatur. Quam autē recoctam, caseum secundariū rectius posse nuncupari fate-  
*Serum.*  
 mur. Vel spumā feri vocare, non esset ab re. Quartō, exēpta ipsa recocta, quod residuum est aquosum, scilicet quod à pastoribus (tanquā res inutilis) canibus bibendū projicitur, serum, aqua  
*Discoctum.*  
 lactis, & aqua casei, & à nonnullis discoctū dicitur. Non obstatē quod aliqui velint aquam casei, propriē esse serū à quo non est ablata recocta, scilicet illud quod immediatē remanet à casei coagulatione. Quodquidem licet non possit negari quod non sit, veruntamē tunc ipsa aqua casei est tanquā succus alicuius rei non depuratus, de quo minimē intendit Author. Vnde oportet ipsum serum depurari. Quia quamuis hīc posset stare, quoniam haec infusio non indiget bullitione: tamen in cōpositionibus vbi aqua casei necessariō est bulliēda, esset non bonū si cum dicta recocta fieret ipsa cōpositio. Vnde melius est vt prius depuretur & clarificetur. Et sic erit ipsamet aqua casei, supple purificata, & erit aqua lactis mera, & serū purū, necnon & verū discoctum. Igitur pro ista infusione ipsa aqua casei sumenda est continuō, postquam recocta fuerit ablata. Et sic in ipsa, vel cum ipsa, actu

calidissima, faciendā est aliarū rerum infusio, & dimittēda vsque mane, vt præcipitur, postea colāda, & propinanda &c. Præterea insuper sciendū qd ex omni lacte, animalium supple, ex quo potest haberi caseus, & serū etiā per cōsequēs potest haberi. Quomā nō omne lac coagulatur. Laudatissimū omniū autē, est serum caprinum. Quod quidē Author specificauit in præsentī descriptione, cū dixit: Et propriē sumptæ ex capris. De aqua casei enim erat sermo. In suo etiā de Simplicibus scripsit particulariter capitulū de aqua lactis, in quo magnopere cōmēdat aquā sumptā ex lacte caprino. Et præcisē ex iuuenibus capris, atq; nigris &c. Lege ibi.

*Modus infusionis de succis herbarum &c.* CCX XVI.



ER nonnulla exemplaria legitur in præsentī descriptione: Succorū endiuizæ &c. ana ʒ. iiii. & vulgares excusiones habent peius; ana ʒ. iiii. Reliqua autem exēplaria, & omnes impressiones latinæ, rectius habent, ana ʒ. vii. Nam in rei veritate de quolibet ipsorū succorū ʒ. iiii. est parua quāritas pro infundēdis rebus illic notatis. Ideo rectius & verius est ʒ. vii. Itē vulgares impressiones præfatæ mēdosē etiā habēt: Tamarindi ʒ. s. Lege ʒ. j. s.

*Decoctio Fumi terræ &c.* CCX XVII.



IRARI equidem quispiā potest, quare Author non potius istam compositionē, quā superiorē titulauerit de succis herbarū? Cū sit, quod hīc quinque diuersi succi recipiūtur: illic autem non nisi tres. Etiam quare nominauerit istam, decoctionem? quæquidē cōpositio, clarissimē vt superior, probatur esse infusio, & non decoctio. Sed hac de causa (vt putamus) nominauit supradictam infusionem de succis herbarum: nō quia ista non sit de succis herbarū, sicut & ipsa, sed quia in intētionē priorum positarum est etiam & ipsa infusio de succis herbarum. Decoctio autem fumi terræ præfens, licet conueniat in quibusdam in earundem priorum intentione: tamen aliās habet particulares intentiones diuersas à supradictis, vt pater in litera. Et vt ne quis deciperetur in ipsīs descriptionibus, placuit Authori in ista secunda descriptione infusionis de succis herbarum variare titulum. Vnde & nominauit eam decoctionem, & non infusionem: & non de succis herbarum, sed de fumo terræ, de cuius succo maiorem recipit portionem, vt mox infrā patebit. Hac etiā de causa (vt cōiectamus) titulauit eam decoctionem: quoniam succi in istam



istam compositionem ingredientes, sunt aliquatenus post ipsorum depurationem decoquendi. vnde in litera habetur: Et propterea super eis depuratis & coctis &c. Non obstante quod mendoſe in impressis codicibus legatur per contrarium, scilicet coctis & depuratis. Etenim ferè cuncta exemplaria super hoc veritatem ostentat. Quoniam (vt iam in modo syrupi acetosi de pomis descriptione nostra diximus) quando reperitur scriptus aliquis succus, hoc modo, scilicet coctus & depuratus, siue despumatus: intelligitur quod est decoquendus ille succus, siue bulliendus vsq; ad perfectam sui depurationem, non amplius. Quando autem econtrà scribitur: depuratus, & coctus: tunc intelligitur quod post ipsius despumationem, est etiam decoquendus vsque ad consumptionem tertiæ partis ad minus. Et isto modo intelligitur in præſenti descriptione. Modus autem parandi talem decoctionem, & (vt melius dicamus) infusionem, talis est. Depurètur succi & decoquantur cum facilitate, vsque dum cōsumpta sit pars ipsorum, quarta, & ponderentur, & statim passulæ enucleatæ, & contritæ, & similiter myrobalani enucleati & grosso modo contriti, & tamarindi infundantur in eis calidis, & dimittatur ipsa infusio refrigerescere vsque mane. Deinde coletur, & more syruporum propinetur &c. Præterea animaduertendū quod per omnes impressiones, in præſenti descriptione est vnus error valde notabilis, videlicet ubi legitur: Succi fumi terræ 3. s. Lege rectius 3. viij. vt omnia antiqua exemplaria (quæ supple videmus) nulloque discrepante, habent. Etenim pro tam modica portione non decebat Authorem intitulare ipsam decoctionem, de fumo terræ. Sed re vera ipsius succi 3. viij. hic recipiuntur, & non s. 3. Nam ipse succus est basis & fundamentum istius potionis seu syrupi: vt probari potest legendo omnes intentiones istius potionis, in possibilibus capituli fumi terræ, ipsius nostri Authoris. Vnde etiam denominatur à fumo terræ, tanquam à basi & fundamento totius compositionis. Ex quo rectius 3. viij. legendum est.

## Decoctio Albasce &amp;c.

CCXVIII.



VNCTA volumina impressa in præſenti descriptione habent vnum mendum: videlicet ubi in eis legitur: Coquantur omnia in lb. iij. aque: rectius legendum est, lb. iij. vt antiqua exemplaria habent. Et sic est melius: quia rerum coquendarum est bona quantitas, & quædam ex ipsis non parua indigent deco-

ctiōe. In qua quidem decoctiōe est faciēda gradatio ipsarum rerum. Myrobalani autem non sunt bulliendi, sed vltimo loco ponantur, & cōtinuò vasa auferatur ab igne. Quia hīc, & in superiori decoctiōe fumi terræ, & similibus, quarit Author solutiōnem ex eis: vnde non oportet vt bulliant &c. Item animaduertāt qui vtuntur paruis impressiōibus operis istius nostri Authoris: quoniam in eis præsens descriptiō est maximè vitiatā, vnde sunt in ipsa plurimæ menda. De alhasce, siue hasce, quod est thymus, quære in superioribus.

*Decoctio Myrobalanorum &c.*

CCXXIX.



VNT etiamnum & in præsenti descriptione per omnes impressiōes Latinas (vbi legitur: Et proijciatur in ea, Casiæ fistulæ 3.j. turbith, agarici, ana 3.s.) duo menda. Primum est, quòd illud, Casiæ fistulæ 3.j. vacat. Secundum est, quòd turbith est 3.j. & agarici 3.s. & vnum quodque per se, sine ana. In nullo penitus antiquorum voluminum, neque in vulgari additiōe est ita. Sed concorditer habent: Et proijciatur in ea turbith 3.j. agarici 3.s. &c. Et sic est verum. Hīc verò sequitur: Et quando volueris vt fit medicamen debilius, siue medicina debilis (vtrouque enim modo inuenimus) non proijciantur in ea illa duo, scilicet turbith & agaricum: sed sufficiunt casiæ fistulæ 3.ij. &c. Myrobalani autem in fine ponantur. Lege de eis suprā. Scribitur quoque hæc decoctiō ab Auicenna in quinto cān. scilicet in primo tractatu secundæ summæ. Cuius inscriptiō est: Decoctiō collecta &c. sed in aliquibus differt ab ista filij Mesuæ.

*Decoctio de Stichados &c.*

CCXXX.



N paruis impressiōibus quidem mendosè legitur in præsenti descriptione: Turbith albi, arundinei 3.iiij. rectius legendū est 3.iiij. vt reliquæ impressiōes, & cuncta exemplaria habent.

*Decoctio de Eupatorio &c.*

CCXXXI.



ON est in præsenti descriptione menda. Veruntamen vbi in omnibus impressiōibus, & in exemplaribus antiquis pro maiori parte legitur: Chebulorum, Indorum, ana 3.vij. passularum enucleatarum 3.j. In reliquis paucis exemplaribus autem

autem concluduntur omnia vno ana, sic videlicet, Chebulorum, Indorum, passularum enucleatarum, ana 3. j. Quod quidem nihil refert, quia idem est.

*Decoctio Epithymi &c.* CCXXXII.



ARIAE leguntur mendæ per varias excusiones in præsentī descriptione. Vnde in quibusdā, vbi legitur, chebulorum, fumi terræ, ana 3. iij. lege 3. iij. Item in alijs vbi legitur: Salis Indi aur. j. lege verius aur. s. vt cur. cta exemplaria, ac etiam nonnullæ impressiões habēt. Præterea, ipse Author noster in cura de sōda frigida, habet vnā aliā epithymi decoctionē differentē ab ista. Itē Hali Abbas in x. practicæ vnam. Et Rhasis in ix. ad Almanfōrem, cap. de melancholia, vnam: & in antidotario diuisionura, cap. etiam de medicinis ad melancholiam & lepram &c. alteram quasi eandem. Omnes tamen differunt ab ista filij Mesuæ.

*Infusio de Hiera &c.* CCXXXIII.



NIMVERO præsens descriptio & duæ sequentes, vt habentur in codicibus impressis, rectius vocari possunt cōfusions, quàm infusiones. Ab alienatæ enim sunt à vera authoris intentione. Etenim non quærit Author in his descriptionibus hieram, & vltra hieram aloën, cum ana &c. vt ipsi codices mendosissimè habent. Sed quærit hieram ex aloë, id est hieram picram, quæ ab ipso sub Galeni cognomine inscribitur. Quæquidē vt suprā, scilicet in tractatu de hieris retulimus, ab ipso met Galeno in secundo Miamiyr, & alibi, Hiera ex aloë nuncupatur. Posuit autem Author in istis descriptionibus, ex aloë, ad differentiam multarum hierarum quæ abique ab aloë conficiantur. Vt exempli gratia: Sūt suprā Hiera Archigenis, descriptione Pauli: & Hiera diacoloquintidos, inuentione Ruffi & ceteræ quæ minimè recipiunt aloën. Et de hoc testantur antiqua exemplaria, quæ pro maiori parte sic rectius habent: Recipe hieræ ex aloë bonæ. & nonnulla sic: Recipe ex hiera ex aloë bona 3. s. Nec est ibi ana, quia ipsa compositio hieræ, tanquam si esset solum simplex, pro vna sola re intelligitur. Et vni quidem non conuenit ana. Nec sunt ibi 3. v. vt plures impressiões habent: sed 3. s. tantum. De facili nempe ( vt coniectamus ) librarij errauerunt, transsumentes pro, ex aloë, & aloës. Vnde & subsequentes postea forsitan putantes ibi deesse, addiderunt ana: rescribentes ( quamuis  
fal

falsò) Recipe hieræ & aloës ana &c. Igitur rectius legendum est: Recipe hieræ ex aloë 3.s. & funde &c. Quasi de consimili petijt filius Serapionis in 7. scilicet in vna pilularum descriptione, cuius titulus est: Pilulæ quæ conferunt ad ægritudines cholæræ citrinæ, & sanguinis. cum dixit, Hieræ picræ, ex illa quæ fit cum aloë abluto &c. Ad differentiam aliarum Hierarum specificauit &c. Sed animaduertendum quòd in his infusionibus quærit Author species ipsius hieræ picræ tantum, absque melle. Etiam cum ipsis speciebus connumeratur & aloë, ne putet quis ipsas species absque aloë intelligendas esse: quia taliter nō esset hiera ex aloë, neq; posset vocari picra. Præterea ipse Author in cura de soda frigida, habet plures quasi cōsimiles infusiones de hiera, in quarum nulla est vtrunque simul positum, scilicet hiera & aloë. Vnde à simili est considerandum, ipsum authorem non posuisse vtrunque in istis. Item sciendum quòd ab hac prima descriptione sumitur modus siue regula pro reliquis sequentibus.

*Infusio alia hieræ &c. CCXXXIII.*



ONSIMILITER, vt præfata, & ista præfens est vitata. Sed in ista verè sunt 3.v. ex ipsa hiera ex aloë: in superiori autem (vt diximus) est 3.s. Et sciendum quòd in nullo antiquorum voluminum quæ vidimus, decoctio epithymi in præfenti descriptione est scripta cum suo determinato pondere, vt est in impressis libris. Simpliciter enim cuncta concorditer sic habent: Et funde super ipsam decoctionem epithymi, quam diximus &c. Tamen quia decoctio epithymi præfata cum est perfecta, non est nisi vna libra: idèd non est extra rationem in ipsis impressis libris si specificatè legitur lb.j. Nos autè posuimus sine pōdere, vt textus antiqui habet. Item sciendū q; vbi in fine præfentis & subsequētis dicit Author, Et fiat sicut diximus: intelligitur vt in vase vitreo exponatur soli &c. sicut dixit in prima hieræ infusione.

*Infusio tertia hieræ &c. CCXXXV.*



VTOR in ista vltima descriptione infusionis hieræ, non specificauit de hiera. Sed subintelligitur de supradicta hiera ex aloë. Aduertèdum autem, quòd in omnibus impressionibus mēdosè hīc legitur: Et funde super ipsum decoctionis alhasce, lb.j. vbi rectius legèdum est, lb.j. vt omnes vetusti codices habent. Etenim probatio eius mēdæ est manifesta: quia tota ipsa

ipsa albasce decoctio postquam completa est, non est nisi vna libra: vnde Author ipse, sicut in superioribus, sic & in ista non posuit nisi lb. j. Et consimiliter de dicta hiera, sumendum est pōdus 3. s. vel circa: quia ista infusio in omnibus regulatur ex superioribus. Vnde dicit. Et fiat sicut diximus.

*De decoctionibus vsitatoribus &c.*

**E**quidem nobis visum est non esse ab re hoc in loco annotare decoctiones communiores, & magis vsuales medicinarū, quibus hodie vtuntur medici, & præcipue in pharmacis laxatiuis propinandis. Sæpe enim scribunt ipsi medici: Dissoluatur cum decoctione cordiali, seu cum decoctione florum & fructuū cordialium, vel cum decoctione pectorali, vel cum decoctione comuni: & sic frequenter in enematibus &c. Igitur quādo cum decoctione cordiali, vel cum decoctione florum & fructuū cordialium, quod idem est, si non specificatur in quo liquore, debet fieri in aqua simplici pura. Flores autē ac fructus cordiales conueniētiore, pro huiusmodi decoctionibus faciēdis, hi sunt: videlicet, flores violarum, boraginis, & buglossæ principaliter, & flores roris marini, thymi, atque thymbræ, qui non sunt ita vsuales vt priores. Fructus verō sunt, Sebesten, pruna, (& præsertim Damascena nūcupata) iuiubæ, passulæ enucleatæ, & tamarindi. Sed tamarindos (vt scimus) nullus ponit, neque Sebesten, nisi medicus speciatim præcipiat. Etiam additur liquiritia, licet sit radix, & non flos, neque fructus. Et huiusmodi vocatur decoctio cordialis, vel decoctio florum & fructuū cordialium. Cui etiamnum aliquando additur ex floribus labruscæ pars, qui sanè cordiales sunt: veruntamen quia habent de stupeficate non parum, sicut & rosæ ficcæ, & similia, non sunt apponendi in decoctionibus, absque medici præcepto. Sicut etiam aliquando ipsi medici ad speciales causas, addunt huiusmodi decoctionibus epithymū, vel polypodium, vel fenæ folliculos, vel myrobalanos &c. in quibus aromatarius non debet præsumere, nisi ex iussione medici, pro quibus ipse ordinat. Et si non omnia præfata possunt haberi, saltem pro maiori parte debēt esse in dicta cordiali decoctione. Decoctio autem pectoralis fit vtplurimum in aqua pura, cum iuiubis, passerina, siue passulis enucleatis, cum liquiritia, & ficis ficcis. Sed fici debent poni in minori portione. Quandoq; verō ipsa decoctio pectoralis fit in aqua hordei, & quandoque additur ei pars mellis. Adduntur etiamnum & alia plura, prout medicis videtur esse expediens, secundum infirmantium qualitates.

Deco

*Mater vio-  
larum.  
Herba ven-  
ti.*

Decoctionem autem communis pro clysterijs fit in aqua pura: & plu-  
uialis est melior non plauiali, & principaliter cum malua, & plan-  
ta violarum (quæ vulgò dicitur mater violarum) & cum mercu-  
riali, quando potest haberi, & æstiuo tempore additur blitum, &  
hyeme additur helixiste, id est vulgò parietaria, vitriola, & herba  
venti dicitur. Et ponitur salis, & olei oliuarum quantitas bona.  
Et huiusmodi decoctione, cum sale & oleo, potest seruari per ali-  
quot menses in sua perfectione, vt ab infirmarijs nostri Conuen-  
tus asseruatur: & non est necesse quotidie pro quolibet clystere  
facere communem decoctionem. Et talis decoctione Romæ & alijs  
in locis multum habetur in vsu. Vtuntur etiam nonnulli & alia  
simpliciori communi decoctione, vel (vt melius dicamus) infu-  
sione furfuris triticeæ: quæ quidem virtute non est inferior su-  
pradicta, & in quacunque hora desideratur, parari potest. Et mo-  
dus eius est: Accipe furfuris frumentacei pugillos iij. vel v. plus  
vel minus, secundum qualitatem personæ, pro vno enema, &  
ponatur in panno lineo, seu in staminea, in aliquo vase, & funde  
super illud aquæ bullientis quantitatem necessariam pro clyste-  
rio, & exprimatür diligenter: ipsi verò expressioni addatur sal,  
oleum sufficiens, & fiat enema. Decoctionibus etiam præfatis ali-  
quando adduntur plura diuersaq; olea, mella, electuaria, ouorum  
vitelli, fœnum Græcum, camomilla, melilorum &c. secundum agro-  
rantium necessitates. Sed quando hæc conueniant, potius est me-  
dici, quam aromatarij scire. Præterea multe diuersaq; decoctio-  
nes & infusiones medicinarum notantur ab Hali Abbas in deci-  
mo practicæ, & à Christophoro de Honestis in fine præsentis di-  
stinctionis, quæ potius apud nos sunt particulares, quam comu-  
nes, & vniuersales. Antonius Guainerius quoque in suo antido-  
tario, facit capitulum de decoctionibus, in quo ponit decoctio-  
nem pectoralem, & decoctionem, quam vocat communem &c.  
Sed hæc, ni medicus mandet, non sunt administrandæ. Item An-  
tonius ibidem facit capitulum de clysteribus, quæ quidem  
clysteria recipiunt varias decoctiones contra diuersas  
infirmiitates: quapropter non possunt commu-  
nia dici, nec absque medici iussione licet  
alicui ipsis vti. Et de decoctionibus  
dicta sufficiant.

*Octava distinctio est de Trochiscis, &  
erit &c. CCXXXVI.*



**T**ROCHISCVS potius quàm Trociscus. Et ut Syponinus in Cornucopia scribit, idem est quod pastillus. Pastillus autem à pane dicitur, quasi parvus panis. Latine propriè Rotula dici potest. Sed differt pastillus ab emplastro, in hoc scilicet quòd emplastrum aliquid liquidi recipit: pastillus autem tantummodo pulueres, qui aliquo liquore iunguntur & postea exiccantur &c. Paulus Aegineta autem in 7. cap. 12. ponit tres trochiscorum species. Ait enim: Pastilli, Græcè trochisci, à figura nominantur. Tres sunt eorum species. Alij namque sunt portabiles, alij in aluum dantur, & alij delinuntur. Hinc ex vnaquaque specie ponit differentias. Lege ibi: quia sub nomine pastilli, multas trochiscorum descriptiones notat.

*Confectio Gallie muscate &c. CCXXXVII.*



**A**B HAC etenim confectio Author incipit suam octauam (quæ est de Trochiscis, siue vt maioris trochiscis) distinctionem. Vnde autem dicantur Gallie, seu Galie (vtrouque modo legitur) ista, & quædam alie confectioes, adhuc authenticè non reperimus. Serapio quidem, & Auicenna in suis de simplicibus, faciunt capitulum de Gallia. Et incipit ipse Serapio: Such, id est gallia &c. Tamen ex ipsis non potest percipi quid hoc nomen gallia simpliciter significet: præterquam, quòd sunt compositiones sic nominatæ. Simon Ianuensis autem, & Pandectarius, & ex cæteris recentioribus multi, multa dicunt: sed omnes, nèpe de hoc, tanquàm in somnijs loquuntur. Huiusmodi enim galliarum compositiones aliter (imò rectius cum sint trochisci) sub nomine trochiscorum possunt nùcupari. Videlicet, Trochisci de gallia, siue muscata, siue febellia, siue alephangina, vel alefanginæ, siue magna, vel regali &c. Vel, Confectio trochiscorum de gallia muscata, vel febellia &c. Nā quatuor galliarum descriptiones habentur in præsentī distinctione, scilicet muscata, febellia, alephangina, & quarta quæ vocatur magna, siue regalis, quæ habetur infra sub titulo sacchalertif, vt legitur in impressis libris. Aliquādo etiā reperitur scriptum Algalia, siue confectio algaliæ, & idem est. Quatuor quoque gallia

galliarum species præfatus Serapio in dicto capitulo Such, diuer-  
 tas tamen ab istis scribit. Auicenna autem vnam tantum laudat,  
 quam in secundo can. capitulo proprio, Sinian factam ex embli-  
 cis vocat. Sed animaduertendum quod in præfenti descriptione  
 Gallie muscatæ filij Mesuæ, est vnus error valde notabilis, ex quo  
 quidem generata est in ipsa quædam magna confusio, vt mox li-  
 quebit. Legitur namque in cunctis ferè impressiõibus, in præsen-  
 ti descriptione: Ambræcani, vel canni. Et in quibusdā cum pun-  
 ctulis intermedijs, sic: Ambræ, cani, partes iij. Cani igitur, aut  
 canni, per se quid propriè significet, haud reperies. Quia hoc in  
 loco nihil præstat Arabicè, neq; Græcè, neq; Latine. Quauis Latine,  
 canus, na, num, denotet habes canitiè, & canis significet & ani-  
 mallatrabile, & sydus cœleste, & piscem marinū. Etia stute eo quod  
 nonnulli Doctores asseuerāt, scilicet ambram in ventre ceti (qui  
 est marinus piscis) reperiri. Quia si quis obijciēs, dicat ambram  
 cani, esse ambram ceti, tāquam si Author posuisset illud cani pro  
 pisce marino, ac intellexisset pro ceto: hoc sanè duplici ex causa  
 ibi non posse stare, apertè probamus. Prima, quia cete ipsa licet  
 sint pisces, nō vocantur canes, nec cum ipsis canibus marinis con-  
 ueniunt in aliquo, præterquam in generibus animalium & pi-  
 scium. Et perquammaximè differunt inter se, canis piscis, & ce-  
 tus: neque est qui describat canem, aut aliud piscium genus ha-  
 bere ambram, præter cete. Quæ cete grandia, vulgò balenæ di-  
 cuntur, qui sunt maximi omnium piscium. Secunda causa est,  
 quia latinitas non patitur eo in loco datium pro genituo po-  
 ni. Nam dato quod Author intelligat canem piscem, pro ceto  
 (quod absurdum est audire) litera staret: Ambræcanis, & non  
 cani. Sed re vera errore literæ à pluribus non percepto, introdu-  
 cta est inter gentes hæc confusio, seu abusio nuntiandi atq; scri-  
 bendi, Ambræcani. Vt in alijs multis erroribus consimiliter iam  
 probauimus esse factum. Igitur in antiquioribus exemplaribus,  
 non Ambræcani, nec canni: sed Ambræ, camphoræ, vel Ambræ  
 camforæ legitur. Et in quibusdā ex ipsis (vt in octo inuenimus)  
 habetur distinctè & planè per literas: in aliquibus verò abbrevi-  
 atè, seu incomplete in his & similibus variationibus: videlicet,  
 ambr. camph. amb. canf. abr. caph. ambr. cap. abr. cam. & c. & cum  
 ana partes iij. Et sic est secundum veritatem. Errorem autem hu-  
 iusmodi, ex vltima præfatorum variationum processisse conie-  
 ctamus. Quoniam quidam fortasse transcribens, inuenerit am-  
 bræ, cam. & ignorās quid significaret cam, facilius potuit errare  
 conuer

*Ambræ ubi  
 reperitur.*

*Cetus & ca  
 nis piscis dis-  
 ferunt.*



conuertedo m. in ni, scilicet pro cam, scribés cani. In processu autem téporis alij forsan putátes ambræ cani, esse vnũ tantũ simplex, deleuerũt illud ana &c. Rectè itaq; scribendum est, Ambra, cãphora, ana partes iij. Etiã animaduertito, quòd in sequétes, scilicet galliam sebelliã, & alephanginã similiter ingreditur camphora &c. Præterea sciendũ quòd in cõpositionibus filij Mesuæ, quãdo absolutè petitur gallia : semper de ista prima, quæ muscata cognominatur, intelligitur. In cõpositionibus autẽ Nicolai & solutè. aliorũ (qui habent) suis gallijs debemus vti. Itẽ sciendũ quòd antiquitus nõ solum lutũ lemnũ, verumetiã & scãmoniũ, & omnes trochisci, & alia plura sigillabãtur. Hodie autẽ, quia (vt dicit Author noster in capitulo de scammonia) fides sigillorũ perijt: non multi facimus si trochisci sigillẽtur, vel nõ. Bonitas quippe ipsorum non consistit in sigillo: quia & sigillati possunt esse mali: & ecõtrã abiq; sigillo possunt esse boni. Fides enim potius dãda est pharmacopõlis, quã ipsi pharmacis. Quoniã eadem pharmaca bona, vel mala sunt, secundum quòd aromatarij boni vel mali sunt. Nos autem mallemus habere & scammonium, & terram lemniam, & trochiscos &c. abiq; sigillo, vera, & bona: quã sigillata, falsa, & mala. Vnde nihil facit ad rem si non sigillentur isti, & cõsumiles trochisci, vt Author præcipit. Similiter dicendum de ipsorum forma, siue figura. Videlicet, quòd nihil refert si sint rotundi, vel plani, vel longi, vel conuadrati, vel alteriusmodi formæ. De magnitudine autem, & paruitate trochiscorum, est curandum: quia magnitudo, vel paruitas potest ipsis addere vel minuere in bonitate, vel malignitate &c. tum propter fermentationem, tum verò propter deficcationem, & cõseruationem &c. Quamobrem in hoc obseruandum est authoris præceptum. Et hoc notatum habeas pro omnibus trochiscis.

*Cõfectio Gallie Sebellie, vel Sebellinæ &c. CCXXXVIII.*



VID propriè Latine velint significare sebellia, seu sebellina, vel sebelia, nequaquam valuimus scire. Pandectarius tantũ dicit: Sebelia, vel Seben, est quædam medicina inda. Sed vt coniectamus, nil aliud dicit, quã res aromatica. Et vnum, & idem putamus sebelliam, & alephanginam significare. Sed scripsit Author præsentem cõfectionem sub tali titulo, ad differentiam alterius cõfectionis sequentis, quæ cognominatur alephangina. Vnde titulus ipsius est: Cõfectio alia galliæ alefanginæ. Quia

cum dicit aliā, denotat prius scripſiſſe vnam cōſimilem. Ex quo igitur, ſi Gallia aleſangina interpretatur aromatica, propter ſpecies aromaticas quas recipit: quare & Gallia ſebellia nō debet dici aromatica, quæ recipit eaſdem aromaticas ſpecies? Ergo ſebellia poteſt interpretari aromatica. Eſt namq; in præſenti deſcriptione vnus error. Videlicet, vbilegitur: Ambræ, & cāphoræ, añ. aur. s. rectius legendum eſt. añ. aur. j. vt in maiori parte exemplariū inuenimus. Non obſtante, quòd in aliquibus ex ipſis exēplariis legatur: Ambræ aur. j. cāphoræ, aur. s. quia (vt diximus) maior pars ipſorum habet: Ambræ, & camphoræ, ana aur. j. Præterea: hæ trochiſcorū de Gallis confectiones per ſe ſimpliciter non habentur in vſu: ſed parantur pro eo quòd recipiuntur in alijs compositionibus. Sed animaduertēdum quòd in præparatione iſtius Gallie nōnulli iuniores errauerūt, & anſam errandi pluribus tribuerunt, intelligendo per contrariū ſenſum clauſulam illam: videlicet, Recipe foliorū roſarum recentū, & humidarū, quæ iam incipiunt referare nodos. Primo errant, quia falſò intelligūt per nodum roſarū illud pomellum, ſiue pyrulum, in quo ſemina roſarū cōcreſcunt & ſeruantur ad maturitatem, quodq; deſluxis folijs reſtat in planta, & tempore maturationis ſit rubrū &c. Secundo quidem (veremur dicere) quòd ita hallucinati ſunt, quòd pro referare, intelligunt claudere, & non aperire. Tertio errant, quòd cum Author quærat roſas immaturas, tãquam magis ſtiplicas & confortatiuas: ipſi per contrariū accipiunt folia roſarum, quaſi in ipſorū deſluxu, quæ ſunt magis ſolutiua & minus confortatiua. Exprefſe omnia contra authoris intentionē. Et hoc annotauimus pro imperitis & iuuenibus: quia circumfertur libellus quorundam declarationū ſuper canonibus, & antidotario filij Meſuæ, partim Latine, & partim vulgariter imprefſus, intitulatusq;: Opus quibuſlibet aromatarijs neceſſarium. Innominato authoris: quamuis nonnulli (vt ſuprà diximus) aſſeuerent ipſum opus à quodam Petro Paulo Villano aromatario Neapolitano eſſe æditum. Quod quidem opus ex iuueniculis & minus peritis aromatarijs quidam, tanquam oraculum Apollinis amplectuntur. In quo opusculo, licet ſint aliqua bene poſita, tamen plurimæ interſeruntur fatuitates, ac innumeri ſunt errores. Vnde in hoc quod diximus, tam ipſe Petrus Paulus, quàm Quiricus de Terthona dictus Lumē apothecariorum, quàm etiam Paulus Suardus cognominatus Theſaurus aromatariorum magnopere errauerunt: vt quilibet ſcripta ipſorum intueri poteſt. Igitur per nodum roſa-

rum non intelligit Author supradictum pomulum, sed calycem *Rosarū can* folia florum rosarum continentem. Et calyces rosarum proprie *lyces*. sunt illi, qui vulgariter bottones rosarum dicuntur. Et cum dicit *Rosarū bot* Author: Quæ iam incipiunt referre nodos: non intelligit quod *tones*. rosæ sint ita completæ, quod folia ipsarum stent in primo defluxionis gradu pendentia versus stipitem, ac incipientia circundare & occultare præfatum pomulum, ut prænominati Authores malè exponunt. Sed dicit Author (ut peritos non later) quod illa folia rosarum sunt accipienda, quæ iam incipiunt referre, id est aperire nodos, scilicet calyces, quarum rubedo adhuc ex pelliculis, seu folliculis ipsius calycis, pro parte occultatur. Et propriè in principio apertionis ipsorum florum, scilicet antequam ali-quod foliorum separaretur in totum à reliquis: sed adhuc sint omnia in vnum ad inuicem colligata. Quia authoris intentio est per hanc confectioem stipiticare, & confortare, & non solvere, ut legenti est clarum. Ex quo etiam ipsa confectio recipit & Ramich, quæ est compositio ad stipiticandum, de qua infra. Etiam nota, quod istarum Galliarum, & similium confectio-num species, sunt ultimatè puluerizandæ. Ex quo ipse Author posuit in descriptionibus, sicut alcohol.

*Confectio alia Gallie alephanginae, & eius interpretatio est aromatizatum &c. CCXXXIX.*



**D**ECLARATUR nempe in præsentī descriptione ab interprete significatum huius vocabuli: hoc est, Alephangina, vel alefangina, dicente: *Alephangina*. Et est eius interpretatio, aromatizatum, siue aromaticum. Tanquam si Author dixisset in hūc modum: Confectio Gallie aromatizata, siue aromatica. Vnde species alephanginae, sunt species aromaticæ. Et dicitur in singulari: Alefangina, æ, & in plurali, Alephanginae, arum. Ex quo quandoq; reperitur scriptum: specierum alefanginae, & alefanginarum: & Gallia alefangina, & alephanginae, & similia. Et dicitur propriè res alephangina, res aromatica. Vnde largo modo omnes species aromaticæ, possunt dici alefanginae: ut latius in modo operationis conditi de cytonijs, scilicet in prima niua iam loquuti sumus. Et similiter sebelliā (ut etiam supra diximus) coniectamus illud idem significare &c. Sunt equidè in præsentī descriptione per impressos codices nonnullæ mendæ. Quamobrem, vbilegitur: Ramich 3.j.s. rosarum 3.x. garyophylorum 3.x. lege

rectius sic: Ramich 3. j. s. rosarum, garyophyllorum, ana 3. x. Item ubi legitur: Musci boni 3. j. lege verius 3. j. s. quia sic per exemplaria antiqua probauimus esse secundum veritatem. Præterea sciendum, quod ubi Author dicit in præsentī descriptione: Et fundatur super eos aqua rosatæ bonæ & electæ, infusionis rosarum siccarum, & corticū citrorum ꝑ. s. nō intelligitur vt sumatur aqua rosacea sublimata, & in ipsa infundantur rosæ siccæ, & cortices citrorum & c. vt aliqui opinati sunt, quod litera non habet. Sed pro ea aqua, intelligitur infusio ipsa rosarum siccarū, quam ad differentiam alterius quæ fit ex recentibus rosis, specificauit. Quia (vt aliās diximus) generaliter quando doctores in suis libris petunt

*Aqua alicuius rei apud antiquos, quid.*

aquam alicuius rei: intelligunt succum, vel infusionem, vel decoctionem illius rei, & non aquam sublimatam, quæ non legitur apud antiquiores, & rarissime apud ipsum filium Mesuæ. Et illa bonitas, & electio referuntur ad infusionem, & non ad aquam, tanquam si sic legas: Et fundatur super eos aqua rosatæ, videlicet ex bona, & electa infusione rosarum siccarum, & corticū citrorum ꝑ. s. & c. Vnde faciēda est ipsa infusio in bullienti aqua pura, cum rosis siccis, sicut fit cum recentibus, & cum permutatione rosarum & c. vt supra dictum est. Et quia Author non notauit quantitatem corticū citrorum: ideo cum discretione poni debent. Videlicet, per quartam, seu quintam partem ad rosas: & debent ipsi cortices esse præficcati, sicut flores rosarum, & in particulas incidendi sunt ante infusionem & c.

### Confectio Trochiscorum Diarhodon & c. CCCXL.



**DIARHODON** certè idem dicit quod de rosis, legitur cum ista sunt quatuor descriptiones trochiscorū, sub hoc titulo, de rosis, in præsentī distinctione. Hali Abbas enim decimo practicæ, habet tres descriptiones: sed vna ex eis quæ intitulatur, Diarhodon trochisci, differt ab ista filij Mesuæ. Nec non & reliquæ etiam sunt differētes. In antidotario Nicolai quoq; sunt trochisci Diarhodon differentes ab istis. Et in septimo Breuiarij filij Serapionis, sunt quinque trochiscorum de rosis descriptiones: in Auicennæ v. cañ. autem vndecim. Apud Rhafim etiā nū, cap. xj. decimi ad Almanforem, est confectio trochiscorū diarhodon, qui cognominantur parui. Non obstante quod postea sequatur sub titulo de rosis: ex quo probatur quod idem est diarhodon, & de rosis. Item in eodem decimo, cap. 7. ipse Rhafis habet trochiscos

chiscos de rosis completos, siue perfectos, vt in antiquo exemplari legitur. Et in nono ad eundem Almanforem, capitulo videlicet 63. habet vnā aliam descriptionem trochiscorum de rosis. Item in antidotario diuisionū, cap. 35. duas descriptiones, & vna ipsarum intitulatur maior: omnes tamen in aliquibus differunt ab istis filij Mesuæ. A Paulo Aegineta etiam in duodecimo septimi, scribitur pastillus, scilicet trochiscus diarhodon: sed est alteriusmodi compositionis. Item Actuarius libro de medicamentorum compositione, habet pastillum, scilicet trochiscum diarhodon: id est de rosis, & similiter differt.

*Confectio Trochiscorum de rosis stomachum &c. CCXLI.*



ER omnes ferè impressiones in præsentī descriptione est vnus librariorū error tam clarus & manifestus quod nō indiget alia probatione: tamen ne intactus pertranseat, vbi mendose legitur: Adde scammonex lb. iij. lege rectè 3. iij. Nicolaus Præpositus habet 3. ij. sed putamus etiā esse mendā librariorū. Sciendum præterea, quod quando speciatim perūtur trochisci diarhodon, de supradictis intelligitur. Per trochiscos de rosis autē absolute, de istis est intelligendū, supple per opera filij Mesuæ. Quia se- *Trochisci de rosis absolute.* quētes trochisci nō sunt de rosis simpliciter, sed de rosis & eupatorio: & vltima descriptio in paucissimis exemplaribus habetur: ex quo potest dubitari, an sit addita huic antidotario: & per consequens non potest absolute de ipsa intelligi, sed de præsentī &c.

*Confectio Trochiscorū de rosis & eupatorio &c. CCXLII.*



IN quibusdam impressionibus, præsens descriptio est in vno viriata: videlicet quod vbi legitur, Ra- ued seni 3. iij. Legendum est 3. iij. vt reliquæ impressiones, & cuncta exemplaria antiqua rectius habent.

*Confectio Trochiscorum de rosis sicut &c. CCXLIII.*



BI legitur in fine istius descriptionis, Aqua deco- *Aqua decoctionis radicum.* ctionis radicū: intellige (secundum communem opinionem) aquam decoctionis ex quinque radicibus communioribus, quæ sunt, videlicet: Radices apij palustris, & apij domestici (scilicet vulgaris vocati petroselinī) asparagi, brusci, & fœniculi. Sed

animaduertédū quòd (vt suprà diximus) hæc trochiscorū descriptio, necnō & aliæ plures ex sequētibz, nō sunt in maiori parte exemplariū, nec in alijs, in quibus habētur, sunt locatæ eo loco & ordine, vt impressiōnes habent. Quapropter dubitari potest in aliquibus ex ipsis an sint à proprio Authore, vel ab alio &c.

*Such alharif. Et est Gallia magna, siue re-*

*galis &c.*

CCXLIIII.



ATEMV R enim veritatem, quòd in quinque exemplaribus tantū reperimus præsentē & sequentem trochiscorum descriptiones: & non in hoc loco, vbi in impressilibz habētur, sed hinc inde transpositas. Nec in ipsis quidem exemplaribus titulatur præsens descriptio, Suchahalerif: sed in tribus est, Such alheref: & in vno Suchalherif, & in alio Such alheriffi. Vnde coniectamus verum suum vocabulum esse, Such alharif. Sicut etiamnum sunt suprà confectiōes electuarij alharif. Such enim (vt probatur per Serapionem, & alios Authores) idē dicit quod gallia. Et sic, Such alharif, id est gallia alharif. Sicut etiam reperitur quandoque apud Authores, such camphoræ, vt est apud Rhafim in antidotario separato, videlicet in olei citri descriptione; non obstante quòd per impressiōnes mendose ibi legatur: Adde succum cāphoræ. Non enim à camphora extrahitur succus. Lege igitur rectius: adde such cāphoræ, id est galliā camphoræ &c. Et ne quis dicat, quòd per succum cāphoræ, intelligat ibi Rhafis aquā camphoræ (de qua infrā dicemus in declaratione ipsius camphoræ) quoniam hoc non potest esse: quia Author ponit ibi galliam camphoratā, causā aromatizandi ipsum oleum: & nihil necesse habet ibi ponere aquam, seu alterum liquorem post perfectam ipsius olei decoctionem. Alharif autem vel significare dixeris quod latinè, magna, seu regalis (quia in litera legitur: Et est gallia magna, siue regalis) vel denotare bonū saporem (tanquam si diceretur: Such alharif, id est gallia boni saporis, vt diximus in prima confectiōe electuarij alharif) vel aliud, nihil refert. Nec multi facimus si ignoretur.

*Alharif  
quid.*

*Confectio Ramich &c. CCXLV.*



LITER vocatur ista cōfectio, Cōfectio trochiscorū Ramich. Ex quo legitur in ipsa: fac trochiscos subriles &c. Sed valde admirati sumus (cū sit quòd recipitur in alijs compositionibus) hanc cōse-

confectionem deesse in maiori parte exemplarium. Etenim necessario debet adesse. Ramich autē (prout coniectare potuimus) *Ramich.* idem significat quod res stiptica, scilicet cōpositio rerum stipticarum &c. Nam modi faciendi Ramich plures sunt, vt habentur apud Serap. & Bulchafim &c. Sed in cōpositionibus filij Mesuā, suo ramich debemus vti. In interpretationibus Bellunēsis autē, legitur Ramech. Et similiter in secūdo cañ. Auicēne, capitulo proprio. Sed in quinto cañ. ipsius, in pluribus cōpositionibus in quibus recipitur, legitur, ramich. Consimiliter est in libris Hali filij Abbas, scilicet ramich, & ramech. Et in nono Rhafis ad Almāsiorem, cap. de casu vuez, legitur. Et in eius expositionibus, sic habetur: Ramech confectio est de qua fit gallia. Pandectarius quoque in capitulo ramich, habet & rimich. Ergo ramech, ramich, & rimich, sunt vnum & idem, & accipitur pro confectione ista. Rimech autē, siue arimech, siue arimec (quod rectius putamus *Rimech.* alrimech) secundum dictum Pandectarium, herba est nascens in parietibus, habensque odorem cinnamomi, desiccatiua & consolidatiua vlcerum &c. Quam quidem herbam adhuc ignoramus.

*Confectio trochiscorum de rheubarbaro &c. CCXLVI.*



**R**ER cuncta nēpe antiqua exēplaria præsens descriptio trochiscorū de rheubarbaro, locatur ante descriptionem trochiscorum de camphora. Et sic visum est nobis in nostro libello describere. Est præterea in præsentī descriptiōe per impressos codices vnum mendū. Videlicet, vbi legitur: Amygdalarum amararū 3. iij. legendum est verius 3. ij. s. vt habetur in omnibus ferē præfatis exēplaribus. Auicēna in quinto cañ. & Hali Abbas in decimo practice habent vnā descriptionem trochiscorum de rheubarbaro. Rhafis autē in antidotario diuisionū, cap. de medicinis hepatis, habet duas descriptiones. Item ipse Rhafis in nono ad Almāsiore, capitulo de dolore hepatis: sub titulo de raued, habet vnā aliam descriptionē. Et similiter filius Serap. in 7. habet suam descriptionem, sub titulo de raued. Omnium tamē præfatorum descriptiones, sunt in pluribus differētes ab ista Authoris nostri. Raued enim & Rheubarbarū idem est. Sed aliquando *Raued & Rheubarbarū* variatur titulus compositionū, ad maiore declarationem differentiarum ipsarū: vt suprà etiam sunt trochisci diarhodō, & trochisci de rosīs, & infra pilulæ de raued, & pilulæ de rheubarbaro &c. De raued autem, & rheubarbaro, dicitur in pilulis de rheu.

barbaro. Præterea sunt aliquæ cōpositiones, & trochiscorum, & pilularum &c. in quibus Author subticuit liquorē cum quo excipiēde sunt, vt est præfens descriptio, & cōfectio trochiscorum de lacca, & cōfectio trochiscorum Hamech, & descriptio secūda pilularum alandahal, & pilulæ ad omnes morbos catarrhi, & pilulæ de Serapino &c. Iuniores autē, vt Luminare Maius, & ceteri, declarant quòd isti trochisci excipiendi sunt eupatorij succo. Sed nescimus an ipsi intelligant alium succum eupatorij recēter extractū: quia cum notato in descriptione non potest fieri: quia succus eupatorij, absynthij, liquiritiæ, & cōsimiles, quando in huiusmodi & similibus compositionibus recipiuntur, semper condensati ponendi sunt. Filius Serapionis, Auicēna, & Rhafis similiter, vt Author noster, subticuerunt liquorē. Hali Abbas autē in sua descriptione præcipit vt cōficiantur cum simplici aqua. Vnde potest coniectari, quòd Authores dimittunt huiusmodi cōfectiones, ad libitum cōficiētis, & parum æstimant si cum aliquo liquore (non contrario supple) vel cum aqua pura cōficiantur. Veruntamen omnes cōpositiones debent fieri eo meliori modo quo possint, & magis expedit infirmantium curis.

*Cōfectio Trochiscorum de camphora &c. CCXLVII.*



**L**N præfenti descriptione per plura antiqua exemplaria, liquiritia & spodium vno concluduntur ana. Et similiter crocus, & semina communia &c. alio conclusa sunt ana. Quod quidē nobis visum est melius, & ita rescripsimus. Filius Serapionis in 7. habet vnā descriptionem trochiscorum de cāphora. Et Hali Abbas in decimo practicæ duas. Auicenna autem in quinto cañ. quinque ponit descriptiones. Rhafis verò in nono ad Almanforem duas habet. Vnam videlicet, capitulo de tremore cordis & alteram, capitulo de icteritia. Item in decimo ad eundem, capitulo de febre Ethica, vnā aliam. Et in antidotario diuisionum, capitulo de medicinis hepatis, vnā aliam descriptionem habet. Sed omnes differunt ab ista Authoris nostri. Per gummi autem simpliciter scriptū quid sit intelligendum, lege in lo hoc alio nostro de intentione hac.

*De Camphora.*

**C**Amphora, siue champhora, siue canfora, siue per k, kanfora, kafor, & alia plura, vnū & idem significant. Res quidem nobis minus, quàm seminota. Tum, quia ignoramus veram originem



ginem eius, tum etiam quia Authorum opiniones de ipsius qualitatibus contrariantur ad inuicem, scilicet quòd aliqui, vt Serapio, Auicenna & ceteri, dicunt ipsam esse gummi, seu resinā, aut pinguitudinem medullarem quarundam arborū, & in frigidare ac desiccare in tertio gradu. Alij autem, vt Auerrois & ceteri, asserunt ipsam in mari nasci, & esse calidam & siccam in secundo. Imò etiā ipse Auerrois in quinto Colliget, dicit ambra esse speciem camphoræ, quæ oritur in fontibus maris & c. Rhasis autem in tertio ad Almanforē scribit camphoram esse frigidam & humidā. Sed & Platearius dictus circa instans testatur illā frigidam & siccam in quarto, & quòd est succus herbæ, & non gummi arborum, neq; res marina. Item Bellunensis in suis interpretationibus ait: Aqua camphoræ, secundū Arabes, est aqua quæ fluit ex arbore producente camphoram. Et talis aqua, & similiter eius arbor, sunt calida in tertio, & camphora est frigida, vt omnes affirmāt. Ecce in quo scopuloso pelago nos velitare oportet. Res etenim ipsa (si non est factitia) videtur nobis esse vnum ex nobilioribus medicinæ simplicibus. Et potius tenemus cum Serapione & Auicenna, esse arborum gummi, quàm cum alijs contrarium asserētibz. De camphora enim qua vrimur, loquimur. Si autem apud ipsos præfatos Authores erat alterhuiusmodi camphora, hoc equidem fatemur nos ignorare. Ista nempe (vt diximus) vel sit vera cāphorā, vel non, res est tam nobilis, quæ si non asseruatur diligentius, euanescit, & annihilatur. Quod quidem pluries experti sumus. Sed vtrum hoc procedat à frigiditate, vel caliditate ipsius, videlicet vtrum sit ipsa frigida vel calida, est potius medici, quàm aromatarij perscrutari. Ipsa autē camphora quanto albior, clarior, purior, & odoratior est, tanto melior.

*Ambra cāphoræ species.*

*Aqua camphoræ.*

*Camphoræ optima nota.*

*Confectio trochiscorum de spodio & c. CCXLVIII. ta.*

*Confectio Trochiscorum de spodio, cum semine*

*acetosæ & c.*

*CCXLIX.*



VATVOR semina quæ sunt in prima istarum descriptionū, sunt quatuor semina cōmunia maiora frigida, scilicet melonis & c. quæ etiā speciatim in immediatē superscripta confectio trochiscorū de camphora, sunt posita, & alibi de quibus in superioribus satis diximus. Ponitur hæc prima descriptio trochiscorū de spodio ab Actuario, in libro de medicamentorum cōpositiōe, sub titulo: Pastilli de spodio. Sed differt in aliquibus:

*Hemazi.*

& loco mucilaginis psyllij, habet succū psyllij &c. Abbas autē in x. practice, habet tres huiusmodi descriptiones, & in duabus recipitur semē hemazi, siue (vt putamus rectius) hemazi, quod à pluribus res acetosa interpretatur. Vnde semē hemazi, id est semen acetosæ. Auicēna in v. cañ. duas habet: quarū vna est cum semine acetosæ. Filius Serapionis quidem ponit tres descriptiones, & vna ex ipsis similiter est cum semine acetosæ. Rhafis verò in nono & x. ad Almanforem, & in antidotario diuisionum, in pluribus capitulis plures habet descriptiones, & cum semine acetosæ, & sine eo, omnes tamen sunt differentes ab istis filij Mesuæ. De spodio dictum est in Diarhodon descriptione communi.

*Confectio Trochiscorum de berberis &c.* CCL.

*Confectio alia Trochiscorum de berberis &c.* CCLI.

*Pastilli ex oxyacantha.*

ER aliquas excusiones in prima istarum descriptionum mendosè legitur: Seminis citrulli 3.iiij. s. Lege rectius 3.iiij. s. vt cuncta exēplaria, ac etiam nonnullæ inapressiones habent. In Nicolao Præposito autem legitur 3.iiij. & similiter est nō rectè. Actuarius quidem habet pastillum ex oxyacantha, quod idem est quod trochiscus de berberis, sed differt in pluribus ab istis. Filius Serapionis quidem in 7. habet tres trochiscorum de berberis descriptiones. Auicenna autem in quinto cañ. septem. Hali Abbas verò in x. practice, vnam. Rhafis quoque in nono ad Almanforem, cap. de dolore hepatis, vnā. Et in antidotario diuisionum, cap. de hepate inflammato, similiter vnā. Omnes autem differunt inter se, & ab istis Authoris nostri. De berberis dictum est suprā.

*Confectio Trochiscorum de absynthio &c.* CCLII.

*Succus herbarum absynthii.*

EGITVR in fine præsentis descriptionis, & similiter in fine duarum sequentium: Da cum succo herbarum. Et non specificatur de eis, quarum sint ipsæ herbæ. Declarant autem aliqui (quorum vnus est Christophorus de Honestis) quod debent esse illæ herbæ quæ habentur in ipsis trochiscorum descriptionibus, scilicet eupatorium, apium, anethum &c. Quod quidem multis non placet. Nonnulli autem (& forsā melius) dicunt, illas herbas esse, è quibus excipitur succus pro syrupo biantino conficiendo: quod nobis quidem magis consonum videtur. Et ratio hæc est, ob quam putamus Author em intellexisse de

de eis. Nam scripserat suprà ipse Author modum syrapi acetosi de succis herbarum, & syrupum acetosum de succis herbarum cum aromatibus, & modum infusionis de succis herbarum, in quibus satis ipsas herbas specificauit, tanquam pro exemplis ad quæ sit postea recurrendum, pro omnibus alijs in quibus non speciatim scribuntur. Igitur hæ sunt herbæ ex quibus, vel omnibus, vel ex parte, accipiendus est succus pro huiusmodi trochiscis conficiendis. Endiuiæ videlicet, apium, lupulus, borago, buglossa, & fœniculum. Quæ omnes in præfatis compositionibus de succis herbarum habentur. Etiam dictus Christophorus, contra authoris intentionem, docet pro succis, sumere aquas sublimatas: quod omnino non debet fieri. Sed succi accipiendi sunt prius tamen depurati. Habet enim filius Serapionis in 7. vnam trochiscorum de absynthio descriptionem. Auicenna autem in v. cañ. duas, quarum secunda in multis conuenit cum ista Authoris nostri. Hali Abbas etiam in x. practicæ, duas ponit, in quibus recipitur absinthium græcū: omnes enim aliquialiter differunt ab ista. Scribitur etiam nū & ab Actuário in de medicamentorum compositione. Pastillus amarus, cuius descriptionis simplicia omnia sunt in ista descriptione filij Mesuæ: non obstante quod ipse filius Mesuæ præter illa, habeat alia plura simplicia in ipsa descriptione. Possūmus ergo dicere, quod ille est pastillus, scilicet trochiscus absynthij ipsius Actuarij. Dicitur autem amarus, ab amaritudine absynthij, & amygdalarum amararum ingredientium.

*Confectio Trochiscorū de eupatorio &c.* CCLIII.



NA duntaxat excepta, omnes impressiones quas vidimus, mendosè habent in præfenti descriptione: Tereniabin, succi eupatorij, ana 3. j. Legèdum est autem rectius, ana 3. j. Vt cuncta exemplaria, & Luminare Maius, & cæteri habent. Ponit nempe Actuarius suū pastillum de eupatorio, sed lōgè differt ab ista descriptione. Auicenna etiā in quinto cañ. habet vnā descriptionem similiter differentem. Ioannes Serapionis quoq; in 7. habet suam descriptionem, cuius titulus est: Trochisci auctrion: & est eupatorium, sed non est similis huic. Hali Abbas etiā habet vnam descriptionē, cuius inscriptio est: Gafeti trochisci. Gafeth enim idē est quod eupatoriū. Sed neq; ipsa cōuenit in omnibus cū ista filij Mesuæ. Succus autē eupatorij accipiendus est ex eupatorio ab ipso Authore descripto. Lege de eo in syrupo de eupatorio.

*Gafet quid.*

Con

*Confectio Trochiscorum de aniso &c.* CCLIII.

*Confectio alia Trochiscorum de aniso, & sunt trochisci de decem medicinis &c.* CCLV.



**P**RIMA istarum confectiōnū scribitur à filio Serapionis in 7. & ab Auicenna in quinto sub hoc titulo, scilicet trochisci de aniso. Secūda autē ponitur ab eisdē sub alio titulo. Et hīc est Trochisci de decem medicinis. Quod etiam Author noster notauit in sua, cum dixit: Et sunt trochisci de decem medicinis. Veruntamen differūt inter se in quibuscū paucis ipse descriptiones.

*De Aniso.*

**N**otissimū est Anisi semen, & ipsius herba à multis nō ignoratur: quia pluribus Italiae locis, sicut & in multis alijs provincijs seritur. A Dioscoride Creticum magis commendatur. Auicenna autem Romanum laudat: vocatq; ipsum feniculum Romanum. Hispanicum verò est deterius, secundum Serapionē. At Platearius refert anisum, alio nomine vocari cuminum dulce. Loco eius, secundum Auicennam, carui ponitur.

*Anisi loco  
quid sumen  
dum.*

*Confectio Trochiscorum de lacca &c.* CCLVI.



**S**IMPLICIA praesentis confectiōnis per nōnulla exemplaria scripta sunt cum ana 3.ij. Et nihil refert. Quia cum sint omnia simplicia vnico conclusa ana, per plus, vel per minus, nihil impedit posse scribi. Imò partes aequales, esset melius scribere. & sic habet filius Serapionis. Lacca mundata, scilicet abluta. Vbi notandum quòd secundum plurimorū opinionem, lacca medicinis non est admiscenda, nisi abluta. Et sic semper debet intelligi, cum absolute legitur lacca. Praeterea scribūtur trochisci de lacca, à filio Serap. in 7. ab Hali Abbas in x. practice, à Rhafi in nono ad Almanforem, cap. de dolore hepatis: & in antidotario diuisionum, cap. de medicinis hepatis: & ab Auicenna in quinto casu. duplices. In nulla tamen ipsarum descriptionum ponitur, cum quo liquore sint excipiendi, seu informandi ipsi trochisci: quia neque Author noster (vt suprà diximus) in hac sua notauit descriptione. Ex iunioribus autē nonnulli dicunt conficiendos esse cum vino. Alij autem, vt Luminare Maius in Dialacca magna, & in praesenti descriptione, cum decoctione aristolochiae, & squinanti, scilicet cum ea decoctione cum qua abluatur ipsa lacca.

*Lacca abso-  
lutè.*

lacca. Et alij opinantur debere fieri cum decoctione, vel succo absynthij, seu eupatorij, vel apij, vel alterius rei inibi descriptæ. Quorum opiniones nec approbamus, nec reprobamus. Melius tamen nobis videtur, si consulatur medicus in his & similibus accidentibus. Lege etiam de hoc in trochiscis de rheubarbaro. Et de lacca, & eius ablutione, vide in Dialacca magna.

. *Cōfectio Trochiscorū de terra sigillata &c.* CCLVII.



ARO præfens descriptio temporibus nostris habetur in usu. Et (vt patet in litera) est de inuentione ipsius filij Mesuæ. Rhafis euidem in nono ad Almanforem, cap. de sanguinis proiectione cum spūto sine vomitu, habet vnam descriptionem, & eandem habet in antidotario diuisionum: videlicet, in fine capituli de medicinis tussis, & asthmatis &c. differt tamen ab ista. Ab Actuario etiam scribitur pastillus iphragis, id est sigillum cogno Pastillus minatus: quod est idem quod trochiscus de terra sigillata. Sed sphragis. multum differt ab ista descriptione.

*De sanguine Draconis.*

Sapiētissimè equidem Antonius Musa Brasaulus de sanguine Draconis pertractauit. Vnde in rei veritate, nec sanguine draconum, de quo Plinius cap. 7. libri trigessimū tertij loquens, asserit esse sanguinem draconis, scilicet animalis, elephantis sanguine permixtum &c. qui & cinnabaris dicitur: non obstante Cinnabaris. quod cinnabaris de pluribus dicatur æquiuocè: neque sanguine draconis Serapionis (qui est herbe achilleæ, scilicet millefolij succus, de qua herba Dioscorides sub nomine sideritis loquitur) vti Sideritis. mur, sed in sequenti usu duæ res pro draconis sanguine, venales habentur: de quarum nulla, adhuc probum Authorem pertractantem legimus. Et vna ipsarum (quæ iudicio nostro est dete- Sanguinem rior) Venerijs & alibi factitatur, ex sorbis contusis, bolo non ar- draconis sup- meno, & caprarum siue hircorum sanguine, alijsq; diuersis re- plenita. bus, & placetarum more partes formatas, furno seu clibano, aut sole desiccant: quod & tetigit Plinius in præcitato loco. Vt plurimum tamen in equorum & similibus medicaminibus, his placentis vtuntur. Licet multos non pudet ad humanorū corporum vfuseas quandoque administrare. Altera res est succus, & lachry- Lachryma ma quarūdam magnarum arborum, in insulis Lusitanorum nu- sanguinis per inuentis copiosè nascentium. Huiusmodi etenim plantarum draconis. sarculum (mercatore quodam amico nostro mediante) Romæ viret

virentem habuimus, quem diligenter plantauimus, sed haud creuit. Vlyssiponæ autem vidimus ingentissimas huius generis arbores. Sunt nempe tanquam columnæ, vnica cimatoræ, more datylorum, seu palmarum, absque ramis. Folia sunt eis simillima spatulæ fœtidæ, crassiora tamen. Cortex verò arboris est subcinericius, & vnâ cum tota arbore rubri succi plenus. Scarificataq; arbos tempore congruo emittit lachrymas sanguineas, quas more gummi condensatas abradunt è cortice incolæ, nec vilius vendunt. Multi etiam lignū eius frustatim incisum ebullire faciunt, decoctionemq; huiusmodi igne aut sole condensant &c. Vtrunque enim sanguinem draconis appellant. Sed longè melior est lachryma, seu succus collectus, ligni decoctione. Si verò hic sanguis draconis arboreus æquipolleat sanguini draconis verò, scilicet cinnabari præfato, vel succo herbæ achillæ sideritis (qui est sanguis draconis Serapionis) nescimus. Sed melius putamus esse, vt succo dictæ sideritis (dummodo textus Serapionis non sit eo in loco deprauatus, seu malè trāslatas) vel vt succo lactucæ cum auctoritate Auicennæ, quàm alia re, absque vllō Authorum testimonio. Lege Brasaulum. Auerrois autem in quinto Colliget, ponit sanguinem draconis, cap. de mineralibus, intelligēs (vt putamus) pro sanguine draconis, cinnabarum mineralem.

De *Ipoquistidos*, & *Ephystidos*, siue *heuphistidos* &c.

**Hypocistis.** Licet pro recto genitius scribatur, & proferatur, ac indeclinabiliter habeatur ipoquistidos, quod rectius hypocistis est: tamen semper intelligitur in Arabum libris pro fungo: siue cythino nascenti ad radices plantæ barbæ hircinæ, vel pro succo ipsius fungi. Barba hircina Latine, Græcè autem cistos dicitur. Heuphistidos autem, vel henfistides, vel similia multa, quæ suprâ, scilicet in modo cōfectionis iacur notauimus, nō est ipoquistidos, vt plerumque ex iunioribus credunt, ac decipiuntur. En apertè probatur per præsentem cōfectionem, in qua vtrunque recipitur. Et non putet aliquis esse mendam in litera: quia cuncta exemplaria antiqua manuscripta (nullo penitus discrepante) similiter habent. Vnde malè fecerunt nonnulli, qui ab ista descriptione deleuerūt vnum ipsorum, scilicet henfistides, quod debet esse, & admodum conuenit huic cōfectioni. Igitur henfistides (siue vt mauis heuphistidas, vel alteriusmodi consimile appellare) est succus foliorum & florum dictæ plantæ barbæ hircinæ, apud Arabes: & non succus fungi præfati, qui apud ipsos ipoquistidos dicitur. Musa Brasaulus etenim super hoc non rectè dicit Auicennam non cognouisse

gnouisse quid esset: quia fecit tria capitula de eo in secundo cañ. scilicet capitulum de barba hircina, capitulum de henfistides, & capitulum de tarathit. Vbi videndum, quod Auicenna non male fecit, cum de diuersis diuersa scripsit capitula. Nam in capitulo de barba hircina, loquitur de planta in generali: in capitulo autem de henfistides, tangit tantummodo succum ipsius plantæ: & in capitulo de tarathit, pertractat de fungo radice eius. Non obstante, quod aliquando accipiat henfistides, siue heufistides (quod idem est) pro ipsa planta. Vt apud Hali filium Abbas in secundo practica, cap. 34. dicentē. Lichieebat, vel Leieeltē, quæ Græcē Eufistides &c. Similiter & Serapio in vno met cap. de prædictis succis, scilicet de succo plantæ, & de succo fungi, distinctē loquitur. Item in synonymis Serapionis legitur heufistides, id est succus plantulæ, quæ dicitur planta hircina. Item præfatus Auicenna in quinto tractatu secundæ summæ quinti cañ. habet tres trochiscorum descriptiones conferentes ad sputum sanguinis: quarum prima habet magnam similitudinem, & convenientiam cum ista filij Mesuæ. Et in sexto tractatu eiusdem secundæ summæ, cap. de intestinis habet aliam descriptionem, cuius titulus est: Trochisci alfenginati. In quibus omnibus legitur speciatim: Succus barbæ hircinæ, scilicet plantæ. Vbi autem voluit succum fungi, scripsit ipoquistidos. Similiter filius Serap. in 7. habet plures trochiscorum descriptiones conferentes ad profluuium & sputum sanguinis: & aliquæ ipsarum in multis cōueniunt cum ista filij Mesuæ, in quarum pluribus est specificatē positum: Succus barbæ hircinæ. Sed clarius ibi, in descriptione trochiscorum de arsenico Albambd: & in alia immediate sequenti, cuius titulus est: Trochisci conferentes ad excoriationem, & solutionem &c. in quibus legitur ambo immediate in his verbis. In prima videlicet: Succus Altharathit: aut succus barbæ hircinæ. In secunda autem: Succus altharathit: & succus barbæ hirci. Igitur vterque succus, condensatus supple, scilicet succus plantæ, & succus fungi ponendus est in præfati trochiscorum cōfectione. Et sic semper pro henfistides, seu pro succo barbæ hircinæ, intelligendus est succus plantæ, & non fungi. Veruntamen in defectu vnius, per alterū est supplendum. Etiam loco ipsorum, acacia, & quædā alia succidanea, quæ notantur ab Auicenna in fine capituli tharathit, possunt substitui. Sed nota quod fungus barbæ hircinæ, licet sub nomine fungi appelletur: tamen formam aliorum fungorum nō sequitur. Unde rectius nobis videtur debere dici Leoncistis: quia similibus est leoni

Leoncistis.

leoni fabarum, & cæterorum leguminum, qui Græcè Orobanche dicitur: vulgò autè flammula, & sporchia appellatur. Quæquidem flammula, radicibus plantarum leguminum annascens, nec *Cisti fungus* cateas. Et in hoc differunt inter se fungus cisti & flammula, scilicet quòd ipse fungus non interficit plantam cisti: quamvis non *in quo dicitur* credimus ipsam plantam sine aliqua sui læsione generare ipsum *fert à leone* fungum. Et non in omnibus plantis sui generis reperitur. Nec *leguminis.* attollitur ipse fungus, vt flammula, rarissimè dodrantalem transcendit altitudinem.

De Sedenagi.

**P**ro Sedenagi, vel sedenegi (quod putamus rectius) intellige in præsentī descriptione semen cannabis. Lege de hoc suprà in secunda distinctione.

De Bolo Armeno & Terra sigillata.

*Lutū Armenum.* **E**Nimvero nostra tépestate bolū, siue lutū Armenum penitus (vt verū fateamur) ab omnibus Europæ incolis ignoratur. Quia pluribus de causis ex Armenia amplius non deferitur. De vero bolo armeno loquimur. Quoniam plurimum apportatur bolum ex Apulia, & Germania, alijsq; locis, & quodlibet ipforū abusiue bolum armenum ab Apothecarijs nuncupatur. Nec non & pro bolo armeno vero, talia atque alia diuersa rubricarum genera in medicis compositionibus administrant. Quæquidē nūquā Armeniani maiorem, nec minorem viderunt. Vnde quodlibet ipforum pseudo, siue adulterinum bolum armenum rectius vocari licet. Singulatim autem, aliud bolum Apulum, aliud verò bolum Germanicum &c. Præterea paucis ante annis Venerias deferri iam cœpit aliud bolum, quod vocant bolum armenū finum, & bolum Orientale. Sed vt diligētius probat Brasaulus, neque ipsum est armenum. Imò (vt ipse etiam testatur) est lutū lemnium, scilicet terra lemnia, non sigillata, id est illa de qua sumitur vt sigilletur. Quæquidem terra sigillata vera, terra lempia est, & varijs temporibus varijs fuit munita sigillis. In præsentiarum autem turchico sigillo imprimitur. Vidimus etiā plures alias pseudo terras sigillatas: videlicet, aliam cineritiam, lutum figuli admodum imitantem, aliam rubram, ex pseudo bolo alijsq; rebus factitātam &c. Præfata tamen, quæ turcharum sigillo munita, ex Lemno insula comportatur, nihil differt à supradictō vocato bolo armeno fino, præterquā in quadam arenula quam habet: quam arenam (vt fertur) non nisi causa retinendi sigilli impressionem, ipsi terræ admiscent: vnde & subalbior est ipso præfato bolō.



bolo: quod bolum nihil penitus habet arenosi, sed totū in ore, vt buryrū liquefcit. Lege super his Brafaulum. Non obftante etiam, quod nonnulli qui ex Constantinopolitana ciuitate venerunt his diebus, afferant contrariū, fcilicet quod hoc bolū armenū finum nuncupatū, nō fit terra lemnia, vt vult Brafaulus, fed quod est verum bolū armenū ex Armenia deuectū: quia nos ignorātes veritatem, nō tenemur potius ipfis, quā Brafauli rationibus præftare fidem. Loco terræ figillatæ autē, administrare dictū bolum fit *Terræ figillum*, putari esse melius: quia (vt dictū est) pro certo tenetur, *Luce loco* quod fit ipsamet terra, purior supple, & sine arenula illa. Etiam *quid sumens* pro vero bolo armeno in necessitatibus, dictū lutū, siue bolū lemnū subministramus. Reliquis autem pseudo bolis & adulterinis terris non vtinur, nisi in medicinis equorū, & asinorū, & similitū. Igitur in præfenti descriptione, vel duplicetur pondus dicti boli fini: vel (si magis placebit) ponatur pro parte sua, terra figillata fina &c. Item in carentia vnius, alterum est substituendum.

De Arnoglossa.

**Q**uod Græcè Arnoglossa, vel arnaglossa (vt aliqui scribunt) dicitur: Latine agni lingua, aut ouis lingua: vel inuersis dictionibus, lingua agni, & lingua ouis interpretatur. *Agni lingua* Arna enim Græcè, secundum Ioannē Ianuensem, agna Latine dicitur. Et arnon Græci, Latini agnū nomināt, & glossa lingua significat. *Ovis lingua* Vocatur etiānum Latine plātago: cuius species secundum Dioscoridē duæ sunt, scilicet maior & minor. Maior enim notissima est, & vulgò appellatur septineruia, & multineruia. Quibus appellationibus correspondēt Græcè Heptapleurō, siue Heptaneuron, & polyneuron. Minor autē est illa, quæ à multis Lanceola vocatur. *Septineruia* Non obstat quod à Dioscoride hoc nomē, scilicet lanceola, secundū Ioānis Ruellij & Marcelli traductiones, lōchitidi adscribatur, & nō plantagini. Author enim noster distinguit arnoglossam in amplā & longā. Vt probatur per ipsum in emplastro arabico, & alibi. Sed per amplā, intelligit plantaginē maiorem: & per longā, plantaginē minorem, scilicet lanceolā dictā. Est præterea & tertium genus plātaginis, quod licet à Dioscoride nō præcisè scribatur, verūtamen passim inuenitur. Et est medium inter maius & minus, cuius folia sunt plana, in quibus singulis quinque tantum sunt costæ. Quæquidē tertia species in quibusdā locis Italiae, vt in Apulia, quinqueneruia nominatur. Et Calabri adhuc ex parte græcissantes, ipsam pentaneruia appellāt. Hæc itaq; species, *Pentaneruia* notat Ioānes Agricola Ammonius in primo libro suæ herbariæ uia.

*Arnaglossa  
absolutè.*

medicinæ. Sed ubi absolutè legitur (vt in præfenti descriptione & in similibus) semper de maiori intelligitur. Quâuis nulli dubiū sit, aliā pro alia posse substitui. Demū aduerte q̄ pro huiusmodi quæ in præfenti descriptione habētur, & similibus aquis, intelligitur succi, vel decoctiones, seu infusiones, & nō aquę sublimatę, vt superius iā probauimus. Et similiter ubi dicit Author in præfenti descriptione: Da cum aqua spodij &c. intelligitur aqua infusionis ipsarū rerū. Nō enim distillātur spodiū, gummi, bolū armenū & spica, quod quidē valde fatuū esset & cogitare. Et quòd debet esse infusio, potest probari per vnā quasi similit̃ trochiscorum descriptionē 7. Breviarij filij Serap. cuius titulus est: Trochisci Ioānis, ad illū qui spuit sanguinē. In cuius fine describitur propinatio ipsorū fieri cum aqua, in qua infusa sint spodiū, & gūmi, & bolū armenum, & folium. Sed Author noster loco folij, habet spicam, quæ potest poni in defectu ipsius folij. Et fortasse etiam sua tempestate, folium verum, scilicet malabatrū, vel malobatrū, sicut & nunc nō deferēbatur: quamobrē ipse in sua descriptione permutauerit, ponens pro eo æquiualens, & bonum.

*De Virga pastoris.*

*Librū V=*  
*neris.*

*Polygonū.*

Sciendum quòd Pandectarius errans ipse tribuit ansam pluribus iunioribus errandi. Quia in suo cap. quod incipit, Dipieus: duo capitula Serapionis immiscuit, scilicet capitulum 106. quod est de cardo dipsaco, scilicet de labro Veneris & capitulum 351. quod est de Virga pastoris, scilicet de sanguinaria, seu polygono. Et ad authoritatem Serap. de dipsaco, ponit capituli titulum, Harsiharbai: addens quòd Latine dicitur Virga pastoris. Quæ quidem verba in dicto 106. cap. Serap. (quod semicorruptè incipit Dibsacos, pro Dipsacos) minime legūtur. Vnde (vt dixi-

*Dipsacum*  
*non est vir-*  
*ga pastoris.*  
*Leonharti*  
*Fuchsj*  
*er-*  
*ror.*

mus) plurimi iuniores eū sequuti, hallucinati sunt, putātes dipsacum esse virgam pastoris: quod est falsum. Inter quos etiā Theodoricum Dorstenium in suo Botanico, & Leonardum, siue GerLeonharti manicē Leonhartum Fuchsiū, in suo de Historia stirpiū, hallucinatissimos his diebus legimus. Qui etiam Leonardus falsissimè in hoc reprehendit Serapionis interpretem, cum sit potius ipse carpendus. Item dictus Pandectarius ponit aliud capitulū, quod incipit, Harsiharbai: vbiloquitur etiam de vtroq; polygono &c. Nam si credendum est Serapioni, & Auicennæ, magis quàm Pādectario & ipsum sequutis, Virga pastoris nō erit dipsacus siue dipsacum: sed sanguinaria, quæ & seminalis dicitur, scilicet polygonum Dioscoridis. Vt patet legenti capitula Dioscoridis de sanguina

*Seminalis*  
*herba.*

guinaria mascula, & de sanguinaria foemina, & conferri cap. Serapionis de Virga pastoris, quod incipit: Basialrahagi, id est Virga pastoris. In quo cap. ipse Serapio descripsit vtrūq; capitulum Dioscoridis de sanguinaria. Auicenna autem, licet non describat in suo cap. de Virga pastoris, liniamenta plantarum: convenit tamen cum Dioscoride & Serapione, quod est mascula & foemina. Quod quidem non verificatur de dipsaco: quoniam nullus est qui scribat dipsacum inveniri masculam & foeminam. Item ipse Auicenna dicit masculam virgam pastoris esse foemina fortio- rem: quod sanè testatur per Dioscoridem in fine capituli sanguina- riæ foeminæ. Item Bellunensis in dicto cap. Auicennæ, pro Virga pastoris, rescripsit in margine, Hassa alrhahi: quod cõvenit esse idem cum basialrahagi quod est in principio capituli Serap. de Virga pastoris. Ergo capitulum Auicennæ de Virga pastoris, & capitulum Serap. de eadem, sunt vnū & idem, cum capitulis Dio- scoridis de polygono. Igitur nulli dubium sit, virgam pastoris Arabum, esse polygonum Dioscoridis, & non labrum Veneris. Præterea admodum erit mente captus, qui dixerit huic cõsecu- ni magis competere dipsacum, quàm polygonū. Nam tota prin- cipalis intetio istorum trochiscorum (vtrique in litera) versatur circa sanguinem restringendum. Atqui sanguinariam non so- lūm Dioscorides, Plinius, & cæteri famosi authores scribūt pro-  
Sanguinem  
sistētia.  
fluuium sanguinis vndecūq; sistere: verum etiam & omnes iunio- res illud idem testantur. Vnde & sanguinaria dicta est. Labrum Veneris autem nullus est qui dicat huiusmodi facere. Ex quo se- quitur, quod virga pastoris Serapionis & Auicennæ, & cætero- rum Arabum, cuius operationes & proprietates sunt eadem, quas Dioscorides, Plinius, & cæteri polygono tribuunt, & præ- fertim de sistendo sanguine, nō est labrum Veneris, scilicet dipsa- cum. Sed verè est ipsa sanguinaria. Etiā Auerrois in quinto Col- liget scribit virgam pastoris intercipere fluxū sanguinis, à qua- cunq; parte veniat. Ergo &c. Sed quando absolute describitur,  
Sanguinaria  
absolute.  
de mascula semper intelligitur. Animaduertendum autem quod Plinius describit quatuor polygoni genera, & non satis clarè de eis loquitur. At per quartum genus, ponit illud polygonatum, quod vulgò fraxinella dicitur. De quo & Dioscorides immedia- tè post sanguinariam foeminam, cap. facit. Item nota quod vir- ga pastoris, præter nomenclaturas à Dioscoride positas in cap. de polygono, vocatur alijs atq; alijs nominibus. Vnde hæc sunt ipsius synonyma, Arrhis, Asfaltos, Carcineros, Centinodia, Chi-

liophyllos, Cynochala, Clema, Cnopodios, Corrigiola, Chulmu-  
lum, Chulum, siue Cuculum, Heraclea, vel Heraclia, siue Hercu-  
lea, Geniculata, Genitura herois, Lingua passerina, Millefolium,  
Myrtopetalos, Pedalion, Polycarpus, Polygonatos, Polygonia,  
Polygonum, Proserpinaca, vel Proserpinata, Sanguinaria, Se-  
minalis, Stemphis, Thephis, vel Telphis, Teuthalida, Virga pa-  
storis, Viticula, Vnguis muris, Zarithea, & alia plura. Virga pa-  
storis foemina, scilicet sanguinaria foemina etiam, vulgò a, non-  
nullis dicitur Cauda vulpis, siue cauda vulpina &c. Vtraq; enim  
sanguinaria notissima est.

*Cauda vul-  
pis.*

### *Confectio Trochiscorum de croco &c. CCLVIII.*



**H**OC sanè in loco, scilicet immediatè post descri-  
ptionem trochiscorum de Terra sigillata, per vni-  
uersas impressiones desunt duæ trochiscorum de-  
scriptiones. Videlicet: Confectio trochiscorum de  
croco præsens, & confectio trochiscorum de arse-  
nico sequens. Quas quidem in cunctis ferè exemplaribus inueni-  
mus, & debent esse. Igitur descriptio trochiscorum de croco hæc  
est: Confectio trochiscorum de croco, conferens ad internos ca-  
pitis dolores, & hemicraneam difficilem, & sâhara vehementem.  
Recipe Croci aur. vij. s. Cholcothar aur. v. Aluminis, aur. viij.  
Myrrhæ spicæ, ana aur. j. s. Omphacij, calchadis, ana 3. j. s. Gum-  
mi, aur. ij. Fiant trochisci cum vino stiptico. Et cum necesse fue-  
rit dissoluatur vnus, cum aceto permixto cum aqua rosacea, &  
liniantur frons, & tempora. Si autem in sonneitatem patitur,  
Opij aur. iij. addes. Hucusq; Describitur etiam hæc confectio, in  
paucis tamen differens, ab ipso filio Mesuæ, autoritate Alexan-  
dri, in cura de Hemicraneâ calida. Item vnâ aliam descriptio-  
nem habet in fine capituli de synanchia gutturis. Luminare Ma-  
ius quidem describens trochiscos de croco Auicennæ (qui ha-  
bentur in fine capituli de cura sordæ calidæ, quod est xj. capitul.  
secundi tractatus, primæ sen, tertij canonis ipsius Auicennæ.  
qui trochisci parum differunt ab istis) dicit dubitationem suam  
super his. Quia cum sit, quod ipse filius Mesuæ, in tractatu de so-  
da frigida, citet hos trochiscos, in his verbis, Et eodem modo  
trochisci de croco dicti in antidotario. Ipse autem nusquam re-  
perit eos, At nos quidem probamus per plura exemplaria, ipsos  
deesse in libris impressis. Vnde modo & dubitatio ipsius soluta  
est, & citatio authoris probatur vera. Quia defectus librariorum  
non

non sunt auctoribus imputandi librorum. Bartholomæus Montagnana quoq; in suo antidotario habet trochiscos de croco, differentes tamen ab istis.

*De Croco.*

**C**ROCUS, vel crocum, utroq; genere legitur. Attamen aliqui faciunt differentiam inter florem & herbam, asserentes quod crocus est flos, & crocum herba. Sed nos quidem in libris non pauca autoritatis & optimæ latinitatis, utroq; (ut diximus) genere inuenimus, tam florem, quam herbam scribi. Reperitur etiamnum præter Cnecum, siue Gnecum (quod à nonnullis syluestre crocum dicitur) & aliud crocum syluestre, quod in montibus nascitur, satiuo simile, sed non colligitur: quia parum lucri colligentibus præstat, ob id, quia minima sunt in eius flore illa tria fila, quæ particulariter crocum esse dicuntur. In montanis pratis plurimum nascitur &c. Crocum autem, vulgò hodie quasi omnes, Arabico videntur vocabulo, Saphranum, siue Zaffaranum vocant. Arabicè quidem (ut in Serapione legitur) Zahafaran dicitur. Notissimum est in Italia, & pluribus feritur locis. Sed ex his satiuum, & præcipuè Sulmonense magis commendatur. In corne pyfide (ut Plinius scribit) optimè asseruatur. Platearius verò dicit seruandum esse crocum in sacculo stricto de corio, per quinque annos. Etiam præfatus Plinius asserit crocū non solui melle, nulloq; dulci, scilicet confimili, ut iulep, sapa &c. Quod quidem experientia docuit nos esse verum.

*De Colchotar & Calchade.*

**L**ONGUM foret disputare de vitrioli (vulgò cuperose) generibus, siue speciebus, & res sanè parui momenti. Cum sit, quod ex omnibus speciebus altera pro altera potest substitui. Colchotar autem, & calchadis, siue calcadis, species sunt vitrioli: sed non sunt vnum & idem, ut nonnulli falsò putant. Non obstante etiam quod interpretes aliquando pro calcitis (quod est calcadis) falsò interpretati non sunt colchotar, accipientes speciem pro specie. Et quod non sint vnum & idem, non solum probatur per huiusmodi trochiscorum filij Mesuæ & Auicennæ descriptiones, in quibus ambo recipiuntur: sed & per capitula ipsius Auicennæ, necnon & Serapionis. Vnde lege in secundo cañ. Auicennæ capitulum de atrimento, siue atramento: & capitulum de calchanto, & capitulum de colchotar, siue colcotar. Et in Serapione capitulum de vitriolo, & de calcantho, & reperiēs omnes vitrioli species. Quia quamuis parum differat

*Cuperosa* inter se, attamen diuersæ sunt species. Cuperosa autem, idem est quod vitriolum. Pro colchotar igitur intellige vitriolum citrinum: & pro calcade vitriolum album, id est calcitum: Et pro calchato vitriolum viride. Est præterea & quarta species, quæ corrui

*Sori* quid. pro vocabulo apud Arabes vocatur alfuræ. Sori enim rectè dicitur, pro qua intellige vitriolum rubeū. Auicenna sic distinxit. Pro qualibet istarum specierū autem, vitriolum (quod vulgò Romanū cognominatur) administra. Et vel fit e Balneo regio (oppido non longè ab Vrbe fito, vbi hodiernis temporibus in magna conficitur copia: quod verius Romanū esse putamus) vel fit e Cyprio insula, vel Germanū, vel aliūde, nihil aut satis parum, & non de eo curandū refert. Item sciendum quòd cuperosa, seu vitriolum reperitur duplex, scilicet minerale, & artificiale. Sed minerale est melius, quàm factitium. Vnde dicit Serapio in chalcanto, seu calchanto: Illud verò quod fit artificialiter, est bonum ad faciendum encaustū scriptorū magis, quàm ad vsum medicinæ. Sed animaduertendū quòd mendosi codices multoties sunt causa impingēdi in errorē etiam & doctiores. Legitur enim (quamuis mendosè) in quinto Breuiarij filij Serapionis, capitulo videlicet trigessimoprmo, quod est de eruptione sanguinis ex matrice: in vnus pessarij descriptione, sic: Et sanguis draconis, & calchadis, & est chalcantum, cuius color est viridis. Nam quando antiquatur, fit calchadis colcotar, & sumach &c. Igitur secundum istam descriptionē, omnia, nempe de calcade, calchanto, & colchotar cōfundūtur. Sed reuera est mēda in litera, quam non animaduertit Luminare Maius. Sic itaque rectius in vno exemplari (quod vidimus) legitur: Et sanguinis draconis, & calchadis, & calchanti (cuius color est viridis: nam quando antiquatur, fit calchadis) & colchotar, & sumach &c. Enimverò ipse filius Serapio in loco non dicit quòd calchadis fit chalcantum viride, quod est falsum: neq; quòd calchadis fit colcotar, quod etiā est falsum, & contra Auicēnam aliosq; Authores asserentes chalcadem esse album &c. Sed volens ibi tres vitrioli species, scilicet calchadis, chalcanti, & colchotar, scripsit primā: Et calchadis. Hinc secundam, & chalcanti. quam speciē declarās, subsequutus est: Cuius color est viridis. Moxq; adiunxit proprietatē ipsius, dicens: Nam quando antiquatur (supple ipsum chalcantū) fit calchadis. Hinc adducit cum copula, tertiam vitrioli speciem, scribēs: Et colchotar. Sequensq; suam pessarij descriptionem, dicit: Et Sumach. & cætera vsque in finem. Et sic ipse filius Serapionis non est contra-

rius Auicennæ: imò ad literam illud idem scribit. Vnde sciédum quòd calchadis est vitriolum antiquatū, quod ex temporū diu- *Calchadis.* turnitate album effectum est, quasi ad hominis similitudinē, qui senescens canos producit. Calchadis pro chalcitis, corruptè Arabicè scribitur. Nam chalcantum, secundum Galenum, teste Hermolao, corollario 950. tempore in chalcitin lapidē mutatur. Alij autem aliter de hoc non rectè scribes, confundunt plura & pro chalcuantos, quandoque chalcantum intelligunt, & e contra. Cum chalcuantos, siue chalcantos minus rectè, aut per syn copam, sit aliud à vitriolo chalcantio. Chalcuantos enim non vitriolum: sed flos æris est. Lege Hermolaum. *Chalcuantos.*

*De Alumine.*

**A**luminum scitur quòd plura sunt genera. Sed quando ab- solutè (vt in ista descriptiōe) reperitur, de Alumine Roche *Alumē ab-* cognominato intelligitur. Quod quidem ex quibuscumque quasi la- *solutè.* pidibus, prius tamen in fornace calcinatis, deinde per ebullitionem & c. arte paratur. Et hoc notissimum est. De omnibus autem aluminum generibus, lege Brasaulum.

*Confectio Trochiscorum de arsenico &c. CCLIX.*



**A**EC est altera Trochiscorum cōfectio quæ non inuenitur in impressis libris. Cuius descriptio (vt habetur in maiori exemplarium parte) sic est: Cōfectio trochiscorum de arsenico. Et sunt boni ad excoriationem, & dysenteriam, & ad herpetē. Accipe arsenici citrini 3. i. calcis non extinctæ 3. xij. acaciæ (chartarum combustarū) fecis aceti adustæ, aluminis, balaustij, ana 3. ij. colchotar, floris æris, ana 3. v. Terātur cum aceto, & stent in sole per dies x. & fiāt trochisci, & reponantur in vase vitri, & stringatur os eius, & ponatur vas in vase vbi fuerit acetum. Et sunt ultimi. Et quādo inuitat necessitas, ponūtur in eis opij 3. iij. Hucusque. Veruntamen ipsam descriptionē in dictis exemplaribus inuenimus variatā in vno, videlicet quòd aliqua habet, chartarū combustarum: & aliqua eo in loco, Tartari cōbusti. Quod autē melius, vel rectius sit, haud diffinire audemus. Posuimus tamē chartarum combustarū: tum quia maior numerus erat ipsorū taliter habentium, tum etiā quia Ioannes Serapionis in duabus trochiscorum de arsenico descriptionibus, quarū tituli sunt: Trochisci de arsenico Albambd. & Trochisci cōferētes ad excoriationē, & solutionē &c. habet similiter chartas cōbustas, & non tartarū.

In tertia autē descriptione, quæ post præfatas sequitur, cuius titulus est: Trochisci qui dicuntur sotira. ipse Ioānes nihil horū habet. Item Hali Abbas in decimo practicæ habet, trochiscos de arsenico, in quibus similiter recipiuntur chartæ cōbustæ. In nulla quippe prædictarū legitur penitus tartarū cōbustum. Vnde cōiectauimus verius esse chartarū cōbustarum, quàm tartari combusti legendum. Sed nolentes nos in totum delere tartari combusti, quoniam est suspicandum in ipso, ob id quod sequitur post ipsum, scilicet fex aceti adusta, quæ quasi eiusdē proprietatis dici potest: ac etiam quia in descriptione huiusmodi trochiscorū in Nicolao Præposito legitur (forsan in suo exēplari sic erat) ideo nos cum signo in margine à fronte notauimus: vt si cuiuspiam vel melius videbitur (de perito loquimur) valeat permutare ipsa. Consulimus tamen, vt vtrunq; simul in textu non scribāt: ne forte in futuro alicui in errorem ducantur, putantes vtrunque recipiendum esse in ipsa descriptione. Præterea habet & Auicenna in quinto canone trochiscos recipientes arsenicum, quorum inscriptio est: Trochisci Andromachi conferentes ad expulsionem sanguinis. Rhasis quoque in nono ad Almanforem, cap. de gingiuis sanguinolentis, habet vnam descriptionē. Et in antidotario diuisionum, cap. de medicinis ad fœtorem oris, habet aliam: & cap. de medicinis tussis, & asthmatis habet aliam. Omnium tamen descriptiones differunt ab ista filij Mesuæ.

*De Arsenico.*

**A**rsenicum & auripigmentum idem est, vt per omnes Authores probatur. Dioscorides quidem duo arsenici genera facit. Alterum aureum, hoc est citrinum: alterum verò pallidum, glandis figuram imitans. Scribit etiamnum & sandarachā, quæ est eiusdem materiæ, ac in eisdem fodinis colligitur. Vnde & tertium genus ipsius arsenici dici potest. Vel (si mauis) dices arsenicum, scilicet auripigmentum, esse sandarachæ speciē. Quod nihil facit ad rem. Et sic erunt tres sandarachæ species. Sandaracham autem intelligimus mineralem, de qua Dioscorides, Galenus, Paulus, Plinius, & cæteri probi Authores loquuti sunt, non autem gunni iuniperi, quod etiam Sandaracham, & vernicem vulgò appellant. Serapio nepe illud idem (quamuis non ita clare) vt Dioscorides scribit, & sandarachā sub nomine auripigmenti rubei pertrahat. Auicenna similiter cap. de arsenico, in secundo can. tria genera notat, scilicet album, citrinū & rubenum. Sed putamus pro albo intellexisse quod Dioscorides asserit esse pallidum.

*Sandarachæ  
cōsideratio.*

*Vernix gunni.*



dum. Et pro rubeo, sandaracham antiquorum designat. Vnde dicit: Et suo odore similatur odori sulphuris. Quam notam sandarachæ tantum Dioscorides tribuit. Sunt præterea duo alia genera, quorum alterum absolute arsenicum nominat, quod est album. Alterum verò risagallum vocat, quod quidem est venatum, discolior, scilicet subcitrinum, & album. Quæ duo genera putat plurimum esse factitia, scilicet ex auripigmento, & sandaracha, per sublimationem. Musæ Brasæulus autem asserit eos (qui ita putant) hallucinari, probat ipsa mineralia esse. Legito apud ipsum, quoniam super hoc probe scripsit. Non obstante quod (vel libriorum errore, vel imprudentia ipsius Authoris factum sit) legatur ibi Serapione in suo capitulo de auripigmento, quod incipit, Narneth, tetigisse arsenicum album: quoniam illud (ut legenti patet) non probatur esse verum. Bene autem ipse Serapio (ut putamus) videtur agere risagallum, cum dicit quod est laminosum, habes laminam super laminam. Igitur pro arsenico citrino, quod recipitur in præsentis descriptione, non est sumendum risagallum præfatum, ut nonnulli ex iunioribus dicunt, sed optimum auripigmentum citrinum: & in eius carentia utitur sandaracha, quæ est verum auripigmentum rubeum, siue arsenicum rubeum, quodque inter citrinum sæpe reperitur. Et ex eo excerptam, in nostra officina sandaracham asseruamus. De Sandaracha gummi autem, in oleo de iunipero dicitur. Modus verò comburendi arsenicum, atque sandaracham, & huiusmodi similia, à Dioscoride & alijs pluribus clarè describitur.

*De Calce.*

EX omni lapide siliceo potest fieri calx. Et quanto durior est lapis, tanto calx fortior est. Ex lapide marmoreo mitior habetur. Veneti autem ut plurimum in suis ædificijs vtuntur calce, non ex silice, sed ex quodam gypseo lapide, quæ non est admittenda in medicinis, nisi (saluo meliori iudicio) in defectu gypsi.

*De Charta.*

Charta, chartas, chartha, charthas, carathis vel sineh, vel per k, kartas, kirtas &c. (ut in varijs libris legimus) vnū & idem significant. Sed per chartam non intelligitur in medicinæ libris, membrana pergamena cognominata, quæ fit ex pellibus animalium: neque illa vulgò abusive dicta papyrus, quæ arte ex vetustissimis laceratisque linteolis aqua maceratis conficitur. Cuius usus non modicus hodie est in excudendis libris, atque ad scribendum &c. Huiusmodi enim papyrus in usum medicum apud antiquos non venit: quia non multis ante annis modus faciendi ipsam re-

pertus est. Et eius tātum inualuit vsus, quod veram papyrum, siue (vt mauis) papyri chartam, penitus expulerunt homines. Retinentes solummodo ipsius nomen, quod & chartæ nuper inuentæ *Charta antiquorum.* contribuerunt. Charta autem de qua Authores loquuti sunt, ex herba, seu frutice, siue iunco papyro dicta, prius tamen exiccata, parabatur. Quæ certè non solum ad librorum veniebat vsus, verum etiam & medicinæ expetebatur. Olim quidè iam notissima, nunc autem haud est qui eam agnoscat, vel sciat modum faciendi ipsam. Imò (quod peius est) in ipsa papyro, quænam sit, dubitatur. Dioscorides enim libro primo scribès ipsam, vel ipsum papyrum (vtrouque genere legitur) dicit esse notissimam rem, vnde chartæ tunc conficiebantur. Sed sanè propter chartarum vsus, necessariò ipsis papyrus erat vulgaris & nota: quam obrè substituit eius liniamenta. Nobis autem vnà cum vsu ipsarum chartarum, abolita est cognitio eius. Plinius verò aliquantulum papyrum depingit: at non ita clarè vt à nobis possit dignosci. Serapio autem cap. 101. quod incipit: Burdi, quod est papyrus. & Auicenna capitulo Papyrus: vbi Bellunensis pro burdi, rescripsit berdi: simili liter vt Dioscorides non declarant, sed testantur quod ex eo fuit chartæ. De charta huiusmodi autem, dictus Auicenna separatim facit capitulum. Iuniores verò, vt Simon Ianuésis, Pandectarius, Luminare Maius, & cæteri, Burdi, siue burcdhi, vel burchidhi, vel burdi (quod etiam latinè chartaflagio dicitur) declarant esse speciem iunci lati palustris, vnde Arabes faciunt sextariola, ad ferenda aromata. Bellunensis verò in suis interpretationibus, sic ait: Carthas, vel carathis, est herba iunci exiccata, ex qua constructæ sunt chartæ pro libris scribendis, sicut iam consueuerunt antiqui Aegyptij. Aut per carthas intelligitur papyrus ipsa, seu iuncus exiccatus, & antiquatus. Sicut illud quod assumitur ex stramento antiquo, quod apud vulgares Venetos appellatur stuora. Et fit ex papyro, seu iunco recenti. Hæc ille. Vbi animaduertendum quod secundum ipsum, papyrus est iuncus ille ex cuius genere texuntur stora, siue stuoræ vulgò dictæ, & sportæ. Qui iuncus (vt nonnulli volunt) est carax apud Virgilium Poëtam. Et est aliud à typha. Igitur si ita est, possumus loco chartarum combustarum, ponere tales iuncos ficosos atque combustos. Et certè coniectamus ipsum iuncum, si non est ipsa papyrus, nō multum distare à papyri genere, & loco eius perquam commodè posse substitui. Vt similiter loco præfatarum chartarū ponitur & ipsa papyrus. Non obstante quod Dioscorides, Plinius, Paulus, Serapio,

rapio, Auicenna, & cæteri testentur ipsas chartas combustas esse maioris efficacæ in medicinis, quàm papyrū. Præterea sciendum quod Luminare Maius scribens trochiscos de charta combusta Auicennæ, demit ab ipsis trochiscis ipsam chartā, & tribuit titulo quod erat descriptionis seu cōpositionis. Inquit enim: Dicuntur autem trochisci de charta, licet eorum descriptionem charta non ingrediat. Sed re vera, ipse bonus vir nō benè percepit descriptionis Auicennæ sensum: apud quem, videlicet in tertio cañ. fen. 16. tract. 2. cap. 7. de cura excoriationis intestinorū & vlcerū, post medium, sic legitur: Et trochisci de charta cōbusta. Descriptio trochiscorū: Chartæ cōbustæ 3. x. arsenicorum adustorum, & corticum aris, & aluminis iameni. & cætera quæ sequuntur. Peritis nempe viris, sensus huius literæ est clarissimus. pro minus sciolis autem sic legēdū est: Descriptio trochiscorū. Et hīc fiat pūctus. Et subintelligitur de charta cōbusta prius nominata. Hinc sequitur modū compositionis eius, dicens: Chartæ cōbustæ 3. x. vbi licet subticuerit Accipe vel Recipe, vel simile verbū, tamen subintelligitur. Tanquam si diceret: Descriptio trochiscorum, præfatorū supple, hæc est: Recipe chartæ combustæ 3. x. arsenicorum adustorū & c. ana 3. xij. Apud probos Authores enim raro in principio compositionū ponitur illud Recipe & c. quia semper subauditur, licet non speciatim ponatur in Litera. Luminare Maius autem illas dictiones, scilicet chartæ cōbustæ, attribuit titulo cōfectionis, & illas 3. x. consociauit arsenico. Vbi triplicem commisit errorē, scilicet abstulit chartā, ab ipsa cōfectione, & scripsit in singulari & specificatē, arsenici citrini 3. x. cuius sunt 3. xij. quia est de sequenti ana, & expunxit etiā ab ipsa descriptione duas, vel saltem vnā arsenici speciē. Quia Author, scilicet Auicenna, ponens in plurali, arsenicorū adustorum: intellexit omnia tria genera ab ipso descripta, vel saltē duo, quæ Dioscorides & cæteri ponūt: & non citrinū solum, vt ipse bonus vir scripsit. Frustrā etenim dicerentur de charta combusta, si absq; ea conficerentur ipsi trochisci. Lege igitur recte, vt est in Auicēna: Chartæ combustæ 3. x. arsenicorum adustorum, & corticum aris & c.

De Tartaro. \*

**Q**uamuis (vt putamus) nō sit ponendum in præsentī cōfectione: tamen quia (vt diximus) in aliquibus libris legitur, nolimus intactū præterire tartarū. Est enim duorū generū. Et propriè est illud, quod vulgariter dicimus Rafina de Resmado-botte: Latine autem, Refinā doliorum significat. Abusiue tamen, *liorum.* quoniam

*Refina do-  
liorum.*

quoniam verè non est refina, nec refinæ species. Dicitur autem potius per similitudinem, quàm per proprietatem: quia sicut refina in arboribus & plantis, ita hæc materia in dolijs reperitur. Quamquidem rectius putamus rasinam esse dicendam, videlicet à radendo, quoniam ex dolijs raditur. Ipsi igitur aliud est ex vino, & aliud ex aceto. Ex vtroq; autem, aliud est ex albo, & aliud ex rubro. Intelligendo etiam cum albo & pro albo, citrinum, siue aureum: & cum rubro, nigrū, siue tinctum. Item ex vtroq;, aliud ex lento, & aliud ex acuto, seu potenti. Item ex vino, aliud è dulci & aromatico, & aliud ex austero &c. Horum autem & similia, quælibet species siue differētia per se asseruanda est. Sed quando absolute reperitur scriptum, semper de vino albo, dulci, & aromatico, puta ex maluatico, seu phalerno, vel simili, est intelligendum. Animaduertendum verò, quòd non est sumendū illud tartarum quod inuenitur circa fundum dolij, neq; quod est circa osculi cacumen: quoniam quod est in fundo, est feculentū, & quod est in cacumine participat de spuma ebullitionis ipsius vini. Quod autem reperitur circa parietes laterum dolij (tāquam medium inter extrema) est optimum, & illud est accipiendum. Et quanto plus vinū siue acetum sit vetustius, tanto magis tartarum ipsius sit melius. Competenter enim 3. vna ipsius ex iure sumpta, ac sine molestia viq; quater aluum soluit.

*Confectio Trochiscorum alandahal, qui ponuntur in  
Hiera Hermetis: & alijs confectionibus, loco  
coloquintidæ &c. CCLX.*



ER omnes Latinas impressiones inuenimus in præfenti descriptione vnum mendum valde notabile. Videlicet vbi in ipsis legitur: Accipe pulpæ coloquintidæ albæ, & lenis, & mundæ à granis 3. x. Legendum est rectius, vt est in cunctis exemplaribus, & in vulgari impressione 3. x. Nam pro x. dictæ coloquintidæ, esset valde superflua quantitas olei rosati, scilicet 3. j. Nec sic potest fieri. Igitur lege 3. x. Hæc equidem confectio paratur, non vt administretur sola, sed causa corrigendi coloquintidam, vt loco coloquintidæ ponatur (sicut textus declarat) in hiera Hermetis, & alijs confectionibus. Vnde intentio Authoris declaratur, quòd coloquintida nusquam est administranda incorrecta. Idcirco per trochiscum alandahal, nil aliud est intelligendū, quàm coloquintida præparata, siue correctæ. Et debet stare pulpa ipsius coliq;

*Coloquinti-  
da nō admi-  
nistranda,  
nisi præpa-  
rata.*

coloquintida, oleo rosato bene cōfricata, per spatium tridui ad minus, & dimitatur ad solem vt oleum dilatetur, & transeat per totum: Postea cum glutino inibi descripto fiant &c.

*De Coloquintida.*

**C**Olocynthis, Coloquinrida, cucurbita deserti, cucurbita syluestris, fel terre, nex plantarum, & andal, siue andahal, idem est. Fructus enim ipsius omnibus est notus. Et pulpa tantummodo ipsius fructus administratur in medicinis. Quæ prius tamen, secundum præsentem trochiscorum descriptionem, præparanda est. Author enim noster in suo de simplicibus, de ipsa optimè scripsit: quapropter non iudiget plurima declaratione. Pluries seuimus eius semen, & ex eo plantas habuimus, sed infructiferas. Cœlum enim regionis nostræ non fert ipsas fructificare. Folia ipsius finillima sunt folijs cucumeris viridis magni, potius quàm cucurbitæ, pilosiora tamen. Fructus autem ipsius quanto leuior & albius, tanto melior. Semen verò ipsius habet substantiam albam & vinctuosam, atq; quod mirum videtur, dulcem, vt quilibet experiri potest, lauando prius quàm frangatur perquam optime ipsius semen, & auferendo ipsius corticis amaritudinem.

*Confectio Trochiscorum de Sandalis &c. CCLXI.*



**V**PLICITER inuenimus per libros præsentem descriptionem variatam in vno simplici. Videlicet, quod aliquæ impressiones, & similiter aliqua exemplaria habent scriptum: berberi, aut succi eius. Aliquæ verò & aliqua: ribes, aut succi eius. Veruntamen maior pars est tam exemplarium quàm impressio- num habentium berberi, quàm habentium ribes. Duas tantum impressiones, & totidem exemplaria inuenimus habere ribes. Et est vnum ex ipsis exemplaribus, quod vtrūq; habet scriptum, sic Ribes. & in alio, berberi &c. Nos quidem rectius putauimus stare berberi, propter librorū multitudinē, quàm ribes. Tamē quia in fine ipsius descriptionis ab Authore dicitur: Da cum lacte acetoso &c. aut Rob de ribes: potest dubitari, an eo in loco sit ribes, & non berberi legendum. Sed saluo semper meliori iudicio, nos suspicamur quodlibet ipsorum posse poni: quoniam berberi, & ribes non multum differunt in suis proprietatibus, siue qualitatibus &c. Ab Aſuario scribitur Paſillus Diaſantalon: id est trochiscus de sandalis, quæ ipse santala vocat. Cuius descriptio in multis simplicibus conuenit cum ista descriptione.

## De Sandalis.

**S**andalum, & sandalus legitur, & santalum (vt diximus) apud Actuarium, qui est ex iunioribus Græcis: Vnde multa Arabū simplicia, ac plurimas ipforum cōfectiones &c. habet, quæ apud antiquiores Græcorum non leguntur. Arabes enim de sandalis pertractant. Tria sunt eius genera, & omnia ingrediuntur præsentem cōfectionem, scilicet rubrum, album, & citrinum. Sed citrinum (quod omnes fatentur esse magis aromaticum) amplius non afferitur. Aromatarij hodierni autem excauant in editullium ex albo, asserentes illud esse citrinum sandalum. Sed magnopere errant: quia citrinum, sicut & rubrum, & album, habet speciatim suam arborem. Vnde tres sunt diuersæ arbores, & non duæ. Et enim omnes testantur album esse minus bonum: igitur si citrinum fuisset pars albi, non esset melius rubro. Imò esset inferius eo, quod est contra omnes Authores. Reperitur quandoque scriptum: sandali mahazari &c. quod accipitur pro citrino. Et de hoc satis dictum est suprâ.

## De Lacte acetoso.

**L**ac acidum, siue acetosum, oxygala Græcè dicitur. Modū autem faciēdi ipsum docet nos Author noster cap. de tristis. Inquit enim: Operatio lactis acetosi, est secundū hunc modum: Accipe lac caprinū mundū, habens bonitatem ex sanitate animalis, & cōgruitate pascui ipsius, & extrahatur ex eo butyrū, & dimittatur vna nocte in aëre temperato. Mane autē agitetur vehemēter, & excludatur spuma eius. Est autem lac huiusmodi sedatiuum vehementis caloris, constrictiuum, & consolidatiuū. Hæc ipse. Hoc igitur lacte acetoso debemus vti in suis cōfectionibus: quia & alij modi reperiūtur apud alios. Vt apud Plinium nono cap. 28. libri. Et apud Columellā viij. cap. 13. siue vltimi sui libri &c. Fit etiam *Oxygalactinū* ex acido lacte caseus, à Græcis oxygalactinus dictus, qui similiter vt lac acetosum habet vim cōstrictiuam, teste Paulo Aegineta cap. 37. quarti libri, vbi sic ait: At ex acido lacte caseus (qui oxygalactinus dicitur) vulnera quoque ampliora committit.

## Cōfectio alia Trochiscorū de sandalis &amp;c. CCLXII.



**S**UPERIOR descriptio est magis vsualis, tamē præsens non est despicienda. Vbi autem dicit Author: fiant trochisci, & administrentur sicut primi. Intelligitur quod cōficiendi sunt isti cū aqua porutlacæ, & dandi cum lacte acetoso &c. sicut primi.

primi. Sed per dictam portulacæ aquam, intellige succum, vel saltem ipsius decoctionem, & non aquam distillatam.

*Confectio trochiscorum Hamech &c. CCLXIII.*



STI trochisci aliter trochisci de violis Hamech. Habet nanque Author noster quasi similem descriptionem trochiscorū, in cap. de turbith, Hamech etiam autoritate ubi ait: Inquit Hamech: Fiunt trochisci ex eo, & duplo ponderis ex folijs violarū &c. Item cap. de scammonia autoritate eiusdem Hamech, habet quoque trochiscos de violis huiusmodi: sed loco turbith ponit scammonia. ubi dicit: Inquit Hamech: Accipe duplū eius foliorum violarū &c. Item cap. de violis, videtur tñgere presentes trochiscos, cum dicit: Et quidam addunt quantitati earū medietatē turbith, & faciūt trochiscos &c. Item cap. de Asthmate ponit vnā aliam descriptionem trochiscorum de violis, quasi similem huic in simplicibus, sed recipit scammonia. Rhasis autem, qui (vt probauimus in confectione Hamech prima) est ipse Hamech, in antidotario diuisionum, cap. de medicinis colicæ, habet duas descriptiones differentes ab ista, quarum vna scammoniam recipit. Item filius Serap. in cap. 7. duas quoque habet descriptiones. Hali Abbas etiam in decimo practicæ ponit vnā descriptionem. Item in Antidotario Nicolai sunt trochisci diani, vel diaui. quod putamus minus corruptū, licet imperfectum. Tanquam si diceret, trochisci Diauiolarum. Vnde interpretatur de violis albis. Omnes tamē differunt ab ista descriptione filij Mesuæ. Præterea quia ab Authore pro informatione istorū trochiscorum non assignatur liquor: ideo sciendum quod si humiditas violarum nō sufficerit ad suscipiendum & incorporandum alias res, potest liquefieri tereniabin cum modico optimi vini, & cum eo informandi sunt ipsi trochisci: quia Serapionis filius cū vino informat suos: vel liquefiat cum aqua, quia Hali Abbas aqua suscipit suos. Vel informandi sunt cum mucilagine psyllij (quod putamus melius) quoniam sic Rhasis suos informat. Vel cum aqua violarum, & propriè ex infusione earum. Et sic ipsi trochisci erūt valentiores.

*De Violis.*

**V**Iola, quam vulgò manulam cognominant, notissima est. De qua Dioscorides libro 4. capitulū facit. Vbi dicit ipsam à Romanis violam purpuream nuncupari. Et de ista semper intelligitur, cum absolutè describitur. Est & alia viola purpurea apud

apud Dioscoridem in tertio libro, cap. de viola alba, quam leucoion vocat: ybi distinguit species eius à florum varietate. Vnde illa quæ florem gerit purpureum, viola purpurea dicitur: & quæ album, alba &c. Ex quibus, lutea in medicina præfertur. Quas quidem violas, Arabes keiri, siue cheirij vocant. Vnde suprà nominati trochisci de violis albis Nicolai, ex cheiri albis intelliguntur. Et licet keiri cum flore purpureo dicatur viola purpurea: ta-

*Viola abs-*  
*lutè.* men absolutè descripta viola, vel viola purpurea, quasi antonoma-  
sticè, de viola purpurea mamula intelligitur, quæ etiam viola  
sylvestris, & muralis à Dioscoride dicitur: nō obstante quòd ra-  
rissimè in muris reperiatur. & nō intelligitur de keiri purpureo.  
Viola alba autem keiri, à Dioscoride viola matronalis, siue autū-  
nalis, ac alijs nominibus vocatur. Sed sciendum quòd licet Dio-  
scorides capitulo de viola purpurea, non ponat plures species:  
attamen nos proprijs manibus in Alpino, siue Apennino mon-  
te, qui vulgò dicitur Cornea, inter Italiam & Prouinciam, colle-  
gimus violas mamulas circa finem mensis Maij: non purpureas,  
sed luteas, inò croceas, scilicet quòd habebant flores croceos, ac  
splendidos. In reliquis autem nihil videbatur ipsa planta differ-  
re à planta violæ purpureæ, præter quàm quòd folia ipsius erant  
magis clara. Vnde sicut viola purpurea est duplex, ita & lutea.

*Viola lutea*  
*absolutè.* Sed per luteam absolutè, non est intelligenda ista quæ paucis est  
cognita: sed illa keiri dicta, quæ est vulgaris & magis communis.  
Etiam audiuius quòd in montibus prope Brixiam reperitur  
viola mamula alba: sed adhuc non vidimus ipsam. Igitur si ita  
est, sicut de keiri sunt tres species, scilicet lutea, purpurea, & alba:  
ita & de mamulis eadem reperiuntur. Denum sciendum etiam,  
quòd quamuis Author in præsentī descriptione, & alibi dicat:  
Recipe foliorum violarum &c. non tamen est intelligendum de  
folijs plantæ, vt nonnulli minus periti putant, sed de floribus.  
Quia sicut scribitur de folijs rosarum: ita & de folijs violarū est  
intelligendū, in cōfectionibus, electuarijs, trochiscis, & similibus.  
In enematibus autē, siue clysterijs, & emplastris, & similibus, ali-  
quando per folia violarū intelliguntur folia plantæ, quæ quidem  
vulgò matres violarum vocantur. Et hæ notæ sunt.



*Dosectio trochisc. de cyperis &c.* CCLXIII.

ELENDVM est per impresiones Latinas, à  
præsentī descriptione, gunimi Arabicum. In nul-  
lo nempe exemplari legitur, neq; in vulgari ædi-  
tione:



trione: neq; Luminare Maius, & Nicolaus Præpositus habent in suis descriptionibus. Quapropter non admittatur, nisi medicus præcipiat. Et ubi legitur, cinnamomi: lege rectius, cinnami. Et ubi: Et in alio, musci chiratas ij. lege verius: Et alij (supple addûr) musci chirat. ij. quia sic est in præfatis exemplaribus.

*De Cypero, seu Cypro.*

**C**yperus, & cypirus legitur apud authores. In iuncorû generibus, & cyperus cõnumeratur. Est enim ipse iuncus triangularis &c. Sed an verus cyperus sit quo hodiernis tēporibus vtuntur aromatarij, hoc nempe primû perscrutandû diximus. Et certè cū loquitur Dioscorides de eius planta, vsq; ad minimû iota cõuenit plantæ vsualis cyperi. Sed cū de radice ipsius pertractat, multum dissentire videtur. Etenim ipse dicit cyperû habere radices, olearû figura, & magnitudine, oblongas aut rotundas, inuicè cõmissas, obnigras, amaras, & iucunde odoratas, crassasq; &c. Radices autem cyperi, quæ cõmuniter ab omnibus accipiuntur, sunt sarmentosæ, lignosæ, longæ, nodosæ, & nervosæ, quandoq; digitalem crassitudinem excedentes, rufæq; intus, & foris subnigræ, odorem tamen bonum spirantes. Si autem sunt veri cyperi radices, vos ipsi ô lectores iudicate. Præterea dicit Musa Brasaulus in suo Simplicium examine, quòd Ferrariæ sunt radices cyperi tales, quales à Dioscoride notantur: potest esse quòd sint, tamen in veritate opus suum Romæ adhuc erat in prelo, cū nos ostendimus ei veri cyperi radices: quas videns, tanquam de re sibi noua, valde gauisus est. Vnde sciendum, quòd nos colligimus verissimi cyperi Dioscoridis radices in Romano solo, ac etiam in *Cyperus verus Romæ colligitur.* Quæ radices quidem non excedunt olearum figuram & magnitudinem, & sunt connexæ ad inuicem, filo median-  
te, sicut radices herbæ vulgò dictæ filipendulæ. Nulla deniq; nota à Dioscoride posita, deest eis. Planta etiam similiter conuenit descriptioni ipsius Dioscoridis ad vnguem sicut altera, excepto quòd respectu alterius plantæ, scilicet cyperi vsualis, hæc planta est minima. Rarò equidem iuncus ei triquetrus supra binum palmum erigitur. Supradictam autem cyperi vsualis plantam, multoties vltra nonum palmum vidimus protelsam. Huius igitur dictæ parue plantæ cyperi radicibus vtimur, contra communem vulgarium vsum. Et indubiè tenemus hunc esse verum Dioscoridis cyperum. Et licet apud nos sit parua planta: poterat tamen apud Dioscoridem in maiorem altitudinem extolli: quoniam ipse dicit caulem eius cubitalem aut maiorem esse. Nam (vt suprà dixi-

mus) respectu diuersitatis locorum plantæ diuersificatur &c. At tamen nō est tam parua planta, quod altitudo iunci eius nō possit mensura vnus cubiti parui, ac etiam communis, demeriri. Etenim (vt diximus) pluries vidimus iuncos ipsius duobus palmis *Cubitorum* aliores. Cubitus enim, secundum Doctores, triplex est, scilicet *cōsideratio.* bitus paruus, qui continet pedem cum dimidio, scilicet duos palmos extensos. Cubitus communis, qui capit duos pedes. Et cubitus magnus, qui comprehendit nouem pedes. Quamuis etiam secundum Ecclesiasticos, aliter accipiatur cubitus, pro mensura arcae Fœderis, & arcae Noe &c. Quamobrem cū Dioscorides dixit quod erigitur in cubitalem altitudinem, de communi cubito intellexit. Quia, vt ait Galenus primo de diebus creticis, cap. nono, palmus, cubitus, significant mensuram communem notā, determinatam: nisi addatur longum, aut curtum. Mensura igitur cyperi, quo nos vtimur, ad cubitum paruum, seu communem refertur, & ad mentem authoris magis appropinquat. Mensura autem cyperi vsualis aliorum, ad cubitum magnum debet referri, de quo Dioscoridem minimè intellexisse credimus. Item Auicenna in secundo cañ. cap. de cypero, laudat cyperum paruam habentem plantam, dicens: Melius est illud quod est spissum, graue, difficile ad frangendum, aromaticum, cuius herba est breuis &c. Ergo secundum ipsum inuenitur cyperus parue siue breuis plantæ, & cyperus longioris plantæ: & ab eo magis laudatur cyperus parue plantæ. Ergo cyperus, quo nos vtimur, est verior & laudabilior illo communi, & vulgari. Etenim dudum cœpit agnosci. Veruntamen nō audemus dicere illum magnū nō esse cyperum. Quia licet ab ipso Dioscoride & alijs authoribus nō præcisè scribatur: habet tamen (excepta radice) omnes alias notas cypero attributas. Nec magnitudo eius facit aliquid: vt non sit cyperus. Fatemur enim ipsum esse cyperi speciem: sed à varietate formæ radicum ipsorum, alterum rotundum, alterum verò cyperum longum appellamus. In vsum autem medicū rotundum magis commendamus. Porro in calce capituli Dioscoridis de cypero, legitur aliud cyperi genus in India nasci, zinziberis effigie, quod manducatum croci vim reddit &c. Quod nonnulli putant esse illam radicem, quæ communiter in officinis habetur pro curcuma. *Curcuma officinarū.* Nam in omnibus descriptioni correspondet. Et in rei veritate ipsa radix non est curcuma: quoniam (vt dictum est suprā) curcuma est chelidonia. Præterea ad meliorem declarationem præfatorum cubitorum, ac aliarum mensurarum, quæ frequenter contin

contingere possunt cum virorum autoritate doctorum, sub breuitate hic annotare nobis percommodè visum est. Vt quilibet facilius dignoscat in omnibus plantis altitudinem, latitudinem, & profunditatem, eis ab authoribus contributas. Inquit enim Viétruius libro 3. cap. primo. Mensurarum rationes, quæ in omnibus operibus videntur necessariae esse, ex corporis membris collegerunt. Ex manibus, denarius digitorum numerus: ex digitis verò palmus: & ab palmo, pes est inuentus. Hæc ille. Georgius Valla libri decimi cap. 109. & Orontius libri primi cap. xj. dicunt, quòd digitus est latitudo digiti pollicis hominis mediocris staturæ, & bene formati. Palmus compexus (qui Græcè *Palmus compexus* dicitur, vt scribit Hermolaus in Plinianis annotationibus) est latitudo palmæ, quæ capit latitudinem quatuor digitorum. Palinus extensus (qui & spitame dicitur) cōtinet tres palmos compexos, scilicet duodecim digitos. Dodrās idem est quod palmus extensus. Pes continet quatuor palmos compexos, id est sexdecim digitos. Cubitus paruus cōprehendit dodrātes duos, id est pedem cum dimidio. Hoc est, Sex palmos compexos, scilicet vigintiquatuor digitos. Cubitus communis cōtinet duos pedes, id est octo palmos compexos. Cubitus autē magnus capit nouem pedes. Vlna verò quatuor pedes habet. Sesquipies, idem est quod par *Vlna* uus cubitus. Cætera dimisimus, tanquam hic non multum necessaria. Hæc autem breuiter dicta sufficiant. *Sesquipies*

## De Chirat.

**K**Irath, siue chirat, vel chiratas, vel chirates &c. vt ex vltimo septimi Breuiarij filij Serapionis, & ex vltimo quinti cañ. Auicennæ, atq; ex aliorum multorum interpretationibus habetur, est pondus quatuor granorum hordei. Et ita cōmuniter tenetur à iunioribus.

## Confectio Trochiscorū de ligno aloës &amp;c. C C L X V.



**S**T nanq; in præsentī descriptione per omnes impressiones vnus error. Videlicet vbi legitur: Heil, baucix. Legendum est rectius: Heil baugue: vel, heil banguē: sicut antiqua habent exemplaria. Et est vnum tantum simplex, & non duo. Non enim recipitur baucia in præsentī confectiōe. Nicolaus Præpositus quidem animaduertit errorē: vnde scripsit, heil bace. Rectius tamen (vt putamus) baugue legendum est.

*De Heilbaugue, vel baugue &c.*

**H**eil baugue &c. (vt verum fateamur) est cardamomum minus Arabum. Sed aduertendum quòd aliud est cardamomum Græcorum, & aliud Arabum. Cardamomū quidem Græcorū, scilicet Dioscoridis, & cæterorū, apud Arabes vocatur Cardamenum, vel cordumenum, siue cardameni, vel cordumeni, magis barbarè, & non cardamomum: vt patet conferendo capitulum Dioscoridis de cardamomo, capitulo Serapionis & Auicennæ de cordumeni, siue cardameni. Arabes enim, vt Serapio & Auicenna, faciunt plura cardamomi genera, vt patet in ipsorum descriptionibus. Attamen ipse Auicenna confundit species ipsius in diuersis capitulis. Vt in capitulo Cardamomum, & capitulo Cobzbague, & capitulo Elbue. Interpretes etiam Serapionis, scilicet Simon Ianuensis, in capitulo Sacolla: quod est de cardamomo (vt putamus) errauit, ac etiam aliqua de suo addidit, scilicet verba hæc, quæ à nonnullis coniectantur non esse auctoris: videlicet, Cardamomum maius est heil: & minus est heilbane, siue heilbane (quod putamus minus corruptum) & est masculus. Et illud idem scripsit in sua clauī, in litera cardamomum. Et similiter errauit in capitulo 316. quod incipit, Cardamemi: quia non debuit intitulare ipsum de carui agresti: quoniam non est de carui agresti, sed de cordumeni, vt mox patebit. Et quamuis ipse interpretes verum dicat, quòd heilbane, seu heilbaugue sit cardamomum minus: tamen heil absolutè non est cardamomum maius. Vt probari potest per plures descriptiones, non solum septimi Breuiarij filij eiusdem Serapionis, & quinti canonis Auicennæ: verum etiam & per descriptiones præsentis antidotarij filij Mesuæ. Et particulariter per confectionem de xyloaloës, & per electuarium sarboteng, & per confectionem de cinnamomo, & per electuarium Indum maius &c. in quibus scribuntur ambo, scilicet cardamomum & heil, simpliciter & absolutè, vt cuilibet legenti pater. Nam vt omnes communiter tenent, quantum absolute est scriptum cardamomum, semper maius est intelligendum. Ergo Heil non est cardamomum maius. Hali Abbas etiam in decimo practicæ, capitulo 16. in vno puluere, habet heil, & cacale. Quod cacale est cardamomū maius. Et quòd Heil absolutè non sit cardamomum minus (quia neutrum est, scilicet nec maius, nec minus absolutè descriptum) probatur per dictum filium Serapionis, scilicet in capitulo 23. septimi sui Breuiarij: videlicet in operatione syrapi de cytonijs, qui est miua. Et similiter per

per Auicennam in quinto cañ. tractatu de syrupis, scilicet in syrupo decydonijs, qui similiter est miua: vbi vterq; habet cardamomum maius & minus, & heil speciatim & clarè &c. Heil baugue autem verissimè est Arabum cardamomum minus: quod quidem plures testantur: Et inter eos quoq; Bellunenensis in suis interpretationibus, sic ait: Eilbua est cardamomum minus, & est granum apud Italos appellatum Melete: & dicitur etiam *Melete*. heilbua, & rinalfil, & thairbua. Hæc ille. Quando autem Author petit cordumenum, vt in Diaomorfia, & in Athanasia magna, & in Diasulphure, & in confectione alfesceræ, & alijs pluribus: tunc non petit cardamomum Arabum, sed cardamomum Græcorum, quod quidem ipsi Arabes sub nomine cordumeni, siue cardameni describunt. Vnde sciendum quòd cardamomi sunt quatuor genera, videlicet: Cardamomū maius & minus, & heil, & cordumenum. Et omnia quatuor genera tangit Plinius 13. capitul. libri duodecimi. Non obstante quòd hodie hand est (vt sciamus) qui cognoscat ea omnia. Heil autem (vt coniectamus) describitur ab Auicenna, sub titulo cobzbague, in proprio capitulo. Et sic in quatuor capitulis, quatuor cardamomi genera habet. Quia licet capitulo de cardamomo tangat maius & minus: tamen quo ad virtutes loquitur tantūmodo de maiori, quod Arabicè etiamnum per k, vel per c, cacule, vel cacale, siue chacolla, & sacolla dicitur. Et in capitulo Elbue, describit virtutes minoris. Vbi nempe dicit, quòd est subtilius quàm kacule, scilicet maius. Quod quidem etiā testatur à Serapione. Vnde apud ipsum Auicennā capitulū de cardamomo, est de kacule, scilicet de maiori. Et capitulū de elbue, est de minori. Et capitulū de cobzbague, est de heil. Et capitulū de cordumeni, siue cardameni, est de cardamomo Græcorum. Sed nonnulli iuniorum, vt Simon Ianuensis, Pandectarius, Luminare Maius, & ceteri, ita & taliter cōfundūt cordumeni Arabū (quod quidem caruiagreffe falsò interpretatum legimus) quòd vix erit lector qui sciat ab ipsorū laqueis immunis abire. Nam plura simplicia atq; diuersa, pro vno & eodem intelligunt, de quorum singulis & apud Dioscoridem, & apud alios plures sunt diuersa capitula: per quæ clarè percipitur aliud ab alio esse diuersum &c. At nos quidē breuitatis causā, tot ipsorum confusas de huiusmodi lectiones, curiosis lectoribus dimissimus perquirēdas &c. Hoc autē dicimus, quòd fatemur nos nescire quid sit Arabum cardamomum maius, & heil penitus ignoramus, & cordumeni Arabū, scilicet Dioscoridis cardamomum,

*Cardamomum minus Arabum.* quid certè sit, adhuc non bene percepimus. Minus autem cardamomum, quod aliter heilbaugue & c. appellatur autoritate Belunensis & c. tenemus pro certo esse melegetam, siue meleghetam vsualem, quam omnes aromatarij cognoscunt. Et hæc ponenda est in præsentis confectione. Cordumeni autè, siue cardameni (quod est cardamomum Dioscoridis, quodq; interpres Serapionis declarauit esse carui agreste, & male: quam interpretatione, teste Hermolao Barbaro, significare syluestre caron, non ambigimus) quod non sit carui syluestre siue agreste, pater expressè. Quoniã si cardamomum Dioscoridis, quod est cordumeni Arabum, erit syluestre caros, staphyllinos agrios igitur (de quo Dioscorides 3. libro facit capitulum) quid erit? Nam secundum veritatem, staphyllinos agrios, syluestre caros, baucia, & carui agreste, idem sunt. Etenim res ipsa est tam clara, quod non indiget probatione. Et in superioribus de huiusmodi satis dictum est. Vnde non ita malum erat, si posuisset simpliciter titulum præfati capituli Serapionis, De cordumeni. Dummodo autè ignorauerimus, quid sit cordumenum, possumus (authoritate Pauli scribentis pro cardamomo) ponere cyperum, aut myrtum. Vel autoritate Auicennæ possumus uti harmel, id est ruta agresti, & squinanto. Et loco

*Cordumeni loco quid sumendum.* cardamoni maioris Arabum, ac etiam loco heil, licet nobis uti minori cardamomo, scilicet melegeta quod minus vocatum, est maius in bonitate: quia legitur quod est nobilius maiori. Melegeta autem, siue melegete, vel meleghete, vel melegheta, secundum diuersos Authores etiam tot hæc synonyma habet: Chairbua, cacolla, siue cacalla minor (ut in electuario de ambra filij Serapionis, & in seminum puluere Hali Abbas, capitulo 16. decimi practicæ legitur) Cardamomum minus, Ealbua, Heilbagne, Heilbaque, Heilbane, Heilbanguie, Heilbaugue, Eilbua, vel Heilbua, Elbue, Grana paradisi, Hilbane, Mela Aegyptia, Meliketa, Nux Aegyptia, Nux sarta, Sacolla minor, Thaybua, Tinalfil, Vimbue, siue vizbue, & alia plura. Insuper magnopere errant ex iunioribus nonnulli, asserentes cordumeni, & keisim esse vnum & idem. Lege in oxymelle squillitico descriptione Democriti, ubi vtrunque recipitur. Vbi & luminare Maius etiam plura confundit. Brevitati nempe studentes, multa dimissimus quæ congrue

*Cardamomi maioris Arabum loco quid sumendum.* bant ad declarationem errorum quorundam iuniorum, qui non est penes cedanum, nec cedanum, & alia plura.

*Cordumeni non est penes cedanum, nec cedanum, & alia plura.* feseli.

*Confectio trochiscorū de capparibus &c. CCLXVI.*

**L**OANNE Serapionis in septimo habet vnam descriptionē trochiscorum de capparibus. Auicenna similiter in quinto cañ. vnam. Hali Abbas autem in decimo practicæ duas. Et Rhafis quoque duas, vnam videlicet in nono ad Almanforē cap. de dolore splenis, & alteram in antidotario diuisionum, cap. de medicinis splenis. Actuarius etiam habet pastillum de capparibus. Omnes tamē sunt differētes ab ista descriptione filij Mesuz.

*De Cappare.*

**C**Appar, seu capparis, quæ manditur sale macerata aut aceto condita, non est fructus ipsius, sed flos immaturus, scilicet qui nondū floruit. Romæ in muris seu parietibus vetustis absque spinis nascuntur. In quibusdā autē locis Apulicæ cappares ita campos replent, quod & sata multoties lædunt. Res notissima in Italia. Et teste Plinio, laudabiliore sunt Cappares Italicæ omnibus alijs cuiuscunque regionis. Folia etiam sale aut aceto præparata manduntur. Cortices radicum maximi expetuntur medicinarum: rarō semen vel folia &c. Spleneticis mirē prodest capparis. Et cōcta incolumior existit: Dioscorides Author est.

*De Agno casto.*

**V**Itex, scilicet Agnus castus, vulgaris notitiæ est. Folia, flores, & semina, in medicinis recipiuntur. Dicitur autem Græcè agnus, Latine verò castus: quoniam ad castitatem cōseruandam, seu ad libidinē reprimendā magnopere iuuat. Vnde & à quibusdā piper eunuchorū vocatur. Dicitur etiam nū & piper agreste, & salix marina, seu amerina, & ligos, siue ligusticum, & alijs *Piper eunuchorum.* atque alijs nominibus vocatur.

*Confectio trochiscorum de Charabe &c. CCLXVII.*

**L**EGITVR mendosē in præsentī descriptione per omnes impressiōnes latinas, post cornu cerui adusti, gummi adusti. Quod quidē gummi in exemplaribus vetustis non legitur, neque in vulgari editione: vnde putamus non esse admittendum. Item eadem impressiōnes omnes habent in hac descriptione ipoquistidos, sed putamus non rectē: quia in cunctis præfatis exemplaribus, henfistides legitur. Quod quid sit, in superioribus est declaratum. Item aliquæ impressiōnes ex magis deprauatis, pro papaueris nigri assati habent mendosē, papaueris nigri, assati. Et con

similis error passim in huiusmodi libris excusis reperitur. Quisquidem error in nonnullis cōfectionibus est non parui momenti. Rhasis enim in nono ad almansorem, cap. de mictu sanguinis, & puris, habet vnam descriptionem. Et in antidotario diuisionum, cap. de medicinis menstruorum, & hæmorrhoidarum, alteram. Sed utraq; differt ab ista. Hali Abbas etiam in decimo practice habet vnam descriptionem similiter differentē. Auicenna autē in quinto cān. videlicet in quinto tractatu secundæ summæ habet nonnullas trochiscorū descriptiones, in quibus recipitur charabe. Quæ licet nō intitulētur de charabe, artamē habēt multam cōsimilitudinē cum ista descriptione. Vnde (vt putamus) possunt aliqui ipsorū dici trochisci de charabe. Et specialiter ille, cuius initium est: Trochiscus alius: Recipe charabe, coralli. &c.

*De Charabe, siue karabe.*

**D**isceptatio non minima est inter Doctores de hoc simplici, & confusio magna in ipsorū descriptionibus reperitur, ita quod nobis videtur impossibile, & supra vires nostras cōcordare ipsorum dicta, ad dandā veram & absolutam de hoc charabe diffinitionem, seu declarationē. Melius enim est quandoq; tacere, quā malē loqui. Nam Auicenna in secundo cān. habet quatuor capitula ad hoc simplex pertinentia: quorū tria de arboris qualitate loquūtur: reliquum verō de ipsius arboris gummi tantummodo pertractat, quod dicit esse hoc karabe. Capitula autem hæc sunt, videlicet, De hauro Romano, De hauro, De karabe, & De nuce Romana. Aduertendum autem quod primum & quartū est idem bis descriptum, vt legentem non later. Brasaulus quidem omnium ferē Authorem collegit opiniones. Legito apud ipsum. Nos autem perlectis omnibus, tam Græcis, quā Latinis, quā etiam Arabibus, tam antiquis, quā iunioribus, nihil resolutū accepimus, præterquā quod secundū ipsorū scripta, in multis vocabulis plura cōfundūt, & quasi de vno & eodem videtur loqui. Hæc enim quæ sequuntur secundū ipsos, & barbara, & non barbara vocabula, sunt ad charabe pertinētia, secundū omnes variationes quas inuenimus, videlicet Acchiros, Achiros, Achirofa, Achirufes, Achirus, Acruches, Acrufex, Acrufos, Actufex, Agiros, vel Agyros, Alapton, Ambra, Ambrū, Ambar, Ampar caninum, Archirofa, Argyra, Arfopodon, Haur, Haurcuma, Haur romanū, Haur romi, Haur romij, Haur romu, Haur rum, Haur rumi, Haurum romanum, kakabre, Caraba, karaba, charaba, vel per e, in fine horum trium. Item, Carba, Kekabre, Chrysopho



sophoron, Aegiros, Electrū, Gagates, Gelber, Giauzi rumi, Glesum, Gummi funeris, Gūmi populi albæ, & nigræ, leum, Lachryma populi albæ, & nigræ, Laurcuma, Leum romi, Nux gallica, nux Romana, Rapiens paleas, Sandaracha, vel sandaraca, succinum, & succinum oriētale: & alia plura magis barbara quæ non ponimus. Et sunt qui ex populi arboribus, & sunt qui expini generibus, & qui in Oceani septētrionalis, insulis, & qui in Eridano, & qui in Rhodano, & qui in Gange, & qui in Nilo, & qui in Pado fluminibus, & alijs lacubus ac locis fabulantur huiusmodi simplex gigni, & cætera multa quæ dinittimus ne amplius lectoribus fastidium inferamus. Quibus omnibus bene perlectis & examinatis, veritas rei adhuc ita in tenebrosiori loco occulta iacet, quod lector tanquam excitatus à somno phātasiari non desinit, ex tot varijs vocibus ac opinionibus, cui debeat potius adherere. O vtinam in hoc solo simplici fuisset dubietas, ceterè pro nihilo reputassemus. Demum ne longius in his fabulosis contentionibus protrahamur, dicimus quod licet ignoretur veritas originis huius charabe, siue (vt maui) succini, aut electri: tamen res ipsa, qua pro charabe vtiniur, quasi in omnibus videretur conuenire cum descriptionibus Authorum de karabe, siue succino, siue electro. Ex quo tãquam verum charabe, vel succinum, siue electrum, siue gummi populi albæ, vel nigræ, vel quomodo-cunque, & qualitercunque alteriusmodi tibi placuerit ipsum vocare, vbicunque opus fuerit, confectionibus admiscendum non despiciamus. Et quod charabe Arabum sit electrum, & populi albæ gummi, siue lachryma, probatur conferendo Serapionē cum Paulo: qui Serapio capitulo de charabe, autoritate ipsius Pauli, sic ait: Karabe est gummi arboris haur romi: emanat ab haur romi, & coagulatur, & est coloris auri: & quādo ipsum bibitur, retinet fluxum ventris, & stomachi, & abscindit fluxum sanguinis. Illud idem Paulus lib. 7. scribens, dicit: Electrum populi albæ lachrymam dicunt, quæ iuxta amnem Eridanum destillat, & in spissitudinem coit, aureo colore: quod si læuigatum bibatur, stomachi & alui fluxiones, & sanguinem cōpescit. Hæc Paulus, vt quilibet legere valet. Non obstat quod Brasaulus scribat Paulum de gummi albæ populi pertractare, sed non dicere esse electrum: quia in supradictis patet cōtrarium. Forfan quod textus Pauli (ob diuersas translationes) apud ipsum aliter se habebat. Itē quod etiam Karabe sit gummi populi nigræ, probatur per dictum Serapionem, scilicet quod in eodem capitulo autoritate

Dioscoridis, illud idem dicit quod Discorides in capitulo de populo nigra: vt legēti ad inuicem conferenti, non est dubium. Cætera verò quæ huic essent tanquam necessaria adducenda, & ob breuitatem omiſſa, studioſis committimus perquirenda.

*Confectio trochiscorum alchechengi &c. CCLXVIII.*



**P**ST etiamnū & in præſenti vltima trochiſcorum deſcriptione, per quædam magis mendoſas excuſiones, vna menda, videlicet vbi in iſſis legitur: ſeminis citrulli &c. ana 3. i. s. Legendum eſt rectius: ana 3. iiii. s. Vt reliqui libri tam impreſſi, quàm manuſcripti habent. Auicēna quidem in quinto cān. tractatu de trochiſcis, habet duas deſcriptiones trochiſcorū alkekegi, diſferentes ab iſta. Et ſecūda ipſarum ponitur iterum ab ipſo Auicenna in eodem tractatu, ſub titulo: Trochiſci diſſulidis, ſiue diſſulidis. Rhæſis quoque in antidotario diuiſionum, capitulo de medicinis vrinæ, habet duas deſcriptiones. Sed titulo primæ eſt: Confectio ad vlcera renum, & veſicæ &c. Sundæ autem: Confectio trochiſcorum vltimorum &c. Vbi infrā dicit: Et non inanatur alkekegi. Et ſimiliter diſferunt ab iſta. Hali Abbas etiam in decimo practicæ, habet vnā deſcriptionem, ſub titulo: Trochiſcorum apoſolidis aſſignatio, qui ſunt trochiſci alchechengi. Sed pro alchechengi, legitur ibi caquenegi: & ſimiliter eſt diſſerens ab iſta. Ioannes Serap. quoque in ſeptimo habet deſcriptionem trochiſcorum alchechengi: ſed intitulatur, Trochiſci aleſculidus. Deprauationes enim barbarorum ſunt. Rectius phyſſalida eſt legendum, & non Diſſulidis, Apoſolidis & Aleſculidus. vt mox patebit. Bartholomæus Montagnana etiam in ſuo antidotario, habet vnā deſcriptionem conſimiliter diſſerentem ab iſta. habet etiamnum in de medicamētorum cōpoſitione Aetnariuſ Paſtillum diaphyſſalidon, id eſt veficaria. Paulus Aegineta conſimiliter in ſeptimo cap. 12. habet paſtillum ex veficarijs, Diaphyſſalidon dictum, qui paſtilli diſſerunt ab iſtis trochiſcis. Item ipſe Paulus habet vnā aliam deſcriptionem quæ intitulatur: Paſtillus dialicacabu: ſed intelligitur fortasſe de alia ſolani ſpecie, ſic dicta.

*De Alchechengi, ſiue Kekengi, & omni ſolano.*

*Solani, ſiue Solatri conſideratio.* **S**olani, ſiue (vt mauis) ſolatri, ſcilicet ſtrychni, plura ſunt genera & diſſerentiæ. Vnde ſciendum, quòd Alchechengi eſt vnū ſolani genus, quod Dioscorides peculiari nomine Halicacabum,

bum, id est vesicariam, aut physalida, vel physfalida nominat: & hoc genus non ignoratur. Imò vulgares hodie in Italia propriè alchachengi ipsum appellant. Non est solum, sed semen eius in pharmacis receptum, vesicæ infirmitatibus mirè prodest. Aliud solani genus (quod absque apparenti nocumento manditur, quodq; à Dioscoride solanum hortense nūcupatur) notissimum est. Vulgò absolutè solatrum, & à nonnullis corrupto vocabulo, *Solarium ab-* cacabascium siue cacauascium, quasi cacabalum dicitur. Est & *solanè.* aliud genus apud nos vulgaris notitiæ, quod omnes solatrum maius vocant: quid autè sit in Dioscoride, adhuc non bene percipimus. Facit enim Dioscorides plura huiusmodi generum capitula, cum nullo tamen ipsorum videtur hoc solatrum maius conuenire. Enimvero ipsa capitula sunt valdè confusa: & capitulum de Halicababo quod est in calce primi libri, est illud idem quod in quarto libro, de solano somnifero: quod quidem autumant nonnulli redundare in ipso primo libro: non enim describi conuenit inter arborum genera. Hali Abbas autem in secundo practica, capitulo 34. vocat solanum, caquenegum. A Serapione verò Hamēb arhaleb: vel amēb alchabaich, & vua vulpis legitur appellatum. Et pro alkekengi scribitur ab ipso Serapione, Kekengi, Kakemb, & Keleb &c. Reliqua solani genera à Dioscoride posita ignoramus.

*De Albateca, seu Albatecha &c.*

**A**lbatecha idem est quod batecha. Batecha autem, siue *Batecha* Batecha (si credendum est Bellunensi in suis interpretationibus, videlicet in literis B, & M) est nomen æquiuocum ad omne genus melonum, siue peponum, cucumerum, & citrullorum. Et similiter melo, cucumer, siue cucumis, & anguria, sunt nomina æquiuoca, ad eadem omnia & singula præfata. Sed quando abso- *Batecha ab-* lutè scribuntur, vnumquodque ipsorum antonomastice habet *solanè.* suum significatū. Vnde batecha absolutè non intelligitur (ut ferè omnes iuniores exponunt) melo magnus viridis, quem Serapio capitulo proprio, scilicet 244. Dullaha vocat. Sed intelligitur melo, siue pepo cōmunis: ut probari potest per dictum Serapionē, cap. 243. quod est de melone, cucumere, & citrullo. Vbi vocat melonem batecha, & cucumerem chathe, & citrullum kura. Et patet quòd pro batecha intelligit melonē, si confers cap. Dioscoridis de melone siue pepone, cum autoritate ipsius Dioscoridis, quam ipse Serapio adducit in declarationem batarchæ. Et similiter capitulo Auicennæ de batecha, est cap. de melone, ut legenti

genti non est absconditum. Etiam probatur per filium ipsius Serapionis in sexto sui Breuiarij, cap. xj. videlicet in vna descriptione trochiscorum cōferentium febri ethicā, quā incipit: Recipe arnoglossā 3. iij. &c. Vbi distinctē recipiuntur quatuor semina communia frigida maiora, scilicet cucurbite, citrulli, melonis, & cucumeris. Sed loco feminis melonis legitur semē bateke. Igitur bateka siue batheca simpliciter scripta, est melo cōmunis.

*Melo, cucur-* Et melo etiam absolute, intelligitur ipse pepo. Et cucumer abso-  
*mer, angu-* lute, est melo magnus viridis. Et anguria absolute, est cucumer  
*riac, citrul-* lōgus anguinus. Et citrullus simpliciter est ipsemet citrullus. Nō  
*lus absolute.* obstante quōd alterum pro altero liberē potest substitui: quia (vt communiter tenetur) nihil, aut parum inter se differunt virtute. Et hæc omnia, & singula, notiora sunt, quā vt declarari debeāt. Sed ex eorum generibus sunt aliqua, quā dicuntur hyemalia: pro quibus vide suprā, scilicet in modo syrapi acetosi de pomis descriptione nostra.

De Bolo non Armeno.

**H**abet Author in præfenti descriptione bolum Armenū, & postea aliud bolum simpliciter & absolute descriptū: pro quo est intelligendum alterius generis nō armeni. Quoniam ad bolum, non additur armenum, nisi ad differentiam aliorum quæ non sunt armena. Qua in re sciendum quōd sub nomine boli quælibet rubrica potest intelligi, sed particulariter illa quam vulgus macram, aut synopiam vocat. Et Dioscorides minium synopicum, & milton synopicam nominat. Auerrois in quinto Colliget, cap. de medicinis quæ ex mineris sunt: dicit, quōd bolū cum quo tinguntur parietes, est Almogra. Vbi rectius putamus legendum, Almagra: quasi almacra, scilicet macra: qua carpentarij, scilicet fabri lignarij vtuntur in signandis lignis, filo videlicet in ipsa intincto. Et hæc à pluribus non ignoratur. Vnde si nos no-

*Boli nō Ar-* lumus pro ipso bolo substituere armenum (quod fore optimum  
*meni loco* non dubitamus, scilicet multiplicare quātitatem boli armeni, vt  
*quid melius* fungatur alterius boli vice) ponere ipsam macram pro dicto bo-  
*sumatur.* lo, putamus non esse malum. Dummodo sit ipsa (de qua loquuntur Authores) ista quæ habetur in vsu. Quoniam Auicenna in 2. cañ. cap. de luto macra, siue (vt mauis) magra, autoritate Pauli, dicit quōd ipsum est in operationibus sūpticitatis & exiccationis, melius quā figillatum. Estq; in Paulo libro septimo in his verbis: Synopsis rubrica vehementior, quā lemnia, emplastica miscetur medicinis. Item Serapio etiam capitulo de synopida, autho.

authoritate dicti Pauli ait: Magra, id est synopida, est fortior bolo Romano, luto figillato, & ideo intrat in cōfectionibus vnguē- *Bolum Ro-*  
 torum. Suspiciamur enim hic, scilicet in ista authoritate, apud *Se-*  
*manum.* rapionem mendosē pro bolo Armeno, legatur bolo Romano. Velloco præfati boli, cui non placuerit synopida, macra nuncupata, poterit ponere ex optimo bolo Apulo (quod fortasse est illud Romanum Serapionis) seu ex bolo Theutonico, siue ex altera quavis rubrica. Præterea nonnunquam dubitauimus aliquomodo fuisse additum istud bolum ad præsentem descriptionem: quoniam apud nullum Authorum scribentium huiusmodi trochiscos, legitur. Sed quia in cunctis exemplaribus, & impressis libris, nulloq; discrepante, inuenimus: putamus non esse amouendum ab ipsa descriptione. De bolo armeno autem, dictum fuit in trochiscis de terra sigillata. Vide ibi.

## NONA DISTINCTIO.

*De Suffufet, id est Pulueribus.* CCLXIX.

*De Suffuf in generali.*



VFFVF Arabicè, & suffufet, id est quod Latine puluis, & pulueres. Vnde sciendū q̃ titulus huius distinctionis ab imperitis librarijs (vt putamus) deprauatus est. Quia ibi legitur: De suffuf & pulueribus. rectius legendum est: De suffufet, id est pulueribus. Nam illud, &, non debet separari à suffuf, nec stare pro copula. De suffuf autem idem dicit quod latine de puluere. Igitur vanū est dicere de puluere & pulueribus: tanquā si non intelligeretur puluis in pulueribus. Sed reuera interpres filij Mesuæ dimittens stare titulum (vt coniectamus) Arabico vocabulo: hoc est, De suffufet: immediate subiunxit interpretationem, scribens, id est de pulueribus. Corruptores autē potius quā scriptores postea (vt credimus) intelligentes disiunctim illud, &, à suffuf, & videntes non bene sonare, De suffufet, id est pulueribus. deleuerunt illud id est. Et quā malè nunc sonat, De suffuf, & pulueribus, intelligentes iu dicent. Tanquā si suffuf non esset puluis. Sed pro certo scito- te quòd adhuc extant plura exemplaria antiqua, in quibus legitur aperte & clarè sic: videlicet, Distinctio ix. De suffufet, id est pulueribus. Et nonnulla cū abbreviationibus sic: Distinctio ix. de suffufet, id est pulueribus. Et his igitur modis, est secūdu veritatē.

Suffuf

*Suffuf de Ligno aloës &c. CCLXX.*

*Suffuf de Ligno aloës aliud &c. CCLXXI.*



**E**T QVAMVIS nō vtuntur medici nostri temporis his pulueribus, descriptiones tamen ipforū emendabimus: vt si cuipiam placuerit eis vt, habeat vnde rectè componat. Igitur in secunda istarum descriptionum, vbi per impressiones mēdosē legitur: Cardamomi &c. ana 3.ij. lege rectius, ana aur. ij. quia sic est in vetustis exemplaribus.



*Suffuf Diarhodon &c. CCLXXII.*

**N**ON ignorandum enim quòd trochisci ingredienti istud suffuf, ex ipsomet Authore accipiendi sunt, & nō ex Nicolao, aut alio quouis Authore.

*Suffuf Aromaticum &c. CCLXXIII.*



**S**UNT in præsentī descriptione per omnes impressiones duæ mendæ. Prima videlicet, vbi legitur: seminis fœniculi aur. iij. Lege, aur. vj. Secunda est, vbi legitur: Gallie muscatæ aur. ij. Lege verius, aur. j. vt in antiquis exemplaribus inuenimus. Et ita similiter habent Nicolaus Præpositus, Luminare Maius, & Thesaurus aromatariorum.

*Suffuf bonum impinguiuum &c. CCLXXIIII.*

*De Riso.*

*Oriza.*



**R**ISVM, siue Rizum, siue Rizi, scilicet Oriza, est genus frumēti albi quod in aquosis nascitur. Vulgò risum aut granum risum vocant. Notissimum est. Comeditur in cibarijs & ptisanarijs multum: sed panis ex eo non fit in Italia.

*De Tritico.*

**T**RITICUM quid secundum Isidorum 17. Etymologiarum libro, à tritura dictum, idem est quod frumentum. Sed frumentorum plura sunt genera. Vnde & in genere frumenti oriza præfata, & far, & adorum, & filigo, & alia plura. De meliori igitur frumento, siue tritico, semper est intelligendum; cū absolute legitur. Et quamuis sit quasi proprium frumenti habere aristas: tamen est in ora Italiæ (quæ olim Magna Græcia dicebatur: nunc verò Apulia) vnum optimi frumenti genus quod

quod non producit aristas, vulgoq; carusellam vocat: Est etiamnum & frumentum, vulgò Indianum dictum, nuper in Italiã aduectum, quod saginæ modo fruticat, ferens spicas magnas, teretes, longas, atq; cuspidatas, granis rotundis modò albis, siue subflauis, modò rubris, pisorum magnitudine, miro ordine plenas. Neque hoc genus in suis spicis aristas gerit. Sed trahentes ad granorum colorem, floccos quosdam capillaceos, molles, longos atque tenues. Serunt itaque nonnulli ex nostris hoc frumenti genus in viridarijs ad decorè, nò autem ad vitæ sustentamentum. Et de hoc genere non debet intelligi, cum triticum seu frumentum non speciatim legitur.

## De Hordeo.

**H**ordei namq; tria facit Isidorus genera. Quæ quidè tria sub vno possunt intelligi, tanquam vnius generis, siue speciei differentię indiuiduales. Quoniam Dioscorides hordeum non diuidit in species. Hordeum enim notius est quàm vt repræsentari debeat. Sed hodiernis temporibus feritur alterum hordei genus, quodq; hordeum mundũ vocatur, ex eo quòd spoliatur folliculis suis sicut triticum. Quod quidem aliquando suspicati sumus esse filiginem. Quia licet aliqui connumerent filiginem in triticeis generibus: veruntamen Auicenna capitulo de hordeo, asserit filiginem esse speciem hordei sine cortice. Et Dioscorides cap. de zea: de qua duo genera facit (quorum alterum olyram, *Zea duorũ generum.* quæ & filigo dicitur, intelligit: vt in cap. de olyra, scilicet de filigine, aperte declarat) dicit, quòd zea nutrit magis quàm hordeũ, & minus quàm triticum. Vnde filigo, quod genus zea probatur esse, est inter hordeum & triticum. Et quia medium participat de vtroque extremorum, rectè filigo connumeratur inter tritici & hordei genera. At si hoc hordeum mũdum præfatum erit filigo: quid ergo erit illa, quam vulgò secalam vocant, quæ & ab omnibus communiter pro filigine habetur? Hactenus autè super hoc quid veri tradamus, non habemus: sed determinationi hæc & cætera libenter committimus. Hoc verũ sanè fatemur, scilicet quòd hoc hordeum mundum, iudicio nostro & aliorum plurium, non est inferius communi & vsuali. Vnde liberè possumus eo vt in omnibus in quibus hordeum est necessarium.

## De Tortellis de Scemi.

**T**ortella est panis biscoctus de simila, seu de meliori farina *Panis biscoctus.* frumenti quæ fieri potest. Et debet esse ipse panis fermentatus. Nonnulli ex iunioribus scribunt, quòd faciendus est ipse panis

panis cum aqua mastice, & vua passa. Et in rei veritate somniat: quia (vt mox patebit) non est nisi simplex panis biscoctus. Accipitur optimum panem biscoctum, seu taliter coctum quod possit perquam optime puluerizari: non autem sit crematus & niger, vt Luminare Maius dixit. De Scemi autem, & non de Seni, scilicet de illa patria, quæ (vt aliqui exponunt) est Syria: quamuis & Seni etiã sit nomen patriæ, nihil obstat: tamen in multis exemplaribus legitur Scemi. Sed tu nihil cures de syriaco pane: cum Romæ & per totam Italiam optimum habeas panem. Imò filius Serapionis in septimo capitulo 27. in vno medicamine quod incipit: Dimadh, quod fit cum extremitatibus myrti &c. dicit panem Romanum biscoctum esse tortellam. Hæc enim sunt verba

*Panis Roma-  
nus bisco-  
ctus.*

Recipe panis Romani: & est tortella. id est biscoctus &c. Et nihil ibi loquitur de aqua mastice, vel de vua passa &c. quæ iuniores fabulantur. Aduerte tamen quod pro simila, non intelligimus furfurem frumentaceæ farinæ, quem vulgares Romæ semulam vocant. Sed intelligimus meliorem frumenti partem, quam etiam in regno Neapolitano, semicorrupto vocabulo, semulam, & semulellam dicunt. Ex qua fiunt panes biscotelli albißimi, quos in Apulia frifellas nominant. Quæ frifellæ sunt albiore & pulchriore, quàm Romanæ zambellæ. Sic enim appellantur Romæ panes, digitali grossitudine, longos atque retortos, varijsque modis conformatos. Veneti autem bucellada dicunt.

*Zambellæ  
Romanis  
quid.*

### *Suffus de granis myrti &c. CCLXXV.*

*De Coriandro.*



**C**ORIANDRVM, & Corianum dicitur. Petit itaque Author in præfenti suffus coriandrum ficcum, ad differentiam virentis forsan: quia cum est virens pessimè olet: cum autem siccatur, malus odor in bonum couertitur. Sed melius (vt putamus) est diffinire, quod petit ficcum, id est non recens: quoniã recens est magis malignum. Nam cum coriandrum sit hic necessario puluerizandum, non erat necesse scribere ficcum. Virens enim nõ potest puluerizari. Idcirco necesse est ad alium sensum reducere illud ficcum, scilicet quod posuit ficcum, pro non recenti. Sed reuera coniectamus, quod Author considerata coriandri malignitate, præcepit sumi vetus, tanquam minus malignum. Et fortasse quod etiam scripserit, sed interpres pro non recenti vertit ficcum. Vnde saluo semper meliori iudicio, credimus semen corian



coriandri ante annum nō esse administrandū. Et de semine semper intelligitur, cum absolute coriandrum legitur. Quod semen est lignosum, siue paleaceū, rotundum, siccum, bene odoratum, omnibus notum &c. Preparatur, siue corrigitur in aceto, & zucharo vestitū manditur libentius ab Italis, scilicet à prandio, vel post cenā. Non tamen largè sumunt. A nonnullis vulgò pitartima vocatur. Herbā sanè ipsius coriandri, quāuis sit cimicibus ferentior, tamen Hispani abundantius comedunt, & non solum in iuribus coctā vt apium, verum etiā & crudam acetarijs largè immiscunt. Quam ob causā, putamus esse, quod per totam Hispaniam sit maxima fatuorum copia, quod & coriandrum facere, non solum Dioscorides lib. 6. sed & omnes ferè authores aperte testantur. Plura nempe hospitalia in ipsis Hispanijs vidimus, quæ scimus erecta esse tantummodo ad dictorum fatuorum sustentationem, in quibus diligens habetur de eis cura.

*De Sauich, & Nabach.*

**D**iuersi de sauich, diuersa dicunt. Et sunt qui hoc, & sunt qui illud esse affirmant. Sed perlectis omnium opinionibus, quas ne tædio lectores afficeremus, libenter dimisimus: quod autem verius compertū habemus, afferimus. Igitur sciendū quod nil aliud est sauich apud Arabes, quàm quod polēta apud Latinos. Vt probatur cōcordando plura capitula Dioscoridis, cum capitulis Serapionis & Auicennæ, scilicet quod eo in loco vbi Dioscorides habet polentā, Arabes sauich habēt. Vt exempli gratia, Dioscorides cap. de coriandro ait: illitū (scilicet coriandrū) cum pane, aut polenta, ignibus, & vlceribus quæ serpūt, medetur. Serapio autē in eodē capite. Quādo sit emplastrū cum eo, & pane, aut cū sauich, curat erysipilā, & fornicā. Item Diosc. cap. de hordeo: Priāna plus alimentum præbet, quàm polenta ex hordeo facta. Serapio autem ibidem: Aqua hordei est pluris nutrimenti, quàm sauich. Et Auicenna in eodē cap. Aqua hordei est nutritior sauich ipsius. Et cætera cōsimilia multa. Sed sciendū quod polenta proprie est subtilis farina, siue per se sicca, siue in pulvis modo redacta. Sed in hoc suffus & similibus locis, polēta, scilicet ipsum sauich, debet esse pulvis: quia tota cōpositio hæc ex pulueribus cōstat. Alioquin non esset suffus, quod pulvis interpretatur. Et non solum intelligitur ex tritico, hordeo, & huiusmodi similibus: sed ex fabis, ciccribus, scēnagræco, & cæteris leguminum ac seminum generibus. Etiam fit ex thure, & alijs atq; alijs rebus. Vnde legitur apud Auicennam in quinto cān. tractatu de suffus: videlicet in descri

*Polenta.*

*Sauich ab-  
solutè.*

*Polen.*

*Simonis la-  
nuensis er-  
ror.*

prione Kamiati melonis lōgi, Sauich de nabach, & sauich de bdel-  
lio. Et apud filium Serapionis in sexto Breuiarij, cap. xj. vbi ait:  
Et detur in potu sauich de mespilis, aut de nabach, & sauich de:  
granis granatorum, & sauich de malis absq; zuccharo. Sed quan-  
do simpliciter & absolutè legitur sauich: siue polenta: semper de  
hordeo, aut tritico intelligitur. Et quasi antonomastice, polen-  
ta, seu sauich, intelligitur ex hordeo. Farina autem, ex frumento.  
Vnde in capitulo de coriandro Auicennæ, cū legitur: Et cum  
farina fabarum, aut sauich, aut farina ciceris &c. pro sauich ab-  
solutè (quod est polenta) intelligitur farina hordei. Polenta qui-  
dem (vt nonnullis placer) à poline deriuari videtur. Polen au-  
tem est puluis farinæ subtilissimus, qui circa molendinum col-  
ligitur. Vnde polenta, quasi farina subtilis, ad polinis similitu-  
dinem. Igitur sauich nabach, siue anabach, siue de nabach, est po-  
lenta, scilicet farina de nabach &c. Nabach autem, siue anabach.  
&c. non est nomen patriæ, vt nonnulli falsò putauerunt: sed se-  
cundum veritatem (vt probatur conferendo ad inuicem capi-  
tulum 120. Serapionis, quod est de Sadar, & nabach, cum capi-  
tulo Dioscoridis de loto arbore, quam in primo libro posuit)  
est fructus ipsius loti. Lotus enim apud Arabes (vt legitur apud  
præfatum Serapionem, Auicennam, & Rhafim &c.) Sadar, seu  
sedar vocatur. Fructus autem ipsius sadar, apud ipsos dicitur na-  
bach. Vnde Serapionis sadar, est arbor, & fructus eius est nabach.  
De quo fructu, consueuerunt ipsi Arabes facere sauich. Vt legi-  
tur in præfati suffus, & in præfati kamiato Auicennæ, ac etiam  
in proprio capitulo de nabach ipsius Auicennæ dicentis: Est si-  
ptica, & propriè eius sauich. Et infra: Confert &c. & propriè eius  
sauich. Et similiter in præfata autoritate filij Serapionis & ali-  
bi. Ex quo patet, quòd nabach non est Nabathi, vt quidam expo-  
suerunt &c. Ponit etiam Auicenna aliud capitulum, quod inti-  
tulat de grano anescen, siue (vt Bellunenſis traduxit) de hab-  
almenſem: in quo videtur describi fructus loti, scilicet nabach, si-  
confers capitulum Dioscoridis de loto arbore, cum ipso capitu-  
lo de grano anescen. Sed animaduertendum etiam, quòd Simon  
lanuensis Serap. interpres, in cap. 186. errauit, inscribens ipsum  
cap. nabach. Quod quidem cap. est propriè, & quasi ad literam,  
capitulum Dioscoridis de narcaptpho, siue nascaphtho. Cuius  
minus recta traductio pluribus ex iunioribus ansam similiter er-  
randi tribuit. Et ibi rectius (vt putamus) scribere debuisset laha-  
ſaten: vel Latine aliquid significans illud, quàm nabach. Et pro-  
batur

batur quòd est suus & non librariorum error: quoniam eundem errorē in sua clauī pluribus in locis commisit. Lotus autem, siue *Lotus arbor*, siue *lotos arbor*, quæ & faba græca, siue secundum Seruiū, faba Syria- *bor, vel lotos.* ca dicitur si nō est illa arbor, quæ vulgò Romæ pulsaraca nūc-  
patur, à nobis penitus ignoratur. Sed inclinatur animus ad illā: tum quia Dioscorides dicit lotum esse arborē vastæ magnitudinis (quod quidem Plinius 30. capite libri sextidecimi melius declarauit, addēs, quòd in Italia cerasorum modo fructificat: quod etiam num 17. cap. lib. 13. dixerat) tum quoq; quia Hermolaus coralliorum libro, cap. de loto arbore, tradit accolæ Padi ipsam arborem baccam syriacam appellare, & quòd vulgò Romæ puls *Bacca syria* syriaca vocatur. Vnde cōiectamus quòd corrupto vocabulo, pul *ca* saraca, quasi puls syriaca, à vulgaribus Romanis hodie dicatur. Præterea quidē frater minor Siculus, cū ostendissemus ei ipsam arborem pulsaracam vocatam, dixit nobis quòd in Sicilia vocabatur faba inuersa. Sed arbitramur ipsum errasse, & quòd pro faba græca, faba inuersam protulisset. Quoniā faba inuersa secundum iuniores, aliud atq; aliud est. Et scias quòd sub eisdem vocabulis, scilicet faba græca, faba Aegyptiaca, faba alexandrina, faba basiria &c. etiam quædam pondera denotantur. Ex suprà dictis igitur colligitur, quòd fructus huius arboris pulsaracæ, siue puls syriacæ, est nabach, cuius sauich querit Author in præsentī suo suffus. Vnde colligendus est ipse fructus, & præficandus, & postea molendus &c. Demum nō ignorandum quòd loti diuersa sunt genera: vnde aliud arboreū, aliud herbaceum &c. De quibus scribit Dioscorides lib. iij. Item ex arboreo, aliud spinotum, & aliud lene, vt in cap. Sadar, auctoritate Haboanise, Serap. scribit. Item diuersum ab istis genus pingit Theophrastus cap. x. lib. quarti de historia plantarum. Item ex præfato arboreo genere, aliud magnæ ramorum proceritatis, aliud paruum. Item, aliud multi fructus, aliud pauci. Et aliud corolarius, odoratus, saporosus, siue dulcius altero. Quamuis hæc & similia accidentia, seu differentia, teste Plinio atq; Hermolao, ex regionum diuersitate eis adueniant. Item alterius fructus, absq; interiori nucleo (qui bonitate præfertur cæteris) alterius verò ossens, vt est fructus nostræ pulsaracæ. Et licet in loto arbore omnes præfatæ, aliæq; notæ & differentia reperiantur: attamen non legitur alicuius auctoritate, lotos per hyemem non amittere folia. Hoc nempe dicimus: quia ferè omnes iuniores allucinātur, asserētes loton esse arborem agrifolium, siue acrifolium vulgò nuncupatam. Nam

*Agrifolium  
no est lotus.*

ipsam arborem agrifolium dictam, oculata fide, toto hyemali tempore, videmus seruire folia, nec bruma illis utcunq; frigidissima nocet. Et quod lotus arbor abijciat folia, ait Plinius 30. cap. libri sextidecimi. Nec aufert solem hyeme decidentibus folijs. Multas & alias notas omittimus, quibus probare possumus, agrifolium non esse lotum arborem: Et quod agrifolium non extendit ramos in longum &c. Ergo lotus, quamvis reperiatur spinosa, non potest esse agrifolium dictum. Quod putamus rectius dicendum aquifolium, seu aquifolia, quod quidem est ilicis genus. Quodq; Theophrastus primo de historia plantarum inter ea genera, quæ per hyemem seruant folia, connumeravit, xv. cap. dicens: Buxus, ilex, aquifolia, celastrus &c.

*De Charub seu Carnub de spinis.*

**N**onnulli quidem sunt (quamvis errant) tenentes nabach charub de spinis, ad vnum & idem referri debere. Pro nabach (vt supra iam diximus) intelligentes Nabathi, scilicet regionem quandam sic dictam. Cuius & meminit Auicenna capit. de Charnub. Ob quam causam magis (vt credimus) fuit inclinatus eorum animus ad tenendum fuisse secundum suam æstimationem, scilicet quod pro nabach, sit intelligendum Nabathi. Et senserit: Charub de arbore spinosa, de illa regione Nabathia dicta. Sed reuera falsa est ipsorum opinio. Nec bene quadrat dicere, vel credere, authorem primum scripsisse regionem, & postea simplex. Sed Author vult vtrūq; scilicet sciuch de fructu nabach dicto, & vult etiā Charub de spinis. Quoniā vtrunq; cōpetit huic suo medicamini. Carnub autē, siue charub, declarat Bellunensis in sua Arabicorū nominū interpretatione, esse xylocaractā spinæ, videlicet in litera Aliembut, dices: Aliembut est nomē commune ad arbore ex qua fit pix, & ad plantā in qua producitur carnub feuchi, id est xylocaractā spinæ, Et Ebenēsis, & omnes alij Arabes in libris simplicium dicunt, quod est carnub Nabathi, seu carnub spinæ, cuius planta à terra eleuatur per cubitum, & est spinosa, & eius fructus est longus, & grossius, ad magnitudinem dactyli magni: sed tēdit ad obliquū, & nominatur filiqua, seu carnub spinæ. Et licet tendat ad rotundū sicut dactylus, tamen secundum colorem, & semina intrinseca, similitur filiquis, seu carubijs domesticis, & cōmuniter vſitatis in cibo. Et Damasci reperitur huiusmodi fructus. Hec Bellunensis. Verū tamen quia talis fructus de facili non potest haberi, quia in partibus nostris nō reperitur, putamus loco illius fructus, vt nostris filiquis, siue charubijs, siue va-

gin

ginulis, vel vaginellis nuncupatis, non esse malum: quas vaginulas Apuli vt luuenatienses, & cæteri Pistaczas vocant: quarum arbores in folijs, & fructificatione maximè æmulantur casæ fistulæ arbores. In caudicè, & quasi per totam arborem, vt ficus Aegyptia, fructum producant. Et quamuis semel in anno fructum ferat huiusmodi arbor: tamen nunquam est absq; fructu. Etenim ante vnus maturatione, alterũ, scilicet sequentis anni formatum ostendit. In Campania autem circa Gaieram, sunt huiusmodi arbores admodum parvæ: neq; fructus ipsarum sunt ita boni: sylvestres enim sunt, Apulienfes autem sunt domesticæ, & meliores.

*De Glandibus.*

**N**on vna tantum arbor glâdes gerit. Etenim plures sunt, vt quercus, robur, ilex, suber, & arbutum generis aquifolij, quod etiã fert coccum. Et aliæ plures, quas Plinius ponit. Sed cū absolutè leguntur (vt hîc) ex ilice, vel è quercu sumi debet. *Quamquã Glandium:* in inuicè, omnes & singulæ, scilicet altera pro altera commutari *altera pro-* possunt. Illic tamẽ, & quernæ, sunt cæteris meliores. Illud idem *altera sumi* dicendum de cupulis, siue copulis glandium absolutè descriptis, *potesť.*

*De Curt & Tarathit.*

**S**unt per omnes impressiones Latinas, & pauca quædam duntaxat exemplaria, in fine præsentis descriptionis duo simplia, quæ in maxima exemplariorum parte nõ leguntur. Neq; sunt in vulgari editione. Vnde contigit à nobis dubitari: an sint addita isti descriptioni, an verè ab ipso autore posita. Sed quia non videntur esse contraria, nobis visum est describere ea, signata tamen. Et hac de causa etiam non abstulimus: quoniam filius Serapionis in sexto Breviarij, cap. xj. quasi consimile suffuf habet, in quo vtrunque recipitur. Sed pro Curt, ibi legitur corth. Inquit enim: Et si cogeris, da suffuf de granis granatorum, cum corth, & tarathit, & granis myrti. Hæc ille. Curt autem, vel curthi, vel corth, vel curthuri &c. plura sunt barbara atq; corrupta vocabula. Rectius tamen putamus legendum Chard, vel Charad, vel Karad, vt Bellunenfis in suis interpretationibus scripsit, quæ est arbor acaciæ. Et intelligitur hîc pro ipsa acacia: & non pro gummi Arabico, vt nonnulli falsò putauerunt. Pandectarius autem, & recentiorum plurimi, in his & cõsimilibus vocabulis multa confundunt. De acacia quidem dictum fuit in modo confectiois iacur. De tarathit autem, quod est ipoquistidos, vide in cõfectione trochiscorum de terra sigillata. Ibi etiam diximus, quòd hæc duo possunt ad inuicem commutari.

*Suffus ad tuſſim antiquam*

CCLXXVI.



EGITVR mendosè in præſenti deſcriptione per omnes impreſſiones, ſupple latinas, ſenninis ſceniculi ꝓ. j. legendum eſt rectius ꝓ. s. vt eſt in cūctis exemplaribus antiquis, necnon & in æditione vulgari.

## DISTINCTIO DECIMA.

*Pilulæ Alephanginæ, & eius interpretatio eſt, de aromatibus &c.* CCLXXVII.



Coccia.

ILVLAE Alephanginæ, ſeu aleſanginæ, idem eſt quod pilulæ deſpecibus, ſiue de aromatibus, vt textus declarat. Pilulæ autem dimi nutiue, à pila, quaſi parvæ pilæ dicuntur. Coccia, & catapotia etiam vocantur, à verbo græco, quod ſignificat deuorare. Quoniam id genus, non eſtur, nec lingitur, ſed deuoratur. Hæ quidem pilulæ (vt habetur in litera) ſunt ex inuentione ipſius filij Meſuæ. Veruntamen nobis videtur, quòd ipſe Author noſter in iſta ſua deſcriptione incluſit tres filij Serapionis deſcriptiones pilularū deſpecibus, quæ habentur in ſeptimo Breuiarij. Quarū tituli ſunt: Pilulæ de aloë, cum ſpeciebus multis. Pilulæ deſpecibus, diminuto aloë, & Pilulæ deſpecibus, cum myrobalanis. Has igitur deſcriptiones variauit Author, vt ſibi viſum eſt. Vnde huiusmodi variationes forſan intelligit eſſe, ex inuentione ſua. Hali Abbas quoq; in decimo practicæ, habet pilulas aromaticas, quæ in multis conueniunt cum iſtis, ſed magis cum prima deſcriptione filij Serapionis. Et in ſeptimo dicte practicæ, capitulo quinto, habet vnā aliam deſcriptionem magis differentem. Bartholomæus Montagnana etiā in ſuo antidotario, habet pilulas de aloë præparato, quæ ſunt multum conſimiles iſtis. Præterea ferè omnes impreſſiones habent mendosè in præſenti deſcriptione: Abſynthij ſicci, roſarū, ana ꝓ. v. Lege verius ꝓ. v. Item, vbi legitur in cūctis impreſſionibus, ac etiam & in nōnullis exemplaribus, in præſenti deſcriptione: Et quandoque exigit diſpoſitio vt minuat ex eis virtus aloës: videtur eſſe minus recta circumloquutio. Non enim vult Author, vt minuat virtus aloës, tãquam ſi voluiſſet aloën minus bonam (quod abſit) ſed vult vt minuat pondus, ſiue

siue quantitas ipsius bone, imò optimæ aloës. Quod postea in sequentibus probatur, cum dicit. Et tunc ponimus ex eo 3. iiii. Nam virtus aloës (teste Galeno octauo Miamyr, cum alijs pluribus) minuitur in ipsius lotionē. Vnde si Author voluisset minuere virtutem eius, non dixisset: Et ponimus ex eo &c. Sed dixisset: Et lauamus ipsum &c. Igitur rectius, & clarius lege, ut est in multis de antiquioribus exemplaribus: Et quandoq; exigit dispositio, ut minuatur pondus aloës &c. Aliàs quoque literæ deprauationes inuenimus in præsentī descriptione, quas in receptario correximus, ut legenti & cum alijs conferenti liquidò patebit.

## De Aloë.

**P**ER varios Authores, variè legitur aloë, scilicet masculino, & feminino, & neutro genere. Optimæ latinæ amatorum (ut scimus) fœminino, ut plurimū vtuntur, & more Græcorum declinant: videlicet, aloë, aloës &c. & tam pro herba, quàm pro eius succo. Barbaria autem, simili modo ut ieros, chamædryos, hypocistidos &c. genitiuo tantum, more inflexibilium vtuntur, aloës quasi semper scribentes. Herba quidem aloës cognoscitur, & succus ipsius non ignoratur, cum sit vbique in frequenti vfu. Cognominatur autem hepatica, à calore quem cum hepate communem habet: vel quia in operatione sua, cum sumitur, non transcendit hepar: ut Galenus, & ceteri testantur. Author enim noster in suo de simplicibus faciens capitulum de aloë, Succotrësem magis laudat. Dioscorides autem, licet numeret multa loca in quibus aloë nascitur: tamen non commendat magis vnam, quàm aliam regionem. Excepit autem illam duntaxat, quæ nascitur in Andro insula, quæ non est apta ad succum extrahendum: sed ad agglutinandam vulnera emplastri modo apposita. Vnde si non potest haberi succotrina, ex qualibet regione potest sumi dummodo non sit arenosa, vel nigra seu adulterata cum alijs extraneis liquoribus: quoniam huiusmodi aloën omnino Authores despiciunt. De aloë autem caballina, siue alterius generis, non est opus pertractare, quoniam non exportatur ad nos amplius. Aloë autem absolute, succus intelligitur.

Aloë absolute.

## De Aloës ablutione.

**N**ON est minima inter Physicos & aromatarios iurgatio, de lauanda aloë. Et sunt qui volunt ut abijciatur aqua eius: & sunt qui non, sed fiat per modū imbibitionis seu nutritionis: & sunt qui aliter, & aliter tenent. Nos autem dictis omnium bene consideratis, respondemus absolute, quòd valde errant qui de

aloë, & maxime optima atq; electa, cum lanant abijciunt aquam lotionis eius. Imò (quod peius est) scimus nonnullos ita obsecratos, & à quadam ignorantia crassa circumuentos, qui lauantes aloën cum aqua specierû, projiciunt & ipsam aquam, quam nos potius eligeremus tanquam partem meliorem ipsius aloës. Sed qua autoritate muniantur, ut aqua aloës ablutæ sit abijcienda, nescimas. At nullus est ex fide dignis Authoribus, qui hoc dicat. Author enim noster, cap. de aloë, cum loquitur de qualitatibus optimæ aloës, nihil dicit de eius ablutione: cum autè pertractat de aloë non bona, tunc declarat ipsam esse lauandam lotionem, per quam fiat absterfio, id est separatio partium immundarû. Inquit enim. In aloë autem quod elongatum est, & declinat à proprietatibus bonis, magnificantur hæc tria quæ diximus, supple suprà in rectificatione, scilicet quod est ex tardè soluentibus, & quod non extenditur in corpore, & quod aperit orificia venarû quæ malignitates, in aloë minus bona sunt maiores, quàm in aloë bona. Vnde sequitur corollarium, quod quanto aloë sit minus bona, tanto maiores illas tres malitias habet. Et ultra dicit Author, quod adhuc etiam est conturbatium faciens dolorem ventris, & nocet stomacho & hepati, & cætera quæ sequuntur. Quæquidem in optima aloë minimè sunt. Vnde consequenter de rectificatione malignæ aloës, sequitur Author, dicens: Et nos rectificamus huiusmodi lauando lotionem, qua partium immundarum fiat absterfio &c. Quasi dicat in aloë bona non erat opus huiusmodi lotionis: & ideo hucusque distulimus eam annotare. Similiter & Dioscorides faciens duo aloës genera, scilicet vnum purum, bonum, iocineris habens colorem &c. alterum malum, fabulosum, siue arenosum, quod est tanquam purgamentum boni: & loquens in fine capituli, de aloës ablutione, clarè patet quod de maligno genere intelligit, cum dicit: Lauatur, ut quod sit arenosissimum tanquam inutile subsidat: & leue ac pinguisimum assumatur. Idem dicit Serapio, autoritate ipsius Dioscoridis. Igitur in aloën puram non cadit ista ablutio. Sciendum etiam, quod ex supradictis intelligens lector & aduertens, potest percipere quod non solum ex bona aloë non est abijcienda aqua lotionis eius, sed neque ex mala. Quæ si arenositas, vel alteriusmodi causa sit mala, seu non pura, lauenda atque purificanda est his seu alijs consimilibus modis, videlicet post congruam triturationem liquefiat perquam optime in competenti aqua pura, & clara. Hinc coletur per stramineam raram, ut si quid in ea pilosi aut

*Aloën malā  
ablutū mo-  
dus.*



aut paleacei, seu (vt barbarè loquamur) scofosi fuerit, vnà cum calculis maiusculis in ipsa staminea remaneat, & projiciatur. Deinde quod colatū est, post modicam quietē (ad hoc vt si quid arenosi habuerit, fundum petat) transmittatur in aliud vas diligenter. Et quod in fundo repertum fuerit sabulosum abijciatur. Quod autem purum transmissum est, in sole siccat. Sed si prima vice non benè purgabitur ex arena, transfundatur in aliud vas &c. donec habeas aloē mundissimam atque purissimam. Et sic lauatur optimè & propriè, ad proborum virorum mentem. Et omninò non est abijcienda aqua ipsius lotionis. Præterea ad obiectionem aliquorum) quam possent afferre dicentium: Cum sit quòd teste Galeno, ac etiam ipso filio Mesuē in suis canonibus &c. aloē lota minus soluatur, hoc non posse euenire ei, nisi per abiectionem aquæ lotionis eius credendū est. Respondemus: Quòd cum aloē lota siccatur in ipsa euaporatione aquæ & humiditatis eius: euaporat consumiliter & pars virtutis ipsius soluitur. Et sic efficitur minus solutua, & magis confortatiua. Et idè non est necesse vt abijciatur ipsa ablutionis aqua. Et nedicat aliquis, quòd per viā nutritionis (sicut declarauimus) non est lotio: quia probatur quòd sic. Et primò per præsentem descriptionem, in qua Author dicit: Et quandoq; exigit dispositio vt lauetur aloēs prius cum aqua myrobalanorum &c. Et inferius: Et laua vltimò cum aqua de speciebus. Et illud idè dicit filius Serapionis in sua descriptione pilularum de speciebus, cum myrobalanis. Non enim projiciuntur aquæ myrobalanorum & specierum. Item in canone de modis lauationum ipse Author noster dicit: Et lauamus aloē: non lotus enim &c. vbi intelligitur per modum enutritionis, & cum aqua simplici, quia postea sequitur præcisè de ablutione per viam absterfionis, ad differētiā enutritionis. Vbi ait: Et quandoq; lauamus vbi oportet abstergere partes immundas. Hinc sequitur de lorione enutritionis aquæ specierum, ad differentiam aquæ simplicis præfatæ. Vnde dicit: Et quandoque lauamus aliquid vt magnificetur virtus eius, sicut lauamus aloē cum aqua specierum aromaticarum, vt magis confortet: & cetera quæ inibi leguntur. Ergo lauatio seu ablutio intelligitur etiā per viam nutritionis. Similiter probatur in libro Bulchasis, qui dicitur Seruitor: videlicet in 2. tract. vbi de ablutione aloēs loquitur, quam postea per viam enutritionis fieri docet. Vbi etiā præcipit aloē semper elotam, siue præparatā in aqua specierum, esse adnunistrandam in omnibus confectionibus & ele-

Æuarijs, in quibus aloë expetitur. Quod quidem laudamus. Tamen semper intelligitur, sicut ipse in fine secundi modi ablutionis aloë scribit. Videlicet, quod tua intersit ut addas & minuas, ac permutes ex medicinis istis secundum opportunitatem ægritudinis. Quia non omnes species indifferenter vni ac omni competunt infirmitati: sed hoc potius est medici, quam aromatarij scire. Igitur cum dicit Author, Et accipe aloë succotrina lb. j. & lauetur in scutella lapidea vitreata, cum aqua pluuiali, lauationibus pluribus, deinde exiccetur &c. Intelligit quod tu accipias aloë, & laues illam per viam abstersionis partium immundarum, modo supradicto, si est necesse, donec iudicaueris ipsam purissimam atque mundissimam. Et idcirco Author non determinauit vices ablutionis eius: sed iudicio nostro illud dimisit, scilicet quod si non sufficerit semel, aut bis: lauetur ter, & quater, & quinquies, & centies, si opus fuerit. Et nullo pacto abijciatur aqua, sed permittio ficcari semper. Postea (ut præcipitur) laua cum aqua specierum, & deficca, & vtere, vel serua.

*De Decoctione specierum alephanginarum.*

**E**T licet clarum quod Author dicat in canone decoctionum, quod tibi superest scire medicinas quæ debilem coctionem suscipiunt, & quæ fortem, ac postea doceat te cognoscere ipsas, dicens: Omnia enim quorum virtus facile resoluitur, aut sunt debilis texturæ, aut virtutem habent positam in superficie, debili coctione indigent &c. Et infra dicit: Et quando permiscerentur medicinae diuersarum intentionum &c. Hinc addit: Et si fit vna ex eis debilior quam altera, oportet ut gradatio in decoctione earum fiat plus vel minus &c. Tamen in præsentī descriptione, videtur sibi ipsi contradicere, cum scribit species alephanginas, sine aliqua gradatione, bulliendas esse in duodecim libris aquæ, vsque ad duarum partium consumptionem. Nam cum præcipit, ut primum infundantur, certum est quod ipse Author non vult in ipsarum decoctione gradationem. Et generaliter omnes species aromaticæ paruam sustinent decoctionem. Igitur quid est hoc quod dicit in præsentī descriptione? Et certe si apud filium Serapionis, & Hali filium abbas, & apud Bulchasim similiter non inuenissemus, iudicaretur esse mendam in codice. Sed filius Serapionis, & Hali Abbas dicunt, ut bulliant vsque ad medietatem. quod parum differt. Bulchasis autem in primo modo conuenit cum istis, ut bulliant vsque ad medietatem: in secundo autem modo, sicut Author noster scripsit. Vnde probatur quod  
non

non errore, sed omni diligentia, & bono modo quodebuit, hoc esse. Qua factum in rescindendum quod non est regula generalis tam absoluta, quod aliquam non patiat exceptionem. Igitur à generali regula decoquendi gradatim medicinas excipitur decoctio specierum alephanginæ pro lauanda aloë: quæ aliter est facienda, vt textus declarat. Et hac de causa (vt arbitramur) authores permittunt diu bullire has species: vt si fortè in eis sit aliqua pars non confortantis virtutis, remoueat ab ipsis: & sic postea sint magis confortatiuæ. Vt exempli gratia: suprà diximus de myrobalanis, qui magis bulliti, sunt minus solutiui, & plus confortatiui, & econtrà. Vnde authores volentes confortare aloë, necessario habuerunt perdere alteram ipsarum specierum partem, scilicet non confortantem. Et hac intentione non contradicit sibi ipsi Author & debet fieri, vt ipse præcipit. Species autem alephanginæ quæ sunt, suprà scilicet in prima miua, declarate fuerunt.

## Pilulæ stomachicæ &amp;c.

CCLXXVIII.



ST in præsentī descriptione per omnes impressiones vnus error, videlicet vbi legitur, Absynthij, Scammonæ, ana 3. iij. Lege rectius 3. iij. s. vt in cunctis exemplaribus inuenimus. Sciendū etiā, quod vniūformiter in omnibus codicibus, tam impressis, quàm manuscriptis, legitur in præsentī descriptione, hieræ picæ 3. vii. Luminare Maius autem habet 3. viij. quod vel librariorum vitio (vt putamus) vel quomodocunque factum sit, non rectè manet. Itē, lege epithymi Cretensis: vt habetur per omnes ferè codices tam manuscriptos, quàm excusos: non autē hortensis, vt Christophorus de Honeftis allucināter scripsit, ac declarauit. Præterea nescimus quam ob causam Author noster posuerit pilulas stomachicas, & similiter alandahal, & de rheubarbaro, siue de raues, & de Serapino, hincinde dispersas per præsentē distinctionem, & non iunctim omnes vnius tituli in vnū, vt de alijs fecit. Nam infrà habet quinque alias pilularū stomachicarū, siue (vt mauis) stomaticarū descriptiones: de quibus locis suis. Etiam capitulo de cura sodæ à permissione cholæræ nigræ, & flegmatis, habet vnā aliam descriptionem: omnes tamen sunt differentes. Ioannes Serapionis in 7. vnā tantū habet descriptionē, auctoritate Gabrielis, sub hoc titulo: sed suprà & infrà ipsam habet plures alias descriptiones, quæ faciūt ad diuersas stomachi

infr

infirmittates. Auicenna autem in quinto cañ. autoritate Alkindi, habet vnā descriptionē valdē differētem. Item Petrus Apponus, siue de Ebano, capitulo de medicinis materiā à stomacho repellentibus, ponit plures pilulas faciētes ad stomachum, inter quas etiam & præsentem descriptionem habet, diuersā tamen in aliquibus paucis, & sub diuerso titulo. Hic est: Pilulæ purgantes stomachum ab omni superfluitate &c. Pro tribus myrobalanis autem, intellige citrinos, chebulos, & Indos. Quiquidem vnico capitulo tantum ab Authore nostro describuntur. Lege de ipsis in confectione Hamech secunda.

*Pilulæ aggregatiuæ ex inuentione nostra &c. CCLXXIX.*



V M dicit Author: Ex inuentione nostra. declarat ipsas apud alios non esse quærendas. Sunt enim & in ista descriptione aliqua emēdanda. Et primum, videlicet vbi per impressiones legitur: Recipe myrobalanorum citrinorum, raued seni, ana 3.ij. rectius lege, ana 3.iiij. Secundum, vbi per nonnullas impressiones legitur: Succus eupatorii, succus absynthij, ana 3.ij. Lege verius, ana 3.iiij. vt cuncta exemplaria habent. Tertium, sciendū quod cuncta excusa volumina habent in præsentī descriptione: turbith boni, aloës, ana 3.vj. Lege melius, ana 3.vij. vt in maiori parte exemplarium inuenimus. Et certē si Author posuisset 3.vj. fecisset vnum ana, cum scammonia, cuius similiter 3.vj. recipiuntur. Item sciendū quod electuarium rosatum cum quo conficiendæ sunt istæ pilulæ, ex descriptione ipsius Authoris, & nō alterius sumendum est. Cuius titulus est: Modus electuarij rosati &c. De quo quære suprā. Præposuit Author hanc suam confectionem, tanquam alijs nobiliorem, & meliorem, quæ vbique habetur in vsu. Quanquam & sequentes etiam, à nonnullis quandoque parantur.

*Pilulæ aggregatiuæ maiores &c. CCLXXX.*



V N T & in ista descriptione per impressos codices quatuor mendæ. Prima videlicet, desunt in primo ana myrobalani bellerici. Sic enim legendum est: Recipe bdellij, myrobalanorum nigrorum, bellericorum, & emblicorum &c. vti cuncta exemplaria habent: necnon & vulgaris æditio, & Luminare Maius, & Nicolaus Præpositus. Secunda, ante cinnamomū, deest zinziber.

Lege

Legere tius sic: Zinziberis, cinnamomi, cardamomi &c. Tertia est, quod ubi legitur: penidiarum albarum 3. iiii. legendum est 3. x. vt exemplaria ipsa testantur. Quarta autem est, quod in fine huius descriptionis, per omnes inpressiones legitur: Et vnge manus tuas cum oleo sambacino. quod oleum apud nullum Authorum legitur. Nec illud quod falsò legitur in vitima distinctione huius antidotarij, per omnes eosdè impressos libros, est oleum sambucinum: sed est oleum sambacinum, siue saubacinum. Quod quidem petit Author in præsentì descriptione: vt probari potest per multa exemplaria, in quibus tam hîc, quàm ibi legitur aperte & clarè, oleum sambacinum. Et in nonnullis (quod putamus minus rectè) saubacinum, & non sambucinum. Plures nempe in affinitate vocabulorum sæpe decipiuntur. Sambac autem siue *Sambac.* zambac, siue saubac, est illud quod & scribitur, & vulgò proferitur iesminum, seu iasminum, siue magis barbarè iesemin, vel ias- *Iasminum.* min: vel secundum Rhafim, tertio cap. antidotarij separati, ieeminum. Cuius planta, secundum Serapionem & Auicennam, trium generum est, scilicet quòd quædam fert flores albos, quædam citrinos, & quædam purpureos siue lazulinos. Apud nos autè non nisi album iasminum cognoscitur, quod quidem in viridarijs, opere topiario, ad decorem à multis colitur. Sed aduerte quòd apud Auicennam in quinto casu. non ponitur capitulum de sambuco: & illud quod falsò inscribitur de sambuco, est capitulum de iasmino. Vnde legendum est ibi de sambaco, siue de iasmino, vt Bellunen sis emendauit: & legenti, & conferenti ipsum capitulum cum capitulo de iasmino Serapionis, non est dubium. Oleum autem sambacinum: hoc est de iasmino, à multis commemoratur: *Oleum sambacinum.* vt præter Authorè nostrum, à Dioscoride in primo libro, de quo facit capitulum. Et petitur in præsentì descriptione, & in vnguento de bdellio, ubi similiter inpressiones deprauatæ sunt, vt ibi dicemus. Et legitur etiam in capitulo Serapionis de iesemin. Et ponitur quoq; à filio Serap. in pluribus descriptionibus sui antidotarij. Et habetur in secundo casu. Auicennæ, capitulo de sambaco, quod falsò (vt diximus) inscribitur de sambuco. Ac etià notatur ab ipso Auicenna, cap. de nefrin, vel nefrin, siue neferin: quod est de rosa parua, syluestri, alba, vulgò dicta Damascena, seu da- *Rosa damascena.* maschina & à nonnullis rosa muscatella dicitur. Vbi asserit nef- *Rosa muscatella.* rin esse in virtute sambaci, debilius tamen: & oleum eius est proximum virtuti olei sambacini, quàmuis debilius: quod quidem etiam dicit Serapio, autoritate Mesarugie, in cap. de nefrin, scilicet quòd

quod est simile virtute sua in ieuſemin. Vnde ſciendum, quod in defectu olei ſambacini, poſſumus vti oleo de neſſin, id eſt de roſis damaſcenis, ſiue muſcatellis præſatis. Item notatur in eodẽ ſecundo cañ. Auicennæ capitulo de oleis, & in quinto cañ. ipſius, ſcilicet in deſcriptione olei de euphorbio. Et alibi. Itẽ apud Rhaſim in antidotario ſeparato, ſcilicet in compoſitione olei citri, recipitur oleum zambac, quod idem eſt quod oleum ſambacinũ &c. Oleum autem ſambacinum (vt diximus) adhuc nuſquam legitur, niſi errore poſitum pro ſambacino, vt hĩc &c. Lege igitur rectius: Et vngemanus tuas cum oleo ſambacino.

*Pilule aggregatiue minores &c. CCLXXXI.*



ENDO SE legitur per omnes impreſſiones in præſenti deſcriptione: Recipe myrobalanorum &c. ana 3.ij. Cum rectius ſit legendum, ana 3.iiij. Vt habetur in antiquis exemplaribus. Et ſimiliter habet Petrus Apponus, qui ponit præſentem confectionem autoritate Iudæi, in cap. de medicinis materiã à ſtomacho repellentibus. Cuius titulus eſt, Iudæus. Pilulæ confortantes ſtomachum &c. Sed abſque raued ſeni, & additis fucci roſarũ 3.ij. Ponitur & ab Auicenna in quinto cañ. præſens deſcriptio autoritate filij Hilgeben: ſed differt in ponderibus, nec habet raued ſeni. Præterea legitur in fine huius deſcriptionis: Conſice cum ſucco apij, & da 3.ij. cum aqua calida. Illud cum aqua calida, in maiori parte exemplariũ nõ legitur. Vnde putamus, quod vel eſt additio librariorũ, vel eſt mēda in codice, vt ſimiliter eſt in ſequentibus pilulis de eupatorio. Et ſic forſan intelligat Author ipſas pilulas cõficiendas eſſe cum ſucco apij, vel cū aqua calida. Nam & Auic. cum ſimplici aqua ſuas informat. Et tunc ſic eſſet legendũ: Conſice cum ſucco apij, vel cum aqua calida. & da 3.ij. Nos autẽ tanquam ſuperfluum deleuimus ab ipſa deſcriptione.

*Pilule de Eupatorio maiores &c. CCLXXXII.*



AE C quidem pilularum deſcriptio ponitur à filio Serapionis in 7. in principio capituli decimiſeptimi, quod eſt de pilulis: ſed in his tantũ diſcordat ab iſta. Videlicet, quod habet aloẽs 3.ij. Author noſter 3.v. Itẽ Raued ſeni 3.ij. Author autẽ noſter 3.iiij.s. Præterea peruerſe legitur in fine præſentis deſcriptionis: Cõſice cū ſucco endiuiz: doſis eius eſt 3.ij. cū aqua caſei. In exẽplarib⁹ antiquis autẽ, ſic rectius legitur: Cõſice cū ſucco endiuiz

diuiz, vel cū aqua casei, dosi est 3. ij. Et sic (vt credimus) est secundū veritatē. Filius Serap. autē habet simpliciter cū aqua endiuiz.

*Pilule de Eupatorio minore &c. CCLXXIII.*



ONSIMILITER vt in prefata, & in fine presentis descriptionis: imò peruersissimè legitur: Confice cum aqua apij, da 3. ij. & in alio cum aqua endiuiz. In maiori parte exemplariū antiquorū sic inuenimus: videlicet, Cōfice cum aqua apij vel cum aqua endiuiz, & da 3. ij. Et in nōnullis sic, Cōfice cum aqua apij, vel cum aqua casei, aut cum aqua endiuiz, & da 3. ij. Ex huiusmodi lectionem credimus esse veriore. In tribus verò ex ipsis exemplaribus, nec aqua casei, nec aqua endiuiz legitur. Sed simpliciter sic: Confice cum aqua apij, & da 3. ij. Filius Serapionis quidē, & Auicenna, ille in septimo, & iste in quinto habēt istam descriptionem, sed absque raueo seni: & absolute conficiūt cum aqua apij. Hali Abbas autem in .x. practicā, sub titulo Pilularum gafeti, habet vnā descriptionē, diuerā tamen ab istis.

*Pilule de Rheubarbaro &c. CCLXXXIII.*



DIVERSAS intentiones diuersas Author noster pilularum de rheubarbaro posuit descriptiones. Et vt ne quis decipiatur in eis, alteram descriptionē accipiendo pro altera, variāuit etiā & ipsarum inscriptiones. Et has presentes pilulas de rheubarbaro: illas autem quæ sunt infra, de raueo titulauit. Etenim bene sciens ipse quod rheubarbarum & raueo sunt idem, ne quispiam suspicaretur ipsum imprudenter seu ignoranter hoc fecisse: titulus istas de rheubarbaro, scripsit postea: Recipe raueo &c. Vnde sciendum, quod pro pilulis de rheubarbaro *Pilule de* absolute (supple ipsius) semper istæ debent intelligi, & non illæ *rheubar-* quæ dicuntur de raueo. Et econtrā, illæ semper de raueo, & non *baro absen-* istæ. Petrus Apponus, nempe Author libri Elii Mesue in fine *lute.* capituli de agnitionibus & oppilationibus hepatis, habet vnā descriptionem pilularum de rheubarbaro, differentem tamen ab ista. Rhafis quoque in antidotario diuisionum, capitulo de medicinis hepatis, habet vnā similiter differentem. Et in nono ad Almansorem, capitulo de hydropisi, habet pilulas de raueo quæ similiter differunt ab infra scriptis & ab istis. Sed filius Serapionis in septimo habet eandem præfaram & infra scriptam descriptionem pilularum de raueo, in quibusdam tamen paucis *differentem*

rentem : & in eodem capitulo, habet etiam istammet descriptionem pilularum de rheubarbaro, in aliquibus similiter differentē. Sed non inscribitur de rheubarbaro. Et propriē est secunda descriptio, in ordine ipsius capituli de pilulis. Bartholomæus à Montagnana in suo antidotario, cap. de pilulis, habet pilulas rheupōtici, quæ (vt putamus) non intelligendæ sunt de rheubarbaro: quoniam ipse forsan vulgares sequutus, non tenebat rheuponticum esse rheubarbarū. Quod probatur in eodem suo antidotario, capitulo de electuarijs, scilicet quod in electuario ad cholera prasina, vtrunque descripsit, scilicet rheubarbarum, & rheuponticum: quod nusquam ab alio priorum legitur esse factum. Vnde dictas pilulas potius suspicamur esse de maiori centaury, quàm de rheupontico. De quibus mox dicemus. Præterea aliquæ impressiones habent mendosæ in præsentī descriptione: Myrobalanorum citrinorum 3. iij. s. Verius est 3. ij. s. Vt in cæteris impressiōibus, & cunctis exemplaribus legitur.

*De Rheubarbaro, Rheupontico, & Raued.*

**S**Vpra vires nostras equidem labor est de rheubarbaro pertrahere. Sed neq; fas erit ipsum absq; declaratione pertransire. Et quaniuis rhapsodicum, siue rheuponticum non nominetur in ista descriptione: tamen & de ipso necessariū est aliqua cōscribere, ob meliorem rheubarbari declarationē. Rheubarbarum igitur, siue (vt maius) rhabbarū, si veritati volumus adherere, idē est quod Rhapsodicū, id est rheuponticū. Differentia enim quæ est inter ipsa, est diuersitas locorū. Vnde pro rheu, siue rha, siue raued, vel rauet, semper intelligitur genus radicis illius, quod vulgō rheubarbarū nominamus. Quod quidē, si nascitur in Pōto: dicitur rheu, vel rha Ponticū. Si autē in Barbaria habet ortum suum: dicitur rheu, vel rha, vel raued, vel rauet barbarū. Si verò in Turchia, nominatur rheu & c. turchium, vel turchicum. Et si in fini, vel fini, seu sceni: vocatur rheu, seu raued fini, vel fini & c. Quod & testatur ab Anthore nostro, capitulo de rheubarbaro, dicente, Ex speciebus rauet, aliud est quod nascitur in India: & est rauet sceni: & aliud est rauet barbarum, & aliud est rauet turkium. Et similiter à Simone lanquensi, & Pandectario in litera raued. Isidorus quoq; capitulo nono libri decimiseptimi Etymologiarum, ait: Rheubarbarum, siue rheupōticum, illud quod trans Danubium in solo barbarico: istud quod circa pontum colligitur nominatum est. Rheu autem radix dicitur. Rheubarbarum ergo, quasi radix barbara: rheu ponticum, quasi radix pontica. Hæc

Isidorus.



Isidorus. Celso enim absolute radix pontica dicitur. Differt etiam rha ponticum, à rha barbaro, in hoc, scilicet quòd ponticum (vt Diosc. & Plin. tradūt) est inodori, & valde leue: barbarū autem, est odoratissimū & ponderosius. Et hoc nō magni facimus, quia plurima sunt, Theophrasto teste, quę recētia minimū aut nullum habent odorē: sicca autē sunt odoratissima, & ecōtrā. Vt exempli gratia: Radicē gentianę omnes scribūt inodoram esse: sed de recenti, scilicet virenti intelligunt: quę certe (vt pluries experti sumus) cum est recens, quasi nullum habet odorē: sicca autem maximū, & non ingrātū spirat odorē. Et similiter est iris, & alia plura. Vnde potest esse forsā, quòd rheu barbarū recens sit inodorum: etenim ad nos nunquā exportatur virēs. Non obsistere quòd Manardus dicat in suis Epistolis, se habuisse verū rheu ponticum in odorum: forsā si habuisset & rheubarbarum ita recens, sicut & ponticū habuit, probasset etiā ipsum nō ita odoratū esse. Rauer autē seni, est vt barbarū, sed melius & electius, teste ipso Authore nostro, quod ad nos amplius non defertur. Rauer barbarū tantūm cōuehitur, & hoc aliquādo vitiatū. Per rheu Turchiū verò, putamus authorē nostrū intellexisse rheu ponticū: quoniam aliter rheu ponticum nō descripsit. A Plinio rhacoma, siue rhecoma scribitur. Igitur pro rheu pōtico, & rheufini, optimē substituitur hoc rheubarbarū quo vtimur. Præterea quia doctorū super his, & præsertim iuniorū, varię sunt opinionēs, eas studiosis legēdas dimittimus. Concordant tamen nobiscum Ruellius, & Gulielmus Putaneus (qui aduersus Manardum & Leonardū Fuchsum, longa disputatione cōprobauit rheubarbarū, à rha pontico non differre, nisi natali solo) & alij plures. Animaduertēdum autem quòd pro rheu pontico non intelligimus hoc quod falsò sic nominant hodie vulgares, quod quidem non ē Ponto, sed ex Monte gargano Apulię, & alijs locis affertur, quod certissimē est centuarium maius. Quamuis Brasaulus aliter sentiat. Sed rheu ponticum dicimus illam speciem rheubarbari (vt ita dicamus) quę in Ponto nascitur. Apud Aëtium autem, & Actuarium, & nonnullos Græcorum, legitur aliquando in suis compositis rhabarbarum, radix pontica, rheu indicum &c.



*Pilule de Alchechengi. CCLXXXV.*

STARVM pilularum descriptio (vt putamus) nō est ex propria authoris nostris inuētiōe: quia licet legatur in textu, ex inuētiōe nostra (quę

possunt esse addita ab alijs ad ipsum textũ )ponitur tamen à filio Serapionis in septimo quasi ad literã: & locatur tertio loco in capitulo pilularũ, cuius titulus est: Pilulæ, quæ conferunt ad febres antiquas &c. Item ponitur ab Auic. in quinto cañ. & titulus eius est: Pilulæ conferetes ad febrẽ cronicã &c. Præterea intitulantur hæ pilulæ de Alchechengi, quarũ inscriptio vel est mēdosa (quoniam postea nō legitur alchechengi in tota descriptione, & neq; in filio Serapionis, neq; in Auicenna est huiusmodi titulus) vel

*Aqua solatri.* Author per aquam solatri (cum qua conficiuntur ipsæ pilulæ) intellexit succum alchechengi, quod est species solatri. Et sic per ipsam aquam solatri, qui est succus, vt in Auicenna clarè patet, intelligendus esset succus alchechengi, quod quidem nobis non displicet. Veruntamen sic dimissimus: quia sic inuenimus in exemplaribus antiquis etiam. Item sciendum quod præter vnam, quæ est de modernioribus, omnes excusiones quas vidimus, habent in ista descriptione mendosè excusum: Casia fistulæ. In præfatis cunctis exemplaribus autem legitur absolute, Casia: & stat pro casia lignea, vel eius specie: quoniam filius Serapionis loco casia, habet Seitragi: quo nomine (vt superius diximus) quædam species casia lignæ etiam nuncupatur. Auicenna autem nihil eo in loco habet. Et licet pro casia fistula quandoq; intelligenda sit casia lignea: tamen pro simplicioribus, qui facillimè in æqui uocis peccant, non est bonum vt scribatur cum additione fistulæ. Per venasliquiritiæ, intellige radices illius. Filius Serapionis autem & Auicenna in tali loco, succũ liquiritiæ habent, quod putamus melius.

*Pilulæ ad febres antiquas: inuentione Philagrii &c.* CCLXXXVI.



**P**ONUNTUR hæ pilulæ ab Authore nostro, inuentione Philagrii. Habentur autem in septimo filij Serapionis sub eodẽ titulo, sed nō ex inuentione Philagrii. Differũt tamen in quibuidã ponderibus: nec recipiũt trochiscos de rheubarbaro. Præterea sciendum quod in præfati descriptione per omnes impressiones desũt myrobalanorum chebulorum 3. iij. In cunctis, enim exemplaribus inuenimus, & similiter sunt in descriptione filij Serapionis, quapropter referibendæ sunt in ipsis impressionibus. Et debent locari post trochiscos de rheubarbaro, sic videlicet: Recipe trochiscorum diarhodõ, trochiscorum de rheubarbaro,

baro, ana 3.iiij. myrobalanorum chebulorum 3.iiij. succi eupatorii &c. Item, ubi legitur in ipsis impressis libris: salis indi 3.j.s. Lege rectius 3.j. quia sic est secundum veritatem in prefatis exemplaribus: & sic etiam habet filius Serapionis.

*Pilule Indæ quas scripsit Hali &c. CCLXXXVII.*



BI Hali Abbas describat has pilulas, adhuc nō valuius inuenire. Vel forsā est alter Hali, cuius operibus caremus. Et quod fuerit alter huius nominis, prāter filiū Abbas, potest coniectari ex verbis ipsius Authoris nostri, in cap. de sarcocolla, dicentis: Confectio pilularū ex sarcocolla, quas fecit Hali senex. Senem forsā posuit, ad differentiam alterius iunioris. Et similiter Hali filius Abbas, forsā sic cognominatur ad differentiam alterius Hali non filij Abbas. Ponit quoq; Author præsentem descriptionem, capitulo de helleboro. Vnde rationabiliter possunt etiam dici, pilulæ de helleboro. Non obstante quod ipsæ descriptiones variant in quibusdam inter se. Etiam quasi consimilem descriptionem, auctoritate Sabor heben Girges, habet ipse Author in capitulo de soda frigida ab humore melancholico. In quinto casū. Auicennæ autem sunt pilulæ indæ factæ cum musco. Et in septimo filij Serapionis sunt duæ descriptiones pilularum indarum, & vna ipsarum fit cum musco. Quæ omnes sunt valde differentes ab ista filij Mesuæ. Sunt præterea in præsentī descriptione aliqua emendanda. Et primo ubi legitur per omnes impressos codices: Agarici &c. ana 3.iiij. Legendum est, ana 3.iiij. Item in nonnullis ex ipsis impressis codicibus, in quibus legitur: Epithymi, sticados. ana 3.v. legendum est, ana 3.vj. quia sic inuenimus esse secundum veritatem. Nicolaus Præpositus autem in ista descriptione, præter epithimum, habet & thymū, quī apud nullum aliorum legitur: deleatur ergo.

*Pilule Alandabal Hermetis &c. CCLXXXVIII.*



ER impressos libros præfens descriptio in quibusdam clausulis ita cōfused legitur, quod vix aromatarij vtcunq; periti possunt capere verum sensum ipsius, & rectam authoris intentionē, de modo conficiendi ipsas pilulas. Etenim exemplaria antiqua sic rectius & clarè habent. Omnia, præter laudanum, & mastichem, terantur, & cribrellentur, & in vñq; misceantur. Matix verò dissoluatur cum pauco oleo nucum, & limiantur cum

eo species cribrellatæ. Deinde cum laudano conficiantur in mortario, terendo ea cum pistillo calido, & fiant pilulæ grossæ &c. Infrâ Author ponit aliam quasi similem descriptionem, sed absq; hiera & mastiche. Et inferius habet aliam diuersam descriptionem, sub cognomine de coloquinrida.

De Laudano.

**Q**ua planta Ladanū, siue laudanū colligatur, à Dioscoride clare describitur. Ex cisti enim, scilicet barbæ hircinæ genere constat, longioribus ac strictioribus folijs. Quod quidē (ni fallimur) sepe vidimus in Italia. Sed tam parua pinguitudinē generat, quod nō colligitur ex eo laudanū. E Cypro insula optimū habetur: sed ad nos rarō nō adulteratum conuehitur. Qui emūt igitur animadaertāt, vt purū emāt: quod est, vt sit subniride, molle, pingue, resinofum, odoratum, nihil habens arenæ, seu alterius immunditiæ. Reperitur quandoq; scriptum sub nomine confite: vt est infrâ, scilicet in emplastro Oribasij. Lege ibi.

*Pilule de Sarcocolla, & sunt pilule*

*Hali &c. CCLXXXIX.*



**H**AS pilulas ad literam ponit Author in capitulo de Sarcocolla, ex autoritate Hali senis, vbi dicit: Confectio pilularum ex sarcocolla, quas fecit Hali senex &c. Vnde probatur titulus presentis descriptionis per impressos libros esse deprauatus: & pro Hali, impressum est albæ. Plura etenim adhuc extant exemplaria, quæ habent clare per literas Hali: & nonnulla abbreviate, Hal. vel sic: al. ex quibus error originem sumpsit.

De Sarcocolla.

**S**arcocolla gummi est arboris in Perside nascentis, vt inquit Dioscorides. Sed à nostro Authore in proprio capitulo additur, quod est spinosa, & non admodum magna, sed tanquam frutex: & quod est dauū generum, scilicet alterum album, & alterum subcitrinū, & quod potentius est albo subcitrinum. Subcitrinum putamus posuisse, pro rufo: quoniā Dioscorides sarcocollam rufam esse dixit, Auicenna quidem vt Author noster loquutus est, Plinius autem capitulo 14. libri 24. dicit: Verustate sarcocollam maximè nigrescere: addensq; candidiorem esse meliorem. Ex libro 13. cap. 21. scripsit: Sarcocollæ gummi candidum esse melius, quàm rufum. Et idem dicit Serapio, autoritate Abix, scilicet quod albius est melior. Ex quo, si verustate nigrescit, ergo quanto

quanto albior, tanto recentior: & si albior est melior, ergo quanto recentior, tanto melior. Item concordat Author noster cum Dioscoride, de amaritudine, amarioremq; commédans. Et illud idem dicit Serapio, autoritate Dioscoridis & Galeni. Plinius vero asserit ipsam cum quadam acrimonia esse dulcem. Nos autem in hoc simplici, potius credimus Dioscoridi, & Galeno, & per consequens Authori nostro, quàm Plinio. De huiusmodi verò & ceteris simplicibus externis, malam possumus habere cognitionem: ex quo velimus nolimus, oportet nos de eis negotiatoribus præstare fidem. Adulteratam vplurimam nobis vendunt: quoniam ut ipsi de se testimonium perhibent, ab infidelibus puram nequaquam emere valent.

*Pilule foetidae maiores &c.*

CCXC.

*Pilule foetidae minores &c.*

CCXCI.



**F**ERRE per omnes impressiones est vna menda in prima istarum descriptionum: videlicet ubi in ipsis legitur, Scamoneæ 3. iiii. legendum est rectius 3. iij. ut per cuncta exemplaria habetur, & per descriptiones filij Serap. & Auic. probatur: qui duplicato potest scribentes, habent scamoneæ 3. vi. Author enim noster in summa quarta de egritudinibus nervorum, habet quatuor pilularum foetidarum descriptiones: binas videlicet, & binas, scilicet maiores & minores, quarum aliquibus cum istis non conveniunt. Filius Serapionis in septimo habet maiorum descriptionem similem huic, præterquam quod non habet hæc quatuor simplicia, scilicet hermodactylum, althebram, turbitum & zinziber: & recipit minorem euphorbij portionem, si ipsa descriptio non est aliquo modo depravata. Habet quoque duas minorum descriptiones: quarum prima ad litteram convenit cum ista minori. Avicenna autem in quinto casu, habet quatuor descriptiones, quarum tituli sunt: Pilule foetidae magnæ, foetidae maiores, foetidae minores, & foetidae Alkindi. Maiores autem & minores, ad vnguem ut filius Serapionis posuit: dempto quod minores non habent myrrham. Rhasis vero in nono ad Almansorem, cap. de Paralyti, habet pilulas foetidas: & in antidotario dionysiorum, cap. de medicinis ad torturam, easdem posuit, sed cum additione maioritatis: & differunt ab istis in multis. Hali Abbas quoque in x. Practicæ, ponit duas descriptiones similiter differentes. Etiam Arnaldus Villanova in suo antidotario habet duas descriptiones, istis dissimiles.

De Ammoniaco, siue (vt maior) Armoniaco

**Q**uod ad armoniam non pertinet, barbarè quidem armoniacum dicitur. Rectius autem dicendū est Ammoniacum ab Ammone, iuxta cuius oraculū in Aphrica, seu in Lybia, secundum Marcellum, plurimū gignitur. Gummi modo concretus succus est, ē ferulacea planta eiusdē nominis, qua nos

*Ammonia-  
cum plura  
significat.* caremus, Dioscorides Author est. Vnde cōsimiliter, vt de sarco-  
colla, & de hoc, & alijs pluribus, mercatoribus creditur. Sed nota  
quod hoc nomē, scilicet ammoniacū, est commune ad plura. Vnde etiam quoddam sal, ammoniacum dicitur, de quo aliās. Et licet ammoniaci succus à Romanis, scilicet Latinis: vt Diosc. scribit) gutta dicatur: tamen pro gutta simpliciter scripta) quæ certè res aromatica est: vnde in Plalino: Myrrha, gutta, & casia legitur) à doctis, non ammoniacū, quod malè olet: sed staete, siue sty-  
rax liquida intelligitur. Et nō per hoc quia ipse Diosc. dicit q̄ ex ammoniaco fit thymiana, intelligatur quod ammoniacū suauē oleat: quoniā antiqui in thymiamatis cōpositionibus multa olfactu horrida immiscebant. En ipsemet Author declarauit suū malum odorem, dans castorei similitudinem. Et res ipsa olfacientibus maximum veritatis rei præbet testimonium: ex quo igitur non dubitamus ipsum esse verū quo vtimur, adulteratū supple.

De Harmel.

**H**ucusque distulimus de Harmel pertractare, ex eo quod in præsentī descriptione nonnulli pessimè declararunt Harmel (quod est genus siue species rutæ syluestris & montanæ) esse cicutam. Non enim sciunt quid loquuntur. O vtinam in compositionibus, quæ ore sumuntur, non fuisset expressè contrarium, cicutam pro harmel substituere. Nescimus quippe qua auctoritate Pandectarius, Lumē apothecariorum, & Thesaurus aromaticorum, & ceteri dicant cicutā vocari harmel, vel cum aspiratione, vel sine ea. Atqui non legitur hoc in Diosc. non in Galeno, non in Paulo, non in Serapione: & quod maius est, neq; in Aui-cenna, cuius auctoritate malè intellecta forsā aliqui ex ipsis mutantur, vt mox videmus. Sed neq; est in aliquo ex iunioribus nō spernēdis, vt sunt, Ruellius, Brasauulus, Manardus, & ceteri. Nam quid Dioscorides lib. 3. cap. de ruta syluestri, de huiusmodi re dicat, audiamus. Pertractans enim de syluestri Galatica, & Cappadocia ruta, ait: Sunt qui eam armalam vocēt, Syri Betsam: qui Capadociam incolunt, moly: quoniā quandā cum moly seruet similitudinem &c. Armala, pro armel, siue aruela ponitur. Non ob-

*Cicuta non  
est harmel.  
Cicuta non  
est ore sumē  
da.*

*Armala.*

stante

stante quòd armala, siue armel, & besafa etiam vocetur ruta fati-  
ua, & hortensis, vt apud ipsum Dioscoridem legitur: queniã abso- *Besafa.*  
lutè, & quasi per antonomasiam (vt ab omnibus fide dignis rece- *Ruta sylue-*  
ptum est) ruta sylvestris, & montana intelligitur. Et secundũ tra- *stris absolu-*  
ditiones Ruellij, & Marcelli, sine aspiratione in principio, scribi-  
tur. Hermolaus autè aspiratè traduxit harnala. Quid autem Ga-  
lenus lib. 6. Miamyr, scilicet in Diabesafa descriptione, aspiratè  
ponat, afferatur: Besafa, (inquit) quod nonnulli harmala vocat:  
est autè vna ruta sylvestris. Et Paulus lib. 7. sine h, sic scribit: Mo- *Moly.*  
ly, quod nonnulli rutam sylvestrè, alij armalam dicunt, Syrii Be-  
safam. Serapio autem 285. cap. (quod est de harmel) nonne illud  
idem, quod Dioscorides, de ruta sylvestri Galatica scribit: Et Au-  
uicenna in secũdo cañ. cap. de harmel, quid aliud quàm eandem  
rutam sylvestrem intellexit? En probatur, per authoritatè Dio-  
scoridis, quam in dicto suo capitulo adduxit. Ait enim: Membra  
oculi, Dioscorides dixit quod ipsa trita cum melle, & vino, & fel-  
le alcubuli, & gallinarum, & aqua foeniculi, conueniens est debi-  
litati visus. Deest quidem in ista authoritate crocus, & fortassè  
librariorum incuria. Dioscorides autem in præfacto cap. eadem  
sententia, de semine ipsius rutæ pertractas, sic scribit. Quod cum  
melle, vino, croco, & foeniculi succo, ac gallinaceo felle teritur,  
contra retusam oculorum aciem. Etiam quòd minimè intellexe-  
rit cicutam, manifestè patet: quoniam infra in eodè secũdo cañ.  
habet cap. de succaram, quod est de cicuta. Illud autè quod posi-  
tum est ab ipso Auicenna in quarto cañ. fen. vi. tract. iij. cap. 33. de  
cura morsus viperarum, non cõtradicit sibi ipsi, vt plurimi falsò  
arbitrati sunt. Vnde non benè percipientes sensum illius circũ-  
loquutionis, nõ solum errauerunt ipsi, sed & alijs plurimis aniam  
errandi cõtribuerunt. Hæc nanque sunt Auicennæ verba: Ruta syl-  
vestris: & non est alharmel, secundũ quòd existimauerunt quidã,  
imò est species rutæ ipsius. Non enim asserit alharmel nõ esse ru-  
tam sylvestrem: imò cõfirmans quòd est, & declarans dicit, quòd  
ipse non intelligit in illo loco, illam rutã sylvestrè, quæ speciali  
vocabulo vocatur harmel: sed vult aliã speciem ipsius rutæ sylue-  
stris. Et quòd sint plures species rutæ sylvestris, nõ solum per Dio-  
scoridem, verum etiã & per alios plures Authores apertè descri-  
bitur. Interpres operum Auerrois etiam magnopere errauit in  
quinto Colliget, declaras alharmel esse cicutã: vbi debebat dicere  
esse rutam agrestem, armalam nuncupatã: quia infra declarauit  
aliã speciẽ rutæ sylvestris, sub nomine Alsedep. Et manifesta-

stauit ibi errorem suum scribens contra omnes Doctores, cicutam esse calidam & siccam in tertio gradu, quæ est frigidissima &c. Ex quo probatur, quod non Auerrois, sed ipse interpret errauit: quia Auerrois pro alharmel intellexit rutam syluestrem: vnde notauit ipsam calidam. Authoritates verò iuniorum asserentium harmel esse rutam agrestem, & non cicutam, ne simus prolixiores, non scribimus, studiosi quidem facillimè omnia percurunt. Hanc itaq; rutam syluestrem harmalam, siue hermel vocatam, Venetijs primū vidimus, & exinde Romam detulimus, & in & in nostro Araceli hortulo seuiimus: sed bellis superuenientibus in Clementem septimum tunc pontificantem, ob subsequutam Urbis captionem, & (vt ita dicamus) deuestationē, ad alia maioris momēti animū vertentes, minimè de ipsa nobis cura fuit. Ac sic periit. Tota deniq; ipsius planta descriptioni Dioscoridis ad vnguē correspondebat: vt in folijs longis, flore albo, semine tri-

*Ruta syl-* quetro &c. Sed quia hæc de facili non reperitur, possumus in eius  
*uestris loco* vice vt herba, quæ androsēmō, siue hypericon vocatur: & vulgò  
*quid acci-* perforata dicitur, quæ paisim habetur, quæ quidem est peganon  
*piatur.* agnion, scilicet alia ruta syluestris ipsius Dioscoridis. Quoniam  
(vt pater legentibus) vnum & idem capitulum est, bis nempe de-

*Harmel ab-* scriptum in Dioscoride. Sed aduerte quod per harmel absolute,  
*solutè.* semen ipsius rutæ syluestris intelligitur: cuius tantum in medi-  
*Harmel sup-* na est vsus, vt Dioscorides & ceteri tradunt. Et in defectu ipsius,  
*plentia.* substitue semen hypericonis. Etiam & semen hortensis rutæ (vt multis placet) potest subministrari. Nec omnino cicutam nomines, in his & similibus confectionibus, quod est venenum pessimum, & mortiferum, per os propinare.

*De Scebram.*

**I**N modo nanque confectionis alscebram, quid sit ipsum Scebram, satis declaratum est. Hic autem satisfaciemus mentibus legentium, ex quadam dubitatione quæ posset oriri ex mala declaratione cuiusdā mendæ, in libro nostri Authoris. Vnde sciendum quod Ioannes Iacobus de Manlijs allucinatus ab ipsa mendæ, quæ est in capitulo de cura mania, & melancoliæ sanguineæ libri sui Mesuæ, multa confundit, declarando scebram in pilulis foetidis, & in Dianasturtio. Nam ille bonus vir legens in dicto cap. scebram, siue (vt ipse scribit) scefcebram, id est ozimū maius, & nesciens mendam in codice, fecit differētiā inter scebram, & scefcebram. Cum in rei veritate scebram, scefcebram, sebram, alscebram, seu alscebram &c. consimilia barbara vocabula (quæ quidem



quidem omnia sunt scriptorum deprauationes) vnum & idem significant. Etenim vltra quadraginta variationes, per diuersa volumina de huiusmodi vocabulo inuenimus. Ergo secundum ipsum, quadraginta simplicia diuersa denotât illa quadraginta variationes: quasi scripsissemus, ridicula fore nō dubitauimus. Et præsertim eo in loco (vbi diximus quod per impressiones mēdosē declaratur esse ozimū maius) quot sunt exēplaria, tot sunt voces: videlicet vbi per additionem vnius literæ vel plurium, & vbi per diminutionem, & vbi per transpositionem literarū, vel syllabarum &c. Impressiones tamen vniformiter habent, in illo loco scebram, & nō scecebram. Et in vulgari editione declaratur quod est esula &c. Vnde sciendum quod vera litera præfati capituli in eo loco (vt per plura exēplaria apertē probatur) hæc est: Filius Zachariæ. Modus confectionis conferentis melancholiæ, & timori. Recipe myrobalanorum nigrorum 3. xx. harniel, polypodij, scebram, ana 3. j. ozimi maioris, marrubij albi, ana 3. v. &c. Ergo non est scebram siue scecebram, ozimum maius &c. Sed huiusmodi mendam, vnde coniectamus ortum habuisse, longum esset declarare: qualiter omnis est medio illud ana, & illa 3. dimisso illo, j, significante vnam drachmam, & postea acceptum est illud, j, pro id est, breuitatis causa, solerti ingenio prædictis, dimittimus considerandum.

De Porro.

**P**ORRUM enim notissimum est. A Dioscoride præfati cephaloton, hoc est, porrum capitulū, dicitur. Qualiter porri magni fiant, & de ipsorum satione, cultu, ac medela, à Constantino Cæsare 12. suæ agriculturæ libro diffusè scribitur. Duo eius genere faciunt Authores, sed sæpe alterum in alterum transit.

Pilule de Serapino &c.

CCXCII.



**D**ISSIMILEM huic, quo ad modum, habet infra Author vnam aliam descriptionē pilularum de Serapino: sed quod ad effectus multū similē. Filius Serap. in septimo habet quatuor descriptiones. Auicēna autē in quinto canone vnā tantum. Et Hali Abbas in decimo practicæ vnam. Omnes tamē differunt.

De Serapino.

**S**Agapenum, siue Sagapeniū, à Doctoribus scribitur. In libris Arabum autem latinitati donatis, interpretes Serapiniū, pro sagapeno verterunt. Arabicè verò, sechbinegi, siue sachabenigi

dicatur. Et super hoc etiam negotiatoribus datur fides. quoniam è Media deferitur nobis. Quanquam Plinius testetur in Italia nasci: & Brasaulus signet locum, scilicet in Apulia: tamè nos adhuc non vidimus plantam illam ferulaceam, ex qua sagapenum excipitur. inò desideramus ipsam. Auicenna quidem in duas diuifit species. Et quam dicit meliorem esse, contrarijs Dioscoridi depingit notis. Videlicet, vt exterius sit alba, & intus rubra. Econtrà Dioscorides, sagapenum ab extra subrubrum, intus verò album esse asserit: quodque in vsuali sagapeno, probatur verum. Vnde eo in loco Auicennæ textum vel à malo interprete, vel à librarijs deprauatum esse putamus. Author enim noster facit capitulum de Serapino, & dicit quòd est gummi alhasce hundeg, & quòd est arbor similis oleädro mótano. Sed quid sint alhasce hundeg, & oleandrum montanum, ignoramus. Dicit etiam quòd melius est illud quod habet odorem porrorum, & quod non multum olet asiam, ne habet Galbani odorem. Econtrà Dioscorides laudat illud quod habet odorem inter galbanum, & laser, scilicet asiam. Vnde vel interpres non rectè interpretatus est, vel ipse Author noster nesciuit quod scripsit.

*Gummi al-  
hasce hundeg.*

*Pilule de Euphorbio &c. CCXCIII.*



**I**N summa de Aegritudinibus neruorū, auctoritate Humaim, Author noster habet vnā aliam quasi similem descriptionem, in qua recipitur & mastix. Ponitur etiā præiens descriptio & à filio Serap. in 7. & ab Auicenna in v. sed in hoc differt Auicenna ab istis, scilicet quòd conficit cum aqua caulis, isti autem cum aqua porri. Differunt etiam filius Serap. & Auicenna, ab Authore nostro, in hoc, videlicet quòd Author noster habet, aloës 3. v. ipsi autem scribentes pro medietate, habent aloës 3. ij. Dubitamus de menda in ista descriptione Authoris nostri: an fortè rectius sit legendū, aloës 3. iij. vt cōueniat cum descriptionibus præfatorū. Tamè in cūctis exéplaribus, nulloq; discrepante, inuenimus, sicut in impressis libris, aloës 3. v. Et sic dimissimus. Forsam quòd ipse Author auxerit vnā drachmā præfatæ aloës ad suam descriptionē, cōiectandū est, ex quo non est adinouēda.

*De Euphorbio.*

**G**ummi Euphorbium dictum quo cōmuuiter vtimur, iuxta nostrum & aliorum plurium iudicium, est ipsum. Veruntamen nos desideramus videre plantā eius. Author enim no-

scit

ster ponit cap. de Euphorbio in quo testatur euphorbi excedere omnia alia gummi genera in calefaciendo, & subtiliando, quapropter ante ipsius administrationem est bene rectificandū. Vnde & ipse ibidem plures posuit ipsum rectificandi, siue corrigendi modos. Lege ibi. Dioscorides enim duo succi ipsius genera notauit, dixitque translucens eligendum esse. Adulteratur saepe sarcocolla gummi admisto &c. Lege Dioscoridem.

*Pilula de Raued &c.*

CCXCIII.



E GIT V R in presenti descriptione per omnes impressiones: Opopanacis 3. iiii. mezereon. gummi (scilicet arabici) ana 3. iiii. Lege, ut est in exemplaribus antiquis, & rectius, opopanacis, mezereon, gummi, ana 3. iiii. Vide etiam de istis pilulis, in pilulis de Rheubarbaro,

*Pilula de Mezereon &c.*

CCXCV.



D LITERAM ponit Author presentē descriptionem in cap. de mezereon. Sed aduerte quod in presenti antidotario, per omnes impressiones, in ista descriptione mēdosē legitur: Confice cum tereniabin, & tamarindis dissolutis in aqua endiuix. Antiquorū exemplariū autem pars absolute sic habet: Confice cum tereniabin dissoluto in aqua endiuix. Et similiter nō recte. Et pars habet, sicut etiā est in descriptione capituli, per omnes codices, quod iudicamus verius. Videlicet, quod loco copulatiuæ est disiunctiua. Vnde lege rectius: Confice cum tereniabin, vel tamarindis dissolutis in aqua endiuix. Hinc in omnibus exemplaribus præfatis sequitur. Dosis est 3. j. s. Quæ deest in cūctis impressionibus. Petrus Apponus quidē cap. de cura hydropicorū, habet pilulas maiores de mezereon. Filius Serapionis in 7. habet duas descriptiones. Rhafis quoq; in antidotario diuisionū, cap. de medicinis hepatis, habet quatuor descriptiones pilularum recipientium mezereō, sed vna ipsarum tantum intulatur de mezereon. Omnes tamen differunt ab ista filij Mesuæ.

*Pilula Lucis maiores &c.*

CCXCVI.

*Pilula Lucis minores &c.*

CCXCVII.



ILVLAE lucis dicuntur, quoniā ad lucē & aciem oculorum, & restaurationē visus maximē cōferūt. In maiorū descriptione autē per omnes impressiones

nes

nes est vna menda. Videlicet, vbi legitur: Eufragiæ 3.vj. Legendum est rectius 3.vij. vt vniformiter cuncta exemplaria habent.

*De Euphragia, seu Eufragia.*

**N**on scribi à Dioscoride & veteribus euphragiam, ferè omnes iuniores testantur. Sed temporibus filij Mesuæ iam cognosci ceperat, quia & in suis compositis commiscuit. Et præsertim medicaminibus illis, quæ ad visus & oculorum corroboracione faciunt. Etenim quotquot de ipsa scribunt, omnes in hoc vnum conueniunt, scilicet quod euphragia est bona oculis, quocunque modo exhibita. Secundum Ruellium euphrasia rectius dicitur: tamen generaliter euphragiam, siue per f. eufragiam ferè omnes scribunt, & vulgò nominant. Plantula ipsa, herbarijs non est incognita. Vt plurimum vnico, rufo, exiguoq; , videlicet dodrantali caule, folio paruo, per ambitum serrato, galliculi cristæ persimili, pusilloq; flore, quandoque luteo, aut subrubro, quandoque subalbido constat. Macro gander solo, atque à ventis perfato. Semen est elongum, & subnigrum &c. syluestris enim herba est. Et vbi citius, & vbi tardius secundum loca, inter Cal. Maij, & Non. Julij, non amplius reperitur virens. Cum floret, coligitur, & in vmbra siccatur, atque vsui assernatur.

*De Lycio.*

**N**vlli dubium est quod hodiernis temporibus caremus veris lycijs: quoniam neq; ex Cappadocia, neque è Lycia (quod lycium est ex pixiacara) & minime ex India (quod est ex lonchite secundum Dioscoridem, siue etiam ex pixiachantha secundum Plinium) ad nos amplius deferitur. Et cum Dioscorides dicat, lycium pixiacanthum non solum in Cappadocia & Lycia (quæ loca ob maximam illius exuberantiam nominauit) sed & alijs pluribus locis nasci: potest igitur esse quod in aliqua parte Italiæ (quæ nulli inferior est ad procreandum herbas & arbores) nascatur. Tamen non tantum à iunioribus ignoratur, sed neq; (quod valde mirandum est) à nemine seniorum memoriæ traditum est. Brasaulus solus dicit se equitasse per innumeras pixiacanthas supra Liguriæ montes. Nullum enim arbestum spinosum; habens folia buxi, & semen nigrum, piperis magnitudine, adhuc nos vidisse meminimus. Neque quamnam sit illa planta arbusta Indica, lonchitis dicta, vel quo nomine apud nos frates vocetur, valeamus coniectare. Et cum hoc nomen, scilicet lonchitis, apud Dioscoridem ad plura sit comune, vt ad herbas Asplenon, & lamiolem, & longinam, quæ est lonchitis trachea &c. tamen ipse Dioscori-

*Lonchitis*

*Indica.*

*Longina herba.*

des

des de his herbis, non tradit fieri lycium. Auicenna quidem in fine capituli de lycio scribit, quod loco lycij potest poni feluzaharagi. Sed feluzaharagi, siue feluzeharagi, vel (vt Bellunenſis traduxit) felizherengi, idem eſt quod ipſa lycij arbor, vt per ipſum in proprio cap. declaratur. Sed hoc nobis eſt tãquam nihil, quoniam caremus & ipſa arbore. O vtinam haberemus talem arborem, quia & lycium haberemus. Item dixit ipſe Auicenna, quod loco lycij ponitur æquale pondus ex aggregatis inſimul faufel, & ſandalo. Faufel autem (vt in ſuperioribus diximus) eſt quoddam *Faufel.* genus auellanz Indicæ, habens virtutē propinquam ſandalo rubro. Sed quia neque de iſto genere apud nos eſt aliquod veſtigium, poſſumus in lycij vice, ſandalum rubrum abſolutē ſubſtituere. Inſeriorum autem nonnulli, vt Guillelmus Placentinus, Luminare Maius, & cæteri ſcribunt fieri lycium: ex varijs rebus: vt ex alcan-na, ſcilicet cyprio (quod eſt verum liguſtrum) & ex capriſolij baccis, & ex granatis ſylueſtribus, ſcilicet berberis, & ex pruneolis ſylueſtribus atrineis vocatis: & alijs, atq; alijs rebus. Quod quidē vnde approbemus aut reprobemus: adhuc nō habemus. Verū Brataulus ex omnibus huiuſmodi, & ſimilibus generibus factiartū commendat. Tamen indiscriminatum, in oculorū medicamentis (vt in iſtis pilulis &c.) quolibet ipſorū vt nō poſſe credimus. Quoniam Dioſcorides: & cæteri antiqui nō tradunt ipſum lyciū totū ſimpliciter, & abſolutē prodeſſe oculis: ſed ſpumam ipſius tantum. De qua intellexiſſe Authorem non dubitamus: cum ſcripſit lycium in præſenti compoſitione. Vnde cōſulimus aromatarijs: nec non (& cum ſupportatione) minus peritis medicis: pro meliori parte, minus malum ſumere, ſcilicet quod minus malū eſt: (ſi quo modo non erit bonum) demere ab iſta, & ſimili cōfectione, ipſum lycium: quàm loco eius ſubſtituere aliquod cōtrarium effectui ipſius cōfectionis. Præterea ſcribunt opinanter nonnulli lyciū, à Lycia dici: hac de cauſa: quia à Dioſc. deſcribitur Lycia abundare eo: tamen ſecundū veritatē alia cauſa eſt: per quam lyciū dicatur. Nam ſi à prouincia propter exuberantiā nomē ſibi acquiſiuit: quare nō potius Cappadociā à Cappadocia: quæ ab ipſo Dioſcoride præſcribitur tanquam melior: quàm lycium, à Lycia? Nec à bonitate loci: vt alij exiſtimauerunt: quia ſi à bonitate: quare non potius Iudicum nuncupatur: quod Dioſcorides, Galenus, Paulus, Plinius, Serapio, & (vt paucis concludamus) ſerè omnes Authores melius eſſe teſtantur: Sed verius con- *Lyciū quare ſic dictū.* iectandum eſt, ſcilicet in Lycia fuiſſe primum inuentū: vnde ſem-  
per

per postea nomen retinuit. Qualiter autem fiat ipsum Lyciū medicamen, à Dioscoride & cæteris clarè notatur.

*De Celidonia,*

*Memithe.  
Glaucium.*

*Glaux, sine  
glauca.*

**C**helidonium, siue chelidonia, siue (vt mauis) celidonia, quæ & hirundinaria interpretatur, est curcuma, de qua dictum est suprâ. Duplex enim describitur, scilicet maior & minor. Maior quidem vulgaris notitiæ herba est, ita quòd mulieres & pueri eam agnoscunt. Minor etiam pluribus non est incognita: vulgò testiculus sacerdotis dicitur. Et de ipsa quoq; dictum est. Præterea decipiuntur non pauci, credentes memithe Arabum (quod est glaucium Dioscoridis) esse succū chelidonijs maioris, ob id, quia asserit ipse Dioscorides chelidonium ab aliquibus glaucium dici. Sed hi non aduertunt quòd chelidonium omnes testatur esse calidam, & glaucium (quod barbarè memith, siue memithe dicitur) est succus frigidus cuiusdam herbæ quæ habet folia corniculato papaueri similia, vt Dioscorides scribit. Et nec est ipsum papauer corniculatum, vt similiter nonnulli falsò putant. Vocatur & ipsa herba memithe, siue glaucium, vt Serapio scribit: sed non est illa herba glaux, seu glauca dicta, quam Dioscorides libro quarto tradit iuxta mare nati: quia hanc, nò corniculati papaueris, vt glaucium, sed cythi, aut lenticulæ dicit habere folia. At reuera alia herba est ex qua glaucium exprimitur, quæ apud nos non cognoscitur. Igitur animaduertant medici, quādo pro oculorum infirmitatibus ordinant memithe, vt aromatarij pro memithe, non mittant succum celidoniæ: quia licet celidonia medicinis oculorum competat, tamen non omnibus, & similiter memithe. Nam valēt ambo, sed ad diuersas oculorum infirmitates: quoniam celidonia calida est, & glauciū, siue memithe frigidū. Et quidem calidū & frigidum sunt cūtraria ad inuicem, quæ in vno & eodem subiecto pari ratione non possunt conuenire.

*Pilule stomachicæ, stomachum &c. CCXCVIII.*



**Q**UASI omnes impressiones Latine, in præsentī descriptione mendosè habent: Trium myrobalanorum, absynthij, ana 3.ij. Legendum est rectius, ana 3.ij. vt cuncta exemplaria quæ vidimus, necnon & vulgaris editio habent. Per præsentē namque descriptionē patet expresse, quòd per tres myrobalanos absolute, intelligūtur citrini, chebuli, & Indi, qui cognominantur nigri. Qui tres ab Authoribus vno tantum capite describuntur.

Quo

Quoniam postea speciatim describuntur in istamet descriptione, bellerici, & emblici. Et de his omnibus satis dictum est in secunda confectione Hamech: propterea vide ibi.

*Pilule stomachicæ, & sunt &c. CCXCIX.*



ST & in præfenti descriptione per omnes præfatas impressiones vna menda, scilicet ubi legitur: Cardamomi &c. ana 3.ij. Lege rectius, ana 3.j. vt præfata exemplaria, & vulgaris editio uniformiter habent.

*Pilule stomachicæ aliæ, stomachum &c. CCC.*

*Pilule stomachicæ nostræ &c. CCCI.*

*Pilule Alandahal &c. CCCII.*

*Pilule stomachicæ aliæ nostræ &c. CCCIII.*



ON est in istis descriptionibus quid declarandum, præter quàm quòd dux priores in impressionibus erant transpositæ: in cunctis enim exemplaribus, & in vulgari aditione, tali ordine manent vt nos posuimus.

*Pilule de Agarico &c. CCCIIII.*



ABET ipse Author noster præsentem descriptionem in cap. de asthma: sed ibi scribit ipsam duplicatis ponderibus. Animaduertendum autem, quòd incuria librariorum (vt putamus) ibi mendosè legitur per omnes impressiones: Turbith 3.viii. cum sit verius legendum 3.x. quòd probatur non solum per istam antidotarij descriptionem, & per descriptionem Auicennæ, in quibus omnibus tam in exemplaribus quàm in excusionibus, pro medietate legitur, turbith 3.v. sed per præfata exemplaria, quæ ibi habent clarè & apertè, turbith 3.x. Et ita est secundum veritatem. Auicenna autem habet ipsam descriptionem quasi ad litteram, in tertio can. fen. x. tract. j. cap. de cura asthmatis: non obstante quòd ibi legatur absque myrrha, quæ certè deficit. Et patet quidem, quia Bellunensis reintegrauit. Veruntamen dimisit ibi ipse Bellunensis alium errorem, scilicet quòd ubi legitur: Colloquintida, sarcocolla, ana 3.j. legendum est rectius: ana partes ij. Etiam minus rectè posuit: myrrhæ 3.j. Melius erat, & verius, myrrhæ partē j. Quia scribens Auicenna per partes reliqua non bene

bene semper possunt cōuenire ille drachmę cum supradictis partibus, tam maioribus, quā minoribus. Et quōd dictę colocynthidę & sarcocollę habent esse partes ij. probatur per istas descriptiones filij Mesuę, per omnes impressiones, & per cuncta exemplaria, tam in antidotario, quā in dicto cap. de asthma: in quibus omnibus (intelligendo 3. pro parte) legitur: colocynthidę, sarcocollę, ana 3. ij. Et certę Auicenna fecisset vnum ana, ex colocynthida, sarcocolla, & myrrha, si partes non fuissent dispares. Putamus enim quōd ē medio, vna cum myrrha, sublata fuerunt illę partes duę, postea pars myrrhę adhęsit ana prædicto & c. Ingeniosi bene percipient verba nostra. Præterea sciendū quōd Luminare Maius, Lumen Apothecariorum, Thesaurus aromatariorum, & Nicolaus Præpositus habent mastichen in præfenti descriptione, quę saluō meliori iudicio, nisi medicus specificatē præcipiat, non est admittenda. In duobus exemplaribus, & in vulgari editione inuenimus, in descriptione antidotarij tantum. Reliqua autem, vt vniuersę impressiones, vnā cum Auicenna non habent. Sed tam in descriptione antidotarij, quā in descriptione præfati capituli de asthma, absolute habent: Recipe agarici 3. iij. & c. Rhasis enim in antidotario diuisionum, cap. de medicinis hepatis, habet vnā descriptionē huic dissimilem. Filius quoque Serapionis in 7. habet vnā, similiter differetem.

*De Agarico.*

**I**N agarico nō est dubium quin sit ipsum quo vtimur. Author enim noster in suo de Simplicibus, de eo capitulū perpulchrū facit. Dioscorides autem tertio libro scribens, declarat se nesciuisse veram agarici originem. Igitur potius quā Dioscoridi, credendum est Plinio, & Authori nostro, & cæteris qui absolute dicunt esse fungum in arboribus. Et ita est, vt vnusquisque facillime scire potest: quia etiam & in Italia, scilicet in Alpibus, atque Apenninis montibus, non modicum colligitur. Omnes distinguunt in masculinum, & fœmininum: sed fœmininum magis commendatur. Plinius etiam scripsit agaricum esse odoratum. potest esse, quōd loquatur de recenti, quod aliquo modo putamus habere odorem: quoniā in sicco nullus sentitur odor. Cautentur omnino aromatarij ab nigro agarico, siue masculino, siue fœminino: quoniam (vt Dioscorides libro 6. testatur) transmutationes facit. Præterea sunt nonnulli malę declarantes quædam verba Authoris nostri, in dicto cap. de agarico. Hęc videlicet. Et melior pars totius corporis eius, est superior pars ipsius. dicentes quōd

*Agaricū nigrū, malū,*



quòd illa intelligitur superior pars agarici, quæ nascitur in superiori parte ipsius arboris, & nō prope radices. Quod quidem non solum Author nō dicit, sed nunquam excogitauit. Author enim pro superiori agarici parte, intelligit illā quæ protēditur, & elongatur ab ipsa arbore: quia illa quæ tēgit arborē, est tanquam radix ipsius agarici. Et sicut radix intelligitur inferior pars cuiuscūq; plāte: ita & in agarico, musco, & similibus etiā dependentibus. Pars verò quæ arbori cōiungitur, semper inferior iudicatur. Vnde & in sequentibus verbis, ipse Author declarat, cūm dicit: Et stipes eius non est bonus, habent quasi semiras ligni putrefacti: Stipitē enim vocauit inferiorem partem arbori annascētem. Sciēdum etiam quòd licet in hoc antidotario Author nō scribat trochiscos de agarico: vtimur tamē suis, quos in cap. posuit.

*De Lilio celesti.*

**L**ilium cœleste quidem non est aliud, quàm iris, siue (vt aromatarij dicunt) ireos. Et probatur per descriptionem capituli de asthma: vbi loco radice lilij cœlestis legitur, ireos. Lege de hoc in Lohoc de pino.

*Pilulæ quæ cōferūt ad febres cholericas &c. cccv.*



**P**URGANDA est præfens descriptio, ex nōnal-  
lis confusionibus & mēdis quæ in ipsa per impres-  
siones reperiūtur. Legitur enim & malē: foliorum  
rosarum, seminis citrulli, raue dēni, ana 3. iij. & in  
alio, raue dēni 3. vj. Tollatur igitur à dicto ana, Ra-  
ue dēni. Et similiter quod sequitur (Hoc est, Et in alio) dealeatur,  
& rectius legatur sic: Foliorū rosarum, seminis citrulli, ana 3. iij.  
raue dēni 3. vj. Item, vbi legitur: Scamoneæ coctæ in cytonio 3. j. s. in  
alio 3. ij. s. Dealeatur hoc totum: videlicet, in alio 3. ij. s. & legatur  
simpliciter: Scamoneæ coctæ in cytonio 3. j. s. succi eupatorij &c.  
Sic enim legitur ferē in omnibus exēplaribus antiquis, & simili-  
ter in vulgari editione. Sic & Nicolaus Præpositus habet. Inue-  
nimus tamē aliqua pauca duntaxat exemplaria, quæ minus rectē  
habebant sic: Foliorum rosarum, seminis citrulli, raue dēni, ana 3. iij.  
Scamoneæ coctæ in cytonio 3. ij. s. Vnde putamus, quòd librarij  
nescientes in varijs lectionibus veriore literam, utrāq; impres-  
serunt. Filius Serapionis in 7. habet vnam descriptionem, cuius  
titulus est: Pilulæ quæ conferunt ad ægritudines cholerae citrinæ  
& sanguinis, quæ in multis conuenit cum ista. Item ibidem habet  
aliam descriptionē, cuius inscriptio est: Pilulæ valentes ad omnes

febres cholericas &c. quæ etiam habet aliquam similitudinē cum ista. Præterea cū legatur in fine huius descriptionis: Mellis aggregationis casæ fistulæ, & tamarindorū, & succi endiuæ, quantum sufficit: paucissimi enim sunt aromatariorū qui verum huius selectionis percipiūt sensum. Quoniā nō vult Author in præsentī descriptione mel apum in quo sit aggregata pars casæ fistulæ, & tamarindorū, & succi endiuæ, vt nonnulli falsò opinantur. Sed dicit vt casæ fistulæ, & tamarindorū partes æquales immitantur in aliqua succi endiuæ quantitate, & post aliquod spatiū per stamineam exprimantur, ita quòd expressio ipsa non sit multum liquida, sed tanquam mel. Quod quidem vocat mel aggregationis casæ fistulæ &c. cum quo melle conficiendæ sunt istæ pilulæ, scilicet cum ipsius quantitate sufficienti. Et omnino mel apum, seu alterius rei, non intelligitur in ipsa præfata aggregatione. Et de consimili vbi necesse fuerit, potest fieri mel ex aggregatione aliarū plurimarū atq; variarū rerū, quarū expressio vocatur mel: quoniam ad spissitudinē mellis expressa sit ex rebus ipsis infimè aggregatis. Et nō est apponendū mel apū, nisi speciatim legatur.

*Pilulæ Diarhodon &c.*

CCCVI.

*Pilulæ de Turbith, & dicūtur pilulæ aureæ &c.* CCCVII.



IN pilulis diarhodon non est aliquid declarandum. in istis autem de turbith sciendum quòd alī quando scribuntur à medicis sub hoc titulo, videlicet: Pilulæ aureæ turbithatæ. Filius Serapionis in 7. habet vnam pilularum descriptionem, cuius titulus est: Pilulæ allebeæ: quæ dicuntur pilulæ abri. Quæ quidem in simplicibus nō discordat ab ista. In pōderibus autē aliquāliter est diuersa. Et forsan, quòd vbi ibi legitur abri: rectius legendum sit auri. Sæpius enim b. & v. cōfunduntur ab interpretibus, & minus peritis peregrinarum linguarum. Vnde pilulæ auri, & pilulæ aureæ, sicut Author noster posuit, idem significant.

*Pilulæ de Turbith aliæ &c.*

CCCVIII.



CIENDVM quippe quòd præsens descriptio pilularū de turbith, & descriptio suprā notata, cuius initium est: Pilulæ stomachicæ aliæ nostræ, est vna & eadem cōpositio, sub diuerso titulo, bis ab Authore nostro posita, vt inuenti non est dubiū. Quod autē malè legitur, per cūctas excusiones in calce præsentis descrip

descriptionis, scilicet Et in alio salis indi 3.ij. cassetur: & sic (vt est in libris correctis, & similiter in præfata pilularum stomachicarum descriptione) rectius scribatur: Croci & salis indi, ana 3.ij. Fiant pilule sicut diximus. Supple in immediatè præscripta descriptione pilularum aurearū, siue de turbith. Scilicet quòd istæ conficiendæ sunt cum succo absynthij, sicut & illæ. Et cõsimiliter stomachicæ prædictæ, succo absynthij excipiantur.

*Pilule de Lapide lazuli &c.*

CCCIX.



FLIVS Serapionis in septimo ponit præsentem descriptionem, quæ in quibusdam paucis differt, & conficitur cum aqua apij: sed intelligitur cum succo: quod probatur per authorem nostrum, qui speciatim posuit, cum succo apij.

*Pilule de Lapide Armeno &c.*

CCCX.



ATHOR noster in cura de soda frigida, ab humore melancholico, ex Alexandri autoritate, habet vnam quasi similem descriptionem. Actuarius etiā ponit catapotia, scilicet pilulas ex armenico lapide, quarum descriptio in multis convenit cum ista. Animaduertendum autem quòd per impressiones sunt aliqua mendæ in præsentis descriptione. Vnde ubi legitur: Epithymi, polypodij, ana 3. viij. Lege verius: Epithymi, polypodij, agarici, ana 3. viij. Probatur enim per multa exemplaria quòd debet esse agaricum in præsentis descriptione. Etiā in descriptione præfate curæ, & apud Actuarium legitur. Et lege (vt est) ana 3. viij. non autem 3. iij. vt Nicolaus Præpositus mendose habet. Item lege scammonex coctæ in cytonio 3. iij. s. Impressiones quidem mendosæ habent 3. iij.

*De Lapide Armeno.*

ET quanquam omnes lapides viriusq; Armeniæ, rectè lapides Armeni sint vocandi: tamen quo ad medicinæ vsum, ubi petitur lapis armenus, nō quilibet ipsorū indifferèter est admitteendus. Sed est apud Armenos vnum genus lapilli, qui alibi eiusmodi non inuenitur, qui peculiari nomine absolute & antonomastice, Lapis Armenus ab omnibus dicitur. De quo semper intelligitur, cum lapis armenus legitur. At verò ad nos amplius nō defertur. Nec putamus hodie reperiri hominē in tota Italia, qui eū, supple verū, aliquādo viderit. Neq; si in maiori, aut in minori

Lapis lazuli  
li Armeni  
supplet.

Armenia sit huiusmodi lapidis minera, à quoquam scire potuimus. Quamobrem nō facillimē haberi potest. Vnde cū sit, quod pilule de lapide lazuli non differant ab istis in suis proprietatibus, siue operationibus, loco istarū possumus illis uti. Quoniam & lapis lazuli, & lapis armenus (vt per authorem nostrū probatur in proprijs capitulis) nō differunt virtutibus. Et quāuis lapis lazuli sit debilior armeno, possumus tamen alterū pro altero substituere. Ex quo igitur in istis pilulis, si quis voluerit eas parare, nō habens Armenum lapidem, ponat loco eius optimi lapidis lazuli portionē. De his lapillis autem, qualiter sint, & de ipsorum ablutionibus, per quā optimē & ab Authore nostro in suis capitulis, & ab alijs pluribus describitur. Sed aduerte ne decipiaris cum aliquibus ex iunioribus afferentibus lapidem Armenū, & lutum Armenum, vnum & idem esse. Quod vel cogitare nefas est.

*Pilule ad omnes morbos catarrhi &c.* CCCXI.



NONNULLIS præsentēs pilulæ vocātur pilulæ de cynoglossa. Ponit etiā Author præsentē descriptionē in fine capituli de cura catarrhi, auctoritate Alexandri, sed absq; croco, quod putamus esse additionē ad præsentē descriptionē. Tamen nō deleuimus: quia in exemplaribus antiquis inuenimus. Signauimus autē ipsum, vt non sine bonorū medicorū examinatione admittatur. Etiā ipse Author loquitur de ipsis pilulis inter medicinas tussis catarrhalis frigide. Vbi sic ait: Alexāder. Confectio pilularū ad tussim catarrhalem: & est ex medicinis benedictis, & est ex secretis, & cōfert ad omnes ægritudines catarrhales: & vocātur pilulæ alchabei, & dictæ sunt in cap. de catarrho. Hæc ille. Tamen in dicto cap. de catarrho, non legitur alchabei: sed alcalcachar, & alchazaber, secundum imprecisiones: quia secundū exemplaria tot sunt variationes quot sunt descriptiones. Quamquam hæc omnia barbarissima, coniectamus vnū & idē significare. Et nil aliqd propriē quā cynoglossam, scilicet linguā canis, herbā videlicet sic appellatā, vt per concordationem descriptionū ipsarū percipi potest. Ponitur etiā per impressos libros in antidotario Nicolai, & similiter sine croco: sed in fine ipsius adduntur tria simplicia, quæ sunt, garyophylus, cinnamomum, & corcubrum, siue cozumbrum, cum ana 3. ij. Diximus enim per impressos libros: quia in multis exemplaribus Nicolai è manu, quæ vidimus, non habetur huiusmodi pilularum descriptio. Et in prima Nicolai impress

*in fine Nicolai*

impresione legitur ipsa descriptio, sed absq; illis tribus simplicibus, & absq; croco. Sed addito rhodostomate, cum quo conficiuntur cetera ad literam, vt in isto antidotario posita sunt. Ex quibus dubitamus ipsam descriptionem esse forsitan aliquorum additionem in ipso Nicolai antidotario. Item aduerte quod radicem lingue canis non recipiuntur in ista descriptione, nisi 3. iiii. & locantur in ana, cum opio & hyoscyamo: quoniam sic est in exemplaribus. Postea legitur: croci 3. j. s. Impresiones autem menses habent: radicem lingue canis 3. iiii. s. Præterea cum Author non specificet in ista descriptione rem, cum qua sint conficiendæ ipsæ pilulæ: putamus melius esse si conficiantur cum succo cynoglossæ (quem credimus significare, cum succo alchazaber, quod legitur in præfato cap. de catarrho) quam cum rhodostomate, sicut Nicolaus præcipit. Quod rhodostoma tradunt in- Rhodostoma niores significare aquam rosaceam. Demum sciendum quod hæc pi- ma. lule maxime commendantur in passione catarrhali à Hieronymo Accorombono de Eugubio in suo tractatu de catarrho: videlicet in quinto remedio curæ catarrhi calidi: vbi probat illas esse Alexandri Tralliani, & non Nicolai. Vide ibi.

*De Cynoglossa, scilicet Canis lingua.*

**C**ynoglossa idem dicit quod canis lingua: siue dictionibus Lingua ca- inuerfis, lingua canis, seu lingua canina. A Dioscoride nem- is. pe scribitur ipsa, sed sine caule creicens. Illa autem qua vtimur, apud nos aliquoties caulē profert. Et hoc excepto, in omnibus alijs notis ad vnguem conuenit descriptioni Dioscoridis. Potest enim esse quod in aliquibus locis nō producat caulem, & præsertim vbi Dioscorides considerauit ipsam plantam. Quia (vt aliàs diximus) teste Theophrasto, sæpe secundum loca diuersificantur plantæ, & in qualitatibus, & proprietatibus &c. Vnde habere caulem, non facit vt non sit lingua canis ipsa planta qua vtimur. Etiam possumus dicere quod sunt plures species: quia vt Plinius 25. lib. cap. 3. Est alia similis ei, & quæ ferat lappas minutas. Et ista est nostra vsualis, quæ quidem notissima est.

*Pilule de Serapino &c.*      CCCXII.



N ista secunda descriptione pilularum de Serapino, per impressos codices dux mende cognoscuntur. Prima videlicet, vbi legitur: Recipe Serapini &c. ana 3. ij. s. Legerectius, ana 3. ij. Secunda vbi legitur: calamenti, folij centaureæ &c. lege verius:

calamenti fluuialis, centaureæ &c. quoniam ita est in cunctis exemplaribus quæ vidimus. Per Seitaragi indi, intellige speciem Casie lignæ, & non lepidium, vt Manardus declarauit. Lege de eo suprà.

*Pilulæ de Bdellio maiores &c.* CCCXIII.

*Pilulæ de Bdellio minores &c.* CCCXIII.

*Pilulæ de Bdellio ex inuentione nostra &c.* CCCXV.



HE tres præsentēs descriptiones, excepto in aliquibus barbaris vocabulis, nō indigent declaratione. Filius serapionis in 7. habet quatuor descriptiones pilularum de bdellio: quarū vltima non intitulatur de bdellio, sed titulus eius est. Pilulæ quæ conueniūt ad hæmorrhoides, quæ sunt in anno &c. Secunda autem ipsarum quasi ad literam, conuenit cum præsentī maiori. Rhafis verò in nono ad Almanforé, cap. de hæmorrhoidibus, habet vnā diuersā descriptionem. Et ferè eandē habet in antidotario diuisionum, cap. de medicinis mēstruorum & hemorroidum. Hali Abbas quoque in x. practicæ, habet vnā descriptionem similiter differentem. Bartholomæus Mōtagnana quoque in suo antidotario habet duas descriptiones, quæ etiam differunt. Animaduertant autem videntes vulgari ædificatione, quòd descriptio minor istarum pilularū, est in eius impressionibus multum deprauata. Legant potius impressiones latinas.

*De Bdellio*

SVprà etenim vbi de myrrha pertractauimus, diximus quòd hæc, quā vtimur, potius est species bdellij, quàm myrrha. Nā & in bdellio vsuali hæsitare cogimur, cū nō videmus ipsum eas habere notas quas illi attribuunt Authores. Vnde non est amarum, nec habet bonum odorem &c. Et si non est illud quod Dioscorides dicit ex India aduehi nigrum & malum, proculdubio tenemus non esse bdellium, nec speciem eius. Ex quo minus nia-

*Myrrha* lum putamus esse ponere ipsam myrrham vsualem, quæ (vt di-  
*vsualis bdellij* ximus) non myrrha, sed species bdellij indicatur, quàm hoc fal-  
*lius supplet.* sum bdellium. Quod quid sit, cū apud nos non nascatur, non de facili possumus coniectare. Etiam negotiatores qui vendunt, minimè sciunt: quia ipsi non colligunt, sed à Saracenis & infidelibus barbaris, vt sarcocollam, animoniacum, atque his similia, & hoc pseudo bdellium emunt.

*De Veneris, vel Venereis.*

**P**ER varios codices varias inuenimus descriptiones vnius simplicis, quod recipitur in maiori istarum descriptionum. Et vbi legitur venarum adustarum, & vbi venenarum, vel venerarum, vel veneriarum, vel venerearum, vel auellanarum, & cætera ferè innumera barbara vocabula. Vnde & iuniores. prout varia inuenerunt, sunt qui vnum, & sunt qui aliud variaque interpretati sunt. Nos autem ex ipsis dictionibus barbaris, veriores putamus esse, veneriarum, & venerearum: quoniam sic legitur in secunda & quarta descriptione filij Serapionis. Venerea autè, siue veneria, vt apud Dioscoridem probatur, est nomen commune ad plura, vt ad radicè acori, & ad sisymbrium, & ad Lonchitum &c. Pandectarius autem, & nonnulli ex ipsis iunioribus dicunt etiam significari per huiusmodi nomen, quoddam genus ostraciorum, siue conchularum maris. Quod quidem hic nobis satis cõsonum videtur, cum in tertia istarum, scilicet in pilulis ex bdellio, ex inuentione nostra, speciatim & clarè legitur, conchulæ adustæ. Et ita tenent ex non ignaris plurimi. Igitur conchulæ adustæ apponendæ sunt. Sed quia (vt supradictum fuit) conchularum & ostraciorum plura sunt genera, ex nobilioribus autem sunt conchilium purpuræ, & illa vulgò dicta matriperna, & sic quodlibet istorum potest poni. Quod autem aliqui declarant esse illas conchulas, quas peregrini in pileis portant à sancto Iacobo Galitiæ, ridiculum est. Lege de hoc in confectione electuarij ex inuentione nostra.

*Pilule de Coloquintida &c.*

CCCXVI.



**P**OSUIT Author suprà duas alias descriptiones, sub titulo pilularum alandahal. Præsentem autem vocauit de coloquintida, ad differèntiam ipsarum, nec non & ad differentiam pilularum de bdellio: quoniam & in istam confectionem ingreditur bdellium. Et licet intituatur hæc descriptio de coloquintida: nõ tamen (vt nonnulli, falsò opinati sunt) ponenda est ipsa coloquintida incorrecta. Quod quidem erroneum est, & contra Authoris intentionem. Trochisci alandahal, enim semper ponendi sunt vbi coloquintida petitur, præterquam in aliquibus decoctionibus. Præterea animaduertendum, quod in præsentis descriptione per diuersos libros, tripliciter inuenimus positum vnũ simplex. Videlicet aliqui libri, & communiter impressi, & Nicolaus Præ-

positus habent, absynthij Romani. Aliqui autem manuscripti, & Luminare Maius: visci Romani Alij similiter è manu & vulgaris æditio, musci Romani habet. Duobus dūtaxat deptis, in quibus absolute legitur musci. Veruntamen quales ipsorum sint veriores non facile potest cognosci: quia in vñū quodlibet ipsorum trium plures conueniunt. Etenim viscum romanū non nisi apud recētiōres legimus, quod & masticem esse declarant. Quod quidem *Viscum Ro-* minime credi potest: quoniam mastix Romæ non oritur. *manū quid.* Huiusmodi enim pilularum descriptionem apud quenquam aliorum Authorum adhuc non inuenimus. Iudicio enim nostro potius legendum esse absynthij, quàm visci, aut musci credimus: quia romanum quod sequitur, potius competit absynthio, quàm visco, aut musco. Veruntamen si alicui melius videbitur, fiat. Nos quidem hæc, & omnia, semper meliori iudicio committenda relinquimus.

*De Nasturtio albo.*

*Allegrettū.* **A**Liqua de nasturtio, in Triphera minori ex arte Fenonis descriptimus. Sed quia in præsentij descriptione speciatim legitur, nasturtij albi: ideo sciendum quod nasturtij sativi Plinius duo facit genera, scilicet album & nigrum. Sed per ipsius verba, non possumus percipere, an hoc domesticum notum, sit album, vel nigrum: quoniam vnum tantum genus satium scitur hodie apud nos, quod vulgò Romæ, allegrettum nominat. Sed ipsum quale sit videlicet album, vel nigrum, à nemine declaratur. Neque si ex semine vel flore, aut planta, siue ex radice dicatur album, seu nigrum, memoriæ traditum est à quoquam. Constat enim hoc notum habere semen luteum, & non album, vel nigrum. Igitur ex semine neutrum erit. Si autem ex floribus, seu è planta, aut ex radice ipsum considerabimus, album erit: quoniam florem lacteum habet. Et folia maxime albicantia sunt. Imò stipites, & thecæ seminis albisima conspiciuntur. Radix quoque est illi alba, ut quilibet non cæcus videre potest. Ex quibus quidem notis, recte nos possumus dicere hoc esse nasturtiū album. Etiam dato quod sit nigrum, possumus eo liberè & pro albo uti: quoniam ferè cuncti testantur eandem vim in omnibus esse. Sylvestris etiam nasturtij plura sunt genera, & hæc vtr plurimum apud herbarios nota sunt. Ab Authoribus nempe magis commendatur Babylonicum nasturtium: sed quia illud non facilius haberi potest, licet nobis nostrate vti.



*Pilule de Opopanace &c.*

CCCXVII.



X Ioannitio Author noster in capitulo de paralyfi ponit vnā aliam descriptionē in multis differentem ab ista. Auicenna autem in quinto cān. habet istammet descriptionem: sed in quibusdam paucis differt. Bartholomeus quoque à Montagnana, in suo antidotario habet vnā descriptionem, sed non est similis huic.

*De Opopanace.*

**R**etius dicitur Opopanax, quā oppoponax: & opopanaxium, quā oppoponacum, quod est succus panacis, ab opo & panace &c. Author enim noster de huiusmodi plāta non syncerē scripsit. Vnde potius Dioscoridi, quā ipsi credendum est. Nam Dioscorides tria panacis genera facit, scilicet. Heracleum: siue, vt mauis, Herculeum dicere: Asclepiū, & Chironium. Sed de Heracleo tantū tradit succum opopanaxium colligi. Quod Heracleum, folia vřicus habet &c. Author enim noster potius Asclepium, quā heracleū pingit, cū de folijs eius pertractat. De quo non dicūt Authores succum excipi. Et sic in suo cap. confundit plura Dioscoridis capitula. Panax autem heraclea habetur in Italia, sed ignauia incolarum non colligitur opopanax. Hoc opopanaxium quo vřimur, sepe adulteratum venditur. Nos pluries vidimus plantam opopanaxis, sed commoditatis penuria non collegimus succum eius.

*Pilule de Hermodactylis maiores &c.* CCCXVIII.*Pilule de Hermodactylis minores &c.* CCCXIX.*Pilule de Hermodactylis descriptione nostra &c.* CCCXX.

HASIS quidem in nono ad Almanforem, cap. de podagra, habet vnā descriptionē pilularum maiorum de hermodactylis. Et filius Serapionis in septimo habet etiam pilulas de hermodactylis: omnes tamen differunt ab istis.

*De Hermodactylis.*

**H**ermodactylorū. nō minima copia reperitur apud nos in montanis pratis, & alijs locis, & grossi pulchrique sunt taliter quōd sine sciuisse eos esse malignos, aliquādo cōmedissemus ipsos. Quoniam (vt Diosc. refert) recentes magnā volupta-

*Colchicon.*

tem afferunt aspicientibus, & præcipuè incautis de illorū malignitate, eo maximè quòd dulces gustatu sentiūtur. Sed nescimus deficcare eos sicut orientales faciūt. Pluribus enim modis tentantes experiri ipsorū deficcationem, nunquam effectū desiderij nostri consequuti sumus. Etenim multos de hoc interrogauimus, à quibus varios accepimus modos. Veruntamen semper omni modo efficiūtur duri vt lapides, rugosi, & vt carbones nigri, forsā quia alio sōlo & cælo nascuntur. Colchicon Græcè idē est quod hermodactylus. Latine etiā bulbus agrestis dicitur. Author enim noster, in proprio capitulo due genera facit. Vnū quod est longū, vt digitus, & aliud rotūdū. Rotūdū quippe est colchicō. Prolongo autem putamus intellexisse ephemeron, de quo Dioscorides separatim capitulum fecit. In quo dixit ephemerō habere radicem vnā longuā, digitali crassitudine &c. Non obstāte quòd dicat colchicō etiam ab aliquibus ephemeron vocitari. Similiter Serapio in vno suo capitulo de Hermodactylis, duo capitula Dioscoridis cōstrinxit, scilicet capitulū de colchico, & capitulū de ephemero. Vbi per ephemeron, barbarè achimeron legitur. De rotundo autē, quòd est colchicū, Author noster similiter, vt Serapio, posuit tres differentias, scilicet q̃ hermodactylorū alius est albus, & alius rubeus, & alius niger. Et quòd albus est eligendus, rubeus verò & niger sunt mali. Hermodactyli quidē aromatijs & herbarijs noti sunt. Sciendū tamen quòd recētes nō sunt administrandi. Teste ipso filio Mesuæ, qui sic ait: Et meliores sunt, in quibus iam præterijt medius annus, post bonā eorū exsiccationem. Auicenna autē dicit, quòd est radix plantæ habētis rosas albas, & citrinas: in quibus verbis manifestatur vel ipsius, vel interpretis eius mala intelligētia, scilicet quòd pro flore croci albicante (vt in Dioscoride legitur) intellexit florem croceū, scilicet citrinum, & album. Vnde dixit: rosas albas & citrinas.

*De Cathartico.*

**C**atharticum, siue per k, katarticum, omnes testantur idem significare quod purgatiuum, seu solutiuum, aut simile. Vnde apud Galenum quinto de simplicium medicamentorum facultatibus, cap. 19. cathartica declaratur facultas purgans. Addit autem rosatum, ad differentiam aliorum solutiuiorum, seu purgatiuiorum, quæ à rosis non denominantur. Vnde quia in hoc suo antidotario non habet aliud purgatiuum rosatum, quàm electuariū rosatum, de ipso haud dubiè est intelligēdum. Et probatur per illud quod sequitur, scilicet quòd in pilulis de hermodacty

daetylīs de sua descriptione posuit aperte & clarè: videlicet, fac pilulas cum electuario rosato. Non autè cum electuario de succo rosarum, quod est in antidotario Nicolai, vt Christophorus de Honestis declarauit.

*Pilule Sebellie &c.* CCCXXI.



EBELLIAE, id est aromaticæ. Dicuntur sic, ob varias species aromaticas quas recipiunt. Vnde rectius erat scribere ipsas immediatè post pilulas elephanginas: tamen non est nostrum peruertere Authoris ordinem. Per libros impressos enim generaliter in præsentī descriptione est vna menda: videlicet, vbi legitur: Raued, agarici, epithymi, ana 3. iij. Legèdum est rectius: ana 3. iiii. Quoniam sic inuenimus in cunctis exemplaribus, necnon & in vulgari editione.

DISTINCTIO VNDECIMA.

*De Vnguentis & Emplastris.*

CCCXXII.

*De Emplastris & Vnguentis in generali.*



NTEQVAM ad alia transeamus, primùm Vnguentum videndum est, quid interest inter emplastrum *ab empla* & vnguentum, & ceratum vel cerorum &c. *stro & ce-* Certum nanq; est quòd vnguentum & emplastrum potest largo modo alterum pro altero *rotū in quo* nuncupari. Vnde præsentem distinctionem indifferenter & quasi communiter fecit, De vnguentis, & emplastris. Sed magis stricte considerantes (vt Syponctinus scribit in Cornucopia) quæ hodie vnguenta, supple falsò vocamus, sunt illa propriè, quæ à doctis Græco vocabulo emplastra dicuntur. Quæ autem emplastra, supple etiam falsò vulgò nominamus, à peritis cataplasmata, siue malagmata vocitantur. Vnde sequitur, q̃ vngueta propriè sunt alteriusmodi. Sed secundū cōmunè modum loquendi, omnia, scilicet & illa & ista, possunt ad vnum & idem vocabulum, scilicet vnguentum deduci. Diuersa tamen vnguentorum genera reperiuntur. Et illorum, quæ propriè vnguenta dicuntur, alia sunt ex succis, & hæc Stagnata Græcè appellantur. Alia constant ex corporeis rebus, quæ Hedysmata Græcè.

Et

*Vnguen.  
Vnguentū.  
Cerotum.*

Et alia ex pluribus odoriferis, quæquidem Diapasinata Græci nominant. Et propriè illi pastilli possunt sic vocari: quos myropole, siue seplasiarij fingentes vendunt, atque vulgò profumos appellant. Feces autem vnguentorum, Magmata vocantur. Ex quo crocomagma, fex crocini vnguenti interpretatur. Generaliter verò omne ex quo aliquid potest vngi, vnguen, siue vnguentum dicitur. Vnctio autem, ab vngo deducitur. Vnde vnguentū, quasi vngimentum dici potest. Ceratum verò, siue cerotum propriè, non est emplastrum, nec pastillus, neque vnguētum, quamvis & aliquando veniat sub nomine emplastri & vnguenti &c. Vt exempli gratia: Author noster Isopi cerotum descriptione Philagrii vocat vnguentum, cum dicit inibi: Et cum cæteris fiat vnguentum. Et apud Auicennam in quinto cañ. idem cerotum vocatur Emplastrum Philagrius &c. Constat enim cerotum ut plurimum ex pastillis, & rebus duris quæ igne mollescunt. Denominatur autem ceratum siue cerotum, à cera, quæ in omnibus ceratis recipitur. Vnde sequitur corollarium, quod aliquod huiusmodi generis non recipiens ceram, rectè non posse ceratum dici, nisi aliquo modo per similitudinem. Linimentum autem, & vnctio, non differunt. Manardus etiam in exordio huius distinctionis testatur similiter, quod iuniores non conveniunt cum antiquis, in nominibus huiusmodi confectionum. Ait enim: Vnguenti, & emplastri nomine, sed & ceroti, aliter antiqui, aliter neoterici vti sunt. Illi enim vnguenta ea duntaxat vocabant, quæ ex odoratis rebus conficiebantur: emplastra, quæ ex metallicis: cerota, quæ ex oleo & cera. Neoterici vnguenti nomen, ad antiquorum emplastra & cerota extenditur, cerota ea solùm vocantes, quæ ita cuti hæret ut vix auelli possint: quæ ab hæredi vi, à Galeno *ἡμελλὰ* dicta sunt. Emplastra verò neoterici, quæ antiqui cataplasmata nominant. Hæc ille. Nicolaus autem in suo antidotario, scilicet in emplastro quod dicitur apostolicon, definiuit, quod emplastrū est dura cōfectio. Nonnulli autē dicunt, quod triplex est emplastrū, scilicet durū, mediocre, & molle. Et confundunt sub nomine emplastri & vnguēta & cerota &c. Sed hæc dicta sufficiāt.

*Isopi cerotū descriptione Galeni &c. CCCXXIII.*



ENOMINANTVR Isopi cerota istæ compositiones, ab Isopo humida, scilicet sordelana rū oium, de qua magnam recipient quantitatem. Luminare Maius enim & vulgaris additio, & pauca quædam exēplaria (vñ in duobus legimus) non rectè

rectè habent in præfenti descriptione, cerā in vno ana cum oleis: etenim rectius impressiones latinæ, & Nicolaus Præpositus, & ferè cuncta exemplaria sic habent: Recipe ceræ citrinæ ʒ. iij. olei chamænulli, olei irini, ana ʒ. vj. &c. Item falsò apud ipsum Luminare legitur: Croci ʒ. i. & falsissimè, Isopi humidæ ʒ. x. cum cæteri libri tam antiqui quàm impressi, vniuersaliter habeant: croci ʒ. j. s. & isopi humidæ ʒ. lxxx. Et sic est verum.

## De Cera.

**V** Erè ex tam exigui animalis (scilicet apis) industria, magna nobis Deus noster maximus & benedictus contulit bona, vt sunt mel, & cera. Non enim mortalium quispiam (vt putamus) suo valeret ingenio, minimā vtcunque particulam horum colligere. Igitur, Non nobis Domine, nō nobis: sed nomini sancto tuo omnis laus detur & gloria. Cera itaque notissima est, atque frequenter varijs adhibetur vsibus. Reperitur nanque citrina, siue fulua, siue mellea, quæ & mellis colorem, & odore habet. Et hæc est illa, quæ expresso melle, remanet in prelis. Et hæc petitur ab Authore in præfenti ceroto, & vbique, vbi cera citrina, vel cera absolute legitur. Reperitur etiam nū & cera alba, quæ & du *Cera absque* plex est, scilicet naturalis & artificialis. Sed naturalis est illa, quæ *lutea* in aluearijs absq; melle innenitur, quæ quidem à Dioscoride propolis vocatur, & vulgò cera virgo nominatur. Est enim alba, sed non in superlatiuo gradu. Alia autem alba artificialis dicta (ex eo quòd arte dealbatur) albisissima est, quæ hodiernis temporibus Venetijs, & alibi, aqua marina &c. sicut Dioscorides docet, in magna paratur copia. Alij; diuersi modi ceram dealbandi habentur, quos breuitatis causa pertransimus. Verustate quoq; efficitur alba, quæ prius erat citrina. Tingitur quandoq; cera varijs coloribus, ex quibus postea varia sortitur cognomina, vt à cinabari, minio, cera rubra: & à viridi æris cera viridis dicatur &c.

## De Mastice, &amp; Lentisco.

**R** esina lentisci, mastix, & lentiscina vocatur. Nam quasi per totam Italiam, magna reperitur lentiscorum copia: tamen cæli qualitas non dat eis copiosè resinam producere, vt in Chio insula, & alibi. Rarò in Italia scimus lentiscum ferre resinam. Et enim post resinam terebinthi, id est terebinthinam, secundū Dioscoridem, mastix obtinet bonitatis locum. A nonnullis gluten Romanum, & viscum Romanum vocatur, quamuis putamus nō *Viscum Romanum.* rectè. Res quidem nō ignota. Sed in trituratione ipsius animaduertant aromatarij, vt in ad faciāt prius mortariolū, & pistillum aqua

*Oleum lentiscinum.*

aqua pura, & sic nihil adhærebit ipsis. Similiter etiam potest fieri in trituratione vernicis, thuris, & similia. Lentiscum autem Græci schinon, scilicet schinum vocant. Sed non est idem cum schœno. A terebintho parum differt lentiscus, vires quoque confimiles habet. Et (vt Dioscorides tradit) ipsa, aut succus foliorum eius, in vicem acaciæ, & hypocistidis peroptimè cōpensatur. Fit etiam ex eius granis oleum, quod oleum lentiscinum, siue de lentisco, vocatur, ad multa vtile. Ipsa quoque grana matura per se simpliciter, aut muria macerata, à pluribus non sine voluptate comeduntur. In præsentiarum etiam numi, vt Dioscoridis tempore, ex lētisci furculis dentiscalpia fiunt. Vnde Romæ plures sunt, qui quotidie ex industria & lucro horum dentiscalpiorum, victus ac vitæ necessaria sibi non parcè acquirunt.

*De Terebinthina, & Terebintho.*

**T**erebinthina, à terebintho : vel terminthina, à termintho dicitur. Græci enim terminthum, quod Latini terebinthum, vocant. Nonnunquam minus rectè, & quasi barbarè, per varios libros, terbentina, seu terebintina, vel trebentina, siue tremétina, aut termentina legitur. Omnibus alijs resinis à Dioscoride ista præfertur. Nam & ipsa (vt diximus) non solum numeratur inter resinas, sed principatum omnium refinariū habet: post ipsam verò, mastix locum tenet, quæquidem (vt ipse Dioscorides Auctor est) in omnibus terebinthinæ correspondet. Quamobrem, quia vera terebinthina rarissime habetur : tutius est in eius carentia ponere masticem, quam aliud. Hæc autem, qua vtinur sub terebinthinæ nomine, pro certò compertum habemus, quod ex laricis arbore excipitur : & verissimè suum proprium nomen Laricina est. Vnde & à nonnullis hodie larga, quasi larica dicitur. Tamen Aetij autoritate, ad omnia quæ terebinthina valet, & hæc accomodari potest. Habuimus aliquando Venetijs ex vera terebinthi resina, e Cypro insula aduecta. Quæ licet non sit in ea bonitate in qua est illa, quæ ex Cycladibus insulis sumpta, à Dioscoride magis commédatur : attamen est melior quam laricina. Terebinthi quidem arbores, in nonnullis Italiæ locis, ac etiam intus Urbem nascuntur : sed experti sumus ipsas rarissimè producere resinam : sicut & plures aliæ arbores sunt in Italia, quæ vel raro vel nunquam producunt gummi, seu resinas : cum alibi extra Italiam id abundantius faciant. Vt est arbor storacis, & lentiscus, de quo mox supra, & cypressus, & oliua, & ficus, & hedera, & aranciorum, & citrorum arbores &c. Inuenimus tamen aliquando in  
huiusm

huiusmodi arboribus, & resinas, & gūmi, respectiue supple. Vulgò Ronæ, terebinthum, cornucapæ vocant. Et ab Arabibus helcalimbar, albotin, siue botin, vel boton, aut baton appellatur. A Rhafi autem haelchalimbit scribitur. Non elongatur à lentisci similitudine. Nam secundum Serapionem, species vnus generis sunt terebinthus, & lentiscus: sed terebinthus folia maiora quàm lentiscus habet. Fractum fert duplicem, & quandoque triplicem. Primus non maturatur. Secundus verò tempore vendemiarum racematim, maior quàm fructus lentisci, rubeus primis conspicitur, postea subuivridis, ad nigredinem tendens. Vnde est, quòd granum viride ab Auicenna, & alijs pluribus nominatur. Tertius (si fructus dici potest) varijs coloribus & formis, in modum vesicarum vlmi prouenit. Huiusmodi enim tertij aliqui sunt longi, depressiq;, parum curui, cornibus caprarū similibi: vnde cornucapæ nomen sibi arbor vindicauit. Alij sunt rotundi, & ex eis magni & parui, vt mala: alij oblongi, vt pruna &c. Ex quibus omnibus, alij sunt ex parte colorati, albi videlicet & rubri, alij subcitrini & albi, alij per totum albi, & alij subuivrides &c. Ita pulchriores omnes, quòd magnā afferunt aspicientibus voluptatem. Intus verò cuncti, cum sunt maturi, culicibus seu muscis paruis pleni sunt. Nonnulli etiam ex ipsis intus habet quendam humorem, sicut est in vesicis vlmi &c. quos fructus, imò pleadofructus, pluries manibus proprijs ex terebinthi arbore collegimus. Et quòd terebinthus producat huiusmodi fructus, lege Theophrastum in capitulo xv. libri tertij de historia plantarum, vbi terebinthorum genera optimè scribit. Et etiam quòd reperitur terebinthas mascula, & terebinthus foemina: sed masculam dicit esse sterilem, & infructiferam.

*De omni Resina, & Gummi.*

**I**Nter arborum, siue arbuſtorum, & plantarum, seu herbarum genera, aliqua resinam, aliqua gūmi, aliqua verò neutrum producunt. Quandoque tamen ab Authoribus confunduntur, & alterum pro altero capitur. Ex his autem arboribus, quæ resinam fundant: sunt Terebinthus, Lentiscus, Populus, Larix, Abies, Pinus, Picea, Cypressus, arbor Thuris, Iuniperus &c. Ex arbuſtis verò, vt est in Hispanijs quoddam arbuſtum: quod vulgari eorum lingua Sciara dicitur &c. Ex herbis, seu plantis autem colligitur: vt ex Condrilla, Chamæleone albo, & similibus. Gummi confimiliter ex arboribus: vt sunt arbor Acacia, Cerasus, Prunus, Amygdalus, & alie multe. Ex fructicibus autem, seu arbuſtis, vt sunt

Heda

*Resine &  
gummi differe-  
rentie ad-  
inuicem.*

Hedera, Cyprus, Piceæneolus &c. Ex herbis quoque, seu plantis, vt ex Tragacantha, & varijs herbis ferulaceis &c. Quæ verò neutrum producit, vt Taxis, & similia, penè innumera sunt. Sed (vt optimè Brasavolus scripsit) in his differentijs principaliter cognoscuntur ab inuicem resina & gummi, scilicet quòd resina naturâ oleaginam, gummi verò aqueam habet. Quodq; triplici experientia probatur. Videlicet quòd resina ad ignem facilius accenditur: gummi verò crepitat. Item difficilius est resinas & aquam miscere: facilius autem gummi & aquam. Item econtrâ, facilius resinas & oleum commiscere: difficulter autem gummi & oleum. Et scias quòd omnis pix est resinæ species. Abusiue quidem illud quòd adheret parietibus doliorum vini & aceti, à nonnullis vocatur resina: longè enim differt ab istis. Et rectius (vt in superioribus iam diximus) rasina dici debet: non obstante quòd istæ etiam similiter abusiue à quibusdam rasinæ dicantur. Vnde passim in aliquibus libris legitur rasina absolutè, & rasina pini &c. Et vulgò rasa pini vocatur. Resinarum autem, alix sunt liquidx, & alix duræ, ita quòd possunt puluerizari: alix verò inter liquidum & durum mediantur. Omnibus enim resinis (vt supra diximus) à Dioscoride, Paulo, & alijs pluribus, præfertur terebinthina. Reliquis verò post ipsam, lentiscina, scilicet mastix. Serapio autem primum autoritate Galeni dicit, gluten Romanum (quòd declarat esse masticem) esse melius omnibus glutinibus: infra postea autoritate Dioscoridis, dicit aliter, scilicet quòd terebinthina est melior, & post ipsam mastix. Vnde potest coniectari quòd ambæ sint æquali virtute & bonitate munitæ, vel saltem quòd parum differant inter se. Igitur cum sint multe resinarum species, de qua autem sit intelligendum, cum absolutè (vt in præsentì descriptione) legitur, varix sunt iuniorum opiniones. Nam sunt qui volunt, vt intelligatur terebinthina, alij autem mastix, ex eo quòd altera ipsarum cæteris præferatur. Quorû opiniones per præsentis ceroti descriptionem (in qua recipitur terebinthina & mastix, & per se resina) refelluntur atque confutantur. Alij autem & melius, tradunt illam absolutè esse intelligendum, quæ ex pini arbore tantum sumitur. Quoniam licet terebinthina & mastix, in genere resinarum sint præstantiores: tamen semper speciali nomine describuntur, & nō generali. Vnde antonomastice per hoc nomen, scilicet resina absolutè, neutra ipsarum potest intelligi. Sed reuera, per antonomasiam, resina è pinu intelligitur. Non quia melior, sed quia copiosior habetur.

Vnde

*Resina absoluta.*



Vnde Plinius 3. cap. trigefimiseptimi libri, dicit resinam propriè pineis inesse. Et vulgaris vsus vocandi adhuc extat Omnes enim resinam pini, siue rasam pini vocant. Et sic est secundum veram authoris intentionem, & ita debet intelligi.

*Operatio Isopi humidæ &c. CCCXXIII.*



STIVS operationis descriptio satis est clara. Sed sciendum quòd alius modus diuersus ab isto colligendi hanc lanarum sordem. Isopum humidam dictam, ponitur à Dioscoride 2. libro. Quilibet nempe est bonus. De isopo humida, quæ æsypus græce dicitur, quare in syrupo de hyfopo.

*Isopi cerotum descriptione Philagrii &c. CCCXXV.*



EROTVM præsens sub nomine emplastri ponitur ab Auicenna in quinto cañ. cuius titulus est: Emplastrum Philagrius. Differt tamen in aliquibus paucis. Ponitur etiam & à filio Serapionis in septimo cap. 27. sub titulo, Dhimadh, filagrii: tamen in pluribus est differens. Animaduertendum autem quòd præsens descriptio est multum deprauata, & confusio non minima est in ipsa per impressos codices. Vnde primò sciendum, quòd vbi legitur: Bdellij &c. ana 3. vij. Legendum est rectius: ana 3. viij. Quia sic habent cuncta exemplaria antiqua, & vulgaris æditio, & Luminare Maius. Et similiter filius Serapionis, & Auicenna. Item, vbi legis in ipsis impressiõibus, terebinthinæ 3. j. s. Lege verius 3. ij. s. quoniam sic est secūdm veritatem in præfatis exemplaribus. Item quod habetur in fine descriptionis: videlicet. Et in alio ceræ lb. j. minus quarta. Dele ex libro totum: & lege simpliciter, Sepi vitulini 3. xv. & est conuenientius. Quia illa est additio imperitorum impressorum: nec est in exemplaribus antiquis, neq; in Nicolao Præposito. Et cum hoc patet, quòd est confusa loquutio. Quia cum sit suprâ: ceræ citrinæ lb. j. nescitur modo per hanc superadditionem, an de ipsa cera supraposita sit minuenda pars quarta, vel cum alijs additionibus sit superaddenda alia ceræ libra minus quarta. Vnde si superadditur: certum est quòd non erit quod sequitur. Hoc est: Et est conuenientius. Imò disconuenientius erit: quoniam tanta quantitas ceræ non competit huic ceroto, vt bene fiat. Igitur nõ est admittenda, neq; est minuenda quarta pars libræ superius posite.

## De Medullis.

**E**X duobus tantum generibus ossium medulla colligitur, scilicet ex spina dorsi, & ex cruribus animalium, quamvis etiam & in mandibula reperiatur, quæ possit colligi. Vnde ad differentiam illius quæ spinæ dorsi est, Author specificavit cruris. Et posuit vaccæ, ad differentiam aliorum animalium: quoniam ex variis animalibus sumitur. Vnde secundum Dioscoridem medulla ceruina est omnium laudatissima, & post ipsam vitulina, deinde taurina, cum qua intelligitur etiam & vaccina, siue (ut melius dicamus) bouina, quoniam bos communis generis est. In cuius vice, etiam & bubalina potest substitui. Post bouinam autem, caprinam & ouillam ipse Dioscorides numeravit. Postea subintellige ex cæteris animalibus, quæ ferè innumera sunt. Et ex quolibet cum potest haberi, colligenda est atque seruanda, ut ex hædo, agno, equo, asino, chamelo, cane, lupo &c. Et seorsum altera ab altera: nec simul asseruari debet quæ est ex cruribus cum spinali. Etiam & humana medulla habenda est, quam (saluo meliori iudicio) nos putamus omnium optimam. Et nota quod quando petitur medulla ex altero vnius speciei animalium, puta ex masculo, si non potest haberi, sumatur ex foemina eiusdem speciei, & e contra. Ex cruribus autem, siue ex alijs volatiliis, nusquam legimus admissas esse medullas. Nec enim putamus ipsas omnino virtute carere. Ut sunt medullæ crurum, & alarum anseris, anatis, gruis, ciconiæ, struthionis, siue struthio, chameli &c. tamen nos (ni fallimur) credimus ipsas eiusdem virtutis esse cum alia ipsorum pinguedine, & optime pro ea possunt substitui. Non obstante quod talium medullæ sint generaliter liquidæ plus, quam medullæ quadrupedum.

## De Adipibus.

**A**Deps, & pinguedo, siue pinguitudo, & quod vulgò grassum dicitur, vnu & idem significant. Et sunt nomina generalia, seu communia ad omne oleosum: non solum in materia carnis, cuius sunt propria, verum etiam & ad alia referuntur. Vnde Psalmographus: Cibauit eos ex adipe frumenti. & Genesios 27. de pinguedine: & in pinguedine terræ &c. Galenus autem xj. de medicamentorum facultatibus, facit differentiam inter adipem & pinguedinem. Et pro adipe intelligit tantum seuum, & pro pinguedine axungiam: tamen postea scribit quod omnis adeps in animali potest dici pinguedo: & e contra, omnis pinguedo potest adeps denominari. At tamen differt adeps ab adipe, siue pinguedo à pinguedine, ut mox dicemus. Adipis igitur, siue pinguedinis plures sunt

species seu differentia, scilicet seuum (quod & sebum, & sepum etiam dicitur) axungia, siue axungia, siue minus recte assiungia, laridū (quod quasi per syncopā, lardum vulgus vocat) vinctum, medulla &c. Sed sepum, siue seuum, reperitur in animalibus cornigeris vna tantum parte dentatis. Axungia verò, & laridum sunt in animalibus non cornigeris, quorum quatuor dentes vtpurimum prominent: Vt sunt porcus, siue sus, aper, porcus spinosus, ericius syluestris, mus, gliris, felis, canis, vrsus, elephas, & his similia. Inter quæ & homo etiamnum potest connumerari. Vnde ad differentiam aliarum axungiarum, multoties specificatur de porcina. Vinctum tamen specialiter dicitur de pinguedine quæ est in dorso porci. Medulla autem in innumeris animalibus ferè est. In auiibus verò, non seuum, nec axungia, nec laridum dici libet: sed tantummodo adeps, seu pinguedo, quæ & pinguitudo dicitur. Author enim noster in hoc ceroto specificauit de adipe anserina, ad differentiam aliarum. Anser quippe auis aquatilis est, & notissima. Vulgò autem Ocha, & Paparum, siue paparus appellatur. Et omnis adeps, si non speciatim legitur de veteri aut salita, semper intelligitur recens, & absq; sale. Quomodo autem purgandus sit, atq; asseruandus omnis adeps, à Dioscoride optimo sermone declaratur. Sed nota quòd quandocunq; legitur simpliciter, & absolute, alicuius animalis adeps, seu pinguedo, semper intelligitur illa quæ circa renunculos, & iecinora ipsius animalis reperitur. Sed in eius carentia, ex alijs quoq; eiusdem animalis partibus adipem substituit.

*Adeps cui  
insubet ani-  
malis abso-  
lute.*

*De Fœnu Græco.*

**Q**uare dicatur fœnu græcum, ignoramus. Non enim è Græcia apportatur: nec magis græcum, quàm Italicum laudatur. Nam & in Italia, & præcipuè circa Orthas, in magna feritur copia. Herba quidem nota, semenq; notissimum est. A nonnullis fœnu græcum domesticum, siue satium nominatur, ad differentiam alterius plantæ, quod fœnu græcum sylvestre vocant. Quodq; ab aliquibus ruta capraria, siue capragina nuncupatur. Vulgò autem, sunt qui taurinam, & sunt qui martanicam, & sunt qui herbam nefam appellant. Tota persimillima est fœnu græco satiuo, ex quo fœnu græcū sylvestre dicitur. Non feritur in Italia, sed locis pinguibus, humectisq; copiosè prouenit. Apud antiquos quippe huiusmodi plantam adhuc non legimus: tamen à pluribus scimus expertam esse, in morbos pestilentes, & contra venenata maximam vim habere.

*Ruta capra-  
ria.*

*Isopi cerotum descriptione Pauli &c. CCCXXVI.*

**P**AVLV S in septimo cap. 17. habet vnum isopi liquidi medicamentum, quod quidem longè differt ab isto ceroto. Aduertendum autè quòd per impressiones latinas, mēdosè legitur in præsentī descriptione: Ceræ 3. iij. lege verius: 3. iij. s. Vt est in cunctis exemplaribus, necnon & in vulgari æditiōe. Nicolaus Præpositus verò habet 3. ij. s. Et Luminare Maius 3. iij. s. Vterq; similiter mendosè. Putamus enim quòd librariorum incuria, in Nicolao sit diminuta illa vncia, & in Luminari posita 3. pro 3. Item: quædam impressiōes de recētioribus, mendosissimè etiam habēt. Sepi, & medullæ vituli, ana 3. ij. Lege 3. ij. vt est in omnibus alijs libris tam manuscriptis quàm impressis. Pro Sigia autè, intellige storacem liquidam: & de ipsa quære in superioribus. Et pro ireleo, siue irileon, intellige oleum irinum. Et de ipso dicetur in distinctione de oleis. Aliud isopi cerotum descriptione Democriti, habetur infra, de quo loco suo dicetur. Item aliud diuersum ab istis habet Author, autoritate Aboali, in capitulo de bothor, & apostemate aurium. Item, quasi similem compositionem ceroti ex isopo humida habet circa finem capituli, de asthma, quod inscripsit: Cerotum ex inuentione nostra.

*Vnguentum Diaphinicon conferens &c. CCCXXVII.*

**A**NIMADVERTENDVM quòd circa finem huius distinctionis sunt duæ vnguenti palmei descriptiones, quæ satis parum differunt ab istis, scilicet præsentī & sequenti descriptionibus vnguentorū diaphinicon. Quæquidē descriptiones finales, cum duobus alijs, scilicet antè & retrò sibi adhærentibus, in multis antiquis exemplaribus non sunt. Et in aliquibus prima tantum vnguenti palmei descriptio legitur, secunda minimè. Ita q; pauca sunt exemplaria, quæ utrāq; habēt descriptionē. Vnde dubitamus, ne fortè sint additiones ad præsentē distinctionem: tum propter hoc quod diximus, scilicet quòd in paucis habentur exemplaribus: tum etiā quia seorsum locatæ sunt ab istis in ipsa distinctione: quoniā clarū est, quòd hoc primum vnguentū diaphinicon, & illud primū palmeū, est idētidem bis descriptū. Nō obstāte quòd sint in eis aliquæ paruæ differētiæ, quæquidē nō faciūt vt vtrunq; non sit idem vnguentū. Sed quia (vt diximus) quòd in quibusdā paucis dūtaxat exemplaribus legūtur, nō visum est nobis

bis delere ipsas descriptiones à libro, neq; à loco suo mouere. Sciē-  
 dum tamen quòd illud primū vnguentū palmeū, ex primo Gale-  
 ni librorū secundū locos, quasi ad literā sumptū fuisse probatur.  
 Quod quidem à filio Serapionis autoritate ipsius Galeni, ferè de  
 verbo ad verbū in septimo sui Breuiarij, sub titulo vnguētī de cal-  
 cadis ponitur. Et sub eodem titulo, & eadem autoritate, magis  
 tamen succinctè, ponitur ab Auicēna in quinto cañ. ab Hali filio  
 Abbas quoq; cum inscriptione, colcotarij vnguenti: similiter ex  
 Galeno scribitur in decimo sue practice. Galenus autē libro pre-  
 allegato dicit vocari ipsum, Emplastrū diaphinicon: sed à pal-  
 ma Emplastrū diaphinicon, siue phinichinō appellat. Vnde Em-  
 plastrū chalciteos, siue chalcitis, idem est quod emplastrū, siue (vt  
 mauis) vnguentū de calcadis filij Serapionis, & Auicennæ. Et ex  
 eo quòd vocatur de palma, siue diaphinicon: idem dicit quòd va-  
 guentū palmeum, & vnguentum diaphinicon filij Mesuæ. Infrā  
 etiam sunt alia duo emplastra, diaphinicon cognominata, quo-  
 rum alteriusmodi cōpositionis est. In Hali autē à malo interpre-  
 te (vt putamus) pro chalciti, siue chalcade, quod idem est, versum  
 fuit colcotar, quod est alia vitrioli species: vt suprā, scilicet in tro-  
 chiscis de croco, latius declarauimus. Similiter interpretes filij Me-  
 suæ in huiusmodi vnguentis hoc simplex non rectè interpretatus  
 est. Quoniam in hoc vnguento diaphinicon primo, non colco-  
 thar, sed chalcitis, seu (vt mauis) chalcadis vertere debuisset: vt in  
 secundo (quod descriptione Arabica inscribitur) fecit. Et sic nos  
 tanquam melius, nō colcothar, sed chalcadis rescripsimus. Etiam  
 in illis vnguenti palmei descriptionibus minus rectè ipse inter-  
 pres, vitrioli, non specificatè vertit. Et alijs in locis confusiles er-  
 rores passim leguntur. Ex quo lectores semper animaduertāt, ne  
 cum ipsis in eorum errorem incidant. Diaphinicon autē dicitur  
 huiusmodi vnguentum, seu palmeū, aut de palma, à ramis dacty-  
 lorum, seu palmarū cum quibus conficitur. Phenichia enim, dacty-  
 lyli sunt. Et sub eodem nomine palma etiam intelligitur: quo-  
 niam dactyli & palmæ sunt vnus generis species. Et indiscrimi-  
 natim possumus altero pro altero vti: respectuē tamen de ar-  
 bore, vel de fructu. Veruntamen in defectu ramorum dactylo-  
 rum, seu palmarum: (vt in vnguento palmeo secundo legitur) ra-  
 dices cannarum substituuntur. Manardus autem dicit, se aliquan-  
 do cum ramo quercus parari fecisse, & inuenit ipsum vtile. Et  
 hoc (vt putamus) à Guillelmo Placentino accepit, qui in quin-

to suę practice, cap. 21. videlicet in suo vnguento de palma, dicitur: Vt agitur ipsum vnguētum cum spatula palmæ, vel ligni glandium &c. Igitur auctoritate istorum & huiusmodi ramis pro palmarum, & dactylorum ramis in necessitate possumus uti in confectione talium & similium vnguentorum.

De Zirbo.

*Reticella.  
Zirbi absolute.  
luc.*

**Z**irbus nempe (vt iuniores cōcorditer tenent) idem est quod Reticulum, seu panniculus inuoluens intestina. Et proprie est illud quod vulgò Italicè rata, & ab alijs raticella, seu reticella dicitur. A nonnullis etiam absolute rete vocatur, quoniam retis similitudinem habet. Quod quidem reticulum in omnibus quadrupedibus non reptantibus reperitur. Sed in vno animali magis pingue, quàm in alio. Et quandoq; pro toto animalis adipe, largo modo intelligitur. Strictè autē pro dicto reticulo, aut pro axungia tantum. Quando autē non specificatur de quo animali, vt in ista descriptione, semper de suillo, scilicet porcino reticulo, tanquam de pinguiori intelligēdum est. Generaliter enim omnes libri tam antiqui quàm impressi, quos vidimus in ista descriptione habēt zirbi absolute, præter vnam de vltimis impressionibus, & Nicolaum præpositum in quibus speciatim legitur, zirbi cerui: & vnum exemplar quod habet scriptum zirbi hirci. Veruntamen vtrunque est falsum: quoniam aperte probatur esse zirbam porci. Nam Galenus sic clarè scribit: Verusti adipis, quę institores axungiam appellant. Certū nanquē est quòd axungia absolute, semper de porco intelligitur. Item Hali Abbas clarius posuit in his verbis: Sume zirbi porci, aut adipis, sine sale &c. Itē in vnguentis palmeis: videlicet in primo, sic legitur. Axungia veteris depurate à sale &c. Et in secūdo latine sic: Pinguedinis porcine depurate à sale &c. Ergo prædictum zirbum non est cerui, nec hirci: sed porci. Lege etiā Galenū, & videbis quòd magis cōperit huiusmodi vnguento adeps porcinus, quàm alterius cuiusque animalis. Vnde Author tanquam excellentiorem præposuit ipsum adipi vitulino, in præsentī descriptione. Et sic est verum.

Vnguentum Diaphinicon descriptione Arabica, & est  
vnguentū Arabicū &c. CCCXXVII.



**H**OC præsens vnguētum non negatur ab Authore esse idē cum supradicto: tamen dicit quòd est ipsum, sed secundum descriptionem Arabicam.

Tan

Tanquam si diceret: Arabes variauerunt ipsius descriptionem in hunc modum &c. Dans intelligi, quod superscriptum est secundum puram Græcorum descriptionem &c. Sunt autem in ista descriptione per impressos codices aliqua librariorum mendæ. Et primò. Fere in omnibus dictis codicibus legitur: foliorum cheiri, saluiz, triaphyllon, allefa, acori &c. Super quibus verbis variæ sunt iuniorum opiniones. Vnde aliqui per triaphyllon, intelligunt speciem satyrionis, scilicet testiculū vulpis, ex eo quod tria folia, nec plus, nec minus habet. Alij intelligunt trifolium acetosum, alleluia nuncupatum, & sic diuersimode ipsi scribunt. *Alleluia.* Vnde apud aliquos legitur: triaphyllon acetosi. & apud alios: triaphyllon, id est alleluia: & nihil de allefa tangunt. Alij autem dicunt triaphyllon per se, & alleluia per se debere intelligi. Alij Alij autem volunt ut per triaphyllon intelligatur lotus domestica: & pro allefa, siue allisa, intelligatur alysson, vel alisma Dioscoridis. Et alij aliter somniāt. Nos autem his omnibus visis, atque cunctis (quæ habuimus) exemplaribus perlectis, dicimus breuiter, quod veritas literæ talis est: Recipe foliorum cheiri, saluiz, triaphyllō, alleuia, acori &c. Quoniā sic inuenimus in decē & octo ex ipsis exemplaribus antiquis. Et in quinq; alijs, legitur triaphyllon acetosi, quod idē significat. Et in duobus legitur sic: Triaphyllō, id est alleluia: quod similiter est idē. In nonnullis alijs etiā est simpliciter, alleluia. Et in alijs paucis, triaphyllō absolute. In nullo enim penitus legitur alefa, quod quidē, si in impressionibus legitur, est librariorū deprauatio posita pro alleluia, de qua mox dicetur. Sed Author sciēs plurimas esse trifolij species, ad maiorem cautelā, ne cōmitteretur error, noluit absolute scribere illud. Et ideo cū scripsit triaphyllō, mox declarauit, addens alleluia. Videlicet significās quod ex tot sit accipiendū. Secundò ubi legitur: Ex folijs earūde herbarū, ana ꝑ. iij. quia sic est in omnibus exemplarib. & ita similiter habet Luminare Maius, Nicolaus Præpositus, & vulgaris additio. Tertiò, ubi legitur: Litargyri mūdi & triti contritione vltima, ꝑ. iij. Et in alio, ꝑ. iij. s. Cassetur hoc, videlicet: Et in alio ꝑ. iij. s. quoniā est additio librariorū superflua, qui forsā ex varijs codicibus trāssumētes, & ita inuenientes vtrūque posuerunt. Etenim non legitur in dictis exemplaribus, neque in Nicolao Præposito. Vnde legitur absolute lithargiri &c. ꝑ. iij. Et sic est verū.

*De omni Trifolio.*

**T**riaphyllon, siue triphyllon Græcè: Latine trifoliū significat. Plura etenim sunt genera, species, & differentiæ trifolio-

rum. Vnde in generibus triphylli, scilicet trifolij veniunt, Trifolium asphaltitium, siue acutū, aut odoratum: Medion, quod etiā trifoliū odoratum dicitur. Melilotum, Lotum vrbānum, seu (vt magis placet) lotus vrbana, & lotum syluestre, quod trifoliū minus cognominatur. Cytissus, quod est trifolium maius. Testiculus vulpis, Fragaria, Sampsuchum, Staphisagria, Andocacha, Alleluia, de qua nobis est sermo. Et alia plura, quæ licet à nobis visu cognoscantur: tamen ea scripta apud Authores hucusque non inuenimus. Vt est trifolium satiuū, quod communiter non ignoratur: quoniam pluribus feritur locis pro iumentorum pabulo.

*Tribulum odoratum.* Et aliud trifoliū maximè odoratum, quod vulgò Romæ tribulum (quasi trifoliū) appellatur, quodq; largè mulieribus & alijs venditur: quoniā distillant ipsum pro suffumigijs & alijs varijs odoramentorū lasciuijs faciendis. Aliter adhuc in vſu medico nō recipitur. Item sunt quædam alia trifolij genera, quæ passim nascuntur, & quoddam ex ipsis habet in folijs maculas albas, ad lu-

*Trifoliū lunatum.* næ non plenæ similitudinē, quod trifolium lunatū appellamus: & aliud habet maculas nigras, in pupillæ oculi figura, quod trifolium oculatū, seu maculatum nominare non displicet. Et alia plura, quæ superfluum est scribere, cum apud Authores nesciamus ea capitulare &c. Alleluia autē, quæ rectius (vt putamus) Luila dici debet, à nonnullis trifoliū acetosum, siue panis cuculi nūcupatur. Et ab alijs vulgò acetosella, & salsarola dicitur. Ex eo quod in falsis, scilicet in condimentis libenter commisceri solet. Folia enim fert ad corculi effigiem, in quolibet pediculo tria. Potius reptat, quàm eleuatur: semen habet in siliquis minimis rectis, triquetris, quæ prope maturationem, cum tanguntur (quasi celantes semina ne accipiantur) continuò crepitant. & semina hinc inde diffunduntur. Quæquidem semina, tanquam si viua essent, vt pulices saltando, se capi non permittunt. Ac sic in terram descendunt. Nascitur frequentius circa sepes & inter saxa. A pluribus quoque in hortis colitur, vnde non ignoratur.

*Salsarolla*

### Emplastrum Arabicum &c CCCXXIX.



**P**RAESENTIS emplastri Arabici descriptio, ab immediatè præcedenti vnguento Arabico depēdet: vnde absq; illo stare non potest. Quia cum legitur hīc: Recipe ex folijs herbarum earūdem, & dissoluatur in vino, aut succo herbarum, sicut hīc proxime diximus: declarat apertè de superiori vnguento Arabico



bico esse intelligendum. Sed nota quòd cùm dicit, dissoluantur &c. non intelliguntur omnia supradicta, sed myrrha, aloë, & sarcocolla tantùm. Est autem in præsentí descriptione per impressos libros vnum mendum. Videlicet vbi legitur, vitrioli, aur. iij. legendum est, vitrioli aur. iiii. vt cuncta exemplaria antiqua necnò & Nicolaus Præpositus, & vulgares impressiones habet. Non obstante quòd in ipsis vulgaribus impressiõibus mendosè impressum sit: Myrrhæ, aloës, ana 3. xij. 3. xij.

*Vnguentũ mirabile relatũ ad Nicodemũ &c. CCCXXX.*

*Vnguentum Nicodemi aliud &c. CCCXXXI.*



**I**STORVM Nicodemi vnguentorum descriptiones melius atque rectius scribendæ sunt sine determinato medicinarũ pondere, vt in exemplaribus vetustis leguntur. Prima, videlicet sic: Recipe myrrhæ, aloës, sarcocollæ, ana partes æquales &c. Secunda autem sic rectius legitur: Recipe myrrhæ, aloës, quantumlibet &c. Illæ nouè drachmæ, quæ in impressiõibus sequuntur, ab imperitis librarijs positæ sunt. Qui forsan legentes, ana, absolute, absq; quantumlibet, vel absq; partes æquales, ac sine pondere, illud quod sequebatur immediatè, scilicet vini (vt putamus) intellexerunt viiiij. videlicet v. pro quinq; & ini, pro quatuor: tanquam si essent quatuor sic, iiiiij. Et interponetes 3. fecerunt, vt legeretur, ana 3. viiiij. vt in vno mendoso exemplari inuenimus. In quo ad maiorem mendi declarationè, sequebatur simpliciter sic: albi quantum sufficit. Nec erat ante vel post illud adiectiuũ (scilicet albi) vini, aut alterius rei signũ, pro substantiuo ipsius adiectiu. Vnde postea alij vtrũq; posuerunt, scilicet 3. viiiij. & vini &c. Sed nultũ differt, & non est parui momẽti inter partes æquales, & 3. ix. pro eo quod sequitur. Hoc est: Et sunt qui addunt vitrioli partis vnus quartam. Nam si legitur, ana 3. ix. necessariò quælibet drachma erit pars: & sic nõ adderetur vitrioli, nisi quarta pars vnus drachmæ, quod est tãquam nihil. Si autem stat, ana scilicet quantumlibet, vel partes æquales: & (exempli gratia) puta intelligis de quolibet simplici, pro parte vna, etiam 3. ix. vitrioli quidem nõ quarta pars vnus drachmæ, sed quarta pars vnus integri simplicis recipitur. Et sic tũc nouem drachmarum quarta, quæ sunt duæ 3. & quarta alterius erit quantitas vitrioli recipienda in ipsum vnguentũ. Et ita est verum, & secundum veram authoris literam atque intentionem. Etiam vulgares excusiones ha

bent clarè & rectè ana quāto tu vuoi. fine 3. viiij. Nota etiā, quòd vbi dicitur in istis vnguentis: vini albi boni quantum sufficit. intellige ad dissoluendum ea, scilicet myrrham & similia, quæ necessariò sunt dissoluenda.

*Vnguentum Cæsareos magnum &c.* CCCXXXII.

*Vnguentum Cæsareos paruum &c.* CCCXXXIII.



**E**T ENIM hæc duo vnguenta in cunctis ferè exemplaribus, & in vulgari additione, non cæsareos (vt per impressiones latinas legitur) sed Cæsareos intitulantur. Tāquam à Cæsare, quod putamus rectius. Non enim recipiunt cæsaria, vt ex ipsis denominari credantur. In magno istorū vnguëtorum per nonnullas impressiones mendosè legitur, floris aris 3. ij. Lege rectius 3. iij. vt est in cæteris libris. Item sciendum, quòd omnes impressiones, ac etiam quædam pauca minus correctæ exemplaria in hoc vnguëto magno habent duas literarum deprauationes: videlicet vbi legitur, Ammoniacum, & bdellium dissoluantur in aceto &c. Et infra. Et projice super ipsum ammoniacum, & bdellium dissoluta in aceto &c. tanquam si consimilia gummi, vt galbanum, opopanax &c. non essent dissoluenda: quod est falsum, & omninò contra Authoris intentionem. Imò non solum ammoniacum, bdellium, galbanum, & similia, quæ non possunt conteri, sunt dissoluenda, sed & myrrha, & aloë, & alia plura, quæ aliquo modo conteruntur, & puluerizantur, quandoque precipit Author vt dissoluantur. Et huiusmodi passim legitur. Vt exempli gratia: In Isopi ceroto descriptione Philagrij, & in vnguento Arabico, & in Emplastro Arabico, & in vnguento mirabili Nicodemi &c. Et in vnguento arthanitæ magno dicit: *Quæ sunt terenda tere.* Ex quo necessariò sequitur corollariū, scilicet. Et quæ sunt infundenda seu dissoluenda, infunde, & dissolue, vt ibi inferius clarius patet, cum dicit: Et projice super colaturam Serapini aur. v. myrrhæ aur. ij. ita quòd resoluantur prius in aceto vini &c. Ergò præter ammoniacum & bdellium, dissoluenda sunt & galbanum, & opopanax, & myrrha, & similia. Vera etenim litera, vt in multis vetustissimis exemplaribus legitur, sic se habet: Ammoniacum, bdellium, & similia dissoluantur in aceto &c. Et infra: Et projice super ipsum, ammoniacum, & cætera dissoluta in aceto. Et in vno sic inuenimus: Et projice super ipsum ammoniacum, & omne quod dissolutum est

in aceto. Vnde in hoc vnguento dissoluenda sunt, ammoniacum, bdellium, sarcocolla, myrrha, galbanum, aloë, & opopanax. Similiterq; in confimilibus est faciendum. Aduertendum etiam quod in vtraq; istarū descriptionum, per vulgares impressiones, sunt plures mendæ. Item sciendum quod hæc vnguenta à nonnullis, vnguenta apostolorum, & vnguenta gratia Dei vocantur.

*Vnguenta  
Apostolorū.*

*Vnguenta  
gratia Dei.*

*Vnguentum Arthanitæ magnum &c. CCCXXXIII.*



**P**RAESENS magni, & sequens paruum vnguenta de arthanita, scilicet de pane porcino, scribuntur etiam ab ipso autore in capitulo de arthanita. Sed ipsæ descriptiones differunt in quibusdā paucis inter se, vt mox patebit. Igitur praesens vnguentum magnum descriptum in antidotario, vniuersaliter per omnes codices tam impressos quàm manuscriptos, habet myrrhæ aur. ij. Descriptio autem capituli etiam vniuersaliter per omnes & singulos eodemi libros, habet myrrhæ aur. iij. At si vel hic imminutus, vel illic sit auctus vnus aureus, minimè coniectare valuimus. Item, in vltimo, ana, per omnes praefatos libros, in ista antidotarij descriptione, non legitur cinnamomū, quod quidem in cūctis eidem libris in descriptione capituli habetur. Sed animaduertendum quod per impressiones, ipsa capituli descriptio in vno est vitata: videlicet vbi legitur euphorbij 3. j. rectius legendum est, 3. s. Vt est in exemplaribus antiquis, in ipso capitulo, & in cunctis libris in descriptione antidotarij. Non obstante quod illæ paruae impressiones etiam mendosè habeant in ista antidotarij descriptione, euphorbij 3. s. in quibus, impressorum incuria, posita est 3. pro 3. Non parua differentia est inter 3. j. & 3. s. quamuis vtrunque non rectè. Lege igitur 3. s. Aduerte etiam, quod quædā de vltimis impressionibus, similiter mendosè habent, pulpæ coloquintidæ 3. iij. Verius lege 3. iij. vt est in cæteris libris. Vulgares quoque impressiones in vtraque vnguenti arthanithæ descriptione, multa menda habent. Item, Luminare Maius, Lumen Apothecariorum, ac Thesaurus aromatariorum, non rectè habent. Fellis vacini aur. vj. Lege, aur. v. vt est in cæteris libris tam impressis quàm manuscriptis. Hæc igitur in hoc magno vnguento annotanda reperimus.

*De Arthanita.*

**S**cribens itaq; Author noster in suo de Simplicibus, capitulū de arthanita, declarat esse cyclamē. Et dicit, q̄ ex eo reperitur mag

magnū, & parū: ex quo conuenit cum Dioscoride & cæteris qui cyclaminis duo genera ponunt. Plinius autem tertium genus addidit, quod & se vidisse fatetur. Apud nos quidem radix maioris cyclaminis tantum habetur in frequenti usu. Minoris autem radix, teste Dioscoride atque Galeno, nullius iuuamenti est. Non obstante quod in quibusdam de nouis impressionibus, ad capitulum Authoris nostri sit additum à librarijs: vtrunque bonum est, & cōpetit vsui medicinæ. Quod sanè non legitur in alijs impressionibus, neque in aliquo exemplari inuenimus. Et licet minoris semen (vt præfati Dioscorides & Galenus tradunt) valeat ad lienem &c. per quod verificari possit prædicta librariorū additio: videlicet quod vtrunque bonum sit, & competat vsui medicinæ: tamen ibi non intelligitur secundum diuersas partes: quia Author noster de radice tantum pertractat, & intelligit. Et ideo illa additio est mala. Cyclamen verò, ferè apud omnes vul-

*Panis porci* garis notitiæ est, & vsitatiōi vocabulo, Panis porcinus dicitur, *mus.* quoniam plurima sunt eius synonyma: vt Arthanita, siue Har tanitha: Cyclamen, & cyclaminum neutri generis, & cyclaminus fœminini generis: Bochormarien, vel Buchormarien, siue Bothormarien, vel Buthormarien, vel Bothomarien, vel Buithomarien, & similia plura. Item, Panis alcurit, panis fauni, panis porcinus, Cassamum, vel cassanum, siue quassamus, rapum terræ, nialum terræ, tuber terræ, vmbilicus terræ, & alia plura nomina & cognomina, quæ apud Dioscoridem, Pandectarium, & cæteros Authores leguntur. Qui Pandectarius, sub nomine arthanitæ, etiam & peucedanum intelligit: vt in suo 355. cap. quod est de peucedano, legitur. Sed nota quod quodocunque legitur abso-

*Arth. mihi* lute arthanita, siue cyclamen &c. semper de radice maioris intel-  
*absolute.* ligitur. Præterea ne quispiam in aliquibus supradictorum syno-  
*Cyclamen* nymorum (Rhasim, Serapionem, Auicennam, Pandectarium, &  
*absolute.* nonnullos alios ex recentioribus legens) confundatur, aduertat quod hæc nomina barbara, scilicet bochormariem, & similia, siue à malis interpretibus, siue à minus peritis librarijs factum sit, sunt ita confusa & intricata, quod summopere cōfundunt legentis mentem. Ita & taliter quod in ipsis lectionibus tot sunt pedicæ, quot sunt verba. Quasi impossibile nobis videtur ab ipsis nō illaqueari, & irretiri. Conabimur tamen pro posse, si non in totum, saltem ex parte, aliqua enodare. Nam sæpe mali interpretes, aut addendo, aut minuendo, aut permutando, aut (vt paucis cōcludamus) peruersè interpretando, multa confundunt. Et præcipui

cupiē in æquiuocis peccant. Igitur si legis apud Serapionē, cap. de cyclamine: Buchormarien, id est cyclamen. Et in secūdo cañ. Auicennæ, capitulo de arthanitha, illud idem, scilicet. Et est buchormarien. Et cap. Facailefus ipse Auicenna dicit. Facailefus quid est? dicitur quod est species buchormarien, & est genus arthanithæ. Et apud Pandectarium: Buchormarien, id est Buthomarien. Et in additionibus nouis: Buchormarien, id est malum terræ: nōne clarè & apertè intelligis buchormarien esse cyclaminum? Item si legis apud eundem Pandectarium: Bothormariæ, id est panis porcinus. Item bothomarien, quid est: lege buthomarien. Quasi dicat, quod idem est siue per o, siue per v, legatur. Et capitulo 114. Buthomariæ, vel alcharincha, vel arthanita Arabicè: Latine verò panis porcinus. Et in litera A, Arthanita, id est buthomariæ: nōne indubiè percipis buthomariæ, siue bothormarien siue buthomariæ &c. illud idē, scilicet panē porcinū, scilicet cyclaminū significare? Præterea si legis in tertio cañ. Auicennæ, fen 16. tractatu quarto cap. 4. in vno clystere, simul & immediate: buchormarien, & arthanita. Et capitulo de cholica, in nono Rhafis ad Almanforē, etiam in vno clystere immediate: buchormarien, arthanithæ: amborum ana &c. Et in synonymis libri Serapionis. Arthanita, id est cyclamē: tamen nō est buchormarien. Et apud Simōnē Ianuēssem in litera Arthanita: Buchormarien: quod est dictū fumigiū: nōne planè cognoscis buchormarien, siue bochormariæ nō esse arthanitā? Similiter legēs in eodē Rhafis libro, cap. de apoplexia, in vno alio clystere: mediatè tamen, sic: Bothormarien, cetaureæ minoris, arthanithæ &c. Sine dubio vides bothormarien esse aliud ab arthanitha. Quid ergo dicendum ad hæc? Quoniam siue per c, siue per t, scribantur, sunt, & non sunt, secundum dicta. Amplius lege apud Auicennam in secundo canone, capitulo de Arbore Mariæ dicentē: Arbor Mariæ quid est? est Buchormarien. Quod cap. est de rosmarino, ut *Arbor Ma* *ria* *ria* patet conferendo cum capitulis aliorum Authorum. Et quamuis in ipso capitulo Auicennæ legatur: Et iam dictum est de ea, non reperitur tamen aliter, sub quouis vocabulo, capitulum de rosmarino, in toto illo secundo canone. Vnde nescitur vbi dixerit de ea. Confimiliter passim apud ipsum Auicennam legitur: Iam diximus. Iam dictum est: Dicitur: & huiusmodi simile, quæ nusquam postea reperiuntur. Bellunensis autem, pro arbore mariæ, rescripsit: Segiar marien. Hinc lege apud Serapionem, cap. 327. Xaieralmarien, id est arbor Mariæ: vel rosmarinus. Et secundum

cundum Pandectarium, cap. 386. Laieralmarien, est arbor Mariæ: Græcè libanotida: Latine rosmarinus. Ex quibus patet quod buchormarien (quod est arbor Mariæ) est rosmarinus: quoniam arbor Mariæ apud Serapionem, est rosmarinus. Quod cōfirmat Pandectarius, ponens falsitatem in Auicennam, in litera A, dicens: Arbor Mariæ secundum Auicennam, est buthomarien: sed falsò: quoniam buthomariæ, est herba, non arbor: sicut patet in litera buthomarien. Sed arbor Mariæ est rosmarinus, pro qua lege laieralmarien. Hæc Pandectarius. Et in synonymis libri Serapionis, Buchormarien, id est incensum. Ultra. Lege in Bellunensis interpretationibus: Segiarmarien, seu arbor Mariæ, vel planta Mariæ, sicut scribit Ebenbitar, est herba quæ dicitur alachuen, quæ

*Herba sanctæ Mariæ* est matricaria: & apud Italos vulgares nominatur herba sanctæ Mariæ. Et Segiarmarien, dicitur etiam de arbore, cuius folia simulantur folijs arboris cytoniorum, & ex ea colliguntur grana algul in Aegypto. Et in Græcia colligitur storax sicca, gumosa, aromatica, & odorifera, quæ ab Auicenna secundo can. dicitur Astarach, & apud vulgares Arabes bachurmarien. Hoc est, Suffumigium Mariæ. Hæc Bellunensis. Franciscus de Pedemontiu autem, cap. de dolore intestinorum, in vno collyrio, scripsit sic: Burchormarien: & est radix pyrethri, vel mali terræ. De qua re, à Luminari Maiori arguitur. Et certè à propinquitate vocabuli deceptus errauit. Quia ut legitur in præfatis synonymis Serapionis, Bochormafen est radix pyrethri, & nō burchor, siue buchormarien. Ex quibus ergo prædictis Bellunensis verbis, non te latet cognoscere buchormarien, & similia non esse arthanitam, neque rosmarinium. Igitur hoc magnum Chaos quis euadet? Nam supra dicta collegimus, quia non placuit nobis distinctio, quam facit Luminare Maius, scilicet quod per c, buchormarien scriptum, sit rosmarinus: & per t, buthormarien, sit cyclamen. Et vel ipse bonus vir falsò inducit autoritatem capituli Serapionis de cyclamine, vel codex Serapionis apud ipsum erat in illo loco mendosus. Non enim in dicto cap. Serapionis de cyclamine legitur buthormariē, ut Luminare testatur, sed buchormariē. Quod etiam probatur sic esse per Simonem Ianuensem, qui in fine literæ buchormarien, ait: Apud Serapionem verò buchormarien est cyclamen. Cæterum, ut præfati Simon Ianuensis & Pandectarius exponūt, buchor, siue bochor, vaporem etiam & fumigium significat. Aiant enim Buchor Arabicè vapor, fumigium Buchormarien, est dictum vapor vel fumigiu Mariæ. Item Pandectarius:

Buchur

Buchur sudel, id est fumigatio nigra. Etiam per bothor, interpretatur pustula, seu tumor in carne &c. Vnde pro conclusione, omnibus bene pensitatis, melius est coniectandum. Hoc est, quod buchormarien, buchormarien, bathormarien &c. idem significant, & sunt nomina communia, seu æquiuoca ad cyclamen, rosmarinum, matricariam, storacem, vaporem, seu suffumigiū, & ad alia plura. Et sic in præfatis locis, Rhafis & Auicennæ, in quibus legitur buchormarien, vel simile, & arthanita, non est falsitas neque error: sed pro ipso barbaro vocabulo, intelligi debet vel rosmarinum, siue rosmarinus, vel matricaria, vel storax, scilicet illud ex eis quod ad ipsum pharmacum, seu clysterium conuenientius iudicatur. Quapropter animaduertat aromatarij, & nouij medici, in huiusmodi vocabulis, cum inuenerint, ut nō differēt semper ponant arthanitam, neque rosmarinum &c. Sed prius diligenter examinent cōpositionem, & illud postea substituāt quod magis competierit. Denum non ignorandum, quod in secundo cān. Auicennæ, sunt duo capitula de arthanita: vnum videlicet, quod propriē inscribitur de arthanita: alterum verō Facailefus titulatur. Capitulum autem de arbore Mariæ (ut diximus) est de rosmarino. Sed non intelligitur de isto vulgari, quem rosmarinū coronarium Dioscorides nominat. Nam sunt apud Dioscoridem, & similiter apud Serapionem quinque rosmarini genera. De tribus prioribus est istud capitulum Auicennæ. Quæ tria, cum quarto etiam quod Theophrasto inscribitur, à raris cognoscuntur. Quintum verò genus, quod coronarium cognominatur, est istud vulgare. Item sciendū quod ipse Auicēna capitulo de Arthanita commiscuit capitulum Dioscoridis de Struthio, scilicet de radícula, quæ & lanaria herba, & herba fullonum dicitur. Et hoc (ut putamus) à falso codice Dioscoridis, quem habebat. Quoniam in Dioscoride primū est capitulum de radícula, quod immediate sequitur capitulum de cyclamino. Arabici autem interpretes, seu scriptores, de duobus fecerunt vnicum capitulū, quod inscripserunt, De cyclamino, scilicet Arabicè, de arthanita. Vnde fuit quod ipse Auicenna intellexit herbam lanariam esse arthanitæ speciem. De qua herba lanaria, in oleo de Euphorbio loquimur. Quare ibi.

*De Cucumere asinino.*

**C**ucumer asininus, & cucumis syluestris, idē est. A Dioscoride etiam elaterium dicitur: quamquam & elaterium quoque peculiariter nomet medicamentum factum ē succo fructuum ipsius

ipsius cucumeris syluestris, de quo & distinctum capitulum posuit. Plāta ipsa, cucumer asininus dicta, notissima est, & tam ipsa, quā fructus eius ita nominatur. Macris atque incultis sponte nascitur locis &c. Secundum Dioscoridem & alios plures, seorsum tam de fructu quā de radice, quā etiam ex folijs colligitur succus, pro varijs medicaminibus asservandus. Author enim noster in proprio capitulo, ex folijs non scribit assumendū esse succum: de fructu & radice tantū pertractat. Vnde apud *Cucumeris asinini succus absolutus.* ipsum quocunque non specificatē ponitur, semper de fructu intelligitur: qui si non haberi contigerit, ex radice cōpensari oportet. Etiam secundum Dioscoridem, à bimatu ipsius expressiois vsque ad decennium vires habet. Plinius autē libro 20. ex Theophrasto dicit, vsque ad ducentos annos asservari, & quod non sit medicamentum quod eo diutius duret. A trimatu incipit, & vsq; ad quinquagesimum annum lucernas extinguit, si eis approximetur: quodq; ex eo vetustius est, illud est melius &c. Vnde ante biennium huiusmodi succus nō est administrādus. Imò tutius erit, si secundum Plinium, transacto triennio administraretur. Sed hoc intelligitur de illo qui per os sumitur. In vnguētis autem, vt hīc, & in confimilibus, de recenti Author intelligit. Quod probatur, cū dicit: Et sumerge in succis &c. in succo enim condensato non possunt resillā submergi. Nec potest intelligi de solo arthanitæ succo, cū dicit in succis: & nullus alius, præter istos duos, in hoc vnguentum succus ingreditur: ergo recens est intelligendus. Qualis autem sit huiusmodi succum extrahendi modus, & ab Authore nostro, & à Dioscoride in proprijs capitulis, necnon & ab Bulchasi, & alijs pluribus, satis clarè describitur. Nec omitatur quin scribatur in cuiuslibet vase annus suæ collectionis. Vt ipsi non obliuiscantur, & etiam posteri sciant tempus quo fuit extractus & asservatus ipse succus, & cognoscant si est administrandus, vel non.

## De Felle.

**F**el etenim est pars animalis nota. Et ex omnibus animantibus (ex quibus haberi potest) accipiendū est, atq; asservandum à bono aromatorio: quoniam nō semper quodlibet animal ad votum reperitur. Author enim noster speciatim posuit hīc de vaccino, sed cuius cognomine intelligitur & taurinum, quod est melius: tamē potest poni alterū pro altero. Modus autē cōservandi *Fellis conservandi modus.* di fel, duplex ponitur: à Diosc. secundo libro, videlicet aliter pro medicamentis oculorū, & aliter pro alijs medicamētis. Lege ibi. Vnguen



Vnguentum Arthanitæ paruum &c. CCCXXXV.



**S**VPRA nempe diximus quod hoc vnguentum scribitur etiam ab Authore in capitulo de Arthanita: sed differunt in quibusdam paucis ipsorum descriptiones. Animaduertendum autem quod per impressiones, in præfenti descriptione, sunt plures mendæ. Vnde per cunctas impressiones ubi legitur: Isopi humida 3. v. lege verius 3. xv. Item ubi legitur: Ammoniæ, bdellij, ana 3. j. s. Lege rectius: ana 3. j. s. Quia sic est in cunctis exemplaribus antiquis, & similiter in descriptione capituli. Item plurimæ excusiones sunt, in quibus mendosè legitur: spicæ 3. iij. lege 3. iij. Item in nonnullis alijs etiam minus rectè legitur: succi extremitatum tamaricis 3. ij. lege 3. ij. vt in cæteris libris tam excusis qua manuscriptis probatur esse secundum veritatem. Vulgares autem impressiones in huiusmodi vnguentis etiam sunt multum deprauatæ.

De Filice.

**D**Vplex est filix, scilicet mascula & femina. Serapio autè in albam & nigram diuidit. Et masculam dicit esse nigrâ, feminam verò albam. Filix igitur femina, scilicet alba, notior est mascula: quoniam ubiq; passim reperitur, & ita campos replet, quod vix potest quis transire per ipsos. Mascula autem filix, quæ & nigra dicitur, non ita in campestribus inuenitur, neque tam copiosè provenit. Nascitur enim in petrosis atque umbrosis locis. Vulgò quidem à nonnullis, os mundi, siue os munda vocatur. *Os mundi.* Neutra florem aut semen fert. Irridendi sunt enim nonnulli superstitiosi, qui in nocte diui Ioannis Baptistæ pergunt ad colligendum Filicis semen. Qui licet frustra pergant, tamen cum hoc grauiter peccant, & ipsi, & qui ipsis credunt, participantes cum suis superstitionibus. Sed hæc transeant: quoniam non est hic locus de conscientie casibus pertractare. Filicum igitur radices tantum in vñu medico recipiuntur, secundum authores. Non obstante quod asparagi, siue cauliculi nouiter è terra prodeuntes elixi mandantur ad aluum emolliendam, vt Dioscorides scribit. Quando autem simpliciter filix legitur, vt in præfenti vnguento, semper de mascula, scilicet nigra est intelligendum, quam Dioscorides & cæteri authores, alteri, scilicet femina præponunt. Et probatur quod hic magis conuenit mascula quam femina: quoniam principalis intentio huius vnguenti est curare

spfeneticos, vt in exordio ipsius descriptionis apparet. Dioscorides de mascula loquens (scilicet de illa quæ osmunda dicitur) asserit lienosis maximè prodesse. In capitulo verò de filici foemina, nihil de liene meminit. Ergo mascula competit huic vnguento, & non foemina. Attamen secundum veritatem possumus altera pro altera vri. Quia Galenus dicit vtranc; eandem habere vim. Et Serapio autoritate ipsius Galeni illud idem testatur, in fine capituli de filice, quod incipit, Sarax. Sic enim Arabicè nuncupatur De alba loquens. Virtus eius (inquit) est sicut virtus sarax supradictæ, nec plus, nec minus. Sed nota quòd licet filicula, quod est polypodium, intelligatur sub filicis nomine: tamè cum legitur filix absolute, non intelligitur polypodium, vt quidam falsò declarauerunt, sed ipsa filix, Pteris Græcè dicta, quæ & mascula est. Vel alia, quæ à Græcis Pterypteris dicitur, quæ filix foemina est, debet intelligi.

*Filix absolute  
lute.*

*De Cauenizich, seu Cauenizigh &c.*

**E**st in præsentī descriptione vnū simplex. Videlicet in primo ana ita barbarizatum quòd nos oportet potius diuinare, quàm interpretari quid sit. Tam ex impressis, quàm ex manuscriptis, quasi singuli singula, videlicet quasi quilibet liber habet diuersam ab alijs suā barbarā dictionē. Vnde sunt qui cauēizich, & sunt qui cauēzigh, & qui kamenelis, & qui thetineatis, & qui carneatis, quāuis semibarbare, & qui aliter & aliter habent. Vsq; ad triginta septē variationes, per varios legimus codices. Ex quibus barbaris, nulla dictio est quæ possit auribus nostris aliquid intelligibile, Græcè, vel Latine significare, nisi cameattis: quæ dictio in duobus tantum exemplaribus vetustissimis, & in Nicolao Præposito, per nos reperta est. Ex quo coniectamus verā esse aliquorum iuniorū interpretationē, qui videlicet interpretati sunt esse chamæacten. Et certè pluribus doctis viris nō displicet talis interpretatio. Ex eo maximè quòd in dictis exemplaribus legitur. Putamus enim ipsas barbaras dictiones, cūctas esse librorum deprauationes ex chamæacte processas. Vnde fuita est, vera litera chamæactes, siue (vt mauis) chamæactis stare debet. Et significat paruā sambucum, quā Latini ebulū nomināt, & vulgò Romæ nebio dicitur. Nam acte sambucus est. Vtraq; enim notissima est. Sed animaduertendū quòd Author addens ad hoc vnguentū radicis ebuli succum, minorauit pondus aliorum duorum simplicium, quæ in eius ana comprehenduntur. Vnde in descriptione capituli de Arthanita, dictorū duorū simplicium, ana sibi. j. recipitur:

*Ebulum  
Acte.*

tur: hinc autem ex tribus, ana 3. ix. posuit. Et addidit insuper radices capparorum, & spicam, quæ non sunt in dicta capituli de arthanita descriptione.

*Vnguentum de Lino &c. CCCXXXVI.*



O C præsens vnguentum intitulatur de lino, ob id quia recipit rasuram panni linei antiqui.

*De Lino.*

**L**inum equidem herba est. Et sicut est notissima, ita & utilissima. Vnde non solum pannos, siue telas lineas habemus, sed ex ipsa ac ex suo semine multas suscipimus medicinas. Quod quidem semen, cum fœnu græci semine, eandem vim obtinuit, ut Dioscorides memorie tradidit. Ex quo altero pro altero possumus uti.

*Vnguentum Alariel &c. CCCXXXVII.*



**I**N præsentis descriptione, præter vnum barbarizatum vocabulum (de quo mox dicetur) est ferè per omnes impressiones vnum notabile mèdum. Videlicet ubi legitur: Axungie porcine 3. x. vel v. rectius legendum est 3. xlv. scilicet quadragintaquinque: ut in cùtis exemplaribus, & in vna de nouis impressionibus legitur, & Luminare Maius habet. Error enim huiusmodi (ut coniectauimus) sicut & alij plures, ex imperitis librarijs traxit originem, qui separauerunt ab inuicem x, l, & v. vnde illud l, posteri intellexerunt pro disjunctiua, scilicet vel. Quoniam plurimi ex pristinis scriptoribus utebantur absolute, aut sic x, pro disjunctiua, scilicet intelligentes pro vel, ut passim in libris manuscriptis legitur. Et ex hoc postea impressores intelligentes dictum l, pro vel, impresserunt distinctè per literas, tanquàm clarius 3. x. vel v. Sed reuera quadragintaquinque drachmæ sunt. Etiam media libra, non esset multum. Decem autem drachmæ nõ sufficiunt, & à fortiori minus possunt quinque sufficere. Præterea sciendum, quòd hoc vnguentum potius est cauterisimus, quàm vnguentum, tamen sub nomine vnguenti habetur.

*De Alariel, siue Alarandel &c.*

**E**St (ut diximus) in præsentis descriptione vnum simplex, ex quo ipsum vnguentum accepit denominationem, sed ita barbarè ac variè positum, quòd vix audemus de ipso loqui. Et quemadmodum suprà diximus de cauenizich: ita & de isto dicendum, scilicet quòd oportet nos diuinare quid sit. Etenim vi-

gintinouem variationes descriptionum pro huiusmodi simplici, reperimus per varios codices tam impressos, quam calamo exaratos. Vnde sunt qui alariel, & sunt qui alkariel, & qui tharariel, & qui alcharel, & qui taranhel, & qui altaranhel, & qui aliter & aliter habent. Luminare Maius, & nonnulli ex iunioribus, declarant significare cantharides. At ob id, quia in exordio huius vnguenti legitur quod est efficiens operationem cauterizationis, & facit vesicationes &c. nobis non displicet ipsorum declaratio. Tamen quia & aliae res sunt quae faciunt confusiles operationes, non possumus certitudinaliter affirmare, an sit hoc, an aliud. Manardus etiam dubitauit quidnam esset. Vnde scripsit: Pro taranhel, intellige vel cantharides, vel campas, vel pityocampas, vel buprestes. Sit autem quid sibi velit, vnum est, scilicet quod cantharides conueniunt, & non agitur expressè contra auctoritatis intentionem. Ex quo quidem potest hoc vnguentum dici, vnguentum de cantharidibus. Sed aduerte quod ipse cantharides, sunt recenter collectae atque correctae, & terantur cum axungia, & dimittantur marcescere &c. vt in litera habetur. Tamen vbi non possunt haberi recentes, fiat vnguentum cum non recentibus: sed diuinitè sunt per plures dies cum axungia, antequam bulliant. Cantharides ipsae autem, notae sunt apud aromatarios, & non solum in segetibus, sed etiam in oliuetis & alibi inueniuntur. Aceto melius quam oleo praeparantur. Et propriè vt Dioscorides docet, scilicet quod ponantur viuæ in vno vase, puta in olla, & cooperiatur atque ligetur os eius cum linteolo mundo & raro, & ponatur vas inuersum vt os eius sit super os alterius vasis in quo sit acetum acerrimum. Bulliatque acetum, vt sic vapore ipsius necentur cantharides. Post verò ipsarum enecationem, continuò cum axungia pistentur, pro huiusmodi vnguenti cōfectione, vel siccentur, & alijs referuentur vsibus.

*Cantharides  
pro vnguen  
to quales.*

Vnguentum Rosatum &c. CCCXXXVIII.

Vnguentum Violatum &c. CCCXXXIX.

Vnguentum de Papauere &c. CCCXL.



IOLATVM, & de papauere vnguenta haec, licet non parentur (quoniam vsus ipsorum, ob quam causam nescimus, cessauit) tamen possunt parari, & in necessitatibus administrari, sicut & rosatum &c. Et similiter ad violatum, potest addi opium.

opium. Ad vnguentum autem de papauere, non est necesse: quoniam satis in se, ipsa papauerum capita habent opium. Verumtamen cum recentibus capitibus debet fieri. Sciendum autem quod in descriptione vnguenti rosacei per omnes impressiones: ac etiam in Luminari Maiori, & in Nicolao Præposito, est vna menda valde notabilis, scilicet ubi legitur: Olei amygdalini partes vj. Lege verius, vt est in omnibus exemplaribus antiquis: Olei amygdalini, partis sexta. Non enim recipit sex partes olei amygdalini, sed sextam partem vnius partis, scilicet sextam partem quantitatis axungie: & medietatem ipsius quantitatis axungie, ex succo rosarum. Opium autem ponendum est, si medicus præcipit, aliter non. Nec quantitas eius sit ad libitum aromatarij, sed ad libitum seu arbitrium præcipientis medici. Ex quo igitur aromatarius seorsum debet seruare apud se vnguentum rosatum opiatum, à non opiato.

*Vnguentum Basilicon maius &c.* CCCXII.

*Vnguentum Basilicon minus &c.* CCCXLII.



STORVM vnguentorum titulus, non à basilico, id est ozimo (quod non recipitur in ipsis) basilicon dicitur: sed regale interpretatur. In nonnullis exemplaribus autem non basilicon, sed basilionense legitur. Sciendum præterea quod per omnes impressiones, in prima istarum descriptionum, non sine menda legitur: Glutinis, olibani. Etenim in exemplaribus antiquis, nō olibani: sed olimbath, siue (vt in alijs) alimbath est scriptum. Et adhæret glutini, quia est vnum tantum simplex. Nicolaus Præpositus autem vtrunq; posuit, & duo simplicia constituit scribens sic: glutinis alumbath, & olibani. Quod quidem olibanum in nullo præfatorum exemplarium legitur, ex quo superfluum esse existimamus. Luminare Maius quidem declarauit esse legendum: glutinis olibani, & intelligendum pro vna solare, id est pro thure, quod omnino non placet. Quia non solum in dictis exemplaribus non legitur olibanum, sed neque filius Serapionis, neq; Auicenna, neq; Hali Abbas, in huiusmodi suis compositionibus vnguentorum habent olibanum. Imò Auicenna clare posuit, glutinis alimbath. Quamobrem expresse patet librariorum error, qui pro alimbath, siue olimbath, posuerunt

olibani. Item in cunctis libris tam impressis, quam manu exaratis, nulloq; discrepante, inuenimus in fine præsentis maioris descriptionis quod sequitur: videlicet, In alio ceræ ʒ. ij. picis ʒ. iij. & aliorum, ana ʒ. j. s. Si autem sit ipsius Authoris posuitio, vel scriptorum additio, haud scimus. Tamen nobis videtur incongrua circumlocutio. Habet etiam & Bartholomæus de Montagnana vnguentum basiliconis in suo antidotario. Sed male per basilicon posuit basiliconis. Paulus Aegineta quidē in septimo habet, emplastrum basilicon tetrapharmacum, id est de quatuor medicinis: & non scribit oleū. Sic enim legitur: Ceræ, resinæ colophonæ, picis, seui taurini, pares portiones. Filius Serapionis autem in suo vnguento basilicon maiori, dicit quod nominatur tetrapharmacum, id est medicamen ex quatuor medicinis. Sed si apud ipsum numeretur oleum, sunt quinque, & non quatuor medicinæ. Ait enim: Recipe ceræ, & resinæ, & picis, & sepi vaccini, & olei quantum necesse est. Et quidam ponunt loco sepi vaccini, butyrum vaccinum. Hæc filius Serapionis. Vnde cōiectandum quod Paulus in suo tetrapharmacō, subtrixit oleum tãquam necessarium: & sic præter oleum intelligendæ sunt quatuor medicinæ: sicut etiã exēpli gratia dicitur hiera ex octo rebus, scilicet quod præter mel sunt octo res &c. Igitur in descriptione Pauli, intelligendum est & oleum.

*De Glutine alimbath, siue olimbath &c.*

*Terebinthina cōsideratio.* **G**luten alimbath, siue alimbac, siue alūbath, seu olimbath, seu albotim, vel albothin: vt ferè omnes iuniores declarāt, idem significat quod terebinthina, scilicet resina ex terebintho, de qua suprā dictum est. Auicēna autem in cap. de terebinthina, nihil dicit: sed mittit lectorem ad cap. de grano viridi, veruntamen Bellunenſis in dicto cap. de terebinthina, pro terebinthina, rescripsit alchalambat, vel albothin. Item Auicēna in cap. de glutine (quod Bellunenſis inscripsit alch.) dicit: Gluten quid est: iam loquuti fuimus de glutine alimbat, & resina pini, & reliquis in loco suo. Veruntamen ibidem sequens declarat naturam & operationes atque proprietates ipsius glutinis alimbat. In capitulo autem de grano viridi, huius vocabuli, scilicet alimbath nihil meminit interpres. Item dictus Bellunenſis in suis interpretationibus, in litera Aliambut, dicit quod aliambut est nomen commune ad arborem, ex qua fit pix, & ad plātam in qua produciturnarboreum &c. vnde suspicamur alimbat, & aliambut non multum differe  
ab

ab inuicem, sicut pinus à picea &c. Nam affinitas vocabulorum, multoties etiam & rei propinquitatem ostendit. Sit autem quid sibi velit, ponēdo terebinthinam, credimus quod non male agitur. Quandoque etiam inuenitur (& specialiter apud filium Serapionis) helcalimbat: & idē est, quod alchaimbat, id est glutem alimbat. Halc enim siue helc arabicē, glutē interpretatur latinē.

*Cerotum de Sandalis &c.* CCCXLIH.



VARE dicatur de Sandalis hoc cerotum, nulli dubium est. Quasi idem sub nomine Dimadh de sandalis ponitur à filio Serap. in septimo. Rhafis autem in antidotario diuisionum, habet emplastrū de sandalis, quod differt ab hoc ceroto in pluribus. Aduerte quod in presenti descriptione apud Nicolaum Præpositum mendosē legitur: Sandali albi & citrini, ana ʒ. vj. Lege rectius ʒ. vj.

*Cerotum Galeni ultimum in infrigidatione &c.* CCCXLIII.



ONITVR cerotum istud, (sed non ex Galeno à filio Serap. in septimo, cuius titulus est: Cerotū infrigidatiū &c. Sciendum etiam quod ubi Author dicit: Et sit radix olei, oleum omphacinum: non intelligitur pro radice illa, sed olei omphacini, ut aliqui falso declarant. Sed dicit ut radix, scilicet fundamentum, siue basis illius olei rosati, sit oleum omphacinū. Hoc est, fiat oleum rosatum pro conficiendis huiusmodi vnguentis, cum oleo omphacino, id est cum oleo de oliuis immaturis: & non cum comuni oleo, quod generaliter fit ex oliuis maturis. Et hæc notauimus quidem, quia aliqui super huiusmodi nobiscum contentiosē egerunt. Imò & rosæ ipsæ, etiam secundum prudentiorū iudiciū, cum quibus faciendum est ipsum oleum rosatum, debent esse incompletæ: quoniam dicit Author capitulo de rosis, aperte & clarē, quod est maioris infrigidationis. Aliter enim: Oleum quoque factum ex rosis nōdum completis, est maioris infrigidationis & superticitatis. Cuius melius fundamentum est oleū sumptum ex oliuis nondum perfectis. Hæc ille. Illud idem dicit infra, scilicet in descriptione olei rosati. Vbi oleum omphacinum, vocat oleum rude. Lege ibi. Nicolaus Præpositus non rectē habet hæc ceræ albæ ʒ. ij. cum reliqui omnes habeant ʒ. j.

## Vnguentum de Bdellio &amp;c.

CCCXLV.



VNT in præfenti descriptione per omnes impressiones plura menda. Primum videlicet, vbi legitur: Euphorbij 3. iij. lege 3. ij. Secundum, vbi legitur, ceræ 3. xxv. lege 3. xv. Tertium, vbi legitur, olei sambucini: lege rectius, olei sambacini, siue faubacini. Et vide de hoc oleo in pilulis aggregatiuis maioribus. Christophorus de Honestis quidem (vt putamus) benè dixit in sua præfentis vnguenti expositione, scilicet olei sambacini, id est olei de iesfemino: sed librarius male impressit sambucini. Nā multum differt iesfeminum à sambuco: & per consequens est pessima expositio illa ibi, vbi legitur: Olei sambucini, id est olei de iesfemino. Quartum mendum est, vbi sequitur: Aut olei de cheiri 3. x. lege emendatius 3. x. quoniam ita se habent omnia hæc in cunctis exemplaribus: & sic est secundum veritatem.

De Ruta agrestis.

Ruta absolutè.

R Vtæ agrestis, id est sylvestris & mōtanæ, plures sunt species. Sed quando absolutè scribitur, semper de prima specie intelligitur. Quamquidem Dioscorides peganon agrion, & hypericon, atq; androsomon, & alijs nominibus appellat. A Latinis autem inguinalis dicitur. Et vulgò perforata vocatur. Quando scribitur harmel, seu armala &c. est alia ruta agrestis species. Lege de ipsis in pilulis fortidis. Pro aqua verò rutæ agrestis, quæ hic legitur, intellige succum, vt est in sequentium vnguentorum descriptionibus.

Inguinalis.

Aqua Rutæ agrestis.

## Vnguentum valens similiter &amp;c.

CCCXLVI.



V M. dicit Author Vnguentum valens similiter, subintellige ad omnia quæ supradictum vnguentum de bdellio. Est enim per aliquas impressiones in præfenti descriptione vnus error, videlicet vbi legitur in illis: Succi asphodillorum succi rutæ agrestis ana 3. iij. lege, ana 3. iij. Nicolaus Præpositus (si non est librarium error) peius habet: quia legitur apud ipsum, pyrethri &c. ana 3. iij. Vbi verius legendum est, ana 3. iij. Hinc succi affodillorum &c. 3. iij. vbi rectius (vt diximus) ana 3. iij. legendum est.

De Staphide agria.

S Taphis agria, quæ & triphyllum à Dioscoride vocatur, à Latinis pedicularia dicitur. Valet enim mirè ad pediculos effugan



gandos atq; necandos. Vnde à Serapione granū capitis appella- *Brachaleo-*  
tur. In quibusdam locis etiam vulgò, brancha leonina nuncupa- *lma.*  
tur. Et alij(quamuis falsò brancham vrsinam nominant. Vbiq; *Staphia a-*  
cognoscitur. Si autem absolūtè scribitur, semen intelligitur. *gria abso-*  
*lutè.*

*De affodillis seu asphodillis, scilicet asphodelis.*

**R**Ectius asphodelus, quàm affodillus, vel asphodillus dici-  
tur. Vocatur etiam hastula regia: & albucus, siue albucius. *Hastula re-*  
Italies nempe notissimus est. Vnde à nonnullis (vt ab Apulis) vul- *gia.*  
gò corrupto vocabulo, quasi albucus, siue albucius, auucuzus nu-  
cupatur. Et ab alijs porraciū dicitur, ob id quia folia habet por-  
rosimilia &c. Platearius enim & nonnulli ex iunioribus ipsum  
imitantibus, magnopere errauerunt, tenentes affodillum & cen-  
tum capita idem esse: cum in rei veritate longè differat alterū ab  
altero. Nam cētum capita, nomen Hispanum est, & vt probatur *Centum ca-*  
per Dioscoridem, Plinium, & alios plures, nō asphodelo, scilicet *puta.*  
affodillo tribuitur: sed eryngio, quod semibarbare apud Arabes  
iringum, seu iringus, vel iringi scribitur. Et licet Serapio hoc no-  
men, scilicet centum capita, tam sterattico, id est bubonio, quàm  
iringi, scilicet eryngio adscribat: tamen non per hoc probatur  
asteratticum esse asphodelum, qui similiter maximè ab aspho-  
delo distat: vt per omnes fide dignos Authores expressè patet &c.  
etenim resipsæ apud nos sunt notiores, quàm vt declarari de-  
beant. Quodcumque autem absolūtè asphodelus siue affodil- *Asphodelus*  
lus legitur, semper de radice, tanquam de meliori ipsius plantæ *absolutè.*  
parte, intelligitur. Vnde hîc ex radicibus assumendus est succus,  
& non è folijs, vt etiam nonnulli falsò opinati sunt.

*Vnguentum Philagrij &c.*

CCCXLVII.



**P**HILAGRII, vel per f, Filagrij, vt est in exem-  
plaribus antiquis, & non Filagrios legēdum est.  
Ab Authore ipsius sic dicitur. Ponitur simile à fi-  
lio Serap. in 7. sub titulo Dimadh, quod cōfert ad  
spasmodiū, & mollificationē. Estq; per impressiones  
in præsentī descriptionē vnus error, videlicet quòd vbi legitur,  
olibani, verius legendū est olei balsami. Ab imperitis librarijs fa-  
ctum esse putamus, qui forsā aliquo modo abbreviatè legētes,  
olibani intellexerunt. Etenim non solū antiqua exēplaria hūc  
derēgunt errorē, sed probatur etiam per descriptionē filij Serap.  
& per Luminare Maius, & Nicolaū Præpositum: qui omnes con-  
corditer habent, olei balsami: & non olibani. Sciendū tamē quòd

dictus Nicolaus habet in sua descriptione, cinnamomum : quod non legitur in nullo filij Mesuæ volumine, supple in præsentī descriptione: neque in descriptione filij Serapionis &c. quapropter putamus non esse admittendum. Loco glutinis alimbat, filius Serapionis habet, helc alimbat. Et loco figiæ, storacis, quæ quidem eadem sunt.

*Vnguentum aureum &c.*

CCCXLVIII.



**L**EGITVR ferè nempe per omnes impressiones in præsentī descriptione: Resinæ, colophoniz, ana 3. j. s. aliàs 3. ij. s. Sed istud aliàs 3. ij. s. in nullo penitus exemplarium antiquorū, neq; in vulgari editione, neq; in vna de vltimis impressionibus, neq; in Luminari Maiori, & Nicolao Præposito legitur. Cassetur igitur, quoniam confundit lectionem. Habetur, enim in antidotario Nicolai aliud vnguētum aureum diuersum ab isto. Præterea sunt nonnulli asserentes super hac descriptione, quod vbi legitur: Resinæ, colophoniz: non sint duæ: sed vna tantum res, scilicet pix colophonia, quæ aliter dicitur resina colophonia, & vulgò pix græca nominatur. Et quod illud ana, ab imperitis librarijs sit additum &c. Alij autem contrà dicunt quod sunt duæ res: & pro resina absolute, intelligitur resina pini: & pro colophonia, intelligi debet pix supradicta, ex quo illud ana est necessariū. Nos autem visis tot exemplaribus & varijs excusationibus, nullum inuenimus librum carentem ana illo. Imò, quod maius est, omnes & singuli habent illas distinctiones separatas ab inuicem, mediante cōmate, seu virgula. Quamobrem non vnum, sed duo iudicauimus esse simplicia, scilicet resinam pini, & picem græcā præfatam. Et vtraque ponenda est. Quandoq; etiam ambo sunt vnū, (vt exempligratia) est in emplastro tetrapharmaco basilico Pauli, cuius suprà iam meminimus. Vnde lectores in huiusmodi & similibus, sint semper animaduertentes.

*Pix græca**Vnguentum de Cerusa &c.*

CCCXLIX.



**A**VICENNA in quinto cañ. habet tria vnguēta de Cerusa, & Ioannes Serapionis in septimo duo. Similiter Hali Abbas in decimo præctica duo, sub titulo vnguēti albi. Item Arnaldus de Villa noua in suo antidotario habet vnguentum de cerusa, sub eodem vnguēti albi titulo. Etiam est in antidotario Nicolai vnguentum album, quod est vnguentum de cerusa.

Ex

Ex quo sciendum quòd à multis hoc vnguentum de cerusa, vocatur vnguentum album. Rhasis quoque in 7. ad Almanforem, *Vnguentum album.* capitulo de adustione ignis, & aquæ, & olei: habet vnum vnguentum de cerusa. Omnia tamen differunt aliquo modo ab isto filij Mesuæ. Sciendum etiam quòd vulgaris æditio, Luminare Maius, & Nicolaus Præpositus non recte habent: cerusæ, & merdasengi, ana 3. vj. Lege 3. vj. vt est in alijs libris, tam antiquis, quàm excusis. Præterea sunt nonnulli qui parant vnguentum de cerusa simplex, quod constat ex cerusa, & oleo rosato tantum, vocantque ipsum vnguentum album. Et alij addunt alia non hîc notata. Sed eiusmodi apud Authorem authenticum non inuenimus.

## De Cerusa.

Cerusæ, siue (vt alijs placet) cerussa, notissima est, & diuersimodè fit, secundum diuersas gentium nationes. Ex plumbo, scilicet & acerrimo aceto, & quandoque cum sale: vt Auicenna scribit &c. Quantò cerusa est albior, tantò melior. A pluribus vulgari vocabulo biacca dicitur. Vnde non desunt, qui vocant præiens vnguentum, vnguentum de biacca. Ab Ruicenna autè cinis plumbi vocatur cerusa. De eius autem factione, adustione, & ablatione &c. satis clarè plures scribunt Authores. Apud ipsos legito.

## De Merdasengi.

Merdasengi quippe lithargyrum est, & de ipso dicitur infra, scilicet in vnguento tripharmaco.

## De Plumbo.

Plumbum etenim est metallum tam notius quòd representari non indiget. Sed qualiter vritur atque lauatur, & à Dioscoride, & ab alijs pluribus non dubiè scribitur.

## De Scoria argenti

Speciatim posuit Author de argentea scoria, ad differentiam aliarum: quoniam ex omni metallo scoria fumitur. Argenti scoria enim, vt Dioscorides & Galenus memoriæ tradiderunt, Græce helecyma appellatur. Lege de ipsa & ceteris supra, scilicet in triphera muscata.

## De Zimar, siue Ziniar.

IN calce præsentis descriptionis legitur per omnes excusiones: Et quandoque apud necessitatem, adde Ziniar 3. ij. In exemplaribus antiquis autem, partim Ziniar, partim verò Zimar legitur. Et idem putamus esse, significatque æris æruginem. Nonnulli autè faciunt differentiam inter æruginem æris, & illud quod dicitur flos æris. Nos autè passim inuenimus in differente alter

alterum pro altero positum. Et sub nomine viridis æris, omne eiusmodi potest intelligi. Et rectius vocabulū putamus Zimar, quā Ziniar esse. Errore nempe librariorum suspicamur ver-  
sam esse, in nī, ut pro zimar, legatur ziniar. Zimar enim siue  
*Zimarium.* zimarium, quasi zyma æreum dicitur. Zyma quidem Græcè, fer-  
mentum significat Latine. Vnde azymus, azyma, azymum, id est  
sine fermento. Et quia scimus quandoq; ex fermento lita intrin-  
secus & extrinsecus vasa ærea, & fimo supposita, fieri hoc æs viri-  
de nominatum: ideo putamus eiusmodi zimarium dici. quasi di-  
catur fermentū æreū. Tamen sit quomodocunq;, nihil præstat ad  
rem, si zimar, aut ziniar dicatur, dummodo ipsa res non ignore-  
tur. In libro Seruitoris etiam zimar, non ziniar legitur. Apud  
quem quasi ad literam ex Dioscoride, plures sunt modi faciendi  
zimar &c. Aduerte etiam quòd differt ziniar, à ziniam, de quo  
diximus in syrupo de Sticados.

*Vnguentum Syricinum &c.* CCCL.



**P**RAESENS descriptio potius est ad superiorē  
additio, quā vnguēti cōpositio. Sed quia ipsum  
vnguentum de cerusa, propter hanc additionem  
amittit priorem nomenclaturam: ideo ipsa addi-  
tio per se, & nomen, & cōpositionis effectum reti-  
nuit. Vnde à syrico ipsum ingrediente, vnguentum syricinum di-  
citur. Aduertendum tamen quòd aliquæ impressiones, ac etiam  
nonnulla pauca exemplaria, non recte habent in hac descriptio-  
ne, ipsius syrici 3.j.s. Lege emendatius 3.j.s. ut reliqua librorum  
multitudo habet. Nec enim credendum est, pro tam paucō syri-  
co mutasse Authorem priori cōpositioni titulum. Secundum  
veritatem autem 3.j.s. posuit. Et sic stare debet.

*De Syrico.*

*Seta.* **S**YRICUM, non sericum (ut aliqui putauerunt) & scribendum  
& pronuntiandum est. Sic enim & recte, est in maiori parte  
impressio: sic etiam in cunctis ferè exemplaribus vetustis le-  
gitur. Et non est sericum, scilicet arborum lana, seu bombicium  
opus, quæ seta vulgò dicitur, ut plurimi affinitate vocabuli dece-  
pti credidēre. Inter quos, etiam & Manardum prudentem virum  
allucinatū legimus. Qui quidem sicut & credidit, ita & scriptū  
reliquit: necnō & declarauit quòd validius esset ipsum vnguen-  
tum, si sericum vreretur. Non enim conuenit huiusmodi vnguen-  
to sericum, sed syricum. Syricum autem qui Galenum, Paulum,  
Plin

Plinium, & alios plures bene perlegunt, quid sit, non ignorant. Etiam Simon Ianuensis & Pandectarius non multum elongantur à veritate. Aiunt enim Syricum de plumbo, id est cinis plumbi, vel adustum eius. Cinis plumbi autem secundum Auicenam, cerusa est: & posuerunt adustum eius: quasi dicerent, quod syricum idem est quod cerusa adusta. Item dicunt: Suricon est fex plum- *Suricon.* bi, post exitum cerusæ, & est cerusa vsta, & est rubea. Suricon enim idem est quod syricum. Pluries enim Græci interpretantes, vertunt, y, in v. Item additiones in Pandectas, ex Galeno ad Paterianum, sic habent: Syricum fit de cerusa plurimum ficcata &c. Ergo quod est ex cerusa, non potest esse sericum. Paulus autem lib. 7. quasi idem esse cum sandice scripsit. Inquit enim: Sandix aut syricum, extenuat, & ficit, non tamen calefacit. Si autem syricum non calefacit, clarum est quod non potest esse sericum. Quoniam Serapio, & Auicenna in de viribus cordis &c. scribunt sericum esse calidum. Plinius autem melior omnibus, declarat nobis aperte quid sit syricum, cap. vj. lib. xxxv. de factitijs coloribus loquens: Inter factitios (inquit) est & syricum, quo minimum sublimi diximus. Fit autem sinopide, & sandice mistis. Hæc Plinius. At supra nempe tractauerat de sandice, quæ fit ex cerusa vsta, & rubrica, æquali portione admista. Vnde sandix ex cerusa vsta, & rubrica constat. Syricum autem ex sinopide & sandice. Hoc est, ex sinopide pro medietate: ex rubrica pro quarta parte, & ex cerusa vsta pro reliqua quarta parte. Et hoc syricum ponendum est in hoc vnguento, quia maxime conuenit. Sed cum plures sint rubricæ, quoniam omnis rubra terra sub rubricæ nomine intelligi potest. Et eadē largo modo sub alio, scilicet boli nomine etiam venire, supra testati sumus. Quæ autem absolute, & antonomastice rubrica dicatur, cum qua cerusa adusta pro sandice facienda, vniiri debet, haud facilius indagari potest. Cōfuse nempe Doctores de rubrica loquuti sunt. Vnde secundum aliquos, videtur esse minij genus: secundum alios, sinopidis species: & secundum alios, nihil differre videtur à terra sigillata. Nam & ipsa rubrica, vt plurimi asseuerant, in Ponto (vnde pontica cognominatur) & in Lemno est, & non nisi munita sigillo vendebatur. Alij autem tradunt in Lemno esse tres diuersas notabiles terras. Vna videlicet quæ in collis cacumine est. Et hæc sacra, siue sphragis dicitur: hancq; veram terram sigillatam esse affirmant, id est terram, quæ speciali prerogatiua sigillo muniri solet. Alia autem terra, quam & rubricam dicunt, sed fabilem cognominant: quamq;, scilicet fabri

fabrilem, Dioscorides ad omnia sinopide inferiorem scribit: nec laudat Lemniam, sed optimam dicit esse Aegyptiam, & Carthaginensem. Inò de Lemno in ipso capitulo nihil meminit. Tertia est qua (vt fertur) incolæ loci, vice saponis vtuntur. Et sic fecun-

*Terra Lemnia* dum istos, differt terra Lemnia, à rubrica Lemnia. Alij autem di-  
*an differat* cunt esse rubricam sinopidam, scilicet minium sinopidum. Alij  
*à rubrica* autem, ipsum minium volunt esse verā & singularem rubricam.  
*Lemniam.* Et alij alia dicunt. Nos autem arbitramur (quamvis ignoretur  
*Rubrica lo-* vera rubrica) quòd si pro rubrica vtamur minio, in hoc vnguen-  
*co quid su-* to, non malè agemus: vel terra sigillata, & erit melius. Et fortasse  
*mendam.* ipsa terra sigillata Lemnia est vera rubrica. Et hoc absolutè tenet  
 Sipontinus in Cornucopia. Sic enim ait: Rubrica quam Græci  
 milton vocant, nascitur per se rubra minio proxima, præsertim  
 in insula Lemno: nec nisi signata venundari olim solebat, pro-  
 pter quod sphragidem appellabant: hac minium adulteram, &  
 à Ponto (vbi nascitur) dicitur pontica. Hæc Sipontinus. Sinopi-  
 da autem siue sinopis, vulgaris notitiæ est & apud vulgares quasi  
 per idem nomen, minus tamen rectè, sinopia dicitur. Non enim  
 differt à macra nisi nomine. Et scias quòd vnguentum decerusa  
 cum receperit syricum: nō amplius erit album, sed rubeum: nec  
 deinceps dicetur vnguentū album, siue de cerusa: sed ab ipso sy-  
 rico, vnguentū vocabitur syricinum.

*Vnguentum Aegyptiacum magnum &c. CCCL.*



**D**ICITVR Aegyptiacū hoc vnguentū, vel quia  
 ab Aegyptijs inuentū, vel quia forsā apud ipsos  
 vsitatius habebatur. Magnum autem cognomi-  
 natur, non ad differentiam parui, quod non repe-  
 ritur: sed à magna ipsius operatione & effectu. Et  
 si non additur ei olibanum, potest etiam dici vnguentū triphar-  
 macum. Non enim amplius quā tres recipit medicinas. Cum  
 olibano autem, tetracharmacum erit. Nonnulli etiam, vnguen-  
 tum de melle vocant. Ponit hoc vnguentum Rhafis in calce an-  
 tidotarij diuisionum: variat tamen in ponderibus. Bartholo-  
 mæus à Montagnana etiam in suo antidotario, habet vnguen-  
 tum Aegyptiacum: sed loco simplicis mellis, habet mel rosaceū:  
 & differt etiam in ponderibus. Luminare Maius, & Nicolaus  
 Præpositus, nō rectè habent in hac descriptione: mellis aur. xiiij.  
 cdm ceteri libri habeant xiiij. & sic est verum.

Vnguen

*Vnguentum tripharmacum faciens &c. CCCLII.*

*Vnguentum tripharmacum aliud &c. CCCLIII.*



**V**TRVNQVE istorum vnguentorum dicitur tripharmacum, ob id, quia tres duntaxat medicinas recipit: quæ sunt lithargyrum, oleum, & acetum. Vocaturq; à nonnullis vnguentum de lithargyrio. Et sub hoc titulo Bartholomæus à Montagnana in suo antidotario habet vnam descriptionem: sed loco olei simplicis, posuit oleum rosatum. Filius Serapionis autem in 7. similiter habet vnam huiusmodi vnguenti descriptionem: sed inscribitur, vnguentum de merdasengi, & aceto. Auicenna verò in quinto can. habet consimile vnguentum, quod ab eo, vnguentum rubeum intulatur. Od id quia addit ad ipsum ex venis tinctorum, scilicet ex rubea tinctorum, libram. Nicolaus Præpositus quidem ponit vnguentum tripharmacum autoritate filij Mesuæ. Sed si à librarijs non est vitiatus codex, neutrius istorum prosequitur ordinem. Imò malè ordinatum est: quia lithargyrum per partes, acetum verò per 3. legitur. Non bene potest conuenire semper vncia media, quæ ibi legitur, cum partibus: quoniam partes ipsæ possunt fieri & maximæ & minimæ, secundum voluntatem conficientis: vncia verò semper manet in suo pondere, ex quo non bene.

*De Lithargyro.*

**L**ithargyros Græcè, siue lithargyrum, siue lithargyrium: Latine autè argenti spuma, & etiam lithargyriū dicitur. Trium generum communiter lithargyrum scribunt Doctores. Nonnulli verò diuī tantum. Nostra tempestate quidem, non nisi duo genera cognoscuntur. Quorum vnum vocatur lithargyrum argenteum, alterum verò aureum. Non tanquam ex auro, ex quo non fit, sed quia in colore aliquantulum æmulatur aurū, idcirco aureum cognominatur. Plurimi namque hallucinati sunt, falsò putantes lithargyrum aureum, ex auro fieri: vt in libro Seruitoris, scilicet Bulchasis, & in Plateario legitur. Et solus ipse Platearius scripsit quatuor lithargyri genera. Etenim præter ipsum, apud neminē legitur lithargyrum stanneum. Et quomodo (vt ipse refert) est spuma auri, vel sit ex auro lithargyrum aureum, cum inter ipsius materiam plurimum purum reperiatur plumbum? Sed reuera tria genera sunt, & sub vnico nomine. Hoc est, Argenti spuma. Tanquam à meliori metallo, à Latinis cōcluduntur, scilicet quodd quodli;

*Argyritis.*

quodlibet ipsorum trium dicitur argenti spuma. Quamvis non ex argento omnia: quoniam vnum genus tantum fit ex argenti materia. Quam argenti spumam, Græci calabritin, siue calauritin cognominant: Latini autem lithargyrum argenteum. Aliud genus fit ex plumbo. Et quia hæc argenti spuma est quasi similis supradictæ: ideo argyritis cognominatur à Græcis. Non autem absolute argentea, sed quasi ex argento. Plinius autem absolute dicit argyritin ex argento. Vnde patet quod supradictam, scilicet calabritin, sub hoc vocabulo intellexit. Aliud autem lithargyri genus fit ex plumbæ arena, & huiusmodi spumâ ipsi Græci mo-

*Molybdtis**quid Græcis**& quid Plin.**no.*

lybdtin appellant. Sed quia (vt diximus) colore æmulatur aurum, chrysitin cognominant. A nostris autem lithargyrium aureum dicitur. Plinius verò hanc, chrysitin tantum nominat. Molybdtin autem appellat supradictam, quæ fit ex plumbo. Omnes enim testantur lithargyrum aureum esse aliorum optimum. Et

*Lithargy-**rium abso-**lutè.*

de hoc est semper intelligendum, cum simpliciter legitur. Ab Arabibus autem & barbaris, Merdasengi, & martech, siue mârêchet nuncupatur. De eius operatione, adustione, lotionève, non est opus scribere, cum Dioscorides, Plinius, Serapio, Bulchasis, & alij plures de hisce rebus diffusè, atque satis clarè pertractauerint. Et certè apud aromatarios vtrunque lithargyrum, est res valdè nota. Tertium autem non ita distinctè cognoscitur: quia cum sit simile argenteo, putamus mistum cum eo venundari, & alterum à negotiatoribus cum altero confundi. Præterea hoc adinaduerfione dignum, quod legitur quandoque in quibusdam compositionibus quorundam Doctorum: Lithargyrum spumificatû, siue despumatam. Et hoc passim apud Bartholomæum Montagnanam: tunc pro lithargyro spumificato, intellige vnguentum tripharmacum iam dudum declaratû. Et nequis dubitet in hoc, ipsummet Bartholomæum citamus in testimonium, qui in vno medicamine, docens modum spumificandi lithargyrum, apertè ostendit ordinem siue modum compositionis præfati tripharmaci vnguenti. Ait enim in septima intentione secundi capituli secundæ sectionis 301. consilij. Recipelithargyri subtilissimè triti lb. ij. olei rosati 3. iij. agitentur simul in mortario, deinde superponantur eidem, acetia albi satis acuti 3. iij. & iterum concutiatur simul longo tēpore in mortario plumbeo cum pistillo suo. Post illud autè, superaddatur iterû quantitas olei, intermistû conquassando: deinde superaddatur acetû, & sic fiat decies vsquequo spumificetur & augmētetur: crescit enim vsq; ad quantitatē mirabilē

in spa



in spatio duorum dierum. Hæc ille. In vnguento autem lithargyri apud ipsum, quod etiam est hoc vnguentum tripharmacū, ubi legitur: Recipe lithargyri spumificati: putamus esse mendam in codice: & rectius vel legendum est spumificandi, vel sine eo absolute legatur lithargyri: quia aliter eo in loco non potest stare. Quoniam si accipitur lithargyrum spumificatum, ad quid necesse est ipsum iterū spumificare? Nam descriptio ipsius vnguenti lithargyri, est eadem cum supradicta, in qua docet spumificare lithargyrum ipsum. Igitur non rectè.

## Vnguentum Alpsoricon &amp;c.

CCCLIII.



**P**RAESENTIS vnguenti, & sequentis confectio titulus, vel à malo interprete, vel à minus peritis librarijs maximè corruptus probatur. Vbi pro pforicon, phisiricon, & alfesiricon, seu alfericon, vel alferisicon legitur. Vera etenim literalis est: Vnguentum alpsoricon. Et infra: Recipe cerusæ, lithargyri, pforicon &c. Et est propriè pforicon, confectio immediata sequens, quæ sic à Græcis appellatur, ut mox dicetur. Et non est feicera, scilicet brionia, ut nonnulli iuniores allucinati peruersè declararunt. Et vocatur hoc vnguentum, alpsoricon, id est de pforico, ab ipsa confectioe pforicon dicta, quam recipit. Præterea animaduertito quod aliquæ impressioes in hac descriptione non habent crocum, quod debet esse: Luminare Maius autem habet crocum, sed non cliniam argenti. Nicolaus Præpositus verò, neutrum habet. Sed reuera utrunq; ponendum est, quia in omnibus antiquis exemplaribus legitur.

## De Climia.

**C**limia idem est quod Cadmia. Sed ut Dioscorides, Gale-  
 nus, Plinius, Serapio, Auicenna, & cæteri scribunt, sunt pluræ cadmiæ, seu (ut maius) climiæ genera. Et ideo Author noster ad differentiam aliarum cadmiarum, specificauit de argentea. Est igitur cadmia principaliter duplex, scilicet Cypria, quæ & mineralis, siue lapidea dici potest: quæ in Cypro insula, in montibus, & in fluentis reperitur aquarum. Alia est, quæ in fornacibus metallorum sit. Et hæc in plurimas diuiditur species, prout sunt diuersa metallorum genera è quibus assumitur. Ut ex auro, argento, ære, & similibus. Ab Auicenna autem, auri climia magis laudatur. Plinius verò, ærariam alijs præfert, & absolute lapidem (ex quo fit æs) cadmiam vocat, fusurisque necessariū: sed

medicinæ inutilem ipsum lapidem esse asserit. Ponit etiam sicut & Dioscorides, multas differentias de cadmia quæ fit in fornacibus, secundum fornacis loca. Quilibet per se ipsum apud illos videre potest. Sciendum tamen quod cadmia parum differt à thutia, id est pompholyge, & possumus in necessitatibus alterum pro altero compensare. In libro Seruitoris autem pro cadmia, barbarè legitur cathimia: & confusè ipse Bulchasis per cathimiam, nunc thutiam, nunc climiam intelligit. Imò non latet legentem, quod illud quod ex lapide, ibi thutia dicitur esse, est sine dubio climia, scilicet cadmia. Nam ex lapide fit, qui lapis præcisè à Plinio (ut diximus) vocatur cadmia, ex quo fit æs. Thutia autem, quæ pompholyx est, non est lapis ipse ignitus, ut ille Author scripsit: sed è testò fornacis accipitur, in qua dictus lapis concoquitur ad metalla fundenda. Vnde sub nomine cathimie, & cadmiam, & thutiam cōfundit. Denum de adustione cadmiæ, deq; eius ablutione, omnes præfati auctores, & alij plures, satis abundè scripserunt. Igitur apud ipsos quærito.

De Argento viuo.

*Mercurius quid.* **A**rgentum viuum res est ubiq; notissima. Nonnulli inter metalla computant, & à pluribus mercurius vocatur. Inter venena communiter annumeratur. Et quamvis Dioscorides, & alij plures, prohibeant ipsum per os administrari: tamen Auicenna in quarto can. fen. 6. tractatu primo, scilicet in prima summa de venenis congelatorum ex mineris, ait, quod plurimi ex his qui bibunt ipsum, non læduntur eo: egreditur enim cum dispositione sua per inferiorem regionem. Hæc Auicenna. Et nos scimus physicum utentem in cura infirmorum pilulis, in quibus argentum viuum (prius tamen mortificatum) recipitur. Et infirmis semper (ut sciamus) bene successit, & à varijs infirmitatibus liberati sunt. Veruntamen non nisi in magnis causis, & cum maxima cautela ipsum propinandum est. De extinctione eius autem, imò de eius mortificatione (non enim omninò moritur, sed tantum mortificatur, quia cum tempore semper iterum renouiscit) plurimi sunt modi. Author enim noster non specificauit de eo: quoniam quilibet modus est bonus, siue cum salina, vel cum succo citrij, arancij, & similium, vel cum aliqua pinguedine, vel quomodocunq; aliter mortificetur, nihil refert, & maxime in his quæ non sunt ore administranda, ut in vnguentis, & similibus.

De

De Oleandro.

**M**ultis Italiae locis oleandrum non est incognitum, tamen circa Romam sponte non nascitur: quamobrem à paucis Romæ cognoscitur. In nostro Aracelli horticulo paucis ante annis seimus plantam, & viret adhuc, quæ causat ut in dies à pluribus Romanorum non ignoretur. Nerion à Dioscoride vocatur. Nonnulli Rhodendron, siue Rhododendron, siue Rododaphnen, alijsq; nominibus appellant. Vnicum tantum genus Dioscorides posuit. Auicenna autem duo, scilicet sylvestre, & fluuiiale: sed fluuiiale verè est Nerion Dioscoridis. Sylvestre autem (quod dicit esse spinosum, habens folia portulacæ &c.) à raris videtur. Dictum est nobis quòd in montibus supra Bassianas, longè ab vrbe ferè per quadraginta miliaria nascitur. Oleandrum etenim, id est nerium, esse venenosum atq; mortiferum, & bestijs & hominibus, ferè omnes fatentur. Veruntamen (ut Dioscorides & Auicenna testantur) hominibus contra serpentium morsus, cum vino rutaq; potum, maximum est præsidium. Flos eius simillimus videtur rosæ subrubræ, quæ vulgò incarnata cognominatur. Ultra quatuor menses continuè & successiue florescit &c. Ponitur autem à nostro Authore in ista compositione oleum de oleandro: sed qualiter sit faciendum tale oleum, ab ipso non declaratur. Nec apud aliquem antiquorum legimus, præter quàm apud Rhafim, in antidotario separato. Igitur secundum Rhafim debet fieri. Cuius descriptio talis est: Recipe succi oleandri lb. j. rosarum lb. s. olei omphacini lb. ij. coque donec consumatur succus. Cola & reserua: Hæc Rhafis. Sed contigit dubitari super ista descriptione, an pro rosis intelligendæ sint rosæ communes & notæ, an flores ipsius oleandri, qui quidem rosei sunt. Et à similitudine quam cum rosis notis habent, vocantur & ipsi rosæ, oleandri supple. Vnde & rhododaphne, & rhododendrum, ipsum oleandrum dicitur. Quasi diceret. Recipe succi oleandri, supple foliorum arboris: & rosarum, supple ipsius oleandri &c. Veruntamen an sit melius vel peius cum vno, quàm cum altero, hoc non est nostrum definire: sed ipsi medici consulendi sunt. Hoc autem diximus, quòd vel sint flores oleandri, vel flores rosarum communium, pro huiusmodi oleo parando, putamus recentiores siccis esse meliores. Nos autem credimus Rhafim loquentum fuisse de floribus ipsius oleandri potius, quàm de rosis communibus.



ON alfeſiricō, vel alteriusmodi barbarè: ſed Pforicon eſt proprium nomen præſentis cōfectionis. Nec dicēda eſt cōfectio alſforicon, vt præſatū vnguentū quod ſignificat de pſorico. Sed propriè & abſolutè, pſoricon: quoniā talis cōfectio ſic vocatur. Et dicitur pſoricon à pſora, quod eſt quoddam malū, ſignificans aſperitatē cutis, ſeu impetiginē, vel ſcabiem ſiccā, vel huiusmodi ſimile. Vnde cōfectio, ſeu vnguentū pſoricon, id eſt ad pſoras, ſupple ſanādas, ſcilicet præſata cutis mala, rectè interpretari libet. Sicut etiā & ipſemet Author noſter exponit, cūm dicit q̄ eſt medicamentū ad fiſtulas, & cancrū &c. quę ſequūtur. Præterea legitur ipſamet cōfectio, ſub eodē titulo, ſcilicet pſoricō, apud Dioſcoridē v. lib. poſt cap. de chalcite: & apud Galenum in calce noni lib. de ſimpliciū medicamentorū facultatibus. Sed in hoc diſſerūt inter ſe Dioſc. & Galenus, ſcilicet q̄ Dioſcorides habet cadmiā: Galenus verò loco eius habet lithargyrū. Author noſter aurē poſuit lithargyrū, ſicut Galenus: & poſuit florem æris, pro cadmiā Dioſcoridis. Sed pro chalcite, chalcantū eius interpres, vt putamus) vertit. Sic enim ſcribit Dioſcorides, Ruellio interprete: Fit ex ea (ſcilicet chalcite) medicamentū, quod pſoricon vocāt, duabus chalcitis partibus cū vna cadmiæ additis, & ex aceto tritis. Oporteret autē in fictili obruere ſimo diebus quadraginta per Caniculæ ardorē. Sic enim ſit acrius. Hæc Dioſcorides. Galenus autem, Pſoricū (inquit) conficitur hoc medicamen, dupla chalcite admixta lithargyro: antè tamen vtriſq; aceto acerrimo ſolutis. Sicq; in ollam nouam coniectis, quam ſimo æſtate media, diebus quadraginta obrutā ſepelies. Hæc Galenus. Igitur non eſt dubiū, quod de vna & eadē cōfectione omnes tres, quāuis parum variè, loquuntur. Auicenna quoq; habet hanc eandem cōfectionem, de qua videlicet facit cap. propriū, in ſecundo cañ, ſub barbarizato vocabulo. Hoc eſt, Faſuricon, ſive Feſurichun: & quaſi ad literam, vt Galenus ſcribit. Inquit enim: Faſuricō quid eſt. Eſt medicamē ad ſcabiem, factū ex merdaſengi, & duplo ipſius de calcadis, tritis cū aceto vehementer forti, & ponitur in vaſe nouo, linito ex luto, & ſepelitur in ſimo quadraginta diebus, in tēpore æſtuo. Hæc Auic. magis nempe credendū eſt, Auicennā & filium Meſuæ ſumpſiſſe ipſam cōfectionē à Græcis, puta à Dioſcoride, ſive Galēno, quā Græci ab Arabibus, ſive Barbaris. Et

ex consequenti, Psoricon rectè nuncupari debet, sicut Græcè nuncupatur. Nicolaus præpositus quidem (vt pater) non intellexit ipsam confectiorem: quoniam sub nomine vnguenti, eam descripsit, vocauitq; Vnguētum alsefsericum aliud. Qui autem postea in ipsius librum fecit additiones, minimè hoc animaduertit. Vnde iterum posuit eandem confectiorem inter confectiões in litera C. Ex quo bis est in ipsius Nicolai dispensario.

*Confectio unguenti sanantis uulnera &c. CCCLVI.*



ON legitur in presenti descriptione per antiqua exēplaria, nec in vulgari æditiōe, succus celidoniæ: neq; in Nicolao Præposito, scilicet in litera V. vbi sub nomine vnguenti ad vulnera antiqua, habet præsentē cōfectiōē: quoniā ex imprudētia authoris additiōnū, in litera C, inter cōfectiōes, similiter, vt supra dictam, frustra posuit & istā. Et scripsit in ea succum celidoniæ, sicut à mendosis impressiōibus sumpsit. Qui succus non debet esse. Quoniam iudicio quorundam non spernendorum, minimè huic compositioni conuenit. Igitur cassetur, & legatur simpliciter, cum succo absynthij, & succo plantaginis, donec &c.

*Isopi cerotum Diatesaron descriptione Democriti &c. CCCLVII.*



DICITUR Diatesaron, id est de quatuor, supple medicinis. Quod quidē similiter potest vocari. Isopi cerotū tetrapharmacū. Sed est computandū & oleū, alioqui esset tripharmacum. Cōsimiliter & in ceroto diapēte, est connumerandū oleū. Est autem in præsentī descriptione per omnes excusiōes vnū mendum: videlicet, vbi legitur: Isopi humidæ ʒ. ij. lege ʒ. ij. s. Sic enim habent cuncta exēplaria, & Luminare Maius. Vulgares impressiōes autē habent ʒ. ij. Vbi similiter librarij malè posuerunt per drachmas, quæ erant ponenda per vncias. Quia etiam & oleum irinum est ibi per 3. quod rectè debet stare per ʒ.

*Cerotum Galeni stomachum cōfortans &c. CCCLVIII.*



VNCTA nempe exēplaria, nulloq; discrepātē, & similiter Nicolaus Præpositus, habent Galenū in titulo præsentis descriptionis. Luminare Maius autē dicit se hoc nō reperisse apud Galenum. Quapropter potest dubitari de ipsius anthere.

Sed hoc parū facit ad rem. Veruntamen apud ipsum Luminare non recte legitur: mastis ꝥ. xv. cū ceteri concorditer habeant 3. xx. Vulgares quoque excusiones multa menda habent in ista descriptione. Pro aqua rosata, intellige infusionem rosarum.

*Cerotum Diapente &c.* CCCLIX.



NTITVLATVR Diapente, id est de quinque supple medicinis. Potest etiā Cerotū pentapharmacum dici. Vulgaris nanq; æditio omnia habet in præsentī descriptione per 3. quæ cūcta volumina latina habēt per 3. Et nō multū refert: quoniam stante eadē proportiōe, potest fieri per plus & per minus. Veruntamen melius est vt hoc & cætera fiat semper secūdū ordinatā ab authoribus quātitatē. Deglutine Zanahā, vel alzanac, vel zanahac &c. quare infrā, scilicet in emplastro diachylō magno.

*Cerotum Alexandrinum &c.* CCCLX.



ON ab Alexandrina ciuitate, sed ab Alexandro Authore, præsens Cerotū Alexandrinum titulatur. Sed sciendum quod vbi per impressiōes legitur in præsentī descriptione: Olibanum & ammoniacum in vino &c. Verius legendū est: Ammoniacū, & storacē in vino &c. quoniam sic inuenimus in maiori parte antiquorum exemplariū. Et certē meliori modo potest puluerizari olibanum, quā storax. Igitur storax debet infundi &c.

*Cerotum aliud eiusdem &c.* CCCLXI.



VM legis eiusdem: subintellige Alexandri præfati. In quibusdam tamen paucis dūtaxat exemplaribus, non eiusdem: sed nostrum legitur, sic videlicet: Cerotum aliud nostrum fortissimum &c. Vnde secundum huiusmodi, non Alexandri, sed ipsius Authoris intelligitur. A tamen putamus esse mendosum istiusmodi: & rectius eiusdē, esse legendum. De oleo de naphtha, lege infrā, scilicet in descriptione olei philosophorum.

*Cerotum Andromachi factum ex nouem medicinis &c.* CCCLXII.



INVS recte per cunctas ferē impressiōes, legitur in præsentī descriptione, Olei de been. Lege de ben. Vulgares libri etiam hīc plures habent deprauationes.

*Emplastrum Diachylon &c. CCCLXIII.*

**V**OCANTVR diachylon, siue (vt mauius barbarè) diaquilò hæc emplastra, ab succis, siue mucilaginibus quæ recipiuntur in ipsis. Chylon vel chylum, declarant nonnulli significare succû, vel mucilaginè, vel simile: vnde syrupus de bisantijs, dicitur etiam Syrupus diachylon, à diuersis succis quos recipit. Et generaliter omnes compositiones recipientes succos vel mucilagines potest diachylon cognominari. Consimile emplastrum habet filius Serap. in 7. sub titulo Vnguenti de mucilaginibus: vbi immediatè declarans dicit, Et est diakilon. Similiter & Auicena habent eandem descriptionem, cum inscriptione, vnguenti diachylon. Hali Abbas etiam in x. Practicæ habet istam compositionem, quam semibarbarè nuncupat, vnguentum diachylon. Vbi loco scenogræci habet helbe: quod idè est, vt plures exponunt: & facit mucilagines (quas vocat spumas) in vrina chameli. Rhafis quoque in 7. ad Almanforem, cap. de scrofulis, habet simile emplastrum. Item ipse Rhafis in lib. de ægritudinibus iuncturarum. cap. 26. habet aliud diaquilò, diisimile omnibus istis. Paulus etiānum in 7. ponit emplastrum diachylon, quod similiter differt. Aëtius quoq; 14. cap. lib. 15. habet duas descripiōes aliquomodo differentes, & vna est ex Oribasio. Præterea sciendū quòd in præfenti descriptione, pro omnibus cōsimilibus, dat Author noster regulam siue modum conficiendi mucilagines cum lithargyro, scilicet quòd non sunt miscendæ mucilagines in bullienti lithargyro: sed post bullitionem eius, permittendum est infrigidari. Non tamen in totum: sed cum est quasi tepidum, immittantur mucilagines, prius tamen aliquantulum bullitæ: & cum facta fuerit ipsorum ad inuicem permissio bona, reducatur totum ad ignem, & perficiatur decoctio &c.

*Emplastrum Diachylon magnū &c. CCCLXIII.*

**A**D differentiam sequentis parui, cognominatur magnum præfens emplastrum: ac etiam à magna sui operatione &c. Supradictum autem potest dici Diachylon descriptione cōmuni, scilicet quòd cēmunitè illud à Doctoribus scribitur: siue emplastrum de succis &c. A nonnullis etiā vocatur hoc emplastrum, Emplastrū, siue Cerorū de mucilaginibus. At ab alijs additur ad istam descriptionē plura gūmi, vt bdellium, sagapenum, amma-

niacum &c. Ex quo postea nuncupant, Emplastrum, siue Cerotum, siue Diachylon gummatum. Aduertendum tamen quòd per omnes impressiones, deest in præsentì descriptione mucilago radicum althææ, quæ locanda est post mucilaginem seminis lini. In omnibus etenim exemplaribus inuenimus, ex quo iudicauimus ipsam esse admittendam.

*De Glutine Alzanac, siue Zanahan, siue alteriusmodi barbarè.*

**E**st namq; in præsentì descriptione, & similiter suprà in Ceroto diapente, & infrà in Emplastro filij Zachariæ &c. vnũ simplex ita barbarũ atq; corruptũ, quòd ex iunioribus haud est qui audeat ipsum absolutè, ac sine trepidatiõe declarare. Enimvero sexagintaquatuor variationes, per varios libros legimus de huiusmodi barbarismo. Et sunt qui habent zanahan, & sunt qui alzanahan, & sunt qui zanahac, & qui alzanaac, & qui zanahana, & qui alzanahanari &c. quæ si omnia scriberentur, ridicula fore non dubitauimus. Vnde nõnulli ex iunioribus suspiciantur esse viscum quernũ, alij collam piscium, alij pisciũ viscositatẽ quæ manibus piscatorum adhæret, alij gũmi arboris assæ fortidæ, & alij (qui forsàn melius) putant esse gũmi hederæ: ad quorũ opinionẽ & nos libenter aures inclinamus, scilicet credẽtes esse gũmi hederæ potius, quàm aliud ex supradictis. Tum quia in Pãdestario legimus consimilia plura vocabula, pro hederæ vel gummi hederæ interpretata: vt in litera A, Alzachanam, id est hederæ: Alzanarari, id est gummi hederæ. & in litera Z, Zanahanen, id est hederæ &c. Tum etiam, quia excellentissimus vir Ioannes Manardus fuit cõsimilis opinionis. Ait enim ipse in ceroto diapente: Glutinis zanahan. fortè gummi hederæ. Veruntamen non intantum approbamus istã, vt reprobemus aliorũ opiniones. Igitur quod melius iudicatum fuerit, illud facito. Nos autẽ interim dum veritas exquiratur, gummi heredæ semper, pro eo substituemus, ac substituendum alijs consulimus.

*Gũmi hederæ quid suppleat.*

*Diachylon paruum &c.*

CCCLXV.



**C**V M legishic Diachylon, præaudi Emplastrum. Paruum cognominatur, ad differentiam supradicti magni, cuius operationem sequitur, vt in litera habetur. Sed quia magnum conficitur sicut primum: igitur tam pro magni quàm pro parui operatione, ad primi regulam recurrendum est.

*Empla*



*Emplastrum de granis lauri &c. CCCLXVI.*

BI legitur in præfenti descriptione per omnes excusiones: Mellis colati: legendū est rectius: Mellis calidi, quia sic inuenimus ferè in cunctis exemplaribus. Habet nāq; filius Serap. in 7. duas emplastrorū descriptiones, sub titulo dimadh, quæ recipiunt grana lauri: sed valdè ab ista differunt. Initium vnius est, Dimadh ad hepar &c. Alteri<sup>9</sup> verò: Dimadh ad gibbositatē &c.

*De Lauro & granis eius.*

**P**Lura nempe Plinius enumerat lauri genera: veruntamē principaliora (vt Dioscoridi & alijs pluribus placet) duo tantum sunt. Vnum videlicet, quod tenui cōstat folio, sterile, quodq; masculum à quibusdam appellatur. Floret enim maximè, sed nunquam baccas alit. Alterū verò genus, quod & fœmininum à nōnullis vocatur, latiori folio atq; maiori probatur, baccasq; fert innumeras, oleis similes, sed rotundiores, ab extrā nigras, ab intus verò albas, vel subcitrinas, absq; nucleo osseo &c. Et hæc quidē maturæ colligendæ sunt, quæ nunc grana, nunc baccæ dicuntur. Græcè enim daphnides vocantur: quia & daphnis ipsa laurus est græcis. Vtrunque lauri nōtæ genus crebrum est in Italia. De alijs autem generibus apud ipsum Plinium querito.

*Emplastrum stomachum & hepar confortans &c. CCCLXVII.*

**E**GITVR mendosè in præfenti descriptione, ferè per omnes impressiōes, immediatè post Gallicæ muscatæ: separatim, ana &c. Cassetur illud separatim: & loco ipsius scribatur, (quināti. Deest enim squinantum, in illis mendosis lectionibus. Sic nempe habent omnia antiqua exemplaria, ac etiā vna ex nouis impressiōibus. Garyoflorum, macis, cinnamomi, spicæ, nucis muscatæ, galliæ muscatæ, squinanti, ana 3. j. s. &c. Quasi idem emplastrum, & sub eodem titulo, ponit Guillelmus Placentinus, in quinto suæ Prædicæ, cap. 22. A nonnullis autem hæc compositio: Emplastrum de ligno aloës nominatur.

*De Emplastrorum suffumigatione.*

**I**N calce quarundam emplastrorum descriptionum præcipitur ab Authore, vt suffumigetur illud emplastrum cum ligno aloës, scilicet cum fumo ipsius ligni. Et hoc intelligitur faciendum statim, cum ponendū sit ipsum emplastrū super locum, sci-

licet quòd immediate ante immiſſionem debet ſuffumigari. Modus autem ab eo non aſſignatur, ſed hic eſt valde bonus. Videlicet: Extendatur & complanetur emplaſtrum quantũ neceſſe eſt, & ponatur aliquatũ ligni aloës minutatim inciſi ſuper ignitos carbones, tanquam incenſum in thuribulum, & ſuperponatur igni fumiganti ſetacium rarum cum emplaſtro, vel agiler manibus teneatur emplaſtrum ipſum, ita quòd totus fumus cremantis ligni directè ad ipſum aſcendat. Completa autem ſuffumigatione, continuò ipſum emplaſtrum competenter calidum ponatur ſuper locum &c. Et licet aliqui aliter ſuffanigent: modo tamen diſto expeditius & vbiq; fieri poteſt.

*Emplaſtrum de Gallia &c.*

CCCLXVIII.



**A**PVD filiũ Serap. in 7. cap. 27. habet tres quaſi ſimiles cõpoſitiones. Quarũ initia ſunt, Dimadh ad diariam, & debilitatẽ ſtomachi. Dimadh quod fit cum extremitatibus myrti: & Dimadh quod confert ad diariam antiquam. Præterea ſciẽdum quòd per varios codices variè legitur in quibuſdam locis præſens deſcriptio. Vnde vbi legitur in aliquibus libris: Recipe galliæ muſcatæ, ſquinanti, ana 3. j. s. Et in alijs peius, videlicet ana grañ. j. s. Maior pars exemplariũ, nec ſic, nec ſic: ſed omiſſio ſquinanto cum ſuo ana, habet galliam in vnomet ana cum ſequentibus ſimplicibus: ſic videlicet, Recipe galliæ muſcatæ, ramich, ſumach, acaciæ &c. ana 3. ij. & ita iudicauimus verius eſſe. Ex quo non eſt ponendũ ſquinantum in iſta cõpoſitione, nec habetur in deſcriptionibus filij Serap. neq; in ſequenti emplaſtro legitur. Item, nonnulli libri habent: Deinde accipe ſucci foliorũ myrti hæ. humidæ. Alij autẽ loco myrti hæ humidæ, habent mentæ humidæ. Alij rutæ humidæ. Et alij myrtæ humidæ. Vbi ſic rectius legendũ indicauiſus: Deinde accipe ſucci foliorũ myrti humidæ, ſcilicet teneræ. Et ſimiliter eſt intelligendũ in ſequenti deſcriptione, in qua ſimili modo eadẽ clauſula per diuerſas excuſiones diuerſimodè legitur. Et hoc non ſolũ probatur per antiqua exẽplaria ſic eſſe ſecundum veritatem, verumetiam & per ſupradictas filij Serapionis deſcriptiones. Item vbi mendosè per quaſdam impreſſiones legitur: Gummi, aſſari &c. Lege rectius: Gummi aſſi, ſiue aſſati. Etenim error ipſe eſt manifeſtus, cum abſque ana ſequitur 3. vij. Similis quoque error reperitur per quosdam libros in ſequenti deſcriptione: Itẽ vbi in aliquibus mendosis impreſſionibus  
legi

legitur: Deinde terantur, & fiant sicut puluis &c. Lege: Et fiant sicut puls &c. Aduerte etiam, quod ubi Author dicit: foliorum lauri, subintelligitur ibi, succi. Tanquam si diceret: Accipe succi foliorum myrti humidæ, succi foliorum lauri, supple humidæ, seu teneræ: quia in eodem sensu intelliguntur hæc folia lauri, in quo folia myrti. Sed si quis non poterit habere extremitates teneras de lauro, siue de myrto unde succum exprimat, potest facere ex alijs folijs durioribus, recentibus supple, bonam decoctionem: qua, loco succorum, uti commodè valebit. Sed melius erit, si succum acciperit. Per vinum ponticum, intellige vinum auferum, & non de Vinum ~~au~~ Ponto insula, sicut rheuponticum. Et propriè intellige illud quod ~~sterum~~, vel à vulgaribus vinum bruscum nuncupatur. ~~bruscum~~.

### Emplastrum de Gallia &c. CCCCLXIX.



VNT & in præfenti descriptione per recetiores codices plura mēda. Et primò defunt in ipsa gallæ, quæ locadæ sunt inter balaustij & hypoquistidos, sic videlicet, Charabæ, balaustij, gallarū, hypoquistidos, acaciæ &c. Itē ubi legitur: Succi extremitatū myrrhæ, seu mētræ, seu rutæ humidæ, & aceti, ana ʒ. j. Lege rectius: succi extremitatū myrti humidæ, & aceti, ana ʒ. j. s. Item ubi est: Gūmi arabici, assati ʒ. iiii. lege emendatius: Gūmi arabici assati, siue assati ʒ. vii. Itē ubi est impressum. Minæ acetosæ ʒ. ij. vel iij. Lege ʒ. ij. vel iij. Quoniā ita certè est, secundū veritatē, in cunctis ferè exēplaribus antiquis. Ex quibus etiā erroribus aliqui declarati sunt in suprascripta cōsimili cōpositione. Præterea sciendum quod ubi Author dicit: Accipe succi capreolorū vitium: subintellige domesticarū. Vuarum agrestium: subintellige etiam succi capreolorū vitium agrestium, scilicet labruscarum. Tanquam si diceret: Accipe succi capreolorū vitium domesticarum ʒ. ij. succi capreolorum labruscæ ʒ. j. &c. Et nota quod non posuit absolute vitium agrestium: quoniam vitis agrestis est nomē commune ad plura. Vnde addidit vuarum ad differētiā aliarum. De Sauich autem, Alcohol &c. in superioribus require.

#### De Capreolis.

Capreolus quidē in his & similibus locis intelligitur propriè ille coliculus intortus, ut cincinnus, siue illa clauicula, qua sese vitis in proximas arbores & similia lingans, iustetatur. Et iā pro capreolo largè sumpto potest intelligi totus pampinus, siue coliculus tener, scilicet palmes, seu extremitas illa tenella atq; suc-  
cosa

cosa farmentorū vitis. Cuius succo nōnulli verno tempore, loco acreste in obsonijs vtuntur. Et clarius habetur in emplastro de fermento. Veruntamen cū commodē fieri potest, pro huiusmodi & similibus compositionibus, melius est si ex illis clauiculis, seu cincinnis excipiatur succus.

*Emplastrum relātū ad Andromachū &c. CCCLXX.*



ABET & Auicenna in quinto cān. hoc emplastrū, sed in quibusdā paucis differt. Habet quoq; aliud mirabile relatum ad Andromachum, quod etiam non conuenit cum aliquo istorum. Aduertendum tamen quod præsens descriptio ferē per omnes impressiones est in pluribus vitiata. Nam deest in ipsa Gummi pini, scilicet resina pini: cuius pondus est 3. viij. & locari debet ante auripigmentum. Etenim in omnibus exemplaribus habetur, & similiter in vna ex vltimis impressiōibus. Etiam & in descriptione Auicennæ legitur. Vnde debet poni. Item ana, quod sequitur post calcem non extinctam, per easdem impressiōes variē legitur. Quædam enim habent: ana 3. xv. & quædam, ana 3. xv. & quædam, ana 3. x. & quædam, ana 3. iij. & quædam alix, ana 3. iij. At reuera in exemplaribus antiquis pro maiori parte, ana 3. xv. scriptū inuenimus: & sic iudicauimus verius esse. Auicenna autem, ana 3. ij. habet. Quod satis parum differt ab ana 3. xv. Ergo 3. xv. ponendæ sunt. Lege igitur rectē sic: Recipe sepi anatis, picis, ana 3. xvij. gummi pini 3. viij. auripigmenti rubei, & citrini, aluminis iamēni, calcis non extinctæ, ana 3. xv. ammoniaci 3. ij. & non 3. ij. vt vulgares impressiōes habent &c. Pro auripigmento rubeo autem sandaracham intellige: & pro citrino, vñuale notum; de quibus suprà dictum est. Et alumen iamenum idem est quod alumen scissile, quod aliter alumen plumæ, alumen schiston, & flos petreæ, siue flos lapidis dicitur. Lege Antonium Musam Brasaulum.

*Auripigmentū  
rubeum.*

77 440. 16

*Emplastrum aliud Andromachi &c. CCCLXXI.*



OTEST hoc emplastrum, absque dubio, vocari cauterium Andromachi: quoniam vt patet in litera, nil aliud est quā efficacissimum cauteriū. Filius Serap. quidem in 7. cap. 28. & Hali Abbas in decimo Practicæ, cap. 25. sub nomine vnguēti, habent quasi consimilem compositionem, & in vtroque est antepenultima capituli descriptio. Sed pro granis risi & frumenti,

vt

*Cauterium  
Andromachi.*

utrumque ipsum habet viscum: quamuis filius Serapionis habeat sub barbaro vocabulo, hoc est dabach, quod idem est quod viscum, ut Pandectarius & alij plures interpretati sunt.

*De Aqua ardenti, scilicet Aqua vitæ & Aqua saponis.*

**Q**uoniam sub nomine aquæ ardentis, tam aqua saponis, scilicet aqua ex qua, oleo admixta, fit sapo, quàm aqua vini sublimata (quæ aliter etiam aqua vitæ dicitur) intelligitur. Ideò Author specificans de ea, dixit: Et est aqua saponis, Dicitur autem aqua ardens aqua vitæ: quia si approximatur ei flamma ignis, accenditur ac inflammatur, & ardet. Et hoc signo cognoscitur bona à mala. Videlicet quòd illa est optima, quæ tota in flammis consumitur. Aqua saponis autem dicitur etiam ardens, non per modum patientis, ut præfata aqua vitæ: sed per modum agentis, scilicet quòdurit carnes &c. quibus approximatur, faciens ampullas, & vesicationes, tribuensque dolorem ut ignis vrens. Et est propriè aqua saponis, lixiuium factum ex duabus seu tribus cineris, & vna calcis partibus. Et illa est fortior, in qua ouum immersum magis supernatat extra aquam. Quia quantò magis est mitis ipsa aqua, tantò magis ouum submergitur in ea. Primum igitur lixiuium est fortius secundarijs: & illud est sumendum, si vis potius facere cauterium, siue emplastrum istud &c. Sed aduerte quòd differt aqua vitæ ab aqua vitis. Nam aqua vitis à vite ipsa excipitur. Videlicet tempore veris cum putantur vites, loca incisa per aliquot dies semper lachrymât aquam clarissimâ. Et illa propriè est aqua vitis. Quæquidè vitis aqua, vnà cum mel- le per ignem sublimata, oculorum lippidines maximè curat.

*Aque vitis  
ab aqua vi-  
te differen-  
tia.  
Aqua vitis  
medicina.*

### *Emplastrum Sinapismum &c. CCCLXXII.*



**P**ONITVR hoc emplastrum in libro diuisionũ Rhafis, cap. de sciatica (scilicet de ischia) & dolore iuncturæ anchæ. Et à Guillelmo Placérino quinto practicæ, cap. 22. quasi idem describitur. Cuius initium est: Emplastrum eradicans sciaticam &c. Sed sciendum quòd per impressiones non sine mendis, habetur præfens descriptio. Nam vbi in ipsis legitur: Si autè minus (supple vehemens facere volueris ipsum emplastrum) ex ficibus partes tres, & ex sinapi duas, supple pone. Rectius legendum est: Si autem minus, ex ficibus partes duas, & ex sinapi partem vnâ &c. Sic enim in cunctis exemplaribus vniformiter inuenimus.

*De*

## De Sinapi.

**S**inapis hortensis, siue (vt mauis) sinape, vel sinapi, herba est vbiq; notissima. Ex semine eius, quod etiam sinapi dicitur, vnâ cum musto cocto & alijs rebus, paratur intinctus durabilis, à pluribus exquisitus. Quæ vulgares à musto, mustardam: & alij ab ipso sinapi, sinapatam, quasi sinapium vocant. Tria eius genera Plinius 8. cap. 19. libri posuit. Dioscorideni autem volunt aliqui, non nisi de vnico hortensi pertractasse. Tamen ipsi errât: quoniam in fine capituli de eruca, ipse Dioscorides meminit syluestris eruce Iberiæ, scilicet Hispaniæ. Cuius semine (inquit) pro *Eruca Hispanica* sinapi vtuntur incolæ. Et hæc eruca Hispanica, est tertium genus *spanica* quid à Plinio descriptû. Etenim & in cap. de sinapi ipse Dioscorides, *Plinio.* ad quid specificauit hortense, nisi ad differentiam sinapis syluestris? Itē ipse Dioscorides cap. de thlaspi, asserit ab aliquibus vocari sinapi Persicum, & sinapi syluestre. Etiam apud ipsum, cap. de cappari, secundum Hermolai & Marcelli translationes, legitur quod à Romanis sinape Persicum nuncupatur. Ecce quod nō de vnico sinapi, in vno cap. Dioscorides loquutus est: sed in diuersis capitulis plurima sinapis genera connotauit. Quamuis ali quod ipsorum, vt capparis, nomine tantum, non re sinape sit. Quoniam nihil cum sinapi capparis. Aliud autem Plinii genus, scilicet secundum (quod rapī folia dicit habere) non ignoratur, nec feritur apud nos, sed creberrimū intus & extra Urbem sponte atque syluestre oritur. Et vulgò propriè, sinapem syluestrem vocamus. Non est in eo dubium quin sit ipsam. Plurimi eo vtuntur domestici vice. Serapio autem, & Auicenna, duorum tantum generum meminerunt, scilicet hortensis & syluestris.

## De Ficibus.

**N**otissimæ quidem sunt ficus. Sciendum tamen, quod non absq; ratione Author specificauit siccas ficus atq; pingues esse sumēdas pro huiusmodi emplastro. Imò vt per Galenū probatur, illæ ficus sunt ad concoquendum aptiores, quæ sunt pinguior. Inquit enim Galenus 8. de Simplicium medicamentorum facultatibus: Ficus aridæ vim habent excalfaciendi ordine primo, etiam cōpleto, aut secundo incipiente: habent verò etiam partium tenuitatem quandam. Ex istis duobus idoneæ sunt, quæ tubercula dura concoquant. Statim verò etiam ea digerunt &c. quæ sequūtur. Hinc ait: Porro scire oportet, quod quæ pinguior. Igitur quæ huiusmodi non sunt, minimè huic compositioni cōgruunt. Idcirco eligen

eligendæ sunt pinguiore & optimæ, vt sunt Mafsilenfes, & Sabinenfes, atque ipfis fimiles.

*De Schybalis.*

**Q**Uæ Schybalæ, seu schyballæ, seu magis barbarè squibalæ dicuntur, stercora rotunda dura sunt, vt plures declarauerunt. Caprinæ autem (specificantur, ad differentiam aliorum similibus stercoreum).

*De Columbæ agrestibus.*

**C**olumbi etenim, siue (vt quibuscumque magis placet) columbæ, & domesticæ, & syluestres, siue agrestes reperiuntur. Domesticæ quidem domi viuunt. Agrestes autem in agris pascuntur, sed in turribus & montium ripis nidificat, atque nocte quiescunt: quæ quidem domesticis sunt minores. A nonnullis liuiz, quasi liuidæ nuncupantur. Harum autem fimus in huiusmodi emplastris ab Authore quaeritur. Vtrunque genus satis est notum. Est & aliud genus, qui non columbi, sed palumbi, siue palumbæ, siue duum generum, palumbes agrestes dicuntur. Imò rectius syluestres: quoniam in syluis manent, & in arboribus nidificant. Has nempe sunt qui à glandibus, quibus libenter vescuntur, glandiphagas nominant. Alij autem à torque plumeo, quem habent, torquatas appellant. Sunt etenim maiores domesticis columbis: & hyemali tempore non inuenientes semina, & fructus, fame cogente paucuntur herbis.

*Emplastrum de fermento &c. CCCCLXXIII.*



**H**OC nempe emplastrum (vt in litera clarè habetur) diueris paratur modis. Inuenimus tamen in ista descriptione plurimas deprauationes, quas simpliciter emendauimus in receptario. Et præsertim inter ipsas, vbi legebatur per impressos libros, dubeller, rescriptimus delet. Vt in cunctis exemplaribus, & in vulgari editione reperimus. Et licet dubeller, siue dubellati, secundum Simonem Ianuensem, Pandectarium, & ceteros, significet apostemia colligens saniem, de quo magis speratur quod fiat vlcus, quàm quod resoluatur: tamen cum prius hîc legatur: Maturat enim & rumpit apostemata. superfluum est addere, & dubeller: quod esset illud idem repetere. Igitur rectius est, & delet. Item quod sequebatur in litera, scilicet. Si bdellium cum farina hordei misceatur, extrahit spinas. deleuimus, ob id quia in nullo penitus dictorum exemplarium, neque in vulgari editione, neque

neque in Nicolao Præposito inuenimus. Reliquas partes à nobis emendatas, si conferas cum alijs, facillimè cognosces. Scribitur equidem à Plinio in septinio vnum emplastrum de fermento, quod cum quadam variatione istius descriptionis habet nò parum similitudinem.

*De Fermento.*

**N**on ignoratur fermētum, à quibus cognoscitur panis. Zyme, siue zyma Græcè dicitur. Author noster quidē in exordio præsentis descriptionis magnopere laudat illud in vsum medicum recipi: cum ex Democrito dicat esse medicinam medicinarum nobilium. Et ponens plures ex ipso pharmacorum compositiones, in fine addidit, quod prolixum est narrare omnē eius experientiam &c. Ex farina frumenti fit optimum, de quo semper intelligitur, cum absolute legitur. Post ipsum in bonitate ex hordeo sequitur. Hinc ex cæteris frugibus.

*De Visco.*

**V**iscum, vel viscus visci dicitur. Res quidem nota & aucupibus & alijs multis. Plura etenim sunt eius genera. Vnde Author specificauit de quercino, ad differētiā aliarum arborum, quoniam non in sola quercu procreatur. Verumetiā, vt Dioscorides & alij Doctores tradunt, & experientia certa pluries comprobauimus, in multis arborum generibus reperitur. Porro Brasaulus probat in omni arbore posse fieri, ac etiam & in vite se vidisse confiteri. Nos quidem præter arbores à Dioscoride, Plinio, & cæteros descriptas, sæpius & in amygdalis vidimus: tamen in aliquibus arboribus, vt in oliuis, ficis, &c. nunquam vidimus, nec aliquem vidisse audiimus. Vnde coniectamus, non omnes arbores pati supra se viscū generari. Et licet Plinius cap. vltimo 16. lib. dicat: Omnino satum viscum nullo modo nasci, nisi per aluum auium redditum: & præcipuè palumbis, & turdi (vide Brasaulus argumentum sumpsit, asserens quod sicut turdus, siue turdela (quæ etiam connumeratur in generibus turdorum, quamuis sit maior turdo) siue palumbes, siue turtur potest super omnē arborem stercus emitte: sic omnis arbor potest viscum procreare tamen non per hoc ipse Plinius probauit viscum super quamlibet arborem nasci. Imò specificauit ex eis quasdam: quod non fuisset necessarium, si super omnes posset viscum oriri. Ergo secundum ipsum Brasaulum, vbicumque cacauerint ipsæ aues, viscum nascetur. Ergo & super herbas, & lapides &c. quod est falsum. Igitur dicendum quod sicut exempli gratia, epithymum

non



non nascitur super omnem plantam, sed super ipsas tantum quibus à Deo & natura speciali prerogatiua concessum est: ita & viscum non super omnes arbores, sed super illas duntaxat quæ sunt aptæ naturæ ad illud producendum. Neque credendum est quod solummodo sterco auium, quæ iam comederit viscum, scilicet illud propriè quod ex visco esco & digesto efficitur, viscum super arbores generat, ut scripsit Plinius: quoniam probatur non esse verum. Nam si viscum oritur tantum ex stercore auium comedentis viscum: primum igitur viscum quomodo ortum habuit, ex quo aues nunquam comederunt? Ergo alia causa est per quam viscum generatur. Enimvero melius est coniectandum, scilicet quod omne sterco illarum auium, vel comederint viscum, vel non, fit aptum ad generandum viscum. Aptius tamen si ipsum viscum comederint, tanquam materia magis disposita ad illud faciendum. Et supra illas arbores tantum dicimus, quæ etiã specialiter in se habent talem prerogatiuam, siue dispositionem ut viscum concipiant. Non autem supra omnes. Quod autem dicit Plinius, scilicet quod viscum per aluum auium redditum nascitur, hoc non fit (ut putamus) ex parte visci, scilicet in quantum quod est viscum: sed ex parte animalis, scilicet in quantum quod est sterco illarum auium. Quoniam viscum per se nullo modo nascitur, neque etiam si per ventrem auium redditum fuerit. Fit etiam à nonnullis artificio viscum, ex varijs rebus: ut ex febesten in Damasco, & ex radicibus maluanisci, & ex fructu aquifolij, & similibus, ad capiendas aues, etiã & aquatiles aues. Quod quidem medicinæ est minus aptum. Ex arboribus autem melius est quernum, quod Græcè Dryos hyphæar dicitur. Eligendum est purum, recens, intus viride, seu porraceum, extra subfuluum, ex maturis collectum acinis. Et potius, quàm alterius regionis, nostrate, quia recentius. Sed si ex quercu non habebis, è robore accipito, siue ex ilice.

*De Furculis.*

**P**RO Furculis, siue furcillis, hoc in loco intelliguntur festuæ, seu lignorû, aut cannarum & similiarum frustula. Et propriè sunt quæ à vulgaribus stecchæ, & stelæ nuncupantur. Et lege rectius sic: Et est emplastrum efficax ad extrahendum spinas, & furculas, seu furcillas, & ossa carni infixæ &c. Et non ossa cranei infixæ, ut mendosè per omnes impressiones legitur. Et pro succo vuarum agrestium, intellige, ut supra, succum extremitatû vitium vuarum agrestium, scilicet syluestrium, & sunt labruscæ. Et succi extremitatum vitium, supple domesticarum, ut aliàs diximus.

De Sief memithe.

**S**ief equidem idem est quod collyrium, seu medicina oculis appropriata. Memithe autem, est idem quod glaucium, de quo quære in pilulis lucis, cum chelidonia. Cum igitur hîc quærat Author sief memithe: intellige collyriô factum ex succo glaucio dicto. Qui succus condensatur in forma nuclei osseidactylorum, & conseruatur. Et arabicè dicitur memithe &c.

De Asphalto.

Bitumen  
duplex.

**R**ecius asphaltum, quàm asfaltû dicitur, Et idem est quod bitumen, scilicet bitumen iudaicum notum. Quod bitumen aliquando etiam à Græcis pissasphaltû appellatur. Quamuis & pissasphaltum proprie sit alterius bituminis genus, quod consimiliter & asphaltum nominant. Principaliter autem asphaltum, scilicet bitumen, à Dioscoride duplex describitur: vnum durum è lacu iudææ, vnde iudaicum dicitur, quod præfertur cæteris aliarum regionum eiusdem generis. Aliud est liquidum, quod in Sicilia fontibus Agrigentinis agri innatat, quodq; naphthæ iudicatur species. Quo & incolæ olei vice in lucernis vtuntur. Sed in hoc emplastro, de duro intelligitur. De naphtha dicitur in oleo philosophorum.

*Emplastrum filij Zachariæ &c.* CCCLXXIII.

**P**ER impressiones legitur mendosè in præsentî descriptione: Medullæ cruris vaccæ &c. ana ʒ. iij. lege, ana ʒ. iij. s. quoniam sic est in exemplaribus antiquis. De Zanahan quære suprâ.

*Emplastrum Diaphinicon confectum &c.* CCCLXXV.*Emplastrum Diaphinicon descriptione Alexandri &c.* CCCLXXVI.

**H**ÆC nempe emplastra habent multâ affinitatē, cum emplastris de gallia superscriptis. Vnde (saluo meliori iudicio) putamus q̃ potest alterû pro altero ipsorû substitui in necessitatibus. Seruatis tamè illis caliditatis & frigiditatis significationibus, in ipsis emplastris de gallia ab authore notatis. Dicuntur Diaphinicon, à dactylis ipsam intrantibus. Auic. quidè in quinto cañ. sub titulo vnguenti, scilicet Vnguentû quod cōfert ad vehementiā debilitatis hepatis & stomachi, habet quasi similitudinem cōpositionem cum

cum hoc primo emplastro Diaphinicon. Sed aduertendū quod in secūda descriptione, quę inscribitur Alexādro, vbi per impres-  
 sos libros legitur: Acacię, succi aceti &c. ana 3. iiii. legēdum est  
 rectius, ana 3. v. ut ferē in omnibus exēplaribus antiquis. Pro  
 Alitimbri autē, quod est in exordio, intellige digestionem: tan-  
 quam si diceret, Et ad malitiā digestionis siue cōcoctionis. Et pro  
 floribus vuarū agrestiu, intellige flores labruscarum. Qui flores,  
 sicci intelliguntur, in isto emplastro. Et ratio tenet: quia cūm hīc  
 ingrediatur etiam succus aceti: non enim potes habere vno &  
 eodem tempore acetam & flores vitis, nisi alterum ipsorum sit  
 non recens, vel vitis sit bifera, scilicet quod bis ferat flores & fru- *Vitis bife-*  
 ctus: quoniā reperiuntur vites quę non tantūm biferę, sed & tri- *ra, trifera,*  
 ferę, & quadriferę sunt, vt Romę habentur. Et vulgō huiusmo- *& quadri-*  
 di vites, aceti nominātur. Vnde potest esse quod aliqua vitis la- *fera.*  
 brusca sit huiusmodi: & sic habebis flores labruscarum, & aceti  
 vitium vno & eodem tempore: quia aliter, quā si labrusca  
 fuerit bifera, non potest fieri: quoniam non queris flores vitis do-  
 mesticę, sed labruscę. Pręterea in ista secūda descriptione per  
 omnes antiquos libros, non sandalorum citrinorum, sed sanda-  
 li mazahari, siue machazari &c. est scriptum: Quod (vt in supe-  
 rioribus iam diximus) putamus idem significare. Per vinum sti- *Vinum sti-*  
 pticum autem intellige vinum maximē rubrum: siue (vt ma- *pticum.*  
 ius dicere) nigrum, atq; austerum, & non dulce, nec limphatum. Et  
 idem est quod ponticum: quamuis etiam & ponticum album re-  
 periat: stipticum autem semper rubrum.

*Emplastrum de allijs Alexandri &c.* CCCLXXVII.



**M**ULTAE literarum deprauationes & mēdę per  
 nonnullas impressiones leguntur in pręsenti de-  
 scriptione, quas simpliciter in litera emendaui-  
 mus, quoniam peritos viros nō latent. Hęc tamen  
 est notanda, scilicet quod vbi legitur euphorbij 3.  
 j. s. Legendum est 3. j. vt est in cunctis exemplaribus, & ceteris li-  
 bris. Paulus in septimo habet emplastrum diascorodon: hoc est,  
 ex allijs, sed differt ab isto.

*De Allio.*

**A**llium e quidem rectius, quā alleum dicitur. Est enim no-  
 tius do mesticum, quā vt declarari debeat. Et syluestre *Ophoscore*  
 etiam nō ignoratur, quod Gręcē opioscorodon dicitur. *Don-*  
 sticum verō, scorodon nuncupatur. Non autem scordeon, quod *Scorodau,*

est herba chamædry persimilis: in quibus allucinati sunt plurimi;  
*Allium ab-* ut supra aperte demonstrauimus. Allium igitur cum absolute de-  
*solute.* scribitur, semper domesticum, siue hortense intelligitur.

*Emplastrum relatum ad Aristarchum &c.* CCCLXXVIII.



TENIM (vt putamus) non est hodie in Italia qui perfecte parare possit hoc emplastrum, & oleum nardinum infra scriptum, videlicet quo ad tertium modum, ob maximam olei balsami copiam quam requirunt. Quoniam haud est qui vnciam, non tantum libras, habeat veri balsami liquoris. Christophorus de Honestis super hoc emplaistro dicit, quod maxime eius vsus frequentatur: sed pro oleo balsami, oleum de spica ponunt. Si autem bene, Deus scit. Non enim potest comparari hoc ad illud, vt in eius vicem transeat. Est præterea in præsentis descriptione vna menda per omnes impressiones. Videlicet vbi legitur: Colophonix 3. vij. legendum est 3. v. vt cuncta exemplaria veritatem ostendunt.

*De Calophonia,*

*Pix Colo-*  
*phonia.*

COlophonia autem, siue pix colophonix (à Colophone ciuitate dicta, vnde olim in maxima vehabatur copia) illa est, quæ vulgò pix græca, & pix hispana, siue pix sicca dicitur ad differentiationem picis liquidæ, quæ & naualis cognominatur. Quamquam verior pix naualis sit illa, quæ à vetustis deraditur navibus, quæ Græcè Zopissa, & Apochima nominatur: tanquam ea quæ directè à navi veniat, potius quàm ea quæ ad vsus nauium & aliarum rerum transire potest. Et scias quod omnis pix sub resinæ nomine intelligitur: sed non econtrà, scilicet quod non omnis resina sub picis vocabulo intelligenda sit.

*Pix omnis*  
*resine spe-*  
*cies.*

*Emplastrum Oribasij &c.* CCCLXXIX.



IN præsentis descriptione per aliquas impressiones tres mædæ annotandæ sunt. Prima, vbi legitur Aloës 3. j. lege 3. j. Secunda, vbi legitur, Thuris masculi, cuscute, galbani, ana 3. xij. lege 3. xij. Tertia, vbi legitur, Confice 3. ij. lege Confite 3. ij. & non confice. Ita hæc secundum veritatem, sunt per antiqua exemplaria, ac etiam per nonnullas minus malas excusiones,

*De Confita.*

PER simplex t, confita, secundum Simonem Ianuensem, Pandectarium, & Manardum, & cæteros, Laudanum est. Sed confita

ficta (vt ipse Pandeſtarius dicit) ſex ſtoracis rubæ liquidæ eſt. Animaduertant igitur aromatarij, ne decipiantur in vocabulorum affinitate, vt ſæpe accidit.

*Emplaſtrum Oribiſij aliud &c.* CCCLXXX.



NVM notandum mendum eſt in præſenti deſcriptione per aliquas excuſiones. Videlicet vbi legitur: Olei chamæmillæ, & irini, ana 3.iiij. lege rectius 3.iiij. vt in cæteris libris tam antiquis, quàm impreſſis habetur. Et animaduertant minus periti & noui aromatarij, quòd hîc, & ſimiliter in emplaſtro de gallia ſupradicto, & alijs locis, per impreſſiones magis mendoſas pro pulſ. legitur puluis. Non enim in illo emplaſtro de gallia, dactyli inſuſi in aceto, per diem & noctem, & hîc galbanum inſuſum in aceto per duos dies, poſſunt teri donec ſiant ſicut puluis, ſed beneficit pulſ. Intelligentes quidem faciliſter percipiunt huiusmodi literæ deprauationes. Igitur non pro iſſis, ſed pro iunioribus & nouis hoc annotauimus, ne fruſtrâ in trititando laborent.

*Emplaſtrum de Meliloto &c.* CCCLXXXI.



ON habetur ſine mendis præſens deſcriptio. Nam per cunctas impreſſiones, vbilegitur: Seminis apiij &c. ana 3.j.s. Legendum eſt verius, ana 3.j.s. vt vniuerſa exemplaria habent. Sunt etiam & aliæ literarum deprauationes, quas ſimpliciter in textu rectè poſuimus, vt liquidò cum alijs conferenti patebit. Habet filius Serapionis in ſeptimo duo, ſub nomine dimadh, emplaſtra de meliloto, ſed differunt ab iſto.

*De Meliloto.*

Melilotum, ſiue melilotus, herba eſt, quæ & ſertula campana *Sertula campana* dicitur, ob id quia in Campania, & præſertim circa ciuitatem Nolaſe laudatiſſima habetur, vt Dioſcorides refert. In Romano ſolo autem, quod eſt Campaniæ initium, non eſt (vt credimus) inferior Nolana. Eſt enim odoratiſſima, & optima, atque omnibus nota. Et dicitur melilotus, ſiue melilotos, quaſi mellea lotos. Habet enim noſtra melilotos ſemen in corniculis lunatis, ſeu curuis. Apud Nola autè reperitur etiã ſicut Serapio ſcribit, habes vaginas ſubtiles, rotundas, & rectas, ſicut virgæ puerorû paruulorum. Et nos quandoq; habuimus de illa meliloto, quæ (vt viſum eſt nobis) exceptis iſſis vaginulis, in nullo alio à noſtrate differt.



**P**RAESENS descriptio, & tres sequentes (vt supra diximus) in paucis exemplaribus leguntur. Ex tot enim quot vidimus, in vndecim tantum reperimus: quorū huiusmodi descriptiones, non solum cum impressionibus non cōcordāt, verum etiam & inter se ipsas minimè cōueniunt. At neque ipsae impressiones vniformiter se habent. Vnde sunt in huiusmodi mistura tot & tantae cōmixtae varietates, confusiones, & literarū deprauationes, quod visum est nobis impossibile inuenire, seu interpretari literae & sensus veritatem. Nam verè est mistura, imò chaos omnium confusionū. Ex quo medicis & alijs nobis peritioribus viris, dimittimus illam resarciendam, seu (vt melius dicamus) de nouo cōponendā: si tamē vsus eius (vt aiunt) ita multis frequentatur locis. Nos enim nūquam parauimus, nec scimus Romae parari ab aliquo. Veruntamen vt quilibet melius cōsideret descriptionem ipsius & cōpositionem, non pigebit nos breuiter subnectere quas inuenimus, tam antiquorū, quā recentiorum variationes librorum. Ex impressis igitur quidā sic habent: Recipe Gariophyllatae, radicū artemisiae, pimpinellae, camomillae, pentaphyllon, herbae violarū, herbae venti, caulis rubei, canabis, tenerarum rubi &c. Alij autem vsq; herbae violarū inclusiue similiter, deinde sic herbae veteris cauli, tenerarū rubei canabis &c. Et alij alijs modaliter variant ab istis. Ex antiquis exemplaribus autē in quibus inuenimus, exceptis duobus libris (quorū vnus habet abbreviatè primā dictionem, sic: Gariof. quod etiā pro gariofilis, sicut & pro gariofilata potest interpretari. Et alter qui habet, artemisiae absolute: absq; radicū per descriptionem) omnes alij libri habent prima duo simplicia, sic videlicet. Recipe gariofilatae, radicū artemisiae. In sequentibus autē sic variant. Quatuor libri concorditer taliter habent scriptū: Pimpinellae, cāmīna, pentaphyllon, herbae violarū, herbae venti, caulis rubei, canapis renatū &c. Reliqui septē singuli singula habent, videlicet. Primus (post duo simplicia dicta semper intellige) sic sequitur: Pimpenellae, pilufellae, pentaphyllon, herbae violarū, herbae vēti, caulis rubei, canabis, sensationis &c. Secundus sic habet: Camomillae, pentaphyllon, herbae violarum, herbae venti, caulis rubei, canabis renatū &c. Tertius: Pimpinellae, pentaphyllon, herbae violarum, herbae venti, caulis rubei, recentium omniū &c. Quartus: Pimpinellae, cannani, pentaphyl

taphyllon, herbe violarum, veteris caulis rubei, & canapum renatum &c. Quintus. Pimpinella, canina, pentaphyllon, herbe violarum, herbe venti, cuculi rubeæ, canabum renatum &c. Sextus: Pimpinella, carmina, pentaphyllon, herbe violarum, herbe venti, caulis rubei, canabis, senati &c. Et septimus sic habet: Pimpinella, canna, pentaphyllon, herbe violarum, veneris, caulis rubei, canapum renatum &c. Luminare Maiusetiam, & vulgares excusiones, & ceteri aliter & aliter habent. Quilibet per seipsum autè apud illos legat. Simplicia tamen, quæ possunt declarari, declarabimus. E quibus enim aliqua sunt quæ apud veteres nusquàm leguntur. Vnde verè coniectandum est, has quatuor descriptiones finales istius distinctionis, esse modernorum additiones.

*De Gariofilata.*

**G**ariophyllata quidem siue gariofilata vulgò dicta, apud antiquos neque sub hoc, neque sub quouis alio nomine adhuc meminimus nos ligisse. Solummodo apud Pliniū septimo cap. vigesimifexti libri, Geum legimus, quod asserit habere *Geum.* ridiculas tenues, nigras, bene olentes, sicut nos videmus gariofilatam habere. En gariofilata dicitur, quia radices eius suauem gariflorū spirant odorem: & radices eius sunt tenues, atque nigræ, vel saltem subnigræ. Quod si Geum non erit, fatemur nos nescire quid sit. Nonnulli enim suspicantur esse Dioscoridis baccharē: *Baccharis* *nō est garyo-* *phyllata.* veruntamen descriptio nō conuenit plantæ. Nam gariofilata non habet caulem angulosum, vt de bacchare legitur: nec folia baccharis conueniunt cum folijs gariofilatæ &c. ex quo probatur quòd baccharis differt à gariofilata. Pādectarius quoque, & ex iunioribus plures hallucinati sunt vocando ipsam lagopum, scilicet pedem leporis: quamuis etiam apud ipsum pādectarium barbare, per lagopum, legatur lapagū: quoniam lagopus (vt Dioscorides tradit) in fegetibus nascitur, gariofilata autem semper locis incultis, & specialiter in sepibus oritur. Et Simō lanuensis testatur, se vidisse depictam lagopi plātam, alterius formæ & similitudinis, quàm gariofilatæ. Ergo gariofilatæ nō est lagopus. Vocaturque à nonnullis sanamunda, ipsa gariofilata. *Sanamunda.* Folia eius quidem sunt similia folijs eupatorii (quod falsò minus periti agrimoniam nuncupant) maiora partiper, & rotundiora. Flos verò eius est citrinus, ex quo procedit feminis pilula, in modum pilule platani, minor tamen. Hac herba sæpe vsus fuit Albertus Magnus in medicinis equorum: vt ipse 22. lib. de Animalibus scribit. & quandoque vocat ipsam herbam benedictam. Sed aduertent-

dum quòd si non speciatiim herba scribitur, semper de radice intelligitur. Quoniam ipsa radix est vera gariosiflata. Folia enim præter herbaceum, nullum habent odorem. Vnde melior ipsius pars est radix.

*De Artemisia.*

**A**rtemisia nempe secundum Galenum, & alios plures, duplex describitur. Tamen secundum alios triplex probatur. Etenim secundum veritatem triplex est. Prima videlicet est, quæ vulgò canaparia nuncupatur: quia tanquam canapis ad tricubitalè & ampliorem altitudinem extollitur. Folia eius sunt absyntio similia. Quæ ex una parte, scilicet quæ cælum spectat, viridia sunt ex altera autem alba. Nò enim hæc ignoratur: quoniã ferè ubiq; locis incultis, & inter arūdineta provenit. Alia est, quæ vulgò *Matricaria*. tritaria cognominatur. Et hæc similiter est nota. Tertia est, quæ vt plurimum in hortis habetur, & fecus decursus aquarū oritur: & hæc à multis tanacetum vocatur: ab alijs autem *thanasia* siue *athanasia* dicitur. Folia habet ordinatè, vno pediculo, ex utroq; latere plura, pennata, atque incisa: & flores croceos, in umbella, qui non citò marcescunt &c. Et hæc quoque à pluribus cognoscitur. Omnes tres odoratæ sunt sed canaparia mitiori non inio cundo munitur odore. *Matricaria* autem, & tanacetum grauius olèt. Dicitur enim *matricaria*, ob id quia muliebribus malis (quæ ex matrice prodeunt) efficacior ceteris habetur. Quando autem *absolutè artemisia* scribitur, de mitiori, scilicet de canaparia intelligitur. Sed ad matricè curandam, licet omnes proficiant, vtilior tamen (vt diximus) *matricaria* est. Et ipsa est accipienda.

*De Pimpinella.*

**P**impinella, siue pampinulla, herba est ita ferè cunctis viuentibus notissima, sicut & priscis fuit incognita. Abundè recentiores de ipsa loquuti sunt: tamen nullus ipsorum valuit apud quempiam priscorum inuenire. Vnde quasi omnes tenent hanc cum alijs pluribus veteribus fuisse incognitam. Quod quidem valdè mirandum est. Neque nos etiam hucusq; potuimus ipsam apud aliquem antiquorū capitulare. Sed omisis omnibus aliorum iudicijs, nos putamus vel ipsam propriè *saxifragiã*, vel speciem eius esse. Nam & in saxosis libenter crescit, & ad calculos in vesica frangendos valdè efficax est, vt pluries experti sumus. etenim cum plures sint *saxifragiæ* species, inter eas non est absonum & *pimpinellã* cõnumerare. A nonnullis etiã *sanguisorba* appellatur. Et à Pandectarario in litera f, *Fillum indicum*, *pimpinella* inter



interpretatur. Leonardus Fuchsius autem, fecit differentiam inter sanguisorbam, & pimpinellam, & utranque duplicem pinxit.

De Pentaphyllo.

**I**psum quippe est pentaphyllum, scilicet quinquefoliū quo uti-  
niur. Et non est tormentilla, nec heptaphyllum, nec apium ri-  
sus, neque fragaria, ut nonnulli ex iunioribus volunt. Non ob-  
stante etiam quod apud Plinium legatur quinquefolium gigne- *Quinque fo*  
re fragas. Quia potest esse quod ipse Plinius viderit aliquam *lium Plinij.*  
fragariam cum quinque folijs, quam putauit esse verum penta-  
phyllum: quoniam scimus virum quendam aliquādo vidisse fra-  
gariā pentaphyllum. Nam & nos multoties vidimus pentaphyl-  
lum in vno pediculo habere septē folia, ac etiam in aliquo tria.  
Sed hæc sunt monstra naturæ, de quibus non multum mirari de-  
bemus: quoniam nō solum in herbis & vegetabilibus natura est  
monstruosa, verum etiam & in animalibus, & sæpe in hominibus  
ostendit potentiam suam. Vnde exempli gratia: plures nanque  
cum viginquatuor digitis, scilicet sex pro qualibet manu, & toti-  
dem pro quolibet pede nascuntur. Nonnulli etiam cum maiori  
numero, ut proprijs oculis pluries vidimus Romæ vnum mendi-  
cum, qui in qualibet manu & quolibet pede septem digitos cum  
totidem vnguibus habebat: sed ita conexos ad inuicem, & cur-  
tos, quod nullomodo valebat exercere eos, ex quo mendicando  
viuebat. Aliqui autem cum minori numero quàm viginti nati  
sunt. Et aliqui cum duobus capitibus. Quod monstrum paucis  
antè annis visum est per Italiam, ac venit Romam. Et alia multa  
quæ nō scribimus. Dicat igitur Plinius quicquid velit, quod nū-  
quam verum pētaphyllum gignet fragas. Etenim hoc quinque-  
folium vsuale cognitum, omnes notas habet quas Dioscorides  
scribit. Solummodo quod de ramulis pertractat, videtur aliqua-  
tenus dissentire, scilicet quod ramuli pentaphylli in Italia, non  
dodrātales (ut ipse Dioscorides tradit) sed cubitales, & amplio-  
ris longitudinis super terram extenduntur. Et hoc non est tanti  
momenti, quod faciat ipsum non esse verum pētaphyllum. Quo-  
niam (ut aliās diximus, & Theophrastus testatur) alio cœlo &  
alia terra sæpius diuersificantur plantæ &c. Vnde non est dubiū  
quod habemus verum pentaphyllum: heptaphyllum autem, scili-  
cet septifolium, aliud est à pentaphyllo, & à tormentilla. Nam sti-  
pites heptaphylli non sternuntur super terram, sed eleuātur recti,  
ab vna radice plures. Et folia eius sunt maiora folijs quinque fo-  
lij, in quolibet pediculo septem. Et nascitur in montibus, & non

iuxta riuos aquarum, & secus vias, vt quinque folium &c.

*De Herba Violarum.*

**H**erba violarum propriè, est ipsa planta, quæ & mater violarum dicitur. Cunctis notissima est.

*De Herba Venti.*

*Coryledon.  
Vmbilicus  
veneris.*

**M**ultas nempe de herba venti inuenimus diffinitiones: ex quibus patet quòd herbæ venti plura sunt genera, seu differentia, vel (vt melius dicamus) herba venti est nomen commune ad plura. Vnde secūdum Simonem Ianuensem, Ioannem Manardum, & Barfaulum, herba venti est coryledon, scilicet vmbilicus veneris, siue terræ vmbilicus, qui & cymbalion, & cymbalaria, & scatuncellus, scatuncellum, & auricula petræ dicitur. Secūdum Ruellium autem, est anemone, scilicet fremij genus. Sed secundum Pandectarium, & Luminare Maius, qui faciunt duo herbæ venti genera, scilicet maius & minus, maius est parietaria, scilicet helxine, quæ & herba vitri, seu vitriola dicitur. Minus verò est consolida minor. Item secundū additiones in Pandectas herba venti, herba vincitoricum, & consolida minor, idem sunt. Igitur cum prædictarū herbarum, quæ sub nomine herbæ venti describuntur, aliquæ sint calidæ, & aliquæ frigidæ cōplexionis: quādo absolute in aliqua compositione, herba venti expetitur, non est sumendum quicquid ad manum venit: sed prius pharmaco diligenter examinato: quod competens iudicatur, illud administrari necesse est. Imò super huiusmodi & similibus semper cōsulendi sunt medici.

*De Pilosella.*

**A** pud vulgares quidem plures herbæ sunt, quæ pilosellæ vocantur, & ipsum etiam nomen vulgare est. A quadam maxima pilositate, quam habet, sic appellatæ sunt. Non enim apud antiquos tale reperitur herbæ nomen. Iuniores tantum de pilosella loquuntur: nec qualis sit, ipsi apertè demonstrant. Pandectarium dicit: quòd est herba habens folia satis alba, & pilosa, sicut chartafilago, & quòd est frigida, & sicca. In additionibus etiam nouis in fine Pandectarum, habetur capitulum de virtutibus pilosellæ: vbi deprauatè per x, piloxella legitur. Luminare Maius autem, super vnguento de vermibus Petri Argillatæ, scribens ipsam, subticuit formam eius, dicens: Pilosella herba est satis nota, nascens in locis lapidosis & siccis, cum folijs quæ expanduntur super faciem terræ, & super ipsa folia ha-

bet

bet pilos ab utroque latere, cum flore rubeo &c. Non defunt qui pilosellam auriculam muris nominant: quoniam est vnum genus pilosellæ, quod habet folia simillima auriculæ muris folijs. Sed Ruellius in suo de Stirpibus: capitulo de myosotide altera, scilicet de auricula muris: depingens aliquantulum ipsam pilosellam probat non esse muris auriculam, scilicet Dioscoridis myosotidam: quoniam pilosella (quam sic dicunt) habet flores luteos *Auricula muris non est pilosella.* Ruellius pilosellam non esse elatinen, quæ est helxine, scilicet parietariæ species: nec holosteum, ut nonnulli putauere &c. Aliud genus pilosellæ reperitur, quam etiam vulgares herbam lucciam nominant, quæ habet folia quasi triticea valde pilosa &c. Item est aliud genus, cuius folia sunt ampla, ut vola manus oblonga, & per ora duabus vel tribus paruis scissuris diuisa, pilosa valde, immo villosa, versus auribus colore atque forma, non ab similia: unde à nonnullis auricula versus dicitur. Et hæc in altissimis montibus & crepidinibus petrosis nascitur. Hanc quidem pilosellam primum *Auricula versus.* in citeriori Hispania cognouimus, scilicet in illo, qui Mons seratus vocatur. Omnes autem præfatas pilosellas cognoscimus. Sunt denique (ut aiunt) & aliæ herbæ pilosellæ vulgò dictæ, de quibus, quoniam adhuc nullam veram habemus cognitionem, non est opus de ipsis facere declarationem. Sed qualis prædictarum sit accipienda, pro ista mistura, ignoramus. Consulto ergo medicos, qui tali utuntur mistura, & ipsi vobis, dimidèdo forsitan, insinuabunt eam.

#### De Caulibus.

**M**ulta atque diuersa sunt caulium siue brassicarum genera, & species, ut olitores melius, quam medici, pro maiori parte cognoscunt. Et caulis quidem in innumeris plantis est. Sed non specificatè, de brassica, scilicet cræbe intelligitur: ob id, quia caulis, scilicet cima huius plantæ, inter omnes alias principatum obtinet. Unde est, quod tota brassicæ plânta caulis dicitur. In hac descriptione autè (ut plurimis legitur) caulis rubeus, ad differentiâ aliorum specificatur. Quoniam reperiuntur etiam & caules albi, & nigri, & crispi folij, & tyrsuti, & caputij &c. Caulis rubeus quidè non multùm differt à nigro, & sæpius conuertuntur in inuicem, ut olitores referunt. Nigri enim & albi, & crispi folij, & tyrsuti, atque caputij caules, noti sunt. Est namque & aliud brassicæ genus, quod ex Syria deferretur, & canabit, seu canauit vulgò dicitur. quod

*Caulis imperialis.* quodque à Pandectario, caulis imperialis vocatur. Et omnes isti caules in Italia hodie habentur, quorum vsus non est minimus, etiam & apud nobiles. Sunt præterea, & alia brasicarum genera, de quibus legitur apud diuerfos Authores, quæ breuitati studentes, omisimus. Legitote Hermolai Corollaria, & apud Ruelium de natura stirpium, & ceteros. Demum de brastica syluestri & rustica, & canina, quæ cynocrambe Græcè dicitur: & marina, quæ vulgò soldanella vocatur & de caule aquæ, qui nenuphar est, secundum Pandectarium, non expedit hîc facere declarationem. Absolutè autem cum scribuntur caules: semper de cõmunioribus notis intelliguntur.

De Canabe.

*Canabis absolutè.*

**V**T Dioscorides scribit, duplex est cannabum, vel cannabis siue canapishierba: scilicet syluatica, & satina. Satina autè notissima est: syluatica verò non ita cognoscitur. Sed si absolutè describitur, de satina intelligitur. De cuius semine etiam duplex oritur planta, scilicet altera sterilis, & altera fructifera. Syluestris autem planta communem similitudinè habet cum althææ & alceæ plantis. Ex cuius etiamnum cortice, sicut ex cortice satinae, funes fiunt. Legitur enim in aliquibus descriptionibus istius misticuræ, vt supra ostensum est, cannabis renatum, canapis renatæ, canabis senati, siue senationis &c. Deprauationes enim librariorum sunt: pro quibus intellige cannabem tenellam, scilicet folia, vel cimas ipsius plantæ. Sunt quoque & in ipsis descriptionibus aliæ plures literarum incorrectiones: vt sunt, Veteris, cimarum, rubi, cannæ, cannam, cammina, cuculi &c. De quibus omnibus vanum est prolongare sermone: quoniam clarè per se cognoscuntur quod sunt librariorum menda: vt exempli gratia: peo cuculi, nõ debet hîc intelligi panis cuculi, id est alleluia, & sic de singulis.

Vnguentum palmeum &c. CCCLXXXIII.

Vnguentum aliud palmeum &c. CCCLXXXIII.



**M**ULTA nempe de huiusmodi vnguetis supra scilicet in primo Diaphinicon vnguento, discernimus: propterea vide ibi. Hîc tamen notandum, quod in hoc ultimo vnguento palmeo per omnes excusiones Latinas, est vna non parua menda: videlicet vbi legitur, Pinguedinis porcinae depuratæ à sale 3. v. Valde etenim insufficiens est ista quantitas pinguedinis respectu quantitatis lithargyri, & vitrioli. Nam in quibusdam exemplaribus, &

& in vulgari æditione, ipsius pinguedinis lb. iij. habetur. Quod est minus malum. Sed in quibusdam alijs ex vetustioribus exemplaribus, non lb. iij. neque 3. v. sed lb. v. legitur: quod putamus rectius esse. Errore forsan (vt coniectamus) impressa fuit 3. pro lb. Et non putet quis quinquelibrarum quantitatem, esse superflua: quoniam maior iudicatur esse quantitas trium librarum olei, & duarum axunxiæ, quæ recipitur in primo vnguento palmeo, quàm quinq; librarum axungix in hoc vnguento, respectu olei ad axungiam, quæ est corpulentior oleo. Et similiter in vnguento Diaphinicon descriptione Arabica, sunt quinq; libræ ex oleo, & pinguedine. Item in vnguento diaphinicon primo, sex libræ recipiuntur, scilicet tres pinguedinis, & tres olei. Igitur si sex librarum quantitas, non est superflua, à fortiori quinq; librarum minimè erit. Non enim magis vnum, quàm aliud, istorum quatuor vnguentorū recipit de lithargyro & vitriolo. Ergo quinq; libræ sunt secundum veritatem ipsius pinguedinis recipiendæ in hoc vnguento, & non quinq; vnciæ.

*Vnguentū expertum ad scabiem &c. CCCLXXXV.*



VNQVAM experti fuimus hoc vnguentū, nec apud alios (vt sciamus) habetur in viū. A quibus autem sit expertū, nescimus. Inuenimus tamen in tribus exemplaribus præsentē descriptionem recipere mastichen in vno ana, cum oleo laurino, argento viuo &c. Quæ (vt nobis videtur) satis conuenit. Manardus quoq; præcipit, vt addatur: quod tam nobis, q̃ pluribus peritis viris nō displicet. Vnde rectius legatur sic, vt est in dictis exemplaribus: Olei laurini, argēti viui, cærx mūdæ, massici, thuris albi &c.

## DVODECIMA DISTINCTIO

### DE OLEIS.

*Est enim multiplex oleorum operatio &c.*

CCCLXXXVI.



NHAC nempe præfatione præsentis duodecimæ & vltimæ distinctionis, clarè denotat Author necessariam multiplicitatē, & varietatem oleorū, quas aggreditur: sed in processu, causa breuitatis (vt putamus) plura olea, tanquam notiora dimisit. Vt exempli gratia. Nō scribitur pr̃ ab eo modi faciendi oleum olearum, siue (vt maior) oliuarū: quam

quamuis ipse dicat quòd oleum de schino fit sicut oleum de oli-  
uis: & oleum completum, ex oliuis completis: & oleum rude, ex  
oliuis in maturis &c. Qui modi omnibus alijs erant præponen-  
di, ex eo maxime quòd oleum ab olea nomenclaturam sumpsisse  
creditur: & etiam quia ipsum oleum est basis siue fundamentum  
seu radix multorum oleorum compositorum, vt in processu pa-  
tebit. Vnde ad maiorem declarationem, post oleum de semine  
cucurbitæ, dicit: Ex multis autem seminibus olea fieri possunt:  
& habent virtutem seminum eorum, de quibus sermonem non  
ædimus &c. Item, dimisit aliqua rāquam medicinæ minus neces-  
saria: vt sunt olea chimistarum &c. pro quibus cognoscendis re-  
mittit lectorem ad chimistas, dicens: Tu autem &c. De his igitur,  
quæ per expressionem fiunt, incipiens hanc suam distinctionem.  
oleum de amygdalis dulcibus cæteris præposuit. Vnde sequitur,

<i>Oleum de Amygdalis dulcibus &amp;c.</i>	CCCLXXXVII.
<i>Oleum de Amygdalis amaris &amp;c.</i>	CCCLXXXVIII.
<i>Oleum de Nucibus, grossarum uentositatum est resolu- tuum.</i>	CCCLXXXIX.
<i>Oleum de Auellanis &amp;c.</i>	CCCXC.
<i>Oleum de Chrysomilis &amp;c.</i>	CCCXCI.
<i>Oleum de Persicis &amp;c.</i>	CCCXCII.
<i>Oleum de Ben &amp;c.</i>	CCCXCIII.
<i>Oleum de Cherua &amp;c.</i>	CCCXCIII.
<i>Oleum de Carthamo &amp;c.</i>	CCCXCV.
<i>Oleum de Nuce indica &amp;c.</i>	CCCXCVI.
<i>Oleum de Cerasis &amp;c.</i>	CCCXCVII.
<i>Oleum de Almahaleb &amp;c.</i>	CCCXCVIII.
<i>Oleum de Granis citri &amp;c.</i>	CCCXCIX.
<i>Oleum de Fisticis, &amp; Pineis &amp;c.</i>	CCCC.



NO nempe canone vniuersa hæc atque similia  
olea regulantur. Quiquidem canon siue regula,  
pro omnibus alijs in prima, scilicet olei de Amy-  
gdalis dulcibus descriptione: ab Authore satis cla-  
re describitur. Et ita sunt ipsi modi vbique in re-  
quentiori vsu, quòd nō oportet de eis facere declarationem. Igi-  
tur

tur simplicia, & cetera quæ minus peritis possint videri obscura, ad legentium vtilitatem, faciemus clara. Præterea non ignorandum, quod tam ex istis, quàm ex infrascriptis, quàm etiam ex alijs diuersis oleis, sunt descriptiones multæ, tam apud Græcos & Arabes, quàm apud Latinos Authores, quos sæpe citare superfluum est, Quærite igitur apud ipsos, & inuenietis.

De Zaynari.

**P**RO Zaynari autè, siue Zacharali, siue Zarinari, siue alteriusmodi barbarè, quod legitur in oleo amygdalorum dulcium & c. nil aliud potest intelligi, quàm torcular, siue prelû, siue aliud instrumentum aptum ad exprimendum oleum, & similia. De Amygdalis quære suprà.

De Nuce.

**N**Vx simpliciter & absolutè, semper intelligitur vsualis, de qua, vnà cum cæteris, quære in modo confectionis corticû nucum. Præterea magnopere admirati sumus de Ioanne Iacobo Manlio, qui grossè (vt ita loquamur) & pueriliter errauit in hoc oleo, declarans nucem grossam esse nucem vsualem. Imò nux *Nux grossa* grossa propriè, est nux Indica, quæ cunctis nucibus est grossio. Dis-  
cimus enim, quod pueriliter errauit in textu Authoris, scilicet legens oleum de nucibus, grossarum ventositatum est resolutiuum & c. intellegit oleum de nucibus grossis: vnde in suis declarationibus dixit: Nux grossa id est nux vsualis & c. Quod quidem nec in re, nec secundum literam est verum: quia Author non loquutus est hic de nucibus grossis, sed absolutè posuit de nucibus, pro quibus intelliguntur communes & vsuales. *Nux absoluta.*

De Auellana.

**A**Vellana quidem in Italia notissima est: quæ & nux auellana & nux Pontica dicitur: & vulgò Romæ nocchia vocatur. *Nux pontica*  
Sed in Regno Apuliæ, quasi per diminutionem à nuce, nucella ca. appellatur.

De Chrysomelis & Persicis.

**C**Hrysomela, vel chrysomila, siue chrysomiella, vel chrysomala, id est aurea nila, vel mala & c. eadè sunt, quæ præcoqua, siue præcocia, & armeniaca dicuntur. In generibus Persicorum connumerantur. Nam plura sunt Persicorum genera: sed per antonomasiam, Persica intelliguntur illa, quorum nuclei offeus cortex est durus, & asper, & nō planus, vt in armeniacis est. Multum enim differunt in folijs persica & armeniaca. Etenim persicorum folia sunt longa, amygdalinis folijs simillima: folia autem *chryso*

chrysomelorum sunt rotunda, vt pyrorum folia. Isidorus quidem tria tantum genera huiusmodi fecit, scilicet duracenum siue duracinum, armeniacum, & persicum. Hodie tamen multa plura habemus, vel natura, vel arte producta, quae breuitatis causa dimittimus.

De Ben.

**B**En per simplex e: non autem been, vt nonnulli codices impressi habent, & hic & alibi. Sed de eo satis diximus in confectioe de musco dulci. Vide ibi. Item scias quod hoc oleum, secundum Simonem Ianuensem, in litera Balanus, & in litera ben, est oleum muscellinum. Dioscorides in primo libro facit de eo cap. & vocat ipsum oleum balaninum: in cuius capitali sine dicit quod oleum carynum, scilicet de nuce iuglandae, hoc est de nuce vsuali, valet sicut oleum balaninum, hoc est de ben. Ergo in defectu olei de ben, licite possumus substituere oleum de nuce communi, & vsuali. Ceterum, en patet in his oleorum descriptionibus error quorundam iuniorum asserentium ben esse semen cataputiae scilicet cheruae: cum Author separatim ab oleo de ben, doceat facere oleum de cherua, quod immediate sequitur.

Da Cherua

**R**icinum, siue cicinum oleum (quod idem est) vocatur a Dioscoride hoc oleum de cherua. Cherua autem, siue kerua, est genus cataputiae. Cataputia autem duplex a Serapione notatur, scilicet maior & minor: & in duobus capitulis, videlicet 222. & 364. Et vtrunque genus habet plura nomina, vt mox videbimus. Author enim noster ipse etiam ponit cap. de vtraque cataputia, sub barbaro vocabulo. Hoc est, Albemesuch. Sed titulus eius a librariis (vt putamus) est vitiatum, scilicet quod vbi legitur: De albemesuch, id est cherua. Rectius legendum est: De Albemesuch, id est cataputia: vt in quibusdam exemplaribus antiquis adhuc clare legitur. Nam albemesuch est nomen commune ad vtraque cataputiam. Cherua autem est nomen speciale, quod pro cataputia maiori tantum ponitur. Minor enim non vocatur cherua. Author noster optime scripsit, ponens primum nomina communia siue generalia: videlicet albemesuch, & granum regum: postea descendit ad particularia, vnde de maiori scripsit. Et dicitur quod magnum est cherua. Cherua autem, siue albemesuch maius, siue granum regum magnum, scilicet cataputia maior, ubique cognoscitur, & idem est quod ricinum. Quod nomen sibi vendicauit, a similitudine quam habet semen ipsius cum ricino animali. Ricinum quippe animal proprie est illud quod vulgo cecca, siue ca dic

Cataputia  
duplex.

Ricinum ani-  
mal quod.



ca dicitur: quæ in auribus animalium, canū maximè, & boū, sanguinè fugens, pendet. Etenim quasi semigræcè. Nam hæc planta cici, seu cucum à Græcis vocatur. vt apud Dioscoridem quarto lib. *Cicum.* vbi etiā & alia plura nomina istius plantæ enumerat. Appellatur quoq; à nonnullis hæc planta, pentadactylus, & custos horti, & ab alijs alia sunt ei attributa nomina: vt heliotropia, girasolis, mira solis, spōsa solis, tolsequia &c. In Lusitania quidem arborefcit, & perdurat ad multos annos, vt proprijs oculis intus Eboram ciuitatem, in horto quorundam religiosorū, plures arbores huiusmodi plantæ vidimus: quarum truncum vix certè funiculus quatuor ferè palmorum sufficiebat cingere. Vocaturq; ab incolis loci, lingua eorum, fighiera del inferno. Quod Latine, ficus inferni est. Apud nos autem ante annum moritur. Porro cataputia minor, siue albemefuch minus, siue granum regum paruum, quod mendana, seu mendena Arabice dicitur, vt est apud Serapionē, à Græcis lathyrus appellatur, & inter tithymalorū genera connumeratur. *Lathyrus.* Vnde sunt qui tithymalū, siue lactariam herbam nominant. Dioscorides enim Author est. Sed à vulgaribus, & mulierculis Romæ, tam maior quàm minor Scardapucza vocatur: quasi cataputia, corrupto vocabulo. Etenim cataputiæ dicuntur: quoniam femina ipfarū ad aluum soluendam, tanquam pilulæ deurentur. Pilulæ enim Græce catapotia, seu cataputia nuncupantur. De vtriusq; igitur cataputiæ semine, vno & eodem modo extrahitur oleum: vt ipse Author noster in præfato cap. de albemefuch scripsit. Hic autem de cherua tantum, scilicet de maiori loquitur. Ambæ sanè vulgaris notitiæ sunt: quoniā sæpe in hortis, & iuxta domorū parietes, in suburbanis nascuntur. Præterea non parum admirati sumus de Brataulo viro nostra ætate famosissimo, qui dicit interpretē Serapionis errasse, interpretando cheruam esse cataputiam maiorem: nec talem aliunde probat errorem. *Quin Brasauli error.* ipsum magis deceptum putamus, dicentem cataputiam maiorem esse primā speciem tithymali, quæ characias Græcè dicitur. Et secundum ipsius verba, præter calumniam in Serapionis interpretem, duplicem ipse commisit errorem. Primò errauit, quia minorem cataputiam, pro maiori accepit. Nam vt à pluribus viris audiuius, eadem planta est herba dalle carpanede apud Ferrarienses, quæ apud Romanos scardapucza minor. Enimvero talis planta nō ignoratur, & (vt videre licet) ad amussim est mendana Serapionis, scilicet cataputia minor. Secundò errauit: quia talis herba apud Dioscoridem non characias (vt ipse vult) sed est

lathyrus, ut legenti Serapionem, & Dioscoridi conferenti, non est dubium. Etenim Serapio facit tria capitula correspondentia tribus cap. Dioscoridis, videlicet capitulum de kerua, scilicet et de cataputia maiori, quod respondet capitulo Dioscoridis de ricino, scilicet de cico. Et cap. de cataputia minori, quod incipit, Médana: quod quasi de verbo ad verbum, correspondet capitulo de lathyrus ipsius Dioscoridis. Et cap. de tithymalis, ubi ab ipso Serapione, velut etiam à Dioscoride, prima species characias dicta describitur. Non obstante quod in Serapione ibi barbarè Caritias, pro characias legatur. Præterea si apud ipsum Brasaulum præfata herba dallecar panede, erit maior cataputia, minor ergo qualis est, cuius ipse non meminit? Nam scribentem maiorem, non decuit tacere minorem. Maioritas enim non tribuitur uni, nisi respectu minoritatis alterius &c. Et quod sint due cataputiae, non solum per Serap. cuius interpretes habetur ipsi Brasaulo suspectus, verumetiam & per Auerroem & alios plures probatur. Ait namque Auerrois in quinto Colliget scribès de vna, scilicet de maiori: Halberea, id est cataputia &c. Et infra pro médana (quæ est cataputia minor) Magdeene scripsit, dicès. Magdeene, id est cataputia &c. Causa breuitatis dimittimus iuniores, qui de vtraque cataputia loquuntur. Ut sunt, Simon Ianuésis, Pædectarius, Luninare Maius, Ruellius, & ceteri. Igitur pro conclusione, cataputia maior est cherua, & est cicum Diosc. Et minor est lathyrus, & non cherua, neque Diosc. characias.

*De Carthamo.*

**D**Vum generum ab omnibus carthamus describitur, scilicet carthamus domesticus & sylvestris. Author noster in suo cap. eligit domesticum tantum, dicens: Electio. carthamus, de quo loquimur, est domesticus. Quasi dicat: quicquid scribimus de carthamo, de domestico intelligimus. Vnde & hoc oleum de domestico intelligi debet. Carthamus domesticus autem, siue carthamum: Cnecus, & Cnecum, siue Cnicus, siue (ut maius) Gnicus dicitur: ut Dioscorides quarto libro scribit. Ex nostris verò alij crocum hortulanum, alij Zaffranum sylvestre, alij Zaffranum fatuum, siue Zaffranum fatuorum nominant. Auerrois in quinto Colliget Elcratis, & semen de papaga vocat. Ait enim Elcratis, alias carthamum, id est semen de papaga &c. Papaga propriè est illa avis, quæ vulgò papagallus nuncupatur: Latine autem psittacus. Quasi dicat Auerrois, quod est semen quod psittacilibenter comedunt. Non enim est incognita herba hæc: in hortis feritur, & inter aculeatas connumeratur. Sed Cnecum sylvestre, siue

*Papag. 1. vel  
Papagallus.*

sive carthamus sylvestris, spinosior est domestico: vt veritas in re ipsa probari potest. Quamuis Theophrastus quarto capitulo, libri sexti, de historia plantarum, teneat contrarium: vbi & de Cneco sylvestri, scilicet carthamo sylvestri duo genera posuit. Vocatur autem carthamus sylvestris à nonnullis colus rustica: quoniam prisca mulieres pro colo, tali utebantur planta. Vnde putamus, quòd à Cneco, vulgò vsq; hodie, pluribus in locis colus sceminarũ corrupto vocabulo dicatur conochia: quasi cnochia, pro cneca. Dicitur etiam & ab alijs susus agrestis. A Dioscoride autem attractylis vocatur. Vbiq; nascitur, ex quo minime igno- *Attractylis.* ratur. Sed animaduertendum quòd apud Serapionem, sub nomine carthami, duo scribuntur capitula, scilicet 126. quod incipit: Cartamum, id est churtal &c. quod cap. vt patet legenti & Dioscoridi conferenti, est cap. ipsius Dioscoridis de bromo, quod videlicet est in secundo libro: quoniam quarto libro est aliud capitulum de bromo, quod apud Serapionem non legitur. Etiam non ignorandum quòd capitula Dioscoridis de bromo, videlicet tam secundi, quàm quarti libri, non sunt de auena, vt nonnulli putant: quia cap. de auena, quod concordat cum 25. capitulo Serapionis de auena, est capitulum de ægilope, quod est in quarto libro ante cap. de bromo. Aegilops igitur est auena: bromus *Bromus.* autem est herba auenæ similis: vnde à similitudine nonnulli etiam bromum, auenam nuncuparunt. Aliud autem cap. Serapionis, videlicet 202. quod incipit: Kartam, id est carthamus, est ex eo sylvestris & domesticus &c. est verum & proprium cap. de utroque Cneco: vt legenti non est dubiũ. Item sciendum etiam, quòd Auienna facit cap. de carthamo, & separatim ponit aliud cap. de croco hortulano: sed an apud ipsum sit aliud crocum hortulanum, à carthamo, nescimus. Nobis tamen videtur idem esse.

#### De Cerasis

**C**erasia, vel cerasa vbiq; per Italiam cognoscuntur, & sunt plura ipsorum genera. Vnde libro 15. Plinius octo enumerat. Ex quo inter ea connumerantur & amarena, scilicet illa cerasia acris, quæ vulgò Romæ viscioli nuncupantur, quorũ etiam plures habentur species. Cerasi etenim sunt huiuscemodi naturæ, quòd post cunctas ferè arbores florent, & de prioribus sunt quæ fructũ ad maturatiõem perducunt. Reperiuntur etiam & cerasi sylvestres, sed non sic passim vt vrbana nascuntur. In partibus Apulix plures arbores vidimus, quæ ab incolis loci, neræ vocantur, quarum fructus non est almahaleb, vt naos patebit. Est enim

fructus nerae minor, atq; nigrior cerasio domestico, & foliū rotū  
dius, & minus, ac solidius. In caudice autē & ceteris partibus, nō  
differt nera à ceraso. Et tam cerasus, quā amareneus inseritur in  
nera, & optimē fit. Producit & gūni nera affluēter, vt cerasus &c.

De *Almahaleb, siue Mahaleb.*

**M**Ahaleb, siue mahalep, vel machaleb, vel machabel, vel alte-  
riusmodi barbare: vel cum al in principio, almahaleb &c.  
idem arbutum est apud Arabes quod apud Græcos phyllirea, vt  
patet conferendo cap. Serap. de mahaleb cum cap. Diosc. de phyl-  
lirea. Quod cap. apud ipsum Diosc. est in primo lib. immediatē  
post cap. de cypro, scilicet deligustro. Quod cap. de phyllirea mi-  
nime potest esse cap. de tilia, vt Hermolaus, Ruellius, & Marcel-  
lus interpretati sunt, & fere omnes iuniores tenent. Quoniam (vt  
scitur) Tilia est arbor vaitæ magnitudinis: vnde Theophrastus  
quinti de historia plantarum, cap. 8. sic dicit: Tilia foris nauium  
longarum, & archarum, mensarumq; fabricæ expetenda est. Ex  
quo non potest comparari ad cyprū. Nec tilia folia assimulantur  
folijs oliuæ, quæ non ignorantur hederacea esse: sicuti etiā dictus  
Theophrastus tertij de historia plantarum, cap. x. testatur. Et cæ-  
tera quæ breuitati studentes omittimus. Nec in antiqua transla-  
tione illud cap. loquitur de Tilia. A vocabulorum propinquitate  
eos allucinatos esse putamus. Tilia enim Græcè, nō phyllirea:  
sed *φύλλα* dicitur. Phyllirea proprie quid Latine significet ad-  
huc nescimus. Arabice autem (vt diximus) est mahaleb: de quo  
& Serapio, & Auicenna, & Rhafis, & alij plures Arabicæ linguæ  
scriptores pertractarunt. Mahaleb autem arbuscula in Syria no-  
tissima est, & vsq; hodie ibidem vulgō mahaleb vocatur. Quæ  
(vt icauerimus) non reperitur in Italia. Est enim spinosa, & folia  
eius sunt similia folijs oliuæ, & fert grana quasi racematim in ra-  
mis, vt lentiscus, paulo grossiora tamen. E quibus Syrii exprimūt  
oleum valde odoriferum, ex quo conficiunt saponēs olfactu sua-  
ves, & alia plura. Quæ grana etiā mahaleb vocantur: vnde Bel-  
lunenſis in suis interpretationibus dicit: Mahaleb est granum no-  
tum in Syria. Et nos habuimus de ramis eius, mediante quodam  
fratre nostri ordinis, qui nuper venit ex illis partibus &c. Ergo  
mahaleb non sunt fructus cerasi sylvestris, vt fere omnes iuniores  
allucinates interpretati sunt. Fortasse quia cū immediatē post  
oleum de cerasis, Author posuerit oleū almahaleb, & in eius de-  
scriptione dixerit, Oleum de almahaleb fortius est in omni re,  
quā oleum de cerasis &c. ipsi de facili errauerunt, putantes ma-  
haleb

haleb esse cerasia syluestria. Sed reuera satis differunt inter se cerasia syluestria, & mahaleb. Ex quibus patet, quòd oleū de almahaleb non est oleum de cerasis syluestribus.

*De Seminibus citri & citrarguli.*

**H**uiusmodi grana, siue semina, ex maturis citriorum & citrangulorum pomis accipienda sunt. Imatura enim semina, & fructus, parū aut nihil habent de oleo. Pari ratione etiā potest fieri oleū ex seminibus limonum, & similium. Et quodlibet ipsorū equipollet supradictis. Vnde potest fieri ex omnibus, & singulis, tam coniunctum, quā diuisum, sicut vnicuique placet.

*De Pistaciis & Pineis.*

**P**isticum idem est quod pistachium, siue pistacium. In Syria plurimum nascitur. Et in Italia satum crescit, & fructificat: quoniam Venetijs vidimus arborem non minimam, cum fructu. Folia fert terebintho simillima & c. Pinei nuclei non ignorantur. Et ideo Author copulauit ista: quoniam eiusdem virtutis sunt ambo. Nam & Dioscorides cap. de pistacijs testatur nucleis pineis similia esse pistacia, supple forma & virtute. Vnde alterum pro altero potest substitui.

*Oleum Laurinum & c.*

CCCCI.

*Oleū de granis uirgaibus, & est albotum & c.*

CCCCII.

*Oleum de Schino & c.*

CCCCIII.



**ONIT** Author in horum prima oleorum descriptione pro omnibus similibus, alium modum exprimendi oleum. Veruntamen nos scimus meliorem modum, pro oleo laurino, quā is qui assignatur. Quo quidem copiosius oleum exprimitur, & clarius, atq; odoratus, & per consequens melius. Qui modus certe facilius adificitur operatione, quā lectione. At ramen subscribimus ipsum clariori modo quo possumus, ut vel saltem ingeniosi percipiant. Ponantur igitur bacca mature, omniq; sorde optime purgate & integra, in caldario, cum sufficienti aqua supra ignem, & bulliat aqua vsq; ad perfectam baccarum coctionē: & sic calide mittantur in aliquo sacculo nouo, mundo, & non raro, ita quod sacculus sit minus quā semiplenus ipsis baccis percoctis. Postea ligetur os sacculi, & cum aliquo forti baculo grosso quantum manus capere potest, cubitalem longitudinem vel circa, plus vel minus habente, exerce te sic: videlicet, Extensum sacculum super tabulam decliuem ex vna

parte, sub qua sit vas ad recipiendum oleum, stantibus baccis per totū vsque ad os sacculi, dicto baculo ad os ipsius baculi aliquo modo ex vna extramitatum inuoluto, seu ligato: malassa, seu malacilla, siue subagitando subige, dextrè voluendo, & exprimēdo fortiter, & citò. Superinfundendo quandoque aquam calidam, vsquequo videas totum oleum effluxisse in vas. Deinde collige quod supernatat, & serua. Eodem modo etiam potest fieri de granis viridibus, & granis lentis, & sinilibus. Tamen in Apulia & alijs locis, extrahitur oleum ex femine lentis, sicut ex oliuis. De Baccis autem siue granis lauri, satis dictum est in emplastro de granis lauri.

*De Granis viridibus.*

**G**Rana viridia, teste Auicēna, atque Serapione, sunt fructus Arboris albotin, id est terebinthi: de quibus lege in Isopi cetero descriptione Galeni, & in eo quod hic subsequitur de schino. Fraterca Bellunensis in suis interpretationibus etiam sic scribit: Granum viride est fructus arboris nominatæ albotin apud Arabes: apud Latinos verò terebinthus, ex qua colligitur gummi terebinthinæ, seu terebinthinæ veræ, quod apud Arabes vocatur gummi albotin. Et infra dicit: grana alcadra sunt grana virida, quæ sunt fructus terebinthi. Hæc ille. Vnde &c.

*De Schino, seu barbaræ de Stincho.*

**S**Tinchus, siue stincus, hoc in loco, non est animal, vt Luminaire Maius credidit. Sed secundum veritatem, est lentiscus. Nam (vt verè coniectamus) corruptum est vocabulum, & vbi legitur oleum de stincho: rectius legendum est oleum de schino. Schinos enim Græcè, lentiscus est latinè. Et certè rectè Author post oleū de granis terebinthi, posuit oleum de schino, scilicet de lentisco: quod falsò titulatur de stincho: quia vnius generis sunt ambo: vt per Serapionem cap. de terebintho probatur. Ait enim: Barò, vel boton, id est arbor grani viridis: & est botin, id est terebinthus. Albotin secundum medicos, est duarum specierum, scilicet domestica & sylvestris: & domestica est botin secundum veritatem, & fructus eius est granum viride. Et sylvestris est lentiscus, & amba habent gummi. Hæc Serapio. Ergo oleum de stincho non est oleū de animali. Quia si stinchus hic accipitur pro animali: quomodo bene sequitur quod dicit Author: hoc est, Et sit sicut oleū de lauro: vel de oliuis? Igitur de schino, scilicet de lentisco intellige. De stinco animali, siue rectius de scinco, in superioribus dictum est. De lentisco etiam require supra.

Oleum



O C E T nos Author præsens oleum, tribus parare modis, qui modi nobis carentibus balsami plantis, nihil aut satis parū proficere possunt. Parum diximus: quia aliquando possunt esse viles ad cognoscendū ipsum balsami oleum, videlicet quali modo ex tribus paratum sit, eū ad manus venerit &c. O- *Balsamum.* pobalsamum Græcè dicitur. Balsamum propriè planta est, licet quandoque pro ipso balsami oleo vsurpetur. Etenim his notis secundum Dioscoridē cognoscitur verum à falsò. Fustum in pannum laneum, non facit (sicut cætera olea faciunt) n. aculas; neque si postea eluatur, notam reliquit in panno. Item in lacte instillatum, coagulat ipsum. Et tam in lacte, quàm in aqua celerrimè liquatur. Sed & in aqua lactescit, quod in lacte comprehendi non potest. Adulteratum verò, aut pseudo opobalsamū, nullum horum facere potest: At verò quia opobalsamum non habetur, videtur nobis non incongruè esse hoc in loco, vt subscribamus opiniones Doctorum declarantium quid pro eo æquiualens cõpensari liceat, in antidotorum compositionibus commiscendum. In primis, videlicet Paulus in fine septimi libri. Pro balsami liquore, stillatitia myrrha, scilicet myrrha liquida, quæ fracte dicitur. *Myrrha li-*  
*quida quid,*  
Legitur etiam ibi, pro opobalsamo liquor myrti. Sed putamus *& pro quo*  
esse mendam in codice: & rectius liquor myrrhæ legēdum, quàm *sumatur.*  
liquor myrti. Auicenna in secundo cañ. cap. de oleo. Ponitur loco olei balsami, myrrha liquida, aut æquale pondus olei adedhij, seu aldadi, vel dadi, vt Bellunenſis traduxit. Rhafis in calce antidotarij separati, scilicet in oleo benedicto, quod est oleum de *Oleum be-*  
*neditum.*  
laxeribus. Valet (inquit) sicut oleum balsami, sed est subtilius, & calidius, & maioris vtilitatis, in ægritudinibus frigidis. Guillelmus de Saliceto Placentinus in quinto suæ practicæ, cap. de oleis, ait: Oleum quod ponitur loco balsami, sic fit: Recipe carpobalsami, myrrhæ, nucis indæ, ana ʒ. s. hypericonis ʒ. iij. Terantur omnia grosso modo, & dimittantur in ʒ. iij. olei veteris, vsque ad mēses sex, & reseruetur. Item aliud quod ponitur loco balsami, & est nobilius illo, sic fit: Recipe olei lb. i. s. myrrhæ, xylobalsami, opopanax, bdellij, aloës, carpobalsami, ammoniaci, serapini, nucis indæ, hypericonis, macis, gummi arabici, thuris, tragacanthi, ana ʒ. i. la-  
teris triti quem nunquam aqua tetigerit, igniti, & in oleo cõmuni extincti ʒ. iij. terebinthinæ mūdæ & claræ ʒ. vij. Terantur om-

nia, & malassentur ad inuicem in mortario, & ponantur in vase alembici, & distillantur hæc vt aqua rosata, & hoc erit illud quod diximus. Valet ad vitium lapidis, cum ponitur in medicinis lapidis: & applanat durities, & cicatrizationes, & ponitur loco balsami in omni re. Item aliud oleum quod ponitur loco balsami, sic fit: Recipe myrrhæ, carpobalsami, nucis indicæ, ana ʒ. s. hypericonis ʒ. j. Terantur grosso modo, & misceantur cum ʒ. v. olei, & ʒ. j. s. terebinthinæ, & in fine addantur grana v. musci, & grana triambra, & ʒ. j. olei de lateribus, & distilletur vt supra. Hoc enim loco balsami potest poni in omni loco: facit enim operationes vt balsamum. Hæc Guillelmus. Bartholomæus Montagnana in suo antidotario, cap. i. quod est de vnguentis, post medium. Ad balsamum faciendum: Recipe terebinthinæ lb. j. thuris albi ʒ. iiii. gumi elemi ʒ. vj. baccarū lauri ʒ. iiii. masticis galangæ, & garyophyllorum, cinnamomi, zedoariæ, nucis muscatæ, cubebæ, ligni aloës bene triti, ana ʒ. j. omnia simul mista ponantur ad distillandum. Primò cum lēto igne, & prima, quæ venit, aqua, dicitur aqua balsami. Secundò superadde ignē, & iterū pone aliā aquam per se in vase. Et sic fac ter. Tūc veniet balsamus in omni probatione. Sed quanto plus distillatus fuerit, tāto erit fortior. Serua in vase bene obrato. Hæc Bartholomæus. Petrus Apponus, aliàs de Abano, in sua additione, in librū filij Mesuæ: videlicet in sermone de vñctionibus. Modus cōfectionis est: Recipe myrrhæ electæ, aloës epaticæ spicæ nardi, sanguinis draconis, thuris, mumix, opopanax, bdellij, carpobalsami, ammoniaci, serapini, croci, masticis, gumi arabici, storacis liquidæ, ana ʒ. ij. laudani electi, siue castorei ʒ. ij. s. musci ʒ. s. terebinthinæ ad pondus singularum rerum. Pulueriza puluerizanda, & misce omnia hæc cum terebinthina, & pone hoc totū in alembico, & ingeniosè distilla. Est enim ars, sicut de aqua rosarum. Liquorem autem per sublimationem distillatū, suscipe in vase vitreo forti: vicinatur enim balsamo. Hæc Petrus. Sed animaduertendum quòd hanc descriptionem posuimus sicut inuenimus in pluribus exēplaribus manuscriptis: quoniam in impressionibus, & in Luminari maiori sunt plura menda. Et præsertim notabilia sunt. Primū, vbi in ipsis impressionibus legitur, sarcocollæ: in exemplaribus est serapini. Et ana quod sequitur, est ʒ. ij. & non ʒ. ij. Item, vbi per impressiones legitur laudani electi, succi castorei ʒ. ij. s. in exēplaribus legitur aperte sic: Laudani electi, siue castorei ʒ. ij. s. Luminare Maius autē declarauit quòd illud succi, legendum est, sicci. Veruntamē nec succi,



ci, nec sicci, secundum veritatem inuenimus: sed est disiunctiua siue: quoniam Author non vult ambo illa: sed alterum ipsorum tantum: & veritas rei probatur, cum sequitur 3. ij. s. sine ana. In nullo nempe exemplarium, neque in quauis impressione legitur ibi ana, quod in sua descriptione ipsum Luminare addidit. Cetera patebunt legenti, & conferenti cum alijs. Item, in tractatu quid pro quo, qui imprimitur in libris filij Mesue, legitur quod probalifano, terebinthina distillata, vel oleum laurinum, vel gummi hederæ ponitur. In his igitur, & alijs pluribus, quæ loco opobalsami possunt substitui, nullus præsumere debet, nisi de consilio peritissimorum doctorum.

<i>Oleum de granis sesami &amp;c.</i>	CCCCV.
<i>Oleum de semine lini &amp;c.</i>	CCCCVI.
<i>Oleum de granis papaueris &amp;c.</i>	CCCCVII.
<i>Oleum de semine Lactucæ &amp;c.</i>	CCCCVIII.
<i>Oleum de semine Cucurbitæ, Citrulli, Cucumeris, &amp; Melonis &amp;c.</i>	CCCCIX.



IV ERSI enim modi à supradictis, extrahendi oleum ex seminibus & granis notantur ab Authore in prima istarum descriptionum, pro reliquis & similibus, qui clari sunt.

*De Sesamo, seu Sisamo.*

Sesamum potius, quàm sisamum, à peritis viris dicitur. In Italia hodie, quasi perijt memoria huius seminis. Olim verò, teste Plinio & Columella, plurimum ferebatur. In Syria autem frequentissimè habetur: vnde ad nos (quamuis raro) aduehitur. Arabicè autem semsem dicitur: vt est apud Serapionem, & in interpretationibus Bellunenfis. Syrii quidem vtuntur eius oleo, & in lucernis, & in cibis: sed in cibis, non nisi prius decocto, quod decoquant, vt remoueatur ab eo quidam fætor, & fiat dulcius. Et nota quod secundum Authorem nostrum, hoc oleum in omnibus valet, sicut oleum oliuarum completum, & quandoque etiam prout rudi ponitur, vt in oleo violato legitur, scilicet quod potest fieri cum oleo rudi, aut amygdalino, aut sesamino. Et quod valeat sicut oleum completum oliuarum, probatur in descriptione olei rosati, & alijs pluribus, in quibus præcipit Author, vt accipiatur oleum oliuarum, aut oleum sesaminum. Imò vt plurimum hoc oleo sesami in medicamentis utebantur antiqui. Vt manifestat

Author, cum dicit, in ipsius descriptione: Est materia aliorum oleorum multorum. Et melius dicitur in oleo alasech. De reliquis autem seminibus, & similibus ut sunt semina melanthii, nasturtii, hyoscyami &c. non est dubium, quod per modos praefatos de singulis potest exprimi oleum: & habet virtutem ipsorum seminum, & fructuum &c. ut ipse Author noster testatur in fine istius ultime descriptionis, cum dicit: Ex multis autem seminibus olea fieri possunt &c.

*De alrachine.*

**E**st in praefatorum modorum lectione unum barbarum vocabulum, quod est, secundum impressiones, Alrachine, vel Altachine. Secundum antiqua exemplaria autem, unumquodque volumen habet suam diuersam ab ceteris vocem. Vnde ex ipsis est liber, qui Alcharie, & est qui arahine. & est qui alcharais, & qui alchol, vel alchoim &c. aliter & aliter singuli libri habent. Cuius vocabuli declarationem, praeter Manardum, apud neminem legimus. Manardus igitur fit inquit: Credo debere fieri veluti panes: vel quod non fiat perfecta molitura. Nobis autem potius farinam subtilem, seu pastones placet interpretari. Tamen vel hoc vel illud, vel aliud significet, res parui momenti est. Unum quippe certum est, scilicet quod molenda sunt ipsa grana.

*Fiunt autem olea per impressionem &c. CCCCX.*



**H**INC aggreditur Author secundam particulam huius distinctionis, quae est de oleis, quae diuersimodè per impressionem fiunt. Et de his non omnia, sed multa tanquam magis necessaria subscribit: ut ipse aperte testatur in fine praesentis rubricae, dicens: Et modi oleorum huius preparationis diuersi sunt. Et nos harum diuersitatum modos multos trademus, si Deus voluerit. Vnde ab oleo rosato incipit, cuius operationis quatuor ab eo assignantur modi.

*Oleum rosatum completum &c. CCCCXI.*



**P**ONIT Author hic (ut diximus) quatuor modos parandi oleum rosatum: sed secundum veritatem sunt octes diuersitates: quoniam quilibet ipsorum quatuor modorum dupliciter fit, ut clarè habetur in textu. Scilicet fit cum oleo oliuarum completarum in sua maturatioe, & cum rosis perfectè maturatis. Et per hanc operationem quodlibet ipsorum quatuor modorum, dicitur oleum,

oleum rosatum completum. Fit etiam cum oleo de oliuis immaturis (quod ab Authore nostro vocatur oleum rude: à Græcis autem *Oleū rude.* tem & cæteris oleū omphacinū dicitur) & cum rosis, quæ nō iam referarunt nodos suos, scilicet quæ nondum floruerunt, quæ quidem acerbæ possunt dici. Et per huiusmodi factionem appellatur oleum rosatū omphacinū, siue incompletū. Et sic sunt quatuor modi olei completi, & quatuor rudis. Non obstante quòd tertius modus fiat cum amygdalis, & oleo amygdalino, quibus non competunt ruditas, & completio: quia similiter potest fieri dupliciter, sicut alij, scilicet cum rosis completis & incompletis. Verūtamen, ut dicit Author, sunt simpliciter quatuor modi: quia vno & eodem modo quo fit completum, fit etiam & rude oleum. Ex quibus quatuor, primus tantum tam pro rudi quàm pro completo ab optimis pharmacopœis frequentatur modus. Ab optimis diximus: quia maior pars aromatariorum utitur primo modo Rhafis: vel (ut melius dicamus) Pauli: qui modus est per insolationem simpliciter. Vnde leuissimus & pauca virtutis indicatur esse, respectu istius nostri authoris. Nam Rhafis in antidotario separato, ponit tres modos, diuersos tamen ab istis filij Mesuæ, qui videlicet sunt isti. Primus: Accipe olei oliuæ loti lb. j. & pone in vase vitreato, & pone in eo quartam partem rosarum viridium, & oppila caput vasis, & suspende ad solem per tres dies (hic putamus esse mendam in codice) postea cola, & in vitro reponere: & ista modus est melior omnibus alijs. Secundus modus: Accipe oleum & rosas in eadem quantitate prædicta, & suspende in puteum ita quòd tagatur ab aqua, & dimitte sic per duos menses, deinde cola & reserua. Tertius modus: fume oleum & rosas in eadem quantitate, & pone in vase vitreo, intus melle illinito, & oppila caput vasis, & summitte in profundo terræ, in loco ubi nō tagatur ab aqua, nec alia humiditate, & dimitte sic per duos menses. Et oleum sic factum magis acquirit odorem à rosis, quàm prima olea. Hæc Rhafis. Paulus Aegineta autem, quasi ut Rhafis dicit, breuibus tamen verbis, & exponit soli quadraginta diebus, non tribus. Ait enim cap. 20. septimi libri: Rosacei (supple olei) confectio. Rosarum rubrarum, detractis vnguibus, refrigeratarum die nocteq; vna, vnciæ tres: olei omphacini sextarius, vna diligenter constricta, ne perspirèt, insolabis sub dio, diebus 40. atq; sic repones, nō in pavimento, sed assere. Aliqui verò vicem insolatus, in puteū vnam diebus 40. mittunt, ut ex frigiditate odoris gratia conseruetur. Alij verò ipsam sub terra defodiunt. Hæc Pau

Paulus. Et nota quòd Auicenna in secundo cañ. cap. de oliuis: bis dicit, quòd oleum de oliuis syluestribus, valet sicut oleum rosarū in multis intentionibus. Item sciendū quòd in primo modo olei rosati Authoris nostri per omnes impressiões legitur mendosē: Et projice super illud, aquae infusionis rosarū, quam tradidimus in cap. de syrups: sicut quantitas olei. Vbi reuera non solum est deprauatus sensus literarū, sed nec est bona latinitas. Rectius igitur legendum est: sicut, quartam olei: vt est in omnibus antiquis exemplaribus: & non sicut quantitas olei. Non enim ponitur de infusione rosarum tantum quantum est oleum, sed quantum est quarta pars ipsius olei, secundum veram literam. Quamuis non tenemus esse malum, si ponatur plus quā quarta. Præterea si

*Oleū quare  
lauetur.*

quærat: quare vult Author, vt lauetur oleū, pro faciendo oleo rosato, vel simili? Respondetur: Vt ab eo minuatur caliditas. Quoniam ait Auicenna in præallegato capitulo de oliuis: Oleū de oliuis vltimæ maturis, est calidum commensuratē, & declinat ad humiditatem: quod si lauetur, est temperatum in humiditate, & siccitate, & minus calidum. Hæc Auicenna. Igitur &c.

*Oleum Chamæmillinum, & est oleum benedictum.* CCCCXII.

*Oleū benedictum.*



**R**HASIS vocat benedictum, oleum de lateribus: sed Author noster, etiam & istud chamymillinū, & oleum nardinum, & alia plura: Ergo cætera sunt maledicta? Absit. Sed aliqua dicuntur benedicta, propter multorū iuamentorū experiētiam in ipsis inuentam. Vnde in oleo Philosophorum dicit Author, quòd alij oleū sapiētiae, alij benedictum, alij diuinū, alij verò sanctum dixerunt. Præcipitur nempe à Paulo fieri oleum chamæmillinum per insolationem: vultq; vt perspiret, dum insolatur.

*De Chamomilla, seu chamemilla.*

*Anthemis.*

**C**Hamæmalum, seu chamæmelum rectius: tamen chamomilla, sine camomila, & chamemilla etiam dicitur. Græcis Anthemis est. Et Arabes Eabunegi, seu Debonigi vocant. Herba trium generum est, secundum communem Doctorū opinionem: verum tamen hodie duo eius genera penitus ignorantur ab Italis. Vnum autem genus, quo vtimur, est primum positum à Dioscoride, quod est notissimum. At in Italia planta ipsius, non dodrāntalis (vt Dioscorides scripsit) sed cubitalis est. Porro vidimus in Hispanijs chamemillam, non excedentem palmi altitudinem, haben

habentem tamen flores nostratibus maiores. Vocantq; patrio nomine manzanillam, quasi macianillam: quoniam vulgares Hispani mala maciana, manzanas nuncupant. Vnde manzanilla idem significat, quod chamæmalum &c. Est etiamnum & alia herba, cotula dicta, chamæmilla ita simillima quod non nisi odore fecernitur altera ab altera. Nā chamæmilla odorata est, bonū habens odorem: cotula autem valde foetet: vnde à pluribus cotula foetida appellatur. Reperitur quoque & alia cotula, quæ nō *Cotula* ita male olet, nec est odorata vt chamæmilla, de qua Serapio cap. facit. Et est buphthalmos, id est bouis oculus: vt patet legenti, & Dioscoridi conferenti. Cū simpliciter autē legitur, chamæmilla: de flore intelligi debet. Et potest etiā fieri oleum chamæmillinū cū chamæmilla sicca. Vt Paulus in oleo anethino scriptū reliquit.

*Oleum violatum &c.* CCCCXII.



**L**ST NANQVE per omnes impressiones in præsentī descriptione vna menda: videlicet vbi legitur, debet fieri cum oleo viridi. Lege rudi: vt sit in omnibus exemplaribus, ac etiā & in vulgari editione: & non viridi. Præterea sciendū quod oleū de nenuphare, valet sicut oleū violatū: vt Author noster infra docet. Vnde recte possumus altero pro altero vti. Imò Serap. cap. de nenuphare, auctoritate Albē mesuai dicit, nenuphar esse fortioris operationis, quā viola. Et auctoritate Rhafis, Oleum nenupharum est tortius oleo violaceo. Item Hali Abbas in secundo practica, cap. de oleis, sic refert: Oleum niuifur simile est oleo violato virtute, sed fortioris actionis in cepheale: prodest enim manifestē. Item Rhafis in tertio ad Almanforem, cap. 23. scribit: Oleum violatum frigidum est, & somniferum: oleum de nenuphare simile est huic, fortius tamen operatur. Oleum de semine cucurbite illis duobus simile iudicatur &c. Ex quo etiā habemus, qd oleo de semine cucurbite possumus vti pro altero prædictorū.

*Oleum Anethinum &c.* CCCCXIII.



**S**CRIBIT Paulus posse fieri hoc oleum cum coma anethi sicci: sed oportet vt coquatur. Et similiter oleum chamæmillinum. Porro hæc olea imbecilliora sunt ijs, quæ ex viridibus sunt.

*De Anetho.*

**N**otius est anethum, quā vt debeat representari. Vocatur Nā Pandectario abſinthium dulce. In hortis abundē nascitur.

*Quan*

*Anethū ab-*  
*solvē.* Quandoque etiam anethum domesticum appellatur, ad differen-  
tiam sylvestris, quod vocatur meum. Si absolute scribitur ane-  
thum, tenen intelligitur.

*Oleum de Lilio &c.* CCCCXV.



ENDOSE quidem in præfenti descriptione, per multas impressiones legitur: Accipe ex folijs liliorum ꝑ. viij. Lege ꝑ. ix. vt cuncta exemplaria, ac etiam & quædam impressiones habent. Animadu-  
uertito autem quod nonnulli minus scioli, cum di-  
cit Author in hac descriptione: Accipe ex folijs liliorum: putant  
folia plantæ, & non florisse intelligenda, ob id quia non speci-  
ficatur de floribus: sed iudicium ipsorum fallitur, cum sequitur  
Author: Oportet vt citrinitas eorum tota abijciatur. Nam in  
planta non est citrinitas, sed in floribus. Vnde per illud clarè fo-  
lia florum declarantur esse, & non plantæ.

*De Lilio.*

*Lilium ab-*  
*solvē.*

Lilium, & lirium dicitur. Vnde oleum de lilio, à Plinio, liri-  
non vocatur. Quiquidem Plinius cap. ꝑ. vigesimiprimi libri  
optinè de Lilio scripsit. Crinon Græcè, & sutinon appellatur:  
vulgò lilium album nominant. Non obstante, quod etiam & iri-  
dis flos reperiatur albus: quod similiter lilium album nuncu-  
pant. Alij lilium album odoratum dicunt ad differentiam lilij  
ireos, quod non ita olet. Ab Authore nostro autem, liliū notum  
nominatur. Vt habetur in fine descriptionis præfentis olei. Est  
enim non solum notum, sed notissimum: Et per lilium absolute,  
semper istud intelligitur. Reperiuntur eiusdè generis & lilia pur-  
purea, non natura, sed arte facta, vt præfatus Plinius refert. Ad-  
mittuntur medicinis autem, & flores, & radices, & folia plantæ.

*Oleum Irinum &c.* CCCCXVI



RILEON, siue (vt mauis) ireleon, hoc oleum  
quandoque à nostro Authore vocatur. Vt habe-  
tur suprâ, scilicet in Isopi ceroto descriptione Pau-  
li &c. De Iride etiam dictum est suprâ.

*Oleum Sambacinum &c.* CCCCXVII.



VNCTA nempe exemplaria quæ vidimus (vno  
dempto in quo legitur saubacinum, habent aper-  
tè & clarè per literas descriptum sambacinum, id  
est, de iefmino, & non sambucinum. Non obstan-  
te quod similiter posset fieri ex sambuci floribus.

Verum

Veruntamen usque modò, apud nullum probum Authorem inuenimus oleum de Sambuco. De sambaco autem, siue de saubaco, id est de iefimino, passim legitur. Vide de hoc in pilulis aggregatiuis maioribus. Item in fine huius descriptionis ubi mendosè legitur: Et fit sicut oleum rosatum. Lege rectius: Et fit sicut oleum chamæmillinum: ut est in cunctis præfatis exemplaribus, nec nò & in vulgari additione.

*Oleum de Cheiri &c.* CCCCXVIII.



OC oleum forsan à Paulo sub nomine olei violacei describitur. Quia & cheiri inter violas connumerantur. Ait enim libri septimi cap. 20. quod est de oleis. Violaceum præparant modò purpurearum, modò crocearum, modò candidarum violarum folijs, vngue defecto &c. Etiam potest esse quòd Paulus intelligat de violis mamulis: quia, ut in superioribus diximus, reperiuntur ex istis tria genera, sicut ex cheiri. Lege de ipsis suprà, scilicet in trochiscis Hamech.

*Oleum de Papauere &c.* CCCCXIX.

*Oleum de Lactuca &c.* CCCCXX.

*Oleum de Meliloto &c.* CCCCXXI.

*Oleum de Nenufere &c.* CCCCXXII.

*Oleum de Cucurbita &c.* CCCCXXIII.



OSVIT Author suprà olea de seminibus papaueris, lactuce, cucurbitæ &c. Hæc autem declarat non ex seminibus, sed ex folijs, floribus, & ferè ex tota planta esse facienda. Et nota quòd sicut fit oleum de cucurbita: ita potest fieri & de melone, & de citrullo, & similibus.

*De Lactuca.*

LACTUCA quidem, tum quia lacte abundat, tum etià quia mulieribus lactis exuberantiam affert, à lacte denominationem accepit. Plura etenim sunt lactucarum satinarum genera. Et syluestre etiam reperitur genus, quo plures falsò pro endiuiâ vtuntur. Plinius autem quatuor genera lactucarum syluestrium, seu spontè nascentium enumerat. Et hoc primò, (de quo loquuntur sumus) Lactucam caprinâ nominat. Dioscorides enim non depingit lactucas, tanquam res ubique cognitæ. Vnde sciendum, quòd quædam ex eis sunt natura magnæ, & quædam parvæ, quædam plani

*Lactuca se-  
xilis.*

plani folij, & quædam crispî, quædam sunt hyemales, aut vernales, & quædam æstiuales, quædam albæ, & quædã rubræ, & quædam nigræ, albarum respectu. Quarundam etiam ante caulis productionem folia in vnum constringuntur, & quædã expanduntur sexilium herbarum modo: vnde & sexiles cognominantur. Et quarundam semen est albissimum, & quarundam nigerrimum &c. & hæ omnes species, siue differentię indiuiduales, vbique in hortis habentur. Syluestris autē in vineis, vt plurimum reperitur. Plura quoque alia lactucarum genera à Plinio describuntur: vt est lactuca lati caulis, & cæteræ quas ignoramus: legito apud ipsum. Notandum etiam quòd Dioscorides dicit lactucam satiuam habere virtutes (cùm in caulem exit) syluestri non dissimiles. Ex quo nõ incongruè pro syluestri lactuca possumus vt lactucæ hortensis caule.

*De Nenuphare.*

*Vngula ca-  
ballina.*

**N**enufar Arabicè, siue nenuphar, siue ninifar, vel nilosar, vt in Serapione: Græcè autem & Latine nymphæa dicitur. Duo sunt eius genera: videlicet album & citrinum, à florum varietate sic dicta. Et tertium genus est aliquorum iuniorum, scilicet eorum qui dicunt vngulam caballinam esse nenuphar terrestre. Nasçitur in aquosis: vnde nymphææ vocatæ sunt. Folia collocastæ, scilicet fabæ Aegyptiæ simillina habent, multò minora tamen. Etenim à paucis ignorantur. Et vt plurimum hodie aromatarij vtuntur floribus, de quorũ virtutibus nihil penitus Dioscorides meminit. Porro secundum Authorem nostrum, in hoc oleo de nenufare, cùm dicit: Confert sicut oleum violatum, & fit sicut illud: apertè declaratur quòd cum floribus debet fieri, sicut fit oleum violatum. Et scias quòd quolibet ipsorum vice alterius possumus vt, & similiter oleo de Cucurbita.

*Oleum de Cytonijs &c. CCCCXXIIII.*



**A**UTHOR noster in hoc oleo nõ specificauit de ipsis cytonijs: ex quo dedit intelligi, ex omni genere, videlicet tam dulcium, quàm acetosorũ &c. posse fieri. De cytonijs quidem in superioribus factis dictum est. Dioscorides, Paulus, Aëtarius, & cæteri hoc oleum de cytonijs: oleum melinũ nominant. Sed Author noster intitulauit de cytonijs, ad differentiam alterius olei malini, vel melini, vel milini, quod posuit, cuius descriptio est immediate sequens.

*Oleum*



*Oleum malinū, seu melinū, uel milinū &c. CCCCXXV.*



**P**RAESENS oleum in nullo penitus antiquorum exemplarium legitur titulatum, myrrinum: sed pro maiori parte ipsa exemplaria habent oleum milinum scriptum. Reliquorum autem, quaedam habent oleum malinum, & quaedam pauca oleum melinum, & vnum, oleum milon habet: quod mendosum tenemus. Et ipsa exemplaria iuter descriptionem olei de pomis mandragorae, & descriptionem olei de enula, habent descriptionem olei de myrto: paucis duntaxat ipsorum exemplarium exceptis, quae similiter ut cunctae impressiones carent ipsa olei de myrto descriptione. Vnde putamus quod nonnulli non inuenientes in libris, praefatam infra scriptam olei de myrto descriptionem (quae librariorum incuria omissa iam fuerat) & legentes in descriptionibus olei de enula, & olei de ruta, & alibi, quod eorum operatio est sicut operatio olei myrrini: arbitrati sunt oleum milinum, esse legendum oleum myrrinum: tanquam si mendose fuisset positum milinum, pro myrrinum; & inde oleum myrrinum impreterunt. Sed in rei veritate, oleum milinum, seu malinum, vel melinum (quod idem est) stare debet. Et est oleum de malis, seu pomis &c. Vnde dicit Author quod hoc oleum fit sicut oleum de cytonijs. Bona est enim ista similitudo, pro omnibus malis, siue pomis, & similibus: sed non pro myrto, & minus pro ruta, & sampsucho, & consimilibus. Quoniam si secundum impressiones, oleum myrrinum fit sicut oleum de cytonijs, oleum de ruta, & oleum de sampsucho, quae sunt sicut oleum de myrto, eandem habebunt operationem: quod minimè potest fieri, ut patet: quia extremitates myrti (cum quibus fit oleum myrrinum, ut infra apparebit) & extremitates rutae, & sampsuchi, non sunt sicut cytonia, & alia mala, ut habeant carnes, & cortices &c. Vnde oportet, ut alio modo fiant huiusmodi olea. Praeterea, saepius namque consuevit Author post aliquam compositionem, siue descriptionem de cytonijs, immediate subscribere de pomis, & malis alijs, tanquam de consimilibus: ut plura possumus assignare exempla. Videlicet, in distinctione de conditis, post cytonia condita, posuit immediate pyra, poma, & persica condita. Aliud exemplum. In distinctione de syrupis, videlicet in modo syrupi acetosi de succis & aquis fructuum, dicit: Accipe succi cytoniorum, & malorum, & pyrorum &c. Item ibi, post modum syrupi acetosi de

*Oleum de malis.*

cytonijs, immediatè posuit modum syrapi acetosi de pomis. In cuius fine ait: Et eius modus est sicut syrupus de cytonijs. Item in ipsamet distinctione post rob de cytonijs, immediatè subiunxit rob de pomis, & rob de pyris. Item in capitulo de mezereon, videlicet in rectificatione eius, ait, Infundantur cytonia, aut maciana. Et contimilia plura. Vnde non est dubium, quòd hîc similiter fecit, scilicet quòd immediatè post oleum de cytonijs, subscripsit oleum de malis: & sic est verum. Sed quia ab autore non specificatur, de quibus malis sit faciendum ipsum oleum: possumus ex quibuscunq; suscipere, vel saltem ex macianis, vt Rhasis fecit. Descriptionem verò olei de myrto, seu myrtini, vbi suprâ diximus, reperies: quam (vt in præfatis exemplaribus inuenimus) de verbo ad verbum totam rescripsimus, vt quilibet habeat vnde suum possit reintegrare librum.

*Oleum de pomis iabrolæ, & sunt poma mandragoræ &c. CCCCXXVI.*



**L**STVD barbarum vocabulum quod legitur in titulo præsentis olei, quod interpretatur significare pomum mandragoræ, nō solum in antiquis exemplaribus variatum inuenimus: Verum etiam & apud authores alios, & cæteros libros, diuersimodè scribitur. Vnde omisis exemplarium barbarissimis, legitur apud Serapionem: labora, id est mandragora. Et apud Auicennam iabrol: vbi Bellunensis, iabruha, id est mandragora, vertit. Et apud Auerroim Lefaha, id est mandragora. Et in Simone lanuensi iabroha, arabicè mandragora. Et in Pandectario iabroa, iabroc, iabroch, id est mandragora. Quod autem ex his & alijs pluribus sit verius vocabulum significans mandragoram, fateamur nos nescire. Quinq; tantum exemplaria in vnum concordabant cum aliquibus impressionibus, in quibus legitur: Oleum de pomis iabrolæ. Et sic nos transcripsimus in nostro receptario. Si quis autem melius inuenerit, rescribat. Sed parum proficiet ipsius notitia: quoniâ scimus quòd illa barbara vox denotat pomum mandragoræ, siue mandragoram ipsum. Vnde sufficit nobis per verba latina habere oleum de mandragora, & nihil sit curæ quomodo dicatur à barbaris.

*De Mandragora.*

**T**Am Dioscorides, quàm Plinius, quàm Serapio duo tantum mandragorarum genera faciunt: vnum nigrum, quod dicunt

eunt esse fœmininum: alterum verò album & masculinum. Mandragoræ quidē fœminæ: plures plantas habemus, in nostro Aræ-  
 cœli horticello. Flores ipsius plantæ albescentes, & pallidi sunt  
 inter folia, quia caret caule. Fructus verò plures in terra iacentes,  
 primum virides, mox maturi lutei conspiciuntur, odorem melo-  
 nis cum quadam grauitate habentes &c. Masculus autem man-  
 dragoras similis est fœminæ: nisi quia est albior, & facit maiora  
 poma, sed numero minora. Videlicet terna, quaternæue, & quan-  
 doq; singula. Fœminam vero vltra quinquaginta in nostro hor-  
 to pluries in sola planta facere comperimus. Garganus Apuliæ  
 mons vtriusq; generis maxima abundat copia. Et tam fœmina  
 quàm masculus orbatur caule, vt ipsimet obseruauimus. Vnde  
 & Dioscorides verax probatur. Et vel Theophrastus & Plinius  
 scripsere mendacia: vel ipsorum codices deprauati sunt, vel pro  
 caule, summum radicis (in quo folia & fructus velut caules, aut  
 pro caulibus nascuntur) intelligunt. Præterea tam à Dioscori-  
 de, quàm à Serapione subscribitur alia planta, quam asserunt ab  
 aliquibus in mandragoræ speciebus connumerari. Et vocant  
 ipsum Morion: quo nomine etiam albus mandragoras à non-  
 nullis (vti Dioscorides scribit) vocatus est. Serapio autem hoc ter-  
 tium genus tradit nuncupari marbus, barbæ & corruptæ (vt  
 putamus) pro morio. Hæc equidem tertia mandragoræ species,  
 ab Hermolao putatur esse illa planta, quæ melongena, siue ma-  
 lanzana vulgò dicitur, & ipse mala insana vocauit. Quæquidem  
 planta notissima est. Brasaulus autem decipitur, asserens præfa-  
 tum Hermolaum putasse melanzanum esse secundum genus man-  
 dragoræ, scilicet masculinum: quoniam (vt patet legendi) Her-  
 molaus de tertia specie hoc dixit, non de secunda: forsan hoc vo-  
 cabulum Morion (quod tam ad secundum, quàm ad tertium ge-  
 nus refertur) fefellit ipsum Brasaulum. Sed reuera Hermolai pu-  
 tatio nō sine causa fuit. Nam multū conuenit descriptioni tertiæ  
 speciei mandragoræ hæc melanzani planta. Et quamuis in nouis  
 æditionibus Dioscoridis nō legatur quòd hæc planta caulem ha-  
 beat: tamen in antiqua translatione, ac etiā in Serapione (qui de  
 hoc omnia describit Dioscoridis autoritate) præbatur habere.  
 Sic enim legitur in præfata antiqua translatione: Hasta ei est alba,  
 & longa duobus palmis, album colorem subtus à radice habens.  
 Et in Serapione sic est: Et habet virgam longam circa duos pal-  
 mos: cuius color est albus &c. Et certè nouæ translationes in hoc  
 passu nobis videntur aliquantulum confusæ ac imperfectæ: fortasse

Morion.

Melōgena.

Brasauli  
error.

codices graecorum fuerant vitati. Vnde putamus in hoc, anti-  
quam translationem esse meliorem. Ex eo maxime, quia concor-  
dat cum Serapione. Item sciendum quod haec planta melongia-  
num dicta: nec apud Dioscoridem, nec apud Serapionem aliàs po-  
test capitulari. Ex quo tanto magis cōtingit de ista tertia mādra-  
gorae specie suspicari. Nec obstat quod cap. 541. Pādectarij, quod  
est de melongenibus loquatur de ipsa authoritate Serapionis: quia  
vel ipsius Pādectarij, vel libriorū incuria factum sit, videmus  
ibi inesse errorem: quoniam quasi totum illud capitulum est extra-  
ctum ex Auicenna, & nō ex Serapione, vt legentem nō latet. Neq;  
in toto Serapionis libro reperitur tale, aut aliud alteriusmodi ca-  
pitulum de melongenibus: dummodo nō sit ista tertia mandrago-  
rae species. Porro teneremus cum Hermolao, credentes melonge-  
num esse praefatam tertiā mandragorae speciē. Sed haec sunt, quae  
nobis obstant. Primum videlicet, quod scribunt aliqui melonge-  
num esse calidum. Secundum, quod ipsum melongenū nō est ita  
soporiferum quod faciat comedentes ipsum, drachmae pondere,  
vsum rationis amittere, & statim somno inmergi, vt ait Diosco-  
rides de morio. Imò praeter alios, qui quotidie comedunt, vidi-  
mus quendam rusticum, non tantum ex praecocis, sed ex crudis  
melangianis cum pane & sale tantum, vltra duas libras comede-  
re in solo prandio: & nihil mali ei accidit, sed robuste & fortiter  
tota die laborauit in agro. Et quod maius est, in illa refectio-  
ne, vini egestate, aqua pura vsus fuit. Et nos quoq; pluries comedi-  
mus ex cocis & crudis, & nunquam consequuti sumus ex ipsis  
aliquam apparentem laesionem in nostris membris. Sunt etenim  
optimi gustus cocis, & edentibus magnam afferunt voluptatem.  
Vnde de ipsis ad confirmationem nostram, sic ait Auerrois in  
quinto Colliget, cap. de herbis, & oleribus. Melengia sunt ex his  
quibus nos facimus in terra nostra multa cibaria delicata: &  
postquam proiecta est prima aqua suarum decoctionum, & co-  
quantur cum carnibus pinguibus, sunt multum delectabiles. Et  
ego reputo ipsum teperratum cibum, postquam sic factus est. Pro-  
pterea, quia pars acuta, quae est in eo remouetur per primam de-  
coctionē, & sua siccitas & stipticitas remouentur propter carnes  
decoctas in eo. Et quāuis medici dicant, quod generat humorem  
melancholicum, simile humori generato ex caulibus: tamen con-  
seruare debemus in cibis duas res. Vna est res, quae secū miscetur,  
quae potest mouere malitiam, si est. Et delectatio cibi haec est se-  
cunda. Et quando est multum delectabilis, laesio quae prouenit

ex eo

*Melongenae  
note.*

ex eo non est multum manifesta. Et hic est vnus ex delectabilibus cibus. Hæc Auerrois. Ex quibus igitur patet quod melanzanum, siue malum insanum (vtripse Hermolaus scribit) non potest esse morion. Præterea mandragoræ à nonnullis etiam malum <sup>Malum tero</sup> terrestre vocatur: & ab alijs malum caninum &c. Demum <sup>restre.</sup> mittimus scribere tot vaniloquia, quæ deradice mandragoræ à <sup>Malum caninum.</sup> multis dicuntur, & in libris quorundam leguntur. Et quod habeat formam hominis, scilicet masculus masculi, & femina feminae &c. Multas nempe effodimus huiusmodi plantas, ac proprijs extirpauimus manibus: sed nunquam audiuius vocem, nec inuenimus habere formam humanam. Verum est quod habent radices magnas, cum pluribus ramis, ex quibus aliquæ de facili possunt aptari in formam pueri, vel puellæ, vt aliqui impostores, & circumforani, hæc & alia, malitiosè studiosèq; effingunt, ad illudendum ignaros homunculos, & simplices personas, vt extorqueant ab eis quicquid pecuniæ habent. Et similiter faciunt ex Bryoniæ radicibus, & consimilibus, Væ illis. Sunt enim huiusmodi fraudes, surta manifesta, nec possunt absolui, qui talia agunt, nisi restituant, vel proprijs dominis, si est possibile vt cognoscant eos, vel tanquam de incertis distribuunt pauperibus & ecclesijs &c. Fugite ergo hos pestilentes. Imò effugandi sunt & ipsi, atq; expellendi à ciuitatibus: vel puniendi tanquam fures, & latrones, atq; malefici, qui non solum bona temporalia, sed æterna quoq; simul auferunt: quia multas animas ducunt in perditionem: quoniam sine dubio & sapius docent simplices plurimas superstitiones, & maleficia, aduersus sanctum ecclesiæ catholicæ dogma.

*Oleum de myrto, uel myrtinum &c. CCCCXXVII.*



VLLA quippe impressio (vt suprà diximus) habet præsentē olei de myrto descriptionē: & similiter non est in quibusdā paucis exemplaribus minus correctis. Etenim necessariò debet esse: alioqui esset cōfusio in sequētibus, in quibus legitur: Et fit sicut oleū myrtinū &c. Descriptio autē ipsius olei hæc est: Oleum de myrto (& in alialitera Oleū myrtinū) mēbra cōfortat, & stringit sudoris multitudinē, & prohibet: & cōfert cōtitioni mēbro- rum, & neruorū, & prohibet casus capillorum. Et modus operationis eius est: Accipe olei ex oliuis incompletis, & extremitatum myrti tenerrimarum, & expresionis extremitatum earum, ana-

partes æquales. Vini odoriferi partem mediam. Decoque ad succi & vini consumptione: deinde cola, & recode in vase, cum eiusdem myrti expressione, sicut est quarta pars, & vtere. Hucusque. Sed animaduertendum quod communiter hodie aromatarij faciunt oleum myrtinum ex fructu ipsius myrti. Forsan ex auctoritate Ioannis de S. Amando: cuius descriptionem non legimus apud quenquam Authorem probum, sed omnes qui scribunt hoc oleum cum folijs tenerimis myrti: aut cum succo ipso foliorum, aut cum utroque faciunt: ut quilibet per se videre potest apud Dioscoridem in primo libro, & apud filium Serapionis in septimo, & apud Hali filium Abbas in decimo practica: & apud Rhafsim, in auridatorio separato (qui Rhafis etiam & cum floribus docet fieri) & apud alios plures: ut apud Actuarium, & ceteros. Author enim noster similiter fecit, & optime concordans se cum alijs, & docens fieri ipsum oleum cum folijs & succo foliorum: ut in descriptione clare habetur. Ex antiquioribus quidem solum Plinium cap. 7. quintidecimi libri adhuc legimus dicentem fieri oleum ex myrti baccis: necnon & ex folijs, ut ceteri, sed non ponit modum.

*Oleum de Enula &c.* CCCCXXVIII.



CRIBVNTVR quippe ab Authore nostro in præfenti descriptione duo modi faciendi oleum de enula. Attamen secundus non est per se varius modus: sed est additio ad primum modum.

*De Enula.*

*Helenium.* **E**Nula, siue Inula, scilicet enula campana, à Campania fortasse sic dicta, ut tertula campana. A Græcis helenium dicitur. Duo eius genera Authores ponunt: quorum primum est ita notissimum quod non alia indiget representatione. E contra autem, secundum est ita cunctis nostræ Europæ incognitum, quod haud est qui audeat de ipso loqui. Necessarium fore arbitramur in Aegyptum mittere ad ipsum helenium perquirendum: quoniam ibi à Dioscoride scribitur nasci. Et vnum est odoratius altero. Unde in ultimo sui 7. libri, Paulus helenij odorati meminit,



*Oleum de Cinnamomo &c.* CCCCXXIX.

N quibusdam exemplaribus præfens descriptio intitulatur, Oleum de cinnamomo: & in quibusdam alijs, Oleum de cinnamo. Suprà iam decla-

claratum est quòd aliud est cinnamomum, à cinnamo. Ambo ta-  
men sunt species vnius generis: & de vtroque potest intelligi. Sed  
dicit Author quòd valet sicut oleum de enula, & eadem est ope-  
ratio eius. Nam si oleum de enula fit sicut oleū myrtinum: quare  
ergo non dixit, Et operatio eius est sicut olei myrtini? Respòde-  
tur, quòd duplici de causa hoc fecit. Prima est, quòd declaràs hoc  
conferre sicut oleum de enula: rationabiliter subiūxit, Et eadem  
est operatio eius. Secunda autem (quæ potior est) fuit, quòd de-  
clarauit hoc oleum de cinnamomo posse fieri, cum illa rerū ad-  
ditione, sicut fit oleum de enula. Quoniam si dixisset fieri debe-  
re sicut oleum myrtinū: exclusisset penitus ab eo præfatam ad-  
ditionem. Et similiter intelligitur de duobus sequentibus, sci-  
licet de sauina, & de pulegio oleis. Hoc est, quòd fieri possunt cū  
illa additione, & sine ea, sicut oleum de enula. Sed quali modo  
possit fieri oleum de cinnamomo, sicut oleum de enula, non in-  
telligimus. Nam ex cinnamomo non possumus exprimere suc-  
cum, sicut ex enula: tum quia non habemus, tum etiam quia si ha-  
beremus non esset recens: quoniam (vt credimus) Author intelli-  
git de recenti cinnamomo. Ergo non potest fieri? Etiam. Igitur  
cū necesse fuerit, loco eius vtamur oleo de enula, vel oleo de sa-  
uina, vel oleo de pulegio: quoniam quodlibet istorū (vt in textu  
habetur) valet sicut oleum de cinnamomo. Ioannes de sancto A-  
mando autem docet fieri ipsam per resolutionem, sicut fit oleum  
de iunipero. Sed huiusmodi non est secundū Authoris nostri in-  
tentionem: quia si Author intellexisset per modum resolutionis,  
non dixisset ipsum fieri debere sicut oleum de enula: & locasset  
ipsum in vltima particula huius distinctionis, inter alia olea quæ  
sunt per resolutionem.

*Oleum de  
pulegio pro  
quo submis-  
tetur.*

### *Oleum de Sauina &c.* C C C C X X X.

*De Sauina.*



A V I N A, siue sabina, siue herba sabina, vt in  
Dioscoride legitur, quamuis non sit herba, sed ar-  
bor, duorum generum est. Vnum folijs cypressi  
simile, sed nō extollitur vt cypressus: potius enim  
in latitudine se diffundit. Alterum verò folia  
amarici proxima habet, sed spinosa sunt. Vtrunque cognosci-  
tur, & vtrunque bonū est, atque altero pro altero possumus vtī.

*Oleum de Pulegio &c.* CCCCXXXI.*De Pulegio.**Pulegium  
sativum.*

**P**ULEGIUM quidem non solum ab herbarijs, & cæteris viris, sed à mulierculis & pueris vbique cognoscitur. Et licet rarò seratur: tamen dicitur etiam pulegium sativum. Et hoc ad differentiam diptamni, & calamenti, quæ à nonnullis sylvestre pulegium nominantur, ut apud Dioscoridem legitur. Moximè nempe pulegiũ, & forma, & virtutè cum diptamno certat: quamvis efficacius sit pulegio diptamnium. Sed adverte, quòd per diptamnium, siue (ut omnes dicunt) diptamum, non intelligimus illam officinarum radicem, quam cõmuniter aromatarij & herbarij diptamum album nominant, quam & pro vero diptamno fere omnes accipiunt: cuius planta adhuc quid sit ignoramus: quæquidem nunquam fuit diptamum, nec species eius. Sed intelligimus verum diptamum, siue diptamnium. Cretense, à Dioscoride, & cæteris fide dignis Authoribus descriptum. Serapio autem quassessent vnus generis, sub nomine faudenegi, & pulegium, & organi atque diptamnigenera, vnico concludit capitulo.

*Oleum de Ruta &c.* CCCCXXXII.

**H**OC rutaceum oleum fit sicut oleum myrtinum, scilicet cum folijs & succo foliorum &c. Ut est in descriptione per nos loco suo restituta.

*De Ruta hortensi.*

**R**UTA quippe cùm absolutè legitur, ut hîc, quasi antonomastice, semper de hortensi intelligitur. Quæ etiam sativa & domestica cognominatur. Quamvis de consimili nihil impediat posse fieri & oleum, & cætera de omni ruta sylvestri, siue montana, sicut de hortensi. De ruta sylvestri montana: lege in pilulis scætidis, & in vnguento de bdellio. Hortensis autem ruta notior est. quàm ut declarari debeat. Sed melior est illa, quæ prope arboris ficus crescit. Dioscorides Author est.

*Oleum Nardinum &c.* CCCCXXXIII.

**D**ICITUR nardinum hoc oleum, à nardo aromatica, seu indica, quæ vulgò spica nardi nuncupatur. Tanquam si diceret: oleum de spica nardi, supple indica, seu aromatica. Quæ cognomina adduntur ei, ad differentiã nardi celticæ, scilicet spicæ



spicæ celticæ, & nardi rusticæ &c. Posuit nanque Author in præfenti descriptione tres diuersos modos parandi hoc oleū, & processit ascendendo, scilicet quòd primus modus est bonus, secundus melior, tertius optimus, si posset fieri apud nos. Sciendum autem quòd per omnes impressiones multum est deprauata præfens descriptio. Vnde in secundo modo vbi legitur sampfuchi 3. ij. xyloaloës, enulæ &c. Lege melius: Olei sampfuchi 3. ij. xylobalfami, enulæ &c. Item vbi legitur: prius quàm fuerint contrita. Lege, postquam fuerint bene contrita. Item in tertio modo vbi legitur: Olei balsami 3. vj. olei sisamini lb. iij. Lege rectius, absolute sic: olei balsami lb. iij. quoniam sic est secundum veritatem in cunctis exemplaribus, necnon & in vulgari editione. Item, quædam impressiones mendosiores, in tertio modo habent: spicæ indæ 3. iij. Lege verius 3. iij. Præterea non ignorandum quòd nonnulli aromatarij parant hodie oleum nardinum, non cum nardo indica, neque cum nardo celtica: sed cum floribus cuiusdam plantæ, quæ vulgò lauandula, seu lauendula dicitur. Erab alijs spicū, *Lauandula* quasi spica vocatur. Quamuis spicum Hispanis, & Gallis, habeatur pro alia huiusmodi generis specie, quæ proceritate, & odoris *Spicum.* suauitate, superat lauendulam: tamen nobis visum est vtrunque idem esse: quia hæc accidētia simpliciter non constituunt speciē diuersam, sunt enim differentiæ indiuiduales. Quoniam sæpius plantæ (vt aliàs diximus) & cultu, & transpositione, & aëre &c. diuersificātur odore, sapore, forma, virtute &c. Ruellius quidem huiusmodi, pseudo nardū Plinij intellexit. Veruntamē ipsi aromatarij nō probè agunt: quoniam cōponere habent cum nardo indica, si adest facultas habendi: Sin autem cum nardo gallica, scilicet celtica (vt Plinius 7. cap. libri quintidecimi tradit fieri) vel saltem cum asaro, quoniam asarum, teste ipso Plinio 13. cap. libro 12. vim nardi habet. Oleum autem ex lauandula præfata, seu pseudo nardi spico, ob suum bonum odorē, ad multa aptari potest: tamen in re medica, pro oleo nardino non est substituendum.

## Oleum Mastichinum &amp;c.

CCCCXXIIII.



EGITVR in secundo modo præfentis descriptionis per omnes impressiões: Vini boni 3. viij. in alio iij. Cassetur hoc: in alio iij. & legatur absolute. Vini boni 3. viij. vt est in cūctis exemplaribus & in vulgari editione. Et enim additio li-

brariorum, quæ confundit legentium mentes.

*De Kist seu de Chist.*

**C**omunis quidem opinio est hodie apud medicos, & aromatarios, quod kist cōtineat in se pondus vnius libræ cum dimidio, & ita sumitur in hoc oleo parando. Tamen apud Doctores est discordia magna de pondere kist, & cotulæ, seu cotulæ, & aliorum similium plurium. Legitote igitur in calce septimi libri filij Serapionis, & cap. 20. eiuidē septimi: videlicet in electuario Galeni cum aqua de cytonijs & in synonymis ipsius operis. Item in fine quinti cañ. Auicēnæ. Item in interpretationibus Bel-lunenſis, in litera kist, seu kult. Item apud Saladinum, Simonem Ianuensem, Pandectarium & alios de recentioribus plures, quos breuitatis causa dimiſimus. Fuisset enim longus sermo, de singulis pertractare. Sed apud plures capitur pro lb. j. s. Vt exempli gratia: In oleo de chamenilla, vbi Auicenna habet kist j. Filius Serapionis in eodem loco habet lb. j. s. Item in oleo nardino, Auicenna kist v. Filius Serepionis lb. vij. s. Item in oleo de serpētibus Auicenna kist iij. filius Serapionis & Hali Abbas lb. iij. s. habent Et alia plura exempla passim reperies.

*Oleum de Storace &c.*

CCCCXXXV.



**E**ST & in præſenti descriptione vna mentis perturbatio, cum legitur: storacis lb. iij. vel iij. Delcatur igitur illa diſiunctiua cum ſequenti numero. Hoc videlicet, vel iij. & legatur ſimpliciter lb. iij. quoniam ſic inuenimus in cunctis exemplaribus, & in vulgari æditiōe. Et ita Luminare Maius poſuit.

*Oleum Conſinum &c.*

CCCCXXXVI.



**V**I mendosè per impreſſiones legitur in præſenti: descriptione: Olei ſeſamini lb. iij. Legeret̃ ſiſ lb. ij. Vt ſæpe dicta exemplaria, vnà cum vulgari-bus excuſionibus concorditer habent.

*Oleum de Alchanna &c.*

CCCCXXXVII.



**A**UTHOR in hac descriptione primum dicit, vt fiat hoc oleum ſicut oleum roſatum. Hinc ſequēs ait: In defectu autem florū, fiat cum folijs, & ite-retur coctio eius cum modico vino. Super quibus verbis eſt ſciendū quod Author non vult, vt ſim-pliciter mittantur folia, ſicut ponebantur flores cum oleo ſupra ignem:

ignem: sed postquam steterint in sole folia & oleū septē diebus, superinfundatur aliquid de optimo vino, & reducatur totū ad ignem, & bulliat in duplici vase per tres vel quatuor horas vsque ad vini consumptionem. Hinc coletur, & permutetur folia & redacatur ad solem, & postea iterum superinfundatur vinum, & coquatur &c. Et sic fiat ter vel quater.

*De Alchanna.*

**H**Aud dubiè habemus, quòd alchenna, vel sine aspiratione, vel per k, descripta, apud Arabes, & cyprus apud Græcos, & ligustrum apud Latinos, vnum & idem sint: vt legentem Serapionem, & Dioscoridi ac Plinio conferentem non later. Vnde & in oleo cyprino Actuarij legitur: florum ligustri, qui Græcis cyprus dicitur &c. Sed animaduertito quòd nonnulli allucinantur in ligustro, credentes ligustrū esse florem maioris volubilis: quod quidē falsum est. Sed reuera ligustrū, scilicet cyprus, siue alkāna, est arbuscula quædā, cuius folia sunt similia folijs oliuæ, minora tamē: vnde à quibusdā oliuella vocatur. Et flos est ei plurimus, paruus, albissimus, & valde odoratus. Qui flores plurimi pro vno, in simplici ramusculo sumpti, à mulieribus, & pueris Romæ, fiorfiorello nūcupantur. Fructū fert sambuco, vel potius lentisco similem, nigrū &c. Flores igitur huius arbusculæ petit Author ad componendum hoc oleum de ligustro, siue ligustrinum, quod arabicè titulatur de alchanna: sed à Dioscor. Paulo, Actuario, & cæteris Græcis, oleum cyprinū nominatur. Lege etiam de alcanna suprā, scilicet in Diarhodon descriptione cōmuni: quia secundum Bellunensem, Alcanna est nomen cōmune, ad hanc arborem, & ad arundines, siue cannas, ex quibus fit spodiū Arabū.

*Cyprus ar-  
buscula.*

*Oleum de Sampsucho &c. CCCCXXVIII.*



DE M est oleum de Sampsucho, quod oleum de Maiorana.

*De Sampsucho.*

**S**Ampsuchum & Maiorana non differunt, nisi Maiorane nomine. Duū generum reperitur. Vnū vī-  
cōsideratio.  
delicet cum minutulis folijs: alterū verò cū folijs quasi origano, seu calamimthe similibus cōstat. Vtrūq; enim & maiorana, & sampsuchum hodie nonnulli faciunt differentiam in nomenclaturis, & maioranam vocant illud genus cum maiusculis folijs, reliquum autem sampsuchum. Porro non differunt virtute, & cum quolibet ipsorum potest hoc oleum fieri.  
Quod

Quod autem tenui constat folio, letophyllos peculiari nomine à Dioscoride vocatur. Etenim vulgaris notitiæ vtrunque est, apud Italos. Arabicè autem mezenius, vel mercenius nuncupatur, vt in Pandectario, vel merzanzium, vt est in primo cap. vndecimi tractatus, primi libri Abumeron Auenzoar: vel marcanzus, vt est in antidotario eiusdem Abumeron.

*Oleum de Mezereon &c.* CCCCXXXIX.

*Lac absolue.*

*Lac. muliebre.*



ON specificatè Author posuit lac in præsentì descriptione: sed communiter tenetur, quòd absolute semper caprinum intelligitur, tanquam commune, & mediocrè, inter omnia lactis genera. Lac muliebre quidem omnibus excellentius iudicatur, acetiam reuerendum putatur, ob id, quia primum necessarium hominis alimentum. Quapropter non debemus eo vti in alienis causis, nisi maxima cogente necessitate. Post caprinum verò ouilum, & bouinum sequuntur. Nam quodlibet ipsorum est bonum. Caprinum autem est magis temperatum.

*Oleum Alhasch &c.* CCCCXL.



VNT nempe aliqua & in hoc oleo discutienda. Et primò sciendum quòd hoc oleum, non est oleum de hasce, seu alhasce, quod declarant esse oleum de hyso, vel thymo: in qua omnes ferè iuniores alucinati sunt. Sed est oleum de hasch, siue oleum alhasch, quod idè est. Nam impressiones sunt varix in hoc, & similiter exèplaria manuscripta, scilicet quòd quædã impressiones & quædam pauca duntaxat exemplaria, habent scriptum, siue impressum: oleum de hasce, siue oleum de alhasce. Et quædam impressiones minus malè, & maior pars exemplarium habent scriptum, oleum de hasch, seu hascech, seu alsech, siue oleum alhasch. Et sic verius putamus. Quod probatur, nò solum per descriptiones filij Serapionis, sed etiam & per descriptiones Auicennæ nuper per Andream Bellunensem correctas, ac pristinx veritati restitutas: videlicet quòd in omnibus illis locis illarum triù descriptionum, & in oleo de cherua, & in oleo de alchehengi: in quibus mendosè legebatur hasce, ipse Bellunensis (sicut inuenit in Arabicis codicibus) hascech rescripsit. Igitur titulus præsentis descriptionis rectè stabit, Oleum de hasch, vel hascech, siue oleum alhasch &c. Et non oleum de hasce. Et similiter infra in ipsa descriptione legendum est: Accipe alhascech &c. Et quanta differcu

ferentia sit inter hasech, & hase, qui bene vtrunq; sciscitatus fuerit, non ignorabit. Porro hasech omnes describant esse frigidū, & econtrā, hase calidissimū. Et quā malē sit ponere expresse contrarium alicuius rei, in vno medicamine, vos ipsi o lectores iudicate. Quid autē sit hasech, seu alsék, mox declarabitur. De hase autem satis dictum est suprà. Præterea sequitur in ipso titulo: Et est oleum sericinum. Quasi declarādo dicat: oleum alhasech esse oleum sericinum. Quod glossēma minimē competit huic lectioni. Quoniam ex tali glossatione nihil inde veri sequitur, vt mox patebit. Imò talis glossa totam lectionem confundit. Et certē coniectamus esse quorundam imperitorum additionem: qui fortasse legentes apud filium Serapionis descriptionem primam olei alsék, inuenerunt quod inibi legitur: videlicet, Et decoquatur donec cōsumatur aqua, & remaneat oleum sericinum. Et exinde putauerunt hoc oleum alhasech, post eius cōpositionem appellari oleum sericinum. Vnde postea addiderunt titulo præsentis descriptionis filij Mesuræ Et est oleū sericinum. Etenim in pluribus exemplaribus non legitur, ex quo certiores facti, non dubitamus illam esse additionem. O vtinam non malam. Et licet in descriptione illa filij Serap. sit superflua illa dictio, scilicet sericinum: tamen non est incongrua, vt in præsentis descriptione. Videamus igitur quid sit oleum sericinum. Enimuerō oleum sericinum nil aliud est, quā oleum sesaminum. Dicetis forsan: unde probabitur? Probabimusequidem per descriptiones ipsiusmet filij Serap. conferendo cum alijs Authoribus. Vnde exempli gratia, Vbi in descriptione olei de chamomilla ipse filius Serap. dicit: Recipe olei sericini: in eodem loco Auicēna, & Hali Abbas dicunt: Recipe olei sesamini &c. quæ breuitatis causa non scribimus. Imò ad maiorem declarationē, fere omnia olea filius Serapionis componit cum oleo sesamino. Author autem noster inibi dixit: cum oleo de oliuis cōpleto, aut oleo sesamino. Ergo oleum sericinum non est aliud quā oleum sesaminum. Porro cum dicit Serap. in sua olei alsék descriptione: & remaneat oleum sericinum, scilicet oleum sesaminum: verum dicit: quia ibi præter oleum sesaminum nō recipitur aliud oleum, ex quo post coctionem non remanet nisi oleum sesaminum. Quamuis frustra sunt per plura, quæ possunt fieri per pauciora. Quoniam non erat necessaria dictio illa, quā ad decorem forsan etiam vel interpreti, vel ipsi Authori placuit variare. Satis enim erat, imò clarius simpliciter scribere: Et remaneat oleum. In præsentis autem descriptione filij Mesuræ, non ita capitur. Quia si tu dicis: Oleum al-

*Oleum sericinum.*

sech

sech est oleum sericinum, scilicet sesaminum, non rectè loquaris: quoniam conuertitur hæc circumlocutio: ergo oleum sesaminū est oleum alasech. Si concedis: Ergo sequitur quòd vbicunq; legimus oleum sesaminum, semper debemus intelligere oleum alasech, & econtrà. Quod est falsissimū. Igitur cassetur illa glossa, & legatur simpliciter, & rectè: Oleum de alasech, siue oleum alasech confert dolori renum &c.

*De Asek, seu Alsech &c.*

**H**asech, siue asech, vel hasech, vel alsek &c. sine dubio Arabicè idem significat quod Latine tribulus: vt legenti Serap. & Auicennam, & Dioscoridi, Theophrasto, Plinio, & cæteris Authoribus conferenti patet. Tribuli autem, siue alsek &c. ferè ab omnibus duo constituantur genera: vnum videlicet terrestre, quod vbique per campos, & hortos, & in sterquilinijs circa oppida, & secus vias, & in ripis fluminū, & litoribus maris oritur: vnde à nonnullis tribulus marinus vocatur: vt legitur in vnguento Agrippæ Nicolai: & à Pandectario, & alijs pluribus testatur. Etiam & ab antiquioribus Græcis, vt ab Hippocrate, quæ Ruellius in tertio de natura stirpium citat. A nonnullis in Italia, hoc vulgariter basapede nuncupatur, quod Latine est osculans pedè.

*Tribulus  
marinus.*

*Cicer imperatoris.*

Et in synonymis libri filij Serap. exponitur esse cicer imperatoris. Quāuis Pandectarius hoc nomen cap. 339. ad vtrumq; genus referat. Semen est ei aculeatum, vt in spinachijs: extēditur enim super faciem terræ &c. Et hoc genus est notissimum. Aliud autem genus non nisi in lacubus, & amnibus, atq; in aquis stantibus nascitur: ex quo tribulus aquatilis à quibusdam appellatus est. Folia sunt ei magna quasi nenupharis: quæ tantum expansa super aquam, videntur natæ: reliquæ autem plantæ partes sub aquis occultantur. Fructus eius nigerrimus, quasi perpolitum cornu bubalinum, magnitudine nucis vsualis, cum quatuor acutis angulis, velut spinis grossis in quatuor lateribus: videlicet duo anguli sunt hinc & inde versus inferiorem partem fructus. Reliqui vero duo in reliquis lateribus, hinc & inde econtrà, versus superiorem partem, cum quibusdam liniamētis, ita striatus ipse fructus, ac pulcherrimè est factus, quòd videtur illis qui primitus aspiciunt, non à natura: sed studiosè paratus, in similitudinē cuiusdam capitelli columnæ. Intus verò habet substantiam albam, dulcem, nutritiuamq;: vnde à nonnullis castanea aquatilis nominatur. Et fit ex eo, in aliquibus terris, panis bonæ substantiæ, & gustui non ingratus. Herba quoque ipsius equos impingat: & sti-

*Castanea  
aquatilis.*

pes

pes eius propè radicem est subtilior, quàm in parte superiori &c. Et hic quoque tribulus cognoscitur à multis. Ambo vnus virtutis & proprietatis sunt. Veruntamen & cum hoc, terrestris tribulus est etiam contra venenū: vnde melior iudicatur. Igitur quando absolutè reperitur tribulus, seu alsek &c. seniper de terrestri, *Tribulus*, tanquàm de notiori seu cōmuniore atq; meliori est intelligēdū. Eò seu Alsek maximè in illis locis, in quibus (vt in ista descriptione) expetitur *absolutè*. extremitates eius. Quoniā de aquatili nescimus quales extremitates, præter folia possunt intelligi. Igitur in hac cōpositione petit Author extremitates tenellas alhasech, scilicet tribulorum terrestriū, vt possit ex eis excipi succus &c. Et sic est secundū veritatē.

*Oleum de Cucumere asinino.* CCCCXLI.



IN SECVNDO modo istius descriptionis, per impressos libros mēdosē legitur: Accipe succi radicū eius, & radicū eius contritarum, ana ℥s. Lege verius sic: Accipe succi radicū eius contritarum ℥s. Vel sic: Accipe succi radicis eius contritæ: quoniam sic vel sic legitur in antiquis exemplaribus, & in vulgaribus impressiōibus. Author enim noster posuit duos modos faciendi hoc oleum: videlicet vnum ex succo fructuum, & alterum ex succo radicū eius, scilicet cucumeris asinini. Et hunc secundum modum forsan (vt putamus) ex Paulo sumpsit. Ponit nanque ipse Paulus in 7. tres modos sub nomine olei sycionij. Sed primus, qui est simplex, quasi similis est huic secūdo. Non obstante quòd posset fieri sicut (exempli gratia) fit oleum de enula, scilicet cum succo radicis, & ipsa radice contrita. Tamen in nullo exemplarium (vt dictum est) legitur.

*Oleum de Pomis citranguli &c.* CCCCXLII.



EGITVR nanque in exordio præsentis descriptionis vna barbara dictio, & tam per antiquos, quàm per impressos libros, diuersimodè est posita. Vnde sunt qui sic, & sunt qui sic, & sunt qui aliter habēt: Allelēgi, allelé, alaleugi, alchebeng, alebegi &c. Quid propriè sit, nescimus. Pādectarius autē in litera lehellég, & in litera Lohelég, declarat hęc significare quosdā tumores, qui vocantur rosulæ. At rosulas quidē in partibus Apuliz scimus vōcari quasdam maculas rubras, quæ apparent in cruribus, & coxis, quando quis discalciatus per hyemem patitur frigus, & sedens apud ignē multum exalfacit se. Sed an hoc oleum delect

*Rosula.*

has

has maculas, facillimè quis experiri potest.

*De Pomis citrànguli.*

**S**vb nomine citrànguli possunt intelligi omnia genera pomorum aureorum, scilicet narantiorum, siue arantiorum, limonum, citriorum, quæ sunt mala medica, & ceterorum consimiliũ, tam acrium, quàm dulcium. Et hoc oleum intelligitur esse faciedum de ipsis pomis propriè, seu malis. Suprà enim posuit oleum quod fit ex solo semine citrij, siue citrànguli &c. Præterea præcipit Author, vt sint ipsa poma antiqua, id est valdè matura. Et propriè illa sunt antiqua, quæ supra annum permanferunt in arbore sua. Item præcipit ipse Author, vt dicta poma ponantur integra in vase &c. Quod intelligitur, vt nihil ex eis abijciatur, scilicet quod omnes ipsorum pomorum partes sint in vase. Porro secanda sunt, atque frangenda ipsa poma, vt facilius oleũ possit penetrare omnes suas partes, tam intrinsecas, quàm extrinsecas.

*Oleum de Croco &c.* CCCCXLIII.



**P**ONITVR hoc oleum ab Auicenna in quinto cañ. differt tamen in ponderibus. Fex enim huius olei ab ipso Auicenna, crocoma vocatur: de qua re fecit cap. in secundo cañ. Rectius autem crocoma magna legendum putamus, vt est apud Dioscorideni, & alios plures.

*Oleum de Piperibus &c.* CCCCXLIIII.



**A**VICENNA quidem (vt coniectari potest) præsentem descriptionem Author accepit. Auicenna autem à filio Serap. seu ab Hali filio Abbas. Omnes enim quatuor habet huiusmodi olei compositionem. Sed Author noster vocat ipsam: Oleum de Piperibus: ex quo addidit ipsi compositioni piper album, quod apud ceteros non legitur. Et præscripsit tria piper, propter ipsius olei denominationem, cum ceteri antepōnāt myrobalanos. Auicenna verò nominat ipsum, oleum alkechengi, & malè. Non enim intrat præsentem compositionem alkechégi. Et hinc est (vt putamus) error ipsius Auicennæ: quoniam Bellunensis non emendauit. Fortasse ipse Auicenna, ab Hali sumpsit suam descriptionem, & pro caquenelegi, intellexit caquenegum: quoniam apud dictum Hali, oleũ caquelenegi intitulatur. Sed nõ est vnum & idem caquenegum, & caquelenegi. Caquenegũ enim est solani genus: vt in secundo practicæ ipsius Hali habetur. Caquelenegi

*Caquene-  
gum.*



lenegi autem idem est: quod kelengi, siue alchelégi. Vnde in ipso *Caquela-*  
 Auicenna, oleum alchelengi credimus rectius legédum esse. For- *negi.*  
 san etiam est mendum librariorum, quod ipse Bellunenſis nō ani-  
 maduertit, scilicet quòd pro alchelengi, mendosè sit posítum al-  
 chechengi. In filio Serapionis autem legitur clarius, videlicet:  
 oleum alkelenici: quod idem est quod oleum alkelengi. Aikelen-  
 gi autem (vt suprà, scilicet in Alchelengi confectiōe diximus)  
 multorum iuuamentorum &c. declarationem significare conie-  
 ctauimus. Vnde oleum alkelengi, id est oleum multorum iuu-  
 amentorum &c. Legitur etiam mendosè in Auicennæ descrip-  
 tiōe, iusquiamus. Ex quo probatur, quòd ipsum sequutus Author  
 noster, descripsit in sua. Quod quidem mendum nec Bellunenſis  
 notauit. Filius Serap. autem, & Hali, eo in loco, nō iusquiamum,  
 sed ammoniacum habent. Et ita stare debet. Nequaquam com-  
 perit huic compositioni iusquiamus, scilicet hyoscyamus. Vnde  
 peritissimus quoq; vir Manardus suspicatus fuit mendam esse in  
 hoc loco. Ex quo igitur rectius lege: Serapini, opopanacis, am-  
 moniaci, ana &c. Sunt præterea & aliæ plures librariorum men-  
 dæ in præſenti descriptione filij Mesuæ, per omnes impressiōes,  
 & similiter in Nicolao Præposito, & in Luminari Maiori. Vnde  
 ubi legis: Accipe trium piperum, ana 3. iij. lege verius, ana 3. iij. vt  
 antiqua exemplaria testantur: & filius Serapionis & Auicenna,  
 atq; Hali præfati cōcorditer habent. Sed animaduertédum quòd  
 Author noster pro medietate composuit suam descriptionem.  
 Item ubi legis turbich 3. xij. Lege rectius 3. ij. vt est in dictis exem-  
 plaribus, ac etiam apud filium Serapionis. Nam Auicenna & Ha-  
 li non 3. iij. sed sextaria iij. habent. Sextarium autem (vt in ſupe-  
 rioribus dictum est) apud authores, multipliciter sumitur. Vnde  
 potest esse quòd hīc ab ipsis sit posítum pro drachma. Item ubi  
 in quibusdam impressiōibus legitur hīc, hæſce: lege hæſech. Vt  
 dicta exemplaria, & filius Serap. & Hali habent: & Bellunenſis in  
 Auicenna emendauit. Plurimi nempe ex iunioribus allucinati  
 (ob literæ falsitatem) declararunt hoc esse thymum. Item ubi le-  
 gitur taphæ: legendum est emendatius, casie. Et est vna ex specie-  
 bus casie lignæ, siue indæ, quæ aliter (vt in tripheris declaraui-  
 mus) scitaragi indi vocatur. Vnde in filio Serap. hoc in loco, ſei-  
 taragi legitur: & in Hali, ſitaragi indici. Et in Auicēna est capsæ,  
 semicorruptè pro casie. Vbi Bellunenſis sythragi, pro scitaragi  
 traduxit. Antiqua exemplaria etiam pro maiori parte, habent  
 casie scriptum. Et sic est secundum veritatem. Item non igno-

randum, quod antiqua exemplaria in exordio huius descriptionis sunt varia, videlicet aliqua conueniunt cum impressis libris, & habent scriptum: Et confert ad epilepsiam, & veram sciaticam &c. Et confert dolori ani, à frigiditate &c. Aliqua autem, non veram sciaticam: sed venam sciaticam: & non ani, sed auris habent, sic videlicet: Et confert ad epilepsiam, & venam sciaticam &c. & infra: Et confert dolori auri, à frigiditate &c. Quae autem litera sit verior, medici potius est, quam aromatarij scilicet tarsi. Auicenna autem habet venam sciaticam. & infra dicit: Et sedat dolorem ani: Filius Serap. verò sciaticam simpliciter posuit. Ceterum, qui legunt descriptionem filij Serap. animaduertant quod aliqua impressiones habent ipsam imperfectam, videlicet, quod ubi in ipsis legitur: Et fundantur super eam aquae lb. xxiiij. & decoquatur, donec consumatur aqua &c. Ibi, scilicet inter consumatur, & aqua, defunt multa verba. Vnde vt in quodam exemplari è manu, & in vna de primis impressionibus inuenimus, sic rectius legendum est: Et fundantur super eam aquae lib. xxiiij. & decoquatur donec consumatur medietas, & projiciantur super ea olei de cherua heminae iij. & decoquatur, donec consumatur aqua, & remaneat oleum &c. Veritas huius erroris per se est manifesta, cum in ipsa descriptione mendosa non legatur oleum, quod necessarium debet esse: vnde &c.

*De Hemina.*

*Mina.*

**H**emina quidè ab hemis, scilicet semis: & mina, scilicet mensura, quasi semimèsurà dicitur: quia (vt ferè omnes cõmuniter tenent) hemina est medietas sextarij. Et scribitur cū aspiratione in principio: quãuis etiã apud aliquos minus rectè legatur emina sine h. Quãdoq; etiãnum reperitur in libris mīna, pro hemina. Et apud Hali filij Abbas, mēna legitur. Et mīna quoq; siue

*Sextarius.*

mīna (quod idem est) ab alijs aliter accipitur. Sextarius autè siue sextariū (vt diximus) variè capitur. Verū tamen plurimi in heminae declaratione, dicūt sextariū esse mensurā duarum librarum. Vnde hemina pro libra intelligi potest. Et sic in ista descriptione est ad propositum: quoniam satis sunt duae heminae, scilicet duae librae olei cheruae pro hac cõpositione. Non obstare quod sextarius reperiat & maior, & maximus: & minor, & minimus. Nec etiã contradicente, quod mina in filio Serapionis & Auicēna diuersimode declaretur. Vnde legitur quod aliqua mina est, quae continet quadraginta sextarios &c. Quia nos communem plurimum opinionē sequuti, intelligimus hīc heminam pro libra. Si autem quis p

quispiam melius iudicauerit (de perito loquimur) debere fieri secundum ipsius iudicium non inus inficias. Actuarius autem scribit heminam capere uncias nouen.

*Oleum de Euphorbio &c.*

CCCCXLV.



**D**VO ab Authore nostro in præsentī descriptione constituuntur modi faciendi oleū de Euphorbio. Primus tamen (qui est simplicior secundo) ex antidotario Rhafis (vt putamus) sumptus est. Vel ex secundo Galeni de medicamentorum compositione secundum loca. Cui & vinum indidit Author, quod ipsi non habent. Secundi autem modi (vt credimus) principalis Author est Auicenna. Quoniam in quinto suo cā. dicit, Oleum de euphorbio nostrum &c. Ab Auicenna igitur accipiens Author noster hunc secundum modum, peruertit eius ordinem. Vt sibi attribuerent forsan. Veruntamen non latet legentem, quod vna & eadem compositio est in vtraq; descriptione. Sed aduertito, quod in præsentī filij Mesuæ descriptione, per impressos codices mendosè legitur: Accipe staphisagriæ, condisi, ana 3. iij. Rectius coniectauimus legendum esse sicut Auicenna habet, scilicet staphisagriæ 3. iij. condisi 3. iij. Nam in hoc exemplaria antiqua varia sunt. Videlicet quædam habent (vt dictum est) sicut Auicenna, quam putamus esse veriorem literam. Et quædam econtrà sic: staphisagriæ 3. iij. condisi 3. iij. In nullo tamen est cum ana: vt impressiones habent. Item sciendum quod in Auicenna est pyrethri pondus 3. vij. Hic autem tam per cuncta prædicta exemplaria, quàm per excusos libros concorditer legitur, pyrethri 3. vj. si autem illa drachma redundet in Auicenna, vel hic sit inuoluta, verè nos latet. Præterea non ignorandum quod in Auicennæ descriptione mendosissimè legitur: Et decoquantur in vase cum quadraginta 3. vini odoriferi &c. Lege ibi verius: cū quadraginta uncis. Non enim sufficiunt quadraginta drachmæ ad illa infundenda, & postea decoquenda. Author enim noster posuit vini: lb. iij. Nā 40. 3. tres lb. & 3. iij. sunt. Igitur in duabus tantum uncis differunt: quas putamus authorem addidisse, vt meliori modo possint infundi & decoqui illa &c. Sed maxima differentia est inter 40. 3. & lb. iij. s. Igitur 40. 3. legi debet. Et sic est verum: quamuis Bellunenſis nō enmendauerit. Fortasse non animaduertit. Non enim omnia possumus omnes.

Qz

De Condifi, seu Radicula.

Herba ful-  
lonum.

**C**ondifi, siue condes, siue chundes, vel kundes, idem est quod struthium, scilicet lañaria herba, quæ & radícula & herba fullonum dicitur. Vt patet concordando cap. Serapionis de condifi, cum cap. Dioscoridis de struthio, scilicet de radícula. Struthium autem à Dioscoride non pingitur, sed dicit rem notā esse. De quo valde miramur, quòd res tam nota veteribus sit ita viuētibz incognita cūctis, quòd tam medici & aromatarij, quàm herbarij, quàm etiā fullones (quibus maximè eā expetere opus foret) nesciant illā. Sed neq; nos adhuc potuimus inuenire quid sit ista radícula. Nam perijt vsus eius apud Latinos. Auicenna autē capitulo de harthanita deceptus (vt putamus) à falso codice, credidit ipsam esse speciem harthanitæ. Et scribit ipsam esse spinosam: & similiter Simon Ianuensis, & alij plures scribūt ipsam esse spinosam, cum caule ferulaceo, & lanuginoso, inodoro flore, aspectu tamē grato, sine semine &c. Bellunēsis verò in suis interpretationibus, scilicet in litera condifi, authoritate Isaach ebenharam dicit quòd radix eius exterius est nigra, interius verò ad citrinitatem tendēs, & quòd eius planta aīsimilatur cardo albarsef, vocato in Sicilia Cacoazole, & quòd ipsa radix est nota in Syria &c. Siculi autē à nobis percunctati dixerūt, quòd ferè omnia carduorum genera apud ipsos sub isto vocabulo (scilicet cacoazole) veniūt. Vnde similitudo illa Bellunēsis est tanquam nihil, ad cōdifi inuestigationem. Quod autē ipse Bellunēsis ex Ebēbitar posuit. Hoc est, quòd neq; Dioscorides, neque Galenus loquuti sunt de ipso. Si ipse Bellunēsis intelligit de simplici vocabulo, scilicet condifi, verum est: quia nusquam Græci condifi meminerūt. Si autem de re ipsa, hoc est falsum: quoniam & Dioscorides, & Galenus, & Paulus, & alij plures, de cōdifi, sub nomine radiculæ, seu struthij, multa dixerunt. Imò Paulus in septimo scripsit radiculam ferre semen. Qui autem opinati sunt esse radicem hellebori albi, hi magnopere errauerūt. Erroremq; ipsorum plura comprobant. Vt sunt capitula diuersa authorum de vtroq; tractantia, & spinositas qua caret helleborus &c. Verum est quòd condifi mouet sternutamenta, & alia plura facit, sicut helleborus: tamen non est helleborus, nec species eius. Porro ponitur loco condifi æquale pondus de nuce vomica, & tertia pars ipsius de pipere. Et hoc in vomitionibus prouocandis tantum. Auicenna Author est. Sed in alijs necessitatibus, authore Paulo, pro condifi, scilicet radícula, veratro nigro vti conceditur.

Oleum

## Oleum Vulpinum &amp;c. CCCCXLVI.



VNT nempe per aliquas impressiones duæ men-  
de in præsentī descriptione. Prima videlicet, vbi  
legitur in ipsa: Et funde super ipsam aquæ fon-  
tium, & aquæ marinæ, ana chist j. Lege rectius,  
ana chist ij. Secunda est, cū sequitur: Olei anti-  
qui clari chist iij. s. Lege verius, chist ij. s. Quoniam ita est non so-  
lū in cunctis exemplaribus, & vulgari æditione: verum etiam &  
in nonnullis impressiōibus minus mēdosis. Præterea sciendum  
quod licet Author determinauerit quantitatem aquarum, scilicet  
chist iij. quæ sunt secundum communem opinionem libræ  
vj. tamen iuxta nostrum iudicium, est parua quantitas: vnde de  
maiori chist, hoc in loco est intelligendum. Quia chist (vt supra  
iam diximus) variè sumitur. Porro discretio aromatarij in his &  
similibus est melior statera ponderandi res necessarias admini-  
strandas, quàm lanx ænea: videlicet quod si vulpes erit vulpecu-  
la, quantitas aquarum ab authore assignata erit forsan sufficiens  
per aliquod chist maius supple intellige. Si autem vulpes erit  
magna, & annosa, operator debet ponere tantam aquarū quan-  
titem quod sufficiat ad optimè decoquendum ipsam. Eo ma-  
xime quod annosa vulpes, & omne animal annosum, maiori in-  
diget bullitione, quàm anniculum & tenellum. Quoniam de-  
coquenda est ipsa vulpes (vt Author monet in fine istius descri-  
ptionis) donec discōcta sit, vt omnes artus eius dissoluantur &c.  
Quod quidem fieri non potest cum pauca aqua, in vulpe ma-  
gna & annosa. Etiam & inter decoquendum, cū viderit ope-  
rator aquam penè consumptam, & vulpem non perfectè deco-  
ctam, debet superinfundere ex ipsis aquis iterum atque iterum  
donec optimè decoquatur &c. Porro oleum non est augendum  
in magna vulpe, sed potius in vulpecula minuendum: quia  
quanto minus erit oleum, tanto efficacius & potentius habe-  
bitur.

## De Vulpe.

A Nimal notissimum est vulpes, & astutissimum. Vnde ani-  
mus vulpinus, sæpius pro homine astuto & malitioso po-  
nitur. Ab Hispanis quidem (ob id forsan, quia rapit) Rappo- *Rapposa Hi*  
sa nuncupatur. Gallinas libenter persequitur &c. Sed aduerte *spanis quid*  
quod dicit Author: Accipe vulpem integram, interioribus tan-  
tum proiectis &c. Vbi sciendum quod ipsum animal non est

excoriandum: sed bene potest (qui vult) concidere illud, in tres, vel quatuor, vel plures partes, vt melius in vase ad decoquendum aptetur. Quoniam Author non ponit integritatem ipsius, vt intelligatur sana: vt habeat omnes suas partes, præter interiores. Et antequam immittatur oleum (si immittendum erit) debet prius peroptime despumari &c.

*Oleum de Serpentibus &c.*

CCCCXLVII.



CRIBITVR etiam hoc oleum, & à filio Serap. & ab Auicenna, atq; ab Hali filio Abbas. Et tamen Author noster, quàm quilibet ipsorum, specificat de serpentibus, vt sint nigri. Manardus autem declarat esse vipers, quod nobis non placet. Nam viperæ nō sunt nigre &c. Non ostēte quòd eodem modo potest etiā fieri oleū ex viperis, & cæteris serpentibus, sicut fit ex serpētibz nigris. Quod postea ex viperis oleum viperinū esset nūcupandum, ad multa vtile. Sicut quandoq; parauit quidam Theotonicus physicus. Ex quo oleo viperino Romæ, temporibus nostris, plures fecit experientias notatu dignas. Veruntamen intentio præfatorum Authorum est, vt fiat hoc oleum cum serpentibus nigris. Et sic debet fieri. Porro iuxta nostrum iudicium, melius est vt decoctio eius operetur in vase vitri. Et in duplici vase, sicut coquitur oleum rosatum, per modū balnei, quod balneum Mariæ dicitur. Quod quidē modo, sine vasis apertione (quod periculosum est) poterit quis videre ab extra, quando serpētes sint optime percocti, & oleum non frigetur sicut in sartagine, & per consequens clarius erit.

*De Nigris serpentibus.*

Nigri scribuntur ad differentiam aliorum diuersicolorum. Et sunt hi serpētes notissimi in multis regionibus, & præcipuè in regno Apuliæ, vbi in magna copia vidimus. Sūt etenim longi, atque nigerrimi, sed non multū habent de veneno. In forma sua simulantur illis, qui ceruini dicuntur. Nonnulli viuos serpentes in oleum mittunt, quod putamus melius esse.

*Serpentes  
ceruini.*

*Oleum de Scorpionibus &c.*

CCCCXLVIII.



VPLICI modo docet Author fieri hoc oleum, & vterq; modus est bonus. Sed aduerte quòd tam in primo modo, quàm in secundo, oleū amygdalarum amararum est intelligendum. Mendosè enim legitur absolutè, amygdalarū in primo modo,

do, per omnes impressiones. In exemplaribus antiquis autem, clare de amaris specificatur. Alias plures literæ deprauationes hîc inuenimus, quas simpliciter in textu emendauimus. Iste secundus modus, bis à Rhasi describitur. Videlicet, in nono ad Almanforrem, capitulo de difficultate mingedi: & in antidotario diuisionum, cap. de medicinis vrinæ.

*De Scorpionibus.*

**S**corpîus, & scorpîo dicitur. Quæ nomina sunt communia ad plura. Vt ad animal, quod cauda pungit ad mortem, & ad signum cœleste, & ad picem marinum, & ad quandam herbam, & ad quoddam militare instrumentum, & ad quoddam tormenti genus &c. Sed hîc de animali cauda feriente intelligitur. Quod animal ubiq; cognoscitur. Sed in quibusdam locis magis, quàm in alijs abundat. Vnde est quòd circa neapolim Campaniæ ciuitatem, rarò inuenitur. Et Romæ plurimus est. Et particulariter intra Vrbs mœnia, in monte videlicet qui Testaceus dicitur, copiosissimè habetur. Libenter enim inter testas generatur. Audiuius nempe à fide dignis viris, qui per Syriâ sancta peragrârunt loca, quòd circa Hierosolymam, & per totam Syriam, sunt scorpiones magni, sicut sunt apud nos cancri fluuiales, quos gambaros, siue gambares vulgò nominant. Apud nos autem sunt minimi, fabæ videlicet magnitudinem non excedentes. Vnde non est mirum, si Author noster viginti tantum specificauit ponendos esse in hoc oleo: quoniâ de genere magnorum intellexit. Sed bene postea subiunxit plus, vel minus, secundum quantitatem paruitatis, & magnitudinis eorum. Vbi sciendum quòd nos qui habemus tam paruos scorpîos, centum ad minus pro qualibet olei libra ponere debemus. Aliter enim oleum erit imbecillius, & sine vi, ad consequendam sanitatem illorum malorum, pro quibus ab Authore ordinatum est. Colligendi sunt autem scorpîi, cum sol est in Leone: videlicet inter xv. Calendas Augusti, & xv. Calendas Septembris. Non autem quando sol est in Scorpione, vt nonnulli falsò opinati sunt. Et viui ponendi sunt in oleum, quod per triginta dies ad minus insolabis, postea colatum reserua &c.

*Scorpiones  
quâdo veni-  
ri oportet.*

*Oleum de Ranis &c.* CCCCXLIX.



**V**ITIO librariorum per omnes excusiones latinas, legitur mēdosè in præsentī descriptione: Reciperanarum antiquarum &c. Nam cuncta exemplaria, ac etiam vulgaris editio, & similiter Lu-

minare Maius, concorditer habent: Recipe ranarum aquaticarum &c. Et sic est verum.

De Ranis.

**R**anarum quippe plura sunt genera: vnde ad aliarum differentiam, aquaticas specificauit Author, quæ cæteris sunt meliores. Nonnulli putent omnes ranas esse venenosas. Dioscorides autem, & Serapio dicunt quod ranæ, supple aquaticæ, coctæ cum oleo, & sale, si edantur, sunt antidotum magnū contra omnium serpentium venena. Ex quo securè plurimi vescuntur eis aquaticis duntaxat. Et precipuè Lombardi, quibus ranæ aquaticæ quadragesimali tempore sunt domestici atque quotidiani pisces. Ranæ autem terrestres, vt sunt mutæ (quæ sic dicuntur, quoniam vocarent) & ruberæ, quæ & racanellæ, quasi raniculæ vocantur &c. non comeduntur: quoniam, vt sæpius, cum buffonibus coeunt. Quam ob causam malignæ reputantur.



Ex multis autē rebus fiūt olea &c. CCCCL.

IC Author declarat quod non omnia Doctorū olea ipse notauit: sed magis necessaria tantum. Consimilia igitur quæ possunt fieri, apud alios quarrit.

Fiunt autem olea per resolutionem diuersis modis &c. CCCCLI.



NCIPIT hinc Author tertiam particulā huius distinctionis: scribens non omnia, sed ex multis aliqua, tanquam nobiliora olea quæ fiunt per resolutionem, seu per sublimationem &c. Vnde sequitur.

Oleum de ouis &c.

CCCCLII.



CRIBIT Author in præsentī descriptione tres modos faciendi oleum de ouis: sed primum (vt cōiectamus) ex antidotario Rhasis: vel ex septimo filij Serapionis accepit. Secundum autem & tertium ex quinto casū. Auicennæ.

De Ouis.

**Q**Vasi superfluum est oua declarare, quia notiora sunt, quàm vt declarari debeant. Omnium autem optima sunt gallinarum oua: post ipsa verò, à quibusdam perdicum, ab alijs fasianorum oua præponuntur cæteris.

Oleum



*Oleum de Frumento*

CCCCLIII.



RIMVM modum factionis. huius olei, scribit etiam Rhafis in suo antidotario. Vbi autem in secundo modo dicit Author: Ponatur frumentum excorticatū in vase sublimationis, & fiat sicut dicemus: subintellige, in oleo Philosophorum. Sed non est cremandum frumentum, vt lateres: sed simpliciter, vt litera habet, excorticatū ponatur in vase sublimationis. Non obstante quòd etiam posset fieri per modum descensionis, sicut fit oleum de iunipero, vt Manardus refert se fecisse parari. Er nota quòd sicut fit de frumeto, ita potest fieri de hordeo, & similibus.

*De Frumento.*

FRumentum idem est quod triticum. Plura sunt eius genera, sed omnia notissima. De quocunq; autē genere accipiat, nihil refert. Porro optimum est, quod post messē non est madefactum aqua, seu alio quouis liquore, lucidū, plenum, siue perfectē maturum, nouum, scilicet eiusdē anni (quod enim post annum superest, vetus dicitur) durumq; nec corrosum à vermibus.

*Oleum Sinapinum &c.*

CCCCLIIII.



ALDE admirari contigit de Authore nostro docente fieri oleum præiens, sicut oleum de frumento. Quod facilius potest fieri per expressionem, sicut fiūt olea de seminibus papaueris, lactucæ, & similibus, ac etiam sicut oleū amygdalarum &c. vt nos ipsi quidem pluries experti sumus. Vnde, saluo semper meliori iudicio, videtur nobis (quod & consulimus) videlicet, vt fiat per expressionē, ex semine synapis optimē maturo: quia agilius, clarius, abundantius, & nobilius fit. Nec vllum malum habet odorem. Quodque magnopere memoriæ confert: Rhafis autem aliter parat.

*Oleum de Iunipero &c.*

CCCCLV.

*Oleum Fraxinum &c.*

CCCCLVI.



VO hæc olea eiusdē operationis & virtutis, sunt. Et simili modo ex alijs quampluribus lignis fieri potest oleum, ad diuersos tamen effectus. Sed aduerte quòd huiusmodi ligna & similia, oportet vt sint optimē præsuccata, sincera, sine cortice, teredinibusque in experta &c. Item, pro dolio, intellige vas magnū

Qs

testaceum, igni resistēs, vitreatum ab intus &c. Item ubi dicit: Et præpara parietes eius cum terra figuli: subintellige ab extra. Hæc autem scripsimus pro simplicioribus: quia non defunt ignari intelligentes pro dolio, vas vinarium ligneum, quod similiter dolum vocant homines. Quoniam fere recessit usus antiquorū vinariorum doliōrum, quæquidem fictilia erant. Nunc autē quasi omnes ligneis vtuntur vasibus, quibus & dolij nomen attribuerunt. Veruntamen in aliquibus Hispaniarū regionibus fuimus: quarum incolæ adhuc cōdunt vinum in dolijs fictilibus, picatis, antiquorum more. Itali autem huiusmodi dolia, ad alios cōverterunt usus: vt Romani ad quam fluminis asservandam &c. quæquidē dolia proprijs priuata nominibus, Ziri, siue Zare, aut Gira hodie vulgō vocātur. Sed cū scribit Author vitreatum interius: declarat esse fictile vas, nō ligneum. Vasa etenim lignea non vitreantur. Nam & si fuisset ligneum, nōne prius combureretur vas, quā distillaretur oleum à præparatis lignis: Et per consequens, oleum non haberetur.

*De Iunipero.*

**I**uniperus secundum Dioscoridem duplex est, scilicet magna & parua. Serapio autem confundit in vno capitulo, & cypressi, & iuniperi, atque sauinæ genera. Porro duo iuniperi genera notissima sunt: sed quæ prope mare nascitur, iuniperus marina cognominatur. Fructus fert grandiores quā illa, quæ in montibus prouenit: attamen odoratior est montana, quā marina. Magna etenim iuniperus vt plurimum in maritimis oritur, & asperis, Cypressō simillima est. Parua autē, & in maritimis, & in montanis nascitur, cuius folia sunt aculeata &c. Gūmi verō istarum arborum, vernix solida, siue scriptorum est. Solida, & scriptorum posuimus, ad differentiam alterius quæ liquida est: quæquidē est res factitia, ex oleo seminis lini, & alijs rebus, qua pictores & fabri lignarij vtuntur ad illustrandum colores &c. Scriptorum etiam diximus: quoniam puluis ipsius super chartas extenditur ab ipsis scriptoribus, vt literæ scribendæ pulchriores fiāt. Vocatur nempe hæc vernix scriptorum, scilicet hoc gummi iuniperi, arabicæ, Sandarax, vel sandoros, vt in tercio Rhafis ad Almansorem legitur. Vnde est, quod plurimi abusuē, sandaracā nominant. Nam sandaracha propriè, auripigmentum rubeum est. Vt in trochiscis de arsenico diximus. Sed vt nelector confundatur in legendo: hoc obseruandum duximus: videlicet, vt sandaraca gummi semper sine aspiratione scribatur: quia

*Vernix solida, siue scriptorum.*  
*Vernix liquida.*  
*Sandarax.*

tur : quia ut plurimum sic legitur in libris Arabum. Sandaracha mineralis autem cum aspiratione, quia per  $\chi$ , Græcè scribitur,  $\sigma\alpha\upsilon\delta\alpha\rho\alpha\chi\upsilon$ , id est Sandarache.

## De Fraxino.

**D**ioscorides quippe asserens esse arborem notam, non pinxit Fraxinum. At reuera notissima est, & perquam similima orno. Serapio autē scribit ipsam simillimam ulmo. Nam huiusmodi similitudinē non bene quadrare eis, omnes qui vident contententur. Vnde suspicamur mandam esse in capitulo 226. Serapionis, scilicet quod non dirdar, siue didar, quod significat ulmū: sed aliā arbore debet ibi interpretis pro illius similitudine referri. Quia forsā illud quod interpretatus est dirdar apud Arabes, est nomē æquiuocū, plura significās. Et sic nō ad ulmū sed ad aliam arborem: puta ornum præfatam, vel consimilem erat referendum. Ornus enim arbor, quæ vulgō ornellus dicitur, à fraxino non multum differt, ut quilibet videre potest. Quæquidem ornus duplex reperitur, scilicet alba & nigra: tamen inter se forma non differunt. Semen autem fraxini, lingua auis vocatur. Et de eo dictum fuit in Dia Satyrione. Fert etiam & fraxinus gummi dulcissimum, quod mannam nominant. Sed de hac resatis supra diximus in confectioe de manna. Propterea vide ibi.

*Oleum de Gagete, est oleum sacratum &c. CCCCLVII.*



**P**ONITVR ab Authore duplex modus parandi hoc oleum. Primus videlicet per discensorium: ut oleum de iunipero. Secundus autem per sublimationem: ut oleum de lateribus. Sed non sunt comburandi ipsi lapides, sicut lateres comburuntur.

## De Gagete lapide.

**I**ste lapis apud nos rarò reperitur, & rarissimè exportatur. Vidimus enim aliquando ipsum lapidem. Est nanque niger (sicuti Dioscorides quinto libro scribit) pumicosus, bituminosus, levis, friabilisque. Videbatur enim nobis tanquam lignum marcidum, quod stetisset longuo tempore sub terra. Putamus equidem illum esse de mineris naphthæ. Vnde Dioscorides capitulo de naphtha, dicit quod naphtha bituminis genus, comitiales morbos suffitum explorat, gagate lapidis more.

*Oleum*

*Oleum Philosophorum &c. CCCCLVIII.*

**O**LEUM Philosophorum, Oleum secretorum iuramentorum, Oleum sapientiae, Oleum benedictum, Oleum diuinum, Oleum sanctum, Oleum perfecti magisterij, Oleum naphtha, Oleum petrae, Oleum petroleum, & Oleum de lateribus. Per tot nomina, seu cognomina, & appellationes, siue nomenclaturas, possunt vocari olea in praesenti descriptione notata, & similia. Quamuis aliqua praedictorum, sint specialia, & non generalia: vt oleum perfecti magisterij, Nephtha, & de lateribus. Ponit igitur Author duas species, siue duo genera huiusmodi olei. Vnum videlicet naturale, alterum verò artificiale. Naturale autem declarans, dicit quòd profert illud minera, & quòd vocatur nephtha. Quod autè ibi legitur: Hoc est. Aliàs mare. Vacat. Est enim additio librariorum, quae non legitur in exemplaribus antiquis. Et istud genus in tres diuisit species, seu differentias. Videlicet in subalbidam, subrubram, & subnigram, de quibus mox dicemus. Quod autè ab arte haberi potest, ipsemet clarè scribens, insinuat modum faciendi ipsum, scilicet ex lateribus &c. Vnde & oleum de lateribus, posse vocari diximus. Et sic Bulchasis vocat. Rhafis autem in antidotario, sub titulo olei benedicti, & aliàs, sub titulo olei de lateribus, habet huiusmodi olei descriptionem. Quod & asserit valere sicut oleum balsami. Vbi subscribit, quòd si piscatores inungèr retia sua ex eo, congregabunt multitudinem pisciù. Quod an verum sit, facilius quilibet experiri potest. Eandem Rhafis descriptionem posuit Guillelmus Placentinus, in quinto suae practicae.

*De Naphtha.*

**N**Aphtha rectius, quàm napta. Est enim secundum Dioscoridem, bituminis colamen. Multi oleum petroleum, siue absolute petroleum (vt Auicenna) hoc est, oleum petrae, nominant. Duo eius genera ipse Dioscorides fecit, scilicet album & nigrum. Sed Author noster tertium, quod est subrubrum, addidit. Etenim quasi vnus generis sunt. Bitumen, asphaltum, pissasphaltum, & naphtha. Vnde largo modo omne bitumen liquidum, clare potest naphtha vocari. Serapio enim scribit pissasphaltum Dioscoridis, in capitulo de munia. E petrosi locis nempe scaturit naphtha, sub aquis fontium, lacuum &c. E montibus quoque saxosis defluit in amnes. Vnde rectè oleum petrae dicitur. Nam pluribus

ribus locis sunt naphthæ mineræ: vt in Sicilia, in agro videlicet Agrigentino. Et apud Tocchum regni Neapolitani oppidum. Et in Mutinensis montibus, scilicet in illo qui Mons gybius, siue Mons zybius, vel Zilius vocatur. Omne enim huiusmodi oleum fœtet: ex quo nonnulli, stercus diaboli nuncupant. Sed vnū plus *Stercus diaboli.* quàm aliud. Quod è Sicilia asportatur, minus malè olere pluri-  
mi testantur. Veruntamen oleum Montis zybij experti sumus, quòd non malè, sed grauiter olet. Et scias, quòd omnis naphthæ species, secundum Authorem nostrum, vocatur oleum Philosophorum, oleum secretorum iuuamentorum &c.

*De Lateribus.*

**S**uperfluum est lateres declarare: satis enim per se manifestantur in parietibus & plateis ciuitatum &c. Sed hoc notandum: quòd Author noster præcipit vt fuman- tur lateres, non solum antiqui, sed multæ antiquitatis. Rhafis autè & Bulchafis ecotrà quæ- runt nouos, quos adhuc non tetigit aqua. Qui ergo vult facere hoc oleum, secundū Rhafim & Bulchafim, nouos dudum à fornace eductos accipiat. Qui autem imitatur filium Mesuz, de antiquissimisumat. At in defectu laterum, alijs vasorum testis fictilibus non vitreatis, rubris supple, vt possimus, & bene.

*De Oleo alchihil, siue alkikil &c.*

**P**recipit namque Author in præsentī descriptione, vt submergantur lateres igniti, in oleo alchichil, secundum quòd in impressis libris legitur. Veruntamen descriptionem huiusmodi olei, scilicet alchichil, nec apud ipsum, nec apud quempiam aliorum Authorum adhuc inuenimus. Luminare Maius declarat esse oleū quòd fit ex floribus rosmarini, quòd oleum similiter non reperitur apud Authores. Non obstante quòd sicut fiunt ex varijs floribus olea: ita & ex floribus rosmarini potest fieri oleū &c. Porro nec nobis constat potius intelligendum esse hoc oleum ex floribus rosmarini, quàm ex granato syluestri, aut ex alia re: quoniam non vniformiter se habent in hoc antiqua exemplaria, & excusi libri. Et licet sit tædiosum legere: attamen nobis videtur esse necessarium, ob meliorem rei declarationem, scribere librorum diuersitates. Igitur sciendum quòd concorditer impressiones omnes, & Luminare Maius, habent Alchichil. Libri verò manuscripti, quasi singuli singula dicunt. Rarò autem duo aut tres conueniunt in vnum. Has equidem variationes reperimus. Vnus liber tantum habet sicut impressiones: sed per k, nō per ch, scriptum:

ptum : videlicet, alkikil : & sic posuit Nicolaus Præpositus. Aliorum autem aliqui sic, & aliqui sic habent : videlicet, Alkikil, Alchilil, & qui per k, alkilil, Alkil, Alfeikil, Alfeicil, Alfeikal, Alfeibal, Alfekikil, Alfekil, & Allelileil. Et vulgaris æditio, Alpheikil. Etenim de huiusmodi & consimilibus pluribus vocabulis, in superioribus diffusè diximus : videlicet quòd sunt barbaræ voces, quæ ad plura applicari possunt. Vnde consultius & tutius nobis videtur hoc, videlicet, postquam Author posuit, quòd similiter potest fieri cum oleo antiquo claro, vt fiat cum ipso oleo antiquo, scilicet oliuarum. Quoniam similiter Bulchasis docet. Et Rhasis etiam absolutè in oleo, scripsit. Et sic erit quoq; secùdum Authoris intentionem. Et fortasse melius : quoniam in re dubia nullus præsumere debet : quia faciliter errare potest. Et qui se exponit periculo, incidet in ipsum. Fugendum est enim omne periculum. Sed id potissimè quod pluribus nocere potest. Nam si qualibet ars exercenda est, cum diligentia magna, & omni sollicitudine, vt artifex consequatur ex ea honorem & temporalem retributionem : quanto magis diligentiori cura, & vehementiori studio, & cautela, atque non absq; Dei timore medicina exercenda erit. Cuius quantuluscunque error, quandoque potest esse causa necis plurium hominum, & per consequens contra ipsius operatoris animam. Quod à nobis, & ab omnibus Christianis auertat ipse CHRISTVS IESVS, verus medicus, & Saluator animarum, & corporum. Qui cum Patre suo æterno, & Spiritu sancto, est benedictus in secula seculorum. Amen.

CENSURÆ IN ANTIDOTARIVM

IOANNIS FILII MESVÆ,

FINIS.

# RECEPTARIUM ANTIDOTARIUM

IOANNIS FILII MESVÆ,  
*in pristinum decorem restitutum, & adamus-  
sum emendatum per Venerandos patres, &  
IESV CHRISTI seruos, fratres Angelum  
Paleam Iuuenatiensem, & Bartholomæum Vr-  
beuetanum, ordinis Minorum obseruatiæ, Pro-  
uinciæ Romanæ.*

## DISTINCTIO PRIMA.

**S**cripsimus in libris explanationum nostrarum  
&c. 1.

Electuarium de Aromatibus, quod scripsit  
Galenus &c. 11.

**A**ccipe ligni aloës crudi, Rosarum, ana aureos xij. Gallie  
muscatæ, Macis, Doronici, Piperis longi, Nucis muscatæ,  
Mentæ siccæ, Spicæ, Castæ ligneæ, Masticis, Cinnamomi, Caryo-  
phyllorum, Afari, ana aur. iij. Calami aromatici, aur. iij. Croci, Car-  
damomi maioris, Cardamomi minoris, Triumfandalorū, Rheu-  
barbari, Cubebæ, Costi, Zinziberis, Seminis fœniculi, Anisi, Chei-  
sim, ana aur. ij. s. Zucchari 3. vj. Miux aromaticæ 3. xij. Mellis de-  
spumati quantum sufficit. Dosis est ab 3. ij. vj; ad aur. iij.

Electuarium de Gemmis &c. 111.

**A**ccipe albarum margaritarum 3. iij. Fragmentorum sap-  
phyri, Hiacynti, Sardonychis, Granatorum, & Feruzegi,  
ana 3. j. s. Zedoariæ, Doronici, Corticum citri, Macis, Seminis al-  
feleniemiich, ana 3. ij. Corallorum rubeorum, Charabæ, Limatu-  
ræ eboris, ana 3. ij. Been albi, & rubei, Caryophylorum, Zinziberis,  
Piperis longi, Spicæ, Folij, Croci, Heil, ana 3. j. Trochiscorum dia-  
rhodon, Ligni aloës, ana 3. v. Cinnamomi, Galangæ, Zurumber,  
ana 3. j. s. Foliorum auri, & argenti, ana aur. s. Mutci boni 3. s.  
Confice cum mellis emblicorum, & colaturæ geleniabini de rosis  
partibus æqualibus quantum sufficit. Dosis est ab aur. s. vj; ad j.  
cum aqua buglossæ, & vino odorifero.

## Confectio Alchermes &amp;c.

IIII.

**A**ccipe seta tincta ex chermes circiter libram. j. Et proprie super cutis tinctura non praterijt spatium extensum, & submerge eam in succo pomorum dulcium, & aqua rosata, ana lb. j. s. Et dimitte die vna. Deinde fac modicum bullire, donec aqua rubeat. Deinde extrahe ab ea setam, & exprime eam, & pone in ipsa aqua Zuchari tabarzer 3. cl. Et coque vsq; dum habeat spissitudinem mellis, & remoue ab igne, & projice in eo calido Ambra cruda minutatim incisa 3. iij. Et dimitte in eo liquefieri. Deinde projice super ipsum puluerem harum rerum. Accipeliigni aloes crudi, & Darseni, ana 3. vj. Lapidis lazuli loti & preparati 3. xij. Albarum margaritarum 3. ij. Auri boni 3. j. Musci boni 3. j. Confice. Et sit dosiſ ab aur. j. vsq; ad ij. s.

## Confectio de Xyloaloes &amp;c.

v.

**A**ccipeliigni aloes crudi, & Rosarum, ana 3. viij. Garyofyllorum, Spica nardi, Macis, Nucis muscatae, Gallie muscatae, Cubebe, Cardamomi, Zinziberis, Heil, Masticeis, Cinnamomi, Cyperi, Squinanti, Zedoariae, Been albi, & Been rubei, Folij, Sete crudae adustae, Margaritarum, corallorum rubeorum, charabae, Foliorum citri, & corticum citri, Alfeleniemisce, Sansuci, Sisymbrij, Mentae siccae, Piperis longi, ana 3. iij. Musci boni 3. j. Ambrae 3. j. s. Confice cum melle emblicorum, & miua aromatizata. Sit dosiſ a 3. j. vsq; ad iij.

Descriptio electuarij Sarboteng, & est laxificans, descriptione Hamech filij Zachariae &c.

vi.

**A**ccipe rosarum, Ligni aloes, ana 3. vj. Macis, Nucis muscatae, Gallie muscatae, Cardamomi, & Heil, ana 3. ij. Cinnamomi, Croci, ana 3. ij. s. Cyperi 3. v. Garyofyllorum, Masticeis, Spicae, Asari, ana 3. iij. Fiat omnium trituratio bona, & confice cum melle emblicorum, & aromatiza cum musci boni graſſi. xv. Et sit dosiſ a 3. j. vsq; ad iij.

Modus electuarij de Citro, ex inuentione nostra &c.

vii.

**A**ccipe corticum Citrorum, aur. xx. Garyofyllorum, Ligni aloes, cinnamomi, macis, Galangae, ana 3. ij. Musci 3. s. cardamomi, Zinziberis, ana 3. j. Confice cum melle. Dosiſ est 3. s.

Confectio de musco dulcis &c.

viii.

**A**ccipe Croci, Doronici, Zedoariae, ligni aloes, macis, ana 3. ij. Albarum margaritarum, setae crudae adustae, charabae, coralli



ralli rubei, ana 3. ij. s. Gallie, ozymi citrati, ana 3. j. s. Beë albi, & rubei, folij, ipicæ, garyofyllorum, ana 3. j. Zinziberis, Cubebæ, Piperis longi, ana 3. j. s. Musci 3. ij. Confice cum melle crudo, quod sit quadruplum ponderis omnium. Et sit dosis à 3. j. vsq; ad ij.

Confectio de Musco amara. ix.

**S**i supradictam confectioem amaram facere volueris, valentior efficietur &c. Et proprie si addatur in permissione eius Absinthij, & rosarū, ana 3. iij. Aloës optimæ ablutæ 3. iij. Castorei, Cheifim, ana 3. j. Cinnamomi 3. ij. s. Confice vt supra.

Modus confectiois Testiculi vulpis, & est Satyrion &c. x.

**A**ccipe Satyrionū, qui absconditur à patre suo lb. j. Et teratur, & coquantur cum lacte ouili dulci, in quāritate sufficiēti, super prunas, vsq; dum decocti sint, & sit cōsumptū lac. Et tūc funde super eos olei amygdalarū dulciū 3. iij. Et agitur sic cōtereudo cum ligno. Et postea super totū funde syrupum, cuius modus est: Accipe succi buglossæ cocti & despumati lb. ij. succi pomorū dulciū 3. xij. Zucchari boni albi lb. iij. Misceatur agitando cum prædictis, viquedū fiat eis cōpetens decoctio, & deponatur ab igne, & proijciatur super ea Cinnamomi subtilis & electi 3. v. Been albi, & rubei, ana 3. ij. Ligni aloës 3. iij. Croci, Sandali citrini, ana 3. j. s. Confice &c. Dosīs ab aur. iij. vsq; ad v.

Confectio alia Testiculorum vulpis, & est Dia Satyrion &c. xi.

**A**ccipe Secacul albi, mūdi, et elixati in aqua cicerū, quorū eiecta fuit aqua prima lb. j. Testiculorū vulpis 3. viij. Radicis raphani 3. iij. Luf plani 3. ij. Teratur, & infundantur super ea Lactis vaccini, aut ouini quāritas, quæ superemineat radicibus duobus digitis, Olei sesamini, & butyri vaccini recentis, ana 3. iij. Et excoquatur cū facilitate, vsq; ad ipsiusitudinē. Et si adhuc radices nō bene decoctæ sint, fundatur super eas ex lacte, & oleo, & buryro prædictis, vsq; dū perfecte decoctæ sint. Et post hoc, fundetur per hoc totū mellis boni, & despumati lb. vj. Succī cape humide, lb. j. Decoque omnia simul vsq; ad perfectā decoctionē. Tūc enim depone ab igne, & proijce super ea puluerē, cuius permissio hæc est: Accipe Caudarū scinci, cum renibus & sumine 3. viij. Seminis erucæ, zinziberis, Been albi, & rubei, linguae auis, seminis nasturtij, cinnamomi, Piperis longi, bauciæ seminis, seminis sinapis, & Asparagi, ana 3. iij. Et conficiantur cum eis. Vltimo verò ponantur in medicamine Pinearum mundatarum lb. j. Fisticorum

mundatorum 3.x. Cerebellorum passerum 3.ij. Conficiantur omnia bene, & aromatizentur cum 3.j. boni musci. Dosis est ab 3.s. vsq; ad 3.j. cum pauco bono vino & puro.

Confectio de Galanga &c. xii.

**A**ccipe Galagæ, ligni aloës, ana 3.vj. Garyofyllorum, macis, cheitum, ana 3.ij. Zinziberis, macropiperis, cinnamomi, piperis albi, ana 3.j.s. Calamenti sicci, mentæ liccæ, heil, spicæ, seminis apij, foeniculi, carui, anisi, ana 3.j. Calami aromatici 3.j.s. Zuchari tabarzeth 3.x. Mellis despumari quantum sufficit. Dosis est à 3.ij. vsq; ad aur.ij.

Dia rhodon descriptione communi &c. xiii.

**A**ccipe foliorum rosarum rubearum 3.xx. Trochiscorum dia rhodon trochiscorum de spodio, Liquiritie, ana 3.iiij. Cinnamomi, garyofyllorum, Gallie muscate, ana 3.iiij. Spodij, croci, mastice, berberi, ligni aloës, ana 3.ij. Trium sandalorum, ana 3.iiij. Asari, Spicæ inde, macis, cardamomi, seminis portulacæ, lactucæ, scariolæ, citrulli. melonis, cucumeris, cucurbitæ, albarum margaritarum, Alfelge-misch, rature eboris, tragacanthi, gummi arabici, ana 3.j. Caphoræ 3.s. Musci 3.s. Cõfice cum syrupo de rosis, ex aqua rosata. Dosis est 3.s.

Aromaticum rosatum stomachum &c. xiiii.

**A**ccipe foliorum rosarum rubearum 3.j.s. Ligni aloës, macis, garyofyllorum, trochiscorum dia rhodon, gallie muscate, ana 3.ij. Liquiritie mundatæ 3.viij. Cinnamomi subtilis, & electi 3.iiij. Galagæ, zinziberis, nucis muscate, ana 3.j.s. Heil, Spicæ, ana 3.j. Syrupi rosati, & syrupi corticum citri, ana quantum sufficit. Et sunt qui aromatizant illud cum 3.s. boni musci, Dosis est à 3.iiij. vsq; ad v.

Aromaticum rosatum descriptione Gabrielis &c. xv.

**A**ccipe foliorum rosarum rubearum 3.xv. Liquiritiæ rase 3.vij. Ligni aloës boni, sandali mazahari, ana 3.iiij. Cinnamomi boni & electi 3.v. Macis, garyofyllorum, ana 3.ij. s. Gummi arabici, tragacanthi, ana 3.iiij. & 3.ij. Nucis muscate, cardamomi, galangæ, ana 3.j. Spicæ 3.ij. Musci 3.j. Ambre 3.ij. Syrupi rosati, & syrupi corticum citri, ana quantum sufficit.

Aromaticum Rosatum minus &c. xvi.

**R**ecipe Rosarum rubearum 3.x. Ligni aloës, sandali mazahari, ana 3.ij. Cinnamomi electi 3.iiij. Mastice 3.j. & 3.j. Ambre 3.ij. Musci 3.j. Syrupi rosati, quantum sufficit.

Aromaticum Muscatum &c. xvii.

**R**ecipe Ligni aloës 3.viij. Darzeni electi 3.x. Ambre crudæ 3.iiij. Musci boni & electi 3.ij. Syrupi rosati, quantum sufficit.

Arom

## Aromaticum Garyofyllatum &amp;c. xviii.

**R** Ecipe Garyofyllorū 3. vii. Macis, xedoaria, galāgæ, sandali mazahari, trochiscorū dia rhodō, cinnamomi, ligni aloës, spicæ indæ, piperis lōgi, heil, ana 3. j. Rosarū 3. iiii. Liquiritiæ, gallicæ muscatæ, ana 3. ij. Folij, cubebæ, ana gr. xlv. Ambre 3. j. musci 3. s. Syrupi citri quantum sufficit. Dosis est à 3. iij. vsq; ad v.

## Aromaticum Nardinum &amp;c. xix.

**A** Ecipe Spicæ indæ 3. ij. Rosarū 3. iiii. Liquiritiæ 3. ij. s. Galliæ febelliæ, cubebæ, ligni aloës, macis, garyofyllorū, cinami, Folij, indi, anisi, corricū citri, trochiscorū dia rhodō, ana 3. j. & 3. j. Pinearū purgatarū, amygdalarū mūdatarū, ana 3. v. Gūmi arabici, tragacanthi, ana 3. ij. musci 3. s. Syrupi rosati, quantum sufficit.

## Diacyminum bonum &amp;c. xx.

**R** Ecipe Cymini pridie in aceto infusi & exiccati 3. x. Ziniberis, cinnamomi, ana 3. iiii. Garyofyllorū, ligni aloës, macis, ana 3. ij. s. Galāgæ, piperis lōgi, cardamomi, ana 3. ij. musci 3. s. Mellis despumati, quantum sufficit. Dianisum &c. xxi.

**A** Ecipe Anisi 3. xx. Liquiritiæ, masticis, ana 3. viii. Carui, macis, galāgæ, zinziberis, fœniculi, cinnamomi, ana 3. v. triū piperis, calamētī, pyrethri, castiæ, ana 3. ij. Heil. garyofyllorū, cubebæ, croci, spicæ, ana 3. j. s. zuchari 3. ij. mellis despumati, quantum sufficit. Diambra &c. xxii.

**R** Ecipe Cinnamomi, Doronici, Garyofyllorū, macis, nucis muscatæ, folij, galangæ, ana 3. iij. Spicæ, cardamomi maioris, & minoris, ana 3. j. Zinziberis 3. j. s. Sandali citrini, ligni aloës, piperis longi, ana 3. ij. Ambre aur. j. musci 3. s. Confectio cum syrupo rosato, ex aqua rosata. Dosis eius est 3. iij.

## Confectio de Cinnamomo &amp;c. xxiii.

**R** Ecipe Cinnamomi subtilis & electi 3. xv. Darfeni cinnami, enulæ, ana 3. iiii. Galāgæ 3. vii. Garyofyllorū, piperis longi, cardamomi, zinziberis, heil, macis, nucis muscatæ, ligni aloës, ana 3. ij. Croci 3. j. zuchari tabarzeth 3. v. Cōfice cū melle despumato. Et quādoq; ponitur in eo duplū pōderis medicinarū de zucharo puluerizato, sine melle, & accipitur sicut suffus. Et alij addunt in eo, Musci 3. ij. Et puluerizatur cū eo. Dosis eius est à 3. j. vsq; ad duas. Electuariū de Granis myrti &c. xxiiii.

**E**T modus eius est, vt in confectioe de aromatibus adiūgan-  
tur, Granorum myrti tritorum sicut alcohol 3. c. Myrobalanorum nigrorum, bellericorum, & emblicorum, super quos iam præterijt bullitio vna in aqua cytoniorum, & vino odorise-

ro, ana 3. vij. Carui, anisi, cymini, seminis apij, infusorū in aceto vini die ac nocte, & exiccatorū, & castorei, ana 3. v. confice cum miua aromatizata: & da cum syrupo decoctionis de cytonijs.

**Dia calamentum descriptione Galeni.** xxv.

**R** Ecipe Calamenti fluuiialis, & montani, seseleos, & petroselin, ana 3. vj. Zinziberis 3. iij. Seminis apij, extremitatū albasce, ana 3. ij. Cheisim 3. vj. Piperis 3. xij. Mellis despumati quantum sufficit. Dosis eius est à 3. j. vsque ad duas.

**Diatrion pipereō descriptione communi &c.** xxvi.

**R** Ecipe Trium piperum, ana aur. v. Zinziberis, hasce, anisi, ana aur. ij. Spicz, ammeos, amomi, ana aur. j. Castæ, seminis apij, seseleos, asari enulæ siccz, aur. s. Confice cum melle despumato. Dosis eius est ab vncia vna vsque ad duas.

**Diacyminum ualens &c.** xxvii.

**A** Ecipe Cymini carmeni pridie in aceto infusi, & exiccati, 3. xx. Zinziberis, Alhasce, ana 3. iij. Piperis, cinnamomi, ana 3. ij. Ammeos 3. j. s. Foliorum rutæ siccorum, Baurach rubei, ana 3. iij. Confice cum melle despumato.

**Confectio de seminibus &c.** xxviii.

**R** Ecipe Cymini, seminis fœniculi, carui, anisi, dauci, ammeos, seminis apij, amomi, infusorū die ac nocte in aceto, & exiccatorū, ana 3. vj. Cinnamomi 3. v. Cheisim 3. iij. Cardamomi, spicz, garyofyllorum, ana 3. iij. Zinziberis, macropiperis, seseleos, galangæ, ana 3. v. Mellis despumati quantum sufficit. Et quandoque ponitur in eo zuchchari duplū ponderis omnium, & fit sicut suffus, & est sanum & expertum.

**Confectio de cytonijs bona &c.** xxix.

**A** Ecipe Carnium cytoniorum coctorum in vino lb. iij. Melis boni & despumati, tantundē. Decoque cum facilitate, & postquam coctū fuerit projice super ipsum Cinnami, garyofyllorū, cardamomi, galangæ, ana 3. j. Darfeni 3. iij. Zinziberis, piperis longi, macis, ana 3. iij. Et quandoque inuitat necessitas, & coquantur cytonia in aceto ad causas calidas. Et quandoq; permiscetur eis aceti tertia pars eorum, aut media. Et quandoq; permiscetur eis succus granatorum acetosorum, in medio pōderis eorum. Et quandoq; succus citri, in quarta parte ponderis eorum. Et quandoq; fit sine speciebus. Et quandoq; cum speciebus prædictis. Et quandoq; cum puluere isto. Accipe spodij, berberi, seminis acetosæ, triū sandalorū, rosarū rubearum, partes æquales. Et quandoq; ponūtur alia, secūdum intēctiones Physicorum. Et  
quan

quandoque aromatizatur cum musco, aut camphora, aut vtroque. Et quandoque fit cum zucchero. Et quandoque cum melle,

Confectio de cytonijs facta cum succo cytoniorum &c. xxx.

**R** Ecipe succi cytoniorū, & mellis, ana lb. iij. Ita quod mel sit despumatus. Aceti boni puri lb. ij. Decoquantur cum facilitate, & continuē auferatur spuma eius, & sape. Et cum mellis spissitudinem habuerit, puluerizetur super ipsum, Piperis longi, zinziberis, cinnamomi, ana 3. j. Garyofyllorū, ligni aloës, ana 3. iij. Musci 3. j. Et quandoque fit sine speciebus: & quandoq; cum speciebus alijs, sicut necessitas conducit. Et quandoq; fit cum zucchero. Et quandoque variatur alijs modis.

Electuarium de Pomis &c. xxxi.

**R** Ecipe Carnium pomorum dulcium, & redolentium, mundatorum, & incisorum per frusta, lb. vj. Zucchari albi lb. v. Aquæ rosatæ lb. ij. Ligni aloës 3. v. Sandali citrini 3. iij. Garyofyllorū 3. iij. Cinnamomi electi 3. iij. s. Ambra 3. j. Musci 3. j. Hoc etiam modo fit electuarium de pomis acetosis, & electuarium de pomis paruis, & aromaticis, & dulcibus.

Electuarium de persicis &c. xxxii.

**A** ccipe Carnium persicorum mediocrium inter maturitatem, & acerbicatem, & mundatorum à corticibus suis, & succi eorum, ana lb. iij. Zucchari tabarzeth lb. ij. Terantur persica, ut sint sicut medulla, & exerceas in eis decoctionem, cum syrupo, sicut diximus in confectioe de cytonijs. Et cum coctum fuerit, puluerizetur super ipsum Ligni aloës 3. ij. Cinnami cubebæ, naccis, ana 3. iij. Sandali citrini 3. ij. Musci 3. s. Et quandoque fit sine speciebus, Et est sanum, & expertum.

Electuarium quo utuntur Reges, & delicati &c. xxxiii.

**R** Ecipe Pinearum mundatarum 3. viij. Amygdalarum purgatarū 3. v. Zucchari albi lb. iij. Aquæ rosatæ lb. j. s. Olei amygdalæ dulcis recentis 3. iij. Cinnamomi electissimi 3. iij. s. Garyofyllorum 3. iij. Ambre bonæ 3. j. Musci 3. s. & est bonum, & expertum. Et confortat stomachum, cor, pectus, & cerebrum.

Electuarium secundū quo utuntur Reges &c. xxxiiii.

**R** Ecipe Pinearū mundatarum 3. vj. Amygdalarū dulciū purgatarū 3. iij. Zucchari albi lb. iij. Aquæ rosatæ lb. j. s. Foliorū rosarū rubearū 3. j. s. Sandali citrini 3. iij. Ambra 3. j. Musci 3. s.

**A** ccipe Carnium cytoniorum, & Pyrorū ponticorum, & ma

lorum acidorum, quorum singulum elixatum fuerit in aceto vini fortis: in quo infusum fuerit sumach die ac nocte, & Succiacrestræ super cuius trituratione eleborandum est, vsque ad consumptionem ultimam granorum, ana lb. j. Carnium forborum immaturorum 3. v. Zucchari lb. iij. Coque ad spissitudinem mellis. Deinde pone super ipsum, Succiberberi 3. ij. Spodij seminis acetosæ, ana 3. j. Repone postquam cōfectū est, in vase vitreo: & da à 3. ij. vsque ad iij. cū aqua frigida, & rob citri, aut ribes, aut aliquo taliū.

Confectio alia Galeni, & est cōfectio  
de acetosis &c. xxxvi.

**R** Ecipe Xyloaloës, cubebæ, ana 3. iij. Rosæ, coralli rubei, margaritarū albarū, sandali citrini, faufel, ana 3. ij. Berberi, seminis cucumeris, cucurbitæ, citrulli, & melonis, ana 3. iij. Spodij, charabe, gummi tragacanthi, ana 3. ij. Boli armeni 3. ij. s. Seminis acetosæ 3. iij. Seminis portulacæ, & buglossæ, ana 3. iij. s. Camphoræ 3. j. confice cum rob citri, aut rob acrestræ. Dosis eius est à 3. ij. vsque ad iij. cum aqua frigida.

Confectio de Prunis &c. xxxvii.

**A** Ecipe Carnium prunorum nigrorum, ob longorū, & mazorum, accedentium ad dulcedinem, & elixorum, in aqua in qua prius portulaca elixata fuerit, lb. ij. Zucchari albi lb. ij. s. Aquæ violarum lb. j. Decoque cum facilitate, vsq; ad spissitudinem. Reconde in vase vitreo, & da aur. iij. vel vj.

Electuarium de Sorbis &c. xxxviii.

**A** Ecipe Carnium forborum immaturorum, vicinorum maturitati, & elixatorū in aqua in qua rosæ prius decoctæ fuerint & cortices granatorū, lb. iij. Mellis aut Zucchari lb. ij. s. Coquatur vsque ad spissitudinem, & reconde ipsum in vasa. & da 3. j.

SECUNDA PARS DISTINCTIO=

NIS PRIMAE, QVAE EST DE

*antidotis amaris magnis.*

Theriaca diateffaron &c. xxxix.

**R** Ecipe Gentianæ, baccharum lauri, myrrhæ, aristolochiæ rotundæ, ana. Confice cum melle despumato. Dosis eius est ab aur. s. vsq; ad aur. j.

Triphera Saracenica magna &c. xl.

**R** Ecipe Omnium myrobalanorū, ana 3. v. Cinnami trisium piperum, seacul, folij, spicæ, vtriusq; cardamomi, casia, scitragi

ragi indi, cyperi, apij, linguæ auis, garyofylli, been albi & rubei, zinziberis, ana 3. ij. Nucis muscate, macis, sesami exorticani, ana 3. iij. Amygdalarū dulcium & amaratū, ana 3. v. Ligni aloës, rheu barbari, seminis fœniculi, masticis, ana 3. ij. Alfelengemisch, mētæ siccæ, origani, perfici, ana 3. j. s. Fricentur myrobalani cum butyro vaccino, & ceteræ species cum oleo amygdalino, & confice cum melle, quantum sufficit. Dosis eius est à 3. j. s. vsque ad iij. Et sunt quidā, qui addunt in confectione, turbith 3. xv. Et sunt qui aromatizant ista, cum Musci 3. vnus quarta.

**Triphera Muscata, quam fecit Alcāzī &c. xli.**

**R** Ecipe Myrobalanorū chebulorum, nigrorum, emblicorum, & bellericorum, piperis, macropiperis, zinziberis, cyperi, casie, indæ, spicæ, ana 3. v. Seminis anethi, seminis porri, ana 3. ij. Seminis bauciae, rosarum, cinnami, nucis muscate, garyofylli, ana 3. j. s. Macis, heil, galliæ, ligni aloës crudi, musci, ana 3. j. Granorum nasturtij 3. x. Confice cum melle despumato, & da à 3. ij. vsq. ad iij. Et quandoq; ponūtur in ea Scoriz ferri nutritæ 3. ij.

**Triphera Galeni &c. xlii.**

**R** Ecipe Omnium myrobalanorum, ana 3. x. Zinziberis, masticis, cinnami, garyofyllorum, ana 3. vj. Galagæ, marathri, anisi, apij, ammeos, spicæ, asari, croci, ana 3. iij. Costi piperis nigri, & lōgi, casie, ana 3. iij. Nucis muscate, macis, cardamomi maioris, & minoris, calami aromatici, ligni aloës, ana 3. ij. Tuderī albi, & rubei, alufulfumen, cyperi, ana 3. iij. s. Ambræ 3. j. Musci 3. vnus partestres. Fricētur myrobalani cum oleo amygdalarum dulcium. Et confice omnia cum melle despumato. Et Galenus quidem quandoque addidit scoriam ferri nutritam in aceto vini secundum mensuram medicinarum omnium. Et quandoq; secundum medietatem earum. Dosis est à 3. j. vsque ad ij.

**Triphera maior ex arte Fenonis &c. xliii.**

**R** Ecipe Myrobalanorum chebulorum, indorum, bellericorum, emblicorum, nucis muscate, ana 3. v. Nasturtij assati, perfici, piperis, olibani, ammeos, zinziberis, charmezith, spicæ squinanti, cyperi, ana 3. iij. Scoriz ferri nutritæ in aceto diebus v. & assatæ 3. xx. Myrobalani assentur cum butyro vaccino, & intoluantur cetera cum oleo amygdalarum dulcium, & aromatizentur cum musci 3. j. Et confice cum melle despumato, & da post sex menses. Dosis à 3. j. vsque ad iij. &c.

**R** **Triphera minor descriptione cognita &c. xliii.**  
Ecipe myrobalanorum chebulorum, indorum, bellerico-

rum, & emblicorū, ana partes aequales. Inuoluantur butyro vac-  
cino, & frigrantur. Et conficiantur cum melle emblicorum, &  
aromatizentur cum musci, semioctaua vnius partis. Et in descri-  
ptione alia: Cyperi, olibani, nasturtij assati, ana sextam partem  
vnius partis. Et apud alios, Scorix ferri nutritæ partes. iij. Et est  
bonum, & expertum.

#### Diacurcuma maior &c. XLV.

**R** Ecipe Croci, asari, petroselini, dauci, anisi, seminis apiij, ana  
3. iij. Raue d feni, phu, meu, spicæ, ana 3. vj. Costi, myrrhæ,  
caix squinanti, carpobalsami, rubex tinctorum, succi absinthij,  
succi eupatorij, olei balsami, ana 3. ij. Calami aromatici, cinna-  
momi, ana 3. j. s. Scordeon, icolopendrix, succi liquiritiæ, ana 3.  
ij. s. Tragacanthi 3 j. Confice cum melle despumato. Dosis eius est  
à 3. j. vsque ad iij.

#### Diacurcuma minor &c. XLVI.

**R** Ecipe Spicæ, myrrhæ, casix, croci, floris squinanti, costi, cin-  
namomi, ana. Confice cum melle despumato, & est bona &  
experta.

#### Diamorusia &c. XLVII.

**A** Ecipe Croci, acori, ana 3. ij. Myrrhæ 3. iij. Baccarum lauri  
3. ij. s. Dauci, cinnami, casix, cymini carmeni, carpobalia-  
mi, florum squinanti, seminis apiij, anisi, cordumeni, spicæ men-  
tæ sicæ, marmacur, ammeos, ana 3. j. Costi, trium piperum, ana  
3. s. Confice cum melle despumato. Dosis eius est à 3. vna, vsque  
ad duas.

#### Dialacca magna &c. XLVIII.

**R** Ecipe lacæ ablutæ, raue d feni, ana 3. iij. Spicæ aromaticæ,  
masticis, seminis, apiij, squinanti, absinthij, succi eupatorij,  
ammeos, fauinæ, amygdalarum amaranum, costi, myrrhæ, rubex  
tinctorum, seminis fœniculi, anisi, asari, aristolochiæ, gentianæ,  
croci, cinnamomi, hyssopi sicæ, casix, cimmarum squinanti, bdellij,  
ana 3. j. s. Piperis, zinziberis, ana 3. j. Infunde myrrhā & bdellium  
in vino, & cætera tere: & confice cum melle despumato.  
Dosis eius est ab aur. j. vsque ad duos.

#### Dialacca minor &c. XLIX.

**R** Ecipe Lacæ ablutæ, croci, costi, floru squinanti, rubex tin-  
ctoru, aristolochiæ rotundæ, liquiritiæ, piperis ana 3. s. Raue  
d feni 3. iij. Myrrhæ bdellij, ana 3. j. confice vt primum.

#### Confectio de Raue d feni &c. L.

**R** Ecipe Raue d feni, succi eupatorij, succi absinthij, ana 3. v.  
Funi



Fumi terre, spicæ, anisi, cimarum squinanti, seminis apij, afari, casie, amygdalarum amararum excorticatarum, ana 3.s. Myrrhæ, croci, ana 3.j. Confece cum melle depumato.

Diacoſtum &c.

LI.

**R** Ecipe Costi amari, casie, cinnami, ana 3.v. Senuinis apij, anisi, cimarū squinanti. & raueseni, ana 3.iiij. Afari 3.iiij. Croci, aristolochiæ, myrrhæ, ana 3.ij. Mellis quantum sufficit.

Confectio electuarij ex inuentione

noſtra &c.

LII.

**R** Ecipe Ligni aloes, spicæ, galliæ muscatæ, cyperi, calami aromatici, ana 3.ij. Cymini carmeni infusi in aceto die ac nocte, & affati 3.iiij. Seminis porri torrefacti 3.j.s. Emblicorum, & bellericorum infusorum in succo cytoniorum, & tostorum, nucis muscatæ, ana 3.ij.s. Granorum nasturtij tostorum 3.vj. Granorum passularum 3.v. Granorum myrti tritorum sicut alcohol 3.xxvj. Balaustij, conchularum adustarum, olibani, fructus tamariſci, ana 3.ij. s. ammeos 3.iiij. Tere omnia, & frigatur in vino odorifero, & exiccentur, & frigantur iterum in aqua cytoniorū aut aqua granorum myrti, & exiccentur. Deinde dimitte siccare super vase vitreo, & iterum terantur sicut alcohol, & inuoluantur in miua aromatica. Et sit dosi 3.iiij. cum syrupo de cytonijs, aut myrtino.

Electuarium confortans stomachum &c.

LIII.

**R** Ecipe Granorum myrti tritorū sicut puluis alcohol 3.xij. Rosarum, spodij, funiach, trium sandalorū, balaustij, gummi Arabici afsi, ana 3.j.s. Granorum granatorum assatorum 3.vij. Coriandri infusi in aceto, & affati 3.vij. Seminis plantaginis, seminis rosarum, ana 3.ij. Fiat omnium contritio bona, & frigantur cum succo acetiæ, vel succo myrti, & aceto, & siccentur. Deinde inuoluantur in miua acetosia. Et sit dosis eius à 3.ij. viq; ad iiij. cum syrupo acetosorum cytoniorum.

Modus confectionis Alcanzi &c.

LIIII.

**R** Ecipe Rosarum, costi spicæ, ana 3.iiij. Florum alkilil 3.j. Nucis muscatæ, calami aromatici, garyofyllorum, macis, cardamomi, ana 3.iiij. Cyperi 3. xij. Trium piperum, ana 3.iiij.s. Zinziberis 3.ij. Myrobalani indi, emblici, & bellerici, ana 3.vj. Granorum myrti lb. j. Balausti, thuris, corricum citri, fructus tamariſci, ana 3.iiij. Bulliant cum bono vino antiquo, bullitione vna, & exiccentur. Deinde bulliāt cum succo cytoniorum bullitio

litione alia, & excicca in vase terreo vitreato. Et tere omnia sicut alcohol, & cōfice cum miua. Et da 3.ij. cum syrupo cytoniorum.

Confectio de assa &c. L V.

**R** Ecipe Assē, piperis, myrrhæ foliorū rutæ siccorū, ana partes aequales. Conface cum melle despumato. Et est dosis à 3. j. usque ad aur. j. Et propriè cum oxymelle in febre, per vnam horam ante periodum. Et venenosus moribus cum vino calido.

Confectio Anacardina, & est confectio

sapientum &c. LVI.

**R** Ecipe Piperis, macropiperis, myrobalanorū chebulorum, emblicorum, bellericorum, & indorum, & ium de beduist, ana 3.ij. Costi, anacardi, zucchari tabarzeth, burungi, baccarum lauri, ana 3. vj. Cyperi 3. iij. Tere anacardos per se, deinde medicinas alias. Et cōfice cum butyri vaccini, & mellis prius bullitorū quantitate equali, & da post sex mēses. Dosiseius est 3. ij. cū aqua fœniculi, & apij. Caueat iumens à labore, ira, coitu, & ebrietate.

## DISTINCTIO SECVNDA EST

DE MEDICINIS OPIATIS.

Confectio Philonij ex inuentione propria &c. LVII.

**R** Ecipe Piperis albi, hyoscyami albi, ana 3. xx. Opij 3. x. Croci 3. v. Spicæ, Pyrethri, castorei, ana 3. j. Conface cum melle despumato: quod sit quadruplum ponderis omnium. Dosiseius sit, sicut cicer, aut faba parua, cum eo quod conuenit ex potibus. Et sunt qui ponant musci 3. vnius tertiam. Et est sublimē.

Confectio Philonij, descriptione Hamech filij

Zachariæ &c. LVIII.

**R** Ecipe Nigellæ, castorei, piperis, ammeos, baccarum lauri, cymini, foliorum rutæ, calamenti, opij, hyoscyami, corticū mandragoræ, ana partes aequales. In alio: Opij, partes duas: croci, partem vnam. Conface cum melle despumato. Dosiseius est à 3. ij. usque ad aur. ij.

Sagzeneæ experta &c. LIX.

**R** Ecipe Castorei, myrrhæ, opij, piperis, macropiperis, galbani, costi, cinnamomi, phu, meu, dauci, asari, croci: ana partes aequales. Cōfice cum melle despumato. Dosiseius est, aur. j. Et iunt qui conficiunt cum rob.

Athanasia magna &c. LX.

**R** Ecipe Croci, opij, myrrhæ, castorei, hyoscyami albi, costi, cordumēni, seminis papaueris nigri, spicæ, eupatorij, hepatis

tisadib,& cornu dextri de cornibus capræ,ana partes æquales. Terantur terenda: cetera liquefiant in vino,& confice cum melle despumato,& da post sex mēses. Dosis est ab aur.s.vsq; ad aur.j.cum vino suauī,& dulci:aut cum rob,& succo endiuizæ,& apij.

## Dia sulphur &amp;c. LXI.

**R** Ecipe Piperis albi,& longi,ana 3.vj. Sulphuris citrini,thuris,meu,hyoscyami albi,myrrhæ,storacis, cordumeni,ana 3.viij. Rutæ,cofti,ana 3.v. Opij,mandragoræ,ana 3.iiij. Croci 3.ij.s. Casiæ 3.vj. Confice cum melle despumato,& vttere post sex menses.

## Confectio de storace &amp;c. LXII.

**R** Ecipe Storacis liquidæ,opij,asari,seminis hyoscyami albi,castorei,croci,myrrhæ,olibani,ana partes æquales. Mellis quantum sufficit.

DISTINCTIO TERTIA EST DE  
MEDICINIS SOLVTIVIS.

**T**ertia distinctio est de medicinis solutiuis,& sunt quedam ex eis aloëticæ &c. LXIII.

## Hiera picra Galeni,nomen habet amaritudinis &amp;c. LXIII.

**R** Ecipe Cinnamomi,mafticis,asari,spica nardi, carpobalsami,croci,xylobalsami,casiæ,ana partes æquales. Et quidā addiderant florum squinanti,partem vnam. Et quidam addiderunt absinthium. Et alij,alia. Aloës autem, sit duplum ponderis omnium.

## Hiera hermetis,&amp; est hiera luf &amp;c. LXV.

**R** Ecipe Aloës 3.j. Trochiscorū alandahal,aur.viij. Turbith,agarici,luf vtriusque sicci,ireos,serapini,myrobalanorum citrinorum,chebulorum,& indorum,ana 3.j.s. Zinziberis,cinnamomi,mafticis, bdellij,hellebori nigri,euphorbij,asari,casiæ igneæ,salis Indi,castorei,croci,apij,cheiū,seminis mezereon, stichados,ana 3.j. Squille assatæ 3.ij.s. Scammoneæ bonæ 3.ij. Fiat omnium contritio bona. Gummi autem ponantur in vino odorifero. Et inuoluatur puluis in succi cucumeris asinini quantitate,qua bene inuoluatur,& exiccetur. Et iterum denuò inuoluatur in predicto succo,& pauco oleo nucum,& iterum siccet. Et conficiatur totum,cum mellis despumati quantitate,qua fiat totū sicut pasta:& detur post sex mēses. Dosis est a 3.j.vsq; ad ij. misce.

## Confectio hieræ Archigenis &amp;c. LXVI.

**R** Ecipe Pulpæ coloquintidæ 3.xxij. Præsisij, stichados, hellebori nigri, chamædryos, scammonæ, leucopiperis, macropiperis, omnium ana 3.i. Capæ muris assatæ, euphorbij, aloës, croci, gentianæ, petroselinii, ammoniaci, opopanax, omnium ana 3.j. Polij, cinnamomi, serapini, myrrhæ, spicæ, squinantii, calamenti montani, Aristolochiæ rotundæ, omnium ana 3.ij, mellis quantum sufficit. Et sit dosis aur. iij. Cum decoctione epithymi, & passularum mundatarum.

## Hiera Archigenis, descriptiōe Pauli. LXVII.

**R** Ecipe Præsisij, agarici, chamædryos, pulpæ coloquintidæ, stichados, omnium ana aur. xx. Opopanax, serapini, petroselinii, aristolochiæ rotundæ, Piperis albi, omnium ana aur. v. Cinnamomi, spicæ, polij, croci, ana aur. iij. Tere ex medicinis, quæ sicca sunt, & gummi cōquassa, & infunde in melle, & permisce. Et sit dosis aur. iij. Cum salis triti pōdere 3. viiij, & aqua mellis.

## Hiera diacoloquintidos, inuentione

Ruffi &c. LXVIII.

**R** Ecipe Stichados, Agarici, chamædryos, ana 3.x. Coloquintidæ & electæ 3.xx. Et in alio, loco coloquintidæ, trochiscorum alandahal 3.xxv. Serapini, Opopanax, ana 3. viij. Petroselinii, Aristolochiæ rotundæ, Piperis, ana 3. v. Catiæ 3. vij. cinnamomi, croci, Spicæ, myrrhæ, Polij, ana 3. iij. Myrrham in vino infunde, & medicinas tere, & confice cum melle despumato.

## Hiera, inuentione nostra &amp;c. LXIX.

**R** Ecipe Aloes bonæ 3.xv. Epithymi, costi, ana 3.xv. Euphorbij, croci, spicæ, chamædryos, ana 3.vj. Agarici 3.ix. Garyophyllorum 3.ij. calami aromatici, masticis, casia, ana ix. Xylobalfami 3. iij. Piperis albi, & nigri, Gentianæ, Amomi, ana 3. ij. Scammonæ costæ in pomo 3. ij. mellis quantum sufficit. Dosis est aur. .j.

## Diasiracost, descriptione Irani, quæ est medicina benedicta &amp;c. LXX.

**R** Ecipe Alsiracost boni & recentis 3. iij. Tamarindorū cheiron 3. vj. medullæ casia 3. iij. Zucchari violati 3. xvj. Succij apij, Succij malorum dulcium, & acetosorū & mazorū, & Succij acetositis citri, ana 3. iij. Dissoluantur siracost, & tamarindi, & casia fistula, in succis iam dictis, prius tamen depuratis. Deinde cola & munda à sordibus & impuritatibus. Deinde accipe radicem endiuivæ, & apij, ana 3. ij. Foliorum lupuli, capillorum veneris, ana 3. ij. Prunorum siccorum, centum numero.

Viol

Violarum ʒ.j.s. Rosarum ʒ.j. Spicæ 3.iiij. Decoquatur hæc in tribus libris aquæ fontis: vsque ad lb.j.s. Et cola, & exprime. Deinde in ipsa decoctione projice Zucchari tabarzeth lb.iiij. Aceti boni lb.j. Et coque ebullitione vna. Deinde projice super illud colaturam priorum, & coque dum mellis habeat ipsiusitudinē. Vltimò verò projice in medicamine Sandali citrini, Rosarum, Spodij, charabæ, Berberi, Seminis portulacæ, seminis acetosæ, & seminum communiū, scilicet melonis, citrulli, cucumeris, & cucurbitæ, ana 3.iiij. ligni aloes 3.iiij. cubebæ 3.v. camphoræ 3.j. Repone in vase vitreato, Est enim medicamen nobile. Dosis eius est ab ʒ.j. vsque ad duas, cum aqua frigida, & hoc in æstate æstiuâ.

Triphera Persica &c. LXXI.

**R**ecipe succorum solatri, Endiuic, & apij depuratorum, ana lb.ij. Succi lupuli lb.j. Et projiciantur super eos Violarum siccarum, aut viridium, & Rosarum, ana 3.iiij. Folliculorum senæ ʒ.ij. Agarici ʒ.j. Prunorū damascenorū pinguiū, quinquaginta numero. Cuscutæ ʒ.s. Spicæ aromaticæ 3.ij. Bulliāt super prunas cum facilitate, vsque dum remaneant lb.ij. Et projiciantur super illa Epithymi boni, & mundi 3.xl. myrobalanorum citrinorum, chebulorum, & Indorum, in oleo amygdalarum dulcium inuolutorum, ana ʒ.ij. Et bulliant bullitione vna, & deponantur ab igne, & colentur. Et dissoluantur in vna parte iussus colaturæ amarindorum bonorum, & recentium ʒ.iiij. manne ʒ.j.s. Pulpæ casie ʒ. zucchari violati ʒ.xij. Coletur totum, & mundetur à granis & sordibus suis. Et in altera parte ipsius colaturæ projiciantur zucchari tabarzeth lb.iiij. Aceti vini lb.j. Coquantur cum facilitate. Deinde quod dissolutum est in prima parte dictæ colaturæ projiciatur super, & simul in vnum coquantur, vsque ad mellis ipsiusitudinem. Vltimò verò puluerizentur raved boni ʒ.ij. myrobalanorum citrinorum ʒ.j.s. chebulorū, Indorum, ana 3.viij. bellericorum, emblicorum, ana 3.iiij. granorum funi terræ, trochiscorum diarhodon, macis, mastici, cubebæ, spodij, Sandali citrini, ana 3.ij. Quatuor granorum, ana 3.ij. anisi 3.iiij. spicæ 3.ij. Inuoluantur in oleo violato, & projiciantur in illud totū. Quod confectum, reponere in vase vitreo, & da cum aqua frigida, & iac co endiuic aut succo solatri. Dosis eius est ʒ.j.

Confectio electuarij alharif, & est electuarium boni saporis, quod composuimus nos &c LXXII.

**R**E C I P E myrobalanorum citrinorum, & chebulorum, & indorum, ana partes æquales. Tere, & cribella, & accip

accipe olei amygdalarū quantū sufficit. Et infunde super ipsos, & frica manibus. Et hoc facias tribus diebus, in sole. Et dū iugiter exiccatur, semper superinfunde oleum. Deinde quantitatē zucchari albi sufficientem, in decuplo ipsius aquæ fontium dissolue: & cum ea aqua misturam prædictam continue triduo tere, semper in eam parum de ipsa aqua infundendo. Et hoc facies, vt myrobalanorum amaritudo cesset. Deinde fac in vmbra fictari. Deinde accipe ex hoc toto 3. xv. Turbit boni 3. vj. Anisi, masticis, ana 3. ij. Spicæ 3. j. s. Violæ siccæ 3. vij. seminis apij 3. ij. s. nabet, & zucchari albi, ana 3. x. Confice cum melle despumato, & sit dosi 3. iij. cum aqua calida.

Confectio alia electuarij alharif boni saporis,  
quod etiam cōposuimus nos &c. LXXIII.

**A**ccipe myrobalanorum chebulorum, & nigrorū, ana partes tres. Emblicorum, & bellericorum, ana partem j. s. Citrinorum, partes duas. Tere, & cribella. Et iuxta modū superioris doctrinæ, in eorum rectificatione opus est obseruandum. Deinde accipe ex hoc toto 3. xvij. Turbith albi & mundi 3. vij. Zinziberis, heil, masticis, cinnamomi boni, ligni aloës, garyofyllorū, piperis, cucubæ, galangæ, macis, seminis apij, ana 3. j. s. Spicæ, drahmæ vnius partes duas. Pinearum mundatarum, zucchari tabarzeth, & nabet, ana 3. xij. Confice cum melle despumato. Et sit dosi eius 3. iij. cum aqua calida.

Confectio electuarij Indi maioris &c.

LXXIII.

**R**ecipe Cinnami, garyofylli, spicæ, rosarum, casia, macis, cyperi, ana 3. iij. Sandalorum citrinorum 3. ij. s. Ligni aloës, nucis muscatæ, ana 3. ij. Turbith boni albi, & gummosi, & arundinei 3. l. Zucchari, & penidiarum, ana 3. xx. Galandæ, heil, cardamomi, asari, masticis, ana 3. j. s. Scammonæ bonæ, & decoctæ in pomo 3. xij. Omnia cum oleo amygdalino frice. tur. Deinde accipe Succu cytoniorum, & granatorum, succi apij, & foeniculi, ana lb. s. Decoque cum melle, ad spissitudinē, & confice cum speciebus. Dosi eius est aur. iij.

Electuarium Indum minus &c. LXXV.

**R**ecipe Turbith 3. c. Zucchari tantundem, macis, piperis, zinziberis, garyofyllorum, cinnami, heil, nucis muscatæ, ana 3. vij. Scammonæ 3. xij. Confice cum melle despumato. Dosi eius est aur. iij.

Con

**Confectio de dactylis, & est Diaphinicon, quam scripsit filius Zerar &c. lxxvi.**

**R** Ecipe Dactylorum cheyrō infusorum in aceto tribus diebus & noctibus, partes centum. Penidiarum sahiri, partes quinquaginta, amygdalarum purgatarum, partes triginta. Turbith, partes xxxv. [Scammoneæ, in aliquibus libris, partes duodecim: & in aliquibus, partes viginti duas.] Zinziberis, piperis longi, foliorum rutæ succorum, cinnami, macis, ligni aloës, anisi, fœniculi, dauci, galangæ, ana partes ij. s. Et fiat omnium contritio bona. Et confice cum melle despumato, quantum sufficit. Est enim medicina mirabilis. Dosis est ab aur. iij. vsq; ad septem.

**Modus electuarij de psyllio &c. lxxvii.**

**R** Ecipe Succibuglossæ domesticæ, & sylvestris, & succi endiuæ, & succi apij coctorum, & despumatorum, ana lb. ij. Et projice super ipsos Cuscutæ, anisi, folliculorum senæ, ana ʒ. s. Capillorum veneris, manipulum j. Succifumiterræ ʒ. iij. Asari ʒ. iij. Spicæ ʒ. ij. Et dimitte die, ac nocte, & bulliant bullitione vna. Et projiciantur super ea Violarum viridium, vel siccarum ʒ. iij. Epithymi ʒ. ij. Et bulliant adhuc alia bullitione parua. Deinde coletur totum, & exprimatur, & in colatura ponantur Psyllij ʒ. iij. Et dimittatur per diem ac noctem, omni hora tamen agitando illud cum spatula. Deinde exprimatur viscositas eius tota. Deinde accipiantur huius viscositatis lb. iij. Et projiciantur super eam Zucchari albi lb. ij. s. Scammoneæ coctæ in pomo ʒ. iij. Et coquantur totum cum facilitate: postquam coctum fuerit, projiciantur super ipsum Trochiscorum diarhodon, trochiscorum despodio, & rauced seni, ana ʒ. j. Trochiscorū de berberis ʒ. s. Dosis eius est, à ʒ. iij. vsq; ad aur. iij. Et vocauit Hamech confectionem hanc, electuarium trochiscatum. Sunt alij qui addunt aceti lb. j. s. Et alij addunt succi violarum lb. j. Et est medicamen nobile.

**Electuarium Elefscophi &c. lxxviii.**

**R** Ecipe Scammoneæ Antiochenæ bonæ, turbith albi, ana ʒ. vj. Garyofyllorum, cinnami, zinziberis, emblicorum, nucis muscatæ, polypodij, ana ʒ. ij. s. Zucchari albi ʒ. vj. Confice cum melle despumato. Dosis eius est ab aur. ij. vsq; ad iij.

**Confectio medicaminis, quod scripsit Hamech &c. lxxix.**

**R** Ecipe Myrobalanorum citrinorum ʒ. iij. Chebulorum, & nigrorum, rheubarbari boni, ana ʒ. ij. Agarici, coloquintidæ, polypodij, ana ʒ. xvij. Absinthij, hæce, senæ, ana ʒ. vj. [Vio-

larū 3.j.s. Epithymi 3.ij. Anisi, rosarū, foeniculi, ana 3.vj. ] Succī fumiterre ʒb.j. Prunorū numero lx. Passularū enucleatarū 3.vj. In fundatur omnia in aquae casei quantitate sufficiēti, & ponantur in vase vitreato stricti orificij, & obturetur os eius, & dimittatur per dies quinq;. Denū bulliāt bullitione vna, postmodū colētur. Et in vna parte cōpetēti ipsius colaturae, dissoluatur Casiae fistulae mūdae 3.iiij. Tamarindorū 3.v. Tereniabin 3.ij. Fricentur manibus, & colētur. Et in alia parte dictae colaturae dissoluatur zuchchari boni & albi ʒb.j.s. Et coquatur vsquedū mellis habeat spissitudinē. Hinc superponatur quod colatū est ex casia, tamarindis, & tereniabin, & coquatur. Deinde puluerizētur super illud Scammonae bonae 3.j.s. Myrobalanorū citrinorū, chebulorū, & indorū, ana 3.s. Bellericorū, emblicorū, rheubarbari electi, seminis fumiterrae, ana 3.iiij. Anisi, spicae, ana 3.ij. Dosis eius est à 3.ij. vsque ad aur.ij. Confectio alia Hamech &c. lxxx.

**R** Ecipe Myrobalanorum nigrorū chebulorū & indorū, epithymi, ana 3.l. Fumiterrae, absinthij, ana 3.xx. Haec, calamēti, polypodij, agarici, liquiritiae, buglossae, ana 3.x. Stichados, chamædryos, canapithyos, bebegard, anisū, ana 3.v. Prunorū, iuiubarū, sebesten, ana numero lxx. Passularum enucleatarū ʒb.j. Coquantur in aqua sufficiēti, vsq; ad iij. partem, & pone in ea rob ʒb.ij. Mellis ʒb.j. Scammonae 3.ij. Coquantur cum facilitate vsq; ad mellis spissitudinem. Dosis eius est à 3.iiij. vsq; ad vj.

Modus electuarij rosati &c. lxxxj.

**R** Ecipe Succī rosarū rubearū cōpletarum ʒb.iiij. Zuchchari tabarzet ʒb.j.s. Tereniabin puri & recētis 3.vj. Scammonae Antiochenae 3.j.s. Coquantur omnia cū facilitate, super ignē, qui sit sicut cādela, vsquedū mellis habeat spissitudinē. Deinde projice super illud Trochiscorū de spodio 3.j. Gallie, croci, ana 3.ij. Trochiscorū de berberis 3.iiij. Repone in vase vitreo. Dosis eius est 3.v.

Confectio alfesceræ, quam scripsit Democritus &c. lxxxii.

**R** Ecipe Radicis alfesceræ mūdātæ, & cōtritæ ʒb.s. Mellis, passularum ʒb.iiij. Squillæ assatæ, pinearum mundatarum, ana 3.j.s. Nucis muscatæ, cordumēni, macis, zinziberis, ana 3.ij. Garryofyllorum, piperis longi, ana 3.j.s. Seseleos, salis gemmæ, gallicæ, ana 3.j. Spicae 3.s. Agarici 3.iiij. Stichados 3.j.s. Dosis eius est à 3.ij. vsq; ad v. Da post sex menses.

**R** Cōfectio Mānæ, ex inuētiōne galeni &c. lxxxiii.

Ecipe Mannæ puræ & recentis ʒb.j. Scammonae antioche-



na 3.j. Dissoluatur manna cum succo rosarū rubearū, & sit succi quantitas conueniens, videlicet circiter lb.j. Et coquatur cum facilitate, donec habuerit sufficientem coctionem. Deinde ponetur per illud Mastice 3.iiij, Et da 3.s.&c.

**Confectio Almezereon**, ex inuentione nostra, quod est medicamen benedictum &c. lxxxiiii.

**R** Ecipe Foliorū almezereō preparatorū, partes x. Carniū cytoniorū elixatorū in aceto vini, & zucchari tabarzeth, ana partes lxxx. Aquæ casei infusionis agarici, partes xxx. Tereniabin, partes xl. Olei almezereon, partes xij. Dissoluantur zuccharum & tereniabin, in aqua casei prædicta, & misceatur cum carne cytoniorum, & coquatur cum facilitate, vsquedū mellis habeant spissitudinem. Et inuoluatur puluis foliorum almezereon, cum oleo iam dicto, & conficiatur cum eis. Et sit dosiseius 3.iiij.

**Modus confectionis Alscebram** &c. lxxxv.

**R** Ecipe Alscebrā boni & electi 3.j. Myrobalanorū citrinorū 3.ij. Puluerizentur, & cribrellentur, & proijciatur super eorum summā Succifœniculi humidi quantitas, quæ cooperiat. Et pone in sole diebus quinque; semper innouando modice stillationem succi super eos. Deinde dimitte siccari, & reponere in vase vitro. Et est dosis à 3.j. vsq; ad ij. cum zuccharo & aqua calida.

**Modus confectionis de Eupatorio** &c. lxxxvi.

**R** Ecipe Succieupatorii, raues boni, ana 3.iiij. Laccæ, seminis cuscute, ana 3.iiij. Croci, cimarū squinanti, seminum citrulli, cucumeris, & portulacæ, succi absinthij, ana 3.ij. Scammonæ coctæ in cytonijs 3.ij. s. Fiat omnium contritio bona. Et sit dosis eius aur. j. cum lacte chamelarum, aut aqua casei. Et si illis est caliditas, cum succo solatri, endiuix, & volubilis.

**Alchelengi**, & est medicamen magnū &c. lxxxvii.

**A** Ecipe Succivolubilis, succi endiuix, & succi apij purgatorum, ana lb.iiij. Proijce super eos myrobalanorum citrinorum, chebulorum, ana 3.xij. Enblicorum 3.l. Indorum, bellericorum, ana 3.vij. Agarici 3.x. Absinthij, cuscute, radice apij, radice fœniculi, anisi, ana 3.iiij. Ireos 3.x. Passularum, enucleatarum 3.lxxx. Bulliant cum facilitate vsq; ad medietatem succorū. Deinde colentur, postquam omnia fuerint manibus bene confricata. Et proijciantur super vnā partem succorum Tamarindorum cheyron 3.vij. Caffæ fistulæ tantundem. Tereniabin 3.iiij. Deinde colentur à scosis. Et in alia parte aquæ, proijciantur penidiarum sabiri lb.iiij. Deinde misce omnia simul, & bulliant bulli-

tionibus duabus. Tunc verò proijce super illud Olei sesamini recentis 3. xv. Et agitentur omnia simul. Deinde coquantur vsque ad mellis spissitudinem. Tunc verò deponatur ab igne, & puluerizentur super illud totum, Trochiscorum diarhodō, trochiscorum de eupatorio, trochiscorū de absinthio, & rheubarbari, ana 3. j. s. Ireos 3. j. Agarici, foliorum almezereon nutritorum in aceto, ana aur. viij. Scāmoneæ, succi eupatorii, succi absinthij, croci, lacæ ablutæ, myrobalanorum citrinorum, & chebulorum, ana aur. iij. Bellericorū, emblicorum, & indorum, ana aur. iij. Spicæ, anisi, ana aur. ij. Turbith boni 3. vj. Inuoluâtur omnia prius cū olei almezereon 3. iij. Et misceantur cū prædictis, & bene incorporentur. Et sit dosis eius à 3. iij. vsque ad iij. cū aqua endiuia.

Confectio electuarij diacytoniten &c. LXXVIIII.

**A**ccipe Succu cytoniorum lb. iij. Mellis tabarzer lb. ij. Scāmoneæ 3. j. s. Gallie bonæ, garyofyllorum, zinziberis, masticis, piperis longi, cinnamomi, nucis masticæ, ana 3. iij. Confice omnia simul. Et sit dosis eius ab aur. j. vsq; ad iij. Si autem volueris, vt solutione educat cholera & phlegma, ponantur in medicamine Scāmoneæ 3. v. Turbith 3. xij. s. Si autem volueris vt solū phlegma educat, abiecta Scāmonea, ponantur Turbith 3. xxv. Carthami excorticati, pōdus scāmoneæ. Et si volueris vt cholera nigrā educat, ponatur loco prædictorū Helleborus niger, aut epithymū, aut polypodium. Et apud plures sit hæc medicina cum melle, & apud plures cum zucchero. Et quandoq; sit cum succo cytoniorum, & quandoq; cum carnibus, & succo ipsorum.

#### QVARTA DISTINCTIO DE CONDITIS.

**Q**uartæ distinctio est de conditis &c. LXXXIX.

Chebuli conditi &c.

xc.

**E**t modus condiendi est, vt accipias ex eis humidis, si haberi possunt, vel saltē ex humectatis secū dū artem, qua humectari possunt, quātitatē quā volueris, & cum stylo punge eos vndiq; & decoque eos in aqua cū facilitate, vsq; dum tenebunt. Post hæc dimitte eos super tabulā, & exprime aquā illorū, & submerge illos in aqua mellis, & dimitte eos per duos dies. Tūc verò decoque eos cum igne lento, cū facilitate. Et postquā decocti fuerint, reconde eos in vase vitreo, & submerge eos in melle decoctionis eorū, & da post sex mēses. Ars autē auxiliatur ipsos in humectando, hoc modo: Infundatur in aqua plurima: & exponantur radijs solar

solaribus per dies octo. Deinde accipe vas magnū sicut dolium, vel saltem fiat fovea magna sub terra in loco humido, aut inter multam arenā humidam pone, in qua disunctum sepeliantur, sæpe ac sæpe aquam superinfundendo, & innouando arenam de quarto in quartum diem, vsq; dum tumescant, & humectentur.

Emblīci conditi &c. xci.

**A**ccipe ex eis quātitatē, quam volueris, & infunde super eos aquā, & expone soli, quousq; tumescant, & humectentur. Et post exprime, & pone in aqua mellis, & dimitte per duos dies. Deinde coque cū facilitate. Postquā cocti fuerint, dimitte eos infrigidari, & confice cū melle tabarzeth, scilicet cū quarta parte totius, & recode. Quidā verò supercōdiūt cū speciebus aromaticis, sicut sunt cinnamomū, & gallia, & cardamomū, & crocus, & muscus, & similia.

Cytonia condita &c. xcii.

**A**ccipe Cytonia magna mūda à putrefactione, & mūdentur à cortice suo, & granis interioribus, & incidātur in frustra cōuenientia, & decoquātur cum iuleb multæ aquositas, & post diē vnū decoquātur cum alio iuleb quod est vicinū perfectæ coctioni, vsq; dū perficiatur in eis decoctio. Deinde aromatizentur cū musco, & ponātur in vase vitreo, & sepeliantur cū iuleb in quo decocta fuerūt. Et quidā decoquūt cū melle, & quidā cū vino cocto. Et quidā supercōdiūt cū speciebus aromaticis. Et alij faciunt alia.

Pyra condita &c. xciii.

**M**odus condiendi ea, est sicut cytoniorum.

Poma condita &c. xciiii.

**M**odus condiendi ea, est sicut cytoniorum.

Perfica condita &c. xcv.

**M**odus condiendi ea, est sicut cytoniorum.

Citra condita &c. xcvi.

**A**ccipe Corticum citri mūdatorum à carnibus suis, & propriē magnorum, sicut sunt volæ manus, quantitatem quam volueris, & fundatur super eos lixiuij clari quantitas, in qua submergantur, & mutetur super eos vsq; ad ix. dies, semel in die. Post illud mittatur super eos aqua clara tantum, donec dulcescant, & abscedat amaritudo eorū. Tunc verò elixentur in aqua fontium plurima, in vase mūdo, vsq; dū tenerescāt. Deinde exprimantur, vt fluat aquositas eorum. Post illud fundatur super illos in vase lapideo iuleb quantitas aliqua, qua submergantur, & sic dimittantur per diem & noctem. Et sit iuleb ex zucarho albo in aqua, quæ sit in triplo ipsius. Deinde coquantur cum facilitate,

cilitate, donec iuleb sit coctū ad modū penidiarum. Tunc verò separētur cortices citri à zuccharo, & recōdantur in vase vitreo & condiātur cum iuleb rosato, cuius decoctio sit: sicut habet, ita quod vna superficies sit laminarū citri, & alia iuleb. Et reconde, & da post mēsem. & sunt qui aromatizant cum ambra & musco.

Secacul conditum &c. xcvii.

**A**cciper radices eius albas, grossas & teneras, & radatur cortex eius cineritius, & elixentur, & mudentur à venis interioribus, & incendantur in frustra, sicut est mēsurā Pollicis, & ponatur in eius vacuitatibus arundinosus frustum zinziberis humectati, sicut dicemus in capitulo de zinzibere cōdito, & garyofyllus vnus humectatus. Et accipiantur ad omne pondus eorū, mellis pondera tria. Et alij ponunt, mellis pondera duo, & zucchari pondus vnum. Et postquam fuerit coctum cum facilitate, projiciantur super illud specierum alephanginæ, partes conuenientes. Et dosis eius est ʒ. j. vel ij.

Zinzibere conditum &c. xcviii.

**R**ecipe Zinziberis recentis (si haberi potest) vel saltem humectati per artem, partem vnā, mellis partes tres, & zucchari partem vnā. Coquatur sicut secacul. Et quidam accipiūt Secacul, & zinziberis humectati, ana partem s. & fit delicatius. Et quidam supercondiunt cum speciebus alephanginis. Et quidam faciūt alia. Modus autem humectationis eius est, sicut diximus de chebulis, & propriē vt infundatur in aqua, deinde sepiatur in arena. Et sit zinziber albus, & mundus, & recens.

Confectio de Zinzibere &c. xcix.

**A**ccipe Zucchari albi partes viij. Mellis tabarzet partes iij. Zinziberis boni albi, puluerizati puluerizatione vltima, sicut alcohol, partes tres. Aquæ infusionis zinziberis quantū sufficit. Dissoluatur zuccharum cum aqua & melle dictis, & coquatur vsq; dum sufficit. Deinde projiciatur super illud puluis zinziberis, & agitur, & incorporetur cum eo, & administretur.

**E**ius modus est sicut Secacul. c.

Acorus conditus &c. ci.

**E**ius modus est sicut Secacul cōditi. Adduntur tamen ad omnem partem eius, secacul boni partes duæ.

Zuccharum Rosatum &c. cii.

**R**ecipe Foliorum rosarum albarum, aut rubearum quantitatē quam volueris, & expandantur ipsæ rosæ super tabulas

las in vmbra vsque dū superfluū humiditatis ipsarū resoluatur. Et sint rosæ habentes medietatem inter completionem & acerbitem, & terantur in vase lapideo: deinde proijciatur super eas zucchini tabarzer triplū ponderis earū, & reponatur in vase vitreato, & obtaretur os eius cum pergamana, & exponatur soli mensibus iij. omni die saepe agitando illud. Deinde remoueatur à sole, & seruetur. Et quidam faciunt illud cum rosas non habentibus aliquid de completionem, & inuenitur magis stipticum. Et sunt qui non terunt rosas: sed incidūt cum forficibus, & fricāt manibus fricatione vltima rosas, & zucchini, deinde exponūt soli.

Zuccharum Violatum &c. CIII.

**E**ius modus est, sicut zucchari rosati. Indigent tamē violæ expansione longiori, & expone in sole.

**M** Zuccharum buglossatum &c. CIII.

Modus eius est sicut zucchari violati.

**E** Zuccharum Alchilil &c. cv.

Eius operatio est, sicut zucchari rosati.

Mel rosatum sic fit: cvi.

**R** Ecipe foliorū rosarū præparatorū, sicut diximus superias, & sint ipsorū partes ij. Mellis boni, partes vj. Coquatur cū facilitate, sicut oportet. Et sunt qui ponūt mellis, & succi rosarū partes æquales, & non ponunt aliquid ex folijs omnino. Et sunt, qui ponunt foliorum partem j. succi partē j. s. mellis partes tres.

**E** Mel Violatum. cvii.

Odem modo fit sicut rosatum.

**F** Mel buglossatum. cviii.

Ita similiter.

**S** Mel Alchilil. cix.

Similiter fit: sed in hoc sunt q ponūt species Alephāginæ notæ.

## DISTINCTIO QUINTA DE SPECIEBUS

CIEBUS LOHOC.

**Q**uinta distinctio est de speciebus lohoc de quibus &c. cx.

Lohoc de Pino &c. cx.

**R** Ecipe Granorum pini 3. xx. Amygdalarum dulcium, aulanarum, aslatarum, tragacanti, gummi arabici, liquiritie, & succi eius, anyli, capillorum Veneris, radicum lilij celestis, ana 3 iij. Carnium dactylorum cheyron 3. xxv. Amygdalarum amararum 3. iij. Mellis, passularum, zucchari tabarzeth & butyri re-

centis, ana 3. iij. mellis tabarzeth quantum sufficit. Sumatur ex eo quasi labendo 3. j.

**Lohoc de Papauere, & est diapapauer &c. cxii.**

**R** Ecipe Papaueris albi 3. xv. Amygdalarū dulciū excorticatarū, granorum pini, gummi arabici, tragacāthi succi liquiritiæ, ana 3. x. Amyli 3. iij. Seminis portulacæ, seminis lactucæ, seminiscytoniorū, ana 3. iij. Croci 3. j. Penidiarū albarum 3. iij. Syrupi de Papauere quantū sufficit. Et sit propriè syrupus, ex capitibus papaueris albi, & nigri, & semine lactucæ, & violis.

**Modus confectiōis de iacur, secundum intentionem Galeni, & est Diacodion purum &c. cxiii.**

**R** Ecipe decē papauera, in quibus sit mediocritas, inter paritatem & magnitudinē, & humiditatem & exiccationem, & projiciatur super ea aquæ sextarius vnus. Et sit aqua pluuialis. Et si sint humida plus q̄ sicca, dimittantur die ac nocte. Et si sint ficciora, dimittantur plus. Tunc coque ea, vsq; dum disiecta sint, & aquæ duæ partes sint cōsumptæ. Tūc verò cola succū eius. Et restat post illud duplex cōsideratio. Quoniā si catarrhus subtilis fuerit, & timetur fluxus eius, ad pectus, & pulmonē, & cannā, & timentur vigilie, opertet tūc vt misceatur ex rob quantitas, quæ sit medietas aquæ, & coquatur super ignē in quo nō sit flāma, neque fumus, sed super prunas tantū. Et non cōuenit in hac intentione mel: quoniā mel est ex habētibus acūmē, quare est subtiliatū, & est præter hoc quod intēdimus. Et quoniā est materia subtilis valdē, & mel est ex subtiliantibus. Cū autē plenitudo cōtinetur in thorace, & pulmone, & velis medicamē fieri absterfuiū: tunc mel cōueniētius est: quoniā dormire facit, & materias quæ sunt in pectore habitat. Et quādoq; fit medicamē ex vtriusq; quādo cadūt in occupatione duplicis intētionis. Et est dosis eius 3. j. plus & minus, secundū quod exigit dispositio. Et oportet vt teneat eam patiens in ore suo, & traiciat idē modicū quod dissoluitur ex ea in salua. Si autē velis vt sit retentiū naturæ, & eruptionis sanguinis à locis quæ sunt super diaphragma, & ab alijs locis manationis, & à partibus viscerū. Tūc ad vnāquāq; librā ipsius projiciatur Acaciæ, rubæ, henfistides, croci, myrrhæ, balaustij, ana 3. j. (Ramie 3. iij.) Et administretur. Et sunt, qui ponunt in de iacur puro, loco mellis, penidias. Et sunt qui ponunt zuccharum. Et quandoque exigit dispositio agritudinis, quæ est multe caliditatis, & acuitatis, vt fiat medicamen ex papauere nigro: & sint eius capita vsque 1. Et quandoque ex albo, & nigro: & loco mellis

mellis ponitur zucarum aut penidia.

Modus confectionis de Moris: & est diamor-  
ron, siue diamorum &c. cxliii.

**R** Ecipe expressiois morum, quæ currunt secundum semitam  
ficus, & mororum de sente, ana lb. j. s. Rob. & mellis, ana lb.  
j. Coquantur cum facilitate, usque ad mellis spissitudinem, & re-  
conde. Et sunt qui faciunt medicamen illud simplex: & sunt qui  
addunt (& proprie quando maior vocat necessitas) Aluminis,  
myrrhæ, croci, succi acrastræ, ana partes æquales.

Modus confectionis de succo: corticum, nucum:  
& uocatur Græce diacaryon &c. cxv.

**A** Ecipe Succu exteriorum corticum nucum in diebus canicu-  
laribus lb. iiii. Decoque ipsum bullitione vna, deinde adde  
ei, Mellis lb. ij. Et decoque donec impinguetur: & fiat sicut mel.  
Et post illud nobis occurrent intentiones quatuor. Nam pro pue-  
ris, & mulieribus, & humidis natura sufficit medicamen sic factum.  
Et quando morbus est in principio, aliquid de stipticitate habenti-  
bus misceri oportet: sicut sunt rosæ, balaustia. Et quando ægri-  
tudo est in statu, crocus, & myrrha miscenda sunt. In declinatio-  
ne verò, baurach, & sal ammoniacus, & similia. Est enim medi-  
camen sublimis, & expertum.

Lochoc de Squilla &c. cxvi.

**A** Ecipe Succu squillæ, & mellis despumati partes cōueniētes.  
Decoquatur in substantia lohoc, & accipiatur sic lanibedo.

Lohoc de Alfeſcera. cxvii.

**V** Alet sicut lohoc de squilla, & eius modus est sicut in illo. Et  
est medicamen bonum & expertum.

Lohoc sanum, & expertum, & est ex inuentio-  
ne nostra &c. cxviii.

**A** Ecipe Cinnami, hyiopi siccæ, liquiritiæ, ana 3. s. Iuiubarū,  
sebesten, ana numero, xxx. Passularum enucleararū, ficuum  
ficcarum, & dactylorum pinguium, ana 3. ij. Fœnugræci 3. v. Ca-  
pillorū Veneris, manipulū j. Anisi, fœniculi, Ireos, calamenti, se-  
minis lini, ana 3. iiii. Hæc omnia coquantur in lb. iiii. aquæ: usque  
remaneant lb. ij. Et proiciantur super ea Penidiarū lb. ij. Et coquantur,  
& impinguetur usque ad spissitudinem mellis. Deinde proiciantur  
super illud Pinearū mūdatarū. 3. v. Amygdalarū mūdatarum  
liquiritiæ, tragacanthi, gūmi arabici, amyli, ana 3. iij. Ireos 3. ij. Mi-  
scentur omnia & agitentur, usque dum medicamen maceretur, &  
album fiat. Dosis eius est à 3. v. usque ad x. & sumatur lambendo.

Lohoc ad caliditatem &c. cxi.

**A**ccipe Radicis liquiritiæ 3.xv. Chelmes pinguium 3.ij. Sebesten, iuiubarum, ana numero xxv. Decoquantur cum facilitate in iij. lb. aquæ, vsq; ad vnā, & proijciatur super ipsum Caffis fistulæ 3.j. Deinde coletur à scolis, & proijciantur super illud Rob 3.iiij. Penidiarū lb.s. Deinde coquatur, donec impinguetur. Deinde misceatur cum eo farinæ fabarū 3.ij. Et lambatur ex eo.

Lohoc aliud nostrum de intentione hac. cxx.

**A**ccipe Seminis papaueris 3.x. Radicis liquiritiæ 3.vij. Sebesten, numero xx. Psyllij, granorum cytoniorū, ana 3.v. Coquantur cum iij. lb. aquæ vsque ad j.s. & colentur, & proijciantur super illud Rob, & penidiarum, ana 3.iiij. Et iterum coquatur illud donec impinguetur. Deinde misceatur cum eo tragacanthi, & gummi, ana 3.v. Papaueris albi, & trium granorum, ana 3.ij.

Lohoc bonum &c. cxxi.

**R**ecipe Papaueris albi, spodij, seminis lini torrefacti, croci, amygdalarum dulcium ana 3.iiij. Amyli, tragacanthi, & gummi, seminis cytoniorum, seminis citrulli, ana 3.vj. Nasturtij, granorum cottoni, amygdalarum amarum, fabarum, ana 3.j.s. Penidiarum 3.lxx. Dissoluantur penidiæ in aqua fontium, & coquantur, & cōficiātur cum eis cætera. Dosis 3.ij. cum aqua mellis.

Lohoc de Asthma bonum &c. cxxii.

**A**ccipe Squillæ asatæ 3.iiij. Radicis lilij celestis 3.ij. Hyssopi, Prasij, ana 3.j. Myrrhæ, croci, ana 3.s. Confice cum melle.

Lohoc de amygdalis &c. cxxiii.

**R**ecipe Amygdalarum dulcium, & amararum, seminis lini torrefacti, granorum pini, anisi, tragacanthi, gummi arabici, succi liquiritiæ, & radice eius, ana 3.j.s. Zucchari, & penidiarum, ana 3.iiij. Confice cum mellis & succi fœniculi bullitorum quantitate sufficienti.

## DISTINCTIO SEXTA, DE SY=

RVPIS, ET ROBVB.

**S**yruporum alij sunt simplices, sicut species iuleb &c. cxxiiii.

Modus operationis iuleb rosati &c. cxxv.

**R**ecipe Aquæ infusionis rosarum lb.v. Zucchari lb.iiij. Coquantur cum facilitate, & administrētur cum aqua frigida.

**E** Modus iuleb utolati &c. cxxvi.

lus operatio est, sicut rosati.

Ope



Operatio infusionis rosarum, & violarū &c. cxxvi.

**A** Ccipe Foliorum rosarum, aut violarum recentium lb. vi. Ponantur in vase vitreato terreo, stricti orificij, & fundantur super ea aquæ bullientis lb. xv. Et stringatur orificiū vasis, & dimittatur per horas viij. Tunc colentur, & denuo in vase tantundem foliorum rosarum recentium aut violarum mittatur, & denuo eadem aqua calefacta, in prima bullitione super ea mittatur, & stringatur orificiū similiter per octo horas. Deinde coletur. Et si conservare volueris, ponatur in vase vitreato stricti orificij, & distilletur oleū in orificio eius, & stringatur capud eius, & exponatur soli diebus l. Et dicitur istud, mucharus rosarum vel violarum.

**A** Iuleb aliud rosarum. cxxviii.  
Ccipe Aquæ rosarum lb. iij. Zucchari lb. ij. Fiat vt suprà.  
Iuleb de succo violarum: & Iuleb de succo rosarum. cxxix.

**A** Ccipe Succū violarum lb. iij. Zucchari lb. ij. Fiat vt suprà. Et simili modo potest fieri de succo rosarum, & est laxativum.  
Iuleb iuiubinum &c. cxxx.

**A** Ccipe Iuiubarum magnarum, & pinguium, numero c. Et decoque in lb. iij. aquæ vsq; dum remaneant lb. ij. Et cum lb. j. zucchini fiat syrupus.

Syrupus de pomis &c. cxxxii.  
**A** Ccipe succi pomorum dulciū, & acetoform, ana lb. v. Coquatur vsq; ad consumptionē medietatis ipsius, & dimittatur per dies ij. vsquedū clarescat. Deinde coletur, & cū iij. lb. zucchini fiat syrupus. Et sunt qui submergunt in succo serā tinctam ex chermes, post succi depurationem, vsquedum rubeat, & recipiat virtutem tincturæ, & excellentior est.

Syrupus de Pyris &c. cxxxiii.  
**E** Iusmodus est, sicut syrupi de Pomis.

Syrupus de cytonijs cxxxiiii.  
**V** Alet sicut sirupus de Pyris, & isdem modus est vtriusque.

Syrupus de persicis &c. cxxxv.  
**E** Iusmodus est, sicut syrupi de Pomis.

Syrupus de succo acetosæ &c. cxxxvi.  
**E** Iusmodus est, sicut syrupi de succo violarum.

Syrupus de succo Cucurbitæ &c. cxxxvii.  
**A** Ccipe Cucurbitam magnam, & inuoluatur pasta, & deco-

ri lb. iij. Fiat vt supra.

**V** Syrupus de Prunis &c. cxxxvii.  
Alet sicut syrupus de Violis, & fit sicut ipse.

**F** Syrupus de Granatis acetosis &c. cxxxviii.  
It vt supra.

Syrupus de Granatis dulcibus &c. cxxxix.

**F** It vt supra. Et sunt qui inmergunt in succo setam tinctam ex chermes, & est excellentior.

Syrupus de corticibus citri &c. cxl.

**A** Ccipe Corticum pomorum citri recentium lb. j. Decoque cum aqua fontium lb. v. vsque ad consumptionem duarum partium, & cum zucchini lb. j. Fiat syrupus. Et condiatur cum Musci granis iij. Et sunt, qui in iuleb projiciunt ex corticibus citri partes convenientes: & proprie quando vicinatur completioni cocturae eius, & est delectabilis. Et quando submergitur in aqua decoctionis citri seta tincta ex chermes, tunc est excellentior.

Syrupus acetositatis citri &c. cxli.

**R** Ecipe Succiacetositatis citri lb. xij. Decoque in vase vitreato, super prunas, cum facilitate, vsque dum consumatur tertia pars ipsius. Deinde coletur, & dimittatur donec clarificetur: & accipe ex eo, qui clarus est lb. vij. Et funde super ipsum ex iuleb claro & depurato lb. v. & coquatur, donec inspissetur. Si autem aetas fuerit, dimittatur in sole, donec eius aquositas consumatur.

Syrupus de Acresta &c. cxlii.

**M**odus operationis eius est, sicut syrupi de acetositate citri. Et quidam condiunt cum garyofyllis.

**M** Syrupus de Granis myrti &c. cxliii.  
Modus eius est, sicut syrupi de acresta.

**D** Syrupus chesmes &c. cxliiii.

Ecoquantur Chesmes, sicut diximus in syrupo de iuiubis.

Syrupus albalach uel albelach, uel alchelach &c. cxlv.

**S**vmantur albalach, & enucleantur, & conterantur, & coquantur vsque ad consumptionem duarum partium: & fiat syrupus sicut diximus.

Syrupus de Papauere &c. cxlvi.

**A** Ccipe Papaueris albi, & nigri, & proprie capitum eorum, ana 3. lx. Et decoquantur in lb. iij. aquae pluuiialis, vsque dum redeat ad lb. j. s. Et cum zucchini albi, & penidiarum, ana 3. iij.

Fiat

Fiat syrupus.

**H** Vcufque fcripfimus &c. cXLVII.  
Syrupus dinari, & eius interpretatio eft,  
de bifantijs &c. cXLVIII.

**A** Ccipe Succi endiuix, succi apij, ana lb. ij. succi lupuli, succi boraginis, aut bugloffe, ana lb. j. Bulliant bullitione vna, & depumentur, atque depurentur. Tunc accipe eius clarificati lb. iij. Zucchari tabazer lb. ij. s. Et coquantur cum facilitate donec fiat syrupus. Et quandoque ad omnem partem succi depurati ponitur aceti boni, albi & clari, pars s. Et quandoque bulliant in succis Foliorum rofarum 3. ij. Liquiritix 3. s. Spicæ 3. ij. Anifi, fœniculi, feminis apij, ana 3. ij. Et est mirabilis.

Sermo in syrupo acetoso &c. cXLIX.

**A** Ccipe Zucchari boni albi, partes v. Et funde super illud in vase lapideo aquæ fontii dulcis, & claræ, partes iij. Et decoquatur semper abijciendo spumam eius. Et fit ignis, in quo coquitur, prunarum, aut tenuis flamma, sine fumo. Et decoque hoc modo, donec clarificetur, & diminuta sit aqua, sicut medietas eius. Deinde funde super ipsum aceti vini albi, clari, partes duas, in leui. Et in forti, partes quatuor. Et in mediocri, partes tres. Et da ei post illud perfectionem in coctura. Et sit dosis eius ab 3. j. vi. que ad iij. cum aqua frigida.

Modus syrapi acetosi cum radicibus &c. cli.

**A** Ccipe Aquæ fontium claræ lb. x. Et projice super ipsum radices fœniculi, apij, endiuix, ana 3. ij. Anifi, feminis fœniculi, apij, ana 3. viij. Seminis endiuix 3. s. Coquatur cum facilitate, vsque dum veniat ad lb. v. Tunc projice super ipsam decoctionem zucchini boni lb. iij. Et clarificetur sicut prius. Deinde funde super ipsum totum aceti boni quantitatem sufficientem, iuxta modum superioris doctrinæ, & ubi oportet.

Modus syrapi acetosi, de succis herbarum. clii.

**R** Ecipe Syrupi dinari partes tres: & funde super ipsum, aceti boni partem vnā.

Modus syrapi acetosi de succis fructuum &c. clii.

**A** Ccipe Succi granatorum muzorum, & acetosorum, ana partes tres. Coquatur cum facilitate, vsque dum diminuta sit eius pars tertia. Et dimittatur per duos dies vsque dum clarescat. Et accipe eius partes duas, & iuleb partes tres, vel plus, vel minus: & perface coctionem in eo.

Mod

Modus syrapi acetosi de succis & aquis fructuum &c. CLIII.

**A**ccipe Succi cytoniorum, & malorum, & pyrorum, & granatorum muzorum, & zarur, ana partes æquales. Aquæ decoctionis sumach. & berbororum, ana partem .j.s. Zucchari partes tres. Fiat vt suprà.

Modus syrapi acetosi de cytonijs &c. CLIIII.

**A**ccipe Succi cytoniorum acetosorū, & eius propriè, qui depuratus est, & factus clarus partes x. Aceti boni partem .j.s. Zucchari boni partes duas.

Modus syrapi acetosi de Pomis &c. CLV.

**E**ius modus est, sicut syrapi de Cytonijs.

Modus syrapi acetosi de Prunis &c. CLVI.

**A**ccipe Aquæ prunorum acetosorum, & aquæ tamarindorum, & succi granatorum acetosorum, ana lb.j. Aquæ acetositatis citri lb.s. Coquantur cum facilitate, & cum lb.j. zucchari fiat syrupus. Et da cum aqua frigida, vel aqua niuis. Et quandoque non ponitur in eo zuccharum, & fit sicut rob bonum & expertum.

Modus syrapi acetosi de Pomis descriptione nostra &c. CLVII.

**R**ecipe Succi malorum acetosorum, succi vuarū agrestium acerbarum, succi granatorum acetosorum, ana lb.j. Aquæ rosatæ, aquæ infusionis tamarindorum, & aquæ prunorum, ana lb.j.s. Succi endiuix cocti & despumati, & acetii, ana lb.ij. Zucchari lb.viij. Et supercondies cum 3.ij. Camphoræ. Et da cum aqua melonum hyemalium, vel cum aqua frigida.

Syrupus alius acetosus de Pomis &c. CLVIII.

**A**ccipe Succi pomorum acetosorum lb.j. Succii acetositatis citri lb.s. luleb boni lb.ij. Da cum aqua niuis. Et quandoque submergitur in succis, seta tincta ex chermes, & tunc fit nobilior ad causas cordis.

Modus syrapi acetosi altereniabin &c. CLIX.

**R**ecipe Tereniabin 3.ij.ij. Pone in vase lapideo, & funde super ipsum, Succii endiuix cocti & depurati lb.j. Bulliāt bullitione vna. Deinde frica manibus, & cola. Deinde accipe aquæ rosatæ, succi granatorum muzorum, ana lb.j. Succii vuarum agrestium immaturarum, aquæ acetositatis citri, ana lb.s. Zucchari lb.ij. Da vt suprà.

Modus syrupi acetosi solutione educentis  
choleram &c. **CLX.**

**R** Ecipe Prunorum siccorum, sebesten, ana centum número. Tamarindorum lb.s. Myrobalanorum citrinorum ʒ.iiij. Succo rosarū recentis ʒ.iiij. Mannæ, casæ fistulæ, ana ʒ.iiij.s. Zucchari lb.iiij. Fiat ex eis syrupus. Et post hoc funde super illud Aceti lb.ij. Succo granatorum acetosorum lb.j.s. Decoque cum facilitate. Deinde accipe Scammonæ bonæ 3.vj. Tere, & liga in panno subtili, & projice in syrupo, & decoque, semper fricando pannum, vsquedum perficiatur eius decoctio.

Syrupus conferens catarrhis &c. **CLXI.**

**R** Ecipe Iuiubarum & sebesten, ana centum numero. Violarum, mannæ, ana ʒ.j. Liquiritiæ, florum buglossæ, ana ʒ.xij. Seminis maluæ, seminis cytoniorum, ana 3.v. & cum zucchini lb.ij. & succi mali granati dulcis lb.j. Fiat syrupus.

Syrupus de cannis zucchini &c. **CLXII.**

**R** Ecipe Succo granatorum dulcium lb.iiij. Aquæ malorum de scemi, & aquæ cannarum zucchini, aut penidiarum, ana lb.j.s. Et fiat syrupus.

Syrupus de Portulaca &c. **CLXIII.**

**R** Ecipe Succo endiuicæ cocti & depurati, lb.iiij. Seminis portulacæ ʒ.xij. Teratur semen, & fundatur super ipsum succus, & dimittatur in vase lapideo, per diem & noctem, & coquatur cum facilitate vsque ad medium, & additis zucchini lb.ij. Fiat syrupus. Et quandoque additur ei Aceti lb.j. aut Succo malorum granatorum acetosorum lb.j.s.

Syrupus de Violis &c. **CLXIII.**

**R** Ecipe Violarum ʒ.ij. Seminum cytoniorum, seminū maluæ, ana 3.vij. Iuiubarum, sebesten, ana xx. numero. Et coque cum lb.vj. aquæ cucurbitæ, vsque ad tertiam partem, & cum zucchini lb.j.s. Fiat syrupus.

Syrupus de Iuiubis &c. **CLXV.**

**A** Ecipe Iuiubarum sexaginta numero. Violarū, seminis maluæ, ana 3.v. Capillorum Veneris ʒ.j. Seminis cytoniorum, papaueris, melonis, lactucæ, tragacanthi, ana ʒ.iiij. Liquiritiæ, hordei mundi, ana 3.vij. Decoque in lb. quatuor aquæ fontis, & cum lb.ij. Zucchini. Fiat syrupus.

Syrupus de papauere &c. **CLXVI.**

**R** Ecipe Papaueris albi, & nigri, ana 3.l. Capillorum Veneris 3.xv. Liquiritiæ 3.v. Iuiubarū xxx. numero. Seminis lactucæ 3.xl.

3. xl. Seminis maluar, feminis cytoniorum, ana 3. vj. Coquantur in lb. iij. aquæ, vsque ad ij. & cum zuccari, & penidiarum, ana 3. viij. Fiat syrupus.

**I** Am quidem loquuti sumus &c. CLXVII.

Sermo in aqua mellis &c. CLXVIII.

**P**rimus modus est, vt accipiat Mellis boni, & mundi &c. Et pone ipsum in vase lapideo, aut vitreato. Et funde super ipsum aquæ fontis dulcis, & claræ, partes octo. Et coque ipsum cum facilitate. Et auferatur spuma eius, nec permittatur super ipsum multiplicari. Imò quâcitò apparetauferatur. Deinde coletur colatorio denso de pãno. Et si bibitur recēs, oportet vt fiat multæ aquositis &c. Si autē bibatur antiqua, oportet vt fiat pinguior, sicut iuleb &c. Et sunt ex hominibus, qui aromatizant illam cum speciebus alephanginæ, sicut sunt zinziber, crocus, cinnamomum, macis, & similia. Et sunt qui aromatizant cum gallia muscata, ligno aloës, & similibus.

Secundus modus operationis eius est.

Recipe mellis partem vnâ, aquæ fontium claræ, partes octo. Et distemperetur cum eis parum scenugræci, & propriè ad omnes centum lb. aquæ & mellis, sint eius 3. iij. Et includitur in vase ligneo, sicut ponitur mustum, ita quòd remaneat ex vase vacuum, sicut mensura trium digitorum. Et illud ideò, quia patitur de ebullitione, sicut mustum. Deinde, scilicet post ebullitionem eius, stringatur orificium vasis, sicut stringitur vas vini. Et bibatur post menses tres. Si autem ipsam aromatizare volueris, ponantur in vase species alephanginæ ligatæ in pauno.

Sermo in secaniabin puro &c. CLXIX.

**A**ccipe Mellis boni partes duas, aceti boni partem vnâ, aquæ fontium claræ, & dulcis, partes iij. Et quandoq; exigit dispositio, vt addatur ad quantitatem aceti, sicut te scire fecimus in capitulo de syrupo acetoso. Et operatio eius est, vt accipiat mel, & aqua, & abijciatur spuma eius, deinde fundatur super illud acerum, & decoquatur. Et non permittatur eleuari, & excrefcere super ipsum spuma eius. Imò auferatur omni hora, vt clarescat. Et cum coctum fuerit, reconde. Et est dosis eius ab 3. j. vsque ad iij.

Modus secaniabin de radicibus &c. CLXX.

**A**ccipe Corticum radicū apij, & sceniculi, ana 3. ij. Seminis apij, & sceniculi, ana 3. j. Mundentur cortices, & conterantur, & projiciantur super eas in vase lapideo Aceti boni antiqui, &

& albi, lb. x. Aquæ lb. xij. Et dimittatur per diem & noctem. Deinde coquatur, donec eius tertia consumatur. Postea coletur. Et proijciatur super ipsam colaturam, mel, quod sit medietas eius. Et coquatur cum facilitate, sicut superius dixi.

Modus secaniabin solutione educentis

phlegma. clxxi.

**A** Ecipe Secaniabin ex radicibus facti quantitatem, circiter lb. ij. Et suspende in ipso quando coquitur, medullam carthami, ligatam in panno raro subtili, & frica omni hora, donec perficiatur eius decoctio. Et quandoq; ponuntur in eo Turbith, & zinziber, in panno subtili ligata & suspensa.

Modus Secaniabin solutione educentis me-

lancholiam. clxxii.

**R** Ecipe Thymi, calaméti, agarici, buglossæ domesticæ, & syluestris, liquiritiæ, ana ʒ. j. Polypodij ʒ. iij. Anisi, chamædryos, chamæpityos, stichados, bedegard, ana ʒ. v. Passulariū enucleatarū lb. s. Fundantur super ea Aceti boni albi, & succi buglossæ, ana lb. ij. s. Aquæ lb. ij. Et dimittatur totum per diem & noctem. Deinde coquatur cum facilitate, vsq; ad medietatem. Tunc coletur, & cum mellis lb. iij. fiat secaniabin. Et in decoctione ipsius ponantur in panno Epithymi ʒ. j. Hellebori nigri, aur. ij. Et suspendantur in eo, & fricentur, & fiat sicut diximus.

Modus Secaniabin de cheisim &c. clxxiii.

**A** Ecipe Radicum fœniculi, apij, petroselini, calaméti, dauci, ana ʒ. j. Zinziberis, seminis anisi, cheisim, apij, eupatorii, asari, absinthij, carui, ana ʒ. s. Garyofylli, galagæ, ana ʒ. iij. Spicæ ʒ. ij. Coque in aceti lb. x. vsq; ad dimidium. Et cum lb. v. mellis fiat secaniabin.

Modus Secaniabin de calamen-

to &c. clxxiiii.

**R** Ecipe Radicum apij, fœniculi, endiuix, ana ʒ. j. Squinanti ʒ. ij. Seminis apij, anisi, fœniculi, ana ʒ. vj. Spicæ, asari, mastice, casie, calamen agrestis, & domestici, dauci, & petroselini, ana ʒ. iij. Garyofyllorum, cheisim, zinziberis, galangæ, ana ʒ. ij. In lb. viij. aceti, & in lb. vj. aquæ bulliāt: vsquedum remaneat tertia: & adde mellis despumati lb. v. Et da ʒ. j. vel ij.

Syrupus acetosus diarhodon &c. clxxxv.

**R** Ecipe Succi endiuix, apij, ana lb. ij. s. Radicum fœniculi, apij, endiuix, ana ʒ. ij. Rosarum ʒ. j. Liquiritiæ ʒ. s. Spicæ ʒ.

ij. s. Seminis anisi, fœniculi, apij, ana 3. vij. Projice super ea aquæ dulcis lb. vj. Et decoque vsq; ad consumptionem duarum partium. Et cum iij. lb. zucchini, & ij. acetii, fiat syrupus. Dosis eius est ab 3. j. vsq; ad tres.

**Syrupus acetosus de succis herbarum, cum aromatibus &c. CLXXVI.**

**R** Ecipe Succii fœniculi, endiuiz, apij, & lupuli cocti & despumati, ana lb. ij. Succii buglossæ lb. j. s. Rosarū 3. j. Spicæ 3. iij. Liquiritiæ 3. viij. Seminis anisi, fœniculi, & apij, raved, eupatorii, absinthij, cuscute, ana 3. v. Zucchini lb. ij. s. Acetii lb. ij. Condias cum galliæ aromaticæ 3. ij.

**Syrupus de Menta &c. CLXXVII.**

**A** Ccipe Succii mentæ lb. j. Succii granatorum dulcium, & acetosorum, qui iam cocti sunt ad medietatem insimul lb. ij. Mellis vel zucchini lb. j. Coquatur, & administretur.

**Syrupus de menta inuentione nostra &c. CLXXVIII.**

**A** Ccipe Succii cytoniorū muzorū, & dulciū, succii granatorū acetosorū, & dulciū, & muzorū, ana lb. j. s. Projiciatur super eos mentæ siccæ lb. j. s. Foliorum rosarū 3. ij. Dimittatur per diem & noctē. Deinde coquatur cum facilitate vsq; ad mediū. Et cum mellis, vel zucchini lb. ij. Fiat Syrupus, & aromatizetur cū galliæ.

**Syrupus de Absinthio &c. CLXXIX.**

**R** Ecipe Absinthij romani lb. s. Poliorum rosarum 3. ij. Spicæ 3. iij. Vini albi antiqui, boni & odoriferi, succii cytoniorū, ana lb. ij. s. Et dimittatur per diem & noctem, in vase lapideo. Deinde coquatur cum facilitate, vsq; ad medietatem, & cum mellis lb. ij. fiat syrupus. Et est expertus & nobilis.

**Syrupus de Absinthio alius expertus. CLXXX.**

**A** Ccipe Absinthij Romani 3. centum. Decoquatur in aquæ lb. iij. vsq; ad tertiam partem. Deinde fricetur manibus, & coletur, & cum mellis & vini, ana lb. j. Fiat syrupus.

**Syrupus de fumo terræ maior &c. CLXXXI.**

**A** Ccipe Myrobalanorum citrinorū, chebulorum, ana 3. xx. Florum boraginis, & buglossæ, violarum, absinthij, cuscute, ana 3. j. Liquiritiæ, rosarum, ana 3. s. Epithymi, polypodij, ana 3. vij. Prunorum enucleatorum, passularum enucleatarum, ana lb. s. Tamarindorum, cassiæ fistulæ, ana 3. ij. Hæc omnia bulliāt in aquæ lb. x. vsq; deueniat ad lb. iij. & cum succi fumi terræ cocti & depurati, & zucchini, ana lb. iij. Fiat syrupus.

**Syrup**



Syrupus de Fumo terræ minor, descriptione  
cognita &c. CLXXXII.

**R** Ecipe Myrobalanorū citrinorū ʒ.ij. Violarū, cuscutz, absinthij, ana ʒ.ij. Coquatur cū lb. viij. aque vsq; ad tertiā partē, & accipe succi fumi terræ cocti & despumati, & zuchari, ana lb. ij. Da ʒ.ij. vel ij. Et quidā suspēdūt in eo dū coquitur Scāmonēz ʒ. s. ligatā in pāno raro. Syrupus Liquiritiæ &c. CLXXXIII.

**R** Ecipe Liquiritiæ ʒ.ij. Capillorum Veneris ʒ.ij. Hysopi siccz ʒ. s. Projice super illud, aquæ lb. iij. & dimittatur die, ac nocte: deinde coquatur vsq; ad mediam partem. Deinde projice super illud mellis, & zuchari, & penidiarum, ana ʒ. viij. Aquæ rosatz ʒ. vi. Fiat syrupus & administretur.

Syrupus de Hysopo &c. CLXXXIII.

**R** Ecipe Hysopi siccz, radicū apij, sceniculi, petroselinij, liquiritiæ, ana ʒ. x. Hordei mundi ʒ. s. Seminis maluz, tragacanthi, seminis cytroniorum, ana ʒ. iij. Capillorum Veneris ʒ. vj. Iuiubarum, sebesten, ana numero xxx. Passularum enucleatarum ʒ. xij. Ficuum siccarum, & Dactylorum pinguium, ana numero x. Penidiarum albarum lb. ij. Et fiat syrupus.

Syrupus de Præfio &c. CLXXXV.

**R** Ecipe Præfij ʒ. ij. Hysopi, capillorum Veneris, ana ʒ. j. Calamenti, anisi, radicū apij, sceniculi, ana ʒ. v. Seminis maluz, scenugræci, ireos, ana ʒ. iij. Seminis lini, seminis cytroniorum, ana ʒ. ij. Passularum enucleatarum ʒ. ij. Ficus siccas pingues xv. numero, Penidiarum lb. j. Mellis boni despumati lb. ij. Fiat syrupus.

Syrupus de Calamento &c. CLXXXVI.

**R** Ecipe Calamenti domestici, & sylvestris, ana ʒ. ij. Cheifim, dauci, squinanti, ana ʒ. v. Passularum enucleatarum lb. s. & mellis lb. ij. Fiat syrupus.

Syrupus de Calamento valens &c. CLXXXVII.

**R** Ecipe Succū calamenti lb. iij. Succū malorum granatorum acetosorū, cum pulpa sua interiori lb. v. Vini odoriferi lb. ij. Coque vsq; ad medietatem, deinde dimitte per dies duos, quousq; resideat. Et cum lb. iij. zuchari fiat syrupus. Et aromatizetur cum ʒ. ij. galliæ aromaticæ. Et reponatur in vase vitreato, & stringatur orificiū eius, & dimittatur in sole per dies xl.

Syrupus de Thymo &c. CLXXXVIII.

**A** Ecipe Extremitatū thymi ʒ. ij. Calamenti, mētē siccz, ana ʒ. v. Anisi, sceniculi, apij, dauci, ana ʒ. iij. Passularū enucleatarū

3. iij. Et cū mellis lb. ij. fiat syrupus. Et aromatizetur cū galliē 3. ij.  
Syrupus de Eupatorio &c. c l x x x i x.

**A**ccipe Radicum apij, fœniculi, endiuix, ana 3. ij. Liquiritiæ, quinanti, cuscute, absinthij, rosarū, ana 3. xvj. Capillorum Veneris, bedegar, fuchaha, florum buglossæ, aut radicum eius, anisū, fœniculi, eupatorii, ana 3. v. Raueid masticis, ana 3. iij. Spice, asari, folij, ana 3. ij. Coque in aquæ lb. viij. vsq; ad terciā. Et cū zucchari lb. iij. & succi apij, & endiuix, quantitate sufficienti, fiat syrupus.

Syrupus de Epithymo &c. c x c.

**R**ecipe Epithymi boni cretensis 3. xx. Myrobalanorū citrinorum, & indorum, ana 3. xv. Cuscute, fumi terræ, ana 3. x. Thymi, calamēti, buglossæ, emblici, bellerici, liquiritiæ, polypodij, agarici, stichados, ana 3. vj. Rosarum, seminis fœniculi, anisi, ana 3. ij. s. Prunorum, numero xx. Passularū enucleatarū 3. iij. Tamariindorum 3. ij. s. Zucchari lb. iij. Rob lb. ij. Et fiat syrupus.

Syrupus de Stichados &c. c x c i.

**R**ecipe Florum stichados 3. xxx. Hæscæ, calamēti, origani, ana 3. x. Anisi, pyrethri, ana 3. vij. Piperis longi 3. iij. Zinziberis 3. ij. Passularum enucleatarū 3. iij. Mellis lb. v. Condias cum cinnamomi, calami aromatici, spice, croci, zinziberis, piperis nigri & longi, ana 3. j. s. Liga in panno raro, & suspende in syrupo. Dosis eius est 3. j. cum aqua decoctionis spice, & alchilil.

Sermo in mellicrato condito &c. c x c i i.

**R**ecipe Vini antiqui boni lb. x. Mellis boni, & despumati lb. ij. Proijce super ea cinnamomi boni & subrilis 3. v. Spice aromaticæ 3. j. Garyofyllorum, zinziberis, ligni aloës, macis, ana 3. iij. Heil 3. ij. Croci 3. j. s. Tere trituratione grossa, & coletur in colatorio grosso denso de panno. Et aromatizetur cum musti 3. vnus tertia.

Modus conditi de citro &c. c x c i i i.

**A**ccipe Corticum citri, vel foliorum citri 3. iij. Cytoniorum, numero tria. Pomorum odoriferorū, numero iij. Diuidantur in frusta, & accipe adhuc de speciebus quas diximus superius, quantitate eandem, & funde super ea vini antiqui lb. viij. Et dimitte per duos dies. Postea coque ebullitione aliqua, & cum mellis despumati & Zucchari tabarzeth, ana lb. ij. Aquæ rosatæ lb. j. coquatur ad spissitudinem iuleb. Et in fine aromatizetur cum Musci 3. vnus quarta. Si autem recens illud propinabitur, sufficit in eo parua decoctio, & bibatur impermistum.

Cond

Conditum aliud de citro &c.

CXCIII.

**R** Ecipe Corticū citri 3.vj. Buglossæ 3.j.s. Marmacur 3.s. Garyofyllorū, aur. j. Ligni aloës, aur. s. Terātur, & proijciātur super ea vini boni lb. iij. & dimittantur diebus tribus. Deinde proijciātur super ea zucchari tabarzet lb. ij. Et aromatizetur cū galliæ bonæ, aur. s. Croci 3. vnus quarta. Masticis 3.j. Musci 3. vnus sexta.

Modus conditi de buglossa &c.

CXCv.

**R** Ecipe Buglossæ, mentesicæ, foliorū rosarū, corticū citri, aut foliorū citri, ana 3. iij. Alfeleniemisch 3.j. Triū generū cytoniorū, trium generum pomorū, ana 3.j.s. Setæ crudæ incisæ, nucis muscatæ, zedoariæ, galāgæ, been vtriusq; sandali citrini, croci, ana 3.j.s. Ligni aloës 3. ij. Vini, & aquæ, ana lb. vj. mellis lb. viij. Aromatizetur cum musci 3. vnus tertia, & galliæ 3. ij.

Modus operationis conditi de cytonijs, & est

Miua &c.

CXCVI.

**R** Ecipe Succī cytoniorum acetosorum lb. xx. Vini antiqui boni lb. x. Coquātur cum facilitate, vsquedum consumpta sit eius tertia, semper auferendo spumam eius. Deinde coletur, & dimittatur residere, vt clarescat. Et proijce super illud mellis boni & despumati lb. vj. Et iterum bulliat, & auferatur spuma eius. Et proijcianatur super illud species alephanginæ ligatæ in panno, suspensio super illud medicamen. Et sunt propriæ, cinnamomi, & heil, ana 3. iij. Garyofyllorum 3. ij. Zinziberis, masticis, ana 3.j.s. Croci 3. ij. Ligni aloës, macis, ana 3.j.s. Omnia, præter crocum, terantur contritione grossa, & suspendantur in panno, sicut diximus, omni hora fricando illud, super medicamine, donec fiat ei spissitudo. Deinde aromatizetur cum musci 3. vnus tertia, & galliæ 3. ij. Et sunt ex hominibus, qui faciunt ipsum sine speciebus: & sunt qui loco mellis, ponunt zuccharū, & propriæ quando oportet, & faciunt cum speciebus, & sine speciebus.

Confectio Miux simplicis &c.

CXCVII.

**R** Ecipe Succī cytoniorum lb. c. Et ponatur in vase lapideo mundo, & bulliat cum facilitate, auferendo omni hora spumam eius vsq; ad consumptionem medietatis. Deinde coletur, & dimittatur modicum residere, sicut per horas tres, & proijciātur super ipsum Vini antiqui lb. quadraginta. Deinde coquatur super prunas, vsquedum spissitudinem habeat. Et sunt qui loco mellis ponunt zuccharum. Et sunt qui faciunt cum speciebus, & quidam sine eis. Et aromatizant sicut diximus.

## Confectio Miux acetosæ &amp;c. cxcviii.

**A**ccipe Succy cytoniorum acetosorum lb. quadraginta. Et decoquatur vsque ad consumptionem medietatis. Deinde funde super ipsam aceti boni, & albi lb. septuaginta. Et fiat sicut diximus.

## Confectio Miux alterius &amp;c. cxcix.

**A**ccipe Succy cytoniorum acetosorum lb. lxx. Et projice super ipsum mentæ siccæ, & foliorum citri, ana ʒ. viij. Foliorum rosarum ʒ. iij. Bulliat vsque ad medium, deinde coletur. Et funde super ipsum vini antiqui albi lb. xxv. Deinde compleatur decoctio eius, sicut diximus, scilicet cum speciebus aut sine speciebus, cum melle, aut cum zuccharo, aut vtroque. Et sunt qui loco vini ponunt acetum.

## Confectio Miux factæ ex succo fructuū &amp;c. cc.

**A**ccipe Succy cytoniorum, qui iam decoctus est vsq; ad medietatem, lb. ij. Succy malorum montanorum, & pyrorum agrestium decoctorum vsque ad medietatem, ana lb. j. Vini antiqui lb. ij. Coquatur sicut diximus cum speciebus, vel sine speciebus.

## Sermo in Aceto squillitico &amp;c. cci.

**R**ecipe ex laminis squillæ & propriè quæ sunt inter corpus & corticem ipsius, quantitatem quam volueris, & consue eas separatim in filo, cum stylo ligneo, & dimitte siccari in umbra, diebus xl. Post illud comminue eas in frusta cum incisorio ligneo, & pone ad omnē lb. ipsarū aceti boni lb. viij. Et pone in vase vitreato stricti orificij, & stringe caput eius, & dimitte in sole per alios 40. dies. Post illud cola, & administra, vbi oportet. Et si necessitas vrget festinare, sepeliatur vas in ciuere calido vel arena, cum successione non repente, sed propriè inter horam & horam. Et dixit Paulus: Laminæ eius sicut sunt, ponantur in aceto, à principio veris vsque ad finem æstatis, in vase vitreo sigillato, & exposito soli. Et post illud administretur. Et sumatur in potu ex eo, omni die ieiuno purum per donec deueniatur ad ʒ. j. s.

## Modus Oxymellis squillitici uirtuosi &amp;c. ccii.

**A**ccipe Mellis despumati lb. ij. Aceti squillitici lb. ij. Coquatur & despumetur, & perficiatur eius operatio, sicut diximus in speciebus secaniabin.

## Modus Oxymellis squillitici de radicib⁹ &amp;c. cciii.

**F**it sicut secaniabin de radicibus, sed pro aceto communi ponitur acetum squilliticum.

Oxymel squiliticum, descriptione Democriti &c. CCIII.

**A**ccipe Origani, hyfopi sicca, alhafce, cheifum, cordumeni, ftichados, ana 3. v. Coquatur in tribus lb. aqua, vsquedum deueniat ad lb. j. Et projice super ipsum mellis lb. ij. Mellis paffularu lb. s. Succu alfescera 3. v. Aceti squilitici lb. j. s. Auferatur spuma eius omni hora, & coquatur ficut diximus.

**R**estat sermo noster &c. CCV.  
Rob de ribes &c. CCVI.

**R**ecipe Succu ribes lb. x. Coquatur cum facilitate, vsq; dum consumatur tertia ipsius. Deinde coletur, & dimittatur residere, vsq; dum clarescat. Deinde coquatur cum multa facilitate, in vase vitreo vsquedum habeat spissitudinem. Aut exponatur soli, vsquedum pinguescat, & conseruetur. Da cum aqua niuis, aut cu aqua frigida. Et scito qd rob herba acetosa est in virtute eius.

**E** Rob de acresta &c. CCVII.  
Ius operatio est ficut rob de ribes.

**O**peratio eius ficut diximus de ribes.  
Rob de berberis &c. CCIX.

**V**aler ficut rob de ribes, & eius operatio est ficut illius. Et si haberi non potest de berberis recentibus, accipe ex eis ficis lb. ij. & projice super illos, lb. liij. succu acresta. Et dimitte per dies tres, donec humectentur. Deinde fricentur manibus, & exprimatur aquositas tota, & coquatur ficut diximus.

**V** Rob de Sumach &c. CCX.

**V**aler ficut rob de berberis, & fit ficut illud.  
Rob de Moris de scemi immaturis &c. CCXI.  
Alet ficut rob de sumach, & fit ficut illud.

**F** Rob de Cytonijs &c. CCXII.  
It ficut rob de ribes.

**F** Rob de Pomis &c. CCXIII.  
It ficut illud de ribes.

**V** Rob de Pyris &c. CCXIII.  
Alet ficut rob de cytonijs, & fit ficut illud.

**F** Rob de Prunis &c. CCXV.  
It ficut primum.

**V** Rob de Granatis acetosis &c. CCXVI.  
Alet ficut rob de berberis, & fit ficut illud de acresta.

**F** Rob de Perficis &c. CCXVII.  
It sicut illud de cytonijs.

**V** Rob de acetositate citri &c. CCXVIII.  
Alet sicut rob de ribes, & fit sicut illud.

Rob de fructibus &c. CCXIX.

**A** Ccipe Succi granatorum acetosorum, & muzorū, succi sytoniorum acetosorum, succi pyrorum immaturorū, succi pomorum montanorū, succi zarur, succi acrestæ, succi acetositatis citri, ana partes æquales. Projice in eis berberorū, & sumach, ana partem median. Fiat sicut diximus in rob de berberis.

Rob de fructibus aliud &c. CCXX.

**R** Ecipe Succi granatorū acetosorum, & muzorū, aquæ prunorum, & aquæ tamarindorum, ana partes æquales. Succo acetositatis citri, partem s. Fiat sicut diximus in rob de ribes.

Rob myrtinum. CCXXI.

**F** It sicut rob de ribes. Et omnis quidem syrupus factus ex succis, si inspissetur, præter mel & zucarum, vocatur rob.

## DISTINCTIO SEPTIMA, DE DECOCTIONIBVS ET INFUSIONIBVS.

**S** Eptima Distinctio est &c. CCXXII.  
Decoctio capillorum Veneris &c. CCXXIII.

**A** Ccipe Capillorum Veneris ʒ. j. s. Fumi terræ ʒ. j. Lupuli, violarum siccarum, ana ʒ. viij. Prunorum quadraginta numero. Iuiubarum viginti numero. Coquātur in lb. iij. aquæ cum facilitate, vsquedum redeant ad lb. j. Et projice in ea casie fistulæ mundatæ à cortice suo ʒ. iij. Tamarindorū ʒ. ij. Siracost ʒ. j. Rheubarbari boni ʒ. iij. Fricetur manibus, & coletur, & propinetur ius in mane. Et quandoq; ponuntur loco aquæ, feri caprini lb. iij.

Aqua fructuum &c. CCXXIIII.

**A** Ccipe Prunorum, numero quinquaginta. Sebesten, iuiubarum, ana xxx. Tamarindorum, casie fistulæ, ana ʒ. iij. Manæ ʒ. j. Fiat vt diximus.

Modus infusionis aquæ casei &c. CCXXV.

**R** Ecipe Foliorum rosarum recentium completarum ʒ. ij. Raues boni, aur. ij. s. Spicæ ʒ. s. Conterantur raues contritione grossa, & rosæ similiter modicam conterantur. Et fundantur super ea aquæ casei, & propriè sumptæ ex capris lb. ij. Et dimittatur

tatur à sero, vsq; mane. Deinde coletur, & propinetur, & quandoque in defectu rosarum viridium fit sine eis.

Modus infusionis de succis herbarum &c. cccxxvi.

**R** Ecipe Succorum endiuæ, lupuli, & buglossæ depuratorū, ana 3. viij. Projice super ipsos corticum myrobalanorum citrinorum 3. j. raues boni 3. iij. Tamarindorum 3. j. s. Carnis cassiæ fistulæ 3. iij. Fiat vt suprà.

Decoctioni fumi terræ &c. cccxxvii.

**A** Ecipe Succialtaraxacon, & endiuæ, & lupuli, & buglossæ, ana 3. iij. Succu fumi terræ 3. viij. Et projice super eis depuratis & coctis myrobalanorum citrinorum, & indorum, ana 3. iij. Passularum enucleatarum tritarū 3. j. Tamarindorum 3. iij. Fiat syrupus, sicut diximus:

Decoctioni Alhasce &c. cccxxviii.

**R** Ecipe Alhasce, cuscute, hyssopi, ana 3. j. Passularū enucleatarum 3. xx. Myrobalanorum chebulorū, & emblicorum, ana 3. j. Turbith 3. iij. Stichados 3. v. Eupatorii, absinthij, ana 3. iij. Radicum apij, & fœniculi, ana 3. vij. Polypodij 3. v. Anisi, dauci, ana 3. iij. Coquantur omnia in lb. iij. aquæ, vsquedū redeant ad lb. j. Deinde colentur, & projiciantur in ea Turbith 3. j. Zinziberris 3. s. Agarici 3. j. Et dimittatur vsque mane. Deinde coletur, & accipiat.

Decoctioni myrobalanorum &c. cccxxix.

**R** Ecipe Myrobalanorum citrinorum, chebulorū, indorum, ana 3. j. Tamarindorū 3. j. s. Fumi terræ 3. viij. Absinthij 3. iij. Prunorum xxx. Passularum enucleatarum 3. j. Coquantur in lb. iij. aquæ, vsquedum deueniant ad lb. j. Et accipe ex ea lb. s. vel plus, vt oportet. Et projiciantur in ea turbith 3. j. Agarici 3. s. Et quando volueris, vt sit medicina debilis, non projiciantur in ea illa duo, sed sufficiunt cassiæ fistulæ 3. ij. Et sunt quidam qui decoquunt dictas res in aqua rasei, & est medicamen nobile.

Decoctioni de stichados &c. cccxxx.

**R** Ecipe Stichados, origani, ana 3. iij. Seminis apij, fœniculi, eupatorii, ana 3. iij. Squinanti, hyssopi, ana 3. ij. Passularum enucleatarum 3. viij. Turbith albi arundinei 3. iij. Coquantur, & administrentur.

Decoctioni de eupatorio &c. cccxxxi.

**R** Ecipe Eupatorii, absinthij, asari, Spicæ, capillorum Veneris, cyperi, raues seni, fumi terræ, bedegar, suchaha, ana 3. iij. Chebulorum, indorū, ana 3. viij. Passularum enucleatarum

3.j. Coquantur, & administrentur.

Decoctione epithymi &c. CCXXXII.

**R** Ecipe myrobalanorum nigrorū, Stichados, epithymi, pas-  
sularum, enucleatarum, ana 3.i. Chebulorū, fumi terræ, ana  
3.iiij. Folliculorum senæ 3.viij. Polypodij 3.vj. Turbith 3.iiij. Eu-  
patorii 3.v. Omnia præter epithimum bulliant in aquæ casei lb.  
iiij. vsquedum redeant ad lb.j. Deinde proijciatur super illud epi-  
thimum, & bulliat ebullitione vna. Deinde coletur, & fricetur  
super, Hellebori nigri 3.j. Agarici 3.s. Salisindi aur.s. Et admini-  
stretur.

Infusio de Hieræ &c. CCXXXIII.

**R** Ecipe Hieræ ex oleo bonæ 3.s. Et funde super illam deco-  
ctionis eupatorii, quam diximus lb.j. Et ponatur in vase  
vitreo, & exponatur soli per dies xij. vel plus. Et da ex ea omni  
mane 3.j. plus vel minus sicut oportet.

Infusio alia Hieræ &c. CCXXXIII.

**R** Ecipe Hieræ ex aloë 3.v. & funde super ipsam decoctionē  
epithymi, quam diximus. Et fiat sicut diximus.

Infusio tertia hieræ &c. CCXXXV.

**F** Vnde super ipsam decoctionis albasce lb.j. Et fiat sicut di-  
ximus.

## DISTINCTIO OCTAVA DE TROCHISCIS.

**O** Ctava Distinctio est de Trochiscis, &  
erit &c. CCXXXVI.

Confectio galliæ muscatae &c. CCXXXVII.

**R** Ecipe Xyloaloës crudi, & electi, partes v. Ambra, campho-  
ra, ana partes iij. Musci boni partem j. Glutinis tragacathi  
ex aqua rosata, quantum sufficit ad commiscendum ea. Fiant tro-  
chisci similes folijs myrti, & sigillentur, & reponantur in vase vi-  
treo, & administrentur. Et apud alios dissoluitur ambra in vase  
vitreo, cum oleo de ben pauco, & conficiuntur cætera cum eo.

Confectio galliæ sebelliæ, uel sebelli-  
næ &c. CCXXXVIII.

**R** Ecipe Foliorum rosarum recentium rubearū, quæ iam in-  
cipiunt referare nodos 3.j.s. Conterantur contritione vlti-  
ma in mortario lapideo, cum pistillo ligneo. Deinde proijcian-  
tur super illa Ligni aloës electi, & Garyofyllorum, & gummi, &  
spicæ



spicæ Indæ, ana 3. j. s. Sandali citrini 3. ij. Ramich 3. iij. Trita omnia prius sicut alcohol, terantur cum rosis, & humectentur cum modico aquæ rosatæ infusionis gummi arabici, & iterum humectentur, & terantur. Et hoc fiat per diem vnum. Vltimo verò aromatizetur cum musci 3. vnus partibus duabus, & ambre, & camphoræ, ana aur. j. & fiant trochisci sicut diximus, & sigillentur.

Confectio alia galliæ alephanginæ: & eius interpretatio est aromatizatum &c. ccxxxix.

**A**ccipe Emblicorū bonorū abiectis ossibus 3. iij. cōterātur cōtritione grossa: & ponātur in vase vitreo, & fundatur super eo, aquæ rosatæ bonæ & electæ, infusionis rosarū, & corticū citrorū lb. s. Et stringatur os vas, & dimittatur per dies tres. Deinde exprimantur, & denuò fundantur in eis, aquæ prædictæ infusionis 3. iij. Et in crastinum fiat similiter, vsquequo emblicorum virtus in aqua impressa sit. Tunc verò accipe Ligni aloës boni 3. viij. Ramich 3. j. s. Rosarum, garyofyllorū, ana 3. x. Spicæ indæ 3. iij. Sandali citrini aromatici 3. iij. Gummi arabici 3. vj. Terantur omnia sicut alcohol, sicut dixi, & fundatur super ea, parum succi prædictæ infusionis emblicorum, & conteratur omne cum eo, vsquedū tota infusio in eo paulatim fundatur. Vltimò verò aromatizetur cum 3. j. camphoræ, & ambre 3. ij. & Musci boni 3. j. s. Fiant inde trochisci, & sigillentur, sicut diximus. Et ponantur in vase vitreo, & administrentur.

Confectio Trochiscorum diarhodon &c. ccxl.

**A**ccipe Foliorū rosarū rubearum, aur. vj. Spicæ aromaticæ aur. ij. Liquiritiæ aur. iij. Ligni aloës aur. ij. Spodij aur. j. Croci aur. s. Masticis 3. ij. Confice cum vino albo, & fiant trochisci 3. vnus.

Cōfectio Trochiscorū de rosis, stomachū &c. ccxli.

**R**ecipe Foliorū rosarū 3. x. Liquiritiæ 3. v. Spicæ 3. ij. s. Cōfice cū vino albo & si vis facere solutionē, adde scāmonæ 3. iij.

Confectio Trochiscorū de rosis, & eupatorio &c. ccxlii.

**R**ecipe Foliorum rosarū 3. viij. Spicæ 3. iij. Raued ieni 3. iij. Spodij 3. j. s. Liquiritiæ 3. iij. s. Succī eupatorii 3. x. Fiāt trochisci cum tereniabin.

Confectio Trochiscorū de rosis, sicut &c. ccxliiii.

**R**ecipe Rosarū 3. iij. Ligni aloës 3. ij. Masticis 3. j. s. Abinthij romani, cinnamomi, spicæ, casia lignæ, squinantia, ana 3. j. Fac trochiscos 3. ij. cū vino antiquo, & aqua decoctionis radicū.

Such Alharif, & est gallia magna, siue regalis &c. CCXLIII.

**R** Ecipe Succii albelach lb. j. Bulliat ebullitione vna. Deinde coletur, & proijciatur super ipsum galliarum recentium contritarum contritione vltima 3. iij. Et bulliat, donec fiat sicut mel. Deinde accipe foliorum rosarum 3. j. Cardamomi, linguae auis, garyofyllorum, nucis muscatae, masticis, ligni aloës, ana 3. viij. s. Darfeni 3. iij. Sandali mazahari 3. v. Croci 3. s. Gummi arabici 3. j. Terantur, & cribrentur, & misce cum praedictis. Et expande super marmor inunctum oleo amygdalarum, donec siccetur totum. Deinde puluerizetur, sicut alcohol, & aromatizetur cum musci aur. s. Deinde cum aqua rosata fiant trochisci subtiles, & siccantur in umbra.

Confectio Ramich &c. CCXLV.

**R** Ecipe Succii herbae acetosae 3. xvj. Bulliat ebullitione vna cum rosarum 3. j. Granorum myrti 3. ij. Et coletur, & misce cum eo Gallarum recentium, & humidarum, tritarum vltima contritione 3. iij. Et coquatur adhuc. Deinde puluerizetur super ea foliorum rosarum 3. j. Sandali mazahari 3. j. & 3. ij. Gummi arabici 3. j. s. Carnium fumach, spodij, ana 3. viij. Succii acrotae 3. vij. Succii granorum myrti tritorum contritione vltima 3. iij. Ligni aloës, garyofyllorum, masticis, nucis muscatae, ana 3. iij. Inuoluatur omnia simul, & expande in scutella lapidea vique dum siccetur. Deinde tere sicut alcohol. Et cum camphorae aur. j. & aqua rosata sufficienti, fac trochiscos subtiles, & exicca in umbra. Et apud alios, loco succii acetosae, ponitur succi cytoniorum acetosorum immaturorum, tantumdem. Et quidam sunt qui aromatizant cum musci 3. vnus quarta.

Confectio trochiscorum de reubarbaro &c. CCXLVI.

**A** Ecipe Raued boni 3. x. Succii eupatorii 3. iij. Rosarum 3. iij. Spicæ, anisi, rubrae tinctorum, seminis apij, absinthij, asari, ana 3. j. Amygdalarum amararum 3. ij. s. Et fiant trochisci aurei vnus.

Confectio trochiscorum de camphora &c. CCXLVII.

**R** Ecipe Foliorum rosarum 3. iij. Spodij, liquiritiae, ana 3. ij. Sandalorum citrinorum 3. ij. s. Croci, seminis citrulli, melonis, cucumeris, cucurbitae, tragacanthi gummi, spicæ, ana 3. j. Ligni aloës, cardomomi, amyli, camphorae, ana 3. vnus partes duas. Zucchari tabarzet, & tereniabin, ana 3. ij. Conface cum mucilag

cilaginepsyllij ex aqua rosata.

Confectio trochiscorum de spodio &c. cccxlviij.

**R** Ecipe Spodij 3.iiij. Rosarum rubearum 3.vij. Seminis portulacæ, succi liquiritiæ, ana 3.ij. Conface cum mucilagine psyllij, & fac trochiscos drachmæ vnius. Et da cum succo mali granati. Et alij addunt quatuor seminum, gummi arabici, tragacanthi, croci, ana 3.j.s.

Confectio trochiscorum de spodio, cum semine acetosæ &c. cccxlix.

**R** Ecipe Rosarum rubearum 3.xij. Spodij 3.x. Seminis acetosæ 3.vj. Seminis portulacæ, granorum coriandri infusorum in aceto, & torrefactorū, & pulpæ sumach, ana 3.ij.s. Amyli afsi, balaustiorū, berberorum, ana 3.ij. Gummi arabici afsi 3.j.s. Conface cum succo acetosæ: & da cum aliquo ex robub stipticis.

Confectio trochiscorum de berberis &c. ccl.

**R** Ecipe Berberorum, aut succi eorū, spodij, succi liquiritiæ, & seminis portulacæ, ana 3.iiij. Rosarum 3.vj. Spicæ, croci, amyli, tragacanthi, ana 3.j. Seminis citruli 3.iiij.s. Camphoræ 3.s. Conface cum tereniabin.

Confectio alia trochiscorū de berberis &c. cclij.

**R** Ecipe Berberorū 3.ij. Spodij, xyloaloes, seminis acetosæ, mastificis, galliæ, spicæ, ana 3.j. Rosarum 3.v. Gummi 3.iiij. Conface cum aqua rosata.

Confectio trochiscorum de absinthio &c. cclij.

**R** Ecipe Rosarum, absinthij, anisi, ana 3.ij. Raüed, succi eupatorii, asari, apij, amygdalarum amararū, spicæ, mastificis, & folij, ana 3.j. Fac trochiscos cum succo endiuæ: & da cum succo herbarum.

Confectio trochiscorum de Eupatorio &c. ccliiij.

**R** Ecipe Tereniabin, succi eupatorii, ana 3.j. Rosarū 3.s. Spicæ 3.iiij. Raüed, asari, anisi, ana 3.ij.s. Spodij 3.iiij.s. Fac trochiscos cum succis herbarum, & da cum eis.

Confectio trochiscorum de Aniso &c. ccliiij.

**R** Ecipe Anisi, eupatorii, ana 3.ij. Seminis anethi, spicæ, mastificis, folij, absinthij, asari, apij, amygdalarum amararum, ana 3.s. Aloës 3.ij. Conface cum succo absinthij, & apij, & da cum syrupo acetoso, & succo herbarum.

Con

Confectio alia trochiscorum de aniso, & sunt trochisci de decem medicinis &c. cclv.

**R** Ecipe Anisi 3.iiij. Masticis, spice, api, absinthij Romani, asari, folij, ana 3.j. Amygdalarum amararum 3.j.s. Aloës bonæ 3.ij. Succu eupatorii 3.iiij. Confice cū decoctione absinthij.

Confectio trochiscorum de Lacca &c. cclvi.

**R** Ecipe Lacce mundatæ, succi liquiritiæ, absinthij, berberi, succi eupatorii, raued, aristolochiæ longæ, costi, asari, amygdalarum amararum, rubæ tinctorum, anisi, api, squinanti, ana 3.j. Fac trochiscos 3.vnius.

Confectio Trochiscorum de terra sigillata, ex inuentione nostra &c. cclvii.

**R** Ecipe Sanguinis draconis, gummi arabici afsi, ramich, foliorum rotarum, & seminum earum, amyli afsi, ipodij, acacie, ipoquistidos, lapidis hæmatitis, henistides, balaustij, boli armeni, terræ sigillatæ, sedenegi, coralli, charabæ, ana 3.ij. Margaritarum, tragacanthi, papaueris nigri, ana 3.j.s. Portulacæ assæ, cornu cerui adusti, thuris, gallarū, croci, ana 3.ij. Fiant trochisci cum aqua arnoglossæ. Et da cum aqua spodij, gummi, boli armeni, & spice. Et quandoque inuitat necessitas, vt ponatur in eis opij 3.ij. Et quandoq; plus, & quandoq; minus, sicut oportet. Administratio autem eorum est secundum tres modos. Ad fluxum sanguinis ex pectore, aut pulmone, administrandi sunt cum aqua portulacæ. Et ad excoiationē, cū rob cytoniorū, aut aliquo robub stipicorū. Et ad emanationē sanguinis, ex partibus inferioribus, cōfert iniectio eorū cum aqua virgæ pastoris.

Confectio trochiscorum de croco, conferens ad internos capitis dolores, & emicraneam difficilem, & sahara uehementem. cclviii.

**R** Ecipe Croci aur. vij. s. Colchortar aur. v. Aluminis aur. viij. Myrrhæ, spice, ana aur. j. s. Omphacij, calchadis, ana 3.j. s. Gūmi aur. ij. Fiāt trochisci cum vino stipitico. Et cum necesse fuerit, dissoluatur vnus cum aceto permisto cum aqua rosacea, & leniantur frons, & tempora. Si autem insomneitatem patitur, opij aur. iij. addes.

[Alia li-  
tera loco  
chartarū  
cōbustarū,  
habet  
tartari cō-  
busti.]

Confectio trochiscorum de arsenico. Et sunt boni ad excoiationē, & ad dysenterriā, & herpetem. cclix.

**A** Ecipe Arsenici citrini 3.j. Calcis non extinctæ 3.xij. Acacie, [chartarum combustarum] fecis aceti adustæ, aluminis,

nis, balaustij, ana 3.ij. Colchotar, flosarris, ana 3.v. Terantur cum aceto, & stent in sole per dies decem. Et fiant trochisci, & ponantur in vase vitri, & stringatur os eius, & ponatur vas in vase vbi fuerit acetum. Et sunt vltimi. Et quando inuitat necessitas, ponuntur in eis, opij, 3.iiij.

**Confectio trochiscorum alandahal, qui ponuntur in hiera Hermetis, & in alijs confectionibus loco coloquintidæ. cclx.**

**A** Ccipe Pulpæ coloquintidæ albæ, & lenis & mundæ à granis 3 x. Incidatur cum incisorio incisione conuenienti, & fricetur cum 3. j. olei rosati. Deinde accipe Tragacanthi, gummi, bdellij, ana 3. vj. Infundantur in aqua rosata per dies quatuor: & conficiatur coloquintida incisa, cum glutino eorum, & fiant inde trochisci, & exiccetur in vmbra. Deinde terantur contritione bona: & iterum conficiantur cum glutino præfato, & fiant trochisci, & administrentur.

**Confectio trochiscorum de sandalis &c. cclxi.**

**A** Ccipe Trium sandalorum, ana 3. viij. Spodij, seminū cucumeris, cucurbitæ, citrulli, & portulacæ, ana 3. iiij. Rosarum 3. vij. Camphoræ 3. j. Berberi, aut succi eius 3. vj. Boli armeni 3. iiij. Confice cum aqua portulacæ, & da cum lacte acetoso, aut cum aqua acreste aut acetositate citri, aut rob deribes.

**Confectio alia trochiscorū de sandalis &c. cclxii.**

**R** Ecipe Sandalorum citrinorum 3. ij. Gummi arabici, seminis citrulli ex corticati, ana 3. j. Seminū portulacæ, & lactucæ, tragacanthi, Succi liquiritiæ, ana 3. s. Fiant trochisci, & administrentur sicut primi.

**Confectio trochiscorum Hamech &c. cclxiii.**

**R** Ecipe Foliorū violarū mediocritatē habentiū inter humiditatem & siccitatem aur. xij. Turbith albi, & gummosi aur. vj. Succi liquiritiæ aur. iiij. Terenabin 3. iiij. Fac trochiscos. Dos eorū est aur. ij. cum zucchero, aut pulpa casæ fistulæ. Et quādoq; inuitat necessitas, & ponuntur in eis scammonæ aur. ij.

**Confectio trochiscorum de cyperis &c. cclxiv.**

**R** Ecipe Zinziberis, heil, nucis muscatæ, cubebæ, macis, garyofyllorum, galliæ, ana aur. j. Corticum citri, masticiæ, florum squinanti, cyperi, spicæ, cinnami, emblicorum, extremitates myrti, ana aur. ij. Et alij, musci, kirat ij. Confice cum melle passulorum, & da ex eis cum vino odorifero. Et hoc post vomitum, & ventris solutionem.

Con

Confectio trochiscorum de ligno aloës &c. cclxv.

**R** Ecipe Ligni aloës, rosarū rubearum, ana 3.ij. Masticis, cinnamomi, garyofyllorum, galliæ, spicæ, macis, nucis muscatæ, cubebæ, cardamomi, corticum citri, heilbaugue, ana 3.j.s. Musci, ambræ, ana 3. vnius sextam. Fiant trochisci cum melle passularum, & administrantur cum vino odorifero aromatico.

Confectio trochiscorum de cappari-  
bus &c. cclxvi.

**A** Ecipe Corticum radicum capparis, seminis agnicasti, ana 3.vj. Nigellæ, calamenti, succi eupatorii, acori, amygdalarū amararū, nasturij, ammamoniaci, foliorum rutæ, aristolochiæ rotundæ, ana 3.ij. Cyperi, scolopendriæ, ana 3.j. Ammoniacum dissoluatur in aceto, & aliarum rerum puluis cōficiatur cum eo. Et sit dosis eius aur.j. cum vino, in quo coquatur radix capparis, cortex fraxini, & cortex tamaricis, aut extremitates ramorū eius, & cortex salicum. Et sunt qui duplicant ammoniacum, & est melius.

Confectio trochiscorum de charabæ &c. cclxvii.

**A** Ecipe Charabæ aur.vj. Cornu cerui adusti, coralli adusti, tragacanthi, acaciæ, henfistides, balaustij, masticis, laccæ, papaueris nigri assati, ana aur.ij. Thuris, croci, opij, ana aur.j.s. Fac trochiscos vnius 3. cum mucilagine psyllij.

Confectio trochiscorum Alchechen-  
gi &c. cclxviii.

**R** Ecipe Granorum alchechengi 3.ij. Seminis citruli, albatrachæ, & cucurbitæ, ana 3.ij.s. Boli armeni, gummi arabici, thuris, sanguinis draconis, papaueris albi, amygdalarū amararum, succi liquiritiæ, tragacanthi, amyli, granorum pini, ana 3.vj. Seminis apij, charabæ, boli, hyoscyami, opij, ana 3.ij. Da 3.j. cum inlebe, aut aqua mellis.

## DISTINCTIO NONA DE SVF

FVFET ID EST PVLVERIBVS.

cclxix.

Suffuf de ligno aloës &c. cclxx.

**A** Ecipe Ligni aloës 3.s. Galliæ, aur.j.s. Zucchari tabarzet 3.j. s. Potio eius est, 3.ij. cum miua.

Suffuf de ligno aloës aliud &c. cclxxi.

**R** Ecipe Ligni aloës 3.ij. Cardamomi, mentæ siccæ, spicæ, marmacur, cyperi, corticis citri, ana aur.ij. Galliæ, squinanti, ana

ti, ana 3. j. Masticis, anisi, apij, ana 3. ij. Zucchari, pōdus omnium.  
Da cum miua.

Suffuf diarhodon &c. CCLXXII.

**R** Ecipe Trochiscorum diarhodon, masticis ana 3. iij. Charabæ, mentæ siccæ, ligni aloës, ana 3. ij. s. Da 3. j. cum vino odorifero.

Suffuf aromaticum &c. CCLXXIII.

**R** Ecipe Anisi, aur. xij. Seminis sceniculi, aur. vj. Liquiritiæ, zinziberis, ana aur. iij. Garyofyllorum, macis, cinnamomi electi, galangæ, ana aur. ij. Galliæ muscatæ, aur. j. Ligni aloës, corticis citri, ana aur. j. s. Musci boni 3. vnus quartam. Zucchari tabarzet, pondus omnium. Zucchari nabet, medium pondus omnium. Dosis eius est, aur. ij. cum vino bono.

Suffuf bonum impinguatium, & experimentum. CCLXXIIII.

**R** Ecipe Farinæ cicerū infusorum in lacte dulci, & exiccatorum. & iterū infusorū, & exiccatorū, & tertio fit similiter, deinde coctorū. Et sint sicut trochisci 3. vj. Risi abluti multoties 3. ij. Tritici, & hordei excoriatorū & ablutorū multoties & exiccatorum, & multoties infusorū in lacte, & exiccatorum, ana 3. iij. Amygdalarum dulciū 3. v. Papaueris, tortellarum de scemi, ana 3. iij. Zucchari tabarzet lb. j. Terātur, & da vt sorbeat omni die, in mane 3. iij. postquā decoquitur in lacte, aut aqua ciceris.

Suffuf de granis myrti &c. CCLXXV.

**R** Ecipe Granorum myrti, & granorum granatorum acetorum tostorum, ana 3. xx. Cymini carmeni infusi die ac nocte in aceto, & exiccati & torrefacti, sauch alnabach, charub de spinis, sumach, glandium, ana 3. x. [Charad, & tarathit, ana 3. v.] Confice, & da.

Suffuf ad tussim antiquam &c. CCLXXVI.

**R** Ecipe Amygdalarum dulcium, zucchari, ana 3. ij. Seminis sceniculi 3. s. Fere, & da cum iuleb.

## DECIMA DISTINCTIO

### DE PILVLIS.

Pilulæ alephanginæ, & eius interpretatio est de aromatibus: & sunt ex inuentione nostra &c. CCLXXVII.

**R** Ecipe Cinnamomi, cubebæ, ligni aloës, calami aromatici, macis, nucis muscatæ, cardamomi, garyofyllorum, asari,  
Da

mafticis, fquinanti, fpicæ, carpobalfami, ana 3.j. Abfinthij ficci, rofarum, ana 3.v. Terantur contritione groffa, & fundantur fuper ea aquæ lb. xij. Et coquantur vfq; ad confumptionem duarum partium. Deinde fricentur manibus, & colentur, & exprimat aquofitas eius. Et accipe aloës succotrinæ lb. j. Et lauetur in fcutella lapidea vitreata cum aqua pluuiali, lauationibus pluribus. Deinde exiccetur, & fundatur fuper ipsam, exprefionis prædictæ circiter lb. ij. Et terantur in fole. Deinde admifceantur cum aloë præfata, myrrhæ, mafticis, ana 3.v. Croci 3. iij. Tere contritione bona. Deinde prædictæ exprefionis refiduum fuper ea fundatur, & conterantur vfquedum ficcentur. Et fiant ex eis pilulæ in modum ciceris. Et da ex eis à 3. ij. vfque ad aur. ij. Et quandoq; exigit difpofitio, vt minuat ex eis pondus aloës. Et tunc ponimus ex ea 3. iij. & quandoq; plus: & quandoq; exigit difpofitio, vt lauetur aloë prius cum aqua myrobalanorum. Et tunc accipe ex eis ab 3. iij. vfq; ad 3. viij. & coque in aqua. Et poftquam coxeris, cum hac aqua laua, & exicca illam. Et laua vltimò cum aqua de speciebus, ficut diximus. Sunt enim incolumes.

Pilulæ ftomatice &c. cclxxviii.

**R** Ecipe Hieræ picæ 3. vij. Trium myrobalanorum, ana 3. iij. Agarici 3. ij. Turbith boni 3. x. Epithymi cretenfis, anifi, ana 3. ij. s. Salis indi 3. ij. Abfinthij, scammonæ, ana 3. iij. s. Fac pilulas cum penidiarum 3. iij. & fucco fcariolarum. Dofis eius eft 3. ij. plus & minus, fecundum difpofitionem.

Pilulæ aggregatiue, ex inuentione no-  
ftra &c. cclxxix.

**R** Ecipe Myrobalanorum citrinorum, raues feni, ana 3. iij. Succu eupatorii, fucci abfinthij, ana 3. iij. Scammonæ antiochenæ coctæ in pomo 3. vj. Chebulorum, indorum, agarici, co loquintidæ, polypodij, ana 3. ij. Turbith boni, Aloës, ana 3. vij. Mafticis, rofarum, falis gemmæ, epithymi, anifi, zinziberis, ana 3. j. Electuarij rofarum, quantum fufficit ad aggregationem. Fiant pilulæ groffæ. Da 3. j. vel aur. j.

Pilulæ aggregatiue maiores &c. cclxxx.

**R** Ecipe Bdellij, myrobalanorum nigrorum, bellericorū & emblicorum, ana 3. iij. Turbith boni & electi 3. xij. Seminum apij, fceniculi, anifi, carui, ammeos, origani, rofarum, feitaragi indi, harmel, hermodactyli, falis indi, mafticis, ammoniaci, ana 3. j. Zinziberis, cinnamomi, cardamomi, acori, fpicæ, croci, cafia, ana 3. s. Serapini 3. iij. Coloquintidæ 3. ij. Penidiarum  
alb



albarum 3.x. Aloës succotrinæ 3.xv. Confice cum succo caulium.  
Et unge manus tuas cum oleo sambacino, quando facis pilulas.

Pilulæ aggregatiuæ minores &c. cclxxxi.

**R** Ecipe Myrobalanorum citrinorum, nigrorum, & emblicorum, ana 3.iiij. Masticis, anisi, succi eupatorii, absinthij, rotarum, ana 3.ij. Raueo seni 3.v. Hieræ picræ 3.xij. Confice cum succo apij. Da 3.ij.

Pilulæ de eupatorio maiores &c. cclxxxii.

**R** Ecipe Myrobalanorum citrinorum, succi eupatorii, succi absinthij, ana 3.iiij. Raueo seni 3.iiij. s. Masticis 3.j. Croci 3.s. Aloës bonæ 3.v. Confice cum succo endiuæ, vel cum aqua casei. Dosis est 3.ij.

Pilulæ de eupatorio minores &c. cclxxxiii.

**R** Ecipe Myrobalanorum citrinorum, raueo seni, succi eupatorii, aloës, ana partes æquales. Confice cum aqua apij, vel cum aqua casei, aut cum aqua endiuæ: & da 3.ij.

Pilulæ de rheubarbo &c. cclxxxiiii.

**R** Ecipe Raueo seni 3.iiij. Succi liquiritiæ, succi absinthij, masticis, ana 3.j. Myrobalanorum citrinorum 3.ij. s. Seminis apij, icniculi, ana 3. s. Trochiscorum diarhodon 3.iiij. s. Hieræ picræ 3.x. Confice cum aqua fœniculi, & da 3.ij. cum aqua case calida, in sero.

Pilulæ de alchechengi &c. cclxxxv.

**R** Ecipe Absinthij, & succi eius, & succi eupatorii, aloës, myrobalanorum citrinorum, masticis, croci, raueo seni, lacce ablutæ, asari, anisi, casie, seminis fumi terræ, ana 3.ij. Hieræ picræ 3.iiij. Confice cum aqua solatri. Dosis eius est à 3.j. vsq; ad aur. j.s. Et si est tussis cum febre, pone venarum liquiritiæ, medietatem ponderis omnium. Sunt enim sanæ, & expertæ.

Pilulæ ad febres antiquas, inuentione Philagrii &c. cclxxxvi.

**R** Ecipe Trochiscorū diarhodon, trochiscorū derheubarbaro, ana 3.iiij. Myrobalanorum chebulorum 3.iiij. Succi eupatorii, bedeguar, ana 3.ij. Absinthij 3.j. s. Myrobalanorum citrinorum, seminis cuscutæ, turbith, ana 3.iiij. Agarici, aloës, ana 3.vij. Salis indi 3.j. Confice cum aqua fœniculi: & da 3.ij.

Pilulæ inde, quas scripsit Hali &c. cclxxxvii.

**R** Ecipe Myrobalanorū nigrorū, hellebori nigri, polypodij, ana 3.v. Epithymi, stichados, ana 3.vj. Agarici, lapidis lazuli

loti, coloquintidæ, salis indi, ana 3. iij. Succus eupatorii, Spicæ, ana 3. ij. Caryophyllorum 3. j. Hieræ picræ 3. xij. Fiant pilulæ cum succo apij. Dosis eiusest à 3. ij. vsq; ad aur. ij. Et sunt sanæ, & expertæ. Da cum aqua casei.

Pilulæ alandahal Hermetis &c. CCLXXXVIII.

**R** Ecipe Trochiscorū alandahal 3. xij. Hieræ 3. vij. Masticis 3. ij. Salis gēme aur. j. Laudani boni 3. j. Omnia, præter laudanū, & masticē, terātur & cribrētur, & in vnū immisceātur. Maltix verò dissoluatur cū pauco oleo nucū, & liniantur cum eo species cribratæ. Deinde cum laudano cōficiātur in mortario, terēdoq; cum pistillo calido, Et fiant pilulæ grossæ. Da à 3. s. vsq; ad 3. j.

Pilulæ de Sarcocolla, & sunt pilulæ

Hali &c. CCLXXXIX.

**R** Ecipe Sarcocollæ 3. iij. Turbith 3. iij. coloquintidæ 3. j. s. Zinziberis tantundē, Salis gēme 3. j. Dissolue sarcocollā in aqua rosata, & cōfice aliā cū ea, & fiant pilulæ. Sunt enim sanæ & expertæ.

Pilulæ foetidæ maiores &c. CCXC.

**R** Ecipe Serapini, ammoniaci, opopanacis, bdellij, coloquintidæ, harmel, aloës, epithymi, ana 3. v. Hermodactyli, & alfcebræ, ana 3. ij. Scāmoneæ 3. iij. Cinnamomi, spicæ, croci, castorei, ana 3. j. Turbith 3. iij. Zinziberis 3. j. s. Euphorbij 3. vnus partes duas. Dissoluantur gummi in aqua porri, & fiant pilulæ. Da 3. ij.

Pilulæ foetidæ minores &c. CCXCI.

**R** Ecipe Serapini, ammoniaci, opopanacis, bdellij, myrrhæ, ana 3. v. Turbith 3. x. Coloquintidæ 3. vj. Fiant sicut priores. Da 3. ij.

Pilulæ de Serapino &c. CCXCII.

**R** Ecipe Serapini, ammoniaci, bdellij, opopanacis, aloës, castorei, harmel, ana 3. ij. Coloquintidæ 3. iij. Fiāt pilulæ cum aqua porri.

Pilulæ de euphorbio &c. CCXCIII.

**R** Ecipe Euphorbij, coloquintidæ, agarici, bdellij, serapini, ana 3. ij. Aloës 3. v. Fiant pilulæ, cum aqua porri. Potio à 3. s. vsq; ad 3. j.

Pilulæ de rauced &c. CCXCIII.

**R** Ecipe Rauced seni 3. vij. Ammoniaci, serapini, bdellij, ana 3. x. Laccæ 3. viij. Opopanacis, mezereon, gummi, ana 3. iij. Turbith 3. x. Spicæ, polij, aloës, ana 3. v. masticis 3. ij. myrobalarum citrinorum 3. x. Dissolue in vino gummi, & fac pilulas. Dosis est 3. ij. cum aqua casei.

Pilu

## Pilulæ de mezereon &amp;c. ccxcv.

**R** Ecipe Foliorum mezereon infusorum in aceto, & exicatorum 3.v. Myrobalanorum citrinorum 3.iiij. Chebulorum 3.iiij. Confice cum Tereniabin, vel tamarindis dissolutis in aqua endiuiz.

## Pilulæ lucis maiores &amp;c. ccxcvi.

**R** Ecipe Rosarum, violarum, absinthij, colocynthidæ, turbith, cubebæ, calami aromatici, nucis muscatæ, spicæ, epithymi, carpobalsami, xylobalsami, fileris, seminis rutæ, squinanti, asari, masticeis, garyofyllorum, cinnamomi, anisi, fœniculi, apij, castæ, croci, niacis, ana 3.ij. myrobalanorum citrinorum, chebulorum, indorum, bellericorum, & emblicorum, rauei seni, ana 3.iiij. Agarici, senæ, ana 3.v. Euphrasiæ 3.vij. Aloës succotrentis, pondus omnium. Confice cum succo fœniculi. Dosis eius est à 3.ij. vsq; ad iiij.

## Pilulæ lucis minores &amp;c. ccxcvii.

**R** Ecipe Xylobalsami, carpobalsami, ana 3.j. Chelidoniz 3.v. Rosarum, violarum, absinthij, euphrasiæ, ana 3.iiij. Senæ, epithymi, myrobalanorum citrinorum, chebulorum, indorum, bellericorum, & emblicorum, agarici, colocynthidæ, squinanti, lycij, lapidis lazuli, ana 3.ij.s. Aloën bonam ad pondus omnium. Confice cum succo fœniculi, aut chelidoniz.

## Pilulæ stomaticæ, stomachum &amp;c. ccxcviii.

**R** Ecipe Hieræpicæ 3.x. Trium myrobalanorum, absinthij, ana 3.iiij. masticeis, anisi, bellerici, emblici, agarici, ana 3.iiij.s. Zinziberis 3.ij. Garyofyllorum, salis gemmæ, squinanti, ana 3.j. Turbith 3.xij. Confice cum succo absinthij, & da 3.ij. vel iiij.

## Pilulæ stomaticæ, et sunt &amp;c. ccxcix.

**R** Ecipe Trium myrobalanorum, ana 3.iiij. Rosarum, masticeis, ana 3.ij. Cardamomi, ligni aloës, sandali citrini, cubebæ, garyofyllorum, squinanti, nucis muscatæ, ana 3.j. Rauei seni 3.s. Turbith 3.vij. Aloën ad pondus omnium, Confice cum vino odorifero.

## Pilulæ stomaticæ alię, stomachum &amp;c. ccc.

**R** Ecipe Aloës 3.vj. Masticeis, rosarum, ana 3.ij. Confice cum succo solatri.

## Pilulæ stomaticæ nostrę &amp;c. ccc.i.

**R** Ecipe Turbith 3.x. Masticeis 3.iiij. Rosarum 3.iiij. Aloën bonam ad pondus omnium. Confice cum succo absinthij.

## Pilulæ alandahal &amp;c. cccii.

**R** Ecipe Trochiscorū alandahal 3.x. Salis gemmæ 3.j. Laudani 3.xij. Olei rosarum quantum sufficit. Et sunt expertæ.

## Pilulæ stomatice aliæ nostræ &amp;c. ccciii.

**R** Ecipe Myrobalanorum citrinorum, aloës, Turbith, ana 3.x. Rosarum, spicæ, masticis, ana 3.ij.s. Anisi 3.j.s. Salisindi, croci, ana 3.j. Confice cum succo absinthij.

## Pilulæ de Agarico &amp;c. ccciiii.

**R** Ecipe Agarici 3.ij. Radicis lilij celestis, Prafsij, ana 3.j. Turbith 3.v. Hieræ picræ 3.iiij. Coloquintidæ, Sarcocollæ, ana 3.ij. Myrrhæ 3.j. Confice cum robub. Et da 3.ij.

## Pilulæ quæ conferunt ad febres cholericas &amp;c. cccv.

**R** Ecipe Myrobalanorum citrinorum, & indorum, seminis fumi terræ, cuscutæ, emblicorum, ana 3.ij. Foliorum rosarum, seminis citrulli, ana 3.ij. Rued 3.vj. Scammoneæ coctæ in cytonio 3.j.s. Succu eupatorii, succi absinthij, ana 3.ij. Agarici 3.ij.s. Hieræ picræ 3.vij. Mellis aggregationis casæ fistulæ, & tamariendorum, & succi endiuiz, quantum sufficit. Dosis est à 3.ij. vsq; ad aur. ij.

## Pilulæ diarhodon &amp;c. cccvi.

**R** Ecipe Trochiscorum diarhodon, absinthij, ana 3.v. cimarum quinanti, masticis, ana 3.ij. Salisindi 3.j. Aloës bonæ, pondus omnium. Confice cum aqua foliorum citri.

## Pilulæ de turbith, &amp; dicuntur pilulæ aureæ &amp;c. cccvii.

**R** Ecipe Turbith boni 3.xvj. Aloës 3.j.s. Masticis, rosarū, ana 3.vij. Myrobalanorum citrinorum 3.x. Croci 3.iiij. Confice cum succo absinthij.

## Pilulæ de turbith aliæ &amp;c. cccviii.

**R** Ecipe Turbith, myrobalanorum citrinorū, aloës optimæ, ana 3.x. Masticis, rosarum, spicæ, ana 3.ij.s. Anisi 3.j.s. Croci 3.j. Fiant pilulæ, sicut diximus.

## Pilulæ de lapide lazuli &amp;c. cccix.

**R** Ecipe Lapidis lazuli abluti 3.vj. Epithymi, polypodij, ana 3.vij. Scammoneæ, hellebori nigri, salis indi, ana 3.ij.s. Agarici 3.vij. Garyofyllorū, anisi, ana 3.ij. Hieræ picræ 3.xv. Confice cum succo endiuiz, & da 3.ij. cum aqua casei.

## Pilulæ de lapide armeno &amp;c. cccx.

**R** Ecipe Lapidis armeni loti, & præparati, hieræ picræ, ana 3. v. Epithymi, polypodij, agarici, ana 3. viij. Scammonæ coctæ in cytonio 3. iij. Garyofyllorum 3. ij. Salisindi 3. j. s. Confice cum succo solatri.

Pilulæ ad omnes morbos catar-  
rhi &c. cccxi.

**R** Ecipe Myrrhæ puræ 3. vj. Olibani 3. v. Opij, hyoscyami, radicum linguæ canis, ana 3. iij. Croci 3. j. s. Fiant pilulæ, & administrentur. Et da à 3. s. vsque ad 3. i.

## Pilulæ de Serapino &amp;c. cccxii.

**R** Ecipe Serapini, ammoniaci, opopanacis, bdellij, ana 3. ij. Seminis apij, ammeos, harmel, anisi, ana 3. j. Acori, seitaragi indi, calamenti fluuiialis, centaureæ, polij, costi, salis gemmæ, ana 3. s. Aloës 3. vj. Coloquintidæ 3. v. Fiant pilulæ & administrentur.

## Pilulæ de Bdellio maiores &amp;c. cccxiii.

**R** Ecipe Bdellij 3. xij. Ammeos 3. iij. Chebulorum, indorū, bellericorum, emblicorum, veneræ, adustarum, charabæ, ana 3. ij. s. Infundatur bdelliū in succo porri, & fac pilulas in modum ciceris. Dosis est à 3. ij. vsque ad aur. ij.

## Pilule de Bdellio minores &amp;c. cccxiiii.

**R** Ecipe myrobalanorū chebulorū, indorū, emblicorum, & bellericorum, ana 3. v. Bdellij 3. xv. Fiant sicut diximus.

Pilulæ de bdellio, ex inuentione no-  
stra &c. cccxv.

**R** Ecipe myrobalanorum nigrorum, emblicorum, & bellericorum, ana 3. v. Bdellij 3. x. Scorix ferri, seminis porri, ana 3. iij. Corallij adusti, charabæ, conchulæ adustæ, ana 3. j. s. margaritarum 3. s. Confice sicut diximus.

## Pilulæ de coloquintida &amp;c. cccxvi.

**R** Ecipe Coloquintidæ 3. vj. myrobalanorum nigrorum, & citrinorū, serapini, bdellij, sarcocollæ, ana 3. v. Aloës 3. vij. Nigellæ, cymini carmeni, origani perfici, nasturtij albi, salis gemmæ, absinthij Romani, ana 3. j. Infunde gummi in aqua porri, & fac cum cæteris pilulas. Dosis est à 3. j. vsque ad aur. j.

## Pilulæ de opopanace &amp;c. cccxvii.

**R** Ecipe Opopanacis, hermodactyli, serapini, bdellij, ammoniaci, coloquintidæ, ana 3. v. Croci castorei, myrrhæ, zinziberis, piperis, macropiperis, castæ, myrobalanorum citrinorum, bellericorum, emblicorū, ana 3. j. Scammonæ 3. ij. Turbith 3. iij.

Aloës 3. xij. Infundantur gummi in aqua caulium, & fiat cum eis pilulæ. Dosis est à 3. j. vsque ad aur. j. cum aqua iux.

**Pilulæ de hermodactylis, maiores &c. cccxviii.**

**R** Ecipe Hermodactylorum, aloës, myrobalanorū citrinorum, turbith, coloquintidæ, bdellij, serapini, ana 3. vj. Ca. storei, Sarcocolle, euphorbij, opopanacis, harmel, apij, ana 3. iij. Croci 3. j. s. Confice cum succo caulium, & fac pilulas.

**Pilulæ de hermodactylis minores &c. cccxix.**

**R** Ecipe Hermodactylorum 3. v. Scammonæ 3. ij. s. Myrobalanorum citrinorum 3. iij. Rosarum 3. ij. Aloës 3. x. Et confice cum catartico rosato, & da 3. ij.

**Pilulæ de Hermodactylis, descriptione nostra &c. cccxx.**

**R** Ecipe Hermodactylorum, aloës, ana 3. v. Myrobalanorum citrinorum, turbith, ana 3. iij. Zinziberis 3. ij. Fac pilulas cum electuario rosato, & da 3. ij.

**Pilulæ Sebelliæ &c. cccxxi.**

**R** Ecipe Spicæ indæ 3. v. Spicæ Romanæ 3. ij. Raued, agarici, epithymi, ana 3. iij. costi, masticis, chamædryos, amoni, ana 3. iij. Croci 3. ij. Myrrhæ, cinnamomi, garyofyllorum, squinantia ana 3. j. Aloës 3. x. Fiant pilulæ cum vino antiquo. Da 3. ij. cum vino permisso.

## DISTINCTIO VNDECIMA DE VNGVENTIS, ET EMPLASTRIS,

cccxxii.

**Hyfopicerotū descriptione Galeni &c. cccxxiii.**

**R** Ecipe ceræ citrinæ 3. iij. Olei chamæmillæ, & olei irini, ana 3. vj. masticis 3. j. Spicæ 3. ij. s. Croci 3. j. s. Terebinthinæ 3. j. Resinæ 3. s. hyfopi humidæ 3. lxxx.

**R Operatio hyfopi humidæ &c. cccxxiiii.**

**R** Ecipe Lanarum ouium succidarum, circiter lb. lx. Et funde super eas aquæ fontium calidæ, quantum sufficit ad infundendum. Et dimitte per horas octo. Deinde bulliat bullitione vna, & exprimatur aqua lanarum, & coletur aqua, & coquatur cum facilitate in vase stannato agitâdo semper fundum vasis, cum ligno amplo, ne recipiat de vestigio adustionis aliquid: & coquatus vsquedum fiat sicut mel currens, & seruetur.

Hyfo

### Hyfopi cerotum, descriptione Philagrii &c. cccxxv.

**R** Ecipe Croci 3.v. Bdellij masticeis, ammoniaci, aloës storacis liquidæ, ana 3.viii. Ceræ citrinæ lb.j. Terebinthinæ 3.ij.s. medullæ cruris vaccæ, adipis anseris, ana 3.xv. hyfopi humidæ lb.j.s. Olei nardini quātum sufficit. Bdellium, ammoniacū, & aloë, dissoluantur in aqua infusionis scœnugræci, & chamemillæ, & cū cæteris fiat vnguētū. Et post Philagrium, addiderunt expressio- nis squillæ 3.ij. Olibani 3.j. Sepi vitulini 3.xv. Et est cōueniētus. Hyfopi cerotum, descriptione Pauli &c. cccxxvi.

**R** Ecipe Ammoniaci 3.x. Bdellij 3.v. Sigix 3.iiij. Croci 3.j.s. Aloës, masticeis, olibani, ana 3.ij.s. Ceræ 3.iiij.s. Sepi, & medullæ vituli, ana 3.ij. hyfopi humidæ 3.xl. Ireleon quantū sufficit.

### Vnguentum diaphinicon, confe-rens &c. cccxxvii.

**R** Ecipe adipis zirbi antiqui, mundi, & colati, & adipis vituli antiqui mundi & colati, ana lb.j. s. Calchadis 3.iiij. Olei antiqui, & lithargyri mundi, ana lb.iiij. Terantur lithargyrum, & calchadis contritione vltima, & mudentur per pannum subtilē, & spissū. Deinde terantur cum oleo, & elaboretur in per- missione eorum, semper parum ex oleo addēdo, & fiat illud. De- inde coletur super illud adeps, & coquatur cum facilitate, agitā- do illud sine intermissione cum ramo palmarū, & propriē cum extremitate eius grossā, abiecta cate eius. Et sint rami, super quo- rum incisione non præterijt spatium. Et quoties exhaeritur hu- miditas rami à decoctione medicaminis, iterum alterius humidī extremitate agitetur. Necnon & aliorum ramorū partes humi- diores inciduntur in frusta, & ponantur in medicamine. Dein- de mutantur, dum exiccantur. Et hoc fiat, donec perficiatur eius decoctio. Et fiat in terminum horæ ignis, aut sicut prunæ, aut flammæ tenuis.

### Vnguentum diaphinicon, descriptione Arabica, & est vnguentum Arabicum &c. cccxxviii.

**R** Ecipe foliorum cheiri, saluix, triaphyllon alleluia, acori, ana lb.j. Terātur contritione bona & funde super ea in va- se lapideo olei rosati, aut myrtini, & adipis zirbi vituli antiqui, & colati, ana lb.ij.s. Dimitte per dies ix. deinde accipe myrrhæ mū- dæ, aloës succotrensis, ana aur. ix. Sarcocollæ, aur. vij. Terantur, & cribrentur, & proijciantur super ea in vase alio lapideo vini albi, aut succi arnoglossæ lōgæ, in quo coctæ fuerint ex folijs ea-

rundem herbarū, ana ꝑ. iij. Et sit vini, aut succi quod funditur super ea quantitas sufficiens ad dissoluendum ea. Et dimitte per dies vij. Deinde redeas ad herbas, & decoque cum oleo, & adipe, ebullitionibus duabus, & cola, & exprime oleum & adipem. Et accipe huius expressionis lb. iij. s. Lithargyri mundi, & triti contritione vltima lb. iij. Calchadis ꝑ. iij. Et terantur, & coquantur, sicut superius diximus. Et agitentur cum ramo palmeo similiter. Et bulliant totum ebullitione vna, vsquedum medicinæ color alteretur. Deinde deponatur ab igne, sine intermissione agitādo, vsquedum frigeat parum. Tunc quoque mucilagines specierū, quæ sunt in vino dissolutæ antè, paulatim fundas in eo, agitando cum pistillo ferreo, donec bona fiat eorum permissio. Deinde perficiatur eius decoctio, sicut proximè diximus. Et est sanum, & expertum. Et additur ab alijs arnoglossæ lb. j. & propriè longæ.

**Emplastrum Arabicum &c. cccxxix.**

**R** Ecipe ex folijs herbarum earundem, ana lb. j. s. Olei myrtini, adipis vituli antiqui, ana ꝑ. ix. Myrrhæ, aloës, ana ꝑ. xij. Sarcocollæ, ꝑ. ix. Dissoluantur in vino, aut succo herbarum, sicut hîc proximè diximus. Herbæ quoque coterantur contritione vltima. Et fundantur super illud, oleum, & adeps, & mucilagines rerum, & cum eis vitrioli aur. iij. ponantur. Et coquantur omnia cum facilitate, & fiat totum sicut pulmentum, & administretur in panno, aut in tenta. Et quandoque dissoluantur species in succo arnoglossæ longæ, aut amplæ, & propriè in æstate. Et est experimentum nobile.

**Vnguentum mirabile relatum ad Nicodemum &c. cccxxx.**

**R** Ecipe myrrhæ, aloës, sarcocollæ, ana partes æquales. Mellis despumati, duplum pōderis omnium. Vini albi boni, quantum sufficit. Coquantur cum facilitate, vsquedum habeant spissitudinem. Et quandoq; additur in medicina vitrioli, circiter partem mediā. Et propriè ad consumptionē carnis, & est expertum.

**Vnguentum Nicodemii aliud. cccxxxi.**

**R** Ecipe Myrrhæ, aloës, ana quantumlibet, vini albi, quantum sufficit. Terantur sicut alcohol: & proijce super ea vinum, & tere cum eo miscendo: & iterum infunde vinū antè modicum terendo illud: & sic dum fiat liquidum, sicut mel, & administretur. Et sunt qui addunt vitrioli, partis vnus quartam. Et sunt qui conficiunt cum oleo myrtino, & vino, vicissim parū de utroque ponendo.

**Vnguen**



Vnguentum Cæsareos magnum &c. cccxxxii.

**R** Ecipe Ammoniaci 3. j. Bdellij, olibani masculi, aristolochiæ, sarcocollæ, ana 3. v. Myrrhæ, galbani, ana 3. iij. Lithargyri 3. xv. Aloës, opopanax, ana 3. ij. s. Floris æris 3. iij. Resinæ 3. xiiij. Cera albæ 3. ij. Olei quantum sufficit. Ammoniacum & bdellium, & similia, dissoluantur in aceto. Lithargyrum teratur, & coquatur cum oleo, donec liquefiat, & tunc remoueat ab igne, donec frigeat parum. Et projice super ipsum ammoniacum, & cætera dissoluta in aceto, & reduc ad ignem, donec coaleatur. Et post illud, projice super ipsum reliquas medicinas, & administretur.

Vnguentum Cæsareos paruum &c. cccxxxiii.

**R** Ecipe Aristolochiæ, radices ireos, sanguinis draconis, ammoniaci, sarcocollæ, ana 3. s. Lithargyri triti, & puluerizati 3. v. Decoquatur lithargyrum cum olei lb. j. donec liquefiat, & conficiatur cum alijs sicut diximus.

Vnguentum arthanitæ magnum &c. cccxxxiiii.

**R** Ecipe Succo arthanitæ lb. iij. Succo cucumeris asinini lb. j. Olei irini lb. ij. Buryri vaccini lb. j. Pulpæ coloquintidæ 3. iij. Polypodij 3. vi. Euphorbij 3. s. Quæ terenda sunt, tere: & submerge in succis, & oleis, & pone in vate vitreato stricti orificij, & stringe caput eius, & dimitte per dies octo. Deinde bulliat totum ebullitione vna, & coletur. Et projice super colaturam Serapini aur. v. Myrrhæ aur. ij. Ita quod resoluantur prius in aceti vini quantitate sufficiens. Et aggrega omnia in simul, & bulliant, agitando semper cum fuste, usque ad succorum fere consumptionem. Tunc projice super ea Cera 3. v. Fellis vaccini aur. v. Ferueat cum eis, usque dum liquefiat cera. Deinde pulueriza super ea sic conterendo, Scamoneæ, aloës, mezereon, coloquintidæ, ana aur. v. Euphorbij aur. ij. Salis gemæ aur. iij. Turbith aur. v. Piperis longi, zinziberis, chamæmilæ, ana aur. ij. Conficiatur, & administretur.

Vnguentum arthanitæ paruum &c. cccxxxv.

**R** Ecipe Succo arthanitæ, & viscositatis quæ mulgetur ex radicibus filicis, & succi chameactis, ana 3. ix. Succo extremitatum tamaricis 3. ij. Olei irini lb. ij. hyssopi humidæ 3. xv. Ammoniaci, bdellij, ana 3. j. s. Aceti quantum sufficit cera citrinæ 3. vi. Corticis radicis capparorū 3. j. s. Spice 3. iij. Fiat sicut superius diximus.

Vnguentum de lino &c. cccxxxvi.

**R** Ecipe Opopanax partē j. Rasuræ pāni de lino, antiqui subtilis & mundi, partē mediā. Vini, & mellis & olei rosari, aut

aut myrtini, ana partes v. Lithargyri, aloës, sarcocollæ, myrrhæ, ana partis vnius tertiam. Fiat vnguentum sic, terendo in mortario nunc oleum, nunc vinum infundendo, & administretur. Et quandoque additur in eo vitrioli, partis vnius quarta.

Vnguentum alhariel &c. cccxxxvii.

**R** Ecipe Alhariel recentium 3.x. Axungie porcine 3.xlv. Terantur simul & dimittantur marcescere per dies vij. deinde bulliant, & colentur, & seruetur vnguentum in vitri vase, & administretur vbi oportet.

Vnguentum rosatum &c. cccxxxviii.

**R** Ecipe Axungie porcine recentis quantitatem quam volueris, & lauetur in aqua calida novies, & tantundem cum aqua frigida. Deinde teratur cum ea rosarum rubearum recentium, quantum ipsa est, & dimittantur marcescere per dies vij. Deinde coquantur cum facilitate, & colentur, & tantundem rosarum teratur cum ea, & dimittatur per alios dies vij. Et fundatur super ipsum succi rosarum, pars media. Olei amygdalini partis sexta. Et iterum coquatur, vsque ad succi consumptionem. Deinde reponatur & administretur. Et quandoque disrumpitur in aqua rosata parum opij, & projicitur in decoctione. Et est mirabile vbi oportet, & proprie quando vigilie adsunt.

Vnguentum uiolatum &c. cccxxxix.

**F**iat sicut vnguentum rosatum.

Vnguentum de Papauere &c. cccxl.

**F** It cum capitibus recentium papauerum, scilicet albi, & nigri, & axungia. Et fiat sicut rosatum.

Vnguentum Basilicon maius &c. cccxli.

**R** Ecipe Cerae albæ, resinæ, sepi vaccini, picis, glutinis alimbath, myrrhæ, ana Olei quantum sufficit. In alio, ceræ 3.vj. Picis 3.iiij. & aliorum, ana 3.j.s.

Vnguentum Basilicon minus. cccxlii.

**R** Ecipe Resinæ, picis, ceræ, ana Olei quantum sufficit.

Cerotum de Sandalis &c. cccxliii.

**R** Ecipe Rosarum 3.xij. Sandalorum rubeorum 3.x. Sandali albi, & citrini, ana 3.vj. Boli armeni 3.vij. Spodij 3.iiij. Caphoræ 3.ij. ceræ albæ 3.xxx. Olei rosati lb.j. Conficiantur & administrentur. Et sunt qui lauant oleum, & ceram prius, & postea permiscant cum alijs, & est melius.

**Cerotum Galeni, ultimum in infrigidatione &c. cccxliii.**

**R** Ecipe Cere albæ 3.j. Olei rosati 3.iiij. Et fit radix olei, oleū  
omphacinum. Aquæ fontis claræ, quantū sufficit: vi oleum  
multoties, & benelauetur. Et quantò magis elaboratur in lauan  
do illud, tantò fit excellentius. Vltimò verò conuassetur cum  
aceto albo, & claro, & pauco, & conseruetur.

**Vnguentum de Bdelio &c. cccxlv.**

**R** Ecipe Bdelij 3.vj. Euphorbij 3.ij. Castorei 3.iiij. Serapini 3.  
iiij. ceræ 3.xv. Olei sambacini, aut olei de cheiri 3.x. Bdel-  
lium & serapinum dissoluantur in aqua rutæ agrestis: cætera li-  
niantur cum aqua calida, & fiat vnguentum, & liniatur cum eo.

**Vnguentum ualens similiter. cccxlvj.**

**R** Ecipe Castorei 3.ij. Pyrethri, euphorbij, staphisagriæ, zia-  
ziberis, sinapis, ana 3.iiij. Succi asphodillorum, succi rutæ  
agrestis, ana 3.iiij. Liniantur omnia cum succis. Deinde coquā-  
tur cum ceræ 3.v. Olei rosati 3.xx. vsque ad succorum consum-  
ptionem. Deinde coletur & administretur.

**Vnguentum Philagrii &c. cccxlvij.**

**R** Ecipe ceræ 3.iiij. hyssopi humidæ, succi rutæ agrestis, ana 3.  
ij. Euphorbij, piperis, ammoniaci, croci, olei balsami, ca-  
storei, glutinis alimbath, opopanax, ana 3.ij. Sigæ 3.ij. s. Olei,  
quantum sufficit.

**Vnguentum aureum &c. cccxlviii.**

**R** Ecipe ceræ citrinæ 3.vj. Olei boni lb.ij. s. Terebinthinæ 3.  
ij. Resinæ, colophonix, ana 3.j. s. Olibani, masticis, ana 3.j.  
Crocij 3.j.

**Vnguentum de Cerusa &c. cccxlix.**

**R** Ecipe cerusæ, merdasengi, ana 3.vj. Plumbi adusti, scoriz  
argeti, ana 3.iiij. Masticis, olibani, ana 3.ij. s. Olei rosati, &  
aceri albi, quantū sufficit. Terātur in mortario, & ponatur prius  
oleū, postea acetū, ana parū infundēdo, ita quòd sine intermissio-  
ne terantur, nunc hoc, nunc illud infundendo, donec impingue-  
tur. Si autem eo indiger pruritus habens: Argeti viui 3.v. adde,  
& administra. Et quandoq; apud necessitatem, adde Ziniar 3.ij.

**Vnguentum Syricinum &c. ccc.**

**S** Vper vnguētum de Cerusa, adde Syrici 3.j. s. Aloës, myrrhæ,  
ana 3.iiij. Et vtere.

**Vnguentum Aegyptiacum &c. cccli.**

**R** Ecipe Floris eris aur. v. Mellis aur. xiiij. Aceti fortis aur. vij.  
Coque

Coque super ignem donec inspissetur. Et sunt qui addūt ei olivani masculi triti, aur. ij. s.

Vnguentum tripharmacum, faciens &c. cccclii.

**A**ccipe Lithargyri triti sicut alcohol, partem vnam. Et funde super ipsum, nunc oleum, nunc acerū : & teratur, & adequetur, & propriè quantum sufficit. Et administretur.

Vnguentum tripharmacum aliud. ccccliii.

**R**ecipe Lithargyri triti sicut alcohol, partem vnam, aceti vini tantundem. Olei antiqui, partes duas. Coquantur cum facilitate, vsquedum fiat eius spissitudo. Et administretur.

Vnguentum alpsoricon &c. ccccliiii.

**R**ecipe cerusæ, lithargyri, psoricon, aloës bonæ, climiæ argenti vini extincti, ana partes æquales. Olei de oleandro, & aceti quantum sufficit. Fiat sicut vnguentum de cerusæ.

Confectio psoricon &c. cccclv.

**R**ecipe Lithargyri albi, calcanthi, ana partem vnam. Floris eris partem mediam. Terantur cum aceto vehementer fortè, in sole tempore æstiuo, ferè per diem vnam, semper autem modicum addendo acetum. Deinde ponatur in vase vitreo, & fringatur os eius, & sepeliatur in fimo diebus 40. Deinde administretur.

Confectio unguenti sanantis uulnera &c. cccclvi.

**A**ccipe Aloës boni, myrrhæ mūdæ, ana partes æquales. Deinde tere vehementer cum succo absinthij, & succo plantaginis, donec fiat sicut mel. Et administretur cum coto, aut panis subtili.

Hysopi cerotum diateffaron, descriptione

Democriti &c. cccclvii.

**R**ecipe ceræ citrinæ, terebinthinæ, ana 3. xij. Olei irini 3. iij. Hysopi humidæ 3. ij. s. Et ex eis fiat vnguentum, & administretur.

Cerotum Galeni, stomachum confortans &c. cccclviii.

**A**ccipe Rosarum 3. xx. Foliorum absinthij sicci 3. xv. Mastice 3. xx. Spicæ Indæ 3. x. Tere subtiliter. Et accipe ceræ mūdæ 3. iij. Olei rosati lb. j. s. Dissoluantur in igne, & lauentur lautionibus pluribus in aqua rosata. Deinde iterum dissoluantur, & lauentur in vino veteri, & succo cytoniorum, & aceto paucò. Deinde misceantur cum puluere rerum, & fiat cerotum & administretur.

Cero

## Cerotum diapente &amp;c. ccclix.

**A** Ecipe ceræ citrinæ 3.ij. Sigillatim vniuersam partem tertiam, Terebinthinæ 3.j. Mucilaginis zanzibæ 3.v. Olei irini quantum sufficit. Et est expertum.

## Cerotum Alexandrinum &amp;c. ccclix.

**R** Ecipe cimarum absinthij, olibani, ana 3.x. Ammoniacy, storacis calamitæ, ana 3.xij. Spicæ 3.ij. ceræ 3.iiij. Olei chamæmillæ, quantum sufficit. Ammoniacum, & storacem in vino sufficenti per diem & noctem infunde. Absinthium autem & spicam tere & cribra. Oleum verò & ceram solue super ignem & cum eis reliqua misce.

## Cerotum aliud eiusdem &amp;c. cccclxi.

**R** Ecipe castorei, euphorbij, piperis longi & nigri, ana 3.j. Ammoniacy, opoponacis, galbani, ana 3.j.s. Medullæ ceruinæ, medullæ cruris vaccæ, ana 3.ij. Terebinthinæ 3.vj. Storacis liquidæ 3.j. Adipis gallinæ, anatis, & anseris, & adipis porci, ana 3.j.s. Ceræ 3.j. Olei veteris, olei nardini, olei laurini, olei irini, olei naptici, olei chamæmillæ, & olei de cheiri, ana 3.viiij. Olei balsami 3.iiij. Vini veteris, quantum sufficit ad infundendum medicinas siccas, Et sunt qui addunt hyssopi humidæ 3.iiij. Et est efficacius.

## Cerotum Andromachi, factum ex nouem medicinis &amp;c. cccclxii.

**R** Ecipe Storacis 3.iiij. mastice 3.xij. Folij, spicæ, ana 3.iiij.s. Euphorbij 3.iiij. cinnamomi 3.vj. Ceræ albæ 3.xx. Olei de ben 3.viiij. Olei balsami 3.xv. Fiat cerotum.

## Emplastrum diachylon &amp;c. cccclxiii.

**R** Ecipe ex fœnugræco, & semine lini, & radice althææ, scilicet de singulis mucilagines, ana partem vnam. Lithargyri triti contritione vltima & mundi à plumbo & à scoria, partem .j.s. Olei antiqui clari, partes iiij. Modus autem operationis eius talis est: Lithargyrum, & oleum diu in mortario lapideo cum pistillo ferreo conquassetur, & laboretur in eorum conquassatione multum. Deinde bulliat super ignem, cum facilitate, semper & indefinenter agitando cum spatula, vsque dum coaguletur lithargyrum. Tunc deponatur ab igne, & dimittatur infrigidari paulatim. Postea accipe mucilagines, & bulliant ebullitione aliqua. Deinde ante modicum projice mucilagines super lithargyrum, & oleum, semper cum pistillo conquassando, donec decens fiat eorum permixtio. Tunc coquatur super ignem, vsque dum inspissetur.

Inquit

Inquit Hamech: Felicissimum opus eius, si cum eo pulvis ireos trite permisceatur. Mirabilis est iuuauenti ad resoluendum, & maturandum fortiora. Si autem mucilagines meliloti (& proprie seminis eius) operatio ipsius receperit, erit eius sedatio fortior. Et sunt qui pro communi oleo, oleum irinum, & oleum de chamemilla ponunt, & est in cunctis operatio eius nobilior.

#### Emplastrum diachylon magnum &c. CCCLXIII.

**R** Ecipe Lithargyri mundi triti & cribrelati ℥. xii. Olei irini, & chamemillini, & anethini, ana ℥. viij. Mucilaginis seminis lini, mucilaginis radicū althææ, mucilaginis fenugræci, mucilaginis ficuum pinguium, & mucilaginis passularum, & succi ireos, & succi squillæ, & hyssopi humidæ, & glutinis alzanahan, ana 3. xij. s. Terebinthinæ ℥. iij. Resinæ pini, & ceræ citrinæ, ana ℥. ij. Conficiatur sicut diximus. Et est expertum. Inquit filius Zachariæ. Acquiritur & in decoctione, ut discedat à mollitie ceræ, & accedat ad spissitudinem vnguentorum, & liniatur in panno, & superponatur ubi oportet.

#### Diachylon paruum &c. CCCLXV.

**R** Ecipe Lithargyri ℥. vj. Olei veteris clari lb. j. Mucilaginis psyllij ℥. iij. Mucilaginis hyoscyami ℥. j. s. Mucilaginis seminis lini, & mucilaginis radicis nialuæ, ana ℥. ij. Cuius operatio est sicut operatio alterius.

#### Emplastrum de granis lauri &c. CCCLXVI.

**R** Ecipe Olibani, mastice, myrrhæ, ana ℥. j. Granorum lauri ℥. ij. Cyperi, costi, ana ℥. s. Mellis calidi quantum sufficit ad aggregandum. Et extendatur in panno, & calidum superponatur, ubi oportet. Si autem triplicatur in eo cyperus, & ponitur de stercore caprarum, aut vacarum sicco, ad pondus omnium, inuenitur mirabile ad hydropisum.

#### Emplastrum stomachum & hepar confortans &c. CCCLXVII.

**R** Ecipe Ligni aloës, absinthij, gummi arabici, mastice, cyperi, costi, zinziberis, ana ℥. s. Calami aromatici, olibani, aloës ana 3. ij. Garyofyllorū, macis, cinnamomi, spicæ, nucis muscatæ, galliæ muscatæ, squinanti, ana 3. j. s. Aggregetur cum mīua aromatica, & extende super pannum, & suffumigetur super ligno aloës & superponatur.

#### Emplastrum de gallia &c. CCCLXVIII.

**R** Ecipe galliæ muscatæ, ranich, sumach, acaciæ, ipoquistidos laudani, gallarum non perforatarum, calami aromatici, rosar

rosarum, & feminis earum, Sandalorum alborum, & rubeorum, masticis, xyloaloes, garyofyllorum, spicæ, olibani, costi, myrrhæ, cyperi, absinthij, ana 3.ij. Fiat eorum contritio bona. Deinde accipe foliorum myrti humidæ, foliorum lauri, aquæ rosatæ, & vini pontici, ana 3.j. Submerge in eis calefactis tortellarum de seni 3.ij. Dactylorum siccorum xij. numero. Et dimittantur per diem & noctem. Deinde terantur & fiant sicut puls, & misceantur cum miuæ aromatizata 3.ij. aut iij. Gummi assati 3.vij. Coquantur omnia lento igne, vsq; ad spissitudinem mellis. Deinde aggrega cum puluere rerum, & tere diu in mortario, donec fiat totum viscosum. Deinde lini ex eo super lamina, & suffumiga cum ligno aloës, & epithymetur cum eo.

Emplastrum aliud de gallia &c. cccclxix.

**R**ecipe galliæ, ramich, rosarum, & feminis earum, pulpæ fumach, sandalorum alborum, & rubeorum, spodij, sanguinis, draconis, charabæ, balauftij, gallarum, ipoquitidos, acaciæ, corticum mandragoræ, capitum granatorum, ana 3.ij. camphoræ 3.s. Tere, & fac puluerem. Et accipe succi capreolorum vitium 3.ij. Vuarum agrestium 3.j. Succi extremitatum myrti humidæ, & aceti, ana 3.j. s. Infunde in eis sauiich hordei, & granorum myrti tritorum sicut alcohol, ana 3.iiij. Gummi arabici assi 3.vij. Et misce cum eis miuæ acetosæ 3.ij. vel iij. & decoque in igne leui, vsque dum habeat spissitudinem viscosam. Deinde aggrega omnia simul cum speciebus, & lini ex eo super laminam, & suffumigetur cū xyloaloes, & epithymetur cum eo. Et est sanū & expertum.

Emplastrū relatiū ad Andromachum &c. cccclxx.

**R**ecipe Sepi anatis, & picis, ana 3.xviii. gūmi pini 3.viiij. Auripigmenti rubei, & citrini, aluminis iameni, calcis non extinctæ, ana 3.xv. Ammoniaci 3.ij. Dissoluatur ammoniacum in vino rubeo, & dissoluatur in igne, & dissoluantur cum eo olei lb.ij. Et puluerizanda puluerizentur, & aggrega omnia simul secundum decetem modum præparationis eius. Et mitte vbi oportet expansum in lamina.

Emplastrum aliud Andromachi &c. cccclxxi.

**R**ecipe aquæ ardentis (& est aqua saponis) lb.iiij. Granorum rizi, & frumenti excorticatorum, ana 3.vij. Ponantur in vase vitreato, & stringatur orificium eius vehementer, & dimittatur per diem & noctem. Deinde agitetur cum ligno, & claudatur. Et fiat hoc omni die, donec grana dissoluantur, & totum sit factum mucilaginosum. Deinde reseruetur. Cum autem eo uti

oportet, recipiatur de eo in vacuitate corticis auellanae, aut in nodo arundinis, aut in cera preparata, & ponatur vbi oportet. Facit enim cocturam sicut cauterium. Et propriè dimissum in locotribus horis, aut plus, si oportet.

### Emplastrum sinapisum &c. CCCLXXII.

**R**ecipe Ficum ficcarum pinguium, partem vnā. Et infunde in aqua tepida per diem & noctem. Tunc exprime fortiter, vt nullus humor in eis remaneat. Deinde sinapim tritam cum aceto cum eis misceas, diligenter diu commiscendo. Et fit sinapis pars vna, & ficum alia. Si autem vehementioris virtutis facere volueris, pone de sinapi partes duas. Si autem minus, ex ficibus partes duas, & ex synapi, partem vnā. Quando autem applicatur loco, dimittatur in eo: sed auferantur antequam vulneretur, & propriè quando solum calefacere oportet. Et quandoq; dimittitur donec vulneretur, & propriè quando profundarum materiarum exclusionem quæris: sicut in sciatica, & talibus. In defectu verò sinapis, schæbalæ caprinae, pridie in aceto infusæ ponantur. Et est ad hydropisum, & duritiē, & dolorem splenis efficax. Et quandoq; additur eis finius columbarū agrestium, & radix inulæ: & semen nasturtij, & grana lauri: & confert ad frigidas & ventosas ægritudines viscerum, & splenis & hydropisum, & similia. Expertum est ab antiquis medicis.

### Emplastrum de fermento &c. CCCLXXIII.

**I**llud quod ex eo antiquius est, nobilius est, cum melle distemperato, & sint partes eorum æquales, & sexta pars eorum ex visco quercino, & octaua pars ammoniaci dissoluti in aqua fœnu græci, aut lacte arboris mori, & modico fecis olei antiqui. Et est emplastrum efficax, ad extrahendum spinas, & furcillas, & ossa carni infixā, etiam si profunda sint. Adhuc autem, accipe fermenti partem vnā, succi mentæ, & succi absinthij, ana partem s. aceti vini, aut succi vuarum agrestium, aut succi extremitatum vitium, aut succi cytoniorum, quartam partem vnius. Macis, garyofyllorum, ligni aloës, masticis, spicæ, foliorum rosarum. Absinthij sicci, ana octauam partem vnius. Misceantur omnia & coquantur ad ignem, & emplastretrur ex eis stomachus, & hepar. Confert enim iuuamentum manifestum ad debilitatem eorum. Et adhuc eius acetosi partem vnā, Succu endiuia, aut solatri, & aceti, aut succi vuarum agrestium, aut succi extremitatū vitium, ana partem mediam, farinae hordei tertiam vnius partis, trium  
sand



fandalorum, foliorum rosarum, spodij, faufel, fief memithe, boli armeni, ana sextam vnius partis. Succus portulacæ, & mucilaginis psyllij, ana quantum sufficit, ad aggregandum ea. Et fiat ex eis emplastrum, & ponatur super hepar, & viscera, in quibus est vehemens inflammatio, & erit mirabile. Præter hoc autem, accipe fermenti, mellis, olei, lactis mulieris, Vitellorum ouorum, ana partes æquales. Fiat emplastrum. Maturat enim, & rumpit apostemata, & delet. Si autem fortius facere volueris emplastrum, adde galbani circiter partis medietatem, & dissolue cum eis. Quod si adhuc fortius facere volueris, adiunge eis Baurach sextam vnius partis. Stercoris columbini & gallinacei, ana quartam vnius partis, aut plus, aut minus. Amplius autem, si aceto & sale fermentum coques, hepatis & splenis necessarium in multis ægritudinibus inuenies. Amplius namq; si ammoniaci, & bdellij, & ficuum pinguium, sumes ana, & partem mediam fermenti addideris, & propriè dissoluti in aceto, & foliorum rutæ, & fructus tamaricis, & baurach, ana quartam vnius partis. Et miscearis omnia, & fortiter cōtundes, miraberis effectum eius, ad grossitiem splenis. Si autem opus est siccare in visceribus contenta superflua, cum fermento, sulphure, & sale, cinerem vitium combustarum addes. Si autem acrius facere volueris, asphaltum indies. Si autem adhuc acrius, euphorbium adiunge. Inquit Democritus. In multis adhuc antiqui laudauerunt experiētiam eius, quod narrare prolixum est.

Emplastrum filij Zachariæ &c. cccclxxiii.

**R**ecipe Cera citrinæ 3. iij. Medullæ cruris vacæ, adipis anatis, & adipis gallinæ, mucilaginis seminis lini, ana 3. iij. s. olei delino quantum sufficit. Si autem fortius facere volueris, adde mucilaginis althææ, & mucilaginis scœnugræci, partes convenientes. & pro oleo delino, ponatur oleum de cheiri citrino, vel utrunq;. Et si adhuc fortius facere volueris, adde hyssopi humide, & glutinis zanahan, quantum de vna mucilaginum. Et miraberis effectum eius, ad ea quæ diximus.

Emplastrum diaphinicon confortatiuum &c.

cccclxxix.

**I**n primis fiat cerotum, ex ceræ 3. ij. olei rosati, & olei nardini, ana 3. iiij. Deinde accipe Dactylorum siccorum xl. numero. Tortellarum de seni 3. v. Et funde in vino odorifero, & accipe carniū cytoniorum decoctorum in vino 3. viij. Et tere cum dactylis cōtritioe vltima, & misceantur cum ceroto, & contun-

dantur in mortario, donec aggregentur. Deinde proijce super ea masticeis, olibani, absinthij romani sicci, ana 3.ij. s. Ligni aloës macis, myrrhæ, aloës, spicæ, acaciæ, galliæ, ramich, calami aromati, ana 3.j. Laudani 3.ij. Et iterum conterantur, donec permisceantur. Deinde lini super laminam ex eo, & suffumiga cum xyloaloes, & pone super stomachum, & hepar, & viscera. De meliori autem operatione est, ut mastix & laudanum cum cera, & oleis misceantur, & sic cum cæteris emplastrum fiat.

Emplastrum diaphinicon, descriptione Alexandri &c.

CCCLXXVI.

**R** Ecipe Dactylorum vicinorum maturitati sine ossibus 3.v. Tortellarum de feni 3.j. Cytoniorum, & propriè carniū eorum decoctarum in vino stiptico 3.j.s. Storacis, masticeis, Laudani, ana 3.iiij. Acaciæ, succiacrestæ, florum vuarum agrestium, rosarum, sandalorum mazahari, ramich myrrhæ, xyloaloes, ana 3.v. Cera 3.iiij. olei rosati 3.xv. Vini pontici, quantum sufficit ad infundendum infundenda. Et confice sicut te scire fecimus, & lini ex eo super laminam, & cum xyloaloes suffumiga, & superpone.

Emplastrum de allijs Alexandri &c.

CCCLXXVII.

**A** Ccipe Spicarum alliij mundatarum 3.iiij. Storacis, aloës bonæ, bdellij, ana 3.iiij. Terebinthinæ 3.iiij. Axungie porcine recetis, adipis anseris, ana 3.v. Masticeis, olibani, ana 3.j.s. Euphorbij 3.j. Croci 3.s. Cera citrinæ 3.xij. Olei nardini, & vini odoriferi, ana quantum sufficit.

Emplastrum relatum ad Aristarchum &c.

CCCLXXVIII.

**R** Ecipe cera citrinæ 3.j. Terebinthinæ 3.vj. Axungie porcine recentis, adipis anseris, medullæ cruris vaccæ, ana 3.iiij. Bdellij, myrrhæ, olibani, storacis, opoponacis, aloes, masticeis, ana 3.j.s. Ammoniaci 3.iiij. Colophonæ 3.v. Aluminis 3.j. Spicæ 3.vj. Folij, calami aromatici, euphorbij, granorum lauri, ana 3.vij. olei balsami 3.j. olei nardini, & vini odoriferi, ana quantum sufficit. Confice sicut sæpe narrauimus, & vtere.

Emplastrum Oribasij &c.

CCCLXXIX.

**R** Ecipe Lithargyri 3.iiij. Cera 3.vij. Resinæ 3.v. Ammoniaci 3.iiij. Confitæ 3.ij. Aristolochiæ 3.j.s. Aloës 3.j. Thuris masculi, cuscute, galbani, ana 3.xij. Olei antiqui, & aceti squillitici, ana quantum sufficit. Confice sicut diximus.

Empl

Emplastrum Oribasij aliud &c. cccclxxx.

**R** Ecipe Ammoniacy ʒ.ij. Dimitte in aceto squillitico per dies ij. deinde tere in mortario, donec fiat sicut puls. Deinde contere cum ceroto facto ex ceræ citrinæ ʒ.ij. Olei chamæmillæ, & irini, ana ʒ.iiij. Croci ʒ.v. Confice conterendo, donec fiat totum pingue. Inquit Oribasius: Extende ex eo super pannum, & calidum super spinam pone, & confert rigori febrium. Sed pro aceto squillitico, permutatio fiat ad succum apij, & est expertum.

Emplastrum de Meliloto &c. cccclxxxi.

**R** Ecipe Meliloti ʒ.vj. Florum chamæmillæ, scænu græci, granorum lauri, radicum althææ & abûnthij, ana ʒ.iiij. Sennis apij, cordumeni, Ireos, cyperi, ammeos, spicæ, casia, ana ʒ.ij.s. Sampfuchi ʒ.iiij. Ammoniacy ʒ.x. Storacis ʒ.v. Bdellij tantundem, Terebinthinæ ʒ.j.s. Ficum pinguium xij. numero. Sepi caprini, resinæ, ana ʒ.ij.s. Cere ʒ.vj. olei sampfuchini, & olei de ipica, ana quantum sufficit. Aquæ decoctionis scænu græci, & chamæmillæ, & meliloti, quantum sufficit ad infundendum ea quæ infusione indigent. Misceantur, & conficiantur, & epithymetur cum eo.

Mistura ad vulnera sananda. cccclxxxii.

**R** Ecipe Garyofyllatæ, radicum arthemisia, pimpinellæ, chamæmillæ, pentaphyllon, herbæ violarum, herbæ venti, caulibus rubei, cannabis teneræ, omnium ana. Ruber, quantum de omnibus. Hæc omnia bulliant in vini competenti quantitate, vsq; ad medietatē: postea cola, & colaturæ adde tertiam partem mellis, & cum eo bulliat, & vsui reserua.

Vnguentum palmeum &c. cccclxxxiii.

**R** Ecipe olei veteris lb.ij. Axungia veteris depuratæ à sale lb.ij. Lithargyri lb.iiij. Vitrioli ʒ.iiij. Conficiatur sic. Oleum & axungia mittantur in stannato supra ignem, & liquefiant. Deinde addantur lithargyrum & vitriolum, & ducantur continuè cum tribus ramis palmæ. Et accipe vnum rami palmarum, minutatim incisum, & intromittatur, & tandiu bulliat supra ignem lentum, factum de lignis siccis, donec inflammetur, & redeat ad suum statum, & inspissetur, & densitatem habeat.

Vnguentum aliud palmeum. cccclxxxiiii.

**R** Ecipe Lithargyri aurei lb.ij. Pinguedinis porcina depuratæ à sale lb.v. Vitrioli viridis ʒ.iiij. Terantur palmæ ad libitum, & semper agitetur cum palma. Et loco palmæ, potest poni radix cannæ.

Vnguentum expertum ad scabiem. &c. cccxxv.

**R** Ecipe Axungiae ʒ. v. Olei laurini, Argenti viui. Ceræ mundæ, Masticis, Thuris albi puluerizati, ana ʒ. ij. Salis communis ʒ. viij. de succo plantaginis, & fumi terræ ad libitum. Confice sic. Ceram, & axungiam, nouam, expurgatam à tela sua, & oleum laurinum mitte in stannato, cum succis, & pone ad ignem, & bulliant donec liqueant: & adde puluerem salis, oblibani, & masticis, in supradicta quantitate. Et bulliat totū vsque ad perfectam decoctionem, & postea depone ab igne, & adiuge argentum viuum, cum salua & pauco olei predicti extinctum. Et misce bene cum spatula. Et vnge palmas manuum, & frica fortiter in ferro totum corpus, vsque ad octo dies.

## DISTINCTIO DVODECIMA

### EST DE OLEIS

**E** Stenim multiplex oleorum operatio &c.

ccclxxxvi.

Oleum de Amygdalis dulcibus &c. ccclxxxvii.

**R** Ecipe ex amygdalis mundatis ab utroque cortice, quantitatē quam volueris, & tere contritione vltima, & fac pastones ex eis, & dimitte in loco calido per spatium sicut horarum v. Deinde iterum tere, & pone in zainari, & stringantur, & exprimantur, & emanabit oleum. Si autem in vase duplici, sicut per horarum spatium coxeris, deinde expresseris in zainari, emanabit abundantius. At si amygdalis tritis facellos impleueris, & sub cinere calido, aut arena calida inter pannos sepelieris, & postea expresseris, abundabit oleum. Modus operationis eius alius est. Malaxentur in tina, sicut pasta malaxatur, & sit domus in qua malaxantur calida, & fundatur de super aquæ calidæ parum, & stet pila declinūs, vbi emanet oleum: & dum sic expresseris, abundabit. Zainari autem planta inferior, sit habens concauitatem, & emunctorium in parte, & in superiori parte sit globus iuxta formam capacitatis concauitatis, vt figillet omni hora ambitum vacui. Hic ergo est modus formæ eius.

Locus Figuræ.

Oleum de Amygdalis amaris. ccclviii.

**M**odus cōpositionis eius est, sicut diximus de oleo de amygdalis dulcibus,

Oleum

Oleum de nucibus, grossarum uento sitatum est  
resolutiuum &c. cccclxxxix.

**M**odus compositionis eius est sicut diximus.

Oleum de auelanis &c. cccxc.

**E**ius modus est sicut diximus.

Oleum de crhyfomilis &c. cccxcj.

**M**odus compositionis eius est sicut diximus.

Oleum de Perficis &c. cccxcij.

**O**peratio eius est, sicut diximus.

Oleum de Ben &c. cccxciii.

**M**odus operationis eius est, sicut olei de amygdalis.

Oleum de Cherua &c. cccxciiii.

**E**st operatio eius, sicut diximus.

Oleum de carthamo &c. cccxcv.

**M**odus operationis eius est, sicut diximus.

Oleum de nuce indica &c. cccxcvi.

**E**ius operatio est, sicut diximus.

Oleum de cerasis &c. cccxcvii.

**E**ius operatio est, sicut diximus.

**E** Oleum de Almahaleb, fortius est in omni re,

quàm oleum de cerasis &c. cccxcviii.

**E**t eius operatio, est sicut illius.

Oleum de granis citri, & citragulo-  
rum &c. cccxcix.

**E**ius operatio est, sicut diximus.

Oleum de Fisticis, & pineis &c. cccc.

**E**ius operatio est, sicut diximus.

Oleum Laurinum &c. cccci.

**A**ccipe de granis Lauri maturis quantum volueris: & dum  
adhuc sunt recentia, tere in pila, & fac bullire cum aqua in  
caldario. Deinde exprime in zainari plano, non habente con-  
cauum, & collige ex aqua, quod supernatat oleum. Deinde ite-  
rum exprime grana contrita in zainari habente vacuum, & in-  
funde aquam calidam, & collige oleum & repone. Et administra,  
vbi oportet.

Oleum de granis uiridibus, & est albo-  
tin &c. cccci.

**M**odus operationis eius est, sicut olei de granis lauri.

Oleum de schino &c. cccciij.

**F**it sicut oleum de auro, vel de oliuis.

## Oleum de balfamo &amp;c. cccciiii.

**F**It ex planta longitudinis cubiti vnus, aut duorum ad plus, simili rutæ agresti. Cortici cuius si acciderit scarificatio, aut scalpellatio ex parte ortus solis, fluunt sicut lachrymæ pinguedinis: & est dimel balfen, id est pinguedo balfami. Et quandoq; accipiunt palmites plâtæ in principio veris, & terunt in pila, & coquant in aqua, & exprimunt in zainari: & vocatur oleum balfami. Et quandoque teruntur palmites, & funditur super eos oleû antiquû, & ponitur in sole diebus quadraginta. Deinde coquitur in duplici vase, & iterum inuoluuntur in eo alij palmites, & ita tertio. Deinde colatur & reconditur.

## Oleum de granis sesami &amp;c. ccccv.

**M**odus compositionis eius est, sicut olei de amygdalis, præterquam oportet vt grana sesami prius alio modo excoctentur. Qui modus, talis est. Mundetur sesamum ab omnibus immundicijs, deinde roretur ipsum aqua, cum sale pauco & confricetur manibus. Iterumque roretur donec madescat, postea expandatur vt excicetur. Deinde affletur assatione modica, & ponatur in sacculo panni asperi, & fricetur multum, donec excoctetur. Deinde mundetur à corticibus, & molatur cum molis, & fiat alrachine, & de cætero trahatur oleû sicut de amygdalis. Et quandoq; trahitur oleum, præterquam excoctetur. Et eius operatio est vt affletur primò sesamum, deinde molatur, & fiat alrachine, & trahatur oleum, sicut diximus.

## Oleum de semine lini &amp;c. ccccvii.

**M**odus operationis eius est, sicut olei sesamini, præterquam non oportet vt excoctentur semina lini.

## Oleum de granis papaueris &amp;c. ccccviii.

**F**It sicut de semine lini.

## Oleum de semine lactucæ &amp;c. ccccviii.

**V**aleat sicut oleum de semine papaueris, & modus operationis eius est, sicut illius.

## Oleum de seminibus cucurbitæ, citrulli, cucumeris, &amp; melonis &amp;c. ccccix.

**M**odus operationis eorum est, sicut diximus de sesamo excoctato. Siue separatim, siue coniunctim facere decreueris. Ex multis autem seminibus &c.

**F**unt autem olea per impressionem &c. ccccx.

Oleum

## Oleum rosatum completum &amp;c. ccccx.

**M**odus compositionis eius est, vt accipiatur oleū de oliuis, aut oleum sesaminū recens, & lauetur cum aqua fontium lauationibus pluribus. Deinde accipe foliorum rosarum rubearum recentium, contusarum, quantitatē sufficientem, & sepelias in oleo quod modò lauisti, & reconde in vase vitreo, & obtura orificium eius, & exponas soli per dies vij. Deinde coque in vase duplici, per horas iij. Deinde fac permutationem foliorum rosarum, & vtere alijs recentibus, & dimitte per alios vij. dies in sole. Deinde exerce coctionē in eo, sicut fecisti prius, & fac denuo permutationem foliorum rosarum. Et projice super illud aquæ infusionis rosarum (quam tradidimus in capitulo de syrupis) sicut quartam olei, & stringe orificium vasis, & dimitte in sole per dies 40. Deinde excola, & iterum expone soli, & dimitte tempore extenso. Et vtere vbi oportet.

¶ Modus operationis eius alius est. (Et acquiritur ex hoc quòd sit resolutiuum magis.) Accipe succi rosarum, & aquæ infusionis rosarum prædictæ, ana partē vnā. Olei loti, & præparati, sicut diximus, partes tres. Foliorum rosarum contusarum quantū sufficit. Reconde in vase vitreo, & expone soli, sicut diximus. Deinde operare de decoctione eius, & permutatione foliorū rosarū, & expositione in sole, secundum quod diximus. Et etiam de permutatione succi, & aquæ infusionis, & hoc fiat bis. Vltimò verò oleum solum, cum succo rosarum, & aqua infusionis earum, recondatur in vase, & exponatur soli per 40. dies.

¶ Tertius modus operationis eius est: Accipe amygdalarum dulcium purgatarum, quantitatem aliquam, & tere in pila contritione vltima. Deinde quantitatem aliquam earum cum folijs rosarum tritis, iterum tere, & fac pastones, & dimitte in loco calido per diem vnum. Deinde iterū tere, & malaxa in pila malaxatione vltima, sine intermissione, & fundatur super illud aquæ infusionis rosarum calidæ parum, & indefinenter malaxa, & manabit oleum. Vltimò verò malaxa, & exprime in zainari. Cum autem expresseris, totum pone in vase vitri, & stringe os eius, & pone soli, & vtere quando oportet.

¶ Modus operationis eius quartus, est secundū quod hīc proxime diximus de operatione eius cum amygdalis. Hīc tamē dicendum est, fieri debere cum sesamo excorticato. Sed amygdalæ sunt melior materia ad oleum rosatum rude, & sesamum ad oleum rosatum completum.

Oleum chamæmillinum, & est oleum bene dictum &c. ccccxii.

**M**odus operationis eius est, sicut olei rosati, præterquam oportet ut fiat cum oleo de oliuis completo, aut oleo sesamino, cum illis modis præparationum, quos diximus.

Oleum uiolatum &c. ccccxiii.

**M**odus operationis eius est, sicut olei rosati, excepto quod debet fieri cum oleo rudi, aut amygdalino, aut sesamino, cum illis modis operationis quos diximus.

Oleum anethinum &c. ccccxiiii.

**M**odus operationis eius est, sicut olei de chamæmilla.  
Oleum de Lilio &c. ccccxv.

**M**odus cõpositionis eius primus est, sicut olei chamæmillini, præterquam oportet ut citrinitas eorũ tota abijciatur. ¶ Et secundus modus operationis eius est: Accipe ex folijs liliorum ʒ. ix. Masticeis, calami aromatici, costi, carpobalsami, ana ʒ. j. Garyofyllorum, cinnamomi, ana ʒ. s. croci ʒ. iij. Omnia præter folia liliorum infundantur in aqua sufficienti, & dimittantur die ac nocte, postea bulliāt ebullitione vna aut duabus. Deinde projice olei sesamini super ea, aut olei de oliuis completis lb. ij. Et pone in vase vitreo, cum folijs liliorũ, & dimitte in sole per dies 40. deinde cola & administra. Oleum autem de lilio, quando fit ex lilijis ireos, est magis resolutiuum, calefactiuũ, & penetratiuum. Factum autem ex lilijis notis, est magis sedatiuum, & lenitiuum, & maturatiuum.

Oleum irinum &c. ccccxvi.

**A**cciper radicem eius quantitatem aliquam, & florum eius duplum, & aquæ decoctionis radicem eius, quantum sufficit. Et funde super ea olei sesamini, aut de oliuis maturis, quantum oportet, & decoque in duplici vase, deinde permuta radices, & folia liliorum. Et fac ut diximus de oleo rosato. u

**F** Oleum sambacinum ccccxvii.

It sicut oleum chamæmillinum.  
Oleum de cheiri, quod ex cheiri citrina fit, est melius, & subtilius: deinde quod ex alba &c. ccccxviii.

**F** It sicut oleum de chamæmilla.

Oleum de Papauere &c. ccccxix.

**F** It sicut oleum violatum, & propriè ex floribus eius, & capitibus papaueris, & folijs ipsius.

Oleum



Oleum de Lactuca &c. ccccx.

**C**onfert sicut oleum de papauere, & fit sicut illud.

Oleum de meliloto &c. ccccxli.

**C**onfert sicut oleum de chamamilla, & fit sicut illud.

Oleum de Nenuphare &c. ccccxlii.

**C**onfert sicut oleum violatum, & fit sicut illud.

Oleum de cucurbita &c. ccccxliii.

**C**onfert sicut oleum de nenuphare, & fit sicut illud, præter quòd fit ex succo rasuræ cucurbitæ, & floribus eius, & oleo.

Oleum de Cytonijs &c. ccccxliiii.

**A**ccipe carniū cytoniorū tritorū cum corticibus suis, quibus media accidit maturatio, & succi eorum ana partes æquales: olei ex oliuis incompletis, quantum sufficit. Pone in vase vitreo per dies xv. ad solem. Deinde coque in vase duplici per horas iiii. Post illud fiat permutatio citoniorū, & succi eorum, & fiat sicut diximus, bis, vel ter, deinde cola & reconde.

Oleum Malinum, siue melinum, vel milinum &c. ccccxv.

**F**it sicut oleum de cytonijs.

Oleum de Pomis iabrolæ, & sunt poma mandragoræ &c. ccccxvi.

**A**ccipe expressionis eorum completorum & olei sesami, ana partes æquales. Decoque in vase duplici vsq; ad succi consumptionem. Deinde iterum cum tantūdem expressionis decoque sicut prius. Et sic ter, & reconde, & vtere.

ccccxvii.

Oleum demyrto, vel myrtinū. Membra confortat, & stringit sudoris multitudinem, & prohibet, & confert cōtritioni membrorum, & neruorum, & prohibet casus capillorū. Et modus operationis eius est.

**A**ccipe olei ex oliuis incompletis, & extremitatū myrti teneriorum, & expressionis extremitatū earum, ana partes æquales. Vini odoriferi partem mediam. Decoque ad succi & vini consumptionē. Deinde cola, & reconde in vase cum eiūdem myrti expressione, sicut est quarta pars, & vtere.

Oleum de enula &c. ccccxviii.

**A**ccipe Radicis enulæ contusæ, & succi eius, & olei sesamini, ana partes æquales. Vini odoriferi partem s. Fac sicut diximus in oleo myrtino.

¶ Alius modus operationis eius est: Adde permissioni prædictæ folior

foliorum lauri, cordumeni, spicæ Indæ, calami aromatici, masti-  
cis, ana sextam partis vnus. Et decoque sicut diximus.

Oleum de cinnamomo. ccccxix.

**C**onfert sicut oleum de enula, & eadem est eius operatio.

Oleum de Sauina. ccccxix.

**C**onfert sicut olum de enula, & eius operatio est sicut illius.

Oleum de pulegio. ccccxix.

**C**onfert sicut illa, & fit similiter.

Oleum de ruta &c. ccccxix.

**M**odus operationis eius est sicut olei myrtini.

Oleum nardinum, est oleum benedi-  
ctum &c. ccccxix.

**A**ccipe Spice aromaticæ ʒ. iij. Vini, & aquæ, ana ʒ. ij. s. Olei  
sesami lb. s. Decoquantur in vase duplici, lento igne, circi-  
ter horas iij. & frequenter moueatur. ¶ Secundus modus ope-  
rationis eius est: Accipe Spice Indæ ʒ. iij. olei sampsuchi ʒ. ij. Xy-  
lobalsami, enulæ, folij Indi, calami aromatici, foliorum lauri, cy-  
peri, squinanti, cordumeni, ana ʒ. i. s. Projiciantur super ea, post-  
quam fuerint contrita, Vini & aquæ fontis, ana quantum sufficit,  
olei sesamini lb. vj. Deinde fiat sicut primum, & coquatur horis  
sex, & agitur omni hora. ¶ Tertius modus operationis eius est:  
Accipe Spice Indæ ʒ. iij. Storacis, garyofolorum, ana ʒ. iij. Nu-  
cis muscatæ ʒ. v. olei balsami lb. iij. Fiat sicut illud, & coquatur  
horis v.

Oleum masticeinum &c. ccccxix.

**A**ccipe Masticeis ʒ. iij. olei sesamini, chist j. Coque in vase du-  
plici. ¶ Secundus modus operationis eius est: Accipe olei ro-  
sarum ʒ. xij. Masticeis ʒ. iij. Vini boni ʒ. viij. Decoque sicut pri-  
mum, ad vini consumptionem.

Oleum de Storace &c. ccccxix.

**A**ccipe olei sesamini ʒ. xij. Storacis ʒ. iij. Fac sicut oleum ma-  
sticineum. Deinde coletur & administretur.

Oleum costinum &c. ccccxix.

**A**ccipe Costi amari ʒ. ij. Casia ʒ. j. Extremitatū sampsuchi  
ʒ. viij. Vini odoriferi, quantum sufficit ad infundendū no-  
ctibus duabus, olei sesamini lb. ij. Decoquatur sicut oleum nar-  
dinum, horis sex.

Oleum de alchanna &c. ccccxix.

**A**ccipe Florum alchannæ ʒ. iij. olei antiqui ʒ. x. Fiat sicut  
oleum rosarum. In defectu autem florum, fiat cum folijs, &  
itere

iteretur coctio eius cum modico vino.

Oleum de Sampfuocho &c. ccccxviii.

**F** It sicut oleum de myrto.

Oleum de mezereon &c. ccccxix.

**A** Ccipe Foliorū almezereon ʒ.iiij. Et projice super ea aquæ dulcis lb.j. Et dimitte die ac nocte. Deinde fundantur super ipsum lactis dulcis & recentis ʒ.vj. olei sesamini ʒ.viii. Coquatur vsque ad lactis, & aquæ consumptionem. Deinde coletur & reponatur.

Oleum alhafech &c. ccccxl.

**A** Ccipe Alhafech ʒ.iiij. Zinziberis ʒ.j.s. Funde super ea, in vase vitreato succi extremitatum alhafech ʒ.iiij. olei sesamini ʒ.xiiij. Aquæ dulcis, quantum sufficit. Et decoque vsque ad aquæ consumptionem. ¶ Modus alius quod bibitur &c. Cuius dosis est ʒ.j. cum rob, aut cum vino, aut cum aqua mellis. Accipe olei sesamini, & succi alhafec, & lactis vaccini recentis, ana lb.j. Albarum penidiarum ʒ.v. Zinziberis albi ʒ.xij. Et decoquatur vsque ad succi, & lactis consumptionem, & administretur.

Oleum de cucumere asinino &c. ccccxli.

**A** Ccipe succi cucumerum asinorum completorum, olei sesamini, partes æquales. Coque vsq; ad succi cōsumptionem. ¶ Modus alius est: Accipe Succi radicum eius contritarum lb.s. olei sesamini lb.j. Coquatur sicut diximus, & administrentur.

Oleum de Pomis citranguli &c. ccccxlii.

**A** Ccipe Poma citrangulorum xij. Et sint propriè antiqua. Et pone ea integra in vase figuli vitreato. Et funde super ea olei de oliuis, aut olei sesamini ʒ.xxvj. aut plus, aut minus secundum magnitudinem & paruitatem citrangulorum, & aquæ fontium, & aquæ maris, ana lb.j. Coquātur ad consumptionē aquæ. Deinde funde super ipsum aquæ dulcis claræ lb.j.s. Et projice super ea penidiarum albarū ʒ.viii. Decoque vsque ad aquæ consumptionem, & administretur in potibus, & cibis, & pulmentis de farina. Dosis eius est ab ʒ.j. vsque ad iij.

Oleum de croco &c. ccccxliii.

**A** Ccipe Croci ʒ.j. Myrrhæ puræ ʒ.iiij. cordumeni ʒ.ix. calami aromatici ʒ.viii. Infundantur medicinæ in aceto, diebus quinque, præter cordumeni. Die sexta projiciatur super ea cordumeni, & dimittat die vna. Deinde fundatur super ea olei lb.j.s. Et coquatur lento igne, vsque ad aceti consumptionē. Et sunt qui loco aceti vinum ponunt.

Oleum

## Oleum de piperibus &amp;c. ccccxliiii.

**A**ccipe Trium piperum, ana 3.iiij. Chebulorū, bellericorum, emblicorum, & Indorum, ana 3.v. Radicum apij, foeniculi, ana 3.iiij. s. Serapini, opopanax, ammoniaci, ana 3.ij. s. Turbith albi boni 3.ij. Zinziberis 3.iiij. Caulis recentis, Hafech, humidi, foliorum rutæ humidæ, quantum de singulis manu capi potest. Decoquatur omnia post contritionem ipsorum, cum aquæ lb. xxiij. vsque ad tertiam partem. Deinde coletur, & projiciantur super illud olei de cherua, hemina 1j. Et coquatur vsque ad consumptionem aquæ. Et sunt ex hominibus, qui addunt in eo Ireos 3.vj. Casia 3.ij. Anisi, cordumeni, ana 3.j. s. Calami aromatici 3.ij. s. & spica Indæ 3.j. Expressionis asfeh, sextaria 1ij. Administretur ubi oportet. Et sunt qui loco olei de cherua, ponunt oleum irinum, aut oleum de cheiri, aut oleum de amygdalis amaris, aut ex omnibus, partes conuenientes.

## Oleum de euphorbio &amp;c. ccccxlv.

**A**ccipe Euphorbij 3.s. Olei de cheiri 3.v. Vini odoriferi tantumdem, decoque vsque ad vini consumptionem, & vtere.

**¶** Alius modus: Accipe Staphisagria 3.iiij. Conditi 3.iiij. Pyrethri 3.vj. Calamenti montani sicci 3.xij. Costi 3.x. Castorei 3.v. Tere, & decoque in vase vitreo, cum vini odoriferi lb. iiij. s. (Postquam infusa fuerint in eo diebus duobus) vsque ad medium vini. Deinde frica manibus fricatione vehementi, & cola, & funde super ipsum olei de cheiri, aut olei sesamini lb. j. s. Et decoque vsque ad consumptionem vini. Deinde projice super ipsum Euphorbij recentis & albi, triti contritione multa 3.iiij. Et coquatur cum eo, & vtatur.

## Oleum uulpinum &amp;c. ccccxlvi.

**A**ccipe Vulpem integram, cuius interiora sint euulsa, & pone in vase, & funde super ipsam aquæ fontium, & aquæ marinæ, ana chist 1j. olei antiqui clari, chist 1j. s. Et decoque lento igne, cum salis 3.iiij. vsque ad aquarum consumptionem. Deinde pone in vase, & projice super ipsam herba anethi, & Alhasech, ana lb. j. Et funde super ea aquæ dulcis, ubi coctus fuerit ex eisdem herbis, ana manipulus vnus. Et decoque sicut prius, vsq; ad aquæ consumptionem, & administretur. Est enim mirabile. Et quandoque præter oleum, coquitur vulpes in aqua fontium, & aqua salsa (& sit aquarum quantitas multa) cum eisdem herbis, & administretur lauando in tina. Et est efficax. Hoc quoque nõ prætermittas, quòd vulpes tandiu debet coqui, siue in faciendo oleū, siue

siue aquam ad abluendum, donec discocta sit, vt eius artus omnes laxentur, & dissoluantur.

**Oleum de serpentibus &c. ccccxlviij.**

**A**ccipe ex serpentibus nigris circiter lb. ij. Et sint serpentes integri. Et funde super eos olei sesamini, chist. j. Et pone in vase terreo, stricti orificij, & sigilla orificium vasis, & decoque len to igne vsquedum dissoluantur serpentes. Et caueat sibi operator a vapore eius. Et cum coctum fuerit, dimittatur in frigidari, & recondatur in vase vitreo, & administretur liniendo cum pena.

**Oleum de Scorpionibus &c. ccccxlviij.**

**R**ecipe Scorpiones circiter xx. vel plus, vel minus, secundum quantitatem magnitudinis & paruitatis eorum. Et pone in vase vitreo, & funde super eos olei amygdalarum amararum lb. ij. Et stringe caput vasis, & dimitte in sole diebus triginta. Deinde cola, & vttere.

¶ Modus operationis eius alius est: Recipe Aristolochiae rotundae, gentianae, cyperi, corticum radices capparis, ana ʒ. j. Funde super ea olei amygdalarum amararum, chist. j. Et pone in sole viginti diebus. Deinde proijce super ea ex scorpionibus a decem vsque ad quindecim, & iterum stringe orificium vasis, & dimitte in sole per dies triginta. Deinde coletur, & reponatur. Est enim mirabile &c.

**Oleum de Ranis &c. ccccxlj.**

**R**ecipe Ranarum aquaticarum, circiter lb. s. Et funde super eas in vase vitreo olei sesamini, chist. s. Et obtura orificium vasis, & decoque sicut diximus in oleo serpentino.

**E**X multis autem fiunt olea &c. ccccl.

**F**lunt autem olea per resolutionem diuersis modis &c. cccclj.

**Oleum de ouis &c. cccclij.**

**A**ccipe Vitellos ouorum elixatorum, circiter xxx. Et cominuere eos manibus, & pone in sartagine lapidea, & assa super ignem, mouendo cum ligneo, aut ferreo cochleari, donec rubeant & resoluatur ab eis oleum. Et tunc exprime eos cum cochleari, & manabit abundantius.

¶ Alius modus eius compositionis est: Recipe Vitellos ouorum elixatorum. Comminuantur molendo cum mola, deinde malaxentur, sicut diximus in capitulo de oleo amygdalino, & manabit oleum.

¶ Tertius modus eius est, vt distilletur in cazola, & alembico, sicut

sicut in oleo philosophorum dicemus.

Oleum de frumento &c. ccccliii.

**P**one frumētum super laminā ferreā, & super ipsum aliam laminam ferream ignitam, sed non multum, & cōprime. Et manabit oleum.

¶ Secundus modus: Ponatur frumentum excorticatum in vase sublimationis, & fiat sicut dicemus.

Oleum sinapium &c. ccccliiii.

**F**it sicut oleum de frumento.

Oleum de iunipero &c. cccclv.

**A**ccepe ex lignis iuniperi, quantitatem sufficientem, & scinde in frusta, & imple ex eis dolium magnum, vitreatum interius, cuius orificium sit arctum. Et præpara parietes eius cum terra figuli, & fac foueam in terra. Deinde pone ollam vitreatā ex directo, in fundo foueæ, habentē orificiū amplum, & cooperiatur lamina ferrea subtili perforata foraminibus multis, sicut cribratoriū tritici, ita quod lamina vndique ollæ orificiū cooperiat. Deinde super laminam præparetur orificiū dolij, ex inuerso, & præparetur cum terra figuli, vt nihil ex vtroque orificio respiret. Post illud accende ignem super totum corpus dolij, & dimitte ardere sic, per horas duas. Manabit enim à lignis, ex arte hac, oleum. Quod reconde, & administra vbi oportet.

Oleum Fraxininum. cccclvi.

**V**aleat sicut oleū de iunipero, & cōfert spleni, & fit sicut illud.

Oleum de gagate, est oleum sacramentum &c. cccclvii.

**R**ecipe ex lapidibus gagatis, quantum vis, & fac eis sicut diximus in oleo de iunipero.

¶ Secundus modus est cum operæ sublimationis, vt dicemus.

Oleum philosophorum &c. cccclviii.

**E**st autē eius aliud quod fit à natura, & profert illud minera. Et est locus manationis eius in insulis, & scopulis maris, & vocatur naphtha. Cuius tres modi sunt. Est enim quoddā subalbidum, & quoddam subrubeum tenue, & aliud grossum subnigrum. Subalbidum verò est melius alijs: subrubeum est post illud, aliud verò postea. Et est aliud quod fit ab arte. Et modus operationis eius est: Accipe ex lateribus antiquis, multæ antiquitatis, & propriè factis ex terra rubea, & comminue eos in frusta. Et accende super eos ignem carbonum sine fumo, vsquedum inflam-

inflammantur, & rubeant. Deinde submerge eos in concha plena oleo alchichil, aut oleo antiquo, claro, vsquedum imbibantur imbibitione vitina, & pone in cazolis, & permitte exiccari per se. Post illud, comminue eos comminutione vitina, & pone in cazola, & figilla orificium cazole cum orificio alembici, & figilla cum luto alchimistarum, & pone in fornace, cuius ignis sint prunæ, & coquatur vsquedum distiller oleum.

Et tu ordinabis vas sub rostro alembici, in quo fluat oleum. Deinde reconde illud, & stringe orificiū vasis, in quo recondis, & administra vbi oportet. Et quāto antiquius, tanto melius.

R E C E P T A R I I I O A N N I S F I L I I  
M E S V A E F I N I S.

Ff

# REPERTORIUM

## ALPHABETICVM HVIVS

### RECEPTARIUM

#### A

<b>A</b> Corus conditus.	22
Alchelengi: & est medicamen magnum.	19
Aqua fructuum.	40
Aromaticum garyofyllatum.	5
Aromaticum muscatum.	4
Aromaticum nardinum.	5
Aromaticum rosatum descriptione Gabrielis.	4
Aromaticum rosatum minus.	cod.
Aromaticum rosatum stomachum.	cod.
Athanasia magna.	12

#### B

<b>B</b> Aucie condita.	22
-------------------------	----

#### C

<b>C</b> Hebuli conditi.	20
Cerotum Alexandrinum.	63
Cerotum aliud eiusdem.	cod.
Cerotum Andromachi.	cod.
Cerotum de Sandalis.	60
Cerotum diapente.	63
Cerotum Galeni stomachum.	62
Cerotum Galeni vltimum.	61
Cytonia condita.	21
Citra condita.	cod.
Conditum aliud de citro.	37
Confectio alchermes.	2
Confectio alfescera.	18
Confectio alia Hamech.	cod.
Confectio alia electuarij alharif.	16
Confectio alia Galeni.	8
Confectio alia gallie alephangine.	43
Confectio alia testiculorum vulpis.	3
Confectio alia trochiscorum de aniso.	46



# INDEX

Confectio alia trochiscorum de berberis,	45
Confectio alia trochiscorum de Sandalis,	47
Confectio almezereon.	19
Confectio anacardina.	12
Confectio de assa.	eod.
Confectio de cinnamomo.	5
Confectio de cytonijs bona.	6
Confectio de cytonijs facta cum succo cytoniorum,	7
Confectio de dactylis:& est diaphinicon.	17
Confectio de galanga.	4
Confectio de musco dulcis.	2
Confectio de musco amara.	3
Confectio de prunis	8
Confectio de raueo seni,	10
Confectio de seminibus.	6
Confectio de storace.	13
Confectio de xyloaloes.	2
Confectio de zinzibere.	22
Confectio electuarij alharif.	15
Confectio electuarij diacytoniten.	20
Confectio electuarij ex inuentione nostra,	11
Confectio electuarij indi maioris.	16
Confectio Philonij ex inuentione propria,	12
Confectio Philonij descriptione Hamech,	eod.
Confectio galliæ muscatae.	42
Confectio galliæ sebelliæ.	eod.
Confectio hieræ Archigenis.	14
Confectio mannae.	18
Confectio medicaminis quod scripsit Hamech,	17
Confectio miuæ acetosæ.	38
Confectio miuæ alterius.	eod.
Confectio miuæ factæ ex succo fructuum,	eod.
Confectio miuæ simplicis.	37
Confectio pforicon.	62
Confectio ranich.	34
Confectio trochiscorum alandahal,	47
Confectio trochiscorum alchechengi.	48
Confectio trochiscorum Hamech.	47
Confectio trochiscorum de absinthio,	45
Confectio trochiscorum de aniso,	eod.
	Conf

## RECEPTARIIL

Confectio trochiscorum de arsenico.	46
Confectio trochiscorum de berberis.	38
Confectio trochiscorum de camphora.	34.
Confectio trochiscorum de capparibus.	48
Confectio trochiscorum de charaba.	cod.
Confectio trochiscorum de cyperis.	47
Confectio trochiscorum de croco.	46
Confectio trochiscorum de eupatorio.	45
Confectio trochiscorum de lacca.	46
Confectio trochiscorum de ligno aloës.	48
Confectio trochiscorum de rheubarbaro.	34
Confectio trochiscorum de rosis, & eupatorio.	43
Confectio trochiscorum de rosis, sicut.	cod.
Confectio trochiscorum de rosis stomachum.	43
Confectio trochiscorum de sandalis.	47
Confectio trochiscorum de spodio.	45
Confectio trochiscorum de spodio cum semine acetosæ.	cod.
Confectio trochiscorum de terra sigillata.	46
Confectio trochiscorum diarhodon.	43
Confectio vnguenti sanantis vulnera.	62

### D

<b>D</b> ecoctio alhasce.	41
Decoctio capillorum Veneris.	40
Decoctio de eupatorio.	41
Decoctio de stichados.	cod.
Decoctio epithymi.	42
Decoctio fumi terræ.	41
Decoctio myrobalanorum.	cod.
Descriptio electuarij sarboteng.	2
Diacalamentum.	8
Diaehylon paruum.	64
Diacyminum bonum.	5
Diacyminum valens.	6
Diacostum.	11
Diacurcuma maior.	10
Diacurcuma minor.	cod.
Diaphinicon.	17
Dialacca magna.	10
Dialacca minor.	cod.
Diambra.	5

# INDEX

Diamoron.	10
Diamorusia.	cod.
Dianisum.	5
Diahorodon descriptione communi.	4
Diafracoft, descriptione Irani.	14
Diafulphur.	13
Diatrion pipereon.	6
E	
<b>E</b> lectuarium confortans stomachum.	11
Electuarium de aromatibus.	1
Electuarium defructibus.	7
Electuarium de gemmis.	1
Electuarium de granis myrti.	5
Electuarium de perficis.	7
Electuarium de pomis.	cod.
Electuarium de sorbis.	8
Electuarium elefcoth.	17
Electuarium indum minus.	16
Electuarium quo vtuntur reges.	7
Electuarium fecundum, quo vtuntur reges.	cod.
Emblici conditi.	21
Emplaſtrum aliud Andromachi.	65
Emplaſtrum aliud degallia.	cod.
Emplaſtrum Arabicum.	18
Emplaſtrum de allijs.	68
Emplaſtrum de fermento.	66
Emplaſtrum degallia.	64
Emplaſtrum de granis lauri.	cod.
Emplaſtrum de meliloto.	69
Emplaſtrum diachylon.	64
Emplaſtrum diachylon magnum.	cod.
Emplaſtrum diaphinicon confortatiuum.	67
Emplaſtrum diaphinicon descriptione Alexandri.	68
Emplaſtrum filij Zachariæ.	67
Emplaſtrum oribaſij.	68
Emplaſtrum oribaſij aliud.	69
Emplaſtrum relatum ad Andromachum.	65
Emplaſtrum relatum an Ariſtarcum.	68
Emplaſtrum ſinapiſmum.	66
Emplaſtrum ſtomachum & hepar confortans.	64
	Hiera

# RECEPTARIL

## H

<b>H</b> iera Archigenis descriptione Pauli.	14
Hiera diacoloquintidos inuentione Ruffi.	cod.
Hiera Hermetis.	13
Hiera inuentione nostra.	14
* Hiera piccra Galeni.	13
Hyfopi cerotum descriptione Philagrii.	57
Hyfopi cerotum descriptione Galeni.	56
Hyfopi cerotum descriptione Pauli.	57
Hyfopi cerotum diateffaron.	62

## I

<b>I</b> nfusio de hiera.	42
Infusio alia hieræ.	cod.
Infusio tertia hieræ.	cod.
Iuleb aliud rosarum.	27
Iuleb de succo rosarum.	cod.
Iuleb de succo violarum.	cod.
Iuleb iniubinum.	cod.

## L

<b>L</b> ohoc ad asthma bonum.	26
Lohoc ad caliditatem.	cod.
Lohoc aliud nostrum de intentione hac.	cod.
Lohoc bonum.	cod.
Lohoc de alfeſcera.	25
Lohoc de amygdalis.	26
Lohoc de papauere.	24
Lohoc de pino.	23
Lohoc de squilla.	25
Lohoc sanum & expertum.	cod.

## M

<b>M</b> el alchilil.	23
Mel buglossatum.	cod.
Mel rosatum.	cod.
Mel violatum.	cod.
Mistura ad vulnera sananda.	69
Mix omnes.	37
Modus conditi de Buglossa.	cod.
Modus conditi de citro.	36
Modus confectionis Alchanzi.	11
Modus confectionis alſcebram.	19

# INDEX

Modus confectiois de eupatorio.	cod
Modus confectiois de iacur.	24
Modus confectiois de moris.	25
Modus confectiois de succo corticum nucum.	cod.
Modus confectiois testiculi vulpis.	3
Modus electuarij de citro.	2
Modus electuarij de psyllio.	17
Modus electuarij rosati.	18
Modus infusionis aquæ casei.	40
Modus infusionis de succis herbarum.	41
Modus iuleb violati.	26
Modus operationis conditi de cytonijs.	38
Modus operationis iuleb rosati.	26
Modus oxymellis squillitici deradicibus.	39
Modus oxymellis squillitici virtuos.	cod
Modus secaniabin de calamento.	33
Modus secaniabin de cheifim.	cod.
Modus secaniabin de radicibus.	32.
Modus secaniabin solutione educentis flegma.	33
Modus secaniabin solutione educentis melancoliam.	cod.
Modus syrapi acetosi altereniabin.	30
Modus syrapi acetosi cum radicibus.	29
Modus syrapi acetosi de cytonijs.	30
Modus syrapi acetosi de pomis.	cod.
Modus syrapi acetosi de ponis descriptione nostra.	cod.
Modus syrapi acetosi de prunis.	cod.
Modus syrapi acetosi de succis herbarum.	29
Modus syrapi acetosi de succis, & aquis fructuum.	30
Modus syrapi acetosi de succis fructuum.	29
Modus syrapi acetosi solutione educentis coleram.	31

## O

Oleum alhasech.	77
Oleum anethinum.	74
Oleum chamæmillinum.	cod.
Oleum cossinum.	76
Oleum de alchanna.	cod.
Oleum de almahaleb.	71
Oleum de amygdalis amar.	70
Oleum de amygdalis dulcibus.	cod.
Oleum de auellanis.	71
Oleum	

# RECEPTARIIL

Oleum de balfamo.	72
Oleum de ben.	71
Oleum de carthamo.	cod.
Oleum de cheiri.	74
Oleum de cerasis.	71
Oleum de cherua.	cod.
Oleum de cinnamomo.	76
Oleum de cytonijs.	75
Oleum de chrysomilis.	71
Oleum de croco.	77
Oleum de cucumere afinino.	cod.
Oleum de cucurbita.	75
Oleum de enula.	cod.
Oleum de euphorbio.	78
Oleum de fifticis.	71
Oleum de frumento.	80
Oleum de gagate.	cod.
Oleum de granis citri, & citrangularum.	71
Oleum de granis papaueris.	72
Oleum de granis fefami.	cod.
Oleum de granis viridibus.	71
Oleum de iunipero.	80
Oleum de la ctuca.	75
Oleum de lilio.	74
Oleum de mandragora.	75
Oleum de meliloto.	75
Oleum de mezereon.	77
Oleum de myrto.	75
Oleum de nenuphare.	75
Oleum de nucẽ indica.	71
Oleum de nucibus.	cod.
Oleum de ouis.	79
Oleum de papauere.	74
Oleum de perficis.	71
Oleum de piperibus.	77
Oleum de pomis citranguLi.	78
Oleum de pomis iabrolæ.	75
Oleum de pulegio.	76
Oleum de ranis.	79
Oleum de ruta.	76

# INDEX

Oleum de fampfucho.	77
Oleum de fauina.	76
Oleum de fchino.	71
Oleum de fcorpionibus.	79
Oleum de femine la ctuæ.	72
Oleum de femine lini.	cod.
Oleum de feminibus cucurbitæ, citrulli, cucumeris, & melo- nis.	cod.
Oleum de ferpentibus.	79
Oleum de ftorace.	76
Oleum philofophorum.	80
Oleum fraxininum.	cod.
Oleum irinum.	74
Oleum laurinum.	71
Oleum malinum.	75
Oleum maflicinum.	76
Oleum myrtinum.	75
Oleum nardinum.	76
Oleum rofatum.	73
Oleum fambacinum.	74
Oleum fenapinum.	80
Oleum violatum.	74
Oleum vulpinum.	78
Operatio infufionis rofarum:& violarum.	27
Operatio hyfopi humidæ.	56
Oxymel fquiliticum, defcriptione Democriti.	39

## P

<b>P</b> Erfica condita.	21
Pilulæ ad febres antiquas.	51
Pilulæ ad omnes morbos catarrhi.	55
Pilulæ aggregatiuæ ex inuentione noftra.	50
Pilulæ aggregatiuæ maiores.	cod.
Pilulæ aggregatiuæ minores.	51
Pilulæ alandahal.	54
Pilulæ alandahal Hermetis.	52
Pilulæ alephanginz.	49
Pilulæ aureæ.	54
Pilulæ de agarico.	cod.
Pilulæ de alchechengi.	51
Pilulæ de bdellio ex inuentione noftra.	55
Pilulæ	

# RECEPTARII.

Pilulæ de bdellio maiores.	eod.
Pilulæ de bdellio minores.	eod.
Pilulæ de coloquintida.	eod.
Pilulæ de hermodactylis descriptione nostra.	55
Pilulæ de hermodactylis maiores.	eod.
Pilulæ de hermodactylis minores.	eod.
Pilulæ de euphorbio.	52
Pilulæ de eupatorio maiores.	51
Pilulæ de eupatorio minores.	eod.
Pilulæ de lapide armeno.	55
Pilulæ de lapide lazuli.	54
Pilulæ de mezereon.	53
Pilulæ de opopanace.	55
Pilulæ de raued.	52
Pilulæ de rheubarbaro.	52
Pilulæ de sarcocolla.	52
Pilulæ de Serapino.	52.& 55
Pilulæ de turbith.	54
Pilulæ de turbith alia.	eod.
Pilulæ diarhodon.	54
Pilulæ foetida maiores.	52
Pilulæ foetida minores.	eod.
Pilulæ Indæ quas scripsit Hali.	51
Pilulæ lucis maiores.	53
Pilulæ lucis minores.	eod.
Pilulæ quæ conferunt ad febres colericas.	54
Pilulæ febelligæ.	56
Pilulæ stomaticæ.	50.& 53
Pilulæ stomaticæ alia nostra.	54
Pyra condita.	21
Poma condita.	eod.
R	
R Ob de acetositate citri.	40
R Ob de acresta.	39
Rob de berberis.	eod.
Rob de cytonijs.	eod.
Rob de cornis.	39
Rob de fructibus.	04
Rob de fructibus aliud.	eod.
Rob de granis acetosis.	39
	Rob



# INDEX

Rob de moris descemi.	42
Rob de perficis.	40
Rob de pyris.	39
Rob de pomis.	cod.
Rob de prunis.	cod.
Rob de ribes.	39
Rob de fumach.	cod.
Rob myrtinum.	40

## S

<b>S</b> Agzenea experta.	12
Secacul conditum.	22
Sermo in aceto squillitico.	38
Sermo in aqua mellis.	32
Sermo in mellicrato condito.	36
Sermo in secaniabin puro.	32
Sermo in syrupo acetoso.	29
Syrupus acetosifatis citri.	28
Syrupus acetosus de succis herbarum cum aromatibus.	34
Syrupus acetosus diarhodon.	33
Syrupus albalach : vel albelach.	28
Syrupus alius acetosus.	30
Syrupus chetmes.	28
Syrupus conferens catarrhis.	31
Syrupus de absinthio.	34
Syrupus de absinthio alius.	cod.
Syrupus de acresta.	28
Syrupus de calamento.	36
Syrupus de calamento valens.	cod.
Syrupus de cannis zucchari.	31
Syrupus de cytonijs.	27
Syrupus de cortibus citri.	28
Syrupus de epithymo.	36
Syrupus de eupatorio.	cod.
Syrupus de fumo terræ maior.	34
Syrupus de fumo terræ minor.	36
Syrupus de granatis acetosis.	28
Syrupus de granatis dulcibus.	cod.
Syrupus de granis myrti.	28
Syrupus de hyssopo.	36
Syrupus de iuiubis.	31
Syrup	

# RECEPTARIIL

Syrupus de menta.	34
Syrupus de menta in uentione nostra.	eod.
Syrupus de papauere.	28. & 31
Syrupus de Perficis.	27
Syrupus de Pyris.	eod.
Syrupus de Pomis.	eod.
Syrupus de portulaca.	31
Syrupus de prafio.	35
Syrupus de Prunis.	28
Syrupus de ftichados.	36
Syrupus de succo acetofa.	27
Syrupus de succo cucurbitæ.	eod.
Syrupus de thymo.	35
Syrupus de violis.	31
Syrupus dinari.	29
Syrupus liquiritiæ.	35
Such alharif.	34
Suffuf ad tufsim antiquam.	49
Suffuf aromaticum.	eod.
Suffuf bonum impinguatium.	eod.
Suffuf de granis myrti.	eod.
Suffuf de ligno aloës.	48
Suffuf de ligno aloës aliud.	eod.
Suffuf diarrhodon.	40

## T

Theriaca diateffaron.	8
Triphera Galeni.	eod.
Triphera maior ex arte Fenonis.	eod.
Triphera minor descriptione cognita.	eod.
Triphera mufcata.	8
Triphera Perfica.	15
Triphera faracenicæ.	8
Trochifci de decem medicinis.	46
Trochifci omnes.	eod.

## V

Vnguentum alariet.	60
Vnguentum aliud palmeum.	69
Vnguentum alpsoricon.	62
Vnguentum arabicum.	57
Vnguentum arthanitæ magnum.	59
Vnguentum	


# INDEX

Vnguentum arthanithæ paruum.	cod.
Vnguentum aureum.	61
Vnguentum basilicon maius.	60
Vnguentum basilicon minus.	cod.
Vnguentum Casareos magnum.	59
Vnguentum Casareos paruum.	cod.
Vnguentum de bdellio.	61
Vnguentum de cerufa.	cod.
Vnguentum delino.	59
Vnguentum de papauere.	60
Vnguentum diaphinicon, conferens.	57
Vnguentum diaphinicon descriptione arabica.	cod.
Vnguentum ægyptiacum, magnum.	61
Vnguentum expertum ad scabiem.	70
Vnguentum Philagrij.	61
Vnguentum mirabile relatum ad Nicodemum.	58
Vnguentum Nicodemi aliud.	cod.
Vnguentum palmeum.	69
Vnguentum rosatum.	60
Vnguentum syricinum.	61
Vnguentum tripharmacum : faciens.	62
Vnguentum tripharmacum aliud.	cod.
Vnguentum valens similiter.	61
Vnguentum violatum.	60

## Z

<b>Z</b> inziber conditum.	22
Zuccharum alchilil.	23
Zuccharum buglossatum.	cod.
Zuccharum rosatum.	22
Zuccharum violatum.	23

INDICIS RECEPTARII,  
FINIS.



LVGDVNI,  
EXCVDEBANT IOANNES ET  
FRANCISCVS FRELLO-  
NII, FRATRES.

ANNO M. D. XLV.